

\*

Chr.  
Nov 11

8.41.B.13

53

C.V.N.4-

<input checked="" type="checkbox"/>	NAZIONALE	<input checked="" type="checkbox"/>
R. BIBLIOTECA	8	CENTRALE V. E. II
	41 B	
	13	
	OMA	<input checked="" type="checkbox"/>

H  
36



8-41-B-13

11  
v  
re





15

CAROLUS M.

ROMANORVM IMPERATOR, 8

ET

FRANCORVM REX, 41-B

ROMANO-CATHOLICVS, 16

LIBRIS IV.

EXPLICATVS, ET VINDICATVS,


*Adversus*

Christianum Nifanum, Lutherani Bilsfeldiae Praedicantem,  
& Superintendent. ceterosq; horum temporum heterodoxos.

*Accessit Labyrinthus Praedicantium, oppositus libello ejusdem Nifanii  
de Veritate Lutherana Ecclesia.*

AUCTORE

*Magistro Sclero, S. J. Secundo.*



N E U H U S I I,

Imprimebat JOANNES TODT, Typographus Aulicus  
suae Cellitudinis Paderbornensis.

MDCCLXXIV.

Augustinus de vera Religione cap.6.

*Ecclesia Catholica, per totum Orbem validè, latèque diffusa, omnibus errantibus utitur ad profectus suos, & ad eorum correctionem, cum evigilare voluerint: Utitur enim Gentibus ad materiam operationis suæ, Hæreticis ad probationem doctrinæ suæ, Schismaticis ad documentum stabilitatis suæ, Judæis ad comparationem pulchritudinis suæ. Alios ergo invitat, alios excludit, alios relinquit, alios antecedit; omnibus tamen gratia Dei participanda dat potestatem.*

Tertullianus lib. de Præscript.

*Hæretici Scripturas obtinent, & hac ipsa audacia quosdam movent: in ipso verò congressu, firmos quidem fatigant, infirmos capiunt, medios cum scrupulo dimittunt.*



*Reverendissimo et Celsissimo Principi*

**F E R D I N A N D O,**  
EPISCOPO PADERBORNENSI,  
COADJUTORI MONASTERIENSI,  
**S. R. I. P R I N C I P I,**  
COMITI PYRMONTANO,  
LIBERO BARONI  
**D E F V R S T E N B E R G.**

FELICITATEM

*Nicolaus Schaten Societatis Jesu.*



Isto Tibi, *CELSISSIME PRINCEPS,*  
CAROLUM MAGNUM, liberatum à calu-  
mnijs; sisto Catholicam Religionem vindica-  
tam ab injurijs. Utrumq; non aliter, quàm ju-  
stæ, & provocatæ defensionis scripto. Ausus  
est enim ex adversâ religione Lutheranus Prædicans, sparso in  
vulgus libro, palàm asserere, multisque velle probare, *Carolus*

a 2

*Magnum*

## D E D I C A T I O.

*Magnum* Imperatorem, conditoremque primorum per Saxoniam Episcopatum, (quos inter Tuus ille Paderbornensis cum primis est illustris,) non fuisse unquam ex integro Romano-Catholicum, sed in quàm plurimis Religionis suæ dogmatibus Lutheranum. Id quidem scriptioni ejus tanquam palmare argumentum prætenditur, verum ultrà progressus, grassatusque per omnes propè religionis controversias, insanè contendit, non modò Episcopos, & Pastores Catholicos, qui Carolum M. consecuti sunt, à doctrina Apostolica ad impios, ac nefandos errores, cum toto populo deservisse; sed & ipsum Carolum Magnum, dum fana & idola subverteret in Saxonia, simul cum Papistis, (ut nos vocat) ad novum superstitionis, & sacrilegum adèd idololatriæ cultum traduxisse Saxones, ac majores nostros. Quo equidem haud scio, quid aut contumeliosius in Carolum, aut iniquius in nos dici, scribi que potuerit. Is Adversarij liber jactanter à suis exceptus, quantum religioni nostræ, tantum animis nostris vulnus impressit: tanquam non satis sit bona Catholicæ Ecclesiæ, ex quibus cum uxoribus & liberis vivunt, intervertisse, populumque, qui antiquitus à Carolo Magno jurisdictioni sacræ Paderbornensis Episcopi est assertus, subtraxisse, nisi ex suis etiam erroribus & maledicendi licentiâ nobis insultent. Sed habent hanc illi declamandi apud populum, scribendi que libertatem, quæ nobis esse debet defendendi necessitas, ne approbata à nobis crederent, quæ non essent confutata, & silentium in consensum ducerent. Qua in re, ne quid Catholicæ Religionis nomen veritasque pateretur, magna Tibi pro vigilantis Episcopi munere sollicitudo fuit, mihi que hanc refellendi operam commisisti, hortatorque fuisti, ut dum Carolinam historiam tractaremus, seponerem ea, quæ ad hunc adversarium confutandum

face-



# D E D I C A T I O.

facerent. Quod cum ego pro ingenij mei tenuitate susceperim, perfeccerimque; cui potius, quam Tibi, qui mihi auctor, adiutorque fuisti, hosce libros dedicarem? Satis hæc esse poterant, ut sub Tuo iudicio, & patrocinio collocarem: sed aliæ mihi, ac duæ cum primis graviore, potioresque sunt causæ.

Quarum prima, ac facile princeps se mihi, ex sublimi in Ecclesia, divinoque Episcoporum munere, obtulit. Sunt enim Episcopi Apostolorum successores, quemadmodum Sacerdotes ex inferiori gradu locum discipulorum Christi tenent. Sunt Rectores Ecclesiarum suarum, quos *Spiritus sanctus posuit regere Ecclesiam Dei, quam acquisivit Sanguine suo.* Sunt Patres filiorum suorum. Præclare D. Augustinus: *Genuerunt te Apostoli, ipsi missi sunt, ipsi prædicaverunt, ipsi Patres. Sed nunquid corporaliter nobiscum semper esse potuerunt? nunquid usque ad hoc tempus, nunquid usque in posterum? ergo illorum abscessu deserta est Ecclesia? absit. Pro patribus tuis nati sunt tibi filij. Quid est, pro patribus tuis nati tibi sunt filij? Patres missi sunt Apostoli, pro Apostolis filij nati sunt, constituti sunt Episcopi. Hodie enim Episcopi, qui sunt per totum mundum, unde nati sunt? ipsa Ecclesia patres illos appellat, ipsa illos genuit, & ipsa illos constituit in sedibus Patrum. Ipsa fecit illos Pastores, & Doctores populorum. Pauli id voce clarum est: Deus dedit quosdam Apostolos, quosdam verò Prophetas, alios Evangelistas, alios Doctores, & Pastores in adificationem corporis Christi, in consummationem sanctorum.* Id quod jam ante oraculo Jeremiæ promissum: *Dabo vobis Pastores secundum cor meum, & pascunt vos scientiâ & doctrinâ.* Et quia pastores, etiam custodes gregis sui sunt, ne quam ovem lupo rapiat: *Ipsi enim per vigilant, quasi rationem pro animabus vestris reddituri.* Hinc Augustino teste, *altior locus positus est Episcopis in Ecclesia, ut vinitori in vinea, considentque in throno suo, ut ipsi superintendant.*

# DEDICATIO.

*dant, tanquam qui populum custodiunt.* Demum Episcopi, (ut cætera gloriosa honoris, ac muneris nomina prætermittam) sunt cognitores, & supremi iudices in Ecclesia, ad quorum tribunal, & iudicium omnes religionis controversiæ, causæque Ecclesiasticæ deferuntur. Quemadmodum ex Apostolorum instituto & exemplo, in omnibus Concilijs controversiæ fidei ad eorum iudicium delatæ sunt, ijque omnes & soli iudices in Concilijs Occumenicis subscripserunt; sicuti ad eos Reges & Imperatores hæc detulerunt, eorumque iudicio se ipsos submitterunt. Quod cum ex omni antiquitatis memoria, & omnium ætatum Concilijs, tum Caroli cum primis Magni iudicio factoque assertum est. Quapropter Capitularium lib. 5. Constantinum Magnum secutus introducit: *Illud enim, inquit, nobis ad exemplum reducendum est, quod in Ecclesiastica historia Constantinus Imperator Episcopis respondit: Deus constituit vos Sacerdotes, & potestatem vobis dedit, de nobis quoque iudicandi, & ideo nos à vobis rectè iudicamur; vos autem non potestis ab hominibus iudicari: propter quod Dei solius inter vos expectate iudicium. Vos etenim nobis à Deo dati estis dij, & conveniens non est, ut homo iudicet deos, sed ille solus, de quo scriptum est: Deus stetit in synagoga deorum, in medio autem deos discernit.* Et quæ unquam causa religionis oblata Carolo Magno, quam non vel ad Romani Pontificis, vel ad Episcoporum in Concilio iudicium retulerit? aut quæ Synodus Carolina, quas quotannis celebrabat, cui non Episcopos, Abbates, & Comites, Regnique proceres in tres classes distributos, interesse voluerit? Haud alio Regum Francorum instituto, quàm ut Episcopi ea, quæ ad formandum Clerum, causasque religionis, Abbates quæ ad Monachorum disciplinam, Comites quæ ad populi mores legesque poscebantur, mixtâ Synodorum ratione pertractarent, deciderent.

## D E D I C A T I O.

derentque. Quemadmodum hæc Patres in Concilio Moguntino exponunt. Quamquam & longè conspectior apud Carolum Episcoporum auctoritas, æstimatioque sapientiæ, quos Theodosij M. exemplo, & regum Francorum instituto, etiam civilium causarum iudices renuntiavit, eamque quam Theodosius M. legem sanxerat per imperium ad interrogata Ablavij Ducis, Carolus in regno Franciæ sancitam voluit : Nimirum ut liberæ omnibus essent appellationes ad Episcoporum tribunal : Atque ut *omnes causa, quæ vel Prætorio jure, vel civili tractantur, Episcoporum sententijs terminata, perpetuo stabilitatis jure firmantur. Nec liceat ulterius retractare negotium, quod Episcoporum sententia deciderit. Testimonium etiam, ab uno licet Episcopo perhibitum, omnes iudices indubitanter accipiant. Nec aliud audiat, cum testimonium Episcopi à qualibet parte fuerit repromissum. Illud est enim veritatis auctoritate firmatum, illud incorruptum, quod à sacrosancto homine conscientia mentis inlibata protulerit.* Lib. 6. Capit. tit. 28 2. Et quæ non in hanc rem Theodosius, & Carolus religiosissimi Imperatores, Episcoporum auctoritati, venerationi, iudicioque detulerunt ? aut quam non partem muneris sui Carolus Magnus in administrando regno imperioque Episcopis commisit ? Quid enim frequentius in Carolinis legibus, quàm ut Episcopi & Comites justitiam ex hoc præscripto administrarent ? Universim Carolus suum de Episcopis iudicium ex D. Prospero complexus, lib. 5. Capitularium : *Illi, inquit, per Dei gratiam sunt divina voluntatis iudices, Ecclesiarum Christi post Apostolos fundatores, fidelis populi duces, veritatis assertores, prævia doctrina hostes, omnibus bonis amabiles, & malè sibi conscijs ipso etiam visu terribiles, vindices oppressorum, Patres in fide Catholica regeneratorum, prædicatores celestium præmiorum, exempla bonorum, documenta virtutum, & forma fidelium.*

## D E D I C A T I O.

*delium. Ipsi sunt decus Ecclesia, in quibus fulget Ecclesia; ipsi columnæ firmissimæ, quibus in Christo fundatis innotitur omnis credentium multitudo: ipsi sunt janua civitatis æternæ, per quas omnes qui credunt ingrediuntur ad Christum: ipsi janitores, quibus claves data sunt regni calorum, ipsi dispensatores regia domus, quorum arbitrio dividuntur in aula regis æterni gradus & officia singulorum.* Hæc Carolus, & ante eum Constantinus, & Theodosius Magni Imperatores, unaque SS. Patres de Episcopis, quorum ne nomen quidem adversarij in sua religione ferre possunt. At cum ego hæc mecum expenderem, videremque Te, Celsissime Princeps, in hoc fulgentissimo Episcoporum ordine, omnibus Episcopi ornamentis, virtutumque splendore Antistitem longè conspicuum, ad quem potius in hac Religionis controversia appellarem, quàm ad Te? quem & Judicem æquum, & defensorem fidum, & patronum optimum habiturus essem, quando omnia in te magna, summaque, quæ in Principe, & Episcopo desideres, omnium doctrinarum & virtutum certamine concurrunt, ut divino prorsus munere huic sedi Carolinæ, & hac cum primis tempestate destinatus, datusque Episcopus videri debeas. Habent hoc magni & illustres aliquando futuri in Ecclesia Præsules, ut à primis adolescentiæ annis Dei provisu deligantur, ejusque ductu, per destinatas providentiæ vias, ad sublime hoc in Ecclesia Christi munus perveniant. Ætatem si Tecum remetiariis à puero, quàm non hæc plena beneficijs cælestibus, & prælagijs etiam, si tua hæc modestia referre pateretur? Traductus à Parente, Archisatrapâ Ducatus Westfalix, prisca Nobilitatis, familiæque Furstenbergicæ Barone, Bilstenij, ac Waldenburgij Dynastâ, unâ cum fratribus à teneris annis ad humaniora studia, quæ tam expedito ad liberales artes omnes ingenio, quàm eminenti semper laude

# DEDICATIO.

de inter Tuos comprehendisti : posita nimirum tunc illa sunt fundamenta politioris literaturæ , quibus nominis Tui fama per Germaniam, Italiam, Galliam, Britanniam, Daniam, Sueciam, & Belgium, inter doctissimos hujus sæculi viros inclaruit. Quid enim illa erudita Poëmata Tua, toties inter *Illustres Poëtas* typis vulgata? Quid *Monumentorum Paderbornensium inscriptiones*, ex veteri Poëtarum vena? Quid ipsa Monumenta Paderbornensia, omnium antiquitatum, & rerum per Westfaliam gestarum compendium? Tuo hæc ingenio elaborata, tuo labore parata, tam ad plausum, quàm admirationem denuò aucta, & in lucem data, illustriora sunt ex maturioribus scientijs. Nam postquam Paderbornæ, & Monasterij Philosophiam, Coloniae Theologiam, & Jus civile complexus, simulque in familiaritatem *Fabij Chisij*, qui tum ad Rhenum Legati Apostolici munere fungebatur, ingenij & doctrinæ commendatione venisti; atque ille haud multo post Cardinalis est renuntiatus, Romam te evocavit, & in consorrium, doctorumque Virorum academiam introduxit: tum verò exsertum illud ingenium tuum Italici supra consuetudinem Germanorum probari extollique cœpit. Post ubi *Chisius* Pontifex Maximus *Alexandri VII.* nomine creatus est, Te in aulam suam adscivit, interque intimæ admissionis Cubicularios suos habuit. Ita verò dum per novem annos Romæ in arce illa sapientiæ, & theatro orbis Christiani versatus es, quantam non juris Canonici scientiam, quantam non rerum Ecclesiasticarum peritiam, usumque Tibi comparasti? ubi vel ipsum *Alexandrum* Pontificem, virum sapientissimum, & in omni genere scientiarum eruditissimum, quotidie differentem audire, omnium instar Professorum, Doctorumque esse potuit. Ob hanc virtutis doctrinæque æstimationem, Romæ absens à Tuis electus

b

Episco-

# D E D I C A T I O.

Episcopus, & Princeps Imperij; Episcopatum juxta & Principatum, undique alienæ religionis potentia incinctum, ita in duodecimum annum administras, ut Te non minus in Principe, quàm in Episcopo Patrem Patriæ amplectantur Tui. Testis hæc ipsa imperij Tui felicitas, quæ in concordia Ordinum, publicæ pacis studio, vicinorum Principum amicitia, suavitate gubernationis, defensione Catholicæ religionis, templis ædificatis, instauratis, doratis, & ornatis, Cœnobiolorum fundatione, disciplina Cleri, populiq; Tuorum amore, & quod omnium caput est, integritate vitæ virtutumq; æstimatione conspecta est: ut vel eò sidus prudentum & literatorum Principum, decus integerrimorum Episcoporum, & forma gregis ex animo aspiciaris: quæ nisi concurrant, plus sape toge, quàm lorica laeserunt Rempublicam, ex Tertulliani judicio. Provocavit olim D. Augustinus lib. 2. cont. Julian. pro veritate religionis, ad doctrinam & vitam Episcoporum, qui aut sese antecesserant, aut cum eo celebres vivebant: *Quid tu, inquit, iudices quaris, ut causam tuam purges? ubi tot sanctos Doctores egregios, atque memorabiles Catholica veritatis habes defensores, Irenæum, Cyprianum, Reticium, Olympium, Hilarium, Gregorium Nazianzenum, & Nyssenum, Ambrosium, Basilium, Joannem Chrysostomum, Innocentium, Hieronymum, ceterosque? quorum auctoritate ita fides defenditur, contra vos Pelagianos, sicut contra impios & Christi professos inimicos, ipsum defenditur Evangelium. Isti enim Episcopi sunt docti, graves, sancti, veritatis acerrimi defensores adversus garrulas vanitates; quod invenerunt in Ecclesia tenuerunt, quod didicerunt docuerunt, quod à Patribus acceperunt, hoc tradiderunt: nondum vobiscum apud vos iudices aliquid agebamus, & apud eos acta est causa. Dammati nimirum eorum scriptis, antequam nati erant Pelagiani, Donatista, & Manichei.*  
 Quemad-

# D E D I C A T I O.

Quemadmodum hæc multis contendit Augustinus adversus *Julianum*, Pelagianæ factionis hominem. Hunc in modum nos primum provocamus ad *DD. Willibrordum, Suibertum, & duodecim illos Apostolicos viros ex Anglia submissos, ad DD. Bonifacium, Burchardum, Wigbertum, Sturmionem, Ludgerum*, magnos illos Gentium Doctores, per quos *Frisia*, vicinæque trans Rhenum provinciæ, Carolo Martello, & Pipino rege, Caroli Magni avo, & patre, barbari harum regionum populi excoli, & religio Christiana disseminari cœpit, sanguine etiam Sacerdotum & Martyrum irrigata. Provocamus deinde ad omnes Episcopos, quos Carolus Magnus debellatis gentibus Saxoniz primum imposuit, & qui eos professione, & defensione ejusdem Catholicæ fidei, usq; ad Lutherum, per non interruptam successionem, consecuti sunt Episcopi. Nimirum quotquot retro legendo, in Osnabrugensi Ecclesia, ad *D. Wihonem*; in Bremenensi, ad *D. Willehadum, Ansgarium, & Rembertum*; in Monasteriensi, ad *D. Ludgerum, Gerfridum, & Alfridum*; in Halberstadiensi, ad *D. Hildegrium*, *D. Ludgeri fratrem, Thiatgrimum, Haymonem, & Hildegrium II.* In Mindenensi, ad *Hercumbertum*; in Verdenensi, ad *Suibertum*, magni illius Suiberti confanguineum; in Hildesimensi, ad *Guntherum*; in Paderbornensi nostra Ecclesia, ad *Hathumarum, & Baduradam*, quos Carolus Magnus ex nobilitate Saxonica obsides acceptos, *D. Burchardo Herbipolensium* Episcopo, in Christi religione excolendos transmisserat. Inde illi ex collegiis Canonicorum remissi ad Gentem suam, famâque sanctitatis conspicui, populos hujus diœcesis Christianas leges docuerunt. In hac Episcoporum Paderbornensium serie & successionem, à Carolo Magno deductâ, post cæteros, immortali diœcesis hujus memoriâ, celebramus *Theodorum* magnum Patrum Tuum, à quo urbs ex-

*Lib. 2.  
lib. 4.  
cont. Pel.  
lag. 2.  
Epist.*

## D E D I C A T I O.

pugnata, rebellium factio extincta, & diœcesis à novatorum erroribus perpurcata est. Ex hac fundatissima Furstenbergica familia, Te *Ferdinandum* Episcopum, Patruï magni gubernandi prudentiæ, zelo religionis, meritis in patriam, & gloriæ vestigijs inhærentem, numeramus: ad quem mihi contra adversarium vel hoc ipso nomine provocandum, quoddam intra sacræ jurisdictionis Tuæ limites, antiquitus à Carolo Magno descriptos, *Superintendentem* sese, hoc est, *pseudo-Episcopum*, ferre audeat. Vetus quidem *Bilsfeldia* locus, ubi hoc ille sibi munus sumpsit, quem D. Suibertus Carolo Martello Principe Evangelij causâ adiit, & miraculo, doctrinâque illustravit, multis tum etiam ab idolorum cultu ad Christi fidem adductis: quemadmodum hæc à D. Marcellino ejus collegâ, & adjutore Sacerdote perscripta sunt. Sed nec D. Suibertus Lutheranam unquam doctrinam istic tradidit, nec Carolus Magnus istic, nec ullus Cæsarum ex Pontificis auctoritate, unquam Episcopi sedem constituit, nec ullus eò loci Episcopus confedit: ut jam extra dubitationem omnem de Nisano dixeris, quod Cyprianus de Novatiano ad Magnum scripsit: *Novatianus in Ecclesia non est, neque Episcopus computari potest, qui Apostolicâ traditione contemptâ, nemini succedens, à se ipso ordinatus est: aut quomodo pastor haberi potest, qui manente vero pastore, nemini unquam Episcopo ejus loci successit? O pastor & idolum*, inquit Vates sacer, qui vero etiam Pastori, ex hæreseos suæ scriptis insultare audet!

Hæc prima mihi ex Episcopi munere causa, cur hoc responsum meum justæ defensionis, ad tuum judicium, tutelamque deferrem. Altera mihi ex illustribus tuis scriptis, ac *Monumentis Paderbornensibus* oblata, quibus Tu Francorum res gestas per Westfaliam, & Saxoniam, omnemque antiquitatis  
crudi-



## D E D I C A T I O.

eruditionem complexus, Carolum Magnum domitorem Saxoniz, & Episcopatum primorum conditorem introduxisti, multisque ex omni Annalium memoriâ ostendisti, non aliam à Carolo Magno religionem, quàm Catholicam per Episcopos, Sacerdotes, Monachos, & Apostolicos viros ab eo evocatos, esse traditam doctamque: qualem exinde per omnes ad Lutherum ætates Saxonia coluit. At quâ nunc fide hæc à Te scripta, aut quâ veritate hæc à Te asserta credi poterunt, si Carolum Magnum partim Catholicum, partim Lutheranum fallacissimo huic scriptori, ex falsissimo scriptionis argumento permittamus: mixturamque illam religionis, quæ cum Luthe-ro primùm cœpit, Carolo Magno adscribi patiamur? nec hic alius relinquitur stultitiæ error, aut dementandi homines licentia, quàm ut ex alia quavis secta quilibet, Carolum Magnum suæ sectæ vendicet. Ac ne de Romana religione controversia sit, Carolus Magnus quater Romam profectus, Saxoniam primùm Christo, & S. Petro obtulit, omniaque in ordinando religionis negotio, ex Hadriani, & Leonis Pontificum auctoritate, & consilio egit, ipsumque Leonem Pontificem Paderbornæ ad se venientem, honorificentissimè excepit, ac postquam hic apud nos altare D. Stephano, & in monte Martis Ecclesiam D. Petro consecrasset, circumductus est à Carolo per has Saxoniz regiones, ad exornandam confirmandamque religionem Christianam, qualem Carolus Magnus ex Hadriani Pontificis præscripto invexerat. Hæc aliaque præclara in Tuis Monumentis eruditè, vereque perscripta leguntur, ut aut Te verum Episcopum nostrum, aut hunc ex nova Lutheri institutione maritum, ac pseudo-Episcopum, nos fallere necesse sit. Pari fide laborabit historia nostra Carolina, quæ secundum Tua Monumenta, per res gestas Caroli Magni in

## D E D I C A T I O.

Saxonia contexta est, magnamque partem complectitur Romanæ religionis cultum, per Carolum & Episcopos introductum, Episcoporum labores, vitæ sanctimoniam, miracula, religionis sacra, Synodos, Leges, donationes, Sacerdotia; & cœnobita condita, Cleri, & Monachorum institutum, moresque, & quicquid Catholicam, & avitam Majorum religionem, pietatemque spirare potest. Quæ omnia ut nos ex sacra Majorum hereditate possidemus, ita apud illos hæresis hujus sæculi pervertit, & evertit. Contrà hic fructus simul propositus, ut quæ in historiæ narratione exponi non poterant, his de Carolo libris illustrata plenius cognoscantur, & si cui lubeat, etiam tanquam historiæ quædam præludia accipiantur. Poterant quidem hæc, quæ de Carolo pertractavimus, paucis dici, & suâ brevitate incingi, verùm quia adversarius tam multis Carolum Magnum Lutheranæ religioni obnoxium fecit, digressusque est in tot fidei controversias, per singula, quæ movit, paulo prolixius eundum fuit. Patere nunc, hoc qualecunque responsum cum tot libris, qui Tibi quorannis undique, tanquam Mæcenati, & doctissimo hujus sæculi Principi, ac Præsuli Germaniæ dicantur, in sinum patrociniæ Tui & benevolentiae deponi: nec aliud in his votum est meum, omniumque Tuorum, quàm ut Te Deus Gregi Tuo quàm diutissime superstitem, & quàm felicissime sospitem esse velit. Neuhusij, prid. Kal. Martias, Anno M DC LXXIV.

PRÆFA-

# PRÆFATIO

## AD LECTOREM.

**P**aucis te benevole Lector convenire, & scriptio-  
nis hujus cau-  
sam, rationemque exponere, necesse habeo. Scripseramus res  
gestas Romanorum, & Francorum per Westfaliam, ad for-  
mam, & institutum, quo Monumenta Paderbornensia, à FERDI-  
NANDO Principe & Episcopo Paderbornensi, in lucem sunt data,  
versabamurq; in Carolo M. cā tertiā hystoriae parte Saxoniam Chri-  
stianam daturi, expositurique, quibus Caroli M. bellis, & laboribus  
barbari Saxonia populi perdomiti, & à superstitione inanum deo-  
rum ad veram Christi fidem perducti sint. Cum ecce nobis offertur  
importunum, & insolens scriptum, grandi satis libro contextum,  
quo scriptor probare contendit, Carolum M. non fuisse ex integro  
Romano-Catholicum, sed in plerisque fidei capitibus eam religio-  
nem coluisse, & in Saxoniam antiquitus introduxisse, quam post Lu-  
therum, & Augustanam confessionem, modò Lutherani ex Lutheri  
doctrina profitentur. Libri inscriptio hac est: Ostensio historico-  
theologica, quòd Carolus M. in quàm plurimis fidei articu-  
lis non fuerit formaliter Papista. Et quod inde toto libro inferre  
contendit: in quàm plurimis articulis fuisse Lutheranum. Vana  
falsaq; promissio, nec aliud, quàm novum, & inauditum hactenus  
paradoxon, non modò contra communem rectè sentientium opinio-  
nem, sed contra omnium etiam scriptorum, & sapientum judicium,  
contraq; omnem hystoriae veritatem: quod falsitatis crimen, hoc potis-  
simum nostro responso diluendum suscepimus. Auct̃or libri Christianus  
Nifanius gente Danus, Lutheranus Bilsfeldia Prædicans, & ut  
multis se inscribit titulis, SS. Theologiæ Licentiat̃us, Superin-  
tendens,

# P R Æ F A T I O

tendens, & Consistorialis Ravensbergicus. *Hos ego magnificos fateor titulos præferre non possum, qui inter simplices me, & indignos Sacerdotes numero. Liber ejus in quatuordecim titulos, seu tractatus est digestus, sed opere prorsus tumultuario, & confuso, ut quisquis pervolverit, judicabit: quemadmodum Tertullianus lib. de Resurr. verè scripsit: Hæretici, conscientiam infirmitatis, nunquam ordinatè tractant. Atque ego cum hunc auctoris librum perlegerem, credebam me forum aliquod scrutarium ingredi, in quo omnis generis antiquæ, obsoletæ, attritæ, & rancidæ veteramentorum merces exponerentur venum. Vidi nimirum, præter hoc de Carolo paradoxon, nihil ab eo proferri in medium, quod non ab alijs heterodoxis scriptoribus, adversus Catholicos sit prolatum & à centum jam annis, à centum scriptoribus confutatum, explosumque: ut totus hic liber nil nisi rapsodia videri possit, quam ex Chamiero, Kemnitio, Joanne Gerhardi, Dorscheo, aliisque contraxit, prorsus, ut Ioannes Gerhardi confusos illos tomos, & chaos controversiarum consarcinavit, à quo tumultuarium hunc scribendi genium induit. Et quis scribendi apud illos ordo, à quibus omnis in Ecclesia ordo turbatus est? Nullum his discrimen, siue ex Lutheranis suis, siue ex Calvinistis, siue ex Zwinglianis, & Sacramentarijs, siue ex Puritanis in Anglia, siue ex Trinitarijs in Transylvania & Vngaria, siue ex alijs quibuscunque sectarijs, dogmata sua in speciem aliquam confirment, dummodo ex his Catholicos oppugnent. Quod & D. Augustinus in præf. hæreticis observavit: Opinio, inquit, diversa, vanitas una est; & quamlibet etiam opinionum varietate discordent, simili tamen vanitate colligantur: quemadmodum Samson caudas vulpium colligavit; quæ licet capitibus aliò, atque aliò aversa, caudæ tamen in unum incendium Catholica messis colligatæ sint. Et quid vobis Catholica Ecclesia fecit? vera illa & pia, & casta mater, quæ majores vestros per unum Catholicum baptismum nobiscum regeneravit,*

vit, & à Carolo M. tot seculis, in uno pane & lacte aluit? Ac licet hi scriptores, etiam Catholicorum auctores magno numero introducant, id tamen non aliter faciunt, nisi ubi aut obscuri sunt, aut diversa tractant, aut diversis inter se sententijs intra Theologie limites disceptant, quæ adversarij novâ fraude ita obtrudunt, quasi de fidei dogmatibus Catholici inter se dissentiant. Hac novâ arte firmaverunt sibi sermonem nequam, quâ imperitos decipiunt, vulpium instar, inquit *Augustinus*, jacentium in cavernosis anfractibus. Hinc magno scriptorum heterodoxorum, & Orthodoxorum agmine prodit Nisanius, quos si eminus conspicias formidabilis exercitus se objicit; cominus si introspicias, non nisi vitrea argumentorum acies est, ut *Augustinus* in *Julianum* scripsit. Pretendit argumentum, quasi auctor in uno Carolo M. perstiturus sit, nec ultra propositam questionem exiturus, interim per omnes fidei controversias grassatur. Quare & hominem sequi necesse fuit, ac cetera simul refellere. Visum quidem nonnullis, satis esse, sit tantum Carolus M. vindicaretur: verum alijs magis probatum, integram confutationem dare; ne quantum in uno victores, tantum in altero victi ex silentio argueremur. Spondet præterea auctor in fronte libri modestiam scribendi, cum totus liber non nisi una calumniarum catena videri possit: adeo in Ecclesiam Catholicam, in Pontifices, in Episcopos, Sacerdotes, Clericos, Monachos, Jesuitas, omniaque Catholicorum dogmata, ac sacra debacchatur. Atque ut omne maledicentia virus effundat, non modo Catholicos multiplicis apostasie ab Apostolorum doctrina, sed & peculiari tractatu in Capita digesto, Angelolatriæ, Hagiolatriæ, Iconolatriæ, Lipsanolatriæ, Mariolatriæ, Artolatriæ, omnisq; quam fingere potuit idololatriæ, reos nos facit. Ut jam nulla secta in Europa, isthoc Dano judice, & scriptore sit sædior, ac detestabilior, quam Catholica religio, quam identidem Papisticam vocat. Hæc illa modestia, quam veste ovina præfert. Nimirum ut

Psal. 63.

# P R Æ F A T I O

*Spartanus Rex ex politicorum ingenio, ὅπως ἡ λεοντὴ μὴ ἐφικνέται καὶ  
καὶ ἀλωπεκὴν προσπατεῖν. Vbi leonina non pertingit, oportet vul-  
pinam assuere. Atque his tam nefandis erroribus, non modo Carolum  
M. sed omnes inde Imperatores, Reges, Duces, Principes, Comites,  
Nobiles, omnemque Clerum, & populum Christianum, ac Majores  
nostros obnoxios facit, donec à Luthero, si dijs placer, illa superstitio-  
num, & idolomanie cæcitas detecta, & nova evangelij luce perfusa  
sit. Ausus etiam non obscure perstringere Principem & Episcopum  
nostrum Paderbornensem, quod is pro vigili pastoris cura, bucci-  
natori è rusticana plebe, biblia hæresi infecta subtraxerit. Tanquam  
serò è Dania, & Aquilonis plagâ illâ, unde omne malum pandi-  
tur, plebejus aliquis Prædicans, & Prædicantis filius evocandus, qui  
Episcopos Saxonia, & Germanie doceat. Quanta infania! An à  
vobis verbum Dei processit: aut in vos solos pervenit? Vt non  
prius per Carolum M. & primos Episcopos ad Saxones, & jam ante  
per Christi discipulos, Treviros, Moguntiam, & Coloniam per-  
venerit, atque inde per Apostolicos viros, & sanctissimos Episcopos  
totâ Germaniâ disseminatum non sit? Quemadmodum suo etiam  
ævo D. Irenæus inter orbis Ecclesias, eas percenset, quæ in Germania  
erant Christi religione illustrata. Hujus igitur adversarii librum,  
quo non modo Catholica Ecclesiæ, sed historiæ etiam Carolinæ nostræ  
veritas oppugnatur, refellendum suscepimus, intermissâ tantisper cæ-  
ptâ historiæ scriptiōe: memores ænopole cujusdam, qui cum vinum  
promeret in cella, & uxor, quam habebat domirixosam Xantippen,  
tumultuaretur in culina jurgijs, & maledictis: ipse relicto epistolio,  
arreptoque fuste compefcuit mulierem. rogatus post à suis, cur interea  
damno suo passus fuisset vinum effluere? respondit: alterum fuisse  
prius necessarium. Ita nobis hic Prædicans occurrit primum corrigen-  
dus, prorsus ut D. Epiphanius scripsit: Omnis hæresis prava est  
mulier, qualites ex litibus quarit, & ferit. Nos hic in quiete, &  
bona*

1. Cor.

14.

Epiph. de  
Colyr.

bona pace viximus hæcenus cum Lutheranis, & Reformatis, nec scripto laceffentes alios, nec laceffiti ab alijs, cum hic provocator insurgit, & tam contumelioso scripto exagitat Catholicos, nullum propè ut libri folium sit, in quo non tot calumnia, quot fallaciæ, tot scommata, quot mendacia. citius ut in navi lignum desideres, quàm convicium in ejus scriptis: in quibus tamen nihil præter ἀνομιὰν καὶ ἀνομίαν legas. Vicunque hæc dissimulare possemus, qui ejusmodi jam assueti sumus pati per innocentiam: quia tamen insultant Lutherani, & cum probro silentij nostri, responsionem exigunt; causa hæc religionis nostra suscipienda fuit: tanto æquius, quanto sapientius monuit nos Cælestinus Romanus Episcopus: In causa fidei non carere suspitione taciturnitatem: præsertim in causa Religionis Catholicæ tam manifesta, quæ ex ipsa fronte libri, argumentiq., quo adversarius Carolus M. negat Romano-Catholicum, prudenti statim falsitatem aperit, tanquam Carolus M, dum Romæ à Leone Pontifice inunctus coronaretur Romanorum Imperator, & populus Romanorum acclamaret, CAROLO AVGVSTO, A DEO CORONATO, MAGNO, ET PACIFICO IMPERATORI ROMANORVM, VITA, ET VICTORIA, aliam præter Romanam religionem coluerit. Quapropter, ut tumultuarium, & insanum hujus auctoris librum refellerem, alius mihi etiam ordo instituendus fuit, ad quem omnia explicatiùs revocarem. Id verò ita præstiti, ut primo libro agerem de Ecclesia, quod & ipse adversarius fecit; secundo vero libro de Sacerdotio Christianæ religionis, de quo ille sub Magistratus Ecclesiastici nomine egit; tertio de Sacrificio, & Sacramentis; quarto de Justificatione, mandatorum observatione, & cultu Sanctorum. Ratio mihi fuit, quòd inter hæc salutaris quidam, & ordinatus à Deo sit nexus: Nam inventa Ecclesiâ, reperio verum religionis Sacerdotium, & cum eo Episcopos, & Sacerdotes, quos Christus constituit Doctores populo-

# PRÆFATIO AD LECTOREM.

*rum, controversiarum iudices, & dispensatores mysteriorum suorum, ex quorum potestate vera Ecclesie Sacramenta dependent. Ex Sacramentis verò, quorum alia sunt mortuorum, alia vivorum, vera justificatio, cultusq; Religionis. Methodo verò scriptio- nis hac usus sum, ut primò Catholicam doctrinam firmarem, deinde consen- tientem Caroli Magni subjungerem, ac demum adversarij objectio- nes diluerem. Et quia adversarius simul ad historiam provocavit, quam certè non legit, (quippe qui cum hac sua à nobis refelli intellige- ret, primùm Eginardum sibi comparare cæpit,) hinc ex Concilijs, & Synodis Carolinis, & Capitularium Caroli libris, & Constitutioni- bus, ex Francorum Annalibus, caterisque antiquitatum monumen- tis, defensionem deduxi, quo simul veritas Catholica ex singulis pla- nius, ordinatiusque in conspectum venires. Tu quisquis es Lector, fave & vale.*

ELEN.



# ELENCHVS CAPITVM

## LIBRI PRIMI

<b>C</b> APUT I. <i>Ingressus, &amp; Status Controversia.</i>	Pag. 1.
Cap. 2. <i>Carolus M. familia per majores, &amp; parentes Catholicos deducta, à quibus non aliam quam Catholicam religionem cum lacte materno hausit &amp; coluit Carolus M.</i>	pag. 6.
Cap. 3. <i>Carolus M. per omnem vitam integerrimè, &amp; ferventissimè Romanam Catholicam religionem coluit.</i>	pag. 13.
Cap. 4. <i>De Ecclesia Christi, quam malè Lutherani, rectè Catholici nobis describunt.</i>	pag. 25.
Cap. 5. <i>De Corpore Christi mystico, quod est Ecclesia, &amp; capite ejus.</i>	pag. 29.
Cap. 6. <i>Vera Christi Ecclesia in terris militans visibilis est.</i>	pag. 40.
Cap. 7. <i>Vera Christi Ecclesia nec deficere, nec errare in fide potest.</i>	pag. 48.
Cap. 8. <i>Ecclesia Romana eadem est, qua Ecclesia Catholica.</i>	pag. 61.
Cap. 9. <i>De notis Ecclesia.</i>	pag. 68.
Cap. 10. <i>Prima Ecclesia Nota, Unitas.</i>	pag. 73.
Cap. 11. <i>II. Nota, Sanctitas Ecclesia.</i>	pag. 79.
Cap. 12. <i>III. Nota, Catholicum nomen.</i>	pag. 85.
Cap. 13. <i>IV. Nota, Universitas per Catholicum nomen significata.</i>	pag. 92.
Cap. 14. <i>Nota V. Antiquitas Ecclesia.</i>	pag. 101.
Cap. 15. <i>Nota VI. Recta constitutio &amp; consensus Ecclesia Catholica.</i>	pag. 107.
Cap. 16. <i>Nota VII. Ecclesia Apostolica nomen, ex Successione &amp; Doctrinâ Apostolicâ deductum.</i>	pag. 112.
Cap. 17. <i>Nota VIII. Ecclesia, Gloria Miraculorum.</i>	pag. 119.
Cap. 18. <i>Nota IX. Vocatio &amp; conversio Gentium ad Ecclesiam.</i>	pag. 133.
Cap. 19. <i>Pradicantur, &amp; Nisanij calumnia adversus Carolum, &amp; Apostolicos viros, per quos Saxonia ad Christi fidem traducta est.</i>	pag. 142.
Cap. 20. <i>D. Bonifacius oppositus Martino Luthero.</i>	pag. 162.
<b>DE PRINCIPIO FIDEI DIRECTIVO.</b>	
Cap. 1. <i>De Verbo Dei Tradito.</i>	pag. 170.
Cap. 2. <i>De Verbo Dei Scripto.</i>	pag. 174.
Cap. 3. <i>De régula fidei, quam Lutherani, &amp; cateri Novatores, malè ex sola sacra Scriptura obtendunt.</i>	pag. 183.
§. <i>De libris Carolinis.</i>	pag. 190.

## LIBRI II.

- Cap.1. *De triplici Sacerdotio, Legis Natura, Scripta, & Gratia.* pag.198.
- Cap.2. *Monarchia, & Hierarchia Ecclesia Catholica, eaque à Carolo M. credita, & asserta.* pag.205.
- Cap.3. *De sacerdotali, & spirituali potestate Ecclesia Catholica.* pag.213.
- Cap.4. *Explicatio Caroli M. de potestate Sacerdotali sententia.* pag.220.
- Cap.5. *Inania Nisanij argumenta, quibus Carolo M. Primatum Ecclesie, & potestatem supra ipsum Romanum Pontificem asserere vult.* pag.224.
- Cap.6. *De Constantini M. donatione Romana Ecclesia facta, quam Pipinus Rex & Carolus M. ex integro restituit, confirmavit & auxit.* pag.232.
- Cap.7. *An Carolus M. jus eligendi Romanum Pontificem ab Hadriano Pontifice acceperit?* pag.246.
- Cap.8. *Utrum Imperium Romanum auctoritate Leonis Romani Pontificis translatum sit in Carolum M.* pag.250.
- Cap.9. *An Carolus M. acceperit ab Hadriano Pontifice privilegium nominandi & eligendi Episcopos?* pag.260.
- Cap.10. *An contra Caroli M. legem, populus ab electione Episcoporum & Ministrorum Ecclesie repellatur?* pag.264.
- Cap.11. *Utrumne Carolus M. habuerit supremam potestatem in convocandis & moderandis Concilijs?* pag.269.
- Cap.12. *Carolus M. falso Francofurtensis Concilij Prasides, & Index à Nifanio asseritur.* pag.277.
- Cap.13. *Concilia Provincialia ac cetera, quae falso suprema Caroli M. auctoritati attribuntur.* pag.283.
- Cap.14. *An Carolus M. supremam potestatem sibi sumpserit, exercueritque in ordinandis Ecclesijs, & ferendis legibus Ecclesiasticis?* pag.288.
- Cap.15. *Lutherani Pradicantes ex principijs à se positis, nullam habent jurisdictionem Ecclesiasticam.* pag.294.
- Cap.16. *De distinctione Episcopi & Presbyteri; ac primum, an Episcopus jure divino major sit Presbytero?* pag.302.
- Cap.17. *An Episcopus potestate jurisdictionis major sit Presbyteris, idque jure divino ei competat?* pag.313.
- Cap.18. *De officio Episcoporum.* pag.320.
- Cap.19. *Singula Episcoporum munia, explicatius ex Caroli M. constitutionibus asseruntur.* pag.329.
- Cap.20. *De calibatu Sacerdotum.* pag.337.
- Cap.21.

Cap. 21. De Monachorum instituto.	pag. 353.
Cap. 22. De immunitate Ecclesiastica, & bonis Ecclesia.	pag. 363.

### LIBRI III.

Cap. 1. Sacrificium Christianae religionis.	pag. 373.
Cap. 2. Sacrificium Missae à Carolo M. assertum, & confirmatum.	pag. 391.
Cap. 3. De Missa privata.	pag. 399.
Cap. 4. De Auctore, & numero Sacramentorum.	pag. 412.
Cap. 5. De Baptismo, ejusque subjecto.	pag. 423.
Cap. 6. De Sacramento Confirmationis.	pag. 438.
Cap. 7. De Eucharistia Sacramento, & Transubstantiatione.	pag. 444.
Cap. 8. De Communione sub utraque specie.	pag. 455.
Cap. 9. De Pœnitentia Sacramento.	pag. 482.
Cap. 10. De Sacramento extremae Unctionis.	pag. 495.
Cap. 11. De Sacramento Ordinis.	pag. 502.
§. De Sacerdotio proprio, & improprio.	pag. 508.
Cap. 12. De Matrimonij Sacramento.	pag. 516.

### LIBRI IV.

Cap. 1. Utrum sola fides justificet.	pag. 525.
Cap. 2. De merito, & justificatione bonorum operum.	pag. 546.
Cap. 3. De Lege, & mandatorum Dei observatione.	pag. 569.
Cap. 4. De V. præceptis Ecclesiæ, & Caroli M. legibus, quibus adversus Lutheranos confirmantur.	pag. 580.
Cap. 5. An Christus ut homo, sit filius Dei adoptivus?	pag. 590.
Cap. 6. De cultu Imaginum.	pag. 595.
Cap. 7. Objectiones Nisanij adversus cultum Imaginum.	pag. 607.
Cap. 8. De cultu, & invocatione Sanctorum.	pag. 613.
Cap. 9. An ex Scriptura religiosus SS. cultus probari possit?	pag. 618.
Cap. 10. Carolus M. cultu religioso, & invocatione Sanctos coluit.	pag. 629.
Cap. 11. De cultu Reliquiarum.	pag. 645.
Cap. 12. Carolus M. Sanctorum Reliquias veneratus est.	pag. 653.
Cap. 13. Cento Lutheranus.	pag. 670.
§. Epistola Hadriani Papa I. ad Carolum Magnum.	pag. 686.
§. Hadriani VI. Pontificis Epistola ad Ducem Saxon.	pag. 688.
§. Caroli V. Imper. Edictum, contra Lutherum ejusq. hæreses.	pag. 690.
§. Labyrinthus Prædicantium.	pag. 703.

APPRO-

## APPROBATIO.

**L**ibrum, cui titulus : *Carolus M. Romanorum Imperator, & Francorum Rex, Romano-Catholicus : Libris IV. explicatus, & vindicatus, adversus Christianum Nisanium, Lutheranium Bilsfeldie Pradicantem, & Superintendentem, &c.* à R.P. Nicolao Schaten, S. J. Sacerdote, compositum, attentè perlegi, nihilque in eo reperi, fidei Catholicæ, aut bonis moribus contrarium: quin potius talem inveni, qui doctrinam Ecclesiæ Catholicæ, & Caroli M, Imperatoris fidem, dilucidè explicet, ac contra Novatorum hujus temporis calumnias egregiè defendat; ut proinde dignum illum censeam, qui prælo excusus, publici juris fiat. Ita censui Paderbornæ, Idibus Februarij, 1674.

*Henricus Abbas Abdinghoffsensis, Ord. S. Benedicti,  
Vicarius in Spiritualib. General. Episc. Paderborn.  
& Lib. Censor.*

LIBER I.

# LIBER I.

- I. De Caroli M. Religione Catholica, quam à parentibus, ac majoribus accepit, & per omnem vitam sanctissime coluit.
- II. De vera Christi Ecclesia, ejusq; notis, in qua Carolus M. vixit, & ad quam Saxones primum à cultu idolorum conversos perduxit.
- III. De verbo Dei scripto, & Tradito, quod professus est.
- IV. De libris Carolinis, eidem Carolo M. falso adscriptis.

## CAPUT I.

### *Ingressus et Status Controversiæ.*



Uam Christi religionem à suis primordiis in Saxonia colimus, cam nos post Deum, Divosq; omnes Carolo M. potissimum debere nemini aut obsecrum, aut controversum esse potest, nisi qui antiquitatum omnium est imperitus, aut fidem humanam è mundo sustulerit. Bellum is religiosissimus Christianorum Regum, & Imperatorum gloriosissimus per triginta tres annos gessit cum Saxo-

xonum populis, quo neq; prolixius, neq; atrocius ullum Francorum populo aut laboriosius est susceptum, uti hæc Eginardus fidus earum rerum scriptor, & Francorum annales, cæteri q; scriptores cum Episcopatu saltis tradiderunt. Verum *qua regis erat magnanimitas*, ut idem Eginardus memorat, *qua perpetua in adversis, & prosperis constantia*, victor tandem Saxoniam perdomuit, & in decem Episcopatus divisit. Quippe, *terram eorum secundum antiquum Romanorum morem in provinciam redegit, & in Episcopatus certo termino, & limite determinatam distribuit*, uti id in diplomate Ecclesie Verdenfis anno Christi DCCLXXXVI. & in diplomate Ecclesie Bremenfis anno Christi DCCLXXXVIII. consignato, verbis repetitis proficitur Carolus: Hinc in diplomate Osnabrugensi *Domitorem Saxonum* se vocat. Inter Episcopatus, quos Carolus condidit, antiquissimus Osnabrugensis, quem se *primum omnium in Saxonia in honorem S. Petri Principis Apostolorum & SS. Martyrum Crispini & Crispiniani*, fundasse testatur: Inde Paderbornensis, Halberstadiensis, Bremenfis, Verdenfis, Mindenfis, Mimi-gardvordenfis, seu Monasteriensis, Hildesimensis, fundati: His accessere Hamburgensis, & Schidrenfis, cæpti inchoatiq; à Carolo M. alterum Ludovicus Pius, alterum cæteri Imperatores, dum postremò Magdenburgum transferretur, Otto Magnus absolvit. Conditis descriptisque per suos limites diocesisbus Episcopos imposuit, Osnabrugensi Wi-honem, Paderbornensi Burehardum vicario munere, dum Hathumarus à Carolo præficeretur, Halberstadiensi Hildegrimum D. Ludgeri fratrem, Bremenfi Willehadum, Verdenfi Suibertum sanctæ conversationis virum, Mindenfi Hercumbertum, Monasteriensis primò Bernardum quendam religiosum Abbatem, deinde Ludgerum, Hildesimensis Guntherum, Hamburgensi Heridagum, Schidrenfi Albertum præfecit Carolus. Post Episcopos introducti Pastores, Sacerdotes, Clerici, ac Monachi, interq; Monachos D. Sturmij Bonifacij discipulus, & primus Fuldensium Abbas cum suis religiosiis viris, qui & Saxoniz Apostolus cognominatus est. Nunquam Saxoniam ingressus Carolus, quin magno numero Episcopos, Abbates, & Sacerdotes secum duxerit ad conversionem Saxonum, uti id præter cæteros docet auctor vitæ D. Sturmij. Horum operâ, vivo adhuc Carolo, tota Saxonia intra Rhenum, Visurgim atque Albium ad Baptismum deducta est, & à cultu idolorum ad Christi-

Christi religionem conversa; quemadmodum hac super re Hadrianus Pontifex Carolo in epistola gratulatur gratiasq; agit, quâ valdè se lætatum scribit quod Carolum cum conjuge & prole incolumem intellexerit, magis autem gavisum, postquam relatum est de triumphis ejus, qualiter savas adversasque gentes, scilicet Saxonum, ad Dei cultum, & suâ sanctâ Catholicâ, & Apostolicâ Ecclesiâ rectitudinem fides perduxerit, atque Domino auxiliante & Petri Paulique Apostolorum Principum interventione suffragante, collarum redacta sunt sub potestate, ac ditione Caroli, eorumque optimates subjugando, divinâ inspiratione, regali annisu universam illam gentem Saxonum ad sacrum deduxerit Baptismatis fontem; Offert in hanc rem Pontifex publicas preces cum litanijis, deum optat ut per ejus laboriosa certamina magis magisque spiritualis mater ejus sancta Romana Ecclesia maneret exaltata. tom. 15. Concil. General. His aliisque in hanc rem positus urgent Catholici adversus novarum religionum per Saxoniam sectatores :

Vel Carolus M. à cultu idolorum Saxoniam perduxit ad veram sinceramque, vel ad falsam & corruptam Christi religionem.

Si ad veram, haud dubiè in ea per majorum à Carolo vestigia permanendum est.

Si ad falsam, & corruptam; ergo ab una gentilium superstitione perducti sunt majores nostri ad aliam superstitionem, & si in sacrificio Missæ, si in cultu Divorum, & veneratione imaginum, aliisque, ut adversarij contèdunt, vera à nobis committatur idololatria, ergo ab una idololatria in aliam conversi sunt majores nostri. Quid enim interest, si ve panem pro Deo cum Christianis adorem in sacrificio Missæ, si ve solem cum Persis, aut Herthametiam Deam pro B. Virgine, aut Martem Mercuriumque cum priscis Saxonibus colam pro Divo Petro & Paulo?

Hoc argumentum ut eludant hæretici, quos inter Nisanius, docent Carolum M. partim Catholicum, seu ut illi dicunt Papistam, partim Lutheranum & Evangelicum fuisse, ut tanquam hybridam, aut amphibium aliquod animal obtrudant Carolum nobis, & consequenter religionem, quam in Saxoniam introduxit partim Papisticam, & multis Papistarum superstitionibus obnoxiam, partim Lutheranam comminiscuntur, tanquam chimæras illas vera Christi religio pateretur. Et quid

mirum ita illos docere: *Memoriam custodem habere oportet mendacem*, inquit Optatus Milev. lib. 2. ut coherenter mentiat. Nam cum doceant veram & Apostolicam Ecclesiam, jam quarto, aut quinto minimum sæculo defecisse à fide, consequenter Carolus qui anno 772. primum Saxoniam convertere cœpit, haud aliam quam corruptam introducere potuit. Deinde quia post sæculum quintum Antichristus Romæ in throno Pontificis sedere cœpit, hinc & Carolus, qui Hadrianum & Leonem Pontifices unice coluit, eorumq; doctrinam quam studiosissime & religiosissime secutus est, haud aliam etiam quam impiam Antichristi doctrinam in Saxoniam per Episcopos, sacerdotes & Monachos introducere potuit. Ecce quo ex falsis principiis per mendacia abire necesse est, imò cui mirum Nisanium nobis Carolum M. partim Catholicum, partim Lutheranum formare, qui religionem Christianam tanquam mulum fingit, cui aliquid cum equo, aliquid cum asino commune sit. Hinc pronum ei fuit Carolum nobis ex monstroso Prædicantium cerebro parturire, qualem hætenus nemini Catholicorum somniare licuit.

Hunc præterea corruptæ Ecclesiæ statum per capitales in fide errores à Carolo M. ad nostra sæcula & tempora perstitisse docent, donec postremum Lutherus, cui plus lucis divinæ & sapientiæ quam Carolo M. vel omnibus ab eo impositis Episcopis & sacerdotibus communicatum fingunt, omnia, si Dijs placet, ad antiquam Ecclesiæ formam, qualis à Christo & Apostolis est instituta, reduceret. Quem virum, si Carolus M. suo ævo sortitus fuisset doctorem, numquam ille Pontificum Romanorum doctrinam, ipsumque Pontificem coluisset, numquam tot Episcopos, sacerdotes, clericos, & Monachos in Saxoniam introduxisset, numquam ille sacrificium Missæ, cultum Sanctorum, & imaginum, preces & sacrificia pro defunctis, merita bonorum operum, numquam ille cœlibatum sacerdotum, & Monachorum institutum admisisset intrare Saxoniam, verum ex salubriori, & nova sui Evangelij doctrina Episcopis, & sacerdotibus uxores, clericis sacras Deo virginæ, canonicis sanctimoniales, monachis moniales, suomet exemplo Lutherus in matrimonium obtulisset: Nam quæ hic vota obtenduntur matrimonij impedimenta, ea, aut nulla sunt, aut in his Luthero supra omnes Pontifices fuit dispensandi potestas: Numquam, ut verbo absolvam, Carolus M. Christianam religionem tot superstitionum ritibus, tot le-



tot legum humanarum sanctionibus, tot falſorum dogmatum erroribus contaminari paſſus fuiſſet. Ad hunc modum non tam philoſophantur quàm fabulantur novatores noſtri & novarum religionum artiſices, quæ Catholicis tam ficta, abſurda, & incredibilia ſunt, quam ipſa metamorphoſis Ovidij, & omnium Poëtarum commenta. Quando ex prophetarum oraculis, Chriſti promiſſionibus, & Apoſtolorum testimonijs omnibus perſuaſum eſſe debet, lumen ſolis citius ſubtrahendum mundo, quod Chryſoſtomus dixit, quàm ut Eccleſiam Catholicam ſinat Chriſtus errare in capitalibus fidei articulis, aut in tam nefandos, ut iſti ſomniant, errores prolabi.

Hæc tamen ut plebi perſuadeant, omnia invertunt, ipſumque etiam Catholicæ Eccleſiæ nomen ad ſe detorquent: Nam quæ à Chriſto, & Apoſtolis toto orbe diſſuſa inclatuit Catholica & Apoſtolica Eccleſia, eam illi ſibi attribuunt, & Lutheranam cenſent fuiſſe: Ita enim Niſanius ſub initium: *Nomen Catholica Eccleſia de jure & merito noſtra Eccleſia debetur, quæ Auguſtanam confeſſionem proſiteitur.* Quæ verò à quinto ſæculo toto orbe aſpectabilis, & toto orbe fulgentiſſima fuit, Romana Catholica Eccleſia, eam illi Papifticam vocant, & ſcædatam innumeris erroribus, intra quam tamen ſemper reperti ſint, qui vel clam, vel palam confeſſi ſint ea, quæ poſtea Lutherus docuit: Inde nos Romanenſes, Pontificios, Papiftas, Pappæos, Papicolas identidem appellant, quemadmodum hæc Prædicantium rabulæ ad invidiam, & odium nominis noſtri ſcribere & declamitare ſolent. Quare priusquam ad cætera digrediamur quibus Carolum Magnum non formaliter Catholicum, ſed ex parte Lutheranum fuiſſe nobis per ſomnija ſua perſuadere volunt, operæ pretium erit Caroli M. familiam, & Catholicos majores ſub aſpectum dare, à quibus & ſanguinem & Catholicam religionem traxit.

# CAPUT II.

*Caroli M. familia per majores, et parentes Catholicos deducta, à quibus non aliam quam Catholicam religionem cum lacte materno hausit et coluit, Carolus M.*

**P**Rima Christianorum felicitas, ex primo vocationis dono, nasci à parentibus Catholicis, à quibus ad fontem baptismi deductus, veræ fidei præceptis à puero imbuaris. Id donum quam illustre fuerit, & à tot sæculis hæreditarium in Carolo M. docet nos fundatissima ejus & clarissima familia, ex qua non modò parentes habuit Francorum proceres, & majores domus Franciæ ac Principes, Regemq; Pipinum patrem, sed qui per maternam etiam lineam, & sanguinem se ex ipsis Franciæ Catholicis regibus progenitum numerat : Quemadmodum id Genealogia B. Arnulphi, à Pithæo in lucem data, in hæc verba refert : *Blitildis filia Clotarij Regis Francorum habuit Arnwaldum Comitem Palatinum ex Ansberto, Arnwaldus Comes genuit B. Arnulphum Comitem Palatinum, qui postea fuit Episcopus Metensis; constat autem D. Arnulphum atavum fuisse Caroli M. Planius aliquantò Engolismensis scriptor vitæ Carolinæ : Clotarius Rex Francorum genuit Dagobertum, & filiam nomine Blitildem, de qua Blitilde fuit generatio Domini Caroli : Nam ista Blitildis soror Dagoberti Regis habuit virum in conjugio nobilem inter Francos nomine Arnaldum, Arnaldus genuit Arnulphum, qui postea derelicto sæculo factus Episcopus Metis civitatis. Arnulphus, antequam esset clericus habuit uxorem nomine Beggam filiam Pipini Majoris domus, & genuit ex ea Ansegiselum, seu ut alij appellant Ansegisum, vel Angisum. Hic Pipinus Major domus eo nomine primus cognomento Landensis, fuit Carolomanni filius famâ sanctitatis apud posteros celebris, uti Stephanus Abbas in vita Modoaldi de eo retulit, interque*

terque alia de eo in vita Wironis legitur, solitum Pipinum hunc detra-  
ctis calceis, nudisq; pedibus ad confessionem peccatorum, quam D. Wi-  
roni faciebat, accedere.

Sed ad B. Arnulphum Caroli M. atavum ac paternum stemma re-  
deamus; de eo sic Paulus Diaconus: *Vir per omnia lumine sanctitatis &  
splendore generis clarus, qui ex nobilissimo fortissimoq; Francorum stem-  
mate ortus.* Metensis Episcopus delectus, ita Ecclesie præfuit ut simul  
Dagoberti Regis educator moderatorque aulae esset. Hic vivus, &  
mortuus etiam admiranda præstitit, duo cumprimis Paulus Diaconus  
ab alijs prætermissa retulit: Cum enim ob excessus quosdam pœnitent-  
tiam ageret, anulum digito extractum projecit in Mosellam, tunc, in-  
quiens, me culparum nexibus absolutum cognoscam, ubi anulum,  
quem projicio, reperero, post aliquot verò annos, postquam Episcopa-  
tum adeptus erat, piscator quidam piscem captum attulit, in eoque aper-  
to repertus est annulus, & Arnulpho oblatu: Id Paulus Diaconus sibi  
non ab alio, quam ab ipso Carolo M. relatum fatetur. Alterum haud  
minùs viri sanctimoniam testatur: Duos habebat Arnulphus filios,  
Ansegisum & Clodulphum, hos, divisurus in usum pauperum faculta-  
tes, ad se vocat, rogatque si id bonâ eorum voluntate fieri possit: Ne-  
gavit Clodulphus, assensus est Ansegisus, ob id versus ad Ansegisum, da-  
tâq; paternâ benedictione prædixit illi fore, ut ejus progenies exinde  
fortunata, & clara nasceretur. Vaticiniû probavit eventus: Tantâ D. Ar-  
nulphus misericordie erat in egenos, ut vasa sacra in cibos eorum divi-  
deret, tantâ contemptionis humanarum rerum, ut abdicatione Episcopatu  
in eremum secederet, in qua vitam exinde sanctissimè clausit.

Ansegisus Caroli M. abavus D. Arnulphi filius, vir egregiâ pru-  
dentiâ, & religione in Deum, quamobrem à Dagoberto Rege eidem  
cum Chuniberto Colonienfium Episcopo Sigibertus filius Austrasie  
Rex commissus, palatij exinde regijque filij moderator fuit, & ut qui-  
dam sensere, Major domus, & Dux Austrasie provinciæ. Perfide post  
interemptus à juvene, quem enutrierat. Vxor ejus Begga, Pipini senio-  
ris & Jttæ Modoaldi Trevirorû Episcopi sanctitate eximij, sororis filia,  
foror & ipsa Grimoaldi præfecti & D. Gertrudis, vidua se Deo dicavit.

Pipinus Caroli M. proavus, quem ex Begga suscepserat Ansegisus  
eo nomine II. cognomento Heristallus Austrasie Dux multa fortiter  
gessit:

gessit: Nam Frisios, cæso Radbodo, debellavit, ac tributarios fecit, victi ab eo tertium Alemanni, Boarii, Suevi, Saxones, cæteri; barbari, & rebelles Christianam religionem divexantes. Obtigit Franciæ bellicosus Dux, eum Reges per desidiam in ocio & luxu torperent, ac solum nomen penes eos esset, regni verò administratio penes Majores domus, ac Principes. Haud minus illustria quæ pro Christi religione amplianda gessit, quando inter cætera pietatis opera S. Willibrordum, Swibertum, & 12. illos Apostolicos viros ex Anglia, summa humanitate excepit, sedem illis & bona Ultrajecti dedit, ostiumq; Evangelij per Hollandiam primum aperuit, corpora Ewaldorum martyrum Coloniam transtulit, S. Swiberto Cæsaris insulam attribuit, ut hæc Beda etiam scripsit. Unâ labe notatus, quod dimissâ uxore Plectrude Alpaidem duxerit, ex qua Carolum martellum suscepit. Id delictum pœnitentiâ & beneficentiâ in Ecclesias, subsidio in Apostolicos viros, & rebus pro religione præclare gettis expiavit, nec aliter scriptores, quam virum prudentem, justum, sortem, & temperantem magnis laudibus celebrant: Quipe qui regnum Francorum per XXVII. annos armis, & consilij sapientissimè rexit & restituit. Multa præterea dona Ecclesiæ Romanæ B. Petri ab eo donata, nec minus Romanorum Pontificum, & Episcoporum studiosissimus: Quæ causa fuit cur Gregorius Papa epistolâ ad Carolum Martellum Pipini filium, & Paulus Pontifex epistolâ ad Carolum & Carolomannum reges Francorum revocent ad proavum & magnum regem patrem suum, hoc est ad ambos Pipinos, *qui præ omnibus regibus Deo & B. Petro fideles fuerunt.* Qua super re Valchius lib. 23. Rerum Francicarum, cætera verò Aimoinus, auctor Chronici annalium Metensium, Marcellinus, Baronius multiq; scriptores tradiderunt.

Carolus Martellus Pipino Heristallo genitus Caroli M. avus bellicosissimus Princeps ac Dux Francorum per XXVII. annos regnum Franciæ administravit, titulo penes crinitos & desides reges manente. Nullo non anno illi bellum & prælium, semper victor, nisi quod semel à Radbodo Frisonum Duce campo depulsus, dubium bellicosior, an fortunator. Adeo B. Arnulphi precatio & vaticinatio nepotes majori adhuc semper felicitate consecuta est. Hostes Carolo infesti domi forisq; de quibus continuò triumphatum, subacti Frisij, quibus tum Hollandia continebatur, atque ad tributum servitiumq; Francorum adacti,

Poppone

Poppone eorum Duce interfecto, Saxones iteratis prælijs victi, & ad tributa compulsi, debellati Batavi, Alemanni, Suevi, Gothi, Aquitani, at summa belli gloria Carolo ex Saracenis, & Mauris, quos è Gallia continuis prælijs eiecit, hi demum Pictavis, haud procul ab urbe ad internectionem delicti, unoque prælio in septem dies continuato cccxxv. milia barbarorum trucidata sunt. Admiranda quæ sago gessit militari, eò Tudes, & Malleus hostium, & Achilles Franciæ dicebatur; Valsij judicium est, si Carolus Livium scriptorem nactus fuisset, Cæsari, & Pompeio magno comparandum esse. Unum illi vitio datum, quod oblectante clero tributa ab Ecclesiæ bonis libere exegerit, cum ærarium regium non sufficeret militiæ adversus barbaros, ob id acerbioris mortis cruciatu punitum, expiatumque volunt; quo & illud Bonifacii ad merciorum regem spectat de verenda morte ejus: Quid futurum hæreticis Principibus; qui tot Episcopatus à Carolo M. & Francorum regibus conditos, tot collegiorum, & cœnobiorum patrimonia sacra non modò in profanos usus rapiunt, sed & ex ijs Ecclesiam Christi oppugnant? Contra si in Carolo martello reputentur bella, quæ pro Christiana religione gessit, si merita in Ecclesiam, haud minor illi laus debetur. Ille D. Willebrordum, & Apostolicos viros fovit, juvit, & dotavit Ultrajecti, ille liberum primò Evangelium fecit per Hollandiam, & Frisiam. Ille post D. Bonifacio liberam ubique docendi facultatem dedit, ipse Treviri cœnobium D. Maximini amplis bonis locupletavit, unde & D. Maximinus se ei in somno obtulit: Ille de sede Apostolica & Romana Ecclesia præclare meritus. Ille legatos cum regijs muneribus ad limina Apostolorum misit: ob id claves S. Petri cum vinculis à Gregorio II. Papa dono remissas accepit, & magnopere tam à Gregorio II. quam Gregorio III. Pontifice dilaudatus, passimque vindex, & assertor Christianæ religionis audiebat. Postremò factâ exomologesi Carisiaci in villa moritur, delatumque corpus Parisios in Basilica S. Dionysij sepelitur, cujus Divi ope toties prælijs victor triumpharat, uti hæc Francorum annales, Valsius, Baronius, Buffieres, alijque nobiles scriptores multis tradiderunt. Moriens duos filios reliquit hæredes, Carolomannum & Pipinum paternæ virtutis & gloriæ æmulos.

Pipinus Rex, ac Pater Caroli M. unà cum fratre Carolomanno totius Franciæ administrationem exceperè, bellis, junctisque armis pro

B

Christiana

Christiana religione uterque inclytus. Ac Carolomannus quidem, postquam traditam à patre Australiam, Alemanniam, Hassiam, & Thuringiam obtinuit, Alemannos, qui rebellârant, debellat, Saxones denuò rebelles, in deditiorem accipit. Digressus in Westphaliam, Theodoricum Saxonem, expugnato castro ejus, captivum abducit, plurimos ad Christi religionem attrahit. Ipsius liberalitate D. Bonifacius Fuldense cœnobium erigit, illustre illud seminarium, ex quo Christi religio ejus ope, & patrocinio mirificè per Hassiam, Thuringiam, & Saxoniam propagata est. Demum ut religiosissimum se principem ostenderet, abdicato principatu in monasterium secedit. Romæ à Zacharia Papa attonsus in clericum, simulq; in monte Soracte monasterium exstruit. Inde in Cassinense cœnobium transgressus sanctissimi Monachi vitam egit, quod inter cæteros scriptores ab Eginardo in vita Caroli assertum. Quæ hicalia in Caroli M. patruo religio, quam Romana, & Catholica conspicitur? diversa sanè à Luthero, qui deserto cœnobio ad libertatem vitæ, & sæculi delicias redijt, quas sacrilego etiam cum moniali connubio infames fecit. Alio sanè tum spiritu orbis Christianus agebatur, cum in Anglia, Francia, Italia, Germania, Principum, Comitum & nobilium filij se darent in disciplinam religiosæ vitæ, tanto fervore, & multitudine, ut Beda scribat, vereri se, ne supersint, qui Angliam armis tucantur.

Pipinus inde totius Franciæ moderationem adiit. Bella, quæ pro Christiana religione gessit, non minus admiranda, quam Caroli Martelli patris. Quippe reliquis bellis præterminissis, quæ contra Aquitanos, Bojos, & Saracenos, aliosq; hostes Francici regni gessit, sæpius ille transmissio Rheno in Westfaliam cum exercitu digressus, Saxones vicit, & Remæ etiam ad Visurgim castra posuit, tentavitque Christi religionem introducere, quam in Frisia, Hassia, Thuringia firmam fecerat operâ cum primis Bonifacij, & Apostolicorum virorum. Hofschiburgum castrum, quod Osnabrugum censent, expugnavit, pedemq; Francici imperij, & religionis istic fixit, ut vel eo Carolus M. primam istic Episcopi sedem in vestigijs majorum collocârit. In debellandis Westfalis ope D. Suiberti divinitus adjutus, eo cum exercitu Werdam adiit, voti exsolvendi causâ, eâq; pictate, ut discalceatus ad templum processerit, & reliquias D. Suiberti veneratus, locum sacrum donis & prædijs auxerit.

Longe

Longè illustriora sunt, quæ pro Apostolica sede, & Romana Ecclesia egit imploratus à Romano Pontifice, adversus Longobardos, Ecclesiæ Romanæ vexatores, bis Italiam cum exercitu ingressus; Arnulphum eorum Regem in fugam vertit, Papiam obsedit, fregitque Longobardorum potentiam, restituto Pontifice in libertatem reddiditq; Ecclesiæ Romanæ bona, quæ Longobardorum Reges per spoliū invaserant. Ob hæc in Ecclesiam merita, cū Reges Francorum non nisi in otio, & luxu, umbræ essent, Pipinus à Stephano Papa petentibus Francorum optimatibus Francorum rex inunctus, primusq; regium nomen, ac decus in familiam Pipinorum induxit. Nemo ante eum diem, præter Constantinum M. Romanæ Ecclesiæ patrimoniū liberaliū auxit, nullus ante eum Francorum Regum majori veneratione Romanum Pontificem profecutus est: Nam venientem ad se in Galliam Stephanum Pontificem, implorantemque auxilia adversus Longobardorum Regem, missis obviam legatis Rotardo duce, & Fulrado Abbate invitavit. *Quem & legati, ut Anastasius refert in vita Stephani, cum magna honore, & cum omnibus, quos in comitatu habuit, Episcopis, & Sacerdotibus ad Pipinum deduxerunt: Audiens verò Rex ejusdem beatissimi Pontificis adventum nimis festinanter advenit in ejus occursum, unâ cum conjugē, filiis etiam, & primatibus, pro quo & offerens centum millia, filium suum Carolum (qui magnus est Carolus noster) in occursum direxit cum aliquibus suis optimatibus, ipseq; Rex Pipinus in palatio suo, in loco, qui vocatur Ponticone, ad trium fere millium spaciū descendit de equo suo cum magna humilitate terra prostratus, unâ cum sua conjugē, filiis & optimatibus eundem sanctissimum Papam suscepit, cui & vicestratoris usque in aliquantum locum juxta ejus sellarem properavit. Inde ad palatium omnibus digressis Pontifex adventus causam exposuit, & Rex auxilia adversus Longobardos ex fœdere icto promisit. Pergit Anastasius: Quia verò tempus hyemale imminebat, eundem sanctissimum Papam cum suis omnibus Parisios apud venerabile monasterium B. Dionysij ad habitandum pergere curavit, quo peracto, & eo in eodem venerabili monasterio, cum jam fato Christianissimo Pipino comitante, Domino annuente, post aliquantos dies idem Christianissimus Pipinus Rex ab eodem Sanctissimo Papa Christi gratiâ cum duobus filiis suis, Carolo videlicet, & Carolo-manno, Reges uncti sunt Francorum. Eadem fere ab annalibus Franco-*

rum, Baronio, & alijs referuntur. Jam ante Pipinus à Zacharia Pontifice ob merita in Ecclesiam Romanam, ut Baronius tradit, donatus potestate nominandi Episcopos per Franciam. Ita verò Pipinus bis Francorum Rex inunctus, semel à D. Bonifacio, ut in ejus vita refert Othlonus, & Serrarius, iterum à Stephano Pontifice: id verò rite factum esse docet præclare Serrarius sacra Scripturæ exemplis.

His nunc de Caroli M. familia, & progenitoribus ex certa Historicorum fide expositis, id planè conficitur: Carolum M. non aliam coluisse religionem quàm à patre, avo, & majoribus acceperat; ex quo tota Francorum gens olim ex his Westsaliæ regionibus egressa cum Clodovæo Baptismum & Christi religionem amplexa est; Atqui hi cum omnes inde Catholicam religionem coluerint, non aliam etiam Carolum coluisse censi debet. Ac nihil Carolus à Pipino parente laudabilius didicit, & in omnem vitam servavit constantius, quam studium in Apostolicam Sedem, & Pontificem Romanum, à quo jam ipse Rex inunctus erat. Inde ut scriptores observârunt, illa Dei largitas in Pipini, & Caroli familiam, meritisque ex hoc Pipinus ut in eam primò regiam dignitatem, Carolus Imperatoriam introduceret, scilicet quantum omnium heterodoxorum est odium in Romanum Pontificem, tantum omnium bonorum Christianorum Imperatorum, Regum, ac Principum semper studium fuit in Christi Vicarium, tantamque ex hac veneratione debita consecuti sunt felicitatem. Multa Pipini regis elogia, quibus historici scriptores, & Pontifices hujus regis virtutes contestati sunt, inter quæ illud Stephani Pontificis epist. 6. ad Pipinum tom. 17. Concil. General. *Explere linguâ, excellentissime fili, non valemus, quantum tuo opere, tuâ vitâ delectamur.* Inde in laudes ejus digressus: *Quid enim aliud, quam te novum dixerim Moysen, & præfulgidum asseram David, & fortissimum diebus nostris liberatorem? Benedicat tibi Dominus pulchritudo justitiæ, & tuos amantissimos natos, meosq; spirituales filios Dominum Carolum & Carolomannum à Deo institutos Reges Francorum, & patricios Romanorum.*



## CAPVT III.

*Carolus M. per omnem vitam integerrimè, et seruentissimè Romanam Catholicam religionem coluit.*

**V**itam Caroli M. nobis syncerè, & exactè descripsit Eginardus Carolo à secretis, quam fidus minister, tam certus testis. Ex eo scriptore, Anastasio, & Francorum annalibus pauca quæ in rem propositam faciunt, exponam.

Duos ex Bertrada Regina Pipinus Francorum Rex suscepit filios, Carolum, & Carolomannum præclarâ indole, & virtute iuvenes, hos ut dignos regni à se parti hæredes relinqueret, nihil sollicitius habuit, quam ut pietate, liberalium artium disciplinâ, & militaribus exercitijs à primis statim annis excoleret. Et tamen Eginardus fateatur de Caroli nativitate, infantia, & pueritia nihil certi à quopiam traditum esse, memorat tamen ipse, in discenda Grammatica Petrum Pisanum Diaconum senem audvisse, in cæteris verò disciplinis Albinum cognomento Alcinum item Diaconum de Britannia, Saxonici generis hominem, virum undequaque doctissimum præceptorem habuisse, apud quem & Rhetorica, & Dialectica præcipuè tamen Astronomia ediscenda plurimum & temporis, & laboris imperierit. His magistris tantum brevi profecit, ut didascali ipse munus subire posset, nam latinam linguam ita didicit, ut eque illâ ac patriâ linguâ perorare sit solitus, eratq; eloquentiâ tam copiosus, & exuberans, ut quicquid vellet apertissimè exprimeret, Græcam verò linguam melius intelligere, quam pronuntiare poterat. Verbo complexus cætera Eginardus, Artes, inquit, liberales studiosissimè coluit, earumq; doctores plurimum veneratus magnis afficiebat honoribus. Quos inter Alcinum intimè complexus sibi in aula, in consilijs, in expeditionibus, in negocijs ecclesiasticis adesse voluit, virum, quem vel scriptores armarium omnium scientiarum appellant, & quem ipse Balæus centuria II. post Bedam, & Aldhelmum inter Anglos longè doctissimum fuisse memorat.

Jam antè Alcuinus, quam ad Carolum accederet, multos annos in Britannia sacras litteras docuerat, multosq; eruditos discipulos, & Apostolicos viros formârat, quos inter D. Ludgerus quatuor annos ejus auditor fuit. Et quam aliam Carolo magno religionem tradidisse magnus hic magister fingi potest, præter Romanam, & Catholicam, cujus ille per omnem vitam studiosissimus fuit. Quare Alcuinus lib. I. adversus Elipandî hæretici epistolam de Carolo magno hæc scribit : *Non ego corrumpere veni illum in Franciam, qui corrumpi non potest, sed adjuvare in fide Catholica, in qua ab ineunte ætate enutritus fuit, & optimè a Christianissimis parentibus, & majoribus Catholicis edoctus.* Et quanta vel ex hoc pars gloriæ genti nostræ accedit, eo quod Carolus Alcuinum Saxonici generis hominem magistrum fortitus, à quo non aliam religionem edoctus, quam Alcuinus à Beda, cæterisq; Angliæ doctoribus acceperat. Ille verò ab Augustino, ejusq; socijs, quos Gregorius M. in Angliam, ad gentis ejus conversionem miserat Apostolicos viros.

Caterum Caroli religionem his verbis commemorat Eginardus : *Religionem Christianam, quâ ab infantia fuerat imbutus, sanctissimè, & cum summa pietate, & veneratione coluit, ac propter hoc mira pulchritudinis Basilicam Aquigrani extruxit, auroq; & argento, & luminaribus, atque ex ære solido, cancellis, & januis exornavit, Ecclesiam ipse manè & vespere, nocturnis item horis, & sacrificij tempore, quando cum valetudo permiserat, impigre frequentabat, curabatq; ut omnia, quæ in ea gerebantur, quam maxima fierent honestate, sacrorum vasorum ex argento, & auro, vestimentorumq; sacerdotalium tantam in ea copiam procuravit, ut in sacrificijs celebrandis, ne janitoribus quidem, qui ultimi Ecclesiastici ordinis sunt, privato habitu ministrare necesse fuerit. Legendi, & psallendi disciplinam diligentissimè emendavit, erat enim utriusq; admodum eruditus, quanquam ipse nec publicè legeret, nec nisi submissim, & in commune cantaret; Atq; hic Cleri, Choriq; cântus, ut ad formam Romanam procederet, evocati sunt Romæ cantores, & periti artis illius magistri, ut in annalibus Francorum perhibetur. Quæ si sincerâ mente recolant Lutherani, habent sacrificium missæ, velles sacrificales, vasa sacra, ordines sacrorum, luminaria altaris, cleri chorum, cæterasq; sacrificij ceremonias, quas cum ipso demum sacrificio religionis sultulerunt.*

Pergit

Pergit Eginardus Caroli magni religionem percensere: Colebat præ cæteris sacris, & venerabilibus locis apud Romam Ecclesiam B. Petri Apostoli, in cuius donaria magna vis pecunie tam auri, quam argenti, nec non & gemmarum ab eo congesta est. Multa, & innumera Pontificibus munera missa; Nec ille toto regni sui tempore quicquam duxit antiquius, quam ut urbs Roma suâ operâ suâq; labore veteri polleret auctoritate, & Ecclesia S. Petri non solum per illum tuta, ac defensa, sed etiam suis opibus, præ omnibus Ecclesijs esset ornata, & ditata: Ideo quater votorum solventorum, & supplicandi causâ Romam ad limina Apostolorum profectus est. Longe illultriora sunt quæ pro Romana Ecclesia gessit: Nam avi, patrisque exemplo bellum adversus Longobardos acerrimos Pontificum, & Romanæ Ecclesiæ vexatores iteratis in Italiam expeditionibus suscepit, nec destitit, donec Desiderium Longobardorum Regem victum, captum, exutumq; regno deportaret in Franciam, Pontificem in quiete collocaret, & ablata Ecclesiæ Romanæ bona redderet. Non illo post Constantinum M. & Theodosium, Imperator major, qui aut Pontifices Romanos sanctiùs sit veneratus, aut patrimonium Petri liberaliùs auxorit, aut Romanam Ecclesiam glorioliùs sit tutatus: Hinc ultro se Advocatum, & defensorem Ecclesiæ Romanæ appellari voluit. Hadriano Pontifici per XXIV. annos, quo ad vixit conjunctissimus fuit, nihil à Carolo in causis fidei, aut rebus majoris momenti sine Hadriani consilio, & legatorum auctoritate gestum: Testes tot literæ, & legationes ultro, citroq; communicatæ, omne Hadriani perflugium in Carolo, & omne Caroli auxilium pro Hadriano, cui omnibus bellis relictis, laboranti præsto fuit. Paucis hanc intimam Caroli & Hadriani conjunctionem Eginardus est complexus: *Nunciato Hadriani Pontificis obitu, quem in amicis præcipuum habuit, sic flevis Carolus, ac si fratrem, aut carissimum filium amisisset.* Funus epitaphio à se conscripto, plenôq; Hadriani laudibus, & sui amore, prosecutus est quod tom. 20. Concil. General. recitatur. Hoc Pontifice, Carolus tertium Romam profectus, limina Apostolorum invisit, primûm anno Christi 774. quod ubi Hadrianus Pontifex intellexit, omnes illi magistratum urbis ad triginta milliaria, cum signis militaribus obviam misit, appropinquanti regi ad unum milliare direxit universas scholas militia, una cum magistris & pueris ramos olivarum deferentibus, ac regi laudes concinentibus. Carolus ubi venerandas cruces

das cruces obviam habuit, illico ad earum conspectum ex equo descendit, & pedes ad Ecclesiam S. Petri perrexit, perveniensq; ad atrium, in quo Pontifex cum universo clero operiebatur, omnes gradus sigillatim deosculatus est, tanta in S. Petrum, & limina Apostolorum veneratio erat. Ibi per benignè & honorificè exceptus à Pontifice post mutuos amplexus Basilicam ingreditur, cunctis acclamantibus, Benedictus qui venit in nomine Domini. Uti hæc pluribus enarrat Anastasius Bibliothecarius in vita Hadriani. Expleta oratione obnixè precatus est Rex Pontificem, liceret sibi Romam ingredi, ad vota per diversas ecclesias persolvenda, ac descendentes pariter ad corpus B. Petri Pontifex cum iudicibus Romanorum, & Francorum, Rex cum suis iudicibus, & populo Romam ingressus est. Factum id Sabbatho sancto pridie Paschatis cum Pontifex sancti baptismatis Sacramentum celebraret in Lateranensi Basilica. Pergit Anastasius: Altero die illucescente Dominico Sancto, in ipsa sacratissima Paschali festivitate, direxit illiculo ipse sanctissimus præsul cunctos iudices, & universa obsequia militia ad eundem regem, & cum magno honore eum suscipientes, in Ecclesia sancta Dei Genitricis ad præsepe properavit, cum omnibus Francis, & post Missarum solemniam celebrata perrexit cum Pontifice in Lateranense Patriarchium, illicq; ad mensam Apostolicam pariter epulati sunt; Alio vero die, feriâ secundâ Paschatis, simili modo in Ecclesia D. Petri more solito ipse conspicuus pater, & egregius Pontifex Missarum solemniam celebrans, Deo omnipotenti, & præfato Carolo excellentissimo regi laudes reddere fecit. Tertiâ vero die juxta ut mos est in Ecclesia B. Pauli Apostoli Missas eidem regi fecit. Quæ hic Missarum solemniam, Nisani, credis peracta, ritune Catholico; an Lutherano? ut nobis persuadeas Pontificem Romanum constituisse ante altare nigro tantum pallio, civis instar, aut togâ senatoriâ & Saxonicâ, ut D. Augustinus vocat, interctum, sine Pontificalibus indumentis, sine canone, & sacrificio oblato, recitasse preces vestras, interfonante populo Lutheranas cantiones. Næ tu desipis, si hoc persuadere velis. Quarto die confirmata est donatio redditorum, datorumq; bonorum Ecclesiæ à Pipino patre facta, & consignata à Carolo, & Francorum proceribus, de qua fuscè Anastasius: Per id tempus Paschale Carolus M. ad altare D. Petri obtulit Ecclesiam primam Osnabrugensem D. Petro. De quo Luitprandus Ticinensis non Italus ille, sed alius, vetus ex Germania eorum temporum scriptor lib. de Pontif.

de Pontif. viuis in Hadriano, in hæc verba: *Inter cetera, quæ ab ipso Carolo magnifice gesta sunt, etiam partem aliquam Saxonie, in provincia Westphalia, quam ad fidem Christianitatis convertit, ut ipse Papa præcepit, & docuit secundâ feriâ Pascha offerebat, Deo in sacrificium obtulit, & in loco Osnabrugge vocatæ Episcopatum constituit.* Obtulit præterea Carolus uniuersam Saxonie provinciam B. Petro, quod ejus cælesti ope Saxones à se domitos agnosceret, uti Gregorius VII. scribit ad Petrum Albinensem Episcopum ex vetustis Saxonum monumentis, ad hæc unum denarium quotannis S. Petro, per singulas Galliarum domos colligendum, quamvis Baronius non nisi confecto bello Saxonico factum velit.

Iterum Romam profectus Carolus ad limina Apostolorum anno Christi 781. unâ cum conjugē, ac filiis rursūq; ut antea honorificè ab Hadriano Pontifice susceptus, quocum sanctum Pascha celebravit. Per eos sacros dies Carolus Pipinum Filium baptizari voluit à Pontifice, eundemq; simul, & fratrem ejus Ludovicum reges inunxit Pontifex, ac Pipinum quidem majorem natu Longobardorum, Ludovicum autem Aquitanie regem dixit, uti hæc in Francorum annalibus memorantur. Adeo summa quæque cum consilio Pontificis agere voluit Carolus, & nihil sibi honorificentius duxit, quàm Apostolicâ auctoritate facta suæ exornari.

Tertio Romam profectus est Carolus anno Christi 787. & *Sanctum Pascha*, ut Francorum annales referunt, *magnâ cum hilaritate celebravit, Pontifice Hadriano pro more, & Pontificali ritu Missarum solemniam peragente.* Rex adoratis Sanctorum liminibus, votisque solutis, perceptâque Apostolicâ benedictione, ut in annalibus Francorum additur, reversus est in Franciam. Sed prius tamen, ut Leo Ostiensis in Chron. Cassin. lib. I. c. 14. scribit, orationis causâ diverit Cassinum ad corpus S. Benedicti, ut vel inde etiam cultum Sanctorum discas à Carolo M. quemadmodum post B. Virginem, S. Petrum Romæ, ante alios SS. Apostolos venerari solitus. Ortâ tum Romæ contentione per dies festos inter cantores Romanos, & Gallos, Carolus cantores Romanæ artis deduxit secum in Gallias, quod ad Romanum morem omnia conformaret, simulq; peritos organi ac Grammaticæ Magistros. Nondum tum Lutherani, aut Calviniani psalmi auditi erant tot hæresium dogmata interfonantes.



Hadriano Pontifice mortuo, cui Carolus ab anno primo belli Saxonici vixerat conjunctissimus per 24. annos, successit Leo Pontifex, ejus nominis III. anno Chr. 794. vir omnibus Pontificum virtutibus exornatus, quem pari amore, & veneratione complexus est Carolus. Nam eo in Pontificem electo, nihil antiquius habuit, quàm ut missâ Romam legatione, per epistolam à se scriptam omne præsidium, & obsequium illi deferret. Extat præclara illa Caroli epistola tom. 20. Concil. General. digna tanto Imperatore. Post ubi Leo Pontifex à Romanis multis fuit affectus injurijs, erutus videlicet oculis, & linguâ amputatâ, ut Franci annales, cæteri que scriptores cum D. Ludgero perhibent, quibus tamen divinitus haud multò post restitutus est, necesse habuit profugere ex Vrbe, nec aliud certius, quàm in Carolo præsidium, ad quem in Germaniam profectus. Carolus Colonia ad se venientem Pontificem Paderbornæ, ubi tum versabatur bello Saxónico intentus, honorificentissimè excepit, uti id præter annales Francicos, vetus Poëta apud Canisiuum tom. vi. antiq. lect. & à Ferdinando Episcopo Paderbornensi relatus descripsit. Inde circumducto Pontifice per Saxoniam, & Rheni provincias, multa templa, & altaria ab eo consecrata sunt. Interque alia extat epistola Leonis Pontificis ad Carolum M. Eresburgi consignata ipso die dedicationis, quo capellam Eresburgi D. Petro consecravit, ac locum illum quem nunc montem Martis appellamus, ac jurisdictione sacrâ Episcopi Paderbornenses sibi vendicant, donante Carolo religioni adscripsit, inductique postea sunt Sacerdotes, & Monachi è D. Benedicti familia. Postquam omnia coram pertractata sunt cum Pontifice, quæ ejus causâ postulabat, multaq; sunt collata, de statu Saxoniz, & firmandis Episcopatibus, Carolus cum legatis Pontificem remisit Romam; quem incredibili gaudio, senatus populûsque Romanus redeuntem excepit ad pontem Milvium progressus, unaq; peregrinorum scholæ, videlicet *Francorum, Frisonum, Saxonum, & Longobardorum*. Uti hæc Anastasius in vita Leonis memorat. Vides hic jam tum sub Hadriano, & Leone Pontifice Saxonum scholas Romæ floruisse; in quibus juvenitus Saxonica bonis artibus, & Christianis moribus excolebatur. Et quam aliam religionem istuc hausisse dices quàm Romano Catholicam? Tuum hic Nisani judicium si audiamus, non aliud erit, quàm Antichristi doctrinam hausisse, qui nutritorem habuerunt Pontificem in sede Antichristi

Anticheilli regnantem. Et quid verisimilius, quam Hadriani, & Caroli M. consilio, & largitate has scholas, tanquam seminaria Catholicæ religionis in Saxoniam proferendæ institutas esse, ex qua delecti viri post in Saxoniâ missi prodire. Extat hodie dum vicus Saxonum in Vrbe, totusque, quo scholæ illæ floruerunt. Interim non quieuit Carolus, dum expeditione in Italiam factâ, Pontificem quieti, & honori restitueret.

Quarta hæc Caroli profectio fuit ad limina Apostolorum, quâ natalem Christi diem cum Leone celebrem habuit. Sed prius instituta quæstio in facinorosos, punitiq; partim gladio, partim exilio; qui Pontificem tam indigne tractarant. Et cum Pontifex coram in confessu Caroli, Archiepiscoporum, Episcoporum, & Optimatum se offerret ultro ad purgationem criminum, quæ falso objecta erant, responsum est ab omnibus. *Nos Sedem Apostolicam, quæ est Caput omnium Dei Ecclesiarum, iudicare non audent, nam ab ipsa nos omnes, & Vicario suo iudicamur, ipsa autem à nemine iudicatur, quemadmodum & antiquitus mos fuit, sed sicut ipse summus Pontifex censuerit, obediemus.* Probavit hæc Carolus, & Pontificem Innocentem honori restituit.

Aderat jam Natalis Christi dies, cum congregatis in Basilica D. Petri Archiepiscopis, Episcopis, & Sacerdotibus, unaq; Francorum, Romanorumq; proceribus, Pontifex Carolo inter Missarum solennia coronam imponit, & Imperatorem dicit, acclamante populo, *Carolo piissimo, Augusto, à Deo coronato, magno, pacifico Imperatori vita, & victoria.* Illico etiam, ut Anastasius in vita ejus refert, Pontifex unxit oleo sacro Carolum, & excellentissimum filium ejus regem. Post celebrationem Missarum obtulit ipse Imperator mensam argenteam in Basilica S. Petri, aliamq; in Basilica S. Pauli, multaque alia regia dona diversis in templis, & altaribus oblata, munificentia, quantam numquam antè, nec post Constantinum M. vidit Roma Christiana, quod eam urbem ob venerationem S. Petri Apostolorum principis, & S. Pauli Doctoris gentium exornandam susceperat, cui præter innumera alia dona, ante alias Metropolitanas sedes, ex testamento magnam primamq; partem adscripsit.

Quid nunc ad hæc dices Nifani? qui totus es in lacerando Pontifice, & post Gregorium M. per ducentos ad Carolum M. annos non alios in sede Petri, quàm Antichristos confedisse scribis. Credemûsne

Stephanum Pontificem, à quo inunctus est Pipinus pater Caroli, & ipse Carolus M. cum fratre Carolomanno Rex Francorum, iudice Pipino rege, & Carolo M. Antichristum fuisse? Quid de Hadriano, à quo filius ejus baptizatus, & filij regis Caroli inuncti sunt reges? Quid de Leone Pontifice, à quo Carolus M. coronatus, & inunctus est Imperator? Quid de Ludovico Pio Imperatore Caroli M. filio, quem Stephanus IV. Pontifex inunxit in Gallia Imperatorem, & qua veneratione excepit? Theganum Chorepiscopum Trevirensen audiamus, qui hæc inter cæteros scripsit. *Perrexit Ludovicus obviam Pontifici in campo magno Remensium, descendit, uterq; de equo suo, & Princeps prosteruens se omni corpore, in terram tribus vicibus ante pedes tanti Pontificis, & tertiâ vice erectus, salutavit Pontificem, inde amplexantes se, & osculantes perrexerunt ad Ecclesiam:* Ita nimirum filius edoctus à patre, & majoribus venerari Pontifices Romanos, quam in rem egregium est, quod Carolus M. Theonis villæ convocatis tribus filijs. Carolo, Pipino & Ludovico Regibus anno Christi DCCCVI. cum regnum Francicum inter illos divideret, in testamento præscripsit: Verba Caroli hæc sunt: *Super omnia autem jubemus, ut ipsi tres fratres curam, & defensionem Ecclesie S. Petri simul suscipiant, sicut quondam ab avo nostro Karolo, & beata memoria genitore Pipino Rege, & à nobis postea suscepta est, ut eam cum Dei adjutrio ab hostibus defendere nitantur, & justitiam suam, quantum ad ipsos pertinet, & ratio postulaverit, habere faciant.* Testamentum hoc apud Pithæum leges. Et quis ex Lutheri disciplina magister inter vos principes Saxoniz, hanc Romani Pontificis venerationem docuit; qui tamen ad Carolum M. pro religione vestra provocatis. Itane, jam tuum, tuorumque judicium serò tandem erit supra Caroli M. Imperatoris judicium? Imò, orbis Christiani judicium relinquam, & tuo, tuæque sectæ judicio me committam, & Pontificem Antichristum credam? Nemo tam infanus inter Judæos, Saracenos, & Turcas, ut hæc de Christianis diceret, quæ vos prædicantes de Catholicis scribitis, & plebem docetis.

Bella Caroli M. quæ à prima juventute militari exercita, ad senium usque continuis ferè annis gessit, aut contra rebelles, aut contra Romanæ Ecclesiæ vexatores, aut contra Barbaros Christianæ religionis juratos hostes suscepta sunt. Horum bellorum primum Aquitanicum adversus



adversus Hunoldum rebellantem, alterum mox anno secundo regni adversus Saxones, ex concilio Wormatiensi in hanc rem cumprimis habito susceptum est, productumque inde supra xxxiii. annum regni ejus tertium rogatu Hadriani Pontificis adversus Desiderium, Longobardorum regem, & Longobardos Italicum fuit. Inde cætera consecuta, Hispanicum adversus Saracenos, & Vascones, Beneventanum, Britannicum, Bavaricum adversus Thassilonem, Pannonicum adversus Hunnos, his successit Bohemicum, Illyricum, & Sclavicum adversus barbaras gentes, ac postremo Danicum adversus Nortmannos, terrâ mariq; gestum. Ex his bellis nullum Carolo diuturnius, laboriosius, & atrocius, quàm Saxonicum, sed & eò nullum etiam Carolo gloriosius, quod inter cætera bella continuè gessit, donec totam Saxoniam, quanta ea inter Rhenum, Visurgim, & Albim se explicat, debellaret; hoc enim bellum tanquam palmare sibi sumpsit, ut gentes illas, non tam regno Francico, quam Christianæ religioni submitteret, quando jam Frisia, Alemannia, Thuringia, Hassia, cæteraque trans Rhenum provinciæ regno Francico, & Christo paritæ cesserant. Gloriosa hæc Carolo bella, ex quibus victor semper triumphavit, sed non minùs admiranda, quæ inter hæc simul pro religione, & disciplina cleri, populiq; gessit. Si nimirum tot Episcopatus, collegia clericorum, & cenobia religiosorum condita, si tot templa, & altaria erecta, si tot Synodi quotannis ante bella habitæ, si tot leges sacræ, ac civiles ab eo præscriptæ, sancitæque, si tot provinciæ, tot hominum millia per lavacrum Baptismi Christo adjuncta æstimentur. Ut haud incongruè Scriptores quidam Carolum armatum Saxoniam Apostolum dixerint. Magnus certè Franciæ Monarcha, qui Galliam, Germaniam, Italiam, magnam Hispaniæ partem, utramque Belgicam, & Frisiam, utramque Pannoniam, Alemanniam, Thuringiam, Hassiam, Bohemiam, Saxoniam omnem, uno imperio complexus *Francorum regnum in duplum auxit*, Quique, ut idem Eginardus scribit, *Omnes barbaras ac feras nationes, quæ inter Rhenum, ac Vistulam fluvios, Oceanumq; , & Danubium posita Germaniam incolunt, ita perdomuit, ut eas tributarias fecerit*: Sed longè major Christianis virtutibus, religione in Deum, misericordiâ in pauperes, largitate in Ecclesias, & religiosos homines, fortitudine in barbaros hostes, patientiâ in adversis, clementiâ in devictos, pietate in suos, caritate in omnes



mnēs, ob quā etiam Nithardus, ex filia ejus nepos, scriptor perhibet, *Magnus, & incomparabilis Imperator est salutaris.* Paulus Diaconus Carolo familiaris in Chronico Metensi, *Excellentissimum Regem, & Imperatorem* appellat, de quo *nescius utrum fortitudinem bellicam in eo, aut sapientia claritatem, omniumq; artium liberalium peritiam & cum primis Christianas virtutes demiraretur.* Unico duntaxat mulierum amore excepto, quod vitium seriā deum poenitentia expiavit, saepe etiam cilicio indutus; Indē Baronij judicium est, neque ante eum repertum Imperatorem, neque post eum adhuc cognitum, qui virtutes, & gloriam ejus exæquarit, adēo incomparabilis, inter omnes Reges, & Cæsares Christianos; cætera Eginardus, qui vitam ejus diligenter scripsit, Annales Francici, cæteri que auctores explicatiùs tradiderunt, & nos quatuor libris res ab eo per Saxoniam præclare gestas profecuti sumus, hisce verò iv. libris Caroli religionem Catholicam, atque ea, quæ Nifanius nobis controversa fecit, potissimum explicabimus.

Tandem Carolus condito abs se maturè testamento, quod ab Eginardo, alijsq; accepimus, accedente ad senium febris, & lateris dolore, cum neq; corpus aliter, quam rarissimo potu sustentaret, septimo postquam decubuit die, sacrā communione perceptā, anno Christi DCC CXIV. ætatis circiter LXXI. regni XLVII. subactæ Italiæ XLIII. ex quo verò Imperator, & Augustus est appellatus XIII. v. Kal. Februarij Aquisgrani, ubi hyemabat, rebus humanis excessit. Sepultus est eādem, quā defunctus est, die, Aquisgrani in Basilica, quam ipse ex amore Domini nostri Jesu Christi, & ob honorem sanctæ, & æternæ virginis Genitricis construxit. Extructus super tumulum ejus arcus deauratus cum imagine, & inscriptione in hæc verba:

*Sub hoc conditorio situm est corpus Karoli Magni, atque Orthodoxi Imperatoris, qui regnum Francorum nobiliter ampliavit, & per annos XLVII. feliciter tenuit. Decessit septuagenarius. Anno Domini DCCCXIV. Indict. VII. V. Kal. Februarij:*

Ita Eginardus, & Francici annales: Engolismensis verò Caroli vitæ scriptor in hæc verba excessum ejus tradit: *Oleo sancto inunctus ab Episcopo, & viatico sumpto, & omnibus suis dispositis, commendans Deo spiritum, obiit in pace.* Addit idem scriptor corpus ejus aromatibus conditum est, &

est. & in sede aurea positum in curvatura sepulchri, ense aureo accinctum, Evangelium aureum tenens in manibus, & genibus, reclinatisq; humeris in Cathedra, & capite honeste erecto, ligatâq; aureâ catenâ ad diademata, & in diademate signum sancti Crucis positum est, vestitum est corpus ejus vestimentis imperialibus, & sudario sub diademate facies ejus operata est. Cilicium ad carnem ejus positum, quo secretè semper induebatur, & super vestimentis imperialibus, pera peregrinalis aurea posita est, quam Romam portare solitus erat, sceptrum aureum, & scutum aureum, quod Leo Papa consecraverat, ante eum posita sunt dependentia, & clausum, sigillatumq; est sepulchrum. Nemo referre potest quantus planctus, & luctus fuerit per universam terram, etiam inter paganos plangebatur, quasi orbis pater, maxime verò inter Christianos per universum ejus regnum. Theganus verò Chor Episcopus Trevirensis in vita Ludovici Pij in hæc quoq; verba de Caroli excessu: *Mense Januario Carolus Imperator correptus febre post balneum, cumq; per singulos dies morbus ingravesceret, nihil comedens, neq; bibens, nisi modicum aqua ad recreationem corporis, septimo die postquam laborare cepit, jussit familiarissimum Pontificem suum Hiltilbaldum venire ad se, ut ei Sacramenta Dominici corporis, & sanguinis tribueret, ut exitum vite confirmaret, quo factò laboravit in infirmitate diem illum, & noctem sequentem; In crastinum verò luce adveniente, sciens quod facturus erat, extensâ manu dexterâ, virtute, quâ poterat, signum sancti Crucis fronti imprimens, & super pectus, & omne corpus consignavit, novissimè autem colligens pedes suos, extendens brachia, & manus super corpus, clausit oculos psallens hinc versum leniter: In manus tuas commendo spirituum meum. Statim post hæc verba in senectute bona plenus dierum perrexit in pace.* Ita verò Carolus omnibus Ecclesiæ Catholicæ Sacramentis præmunitus, piè placidèque excessit è vita, oleo etiam sacro inunctus, quod Sacramentum est extremæ Unctionis. Sive jam Carolus sub una specie Eucharistiam acceperit, quod Eginardus nomine communionis indicat; sive sub utraque etiam specie, quod ex verbis Thegani confici quidam volunt, parum patrocinatur causæ Lutheranorum. Nec enim negant Catholici utramq; speciem post tempora etiam Apostolorum fuisse in usu, ita ut alibi ac modò sub una, alibi ac modò sub utraque specie præbita fuerit Eucharistia, ut nios pro diversis regnis & provinciis obtinuit, quanquam & Thegani verba per Synecdochen de

una specie intelligas licet. Sed hæc, & quis ævo Caroli M. usus fuerit, in quaestione de utraque specie expediemus.

Illud verò inter extrema Caroli facta non prætermittendum, quod anno ante obitum extremo, tanquam mortis suæ præsagus, ex multis signis, & prodigijs, de quibus Eginardus, quæque ipse ultimum sibi vitæ terminum prænunciare sensit, per universum Franciæ regnum, Episcoporum synodos sub idem ferè tempus convocari voluit, ut regnum simul, & Ecclesiam optimis legibus, optimaq; cleri, populiq; disciplinâ formatum post se relinqueret. Atque hæc illa quinque celebria concilia sunt, *Moguntinum* videlicet, *Arelatense*, *Rhemense*, *Turonense* & *Cabilonense*, quæ deinde Carolus, cum singulorum statutis ad se delata approbavit. Ex quibus, si nihil aliud ex Caroli actis superesset, satis, superque intelligi poterit, quam religionem Carolus coluerit, Catholicam, an Lutheranam, quod Nifanius cum suis novatoribus somniat.

Quamquam si quis omnem vitæ rationem, & formam, si quis Catholicæ fidei professionem, quam ad Episcopos Hispania scripsit, si Pontificis, & Apostolicæ Sedis defensionem, & amorem, si cultum religionis per singula fidei capita, si fundatos ab eo Episcopatus, formatosq; si collegia clericorum, cœnobîa Monachorum, sanctimonialium, & sacratarum Deo virginum monasteria, si tot synodos sub Carolo celebratas, approbatasq; si tot leges, & sanctiones quibus cleri, Monachorum, & sanctimonialium vita formatur, si quis denique omnia monumenta Carolina, ex Capitularium libris, & historicorum scriptis pervolverit, & expenderit, mirum quomodo vel per speciem aliquam prudenti in mentem venire possit, Carolum, aut aliam quàm Catholicam religionem, aut mixtam ex novatorum placitis, sectisve coluisse. Sed nunc per singula eundum, ex quibus Nifanius nobis larvatum suum Carolum introducit,

## Caput IV.

## CAPUT IV.

*De Ecclesia Christi, quam malè Lutherani, rectè Catholicici nobis describunt.*

**P**rimam nobis controversiam ex Carolo M. Adversarius movet de Ecclesia, quam duplici tractatu complexus est: In primo agit de Ecclesia ejusque notis, in altero, de corpore Christi mystico, quod est Ecclesia, in eoq; caput visibile Ecclesiæ oppugnat. Nos hæc in unam continuam tractationem contrahemus, quæ ille sparsim & tumultuario opere proponit. Et verò quia hæc controversia fundamentum est cæterarum, ideo fufius aliquanto de hac agendum fuit: Nam inventa verâ Christi Ecclesiâ, invenitur verus Judex controversiarum omnium, quæ agitantur cum hæreticis; invento Judice, invenitur omnis controversiarum infallibilis decisio. Quicquid enim tot libris, & scriptis, tot congressibus publicis, & privatis, tot disputationibus, & altercationibus inter nos agitur, frustra agitur, nisi ad Ecclesiam veram, & judicem controversiarum reditus fiat: Non alius hic exitus aut finis, aut salus quærentium veram fidem, & salutis viam. Ita sapientes omnes, ita res ipsa nos docet. Igitur de ipsa Ecclesia primum agamus, quæ cum vera religione, ut Augustinus lib. de vera relig. c. 5. scripsit, *neq; in confusione Paganorum, neque in purgamentis Hæreticorum, neque in languore Schismaticorum, neque in cæcitate Judæorum quærenda est.*

Ac primum si à priscis hæreticis quærās, quid sit Ecclesia? Pelagianis olim Ecclesia erat, *Congregatio perfectorum nullum peccatum habentium.* Ita August. lib. de hæresibus cap. 88. quam definitionem Calvinus attribuit Anabaptistis. Novatianis & Donatistis Ecclesia erat *Congregatio iustorum qui nunquam lapsi erant abnegando fidem.* Ita de his August. lib. de hæres. c. 69. & Cyprianus lib. 4. ep. 4. Wiclef & Hussitæ Ecclesiam definiunt, *Congregationem Prædestinatorum.* Ita de his Thomas Waldensis tom. 1. lib. 2. Conc. Constant. sess. 15. Hussitis accedit Calvinus

D

cui

cui *Ecclesia est congregatio ex solis iustis & predestinatis conflata*. lib. 2. In-  
stit. c. 2. §. 9. 10. 11. Idem lib. 4. Instit. c. 1. docet, *veram Christi Ecclesiam a  
solo Deo cognosci posse*. Interim Morpheus ille admittit Ecclesiam quan-  
dam externam, in qua boni & mali admixti sint. Absona hæc omnia, &  
falsa, cum Ecclesia sit visibilis hominum congregatio, ad quam quilibet  
se aggregare debet, quæq; visibiliter regi possit. Quinam autem illi perfe-  
cti & iusti, quinam electi & predestinati sint, quibus te aggregates, aspe-  
ctabile non minus, quam si Ecclesiam spirituum aut separatarum ani-  
marum fingas inter homines.

Demum Lutherani, *Ecclesia est*, inquiunt, *congregatio Sanctorum,  
in qua Evangelium rectè docetur, & rectè administrantur Sacramenta*.  
Ita Augustana confessio art. v. sed non minus absurde. Tum quod illa  
congregatio Sanctorum nobis incognita sit, adhæc peccatores fideles  
etiam intra Ecclesiam contineri certum est, quâ super re Bellarm. lib. 3.  
de Eccles. c. 9. ceterique doctores. Tum quod nulla hoc ævo sit secta,  
quæ non profiteatur apud se rectè doceri Evangelium, & Sacramenta  
administrari. Idem Calvinistæ, Arminiani, Anabaptistæ, Zwing-  
liani, Puritani, & omnes in Germania, Hollandia, Anglia, sectæ libi  
vendicant. Tandem in Apologia Augustanæ confess. *Ecclesia definitur,  
congregatio Sanctorum qui verè credunt Evangelio, & habent Spiritum  
sanctum*. Sed hæc definitio eodem redit, nec enim constat quinam illi  
sancti sint qui verè credunt; dicunt quidem solâ fide justificari homi-  
nem, & qui ita credunt, ut Lutherani credunt, omnes sancti sunt. Sed &  
principium illud falsum est. Adhæc omnes modò sectæ idem dicunt,  
docentque qui ita credunt, ut nos Calvinistæ, Zwingliani, Anabaptistæ  
& Puritani credimus, sancti sunt. In quo ergò discernas Lutheranam  
Ecclesiam ab alijs? Dicent, Innocentius Pontifex definit Ecclesiam quæ  
sit, *Congregatio fidelium*. cap. *Firmiter*. Et Nicolaus Papa dist. 1. de  
consecrat. can. *Ecclesia quod sit congregatio Catholicorum*. R. Neutram  
definitionem esse plenam, quando alter Hæreticos, alter Schismaticos  
tantum excludere voluit. Quæ super re Bellarm. lib. 3. de milit. Eccl. c. 5.

At quænam Catholicis Ecclesia? Hanc Nisanius calumniando  
ita nobis describit & dividit: *Est regnum Pontificium, in quo mixtu-  
ra sit rerum diversissimarum, quarum una Deus auctorem habet, nem-  
pe purum & sincerum ministerium predicandi Evangelium, & dispensan-*  
di SACRA-

*di Sacramenta, altera Antichristi propria est. & regno Pontificio, in quo non nisi pulvis, fermentum, lutum, facies, ac mera sordes humanarum traditionum & superstitionum. Alterum sua Ecclesie Lutheranae ex illa cessisse docet, nempe ministerium recte prædicandi Evangelium & Sacramenta administrandi. Alterum sibi Pontificiam Ecclesiam retinuisse, ut jam nihil sanum, nihil integrum sit apud Catholicos, secus quam Lutherus judicavit asserendo, verum baptismi, vera Sacramenta & omne bonum esse apud Catholicos. Et unde Lutheri baptismus, unde cætera? Quin mihi persuadeco cæteros Lutheranos mitius sentire de Catholicis, alias enim majores nostri cum vestris à Carolo M. ad Lutherum, & à Luthero ad hæc tempora damnandi erunt: vel enim apud vos solos permansit ministerium recte docendi & Sacramenta administrandi, vel etiam apud Catholicos simul. Si apud vos solos, jam damnandi omnes erunt quotquot ante Lutherum fuere Catholici, & quotquot consecuti sunt, quod nec ipsi Lutherani credunt. Vel etiam apud Catholicos mansit ministerium recte docendi, & Sacramenta administrandi, & tunc non apud vos solos permansere hæc salutis media. Verum cum doctrina nostra in substantialibus fidei articulis sit contraria doctrinæ Evangelij vestri, & Sacramentorum, quomodo hæc conciliabis, ut non simul damnes Catholicos necesse sit? sed his calumnijs hujus Pseudo-Episcopi in præsens omisissis, Catholicorum definitionem audiamus.*

*Bellarminus lib. 3. de Eccles milit. c. 2. definit Ecclesiam esse cætum hominum ejusdem Christiana fidei professione, & eorundem Sacramentorum communione solligatum sub regimine legitimorum Pastorum & præcipue unius Christi vicarij Romani Pontificis. Hæc Bellarmini definitio excludit Judæos, Turcas, Paganos, Apostatas, & tam præcos, quam omnes hujus sæculi hæreticos. Similom à vobis expectamus, quæ cæteri omnes hæretici excludantur. Id hæcenus non præstitistis ex quo jam supra centum annos cum Luthero cœpit vestra Ecclesia. Cum Bellarmino faciunt Canisius in opere catechetico, Valentia disput. de fide q. 1. Tannerus disp. 1. de fide q. 3. dub. 2. Comptonus disp. 21. de fide sect. 2. Stapletonus controvers. 1. q. 4. alijq; innumeri. Suarez tract. de fide disp. 9. sect. 1. Ecclesia, inquit, est corpus politicum & morale, compositum ex hominibus veram Christi fidem profuentibus sub uno Ecclesia capite &*

*vicario Christi. Quam postremam partem definitioni suæ includi vult, quemadmodum Cyprian. loquitur: Ecclesia est plebs Sacerdoti adunata & Pastori suo grex adharens. Addunt alij, est cæus præterea in uno sacrificio isilem; Sacramentis DEO serviens & peculiarem ei cultum exhibens, per quæ ab omnibus alijs cætibus distinguuntur. At in vestra Ecclesia non est vera fides profitentium, nec unum religionis sacrificium, nec unum Ecclesiæ, & corporis hujus visibile caput, per quæ ab alijs hujus sæculi hæreticis discerni possitis.*

In qua nunc Ecclesia Carolum M. constituemus? Sane non in alia, quam descripsimus, Ecclesia Catholica. Nam fidem illum suam professum esse veram, eamq; sub Pontifice Romano & Apostolicâ sede, satis constat ex ijs, quæ supra relata c. 3. Hinc ultro se defensores & adiutores Romanæ Ecclesiæ toties profitetur, palamq; scribit in epistola ad Hispaniæ Episcopos; *Se tota mentis intentione & cordis alacritate Apostolicæ sedis conjungi*, quæ tibi est sedes Antichristi. Secundò Carolum fidem suam professum esse sub regimine legitimorum Pastorum & Episcoporum, clarum est ex omnibus synodis ejus & Capitularium libris, in quibus prima, & præcipua pars decretorum est de Metropolitanis, & Archiepiscopis, de Episcopis, & Sacerdotibus. Hinc moriturus testamento partem thesauri sui scripsit, & divisit inter xxi. Metropolitanos Episcopos regni sui. Ut constat ex testamento ejus apud Eginardum. Ubi nunc ejusmodi Archiepiscopi, & Episcopi, & Pastores Ecclesiæ apud vos Lutheranos, quales ille Saxonie imposuit. Si consecrationes eorum, si potestatem ordinis, & jurisdictionis, si Sacramentorum administrationem, si doctrinam, si denique ipsam vitam & mores expenderelibet. Tertiò Carolum M. professum esse suam fidem in uno sacrificio religionis, quod sacrificium Missæ dicimus, quodque toto orbe Christiano unum erat, constat ex ijs quæ Romæ egit celebrando tertium Pascha, cum Hadriano Pontifice, quæq; Pontifice ipso Missarum solennia celebrante, ad altare obtulit; à Leone deinde inter Missarum solennia Imperator coronatus, & inunctus est. Et quid templa & altaria ab ipso constructa, quid calices cæteraque vasa sacra, & ornamenta altaris ab eo oblata. *Sacrorum vasorum*, scribit Eginardus, *ex auro & argento, vestimentorumq; sacerdotalium tantam in ea copiam procuravit, ut in sacrificijs celebrandis ne janitoribus quidem, qui ultimi Ecclesiastici ordinis*



*dinis sunt, privato habitu ministrare necesse fuerit. Quid capella domestica pro quotidiano sacrificio, de qua in testamento ejus, quid Episcopi, & Sacerdotes in castris, nisi primo ad sacrificium Missæ peragendum, quid innumera testimonia in synodis & Capitularium libris de sacrificio Missæ ritè & secundum morem Romanum celebrando. Sed de his suis locis explicatius agetur.*

## CAPUT V.

*De Corpore Christi mystico, quod est Ecclesia, et capite ejus.*

**C**orpus Christi duplex est, verum & mysticum. Verum corpus, est quod ut Christus primus ac verus Sacerdos secundum ordinem Melchisedech, in ultimâ cenâ dedit. Ita ex testamento veris Ecclesiæ filijs sub specie panis & vini Sacramentum & sacrificium reliquit. Nihil hoc dogmate clarius testaturq; adversus Sacramentarios apud Evangelistas & Apostolum. Matth. 26. Marci 14. Luc. 22. Joan. 6. 1. Cor. 11. Planissima enim Christi verba: *Hoc est corpus meum, & Hic est sanguis meus*, quemadmodum planissimus ille literalis sensus à Concilijs, Patribus, traditione, & consensu totius antiquitatis assertus est, qua super re nihil hoc loco agendum est. Utrumq; divini & immensi amoris pignus, quo nihil ex thesauro Christi aut præstantius sumitur, aut dignius colitur, aut sanctius adoratur: Nam quæ corporis animique puritas requiratur ad Sacramenti sumptionem, docet Apostolus: *Probet semetipsum homo, qui enim manducat, & bibit indigne, judicium sibi manducat & bibit non dijudicans corpus Domini*, rursum supra, *Rem erit Corporis & Sanguinis Domini*. Par est ratio de ipso sacrificio quod in corpore & sanguine Christi offertur, ut vel inde dixerit S. Augustinus serm. 181. *Sola atq; una est vera Catholica Ecclesia, in qua hostia redemptionis immolatur, & Sacrificium Dominus libenter accipit*. Quantâ deinde vitæ innocentia, divini cultus veneratione, & majestate

jestate religionis sacrificium peragatur, docent nos, Sacerdotum consecratio, castissimæ ceremoniæ, templa, altaria, vasa sacra, & indumenta sacerdotalia. Et si ipsum Sacerdotium, atque omnium inferiorum ministrorum ordines considerentur, omnes ad unum hoc sacrificium, & altaris ministerium ritè ac dignè peragendum primario instituti sunt. Diaconi enim est, sacerdoti in sacrificij oblatione ministrare, assistere & tempore sacrificij Evangelium legere. Hoc illud D. Laurentij Diaconi ad Sixtum Pontificem: *Tu nunquam sine ministro sacrificium offerre consueveras.* Similiter Subdiaconi munus est ministrare Diacono in sacrificio, & legere Epistolam tempore sacrificij: Hinc dum ordinatur accipit calicem vacuum & patenam. Acolythi munus cum cerco accenso sequi Diaconum, ad locum Evangelij, & urceolos, atq; ampullas ad sacrificium preparare; eodem ceterorum officium refertur. Ut hæc ex traditione Ecclesiæ, Concilij, Patribus, & libris sacrorum rituum, & praxi Ecclesiæ constant, satisq; in Capitularibus Caroli M. ac synodis sub eo habitis toties confirmantur. Quamquam nullibi expressius singulorum ordinum & clericorum munia leges, quam in Concilio Aquilgramenti sub Ludovico Pio celebrato. Demum unde illa Sacerdotum dignitas super Reges, & Principes, nisi ex potestate ordinis in verum corpus Christi quod consecrant, populo distribuunt, & in sacrificio offerunt. Sed hæc mysteria heterodoxis sunt abscondita. Enimvero ex quo Lutherus primo potestatem ordinis ex Ecclesia sua sustulit, & ab Ecclesia sese cum suis per novam hæresim separavit, nec verum Christi corpus in Sacrificio, nec in Sacramento suo Lutherano populo reliquit. Nam cum Episcopus non fuerit, neq; Episcopos consecratos secum traxerit, à quibus in Ecclesia sua Sacerdotes consecrarentur cum potestate ordinis, verum Christi corpus in Sacramento Eucharistiæ, & sacrificio Missæ apud eos desijt. Ac tametsi Lutherani palam nobiscum confiteantur adversus Calvinistas verum sese Christi corpus populo dare in cœna sua, nihil tamen magis populo dant quam Calvinistæ, ac multò apertius Calvinistæ, etsi per eandem fraudem, hic agunt, profitendo se tantum signum & figuram dare corporis Christi, quam Lutherani, qui dicunt se corpus Christi verum dare, cum re ipsa nihil etiam præter figuram administrent, prorsus ut D. Augustinus docuit lib. 93. de Baptismo c. 19. adversus Donatistas: *Per imagines phantasmatum Sacramenta & scripturas ad speciem tenent, non ad salutem.* Alce-

Alterum ergo Christi corpus Mysticum est, & hoc corpus est Ecclesia Christi. Eph. 1. Apostolos de Christo: *Omnia subiecit sub pedibus ejus, & ipsum dedit caput supra omnem Ecclesiam, quæ est corpus ipsius.* cap. verò 5. *Vir caput est mulieris sicut Christus est caput Ecclesia.* ad Coloss. 1. *Et ipse est caput corporis Ecclesia.* Hæc inter nos certa, neque ullus Catholicorum id negat. Tota verò controversia in eo versatur, an non præter Christum aliud sit caput visibile in hoc mystico Christi corpore. Quæ in re id rursus observandum, aliud esse caput invisibile per influxum internum gratiæ, aliud per externam & vicariam gubernationem Ecclesiæ. Christus dum in terris esset, Ecclesiam fundavit, instituendo ministros Ecclesiæ, duodecim videlicet Apostolos, & septuaginta discipulos, instituendo nova Sacramenta, novum Sacerdotium & Sacrificium, novas leges sanciendo, docendo & colligendo populum in Ecclesiam; ita dum vixit, gubernavit Ecclesiam, & caput visibile fuit Ecclesiæ suæ. Post ascensionem verò in cælum, & visibilem præsentiam desijt esse caput visibile, & cœpit visibile caput Ecclesiæ in Petro, quem Vicarium sui, ut omnes Petri Successores esse voluit, atque id fieri necesse fuit: Ratio est, quia alias mutata fuisset forma gubernandi Ecclesiam, quod absurdum est dicere: Nam Christus dum vixit in terris gubernata est Ecclesia ab ipso Christo, ut à visibili capite; ergo eandem formam post ascensionem gubernari debuit, alias mutata forma non esset nunc eadem Christi Ecclesia, sicut omnis res publica mutatur, quando gubernandi forma mutatur.

Hoc illud Catholicum dogma est, quod hic Nifanius & omnes Novatores hujus sæculi odio Pontificis negant & oppugnant; Catholici verò unâ consensione clarissimè demonstrant. Primo Synagoga vet. testam. semper gubernata fuit ab uno visibili capite, nimirum Pontifice. Patet id ex lib. Exod. Levit. & Deuteronomij ac cum primis Deut. 17. *Qui autem superbiens nolens obedire Sacerdotis imperio, morte morietur,* ergo & Christi Ecclesia ita gubernari debuit, quod figura debeat correspondere figurato, & quidquid perfectionis est in typo & figura Synagogæ, id perfectiori modo debet esse in re figurata & Ecclesia Christi. 1. Cor. 10. Gal. 3. Heb. 8. & 9. 10. 12.

2. Id convincunt omnia scripturæ testimonia, quibus primatus Petri asseritur Matth. 16. *Tu es Petrus, & super hanc petram ædificabo Ecclesiam*

*Ecclesiam meam, & tibi dabo claves regni celorum.* Joan. 2. *Pasce oves meas*, quibus accedunt Petri prerogative, qua super re totus liber Bellarmini, de Pontif. Becanus de Primatu Petri, aliorumque virorum doctorum volumina & scripta in manibus sunt, quibus accedunt tomus Concil. Gener. in ijsque primorum à Petro Pontificum testimonia in unum collecta. tom. 1. tract. de primatu Rom. Eccles.

3. Ecclesia Christi comparatur *Regno Daniel. 2. exercitui Cant. 6. Ovili* Joan. 10. *Domui.* 1. ad Timoth. 3. *Corpori humano* 1. Cor. 12. *Sicut corpus unum est, & multa habet membra, ita & Christus.* Igitur ut regnum ab uno rege, exercitus ab uno Imperatore, ovile ab uno pastore, domus ab uno patre familias, corpus humanum ab uno capite regitur, ita etiam Ecclesia ab uno visibili rectore gubernari debet.

4. Christus instituit regimen Ecclesie perfectissimum, quod sapientum iudicio Monarchicum est. Quemadmodum & Angelorum Respublica non aliter, quam sub uno Archangelo Michael constituta est à Deo, nec aliter à Christo primum administrata est Ecclesia, ut supra diximus, quæ ratio mutata fuisset, quod absurdum est dicere. Quo postremo argumento ita convicti sunt quidam Novatores, ut necessarium habuerint dicere, Christum nunquam dum vixit, formasse Ecclesiam, neque unquam visibilem rectorem in ea egisse, ideoque Christum caput Ecclesie post ascensionem in cælum esse cœpisse, id quod longè est absurdius.

5. Id nomen per eminentiam Romano Pontifici à Concilijs & Patribus data satis ostendunt; Vocatur enim Pontifex Romanus. *Caput Ecclesie* à Cōcilio Chalcedonensi epist. ad Leonem Pontificem, uti & act. 1. ejus Concilij *Ecclesia Romana Caput omnium Ecclesiarum dicitur*, ita Hieron. in psal. 13. Chrysost. hom. 11. in Matth. Philo Carpatius in Cantica, ita ab Augustino in qq. V. & Nov. Testam. dicitur: *Caput fidelium, & Pastor Dominici gregis.* Ab Optato Milev. lib. 2. contra Parmen. Cyrillo Alexand. lib. 12. in Joannem c. 64. *Caput omnium Apostolorum.* Idem cetera nomina re ipsa continent, quibus *Princeps Apostolorum, Vicarius Christi, Pontifex Christianorum, Summus Pontifex, Princeps Sacerdotum, Pastor ovili Dominici, Pater & Doctor omnium Christianorum, Pater Patrum, Sponsus Ecclesie, Apostolica Sedis Præsul, Universalis Episcopus.* Vt hæc omnia nomina apud Bellar. Baron. Becanum.

Becanum, aliosq; ex adductis Conciliorum & Patrum testimonijs constant. Et Carolus M. si hic audias, non aliter ille Romanum Pontificem compellat quam *Christi in terris Vicarium*, & *Dominum Apostolicum, ac Petri Successorem*. In Capitulis ab Hadriano acceptis, c. 3. lib. 6. capitul. c. 231. *Apostolica Sedis Pontificem*: Epist. ad Hispan. Episc. *Pastorem Apostolicum*: in Epitaphio Hadriani à Carolo inscripto. *Apostolica & prima sedis Pontificem*; In Epist. Hadriani probata à Concil. Francof. & Epist. ad Hisp. Episcop. Quo omnia spectant, quæ Carolus M. de primatu Petri tam exserte decernit in Capitulis ab Hadriano acceptis can. 23. & can. 25. Additionum Capitularium. lib. 10. & 11.

6. Ut hic cætera prætermittam, satis id traditio cominonstrat, & perpetuum Ecclesiæ regimen ab Apostolorum ævo ad hunc diem traductum, quando non alia auctoritate quam Romani Pontificis Concilia Generalia convocata, controversæ fidei decisa, appellationes Episcoporum ad Apostolicam sedem factæ, & Ecclesia Catholica per Romanos Pontifices gubernata: Hoc nimirum illud divinum institutum, & hæc Monarchiæ & Hierarchiæ hujus ordinatio, qua Ecclesia Catholica inter tot hæreses sola in unitate fidei conservata est. Ecclesia enim ut præclare Suarez ostendit lib. de primatu Pontificis, est *spirituale regnum & corpus mysticum perfectissimè in suo genere constitutum, quod unam supremam potestatem in omnia membra habet, unum tribunal, ad quod controversiæ referri possint in eoq; decidi*. Et hoc regnum illud est, quod teste Daniele c. 2. *In æternum non dissipabitur*. Hoc corpus quod totum compactum & connexum est per omnem juncturam subordinationis. Ephes. 4. & vos demum solvetis? Ne Antichristus quidem id faciet, minus Antichristi ipsius prodromi.

Contra quæ hæresis unquam à tempore Apostolorum, quæ præterquam quod se ab hoc corpore Ecclesiæ & capite disjuncta, non in varias simul hæreses per se divisa & discerpta sit, ut infra tibi referam; Nec in hanc rem exemplis opus: si modo recognoscas, quot sectæ & hæreses, vel unâ Lutheri doctrinâ enatæ sint, & fœdè Germaniam dilacerarint. Gloriaris tu quidem, *Omnia in cæribus vestris ordinatissima esse, omnemq; confusionem apud vos per sanctiones Ecclesiasticas in provinciis præcisam esse*; Sed ego optarem vel duas provincias Saxonie proferri, quæ non ritibus, & ceremonijs inter se dissideant, Tota id Saxonia

E

clamat,

clamat, & queritur, & quis scandalum illud in populo tandem ex vestris Ecclesijs tolleret; quando alibi sacrorum vestes cum Catholicis ex parte retinentur, alibi cum Calvinistis prorsus abijciuntur. Ne quid de ipsis fidei controversijs dicam, quibus inter vos collisi, acerrimè hodie dum disceptatis, ut libri vestri & lites commonstrant, quæ, quia caput Ecclesiæ & supremum iudicem controversiarum non agnoscitis, numquam componentur. Ut benè dixerit Saxonix Princeps inter vos: scire se quid Prædicantes hodie credant, quid autem cras credituri sint, ne ipsos quidem scire aut dicere posse. Ita *annua menstruaq; fides* apud vos, quod de priscis hæreticis scripsit D. Hilarius. Verum, quia ut Augustinus de Manichæis dixit lib. 3. confess. c. 6. *Incidi in homines superbè delirantes & carnales & loquaces nimis.* Audiamus quid adversus visibile caput Ecclesiæ obtendas, quod à Romanensibus & Jesuitis horum *περὶ αὐτοῦ* obtrudi scribis.

Obijcis ergo 1. ex sacra scriptura id quod supra attulimus Ephes. 1. de Christo, *ipsum dedit caput super omnem Ecclesiam quod est corpus ejus.* ad Colos. 1. *ipse est caput corporis Ecclesiæ.* Confirmas ex Caroli Magni Capitularium lib. 1. cap. 12. lib. 4. cap. 21. ubi Carolus asserit *Christum esse caput Ecclesiæ*, quid inferis? ergo non est aliud caput in Pontifice Romano. Centies hoc audivimus & centies refutata sunt. R. Christus est caput invisibile per internum influxum gratiæ, & Pontifex caput visibile per externam gubernationem: Idèd Vicarius Christi & Successor Petri, & Apostolicæ sedis Pontifex, qualem ubique Carolus M. agnoscit. Nam hæc nomina esse caput Ecclesiæ & Christi Vicarium Pontificemque Apostolicæ sedis, re idem dicunt, sicut cum Saul dicitur *Rex Israël & caput in tribubus Israël.* 1. Reg. c. 15.

Obijcit 2. Apostolus Rom. 12. dicit: *Multi unum corpus sumus in Christo, singuli autem alter alterius membra.* Adducis denuò Carolum lib. 5. cap. 166. idem ex hoc Apostoli dicto asserentem, & inferis: si singuli membra sunt in hoc corpore, ergo & Petrus, & Pontifex non minus, quam cæteri fideles sunt membra. R. Apostolus disertè loquitur ibi de Christo, quatenus est caput Ecclesiæ per internum influxum donorum gratiæ, atque ita & Petrus, & Pontifex sunt membra, non caput, quod ut cæteri fideles à Christo gratiam accipiant. Si verò sermo sit de Christo, quatenus est caput Ecclesiæ per externam gubernationem, tum non solum Christus, sed etiam Petrus est caput, Christus quidem

dem primum & propria virtute, Petrus verò secundarium, & virtute à Christo participatâ.

Objicis 3. & hinc sequi dicis, quod Ecclesia sit biceps & monstrum, quia duo habet capita, Christum videlicet, & Pontificem Romanum. R. Nihil magis hoc novi neq; monstri est, quam si in uno regno duo sint capita, quorum alterum alteri subordinatum sit, nisi omnia regna quæ Proregem & Regem habent, monstra dicere lubeat. Alter enim est caput primum, alter secundarium & subordinatum principali. Sed quid ad hoc dicis. Idem Apostolus ad Ephes. 5. *Vir, inquit, est caput uxoris, & præter illud caput familiæ, uxor habet aliud caput naturale, ergo uxor tua biceps est, & quale illud domi tuæ monstrum fingis.* Imò verò cum Nifanius præter caput naturale sui corporis, quod habet, etiam sit caput uxoris suæ, deinde Superintendens & Episcopus comitatus Ravensbergenſis, nulli alij Archiepiscopo, vel Pontifici subordinatus per consequens etiam caput est suæ Ecclesiæ, jam triceps erit Nifanius, & monstrum etiam Ecclesiæ suæ : Quanquam hic aliud monstrorum genus videas, Episcopum cum uxore, Superintendentem simul, & independentem à nullo Metropolitano, vel Pontifice ministrum primum Ecclesiæ, qui nec Episcopus, nec Sacerdos consecratus sit, quique sine ulla potestate ordinis sacramenta populo administrat. Hæc vera sunt monstra à vobis in Christi Ecclesiam intrusa.

Objicis 4. Matth. 6. *Tu es Petrus & super hanc petram edificabo Ecclesiam meam.* Hoc inter palmaria argumenta est Catholicis, quo Petrum Ecclesiæ caput asserunt, quod tu omnium hæreticorum pravitate detorques, ut dicas Ecclesiam non super Petrum, sed Christum solum, aut supra Petri confessionem esse fundatam. R. Ecclesia super Christum ut primum fundamentum est ædificata, juxta illud Apostoli 1. Cor. 3. *Fundamentum aliud nemo ponere potest, præter id quod possum est, quod est Christus IESVS.* Fundamentum verò secundarium sunt Apostoli. Eph. 2. *Super ædificati super fundamentum Apostolorum.* Inter hos tamen unus Apostolus Princeps. Hoc illud Matth. 16. hic alatum. Ideò Petrus Vicarius Christi, Princeps Apostolorum, Pastor Domini gregis, cui specialiter dictum : *Pasce oves meas,* Joan. 20. Anselmum hic opponis, in hunc locum : *Super hanc petram, id est, super me, quasi dicat, sic es Petrus à me Petra, ut tamen mihi reservetur fundamenti dignitas.*

*dignitas.* Quid hoc contra Catholicos? idò hoc ipsum est, quod dicimus Christum esse primarium fundamentum, cui ob id hæc dignitas debetur. Ut autem videas quam falsò agas cum Anselmo, lege quod Anselmus in hoc ipsum Matth. c. 16. scribit: Hanc potestatem, inquit, *idèò uni Petro concessit specialiter, ut ad unitatem nos invitaret, idèò enim cum Principem Apostolorum instituit in Ecclesia, ut Ecclesia quasi unum principalem Vicarium haberet, ad quem diversa membra recurrerent.* Centum tibi in hanc rem Patres citare possem.

At inquis Jonas Aurelianus lib. 3. de cultu imaginum scribit: *Multi, & penè omnes Petram, super quam adificatur Ecclesia, fidem Petri intelligunt. Quasi Christus dixerit super confessionem tuam à te factam ædificabo Ecclesiam meam.* At quinam illi Patres? Tu non citas, ego tibi ultrò recitabo. Patres illi sunt Hilarius, Gregor. Nyssenus, Chrysostomus, Ambrosius, Cyrillus Alexandrinus. Sed hi Patres non faciunt contra nos, quia fidem Petri non accipiunt in abstracto, sed ut erat in Petro, & Petrus erat petra Ecclesiæ. Fides præterea ratio fundandi erat, fundamentum verò Petrus, seu ut Suarez Disp. 10. sect. 1. Fides fundamentum est, *ut quo*, Petrus, *ut quod*. Ita citati Patres, alijque hoc simul intelligunt. Quæ super re vide quæ cont. 1v. adversus Cabilivium c. 4. alias scripsi, ubi & D. Augustini mentem intelliges. Cæterum innumeri sunt Theologi & Interpretes, qui præter Bellarmin. Becan. Suarez, Maldonatum, super hunc locum Matth. c. 16. de ipso Petro id dictum asserant, uti hæc planissima & communissima Patrum sententia est: *Tu es Petrus*, id est, petra, & super te, quasi petram firmissimam, ædificabo Ecclesiam meam, quando in græco *πέτρα* & *πέτρος* latine petram significat, uti in Hebraica lingua est *SELA*, & in Syriaca *CEPHA*. Ita Clemens Romanus, Hippolytus, Dionysius, Tertullianus, Cyprianus, Origenes, Epiph. Greg. Nazianzenus, Basil. Ambrosius, Hieron. S. Leo, Hilarius, Chrys. August & alij cum Concilio Chalcedonensi.

Obijcis 5. Caput quod non habet verum influxum in membra, caput dici non potest, sicut Rex, inquis, aut magistratus quale caput esset, si non influxum præberet procurando pacem politicam, tutelam, metum. At Pontifex Romanus per externam gubernationem caput est sine omni influxu. At quæso, quid ineptius à te dici poterat? admittis in rege, & magistratu influxum in membra politica corporis, & in Pontifice



tifice negas, ubi eadem est ratio. Nam sicuti caput naturale habet internum influxum in membra naturalis corporis, ita caput metaphoricum habet metaphoricam, & externam gubernationem, sive hanc etiam influxum dicere libeat, nam fons hujus gubernationis est potestas à Deo data Rom. 13. *Omnis enim potestas à Deo est.* Cui tamen non obstat quin Christus per internum gratiæ influxum simul concurrat. Sicuti scriptum est: *Per me reges regnant;* dando illis potestatem, & influendo per gratiam gubernationis. Sed quid cum hoc hominum genere facias: *Sinite illos, cæci sunt, & duces cæcorum.*

Augustinum hic patronum queris, quod is lib. 3. contra Petil. c. 42. scribat: *Tota Ecclesia constans ex omnibus fidelibus habet illud caput positum in celestibus, quod gubernat corpus suum, & si separatim sit à visione, annectitur tamen caritate.* R. Augustinus loquitur de invisibili capite, præter quod aliud agnoscit visibile in Pontifice. Epistola enim 162. scribit: *In Romana Ecclesia semper Apostolica Cathedra viguit Principatus,* Serm. 16. *Ecclesiarum Petra, dicitur Petrus,* juxta illud: *Tu es Petrus, & super hanc Petram ædificabo Ecclesiam meam.* Et petra dicitur eo quod tanquam saxum immobile totius corporis compagem molemq; contineat, Planius etiam serm. 124. caput appellat Petrum: *Quantum hoc divini muneris erga salutem hominum: Totius corporis morbum in ipso capite curat Ecclesia, & in ipso vertice corporis membrorum omnium sanitatem.* In Petro scilicet illo qui dixerat, *etiamsi oportuerit me mori tecum.* Vide præter caput Christi invisibile, aliud visibile in Petro ab Augustino doceri nos.

Quod vero Augustinus dicat Christum gubernare Ecclesiam per caritatem, satis indicat se de interno influxu loqui, qui per caritatem, & dona gratiæ communicatur regentibus. Cæterum ut Christus per alios ministros Ecclesiæ baptizat, consecrat, ordinat, docet, & Sacramenta administrat, ita Imperium per Imperatores, Regna per Reges, & Principes, eorumq; ministros in Politicis administrat, Ecclesiam verò per Pontificem & Episcopos eorumq; administratos gubernat, *Spiritus enim Sanctus posuit Episcopos regere Ecclesiam Dei,* universalem per Pontificem, Petri successorem, particulares Ecclesias per Episcopos Apostolorum successores.

Objicis 6. Tanta sublimitatis est hoc nomen esse caput Ecclesiæ,

E 3

ut nulla

ut nulla creatura in communionem hujus nominis ullo modo venire possit, soli Christo manet ut sit caput, Rex, & Dominus, est enim *θεός* nomen, quod soli Deo homini convenit, proinde injuriam facit Christo, qui id cum Pontifice communicat. Stolidi hoc Lutherani est argumentum. &c. Multa nomina quæ Christo conveniunt, etiam hominibus attribuuntur. Christus dicitur Pastor, Episcopus, Pontifex, Apostolus, Doctor, Sacerdos, Lux, Fundamentum, Rex, Princeps, quæ tamen nomina hominibus attribuuntur in scriptura. Hoc argumento regum & principum nomen tollendum esset è Christiana republica. Secundò, Impie fecerunt SS. Patres supra citati, qui Pontificem appellant Caput Ecclesiæ, & quæ injuria hic Christo irrogata, cum & Dei appellentur homines in scriptura: *Ego dixi Dei estis. Deus stetit in Synagoga Deorum.* In scriptura 1. Reg. c. 15. Saul vocatur *caput in tribubus Israël*, Rasin Rex Siritæ *caput Damasci* Isai. 7. Phacee Rex Israël, *Caput Samaria.* ita Jeremiæ 31. *Hinnite contra Caput gentium.* Id est contra Reges & Principes. Frivola hæc sunt, nec digna Licentiato Theologia.

Pergis delirare. Quemadmodum universa scriptura distinctionem ignorat inter mediatorem, & sponsum primum, & secundarium, sic nec umbrant continet de capite primario, & secundario. Tunc Superintendens Prædicantium, & doctor populi, nec legisti ad Galat. 3. *Data est lex per Angelos in manus mediatoris*, id est Moysis? Quid hic centes? Moyses fuitne primarius an secundarius Mediator? Sponsum Ecclesiæ dici Pontificem, lego in Concilio Lugdunensi, sed non aliter quam Pastor Ecclesiæ loco Christi; nam verus & principalis Sponsus Christus est Joan. 3. Quia spiritu suo Ecclesiam fecundat, ut filij nascantur, Pontifices dicuntur sponsi, quia cooperando extrinsecus in generatione filiorum collaborant. Ita Episcopi sponsi vocantur particularium Ecclesiarum, annulumq; gestant desponsatæ sibi Ecclesiæ, cur non & Pontifices ex supremo Episcopi munere? Quo sensu D. Bernardus monet Eugenium Papam, ne se Sponsum Ecclesiæ existimet, sed anicum Sponsi Sed unde tuum Superintendentis nomen, quod ego in tota scriptura non invenio, sed ubiq; Episcopi nomen, nec in ullo Concilio legi Episcopum ullum Superintendentis nomine subscripsisse. Certè sponsi nomen non meremini, qui ex sponsis carnalibus fecistis vobis uxores carnales. Catholicorum est illud Apostoli 2. Cor. 11. *Desponsa enim vos uni viro, virginem castam exhibere Christo.* Obijcis

Obijcit 7. Catholici Ecclesiam suam formant non modò bicipitem, sed etiam tricipitem faciunt, quando D. Paulum æquant S. Petro. Et si præter Christum Petrus sit caput Ecclesiæ, Paulus tertium caput erit Ecclesiæ. Extremum hoc virus est, quod ex serpentina cauda hic extrahis & spiras. At quinam hi Catholici qui id docent. Antiquæ Patres, & Concilia? Hosti non sistis, nec sistes, sed ex schola Sorbonica adducis Vergerium, Haraunium, Hallierium. Verum dum hanc sententiam novam, quæ duo Ecclesiæ capita conflata ex duobus, ex Petro & Paulo, vel unum ex duobus conflatum ponit, auditis Cardinalium & inquisitionum judicijs inter hæretica dogmata damnatam agnoscis, quid ex illa Catholicos oppugnas, nisi ut calumniandi libidinem tuam expleas. Quidquid inter Catholicos morbidum, hoc ad saniem tuæ purulentæ hæresis attrahis. Satis hæc Arriaga, Raynaudus alijque Theologi refutarunt, & ante eos Bellarminus lib. 1. de Pontif. c. 27. de comparatione Petri cum Paulo. Becanus lib. 2. de republica Ecclesiastica, adversus M. Antonium cap. ultimo, quo exquisitè, & solidè hæc pertractavit. Uti quatuor illis libris Primatum Petri super omnes etiam Apostolos ex jurisdictione divina illi à Christo data revincit, omitto alios innumeros. Hos auctores aut unum hoc Becani caput scriptum de comparatione Petri & Pauli, si quid in te ingenij aut judicij est, refelle, ut speciem aliquam ordinati, & literati scriptoris ostendas. Tota hæc tua tumultuaria scriptio non aliud est, quam farrago calumniarum, hominis ex Baccho Lutheri eructantis scommatam Pontificem, grassantisq; per omnia fidei dogmata sine doctrina & judicio. Hinc non aliam inscriptionem meretur liber tuus, quam: *Ex omnibus aliquid, ex toto nihil.* Fundamenta Catholicorum præteris, & responsiones eorum ad vestra argumenta supprimis. Hinc quæ ex Gregorio M. adfers adversus Joannem Constantinopolitanum Patriarcham, Vniversalis Episcopi titulum sibi arrogantem, quem à Concilio Chalcedonensi S. Leoni Pontifici attributum refert Gregorius M. lib. 4. c. 35. cæteræq; quæ tanquam canis è Nilo rapis, ea nec mihi contingere libet, quando satis hæc à Baronio, Becano, alijsq; sunt diluta, cum primisq; à Bellarmino lib. 2. de Pontif. adversus superbiam Constantinopolitanorum Episcoporum, speciatim verò c. 31. rursusq; in appendice ad libros de Pontif. c. 7. ubi hanc controversiam de nomine universalis Episcopi

Episcopi pertractat, loca tibi ostendo. Quid opus chartas implere ijs quæ trita sunt, & toties refutata. Tandem aliquid novi ex ingenio tuo exculptum profer. Adeo pharetra hæresis vestræ jam exhausta est, tela quæ promittis obtusa, & quid à vobis expectemus, quod non multo subtilius à Calvinistis vibratum sit. Interim una omnium hæreticorum conspiratio adversus Catholicos & una pharetra. *Opinio diversa*, inquit Augustinus in psal. 20. *Vanitas una & quamvis opinionum varietate discordent, simili tamen vanitate colligantur, adeo Samson candas vulpium colligavit*, quibus insidiosos dolososq; hæreticos significari dicit capitibus aliò atq; aliò diversis, caudis tantummodo inter se colligatis, ut supra diximus.

## C A P U T V I.

*Vera Christi Ecclesia in terris militans visibilis est.*

**V**isibilitatem Ecclesiæ huic definitioni innecto, quod inseparabilis ab Ecclesia, quæ est *congregatio hominum visibilium*, non Angelorum, non Spirituum, aut animarum à corpore separatarum, aut triumphantium in cælis beatorum: Hinc ab Apostolo toties corpus dicitur, quod ex natura sua visibile est.

Quæ ratio etsi satis esse debeat apud eos, qui ratione utuntur, non tamen apud hæreticos nostros locum habet, qui dicunt Ecclesiam esse invisibilem, ac soli Deo cognitam. Inde iustorum tantum, aut perfectorum, aut Prædestinatorum, aut Sanctorum fingunt Ecclesiam, quæ soli Deo sit cognita. Moniti quidem Lutherani sub initium hæresis suæ, ne tam absurdam sententiam profiterentur, uti Staphilus Apol. 1. p. 3. scribit. Hinc velo aliquantum flexo cœperunt docere Ecclesiam esse visibilem: Ita tamen ut nomine tantum visibilem, re invisibilem statuerent, dicerentq; Ecclesiam quidem primis quinq; sæculis visibilem fuisse, sed postea per mille annos usque ad Lutherum invisibilem fuisse, quemadmodum ipse Lutherus ab Erasmo hac super reagitatus respondit, Ecclesiam

clesiam illam quæ vulgo Ecclesia dicitur, id est, Papam, Episcopos, Clericos, Monachos, & totam illam multitudinem Catholicorum non exhibuisse veram Ecclesiam, sed in ea Ecclesia sub Romano Pontifice fuisse semper pios, & paucos homines tanquam reliquias, apud quos vera Ecclesia permanferit. Ita Lutherus in lib. adversus Catharinum, & lib. de abroganda Missa part. 1. *Quis, inquit, Ecclesiam nobis monstrabit, cum sit occulta in Spiritu, & solum credatur, sicut dicitur, Credo Ecclesiam Sanctam.* Hæc Magdeburg. cent. 1. lib. 1. c. 4. hæc Brentij in confess. Wittenbergenfi. hæc Lutheranorum passim & cum primis Nifanij sententia, & hæresis est, quæ refellitur.

Primo ex scriptura: Christus enim in Evangelio comparat Ecclesiam *Sagena missa in mare, & ex omni genere piscium congreganti*, comparat *convivio nuptiali*, ad quod boni, & mali vocati, comparat *decem virginibus*, quarum quinque prudentes, totidem fatuæ, comparat *Ovili*, in quo oves, & hædi, comparat *magna domui* in qua sunt vasa omnis generis, alia in honorem, alia in contumeliam. Hæc manifestè ostendunt Ecclesiam visibilem, deinde talem etiam Ecclesiam, in qua boni, & mali sint, nec tantum iusti, prædestinati, & Sancti. Hinc Augustinus ut supra allatum tractat 6. in Joan. *Nos fatemur in Ecclesia Catholica bonos, & malos esse, sed tanquam grana & paleas.*

Secundo. Probatur ex alijs innumeris Sacræ Scripturæ testimonijs, quibus Ecclesia comparatur *Monti magno* Esaia 2. *Erit in novissimis diebus preparatus mons domus Domini.* Daniel. 2. dicitur *Lapis excisus sine manibus, qui crevit in montem magnum.* Mich. 4. *In novissimo dierum erit mons Domus Domini preparatus in vertice montium & properabunt gentes multe.* psal. 18. *In sole posuit tabernaculum suum Matth. 5. Non potest civitas abscondi supra montem posita.* Hæc omnia de visibili Ecclesia dici, docebunt te Patres omnes; quos apud Suarez lib. defens. Catholicæ fidei, & interpretes legis. Omitto in hanc rem cetera scripturæ testimonia.

Tertio. Probatur. Illa Ecclesia necessario est visibilis, in qua Episcopi & Pastores visibiliter debent gubernare sibi subditum populum, visibiliter docere, Sacramenta administrare, peccantes corripere, contumaces à communione separare. At hæc omnia fiunt in vera Christi Ecclesia, ergo vera Christi Ecclesia necessario est visibilis. Minor pro-

batur. Matth. 18. *Die Ecclesia, si Ecclesiam non audierit, sit tibi sicut Ethnæcus & Publicanus.* Act. 27. *Attendite vobis & universo regi, in quo vos Spiritus Sanctus posuit Episcopos regere Ecclesiam Dei.* Hebr. 13. *Obedite prepositis vestris, & subjacete eis.* Ostendite vos Lutherani à sæculo v. ad xv. vel unum Episcopum, unum Sacerdotem, unum Ecclesiæ ministrum, qui ritu vestro Sacramenta ministrârit, populum vestram fidem docuerit, aut populi cœtus collegerit.

Quarto. Probatur. Illa Ecclesia necessario est visibilis, in qua publicè indicuntur & celebrantur concilia, sanciuntur canones, dirimuntur controversiæ fidei. Hæc omnia fiunt in vera Christi Ecclesia. Ex quo Apostoli Act. 15. Hierosolymis primum concilium celebrârunt, & post illud Nicænum, Constantinopolitanum, Ephesinum, Chalcedonenſe, aliâq; concilia œcumenica, cum Tridentino octodecim sunt habitati: nihil hic dicam de Concilijs Nationalibus, Provincialibus, & Diœcesanis Synodis, quarum tot sub Carolo M. celebratæ, ac quotannis fere convocatæ sunt habitatæq; in conventu Episcoporum, Abbatum & Sacerdotum, ut non aliam ille Ecclesiam agnovit, quam sub regimine Pontificis Episcoporum ac Sacerdotum. Ostendite nunc denuo vos Lutherani vel unum Concilium Diœcesanum, ne quid de alijs dicam concilijs, in quo Episcopi aut ministri vestræ illius occultæ Ecclesiæ à sæculo V. aut à Carolo M. ad Lutherum publicum Concilium conventumque egerint.

Quinto. Probatur. Omnis hominum societas cum hominum sit, & non Spirituum, in signis externis ac visibilibus consistit, quando homines non aliter in militiam, in civitatem, in regnum, aut in aliam rem publicam adscripti conveniunt, quod idem in Ecclesiæ cujusque congregatione fieri necesse. Quare August. lib. 19. contra Faustum c. 11. *In nullum nomen religionis seu verum, seu falsum coagulari homines possunt, nisi aliquo signaculorum, vel Sacramentorum visibilium consortio colligentur.* Inde non modò universalis Christi Ecclesia, sed & particulares etiam, ut Corinthiorum, Ephesiorum, Bithyniæ, Cappadociæ, Galatiæ, & septem illæ Ecclesiæ, ad quas S. Joannes in Apocalypsi scripsit, tum quotquot in Asia, Græcia, Italia, Hispania, Gallia, Germania erant, ab Irenæo & Tertulliano, etiam inter ardentes Tyrannorum persecutiones, semper notæ visibilesq; fuerunt, & ratio, quia cœtus erant visibilium

visibilibus hominum non minus quam in universali Ecclesia, quæ ex particularibus illis coaluerat. Imò omnes falsæ hæreticorum Ecclesiæ ex provincia, & loco, & conventiculis suis monstratæ sunt, ut mirum sit, hæreticos per mille annos nobis suorum sanctorum & iustorum Ecclesiam fingere invisibilem audere. Sanè quo visibili modo Ecclesia sub Christo & Apostolis cœpta est, eo quoque modo ad nostra tempora per orbem propagata est:

Accedit, quod omnes homines sub periculo æternæ salutis teneantur se aggregare ad veram Christi Ecclesiam, & præpositis suis obedire. Hoc Cyprianus epist. 74. *Non potest quis habere Deum patrem, qui non habet Ecclesiam matrem.* Quod axioma repetit Augustinus lib. de Unit. fidei, additque, *sicut nemo evasit qui extra arcam Noë fuit, ita nec qui extra Ecclesiam foris fuerit.* Quod ipsum tradit Hieronymus epist. ad Damasum Papam. Jam si Ecclesia sit invisibilis & occulta, ut per mille annos fingunt hæretici, quomodo ad eam accessus patuit.

Sexto. Probatum Patrum testimonij quæ hic innumera sunt, pauca ex his recito. Origenes hom. 3. in Matth. *Ecclesia plena est fulgore ab Oriente usque in Occidentem.* Cyprianus lib. de unit. Eccles. *Ecclesia Domini luce perfusa, radios suos super orbem terrarum spargit.* Chrysost. hom. 4. in c. 6. lsa. *Facilius est solem obscurari quam Ecclesiam.* Aug. lib. 3. contra epist. Parmenionis c. 5. *Ecclesia declarata est, quæ supra montem ut dictum est, constituta abscondi non potest.* Tract. 1. in Epist. Joan. *Nunquid digito ostendimus Ecclesiam fratres mei, nonne aperta est.* Tract. 2. in Joan. *Quid amplius dicturus sum quam cæcos, qui tam magnum montem non vident.*

Septimo. Ratione ex absurdis ducta, si Ecclesia latuit per mille annos certis semper iustis & viris cordatis remanentibus, qui Papæ contradixerunt. Quare ergo nemo se ex illis adjunxit Luthero & Calvino, præter eos quos deceperant. Secundo si latuit Ecclesia, peior fuit omni hæreticæ sectæ, & populo Judæorum post everisionem Hierosolymæ, quod certe est blasphemum dicere, ut Beilarminus asserit; Nam omnis hæretica secta habuit sua templa, suos visibiles pastores, & pleræque etiam Episcopos, sua Sacramenta, suos publicos cœtus. Similiter Judæi post everfam Hierosolymam habuere suas Synagogas, & publicas ceremonias conventusque: At nihil horum in latenti Ecclesia quam fingitis.

Obijciunt illud vulgare : Quod fide credimus non est visibile, Ecclesiam fide credimus, quia dicimus, *Credo sanctam Ecclesiam*, ergo Ecclesia visibilis non est. Respondet Suarez, Becanus & alij: Quod fide credimus non est visibile, ea ex parte, qua sub fidem cadit, tametsi ex alia parte, qua sub fidem non cadit visibile sit. Multa hujus rei exempla. Apostoli videbant in Christo humanitatem, credebant divinitatem. In baptismo videmus externam aquam, & ablutionem, credimus internam vim regenerandi. In codice biblicorum videmus chartam, & scripturam, credimus quod in eo continetur verbum Dei. Idem est de Ecclesia. Videmus in ea homines, externos ritus, Sacramenta, credimus veram doctrinam, qua in ea traditur. Tam levi responso Lutheri Achilles sternitur.

At Nisanium audiamus, Lutherani, inquit ille, nec adstringi debent, nec possunt, ut Ecclesiam suam ante Lutherum ostendant. Hic tu primum forum declinas, quod malæ, & desperatæ causæ tuæ præjudicium est. Sed quam hujus rei causam adfers. Papistæ, inquis, supponunt omnem etiam particularem Ecclesiam debere esse visibilem. Ita est, Nisani, nec id supponimus modò, sed luce etiam clariùs monstramus vobis, ut jam audisti, & quam tu crassus Lutheranus, ut id non capias. Admittis Ecclesiam universalem esse visibilem, sed dicis id non requiri à quavis particulari Ecclesia ratione verorum membrorum, ut sit visibilis, & ut publicum suæ religionis exercitium habeat. Quam hæc insulsa responsio. Omne corpus visibile est quia membra habet visibilia, Ecclesia corpus est teste Apostolo, ergo Ecclesia est visibilis, quia membra habet visibilia: membra autem hæc, ex quibus universalis Ecclesia integratur, particulares Ecclesie sunt. Hinc ab Apostolorum ævo omnes particulares Ecclesie, ut Corinthiorum, Galatarum, Ephesiorum, aliæq; per orbem semper visibiles fuerunt ad Lutherum usque, & publicum habuere exercitium religionis, publicos pastores, & Sacerdotes, publicam doctrinam verbi Dei, publicam Sacramentorum administrationem. Ita nova illa Labbadæ Ecclesia apud vos, etsi non multum supra, quam centum capitibus constaret, illico visibilis apparuit, & per totam Saxoniam vulgari cœpit. Igitur hæc Catholicorum suppositio firma manet, donec vos Lutherani ostendatis, ubi intra mille annos ante Lutherum fuerit illa occulta congregatio Sanctorum vestrorum. Hic vel ullam provinciam, ullam urbem, ullum oppidum, pagum, aut villam nobis monstrate, ubi



te, ubi illi Lutherani publicum suæ religionis exercitium coluerint, aut certe deliquerint sub Papatu. Atque ut hoc tibi etiam largiamur, saltem fatearis necesse est, universalem Ecclesiam, quæ Catholicis nobis in symbolo traditur, non fuisse apud vos in occulta illa congregatione. Ne hic denuo requiram cur non Calvinistæ, Puritani, Zwingliani, Anabaptistæ, Arminiani cæteræq; sectæ ex his latibulis eodem sibi jure vendicent hanc Ecclesiam. Hic te primum expedi, antequam hæc formia tua Catholicis obtrudas.

Dicis 2. Tanquam resumpto ex desperatis animo. Occulta & invisibilis illa Ecclesia primò fuit in infantibus sub Papatu baptizatis. O te miserum Doctorem! qui in cunis quæris Ecclesiam apud infantes, in quibus nulla ratio, nulla professio fidei, nulla prædicatio verbi Dei, nulla Sacramentorum administratio, excepto baptismo, locum habet, in quibus tamen Ecclesiam constituitis. Imò si quid hæc argumentatio tua valeat; infantes illi Catholicam Ecclesiam designant, in quâ baptismum Catholicum suscipere, sicut infantes & pueri vestri innocentes quod salventur, Catholicæ Ecclesiæ debent; una enim est mater nostra Ecclesia, quæ regenerat in vitâ. Ne hic denuo quærâ, cur non Calvinistæ, Puritani, Zwingliani, ac cæteri hos sibi infantes suæ religioni asserant.

Dicis 3. Ecclesia illa occulta fuit penes eos, qui textum biblicum, qui Decalogum, Symbolum Apostolicum, orationem Dominicam, Evangeliorum libros, & Epistolas Dominicas habuerunt, & confisi sunt in meritis Christi, nec unquam Papatus superstitionem probavere. Hoc tu dicis, & nunquam probas eos diversam à Catholicis & Papistis religionem coluisse; nec probabis unquam, nisi Berengarianos, Waldenses, Fratricellos, Petrobrusianos, aliâsq; damnatas hæreses, ut alij inter vos faciunt, in auxilium advoces. Vel hoc scis, vel non scis, si scis, monstra nobis illos homines, ostende provinciam, urbem, oppidum, pagum, villam, ubi illi publico exercitio Lutheranam religionem coluerunt; si non scis, *sileat aliquando*, inquit August. lib. de hæres. c. 4. *hæreticorum loquacitas nullam habens verecundiam*. Nunquam Synagoga in has angustias redacta fuit, & tu Christi Ecclesiam, quæ in sole posuit tabernaculum suum, per mille annos damnas ad has latebras?

At inquis, Catholici fatentur, inter Lutheranos & Calvinistas aliôsq; multi sunt materiales hæretici per ignorantiam invincibilem, ac

soli Deo cogniti, nec proinde damnantur à Catholicis inter formales hæreticos, qui vel aliter sciunt, aut scire possunt. R. Hos spectare ad Catholicam Ecclesiam, in quam per baptismum inserti sunt, neq; extra eam per formalem adhuc heresim exierunt, ideòq; errantes potius quam hæretici reputantur, proinde nec damnantur à Catholicis, haud lectus quam S. Aug. l. 2. cont. Don. *Constituiamus aliquem*, inquit ille, *sentire id de Christo quod Photinus opinatus est, existimantem ipsam esse Catholicam fidem, nondum illum hæreticum dico, nisi manifestatà sibi doctrinà Catholicæ fidei resistere maluerit*, quâ super re vide S. Thomam 2. 2. q. 11. art. 2. ad 3. & cæteros scholasticos, ejusmodi enim homines ad Catholicam Ecclesiam spectant, in quâ per baptismum regenerantur, & fidem infusam accipiunt, quàm demum per obstinationem & pertinaciam amittunt, uti Aug. lib. 3. de bap. docet. Quare ut dixi errantes potius, quàm hæretici reputantur.

Potremò Nifanius per fugium quærit in verbo Dei: Non enim, inquit, tenemur Ecclesiam visibilem ante Lutherum ostendere, quando verbum Dei apud nos Lutheranos est, quod *unica & perpetua est nota vera Ecclesia*. R. Hoc argumentum, si quid probet ex notis Ecclesiæ, omnino convincit apud Catholicos esse veram Ecclesiam. Nam apud quos est verus Canon, versio, & sensus scripturæ, apud illos est verum verbum Dei, & per consequens vera Ecclesia: Atqui apud Catholicos hæc sunt, ut infra demonstrabimus, ergò. Secundo ex hac fallâ hypothesis Calvinistæ, Zwingliani, & omnes hujus sæculi Sectarij sibi æque, ac Lutherani veram Ecclesiâ vindicare poterunt, quando omnes obtendunt, & unice contendunt apud se esse verum verbum Dei. Hic ego, ut cætera omittam, quæ hoc involucro doli latent, unum tantummodo quæro. An Lutherani credant sacris scripturis, & an scriptura unicum fundamentum sit rerum credendarum. Ita, inquit. Quæro deinde, an ex scriptura nobis demonstrare possint Ecclesiam, quæ quinque sæculis stetit visibilis, & per mille annos ad Lutherum facta est invisibilis, donec per Lutherum suum fulgorem, & pristinum visibilis Ecclesiæ statum reciperet. Quæro inquam, an hoc nobis ex scriptura demonstrare possitis. Hoc argumento D. August. lib. de Vnit. Eccles. c. 17. urget Donatistas, qui profitebantur Ecclesiam toto orbe perisse, & in solâ Africâ à Donato restitutam esse, ut à Luthero per Saxoniam reparatam jactant. *Legant hoc nobis de scripturis sanctis*, inquit Augustinus,

& cre-

*& credemus. Hoc inquam nobis ex Canone divinatorum librorum legant, tot civitates, quæ nūq̃ ad hodiernum diem, baptismum per Apostolos sibi consignatum tenuerunt, perisse à fide; rursus ostendant Ecclesiam, vel in sola Africa perditis tot gentibus retinendam, vel ex Africa in omnibus gentibus reparandam. Ita legant nobis Lutherani Ecclesiam in sola Saxonia renatam, & ex Saxonia in omnibus gentibus reparandam. Imò inquit S. Augustinus, sic ostendas, ut non dicas, verum est, quia hoc ego dico. Removeantur ista figmenta mendacium hominum, vel portentosa fallacium spirituum seu ut cap. 3. Non audiamus, hoc dico, hac dicis, sed audiamus, hac dicit Dominus, sunt certi libri Dominici, ibi queramus Ecclesiam, ibi discutiamus causam nostram. Hunc tu locum Augustini contra nos citas, quo tua causa jugulatur, aut ostendas de Lutheranis ex scriptura, quod Augustinus contra Donatistas urfit. Par vestra hic causa est. Nihil magis jactatis quàm verbum Dei, & nihil minùs intelligitis quàm verbum Dei. Recte Augustinus lib. 3. contra Donatistas c. 19. de hæreticis. Sacramenta & scripturam, quæ tenent ad speciem, non ad salutem.*

Sed largiamur tibi ista phantasmata verborum. Evangelium illud reformatum à vobis, ut dicitis, ante centum annos, non debet se continere intrà Saxoniam & Septentrionem, aut Germaniæ partes; sed ut Augustinus à Donatistis requirit, per Italiam, Hispaniam, Galliam, Angliam, Scotiam, Hiberniam, Lusitaniam, omniâque regna disseminari, ut Ecclesiæ Catholicæ notam habeat. At in his regnis nondum receptum est vestrum illud Evangelium: Imò si quis Lutheranum apud eos nominet, portentum sibi referri existimant. Itane id ex senio mundi, imò ex senio hæresis vestræ propagabitur? quæ jam cum tot provinciis & urbibus à Calvinistis transijt, quas illi vobis eripuerit. Ostende, id per vos Lutheranos fieri debere, ut non magis hoc sibi polliceantur Calvinistæ, quæ religio multo latius se fundit, vestra cō senescente. Imò Evangelium hoc reformatum per mare in utramq̃ Indiam, ad Chinâ & Japonem transire debet, quæ regna jam Christi fidem recipiunt, & plures ibi Christiani sunt, quàm Lutherani in Germania. At quomodo vos Prædicantes cum uxoris & liberis, & illâ sarcinâ Evangelij vestri eò pene trahitis? aut ubi spiritus illo inter vestros præcones, quem in Catholicis & Apostolicis nostris viris cernitis? qui jam à ducentis annis ea remotissima regna implevêre Christianâ doctrinâ. Mittamus igitur illam Vtopicam Ecclesiam, quæ nullibi, nisi in delirantium cerebris invenitur.

CAPVT VII.

## CAPUT VII.

*Vera Christi Ecclesia nec deficere, nec errare in fide potest.*

**P**Ræcipuum hoc Catholicæ Religionis fundamentum & firmamentum est, in quo omnes hæreticorum errores, & argumenta evertuntur. Id ut oppugnent, docent totam Ecclesiam visibilem, quæ primis quinque sæculis habuit veram fidem, & religionem, postea defecisse, & errasse per mille annos ad Lutherum usque, quam Nifanicius ita introducit. *Beatus Lutherus, primus Evangelicæ doctrinæ non institutor sed restitutor, non introductor sed reductor, non auctor sed restaurator, non promulgator sed repurgator fuit.* Multa deinde in hanc rem plebejus ille præco. Verum 2. ad Tim. cap. 2. *Sed firmum fundamentum Dei stat.* Si enim Ecclesia vera nunquam possit deficere, & errare in quæstionibus fidei & morum, frustra hæc agis. Ideò hoc fundamentum, & principium tibi prius evertendum erat, quod tu more tuo, aut dissimulas, aut transis, Catholici verò in hunc modum tibi illud ante oculos ponunt.

I. Ex scriptura Isaia 61. *Dabo opus eorum in veritate, & fœdus perpetuum feriam eis, & sciatur in gentibus semen eorum, & germen eorum in medio populorum.* Patres & interpretes hanc prophetiam de visibili Christi Ecclesiâ esse agnoscunt, quæ perpetuum fœdus Deus promittit, ne unquam veritas in ea pereat. Daniel. 2. *In diebus regnorum illorum suscitabit Deus cæli regnum, quod in æternum non dissipabitur, de quo Luc. 1. & regni ejus non erit finis.* psal. 88. *Ponam in sæculum sæculi semen ejus, & thronum ejus sicut dies cæli.* Imò thronus ejus sicut sol in conspectu meo. Inde Chrysost. *Facilius est solem extinguere, quàm Ecclesiam obscurari.* Hom. 4. in c. 6. Isa.

II. Matth. 16. *Super hanc petram ædificabo Ecclesiam meam; & porta inferi non prævalerunt adversus eam.* Eo argumento Augustinus innixus

innixus lib. 1. de symb. *Ipsa est Ecclesia sancta, Ecclesia una, Ecclesia vera, Ecclesia Catholica, contra omnes hareses pugnans. Pugnare potest, expugnari non potest, hareses omnes de illa exierunt tanquam sarmenta inutilia de vite præcisâ, ipsa autem manet in radice sua, in vite sua, in charitate sua, porta inferorum non vincunt eam.* Hinc Christus Matth. 7. sapientem Architectum se dicit, qui domum suam supra petram ædificavit, secus quàm stultus, qui supra arenâ collocat. Domus hæc Christi Ecclesia est: Ideo nullâ inbrium, & ventorum vi, nullâ Tyrannorum aut Hæreticorum procellâ unquam everti potuit. Hoc argumento pleriq; Patres innituntur adversus hæreticos: Enimvero si Ecclesia deficere potest & errare, jam Christus tam falsus est architectus, quàm falsus promissor, quod ex eorum sententia rectè inferas.

III. 1. ad Timoth. 3. *Ut scias quomodo te oporteat conversari in Domo Dei, quæ est Ecclesia Dei vivi, columna & firmamentum veritatis:* Primo, quia veritas non alibi habitat, quàm in Ecclesia. Secundo, quia est columna firma & stabilis. Tercio, quia custos est veritatis, càmque puram & sinceram transmittit ad posteros.

IV. Ephes. 4. *Ipse dedit quosdam Apostolos, quosdam autem Prophetas, alios verò Evangelistas, alios autem Pastores, & Doctores ad consummationem Sanctorum in opus ministerij, in adificationem Corporis Christi, donec occurramus omnes in unitatem fidei, & agnitionis filij Dei.* Hic vides in visibili Ecclesia constituisse Christum varios ministros, & operarios, qui illam ædificent & perficiant, non ad certum aliquod tempus, sed ad finem usque mundi & diem judicij, quâ super re Aug. lib. 22. decivit. Deic. 15. & 17.

V. Matth. 28. *Ecce ego vobiscum sum omnibus diebus usq; ad consummationem sæculi.* Quibus verbis promittit Christus, se semper, & sine intermissione Ecclesiæ adfuturum per directionem & gubernationem. Inde August. conc. 2. in psal. 101. *Quid est, quod nescio qui, recedentes à me murmurant contra me, quid est quod perdis me perisse contendunt, certè enim hoc dicunt, quia fui & non sum. Annuncia mihi exiguitatem dierum meorum, quamdiu ero in isto sæculo? Annumera mihi propter illos, qui dicunt, fui, & jam non est. Apostatavit & perijt Ecclesia de omnibus gentibus: Et annuntiavit: Ego vobiscum sum omnibus diebus, usque ad consummationem sæculi,*

VI. Ecclesia dicitur sponsa Christi eph. 5. uti ab Osa prædictum c. 2. *Sponsabo te mihi in sempiternum.* Hic indissolubile vinculum est. Aut ergo Christus prius deleat sponsum, aut sponsa Christum? neutrum hic obtendi potest. Quam diu enim Christus regit sponfam, sponsa errare non potest, nec Christum deferere & fieri adultera; at Christus perpetuum regit sponfam; ergo nec sponsa errare, aut sponsum Christum deferere potuit. Eo Cyprianus l. de Unit. Ecclef. *Adulterari non potest sponsa Christi, incorrupta est & pudica.* Et qua veritatis professione maiores nostri quotidie in symbolo dicere potuerunt. *Credo Sanctam Ecclesiam Catholicam*, si per mille annos corrupta fuit sponsa Christi? Nec id Carolus M. dicere potuit, quando jam per ducentos annos ante ipsum, ut dicitis, nec ullus inde Episcoporum & Sacerdotum, nullus Cæsarum, aut Principum, nullus ex omni memoriâ hominum ante Lutherum profiteri potuit, *Credo Sanctam Ecclesiam*: Nisi credere fas sit Spiritum S. per unum Lutherum Monachum, desertorem ordinis sui incorruptius, ac verius docuisse Ecclesiam, quàm per omnes Sanctos Episcopos à Carolo M. Saxonie impositos, & quotquot inde consecuti sunt, aut matrimonium Lutheri cum Moniali, sanctius repræsentasse Ecclesiam, quàm omnia Episcoporum, qui veri sunt Ecclesiarum suarum sponsi.

VII. Accedit Patrum consensus. Athanasius in oratione ad illud: *Super hanc petram ædificabo Ecclesiam meam: Fidelis sermo, & non vacillans promissio, Ecclesia invicta est, etsi infernus ipse commoveatur.*

Chrysost. Serm. 29. *Cum undecim essent Apostoli, nullus eos superare potuit, sed pauci homines totum mundum ceperunt, & nunc quando omnes fines terra pietate repleti sunt, putas eam te posse ledere? porta inferi non prevalebunt adversus eam.*

Ambros. lib. 4. Hexam. c. 2. *Ecclesia tempora sua habet, persecutionis, & pacis: nam videtur sicut luna deficere, sed non deficit: obumbrari potest, deficere non potest.*

Hieron. in cap. 4. Isaïæ & cap. 48. Ezech. 1. de Ecclesia. *Dominus nunquam recedet de ea, ut in priori populo ante discessit. Ideo ad Judæos, Relinquetur vobis domus vestra deserta. At Christi, inquit, domus aternam habet possessionem. Ecce ego vobiscum sum usque ad consummationem sæculi.* Augustinus in psal. 101. adversus Donatistas, qui in sola Africa Ecclesiam

ecclesiam remanisse jactabant. Sed illa, inquit, Ecclesia, quæ fuit omnium gentium, jam non est, periit: hoc dicunt, qui in illa non sunt. O impudentem vocem! Illa non est, quia tu in illa non es. Vide ne tu ideo non sis, nam illa eris, etsi tu non sis. Idem in Psal. 47. Sed forte ista civitas, quia mundum tenet, aliquando evertetur: absit. Deus fundavit eam in æternum. Si ergo eam Deus fundavit in æternum, quid times, ne cadas firmamentum? Eadem cæteri Patres manifeste docent. Cyrill. Alex. lib. 4. Dialog. Euseb. Cæsar. lib. 1. de præp. Evang. c. 3. Gregorius M. explan. in Psal. 5. Bed. lib. 1. in Proverb. Salom. c. 15. Paulinus Aquil. adversus Felicem Vrgelitanum, Gennad. Patriarcha Constantin. in defens. V. Florentinum Conc. c. 2.

VIII. Ex sententia hæreticorum nostri sæculi, qui Ecclesiam Christi à quinto sæculo ad Lutherum per mille annos defecisse volunt, sequitur Ecclesiam diutius in erroribus, quàm in sanâ & salvificâ fide fuisse, quod absurdissimum est à Christiano homine dici & audiri, & quàm detestabilis hæc injuria Christi est, & Spiritus Sancti? Quid enim illa apud Joan. 14. Ego rogabo Patrem, & alium Paracletum dabit vobis, ut maneat vobiscum in æternum, spiritum veritatis. Rursum v. 26. Paracletus autem Spiritus Sanctus, quem mittet Pater in nomine meo, ille vos docebit omnia, & suggeret vobis omnia. cap. 16. Cum autem venerit ille Spiritus veritatis, docebit vos omnem veritatem. Quam in rem præclare Sancti Patres. Cyril. lib. 10. in Joan. cap. ult. Nazian. orat. 37. Irenæus lib. 3. c. 3. Ambros. lib. 3. de fide c. 7. August. de util. cred. c. 8. Hieron. contra Luciferianos ita consentiunt, ut nullum unquam errorem etiam per ignorantiam sublabi posse doceant. Risit jam dudum hanc nostrorum hæreticorum insaniam in priscis hæreticis Tertullianus lib. de præscript. qui cum Nisano tot errores Ecclesiæ Christi obrutunt. Illam, inquit, non respexerit Spiritus Sanctus, ut eam in veritate deduceret, ad hoc missus à Christo, ad hoc postulatus à Patre, ut esset doctor veritatis, neglexerit officium Dei vicicis, Christi vicarius, sinens Ecclesias aliter inter se intelligere, aliter credere, quàm ipse per Apostolos prædicabat? Cætera quæ in hanc rem desiderari possunt exponit Suarez lib. 10. defens. Cathol. fid. c. 4. aliqj; scriptores. His postremum accedit ratio: Nam si vera Christi Ecclesia, quàm à sæculo quinto defecisse scribunt, errare possit in fide, etiam Lutheranorum Ecclesia errare poterit, nec enim alia habebit privilegia, quàm primitiva & vera Christi Ecclesia, at quæ pri-

ma fuit Ecclesia, quinque primorum seculorum, postea, ut dicitis erravit, ergo & Lutheranorum Ecclesia errare potest, quid si jam errarit, ut sanè fecit, quid ergo certi, aut quam infallibilitatem nobis promittunt Lutherani, nisi ut pro infallibili Ecclesiâ nobis obtrudant fallibilem, & suomet iudicio suam prædant Ecclesiam. Quanto consultius hic Ambrosium audiant lib. 3. epist. 25. ad Verecell. *Stam Ecclesia. sta ubi tibi apparui, ibi ego tecum sum, ubi est Ecclesia, ibi firma statio tue mentis est, ibi fundamentum animi tui.* Demùm hæc ipsa Lutheranorum hæresis antiqua est Donatistarum, ac jam diu damnata, ut constat ex Augustino lib. de Unit. Eccles. & conc. 2. in ps. 101. Doccebant enim Donatistæ Ecclesiam quidem primo toto orbe diffusam fuisse, sed perijisse, ac in solâ Africâ parte remansisse apud Donatistas. Ultra procedunt Lutherani, & per mille annos perijisse dicunt, solùmque in antro Polyphemi nobis latentem interea Ecclesiam comminiscuntur.

Non aliud Caroli M. iudicium fuit: Id cum primis clarum est ex Epistola ad Hispaniæ Episcopos, quâ hæreticos ad concordiam, & veritatem Catholicæ Ecclesiæ invitât, ex Christi apud S. Joannem extremo sermone. *Pater sancte serva eos in nomine tuo, quos dedisti mihi, ut omnes unum sint in trinitate Catholicæ fidei, & filiorum sanctæ Matris Ecclesiæ. Hanc fidem Orthodoxam & ab Apostolicis traditam doctoribus, & ab universalis servatam Ecclesiâ, nos pro virium nostrarum portione ubiq; in omnibus servare & prædicare profitemur, quia non est in alia aliqua salus, quam in illâ, nec veritas extra illam.* Rationem non aliam dat Carolus, quàm quod in eâ sint doctores & pastores, quos in præsentiam tempore suo, dedit luminaria, qui dixit: *Ego vobiscum sum omnibus diebus usq; ad consummationem sæculi.* Proinde monet, ut in professione Catholicæ fidei firmiter maneant, nec doctiores se existiment universali Sanctæ Dei Ecclesiæ. Quibus alijsq; argumentis ex infallibilitate Ecclesiæ deductis Carolus eos, qui in hæresin de adoptivo filio disceslerant, in viam revocat. Ita ille in omnibus fidei controversijs & dubijs aut subnatis, aut ad se delatis, ad Concilia Episcoporum, ad Pontificem, & Ecclesiæ universalis iudicium se retulit: Uti id ex Epistolis ad Hadrianum & Leonem Pontifices, atq; ex tot synodis Episcoporum manifestum est. Stulte professus est Carolus ad Concilia Episcoporum provocasset, ac fidei controversias ad eorum iudicia remisisset, nisi Ecclesiam à Spiritu veritatis per Episco-



Episcopos & Pastores regi credidisset. Quanquam per id tempus nulli in toto Occidentis Imperio hæretici, præter paucos in Hispania & Gallia, quos aut Elipandus & Felix Virgilitanus, aut Serenus Massiliensis Episcopus ac discipuli ejus seduxerunt, adeo tota Ecclesia occidentalis (quæ felicitas Caroli, & eorum temporum erat) in unâ se religione possidebat; aureum profectò sæculum sub aureo Imperatore.

*OBJECTIONES NIFANII.*

Hæretici, quos inter Nifanius, ut hoc principium Catholica fidei eludant, ac populo fraudem faciant, adducunt ex Concilio Tridentino Canonem librorum Vet. & Nov. Test. Traditiones non scriptas, Transsubstantiationem, Sacrificium Missæ, adorationem hostiæ, communionem sub unâ specie, Septenarium Sacramentorum numerum, cælibatum Sacerdotum, ignem purgatorium, invocationem Sanctorum, confessionem singulorum peccatorum, cultum imaginum, institutum Monachorum, & quæ non alia, quibus impostores illi, tam fœdam & detestabilem proponunt Catholicam religionem, ut nullam ex omnibus sectis populo detestabiliorem videri velint. Tum quòd hæc capita fidei nostræ nullo verbo Dei sint subnixæ: Tum quòd quinq; primis sæculis nihil ejusmodi sit creditum: Tum quòd eorum nihil ex conciliis & Sanctorum Patrum scriptis probari possit.

Non hic ego contendam modò quâ ratione Concilium Tridentinum, & Catholici hæc omnia ex scriptura, Concilijs, Patribus, & primâ antiquitate evincant, de singulis enim reliquis libris agendum est: Nihil de majoribus nostris per Saxoniam, & Germaniam, totumq; orbem Christianum à quinto sæculo ad Lutherum dicant, nihil de Carolo M. cæterisq; Imperatoribus, & toto populo Christiano, quos omnes ille Bilsfeldienlis impostor & Pseudoepiscopus impietatis, superstitionis, & Idololatriæ condemnat. Non hæc, inquam, modò contendo, sed id unum requiro, ut solido, aliquo argumento evincat, universalem & Catholicam Ecclesiam posse errare & deficere: Hoc enim principium tibi hic primo evertendum est. Non istas ad textores tuos, ad mulierculas, ad seductum à te populum cavillationes audiamus, id enim quilibet rabula ex pulpito apud vos etiam cum plausu facit. Scis quid Augustinus lib. 3. c. 19. in eadem causâ contra Donatistas de vobis scripserit?

*Non enim, inquit, seductores ea sibi arrogarent, & quasi propria vendicarent, nisi a plebibus seductis vicissim seducerentur, ut per eos habeant potestatem talia dicendi, & sibi talia vendicandi, ut error eorum veritas appelleretur, & secta eorum iustitia putetur.* Sed ostende Ecclesiam, quæ primis quinque sæculis stetit incorrupta, potuisse errare, & per mille annos deseri à Spiritu Sancto, ac tot & tam nefandis erroribus obnoxiam fieri. Id si primum probaveris, postea à quæstione juris, ad quæstionem facti procedemus.

Itaq; primo in genere tibi respondeo ad hæc omnia. Cum Ecclesia propter peculiarem Spiritus Sancti assistentiam, quam Christus illi promissit, nec deficere, nec errare possit, manet auctoritas Ecclesiæ in suâ possessione, uniq; ejus auctoritati plus tribuendum, quàm omnibus hæreticorum declamationibus. Ideò hanc tantopere commendat Augustinus lib. cont. Epist. Manich. c. 5. *Ego verò Evangelio non crederem, nisi me Catholica Ecclesia commoveret auctoritas.* In hac Ecclesiæ auctoritate fundatur hæc communis regula: *Nemo potest errare in fide & religione, qui credit quod tota sensit & sentit Ecclesia.* Secundum hanc regulam tenet Augustinus orandum pro mortuis c. 1. *Parvulos esse baptizandos* Epist. 28. ad Hieronym. Hæreticos non esse rebaptizandos, lib. 1. contra Cresc. cap. 33. libros illos esse Canonicos quos habemus in Canone lib. 28. contra Faustum cap. 2. serm. 197. de tempore; Hæreticis & Schismaticis non esse præcisam spem salutis si resipiscant, in Exposit. epist. ad Rom. Deniq; in omnibus judicium Ecclesiæ sequendum docet, epist. ad Januarium c. 5. *Adhuc ita respondeo, ut quid horum sit faciendum, si divine scriptura præscribit auctoritas, non sit dubitandum, quin ita facere debeamus. Similiter etiam si quid horum tota per orbem frequentes Ecclesia, nam & hinc, quin ita faciendum sit disputare, insolentissime est anima.* Hujusmodi omnia illa sunt, quæ Nisanius tanto doli sui plausu hic adduxit: Semper spumam sorbetis vos Prædicantes, quam populo propinatis, fundum nunquam attingitis, nisi cum sæcundicæ calices exhauriendi sunt.

Resp. II. Generatim ad singula, duplici modo aliquid credi: primò si quid credatur quod dogmatibus, & doctrinæ ab Apostolis scriptæ traditæq; repugnet: Id verò genus nunquam admisit Ecclesia, nec admittore potest, cum doctrina Apostolorum non minùs, quàm **verbum Dei** immutabilis sit, uti aperte Apostol. ad Gal. c. 1. docet: *Sed*  
licet

licet nos aut Angelus de calo evangelizet vobis, praterquam quod Evangelizavimus vobis, anathema sit. Ideoq; dixit: Si qua destruxi iterum reaedifico, pravaricatore me constituo. Ita quoque ad Corinth. 2. cap. 2. Altero modo creditur aliquid ex Apostolica doctrina quod in ea expressè declaratum non est, aut saltem declaratum esse non constat, dummodo antiquioribus non repugnet, & à legitimâ potestate proponatur, & ab Ecclesia definiatur. Qua super re Suarez lib. 1. defens. Cath. fid. c. 18. Hæc enim, inquit ille, est providentia divina, hic mos Spiritus Sancti, tam in lege naturæ, & lege scriptâ, quàm in Christi Ecclesiâ, non simul omnia docere Ecclesiam, quæ ad supernaturalem doctrinam spectant. Et quàm multa ad Pentateuchum Moyfi, sensim ab alijs hagiographis, & ab ipsis Prophetis ad scripturam accessere, ut vel solus Isaias Prophetæ, cæteris clarior de Christo testis est.

Ad hunc modum se res habet in Christi Ecclesiâ. Nam cum tempore, ut necessitas, ac res poscebat, in materiâ fidei declaratio & ijs, quæ ad mores, & ceremonias spectant, etiam mutatio accessit. Quamquam non eodem modo, ac primum in rebus fidei antiqua veritas explicatius tradita est, nullam interim veritatem de novo definiendo. Ita in Concilio Nicæno definita est Verbi divinitas: in Concilio Ephesino substantialis unio duarum naturarum in unâ Christi persona. Idem est de processione Spiritus Sancti. Nam id (qui à Patre filioq; procedit) ab Ecclesiâ accessit declaratione, ita in Concilio Lateranenfi realis Christi præsentia in Eucharistia est declarata. Ita transsubstantiatio contra Berengarium in Concilio Vercellensi, Turonensi, Romano, sub Nicolao I. alteroq; Romano sub Gregorio VII. explicatius asserta. Atque adhæc mysteria clarius explicanda, necesse etiam fuit nova nomina introducere in Ecclesiam. Ita nomen *ὁμοούσιον* seu consubstantiale à Patribus Nicæni Concilij cæpit; frustra oblatrantibus Arianis: uti id Ambr. lib. 1. c. 3. de fide. Athan. in orat. contra Arianos. Aug. tract. 97. in Joannem propugnant. Ita nomen *θεοτόκον* seu Deiparæ in Concilio Ephesino adversus Nestorium: & Transsubstantiationis nomen adversus Berengarianos invaluit. Quare Augustinus passim est fassus tract. 97. in Joan. *Esse aliquas novitates verborum doctrina religionis convenientes.* Subinde etiam nova propositio addenda fuit, quemadmodum in VI. Synodo adversus Monothelitas de duabus Christi naturalibus voluntati-

bus

bus factum, quæ ante sub iisdem terminis non fuerat tradita. Nequid adversatur D. Pauli monito. 1. ad Timoth. 6. *Profanas vocum novitates esse vitandas.* Profanas quippe dixit, quales sunt quæ rebus divinis & sacris adversantur. *Quid est profanas?* querit Lerincensis, *qua nihil habent sacri, nihil religiosi ab Ecclesia penetrabilibus.* Profanas vocum, inquit, *dogmatum, rerum, & sententiarum quæ sunt vetustati, quæ antiquitatis contraria.* Qualia sunt omnia hæreticorum dogmata, Ecclesiæ Catholicæ adversantia.

Jam verò in ijs rebus, quæ ad mores, ad ceremonias, ad cultum religiosum spectant, multò facilior est non modò additio, sed mutatio etiam: Quemadmodum Epiphanius clarè dixit hærci 75. contra Aerium. *Non potuerunt Apostoli statim omnia constituere, sed Ecclesia accepit complementum dispensationis pro locorum, & temporum opportunitate: Nam singula res, non ab initio omnia habuerunt, sed progressu temporis res ea, quæ ad perfectionem requiruntur, parabantur, quemadmodum & ipse Apostolus 1. ad Corinth. c. 14. dixit. Cetera cum venero disponam.* Quin Apostoli quædam pro tempore illo opportuna ordinarunt, ut de abstinentiâ à suffocato & sanguine, quæ tamen sciebant non esse perpetuò servanda Act. 15.

In his ergò omnibus seu declarationibus, seu mutationibus nihil introducitur, quod juri divino positivo, aut naturali repugnet: Ratio est, quia Ecclesia universalis non potest in fide & moribus errare. Deinde quicquid in hoc genere agitur, descendit à legitimâ potestate, quæ Christi Vicario, & Episcopis, & Pastoribus à Christo est data, & à Spiritu sancto edocta. Et, si ad Carolum M. hic etiam abire lubeat; habes primò declarationem de filio Adoptivo contra Elipandum in Concilio Francofurtensi: habes tot ab illo synodos celebratas, habes tot leges sacras latas, tot decreta morum præscripta Clero, Monachis & populo, quæ exactis synodorum, & septem Capitularium libris, faciliè recognoscas. Verùm nihil ille sine legitimâ Episcoporum, & Pastorum auctoritate decerni voluit, quare synodis legatos Pontificum interesse voluit: nihil in rebus fidei, & gravioribus controversijs decerni voluit, quin ad Pontificem prius referret, aut ad prisca Conciliorum statuta revocaret.

Quam verò vos Lutherani introduxistis mutationem in Ecclesiam, omnia sacra perturbando; ea prorsus nullâ legitimâ potestate sunt inducta:

inveſta: Obtruſiſtis Auguſtanam confeſſionem, tanquam regulam fidei veſtræ, & inorum, & ceremoniarū, quæ non modò à Saxonum populo, ſed orbe univerſo, ſi fata ſinerent, ſervanda ſit. Approbavêre ac ſubſcripſêre hanc confeſſionem fidei veſtræ ſeptem tantummodò Principes ſæculares: Elector Saxoniz, Marchio Brandenburgeniſis, duo Duces Luncnburgenſes, Landgravius Haſſiz, Dux Saxoniz Fridericus, & Princeps Anhaltinus, præterea duarum civitatum Magiſtratus, Norimbergeniſis & Reutlingeniſis: Quæ in his profanis & ſecularibus hominibus legitima poteſtas præſcribendi fidei regulam univerſæ Eccleſiæ? Nul- lum hic Epiſcoporum Concilium reperio, ex quo illa fidei regula præſcripta, & tanta mutatio in Eccleſia facta eſt. Legiſtine ullum Concili- um, vel œcumenicum, vel nationale, vel provinciale, vel diœceſanum unquam ſine Epiſcopis? Imò nullum hic Sacerdotem, ne dicam Epi- ſcopum in huius regulæ præſcriptione, & mutatione tot myſteriorum Chriſti invenio, & tamen *Spiritus S. poſuit Epiſcopos regere Eccleſiam Dei*. Quin ipſa Auguſtana Confeſſio, quæ fidei regula eſſe debebat im- mutabilis, ab ipſis Lutheranis octies mutata eſt, donec à prætenſione abuſuum corrigendorum in hanc formalem hæreſim procederetur, quo nihil infanſius factum ab ortu Eccleſiæ: ut vel ex hoc, ſiquis prudens ex- pendat, luteam illam, & malè materiata Eccleſiæ veſtræ domum reco- gnoſcere liceat, quæ non niſi ſtulti artificis eſt fabrica, in arenâ ædificata. Laxata ſemel hac hæreſis viâ, Lutheranos poſt imitati ſunt Calviniſtæ, Zwingliani, Anabaptiſtæ, Arminiani, Labbadiani, cæteræq; per Ger- maniam ſectæ. Nulla ex his, quæ non ſibi propriâ ſuâ auctoritate reg- ularum fidei, formam Eccleſiæ, miniſtrorum ordines, Sacramentorum ri- tus, decreta morum, ſupra omnium Romanorum Pontificum, Archi- epiſcoporum, & Epiſcoporum, & Conciliorum poteſtatem, mutatio- nem rerum ſacrarum, & libertatem vivendi invexerit, qualem nulla un- quam ab Apoſtoliſ ætas in Germaniâ vidit.

Sed his omiſſis revoco Niſanum ad ea, quæ ſupra poſui, ut oſten- dat ex ijs, quæ ex Concilio Tridentino, de Canone librorum, de ſacri- ficio Miſſæ, Tranſubſtantiatione, de adoratione Eucharitiæ, de nume- ro Sacramentorum, alijsq; tanto ſonitu & calumnijs errorum attulit: Oſtendat, inquam, ex his, quicquam à Catholicâ Eccleſiâ contra doctri- nam Apoſtolicam vel directè, vel indirectè declaratum eſſe. Memor in-

H

terim

terim sit, ut quæ generatim hic responsi principia dedimus, primum directè oppugnet & refellat; nec prædicantum more evagetur: nam ad singula postea in specie descendemus: aut certè generatim ostendat, Ecclesiam in rebus fidei & morum per ignorantiam errare posse: id si evincat, Ecclesiam defecisse evincet, quando hæc duo ita connexa sunt, ut alterum sine altero esse non possit, & si vel in uno substantiali fidei capite Ecclesia à Spiritu sancto deserta esset, jam incorrupta Christi sponsa non esset amplius, nec sancta Ecclesia in symbolo dici à nobis posset.

Dicunt præterea Ecclesiam sensim, & tam imperceptibiliter errasse, ut notari ab hominibus non potuerit, maximè ex Romanorum Pontificum præscriptis, donec per gradus in illum cumulum errorum, Gregorio VII. cum primis Pontifice, excreveret. At frustra hæc ingerunt. Ostendant primum Ecclesiam errare posse, quam ne quidem per ignorantiam errare posse contendimus, quo principio expugnato restat deum quærendum, quando & in quibus exerrarit. Secundò idem argumentum retorquetur in Lutheranos: Nam si primitiva Ecclesia, post quingentos annos non advertentibus fidelibus, ex uno errore in alium prolabi potuit, idem Lutheranorum Ecclesiæ accidere potuit, quæ utique non habebit alia privilegia & promissiones, quàm Ecclesia à Christo & Apostolis fundata. Quid si id factum jam sit, unde aliquid certi ex sua Ecclesia nobis promittere possunt, aut invitare nos ad tam ruinosa domum incolendam?

Urgent Catholici, ut ostendant tempus, quo singuli errores introducti, & quo auctore, quo anno, quo loco, quo dogmate, quo oppugnatore cœperint hi nefandi errores superstitionum & Idololatriæ, maximè in sacrificio Missæ. Nam hæc omnia in omni hæresi demonstrantur: Scimus quo anno Arius, Nestorius, Donatus, Pelagius, Berengarius, Hus, Lutherus, Calvinus cœperint, & quâ in provinciâ, & quibus oppugnantibus in publicum sua quisque dogmata protruserit. Respondet Nisanius, eos non teneri hæc ostendere, sicut nemo morbi initia in agro corpore, aut ruinosa domus vitia, & labem tenetur ex certo tempore ostendere. Verùm quàm hæc inepta sit tergiversatio, quis non videt? quasi Ecclesia ruinosa domui comparanda; quæ *columna & firmamentum est veritatis*: Huc accedit, quod prudens architectus prius diligenter in domum, & medicus in corruptum morbo corpus inquirat, & faciliè vitia

lè vitia retegat, ne hunc ars, illum emptio fallat. Idem Ecclesia semper fecit in detegendis hæreseon morbis & vitijs. Ita ex sacrilego Lutheri connubio celebrato, & Erasmi Epithalamio monstramus tempora, quando monialem corruperit: Quemadmodum prisca quoque hæreticia Patribus monstrati, qui ex sanctimonialibus fecerunt matres: satis partus ostendit corruptam virginem. At Christi Ecclesia incorrupta sponsa manet, ut per errorem fidei corrumpi non possit. Tam malâ hypothese vos proceditis, quæ primùm probanda erat. Secundò ostendi possunt Hæresiarchæ, quo tempore exierint ex hac domo Ecclesiæ, ergo & ruinæ domus ipsius ostendi possent, si unquam fuissent: Et cui credibile, tot & tam nefandos superstitionum & Idololatriæ errores irrepsisse in Ecclesiam, nec unquam per mille annos ab ullo Episcopo, aut doctore, aut sancto viro oppugnatos, à quibus tamen minimæ quæq; hæreses tantâ Synodorum & Conciliorum convocatione & fervore damnatæ sunt; Donec postremùm Lutherus suscitaretur homo tot libidinibus & flagitijs coopertus. Quâ super re lege Bellarm. lib. 3. de Eccles. c. 5. singula hæc persequentem.

Postremùm Nisanus quo rem totam conficiat, adducit certorum temporum errores: Scribit enim anno Christi 787. in Nicæna Synodo II. imaginum adorationem: Anno 1078. temporalem Papæ potestatem supra Imperatores, Reges & Principes à Gregorio VII. Anno Christi 1215. Transubstantiationem & oblationem Missæ in Concilio Lateranensi ab Innocentio III. Anno 1414. communionem sub unâ specie in Concilio Constantiensi: Anno 1438. Canonem scripturæ & septem Ecclesiæ Sacramenta in Concilio Florentino præscripta esse: Anno 1563. Lectionem scripturæ in linguâ vulgari laicis prohibitam: &: Hæc omnia esse impudentissima mendacia, quæ, vel ex uno Catholicorum principio supra relato, refellas: Ecclesia enim nullum fidei articulum de novo condit, sed antiquos declarat & definit tantum, nec illam potestatem sibi vendicat, quam vos affingitis. Hoc principium apud omnes Theologos legere potes in tractatu de fide, & mirum te hic silere qui tot libros & auctores citas. Hoc principium si tu & Prædicantes sincerè populo prius exponeretis, nulla hæresis esset in Germania. Quin credo nec te, nec tuos hæc intelligere. *Altissima mysteria non omnes capiunt, quia non omnes cerebrum habent*, inquit Irenæus l. i. de hæreticis.

Quàm autem singula, quæ adfers, falsa sint, ostendemus suis locis. Verùm ubi cæteri errores, quos ex Tridentino accumulæ, quo auctore, quo tempore, aut in quâ provinciâ primùm natû & obtrusû Ecclesiæ? Hic deficiis. Ubi adoratio & Idololatria illa in sacrificio Missæ quam adducis? quando, quo auctore, quo in loco hæc Idololatria illa in sacrificio Missæ cœpit? quâ panem pro Deo fingitis adoratû à Sacerdotibus & Christiano populo, donec Lutherus Missam abrogaret? itane tam fœdus error, tanta impietas, tanta & tam manifesta Idololatria intra mille annos à nullo Concilio & Academiâ, à nullo Episcopo & Sacerdote, à nullo doctore & sapiente viro est notata? antequam Lutherus in disceptationem de sacrificio Missæ cum diabolo congressus, edoctusque Canonem Missæ, & hunc detestabilem cultum proscriberet? Non Carolus M. sapientissimus Cæsarum ac Regum, qui quotidie in Missa ad elevatam hostiam procubuit in genua, adoravitque communium cultu Christum præsentem, id unquam advertit? nec ullâ Capitularium lege, nullâ synodo hæc impietas populi Christiani damnata? Itane Saxonia à gentiliû idololatria conversa ad Christum, mox in aliam traducta est? Quid enim interest, Jovem, an inanem hostiam, solem cum Persis, an panem cum Christianis adores? Quin eò procedit hæc vestra nova doctrina, ut inter mille annos nullum nobis relinquatis sanctum Episcopum, nullum Sacerdotem, nullum Religiosum, nullum justum virum in visibili illa & universali Ecclesia, eò quòd omnes idololatræ faciatis panem pro Deo adorantes. Itane omnes Majores veltros damnatis, quos Carolus M. ab inanum deorum cultu simul ad tantam Idololatriam perduxit? Ne quid hic de alijs superstitionum erroribus simili vesania à vobis exaggeratis in medium proferam. *O ingenem absurditatem!* exclamat Nazianzenus epist. 2. ad Cleodonium: *Abconditam post Christum sapientiam nobis annunciant, id quod sanè lachrymis dignum est. Nam si triginta duntaxat annis fides inivium sumpsit, cum quadringenti jam sævè anni fluxerint, à quo Christus manifestatus est, inane itaq; tanto tempore fuit Evangelium, inanis etiam fides nostra, frustra que Martyres martyria perfunçti sunt, & tales, tantiq; Antistites plebi præfuerunt.* Quid virum sanctissimum dicturum opinemur, si post mille annos, & post tot Episcopos, & Apostolicos viros, à quibus Germania ab ipso Apostolorum

rum



rum, & Saxonia à Carolo M. ad Christum conversa est, audiret, Ecclesiam per Idololatriæ erroribus damnatam, ad veram tandem fidem per concubinarium Monachum, & desertorem Catholicæ Religionis prævalti reducendam.

## CAPVT VIII.

*Ecclesia Romana eadem est, quæ Ecclesia Catholica.*

**T**Ria potissimum sunt nomina quibus vera Christi Ecclesia à Concilijs, Patribus, & in diplomatis Pontificum & Cæsarum compellatur. Dicitur enim I. Catholica ob proprietates ejus nominis, de quibus sequentibus capitibus agemus. II. Romana, III. Apostolica, sæpè etiam Orthodoxa. Multa hæretici & imprimis Nisanius adversus Romanam Ecclesiam: Inter cætera inquit, *Vulgò quidem Papiistica Religio Catholica dicitur, sed quondam Romana fides fuit Catholica & Apostolica, nunc solum nomen manet sine re, in solo titulo, quia per mille annos defecit à fide.* His calumnijs & mendacijs ut occurramus. Supponendum I. Id quod omnes Catholici Theologi & Scriptores docent, & res ipsa eloquitur. In Romano Pontifice duo munera, siue duplicem pastorem curam distingui, quarum una particularis & propria Romanæ Diocesis est, in qua immediatus Episcopus est ipse Pontifex: Altera universalis, & totius Ecclesiæ cura est, ob quã universalis Pastor, & supremus omnium particularium Episcoporum Episcopus est. Hæc verò duo munera, licet possint, ut sunt distincta, ita etiam in personis conjungi, non tamen hætenus, ex quo in Petro conjuncta fuerunt, unquam inde in Romano Episcopo sejuncta fuerunt, & fortassis divinã ordinatione nunquam separabuntur. Ita Suarez lib. de defens. fid. Cathol. Belarm. & alij.

Ad hunc modum in Romana Ecclesia duo distinguenda, primò particularis Ecclesia, 2. Romana Ecclesia, non ut conjungitur privato Episcopo, sed ut Pontifici & Pastori universalis Ecclesiæ; atque ita dic-

citur Romana fides, & Romana Ecclesia, quæ à Pontifice Romano, et Chrilti in terris Vicario regitur, eademq; quæ Catholica est Ecclesia, in quam rem rectè Baronius tom. 1. ad an. Chr. 45. à Nifanio etiam adductus asserit: *Romanam Ecclesiam & Catholicam esse Synonyma.* His positis.

Asseritur I. Ecclesia Romana etsi peculiaris priori modo sumpta, fuit olim mater, & caput omnium aliarum per orbem Ecclesiarum, omnesque aliæ Ecclesiæ, ne errarent, conformabant se illi in fide. Prima pars constat ex Patribus. Athanasius epist. ad Marcum Papam. *Nunc ergo quia præfata septuaginta Niceni Concilij capitula ab Arianis sunt igne combusta, optamus ut à vestra sanctæ sedis Ecclesia auctoritate, quæ est mater, & caput omnium Ecclesiarum, ea ad correctionem & recreationem fidelium orthodoxorum percipere per præsentis legatos mereamur.* Cyprianus lib. 4. epist. 8. ad Cornelium Papam. *Nos enim singulis navigantibus, ne cum scandalo navigarent, rationem reddidisse scimus, & hortatos esse, ut Ecclesia Catholica matricem & radicem agnoscerent ac tenerent.* S. Bernardus epist. 131. ad Mediolanenses de Romana Ecclesia. *Plenitudo potestatis super universis Ecclesiis singulari prærogativâ Apostolica sedi donata est.* Inde in Concilijs & à Patribus per eminentiam Apostolica sedes nominatur. Omitto in hanc innumera testimonia. Altera pars denuò constat ex Patribus, qui idcirco profitentur se potius successionem Episcoporum Romanorum describere, quàm aliarum Ecclesiarum, quod hæc Ecclesia erroribus obnoxia esse non possit. Inter hos Irenæus lib. 2. cont. hæret. c. 3. Optatus Milev. lib. 2. contra Parmenianum, August. epist. 165. ad Generosum, Epiphani. hæresi 27 Eusebius Cæsariensis in historia & Chron. qui Pontificum Romanorum successionem recensendo à S. Petro ordine singulos enumerant. Præclare Irenæus lib. 3. contra Hæreses c. 3. hanc causam exponit. *Ad hanc Ecclesiam, propter potentiorē principalitatem, necesse est omnem convenire Ecclesiam, hoc est eos, qui sunt undiq; fideles, in qua semper ab his, qui sunt undique, conservata est ea, quæ est ab Apostolis traditio.* Observa hic lector traditionem commendari quam hæretici explodunt. Optatus Mile. lib. 2. cont. Parm. *Negare non potes scire te in ubi Romæ primam catholicam Episcopalem Petro collatam esse, cum quatorum orbis in una communionis societate concordet.* Ita Hieronymus epist. 8. ad Demetriadem.

Epist.

Epist. 17. ad Damasum Augustinus epist. 162. ad Episcopos Donatistarum I. contr. epist. Fundam. c. 4. *Tenet me in Ecclesia ab ipsa sede Petri, cui pascebas oves suas Dominus commendavit, usque ad presentem Episcopatum successio sacerdotum.* Ita ceteri Patres, quos prolixum referre. Carolum M. hic audiamus ex Capitulis Francorum apud Gratianum dist. 19. c. 3. *In memoriam S. Petri honoramus sanctam Romanam & Apostolicam sedem, ut qua nobis sacerdotalis est mater.* Rursum Addit. Capitularium lib. 4. c. 11. *Quoniam eadem sedes, testante veritatis voce, primum primatum obtinet, nec prima dicitur, si aliam supra se haberet: qua etiam est caput omnium Ecclesiarum, à qua omnes sumpserunt originem.* Quid hic clarius ad mentem SS. Patrum?

Opponit Nifanius, multas alias matrices Ecclesias reperiri ab Apostolis fundatas. Ita est: Sunt enim aliae Metropoles ab ipso Apostolorum ayo, etiam in Germania Colonia & Moguntia, ad Rhenum, & Treviri ad Mosellam; sed non cum ista prerogativa, & promissione non errandi in fide. Ideò S. Petrus Antiochiâ cathedram transtulit Romam, quâ super re, Baronius & Spondanus ad annum Chr. 45. quos idcirco contra te adducis. Ideò omnes sedes Patriarchales tandem defecerunt à fide, & in Saracenorum potestatem venerunt. Perstat Romana Ecclesia in Petra, & Petri fide. Hic illud Ambrosij lib. 1. de poenit. à te adductum contra te pugnat. *Non habens Petri hereditatem, quâ fidem Petri non habent.*

Afferitur II. Ecclesia Romana posteriori modo sumpta, quatenus significat universalem Ecclesiam toto orbe diffusam, & habet universalem Pastorem Romanum Pontificem, eadem est, quæ Catholica Ecclesia, & habet simul promissiones Christi, ac privilegia non errandi in ijs, tam quæ ad fidem, quam quæ ad mores spectant. In quam rem tale argumentum sistit Suarez lib. 1. defens. Cath. fid. c. 5.

Fides Petri Catholica fuit, & deficere non potest:

Sed Fides Ecclesiae Romanae est Fides Petri: Ergò

Fides Ecclesiae Romanae est fides Catholica, à qua nunquam illa Sedes potest deficere.

*Vel simavius planius:*

Fides Petri est Catholica, quæ deficere non potest:

Fides Petri est fides Romanae Ecclesiae: Ergò

Fides Romanae Ecclesiae, est fides Catholica, quæ deficere non potest.

Prima

Prima pars indubitata est, tam de persona, quàm de sede Petri, nec enim Petrus aliam fidem quàm Catholicam, quæ ab Apostolis & discipulis toto orbe terrarum prædicabatur, docuit, conceduntque hæretici, saltem per quingentos annos, fidem etiam in ipsa sede Petri integram mansisse; quod & ipse Calvinus lib. 4. instit. c. 7. agnovit. *Fuerit sane, inquit ille, olim Roma omnium Ecclesiarum mater, verum ex quo Antichristi sedes fieri cepit, desijt esse, quoderat.* Igitur altera pars relinquitur probanda, quod eadem illa sedes post quingentos annos, nec in persona, nec in ipsa sede deficere potuerit. Id verò evincitur I. ex promissionibus Christi supra à nobis relatis, quæ non pro definito aliquo quinque sæculorum tempore, verum simpliciter pro omnibus sæculis ad finem mundi sunt datæ. Luc. 22. v. 32. *Ego rogavi pro te Petre, ut non deficiat fides tua.* Matth. 16. v. 18. *Tu es Petrus, & super hanc Petram ædificabo Ecclesiam meam, & porta inferi non prævalebunt adversus eam.* Non isthic hostes Ecclesiæ designat certorum sæculorum, sed omnes ad finem mundi. Ideo Matth. c. ult. v. 20. *Ego vobiscum sum omnibus diebus, usq; ad consummationem sæculi.* & Ephes. 4. v. 12. *Ipse dedit Pastores & Doctores ad consummationem Sanctorum in opus ministerij.* Ita omnes promissiones Christi sunt datæ. Ita omnes Pontifices, & sancti Patres provocant ex promissionibus Christi ad perpetuam infallibilitatem Sedis Romanæ & Apostolicæ, quos legere potes apud Suarez citato capite, Bellarminum de Pontifice Romano, Becanum lib. de Romana Ecclesia, Valentiam, Stapletonum, ceterosque Theologos scriptores, & historicos cum Baronio. Minor propositio, fidem nimirum Ecclesiæ Romanæ esse fidem Petri quæ nunquam defecerit, aut defectura sit; Certum est testimonijs Pontificum Romanorum, & Patrum ex primis quinque sæculis, Augustinus in psalmum contra partem Donati: *Numerate sacerdotes, vel ab ipsa sede Petri, ipsa est petra, quam non vincunt inferorum porta.* ita lib. 2. de grat. c. 8 & lib. 2. contra duas epist. Pelag Hieronym. epist. 57. ad Dam. *Cathedra Petri communionem consocior; super illam petram ædificatam Ecclesiam scio.* Ambrosius lib. 1. epist. 4. ad Imp. *Totius orbis Romani caput Romanam Ecclesiam, atq; illam sacrosanctam Apostolicam fidem* ne turbari sine ret, monet Imperatorem. Cyprian. epist. 55. ad Cornelium Papam. *Navigare audent, & ad Petri cathedram atq; ad Ecclesiam principalem, unde unitas sacerdotalis exorta est, nec cogitare*

gitare eos esse Romanos, quorum fides Apostolo predicante laudata est. Ad hunc modum Philippus presbyter in Concilio Ephesino tom. 2. c. 16. Nulli dubium est, imo sæculis omnibus notum, S. Petrum Apostolorum Principem & caput, & Ecclesia Catholica fundamentum per successores suos hucusque super vivere, causasq; discernere, semperq; victurum esse. Ita Athanasius, Cyrillus, Ruffinus, & cæteri Patres. Quorsum Apostolus Palus ad Rom. c. 1. *Fides vestra annuntiatur in universo mundo.* Quid hoc aliud? nisi ut Romanam fidem Catholicam denunciaret, eandemque, quæ Petri fuit, & errare non potuit. Ac ratio est: si Romana & Apostolica sedes peculiari illa assistentia Spiritus S. & privilegio non errandi destituta unquam fuisset, tota, quæ ad illam appellavit Ecclesia, decepta fuisset, fallerentque nos omnia Concilia œcumenica, quæ Apostolicæ hujus sedis sententiâ confirmata sunt. Nec S. Gregorio dicere licuisset, *Credere se quatuor primis Conciliis hand secius, quam ipsi Evangelio.* Quo absurdo falsoque semel admisso, nihil certi erit, nisi quod Lutherus, aut quisq; hereticorum pro suo privato spiritu & judicio statuerit. Vellem ego audire hæreticum hominem, qui extra judicem controversiarum, qui in Pontifice & œcumenico Concilio cum primis statuitur, aliquid ex alio hæresis principio, infallibile in decisione controversiarum adferre possit, aut quis alius controversiarum fidei exitus esse possit, nisi in iudice Ecclesiæ demum conquiescamus. Quam in rem antehac dedimus regulam vivam & veram, Nisano non ignotam, lib. adversus Cabiliavium Calvinistam.

Nunc cæteris in hac ubertate præteritis, Caroli M. iudicium de Romana & Apostolica sede audiamus, is in epistola & Confessione fidei suæ ad Episcopos Hispaniæ: *Apostolica sedi, & antiquis ab initio nascentis Ecclesiæ & Catholicis traditionibus, tota mentis intentione, tota cordis alacritate conjungor.* Ac ne de primis quinq; sæculis loqui quis obtemperat, subjungit Carolus: *Cum his quoq; Doctoribus, & sancta Ecclesia-Pastoribus veram prædico fidem.* Adhæc de eadem Elipandi hæresi in eadem epist. ad Hispan. Episcopos inquit: *De hac nova inventione, quæ novis assertionibus, & sancta Dei universali Ecclesiæ antiquis temporibus inauditis, ad beatissimum Apostolicæ sedis Pontificem ter quaterq; direximus Missas, scire cupientes, quid sancta Romana Ecclesia Apostolicis edocta traditionibus, de hac respondere voluisset inquisitione.* Vides, ut omnes

omnes fidei controversias Carolus M. retulerit ad Romanam sedem? quod sanè non fecisset Imperator, nisi supremam & infallibilem auctoritatem in ea agnovisset. Imò Concilium Francofurtense, postquam contra Elipandi hæresin, & Iconomachos de cultu imaginum pronuntiasset suam sententiam, addit: *Reservato per omnia juris privilegio summi Pontificis, Domini ac Patris Hadriani prime Sedis beatissimi Papa.* Quid adhuc dices Nifani? nisi ut Carolum M. & omnes Germaniæ, & Galliæ Episcopos per ea tempora ex asse fuisse Papistas recognoscas; Quia omnes Catholici fuerunt, de alia vestra occulta justorum Ecclesia, nullum ijs somnium fuit. Si Lutherus, & ceteri ab eo seducti, ita iudicium suum submisissent Romanæ sedi, nulla unquam hæresis vestra turbasset Germaniam. Hanc deinde Catholicam fidem conjunctam cum Romana Ecclesia Carolus primum introduxit in Saxoniam Hadriano I. Pontifice; à qua vos Hadriano VI. Pontifice recessistis, uti Hadrianus ipse, natione Belga, vobis in præclaro illo diplomate suo exprobat. Demum quàm illud præclarum Caroli M. testimonium de Romana Ecclesia in epist. ad Leonem Pontificem tom. 20. Concil. Gen. *Sicut cum beatissimo predecessore vestra sanctæ paternitatis pactum in ijs, sic cum beatitudine vestra ejusdem fidei, & caritatis inviolabile fœdus statuere desidero, quatenus Apostolica sanctitatis vestra, divinâ donante gratiâ Sanctorum advocatâ precibus, me ubiq, Apostolica benedictio consequatur, & sanctissima Romane Ecclesie sedes, Deo donante, nostra semper devotione defendatur; nostrum est, secundum auxilium divina pietatis, Sanctam ubiq, Ecclesiam ab incursu Paganorum & Infidelium devastatione armis defendere foris, & intus Catholica fidei agnitione munire.* Quam hic Romanam legis à Carolo vocari Ecclesiam, eandem mox Catholicam appellat.

Nihil ad illa Nifanius, nisi quod scribat Romanam Ecclesiam tantum particularem esse Ecclesiam, quæ jam dudum à vera fide defecerit, quam in rem adducit Innocentium Pontificem lib. 2. epist. 206. hisce verbis: *Dicitur universalis Ecclesia, quæ de universis constat Ecclesijs, & græco nomine Catholica nominatur, & secundum hanc acceptionem Romana Ecclesia non est universalis, sed pars Ecclesia universalis.* Quantus tu hic impostor es Nifani? Recitemus integrè Innocentium ad questionem Patriarchæ Constantinopolitani. *Ecclesia, inquit Innocentius, duabus*



duabus de causis universalis nominatur. primò, quæ de universis constat Ecclesijs, quæ græco vocabulo Catholica nominatur, & secundum hanc acceptionem vocabuli, Ecclesia Romana non est universalis Ecclesia, prima videlicet & præcipua, veluti caput in corpore, quoniam in ea plenitudo potestatis existit, ad ceteras autem pars aliqua plenitudinis derivatur. Secundo dicitur universalis Ecclesia illa una, quæ sub se continet universas Ecclesias. Hoc postremum membrum, quo Romanam Ecclesiam, eo, quo supra diximus modo, contendit universalem esse, tu more hæreticorum per fraudem omisisti, perinde, ut ea, quæ præcedunt de primatu Romanæ Ecclesiæ. Et quid tota illa Apostolica epistola Innocentij aliud agit? quàm ut schismaticis Græcis primatum Petri ex ipsdem Christi & Apostolorum testimonijs, quæ à nobis adducta sunt, exponat. Sicut & altera ad Patriarcham epistola, unam Catholicam & Apostolicam Ecclesiam ostendit, atque ita concludit: *Hoc autem Græcorum populus non attendens, aliam sibi confinxit Ecclesiam, sitamen, quæ præter unam est, Ecclesia sit dicenda, & ab Apostolica sedis unitate recessit, nec constitutionem Domini, nec Petri magisterium imitatur, ruptâ inconsultis togâ Christi.* Lege deinde Innocentij epistolam ad Constantinopolitanum Imperatorem, quâ hortatur, ut Græcam Ecclesiam cum Romana & Latina conjungat. Quâ nunc impudentiâ Innocentium nobis opponere ausus es? nisi quantum unus mendax scribit ex alio. Nifanius ex Joan. Gerhardi.

Interim calumniari pergit Nifanius, *Romanam Ecclesiam jam dudum defecisse cum Papistis, qui titulo tantum Catholici dicuntur, ceterum vana simul icbra, uti Judæos appellamus modo, etsi nihil Judaismi præferant.* Quantum tu denuò Cæsarum, Regum, & Catholicorum Principum, quantum Episcoporum & Pastorum, & totius Catholici populi calumniator es, quos ex vera Christi Ecclesia nihil aliud retinere dicis, quàm Judæi ex veteri Judæorum religione. Itane tota Catholica Ecclesia defecit, & periit apud nos? quo sæculo primum id factum? id enim inter vos non convenit, quo fato id factum. Nos Christi promissionibus etiam ad fatalem mundi exitum innitimur, quæ absolutæ sunt, ne unquam erret Romano-Catholica Ecclesia, tu contrarium ostende. Hic hæres, & nihil unquam ad solida Catholicorum principia reponis, præter ea, quæ quælibet ad colum anus dicere poterit. Vela si flectamus, tua Lutherana Ecclesia est illa, quæ Judæorum defectione desi-

gnatur ex illo Proph. Osee vaticinio c.3. *Dies multos sedebunt filij Israël sine Rege, & sine Principe, sine sacrificio, & sine altari.* Aut si inavis Dan. Prophetam c.9. *Deficiet hostia & sacrificium, & usq; ad consummationem & finem perseverabit desolatio.* Hic mileræ, & egenæ vestræ Ecclesiæ status est, quæ sine regali Christi sacerdotio, sine Pontifice, ac sacrorum rege, sine sacerdotibus veris, & ministris, sine sacrificio religionis, & hostia immolationis, sine lege, quam fingitis impossibilem, in hodiernum diem conspicitur. Olim filij, nunc peregrini & *hospites testamentorum.* Eph.2. Hinc nunc ultra procedimus ad notas Ecclesiæ ut ex ijs planius recognoscas, utrûmne apud Catholicos, an apud Lutheranos, aut alias sectas vera Christi sit Ecclesia.

## C A P V T I X.

### *De notis Ecclesiæ.*

**P**ost Ecclesiæ definitionem, quâ natura ejus & essentia exprimitur, notæ Ecclesiæ traduntur, in scriptura & symbolo Apostolico, uti & à Concilijs & Patribus, ex quibus veluti ex proprietatibus exterius se prodentibus, cognoscitur, discerniturque, quis ille visibilis cœtus sit, cui definitio convenit. Id, cum in omni re naturali à Philosophis & Theologis præstetur, tum hic maximè utile, & necessarium est, quando omnes consentiunt, in sola vera Ecclesiâ veram fidem, veros pastores, verum sacrificium, vera sacramenta, ac salutis præsidia, veram spem vitæ æternæ inveniri. Quemadmodum à Lactantio, quem Treveris aliquando habuit Crispi Constantini Magni filij moderatorem, doctoremque sapientiæ lib.4. cap. ult. divinarum institutionum est scriptum. *Sola Catholica Ecclesia est, quæ verum cultum retinet. Hic autem est fons veritatis, hoc est domicilium fidei, hoc templum Dei, quò, si quis non intraverit, vel à quo, si quis exierit, à spe vitæ, ac salutis æternæ alienus est. Sed tamen singuli quisque hereticorum cœtus se potissimum Christianos, & suam fidem Catholicam opinantur.* Inventâ demum verâ Ecclesiâ, inventur assistentia Spiritûs sancti, promissiones non errandi in fide, Judex controversiarum, verus scripturæ



scripturæ sensus, & infallibilis omnium controversiarum fidei decisio, demum omnia gratiarum dona, quibus Christus & Spiritus sanctus Ecclesiam exornarunt, & fideles ad vitam æternam deducunt. Hinc Apostolica sollicitè & explicatè Ecclesiæ notas posuere in symbolo: *Credo Sanctam Ecclesiam Catholicam*. Addit Concilium Nicanum, & Constantinopolitanum notam Apostolicam: *Credo unam, sanctam & Apostolicam Ecclesiam*, uti & Patres addidere. In his præcipuè notis Ecclesiæ, se tenent Catholici.

Contra hæretici, qui supra Concilia, ac Patres sapiunt, duas plerumque notas Ecclesiæ statuunt, Prædicationem synceram verbi Dei, & syncerum usum Sacramentorum; ex quibus tamen duo tantummodo retinuerunt, Baptismum & Cœnam, re ipsa unum baptismum: cœna, tantum opinione illorum sacramentum est, re ipsa, cum sacerdotes veros non habeant, nullum est sacramentum. Ita Augustana Confessio art. 7. Apologiâ de Ecclesia: *Ecclesia habet notas externas, ut agnoscipossit, videlicet puram Evangelij doctrinam & administrationem Sacramentorum consentaneam Evangelio Christi*. Ita Brentius in conf. Wittenb. Centuriatores cent. 1. lib. 4. c. 1. ac passim cæteri Lutherani. Has præterea notas Ecclesiæ suæ essentielles statuunt Lutherani. Brochmannus contra Speculum Brand. Diterichus instit. catech. de Eccl. Osiander & ad Analys. Valent. Rudolphus Francus, Joannes Faber, Gerhard. lib. 2. cont. Cath. c. 4. Quibus accedit Nifanius dum scribit: *Verus Ecclesia cœtus monstratur, in quo verareligio purè, rectusque Dei cultus exercetur publicè*. Imò tanquam omnibus Lutheranis sapientior, *Lutherani* inquit, *verbum Dei unicam & perpetuam constituunt notam Ecclesiæ*. Reijcit deinde cæteras notas, quibus Catholici suam Ecclesiam demonstrant evidenter credibilem. Tam illi certi sunt de his duabus, aut unâ etiam notâ Nifanius, cum nihil insulsius magni illi reformatores Ecclesiæ, & novi Theologi nobis proponere possint.

Ratio I. est. Quia nota debet esse propria veræ Ecclesiæ, & non communis; atqui prædicatio verbi Dei, & sacramentorum administratio, non est propria, ergo. Minor constat; quia has notas omnes præcæ, & novæ hujus sæculi hæreses sibi vendicant, & per has suâ saltem opinione suam quæq; Ecclesiam monstrat, uti Calvinus facit lib. 4. c. 1. Willelus in synopsi, alijque. At dicunt Lutherani illos non attigisse puritatem

& ſynceritatem Apoſtolicæ doctrinæ. Imò verò, inquit illi, puriſſimam apud ſe doctrinā reperiri. Ideo ſe Puritanos, & Reformatos appellant. Idem Zwingliani, Arminiani, Anabaptiſtæ, & Labbadæus veſter, ſibi vendicant. Proferant ergo Lutheranī vel unum argumentum, quo hoc evincant, non tam contra Catholicos, qui has eandem notas ſibi vendicare poſſent, quàm contra ſectas hujus ævi. Imò, ſi largiamur hanc puritatem doctrinæ, ac notas eſſe apud Lutheranos, quæritur poſtremum, apud quos Lutheranos ſint, rigidoſne an molles, utrumne apud Melanthonianā, Brentianam, Saxonicam, Anhaltinam, Flaccianam Eccleſiam? an apud eos, qui Calixtum ſequuntur? Hic novum Labyrinthum ingrederis.

Ratio altera eſt. Nota Eccleſiæ debet eſſe ſenſu externo perceptibilis, quia ſymbolum eſt Eccleſiæ, ac proinde notior eſſe debet, quàm res ipſa, quàm ſignificat. At illa nota non eſt notior, quia eſt pars eſſentialis Eccleſiæ à vobis datæ, quàm definitiſſe congregationem fidelium, in qua ſyncerè verbum Dei prædicatur, & ſacramenta adminiſtrantur, & mox hæc ipſa duo inter proprietates, & notas Eccleſiæ ponitis, quæ ſimul ſunt differentiæ. Nonne hoc eſt petere principium? Nam ſiquis quærat, quæ ſit illa Eccleſia, in qua hæc eſſentialia reperiantur, reſpondetis, eſſe has ipſas notas, prædicationem videlicet verbi Dei, & Sacramentorum adminiſtrationem. Hic tu Niſani, qui tantus es provocator, nos expeditas. Simile eſt, ſi quis Catholicus à Lutheranopetatur, ubi conſul habitet, ubi campana ſonet, ubi ſit incendium, & is reſpondeat conſulem habitare in domo ſua; campanam ſonare, ubi malleus pulſat; incendium ibi eſſe, ubi domus conflagrat. Similia hic ludibria facitis populo. Conſtituamus hominem aliquem, inquit Valenz. in aliquo corpore, in quo nec humana figura, nec ulla hominis operatio notetur. Poſſetne ex ſola hac definitione: *Homo eſt animal rationale*, demonſtrari? Nemo ſanè id facere poſſet, niſi, aut Deus, aut Angelus ſit, Quocirca per alia ſigna primùm Eccleſia demonſtranda eſt, quemadmodum Catholicifaciunt, nimirum per notas ab Apoſtolis, & Concilijs in ſymbolo poſitas. Inde nec ex ſua definitione Eccleſiæ id præſtant. Qua ſuper re Valentiam de Eccleſia, Tannerum in demonſt. & diſp. de fide, q. 3. dub. 3. Bellar. Staplet. alioſq; Theologos conſule. Hinc benè de Mærcicis Auguſtinus lib. 2. de peccato orig. c. 22. *Catholicam Eccleſiam multis*

*multis modis cognosci, hæreticos verò nihil habere veritatis præter pollicitationem.* Id vel unico argumento evincit Erbermannus. Si enim Ecclesiæ illorum vera est congregatio fidelium, in qua purè docetur verbum Dei, & Sacramenta administrantur, ergò vel per mille annos ante Lutherum habuit illa congregatio illas duas notas, vel non habuit; si non habuit, ergò falsum est eam fuisse veram Ecclesiæ; si habuit, vel ergò ostendant nobis aliud ministerium verbi, & sacramentorum, quàm Pontificium per mille annos, vel fateantur hoc pontificium fuisse purum & legitimum ministerium. Præsertim cum Augustana conf. art. 7. doceat: *Oportere semper Christianam Ecclesiæ manere.*

Opponunt hic alij: Ecclesiæ est mater nostra; mater autem verà cognoscitur dum parit, lactat & pascit filios, hæc autem Ecclesiæ præstat generando per baptismum, pascendo doctrinâ, nutriendo per sacramenta. R. Hoc ipsum est in quæstione, quænam sit illa mater. Parit Catholica Ecclesiæ per baptismum, parit & hæresis per baptismum, sed non suum: cum Catholicæ Ecclesiæ sit baptismus ille, pascit per doctrinam, sed corruptam & falsam; nutrit per sacramenta, sed quæ præter baptismum aut nulla, aut inania sunt. Quare Augustinus lib. 3. cont. Donat. c. 9. de hæreticis: *Scripturas & sacramenta tenent ad speciem, non ad salutem, ideoq; per Ezech. c. 6. fornicaria dicitur omnis hæresis.* Perdix inquit Jeremias 17. *Congregat quæ non peperit faciens divitias non cum judicio.*

Admittamus hanc matrem fornicariam ex senio Ecclesiæ parientem. Ubi illam reperiemus? Vtrumne apud vos Lutheranos, an Calvinistas, an Zwinglianos, an Puritanos in Anglia, an Arminianos in Hollandia, aut in qua demùm Lutherana secta. Hoc à Nifanio vellemus doceri ex Salomonis alicujus judicio, qui pugnantes de filio matres diremit; sed vide, ne gladio hoc facias, quod ex verbo Dei scripto requirimus.

Opponunt II. Notæ Ecclesiæ petendæ sunt ex scriptura, quæ notior est, quàm Ecclesiæ. At scriptura nos ad prædicationem verbi Dei, & sacramentorum administrationem tantùm remittit. Hic, ego vellem, scripturæ locum recitares, qui ad duas, & solas illas notas nos remittat. Imò Patres hoc faciunt, inquit Chrysost. hom. 49. in Matth. *Qui vult cognoscere, quæ sit vera Ecclesiæ Christi, unde cognoscat, nisi tantummodo per scripturas.* August. 166. *In scripturis didicimus Christum, in scripturis didicimus*

*didicimus Ecclesiam.* Et lib. de unitate Eccles. quem nobis hic Nifanius adducit. *Quaestio inter nos versatur, ubi sit Ecclesia, quid ergo facturi sumus? an in verbis nostris eam quaesituri, an in verbis capituli sui? puto quod potius in illius verbis eam quaerere debeamus* R. Si in scriptura solū Ecclesia quaerenda, quorsum ergo Apostoli in symbolo nobis tot notas Ecclesiae dederunt? cum ne ipsum quidem nomen Catholicum in scriptura sacra reperiās. Quorsum Concilia unam sanctam Catholicam & Apostolicam Ecclesiam tam explicatè designarunt? quas notas Lutherus tam subdolè declinavit, quàm corruptè ceteri inverterunt, aut passim in alium sensum detorserunt.

R. II. Si in scriptura tam clarè demonstratur Ecclesia, qua cæcitate ab ipsis Novatoribus tam diversæ, & discrepantes Ecclesiae introductæ, & tam pertinaciter inter se digladiantur? Quare quilibet hæresis in tot sese divisit sectas? Verbo igitur respondit Bellarmin. lib. de Eccles. c. 2. Ex scriptura probari, ubi sit, non tanquam ex nota, sed quia scriptura docet, quæ sint notæ Ecclesiae, dum docet qualis illa sit, ubi cœperit, quomodo creverit, & id ipsum docet, quod Apostoli, & Concilia in symbolo per notas à se positas, Ecclesiam videlicet esse Vniversalem, quæ toto orbe fundenda sit. Hoc illud, quod Augustinus ex scriptura contendit tantoperè, docetq; lib. de Vnit. Eccles. tam fuisse, Ecclesiam non in sola Africa quaerendam. Vnde lib. 1. contra Parmenianum, c. 1. *Ticonius, inquit, omnium sanctarum paginarum vocibus circumfusus evigilavit, & vidit Ecclesiam Dei toto orbe diffusam, quam cæci Lutherani nondum vident, maluntq; ut Donatistæ in parte Africae, ita illi in parte Saxonie Ecclesiam recens natam ex cunis quaerere.*

III. Vrgent. Saltem scriptura notior est, quàm Ecclesia; cùm ex ea probetur Ecclesia, tanquam ignotius ex notiore. Respondet Bellarminus, Ecclesia prior est scriptura, cum ante eam fundata sit, & simpliciter notior, quàm scriptura, cùm per pastores & doctores explicetur. Ex hypothestamen, quando quaestio est de Ecclesia, & scriptura est recepta, clarèque loquitur, ex scriptura Ecclesia demonstratur; & contra, quando quaestio est de obscuro scripturae loco, aut controversia fidei, & Ecclesia est recepta & nota, tum ex viva voce Ecclesiae scriptura explanatur. Neque hic circulus est, ut fingunt hæretici, quando probatio à notis ad ignota, vel à concessis ad inconcessa procedit. Vti hac super re

Becanus

Becanus lib. 3. c. 10. & Philosophi omnes. Et quorū auctoritas Ecclesie? quam audire iubemur; quorū tot Concilia adversus hæreses? quorū iudex controversiarū? nisi ut eas hæreses, quas ex scriptura hæretici protulerunt clarè, & infallibili iudicio ex verbo Dei tam scripto, quàm tradito deciderent.

## C A P V T X.

### Primâ Ecclesia Nota, Unitas.

**H**Anc Notam & proprietatem veræ Ecclesie nobis magna illa synodus Nicæna, & aliæ subsequentes in suis symbolis dederunt. Vnam videlicet, Sanctam, Catholicam, & Apostolicam Ecclesiam profitendo. Nec aliter in scriptura Ecclesia unum corpus dicitur. 1. Cor. 12. v. 13. Roman. 12. v. 5. Coloss. 3. v. 15. Ephes. 4. v. 4. *Unum corpus & unus Spiritus.* Idcirco v. 1. subjungitur. *Vna fides, unum baptisma, unus Deus & Dominus.* 1. Cor. 10. v. 17. *Vnus panis & unum corpus multi sumus.* Ita unus Pastor & unum ovile, una sponsa, una est columba mea. Cant. 6.

Non alia Caroli M. Confessio de Ecclesia, in Epistola ad Hispaniæ Episcopos schisma meditantes, Tom. xx. Concil. Gener. *Prædicamus unam sanctam Dei Ecclesiam toto orbe diffusam, locis separatam, fide & charitate conjunctam.* Hanc ille, ut mentem suam planius declararet, adversus hæreticos inter cætera inquit: *Perfecta quam habemus in Christo caritas nos conjungere gaudet, non spargere; adunare, non scindere, & inconsutilem Salvatoris nostri tunicam integram servare.* Quemadmodum Christus aliquando Petro Alexandrino Episcopo scissâ veste se obtulit videndum, rogatusque ab Episcopo, quis hanc tunicam ita lacerasset? responsum est à Christo: Arius hoc fecit, Ecclesiam meam lacerando per hæresim suam. Hinc & Carol. 1. 5. Capitularium Tit. 166. *Ecclesiam unum corpus proficitur, ex adductis Apostoli locis.*

K

Multis

Multis autem, mirisq; modis est una Ecclesia, unâ fide, & caritate, & spe vocationis, una in uno baptismo, una in uno sacerdotio, & sacrificio, una in una Sacramentorum & doctrinâ per orbem professione, una in uno visibili Ecclesiæ capite & Pastore, una in unione membrorum, cum suo capite visibili. Inde Cyprianus inquit: *Ecclesia est plebs Sacerdoti adunata, & grex Pastori suo adharens.* Perinde ut Optatus Milev. dixit: *In una Petri cathedra unitas ab omnibus servatur.* Quâ mente Hieron. ep. ad Evag. *Nisi exfors quedam & eminens ei tribuatur potestas, tot erunt in Ecclesia schismata, quot Sacerdotes.* Nihil verò horum cum sibi Lutherana Ecclesia vindicare possit, ut inductione patet, neque veram Ecclesiam etiam sibi ex hac nota vindicare poterit. Sed his omissis, quæ in hanc rem multis afferuntur, ita cum Tannero statuimus:

*Illae est vera Ecclesia, qua non modo in unitate fidei & doctrina ætèrnam semper consensit ac consentit, sed qua habet à Spiritu sancto modum etiam, & rationem accommodatissimam ad consensionem fidei & doctrina conservandam;*

*At hac duo habet sola Ecclesia Catholica, ergò.* Prima pars propositionis certa atque evidens est: Quam enim unitatem Christus exoravit à Patre, ut *omnes unum sint:* Joan. 17. quamque Fideles habuere sub Apostolis, ut esset *cor unum & anima una*, hanc Ecclesia ab Apostolorum ævo, in consensione unius fidei, toto orbe inter tot gentes, & nationes semper conservavit. Quo nihil admirabilius ex quo Spiritus S. gentes in unitatem fidei congregavit, nec in ulla alia religione simile unquam fuit. Hanc quoq; unitatē Ecclesia habuit Caroli M. ævo, hanc ad nostra tempora retinet, abscissis semper à corpore Ecclesiæ schismaticis, & hæreticis, qui hanc unitatem dissolvere aggressi sunt. Ad hanc unitatem appellant omnes SS. Patres. Irenæus lib. 1. contra hæreses. c. 2. *Hanc fidem Ecclesia in universum mundum disseminata diligenter custodit, quasi unam domum inhabitans, & similiter credit ijs, quasi unam animam, & unum cor, & consonanter predicat, docet, & tradit, quasi unum possidens.* Rursum Irenæus: *Sicut sol in universo mundo unus, & idem est, sic & lumen fidei & predicatio veritatis ubiq; lucet.* Cyprian. lib. de unit. Eccles. *Ecclesia una est, quomodo solis multi radij, sed lumen unum.* Eadem habet epist. 69 & toto illo libro de unit. Eccl. Idem S. Augustinus docet, qui ob id librum scripsit de unitate Ecclesiæ, haud secus quàm Cyprianus

Cyprianus. Præterea de Bapt. contr. Donatistas lib. 3. c. 6. *Non potest habere caritatem Dei, qui Ecclesiâ non diligit unitatem.* lib. 2. contra epist. Gaudentij. *Vnum caput est, & una origo, & una mater secunditatis successibus copiosa.* lib. 3. cont. Petil. c. 5. *Nullus prædicans nomen Christi sequendus est contra unitatem Christi.* Omitto alios Patres, aliorumque in hanc rem testimonia.

Altera pars propositionis haud minus momenti habet. Nec enim satis est actu convenire in aliqua consensione doctrinæ, seu veræ, seu falsæ, quando quælibet hæresis etiam obtendere potest, semper esse apud se maximam aliquam partem populi, qui in una professione conspiret, quamvis tamen ut in toto & in omnibus conspirent, numquam obtinebunt. Igitur ad unitatem Ecclesiæ & doctrinæ requiritur, ut habitu quoque sit una, id est habeat modum, & ordinatam à Deo dispositionem conservandi unitatem doctrinæ, tanquam principium aliquid perpetuum & infallibile, hoc autem habet sola Catholica Ecclesiâ in uno capite, & infallibili auctoritate Ecclesiæ, & iudice controversiarum. Hoc cum primis valet in Concilio Oecumenico, in quo Pontifex, & Episcopi controversiarum iudices repræsentant totam Ecclesiâ, quam ex promissionibus Christi, & Spiritus S. assistentiâ numquam, ut errare possit, deferendam diximus. Quare in Concilio Hierosolymitano dixere Apostoli: *Visum est Spiritui sancto & nobis.* Ita Ecclesiâ in omni Concilio Oecumenico legitimo dicit, atque ita omnes hæreses infallibili iudicio damnatæ sunt, & illa admirabilis Ecclesiæ unitas per tot gentes, & nationes ad hunc diem conservata est, quemadmodum postremò etiam in Concilio Tridentino omnes hujus sæculi hæreses damnatæ sunt, & Ecclesiæ unitas ex illis fluctibus Germaniæ in tuto collocata est.

Nihil horum in ulla unquam hæresi, cum primis nostræ ætatis, quando apud hæreticos omnes non alius iudex, quàm scriptura sacra, in qua quilibet sibi iudex est, ut quisque à privato Spiritu agitur ac fidei articulos sibi pro ingenio fabricat. Hinc primò tot hæreses in mundo ab ipso etiam Apostolorum ævo, hinc deinde quælibet hæresis in tot partes scissa fuit. Hæresis Simonis Magi, ut Irenæus scribit lib. 1. c. 21. divisa fuit in Menandrianos, Basilidianos, Saturnianos: Valentiniana hæresis ut idem Irenæus lib. 1. c. 5. ita mox discerpta, ut vix duo, aut tres reperirentur, qui in dogmatibus consentirent Donatistarum. hæresim Au-

Agustinus refert lib. 1. de baptismo c. 6. in minutissima frustra concisam. Marcionitæ teste Epiphanio lib. 1. Tom. 3. in Appellianos, & Severianos se diviserunt. Montanistæ in tres sectas diversi abiêre, teste eodem Epiphanio lib. 2. Messaliani in Martyrianos, Sathanianos, Enthusiastas se partiti sunt, teste Epiphanio hæresi 80. & Theodoretò lib. 4. de fabulis hæreticorum. Ariani singulis ferè annis immutarunt fidem. Inde Hilarius: *Annua, menstruaq; apud eos fides*. Principes tamen sectæ inter eos tres, Acicianæ, Macedonianæ, Eunomianæ. Singula accuratius deprehendet, qui Irenæum, Damascenum, Augustinum, & Theodoretum legerit de hæresibus suorum temporum.

Nostra ut propius contingam, eandem confusionem & divisionem exhibent, quo constaret eodem spiritu vertiginis agi, eandemque notas suarum hæresum prodere. Hussitæ, ut Cochleus scribit, in tres potissimum sectas mox dilacerati, Lutherani vix nati in Anabaptistas, Confessionistas & Sacramentarios sese diviserunt. Singulæ rursus sectæ in alias atque alias sectas divisæ sunt. Lutherani in rigidos & molles in Saxonicos & Brentianos, quos Saxonici 17. errorum reos condemnant. Aliæ rursus divisio apud illos in Antinomos & Ubiquistas, in Melanthonianos, Anhaltinos, Calixtinos: & quæ non apud illos religionis rupturæ? uti Præcolus, alijque recensent, & scripta illorum, quibus se oppugnant, satis evincunt; & quid liber ille concordia nisi seminarium discordiæ? Nequid de cæremoniæ discrepantiæ referam, quot provinciæ & urbes, tot dissoni ritus & formæ Ecclesiarum præscriptæ.

Sacramentarij in Caroloostadianos, Zwinglianos, Oecolampadianos, Zwenckfeldianos, & Calvinistas divisi. Calvinistæ rursus in Hollandia in Arminianos & Gontoristas, tanquam in molles & rigidos Calvinistas. Quantum laboratum in conciliabulo illo Dordrechtano, ut hæ sectæ convenirent rursus in unam! Frustra id actum, manent templis, ministris, & cæteribus hodie dum discreti. Ex Calvinistarum schola celebres Seruetus, & Valentinus: horum discipuli Blandrata, Soncinus, Alziatus, Franciscus David, alijque. Ex illaministrorum colluvie Trinitarij, Nestoriani, Ariani novi, quot non sectis Transylvaniam, Vagariam, & Poloniam implevêre? quâ super re legas præfationem Bellarini, in contr. 2. de Christo. Anabaptistæ in tot sectas divisi, quot nulla ferè hæresis peperit, quot provinciæ & urbes, tot sectarum monstra apud Anabaptistas.

Anglia



Anglia non minus fœta sectarum multitudine, postquam Lutheri & Calvinii Evangelium in id regnum penetravit, de quibus extat inter cæteros Honorij Reggij liber de statu Ecclesiæ Britannicæ. Nulla, inquit ille in vestibulo libri, *ab erbe condito provincia tam parvo spacio, tam monstrosas hæreses protulit atq; hæc; Episcoporum tempora intra LX. annos, non nisi quatuor sectas protulerunt, Puritanos, Brownistas, Familistas, & Anabaptistas: At nunc ab his retrò annis innumera secta pullulant, & quotidie diffunduntur.* Principes eorum Protestantes, qui Episcopos suos habent, multosque Catholicorum ritus ex liturgia sua Lutheranorum in modum retinent in Ecclesijs suis, propriusque præ cæteris ad Catholicos accedunt, sed conjugati apud eos Episcopi. Invitatus nuper legatus Regis Lusitanæ ab hujusmodi Episcopo Angliæ ad convivium, rogatusque altero die à Rege Britannicæ, quid vidisset? respondit: vidi Episcopos & Episcopas, Episcopunculos & Episcopunculas; quemadmodum in domo Lutheri Monacham & Monachum, Monachunculos & Monachunculas vidisses, & in domo Nisanij Episcopum & Episcopam cum sua prole. In quæ tempora incidimus, ut hæc portenta Ecclesiæ aspiciamus? Puritani in Anglia Calvinistæ, in Presbyterianos, Independentes & Erastianos divisi. Independentes rursum in alias & alias sectas divulsi. Pari fœtu Anabaptistæ in Anglia multiplicati in Quærentes, Antinomos, Quackerianos, aliasque sine numero sectas. Ita brevi universa Anglia primum 40. deinde 60. post octoginta hæreses, doctrinâ, ministris & cæteribus diversas, intra viscera regni conspexit. Non Africa unquam tot monstra, quot una Lutheri hæresis fœcunda & portentosa omnium hæresum mater per Europam peperit. D. Polycarpus Christi discipulus cum ævo suo nascentes hæreses, & unitatem Christianæ religionis turbantes videret, *O Deus, exclamat, in quæ tempora reservatus sum!*

Verùm unde tot & tam innumerabiles hæreses ab uno statim sæculo, quas nemo hæctenus Regum & Principum in concordiam redigere potuit? nisi quia principium redeundi ad concordiam & unitatem non habent, auctoritatem videlicet Ecclesiæ, vivum controversiarum judicem & supremum, Vicariumq; Christi caput non agnoscunt. Quod jam dudum Cyprianus lib. 1. epist. 3. est questus: *Non aliunde hæreses oborte sunt, aut nata sunt schismata, quam inde, quod sacerdoti Dei non obtem-*

peratur, nec unus in Ecclesia ad tempus iudex vice Christi cogitatur. Inde ut Hieron. in cap. 16. Ezech. *Semper errantium fluctuant pedes, nec sunt solida vestigia, quæ contra veritatem sunt, sed hæc illucq; discurrunt & circumferuntur omni vento doctrine.* Verbum quidem illi Dei ac scripturam appellant, in eoque nobis iudicem quisque magno promissor hiatu ostendit; verum ut Tertullianus lib. præscript. de præscis hæreticis: *Mentior, inquit, variant inter se dum unusquisque pro suo arbitrio modulatur quæ accepit, quemadmodum de suo arbitrio composuit quæ tradidit.* Ut jam verbum Dei non sit aliud apud illos quam privatus spiritus, & privatum de sensu scripturæ iudicium. Illud interim perpetuum in Ecclesia Catholica miraculum, posse tot gentes & nationes moribus, linguis & ingenijs diversas, per tot ab Apostolis sæcula toto terrarum orbe in unitate fidei contineri, quam hæretici ne in una quidem provincia & ex uno sæculo præstare potuerunt, quin in mille sectas discordes abirent. Ingens miraculum, quia unum ex auctoritate unius Ecclesiæ consulitur & auditur oraculum. Hic meta, hic limes, hic termini omnium controversiarum, quocumque tandem se obvolvant & revolvant hæretici.

Carolus M. hanc unitatem in auctoritate Catholicæ Ecclesiæ & Pontifice totius Ecclesiæ capite supra omnes Reges & Cæsares coluisse tam certum est, ut supervacaneum sit probare, quando omnia quæ in fidei controversijs aut publicè, aut privatim agebantur, continuo ad Romanum Pontificem retulit. Quod vel ex solo Concilio Francofurtensi manifestum: Nam cum per id tempus totus occidentis se in una fide possideret, eamque Elipandus & Felix Orgelitanus Hispaniæ Episcopi novâ hæresi de adoptivo Christo Filio turbarent, illico Adrianus Pontifex Italiæ Episcopos convocavit, damnataque est hæresis illa in Romano Concilio, inde mox Galliæ & Germaniæ & Britanniæ Episcopi convocati, unâ conspiratione hanc eandem hæresin condemnarunt. Ut constat ex epist. Hadriani Papæ, libello Episcoporum Italiæ & synodica epistola Galliarum & Germaniæ Episcoporum, postremum ex ipsius Caroli Maurea illa epistola ad Hispaniæ Episcopos, in qua ad tres superiores se revocat. Tanta tum consensio fuit, ne vel ulla, & unica hæresi illa de adoptivo filio, quæ speculativa magis quam practica erat, unitas Ecclesiæ turbaretur. Quid facturum fuisse dices, si Lutherus cum illa

illa hæresum turba se obtulisset, quando ob unicum illum errorem tot Concilia & Episcopi convocati sunt.

In eodem Concilio Francofurtensi præsentē & approbante Carolo M. acta Concilij Nicæni I I. in causa imaginum, cultuque earum confirmata sunt, simulque unitas inter Ecclesiam occidentalem & orientalem mirifice stabilita est. Quam falsa autem Nisanius tam de filio adoptivo, quam de cultu imaginum ex hoc Concilio contra Catholicos producat, parte quartâ ostendetur. Rem quam exposui, paucis complectar Cypriani oraculo lib. I. epist. 48. *Deus unus est, & Christus unus, & Ecclesia una, & Cathedra una supra Petrum Domini voce fundata. Aliud altare constitui, aut sacerdotium novum fieri, præter unum altare, & unum sacerdotium non potest, quisquis alibi collegerit, spargit, adulterum est, impium est, sacrilegum est, quodcumq; humano furore instituitur, ut dispositio divina violetur.*

## C A P V T X I.

### II. Nota, Sanctitas Ecclesie.

**A**lteram hanc Notam ac proprietatem Ecclesie Apostoli in symbolo, *Credo sanctam Ecclesiam Catholicam*, & cætera Concilia œcumenica nobis tradunt, quâ notâ congregatio fidelium ab omni secta Paganorum, Philosophorum, Judæorum, Turcarum & Hæreticorum discernitur. Quemadmodum hæc sanctitas in scriptura promissa Ose. c. 2. Isa. 61. Ephes. c. 5. *Christus dilexit Ecclesiam, & se ipsum tradidit pro ea, ut illam sanctificaret.* I. Pet. 2. *Vos genus electum, regale sacerdotium, gens sancta.*

Nec aliter Carolus M. in confessione fidei ad Episcopos Hispaniæ: *Pradicamus unam sanctam Dei Ecclesiam.* Ita quoque Patres in Concilio Francofurtensi can. 1. *Hanc hæresin funditus à sancta Ecclesia eradicandam statuerunt.* Prolixum cætera Caroli Magni testimonia adducere.

Multis

Multis rursus modis Ecclesia Sancta creditur. I. à Conditor & capite Ecclesiæ eodemque auctore & fonte omnis sanctitatis, qui est Christus, Ephes. 1. *Ipsum dedit caput super omnem Ecclesiam, Coloss. 1. Ipse est caput corporis Ecclesia, qui est principium.* Ex quo conficitur solam Ecclesiam Catholicam esse sanctam, quia capiti suo per influxum & assistentiam Spiritus sancti inseparabiliter inhæret, ne in fide & decretis morum errare possit. Hæretici cum à capite & corpore Ecclesiæ præcisi sint, hoc influxu destituuntur. Inde Joan. 15. Christus: *Ego sum vitis vera, vos palmites. Si quis in me non manserit, mittetur foras, & arefcet, & colligent eum, & in ignem mittent.* Eò S. Augustinus Hæreticos dixit: *Sarmenta à vite præcisa.* Imò idem Augustinus: *Aut in vite, aut in igne.*

I I. Sancta est Ecclesia non modò ob influxum per fidem, sed & per caritatem, & cætera charismatum dona, de quibus Apost. ad Cor. 12. 13. 14. Ephes. c. 4. Hæc similiter apud Hæreticos esse non possunt postquam rami ab arbore præcisi, rivi arefcentes à fonte abrupti, membra à corpore amputata esse cœperunt, ut idem August. lib. de unit. Eccles. Cyprianus de unit. Eccles. ac cæteri Patres docent.

I I I. Sancta est ex sanctitate finis, eò quòd Ecclesia sit congregatio Fidelium, consecrata à Deo ad cultum divinum, ac veri Numinis, quem sola habet Catholica Ecclesia per ministros veros, per sacrificium religionis, per adorationem, orationem & laudem Dei. Vel inde S. Augustinus lib. de unit. Eccles. scripsit, extra Ecclesiam neminem salvari, quod *in sola Ecclesia Catholica immoletur hostia redemptionis*, quæ in nulla horum temporum hæresi offertur, ex quo Lutherus sacrificium Missæ, quod unicum & proprium est religionis Christianæ sacrificium, sustulit. Sed his alijsque omissis, quod nec sacramenta vera præter Baptismum, nec veros sacerdotes, nec veram doctrinam ex verbo Dei, cæteraque sanctitatis instrumenta & præsidia habeant quæ multis alijs prosequuntur. Hinc ex tota Ecclesia vestra nullus Sanctus adhuc propositus, nec à Nisano ullum præter Beatum Lutherum, Beatum Chemnitium, & Beatum Joannem Gerhardi nominari lego. Sane si Lutherus Beatus, ac Sanctus, tot animarum pereuntium & hæreseôn auctor, quem Hæresiarcham, quem Apostatam monachum, quem Sacrilegum & Concubinarium Sacerdotem Beatorum numero non adscripseris?

IV. Ec-

I V. Ecclesia Catholica Sancta est, professione fidei, quæ nihil continet falsum ex doctrina fidei, nihil ex doctrina morum impium, nihil injustum, nihil dissolvens legem Christi, quæq; præterea continet consilia Christi ad summam vitæ perfectionem & sanctitatem perducencia.

Nihil horum in secta Paganorum, Philosophorum, Mahometanorum, Judæorum post Christi adventum, nihil in ulla antiqua aut nova sæculi nostri hæresi, uti multis demonstrat Bellarm. lib. 4. de Eccles. novis c. 12. longâque inductione probat, quàm falsa, quàm absurda, quàm impia singula horum sectæ docuerint. Sed his prætermisissis, exploremus Lutheri professionem fidei & doctrinam, an non cum præcis hæreticis conspiret in falsitate & laxitate legis Christianæ & disciplinæ? Id ex quatuor aut quinque principiis suæ religionis expendamus.

Docet enim I. Solâ fide justificari homines. II. Legem Christi esse impossibilem. III. Bona opera non esse necessaria, nec conducere ad salutem, imò omnia bona opera Christianorum esse sordes & inquinamenta. IV. Non esse in homine Christiano liberum arbitrium. His principiis Lutheranorum positis, quod erit flagitium quod innoxie & liberè quis perpetrare non possit? Eò impietatis nec Judæi unquam, nec Mahometani, nec gentilium Philosophi progressi, ut hæc singula simul docerent. Non hic contendam, quàm falsa sint hæc dogmata, quod ab innumeris scriptoribus & innumeris libris jam prælitum est. Id solum exploremus, an Carolus M. quicquam horum docuerit.

Non solam fidem justificare, sed bona opera requiri ad salutem, docet Carolus lib. 6. Capitul. tit. 160. *Primum inquit fundamentum Christiana religionis fides Catholica est, & hac fides tum fructuosa est, si bonis operibus exornetur. sine his enim nemo potest placere Deo.* Eadē habet lib. 7. Capitul. tit. 303. eadem in Constitut. in synodo Mogunt. can. 10. eadem reperiuntur can. 18. in professione fidei ad Hispaniæ Episcopos: *Credimus omnes homines resurrecturos esse, & singulos secundum bona opera judicari.* Liberum arbitrium Carolus in professione fidei ad Hispaniæ Episcopos docet: *Credimus veram remissionem peccatorum in eadem sancta Ecclesia, sive per baptismum, sive per penitentiam divinâ donante gratiâ & bonâ voluntate hominis cooperante.* Legem servari posse ac deberi, cum alijs in legibus, tum in Capitulari Interrogationis. anno imperij XI. edito, quo jubet quærere & docere: *Quod ille in Deum non bene cre-*

*das, qui præcepta ejus impunè se contemnere putat.* Tom. 20. Conc. interrog. 8. Et quare Carolus M. tot leges in Capitul. libris Clero & populo præscribit? cur in synodis tot leges ab eo latæ ad disciplinam Ecclesiæ? si ne ipsa quidem præcepta Dei servari possint. Vides Nisani, quàm religiosè Catholicus sit Carolus M. & non Lutheranus in præceptis & fundamentalibus Catholicæ doctrinæ principiis, neq; unquam laxam illam & impiam Lutheri viam ingressus sit?

Quid nunc de consilijs Christi dicemus? quid de instituto Monachorum, & religiosorum hominum? quod in consilijs Evangelicis nimirum paupertatis, obedientiæ & castitatis consistit. Tot cœnobია Carolus fundavit & dotavit, quæ Lutherus primùm in Saxonia & Germania laicis in prædam dedit. Tot legibus præmunivit, quas Lutherus primùm laxavit, ipse dux & profugus cum Moniali. Tot Carolus M. & Cæsares consequentes viros sanctos ex cœnobijs evocarunt ad docendas barbaras gentes, tot Episcopos & Præsules Ecclesiæ ex Monachis delegerunt, quos omnes sacrilegæ vitæ condemnat Lutherus. Lege Caroli res gestas, lege Synodos, Capitularium leges & vitas Sanctorum. Aut totus orbis cum Carolo erravit, aut Lutherus deliravit, quod verissimum est. *Ex cellulis Monachorum*, exclamat Hieronym. *damnatur orbis terrarum!* Sed nec in cellula quidem sua permansit Lutherus, & tamen illius monachi judicio damnatur orbis terrarum.

V. Ecclesia Sancta proponitur ex Sanctorum multitudine, qui ex cultu Catholicæ religionis publico & sanctitatis fama omni sæculo clari fuerunt. Nihil ego hic de quinq; primis sæculis referam, ea quia incorrupta agnoscunt, Episcopos, Patres, Sacerdotes, & Viros sanctos ex ijs permittunt: Neq; post quinq; illa sæcula ad Carolum M. quod hæretici negant, abrupta est sanctorum multitudo & fulgor in Ecclesia Catholica. Quot enim per Italiam, Galliam, Hispaniam, Britanniam, Belgium, Germaniam ad Carolum M. Pontifices, Episcopi, Abbates, Sacerdotes, Monachi & religiosi sanctitatis memoria celebres? Quot Martyres, Virgines, justi piq; homines? si Ecclesiastica historia & vitæ Sanctorum pervolvantur. Florentissima erat Caroli M. ætas Viris sanctis & doctis per Galliam, Britanniam & Belgicam utramq; , ex quibus illi admirandi sanctitate & Apostolici viri, per quos Frisia & Saxonia ad Christi fidem perducta. Quales enim Willibrordus, Suibertus, & duodecim illi Apo-

stolici

Apostolici viri ex Anglica submissi, interq; hos Bonifacius Germaniæ Apostolus, Wulframus, Burchardus, Sturmio, Wigbertus? Quales illi Episcopi, quos Carolus M. Saxoniam primum imposuit, Wiho Osnabrugensis, Willihadus Bremensis, Ludgerus Monasteriensis, Hildegimus Halberstadiensis, Hathumarus Paderbornensis, Hercumbertus Mindensis, Suibertus Verdensis Episcopus? quos aut miraculis claros, aut famâ sanctitatis notos posteritas coluit. Quales qui Ludovico Pio ac deinde per Saxoniam in singulis Episcopatibus memorantur religione & pietate celebres? Ut Anselmus, Rembertus, Nortbertus, alijque (præter innumeros Sacerdotes, & Religiosos) viri sanctitate conspicui. De quibus illud Divi Augustini lib. 2. in Julianum cap. 31. dixeris: *Isti sunt Episcopi & Pastores docti, graves, sancti, veritatis acerrimi propugnatores, qui Catholicam fidem cum lacte suxerunt, in cibo sumpserunt, ejus lac, & cibum parvis magnisq; ministraverunt.* Hi illi de quibus Hebr. 13. *Mementote prepositorum vestrorum, qui vobis locuti sunt verbum Dei: quorum intuentes exitum conversationis, imitamini fidem.* Horum sanè religionem & vitam si quis conferat cum Luthero, & apostatis sacerdotibus ac monachis, quorum operâ Lutherus Saxoniam pervertit, tantum intelliget discrimen, quantum est inter tenebras & lucem. Et mirum vos Prædicantes, siquidem res gestas eorum legeritis, audere vos per summam impudentiam, aut posse per mentiendi malitiam persuadere populo, ab his sanctis Episcopis non aliam, quàm corruptam, impiam, & Antichristi doctrinam in Saxoniam illatam esse, quorum doctrinam & vitam, dum barbaros Saxones & Frisones docerent signis & virtutibus illustres, admiratæ sunt barbaræ gentes, eorumque sanctitatem veneratæ sunt, quam hæretici ridet & calumniantur.

Sed in promptu hujus rei causa est. Episcopi illi & Apostolici viri cælibes & casti vixerunt, portentumque fuisset vidēre Episcopum conjugatum: hæreticorum ministri nihil prius habent, quàm ut mariti sint, & uxor à latere hæreat, sarcina novi Evangelij. Illis vita in afflictatione corporis, in jejuniis, in vigilijs & precibus diurnis acta: Prædicantium vita carnalis est, qualis fuit omnium priscorum hæreticorum. Illi Catholico ritu inuncti Sacerdotes, consecrati Episcopi, venerati Pontificem caput Ecclesiæ, profecti Romam ad limina Apostolorum ad impetrandam potestatem docendi gentes. Illi Sacramentum Confirmationis

tionis populo impertiēre, obtulēre quotidianum Sacrificium, absoluerunt poenitentes à peccatis in iunctā satisfactiōe, unxerunt oleo sacro morituros, administrarunt Sacramenta ritu Catholico, quo etiam nunc administrantur: orarunt pro vivis & defunctis, coluerunt Sanctos, collegerunt Clerum, condiderunt collegia Sacerdotum, fundarunt cōnobīa Monachorum & Virginum Deo consecratarum. Verbo, docuerunt legem Christianam, qualem nos ad hanc diem traditam conservamus, uti singula demonstrabimus. Hæc quia contraria sunt novo Lutheri Evang. lio & operibus eorū, hinc ut Lutherus habeatur beatus, omnes à Gregorio M. Pontifices Romani illis Antichristi sunt: Vt ministri illorum habeantur pij & sancti; omnes Episcopi, & Sacerdotes, & Monachi persuadentur impij & sacrilegi idololatæ: Vt populi illorum prædicentur iusti, omnes Catholici vocantur Papistæ, & omnibus superstitionum & errorum tenebris involuti.

Vnicum hoc nobis Catholicis solatium, quod nondum hæreticis à vobis proclamemur. Vis autem scire Nisani, quid de hæreticis formalibus, qui cum pertinacia tuentur errorem, pronuntiet S. Augustinus lib. 4. contra Donatistas c. 8. *Constituamus, inquit, aliquem castum, continentem, non avarum, non idolis servientem, hospitalem, indigentibus ministrantem, non cuiusquam inimicum, non contentiosum, patientem, quietum, nullum amulantem, nulli invidentem, sobrium, frugalem, sed hæreticum: Nulli utiq; dubium est, propter hoc solum quod hæreticus sis, regnum Dei non possessorum.* Portamus Martyrem etiam in hæresi aliqua, non ideo iustus & salvus erit, quando teste Augustino conc. 2. in psal. *Martyres non poena, sed causa facit.* Et Cyprianus lib. de unit. Eccles. palam asserit: *Ardeant licet flammis & ignibus traditi, vel bestiis obiecti animas suas ponant; non erit illa fidei corona, sed perfidia: occidi talis potest, corona si non potest.*



## CAPUT XII

### III. Nota, Catholicum nomen,

**G**loriosissima & evidentissima hæc Nota est, ab Apostolis & Concilijs in Symbolis consignata, & tam certa, quam ipsa Symbola, tamen Catholicum nomen in nullis Canonicis libris legatur. Ob hanc causam toto orbe terrarum, ab Apostolis ad Lutherum, non aliter pueri, juvenes, viri ac senes recitârunt, quam, *Credo Sanctam Ecclesiam Catholicam*; donec Lutherus tandem in catechismo suo inverteret; docerêtq; *Credo Sanctam Christianam Ecclesiam*: Ad eod illud nomen Catholicû illi novo Evangelio obstabat. Augustana Confessio art. 7. similiter conceptis verbis: *Oportet semper S. Christianâ Ecclesiam manere*. Manifesta corruptela Symboli: Omnis quidem Catholicus est Christianus; sed non omnis Christianus est Catholicus. Pudit post ipsos Lutheranos ejus fraudis. Hinc primò in Smalcaldicis articulis utrumq; conjunxerunt, credendam videlicet *Ecclesiam Catholicam Christianam*. Deinde, ut Diedericus in catech. inst. rediêre ad Catholicos, &, *Credo Ecclesiam Sanctam Catholicam*, præscripserunt recitandum. Demum Morphei illi, more quorundam priscorum hæreticorum, etiam nomen Catholicum sibi proprium arrogarunt, idq; tam Lutherani, quam Calvinistæ. Quemadmodum Joannes Gerhardi Lutheranus Tomos suos inscripsit Confessionem Catholicam, & Chamierius Calvinista, Panstratiam Catholicam. Nifanius Lutheranus supra omnes Thraiso, nomen Catholicum, inquit, de jure & merito nobis debetur. Interim in catechismo Lutheri, quem pueris instillant passim manet *Christiana Ecclesia*, eralo Catholico nomine. Idem tamen Nifanius fâctetur Carolum M. eam, in qua vixit, Ecclesiam, Catholicam appellasse. Ita sanè est: Idenim nomen in Synodis sub eo habitis, & Capitularium libris identidem reperias: exserte ad Hispaniæ Episcopos post Symbolam fidei suæ subjungit: *Hæc est fides Catholica*.

At priusquam ex hoc Catholico nomine Notam in eo expressam reddamus; duo imprimis observanda monet Suarez lib. defens. Catholicæ. I. Nomen Catholicum tam nobis Ecclesiam, quàm fidem Catholicam significare. Quare sicut Apostoli & Concilium Nicænum docent: *Credo sanctam Ecclesiam Catholicam*; ita Athanasius in suo Symbolo: *Hæc est fides Catholica, quam nisi quisque fideliter, firmiterq; crediderit, salvus esse non poterit.* Ratio est, quod inseparabili nexu inter se conjuncta sint fides Catholica, & Ecclesia Catholica.

Alterum est in Catholico nomine observandum, id nomen ab Apostolis, dictante Spiritu sancto tam signatè positum esse in Symbolo Apostolico, Nicæno & Constantinopolitano, ut eo distinguerentur Catholici ab hæreticis. Nam in actis Apostolorum c. 11. Christi & Apostolorum discipuli, omnisque Fidelium turba primùm Antiochiæ cognominati sunt Christiani, quo nomine fati discernebantur à Judæis & Paganis. Verùm quia inter ipsos Christianos futuri erant hæretici, ut toties monuerunt Apostoli in suis scriptis; ideo singulari Dei providentia additum est in Symbolo nomen *Catholicum* ad Catholicos ab hæreticis discernendos. Igitur,

Ibi est vera Christi Ecclesia, ubi nomen Catholicum inter omnes religiones semper obtinuit;

Atqui inter solos Catholicos semper id obtinuit: ergo  
Apud solos Catholicos est vera Christi Ecclesia.

Hæc consentiens omnium Patrum doctrina, hoc illorum argumentum ex nota nominis deductum adversus hæreticos. Pacianus Episcopus epist. 1. contra Parmen. *Si fortè ingressus populosam urbem Marcionitas, Novatianos & ceteros ejusmodi comperissem, qui se Christianos vocarent, quo cognomine Congregationem meam plebis agnoscerem, nisi Catholica diceretur?* Hinc postea concludit: *Christianus mihi nomen est, Catholicus verò cognomen; illud me nuncupat, illud ostendit; hoc probor, inde significor.* Addit idem vetus scriptor: *Certè non ab homine mutatum, quod per sæcula tanta non cecidit, Catholicum istud, non Marcionem, nec Apellem, nec Montanum, nec hæreticos sonat auctores.* Augustin. lib. cont. epist. Fundam. c. 4. *Ipsum Catholica Ecclesia nomen, quod non sine causa inter tam multas hæreses, sic illa Ecclesia sola obtinuit, ut cum omnes hæretici,*

Ca-

*ci, Catholici dici velint; quarenti tamen peregrino âlicui, ubi ad Catholicam convenitur? nullus hereticorum vel basilicam suam, vel domum audeat ostendere. Cyrill. Hierol. Catech. 18. Si tveris in aliquam urbem, non petas, ubi sit Ecclesia, vel domus Dei, nam etiam heretici dicunt se habere domum Dei & Ecclesiam; sed petas ubi sit Catholica Ecclesia. Id enim nomen proprium est hujus sanctæ Ecclesiæ Matris omnium nostrum. Ita Hilarius can. 10, in Matth. cæteri quæ Patres, quos longum est referre. Igitur cum Augustino concludimus lib. de vera relig. c. 7. Tenenda est nobis Christiana religio, & ejus Ecclesiæ communicatio, quæ Catholica est, & Catholica nominatur, non solum à suis, verum etiam ab omnibus inimicis; velint enim nolint, ipsi quoque heretici & schismatum alumni, quando non cum suis, sed cum extraneis loquuntur, Catholicam nihil aliud, quàm Catholicam vocant, non enim possunt intelligi, nisi eam hoc nomine assernant, quæ ab universo mundo nuncupatur.*

Vide nunc Nisani, an non ubique in Germania, Hollandia, Anglia, Polonia, Vngaria, ubi Catholici inter diversos hæreticos mixti vivunt, & colunt religionem suam, hæc nominis Catholici notâ monstrentur & discernantur ab alijs sectis?

Hinc nunc alterum consequens est, quod æquè vos convincit. Nam cum solis Catholicis nomen Catholicum proprium sit, & hæreditarium nobis ad hæc tempora permanferit; necesse semper fuit, cæteros extra hanc Catholicam Ecclesiam hæreticos, nomen suæ sectæ vel ab auctoribus & hæresiarchis suis sumere. Ita Ariani ab Ario, Novatiani à Novato, Donatistæ à Donato, Nestoriani à Nestorio, Hussitæ ab Hussio, Lutherani à Luthero, Calvinistæ à Calvino, Zwingliani à Zwinglio, Arminiani & Gomaristæ ab Arminio & Gomaro nomen suum præferunt. Vel certè aliunde aliud nomen illis inditum, quemadmodum Gnostici, Ophitæ, Encratitæ, Cathari, Iconomachi, Confessionistæ, Vbiquistæ, Reformati, Puritani, Anabaptistæ, Protestantes, Presbyteriani, Independentes, Remonstrantes, Conformistæ, & quæ non monstra nominum & sectarum? Id nunc Patrum consensu rursus clarum est Chrysof. Hom. 33. in Act. Apost. *Illi habent quosdam, à quibus appellantur; prout enim hæresiarcha nomen, ita & secta vocatur: Nobis autem nullus vir nomen dedit. Pergit Chrysof. Nunquid scindimur ab Ecclesia? num hæresiarchas habemus? num ab hominibus cognomen habemus?*

bemus? nunquid nobis dux quidam est, sicut illi Marcion, illi Manichæus, huic Arius? Justin. Martyr in Triph. Isti sunt distincti cognominibus denominati à quibusdam viris, ut quisq; auctor alicujus nove doctrina: ut ijs alij vocantur Marcionista, alij Valentiniani, alij Basilidiani, alij Saturniani, alij alio vocabulo. Irenæus lib. I. c. 20. Habent vocabula à Principe impijissima sententia Simone Simoniani. Lactant. lib. 4. instit. c. 30. Cuius Marcionista aut Ariani nominantur, Christiani esse desierunt, & externa vocabula induerunt. Hieron. cont. Luciferanos: Sicubi audieris eos, non dicuntur Christiani, non à Domino, IESU Christo, sed à quòq; alio nomen accipi; ut Marcionitas, Valentinianos, scito non Ecclesiam Christi, sed Antichristi esse synagogam. Optatus Milevitanus lib. contr. Parmen. Quia ante ipsius superbiam omnes in Christo crederent, Christiani vocarentur, ausus est populum cum Deo dividere, & qui illum secuti sunt jam non Christiani vocarentur, sed Donatista. Athanasius orat. 2. contra Arianos: Qui aliunde fidei sue originem deducunt, merito auctorum suorum commemina præferunt. Ita explosus est Marcion inventor hæreseos, ita Valentinus, Basilides, Manichæus, Arius. Imò inquit: Qui hæreticos sequuntur, tamen si mille successus habeant, omnes tamen nomen ejus, qui prius hæresis invenit, referunt. Multis hæcibi Athanasius, & prolixius aliquantò non quòd scenam nostri temporis repræsentent.

Nunc Nifanium ex hac hæreticorum colluvie audiamus: Non Catholica Ecclesia de jure & merito nostra competit Ecclesia, quam Lutherani intelligit. Quæso quo jure, hæreditatis & possessionis? significationis per nomen Catholicum ab Apostolis tradita? Neutrū certe; Non possessionis, id enim si obtenditis, debetis ante Lutherum per mille annos demonstrare nobis aliquem cœtum hominum, aut possessorem aliquem, præter Pontificios in Romana & Catholica Ecclesia, qui id nomen Catholicum sibi vendicarit. Sanè ut cœtus ille fictitiū est ex Prædicantū cerebro: ita fictitiū jus, perinde ut supra ostendimus, nullam posse à vobis per mille annos ad Lutherum usque Ecclesiam monstrari, in qua Evangelium vestrum novum publicè in Catholico aliquo cœtu, sic dicto, diverso quæ à Catholicis, quos Papistas & Pontificios appellatis, prædicatum sit: quando per mille illos annos, non nisi una Catholica Ecclesia, eaque visibilis sic appellata est.

Caroli Magni si hîc desideres testimonia, adfuerunt illa copiosè, id  
licet

licet *Christianam* subinde *Ecclesiam* scribat, in qua erat, ubique tamen *Catholicam* vocat, in Synodis & Capitularium libris; ut tu ipse agnoscis ex lib. 1. Capitularium. *Primo omnium admonemus, ut fides Catholica ab Episcopis & Presbyteris diligenter legatur.* Inde epistola ad Hispaniæ Episcopos post fidei suæ professionem subjungit: *Hæc est fides Catholica:* Nec alij Ecclesiæ id attribuere potuit, quàm quæ tunc una erat Catholica in toto Occidentis imperio, de qua in eadem epistola ad Hispaniæ Episcopos: *Prædicamus unam, Sanctam Dei Ecclesiam, toto orbe diffusam.* Certò illa nec Lutherana, nec Calviniana fuit, serò tandem nata & avulsa cum alijs per hæresin ab Ecclesia Catholica. Eadem hæc Universalis Ecclesia mansit ad Lutherum, donec ab hæresi primum turbata abrupta, tantùm in partibus quibusdam fuit.

Adhæc, si de jure vestrum est nomen Catholicum, quare Lutherus erastè Symbolo? quare ab Augustana Confessione Confessionistæ dici vultis? nec unquam obtendistis in imperij Comitij Catholicum nomen vobis deberi? Secundò, qui exierunt è Catholica Ecclesia illis nomen illud non debetur: At vos Lutherani exiistis ex Catholica Ecclesia, juxta illud Joan. epist. 1. c. 4. *Ex nobis prodierunt, sed non erant ex nobis.* Ergò. Quis enim unquam sanæ mentis dixit, Catholicos cum Pontificia Ecclesia, ut vos eam appellatis, exiisse è Catholica & Vniuersali Ecclesia? hæreticorum id proprium est, ita antiquæ hæreses, ita novæ cum Luthero exierunt. Inde August. in psal. 106. *à multitudine unitatis omnes hæreses exierunt, sicut paulò ante commemoravi dictum. Ex nobis exierunt sed non fuerunt ex nobis.* Rursum in psal. 56. *Qualem insaniam patiantur hæretici, quæso ut attendatis: Illi præcisi à compagine Ecclesiæ Christi, & partem tenentes, & totum amittentes nolunt communicare orbi terrarum, quo diffusa est gloria Christi.* Quo nunc jure Catholicum nomen parti, & præciso membro conveniet, quod toti & sano solùm corpori debetur? Somnias Nisani. Tertiò, lege omnia Imperij & Comitiorum acta, & videbis id nomen Catholicum Catholicis relinqui; Et ratio est, quam S. Aug. dat de vera rel. c. 7. *Non enim possum intelligi, nisi Catholicà Ecclesiâ hoc nomine discernant, quo ab uniuerso orbe nuncipatur.* Tres religiones tantùm admittæ in Imperio, Catholica, Lutherana, & Calviniana. Catholici suo hæreditario nomine appellantur Catholici; Lutherani Augustanæ Confessionis consortes & Protestantes; Calvinistæ verò

M

Refor-

Reformati: quando hæc molliora nomina vobis magis placent, ne tam absurdè & invidiosè ab hæresiarchis suis nominarentur Lutherani & Calvinistæ. Quanquam æthiopem citius lavabis, quàm Lutheranum nomen expungas ex omnibus Scriptorum libris, & hominum totius orbis appellatione. Catholicum nomen Catholicis manebit, dum orbis stabit. Quartò, quomodo ostendes id nomen vobis potius *de jure & merito* deberi, quàm Calvinistis, Zwinglianis, Puritanis, alijsque sectis? Idem illi jus tam obstinatè, quàm falsò obtendunt. Quintò, quod *meritum* vestræ Ecclesiæ, nisi quòd per hæresin turbata sint omnia, sacra & profana in Ecclesia Christi? Idèd in Concilio Tridentino damnati estis inter hæreticos, omnisque doctrina vestra, quantum à Catholicis dissidet, proscripta est.

Sed inquis: *Præstares Protestantes ab hac nuncupandi liberalitate abstinere, quâ Catholicis appellantur, quòd ex eo præscriptionem faciunt Catholicis, qui Romanenses, Papista & Papicola nominari deberent.* Itane tu ille Dictator in Imperio es, paucorum prædicantium Superintendens, & textorum prædicans? Omnes Imperij Ordines id nomen Catholicum Cæsari & nobis attribuunt, & tu Cæsari & Principibus præscribis? mirum te non vocari ab ijs ad Comitata Imperij, ut sapientiam tuam audiant. Et qui illi Protestantes, à quibus illud exigis? jam hoc ipso nomine arguis vos non esse Catholicos sed hæreticos, & quinā, inquam, illi Protestantes? Etiam in Anglia princeps ac potens Protestantium nomine secta est, ut discas ex Florimundo & Honorio Reggio, alijsque Scriptoribus Anglis. Estne hoc nomen vestrum ita proprium, ut ab alijs vos discernat? nisi Protestantes Lutherani, aut Confessionis Augustanæ dici malitis, & more hæreticorum alia nova in Ecclesiam sectæ vestræ nomina invchere.

Demum tanquam ex pectore sapientiæ tuæ pronuntias: *Discriminis loco relictus nuncupantur Romano-Catholici, Papista, Pontificij.* Hoc tuum extripode est oraculum, hoc judicium tuum, quo te ipsum condemnas: admittis enim inter hæc nomina nos Catholicos dici; Catholicorum verò Ecclesia una est, ut supra ostendimus ex Symbolo Nicæno & Constantinopolitano: ergò extra eam non alia est Ecclesia vel Lutherana, vel Calviniana, vel Zwingliana, vel Puritana, cui hoc nomen competere possit: nam ubi una tantum est Ecclesia Catholica, non sunt duæ,

vel

vel tres, aut quatuor Ecclesiæ Catholicæ; sed omnes illæ extra unam veram Catholicam Ecclesiam, hæreticorum sint Ecclesiæ, necesse est. Vides igitur, urte excludis è numero Catholicorum, neque Lutheranis tuis nomen Catholici vendicari possit?

Quòd Papistas nos & Pontificios vocari vis, non id oppidò abnuant Catholici, quando Chrysostomus Hom. 33. in Act. Apost. *Quòd si nos agnominationem cujusdam sortimur, sed non ab hæresum auctoribus, sed ab his, qui præsent nobis, & gubernant Ecclesiam*, quales sunt Pontifices Romani & Papæ Vniuersales; num id adeò inconueniens? modò non ab homine aliquo particulari id nomen trahatur, sicut hæretici appellantur vel ab Ario, vel Nestorio, vel Luthero, vel Calvino. Imò Bellarminus inquit, non vocari nos Papistas, nisi à Lutheranis vel hæreticis; non autem ita vocamur in Græcia, Asia, Africa, Indijs, Italia, Hispania, Gallia. Neque nomen istud Papistæ inuenies in ullis Capitularium Caroli M. libris, neque in Synodis Carolinis, neque ullo eorum temporum Scriptore: Vos autem ubique Lutherani, sicut cæteri hæretici, à suis hæresiarchis appellamini. Denique, etsi id nomen in Catholico sensu admittatur, non tamen in hæretico vestro sensu, qui eo Papisticam & Pontificiam Ecclesiam distinguitis à Christiana & Catholica Ecclesia, ipsumque Antichristi regnum per illas voces denotatis. Igitur quando tu nos Romanenses, Romanistas, Papistas, Papæos, Papicolos vocas, prodis hæresis tuæ serpentinum virus tibi à Luthero infusum: Nec his calumnijs magis commovemur, quàm quòd olim Berengariani, fratres tui, *Pompificem & Pulpificem* appellarint Pontificem; aut Waldenses Ecclesiam *purpuratam meretricem*; aut Wicleffistæ *Synagogam Sathana*. Hæc arma vestra, hic furor vester, Ecclesiam & Ecclesiæ Rectorem criminari. Semen Chanaan, Prædicantis filius, quid aliud à puero in paterna domo discere poteras, quàm odium Catholicæ Religionis? cætera quæ hic garris de Papistarum nomine, non digna censeo calamo.

Postremum intorques: prisca hæretici etiam sibi nomen Catholici arrogarunt, ut ex Lactantio lib. 4. Institut. c. 20. adducis, *suam Ecclesiam Catholicam putant*. &c. Faciunt hoc, quod vos facitis, qui falsò id nomen sibi vendicant ex falsa Ecclesia sua. Idèò benè Tertullianus de his hæreticis: *Faciunt favos & vespa, faciunt Ecclesias & Marcionistas*. Intelligitne Tertullianus per Marcionistas Catholicos, an hæreticos?

et ipse judica: hæreticos sanè. Vos illæ vespræ, crabrones, & degeneres, qui adulterinum mel stipant; apum favi sunt in Ecclesia Catholica, ubi Res publica ordinata est sub uno sacrorum Rege & capite, qualem nec vespræ, nec fuci, nec crabrones habent.

Alteram partem propositionis : *Nec jure significationis*, apud vos esse Catholicum nomen, ostendam nunc ex proprietatibus Catholico nomine significatis.

## C A P U T X I I I.

### IV. Nota, Universitas per Catholicum nomen significata.

**P**RÆTER ipsum Catholicum nomen, quo communi appellatione atque orbis testimonio ab hæreticis distinguimur, tres cum primis Catholico nomine Ecclesiæ proprietates continentur, quibus vera Christi Ecclesia à falsis hæreticorum Ecclesijs discernitur, ut non tam nudo nomine Catholico, quàm significato hujus nominis Catholici ab hæreticis dignoscantur. Quemadmodum id Vincenctius Lerinensis vetustus inter Patres Scriptor in aureo illo libello c.3. exponit : *In ipsa, inquit, Catholica Ecclesia magnopere curandum est, ut id teneamus, quod ubique, quod semper, & quod ab omnibus creditum est.* Hoc enim est verè, proprieque Catholicum, quod ipsa vis nominis ratioq; declarat : Seu ut idem planius explicat : quod habet *Universitatem, Antiquitatem, & Consensionem.* Prima igitur Catholico nomine consignata proprietas, est Ecclesiæ *Universitas.* Quod vel ipsum græcum nomen sonat, ὅλον totus apud Græcos, unde καθολικὴν universale. Ita præter cæteros Patres S. Augustinus lib.3. contra Gaudentium Donatistam c.1. *Hinc enim græco vocabulo, inquit, Catholica nominatur; quod enim græcè ὅλον dicitur, latine totum & universale interpretatur.* Per totum ergo  
sive



ſive ſecundum totum eſt καθ' ὅλον, id eſt Eccleſia, quæ toto orbe diffunditur; quemadmodum ſtatim cum iſtis Apoſtoliſ toto orbe diffundi cœpit. Quapropter Apoſtoluſ ad Romanos c. 1. *Fideſ vestræ annuntiatuſ in uni-verſo mundo.* Vti id à Prophetiſ prædictum, & Apoſtoliſ denuntiatiuſ; Iſai. c. 54. de Chriſto vaticinatuſ: *Semen tuuſ gentieſ here-ditabit.* Pſal. 2. *Dabo tibi gentieſ hereditatem tuam, & poſſeſſionem tuam terminoſ terra.* Malachiæ 1. *Ab oriſ ſoliſ uſq; ad occaſum magnum eſt nomen meum in gentibuſ, & in omni loco ſacrificatur, & offertur nomini meo oblatio munda.* Matt. 24. *Prædicabitur hoc Evangelium regni in uni-verſo orbe, in teſtimonium omnibuſ gentibuſ: & tunc veniet conſummatio.* Ideò Matth. & Marc. cap. ultimo, Apoſtoliſ per totum mundum miſſi, juſſi quæ prædicare; uti & Luc. 24. habes. Et quæ non in hanc rem ſup-petunt teſtimonia V. & N. Teſtamenti?

II. Hæc proprietas clariffimè omnium Patrum teſtimonijs eſt aſſerta, cum primis D. Auguſtini contra Donatiſtas, qui Eccleſiam in u-na Africa parte remanſiſſe docebant, ut Lutherani in una Germania poſt mille annos reſuſcitataſ volunt. Igitur lib. 2. contra Epiſt. Gau-dentij c. 2. & ſuo & Cypriani teſtimonio, inquit: *Attende, quam Eccleſiam ille dixerit Catholicam, Eccleſia, inquit, Domini luce perſuſa per totum orbem radioſ ſuoſ diffundit, ramoſ ſuoſ copia ubertatiſ in uni-verſam terram extendit. Quid igitur voſ ipſoſ fallitiſ, & alioſ fallere mendaciis im-pudentibuſ vultis? Si hujus Martyriſ (Cypriani) veſtra Eccleſia Catholica eſt, oſtendite illam per totum orbem terrarum radioſ porrigere.* Lib. deinde de unit. Eccl. Epiſt. 48. Lib. 2. contra Petilian. De Genef. ad literam c. 1. De agone Chriſti c. 29. Lib. 4. de Symb. c. 10. Epiſt. 170. *Ipſa eſt Ec-cleſia Catholica & unde καθολικὴ grace appellatur, quod per totum orbem diffunditur.* Id quia Auguſtinuſ innumeris teſtimonijs evicit, Ticoniuſ, ut ipſe reſert lib. 1. contra Parmen. c. 1. *omnibuſ Sanctarum paginarum vocibuſ circumſuſ evigilaſ, & vidit Eccleſiam Dei toto orbe diffuſam, atque ex Donatiſta factuſ eſt Catholicuſ.* Optatuſ Milevit. lib. 2. contra Donatiſtaſ: *Ubi ergo erit proprietas Catholici nominis, quod ſit rationaliſ, & ubiq; diffuſa?* Lib. 1. cont. Parmen. *Noviſſima ſententia eorum Epiſco-porum Eunomij & Olympij taliſ legitur, ut dicerent illam eſſe Catholicam, quæ eſſet in toto orbe terrarum diffuſa.* Chryſoſt. in illud pſalmi: *De regio-*

nibus congregavit eos : à solis ortu & occasu, ab Aquilone & mari. *Hoc à Judeis ad hunc modum factum non accepimus, ipse vero gentilem Ecclesiam in omnibus orbis partibus tam Orientalibus, quàm Occidentis, tam Australibus, quàm Septentrionalibus vocavit & congregavit.* Idem Ambrosius docet in psal. 39. Lactantius lib. contra Judæos. Hieronymus contra Luciferianos : *Si Ecclesiam per totum orbem diffusam non habet Christus, aut si in Sardinia tantum habet, nimium pauper factus est.* Quin Irenæus jam suo ævo enarrat Ecclesias lib. 1. adversus hæreses : *Neque hæ, quæ sunt in Germania fundate Ecclesie aliter credunt, aut aliter tradunt ; neque hæ, quæ in Iberis sunt, neque hæ, quæ in Celtis, neque hæ, quæ in Oriente, neque hæ, quæ in Aegypto, neque hæ, quæ in Libya, neque hæ, quæ in medio mundi sunt constituta.* At quænam hæ Ecclesiæ tum in Germania, nisi quæ Tugris, Treviri, Colonia, & Moguntia erant? quas ab Apostolorum discipulis fundatas & Christi fidem edoctas scimus.

III. Statum hunc, ut toto orbe funderetur sub Constantino M. perfectius consecuta est Ecclesia, cum pace reddita publicè templi erigerentur, cætus convocarentur, & Evangelium liberè doceretur. Auctior hic status Gregorio M. Pontifice, ut constat ex epistolis ejus ad Episcopos Orientis, Africa, Hispania, Gallia, Sicilia, Anglia, cumprimis quæ ad Saxones nostros Transmarinos, qui ab Augustino Monacho alijsque ab eo missis Apostolicis viris, primò Christi fidem amplexi, ut velèt Gregorius M. Angliæ Apostolus nominetur. Ex his Transmarinis Anglis & Saxonibus prodire deinde D. Willibrordus, Suibertus, Bonifacius, alijsque Apostolici Sacerdotes, qui Evangelium in Frisiam & Saxoniam intulerunt. Eadem communicatio Catholicarum Ecclesiarum cum Romana & Catholica ad Lutherum fuit, manetque ad nostra usque tempora, uti id ex cæterorum Pontificum literis & diplomatibus, ad omnes Episcopos, Reges & Principes totius orbis missis, constare potest. Quemadmodum id Baronius & historia Ecclesiastica commonstrat: ut cæcus sit, qui extra Romanam & Catholicam Ecclesiam ullibi aliam Ecclesiam quæserit, nisi hæreticam aliquam nominare & appellare velit. Ed major eorum dementia, qui cum Nisano ad occultam & commentitiam illam sanctorum suorum congregationem nos remittunt, quæ Lutheranam religionem, uti ipsi modò colunt, interea professæ sit, quam sanè in nullo Caci antro uspiam terrarum reperies.

Carolus

Carolus M. quem tu in partes Lutheranas trahis, hic etiam ad eam, utrûmne aliam, quàm Catholicam aut Pontificiam, ut dicitis, Eccleſiam agnoverit? Et certè ille epiſtola ad Hispaniæ Epiſcopos: *Prædicamus unam ſanctam Dei Eccleſiam toto orbe diffuſam, locis ſeparatamſide & caritate conjunctam.* Unam dicit, extra quam nec aliam, nec latentem illam veſtram agnovit. *Toto orbe diffuſam dicit, ſed ſide & caritate conjunctam.* Non alia ergò fides, quam Catholica. Nihil frequentius reperies in Capitularium libris, in Synodis ab eo habitis, & omnibus ejus monumentis, quàm Catholicam, Romanam, & Apoſtolicam Eccleſiam. Et quam aliam religionem coleret Carolus M. præter Catholicam, quam à Regibus Francorum & majoribus ſuis acceperat? Hinc legis in præſatione ad legem Salicam: *Deo favente Rex Francorum Clodoveus ſlorens & pulcher, & inclitus, primus recepit Catholicum Baptiſmum,* à S. Remigio videlicet, Rhemenſi Epiſcopo, anno 499. Ruſus idem præſationis auctor: *Gens Francorum inclita, auctore Deo condita, fortis in armis, profundaq; in conſilio, firmâ in pacis fœdere, corporeâ nobilis columnâ, candore & formâ egregiâ, audax, velox & aſpera, ad Catholicam fidem nuper converſa, immunis ab omni hæreſi.* Admirabilis ſanè Dei providentia in hanc Francorum gentem, quæ ex omnibus barbaris gentibus Imperium diſcerpentibus electa, ut languentibus & deſciſcentibus Orientalibus Imperatoribus, columna eſſet per Occidentem Catholicæ Eccleſiæ. Vel eò Gregorius M. ad Childebertum Francorum Regem lib. 4. epiſt. 5. *Quanto ceteros homines regia dignitas antecedit, tanto ceterarum gentium regna, regni veſtri culmen excellit. Eſſe autem Regem, quia ſunt & aiij, non mirum eſt; ſed eſſe Catholicum; quod alij non merentur, hoc ſatis eſt.* Quæ deinde ceterorum Pontificum hac ſuper te elogia ſint, Pelagij, Stephani, Gregorij II. & III. Zachariæ I. leges ex eorum epiſtolis in Tomis Conciliorum recitatis. Inter hos Paulus I. epiſtolâ ad Francos: *Verè enim elevatum eſt nomen gentis veſtra ſuper multas generationum nationes, & regnum Francorum vibrans emicat in conſpectu Domini, quod talibus benigniſſimis Catholica & Apoſtolica ſanctæ Dei Eccleſiæ liberatoribus præornatur regibus.* Inde de Pipino Caroli M. patre: *Novus quippe Moſes, novuſque David in omnibus operibus ſuis effectus eſt Chriſtianiſſimus, & à Deo perfectus filius, & ſpiritalis Compater Dominus Pipinus, Dei nutu victoriſſimus Rex, per quem ex-*  
altatâ

*alta Dei Ecclesiâ triumphat, & fides Catholica ab hæreticorum telo illibata consistit.* Tom. 17. Concil. Gener. Ita Stephan. Pontifex eo nomine III. Pipinum vocat *Christianissimum Regem*. Epistolâ verò ad Carolum & Carolomannum fratres, Pipini filios, addit: *Vestra præclara Francorum gens, quæ super omnes gentes enitet.* Quantum verò Reges Francorum præstiterint pro Ecclesiâ Romana & Catholica fide, Carolus cum primis Martellus, Caroli M. avus, & Pipinus Rex, ac demùm ipse Carolus M. quæque deinde Adriani & Leonis Pontificum de Carolo M. extente elogia, supervacaneum est hoc loco enarrare. Sanè post Constantinum M. & Theodosium non facilè Regem aut Cæsarem inde posteritas memorabit, qui Romano Pontifici conjunctior vixerit, aut pro Ecclesiâ Catholica inter barbaras gentes propaganda illustriora perpetrarit. Quæ nobis eò gratiora esse debent, quod gens Francica primam originem duxerit ex Westfalia & Saxonia nostra, (ut lib. 3. Annal. Westfaliæ commonstravimus) in eamque Carolus M. proscripto idolorum cultu primùm Catholicam Religionem triginta annorum bellis invexerit, in nullo discordem ab ijs, quæ modò Catholici tenent, ac docent, quod frustra calumniator hic persuadere contendit. Nunc prius ea, quæ hæretici, ac Nifanius adversus hanc Catholici nominis proprietatem opponunt, paucis expediamus.

Dicunt I. Orbis Christianus ac Catholica Ecclesiâ pars modica est totius mundi, ergò non potest Catholica nominari, neque hanc proprietatem nominis sibi vindicare. Probant; quia extra Romanam Ecclesiam sunt Pagani, Turcæ, Judæi, Hæretici, Schismatici, qui mediam orbis partem occupant. Inter hos Nifanius: *Si Catholicum nomen ab Universitate locorum valeat, tum Mahometismo magis proprium erit, quando Christiani habitata terra partem non nisi sextam occupant, Mahometani verò quintam*, quod auctorum testimonijs frustra contendit. Respondet Suarez lib. defens. Cath. fid. atque alij: Nomen Catholicum non esse impositum, ut distingvat à Paganismo, Mahometismo, & Judaismo, sed ab hæreticorum scētis. Hinc vi hujus nominis non est necesse, ut amplitudo Ecclesiæ hos simul superet, sufficit enim, ut suo modo sit diffusa per orbem, & excedat quamcunque sectam hæreticorum. Suo, inquam, modo: Primum jure & potestate; quemadmodum Christus dixit Mar. ult.  *Euntes in mundum universum predicare Evangelium*  
omni

omni creatura. 2. Actū, quando post eorum prædicationem magis, & magis increvit. Quare Augustinus lib. 2. contra Petilianum Donatistam: *Ecce unde Catholica vocatur, quæ ex paruo lapide secundum prophetiam Danielis crevit, & implevit uniuersam terram.* Inde Cyprianus & Augustinus lib. 3. contra Gaudentium c. 1. *Ramos ejus extendi per orbem, qui cum annis omnes latius se exporrigunt, nec sol utrumque hemisphærium simul illustrat: ita Catholica Ecclesiæ semper latius se fundit.*

Dicunt II. Ariana hæresis latius diffusa fuit, quàm Catholica & Romana Ecclesiæ, ergò nec quæmēnque sectam superat. Testem sistant Hieronymum lib. cont. Lucif. *Tunc Vñ nomen abolitum est, tunc Nicæne fidei damnatio conclamata est; ingemuit totus orbis, & Arianum se esse miratus est.* Idem visus est velle Hilarius ac cum primis Nazianzenus Orat. 25. quærit: *Ubi sunt, qui paupertatem nobis exprobrant? qui Ecclesiæ multitudinem definiunt? ac paruum gregem aspernantur?* R. Primò. Ecclesiæ ut constat ex Scriptura, & historia Ecclesiastica, habet non modò felicitatis, sed persecutionis tempora, quibus contrahitur. Hoc illud Augustini epist. 18. *Ipsa est, quæ aliquando obscuratur, & tanquam obnubilatur multitudine scandalorum: Sed tunc etiam in suis firmissimis eminet.* Ac tale tunc tempus erat, de quo scripsit Hilarius, tale de quo Hieronymus, & Nazianzenus; quanquam ut ipse Augustinus scribit, Episcopi intellectu hæreticorum fraude mox se ad Nicænæ Synodi veritatem receperint. Quò factum, ut Ecclesiæ Catholica de suppressa Ariana hæresi haud multo post triumpharit. Quippe minis & dolis illecti Episcopi Catholici, qui Seleuciæ convenerant, coacti sunt subscribere fraudulentæ formæ fidei, quâ Christum Patri primò per omnia similem, suppressâ voce substantiæ & consubstantialis, post exfertâ hæresi suâ, Patri similem dixerunt.

R. 2. Multo verisimilius est Arianos Episcopos nunquam superassenumero Catholicos: Nam etsi in Concilio Ariminensi major pars Episcoporum decepta fuerit ab Arianis, fraude tamen mox intellectâ damnarunt Arianam hæresin, imò nec animo quidem hæretico hic error admissus fuit, uti Hieronymus & Augustinus significant, & planè Ambrosius lib. 3. de fide cap. ult. scribit. Deinde licet major fortè pars hæreticorum fuerit in Oriente, non tamen in Occidente ac toto orbe.

N

quando

quando Basilius Epist. ad Cathol. *State in fide, ipsum orbem in seipso videris, quam modica sit portio qua hoc munus laborat, reliqua vero Ecclesia, que ab orbis finibus usque ad fines Evangelium recipit, sanam. & rectam hanc doctrinam sectatur.* Hoc modo Athanasius Ægypti Episcopus honoratur, idque exemplo Occidentalium Episcoporum, qui Arianam heresim nunquam receperant, quod evidens est ex Synodica Athanasii epistola ad Jovinianum Imp. apud Theodoretum lib. 4. c. 3. *Hinc, inquit, omnes ubique Ecclesia assensu sunt, ut Hispania, Britannia, Gallia, Italia, & totius orbis. Quin mox subdit: Orientis denique Ecclesia exceptis paucis, qui seclis favent Ariana, nam istarum omnium re ipsa exploratæ sententiam habemus sententiam.* Tandem concludit Athanasius, ex paucis illis non posse fieri præjudicium orbi terre universo. Quapropter & Hilarius beatos vocat Galliæ & Britannię Episcopos, quod in Apostolica salu perfluerint. Nazianzenus verò exiguum illum gregem Catholicorum visus est indicare in sua tantummodo civitate, in qua plures fortè Ariani quàm Catholici reperti sunt. Nec Hieronymus aliud dixit, quàm quod nomen consubstantialitatis & substantiæ in Nicæna Synodo stabilitum, passi essent Episcopi omitti in formula fidei. Universim ex his conficitur, nunquam hæresim aliquam numero superasse aut exæquasse Catholicos. Id enim in nulla hæresi unquam speciem habuit, quod tamē Arianæ hæresis maximè Arianorum Imperatorum potentia subnixæ obtendere debuisset. Vide hæc super re Suarez lib. defens. Cath. ad Bellarm. lib. 3. de Eccles. c. 16. Baronium ad an. Chr. 358. & 359.

Utrūne omnes hæreses simul sumptæ aliquando & hoc cūprimis ævo Catholicis numero prævaluerint, non hic agitur. Superari licet, non hoc præjudicat Catholico nomini, ex quo contendimus nullam unquam peculiarem sectam hæreticorum superasse Catholicos numero. Interim August. lib. 13. cont. Faustum c. 16. parabola illa paleæ & grani tritici, id quod hic quæritur, expressit: *Agnoscenda est parva pars, quam Dominus præcipue commendat in ingenti atque innumerabili multitudine per orbem diffusam, quæ paucitas granorum in comparatione multitudinis palearum paucitas dicitur, per se ipsam tantam massam frumenti facit, ut omnes probos & reprobos vestros, quos pariter veritas reprobos, incomparabili multitudine superet.* Quo illud Optati Milevitani Episcopi referas lib. 2. contra Parmenionem: *Quantum vult, consumat ecclesia vult.*



De IV. Ecclesia Notâ seu Univerſitate per Cath. nom. ſignificata. 99  
vulturum, major eſt numerus columbarum, ſemperque plures oves  
quàm lupi.

Dicunt tertio hæretici, uti & Niſanius: Catholici nominis proprietas non ſolum ex amplitudine locorum & multitudine hominum æſtimari debet, ſed etiam ex parte materiæ, & dogmatum ad veram fidem pertinentium. Ita Donatiſtæ olim argumentabantur, teſte Auguſtino: *Catholicum, aiebant, nomen non ſolum oportet ex totius orbis communicatione interpretari, ſed etiam ex obſervatione præceptorum Divinorum & Sacramentorum omnium.* Eodem modo Niſanius cum hæreticis inquit: nomen Catholicum oportet æſtimare ex ſincero verbo Dei & Sacramentorum adminiſtratione, quæ ſolum apud ſe incorrupta volunt. Verùm quàm hoc frivolum & infulſum ſit argumentum, jam ſupra oſtendi: Tum quod verbum Dei, & Sacramentorum adminiſtratio non ſint Notæ Eccleſiæ, tum quòd omnes hæretici ex eo ſibi nomen Catholicum & Catholicam Eccleſiam vendicent; & ſi quid hæc argumentatio conficit, apud nos valere debet, penes quos manet hæreditaria Catholici nominis poſſeſſio & veritas. Huc facit illud Auguſtini in psal. 57. *In ventre Catholica Eccleſia manet veritas, quæ non in angulo, ſed ubique tota eſt.* Sed audiamus veſtram hîc argumentationem, quæ ſic formatur:

Ibi eſt Catholici nominis proprietas, ubi ſincerè verbum Dei prædicatur, & Sacramenta adminiſtrantur;

Sed apud Lutheranos ſincerè verbum Dei prædicatur, & Sacramenta adminiſtrantur: Ergo

Apud Lutheranos eſt Catholici nominis proprietas.

Verùm utraq; propoſitio falſa eſt. Major, quia prima Catholici nominis proprietas eſt Univerſitas, & diffundi per totum orbem. Minor iridem falſa eſt, ex falſa hypotheſi. Quid nunc conſeſſio niſi falſum importabit? Videnunc: verbum Dei duplex eſt, Scriptum & Traditum, utramque enim normam ponit Lerinenſis & Patres, neutrum apud vos eſt. Non traditum, quod reiſcitis; non Scriptum, quia nec Canonem, nec verſionem, nec verum ſenſum Scripturæ habetis, ut infra oſtendam. Sed his miſſis; Duo hîc tantummodo quæro: Primo quo jure, quo merito, quo oraculo, quâ divinâ revelatione, quo privilegio vobis purum & ſincere verbum Dei vendicetis, ut non eodem jure & modo ſibi Cal-

vinistæ, Puritani, Protestantes in Anglia, Arminiani, & Zwingliani, ceterique vendicent? Causam Catholicorum hic seponamus. Hic semel unum argumentum profer, quo non ceteræ etiam sc̃ctæ sibi Catholicam Ecclesiam vendicare possint. Ego ut tibi postremum respondeam, dices id quod S. Augustinus lib. 3. de Bapt. cap. 19. Donatistis respondit: *enim Sacramenta & Scripturam tenere ad speciem, non ad salutem.* Quemadmodum & vos tenetis simul ad fraudem & imposturam populi, quando ut idem Augustinus dicit: *Ad imaginem phantasmatum vestrorum convertitis, & pervertitis omnia Sacramenta & verba Librorum sanctarum.*

Quæro secundò, quare Lutherus id nomen Catholicam eraleat in Symbolo, & loco ejus posuerit Christianam? ita enim recitare docuit suos: *Credo sanctam Christianam Ecclesiam.* Respondes, Christianum & Catholicum quo ad rem esse unum, ideoq; in articulo Smalcaldico XII. utrumque poni: *Credo sanctam Ecclesiam Catholicam sive Christianam.* Sed hæc nova impostura est, quando omnis Catholicus est Christianus, sed non omnis Christianus est Catholicus: passim enim hæretici, qui baptizati sunt & Christum profitentur, Christiani vocantur; nisi Patres etiam aliquot audire libet, qui hæreticos ne quidem Christianos patiuntur dici. Ita neutrum vobis nomen competit: Sed ad rem magis Catholicum nomen significat Ecclesiam toto orbe diffusam; quod nunc importat nomen Christianum, ideo tam signatè ab Apostolis & Concilijs positum est in Symbolo, ut supra ex consensu Patrum est relatum.

Interim Nifanius ita concludit: *Lutherana Ecclesia illa est, quæ omnes verè credentes per omnium temporum intervalla, ubicunq; locum sint, amplectuntur, amplexi sunt, & pariter ad finem mundi amplectentur.* Itæne hoc solis Lutheranis convenit? Thraſonicum dictum, & multis fallacijs plenum. Id tantum benè dicis: *Ubicunq; locorum sint, non enim audes dicere, Lutheranam Ecclesiam per totum orbem diffusam.* Eâ enim universitate Catholicum nomen nobis soli vendicamus; nam in Italia, Gallia, Hispania, Lusitania, Belgio Catholico, Anglia, Græcia, India, nostri instar esset videre Lutheranum. Hoc ipso ergo quod Ecclesiam vestram per totum orbem nondum diffusam agnoscis, Catholicum nomen tibi ipsi derogas. An autem vestra hæresis, aut aliqua alia ex hiscæ sæculis deum nata ad finem mundi duratura sit, de hac re tu nullū vaticiniū unquā proferes. Sed, ut Pseudoepiscopus es, ita vereor, nobis



nobis hinc Pseudopropheta sis. De Catholica verò Ecclesia id certum est ex Daniele, c. 9. Act. 5. Matth. 24. & 28. Ephes. 4. Joan. 14. Et verò quomodo eadem hæresis vestra ad finem mundi durabit constans, quæ Augustanam Confessionem octies aut novies jam mutavit, & in tot sectas divisa est? Citiùs omnia Westfalix horologia convenient, quàm vestra Lutherana fides. Cæterum de Ecclesiæ duratione, vide Bellarm. lib. 3. de Eccles. c. 6. Refert enim jam à tempore Apostolorum C. C. hæresum numerum, quarum pauca tantum ex Arianis, Nestorianis & Eutychianis reliquæ supersunt, cæteræ evanescere; tametsi multe ex his multos Episcopos, multas Ecclesias, multos Imperatores & Reges patronos habuerint, innumerabiles etiam libros scripserint, qui cum ipsis hæreticis interiøre. Idem vestræ hæresi verisimilius fatum imminet. Quare ex consilio D. Hieronymi adversus Luciferianos: *In ea Ecclesia permanendum, quæ ab Apostolis fundata, usq. ad diem hanc perdurat,* quam Catholicum nomen nobis hic monstrat.

## C A P U T X I V.

### Nota V. Antiquitas Ecclesie.

**Q**uemadmodum Novitas nota est hæresis, inde enim ab *ἀπὸ* hæresis, quod nova sibi dogmata eligit; ita *Antiquitas* Nota est Catholice Ecclesiæ, & proprietates Catholico nomine significata. Vti id supra Vincentius Lerinensis tradidit: *Antiquitatem* deinde, inquit, *sequemur, si ab his nullatenus recedamus sensibus, quos sanctos Majores ac Patres nostros celebrasse manifestum est.*

Constat id primum ex Scriptura, quæ id ipsum in veteri Lege præscripsit. Jerem. 6. *State super vias, & videte, & interrogate de semitis antiquis, quæ sit via bona.* Proverb. 22. *Ne transgrediaris terminos antiquos, quos posuerunt Patres tui.* Ecclesiast. c. 8. *Non te prætereat narratio seniorum, ipsi enim didicerunt à Patribus.* Deuter. 32. *Memento dierum anti-*

quorum, & cogita generationes singulas: interroga patrem tuum, & annuntiabit tibi; majores tuos, & dicent tibi. Idem in nova Lege habes. Rom. 1. Galat. 1. 1. Timoth. 6. 2. ad Timoth. 4. 2. Petri 3. 1. Joan. 2. Judæ v. 18. Quibus præter Scripturam verbum traditum & à majoribus acceptum commendatur, nec ex Scriptura sola nobis omnia promittant hæreses, quando in lege naturæ & prima illa fidelium Ecclesia, antequàm Moyses primò verbum Dei scriberet, per bis mille annos solæ verbo tradito colloquijs divinis, & inspiratione regebatur.

II. Id evidens est ex Concilijs: ac primò Oecumenico Nicæno Concilio, cui Constantinus M. Imperator præfens interfuit, in quo primum inter Patres acturos contra Arihæresin convénit: *Ne quid ab eo quod traditum esset, innovaretur, sed in omnibus servaretur Antiquitas.* Hinc illa formula in omnibus: *Ad istum modum credit Ecclesia Catholica,* tanquam non tam suo, quàm antiquorum Patrum consensu hæc definitur. Quæ super re Sozomenus lib. 1. c. 18. Idac. c. 16. Baron. & Spond. ad annum 325. Ad hunc modum Concilia Oecumenica cum Tridentinò simul se ad Traditionem Patrum ac Majorum, in omnibus referunt. Longum foret ire per singula. Ac licet ex omnium Catholicarum Ecclesiarum antiquitate hæc petantur, tum ex nulla certius quàm ex Romana & Apostolica sede asseruntur, in qua perpetua Pontificum successio & Petri auctoritas eminet, ideoque in Sede Apostolica fidelissimum semper custodem omnium Traditionum agnovère Patres, ad eamque provocarunt. Quemadmodum etiam Concilium Francosurtense ad Apostolicam hanc auctoritatem statim Canone 1. se refert, & ipse Carolus M. ut post referam, in omnibus fidei controversijs se suosque ad Apostolicam Sedem remittit.

III. Id planum est ex Patribus hæresi novitatem exprobatantibus. Tertullianus lib. 1. de præscript. *Quæstis vos, unde, & quancumque venistis? ubi tam diu latistis?* Optatus Milevit. l. b. 2. contra Parmenionem: *Vestra Cathedra originem ostendite, qui vobis vultis sanctam Ecclesiam vendicare.* Hilarius lib. 6. de Trinit. *Tardè mihi hos pissimos doctores aras nunc hujus sæculi protulit, serò hos habui fides, quam in crudelibus, magistros, inauditis ego his omnibus, credidi.* Hieron. ad Pam. & Occan. *Quisquis es assertor novorum dogmatum, quæ sores, ut parricidas Romanis auribus, parricæ fidei, quæ Apostolico ore laudata est, cur post quadringentos an-*

nos docere nos niteris, quod ante nescivimus? usque in hanc diem sine vestra doctrina Christianus mundus non fuit? Itane etiam post mille annos à Gregorio M. aut Carolo M. sine Lutheri aut Calvinii doctrina Christianus mundus non fuit? ô de mentiam hæresis vestræ! Imò idem Hieron. contra Luciferianos: *Ex hoc ipso, quod posterius instituti sint, eos se esse indicant, quos futuros Apostolus pronunciauit.* At non unus Apostolus Petrus Epist. 2. c. 2. *Fuerunt verò & Pseudopropheta in populo, sicut & in vobiserunt magistri mendaces, qui introducent sceleris perditionis, &c.* Et multi sequentur eorum luxurias: (Qualis illa carnalis Lutheri vita fuit) sed & ceteri Apostoli: Matth. c. 24. Paul. ad Tim. 1. c. 14. 2. ad Timoth. c. 3. Judas in Epistola, id pronuntiarunt. Ita hæreses semper posteriores antiquitate Ecclesiæ: nempe ut tritium prius seminari docuit Christus, cui diabolus illa hæresum superseminat Zizania. Ceteris in hanc rem prætermisiss, præclare Gelasius Papa ad Episcopos Dardaniæ: *Apud nos inconvulsis radicibus vivit Antiquitas, cui decreta Patrum sanxere reverentiam.* Et quid aliud Patres in Concilio Francofurtensi egerunt? quàm ut Elipandi hæresin ex Scriptura & SS. Patrum testimonijs refellerent, in erudita illa Synodica epistola ad Præfules Hispaniæ, quâ plus sapientiæ ac doctrinæ continetur, quàm ex omni vestra hæresi extundi possit. Ac legenti mihi epistolam illam Apostolicam, nihil magis mirari subijt, quàm ejus ætatis Theologiæ scientiam & hæreticorum infestationem, quod à Patrum & Majorum via deflitterent. Vestræ hæresis illis Episcopis & Patribus monstra fuissent, præsertim si Decreta quoque morum & Canones pro disciplina Ecclesiæ perlegas; ac tametsi Conringius, qui acta Conciliorum Gener. non viderit, ea abnuat: Legis in ea Hierarchiam Ecclesiæ & institutum Clericorum; Monachorum & Monialium, & veterum Patrum & Conciliorum statuta.

IV. Idem Caroli M. judicium, eadem doctrina ipsius, cùm in alijs scriptis, tum in professione fidei ad Hispaniæ Episcopos: *Apostolica Sedi & antiquis ab initio nascentis & Catholicis traditionibus tota mentis intentione, tota cordis alacritate me conjungo.* Rursum in eadem professione religionis suæ: *Hoc ad salutem animæ meæ sufficere credens, quod sacratissima Evangelica veritatis pandit historia, quod Apostolica in suis epistolis confirmat auctoritas, quod eximij sacra Scriptura tractatores & præcipui Christiana fidei Doctores ad perpetuam posteris scriptum reliquerunt*

querunt memoriam. Cum his quoque Doëtoribus & sancta Ecclesia Pa-  
storibus verimpradico fidem, quos in presenti tempo, e ille nobis dedit lumi-  
naria, qui dixit : Ecce ego vobiscum sum omnibus diebus usque ad con-  
summationem seculi ; Viden? quantum venerande Antiquitati & Sedis  
Apostolicæ detulerit Carolus M. Hæc si Lutherus & Lutherani ex  
Caroli præscripto servassent, nunquam hæresis Germaniam lacerasset.  
Viden, ut præsentis etiam Episcopos, Pastores & Doctores audiit, &  
sequatur in omnibus Carolus? Illi sanè, qui tum Caroli ævo vixerunt &  
docuerunt jam ab octingentis annis, tam antiqui sunt Patres & Doctores,  
quàm à trecentis fuere illi, quos magna illa Nicæna Synodus profi-  
tetur sequi se; & cum Carolus usque ad consummationem sæculi futuræ  
scribat, alia certè illi fides fuit, quàm vobis Lutheranis, qui per mille annos  
à Gregorio M. Ecclesiam defecisse docetis. Revolve nunc vultu  
istorum Archiepiscoporum, Episcoporum & Sacerdotum, qui cum  
Carolo vixerunt per Italiam, Galliam, Germaniam, Belgium, Britan-  
niam, Hispaniam, excepto Elipando & Felice Vigelitano Episcopis.  
Recole primos illos Episcopos & Doctores gentium, quos Carolus  
Martellus, & Pipinus, Carolomannus avus, pater, ac patruus induxit  
in Frisiam, Hassiam & Thuringiam. Recognosce quos Carolus M. de-  
bellatæ imposuerit Saxoniz: intelliges sanè non alio cultu Religionem  
Catholicam invexisse in has regiones, quàm Catholici ad hunc diem  
retinent. Aut omnes Scriptores, diplomata, ac monumenta nos fallunt,  
aut Nifanius cum suis Novatoribus. Sed quid hæc contendimus, cum tu  
ultrà etiam mendacia tua porrigas, & scribas : jam per ducentos annos  
ante Carolum M. à sæculo videlicet V. ad VIII. illam pontificiam Eccle-  
siam errasse, ut Carolum M. iisdem erroribus cum Episcopis, Sacerdotibus  
ac Monachis involvas, & Lutherum desertorem ac furiosum  
apostatam his omnibus sapientiore plebi persuadeas. Nos Apostolum  
audire in alium ad Hebr. c. 13. *Mementote præpositorum vestrorum, qui  
vobis locuti sunt verbum Dei : quorum intuentes exitum conversationis,  
imitamini fidem.* Inde cum Tertulliano sentimus : *Ego meum Evangelium  
dico verum, Marcion suum : quis nos determinabit nisi temporis ratio  
ei præscribens auctoritatem, quod antiquius reperitur?*

V. Ut cognoscas quantum Carolus Magnus detulerit Antiquitati,  
perlege omnes Synodos eo præsentis, aut approbante habitas, per-  
volve



volve Capitularium libros, Constitutiones Ecclesiasticas, ac Sacros Canones, & reperies in omnibus, quæ ad disciplinam Cleri, & populi tot legibus præscripta sunt, Carolum M. referre se ad antiquorum Conciliorum & Pontificum Romanorum decreta. Quare ferè in omnibus citantur Concilia, & Pontifices, ex quorum decretis sua desumpserit Carolus; ut antiquæ in omnibus Ecclesiæ sua conformaret. Et Nifan-  
*xit Carolus Saxones ad humanas constitutiones & traditiones, ad hujus vel illius Pontificis Decreta, sed ad scripturam Canonicam.* Nihil quidem Carolus contra Scripturam docuit, & inultas leges ex Scriptura deduxit: Nihil tamen minus innumera antiquorum Conciliorum, & Pontificum decreta, ad Cleri, Monachorum, & populi mores introduxit, præscriptisquæ auctoritate Episcoporum, quæ legi Christi non adversantur, sed illustrant. Hæc enim potestas ferendi Leges, ut ratio temporum, & vitia hominum, & res ipsa poscebat, semper penès Ecclesiam fuit; haud secus, quàm apud Reges & politicos Principes. Tu multa calumniaris, & in primis elementis adhuc hæres. Multa de Carolo M. scribis, & nunquam legisti Synodos, & Constitutiones Caroli; aut certè fallacissimus mortalium es. Legistine tot Leges, quibus Cleri, & Monachorum vita formatur? Quæ verò scriptura apud vos de Clero, de Monachis & Monialibus, qui hæc vitæ instituta damnatis? Legistine Caroli M. Capitulare pro partibus Saxonix? quod *Ferdinandus* Episcopus noster primùm ex Bibliotheca Vaticana vulgavit, & Conringius etiam vester in lucem dedit Lib. de orig. juris Germ. In eo Lex II. sic habet: *Si quis in Ecclesiam per violentiam intraverit, & in ea per vim & furtum aliquid abstulerit, morte moriatur.* Lex III. sic habet: *si quis sanctum Quadragesimale jejunium pro despectu Christianitatis contempserit, & carnem comederit, morte moriatur.* His ad de cæteris leges, cum primis de impijs paganorum ritibus abolendis. Estne quadragesimale jejunium in Libris sacris præscriptum Christianis? quod vos Lutherani sustulistis. Tædet cum hoc insulso Prædicante tempus fallere. Quod noctu somniant apud uxores, manè purum est Evangelium apud plebem.

Tandem aliquid ad rem Nifan-  
*ius: Papista, inquit, Antiquitatem & successionem perpetuo in ore habent, eamque unicam & perpetuam constituunt notam, Lutherani verò ad hujus controversia decisionem non*  
 O  
*possunt*

*possunt adigi.* Quid hic agis Nisani? rursus forum declinas, & convictum te fateris. Quid enim dicis? non possunt adigi. Quare ergo Concilia, & SS. Patres, & Carolus M. appellant ad hanc Ecclesiæ Notam? ut jam planè ostendimus tibi. Non possunt adigi. scio: nolunt, debebas dicere; quia novitas hæresis vestræ Nota est, quæ antiquitati opponitur. Itane desperata hic causa vestra? attamen tu ad verbum Dei etiam rursus appellas, ad illud mantellum imposturarum vestrarum, quod jam toties reteximus, & dissolvimus.

Imò Tertullianum imploras patronum, Lib. de Præscript. *Et si confinxerint*, inquit ille de hæreticis, *quos exhibeant, ab Apostolis in Episcopatum constitutos Apostolici seminis traduces, nihil promovebunt, & rationem dat: quia doctrina eorum cum Apostolica comparata diversitatem & contradictionem pronuntiabit.* Hæc enim illa consanguinitas doctrina, si nimirum in eadem fide conspirantes sint. &c. Hæretici illi primum appellabant ad Episcopos suos, in quo melior eorum fuit causa quam vestra: quia nec Lutherus Episcopus fuit, nec ullus Catholicus Episcopus cum Luthero defecit adjutor hæresis vestræ. Ita ubique impingis, nec doctrina vestra conspirat cum Apostolica doctrina. In speciem quidem appellatis ad eam, sicut Calvinistæ, & omnes hæretici faciunt. Sed hic idem dolus redit, quem ex verbo Dei prætexitis. Dicis, vos non teneri ad quæstionem de antiquitate Ecclesiæ vestræ, & tamen hic recurris ad doctrinam Apostolicam ex Tertulliano, quæ vera est antiquitas. Quantum ergo ad Tertullianum: permittit primis illis hæreticis successione, quòd Episcopos haberent à Catholicis ordinatos; idèd provocat ad doctrinam consanguineam & Apostolicam, quam prætere illos posse negat. Sed hæc super re infra de successione. Scio, prima quinque sæcula vobis in speciem vendicatis. Inde quia per mille annos abrupta est Ecclesia vestra ad Lutherum usque, refugitis ad antiquitates appellare. At Catholici ad antiquitatem continuam, & nunquam interruptam provocant, quam tu in Carolo M. etiam abruptis, ut persuadeas populo nunquam sinceram fidem ante Lutherum importatam esse in Saxoniam, sed à gentilismo ad Papismum transisse pari superstitionis, & idololatriæ cultu. Quæ hic insania vestra? quæ impostura? haud alia quam priscorum hæreticorum, de quibus Patres supra relati, quos inter Nazianzen, orat. 2. ad Cledonium: *Si ante triginta annos fides incepit,*

*Liber I. Caput XV. De VI. Eccl. Nota. Ien Consensione Eccl. Cath. 167*  
incepit, cum quadringenti ferè sint anni, ex quo manifestatus est Christus, certe Evangelium nostrum tanto tempore inane fuit, inanis & fides nostra. Quanto nunc vos Lutherani nobiscum injuriosius agitis, qui per mille annos à Gregorio M. ad Lutherum usque, Evangelium nostrum inane, & fidem Catholicorum toto orbe inanem facitis. Sed nunc de ipsa consanguinitate & consensione doctrinæ cum Apostolica doctrina, ad quam ex Tertulliano provocas, ac deinde de ipsa Apostolica Ecclesia, quænam illa sit, ordine agamus.

## C A P U T   X V.

*Nota VI. Recta constitutio et consensio Ecclesiæ Catholicæ.*

**C**onsensionem, Ecclesiæ Notam, ex Catholico nomine idem tradit Vincentius Lerinensis, ut supra dictum, & hanc simul regulam præscribit: *Si in ipsa vetustate omnium, vel certè penè omnium Sacerdotum pariter ac Magistrorum definitiones, sententiasque sequamur.* Sed priusquam de Consensione referam, hujus fons, quæ est Ordinatio & constitutio Ecclesiæ, præmittenda, quam hoc argumento exponit Tannerus:

Ille est vera Christi Ecclesia, quæ sola est rectè ordinata;  
At sola Catholica Ecclesia est rectè ordinata, nulla verò hæreticorum Synagoga: Ergo: &c.

Major apertè asseritur in Scriptura: Ecclesia enim Cant. 6. est *castrorum acies ordinata*, quemadmodum & Carolus M. proficitur in epistola ad Hispaniæ Episcopos: *Vnde, inquit, in Cantico Canticorum dicitur: Terribilis ut castrorum acies ordinata, constipati exercitus ordinantur, & unanimes bellatorum fortitudo, sancta Matris Ecclesia aërijs potestatibus, & ignitis maligne perfidiæ spiculis impenetrabilis est.* Ecclesia Matth. 5.

*Civitas est supra montem posita* Matth. 25. *Regnum.* 1. Corinth. 3. *Templum Dei.* Hebr. 3. *Domus Dei* Roman. 12. Eph. 4. 1. Corinth. 12. *Corpus.* Multa in corpore membra, sub uno visibili capite coherrentia, & à se mutuo in officijs dependentia. Demum omnia membra sub uno invisibili capite Christo, qui visibilem sui vicarium reliquit, & per influxum & gratiam omnia membra regit. Quemadmodum Apostol. Ephes. 4. *Qui est caput Christus: ex quo totum corpus compactum, & connexum per omnem juncturam subministrationis, secundum operationem in mensuram uniuscujusque membri.* Hinc illa admirabilis Hierarchia Ecclesiæ, quæ constat Episcopis, Presbyteris & ministris Ecclesiæ, sub uno capite, de qua Tridentinum Sess. 13. cap. 6. Inde regale Christi Sacerdotium multò ordinatius, quàm regnum sacerdotale in veteri Ecclesia, tantoque perfectius, quantum res ipsa typis, veritas figuris, atque umbris illis præstare debet. Non in ulla unquam hæresi, hæc *Ordinatio*, atque Hierarchia fuit: Inde omnes hæreses in tot hæreses statim divisæ, ut supra relatum est, neque unquam esse potest illa doctrinæ *Consensio*, ob supremum è cælo capitis influxum, ubi contra Ordinationem Dei novum Ecclesiæ regimen humanâ auctoritate instituitur. Hoc denuò illud Cypriani Lib. 1. epist. 48. *Unus Deus est, & Christus unus, & Ecclesia una, & Cathedra una supra Petrum Domini voce fundata: aliud altare constitui, aut Sacerdotium novum fieri, præter unum altare, & unum Sacerdotium non potest. Idenim adulterum, impium, & sacrilegum, dicit, quodcumque humano furore instituitur, ut dispositio divina violetur.*

II. Ex hac Dei Ordinatione deducitur illa *Consensio*, quam Episcopi habent cum suo Capite & Vicario Christi. Inde Cyprianus provocat contra hæreticos & schismaticos *ad Petri Cathedram, & Ecclesiam principalem: unde unitas Sacerdotalis exorta est.* Idem cæteri Patres faciunt, ut supra relatum de Romana Ecclesia. Deinde ex hac Dei Ordinatione deducitur, quam *Consensionem* habere debeant oves ad Pastores & Episcopum suum, *Spiritus enim S. posuit Episcopos regere Ecclesiam Dei.* Act. 20. Hanc verò *Consensionem*, postquam Lutherana hæresis primum in Germania intervertit, ac sacram simul illam potestatem Episcoporum, Jurisdictionemque transtulit ad politicos Principes, ac Magistratus civiles, illicò inde nata est religionum diversitas, & libertas quamlibet docendi hæresin, dummodo patronum habeat in politico Principe,



Principe, ac Magistratu. Inde per Germaniam Lutherani, Calvinistæ, Zwingliani, & singuli deinde in alias atq; alias sectas divisi. Nec mirû, ita in reprobum sensum tradi, postquâ turbata est divina illa Ordinatio, & abruptus est divinus influxus à capite in membra: & quis Nisanium prohibebit novas hæreses procudere, & docere plebem suam? dummodo consentientem habeat Magistratum suum, aut politicum Principem reformatæ religionis, à quo fatetur sibi pastorale munus in Comitatu Ravensburgensi commissum, libello adversus Labadæum. Sed quid epist. 69. Cyprianus? *Scire debes Episcopum in Ecclesia esse, & Ecclesiam in Episcopo: & si quis cum Episcopo non sit, in Ecclesia non potest esse.* Ita Scriptura, Concilia, & Patres, quos longum hic referre. At verò à Carolo Mævo, Hervordia, Bilsfeldia, & magna pars Comitatus Ravensburgensis, non alium Episcopum habuit, quàm Paderbornensem: uti ex Monumentis *Ferdinandi* Principis & Episcopi nostri disces.

III. Ex hac Dei ordinatione deducitur illa Catholicæ Ecclesiæ *Consensio* cum doctrina Apostolica, ne quid novum authæreticum ullibi in Ecclesia Catholica doceatur: Nam quia *Spiritus sanctus posuit Episcopos regere Ecclesiam Dei*, publica illa docendi potestas ab Episcopis communicari debet: *Sicut misit me Pater, & ego mitto vos.* Joan. 20. *Quomodo verò predicabunt nisi mittantur?* Rom. 10. Quâ verò potestate mittuntur Sacerdotes ad docendum, eandem agnoscere debent in docendo: ut eorum iudicio omnia submittant, ne quid contra Apostolicam doctrinam tradant populo. Et si qua hæresis irreperit, primum ad iudicium Episcoporum refertur, inde ad Sedem Apostolicam, ac supremum controversiarum Iudicem. Hinc illa toto orbe Catholico tanta *Consensio* doctrinæ; quo principio, privilegio, & dono veritatis, quia hæretici se spoliant, dum extra Catholicam Ecclesiam abeunt, hinc illa inter eos confusio doctrinæ, & hæresum multitudo. Contrà nihil unquam Episcopis magis curæ fuit, quàm ne quid contra Apostolorum & Patrum doctrinam admitteretur, uti ex omnibus Concilijs Oecumenicis, & Provincialibus evidens est, ad eum modum quo Lerinensis præscripsit.

IV. Nihil quoque Carolo M. sollicitius fuit, quàm ne qua hæresis *Consensionem* Catholicæ Ecclesiæ turbaret. Ita enim in Confessione fidei ad Hispaniæ Episcopos scribit: *Hanc fidem Orthodoxam, & ab Apostolicis*

postolicis traditam Doctoribus, & ab Universalis servatam Ecclesia; nos pro virum nostrarum portione ubique in omnibus servare, & predicare profitemur: quia non est alia aliqua salus nisi in illa, quam pacificè ab initio salutis nostra unanimitate semper servavit Ecclesia. Rursum in eadem Apostolica epistola Carolus: Sequamur sanctorum Patrum venerabilia in caritate precepta, decet enim ut omnium Christianorum una sit fides, & unus animus, sicut est unum ovile, & unus Pastor: Quæ verò extra Ecclesiastici ovilis septa inveniuntur, lupinà rabie devorabuntur. Et quæ in hanc rem multis præscribit: Addendo etiam, ut inconfutilem Christi tunicam integram servare meminerint. Ad hunc modum ad omnia Romanorum Pontificum, & sanctorum Patrum decreta se in Synodis, & præscriptis morum legibus revocat. Hunc in modum Concilium Francofurtense, præsentem Carolo M. in Synodica epistola ad Præsules Hispaniæ, Elipandi hæreses rejecit; quod libellus ejus adversaretur Patrum doctrinæ. Cur, inquiunt, nobis non sufficiunt, quæ in sanctorum Patrum dictis inveniuntur, & universali Catholicæ sanctionis consuetudine confirmantur, dicente Scriptura: terminos patrum tuorum non transgrediari. Nunquid sagaciores sumus ad inveniendam viam veritatis, quàm Apostolici Doctores? Pervolve vel unicum Capitulare Aquisgranense ex Synodo anni Christi 687. in quo modò ex Nicæno Concilio, modò ex Antiocheno, modò ex Sardicensi, modò ex Chalcedonensi, modò ex Ancyrano, modò ex alijs Concilij decreta ad disciplinam Cleri, & populi transumuntur. Idem in alijs Synodis servatum. Ad eò extra antiquorum Patrum, & Conciliorum sententiam nihil decerni voluit, quò ostenditur, quam *Consensionem* habere oporteat Ecclesiam omnis ætatis cum antiquis Patribus & Concilijs.

V. Ut Catholici demonstrent doctrinam suæ Religionis ex *Consensione* Patrum totius Apostolicæ Ecclesiæ, Theologi & Scriptores controversiarum ad singula dogmata sua confirmanda adducunt testimonia Patrum, ex omnibus à Christo sæculis ad nostram ætatem. Quam in rem multi Scriptores, quos inter Iodocus Coccius, Gualterius, alijque, singulares Tomos collegere, totique in eo sunt, ut doctrinam Catholicam ex Patrum sententijs confirmet. Alij etiam collectas Patrum Confessiones edidère, id est, collegerunt ex S. Augustino, Hieronymo, Ambrosio, & Gregorio M. quatuor illis Ecclesiæ celeberrimis Doctoribus

ribus testimonia, & in capita per singula dogmata digesserunt, ut *consentientem* Patrum sententiam sub oculos ponerent. Ad hæc respondet Nisanius: eas Confessiones pessimâ fide esse congestas, truncataque, pro integris, & adulterina pro veris obrudi. Verum id non satis est dicere. Ad sunt Patrum libri, producere oportebat adulterinum aliquem locum. Imò si vestræ causæ fiditis, quare idem non tentatis, atq; ex Patribus dogmata vestræ hæresis hoc ordine & calculo non sistitis?

At, inquit Nisanius, non posse unum aliquem Patrem proferri, qui omnia fidei nostræ Catholicæ capita ex primis quinque sæculis exhibeat. R. Id necesse non esse, sufficit, si vel omnia ex singulis, vel singula ex majori parte Patrum sistamus, uti Lerinensis præscripsit. Nec enim singulis oblata materia tractandi omnia, præsertim quæ posteriores hæreles moverunt. Si tamen confessionem S. Augustini pervolas ab Hieronymo Torrense Theologo editam, parum desiderabis. Sed hæreticorum nocturnæ hanc lucem fugiunt.

Præclarum hac in re Theodosij M. Imperatoris factum, & dignum posteritate exemplum. Is ut in Synodo Constantinopolitanâ hæreticos eorum temporum in concordiam adduceret, consuluit Nestarium (qui medius erat inter Gregorium Nazianzenum, & Chrysostomum, tum Constantinopolitanus Catholicorum Episcopus) quâ viâ id fieri posset, consultumque est Imperatori, convocaret hæreticorum Principes, & omiſſis disputationibus, quæ rixarum fomites essent, rogaret, utrumne reciperent eos, qui ante dissidium religionis sacræ Scripturæ interpretes fuissent? si abnuerent; explodendos à suis: si reciperent; ex veterum Patrum scriptis facillimè posse convinci productis eorum testimonijs. Fecit id Imperator; sed cum inter ipsos hæreticos eâ super re nova oriretur quæstio, ac lis, alijs Patrum auctoritatem recipientibus, alijs detrectantibus, nihil obtinuit: Quemadmodum id Socrates Lib. 5. c. 10. Sozomenus Lib. 7. c. 11. & Baronius ad an. Chr. 383. Bellarminus Lib. 3. c. 9. Spondanus & alij tradiderunt. Ita sanè hæretici nostri temporis nobiscum agunt. Modò enim, dum appellamus ad antiquos Patres, dicunt Patres fuisse homines erroribus obnoxios: modò dicunt Scripturam sese sequi, & supra Patres illuminatos esse: modò obscura quædam loca obrudunt: modò in alias fraudes conversi, veritatem eludunt. Adversus hæc fraudes monitor est Cyprianus Epist. ad Illyriæ Episcopos:

Episcopos : Cavendum sanè, inquit, ne per eos, qui varias doctrinas comminiscuntur, in lubricum seducamur, ac potius quoties illi variantibus consilijs circumferuntur, Patrum nostrorum à nobis sententia sunt retinende. Certa in his regula Vincentij Lerinensis : Eorum duntaxat Patrum sententia conferenda sunt, qui in fide & communione Catholica, sanctè, sapienter, constanter viventes, docentes, & permanentes, vel mori pro Christo fideliter, vel occidi pro Christo meruerunt. Quibus tamen hac lege credendum est ; ut quicquid vel omnes, vel plures, una eodemque sensu, manifestè, frequenter, perseveranter, velut quâdam consentiente sibi Magistrorum concione firmaverunt, id pro indubitato, certoque habeatur. Rursum : Quisquis in sensu Catholici dogmatis unum aliquid in Christo sentientes contempserit, non hominem contemnit, sed Deum.

## C A P U T X V I.

*Nota VII. Ecclesiæ Apostolicæ nomen ex Successione et Doctrinâ Apostolicâ deductum.*

**A**D Catholicum nomen Concilium Nicænum, & Constantinopolitanum non sine singulari Numinis providentia addiderunt *Apostolicum*, credendamque præscripserunt *Ecclesiam Catholicam & Apostolicam*, uti & Canon i Missæ ad initium præscribit *Ecclesiam orare pro Fidei Catholica, & Apostolica cultoribus*. Atque ita Pontifices, Concilia cætera, & SS. Patres compellant. Duo autem cum primis eâ voce designantur : *Apostolica Successio & Doctrina*, quorum neutrum esse potest in hæreticorum Ecclesijs, idèoque hâc notâ, si quâ ullâ, vincuntur non habere veram Ecclesiam.

Ac primò apud Lutheranos non est vera *Successio Apostolica*. Quam in rem id primò etiam statuendum est, Ecclesiam non posse esse sine Pastoribus & Doctoribus. Ephes. 4. *Ipse dedit Pastores & Doctores ad consummationem Sanctorum in ædificationem corporis Christi ; Pastores autem*

*res autem sunt Episcopi, Act. 20. Spiritus sanctus posuit Episcopos regere Ecclesiam Dei. Ideo Cyprian. epist. 9. lib. 4. Scire debes, Episcopum esse in Ecclesia, & Ecclesiam in Episcopis. Hieron. ad Lucifer. Ecclesia non est, qua non habet Sacerdotes.*

Certum II. illos solos in Ecclesia habitos esse veros Episcopos, qui ab Apostolis per legitimam *Successionem & Ordinationem* ab Apostolis descenderunt, haud secus, quam in veteri Lege nemo Pontifex, aut Sacerdos, aut Levita, nisi qui ex tribu Levi per carnalem propagationem descendisset. Hæc causa, cur omnes Patres ad hanc *Successionem* cumprimis in Sede Apostolica appellent. August. Lib. contra epist. Fundament. c. 4. *Tene me in Ecclesia ab ipsa Sede Petri Apostoli, cui pascendas oves suas Dominus commendavit, usque ad præsentem Episcopatum successio Sacerdotum.* Idem in Psalm. contra partem Donati. *Numerate Sacerdotes, vel in ipsa Sede Petri, & in ordine illo Patrum, quis, cui successerit; videre, ipsa est Petra.* Tertull. lib. de præscript. *Edant hæretici origines Ecclesiarum suarum, evolvant ordinem Episcoporum suorum, ita per successionem ab initio decurrentem, ut primus ille Episcopus aliquem ab Apostolis, vel Apostolicis viris habuerit auctorem, & successorem: Hoc enim modo Romanorum Ecclesia Clementem à Petro ordinatum refert.* Optatus Milevit. Lib. 2. contra Parmen. postquam omnes Romanos Pontifices, à Petro ad Siricium sui temporis Pontificem, enumerasset: *Vos, inquit ad Donatistas, vestra cathedra originem ostendite, qui vobis vultis sanctam Dei Ecclesiam vindicare.* Similiter Epiphanius, post enumeratos ordine Romanos Pontifices: *Et ne quis, inquit, miretur, quòd tam exactè singula censemus, per hac enim claritas ostenditur.* Hanc ob causam Irenæus quoque Lib. 3. c. 3. tam exactè enumerat Episcopos Romanos à Petro ad Eleutherium, additque per hanc *Successionem* confundi hæreticos. Hieronym. contra Lucif. illi Ecclesiæ adhærendum docet: *Qua ab Apostolis fundata, usq; ad hanc diem durat.* Qualis certè in Germania Trevirensis, Colonienfis & Moguntina, quæ ab Apostolorum discipulis fundatæ. Ad hunc modum Ambrosius in 1. ad Corinth. c. 4. *Origines præfat. in Pentateuch. Hilarius Lib. de Synod. Cogitemus Sacerdotes sanctos, quid de nobis erit, qui eò rem deducimus, ut quia illi Episcopi non fuerunt, nec nos simus? Ordinati enim ab his sumus, & eorum sumus successores.*

P

Non

Non hic prætermittendus Carolus M. qui epist. ad Hispaniæ Episcopos profitetur, *se Apostolica Sedi totâ mentis intentione, & cordis alacritate conjungi*. Quemadmodum nullus adhuc Regum, & Imperatorum ab illo, qui Pontifices Romanos, ob reverentiam, & *SucceSSIONem* in Sede Apostolica sanctius coluerit. Ob id Lib. 5. Capitularium. Tit. 170. *Constat religionem Christianam per successores Apostolorum salubriter administrari*. Et tamen Nifanius jam ante Carolum M. per ducentos annos Antichristi regnum introducit ex Sede Apostolica. Contrâ Carolus M. profitetur in eadem epistola: *Credimus quod Dominus Apostolicus cum sancta Romana Ecclesia, & Episcopis illis quaqua versus commorantibus sentit*. Cui nunc credam? fallaci *heterodoxo* Nifanio, an Carolo M. *Orthodoxo* Imperatori? Quem titulum sepulchro inscriptum legis apud Eginardum. Carolo M. accedit judicium Episcoporum, præsentem Carolo ex Concil. Francofurtensi statim canone 1. profitentium, *se conjungi Apostolicæ auctoritati*, cum Episcopis Germaniæ, Galliæ, & Aquitaniæ, & toto Catholicæ pacis Clero.

Certum est III. ad *SucceSSIONem* veram duo reperiri. I. ut is, qui verus Episcopus haberi velit, succedat alicui Apostolo. Quomodo Clemens Petro, & Clementi cæteri Pontifices; & Polycarpus Joanni, cæteri quæ alijs per orbem Apostolis; vel certè succedat illi, quem aliquis Apostolus fecerit Episcopum. Quomodo Ignatius successit Evodio, & Anianus Marco, quos Petrus fecerat Episcopos. Vel demùm si Episcopatus est novus, ut fiat ab eo, qui habet Apostolicam auctoritatem, qui est solus Pontifex Romanus, uti Patres in ea Ecclesia principatum constituunt. Nec tamen inde conficitur, Patriarchas, & Metropolitanos aliquando non posse novos Episcopatus erigere, quod S. Athanasium in Oriente, & S. Bonifacium in Germania fecisse constat; modò Sedis Apostolicæ auctoritate & potestate id fiat: ut de Bonifacio planum est ex epistolis Pontificum ad Bonifacium, & Legatis ab eo Romam missis. Quâ super re Othlonus in vita ejus, & Serrarius in historia Moguntina, alijsque Scriptores. Ad hunc modum octo primùm Episcopatus in Saxonia à Carolo conditi, sed Pontificis auctoritate. Ob id Carolus toties Romam profectus, & coram cum Hadriano Pontifice egit, obtulitque S. Petro ad aram Episcopatum primum Osnabrugensem, ac deinde cæteros Episcopatus à se conditos. Quam in rem Carolus M. quoque

quoque apud se habuit Legatos Pontificis, eâque Pontificum auctoritate pars Episcopatum Saxoniz Moguntino, pars Coloniensi Metropolitano attributa, uti id planius in Annalibus nostris referemus. Nec aliter per Galliam, Britanniam, Germaniam, Daniam, Sueciam, Poloniam, Episcopatus instituti, aut Episcopi impositi, quàm auctoritate summi Pontificis, ut historiz omnium temporum nos docebunt. Non aliter novi per Belgium Episcopatus à Philippo II. Hispaniarum Rege instituti, quam Pauli III. Pontificis auctoritate. Et ratio est, quòd potestas jurisdictionis Episcoporum, quâ Ecclesiam regunt, à Sede Apostolica communicetur, sine qua nemo verus Episcopus constituitur. Hic enim Hierarchiz ordo.

Alterum in *Successione* Episcoporum est *Ordinatio*, ad quam requiritur, ut qui sit Episcopus, ordinetur à tribus Episcopis, qui & ipsi ab alijs sint ordinati, & illi ab alijs, donec ad Apostolos veniatur. Id clarum est ex Canone 1. Apostolorum, quo præcipitur; ut Episcopus ordinetur à duobus vel tribus Episcopis, adsintque tres Episcopi ad consecrationem, vel duo præter principalem consecrantem. Idem in Concilio Nicæno I. Idem in Cârth. 4. c. 2. præscribitur. Eò S. Clemens dixit requiri tres, aut saltem duos, & Anacletus, qui tempore S. Petri vixit, testatur Episcopum à tribus ordinari debere, quemadmodum S. Jacobus Frater Domini à Petro, Jacobo, & Joanne ordinatus fuerat. Damasus Papa Chorepiscopos abjecit, quòd à tribus Episcopis ordinati non essent, epist. 4. Ita Arelatense 1. c. 1. Arausicanum 1. c. 21. Atque hoc illud est quod Apostolus docet, 1. ad Timoth. 4. *Noli negligere gratiam, quæ in te est, quæ data est tibi per Prophetiam, cum impositione manuum Presbyterij.* Vt Bellarm. Cornel. à Lapide, ac cæteri interpretes exponunt. Nec dubium facit Bellarminus, quin ordinariè tres requirantur, nisi fortè ex dispensatione cum uno ordinante assistant Abbates, qui vicem Episcoporum gerant, uti ob raritatem Episcoporum subinde fieri solet. Inauditum verò Episcopum à simplici Sacerdote ordinari.

Ex his igitur Bellarminus dicit insolubile argumentum confici hoc modo: Ecclesia vera non potest esse sine Episcopis; apud Lutheranos non sunt Episcopi: ergo apud Lutheranos non est vera Ecclesia. Major evidens est minor itidem: ubi enim non est *Successio* cum potestate *Jurisdictionis* & *Ordinis*, ibi non sunt veri Episcopi; Neutrum apud Luth-

ranos est: ergò. Non potestas *Jurisdictionis* Episcopalis, quam à nullo unquam Pontifice vel Archiepiscopo accepit Lutherus; non *Ordinationis*, quia Lutherus nec à tribus Episcopis ordinatus est, nec ab uno Episcopo per dispensationem, ut ipsimet fatentur Lutherani. Eadem est ratio in Calvino, qui se Genevensensem; in Zwinglio, qui se Tigurinũ; in Oecolampadio, qui se Basiliensem Episcopum tulit: uti Lutherus Wittenbergensis Episcopus haberi voluit. Verè de his Cyprianus lib. de simpl. Præl. *ſi ſunt, qui ſe ultro apud temerarios convenas ſine divina diſpoſitione praeſciunt, qui ſe praeſiſtos ſine ulla ordinationis lege conſtituunt, qui nemine Episcopatum dante Episcopi ſibi nomen aſſumunt.*

Inſolens hĩc Nifanius eſt Scriptor adverſus Catholicos. Verũ ad illud inſolubile Bellarmini argumentum adeò nihil reponit, ut ne attingat quidem. Idem omnium Catholicorum de vobis eſt judicium, quo conficitur veſtram Eccleſiam haud ſecũs, quàm aliorum hæreticorum miſerrimo in ſtatu verſari, quæ nec Episcopos, nec Sacerdotes habeat, quòd conſequens inde eſt, nulla præter baptiſmum Sacramentæ eaque, quæ à Sacerdotio pendent ſalutis ſubſidia, populo ſubtracta eſſe. Quà nulla major fraus, & impoſtura excogitari poteſt, nec alijs magis in culpa, quàm vos prædicantes, qui pro veris Chriſti miniſtris, vos falſos plebi obtruditis, & *veritatem Dei in injuſtitia* detinetis. Id cum ex adductis testimonijs, tum ex praxi totius Eccleſiæ Catholice diſcere poteratis: Vbi enim ante Lutherum auditum ullibi per tot ſæcula, Episcopos, & Sacerdotes aliter, quàm ab Episcopis ordinari & conſecrari? Ac ne Caroli M. teſtimonium hĩc deſideres, Capitularium Libro 7. Tit. 74. legis: *Si neceſſitas fuerit, tres Episcopi, in quocunque loco ſint, Archiepiscopi præcepto, ordinare poſſunt Episcopum.* Neque in hac re Lege opus erat, cum nemini, ut ſecus faceret, ne in mentem quidem venire poterat; quando ex Majorum traditione, & omnium ſæculorum uſu, Episcopi, & Sacerdotes ab Episcopis tum ordinabantur. Recole, ut S. Willibrordus Romæ à Sergio Pontifice, Bonifacius à Gregorio Pontifice, Suibertus in Angliã, alijs Apoſtolicis viri, alibi conſecrati Episcopi ab Episcopis ſint. Recole omnes Episcopos, quos Carolus M. Saxonie impoſuit, ullũne reperies Episcopum, qui non ab Episcopis ſit conſecratus? Lutherus quidem Catholico ritu Sacerdos conſecratus, ſed Episcopus nunquam fuit: hinc abrupta eſt in eo, de qua agimus, *Succesſio.*



ſio : & inanis veſtra eſt Eccleſia ſine poteſtate Ordinis & Jurisdictionis ſacræ, miſeriorque eſt, quàm Synagoga, quæ licet typicum ſortita ſacerdotium, veros tamen Pontifices, & Sacerdotum Principes, & Sacerdotes habuit. Ad eò ſupra illos ad egena & vacua elementa rediſtiſtis.

Quid Niſanius ad hæc ? *Papiſta*, inquit, *perpetuo in ore habent Succeſſionem, eamque notam Eccleſia ſua conſtituunt : ſed Lutherani, quia verbum Dei unicam & perpetuam conſtituunt Eccleſia ſua notam, non poſſunt adigi ad hanc deciſionem queſtionis* : prorſus ut ſupra de *Antiquitatis* Nota dixit. Nempe, quia nihil reſpondere potuit Niſanius, ruruſ forum declinare maluit. Exſpectabant Catholici, ut ſucceſſionem Lutheri probaret, qui ſe & Episcopum Wittenbergenſem, & inſtauratoreſ rem collapſæ Eccleſiæ tulit. Quid tu ad hæc Niſani ? Dicis I. Non teneri vos ad Succeſſionem veſtram probandam. Quare ergò Patres omnes contra hæreticos ad eam provocant, & cum primis ad Sedem Apoſtolicam, quam vos Antichriſti Sedem perſuadetis populo ?

II. Dicis : Argumentum à *perpetua Succeſſione* deductum, non eſſe *infallibile* requiſitum Eccleſiæ. Dicis miſer, ſed minimè probas. Quin Bellarminus ex eo inſolubile proponit argumentum : hoc tu diſſolvere oſtentator, & populo explicare debebas, quem hîc more tuo anilibus nugamentis, fallacijsque ſcincin. Tolerandus eſſes, ſi quæſiſſes, num evidens eſſet illud Bellarmini ſignum ? Certè apud eos, apud quos non eſt *Succeſſio*, uti apud vos non eſſe oſtendimus, evidens eſt ſignum, & infallibile argumentum. Aliud proinde eſt apud illos, apud quos *Succeſſio* aliquamdiu locum habuit ; quales priſci quidam hæretici, apud quos Episcopos, in Catholica Eccleſia ordinati erant, ſed deſciverant ad hæreticos. Quare Tertullianus, ut ſuprà relatum, contra hos ad *Doctrinam Apoſtolicam* appellandum cenſuit. Quod argumentum, præter complures Theologos tractatum reperies apud Fr. Amicum, in Diſput. de Sacramento Ordinis. Eò jam miſerabilior eſt veſtra Lutherana Eccleſia, in qua nec *Succeſſio* Apoſtolica Episcoporum & Sacerdotum eſt, nec *Apoſtolica Doctrina*.

Interim dicis III. Apud vos eſſe Apoſtolicam doctrinam, ideòque Apoſtolicam ſucceſſionem. Hoc commune eſt dictum inter vos, quo populum decipitis, Id nunc unico argumento oſtendam eſſe falſum.

Apud quos non est *Apostolica Successio* Episcoporum & Sacerdotum, apud eos non potest esse *Apostolica Doctrina*;

Atqui apud Lutheranos non est *Apostolica Successio* Episcoporum & Sacerdotum: ergo nec *Apostolica doctrina*.

Minor jam est probata tibi. Major de qua hic agitur, æque certa est: quia *Doctrina Apostolica* divulgari & doceri non potest sine Pastoribus, qui sunt Episcopi, & Sacerdotes. Idcirco Christus *dedit Pastores & Doctores, ad consummationem Sanctorum, in opus ministerij, in adificationem corporis Christi*. Ephes. 4. *Qui vos audit, me audit*. Luc. 10. v. 16. Non enim in aëre pendet doctrina, nec per ventum afflatur. Hinc cum in sola Ecclesia Catholica sit *perpetua & Apostolica Successio*, in eadem quoque est illa *consanguinitas & perpetuitas*, & quod caput est, *infallibilitas Apostolica Doctrina*: Hæc enim uno nexu, & indissolubili vinculo inter se coherent. Secus est apud hæreticos. Idcirco Apostolus dixit: *Circumferuntur omni vento doctrina*. Frustra igitur hæretici à *Successione personalis*, refugiunt ad *Doctrinam Successionem*, quæ solum apud Catholicos est: quemadmodum Augustinus Lib. 28. contra Faustum c. 2. dixit: *Illud Evangelium est retinendum, quod non interruptâ serie temporum, Ecclesia certâ connexionis successionem, usque ad tempora ista perduxit*. Sic præter cæteros Patres Origines præf. in Pentateuch. *Servetur Ecclesiastica prædicatio, per successionis ordinem ab Apostolis tradita, & usque ad præsens in Ecclesijs permanens: illa sola credenda est veritas, qua in nullo discordat ab Ecclesiastica traditione*. Ex hac traditione non modò Apostolica Doctrina, sed etiam Scriptura petenda est, ut crudité ostendit Suarez Lib. 1. defens. Cath. c. 16. Hæc generatim à nobis ratio exposita est: cæterum, quomodo in particulari, V. G. in sacrificio missæ, in Sacramentis, in communione sub una specie, in cultu Sanctorum, in oratione pro defunctis, in justificatione, in merito bonorum operum, in cælibatu Sacerdotum, cæterisque à Nisano adductis, Catholica Ecclesia conspiret cum Apostolica quinque primorum sæculorum doctrinâ, deinceps singulatim ostendetur. Nunc tantummodò Carolum. M. audi, Capitularium Lib. 5. cap. 170. *Constat religionem per successores Apostolorum salubriter administrari*: ideo eos honorandos, eosque audiendos esse mandat: ergò Caroli judicio *Successio* Episcoporum ad sua usque tempora continuata fuit. Secus quàm Nisanius docet, jam tum Caroli ævo Pontifices in sede Antichristi confedissee.

Vnum

Vnum hîc demirari satis non licet. Quærimus à Lutheranis an sint *Catholici*? Respondent se non esse *Romano-Catholicos*, sed *Apostolico-Catholicos*, cùm tamen Apostolica Sedes & Fides, eadem sit cum Romana Sede & Fide, nisi nos SS. Patres, & omnis antiquitas fallat. Adhæc omnes *Apostolici* viri, qui Saxoniam à gentilismo converterunt ad Christi fidem, fuerunt simul *Romano-Catholici*; ergo si *Apostolico-Catholici* sint Lutherani, etiam *Romano-Catholici* esse debent, aut certè fateri, se tam à *Romanâ*, quàm *Apostolicâ* fide descivisse ad hæresin.

## C A P V T X V I I.

### Nota VIII. Ecclesiæ, Gloria Miraculorum.

**I**Nter cæteras Ecclesiæ Catholicæ *Notas*, ac proprietates, quibus illa à Paganis, Judæis, Mahometanis, & hæreticis distinguitur, ponunt *Catholici Miracula*. Hanc notam cum multis impugnet adversarius, tum primùm ex libris Carolinis. Verùm cùm libri illi quatuor de imaginibus sint Pseudo-Carolini libri, & hæreticorum foetus, ut pòst commonstrabo; frustra hîc adversarius ex falsa hypothesi agit, neque enim Carolus M. tam insanus fuit, ut negaret *Miracula* esse *Notam Ecclesiæ*, neq; libris illis de imaginibus *Miracula* absolutè negari dixeris, sed illa tantummodo, quæ pro cultu imaginum adferebantur in Concilio Nicæno II, ut citato à te, lib. 3. cap. 23. loco, clarum est.

Manet interim inconcussa veritas Catholicorum, doctrinam videlicet Catholicæ Ecclesiæ evidenter credibilem, *Gloria Miraculorum* reddi. Quare illa Fides & Religio est præferenda alijs, ac jure meritissimo amplectenda, quæ *Miraculis* obsignata, & confirmata est à Deo; At sola hæc Catholica Fides, & Religio miraculis à Deo confirmata est: Ergo. Major est certa: nam ut Chrysostomus dixit Hom. 14. in Matth. *Miracula sunt pignus quoddam omnipotentia Dei, & proprium ejus opus*, qui juxta illud psalmi: *Facit mirabilia solus*. Quemadmodum de ratione *Miraculi* est, ut sit *opus extraordinarium, & rarum, præter legem Dei ordinata*.

ordinariam, & supra omnem virtutem causarum naturalium, juxta D. Thomam part. 1. q. 105. art. 7. & 8. Et lib. 3. contra gent. cap. 101. Sumiturq; ex Augustino lib. 3. de Trinit. c. 4. & 5. Lib. 26. contra Faustum, cap. 3. Planius Augustinus epist. 49. q. 6. *Deus mirabilibus operibus loquitur.* Idcirco quæ per *miracula* confirmantur, credibilia sunt, tanquam à Deo data, & sigillo obsignata.

Hinc primò Christus doctrinam suam, & nostram innumeris *miraculis* confirmavit, de quibus Evangelistæ. Hinc Matth. c. 11. Christus ad discipulos S. Joannis ad se missos: *Enntes, inquit, renunciate Joanni quæ audistis & vidistis, cæci vident, claudi ambulant, leprosi mundantur.* Hinc Christus summæ obstinationis & perversitatis arguit Judæos. Joan. c. 15. v. 24. *Si opera non fecissem in eis, quæ nemo alius fecit, peccatum non haberent.* Et cap. 14. v. 12. *Propter opera ipsa credite. Qui credit in me, opera quæ ego facio, & ipse faciet, & majora horum faciet.* Pari modo Apostoli doctrinam suam innumeris *miraculis* confirmârunt, evidenterque populo credibilem fecerunt, Matth. 10. Marc. ult. *Profecti predicaverunt ubique Domino cooperante, & sermonem confirmante, & sequentibus signis.* Hebr. cap. 2. v. 4. *Conestante Deo signis & portentis, & varijs virtutibus.* Corinth 2. c. 12. v. 12. *Apostolus ipse: Signa tamen Apostolatûs mei facta sunt super vos, in omni patientia, in signis & prodigijs, & virtutibus, & Thess. 2. c. 1. v. 5. Evangelium meum non fuit ad vos in sermone tantum, sed & in virtute, & Spiritu S. uti hæc ex Actis Apostolorum manifesta sunt.* Rationem hujus rei inter cætera hanc Lessius reddit: Cùm enim plebsque in Religione sunt supra naturam, & captum mentis humanæ, non possunt rationibus naturalibus persuaderi, sed opus est quibusdam argumentis supernaturalibus, quibus mentes hominum convincantur; quod vel maximè locum habet in conversione gentium. Quapropter & Deus Apostolicis viris miraculorum operibus tam fideliter addidit, juxta Christi promissionem, Joan. 14. *Qui credit in me, opera quæ ego facio, & ipse faciet, & majora horum faciet, quia ego ad Patrem vado.*

Quocirca post Apostolorum tempora per Christi & Apostolorum discipulos, per Episcopos & Sacerdotes, per Apostolicos viros & Martyres, tam admiranda semper opera patrata. Ac quemadmodum *manus Domini abbreviata* non fuit, ita donum illud miraculorum nunquam cessavit in Ecclesia, maximè in conversione gentium ad Christi fidem

fidem perductarum, uti id aucta Martyrum, & Apostolicorum virorum, SS. Patrum Scripta, historia Ecclesiastica, & singularum provinciarum Annales, Fastique nos docent. Quam in rem Bellarminus Lib. 4. de notis Ecclesiæ, cap. 14. per singula ab Apostolis sæcula, introducit Viros sanctos, qui *miraculis* Ecclesiam Christi illustrarint: idemque argumentum, deinde Thomas Bozius, de Signis Ecclesiæ, alijsque non minus exactè persecuti sunt.

His postremùm accedunt Patrum testimonia, qui *miracula*, quibus semper Catholica Ecclesia illustrata fuit, inter veræ Ecclesiæ *Notas* recensuerunt, quemadmodum inter cæteros S. Augustinus lib. contra epistolam Manichæi, c. 2. *Multa sunt quæ me in gremio Catholica Ecclesiæ justissimè teneant. Tenet consensio populorum, tenet auctoritas miraculis inchoata, spe nutrita, caritate aucta, vetustate firmata.* Ita lib. de utilit credendi, c. 17. Lib. de cura pro mortuis, docet opera mirabilia, quæ Deus per Martyres efficit, Christi fidem ædificare. Lib. 22. de civitate Dei c. 17. docet *miracula* publicanda ad Ecclesiæ ædificationem, quemadmodum id ipse scribendo fecit, tot miracula ad Reliquias S. Stephani, S. Laurentij, aliorumque SS. per Africam patrata, integris libris enarrando: ne quid hæc referam de Victore Vicensi, de Gregorio M. Beda, S. Antonino, aut ijs, qui vitam Gregorij Thaumaturgi, Antonij M. Hilarionis, Martini, Nicolai, Benedicti, Malachie, Bernardi, Dominici, Francisci, scripserunt: Quorum miraculorum Scriptores aut sanctos viros, aut omni fide dignos Sacerdotes fuisse constat. Quæ cum expendet secum Richardus de S. Victore, lib. 1. de Trinit. c. 2. exclamat: *Dominus error est, quod credimus, à te decepti sumus: ijs enim signis & prodigijs confirmata sunt, quæ non nisi à te fieri potuerunt.*

Hæc autem *miracula*, quæ post temporâ Apostolorum recens adferuntur, patrata esse in Ecclesia Catholica (quod in minori propositione suprâ factâ, maximè probandum erat) patet evidenter: Tum quòd una tantùm visibilis Ecclesia fuerit, in qua illa visibiliter facta sunt; Tum quòd Viri sancti in hac ipsa Ecclesia Catholica fuerint, per quos Deus illa patravit; & qui ea scripserunt, non in alia quàm in Ecclesia Catholica vixerint. Quo argumento ita pressi sunt Novatores nostri, ut effugij causâ alij dicere necesse habuerint, *miracula* quidem illa in visibili Ecclesia patrata esse, verùm ex virtute invisibilis Ecclesiæ, quæ proinde

non

non nisi invisibilibus Ecclesiæ fidem comprobant. Puerile hoc & ridiculum prorsus : cum illa invisibilis, & Vtopica Ecclesia nullibi sit, nisi in deliro Prædicantium cerebro. Alij contrà, quos inter Nisanius, impudentiùs garrunt, ea vel conficta esse, vel dæmonum ludibrijs tribui oportere, adeoque humanam omnem fidem è mundo nequicquam tollere nituntur. Quis verò sanæ mentis Christianus credat, S. Augustinum qui conscripsit tot *miracula* ad Reliquias S. Stephani in Africa patrata, & à se comperta; quis S. Gregorium Nicænum, & Basilium, qui miracula Gregorij Thaumaturgi; Athanasium & Hieronymum, qui Antonij, & Hilarionis; Sulpitium Severum, qui Martini; Græcos, qui Nicolai; Gregorium M. qui divi Benedicte; Bernardum, qui Malachie; Bonaventuram qui sancti Francisci; cæterosque innumeros Sacerdotes, qui D. Bernardi, Dominici, aliorumque Sanctorum res gestas conscripserunt; quis, inquam credat, Viros illos sanctitate, doctrinâ, & auctoritate illustres voluisse in perniciem animæ suæ, & æternum nominis sui probrum ista consingere, & mundo imponere? Aut quis credat Episcopos ac Pontifices, qui post summam inquisitionem, & per juratos testes D. Francisci de Paula, Antonij de Padua, Francisci Xaverij, aliorumque Divorum *miracula* approbaverunt, Ecclesiam fallere voluisse, aut potuisse? quando tota Ecclesia, ex hoc simul cultu sanctorum & falsorum miraculorum, in errorem abducta fuisset. Nobis hîc satis sit, cum Regio Pfalte ingeminasse illud : *Testimonia inaccredibilia facta sunt nimis*. Quantum verò hæc apud Nisanium valere debent, qui librum suum inscribit, Ostensionem Historico-Theologicam? Nec enim miracula hæc, quæ historicâ fide nituntur, negare potest, quin simul *Ostensionem* suam *Historicam* prædamnet.

Redeamus nunc ab his ad Caroli M. & Pipini parentis, atque avi Caroli Martelli, & proavi Pipini Majoris domus ætatem, quorum operâ Christi religio in Frisiam, Hassiam, Thuringiam, & Saxoniam nostram est introducta: quibus non *miraculis* doctrina Apostolicorum virorum, eorumque vitæ sanctitas in conversione gentium à Deo confirmata est? Intelliget id, qui vitam S. Willibrordi ab Alcuino, Caroli M. præceptore; S. Suiberti, à D. Marcellino; Ewaldorum, à Beda; Bonificij, ab Othlono, & D. Ludgero; qui ipsius deinde Ludgeri eâ ætate Thaumaturgi à beato Alfrido tertio Monasteriensium Episcopo; qui Willehadi

Willehadi à S. Anshario; Ansharij, à D. Remberto; aliorumque Apostolicorum Virorum ab alijs Sacerdotibus & Episcopis conscripta legitur. Omitto miracula, quæ D. Ludgerus ad sepulchrum D. Swiberti in Casaris insula patrata memorat. Quem Apostolicum Virum quo cultu Pipinus Rex, Caroli M. pater, ob cælestia beneficia, & miracula bello Saxonum experta veneratus sit, supra à nobis relatum est. His accedunt miracula ac prodigia, quibus Deus Caroli M. bellum adversus Saxones, gentiumque conversionem testatus est.

Anno Christi DCCLXXII. qui primus fuit belli Saxonici annus, quo Eresburgum castellum cepit, & idolum Irmensulevertit. In ejus destructione, cum in eodem loco per iridium moraretur, contigit, ut propter continuam cæli serenitatem exsiccatis omnibus illius loci rivis ac fontibus, aqua adbibendum inveniri non posset, sed ne diutius siti confectus laboraret exercitus, divinitus factum creditur, ut quadam die, cum juxta morem tempore meridiano omnes quiescerent prope montem, qui castris erat contiguus, tanta vis aquarum in concavitate cujusdam torrentis eruperit, ut exercitui cuncto sufficeret. Ita Annales Francorum.

Anno DCCLXXIV. Saxones per absentiam Caroli Regis rebelles, Hassorum terminos ingressi ferro, & igne omnia depopulantur, cumque eo in loco, qui nunc Frislar ab incolis nominatur, Basilicam à beato Bonifacio Martyre dedicatam incendere molirentur, atque hoc efficere casso labore conarentur, immisso sibi divinius pavore subitaneo, turpi trepidatione confusi, domum fugiendo convertuntur: visi etiam duo juvenes amictu candido è cælo lapsi ignem identidem extinguere. Cæteris Saxonum fugâ dilapsis, deprehensus est sacrilegus ex his morte oppressus, adhuc flantis in modum fomitem admove. Ita rursus Annales Francorum & Fuldensium.

Anno DCCLXXVI. Saxones denuò rebelles recepto Eresburgo, Sieburgum castrum oppugnant, ejectione Francos Christianos. Qua in oppugnatione visus est minax gladius supra ædem sacram, & duo simul clypei igne fulminei, quo prodigio in aëre conspecto, quantum erecti Franci, tantum territi Saxones, conversique in fugam, multis se vulneribus conciderunt. Ita auctor in vita Caroli, qui hæc se accepisse scribit, ab ijs, qui spectarunt.

Anno Christi DCCLXXVII. Sæviunt Saxones perlati ad Rhe-

num, templum D. Swiberti subiecto igne concremavit. Auditor sacriligij Ogellus Satrapa de Paderborna, dum coram militibus sacralium cachinnis jactaret, vindice Dei manu punitus, è vestigio resupinus in terram corruit, fractoque collo animam evomuit: quem cum comitatus in cœmeterio ejus loci sepelire attentant, terra sacilegum cadaver identidem eiecit; quare in Rhenum projicere necesse fuit. Haud minus poenâ à Deo punitus Nothelinus, & Occo Satrapæ, sacriligij socij, alter oculis captus, alter usu linguæ, & aurium privatus. Hæc in titis D. Ludgerus in epistola ad Rixfridum Trajectensem Episcopum, quo hujusmodi complura memorantur miracula ex Caroli bellis, eorum longum referre.

Anno Christi DCCCIV. cum famâ allatum esset ad Carolum Mantuæ in Italia, sanguinem Christi fuisse repertum, cupidus ejus miraculi veritatem cognoscere, misit ad Leonem Pontificem, ut coram eo ploraret. Nimirum Carolus, etsi miracula agnosceret donum Ecclesiæ Catholicæ, ijs tamen temerè fidem adhiberi noluit. Ita Annales Francicorum. At Baronius hoc miraculum ita exponit: ut velit fuisse descriptum, ne, qui tempore passionis è Christi corpore effluxit, non qui Beryta imagine Christi à Judæis transfixa ubertim sanguine manarat. Quamquam illud miraculum adeò celebre fuerit, ut cum hystoria hæc in Nicæno Concilio II. legeretur, non sine audientium Episcoporum lacrimis audita fuerit. Quâ super re Concilium illud Act. 4. Et quâ impudentiâ nobis persuadere vult Nifanius, Carolum M. improbasse remanentia, quæ in Ecclesia fiunt? Quando eo præsentè & spectante dum nonizatio D. Swiberti in Cæsaris insula perageretur, Deus grande miraculum operatus. Enim verò Gocellinus puer Bartholdi Gubernatoris Sanctensis, & præfecti Imperatoris filius aquis submersus, & per octiduum noctem amissus in Rheno, rursusque altero manè extractus ex aquis, positusque ante tumbam Swiberti Thaumaturgi, Divi ejus beneficio redijt in vitam, stetitque erectus in pedes, madidis adhuc, ut erant, vestibus, obstupescente ingenti, qui aderat, populo miraculi magnitudinem, quem ob id Carolus M. ac Leo Pontifex ad se adduci voluerunt, per Hildebaldum Archiepiscopum Colonensem pueri resuscitati avunculum: uti hæc mirificè scribit D. Ludgerus in epistola ad Rixfridum Trajectensem Episcopum. Ne quid hic memorem de miraculis, quæ

ad



ad sepulchrum S. Dionysij in Gallia, aut Turone ad S. Martini, per omnem Franciam Regum ac populi cælesti ope experta celebrantur, aut quæ Carolus ipse de D. Arnulpho progenitore suo narrare solitus, quæque Paulus Diaconus ex ore Caroli M. excepta conscripsit in Chronico Metensium Episcoporum. Nisi Paulum Diaconum nobilem ac fidum historicum, & cum eo Carolum M. mendacem facere placeat. Memorant inter cætera Annales Francorum, auctorque vitæ Ludovici Pij, postquam eo Imperatore Ossa beatissimi Martyris Sebastiani Româ alata sunt in Galliam, & in Sueffionum urbe, in Basilica S. Medardi sunt collocata, tanta signorum & prodigiorum multitudine claruisse, ut à nullo mortalium eorundem aut numerus comprehendi, aut varietas verbis valeat enunciari. Ita illi ad annum Christi DCCCXXVI. Omitto hîc infinita alia, sed hæc dormiendo Prædicantes verius somniare, quàm legendo historias, ad quas nos provocant, discere possunt. Nunc quæ opponat hic Pseudo-Episcopus, audiamus.

• I. Obijcit Bellarminum, quod is dicat ante approbationem Ecclesiæ, non constare, an sit verum *Miraculum* certitudine fidei: hinc confici vult *Miracula* non posse esse Notam veræ Ecclesiæ: essent enim notiora quàm sit Ecclesia, & simul non essent notiora. Essent notiora; quia ex *Miraculis* judicandum esset de veritate Ecclesiæ; & non essent notiora, quia ex Ecclesiæ approbatione judicandum est de *Miraculis*. R. Antiqua hæc & communis objectio est, ad quam ipse Bellarminus jam dudum respondit. Nam ex *Miraculis* demonstratur Ecclesia, non quoad evidentiam & certitudinem rei, sed quoad evidentiam & certitudinem credibilitatis. Cujus ratio est: quòd ante approbationem Ecclesiæ non sit certum certitudine fidei de ullo *Miraculo*, quod sit *Miraculum*; est tamen tale, ut evidenter faciat rem credibilem. Neque in hoc est ulla vitiosa circulatio, sicut non est, cum sit ex diverso genere demonstrationis: quemadmodum ex effectu demonstratur causa, & ex causa effectus. In hunc quoque modum respondent alij: *Miracula* nova examinanda esse juxta doctrinam, & auctoritatem Ecclesiæ; quia licet viâ analyfis, fides pendeat à *Miraculis* ut motivo acceptationis, nostratamen fides, qui nunc sumus in Ecclesia, non pendet ab his individujs *Miraculis*, quæ de novo fiunt in ullo genere, licet & ipsa juvare possint. Accedit, quòd cum *Miracula* non eo tendant, ut rem ad quam te-

standam patrantur, reddant evidenter veram, sed tantum evidenter credibilem, non requiritur certitudo metaphysica de eorum veritate, sed sufficit certitudo moralis, quæ tanta etiam in certis *Miraculis* esse potest, ut ab homine prudente in dubium vocari non possit. Igitur *Miracula* aliter sunt signum evidens credibilitatis, aliter objectum materiale fidei, quando ab Ecclesia vera declarantur esse *Miracula*.

Quid nunc agis Nifani? Objectiones citatas, & resolutiones transis, multos Catholicorum Theologos conglobas, & nihil ad rem ipsam respondes. Si modò intelligas, tandem aliquid repones, quod sapiat Theologix Licentiatum, obstrepis ubique, sed sicut anser inter olores. Quid tibi videtur, si canonizati Sancti redirent in vitam, & ferrent testimonium de aliquo dogmate fidei, nunquid id evidenter facerent credibile? & tamen quod iidem colantur ut Sancti, habent ab Ecclesiæ declaratione.

Obijcis II. *Miraculorum gloria* non est Nota veræ Ecclesiæ, quia non est propria, cum hæc Nota etiam in cœtu hæreticorum & infidelium reperiatur. At quænam illa miracula hæreticorum? Illa te oportebat adducere. Nisi fortè ad miracula Donatistarum appelles, de quibus Augustinus tract. 13. in Joan. Sed ea non alia fuerunt quam visiones falso ab illis jactatæ, quæ idem Augustinus non nisi fabulas appellat. Provocas deinde cum Magdenburgensibus, & Joanne Gerhardi, ad miraculum Pauli Episcopi Novatiani, de quo Socrates lib. 7. hist. c. 17. Nam cum ab eo impolltor Judæus, qui jam ante ab Attico Catholico Episcopo erat baptizatus, rursus peteret Baptismum, continuò fontis sacri aqua exaruit, id verò miraculum, (si tamen vera narrat Socrates) non fuit in confirmationem fidei Novatianorum hæreticorum, sed Catholici Baptismi: noluit enim Deus irrideri baptismum semel ritu Catholico susceptum, & ab hæretico Episcopo baptizari denuò Judæum irrisorem. Ita Bellarminus, Baronius & alij. Demum ad miracula Mahometarum & Turcarum appellat Nifanius, quæ ex Septemcastrensi historia, & Hutteringero Saracenæ historiæ scriptore probari vult. O te cæcum & impium! qui à Turcis quaris miracula, quæ in illo Ecclesiæ Catholicæ fulgore, & ex totius orbis consensu videre non potes. Quare Damascenum non audis? qui lib. de centum hæresibus testatur, Mahometem nullo unquam miraculo legem suam probare potuisse; quin ipse Mahometh in Alcorano fassus est, Christo *Miracula*, sibi gladium esse datum: nisi quòd

quod cap. 64. obscurè dicat, se miraculum aliquod in Luna patrasse, seu; ut interpretes ejus exponunt, Lunam aliquando in duas partes fuisse divisam, quam Mahometi manu exceptam repararit, & ad cœlum remisserit. Et quis hasce aniles fabulas non agnoscat? quas tamen Nifanius citiùs sibi persuaserit, quàm omnia *Miracula* Catholicæ Ecclesiæ.

At digniùs hîc Theologi nomine moveret Nifanius, si objiceret: *Miraculorum* operationem spectare ad gratias gratis datas, quæ cum malis, tum bonis communicantur, juxta illud Christi Matth. 7. v. 22. *Nonne in nomine tuo prophetavimus, & in nomine tuo demonia ejecimus, & in nomine tuo virtutes multas fecimus?* quibus tamen dicitur: *Quia nunquam novi vos.* Ita 1. Cor. 13. *Si habuero omnem fidem, ita ut montes transferam, caritatem autem non habuero, nihil mihi prodest:* Et si pravus homo potest facere verum miraculum, potest etiam deceptor esse, & falsum dicere, ergo ex veritate miraculi non colligitur veritas doctrinæ. Respondet Suarez Tract. de fid. disp. 4. sect. 3. Duobus modis posse fieri miraculum: Primò sine ullo respectu ad veritatem aliquam, sed vel ad sanitatem, vel utilitatem aliquam, vel simile quidpiam, & hoc modo potest Deus facere miracula per pravos homines, quamvis id rarissimè contingat: & si fiat, magis fit ex fide recipientis, quàm ex virtute operantis. Secundò fit miraculum in testimonium doctrinæ, atque ita miraculum fieri non potest in confirmationem falsitatis. Utrùmne per absolutam Dei potentiam id fieri possit? Theologi disceptant, sed hic ad rem non facit. Caterùm Maldonatus cum ad cap. 7. Matth. expenderet impiorum miracula, prophetiam deinde Balaam, & alibi Sibyllarum oracula, supra naturæ vires gentilibus concessa: Respondet, ordinariū *Miraculorum* donum esse in Ecclesia Christi; atque ita, etsi largiremur quandoque miracula facta esse apud gentiles, Mahometanos & hæreticos, nihil convincitur contra Catholicos: cò quòd ordinariū *Miraculorum* donum maneat apud Catholicam Ecclesiam. Hinc quod hic Nifanius infert, falsissimum est, Ecclesiam videlicet Catholicam, & donum miraculorum non facere terminos convertibiles. In cæteris quæ hic desiderari possunt, te ad Maldonatum eruditissimum & sapientissimum. interpretem remitto, plus ille sapientiæ habet in una pagina, quam tu in omnibus scriptis tuis, in quibus vix folium lego, sine decem mendacijs.

Objicit

Obijcit III. Nifanius, miracula quæ in Papatu celebrantur, vel falsa sunt miracula, vel incerta, vel conficta pleraque. Quantum hic insanis! Enimverò in superiore objectione admittis vera miracula etiam apud hæreticos, & Saracenos facta; hic negas, & mavis certiora esse horum miracula, quàm Catholicorum. Quale non virus & odium in Catholicos diabolus vobis instillavit Prædicantibus, ut per eos hoc agat modò, quod per Phariseos & impios Judæos egit, Christi miracula calumniantes, quod ea ope dæmonum à Christo patrata dicerent, Matth. 12. Quemadmodum Pagani etiam miracula Martyrum criminabantur, ipsosque Martyres ob id Magos & Necromanticos asserbant. Quo diaboli genio Magdenburgenses Cent. 5. Col. 10 1. S. Martinum Necromanticum fuisse scribunt, cum aliter miracula ejus cludere non possent. At quam fidem miracula obtinere debeant, jam suprà dixi; nisi omnem è mundo fidem tollere placeat, atque ea certius explodere possit Nifanius, quam omnes Sancti viri scribere.

Interim pergis & dicis: miracula quæ olim patrata referuntur, nullam fidem nisi à sæculo barbaro & μυθολογικῷ, fabulosoque obtinent. Itane SS. Augustinus, Gregorius Nyssenus, Basiliius, Hieronymus, Athanasius, Gregorius M. Beda, Gregorius Turonensis, cæterique Patres, qui tot miracula conscripserunt, ex fabuloso sæculo fabulosi, aut impostores sunt? Itane omnes Episcopi, Sacerdotes, historici & scriptores, à quibus res mirificæ gestas Sanctorum accepimus, fallaces ac mendaces sunt auctores? Itane Concilia, & tota Ecclesia, quæ tot Sanctorum miracula in eorundem apothecis, & cultu comprobavit, tuo, tuorumque judicio falsa pro veris obtruserunt? Tuis scriptis credi vis, & tot Patrum & Sanctorum scriptorum judicijs credi non vis. Et qui sunt, quos in hanc rem citas auctores? Marnarius videlicet, Helmichius, Rivetus, Thomifonus, rabulæ hæreticorum, aut fuitiles Scriptores.

Advocas è Catholicis Patronum Melchiorem Canum, qui Lib. II. c. 6. censeat: Multò severius à Laertio scriptas esse vitas Philosophorum, quàm à Christianis vitas Sanctorum: deinde improbari ab ipso Speculum exemplorum, & historiam, quæ Legenda inscribitur aurea; in quibus plura monstra miraculorum, quàm vera miracula legantur: ejusmodi plures esse libros, qui ne populari quidem trutinâ scripti sint.

R. Quod

¶ Quod id Canus cenſeat, parum nos movet, & parum te juvat; quando Catholici ipſi non omnia probant quæ in ejusmodi libris ſcribuntur: ſed quæ à SS. Patribus ſuprà relatis, quæ ab antiquis, & probatis ſcriptori- bus conſignata ſunt, uti hæc ex hiſtoria Eccleſiaſtica & communi fide- lium judicio approbata leguntur, aut quæ Eccleſiæ judicio aſſerta ſunt. Nam ſi horum fides in perſcriptis *Miraculis* admitti non debet, etiam tota hiſtoria Eccleſiaſtica aboleri poterit: cum omnia eadem fide ſcri- bantur. Fide hiſtoricâ credimus fuiſſe Pompeium, Cæſarem, Octavi- um Auguſtum, Tiberium, Claudium, Neronein, Trajanum; cur non à Chriſtianis hiſtoricis res geſtas Chriſtianorum, inter quæ eas Miracula Sanctorum? Cur hiſtorici in uno fallant, & in alio non fallant, à quibus omnia eadem fide poſſidemus? Et quid tua Oſtenſio hiſtorica facit, ſi hiſtoricis fides abroganda?

Quòd verò Melchior Canus fidem abroget Gregorio M. Bedæ, alijs quæ fide dignis hiſtoricis, heteroclitum ſuum judicium oſtendit. Cur enim plus Cano hæc neganti, quàm magnis illis viris aſſirmantibus credam?

Demum ad domeſtica nos provocas, & quæris, cur in Eccleſia Moguntina, Coloniënſi, Paderbornenſi ejusmodi miracula facta non ſint, nec modò fiant? Tune in Eccleſia Dei Superintendens & Epiſco- pus eſſe vis? & non legiſti in Eccleſiâ Tungrenſi, Trajectinâ, Ultra- jectinâ, Moguntinâ, Trevirenſi, Coloniënſi, Monafterienſi, Paderbor- nenſi, alijs quæ ſanctorum Epiſcoporum res geſtas tot miraculis illuſtres? Integro volumine mihi opus eſſet ad ea enarranda, quæ paſſim ex ſanctis ſingularum Eccleſiarum, ex hiſtoriæ Scriptoribus, ex Surio, & actis Bo- landi, alijs quæ monumentis pervulgata ſunt. At nulla, inquis, apud Pa- derbornenſes miracula unquam memorantur: Quafi verò in omni lo- co miracula patrari necceſſe ſit, aut omnia, quæ patrata ſunt, ad nos ſcri- ptis aliorum pervenerint. Interim ſi Paderbornenſis Eccleſia miracu- la requiris, lege vitam B. Sturmionis, quem Paderborna inter Apoſtoli- cos Viros à Carolo M. introductos recenſet, & apud nos Eresburgi fa- tali morbo correptus, Fuldam delatus eſt: de eo enim auctor apud Bro- werum in Sideribus Illuſtribus: *Sacra etiam virtutes per divina ſancti Spiritus Charismata fiebant ab eo quàm plurima.* Lege præterea vitam D. Meinulphi, & Meinwerchi, habes ante oculos tuos non procul Biſfel-

R

dia

dia celebre Widekindi Saxonum Ducis monumentum, in eo hos versus legis, Majorum testimonio inscriptos :

*Omnis mundatur, hunc regem qui veneratur:  
Egros hic morbis, cæli Rex salvat & orbis.*

Ne quid hîc dicam de miraculis, quæ apud vos, & passim per Westfaliam à D. Swiberto & Ludgero, duobus illis Thaumaturgis patrata sunt. Lege Translationem S. Viti, & S. Liborij ex Gallia ad nos, & quæ inde ad utriusque venerationem calitus patrata sunt; quotistic miracula reperies! Liborij cælestem opem, quot in hunc diem experti, qui calculo laborant! Sensere & vindicem manum, qui Ossa ejus turbare sunt ausi. Quos inter Dux vobis notus, qui amisso brachio, dicere auditis: Si Divi ac Senis hujus Ossa reliquisset in quiete, brachium mihi integrum mansisset. Adeò & *inimici nostri sunt judices*. Lege vitam D. Livorij à Bolando recens editam, & illustratam. Adeone rudis, & hospes es, ut elementa patriæ historix tibi primum tradenda sint? Sed hospes es, quia Danus, & ex Aquilone, (unde omne malum Prophetæ denuntiant) hærefes tuas nobis hîc spargis.

Transis postremum ad nostra tempora, ac dicis modò nulla amplius miracula fieri, & quæ ab B. Antonio de Padua, & Francisco Xaverio, novis illis Thaumaturgis patrata memorantur, prorsus nullâ fide digna esse. Itâne tu qui Bilfeldiæ in angulo Teutonicorum montium sedes inter textores & mulierculas, omnem Europam perlustras, ut de horum Divorum miraculis aliorumque Sanctorum nobis judicium feras? Quæ ex omnibus Europæ regnis tot hominum & Magistratuum testimonij, tot Scriptorum libris, tantâ orbis confessione & consensione memorantur? Lege quid Apostolica Sedes de utriusque Sancti miraculis in diplomate Canonizationis testetur. Quicquid humanâ industriâ & prudentiâ fieri potest, id in Apotheosi Sanctorum, & miraculis eorum explorandis, verane an falsa sint, adhibetur: ideo Xaverij miracula Proregis Indiæ, & tot testium auctoritate confirmata fuerunt, præter ea quæ in Italia, Hispania, Gallia & Germania, hodie dum ejus Divi patrocinio patrantur, & si hujus etiam anni miracula expectis, roga Centurionem Principis nostri Warburgensem Geismar, quid cælesti beneficio D. Antonij de Padua Colonix impetrarit, ipse tibi testimonia manifesti miraculi

raculi describet. Xaverij præterea miraculis fidem omnem abrogas, cò quòd ex remotis Indiarum regnis scribantur, de quibus tamen ipse S. Xaverius in omnibus suis Epistolis nullam mentionem faciat. Dignum profectò Prædicantis cerebro argumentum, quod helleboro magis quam responso indiget. Quis enim Sanctorum aliquando suamet miracula conscripsit? tot Sanctos legis miraculis illustres; ex his Gregorium Thaumaturgum, Nicolaum, Antonium, Martinum, Malachiam, Bernardum, Ludgerum aliosque innumeros: quis ex his sua ipsius miracula vulgavit? alia fuit Sanctorum modestia & humilitas, quibus unicum studium fuit sua occultare. Video equidem, si vobis Prædicantibus concessum esset, vel unum diabolum ex obsessi corpore eijcere, vel unum claudum equum sanare, continuò tota Germania vestris miraculis personaret.

Objicit IV. *Miracula* non jam amplius necessaria sunt in Ecclesia, ergo frustra inter Notas Ecclesiæ ponuntur. Probat antecedens ex D. Gregorio Hom. 29. in Evang. *Signa*, inquit ille, *de quibus Marci c. 16. Christus, necessaria fuerunt in exordio Ecclesiæ, ut enim fides cresceret, miraculis fuit enutrienda: quia & nos cum arborista plantamus, tam diu eis aquam affundimus, quousque ea jam in terra convaluisse videamus; at si semel radicem fixerint, rigatio cessabit. Hinc est quod Paulus dicit: Lingua in signum sunt, non fidelibus, sed infidelibus.* Confirmat ex pseudo-Carolinis libris, à quibus hoc testimonium Gregorij M. adversus miracula adducitur.

R. Etsi *Miracula* modò necessaria non sint, ubi vera Christi fides plantata & roborata est, si tamen fiant in Ecclesia per ordinarium ejus donum à Christo promissum, Joan. 14. evidens atque efficax sunt signum veræ fidei: sicut Prophetiæ donum, etsi necessarium non sit amplius Ecclesiæ; id tamen quia soli Ecclesiæ Catholici proprium est, de quo Bellarm. hic cap. 15. ipsique communicatum, qui sanctitate vitæ clauerunt, signum est veræ fidei. Dicis: *Miracula*, fatente Bellarmino, non sunt necessaria ad existentiam Ecclesiæ, ergo non sunt inseparabilis Ecclesiæ Nota. R. negando sequelam: nimirum ridere & ratiocinari non est semper necessarium ad existentiam hominis, ergo non est ejus nota & proprietas, prorsus non sequitur.

Imò Maldonatus in c. 7. Matth. inquit: Cum totus orbis terrarum



vi *Miraculorum* pertractus sit ad Christi fidem, quod qui negant, ut disputat S. Augustinus adversus Gentiles, majus, miracula tollendo, miraculum faciunt. Incredibilis enim est miraculum, totum videlicet orbem terrarum, & in eo tot philosophos, & sapientes viros paucis Apostolis & Apostolicis viris sine ullis miraculis credidisse, quam eam miracula, quæ per ipsos facta narrantur. Quare & Deus in conversione gentium, Apostolicis viris tanto miraculorum dono adstetit. Qualia leges in Apostolicis viris per quos Germania, Belgium, Frisia, & Saxonia ad Christi fidem perducta est. Quæ miracula vel ideo vos reprobatis, quod ijs admissis etiam doctrinam eorum Apostolicorum virorum, à quâ per Lutheri hæresin recessistis, probare necesse esset; itaque tam falsò hic præstruitis, quam perfidè creditis.

Sed nunc ad id, quod in hac tota quæstione præcipuum est, redeamus, & in vos ipsos reflectamus. *Donum enim Miraculorum*, & miracula ut supra assertum est, non ob aliud magis sunt à Deo data, quam ad extraordinariam missionem, & novam doctrinam mundo testificandam: Ita Moyses cum extraordinariè missus, novam legem & doctrinam Hebræo populo ferret, miraculis illustratus. Exod. 4. *Non credent, inquit, mihi, neque audient vocem meam*; hinc Deus illi virtutem *Miraculorum* largitus, ut capite illo pluribus exponitur: Idem est de alijs Prophetis extraordinariè missis ad reformandum populum. Similiter Christus & Apostoli, cum abrogatâ lege veteri, novum Evangelium mundo promulgarent, tot *Miraculis* doctrinam suam testatam fecerunt. Jam verò cum Lutherus novam suam doctrinam, quam Lutherani per mille annos in Ecclesia perijisse fatentur, proferret, eamque à nullo Pontifice, à nullo Archiepiscopo, aut Episcopo ordinariè missus promulgaret; & tot fidei dogmata Lutherus in Ecclesia Catholica nec credita unquam à Catholicis, nec audita introduceret, contradicentibus omnibus ubique Episcopis & doctoribus: quo miraculo unquam aut ipse, aut ejus ministri missionem suam extraordinariam novique sui Evangelij doctrinam testatam fecerunt? Tentavit quidem Lutherus dæmonem ex obsessæ puellæ corpore eicere; tentavit & Nisenum juvenem in Albi submersum revocare in vitam: perinde ut Calvinus, eum qui se mortuum simularet, conductus ad hoc ut falsò miraculo ab eo resuscitaretur; sed quo eventu tam ipse, quam Lutherus miracula patrârunt,



tint, pervulgata est scena. Risit hæc ipse Erasinus, quem toties nobis opponit Nisanius, in Diatribe de libero arbitrio. *Apostolis, inquit, quoniam excutiebant viperas, sanabant egrotos, excitabant mortuos, ita idem creditum est, & vix creditum est illis paradoxa docentibus: nunc, cum juxta communem opinionem adferant paradoxa, nullus illorum adhuc extitit, qui velequum claudum sanare potuerit.* Et quod hic aliud judicium expectes, quam SS. Patrum? Irenæus lib. 2. c. 36. *Hæretici neque cæcis dare possunt visum, neque surdis auditum, neque demones effugare, præter eos qui ab ipsis immittuntur.* Itaprofus Tertullianus de præscis hæreticis: *Maximam eorum virtutem agnosco, quæ Apostolos in peruersum emulantur: illi de mortuis suscitabant, isti de vivis mortuos faciunt.* Imò Augustinus lib. 13. contra Faustum Manichæum, c. 5. *Miracula non facitis, quæ si faceretis, etiam ipsa in vobis caveremus per instruentem nos Dominum, & dicentem: Exurgent multi pseudo-Prophete, & facient signa & prodigia.* Sed non nisi ficta & falsa.

## C A P V T X V I I I.

### Nota IX. Vocatio et conversio Gentium ad Ecclesiam.

**H**Ac Nota & proprietate Catholicæ Ecclesiæ propius ad Carolum M. accedemus, quem scriptores etiam veteres quidam Apostolum Saxoniarum dixerunt. Sanè quod Saxonia primum à Gentilium superstitione, & inani deorum cultu ad veri Numinis cognitionem atque ad Catholicam Ecclesiam traducta sit, post Deum Divosque haud alij magis, quam Carolo M. Regum & Imperatorum sapientissimo & religiosissimo deberi agnoscunt, non modò historici, & scriptores, sed majores etiam nostri omnes grato in Carolum recolunt animo. Felix sanè tempus atque aureum sæculum, de quo cum S. Petro dixeris, epist. 1. c. 1. *Benedictus Deus, qui secundum misericordiam suam magnam regeneravit nos in spem vivam:* Et c. 2. *Qui de tenebris nos vo-*

*cavit in admirabile lumen suum.* Lumen scilicet, quod ad *revelationem gentium* promissum erat Christo Hæc deinde Gentium vocatio & conversio signum est novæ ac veræ Ecclesiæ Christi, quâ non solum à Synagoga, sed & ab omni etiam hæreticorum congregatione discernetur.

Illa enim est vera Christi Ecclesia, ad quam à tempore Christi & Apostolorum per Apostolicos viros facta est toto orbe Gentium *Conversio*;

Atqui hæc facta est ad Catholicam Ecclesiam:

Ergo illa est vera Christi Ecclesia.

Major Propositio ex Scripturis clarissima est: Genesis 49. de Messia & Christo: *Ipse erit expectatio Gentium.* Isaia cap. 54. v. 3. *Sementium Gentes hæreditabit.* Et c. 11. v. 10. *Ipsam Gentes deprecabuntur.* Rursum c. 60. v. 11. *Aperientur portæ tuæ jugiter, die ac nocte non claudentur: ut afferatur adiefortitudo Gentium.* Cap. 66. v. 20. *Adducent omnes fratres vestros de cunctis Gentibus donum Domino.* Hæc una omnium Prophetarum vox, uti vel Paulus Apostolus ad Roman. c. 15. adductis eorum testimonijs confirmat: Matth. 8. v. 11. *Multi ab Oriente, & Occidente venient.* Cap. 24. v. 14. *Prædicabitur hoc Evangelium regni in universo orbe, in testimonium omnibus Gentibus.* Actor. 13. v. 46. *Vobis oportebat primum loqui verbum Dei: sed quoniam repellitis illud, & indignos vos iudicatis æternæ vitæ, ecce convertimur ad Gentes.* Matth. 28. v. 19. *Euntes ergo docete omnes Gentes.*

Minor haud minus evidens: quando per Apostolos, per Christi & Apostolorum discipulos, per Apostolicos exinde viros, Evangelium toto orbe disseminatum, ut ob id Ecclesia Christi Catholica sit dicta, quod per omnes orbis gentes diffunderetur, ut suprà Patrum testimonijs relatum est, etiam inter sævissimas Tyrannorum persecuciones. Postquam verò Constantino M. publica per imperium Romanum Christianæ Religionis libertas data est, ab anno Christi 300. plenum, ut suprà diximus, hunc *Conversionis Gentium* consecuta est statum Ecclesia Catholica. Inde per singula sæcula ad nostram usque ætatem, aliæ atq; aliæ Gentilium novarumque provinciarum ac regnorum ad Christi fidem conversio. Nihil hic de Treviri, Tungris, Coloniâ & Moguntia attinet dicere, quæ per Apostolorum discipulos ad Christi fidem converti

verti ceperunt, ut vel inde ab Irenæo & Tertulliano memorentur Ecclesiæ in Germania. Satis hic esse poterat pro conversione Gentium, ad historiam Ecclesiasticam in genere vel in specie ad omnium Provinciarum & regnorum monumenta, & fastos appellare: Verum quia Nifanivius ausus est pro Lutherana sua Ecclesia, ad singula sæcula provocare, tanquam per Apostolicos viros Germania ad doctrinam suæ Lutheranae Ecclesiæ conversa sit, (quoniam nihil impudentius moveri poterat) necesse habui paucis per singula ire.

Ordiamur igitur à V. sæculo: Gallia licet ab Apostolorum ævo ad Christi religionem perducta sit; pòst tamen superato Rheno à Francis barbaris occupata, primusque Francorum Rex Clodovæus à S. Vedasto Atrebatensium, ac deinde à S. Remigio Rheimensi Episcopo anno Christi 499. baptizatus, simulque Chrismate inunctus est, accessere mox tria Francorum millia ad baptismum, post quæ tota gens Francorum fidem suscepit. Belgium quod & Constantino M. jam magnam partem Christi religionem susceperat, ut ex Bucherij Belgio Romano aliisque scriptoribus constat, inde sensim totum Christo partum. Quam Sancti in eo labore Episcopi D. Servatius, Eligius, Audoënus, Amandus, Audomarus, Lambertus, Remaclus, Hubertus, aliique in omnibus Episcoporum sedibus Antistites? Sub id tempus Scotia & Hibernia per Palladium & Patricium Episcopos à Cælestino Papa missos, Evangelium recepit, introductique Monachi, e quorum numero Pelagius dissolutus Monachus, hæresis post auctor fuit.

VI. Sæculo, Bavari & Heruli in Germania, & Visigothæ in Hispania ad Ecclesiam aggregati. Bojos, Pelagio Papâ, Rupertus primus Salisburgensis Episcopus ad Christum adduxit. Inde Bojorum ille Apostolus, post illum ingressus S. Emmeranus Ratisbonensium Episcopus aliique Apostolici viri.

Anglia licet jam ante sub Eleutherio XII. post S. Petrum Pontifice, Christi fidem susceperat, ut Gildas retulit, sub annum tamen 596. missus Augustinus Abbas cum alijs Sacerdotibus à Gregorio M. Britanniam integrè Christo adjunxit. Horum discipulorum operâ Saxones postea nostri Transmarini ad Christi fidem attracti, haud secus quam antea Franci, utraque gens ab origine ex nostris hisce regionibus. Sub id tempus S. Columbanus Abbas ex Hibernia cum 12. socijs in Gallias & Burgun-

Burgundiam digressus, demum aliquamdiu apud Moguntiam versatus, Suevorum partem, quibus tum Hassi continebantur, ab idolorum cultu ad Christum convertit, innumeris miraculis clarus. *Baronius ad annum Christi 612.*

VII. Sæculo, Alemanni fidem Christi susceperunt, Franci cum-primis Orientales, D. Kiliani Hiberni Monachi operâ, quem Cono Pontifex primùm Herbipolensem Episcopum creavit, Martyrio deinde doctrinam obsignavit. Post illum D. Corbinianus Romam profectus ad Gregorium II. Pontificem, ab eoque remissus in Germaniam, primus Frisingensem Episcopus nominatus. Sed multo id felicius sæculum fuit Frisiæ & Hollandiæ, primæq; Saxonie nostræ, quando sub annum 690. ex Anglia appulere D. Willibrordus & Suibertus, ac duodecim illi Apostolici viri. Omnes hi ex Saxonum & Anglorum gente olim ex his provinciis egressi, & S. Egberto auctore in Germaniam profecti, Ultrajectum venêre, exceptique honorificè à Pipino Heristallo Majore domus Franciæ, Caroli M. proavo, Willibrordus subinde Romam profectus à Sergio Pontifice Episcopus ordinatur. Swibertus in Angliam regressus, inde Episcopus consecratus redijt. Horum doctrinâ & labore Frisia, vicinæque regiones Christi fidem edoctæ, quos inter duo Ewaldi Sacerdotes & Martyres in Westphalia. Subsecutus hos Bonifacius ex Anglia, magnus ille Germaniæ Apostolus, primò XIII. annis Frisum excoluit. Inde in Germaniam transgressus, ac tertio Romam profectus, secundâ profectioe Romæ à Gregorio II. Pontifice Episcopus consecratus. Admiranda sunt, quæ docuit, scripsit, ordinavit & gessit, tam in formanda disciplina Cleri, & populi; quàm in barbararum *Gentium conversione*, è quibus tot myriades ut Serrarius scribit, baptismo abluit. Præter Episcopatus in Bavaria ordinatos, tres ab eo novi Episcopatus instituti, Herbipoli, Erfurti & Buriaburgi: Nimirum per Franconiam, Thuringiam & Hassiam, quas provincias subversis idolis ad Christi fidem integrè adduxit; Præter Fuldense cænobium, multa alii Monachorum & Monialium ab eo condita. Demum ob merita Archiepiscopus Moguntinus abdicato munere ad Frisiam redijt, & martyrio vitam & labores gloriosè clausit; solitus quotidie ferè sacrificium Missæ offerre, quod & in vita D. Willchadi, Ludgeri, Ansharij, aliorumque Episcoporum legitur. Incredibile quantum eo Episcopo & Apostolo Germaniæ.

Christi



Christi religio effloresceret, ope cum primis Caroli Martelli, Pipini regis & Carolomanni fratris, quos Carolus M. avum, patrem & patrurum habuit. Pleraque per Monachorum subsidia, quos ad *conversionem Gentium* vocavit, peragere solitus. Bonifacium subsecutus Wulframnus Episcopus, novus Frisiz Apostolus, clarus miraculo, dum in navi Missam celebraret, & patena calicis in mare deflueret, quæ vi divinâ è fundo reddita, haud secus, quàm securis in Jordanem prolapsa Elisæi precibus è fundo est reddita, 4. Reg. 6. Longum esset percensere omnes Apostolicos viros, quos ætas illa famâ sanctitatis & miraculorum gloriâ illustres tulit, D. Willibrordum cum primis, ac Suibertum, Principes illos in munere Apostolico viros. Plena est historia Ecclesiastica, pleni libri de rebus Sanctorum gestis.

Successit VIII. sæculum Carolo M. Rege Francorum & Imperatore longè felicissimum nobis, quo Saxonia demum post tringentarium annorum bella, effusumque multorum sacerdotum sanguinem, in Widedindi persecutione, à Carolo M. est subacta, subversa idola, clausa deorum fana, proscriptus tot legibus idolorum cultus, tot millia Paganorum, & barbarorum fonte baptismatis abluta, tot Sacerdotes & Monachi introducti, Saxoniaque in decem Episcopatus divisa, totidemque impositi Episcopi & Sacerdotum Præsides. Wiho Osnabrugi, Willehadus Bremæ, Hildegimus frater D. Ludgeri Halberstadij, Burchardus, & post eum Hathumarus Paderbornæ, Herimbertus Mindæ, Suibertus Verdæ, Ludgerus Monasterij, Guntherus Hildesij, Heridagus Hamburgi, Albertus Schyræ, omnes viri selecti à Carolo, ob doctrinam & vitæ sanctimoniam, clarique apud posteros, præter tot Pastores, Sacerdotes, Clericos, & Monachos, qui in hanc vineam primùm à Deo vocati operarii Episcoporum, horum labore & sudore tota Saxonia intra Rhenum, Visurgim, & Albim vivo adhuc Carolo ad Christi fidem perducta est, ultrâque Albim per Holsatiam, & Transalbinam Saxoniam ad fines Daniæ prolata. At non aliam Carolus Religionem introduxit, quàm à Majoribus acceperat, non aliam docuere Episcopi, & Sacerdotes, quàm vel in Anglia, vel in Francia, vel Germania cum lacte materno hauserant, vel in Clero & Monasterijs didicerant, uti per Apostolicam Episcoporum successionem ad eos devenerat.

IX. Sæculo, Dania, & Suecia à cultu idolorum ad Christum tra-

S

duci

ducī cœpit, Ludovico Pio Imperatore, idque Ebbonis Archiepiscopi Rhemenſis operâ cœptum, qui illuc conſilio Imperatoris, & Romani Pontificis auctoritate miſſus. Tum verò Heroldus Rex cum conjuge Moguntiz baptizatus. Ebbonem conſecutus D. Anſcharius Corbejenſis Monachus, & poſt à Gregorio quarto primus Brementium & Aquilonarium regionum Archiepiſcopus conſecratus. Poſt eum cæteri Brementes Epicoſci, & multi Apoſtolici viri in ea *Gentium converſione* defudarunt. Fatentur Centuriatores, & cum his Niſanias, cœnobium Corbejenſe fuiſſe ſeminarium Epicoſporum, & per eos, Monachosque ejus loci tot Slavonum, & Danorum, & Nortmannorum populos ad fidem Chriſti perductos. Sub id tempus Bohemi, Moravi, Bulgari Nicolao Pontifice converſi: Eo extant Nicolai Pontificis decreta ad Bulgaros. Submiſſi à Pontifice Paulus & Formoſus Epicoſci, viri ſanctitate clari, cum Apoſtolicis viris. Expetiti per eundem Regem Bulgarorum Michaëlem à Ludovico Germaniz Rege Epicoſci: ut in Annalibus Francorum leges, ad annum Chriſti DCCCLXVII. eoque deſtinatus Ermenricus Epicoſcus cum Presbyteris & Diaconis. Quantus inter hos S. Methodius Moravorum Epicoſcus!

X. Sæculo, Norwegiz Reges ad Chriſtum acceſſere, ſimulque Zelandiz, & Scandiz populi, adhuc Poloni & vaſtiſſimæ Slavorum regiones Chriſti ſacris initiatæ ſunt, ut te Polonorum ſcriptores docent.

XI. Sæculo, Vngari cum Rege ſuo Chriſti legem amplexi, cœpitque mirifice florere regnum illud D. Stephano eorum Rege, qui Pontifici coronam, & regnum obtulit. Conſpicuus tum miraculis D. Gerhardus Epicoſcus Vngarorum Apoſtolus. Per id tempus Vinidiz Slavorum gens, varique ex Boruſſia populi ad Eccleſiam Chriſti aggregati. Clarus poſt hæc tempora S. Adelbertus Pragenſis Epicoſcus, multa ob duritiam gentis paſſus, ejeſtusque Vngaros docuit, poſt reſoſitus Pontificis auctoritate, demum in Pruſſiam proſectus, in Apoſtolico munere vitam martyrio clauſit.

XII. Sæculo, Pomerani ad fidem converſi, per Ottonem Bambergenſem Epicoſcum, qui poſt à Calixto II. Pontifice Pomeranorum Apoſtolus conſtitutus, jam ante à Boleslao Polonorum Duce invitatus, & priuſquam diſcederet XV. Monaſteria crexit, Epicoſcus multis miraculis clarus. Eo ſimul ſæculo Livonia per Meinhardum Sigebergenſem

Cano-

Canonicum, & à Bremenſibus mercatoribus adductum, ad Chriſtum converſa, adjutorem habuit Bertholdum Abbatem Lubecenſem, qui & primi eorum populorum Epifcopi consecrati. Accessit ordo Teutonicus è clariffima Germaniæ & Weſtſaliæ nobilitate in ſubſidium, totamque illam gentem togâ ſagoque ad Chriſtum adduxit, interque hos Bernardus Comes Lippienſis ex militiâ Præſecto Monachus in Mariæ-campo, quod cœnobium Ciſtertienſium apud Monaſterienſes celebre eſt: Nec multo poſt Zelo convertendarum gentium in Livoniam proſectus Selonenſium Epifcopus consecratur. *Mirares*, inquit Albertus Stadenſis Abbas in Chronico ſuo: *Otto Trajeſtenſis Epifcopus Bernhardum patrem ſuum in Epifcopum consecravit in Aldenſeel, & poſtea pater cum eodem filio Gerhardum alium filium ſuum in Bremenſem Epifcopum consecravit.*

XIII. Sæculo, Jazigæ, cæterique Boruſſiæ populi ad Chriſtianam fidem perducti: ut nihil interim memorem, quæ in hac Aquilonarium gentium converſione Ottones Magni, S. Henricus, aliique Cæſares, Reges, & Principes glorioſis ſuis bellis præſtiterunt; ut colla barbarorum Chriſti jugo ſubmitterent, & Chriſti Evangelium per extremas Germaniæ regiones proferrent. Vti hæc ex hiſtoria Eccleſiaſtica Baronij & ſingularum gentium Annalibus, ex Helmoldo Presbytero, Arnoldo Lubecenſi, Diſthmaro, aliſque Septentrionalium regionum ſcriptoribus, actis Sanctorum, & innumeris auctorum libris aſſerta ſunt. Sub id tempus magna Tartarorum pars edocta Chriſti religionem ſuſcepit, ac ſextus eorum Rex Catholicus viſus, eaque vinca per diverſi Ordinis Monachos excoli cæpit. Quâ ſuper re Paulus Venetus, Raymundus & Rainaldus in hiſt. Eccleſiaſt.

XIV. Sæculo, Lituani, & Samogetiæ populi, cum Jagellone eorum Duce fidem Chriſti amplexi; eo quoque ſæculo inſulæ Canariæ, & multi Africani littoris populi ad Chriſti ſacra acceſſere. Eodem ſæculo S. Vincentius Ferrerius Ordinis Prædicatorum convertit ad fidem Catholicam ſuprà viginti quinque millia partim Judæorum, partim Sacerdotum, ut teſtatur D. Antoninus, ejus ætatis ſcriptor, 3. p. hiſtor. Tit. 23. cap. 8.

XV. Sæculo, multa regna ad Auſtrum, atque ampliſſimæ Africae regiones Bentonini, Guineæ, & Angolæ, Manicongi, Cephalæ, Ter-

tieræ, unà cum Congenſi regno, ad Chriſti regnum acceſſere, tanquam Evangelium ſenſim ex Germania ob vitia & ſcelera, quæ per per id tempus irrepſerant, in adverſas orbis regiones migraret. Interim nunquam vocatio, & *converſio gentium* deſijt in Eccleſia Catholica. Quemadmodum ab Iſaia Propheta denuntiatur c. 49. *Hæc dicit Dominus Deus: Ecce le vabo ad Gentes manum meam, & ad populos exaltabo ſignum meum. Et afferent filios tuos in ulnis, & filias tuas ſuper humeros portabunt.* Et rurſum c. 43. *Ab Oriente adducam ſemen tuum, & ab Occidente congregabo te: Dicam Aquiloni: da; & Auſtro: noli prohibere: affer filios meos de longinquo, & filias meas ab extremis terræ.* Plinius c. 60. de Chriſti Eccleſia: *Aperientur portæ tuæ jugiter: die ac nocte non claudentur, ut afferatur ad te fortitudo gentium, & Reges earum adducantur.* Et quæ in hanc rem Prophetæ & Apoſtoli tam maniſeſtè ſcripſerunt. Non ceſſabit illa vocatio & converſio, donec *gentium plenitudo* intret; Imò *predicabitur hoc Evangelium regni in univerſo orbe in teſtimonium omnibus gentibus, & tunc veniet conſummatio.* Matth. 24. Hæc autem omnes gentes ad Romano-Catholicam religionem eſſe converſas, teſtantur Episcopii, Sacerdotes, Monachi, altaria, ſacrificium Miſſæ, Sacramentorum adminiſtratio, templa, vaſa ſacrorum, veſtes ſacriticæ, Collegia Clericorum, Cœnobîa, Monachorum inſtituta, cultus Sanctorum, oratio pro defunctis, obedientia erga Pontificem, cæteraque omnia, quæ Catholica Religionis ſunt propria; ad eum proſuſ in modum, quo hodie dum à Catholicis obſervantur. Vt inſanus ſit cum Niſanio, qui ex his Apoſtolicis viris & populis, Lutheranum aliquem ante Lutherum, nobis obtrudere velit.

Sæculo demum XVI. cum Lutherus in Saxonia, & Germania per inauditas hæreſes religionem, & hæc omnia primùm turbaret, utraque India Chriſti legem amplexa eſt, oſtiumque Evangelij apertum eſt magnum. Quin auſus eſt ſcribere Thomas Bozius lib. 4. c. 8. de ſignis Eccleſ. plures hoc ſæculo nationes acceſſiſſe ad Chriſti Eccleſiam, ac brevi plures homines Chriſto ex Gentibus partos, quàm Lutherus unquam, aut Calvinus, aliique ab Eccleſia abſtraxerint: id ut ille exponat, apud eum, ac cæteros reperies. Ita verò cum una natio ſe indignam facit regno Dei, transfertur Evangelium ad alias nationes, quæ fructus faciant dignos vocatione ſua. Quantum videlicet Rhenus & magna flumina ab  
una



una ripa abradunt, tantum alteri adijciunt. Idcirco observatum à scriptoribus, cum Orientale Imperium per schismata & multiplices hæreses deficeret ab Ecclesia, Occidentale Imperium sub Francorum Regibus, & Caroli M. progenitoribus, cum primisque ipso Carolo M. Rege, ac Imperatore tantum acquisivit in Occidente, quantum in Orientali Imperio subtractum est. Rursus cum in Occidentali Imperio per Saxoniam & Aquilonares regiones, Germaniamque fides Catholica abijceretur per Lutheri hæreses, Christiana quoque religio ex orbe nostro ad *insulas longe*, ut inquit Isaias c. 66. atque ad ultimas terras Deo vindice demigravit.

His de vocatione & conversione Gentium, & procursu, Evangelij positis: Quæstio inter nos est, an unquam hæ Gentes ab idolorum cultu, ad veram Christi Ecclesiam per sinceram Apostolorum doctrinam conversæ sint, ac modò in utraque India per Apostolicos viros, & tot Martyres convertantur? Lutherani, cæterique hæretici, qui à tempore Gregorij M. Antichristi regnum introducunt, atque inde Ecclesiam defecisse docent, consequenter dicere necesse habent, nunquam Evangelium Christi omnibus illis Gentibus, & nationibus sincerè atque integrè traditum esse; &, ut Nifanius loquitur, non nisi per *fermentum, lutum, scoriam, faces, ac sordes humanarum traditionum*, donec postremum Lutherus defertor, ac profugus cum Moniali Monachus, Evangelicæ doctrinæ restitutor, restaurator, & repurgator, uti Nifanius inquit, à Deo submissus accederet. O sæculi nostri dementiam! Itane passus est Deus tot gentes vocari, & eludi, atque à tenebris ad tenebras, à superstitione ad superstitionem, ab idolorum cultu, ad aliam idololatriam, à regno diaboli, ad regnum Antichristi traduci? Itane omnes Apostolici viri, omnes ad Lutherum Episcopi, in tot gentium sedibus, omnes illi pro Evangelio suo Martyres, omnes Sacerdotes & Religiosi, omnes inde Cæsares, Reges, Principes, Nobiles, Populi, ac Majores nostri, sine vera Evangelij luce vixere, & vitam in damnationum erroribus clausere? Non hic rationibus pugnabo, ubi rationem hæresis, judicium cæcitas, veritatem corruptor stylus, & sensus reprobos occupavit. Tantum id dico, quod Vincentius Lerinensis ævo S. Augustini in hanc rem à Patrum numero scripsit, c. 33. *Si illa recipiantur, quæ vos hæretici dicitis, necesse est, ut fides beatorum Patrum, aut tota, aut magna ex parte violetur.*

violetur. Necesse quoque est, ut omnes omnium aetatum fideles, omnes Sancti, omnes Virgines, omnes Episcopi, & Sacerdotes, tanta Confessorum millia, tanti Martyrum exercitus, tanta populorum celebritas & multitudo, totius postremo jam penè terrarum orbis per Catholicam fidem Christi capiti incorporatus, tanto seculorum tractu ignorasse, errasse, blasphemasse, nescisse quid crederent, pronuncietur.

Contrà, Catholicis iusta est causa rogandi Lutheranos, quas illi à Lutheri Evangelio promulgato Gentes ad Ecclesiã converterint: tot Catholicis representant Gentes, quarum singulis sæculis facta est aggregatio ad Ecclesiam suam, idque per Apostolicos viros, nempe per Episcopos, Sacerdotes & Monachos, quemadmodum in hodiernum diem continuatur in utraque India: At per vestros Prædicantes Lutheranos, quæ unquam Gentes barbaræ ad Christum ullibi conversæ? Scio, jam dudum pro vobis respondit Tertullianus: *Hoc illis negotium non Ethnicis convertendi, sed nostros evertendi. Hanc magis gloriam captant, sistantibus ruinam, non si jacentibus elevationem operentur: Quoniam & ipsum opus eorum, non de suo proprio edificio venit, sed veritatis destructione. Nostri suffodiunt, ut sua ædificent.* Idem alibi: *Apostoli, & Apostolici viri domortuis vivos faciebant, isti de vivis mortuos faciunt: Ita Apostolos in perversum imitantur, qui se Apostolicos censeri volunt.*

## C A P V T      X I X.

*Prædicantur, et Nifanii calumnie adversus Carolum, et Apostolicos viros, per quos Saxonia ad Christi fidem traducta est.*

**R**Edeq ex priori capite de *Gentium conversione* ad Carolum M. ob hæreticorum obreftationes & calumnias. Primò carpunt bellum Caroli contra Saxones, quod Religionem Christianam, quæ libera esse debet suscipienti, armis inique imperatam dicant, cum Reinceccio in notis ad Poëtam Anonymum, idque Nifanius hortatu

hortatu Episcoporum factum criminatur. & Bellum ut justum sit, non modò ex legitima auctoritate, & rectâ intentione, sed & justâ causâ, iustoque modo geri debet. Nihil horum defuit Caroli bello. Causam, de qua hic agitur, justam exponit Eginardus in vita Caroli: *Bellum, inquit, Saxonicum quod intermissum videbatur, repetitum: suberant & causa, quæ quotidie pacem conturbare poterant, termini videlicet nostri, & illorum penè ubique in plano contigui, præter pauca loca, in quibus vel sylvæ majores, vel montium juga interjecta, utrorumque agros certo limite determinant, in quibus cades, & rapina, & incendia vicissim fieri non cessabant.* Viden', ut Carolus ob injurias Saxonum bellum intulerit, non primò, sed à majoribus captum continuavit ob pacem, & foedus toties violatum à perfida gente, uti Aimoinus, & Annales Francorum docent. Idè nihil magis incusant, quàm perfidiam Gentis & sævitiam.

Vtrumne verò Pagani, quales hi Saxones fuerunt, jure debellari possint eo ipso solùm, quod idolorum cultores sint? alij Theologorum asserunt, alij negant. Certum interim ob has causas Paganis justè bellum inferri. I. Si fidem Christi impendant, vel blasphemijs, vel persecutionibus: Cajetanus, Tabiena, Sylvester Covarruvias, Armilla, S. Thomas 2. 2. q. 10. art. 8. alijque. II. Si Christianorum subditos jam ad Christum conversos conentur avertere à Christiana Religione. III. Si Christianos offendant, aut subditos sibi metu, aut vi aut mendacijs à Christiana Religione suscipienda deterreant. IV. Si Christum verbis vel factis expresse, & directè per contumelias tractent. V. Si Apostolicos viros, & Doctores Evangelij, aut non ferant, aut persequantur: quia jus est Christianis ubique gentium prædicare Evangelium. Id jus ex Christi potestate datum est, transcenditque omnem humanam, & politicam potestatem, quemadmodum Christus dixit: *Data est mihi omnis potestas in celo, & in terra, cunctes ergò docete omnes gentes.* Matth 28. VI. Si res possit ad tuendos, & conservandos fideles, qui jam ad Christum sunt conversi, aut Baptismum receperunt.

Omnes hæ causæ, si Francorum Annales, & totam Caroli historiam legas, locum habent in bello Saxonico, à Carolo illato. Id vel ex eo confirmatur: si quis recolat ex vita D. Willehadi, quot Sacerdotes Christianos in Frisia, & Francico solo barbarum in modum trucidarint Saxones, quas sacras Christianorum ædes Daventriæ, & trans Mosam

extra

extra Saxonum fines funditus subverterint, quot cœtus Christianorum turbarint, injuriosè tractârint, mactârintque, uti ex vita D. Ludgeri c. 11. & 12. & vita D. Lebuini planum est. Quantâ deinde sævitâ per Hassiam grassati, cœnobîa, & templa Christianorum, & Monachorum infectis ignibus exusserint. Quantâ barbarie anno Christi 778. ferro, flammâque totum illum Rheni tractum à Cæsaris insula, usque ad Mosellæ, & Rheni confluentes evastârint; nulli ætati, vel sexui parcendo, exustum templum D. Suiberti, mactati cives, trucidati sacerdotes, constupratæ virgines Deo sacratæ, omnia sacra, profanæque pessundata, uti id Annal. Franc. & D. Ludgerus, epistolâ ad Rixfridum Episcopum, alijsque memorant. Quoties Rhenum transgressi spolijs & cædibus Francos, & Christianos in suo solo divexârint, longum hic esset referre, ut nemo justas belli causas, nisi qui omnem fidem historijs abrogat, considerare possit in Carolo.

II. Sed fidem Christianam, inquiunt, quæ libera esse debet, minis, legibus, & armis imperavit Saxonibus: vel, ut Nisanius, *magis armorum terrori, quàm puritati, aut efficacia fidei conversio Saxonum adscribenda*. Quantum tu hic censor, & cavillator, qui hæc scribis, quæ nullus ex priscis historicis ante te scribere est ausus. Res ita se habet: Carolus rebelles ad obsequium regni Francici, ex pactis toties violatis, per arma adduxit, non ad fidem coëgit. Tunc inspector cordium, ut hoc solus ex illa antiquitate nobis pandas, & fingas? Si tu vitam D. Swiberti, Willehadi, Ludgeri, Sturmionis, aliorumque Apostolicorum virorum legisses; intelligeres, quantum barbari Saxones nostri tribuerint eorum doctrinæ, sanctitati vitæ, & miraculis, quæ Deus per eos est operatus: & à vobis ridentur, qui in hoc supra barbaros impij estis. & II. Justo bello subactis Saxonibus, & passim liberè Christianam religionem suscipientibus, Carolus reliquos proscriptâ idololatriâ ad unius Dei verum cultum latè legibus adstringere potuit: quando idololatria est contra jus naturæ, & non ferenda, ob illatam Deo injuriâ: tribuit enim creaturis cultum & honorem, qui soli Deo debetur. Ne quid dicam de homicidijs, & immolatis, per impia Saxonum sacrificia, hominibus, cæterisque nefandis, contra legem naturalem, sceleribus. Hic Carolus Vindicem, hic Judicem & Assertorem honoris Dei se ferre potuit & debuit: quemadmodum nullus Rex aut Magistratus in sua Republica, idololatriam pati debet, cum

Non tam facile tollere potest. Quo in genere melior est causa Tur-  
corum, quam Paganorum, qui multos deos colunt.  
Quamvis illi in sanguine, & cruenta ista innocentum sacrificia, & in-  
humana supplicia, legesque eorum sacrilegas sustulit. Caterum  
quod in ista impia erant, accommodatisque ad Christianorum Fran-  
conum leges, Carolus & filius suis legibus uti permisit: uti id ex Saxo-  
nicis, & aliis Caroli præscriptis, ab Eginardo, & alijs satis assertum est.  
Quod autem in quibusdam hæreticis odium Pontificis, ut Genti-  
lis, & quædam Paganorum, ut vocant, ferre malint. Id virus à Luthero  
innotum, quod solus in Constitutionibus suis Art. 34. hujusmodi evomuit:  
*Idcirco, & Pontificis, & multo peiores, & truculentiores ipsi Turcis.*  
Idcirco, repulsi Lutheri, & solâ ad nobilitatem Germaniæ, quâ super re-  
dictum lib. 3. de hæc, c. vi.

III. Porro Nil minus in suis delirijs & calumnijs: Carolus M. non  
Papisticam, sed Christianam Ecclesiam sibi præfixit ampliandam; & quod  
consequens, non Pontificiam doctrinam, sed Christianam introduxit in  
Saxoniam. At quæ tum alia Ecclesia, aut doctrina in Occidentis Impe-  
rio, quàm Christiana, & Catholica? Ipse te refellis, dum ex Lib. 1. Cap.  
adducit illud Caroli M. *Primum omnium admonemus, ut fides Catholica ab*  
*Episcopis, & Presbyteris diligenter legatur omni populo.* Quæ alia Ec-  
clesia, in qua Episcopi, & Presbyteri, quàm Catholica, & Pontificia fuit?  
Quæ alia doctrina, aut fides, quàm Apostolica, & per successionem A-  
postolicam tradita? Somnia nobis fingis. Admittis, *Corbejense Cæno-*  
*bia, & Visurgium fuisse Seminarium Episcoporum, & per eos Episcopos, ac*  
*Monachos, Sacerdotes, Danorum, & Nortmannorum populos ad Christi*  
*fidem perducere.* Quæ quæ Episcoporum, & Monachorum istorum  
alia fides esse potuit, quàm Catholica & Pontificia? Inter hos Mona-  
chos Caroli ævo D. Sturmio Fuldenfis Abbas, cum suis Monachis ex  
Hassia evocatus à Carolo M. Eresburgi confedit, & Paderbornensem  
Dioecesin Christianæ fidei præceptis primum imbuit. Hunc tu no-  
bis cum omnibus Sacerdotibus, & Monachis, Lutheranum fuisse per-  
suadebis? Apage cum istis nugis. Dicis Westfalos, & Saxones ad eam  
fidem traductos, quæ in Scriptura Prophetica, & Apostolica fundata, &  
ab Orthodoxis Patribus proposita, & propugnata fuerat: sed hæc ipsa  
est Catholica, Romana, & Pontificia fides: ut suprà vel ex ipsa Caroli M.

T

confessio-

confessione fidei demonstratum est. *An à vobis verbum Dei processit aut in vos solos pervenit?* 1. Corinth. 14. v. 36. & nunquam ad Majores nostros ante Lutherum? Somnia hæc vestra sunt, & impostura.

I V. Dicis, Episcopos, & Presbyteros à Carolo M. introductos, non vi potestatis Pontificiæ, sed vi Evangelij convertisse Saxones. Hic tu denuò phantasmata tua nobis obtrudis. Quare non virtute utinamque conversio Saxonum facta? *Quomodo enim predicabunt, nisi mittantur?* Rom. 10. Certè Baronius ad annum Christi 690. fatetur, primos Sacerdotes, qui ex Anglia venèrè in Frisiam, ante Willibrordum & Suibertum non ideo fecisse expectatum fructum, quod Pontificis auctoritate præmuniti non erant: eam ubi D. Willibrordus Romæ pro se, & socijs impetravit, admirabilis omnium fructus consecutus est. Sanè D. Egbertus auctor horum Apostolicorum virorum, constituit prius hæc de causa Romam proficisci, sed postea à Deo revocatus ad disciplinam monasticam domi ordinandam, uti Beda hæc scripsit Lib. 3. & Marcelcellinus. Hinc Evangelium vestrum, quia legitimâ missione detritum fuit, non alios tulit fructus, quàm errorum, & vitorum, turbando simul Ecclesiam, & Republicam, sicut omnium hæresum Evangelium fecit. II. Evangelium illud, quod est *virtus omni credenti*, quodque primi Episcopi, & Apostolici viri in Saxonia docuerunt, vel fuit verum Evangelium, vel falsum. Si verum, quomodò tot erroribus simul, ut dicitis Papisticis, obnoxium fuit? quomodò tot sordes & faces, quomodò tantum superstitionis & idololatriæ simul invecum fuit? donec à Luthero, si dijs placet, repurgata est Ecclesia, purumque Evangelium denuò est introductum. Si falsum fuit Evangelium quod primi Episcopi, & Apostolici viri unà cum Carolo introduxerunt: Quare Caroli bellum, quod pro Evangelio illo contra barbaros Saxones gessit, tot prodigijs, & celestibus beneficijs adjutum, & illustratum, de quibus supra relatum est. Quibus deinde signis & virtutibus, quibus miraculis Deus testatus sit hanc Evangelij doctrinam, *Gentium conversionem*, & labores horum primorum Episcoporum, discas ex vita DD. Willibrordi, Suiberti, Willibaldi, Ludgeri, aliorumque Apostolicorum virorum. Sed hæc ludibria vobis sunt, quia Evangelium vestrum nullo unquam miraculo obsignatum fuisse comprobare potestis. Nos ad Scripturam, nos ad Patrum testimonia, nos ad *conversiones* omnium *Gentium*, quæ innumeris miraculis

raculis comprobata sunt, provocamus: fieri enim non potuit, ut falsam doctrinam, falsumque Evangelium Deus tot miraculis confirmaret. Quâ super re lege Bellarminum, Thomam Bozium, aliosque de signis Ecclesiæ: confer deinde vitam primorum Episcoporum à Carolo M. impostorum, per quos Saxoniam convertit: confer omnium Apostolicorum virorum, & Sanctorum in hoc opere Monachorum institutum vitæ, & sanctimoniam cum Luthero, & apostatis Sacerdotibus, & Monachis, per quos Saxoniam novum illud Evangelium accepit: expende primorum Christianorum, & Majorum pietatem, religionem, & liberalitatem in erigendis Ecclesijs, dotandis Sacerdotibus, & altaribus, condendis Collegijs Clericorum, & Cœnobijs Monachorum, Virginumque Religiosarum, quæ vos evertitis, aut in profanos usus convertitis. Aut tum mundus insanit, aut post Lutherus cum suis insanire cœpit. Hæc illa Majorum nostrorum Religio, & pietas à Carolo M. in Westfalia, & Saxonia, quæ Francorum olim fuit, quando ex his Westfaliæ regionibus, Rhenum transgressi Gallias occuparunt, & cum Clodoveo Rege, Christi fidem susceperunt. Hæc illa religio, & pietas Transmarinorum Saxonum, postquam subactâ Britannia Christi sacra amplexi sunt, quos exinde unâ cum Francis omnium Christianorum ferventissimos, & omnium Gentium religiosissimos commendant historici & scriptores: quippe columnæ & defensores Ecclesiæ Catholicæ. Hi fructus, hæc vis, hæc efficacia Evangelij Catholici fuit. Postremum dicitis, omnes hosce Francos & Saxones nunquam verum, sed falsum Evangelium in Papatu recepisse. Quæritur ergo apud quos interim à Clodoveo, ad Carolum M. à Gregorio M. ad Hadrianum Papam, atque inde ad Carolum V. & ad Lutherum, per mille annos verum, purumque Evangelium fuerit? Hic aut perijisse è mundo verum, & corruptum Evangelium fateri necesse est, (quod tamen nec ipsi audetis dicere) aut certe penes latentem illam paucorum iustorum Ecclesiam remansisse. Sed hæc occulta Ecclesia, figmentum vestrum est, nec ullibi, nisi in Utopia, & cerebro Prædicantium reperitur. Hic enim per mille illos annos nominare oportet provinciam aliquam, oppidum, pagum, hinc *Prædicantem* aut Ludimagistrum saltem proferre, qui Lutheranum illud Evangelium docuerit: nec enim Evangelij prædicatio in aëre pendet, sed Sacerdotes requirit, ex quorum ore Lex & doctrina Evangelica requirenda est.



Rursum demus vobis illam *latentem Ecclesiam*: adhuc quaestio restat, an cultores illius *latentis Ecclesiae* Lutherani, an Calviniani, an Zwingliani, an Puritani, an alterius sectae fuerint? Ecce quibus te laqueis induis! Verè de vobis Apostolus 1. ad Timoth. c. i. scripsit: *Non intelligentes, neque qua loquuntur, neque de quibus affirmant.*

V. Calumniatur Nifanius & dicit: *Non omnes Episcopi & Apostolici viri, à quibus tempore Caroli M. aut etiam tempore Caroli Martelli, ac Pipini Regis Frisia, Hassia, Thuringia, Saxonia ad Christi fidem est conversae, fuerunt missi à Pontifice Romano.* R. Omnes vel immediate, vel mediate à Romano Pontifice missi fuerunt; nec Caroli M. sed Pontificis auctoritate, & communicatâ potestate sacra regendi, aut docendi munus gessere. Id tamen in secundo libro planius dicturi sumus, nunc paucis ostendam in Carolo: Habuit enim in hanc rem Carolus sapientissimus Rex & Imperator religiosissimus, legatos Pontificios apud se, tum Archiepiscopos, & Episcopos in aula, & in castris. Inter legatos Pontificios memoratur Paulinus Aquilegiensis Episcopus lib. 1. Capitularium, ad annum Christi DCCLXXIX. in hæc verba: *Tempore Hadriani Papae, & Caroli M. Imperatoris, quando Paulinus Episcopus tenuit vices Apostolica Sedis, in Aquis fuit.* Hic ille Paulinus, cui Benedictus Levita ob id attribuit in præf. ad lib. 5. Capitularium, Ecclesiastica decreta Synodorum, ac morum. Habuit præterea Carolus M. apud se in aula primò Angilramum Metensem, ac deinde Hildebaldum Coloniensem Archiepiscopum ex Apostolica auctoritate, ut id constat ex canone LX. Concilij Francofurtensis. Recito Synodi verba: *Dixit etiam Dominus Rex in eadem Synodo, se à Sede Apostolica, id est ab Hadriano Pontifice, licentiam habuisse, uti Angilramum Archiepiscopum in suo palatio assidue habuerat, ita etiam Hildebaldum Episcopum habere debuisset; quia de eodem, sicut & de Angilramo Apostolicam licentiam haberet.* Omnis Synodus consensit, & placuit eis eum in palatio esse debere, propter utilitates Ecclesiasticas. Viden' ut Carolus M. Apostolicâ Pontificum auctoritate habuerit apud se Episcopos, & Legatos Apostolicos ad moderandas res sacras, quas satis intelligebat non esse regia, & politicâ potestatis ordinare in Ecclesia. Quam in rem addidit Concilium Francofurtense Carolo Alcuinum Abbatem. Ita enim ultimo Canone: *Communuit etiam, ut Alcuinum ipsa Synodus in suo consortio, sive in orationibus recipere dignaretur*



gnaretur, eo quod esset vir in Ecclesiasticis doctrinis eruditus. Omnis namq; Synodus secundum admonitionem Domini Regis consensit. Ecce quantæ observantiæ Carolus in Sedem Apostolicam & Episcopos ? sciebat nimirum illud Apostoli in Actis Apolt. c. 20. *Spiritus S. posuit Episcopos regere Ecclesiam Dei.*

Præclarum, & regiâ liberalitate dignum opus, fundatio tot Episcopatum per Saxoniam, & Episcoporum impositio; sed nec illud sine auctoritate Apostolicæ Sedis factum. Ita enim ipse Carolus in diplomate Bremensi: *Omniem terram eorum, antiquo Romanorum more, in provinciam redigentes, & inter Episcopos certo limite determinantes, Christo, & Apostolorum suorum Principi Petro, pro gratiarum actione obtulimus.* Et mox: *Adhac etiam summi Pontificis, & universalis Papæ Hadriani præcepto, nec non & Moguntiacensis Episcopi Lullonis, omniumque qui adfuere Pontificum consilio, eandem Bremensem Ecclesiam cum omnibus suis appendicijs Villihado probabilis viri, coram Deo & Sanctis ejus commissimus.* Ad hunc modum legis in Verdenfis Ecclesiæ diplomate Carolino, interque cætera subjungit Carolus: *Terminos autem ejus firmos, inconvulsos, & per omne sæculum incommutabiles Apostolicâ auctoritate, & nostræ regie majestatis præcepto circumscribi præcepimus.* Hic denuò Apostolicam auctoritatem legis: ut jam Episcoporum impositionem, & Episcopatum foundationem, Apostolicâ auctoritate assertam habeamus.

Hic non modò Caroli M. sed omnium Francorum Regum, ac Principum mos, Ecclesiastica per Episcopos, & Apostolicos Legatos ordinare. Quam in rem habuere Apocrisiarios suos in aula, Cognitores, & Judices rerum sacrarum, tum Episcoporum Synodos, ad ordinandas res Ecclesiæ, adferendas leges sacras, ad statuenda decreta morum. Quemadmodum id inter cæteros præclare docet Hincmarus Archiepiscopus Remensis epistola 3. ad Episcopos Franciæ, ac cæteris illis epistolis. Quâ aliâ potestate D. Bonifacius magnus ille Germaniæ Apostolus, tam mira egit in Germania, Thuringia, & Hassia? quàm Legati Pontificis, tempore Caroli Martelli, Pipini Regis, & Carolomanni in reparanda Ecclesiæ disciplina, in constituendis novis Episcopatibus, & Episcopis imponendis, in convocandis Synodis, & ferendis Legibus sacris. Hinc Synodi Ratisbonensis, seu Augustanæ hæc inscriptio: *In-*

*cepit Synodus cum actibus suis iussione Apostolicâ à S. Bonifacio, & Franco-  
rum Episcopis sub Carolomanno habita.* Lib. 5. Capitularium, c. 2. rursum  
c. 3. *Item altera Synodus à supra dictis Episcopis ac Principe, Apostolicâ au-  
thoritate Kal. Martij ad Lipinas.* Innumera sunt, quæ in hanc rem adfer-  
ri possent. Hæc te legere prius oportebat, quam tam falsa scribere,  
qui Historicum te & Theologum jactas. Docetis populum pro Epi-  
scopi munere, scribitis libros, provocatis Catholicos, & elementa hi-  
storiciæ, & Ecclesiasticæ ordinationis non capitis. Quid jam à vulgo Præ-  
dicantium expectabimus, quorum tu rector & ductor esse vis?

Hinc jam nihil magis demirari subit, quam audere hæreticos no-  
strorum temporum conditos per Saxoniam Episcopatus, impositos  
Episcopos, decreta fidei, & morum, cæteraque, quæ Apostolicæ sedis, aut  
Episcoporum sunt propria ex ordinatione divinâ, referre ad regiam, aut  
politicam Principum ac Magistratus auctoritatem, tanquam Ecclesia  
Catholica demum formanda, ac regenda ad normam Augustanæ Con-  
fessionis, quæ auctoritate septem politicorum Principum, & duarum ci-  
vitatum Norimbergæ, & Reutlingæ, regulam fidei, ac morum, sine ullius  
Episcopi, aut Sacerdotis subscripto testimonio præscribit. Potestne  
quicquam absurdius fingi in Ecclesia? Multi inter vos multa scribunt,  
censent, judicant, de Caroli M. Legibus, de Episcopis ab eo impositis,  
de Ordinatione Ecclesiæ per Saxoniam, qui ne principia quidem Ca-  
tholicæ Ecclesiæ cognita habent. *Non oportet certe querere apud hostes  
Ecclesiæ veritatem, quam facile est apud Ecclesiam sumere,* inquit Irenæus,  
lib. 3 c. 4. Quæ speciem aliquam habent faventis stultitiæ vestræ, ea exag-  
geratis, quæ manifestè Catholicam veritatem proponunt, ea omittitis,  
aut torquetis ad reprobum vestrum sensum. Accedit, quòd successio  
Apostolica Episcoporum consistat in potestate Ordinis & jurisdictionis  
sacræ. Neutrum Rex, aut Princeps politicus dare potest Episcopis: ideo  
nec Episcopus inter vos Lutheranus unquam fuit. Sapientior Caro-  
lus M. quàm, ut hæc sibi vendicaret, plus in eo scientiæ rerum sacrarum,  
& sapientiæ fuit, quàm in omnibus hæresium vestrarum scriptoribus &  
Doctoribus.

VI. Nullum inter omnes Episcopos, & Apostolicos viros ita in-  
fectatur, criminaturque Nifanius, quàm D. Bonifacium. ita enim scribit:  
*Quod attinet Bonifacium, habuit is quidem zelum propagandi doctrinam  
Catholicam*

*Catholicam, sed non secundum scientiam.* Hoc primum tuum judicium est de tanto viro, & Apostolo Germaniæ, Legato trium Pontificum de Moguntino Archiepiscopo sanctissimo, de castissimo Episcopo, & Sacerdote, tot Episcopatum & Cœnobiorum conditore; de tot Apostolicorum virorum Magistro & nutritore; de tot gentium Doctore; qui per quinquaginta, aut ut Marcellinus 70. annos in vinea Christi laboravit, & tot millia barbararum Gentium in Frisia, Hassia, Thuringia & Germania, ad Baptismum & Fidem Christi perduxit, donec postremum abdicato Archiepiscopatu Moguntino, Frisiam repeteret, & glorioso martyrio labores Evangelicos anno ætatis 82. senex clauderet. Hoc inquam tuum judicium de tanto viro. Et quis tu es? ut post ostingentos annos natus, contra omnium, qui cum Bonifacio vixere, judicium hoc judices? Theologia *Licentiatum* te inscribis, in quo ego nihil solidæ doctrinæ, nihil præter calumniandi *licentiam* agnosco. Si Theologos Catholicos consulas, ex prolegomenis Theologiæ, negant illi hæreticum posse esse Theologum. Sanè qui tua legit, nihil præter obsoleta, trita, plebeja, fallacia, & mendaciorum plena reperit, quæ per rapsodiam & calumniandi libidinem exscribendo, nec capis, nec digeris. In Calvinistis scriptoribus plus judicii, acuminis, & doctrinæ ad speciem aliquam hæresis suæ, in te omnia crassa, confusa, insulsa, turbida & tumultuaria. Omnis sapientia tua est, *non posse tacere*: quod de antiquis hæreticis scripsit Augustinus lib. 5. de civit. Dei, c. 27. quodque cum mulierculis commune habes.

Sed nunc audiamus, quid Doctor ille Bilsfeldiensis adversus Bonifacium, magnum Germaniæ Doctorem proferat. Primum inquit: *Bonifacius multas quidem gentes ab idolorum cultu, ad Christi fidem perduxit, verum progressu temporis cognitum est, eum omni sua predicatione nihil aliud quasi visse, quam obedientiam erga Romanam Sedem, & immodicum studium evahendi Pontificis potentiam.* At quomodo tibi constat de illa Bonifacii mente, & consilio? Fuistine Bonifacio à consilijs, & secretis conscientiæ, ut tam arcana nobis pandas? Quare non lucrum animarum, hominum salus, Ecclesiæ propagatio, & major Dei gloria illi proposita? ad quos fines Pontificis auctoritatem, & obedientiam illi factam, tantquam medium à Deo ordinatum delégit. *At Pontifici, inquis, juramentum fidei fecit Bonifacius, sedis Apostolicæ venerationem, Sedium Episcopa-*

Episcopaliū, & Monasteriorum confirmationem quæsit : Imò tum hoc fecit , quod omnes Catholicæ Ecclesiæ filij faciunt , & sola hæresis non facit. Nam quæ conjunctio cum Romana & Apostolica Ecclesia esse debeat, suprà satis audivisti, & Caroli M. & Francorum Regum exemplo satis cognoscere poteras.

II. Dicis. *Bonifacij doctrina fuit ut Pontificis auctoritatem extolleret, quod Reliquiarum venerationem, cultum Sanctorum, & orationem pro mortuis propagaret, hinc contradixisse illi Gallia, Scotiaque Episcopos. Quantus hic denud impostor es cum impostoribus ! enimverò, quidam illi Episcopi, qui Bonifacio contradixerunt ? Duos tantummodo recitas, Adelbertum Gallum, & Claudium Clementem Scotum : at illi hæretici fuere, fratres tui. Id non tam Othloni, à quo vita ejus conscripta, sed ipsius Bonifacij testimonio manifestum est. Ita enim Bonifacius epistolâ ad Zachariam Pontificem : Notum sit Paternitati vestra, quia, postquam indigno mihi mandastis in provincia Francorum, sicut & ipsi rogaverunt, sacerdotali Concilio, & Synodali conventui præesse, multas injurias & persecutiones passus sum, maxime à falsis Sacerdotibus, ab adulteratis Presbyteris, seu Diaconibus, & fornicarijs Clericis. Maximus tamen mihi labor fuit contra duos hæreticos pessimos, & publicos, & blasphemos contra Deum, & contra Catholicam fidem : Unus qui dicitur Adelbertus, natione generis Gallus, alter qui dicitur Clemens genere Scotus, specie erroris diversus, sed pondere peccatorum pares. Contra hos Bonifacius implorat Pontificis auctoritatem & auxilium. Deinde scelera Adelberti in hæc verba exponit Pontifici : In primæva ætate hypocrita fuit ; dicit quod sibi Angelus Domini in specie hominis, de extremis sinibus mundi, miræ & tamen incertæ sanctitatis reliquias attulisset, & exinde potuisset omnia, quacunque posceret, à Deo impetrare ; & tunc demum per illam simulationem sicut Apostolus Paulus prædixit, peneiravit multorum domos, & captivos duxit post se mulierculus oneratus peccatis, & multitudinem rusticorum dicentium, quod ipse esset vir Apostolica sanctitatis, & signa, & prodigia multa fecisset. Deinde conduxit Episcopos indoctos, qui se contra præcepta Canonum absolute ordinarunt. Tum demum in tantam superbiam elatus est, ut se equipararet Apostolis Christi, & dedignabatur in alicujus honore Apostolorum, vel Martyrum Ecclesiam consecrare. Postea in proprio honore suo dedicavit Oratoria, vel ut verius dicam, sordidavit, fecit*

fecit cruciculas & oratoriola in campis, & ad fontes, & ubicunque sibi visum fuit, & iussit ibi publicas orationes celebrare, donec multitudines populorum, spreto cæteris Episcopis, & dimissis antiquis Ecclésijs, in talibus locis conventus celebrabant dicentes: Merita sancti Adalberti adjuvabunt nos. Ungulas præterea suas, & capillos dedit ad honorandum, & portandum cum reliquijs S. Petri Principis Apostolorum. Demum quod maximum scelus, & blasphemia contra Deum esse videbatur, fecit: Venienti enim populo, & prostrato ante pedes ejus, & cupienti confiteri peccata sua, dixit: scio omnia peccata vestra, non est opus confiteri, sed dimissa sunt peccata vestra præterita, securi revertimini ad domos vestras cum pace.

Alter autem hereticus qui dicitur Clemens, contra Catholicam fidem contendit, Canones Ecclesiarum Christi abnegat, & refutat tractatus & intellectus Sanctorum Patrum, Hieronymum, Augustinum, Gregorium recusat, Synodalia jura spernens, proprio sensu affirmat, se, post duos filios sibi in adulterio natos, sub nomine Episcopi posse esse legis Christiana Episcopum. Et quæ præterea hujus commatis flagitia recenset de hoc monstro Bonifacius.

Horum seductorum causam, etsi jam damnata esset in Concilio Episcoporum Germanorum, & Gallorum, remisit tamen Bonifacius ad Zachariam Pontificem, misso in hanc rem Dencardo Presbytero legato. Pontifex illico convocato Romæ Episcoporum, & Sacerdotum Concilio, triplici Sessione utrumque damnavit, uti hæc pluribus exponit Othlonus lib. 2. Serrarius lib. 3. in vit. Bonif. Baronius, & alij. Addita scelera Adelberti oratio, ex confictis Angelorum nominibus.

Vide jam Nisani, quàm falsò Bonifacij doctrinam ab Adelberto & Clemente & Galliæ Episcopis sentias esse damnatam: quando hi ipsi duo Pseudoepiscopi primum in Concilio Episcoporum Germanorum, uti cap. 44. in vita Bonif. refertur, deinde Romæ in Concilio Episcoporum damnati sunt, & ad carceres proscripti. Ede nunc cæteros Episcopos, à quibus affirmas doctrinam Bonifacij damnatam. Imò, recense potius Synodos ab ipso Bonifacio pro Legati Apostolici munere, Carolomanno cum primis Caroli M. patruo, & Pipino Caroli M. patre adjuvantibus, ad disciplinam Ecclesiasticam per Germaniam, & Belgium restaurandam, celebratas; quarum decreta cæteri postea Episcopi, & Carolus M. inter sua decreta & leges recepit, ut toties in Synodorum actis repe-

ries. Quâ nunc fronte audes Nifani his fallacijs circumducere plebem, & nobis tam falsa, pro veris obtrudere in publicis scriptis tuis? nisi quia *frontem hæreticorum non esse frontem*, dixit Augustinus?

III. Dicis, Doctrinam Bonifacij esse reprobata in *Concilio Auguste in Vindelicis* coacto: *Ibi enim aperte*, ut inquis, *ostenderunt vocæ & scriptis Episcopi se à Bonifacio dissentire*. Nihil denuò impudentius, nihil falsius scribere poteras. Quæso te, quod hic Concilium appellas, à quo hoc factum sit? Tria Concilia quæ Germanica vocantur, à Bonifacio habita sunt. Primum Augustæ Vindelicorum, seu Ratisbonæ ad Danubium, ut Serrarius docet, celebratum est anno Christi 742. auctoritate S. Bonifacij Apostolicæ Sedis Legati, tempore Zachariæ Papæ, sub Carolomanno Majore domus, & Caroli M. patruo. Præclari in eo Canones constituti Episcoporum consensu, extantque in actis *Concilii Generalis*, quos si Lutherani reciperent, ut tum tota Germania recepit, & post etiam Carolus M. servari jussit, hæretici non essent. Alterum Germanicum Concilium anno 742. congregatum est Liphtinæ seu Liptinæ, unde Liptinense dicitur in Gallia Belgica, haud procul Valencenis, (de quo Sirmundus in notis ad Concilium) idque auctoritate rursus S. Bonifacij Apostolicæ Sedis Legati, sub Carolomanno est habitum, in quo prioris Concilij Canones confirmati, & alij quidam additi ad Cleri populique disciplinam. Tertium Concilium Germanicum anno Christi 745. est celebratum, & ut Serrarius censet, Moguntia, auctoritate S. Bonifacij Romanæ Sedis Legati, tempore Zachariæ Papæ, in quo Adalbertus, & Clemens hæretici, de quibus supra relatum est, damnati sunt, & Gervilio Moguntinus Episcopus ob crimen homicidij exauctoratus, atque ipse Bonifacius factus est primus Archiepiscopus Moguntinus.

In quo nunc Concilio Nifani dissenserunt Episcopi voce & scriptis à Bonifacio? nullam hujus rei querelam, nullam ullius Episcopi oppositionem lego in his Conciliorum actis. Contrà Episcopi D. Bonifacium Apostolicæ Sedis Legatum, ut Præfulem suum coluerunt; imò ab eo tanquam ab oraculo verba & decreta acceperunt, nec aliter Carolomannus, Pipinus Rex, & Carolus M. Bonifacium venerati sunt. Unde nunc tibi illa scribendi & calumniandi audacia, nisi ex malefano Prædicatum cerebro? Multos haud dubiè adversarios habuit Bonifacius ex improba

probæ vitæ sacerdotibus, dum collapsam Cleri, populiq̃ue disciplinam restauraret, ut ipse cum Pontifice queritur. Sed in his summa Bonifacij constantia, sanctitas, & gloria eminuit. Criminariis præterea Pipinum à Bonifacio inunctum esse Regem Francorum. Sed quâ auctoritate, quâ justitiæ causâ id factum sit, exponunt Francici scriptores, neque hic locus est eam rem disceptandi. Scimus, quæ hæreticorū, ad quos nos remittis, hic malevola censura sit, ad Pontificis auctoritatem labefactandam: sed ea quæ hic adferunt, jam à centum scriptoribus Catholicis refutata sunt.

IV. Ut omne demum hæreticum virus uno verbo eijcias, scribis *D. Bonifacium esse e mentitum Germania Apostolum & Dromionem*, cum Magdeburgensibus. Hoc tuum judicium est contra orbis Catholici judicium, quo te impudentissimum, & falsissimum Prædicantem hæresis tuæ denuò prodis. Haud sum nescius, qui ante te, ex hæresi hujus sæculi cum Philippo Melancthone, Gomaro, Centuriatoribus Magdeburgensibus, Plessio, Spangebergio, alijsque Bonifacium scriptis & calumnijs insectati sint: Sed te primum legere oportebat notationem LIII. Serrarij viri doctissimi, quâ exponit, & quærit, an Bonifacius Germaniæ Apostolus appellari possit? Deinde legere te oportebat Pontificum, Sanctorum virorum, & scriptorum testimonia, & elogia, quibus D. Bonifacium exornant, ea notatione LVII. reperies apud Serrarium: Quos inter reperies tuæ sectæ viros, multò æquius de S. Bonifacio judicasse. Quibus accedunt Carolus Martellus, Caroli M. avus, Pipinus Rex, & pater Caroli M. Carolomannus patruus, qui Bonifacium haud aliter, quàm virum è cælo submissum exceperunt, juveruntque ad formandam Cleri & populi disciplinam. Nec aliter Carolus M. veneratus est mortuum, sanctissimæque leges Conciliorum, ab eo præscriptas confirmavit, & inter leges suas retulit, ut passim in Synodis & Capitularibus Caroli leges: si statuta cum primis Concilij Germaniæ & Liptinensis, Tom. 6. Concil. postremæ editionis Parisiensis, conferas cum Capitularibus Caroli M. Inde mihi judicium Caroli M. de Bonifacio, supra omnia hæreticorum esse debet: uti judicium Carolomanni patris, & Pipini Regis, ac patris. Accedit D. Ludgerus Episcopus, à quo D. Bonifacij labores pro Ecclesia, res mirificæ gestæ, & vita Apostolica conscripta est, quæ satis esse debet adversus omnes hæreticorum calumnias. Is *virum à Deo electum,*

*castum sacerdotem, & sanctum Episcopum, ac Martyrem ubique appellat, cuius famâ sapientia & sanctitatis totum Franciæ regnum dum viveret, repletum sit, & si hæc deessent, satis discipuli, quos reliquit viros sanctissimos, testantur magistrum suum virum sanctissimum fuisse; nec aliter orbis Catholicus ante Lutherum de Bonifacio iudicavit, quem posteri exinde coluerunt inter Sanctos, dictis, factis, scriptis & miraculis clarum.*

Quòd mihi mirum est, posse nunc eò insaniam hominum progredi, ut qui sæculo nostro inter hæreticos vivunt hirci libidinis, ab his castissimos illos, & sanctissimos Episcopos, tot calumnijs traduci apud plebem. Quod si Lutheri ævo, Bonifacius cum omnibus Episcopis rediisset in vitam, quid dicturum fuisse opinamur, qui in primo Concilio Germanico Augustæ Vindelicorum habito, ad quod appellas, Can. VI. ita sanxit: *Statuimus similiter, ut quisquis servorum Dei, vel Ancillarum Christi in crimen fornicationis lapsus fuerit, in carcere poenitentiam faciat in pane & aqua. Si autem Clericus, vel Monachus in hoc peccatum incidit, post tertiam verberationem in carcerem missus vertente anno ibi poenitentiam agat.* Quale obsecro de Luthero iudicium protulissent, si vidissent Monachum cum Moniali publicum, & sacrilegum matrimonium contrahere, & per inauditam doctrinam omnibus Monachis, & Monialibus hanc sacrilegæ vitæ libertatem facere? Non mirum provocare te ad Adelbertum Gallum, & Clementem Scotum hæreticos à Bonifacio damnatos, quos Lutheri, & Lutheranz doctrinæ patronos habes. Nobis cum Bonifacio, & sanctis illis Episcopis stare placet. Postremò Bonifacium carpis, quod scripserit Carolum M. *longâ torsione, & verendâ morte obiisse.* Quantum hîc inscitiam tuam in historia prodis, scripsit id Bonifacius ad Ethibaldum, Merciorum in Anglia Regem, non de Carolo M. sed de Carolo Martello, Caroli M. avo. Et quæso te, quomodo id Bonifacius de Carolo M. scribere potuit, cum Bonifacius anno Christi 755. obierit; Carolus M. verò anno 814. excesserit è vita, & jam ante Carolum Bonifacius anno Christi 755. martyrio affectus sit, ut nihil illi de Caroli M. obitu constare potuerit, qui ne Carolum quidem Regem vidit, licet baptizatum quidam Carolum velint à Bonifacio: quâ super re Serrarius. Frustra igitur in hanc rem tam multa congeris, ut Bonifacium errare probes, nisi ut tuum crassum errorem palam facias, qui te Theologum & historicum venditas. Cæterum quod ad Caroli Martelli mortem attinet, lege Baronium aliosq; scriptores. VI.





quotidiana vitæ pericula, & in ipsam denique mortem per martyria se offerunt? Sed Acosta, inquit, memorat, *Hispanos mercatores, quos inter etiam Sacerdotes, toto Oceano aurum querere. Quid tum postea? Viria erunt, dum homines*, inquit Cerealis apud Tacitum. Estne vestrum Evangelium sine vitij propagatum? Scis quid Lutherus scribat in Postilla Jenæ impressa, Con. 12. *Mundus ex hac doctrina quotidie redditur deterior: jam homines singuli septenis diabolis obsidentur, cum antea in Papatu unico tantum diabolo obsessi fuissent. Diabolus jam catervatim in homines ingreditur.* Pergit Lutherus: *Sunt enim homines magis vindictæ cupidi, magis avari, magis ab omni misericordia remoti, multoque deteriores quàm in Papatu.* Lege quæ Smidelinus vester, concione super 21. cap. Lucæ, de fructibus Evangelij veltri: quæ Andreas Musculus Lib. de novissimo die, alijque ex veltris scribunt. Lege quæ Theophilus Prædicans, in *Voce Excubitoria*, de Prædicantum vitij & corruptelis verbi Dei scribat: liber hîc Germanico idiomate editus Francofurti, anno 1661. approbatusque est à veltriis. Lege quæ Erasmus epistola ad Vulturium: *Profer mihi, inquit, quem istud Lutheri Evangelium ex comestatore sobrium, ex feroci mansuetum, ex rapaci liberalem, ex maledico benedicum, ex impudico fecerit verecundum; ego tibi multos ostendam qui se ipsis facti sunt deteriores.* Finis quis esse bonus Luthero poterat, cui non aliud medium, quàm ut Principes bonorum Ecclesiasticorum spolio, Sacerdotes & Monachos, concubinis in uxores permissis, populum libertate vitæ caperet, & ciperet omnes. Demùm ad *Jesuitas* transis, & mirum, filios prætermittere posses. Sanè, inquis, ex *Indorum conversione* parum laudis accessit *Jesuitarum* cætui. Quæ hujus rei caula? *Jesuitæ*, inquis, non Religionis, sed regionis amplianda studio *Indias* petunt. Testem adducis Sotelum & Scioppium: Enimverò hi tanti Jesuitarum amici fuere, quanti vos hæretici estis. Laudem, quam dicis modicam accessisse *Jesuitis*, illi ab hominibus non requirunt, ut nec à vobis expectare possunt. Fructum, & majorem Dei gloriam si desideres, testabuntur tot Pontificum litteræ, tot scriptorum libri, tot Gentium ad Christi fidem accessiones, tot Sacerdotum labores, tot Martyrum laureæ, tantus Evangelij in vastissimis Chinarum regnis progressus, tot hominum myriades, quæ vel in uno Chinæ regno ad Christi sacra transferant. Innumeri ex omnibus Religiosorum familijs Sacerdotes, in utramq; Indiam

tot

tot annis transferibuntur: solum vos Prædicantes, qui Apostolicam fidem, & Ecclesiam vobis vendicatis, nemo hæcenus conspexit, jam à centum annis cum Apostolicis viris ad has Gentes in nova Christi vinea convertendas, maria transisse.

Causam hujus rei dedimus. *Gentium conversio* proprietas est, & donum Catholicæ Ecclesiæ; hæreticorum est pervertere Christianos. *Perdix fovet quod non peperit.* Jerem. 17. v. 12. Hoc dolo, Augustinus Lib. de Pastoribus c. 12. docet, ab hæreticis congregari Christianos, quos non pepererunt; ideo legit, *perdix congregat quæ non peperit.* Nondum in India & nova ista Ecclesia, opulenta sacerdotia, quæ in spoliis rapiatis, ut in Saxonia fecistis. Nondum in India utrâque illa Sacerdotum, & Monachorum vitia adoleverunt, ex quibus Hæresiarchæ, & Apostatæ nascuntur, quemadmodum in Saxonia factum est. Multis præterea vinculis vos Prædicantes innexi estis, ut per mare, ad remotas Gentes vobis proficisci cum Apostolicis viris concessum non sit. Carnale Evangelium habetis, quod ab uxorum sinu & amplexu vos avelli non sinit: liberi vobis sunt, & familia, ut extra focum alibi filios spirituales, & familiam Christi querere non vacet. Lucrum & delicias queritis, quas inter barbaras gentes non reperitis. Quæso te, isti Apostolici viri, Kilianus, Columbanus, Gallus, Willibrordus, Suibertus, Ewaldi, Bonifacius, Burchardus, Wigbertus, alijque innumeri, qui ex Anglia per mare transvecti in has regiones, primum gentibus Evangelium annunciarunt, habueruntne uxores, & filios? traxeruntne secum istam familiam, quæ vos Prædicantes onerati estis? Legistine ullum ex his Episcopum, Sacerdotem, aut Monachum uxoratum, qualis Lutherus vester fuit, vir super omnes Sanctos illos & Apostolicos viros? Evangelici vultis appellari, qui & Legem Evangelij abjicitis, & consilia Evangelica contemnitis. Vbi enim illud Evangelicum apud vos? Matth. 19. *Ecce nos reliquimus omnia, & secuti sumus te.* Rursus; *Si vis perfectus esse, vade; vende quæ habes, & da pauperibus.* Matth. 10. *Qui amat patrem aut matrem plus quam me, non est me dignus.* Luc. 14. *Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus.* Apostolici vultis haberi, at ubi Apostoli consilium? 1. ad Corinth. 7. *Bonum est homini mulierem non tangere. Volo omnes vos esse sicut me ipsum. Solutus es ab uxore? noli*  
querere

*querere uxorem. Reliquum est, ut & qui habent uxores, tanquam non habentes sint. De Virginibus praeceptum Domini non habeo: consilium autem do, tanquam misericordiam consecutus à Domino, ut sim fidelis. Puto autem quod & ego Spiritum Dei habeam.* Hæc si in ullo Christiano valere debent, maxime in Apostolico viro, qui cæteris exemplum perfectionis proponitur. Tales nunc Apostolici viri apud nos, quos omnium Ordinum familiæ in Indiam transmittunt, ex quibus singulæ tot Martyres censent.

Transamus ad Carolum M. Primos ille Episcopos imposuit Saxonix Wihonem, Willehadum, Hildegrimum, Ludgerum, Hercumbertum, Suibertum, Guntherum. Paderbornensem Ecclesiam commisit Burchardo Episcopo, Fuldæ Sturmioni Abbati: Vterque Bonifacii discipulicerant. Præterea alij Præsules, Presbyteri, & Monachi evocati in hanc vineam Christi, omnes Apostolici viri, & famâ sanctitatis clari. Vllusne legitur ex his cum uxore, & liberis venisse in Saxoniam, & ad gentium conversionem? Inde ad Lutherum omnes Saxonix Episcopi idem castæ vitæ institutum tenuere; nulli unquam conjugium permisum, quando fornicationis crimen, non minus quàm sacrilegi adulterij, in Clericis & Monachis, tot legibus semper, & pœnis est punitum: solus Lutherus Episcopis, Sacerdotibus, & Monachis primùm liberas fecit uxores. Nec per alios ferè quàm apostatas Sacerdotes, Clericos & Monachos Evangelium suum promulgavit. Id tam insolens erat Catholicis, quàm inauditum per Occidentis Imperium ab ipso Apostolorum ævo. Quin, quòd ipsi Lutherani sacrilegum illud cum Moniali Catharina Bornæa connubium improbarent in Luthero. Videnunc, quàm dispares sint Apostolici viri, & Sacerdotes apud Catholicos, per quos Evangelium Christi per Saxoniam introductum, & deinde ad Lutheri tempora conservatum est.

Contrà recense omnes hæresiarchas à Simone Mago, ad Lutherum: & reperies omnes mulierum amoribus, & libidinibus implexos vixisse, nullum ex his castæ vitæ reperies præter Photinum, quem Hieronymus in Chronico scribit multa continentia bona corrupisse hæresi suâ: cæteri mulderosi, lascivi, spurci, ex propria hæresis notâ semper cogniti, quemadmodum Apostoli denunciaverant futuros, & Patres nobis descripserunt. Rursum à Luthero & Calvino per cense cæteros novarum hæresum

hæresum auctores, in Saxonia, Germania, Gallia, Anglia, Hollandia, Frisia, videbique Lutheri vestigijs inhæsisse, ac nullum ex his ad exemplum primorum Episcoporum continentem ab uxoribus vitam egisse, ne quid de nefandis illorum libidinibus proferam. Non hîc cœlibatum ex Scriptura, Concilijs, Patribus, & rationibus contendo, solum ad exemplum Apostolicorum virorum, & majorum appello: quando vos Lutherani vobis Apostolicam Ecclesiam, fidem, doctrinam, & Apostolicos viros vendicatis, tantisque calumnijs perstringitis Episcopos, & Apostolicos viros, quos aut Carolus Martellus, aut Pipinus Rex pater, & Carolomannus patruus Caroli M. tanto studio, tantâ liberalitate & veneratione, ad convertendas gentes introduxerunt in Hollandiam, Frisiam, Hassiam, Thuringiam & Germaniam; aut quos Carolus M. primum Saxoniam imposuit, quosque exinde Ludovicus Pius filius, cæteri-  
que Imperatores, Reges, ac Principes pari religionis cultu secuti & venerati sunt. Hic ne unus Lutherus cum vobis errasse videatur, totus orbis Christianus vobis delirasse & insanisse videri debet. *Vos tam pauci,* (scribit Carolus M. ad Elipandum hæreticum, ex Divi Augustini dicto) *unde putatis vos aliquid verius invenire potuisse, quàm quod Sancta, Universalis, toto orbe diffusa tenet Ecclesia? Pari Spiritu Patres Concilij Francofurtensis, in epistola Synodica ad eosdem: Quare purissimos Catholica fidei fontes hæretico pede turbare non timetis? Vnum nobis sufficit; quod Universali Catholica Ecclesia consuetudine confirmatur. Terminos Patrum tuorum non transgrediaris: per viam regiam ad limpidissimum Catholica puritatis fontem redite; Ubi castissimæ vitæ reperietis Episcopos, & Sacerdotes, qui majoribus vestris primum verbum Dei tradiderunt.*

## CAPUT XX.

*D. Bonifacius ex Apostolico per Germaniam munere, Missione, et Reformatione, oppositus Martino Luthero.*

**N**Ullum ex omnibus Apostolicis per Germaniam viris, & sanctissimis Episcopis, Novatores acerbius insectantur calumnijs, quam D. Bonifacium, quos inter, ut paulò antè audivimus, Nifanius noster. Contrà Lutherani suum Martinum Lutherum, Germaniæ Apostolum, virum à Deo missum, & Reformatorem Ecclesiæ dicunt & in cælum attollunt, tanquam ille verus tandem Germaniæ Apostolus, qui Bonifacij, & aliorum Apostolicorum virorum errores, ad Apostolicæ doctrinæ formam & integritatem redegerit. Hi duo ergò paucis inter se comparandi.

I. Ex Apostolico munere: Nam inter cætera elogia virtutum, & honorû, laborumq; titulos, *Bonifacius Apostolus Germaniæ* appellatur, quod *nomen* tanto viro tribui, ferre non possunt Novatores. Verùm cum id primò ac propriè competat illis, qui *immediatè & extraordinariè à Deo missi sunt*, qualis Joannes Baptista, Apostoli duodecim, ac D. Paulus Doctor Gentium: tum metaphoricè etiam illis attributû est, qui *mediatè & ordinariè missi*, idem ex munere Apostolico, & *Gentium conversione* geseûre: quemadmodum *Andronicus & Junias*, Roman. 16. *Silas & Judas*, Act. 15. *Barnabas*, Act. 13. *Epaphroditus*, Philip. 2. *Apostoli* dicuntur: imò S. *Augustinus* à S. Gregorio M. in Angliam missus, *Angliæ Apostolus* vocatus, quòd gentem illam, magnam partem ad Christi fidem converterit. Hunc in modum *D. Bonifacius Germaniæ Apostolus* est dictus: tum quòd per 70. circiter annos, quibus in Germania versatus, *Frisios, Hassos, Thuringos, Saxones* magnam partem ab idolorum cultu, ad Christi Religionem perduxerit, Spiritu Apostolico, labore indefesso, & fructu prorsus admirabili: tum quòd post *D. Villibrordum & Suibertum* cæterosque Apostolicos viros, eâ tempestate in conversione barba-

barbararum gentium plus omnibus laborasse, videri possit, quemadmodum id Apostolus Paulus de se dixit, ideoque per antonomasiam, *Apostolus* est dictus: id quod de *Bonifacio* admiranda ejus opera testantur, quæ sub Carolo Martello, Caroli M. avo, Carolomanno ejus patruo, & Pipino Rege ac patre Caroli M. in hoc munere gessit, & tot myriades animarum, quas Christo lucratus est, testantur: uti hæc à tribus Pontificibus commendata, & à *S. VVilibaldo, Ludgero, Othlono, Rithardo, Sernario*, atque alijs conscripta sunt, tantique hunc virum fecit Carolus M. ut quæ *Bonifacius* in Synodis, ad reformationem Cleri, & populi ordinaverat, Carolus inter Leges suas receperit, tanti postea eum fecit Germania, ut (in Divorum numerum relatum) inter sanctissimos Episcopos, & Apostolicos viros coluerit.

Jam verò quid in *Luthero*, ex quo Apostolicum nomen mereatur? qui ad nullas unquam barbaras gentes convertendas profectus, nullas Christo peperit. Solùm id egit, quod negotium fuit omnium hæreticorum & hæresiarcharum: de quo certissimè Tertullian. lib. de præscriptionibus: *Hoc illis negotium non Ethnicos convertendi, sed nostros evertendi. Nostra suffodiunt, ut sua adificent, ita fit, ut ruinas facilius operentur stantium ædificiorum, quam exstructiones jacentium ruinarum.* Enimverò quo tempore Lutherus cœpit novam suam doctrinam vulgare, is per *Saxoniam* corrupti Cleri, populiq; status erat, atque ita tum omnia ad hæresin composita, pronaque erant, ut non nisi Dux, auctorq; & propellens in lapsum manus deesset: igitur ædificium vitij suis procumbens, quod erigi, fulciriq; debebat, Lutherus in ruinam impulit, populumq; *Saxonicum*, quem Carolus M. per Apostolicos viros & primos Episcopos primùm ab idolorum cultu, ad Christi fidem perduxit, ipse primus in hæresin detraxit.

II. *D. Bonifacius* non modò Germaniæ Apostolus, sed & Reformer Cleri, populiq; postquam uterque per longa superiorum temporum bella Francica corruptus, in multis provincijs desciverat à veteri Ecclesiæ disciplina: idq; munus habuit per ordinariam *Missionem, & Auctoritatem Apostolicam*, à tribus Romanis Pontificibus. Nam primò Romam profectus à *Gregorio II.* prædicandi ubique per Germaniam Evangelij potestate donatus, *Bavariam* excoluit, atque exinde *Thuringiam, Frisiam, Hassiam*, ab idolorum cultu ad Christi fidem con-

vertit. Iterum Romam profectus ab eodem *Gregorio II.* Romæ Episcopus consecratus, in *Germaniam* remittitur ad prædicandi munus, in quo Apostolico munere à *Gregorio III.* Pontifice confirmatus, & incerta Sedes Episcopus factus, exercendi ubique ea, quæ veri Episcopi sunt, potestatem accepit. Inde tertium Romam profectus à *Gregorio III. Legatus Apostolicus* remittitur in *Germaniam*, ad Cleri, populique mores corrigendos: Quâ potestate *Bavariam* in quatuor dioceses divisit: tres exinde Synodos in hanc rem habuit, primam *Ratisbona*, seu ut alij, *Augustæ Vindelicorum*, alteram *Liptinis* in Belgio, tertiam *Moguntia*, ubi ab eodem Pontifice *Archiepiscopus Moguntinus* constitutus. Confirmatus exinde in eodem *Legati Apostolici* munere, à *Zacharia* Pontifice, à quo etiam potestatem obtinuit constituendi tres novos Episcopatus. Quorum primû *Herbipoli* condidit, imposito *S. Burchardo* primo ejus loci Episcopo, alterum *Buriaburgi* in Hassia, tertium *Erfurti* in Thuringia cœpit. Ne quid hic memorem de *Fuldensi* Cœnobio, & seminario tot Apostolicorum virorum, alijsque Cœnobijs, Sacerdotum congregationibus, & Ecclesijs, ubique per *Frisiam, Hassiam, Thuringiam* & *Saxonia* fines erectis: Quæ omnia egit hortante, & adjuvante virum Sanctum Carolo Martello, Carolomanno, & Pipino Rege, Caroli M. videlicet avo, patruo & patre. Admiranda prorsus sunt, quæ docuit, ordinavit, & gessit pro Christi Religione in *Germania*, aut plantandâ, aut confirmandâ; ut tam verè, etiam *Pater Germania*, quàm *Apostolus* appelletur. Quæ hic longum memorare, tantum verbo ostendere volui, quâ auctoritate *Apostolicâ*, ad exemplar omnium Apostolicorum virorum, quâ potestate *Missionis* Apostolici viri, & *Reformatoris* Ecclesiæ munus susceperit, & Sanctissimè gesserit; uti fidem suam Romæ per juramentum *Gregorio II.* Pontifici, & *Romana Catholicaq; Ecclesia* obligavit: quam fidei Professionem leges apud Serrarium, lib. 3. in vita *Bonifacii*, cap. 19.

Nunc ad *Lutherum* redeamus, videamusque, quâ auctoritate & potestate *missionis*, sibi *Reformatoris* munus sumpserit. *Quomodo enim prædicabunt, nisi mittantur?* Rom. 10. *Qui non intrat per ostium in ovile, sed ascendit aliunde, hic fur est, & latro.* Joan. 10. *Nec quisquam sumit sibi honorem, sed qui vocatur à Deo tanquam Aaron.* Heb. 5. Et quæ hujusmodi sunt, quibus & Christus ipse, Joan. 7. & Apostoli *Missionem* suam probant.



barunt. Jam verò *Lutherus*, vel ordinariè & mediatiè est missus, quemadmodum S. *Bonifacius*, alijque Apostolici viri, ad prædicandum, & reformandam Ecclesiã sunt missi; vel extraordinariè & immediatiè à Deo, uti Prophetæ & Apostoli: Neutrum obtendere possunt. Non ordinariè, quia cum privatus sacerdos & monachus esset *Lutherus*, debebat illam potestatem habere, à superiore Potestate, vel Pontificis, vel Archiepiscopi, vel Episcopi: At hi omnes contradixerunt *Luthero*, ejusque doctrinam & reformationem damnarunt; perinde ut ab Universa Ecclesia in Concilio Tridentino Oecumenico factum est, judicio Pontificis & omnium Episcoporum. Eum verò *Spiritus sanctus posuit Episcopos regere Ecclesiam Dei* Act. 20. non monachos, eosque desertores Ordinis sui, & sacrilego cum moniali toro copulatos.

Non immediatiè etiam, atque extraordinariè missus est *Lutherus*. Nam ejusmodi missio signis & miraculis probanda est, ut suprâ retulimus, de *Nota Miraculorum*. Deinde oportet ostendere, quo tempore, quo loco, Deus hoc illi ministerium imposuerit, quibus verbis, & mandatis: utrumne visibili modo, an per visionem internam. Hæc enim uti Joannes in Apocalypsi docet, ita cæteri Prophetæ extraordinariè missi se explicant: *Isaias*, c. 1. & 6. *Jeremias*, c. 1. 2. 3. *Daniel*, c. 2. & 9. & alij passim. Quod si spiritu interno *Lutherum* velint impulsu ad reformandam Ecclesiam, idem *Calvinus*, idem *Zwinglius*, idem cæteri omnes hæresiarchæ in Germania, & Anglia pro se contendunt; nec aliud probabunt, quam illud *Jerem.* 23. & *Cypriani*, lib. 1. Epist. 7. *Seducunt populum meum in mendacijs, & in erroribus suis*. Demum ostendere debent, quæ fidei dogmata, quas morum corruptelas, *Lutherus* à Deo reformandas accepit. Horum nihil unquam præstiterunt adhuc Lutherani, ut vel ordinariam, vel extraordinariam ejus missionem probarent. Hæretici, ut *Augustinus* expertus monet, valde insolentes, & verbosi sunt in oppugnandis Catholicis, in suis autem probandis, & defendendis ubique tam frigidi, quàm veritatis præsidio destituti. Nullam rem magis urgent Catholici, quàm ut missionem *Lutheri* sui probent Lutherani, jam à centum annis hoc expectatum, & nihil præter inania verba, & tergiversationes præstitum.

Verum seponamus hic causam Catholicorum, & quæramus: quo argumento Lutherani nobis probabunt *Lutherum* verius esse missum, ad

ad reformandam Ecclesiam quam *Calvinum*? Nam si *Lutherus* est missus, non erit missus *Calvinus*, quia hi duo *reformatores* Ecclesiæ, contraria prorsus docent, deinde separatas & contrarias sibi Ecclesias introduxerunt. Imò nulli magis *Reformatorum* nomine gloriantur, quàm *Calvinista*, qui abjecto Calviniano nomine, soli *Reformati* dici volunt: ut tam Catholicos, quàm Lutheranos cæterasque religiones reformasse videantur: perinde ut *Puritani* in Anglia *Calvinista*, à Germanis Calvinistis diversi, *purum verbum Dei* à se reformatum vendicant. Unum nunc argumentum à Nisano in formâ syllogismi expectamus, quo probet *Lutherum* à Deo missum, & non *Calvinum*, quod non Calvinistæ pro se retorqueant in Lutheranos; aut quo non etiam *Zwinglius*, *Menno*, *Labbadæus*, & quilibet hujus sæculi hæresiarcha, suam missionem probabit. Verè Augustinus dixit: Omnes hæretici pollicitatione veritatis ubique magni, & turgidi, re autem non nisi phantasmata ingeniorum suorum adferunt: seu ut Cyprianus Lib. 1. Epist. 6. *Nolunt victi succumbere, quamvis sciant, id quod faciunt non licere*: aut quod falsò docent, probare non possint. Sed his missis quæ à tot Theologis demonstrata sunt, inspicimus ipsam *reformationem Lutheri*, quam in Ecclesia fecit.

III. *Reformatio*, quam *Lutherus* fecit, aut facere debuit, in duobus consistit: vel in dogmatibus fidei, vel in corruptis Ecclesiæ moribus, quales illo sæculo per Saxoniam erant. Ad primum quod attinet, D. *Bonifacius* nullum fidei dogma immutavit, sed ea, ut reperit, ita reliquit, nec pro auctoritate à Pontifice acceptâ mutare potuit; tum quòd Ecclesia errare non possit in *fidei articulis*, ad salutem *necessarijs*, ut suprà demonstratum est: tum quòd nullus Pontifex eam auctoritatem sibi ipsi sumere potuit. Quapropter D. *Bonifacius* quos hæreticos reperit, inter quos Principes fuere *Adelbertus* natione Gallus, & *Clemens* gente Scotus Pseudoepiscopi; eos disputando primùm convicit, convictosque munijs suis interdixit, & in carceres conjecit; tum ob publica vitæ flagitia, tum ob hæreses, quas contra Catholicam Ecclesiam, *Canones Ecclesiæ*, & SS. Patrum doctrinam disseminabant: ut constat ex Epistola D. *Bonifacij* ad *Zachariam* Pontificem, relata à Serrario lib. 3. c. 5. At verò *Lutherus* totus diversus à D. *Bonifacio* Apostolo, & Reformatore Germaniæ, quot non fidei dogmata, in Ecclesia immutavit & invertit? nec alia ferè nova introduxit, quàm quæ ex antiquis, & damnatis hæreti-

hæreticis resuscitavit, ut ex *Centone Lutherano*, Lib. 4. c. ult. planum erit. Hinc abrogatum Sacerdotium, sublatum Sacrificium Religionis, & positum altare contra altare: interversa Sacramenta, & ex septem, relicta duo, nec ea integra quidem: introducti cum novo ministerio verbi, novi sacrorum ministri, instituti novi ritus, & cæremonia; proscriptus cultus Sanctorum; separati fidelium cœtus. Verbo, omnia sursum & deorsum sunt in versa. *Novi recentesque venerunt, quos non coluerunt Patres nostri*, & quod omnium est calamitosissimum, aperta est per Lutherum janua, omnibus hæresum magistris per Germaniam, & Europam, factaque est credendi & vivendi libertas, quantum quisque sibi fingere potuit.

Superest nunc alterum de corruptis Ecclesiæ moribus, quos D. *Bonifacius* auctoritate Apostolica tam in Clero, quam populo reformandos suscepit, sed non aliter quam per ordinariam viam, modum, & Ecclesiæ constitutionem, id est, per *Synodos* Episcoporum, quarum primam *Ratisbona* in Bavaria, alteram *Liptinis* in Belgio, tertiam *Moguntia* in Germania celebravit: in his editi sunt *Canones*, nec illi ferè sunt alij, quam ex antiquis Ecclesiæ *Synodis*, Pontificum decretis, & SS. Patrum statutis desumpti: quos ob id Carolus M. inter suas Leges recepit, atq; ad earum formam Religionem in Saxoniam introduxit, imitatus avi Caroli Martelli, Carolomanni patrui, & Pipini Regis, patrisque exemplum; Hinc per *Bonifacium* adjuvante Carolomanno, & Pipino Rege, restituta est disciplina in Clero, & populo, detractæ Clericis concubinæ, reducti vagi, & dissoluti monachi ad claustra, instituta collegia Sacerdotum, exstructa Cœnobia Monachorum, condita Monasteria Virginum, evocati non modò ex Anglia Sacerdotes Apostolico fervore pleni in subsidium & exemplum aliorum: sed & Matronæ ac Virgines in partem laboris ex Anglia accessere, ad religionem & pietatem in sexu illo propagandam: Quas inter *Beragitha* in Thuringia; *Cunigildis* & *Wvalburgis* in Bavaria; *Ticla* ad Mœnum Kissingæ, & Ochnofurti; *Lioba* Bîschhofheimij ad Tuberam, sacrarum Virginum Antistites, Virginum cœtus collegerunt. Has Nisanius, malignè & falsò scribit ex *Bonifacio* ordinatione verbum Dei prædicasse, tanquam & foeminis munus publicè docendi in Ecclesiâ à *Bonifacio* impositum sit: cum hæ Virgines tantum Monasterijs Virginum præpositæ sint, & per eas Religio Christiana, pietas, & religiosa disciplina intra Virginum Claustra sit tradita: haud secus,

secus, quàm modò in sequiori sexu per scholarum magistras fieri videmus, uti hæc Othlonus cap. 30. & Serrarius notatione 24. exponit. Ita verò Apostolico *Bonifacii* zelo, labore & industriâ, *Germania* ad florentissimum Religionis statum redijt; ex eoque flore post Carolus M. Regnum Franciæ à Pipino patre excepit, habuitque Episcopis, Sacerdotibus & Monachis præstantissimis plenum.

At quæ nunc reformatio disciplinæ in Clero, & populo per *Lutherum* in *Saxonia*, & *Germania*, postquam monachus ille Claustrum deseruit, & ductâ in matrimonium moniali, novum suum Evangelium promulgare cœpit? primùm *Lutherus* contra Ecclesiæ ordinem ac modum nullam Episcoporum Synodum, pro reformatione, quam fecit, unquam convocavit, nec potuit: quia nullos habuit Episcopos sibi consentientes. Deinde reformationem fecit contra Ecclesiæ ordinem, & decreta. Quare pro privatâ ejus auctoritate, aut politicâ Principum, ejecti è sedibus suis Episcopi, facta que est inaudito exemplo Sacerdotibus, Clericis, & Monachis libertas conjungendi sibi in sacrilegum matrimonium concubinas, & moniales, aut quas vellent mulieres. Inde corrupta Clericorum collegia, dissoluta cœnobîa, rupta Monachorum, & Sanctimonialium vota, prostitute Virgines Deo sacratæ: Et quæ non in populo consecuta est vitæ libertas, postquam publica ejus doctrina invaluit? Legem Dei servatu esse impossibilem: homini ademptum esse liberum arbitrium: fide solâ justificari homines: bona opera nihil conducere ad salutem: & quæ ejusmodi ex Lutheri doctrina, & vitæ exemplo consequi necesse erat. Et quis unquam sibi persuaferat, potuisse ita Christianum populum dementari, nisi in antiquis hæreticis hæc ipsa impietatis & insanitiæ exempla vidisset?

Jam si ipsam D. *Bonifacii*, si Apostolicorum Episcoporum, ac Sacerdotum vitam, (quod postremùm hîc esse potest,) cum Lutheri vitam conferamus, quid tam dissimile inter Christianæ, & Epicuræ vitæ hominem, inter Sanctum & impium, quàm D. *Bonifacium* & *Lutherum*? *Bonifacii* juvenus in disciplina Religiosa exulta: inde Sacerdos cum alijs Apostolicis viris ex Anglia, in Frisiam venit, quam, ubi per XIII. annos privati *Pastoris* officio, in tribus Parochijs, ut S. Ludgerus scribit, cum alijs Apostolicis viris excoluit, barbaras gentes, ad Christi fidem erudendo; post in interiorem Germaniam digressus, *Thuringia* & *Hassia* populos

populos ad Christi fidem traduxit, simulque *Bavariam* & *Germaniam* doctrinâ Christianâ illustravit. Posthæc per annos XXXVI. *Episcopus*, in Apostolico munere & *Legatione* Pontificia, simul Religionem inter barbaros propagavit, disciplinam Cleri, populi que per Germaniam restituit. Nihil illo viro Germania vidit zelo Religionis ferventius, nihil labore constantius, nihil pietate sanctius, nihil rebus per id tempus pro Ecclesia gestis admirabilius. Ita enim omnis ejus vita per 70. circiter annos in castitate, jejunijs, vigilijs, orationibus quotidianis, afflictatione corporis, sacrificijs, continuis laboribus, ærumnis, peregrinationibus, paupertate, malevolorum insectatione, patientiâ, sobrietate, humilitate, atque omnis sanctitatis exemplo, in omni Ecclesiarum sollicitudine, & rerum gestarum magnitudine est exacta: donec postremum *Martyr* fusus pro Christo sanguine labores Apostolicos obsignaret; post mortem non minus miraculis, quàm cultu Sanctorum apud posteros. in hunc diem clarus.

Quid ad hæc *Lutheri* vita habet? Non ego hîcea retexam, quæ ex centum Scriptoribus nota sunt, ne calumnias sectari videar. Unum satis erit; si dixerò, *Lutherum Monachum* duxisse *Monialem*, quacum in Sacrilego toro usque ad mortem vixit. Quæso te, cui nunc sanæ mentis homini Christiano, Christianam vitam duxisse videri potest? ex quâ *Apostoli Germania*, *Instauratoris Apostolica doctrina*, & *Reformatoris* disciplinæ Ecclesiasticæ, aut *Beati Viri*, quod Nisanius illi tribuit, nomen mereri possit? Nisi & istos *Bonifacij* martyges, *Adelbertum Gallum*, & *Clementem Scotum*, impostores populorum, & spurcissimos homines, aut veteres Gnosticos, omnesque heresiarchas obscenos, & Epicuri de grege porcos, *Divorum albo* tibi adscribere libeat. Enimverò, *Manifesta sunt opera carnis, quæ sunt fornicatio, immunditia, impudicitia, luxuria*, & quæ S. Paulus, cap. 5. ad Galatas, percenset: *Quoniam qui talia agunt regnum Dei non consequentur. Qui autem sunt Christi, carnem suam crucifixerunt cum vitiis & concupiscentiis.*

# DE PRINCIPIO FIDEI DIRECTIVO,

*Sive de Verbo Dei Tradito, et Scripto.*

POST ea, quæ de *Ecclesia* per errores contextuit Nifanius, digreditur ad *Principium Fidei*, & *Verbum Dei*, quod in *sola* Scripturâ constituit; & magno verborum sono jactitat, se ex ea *ad oculum* demonstraturum, *Carolus M.* non fuisse *formaliter Papistam*: quæ tamen *demonstratio* non ultra *ventosa promissa* procedit. Imò nulla pars ejus scripti, in qua magis, quam in hac, frigidus sit & jejunos. Audet nihilominus omnem hæresis suæ triumphum & victoriam in Verbo Dei reponere.

## C A P V T I.

*De Verbo Dei Tradito.*

**V** *Erbum Dei*, quod per revelationem Divinam accepit *Ecclesia*, aliud est *Traditum*, aliud *Scriptum*. *Scriptum* admittit Nifanius, *Traditum* negat, & insolenter damnat Concilium Tridentinum, quod Verbum *Traditum* pari pietatis affectu, quo verbum *Scriptum* suscipiendum præscribat: Id dogma *novitium*, & ante centum tantum annos, cum Tridentino primùm receptum proclamat. Verùm quàm infulsè hæc dicat Nifanius, hoc argumento constabit:

*Quod parem habet auctoritatem cum verbo Dei Scripto, id pari quoque affectu est suscipiendum;*

*Sed Verbum Dei Traditum parem habet auctoritatem cum Verbo Dei Scripto:*

*Ergo Pari affectu suscipiendum est.*

*Major certa est. Minor probatur: Quia ratio credendi est Verbum Dei. Sive igitur ore prolatum sit, exceptumque: sive Scriptum sit, semper manet*

manet eadem auctoritas, eademque ratio credendi: nam materiale illud signum *scriptionis* non auget, neque minuit veritatem loquentis: Imò hæ conditiones *Verbo Dei* extrinsecæ & accidentariæ sunt. Hinc tam integrè crediderunt qui ex ore Christi, & Apostolorum *Verbum Dei* audierunt, quam qui postea ex *Scriptura* exceperunt. Hoc firmat illud Apostoli, 2 ad Thessalon. 2. *Itaque fratres state: & tenete Traditiones, quas didicistis: sive per sermonem, sive per epistolam nostram.* Rursum 1. ad Thess. c. 2. *Cum accepissetis à nobis verbum auditus Dei, accepistis illud, non ut verbum hominum, sed (sicut est verè) Verbum Dei.* Viden', ut verbum auditus, non minus quàm *Scriptum*, sit verbum Dei, & eodem affectu susceptum? Quia tam verè fuit Verbum Dei, quàm *Scriptum*, nisi supra Apostolum sapiat Nifanius.

II. Verbum Dei *Traditum* multo antiquius est, quàm Verbum Dei *Scriptum*: Nam ab Adamo ad Moysen, per bis mille annos fuit Ecclesia Dei, & fideles Deum coluerunt fidè, spe, caritate, sacrificijs, & externis ritibus, nec tamen intra illud tempus aliud verbum Dei fuit, quàm *Traditum*, eò quòd *Scriptum* verbum primò cum Moysè exceperit. Imò Hebræi multo tempore *Traditione* magis, quàm *Scriptura* usi sunt: quod ad tempora Esdræ *Scriptura* non essent redactæ ad formam librorum, ut ab omnibus facillè & commodè haberi possent. Hinc 4. Reg. c. 22. narratur tanquam novum aliquid, quod tempore Josiæ Regis, repertus fuerit ab Helcia Pontifice, *Liber Legis in domo Domini.*

III. Ab adventu Christi per annos aliquot fuit Ecclesia sine scripturis Legis novæ: neque Apostoli per orbem dispersi, etsi Symbolum ante condiderint, non tamen scripturas novi Testamenti secum tulerunt: & licet tulissent, non perinde cum omnibus Christianis communicare easdem poterant. Quare Irenæus lib. 3. c. 4. fatetur suo tempore fuisse multas gentes Christianas, quæ solis *Traditionibus*, sine Scripturis optinè pijsimèque viverent. Imò Apostoli non acceperunt mandatum scribendi, quemadmodum docendi acceperunt Marc. ult. *Euntes in mundum universum predicate Evangelium*, & tamen subditur: *Qui crediderit & baptizatus fuerit, salvus erit.* Satis hoc erat ad salutem: *Docentes eos servare omnia, quacumque mandavi vobis.* Quin ipse Lucas principio Evangelij sui fatetur se scribere Evangelium, *Sicut tradiderunt nobis, qui ab initio, ipsi viderunt, & ministri fuerunt Sermonis.*

IV. Multa sunt quæ ex *Verbo Tradito* creduntur: Quòd Symbolum fidei verè canonicum, & Apostolicum sit: Quòd infantes sint baptizandi: Quòd baptizati ab hæreticis non sint rebaptizandi: Quòd B. Maria Christi Mater semper Virgo manserit: Quòd in baptismo forma verborum sit pronuncianda: Quòd certus, & determinatus sit numerus Sacramentorum, & sacrorum Ordinum, quæq; hujusmodi multa sunt. Demum ipsum *Verbum Scriptum* sine *Tradito* non creditur; Nam ut credas hos libros esse canonicos, & incorruptum esse verbum Dei, ex sola *Traditione* est, ut vel ipse Kemnitius in exam. Conc. Trident. & Brentius in Prolog. fatetur. Aut ergo nihil credendum est Lutherano, aut verbum Traditum admittendum est. Qua super re Suarez fuisse Tract. de Fide disp. 4. sect. 4. Lib. defens. fidei c. 9. Bellarm. Lib. 4. de Verb. non Scripto, Becanus, Valentia, Tannerus, alijque.

V. Eadem Conciliorum, & Patrum antiquorum sententia. Hilarius Lib. contra Constantium: Hieron. Lib. cont. Lucif. August. Epist. 1. 8. & 11. ad Januar. Epist. 86. ad Casulanum. Cyprien. Lib. de card. oper. ut omittam Ignatium, Athanasium, Cyrillum, Eusebium, Justinum, Origenem, Tertullianum, Clementem, Dionysium, Damascenum; quorum testimonia apud Bell. Coccium, Suarez, Becanum, Gualterium & alios leges. Planè ut Irenæus Lib. 3. c. 4. *Quid autem, inquit, sineque Apostoli Scripturas nobis reliquissent, nonne oportebat ordinem sequi Traditionis?* Basil. lib. de Spirit. S. c. 27. *Dogmata quæ in Ecclesia servantur, & predicantur, partim ex conscripta doctrina habemus, partim ex Apostolorum Traditione in mysterio ad nos delata sunt.* Epiphanius hæres. 61. *Oportet & Traditione uti, non enim omnia à divina Scriptura possunt accipi.* Chrysost. in 2. ad Thess. c. 2. *Hinc patet, quòd non omnia per epistolam tradiderit, sed multa etiã sine literis. Eadem verò fide digna sunt, tam illa, quàm ista.*

Qua nunc fronte audet scribere Nifanius, *Verbum Traditum* esse dogmanovitium Concilij Tridentini? quod & Scripto Verbo multo est antiquius, & pari semper auctoritate receptum. Sed, inquit, Catholicos non convenire, dum quidam *Traditiones*, ut doctrinam fidei admittunt, quidam fidei regulam negant, quidam verè & propriè verbum Dei abjudicant. Adeone tu aut hebes es Nifani, ut id non capias, aut malignus ut dissimules? *Traditiones* aliæ divinæ sunt, aliæ Apostolicæ, aliæ Ecclesiasticæ: Divinæ & Apostolicæ, si universales & perpetuæ, (ut has Suarez



Suarez exponit, Bellarminus, & Becanus:) paris cum *Verbo Scripto* auctoritatis sunt, parique affectu pietatis recipiendæ, qua de re Tridentinum Sess. 4.

At *Carolus M.* promittis nobis ad oculum te demonstraturum, in verbo Dei non consensisse Papistis. Id nunc exploremus in *Verbo Tradito*, de quo potissimum hic agitur inter nos. Atque ut videas, quàm te, & nos fallas; sisto primum ipsum *Carolus M.* Epistolâ adversus Elipandum & cæteros Hispaniæ Episcopos: *Hanc*, inquit, *fidem orthodoxam & ab Apostolis traditam doctoribus, & universali servatam Ecclesiâ, nos pro virium nostrarum portione, ubiq; in omnibus servare, & prædicare profitemur.* Vides ut in hac fidei controversiâ appellet ad Traditionem Patrum, & universalis Ecclesiæ? Rursum de hac fidei quæstione dicit se consuluisse Pontificem: *Scire videlicet cupientes, quid sancta Romana Ecclesia Apostolicis cdocta Traditionibus de hac respondere voluisset inquisitione.* Annon hic ad Traditionem, quam nullibi certiùs, & fidelius, quàm in Apostolica sede Petri conservari sciebat, appellat *Carolus*? Pari modo Patres Concilij Francofurtensis, cui ipse *Carolus M.* interfuit, in eadem fidei controversiâ appellant ad Traditionem, & Consuetudinem, in epistola Synodica ad Hispaniæ Præsules: Perlecto enim, publicè Elipandi libello in confesso respondent Patres: *Audivimus in novis quasdam assertiones exaratas, non tam antiquis Sanctorum Doctorum Traditionibus convenientes, quàm vestris nuper inventionibus confirmatas.* Ac mox: *Cur nobis non sufficiunt, quæ in Sanctorum Patrum dictis inveniuntur, & universali Catholica Sanctionis consuetudine confirmantur?* Viden', ut hic primus statim clypeus hæreticis objiciatur ex Traditione? Omitto cætera, quæ in eadem epistola Synodica toties repetuntur ex Traditione Patrum & Doctorum.

Pari modo *Carolus M.* in decretis morum ad Traditionem se revocat. Quid enim in tot Synodis sub *Carolo* habitis, quid in Capitularibus *Caroli*, quid in ejus Constitutionibus aliud legis? (si tamen unquam legisti,) quàm antiquorum Conciliorum, Pontificum, & SS. Patrum decreta, & Leges Ecclesiasticas, ad quas Ecclesiæ in Francia & Germania formatæ. Tuum nunc est, vel unicum locum aut testimonium proferre, quo *Carolus M.* verbum Dei Traditum cum Lutheranis rejiciat. Id nisi præstes, fallax, ut in alijs omnibus tuis, ita & in hoc, scriptor habebis.

## CAPVT II.

## De Verbo Dei Scripto.

**M**Agnum hic denuò triumphum promittit *Prædicans*, sed tam inanem, & fictitium, quàm supra de *Verbo Tradito*. Controversia omnis est de *Scriptura*, quam ut ordine exponamus: id primo statuendum, ad *Scripturam Sacram* tria requiri. I. *Canonem*, seu numerum sacrorum librorum: II. *Versionem*, seu translationem: III. *Sensum* tam literalem quàm mysticum.

I. *Canon* quem hic maximè nobis controvertit *Prædicans*, apud Catholicos indubitatus est, in quem hi libri veteris Testamenti sunt relati: *Genesis, Exodus, Leviticus, Numeri, Deuteronomium: Josue, Judicum, Ruth: Quatuor libri Regum: Duo Paralipomenon: Esdra primus, & secundus, qui dicitur Neemias: Tobias, Judith, Esther, Job, Psalterium, Proverbia, Ecclesiastes, Cantica, Sapientia, Ecclesiasticus, Quatuor majores Propheta, Duodecim minores, Duo libri Machabæorum* 1. & 2. Ex libris Novi Testamenti: *Quatuor Evangelia, Actus Apostolorum, Quatuordecim epistola Pauli, Petri Apostoli duæ: Tres Joannis: una Jacob: una Judæ: Apocalypsis S. Joannis.*

II. Hunc Canonem præscribit Concilium Tridentinum Sess. 4. quem Patres ejus Concilij per Traditionem acceperunt, ab Eugenio Papa in Concilio Florentino, ut constat ex summa Conciliorum, apud Carranzam. Rursus Eugenius hunc Canonem accepit à Gelasio Papa in Concilio Romano. Patet id ex Tomo Conciliorum in decretis Gelasij. Iterum Gelasius hunc Canonem accepit ab Augustino, Lib. 2. de doctrina Christiana c. 8. uti Augustinus acceperat à Concilio Carthaginensi. Denique Patres hujus Concilij acceperunt ab Innocentio I. epist. 3. ad Exuperium, c. 7. Vixit autem Innocentius anno Christi 402. Inde hic Canon, ut præter cætera, ex omnium Bibliorum veterum exemplaribus constat, per continuam Traditionem peruenit ad ætatem Concilij

eilij Tridentini, & ad nos usque, ut multis exponit Serrarius, Becanus, alijque. Et si D. Augustino Lib. 13. cont. Faustum Manichæum cap. 5. dicere licuit de hoc Canone: *Nostrorum Librorum auctoritas, tot Gentium consensione, per successores Apostolorum, Episcoporum, Conciliorumq, roborata, vobis* (Manichæis) *adversa est*: quanto id nunc potiore jure obtendimus.

III. Ordo Sacrorum Librorum duplex ponitur. Primus eorum, de quorum auctoritate nulla inter Catholicos unquam fuit disceptatio: Alter eorum, qui etsi verè divini & Apostolici fuerint; quo ad se, non tamen semper æquè certa & explorata fuit auctoritas quo ad nos, quales *Esther, Tobias, Judith, Sapientia, Ecclesiasticus, Machabeorum primus & secundus, Epistola ad Hebræos, Epistola Jacobi, Posterior Petri, Epistola Jude & Apocalypsis*. Tūmalix quædam partes. Hinc in veteri Legge, *Protocanonici Libri, & Deuterocanonici*: Deinde alius *Canon Judæorum*, alius *Christianorum*. Quasi super re exactissimè omnium Serrarius in absolutissimo opere Prolegomenorum, (quem hic præteris, qui tot alios auctores nobis citas) Bellarmin. alijque. Demum ut in hac controversia certum quid statuatur; (Cum ex ipsa Scriptura Canon Scripturæ demonstrari non possit) Standum I. est *Traditione Ecclesiæ*, quæ pro Catholicis facit. II. Standum est *Judicio Ecclesiæ*, quemadmodum Augustinus toties docet, eum planè cont. Epist. Fundam. c. 5. Lib. cont. Crescen. c. 33. Lib. 1. cont. advers. Leg. & Proph. c. 20. Lib. 28. cont. Faustum c. 2. *Ego Evangelio non crederem, nisi me Catholica Ecclesia commoveret auctoritas*: Nec enim alius hic exitus datur, in quamcunq; demum partem te convertas, ut mox verbo exponam.

IV. Ex Canone, hoc Catholicæ Ecclesiæ Lutherani excludunt *Tobiam, Judith, Esther, Sapientiam, Ecclesiasticum, Machabeos*. Ex novo Testamento: *Epistolam ad Hebræos, Epistolam Jacobi, Epistolam Jude, & Apocalypsin S. Joannis*; alij plures, alij pauciores, prout cuique Neotericeorum libitum est. Contra Calvinistæ *Epistolam ad Hebræos, Epistolam Jacobi, Epistolam Jude, & Apocalypsin* admittunt. Inde jam triplex Canon Scripturæ emergit: I. Catholicus, II. Lutheranus, III. Calvinianus. Jam verò, ex quo principio, Nisani, hoc de Canone dissidium nobis compones, si Ecclesiæ, ut facis, auctoritatem seponas? Inò ex quo principio Lutheranos cum Calvinistis compones, ut infallibili aliquo argumento

mento ostendas, Canonem Lutheranorum veriore esse, quàm Calvinistarum? Hic tu nunquam te expedies à Calvinistis, qui tantus vis esse oppugnator Catholicorum.

Obijcis I. Tobias, Judith, Esther, Sapientia, Ecclesiastes, & Machabæi, non sunt in canone Judæorum, ergo excludi debent à Canone Christianorum. Præclara argumentatio, quasi auctoritas Synagogæ præferenda sit Ecclesiæ Christianæ. Deinde quàm nulla sit consequentia, fatetur Augustinus Lib. 18. de Civit. Dei, c. 37. *Machabæorum libros, inquit, non Judæi sed Ecclesia pro canonicis habet.* Planius Isidorus lib. proëm. in Vet. & Nov. Test. *Hebræi non recipiunt libros Tobie, Judith, & Machabæorum, Ecclesia tamen eosdem inter Canonicos recipit.* Rursus: *Sapientia & Ecclesiasticus parem cum reliquis canonicis libris tenere noscuntur auctoritatem.*

Obijcis II. Non solum Judæi, sed & Patres antiqui, prædictos libros excludunt à Canone, quàm in rem Nisanius multos adducit. R. Frustra id agi: quia Patres illi scripserunt ante Innocentium & Augustinum, cum nondum de his libris ab Ecclesia definitum esset. Ideo decem ex his admittit Becanus dissentire, quod tum illis licebat: Ideoq; Canonem Hebræorum secuti, illos receperunt libros de quibus nulla dubitatio esse poterat. Nec aliud Bellarminus à te adductus censuit, rectèque pronunciavit: malle hæreticos cum Judæis, quàm cum Christianis sentire. Uti autem hi libri asserantur Canonici aliorum Patrum testimonij, leges apud Bellarm. lib. 1. de verbo Dei, c. 10. & sequent. Serrarium, tum apud Cornelium à Lap. cæterosque interpretes. Tædet hanc cramben toties repetere, quando tu nihil adfers, quod non centies refutatum sit; & quæ adfers, tam imperitè & confusè proponis, ut te parum intelligere ostendas.

Nam III. Obijcis, nos auctoritatem sacrorum Librorum sumere ab Ecclesia. R. Ecclesia declarat tantum auctoritatem Libri, non facit: ut qui in se erat Canonicus, etiam nobis sit Canonicus. Et hoc est quòd omnes Catholici à te citati docent. Hæc elementa Theologiæ non capis, qui Theologiæ Licentiatus vis esse. Lapis Lydius facitne aurum, an probat, ac declarat? Jam suprà multis ostendi Ecclesiam non facere novos Articulos fidei, sed declarare: ut qui in se tales erant, etiam nobis sint.

#### IV. Obijcis:

IV. Obijcis: In Concilio Tridentino multis disceptatum esse, de Canone Librorum. &c. Id in omnibus Sessionibus factum esse: Verum non hic queritur de inquisitione & disceptatione, sed de ipsa decisione & definitione Ecclesiæ, ex qua Canonem habemus. Petrus Suavis, qui tibi placet, apostata & hæreticus est, satis à Pallavicino in historia Concilij Tridentini refutatus, hunc lege prius, ac tum redi, dignumque aliquid eruditis auribus adfer.

*Carolus M.* nobis propositus est, & nihil adducis, quo probes eum dissensisse à Canone Catholicorum, quod tamen in hac Quæstione præcipue tibi præstandum erat. Verum *Carolus* nihil aliud præscribit, quam ut Canonici Libri tantum legantur. Ita habes in Capitulari Aquisgranensi, Can. 10. Lib. 1. Capitular. Tit. 20. Nec in ulla Synodo Carolina aliud quicquam præscriptum est de Canone librorum: Nam quod adfers, ex Lib. 3. de Imaginibus, in quo habetur: *Novum & vetus Testamentum recipimus in eorum Librorum numero, quem sancta Catholica Ecclesia tradit*, hoc ipsum te ac Lutheranos magis oppugnat, quam juvat, quando hi libri (etli Carolini non sint, ut infra ostendemus,) non alium Canonem agnoscunt, quam ab Ecclesia Catholica receptum: quod si Lutherani facerent, hæretici non essent. Accedit quod Carolus M. ubique in Capitularium libris, & Synodorum decretis seclatur Concilium Carthaginense, & D. Augustinum: atqui Concilium Carthaginense, & Augustinus, hunc, quem diximus, Catholicæ Ecclesiæ Canonem, sequuntur; Ergò & Carolus M. hunc sequi censei debet.

Tandem ut Carolum nobis Lutheranum fingat Nisanius, scribit: Catholicos docere, Scripturam esse obscuram, secus quam Carolus M. qui claram proficetur, idque probat ex constitutionibus Caroli, apud Goldastum, in quarum una Carolus dicit: *Lucerna est mandatum & lux vita, & increpatio, & disciplina*. Quam hoc frivolum & nugatorium est argumentum! Quare &c. Catholicos, quos tu citas in hanc rem, ut Becanum, Bellarm. Valentiam, Gretzerum, non aliud docere, quam Scripturam in multis quoad sensum literalem esse obscuram, quod manifestum est, I. ex testimonio D. Petri de Epistolis D. Pauli, 2. Petri 3, in quibus dicit *quodam esse difficili intellectu*. II. Constat inductione, omnium Prophetarum, & Apocalypsis B. Joannis. III. Patrum testimonij, quæ leges apud Bellarminum, lib. 3. de verbo Dei, c. 1. & seqq. IV.

Z

Confes.

Confessione ipsorum Lutheranorum : Nam si Scriptura est tam clara, quorsum tot commentarij Lutheri , & aliorum? quorsum tot libri controversiarum? imò si tam clara, quare tot hæreses, fatali hoc ævo nostro, ex quo primùm ad Scripturam contra Catholicos provocare cœperunt? imò si tam clara tibi, quare non omnes hæreses in concordiam componis, quòd sanè hic tuus liber non faciet, in quo merum est chaos hæreseôn. R. 2. Per hæc verba: *Lucerna est mandatum*, non aliud velle Carolum, quàm quòd Scriptura ipsa dicit, nempe præcepta Dominica esse lucida: quâ super re vide Bellarm. lib. 3. de V. D. c. 2. Ne quid hîc de Gollasto hæretico & fallacissimo scriptore memorem.

Demum Carolum M. nobis Lutheranum persuadere vis, eò quòd & ipse sacram Scripturam diligenter legerit, & Episcopis ac Sacerdotibus legendam commendârit: idque probas ex Concilio Turonensi sub Carolo M. celebrato, in quo Concilio etiam commendatur, ut sacri Libri in Theotiscam linguam vertantur, ut ab omnibus legi possint. Idem Ludovicum Pium fecisse dicis. Multa præterea in hanc rem congeris, ex Bonifacij Epistola, & alijs auctoribus, à quibus Sacrarum literarum lectio commendatur populo, cum primis Chrysoltoani testimonio. Jam verò Catholici, inquis, prorsus contrarium docent, vetantque lectionem sacrae Scripturae, idque præscripto Concilij Tridentini, quo prohibetur Sess. XXII. c. 7. & Can. IX. *Ne passim omnibus sine discrimine concedatur ejusmodi lectio, & ne in publico & communi usu Ecclesie legantur Scripturae, vel canantur vulgaribus linguis*, quemadmodum id Bellarm. lib. 2. de V. D. c. 15. agnoscit.

R. Et dico: hoc Concilij præscripto contineri: primùm, ne legantur Scripturae vulgari lingua in Ecclesijs, sed tribus sacris linguis, aut Hebræâ, aut Græcâ, aut Latinâ: id quod Bellarminus ad tempora Lutheri toto orbe terrarum factum eruditè probat; Hosius quoque Cardinalis, & Ledesma, alijque demonstrarunt, lib. 2. de Verbo Dei, c. 15. Ut iam insolentissima sit insania, disputare an faciendum sit, quod uni versa observat Ecclesia, teste Augustino. Hinc idem August. lib. de doctrina Christ. c. 11. docet: ad intelligentiam Scripturarum necessariam esse Hebræam, Græcam, & Latinam linguam, easque satis esse constat.

Alterum est: An populo permittenda sit S. Scripturae lectio, & an necessaria sit ad salutem? primùm cautè faciendum monet Tridentinum, maximè

maximè ob versiones Bibliorum in vulgares linguas, quæ corruptæ sunt hoc hæresis sæculo. Itaque licet per se sit utilis lectio Scripturæ ex vulgari lingua, per accidens tamen noxia esse potest: quando, ut Hilarius scribit lib. de Synod. *ex Scripturâ non intellectâ nata sunt omnes hæreses*: ut sanè hoc sæculo factum, valetque nunc illa Hieronymi querela, Epist. ad Paulinum: *Quod medicorum est, promittunt medici, tractant fabrilis fabri, sola Scripturarum ars est, quam passim sibi omnes vendicant: Hanc garrula anus, hanc delirus senex, hanc sophista verbosus, hanc universi præsumunt, lacerant, antequam discant. Terentium Maurum Poetam sine magistro attingere non audes, & de Scripturis sine præceptore audes ferre sententiam.* Ut multis etiam contendit August. Lib. de util. cred. c. 7. Hinc Basilii coquo ex Ariana secta, se ad disputationem offerenti respondit: *Tuum est de pulmentis cogitare, non dogmata fidei decoquere.* Experimento hoc didicit ipse Lutherus vester, ex illa hæresum nata multitudo, ut dicere necesse habuerit: *Scripturam esse librum hæreticorum.* Obtrusistis populo jam ab integro sæculo, cum novo plausu, lectionem sacræ Scripturæ: at quo fructu? an idè apud vos homines magis pij, & sancti, quàm apud Catholicos? Imò quot sectæ & hæreses, ex quo Lutherum fingitis biblia ex latebris produxisse? Ante Lutherum per universam Germaniam una religio erat, cum Episcopi, & legiimi Pastores regerent & docerent Ecclesiam. Idè Carolus M. Episcopis, Pastoribus & Sacerdotibus sacram scripturam legendam toties præscribit, plebi nusquam. *Ipse dedit . . . . Pastores & doctores.* Eph. 4. *Qui vos audit, me audit.* Et: *qui legit, intelligat.* Adeoque Isaias dixit: *Nisi credideritis, non intelligetis.* Quantum etiam tu Licentiatu Theologiæ haberi vis, (cùm hæreticus sis) non intelligis Scripturam: nam si intelligeres, hæreticus non esses. Quid nunc de ipsa plebe tua dicam? *Sicut populus, sic Sacerdos*: imò nec Sacerdos quidem es, qui te tamen Superintendentem loco Episcopi ferre audes. Ergone Catholici absolute prohibent lectionem scripturæ? minimè sanè. Quorsum enim Germanici idiomatis versio ante Lutherum? Quorsum deinde vulgata versio Diettenbergij, quorsum Ullenbergij, omnium manibus apud nos teritur? Quorsum Archiepiscopus Moguntinus, Biblia Germanicè recens versa, & typis novis expressa vulgavit? Commenta & fraudes vestræ sunt, quibus hæc populo persuadetis. Biblia vestra, sicut omnium hæreticorum meritò in-

terdicuntur, quæ nec Canonem verum, nec versionem sinceram, nec sanum sensum habent, sed multis glossis viciatum, ex quibus hæresis vestra virus instillatur incautis.

Ac ne meo iudicio hæc referri existimes: lege quæ Layman solertissimus sacrorum Canonum Doctor, Lib. 2. Tractat. 1. c. 25. hæc super re scribat, asserendo nulli in Germania Laico lectionem Bibliorum veritam esse, solumque ab Episcopis versionem hæreticorum, & noxiarum librorum prohiberi. Quin Serrarius in Proleg. Bibliorum: tantum, inquit, abesse, quod minus puniantur apud Catholicos, ut laudandi etiam sint, qui versionem Eckij & Diettenbergij legunt. Et quis unquam Episcopus in Germania inhibuit lectionem Bibliorum probatæ versionis? perstringis tu quidem *Ferdinandum* Episcopum nostrum Paderbornensem non obscure, tanquam Bibliorum lectionem inhibuerit suis subditis: sed vide quâ injuriâ id facias Pseudoepiscopo, contra verum Episcopum tuum. Erat in Delbruggensi, ac vicino vobis loco, subornatus impostor quidam rusticanus, qui incautam plebem collectis cæteribus perversè docebat, erroresque tuos spargebat, prælectione corruptorum Bibliorum, & librorum tuorum: fraude per Parochum detectâ, delatâque, *Episcopus* libros illi subtraxit, & docendi munus inhibuit, quod nec *missus* ad docendum, nec ullâ scientiâ præditus esset. Fecit *Episcopus*, quod vigilantissimi *Pastoris* erat: tu fecisti, quod lupi est. Quæ nunc causa traducendi *Episcopum*? criminandi que, tanquam lectio Bibliorum Catholicis inhibeat ab Episcopis? Legunt Cives Paderbornenses, & omnes diocesis incolæ, tam liberè Biblia apud nos, quàm apud vos Lutheranos & Calvinistas: sed quæ versionis probatæ tantummodò sunt, & ab hæresi incorrupta. Quod cum per Belgium & totam Germaniam fieri videatis, quâ mentiendi impudentiâ scribitis, & declamatis apud plebem, Catholicis prohiberi lectionem Bibliorum? quod mendacium tam insolens nobis occurrit, quàm cum dicitis, à Catholicis per idololatriam coli Imagines, vetari apud nos matrimonia, Leges humanas pro Divinis, ac supra Divinas haberi: Pontificem venerari nos, ut Deum: & quæ hujusmodi ex officina prodeunt calumniarum vestrarum; longè secius quàm prudentes etiam viri persuaderi sibi patiuntur. Fulcrâ hæc sunt hæresis vestra, quibus apud plebem sustentatur. Hinc & videas apostatas nostros, qui ad vos transeunt, nō aliâ magis fraude populi gratiam & plu-



& plausum captare, quàm hac calumniandi fallaciâ : Nam si capita fidei, ut in se sunt, & à Catholicis creduntur, sincerè populo exponeretis, pauci apud vos Lutherani manerent. Hæc interim causâ, cur tam multi, magnique inter vos viri, ac celebres etiam populi doctores, cognitâ veritate ab Ecclesia vestra ad Catholicam transeant, & reflexò calamo, styloque hæreses vestras oppugnent, quos inter Volusius, Frommiius, alijque viri, doctrinâ, & libris editis clari : quos ob id Nifanius etiam tanquam clumbis canis allatrat.

Sed nunc redi mecum ad propositionem hujus controversiæ, quam ex verbo Dei *Principium Fidei* Lutheranæ inscribis, & vide, quàm inane & falsum hoc *Principium* proponas tuis, quod hoc syllogismo cognoscas :

Apud quos non est verum & sincerum verbum Dei, apud illos non potest esse verum & sincerum fidei principium;

Atqui apud Lutheranos non est verum & sincerum verbum Dei:

Ergò nec verum & sincerum fidei principium.

Major est Nifanij, minor probatur : quia verbum Dei aliud est *Traditum*, aliud *Scriptum*; neutrum apud Lutheranos est verum aut sincerum: Ergò. Non *Traditum*; quod abijcitis, eaque simul, quæ vera Christi Ecclesia ex verbo tradito credit. Non *Scriptum*: quia Scriptura divina consistit in vero Canone, incorrupta versione, & vero sinceroque sensu. Nihil horum trium est integrum apud Lutheranos : Ergo nec verum & sincerum verbum Dei *Scriptum*. Uti hæc planius demonstrarunt cum Bellarmino innumeri Scriptores Catholici : Et supervacaneum hoc loco repetere, quæ vel ex allatis hîc suprâ satis æstimari possunt. Interim vos Lutherani nihil magis apud populum declamatis, jactatis, & crepatis, quàm *Verbum Dei & Scripturam*. Hoc idem faciunt Calvinistæ, Zwingliani, Anabaptistæ, Puritani, Arminiani, Gomaristæ, & omnes horum temporum sectarij: ex quibus tamen novum illud Evangelium, nil aliud habet, quàm confusionem Religionis, mantellum fallaciæ, populi ludibrium, & seminarium hæreseôn, seu, ut verbo dicam, *magisterium & mysteriû iniquitatis*. Imò si tantus es Doctor, omisâ hîc causâ cum Catholicis, ostende vel uno argumento, *Canonem, versionem & sensum* S. Scripturæ, esse veriorem & sinceriorem apud vos Lutheranos, quàm Calvinistæ, aut quoslibet alios sectarios : quo non & ipsi in vos

ipſos retorto, veſtram Scripturam oppugnent, evertantque. Igitur, quod Patres de priſcis hæreticis queruntur, idem & nos querimur, & quidem cum ſancto Auguſtino, Epistol. 222. ad Conſentium dicimus: *Omnes hæretici qui Scripturas in auctoritate recipiunt, ipſas ſibi videntur ſectari, cum ſuos potius ſectentur errores: ac per hoc, nõ quod eas contemnunt, ſed quod non intelligant, hæretici ſunt.* Rurſus Tractat. 18. in Joannem: *Neque enim aliunde nata ſunt hæreſes, & quadam dogmata per verſitatis illaqueantia animas, & in profundum præcipitantia, niſi dum Scriptura bone, intelliguntur non bene: & quod in eis non bene intelligitur, etiam temere, & audacter aſſeritur.* Et alibi Quaest. 69. *Non enim poſſet error oboriri palliatus nomine Chriſtiano, niſi de Scripturis non intellectis.* Iterum lib. 7. de Gen. ad lit. c. 9. *Omnes hæretici Scripturas Catholicas legunt, nec ob aliud ſunt hæretici, niſi quod eas non recte intelligentes, ſuas falſas opiniones contra earum veritatem pertinaciter aſſerunt.* Denique cum eodem S. Patre de bono perfeverant. cap. 1. *Hæretici Scripturas ſic accipiunt, ut ſuo quodam privilegio, imò ſacrilegio, quod volunt, ſumant, quod nolunt reiſciant.* In hunc proſus modum Vincentius Lerinenſis, S. Auguſtino inter Patres tempore æqualis ſcriptor, nobis hæc fraudes veſtras in aureo ſuo libello, c. 35. palam in lucem producens: *Hic fortaiſſis, inquit, aliquis interroget, an & hæretici divina Scriptura testimonijs utantur? nuntur plane, & vehementer quidem: nam viſeas eos volare per ſingula quaque ſancta legis volumina, per Moysen, per Regum libros, per Pſalmos, per Apoſtolos, per Evangelia, per Prophetas. Sive enim apud ſuos, ſive privatim, ſive publice, ſive in ſermonibus, ſive libris, ſive in convivijs, ſive in plateis, nihil unquam penè de ſuo proferunt, quod non etiam Scriptura verbis adumbrare conentur.* Vides hîc fratrum tuorum ingenium Niſani? Hæretici erant iſti, ſicut audilti, & tamen *purum & purum verbum Dei*, ſcilicet, ubique crepabant, Catholicum nomen, veramque Eccleſiam non minus pertinaciter, quàm tui nunc Lutherani, ſibi vendicando.

## CAPVT III.

*De regula fidei, quam Lutherani, et ceteri Novatores,  
malè ex sola sacra Scriptura obtendunt.*

**H**Is de verbo *Dei scripto*, & *Tradito* expositis: quæstio superest de *Regula credendi*, quam Lutherani, & omnes horum temporum novatores, in sola Scriptura constituunt, quæ tamen apud illos nulla certa, & infallibilis esse potest, ac non nisi mera impostura: quâ quælibet *sêcta* suos in erroribus suis retinet, & dementat. Quòd verò nullam certam *Regulam* habeant Lutherani, ex qua statui possit, quid necessariò sit credendum:

Id constat I. ex eo, quòd verbum *Traditum*, seu *Traditiones* reijciant, uti facit Lutherus in c. i. ad Gal. & ceteri, de quibus diximus, Lutherani: cum tamen tam multa credi debeant ex verbo *Tradito*, quæ in verbo *Scripto* non inveniuntur. Exempli gratia: I. Credendus est certus *Canon Scripturae*: utrùmne, videlicet, hi Libri, quos Lutherani è *Canone* abijciunt, *Tobias, Judith, Ecclesiasticus, Sapientia, Libri Machabeorum, Apocalypsis, Epistola Jacobi & Jude, Epistola ad Hebraeos*, spectent ad *Scripturæ Canonem*? Id ex nullo verbo *Scripto* ostendi potest: aut locum cita. Certè Augustinus non repererat, quando agebat: *Ego Evangelio non crederem, nisi me Catholica Ecclesia commoveret auctoritas*. Quòd deinde contra Epist. Fundament. c. i. multis deducit. II. Quòd *Scriptura incorrupta* ad nos pervenerit. III. Quis sit verus *Scripturae sensus*. Hæc enim potissimùm ex *Traditione*, ex Concilijs, & Patribus peti debent. Præterea credendus est certus numerus Sacramentorum, quem aliter Catholici, aliter Lutherani, & Calvinistæ statuunt: Quæ definitio sit Sacramenti, ut ex ea certus numerus statui possit, & propriè dictum Sacramentum ostendi: An infantes accipiant actualem fidem in baptismo? affirmant Lutherani, negant Catholici. An baptizati ab hæreticis

ticis sint rebaptizandi? Quæ quæstio olim multum agitata fuit; Augustinus non aliter hanc expediri posse censuit, quàm ex Apostolica Traditione & consuetudine Ecclesiæ. Vide illum Lib. 2. de Baptism. Et Lib. 5. c. 23. An Baptismus unâ immersione, an trinâ conficiendus? An B. Virgo Maria perpetuò manserit virgo? An Spiritus S. à Patre filioque procedat? An dies Dominica servanda? An Symbolum fidei sit Apostolicum? Quæque ejusmodi sunt; quæ non ex *verbo Scripto*, sed *Tradito* creduntur. Quâ super re Bellarm. de Tradit. Becanus in Tractatu de fide, & in Manuali. Suarez disp. 5. de Regulis Fidei. Et lib. Defens. Fid. Cathol. alijq; innumeri Theologi. Hinc & Carolus M. in controversijs fidei appellasse ad Traditionem, suprâ ostendimus.

I I. Deficit regula fidei apud Lutheranos, eò quòd SS. Patrum, Pastorum, & Doctorum in Ecclesia auctoritatem rejiciant, idque contra ordinem Christi: *Ipsè dedit . . . . Pastores & Doctores ad consummationem Sanctorum in opus ministerij, in adificationem corporis Christi*: Ephes. 4. *Qui vos audit, me audit*, Luc. 10. Hic enim ordinarius est modus à Christo institutus, ut populum doceat per Pastores, & Doctores; & si Pastores simul errarent, tota Ecclesia erraret in fide. Hinc Concilium Nicænum, uti omnia cætera Oecumenica Concilia in controversijs fidei decidendis provocarunt ad Traditionem, & Patrum doctrinam, quod idem fecit Concilium Tridentinum. Quam & regulam dedit Vincentius Lerinensis c. 3. *Si ab his nullatenus sensibus recedamus, quos Sanctos majores, ac Patres nostros celebrasse manifestum est, vel omnium, vel certè penè omnium Sacerdotum pariter, & Magistrorum definitionem, sententiasq; sectemur*. Hanc regulam toties præscribit S. Augustinus, Lib. 2. contra Julianum, & Lib. 4. contra duas epistolas Pelag. c. 12. Quapropter lib. 18. de Civit. Dei. c. 41. scribit non sine Spiritus S. assistentia potuisse tot Patres semper in unam sententiam simul, & tot fidei dogmata convenire. Quam certus autem Carolus M. ad Patres appeller, leges in epistola ejus ad Episcopos Hispaniæ, & omnibus Synodicis epistolis, præcipuè Concilij Francofurtensis. Jam verò Lutherus lib. contra Regem Angliæ scribit, non curare se mille Augustinos, mille Cyprianos: quod idem facit Calvinus. Ac tamen si Lutherani in speciem Patrum auctoritatem recipiant, quia tamen in Scriptura unicam regulam fidei ponunt, parum apud illos Patrum auctoritas valere poterit.

Quæstio

Quæstio nunc est an Scriptura Lutheranis certa & sufficiens, & unica regula credendi esse possit. Hoc quidem illi obtendunt, & nihil magis jactitat Nifanius, sed quàm se suosque fallat, ex his planum esse poterit.

I. Quia per hanc regulam non possumus judicare de ipsamet Scripturâ: atque ita ipsa regula nobis incerta inanebit; quæ tamen ante omnia debet esse nota, & certa, ut possit applicari tanquam mensura credendorum. Nam ex scriptura constare non potest Canon librorum sacrorum, V. G. hunc librum verè esse Scripturam, non esse supposititium, & confictum ab aliquo: Hanc vel illam sententiam non esse perversam, non esse insertam, denique nihil esse additum, vel detractum, quod ad doctrinæ substantiam spectat. Hoc totum ex Scriptura constare non potest, sed solum ex conjecturis quibusdam humanis, semotâ, ut diximus, Ecclesiæ Traditione & auctoritate, atque ita totum fundamentum fidei Lutheranæ conjecturis innititur.

II. Scripturæ vis non consistit in *sono* verborum, sed in *sensu*, qui est vita & anima scripturæ: *Littera enim occidit, Spiritus autem vivificat.* 2. Cor. 3. Et rectè Hilarius: *De intelligentiâ est hæresis, non de Scriptura: & sensus, non sermo fit crimen.* lib. 2. de Trinit. Imò Tertull. lib. de resurrect. *Hæreses esse non possent, si non etiam scriptura male intelligi possent.* Hinc alia *materialis*, quæ in sono verborum, alia *formalis*, quæ in vero sensu consistit, Scriptura distingui solet. Jam verò mille sunt controversiæ de *sensu* scripturæ, quæ remota *Traditione*, & Patrum expositione non possunt decidi, ut experienciâ constat: Ergo Scriptura sola hic non potest esse certa, & unica regula credendi. Exempli causa: *Hoc est Corpus meum*, quæ verba aliter à Catholicis, aliter à Lutheranis, aliter à Calvinistis intelliguntur. Imò *Claudius de Saintes* Episcopus Eboracensis supra octoginta hæreses, super his paucis verbis Christi recenset. Idem est de alijs Scripturæ locis, ex sensu controversis, inter Catholicos, Lutheranos, Calvinistas, cæterasque horum temporum sectas. Quocirca Concil. Tridentinum Sess. 4. duas tradit regulas intelligendi Scripturam, *judicium* videlicet, *Ecclesia*, quod ubi definitum est, facit fidem infallibilem: deinde *consensum SS. Patrum*.

III. Illa non est idonea credendi regula quæ contrarijs Religionum dogmatibus æquè accommodatur; Atqui Scriptura omnium Re-

A A

ligionum

ligionum contrarijs dogmatibus accommodatur : quòd vel ex eo constat , quòd uti Lutherani dicunt se niti Scripturâ , ita Calvinistæ , ita Zwingliani , ita Puritani , ita Anabaptistæ , ita omnes in Europa sectæ , se scripturâ niti contendunt : & tamen inter se tantum dissident , quantum secta diversa ab alia secta . Nec id mirum , eò quòd singulæ Scripturam non accipiant secundum communem Ecclesiæ intellectum , sed secundum privati spiritus cujusque sensum . Unde tota hæc regula Scripturæ reducitur ad *privatum* cujusque *judicium* . Hoc nimirum illud Hilarij , lib. 3. ad Constantium Imper. *Memento neminem hæreticorum esse qui se non secundum Scripturas predicare ea qua blasphemat , mentiatur .*

IV. Hæc regula credendi quam libi Lutherani fabricant ex Scriptura non sufficit : Nam experienciâ constat nullum apud Novatores nostros esse finem , atque exitum controversiarum de gravissimis etiam fidei dogmatibus Dissident enim primò inter se omnes horum temporum sectarij , Lutherani , Calvinistæ , Zwingliani , Anabaptistæ , Confessionistæ in Anglia , Puritani , ac cæteri , qui tamen omnes , se ex Scriptura promittunt reformare Ecclesiam , quam in Papatu per mille annos à fide defecisse clamant . Quæritur ergò , apud quos sit illa regula credendi ex Scriptura , quæ sola ex vero Scripturæ sensu sit infallibilis ? Deinde dissident inter se ipsi *Lutherani rigidi* , & *molles* , *Brentiani* , & *Saxonici* , qui Brentianos 17. errorum reos condemnant , *Vbiquistæ* , *Anholdini* , *Luthero-Me'anchthonici* , *Luthero-Osiandrini* , *Luthero-Flacciani* , aliæque Lutheri sectæ . Dissident inter se Calvinistæ , divisi que in *Gomorrhistas* , & *Arminianos* . Dissident in Anglia *Confessionistæ* , *Puritani* , *Presbyteriani* , & centum istic sectæ . Dissident inter se Anabaptistæ tot sectis , quot regionibus & urbibus divisi . Quâ Scripturæ regulâ hos in concordiam , & veram tandem religionem compones ? qui tamen omnes ad scripturam provocant . Nunquid hic illud Tertulliani lib. de præscriptionibus valeat ? *Præquam veniatur ad certamen Scripturarum , stabilendum est , cujus sint Scriptura : à quo , & per quos , & quando , & quibus sit tradita disciplina , qua sunt Christiani : ubi enim apparuerit esse veritatem fidei , & disciplinam Christianam , illic & veritas erit Scripturarum , expositio-num , & omnium Traditionum Christianarum .*

Vtrumne igitur Scriptura non est regula fidei ? Imò verò , idque de fide esse dicimus cum Tridentino , Sess. 4. & SS. Patribus . Inde Ca-  
nonica

*nonicæ Scriptura* dicuntur, ut & S. Augult. lib. 2. contra Ctescent. c. 32. Et lib. 11. contra Faustum, c. 5. exponit: ideoque *Canonica est dicta, quia est regula, quâ nostra infirmitas gubernatur.* Et ratio est: quia nulla est certior regula, quàm divina auctoritas, ut multis docet Suarez, Disp. 5. de reg. fid. sect. 3. sed non sola, nec sufficiens ad omnes controversias fidei. Quocirca addenda *Traditio & consensus Patrum*, inter fidei regulas, ut Tridentinum cum cæteris Concilijs statuit. Deinde præter has regulas mortuas, necessaria est in Ecclesia regula fidei animata, quæ sensibili modo possit infallibiliter res fidei proponere, & decidere, veramque doctrinam discernere à falsa, in qua regula omnim controversiarum cum hæreticis cardo versatur, ut sapienter Suarez docet, sect. 5. & cum eo omnes qui de Judice controversiarum scripserunt Theologi. Atque hæc assertio de fide est: Tum quia in veteri testamento hæc regula viva, & hoc iudicium à Deo institutum fuit ad controversias fidei decidendas. Deut. 17. *Si difficile & ambiguum apud te iudicium esse perspexeris, ..... Venies ad Sacerdotes Levitici generis, & ad iudicem qui fuerit illo tempore: quæresque ab eis, qui indicabunt tibi iudicij veritatem.* Vnde Malachiæ 2. *Labia Sacerdotis custodient scientiam, & Legem requirunt de ore ejus.* Et cui verisimile videri potest, Christum reliquisse Ecclesiam suam, sine hoc providentiæ suæ beneficio, & ordinatione, quam tot hæresibus concutiendam prævidit, & prædixit per se, & Apostolos suos.

Tum quòd in primo Apostolorum Concilio, cum inter fideles orta esset controversia de Legalibus, ita conventum, decisumque, ut dixerint Apostoli, Act. 15. *Visum est Spiritui sancto & nobis.* Qui deinde modus, & regula decidendi controversias fidei contra hæreses obortas in Concilio Nicæno, & omnibus deinde Concilijs Oecumenicis, & Nationalibus, cæterisquæ est observatus. Quòd Episcopi, ac Patres non aliam viam, nec regulam certiorè à Christo relictam agnoscerent, nunquam verò dissidentes ad privatum iudicium ex Scriptura remittendo, quod hæretici nostri hîc unicè agunt, ut omnia in Ecclesia confundant, & libertatem hæresum introducant.

Tum quia Scriptura in multis est obscura & difficilis intellectu, ac de ipsius etiam auctoritate ambigitur, an canonica sit, ut hanc controversiam ipsi Novatores fecèrè, tot Libros, & Canones eradendo. Ejusmodi difficultates circa traditiones occurrere possent: igitur neces-

saria est *regula viva*, quæ in his ac similibus infallibilis sit iudex. Non potest autem privata persona ejusmodi iudex esse, cum infallibili iudicio, sed publica sit oportet persona, & regula à Deo statuta, quales Pontifex, & Episcopi sunt in Concilio plenario, qui universalem Ecclesiam repræsentant; cui juxta tot promissiones Christi assistentia Spiritus sancti, non errare possit in fide, promissa, & præstò est.

Accedit quod Scriptura se habeat per analogiam ut lex scripta Juris Civilis, aut Canonici; & sicut lex scripta norma tantum est & regula muta, secundum quam iudex in decidendis controversiis procedit, ac vivâ voce decidit: Ita Scriptura non est iudex, sed norma, quam iudex sequitur; & sicut lex ipsa controversias, quæ de ipsius legis sensu moventur, non decidit, ut partes litigantes intelligant, utri causa adjudicata sit, cum id iudex facere debeat vivæ vocis, & sententiæ pronuntiato: Ita Scriptura non judicat inter partes litigantes, sed id ab aliquo iudice fiat necesse est: Neque hæc res probatione indiget, cum experientia sit evidens: enim verò Lutherani, Calvinistæ, Zwingliani, Puritani, Anabaptistæ, & omnes per Europam sectarii ad Scripturam, ut iudicem controversiarum appellant, & jam à centum annis ad hunc iudicem appellaverunt: neque tamen inter ipsas litigantium partes adhuc constat, apud quam ex his omnibus sectis sit veritas, & justitiæ causa. Imò ipsi Lutherani inter se divisi, & Calvinistæ inter se divisi, & Anabaptistæ inter se divisi, litigant inter se, apud quam partem sit doctrinæ Apostolicæ veritas: & nulla adhuc concordia, quia nulla adhuc scripturæ inter ipsos decisio. Ita ad extremum diem iudicii litigabunt ex scriptura: & quo longius litigando procedunt, eò longius inter se discordes & discepti in sectas abeunt. Nimirum *verbo* solam scripturam iudicem faciunt, & *re ipsâ* nullum iudicem agnoscunt: quando quisque propriam interpretationem, & privatum spiritum sibi iudicem relinqui vult. Quid futurum, si Lutherani, Calvinistæ, Zwingliani, Anabaptistæ in Germania; Trinitarii in Virginia, & Transylvania; Confessionistæ, & Puritani, Independentes & centum in Anglia sectæ, in unum Concilium universale convenirent, & Scripturam sacram in medio collocarent, tanquam iudicem in throno suo, quale chaos sententiarum & hærescôn videres! sperandumne ex omnibus illis sectis posse unam aliquam sinceriores conflari, quæ veritatis pollicitationem præ alijs obtendere posset. Citiùs mundus in antiquum chaos resolvetur, quàm id chaos in unam fidem componatur.



Jam verò in Ecclesia Catholica, quia hæc *animata regula* & hic *Judex* controversiarum recipitur, ideo in una confessione fidei per totum orbem Christianum inter tam diversas nationes ab ipso Apostolorum ævo, ad hunc diem concordia & consensus: Non aliunde, quia ab uno Spiritu regitur, & omnes unam auctoritatem in Concilijs Oecumenicis agnoscunt, à qua statuatur, quid ex fidei controversijs credendum sit, sine qua, ut rectè Suarez inquit, impossibile esset Ecclesiam in una fide conservari, qualem Christus in ea esse voluit. Hoc nimirum illud Cypriani, Epist. 69. *Inde schismata & hæreses oriuntur, quòd Episcopus qui unus est, & Ecclesia præest, superbâ contentione contemnitur.* Seu ut alibi: *Quia unus non cogitatur Episcopus, qui vice Christi sit judex.* Ita Hieronymus contra Luciferianos: *Si non sit in Ecclesia una eminens potestas, tot futura sunt schismata, quot sacerdotes.* Ita cæteri Patres. Et ratio est: Si Ecclesia in Concilijs Oecumenicis, in quibus agitur de dogmatibus ad salutem necessarijs, destituatur à Spiritu sancto, quæ erit providentia divina pro Ecclesia, quæ promissionum Christi veritas? quæ fiducia & certitudo? quis omnium controversiarum exitus? nisi, ut S. Augustinus dixit, lib. 32. contra Faust. c. 39. *Suus unicuique animus auctor sit, quid in unaquaque re probeat aut improbet.* Scribit Lutherus in assertionibus: *Rem insanam esse quod Concilia velint constituere quid credendum sit.* Contra Augustinus Ep. 162. & 118. *Insolentissima insania est, disputare an faciendum sit, quod universa observat Ecclesia, aut quod in Concilijs plenarijs decretum est.* Quare S. Gregorius lib. 1. c. 2. *Quatuor prima Concilia Generalia, tanquam quatuor Evangelia recipienda esse docuit.* Ita & Carolus M. cum Hadriano Pontifice contra Elipandi hæresim ad Concilium appellavit, quod judicium Patres immutabile & ultimum appellant, à quo non detur provocatio.

At inquiet quispiam: si ab hac *Regula animata* omnia pendent, ergo cæteræ regulæ, quæ in *Scriptura*, *Traditione* & *consensu Patrum* statuuntur, supervacaneæ erunt. Ad quid enim regulæ mortuæ, ubi vivum oraculum præstò est? At non ita se habet: Nam *regula viva* non excludit necessitatem aliarum, quòd hæc *regula viva* non doceat Ecclesiam per novas, & privatas revelationes; ideo indiget *Scripturâ*, *Traditione*, & *consensu Patrum* ad docendum. Quapropter Pontifices, & Concilia in declarando fidei dogmate, secundum hæc regulas procedunt: ita igitur

tur mutuò hæ regulæ se juvant, habentque se, ut excedens, & excessum: facitque hæc regula viva, ut quod in Scriptura est certum, *quo ad se*, id per declarationem Ecclesiæ reddatur certum atque evidens *quo ad nos*. Hæc paucis de proposita controversia, de qua multis Bellarminus, Suarez, Becanus, Valentia, Stapletonus, alijque Theologi ac Scriptores. Nondum repertus ex novatoribus, qui immotum hoc fundamentum concuteret, & si vel unicum hoc *religionis principium*, in quo omnis cardo controversiarum vertatur, caperent, admitterentque adversarii, brevi omnes lites conquiescerent, redirentque omnes in concordiam cum Catholica Ecclesia, & ad gremium Matris suæ, ex quo primi errorum magistri per tot diffidia religionis, & cruenta bella exierunt.

## DE LIBRIS CAROLINIS.

**M**agno passim novatores plausu Carolinos, ut vocant, libros producunt, quòd in ijs reperisse se jactitent, quæ Lutheranam doctrinam ex Caroli ævo, & Caroli sensu comprobent. Hos inter Nifanius cum antiquis, ut solet, & putridis, totiesque rejectis mercibus, prodit in forum suum scrutarium. Tres potissimum de hisce IV. Libris, qui contra cultum imaginum, tempore Caroli M. conscripti circumferuntur, sunt sententiæ. Prima quorundam Catholicorum, qui opinati sunt, eos omninò post tempora Lutheri conscriptos esse, quorum opinatio passim rejicitur: Tum quòd ex priscis scriptoribus sint, qui eos viderint: Quin Steuchus Bibliothecarius refert, eos adhuc asservari in Bibliotheca Romana: tum quòd Hadrianus Pontifex eos refutarit, ut constat ex ejus epistola ad Carolum M. Denique quod Hincmarus Archiepiscopus Rhemenfis à se lectos fateatur. Interim magna suspicio eos ab hæreticis nostris esse corruptos. Certè inscriptio Caroli M. non est, sed vel Goldasti Calvinistæ, aut aliorum Novatorum manus accessit. Altera sententia est Novatorum nostrorum, qui eos libros Carolo M. adscribunt, quæ falsa prorsus est, ut jam ostendemus. Tertia demum ac vera Catholicorum sententia est, asserentium hosce libros esse hæreticorum eorum, qui tempore Caroli M. cultum imaginum impugnarunt. Quocirca Carolini non sunt libri, sed pseudo-Carolini, ab hæreticis nostri sæculi Carolo M. falsò attributi.

Res

Res ita se habet : sub id tempus, quo Concilium Francofurtense agebatur ab Episcopis Gallia, & Germania, præsente Carolo M. adversus Elipandum Hæresiarcham, oblatis sunt Carolo M. vel occultè, vel palam libri adversus cultum imaginum cum primis conscripti, auctore incerto: quia ut Baronius & alij censent, varij eorum librorum fuere auctores hæresi infecti, credunturque fuisse discipuli Sereni Episcopi Massiliensis, à quo cultus imaginum oppugnari cœpit, tempore Gregorij M. ad quem propterea extat præclara illa Gregorij M. epistola, l. 7: epist. 9. cultum imaginum defendentis. Libros hocce in fasciculum colligatos, ob errores, suspectasque hæreses Carolus M. per Engelbertum Abbatem Romam ad Hadrianum Pontificem misit, quemadmodum Carolus M. solitus in omnibus fidei controversijs consulere Apostolicam scdem. Pontifex acceptis libris Carolo respondit, & ex professo libros illos confutavit, interque cætera exclamat : *O insania fremenium contra fidem, & Christianam religionem ! ut asserant non colere aut venerari imagines, in quibus figura sunt Salvatoris, ejus Genitricis, vel Sanctorum, quorum virtute subsistit orbis atque potitur humanum genus salute.* Ex quibus verbis Baronius rectè conficit, Carolum non esse auctorem, quando Pontifex spicula dirigit in auctores, & hæreticos eorum librorum. Deinde scribit Pontifex : *In hoc Capitulo, qui hæc scripserunt, criminari moliuntur, & contradicere veritati nituntur.* Nec de his dubitari potest, quando hæc Hadriani Pontificis responsio, & confutatio extat in Tomis Conciliorum, passimque in manibus versatur. Accedit Ivo, qui multa ex hoc libro nomine Hadriani in quartam sui partem decreti transtulit. Qua super re multis Alanus, Bellarminus, lib. 2. de Concilijs c. 8. & lib. 2. de Imaginibus, c. 15. Baronius ad annum Christi 794. Sirmondus in notis ad Concilium Francofurtense Tom. 20. Conciliorum Regionum, Gretzerus lib. contra Misenum & Goldastum, Binius, Surius, alijque. Nec alio nomine hi libri Carolini dicti sunt, quàm quòd Carolus miserit ad Hadrianum Pontificem, & Pontifex responsum suum remiserit ad Carolum. Capitularia verò Hadrianus nominat, quod libri illi in diversas contradictiones auctorum, & partes divisi essent, nec cohererent inter se, uti etiam scabro & hiulco stylo sunt exarati. Sanè si Caroli M. sunt libri, quare nihil ex ijs Ansegisus, nihil Benedictus Levita, inter Capitularia Caroli M. retulit, nihil Amersbachius inter constitutiones

tiones Caroli, aut alius inter Caroli M. monumenta numeravit. Id primum Novatores nostri, cum Goldasto Calviniano fallacissimo scriptore, commenti sunt.

II. Non fuisse Caroli Magni libros, evidens est ex eo, quod Hadrianus Pontifex testetur, nihil in ijs libris esse Caroli Magni, præter ultimum Capitulum, quo Carolus Magnus suam prorsus contrariam sententiam, judiciumq; subjunxit ad Hadrianum, hoc ille tanquam aurum à scoria hæreticorum distinxit: Ita enim ex rescripto Hadriani introducit Carolus, cap. 25. *Ultimum Capitulum est, ut sciat Dominus Apostolicus, & Pater noster, & cuncta simul Romana Ecclesia, ut secundum quod continetur in epistola beatisissimi Gregorij, quam ad Serenum Massiliensem Episcopum direxit. Permittimus imagines Sanctorum, quicunque eas formare voluerint, tam in Ecclesia, quam extra Ecclesiam, propter amorem Dei, & Sanctorum ejus, adorare verò eas nequaquam cogimus, qui noluerint: Frangere vel destruere eas, etiamsi quis voluerit, non permittimus, & quia sensum sanctissimi Gregorij sequi in hac epistola universalem Catholicam Ecclesiam Deo placitam, indubitanter & libere profitemur.* Hoc Caroli judicium libris adscriptum, fuit dilaudatum ab Hadriano Pontifice in hæc verba: *Hoc sacrum & venerandum Capitulum, multum distat à totis supradictis Capitulis, & idcirco jam agnovimus vestra à Deo servata, Orthodoxæq; Regalis excellentia esse proprium, in eo, ubi recta fidei plena, penitus confessa est sensum sanctissimum Gregorij sequi.*

III. Libri illi Caroli non sunt, quia multis erroribus reserpsi sunt: Nam I. auctor Constantinopolim urbem ponit in Bithinia, quæ in Thracia est. II. Afferit Conciliū pro cultu Imaginū Constantinopoli celebratum, quod Nicææ est habitū. III. Astringit Nicænæ Synodo quod sanxerit Eucharistiā esse figuram corporis Christi, quæ iconomachorum istic damnata propositio fuit, ut in libro tertio referemus. Multa præterea hujusmodi absurda reperias in libris illis, de quibus Sirmondus in notis ad IV. Hadriani epistolā, ad Carol. M. scriptam. Vide etiā Bellarm. & alios.

IV. Licet hi libri tempore Caroli M. conscripti fuerint, nullum tamen certum auctoris nomen ab origine sua præferunt: Nec alia hujus rei causa est, quam quod Carolo M. ab hæreticis obtrusi fuerint, quos nominis puduit, si quā fraude simul hæreses suas obtrudere possent. At postquam nostrā atate, cum hæresi simulante quadraginta annos, rursus ex foricorum antris producti in lucem operā Goldasti Calvinistæ,

nistæ, ex bibliotheca ut censent Heidelbergensi, nova illis præfatio at-  
textata est ab auctore, qui se *Eli Philii* appellat: Enimverò si Caroli M. li-  
ber, quid hæc ridicula, & insulsa nomina, in quibus sibi mirificè placet  
Nisanius, tanquam *filius hominis* libros hosce scripserit: quanquam nec à  
vobis quidem proditum sit, auctorne sit *Eli Philii*, pseudolibrorum an  
præfationis tantum: ad quem nos, tanquam ad Rabbiniū aliquem re-  
mittitis.

V. Ipsi discrepantes librorum tituli & inscriptiones, quas præfixi-  
stis, satis fallacias vestras patefaciunt: Nam quæ ex Bibliotheca Tillij as-  
fertur inscriptio, sic habet: *Caroli M. Regis Francorum, & Longobardo-  
rum, & Patricij Romanorum; filij, & defensoris sanctæ Ecclesiæ Dei, Capi-  
tulare, de non adorandis Imaginibus, contra Constantini VII. Imper. & Hi-  
renæ matris decretum & Synodum Nicenam II. pseudo-Synodum Oecumeni-  
cam, seu universalem, compositum & publicatum in Concilio Francofur-  
tensi & Hadriano Papa missum. Anno Domini DCCXCIV.* Quæ inscriptio  
fallissima, & conficta est à Calvinistis in Gallia, quantumvis obtenda-  
tur ex Bibliotheca Tillij Episcopi Meldensis producta. Tum quòd  
Carolus M. nunquam Synodum VII. Nicenam habuerit pro pseudo-  
Synodo: tum quòd cultum Imaginum secundum decreta Synodi hujus  
nunquam improbârit, sed comprobârit: tum quòd Hadriano Pontifici  
conjunctissimus vixerit, cumque ut oraculum sedis Apostolicæ consu-  
luerit, audieritque in omnibus: Hadrianus verò Papa & Synodum illam,  
& cultum Imaginum religiosissimè defendat, uti vel ex epistola illius ad  
Carolus M. planum est, tum vel maxime ex actis hujus Synodi Nicenæ  
II. quâ nihil aliud actum est, tam à Pontifice Romano, quàm ab Impera-  
tore Constantino, & Irene matre: quàm ut iconoclastarum hæresis da-  
mnaretur: quòd is, qui acta ejus Concilij legerit, nisi impudentissimus  
sit, & mortalium fallacissimus, negare non poterit.

Alter verò titulus, seu inscriptio pseudo-Carolinorum librorum  
sic habet: *In nomine Domini & Salvatoris nostri IESU CHRISTI, inci-  
pit opus Illustrissimi, & excellentissimi, seu spectabilis viri Caroli nati Dei  
Regis Francorum, Gallias, Germaniam, Italiamque, sive harum finitimas  
provincias, Domino opiculante regentis, quæ in partibus Græciæ pro ado-  
randis imaginibus, stolide sive arroganter gesta est.* Hæc inscriptio non  
Caroli M. nec Synodi Francofurtensis, sed Goldasti est fallacissimi Cal-  
vinistæ, aut alterius hæretici, postquam libri hi ex Bibliotheca Heidel-

bergenſi ſunt eruti, & ab iſdem hæreticis corrupti, datique in lucem. Et quis ex ipſa inſcriptione hæreticum ſpiritum, & fraudes non agnoſcit? Aut quis ſanæ mentis homo ſibi perſuadebit, à Carolo M. Synodum Nicænâ appellari, ſtolidè, & arroganter contra uſum SS. Imaginum eſſe habitam? Aliter longè Carolus de cultu Imaginum ſacrarum ſenſit, ut vel ex uno ejus teſtimonio paulò ante relato evidens eſt. Jam verò ſi Carolini ſunt libri, utra inſcriptio eſt Caroli, prima an ſecunda? ſi prima, quid facit ſecunda? ſi ſecunda, quid facit prima? Verbo, utraque vel ex hoc ipſo conſiſta, & falſa convincitur. Ecce quibus fraudibus vobis opus eſt ad incruſtandas veteres hærefes, ut eas populo ruſus novas obtrudatis. Habetis ex *Caroli Mævo*, tot Episcoporum *Synodos*, tot *Caroli M. conſtitutiones*, tot ſanctorum Episcoporum, & clarorum virorum ſcripta: Quid necceſſe eſt ad obſcuros & projectos priſcorum hæreticorum libros nos remittere, qui tot ſæculis, ex quo damnati ſunt, hæſere in tenebris? Quis veterum ſcriptorum de his nugis veſtris, de inſcriptione, præſatione, auctore *Eli Philii*, & auctoritate iſtorum librorum meminit? aut quis teſtimonia ex his unquam libris, ante veſtras hærefes produxit? Cæterum quæ Goldaſtus hic attulit, ut Alcuino adſcribat hoſce libros, ea à Gretſero exploſa ſunt, in gemina replica, nec aliud quàm riſum merentur. Præterquam quod ſtylus librorum *psendo-Carolinorum* tam diverſus ſit ab *Alcuino*, quàm Apulei à Tullio, aut Apulci aſinus ab equo. Si modò utrumque auctorem aliquando legerit, aut viderit Niſanius. Prodit tamen ille nobis cum ſuo Caſſandro, eò quòd iſosce libros repererit Romæ in Bibliotheca Vaticana, & *Alcuino* Caroli M. præceptori adſcribat. Fecerit hoc Caſſander, nec ultra ejus teſtimonium accipimus, quàm ſomnium. Quo veteri ejus ſæculi auctore id probat? quo argumento? prorfus nullo. Vt tam falſò hi libri adſcribantur *Alcuino*, quàm *Carolo*, quorum una ſemper in Catholica fide, & cultu Imaginum pro Nicænâ Synodo deſenſio fuit. Magnis interim laudibus Caſſandrum attollis, virum ſcilicet, qui à Cæſaribus ſit conſultus. Scio, magnus aliquandiu in ore hominum Caſſander, compoſitionem religionis pollicitus inter Catholicos, & Lutheranos, tanquam Dictator aliquis, ut e-luderet omnes, cum nec ipſe ſincerè Catholicus, nec Lutheranus, nec Calviniſta eſſet. Celebres quidem eâ tempeſtate triumviri *Eraſmus*, *Caſſander*, *Vvicelius*: ſed *amphibij. ambigui*, & inter ſidera errantia recensiti, qui nulli certæ religioni ſe addixere: *Spiritus S. poſuit Episcopos regere*



*regere Ecclesiam Dei*, non illos profanos, philologos, & criticos homines. Horum deliramenta, vestrae fidei sint dogmata.

Demum si Carolinis hisce libris stare placeat, oportet ut & cætera etiam recipiatis: Nam in his libris apertè docetur supremum iudicium in controversijs fidei pertinere ad Romanum Pontificem, eumque non à Concilijs, sed à Deo ipso habere primatum. Exorcisimum adhibendum Baptismo: templa certo ritu dedicanda esse: orandum pro defunctis: Sanctos invocandos: Reliquias venerandas: chrismatis, aquæ, salisque benedicti usum retinendum in Ecclesia: Eucharistiam esse verum corpus Christi in Eucharistia esse adorandum, & tanquam verum & proprium Sacrificium esse offerendum. Quæ sanè Catholicæ fidei, non Lutheranæ, aut Calvinianæ sunt dogmata: Nam etsi cultum Imaginum auctores pseudo-Carolinorum librorum improbent, non tamen idcirco cultum Sanctorum, cæteraque Catholicæ fidei dogmata rejecerunt. Tanto nunc vestra hæresis deterior, quæ hæc omnia evertit. Ah miseri, cæci quæ vos, quibus ab exoletis & scabiosis hæreticis, fidei vestrae dogmata emendicare necesse est!

Postremò Nifanius nobis Sirmondum opponit, quod is scribat, hosce quatuor libros adversus cultum Imaginum negari non posse, qui epistolam Hadriani ad Carolum M. de hisce libris admittunt. Ita sanè est, neque nos negamus illos libros, sed negamus Caroli esse: Verùm quod Sirmondi viri nostro sæculo doctissimi, & celeberrimi de hisce libris sit iudicium, & quæ Hadriani Pontificis adversus hosce sit refutatio ad Carolum rescripta, Nifanius callidè suppressit, ut pro ingenio suo fraudem, fucumque incauto lectori faciat. Igitur Sirmondus de utroque in hæc verba: Hadriani Pontificis epistolam ad Carolum M. integram, ex Gallia ad Gregorium XIII. missam hic exhibemus. *Refutantur in ea quatuor libri, quos discipuli Sereni Massiliensis, primi Galliarum iconomachi, pro impugnandis Imaginibus adversus Nicenam Synodum tempore Concilij Francofurtensis conscripserant, & Carolo Regi Francorum obtulerant, quibusq; per mendacium & calumniam attribuunt Nicanis Patribus: Primo, quod Eucharistia sit imago corporis Christi: Secundo quod Synodus pro Imaginum cultu celebrata ab Hadriano Pontifice non fuerit approbata: Tertiò quod in eodem fuerit definitum, Imagines cultu latræ esse colendas, & adorandas: Quarto textum Concilij Nicæni falsò allegantes asseruerunt, Constantinum Cypri Episcopum, in eodem Concilio Nicæno ana-*

thema dixisse ijs, qui non adorant Imagines ea adoratione, quâ sanctissima Trinitas adoratur. Hosce quatuor libros, quos Carolinos appellant, quosque per capita distinctos, Hadrianus Papa Capitulare nominat, quibus iconomachia pro viribus defenditur, omnisque cultus Imaginum damnatur, sub nomine Caroli M. quidam impostor Eliphili suo, & typographi nomine suppresso, anno Domini 1545. in lucem emisit. Apud hæreticos nostris temporis maxima eorum est auctoritas, utpote quod cultum Imaginum impugnent, ut maiorem auctoritatem illis concilient, à Carolo M. compositos fuisse magnâ cum injuriâ Regis Christianissimi comminiscuntur. Nam si Epistolam Hadriani perlegas, reperies in ea hosce libros non ab uno aliquo auctore, sed consarcinatos fuisse à pluribus Sereni Massiliensis discipulis, quorum alij alia Nicenâ Synodi Capitula sine ordine impugnârunt, atq; ea quæ in unum congegesserant, unoq; fasciculo alligaverant postea Carolo Regi obtulerunt, qui dum eos accepisset, per Angilbertum ministrum suæ Capellæ, Pontifici examinandos transmisit: Quod sanè Rex Carolus non fecisset, si ad impugnandam Synodum Nicenâ eos ipse conscripseret. Hæc Jacobus Sirmondus tom. 18. Concil. General. ad epist. Hadriani Carolo transmissam, ex quibus prudens lector facile æstimet, quid de his pseudo-Carolinis libris, & quid de inani Novatorum triumpho sentiendum sit. Quod si quis deinde ipsam Hadriani epistolam in formam refutantis libri conscriptam pervolverit, quæ Concilio Nicæno tom. 18. Concil. General. subnexa est, intelliget is, quàm Apostolico spiritu, & plenâ veritatis voce pseudo-Carolini libri confutati sint, ex quibus nihil Caroli, præter unum Capitulum, de quo supra relatum est, agnoscit Hadrianus, quâ in re Carolus M. qui tota mentis intentione, & cordis alacritate proficitur, se Apostolicæ sedis inhærere, toti se Pontificis doctrinæ judicioq; permisit. Hæc paucis hic de libris Carolinis: quando adversarius, cæteri; heterodoxi, multa suæ hæresis dogmata in ijs fundat, tanquâ cælo sibi submissi sint, quos olim Caroli M. tempore iconomachorum hæresis fabricavit, & Novatores nostri, tanquam novo tectorio hæresis opere renovârunt, ut hic illud Ezech. c. 13. de falsis Proph. valeat: *Locuti estis vana, & vidistis mendaciâ .... Ipse edificabat parietem, illi autē linebāt eum luto sine paleis. Dic adeos, qui liniunt absq; temperatūra, quod casurus sit: .... Destruam parietem, quem liniistis absq; temperamento.* Et quid hæreses horum temporum nisi veterum hæresium incrustationes, postquam semel ab Ecclesiæ Catholicæ veritate desciverunt?



# LIBER II.

## DE SACERDOTIO CHRISTIANORVM,

S E U

### MAGISTRATV ECCLESIASTICO.

**E**cclēsia, de quā egimus, & Sacerdotium, duæ principes nobis de Religione cum hæreticis controversiæ; inter se indissolubili vinculo connexæ: Nam ut verissimè scripsit D. Hieronymus contra Luciferianos: *Ecclesia non est, quæ non habet Sacerdotes: & Sacerdotes non sunt, qui extra Ecclesiam humanâ dispositione inter hæreticos ordinantur*: quemadmodum Cyprianus docet. Idemque alibi: *Ecclesia est plebs Sacerdoti adunata*. Iterumque: *Ecclesia est in Episcopo, & Episcopus in Ecclesia*. Idem rursum: *Ecclesia Catholica una est, extra eam nullus Sacerdos, nec Sacrificium, nec salus*. Epist. 6. lib. I. Et in eâdem epist. *Dicimus omnes hæreticos omnino & schismaticos, nihil habere potestatis & juris in Ecclesia*. Omitto alia sine numero tam hujus sancti Episcopi, & Martyris, quàm aliorum Patrum in hanc sententiam testimonia. Igitur ut Nifanius ad Ecclesiam, ita nunc ad magistratum Ecclesiasticum provocat, quò suis persuadeat, *Carolū M. non fuisse formaliter Catholicum, seu, ut illi dicere placuit, Papistam*. Quâ in re duplici fraude egit. Primò, quòd dum magistratum Ecclesiasticum proponit, nullam Sacerdotis mentionem, & rationem esse velit: fat gnarus, vel

B B 3

ipsa

ipsa Sacerdotis appellatione, hæresin suam confundendam, quæ nec veros Sacerdotes, nec Sacrificium Religionis habeat: imò palàm fatetur Nifanius, cap. de officio Episcopi: *Sacerdotes propriè dicti, nec sumus, nec dici volumus*: eò quòd, ut ipse somniat, Sacerdotium proprium cum Sacrificio Religionis sublatum sit ex Ecclesia Christianorum. Quid autem hîc dicet ad illud S. Augustini: *Episcopi, & Presbyteri, propriè dicuntur Sacerdotes*: lib. de Civit. Dei, cap. 10. Alterum est, quod in magistratu Ecclesiastico illa tantummodo moveat, quæ faventem quandam speciem hæresis suæ continent: hinc totus est in exaggeranda Caroli M. & Principum politicorum potestate; ea verò in quibus vis, & nervus, ac totius rei cardo versatur, subdolè præterit. Quapropter uti SS. Patres, cum primisque Cyprianus, omnem cum hæreticis causam, de falsa eorum Ecclesia, & doctrina, ad Sacerdotium revocat: ita in hac eorum causa agendum erit.

## C A P V T I.

### *De triplici Sacerdotio, Legis Natura, Scripta, et Gratia.*

**T**Riplicem statum habuit Ecclesia fidelium, ex quo ab Adamo genus humanum propagari cœpit. Primus est *Legis Natura*, ab Adamo ad Moysen. Secundus est *Legis Scripta* ac veteris, à Moysen ad Christum. Tertius *Legis Gratia*, à Christo ad mundi finem duraturus. In *triplici hoc statu*, nunquam Ecclesia sine Sacerdotio & Magistratu sacrorum fuit: ea tamen differentiâ, ut, quemadmodum status *Legis scripta* perfectior fuit statu *Legis natura*, & status *Legis gratia*, per-

*tie*, perfectior fuit statu *Legis veteris*; *Lex enim nihil ad perfectum adduxit*: Hebr. 7. Ita Sacerdotium per status suos, tanquam per gradus, ad perfectionem atque ad sublimiorem semper potestatem ac dignitatem, ordinante Deo, provectum est: quod eodem modo de sacrificijs in triplici Legis statu, de Sacramentis, cæterisque; Charismatum donis, dixeris.

I. In *Legenatura*, Sacerdotes iidem, qui Primogeniti, familiarum Principes, Patriarchæ, & Reges etiam erant: uti de Abrahamo, Isaaco, Jacobo, & Melchisedecho, præstantissimo illo Christi typo, constat: *Tu es Sacerdos in æternum, secundum ordinem Melchisedech*, Psalmo 109. Epistolâ ad Hebræos, c. 7. Ita de hujus statûs Sacerdotio Hieronymus epist. 126. ad Evagrium. Rupertus lib. 5. in Gen. c. 12. Quæ causâ cur Apostolus ad Hebræos c. 12. Esau *profanum* vocet, eò quòd primogenituram, quæ sacra erat Sacerdotij dignitas, vendiderit. II. In hoc statu Patriarchalis, & Regia potestas, cum Sacerdotali conjuncta erat, idq; non tam *Legenatura*, quàm *jure aliquo positivo*, aut *jure Gentium*, aut populorum moribus introductum erat. Qui mos idcirco primùm in *Lege veteri*, deinde in *Lege gratia* mutatus est, separataque est potestas Sacerdotalis in aliam personam, quod ad perfectionem *Legis gratia* retulit Nicolaus Papa, ad Nicolaum Imperatorem: *Fuerunt hæc ante adventum Christi, ut quidam typici Reges, simul & Sacerdotes existerent: quod sanctum Melchisedech fuisse sacra producit historia. Sed cum ad verum est perventum, eundem Regem & Pontificem, ultra nec Imperator, nec Pontifex, usurpavit*. III. In hoc statu non erat propria, & supernaturalis potestas Ordinis, qualis post in *Lege veteri*, ac deum in *Lege gratia*, per consecrationem accessit: tantumque in eo erat ministerium sacrificandi, & intercedendi pro populo apud Deum, quod vel spontè sibi sumere, vel ex consensu populi dari poterat: quando nihil in particulari vel pro Sacerdotio, vel Sacrificio, à Deo præscriptum legitur. Quo sensu Anacletus Papa dicere visus: Abraham, Melchisedech, aliosque per id tempus, *Sacrificium Sacerdotali auctoritate nondum obtulisse*. Par est ratio de spirituali Jurisdictione, quæ ex eo statu incerta traditur, eò quòd in *Lege illa* nondum determinatis Sacrificijs, aut certo Religionis cultu præscripto, hæc satis gubernativâ temporali potestate comprehensa fuerit. Igitur hæretici, qui cum Nisano, omnem Ecclesiæ gubernationem tam in politicis, quàm sacris, ad unam politicorum Regum & Principum potesta-

potestatem revocant, proscripta omni potestate Ordinis & Jurisdictionis spiritualis; ad statum *Natura*, & infirmissima illa, & egena illius Ecclesiæ elementa, postliminiò revertuntur.

Adhæc, cum nulla gens, aut natio hominum fuerit, quæ non ex *Lumine Natura*, aut verum Deum, aut falsos coluerit; hinc nulla etiam gens, quæ non Sacerdotium, & sacrificium ad religionis cultum instituerit: Jam verò hæresis ministerium cultûs divini, sine Sacerdotio & sacrificio introduxit instituitque.

II. In *Lege veteri*, ac Moysaicâ, Deus Sacerdotium, multò perfectiùs, quam in *Lege natura* fuerat, ordinavit; fecitque ex eo *Regnum sacerdotale*, Exod. 19. In hoc regno, quod Hierarchicum & spirituale erat, quod & à politico Hebræorum principatu & regno diversum erat, summus Pontifex, sacrorum Rex, supremusque Rector ejus Ecclesiæ, moderatorque à Deo est constitutus. Inde ab Aarone, qui primus & ordinarius Pontifex fuit, continua ad Christum usque Pontificum successio. Post summum Pontificem, Sacerdotum Principes, deinde Sacerdotes minores, ab his proximi Levitæ, cæteri que altaris ministri, delectaque ad id sacrum ministerium *tribus* Patriarchalis *Levi*, intra quam id sacerdotale regnum carnali propagatione Deus manere voluit. Tum verò post ordinatam novam Ecclesiam per Moysen extraordinarium Pontificem, determinata primùm certa sacrificia, tum nova Sacramenta, tum vestes sacerdotales præscriptæ, tum inuncti Sacerdotes, consecrati Levitæ, erecta altaria, cæteræque cærimonie ad cultum religionis institutæ; uti hæc omnia in Levitico, ac sacris libris leguntur; omniaque Sacerdotij novi testamenti figura fuere, teste Apost. 1. Corinth. 10. *Hæc omnia in figura contingebant illis*. Tum primùm Pentateuchus, & sacri libri à Moysæ conscribi cæpti, datumque Sacerdotibus munus interpretandi Legem, & docendi populum: Quam in rem cætus populi ad synagogas, ad publica sacrificia, ad festos dies, & communem religionis cultum convocari jussus. Ad hanc Ecclesiæ formam, quæ typus & figura erat Christianæ Ecclesiæ, si hæreticorum Ecclesias expendas, quantum vel à typo dissident, in quibus nec Sacerdotium nec Sacrificium, nec Pontifex unus, nec Sacerdos verus, nec cætera quibus vera religio constituitur: Et tamen hi illi sunt, qui veritatem nobis pollicentur, cum ex veritate ne ad typos quidem accedant. Ordinatio certè, & pulchrior hæc vetus Ecclesia, quam ulla hæreticorum Ecclesia.

Demum,

Demum, quod hic maxime propositum est, Pontifici, & Sacerdotibus veteris hujus Ecclesiæ, data est à Deo *sacra Potestas*, diversa à politica Principum & Regum Potestate: non modò ad sacrificia, & altaris munia, sed ad populum gubernandum, ad Concilia Sacerdotum convocanda, ad judicia ferenda, ad Legem declarandam, ad prævaricatores Legis puniendos: Deut. 17. *Qui autem superbierit, nolens obedire Sacerdotis imperio, qui eo tempore ministrat Domino Deo tuo, ex decreto judicis, morietur homo ille.* 2. Paralip. c. 19. *Amarias Sacerdos, & Pontifex vester, in his, quæ ad Deum pertinent, presidebit: porro Zabadias, &c. super ea opera erit, quæ ad regis officium pertinent.* Rursum 2. Paralip. cap. 26. Ne Ozia quidem regi permissum thus adolere, id cum ille tentaret, prohibuit Azarias Sacerdos: *Non est tui, inquit, officij Ozia, ut adoleas incensum Domino, sed Sacerdotum, hoc est, filiorum Aaron, qui consecrati sunt ad hujusmodi ministerium: egredere de sanctuario, &c.* Inde mox lepra punitus à Deo Rex Ozia, rectèque in eum Chrysostomus, homil. 4. de verb. Isa. *Mane intrat terminos, alij sunt termini Regum, alij sunt termini Sacerdotij: hoc regnum illo majus est.* Et rursum: *Major hic Principatus, propterea Rex caput submittit Sacerdotis manui: Quemadmodum & in veteri Testamento à Sacerdotibus inungebantur Reges.* Atque hæc Pontificum potestas in veteri Lege etiam regum potestate excellentior erat, tum quòd Pontificatus etiam legalis, proximè ad Deum & sacra ordinatus erat, Regum ad homines & politica: tum quòd Pontifex religionis opera, Rex justitiæ tractaret: præstat autem dignitate, Religio Justitiæ: Tum quòd Pontificum potestas immediatè à Deo data, Regum à populo & communitate originem trahat, ut multis hæc exponit Suarez, Lib. 3. Defens. Fid. c. 26. cæterique Theologi.

III. In Lege gratiæ, Sacerdotium Christianorum multò excellentius, multòque sublimius à Christo institutum est, quàm in ullo Legis statu fuerit: Quippe *Moses fidelis erat in omni domo*, Hebr. 3. Sed *tanquam famulus, Christus vero tanquam filius in domo sua*. Idemque sacerdos secundum ordinem Melchisedech, Psal. 109. Hebræ. 7. Inde quod regnum Sacerdotale erat in veteri Lege, id in Lege gratiæ factum est *regale Sacerdotium*, 1. Pet. 2. *Vos genus electum, regale Sacerdotium, gens sancta, populus acquisitionis.* Joan. 1 *Lex per Moysen data est, Gratia & Veritas per IESVM CHRISTVM facta est.* Imò & Apostolus Rom. 8:

C C

Qui

*Qui proprio filio non pepercit, sed pro nobis omnibus tradidit illum, quomodo non etiam cum illo omnia nobis donavit?* inde nunc in Lege gratia, nova omnia à Christo sunt instituta; novum videlicet Religionis Sacerdotium, novum Religionis sacrificium, in corpore & sanguine Christi, nova Ecclesiæ Hierarchia, & novus ministrorum sacrorum Ordo, nova Sacramenta, novi ritus & cærimonix, nova Lex, novum verbū Dei, scriptum & traditum, novum testamentum ac fœdus, novus Spiritus: *Non enim ad mensuram dat Deus Spiritum*, Joan. 3. nova gratia: *De plenitudine ejus nos omnes accepimus, & gratiam pro gratia*, Joan. 1. novum vitæ genus, in castitate & sanctitate Sacerdotum, nova consecratio & unctio Sacerdotum, nova consilia in tanta & tam innumerabili religioforū hominum utriusq; sexūs multitudine: verbo, ut cætera prætermittam: *Eccc nova facio omnia*. Perinde, ut Apoc. 21. *Vidi sanctam civitatem jerusalem novam, descendentem de calo à Deo, paratam, sicut sponsam ornatam viro suo*: Sponso videlicet Ecclesiæ suæ, qui est Christus, ipse Dei filius, idemque primus Sacerdos secundum ordinem Melchisedech; idem Pontifex, uti toties appellatur ab Apostolo, ad Hebr. c. 1. 4. 6. 7. idem auctor, de quo agimus, regalis Sacerdotij, idem victima cruenti & incruenti sacrificij. Planissimè de utroq; ad Hebr. c. 7. *Translato enim Sacerdotio necesse est, ut & legis translatio fiat*. Enimvero, quæ hic Lex cum Sacerdotio translata? non *Moralis*, quæ decem præceptis continetur: hæc enim quia *Naturalis* est, in omni statu immutata mansit, ideòque à Christo confirmata & perfectata fuit. Non *Judicialis*, de illa enim Christus non disposuit: superest ergo *Cærimonialis*, in qua primum est Sacerdotium & sacrificium, quæ duo ob divinam ordinationem in omni Lege conjuncta semper fuere, ut filius & pater, servus & Dominus; haud secus, quàm apud omnes gentes ex naturæ lumine cognita sunt, & conjuncta fuerunt. Igitur cum per analogiam in *Lege gratia*, omnia perfectiora, præstantiora & sublimiora sint, quàm in ullo Legis statufuerint, (*nihil enim ad perfectum adduxit Lex* Hebr. 7.) necesse est, ut & Sacerdotium longè perfectius & sublimius sit, tantumque superet Sacerdotium Legis Mosaicæ, quantum veritas typo, lux umbræ, divina humanis, cælestiaterrenis præstare debent. Hæc autem præstantia & eminentia non aliunde magis constat, quàm ex potestate in verum Christi corpus, & mysticum, quod est Ecclesiæ, seu ex potestate Ordinis & Jurisdictionis,

risdictionis, uti hæc Catholici Doctores, Scripturæ interpretes, Theologi, & res ipsa comonstrant : quæ tam divina & sublimia sunt in Ecclesia Christi, ut D. Thomas rectè scripserit in epist. D. Petri : *In Lege gratia Sacerdotium eminere supra regnum, totamque religionem in Sacerdotio subsistere*. Quemadmodum D. Hieronymus supra introductus dixit : *Ecclesiam esse non posse, quæ Sacerdotes non habeat*. Planè Augustinus, lib. 20. de Civit. Dei, c. 10. *Episcopi & Presbyteri propriè Sacerdotes dicuntur*. Univerſum verò S. Augustinus lib. 2. qq. Evang. c. 40. de Sacerdotio Christianorum ; *Sacerdotium, inquit, Iudeorum nemo fidelium dubitat figuram fuisse futuri Sacerdotij regalis, quod est in Ecclesia*.

Quid ad hæc heterodoxi, quid Nifanius ? *Sublato, inquit, Sacerdotio, Sacerdotes propriè dicti esse nolumus*. Bona hæresis tuæ professio ! Apostolus dicit : *Translato Sacerdotio, tu contrà dicis, sublato Sacerdotio*. Cui nunc credemus ? tibi, an Apostolo ? Apostolus Sacerdotium ex Lege veteri ad Legem gratiæ translatum scribit, tu sublatum asseris. Unde hæc potestas apud vos abrogandi Sacerdotium ? quod ex Christi instituto totus orbis Catholicus credidit, & Saxonia à Caroli M. ævo professæ est, donec Lutherus primum Sacrificium ex Lege cærimoniali abrogaret : sublato enim propriè dicto sacrificio religionis, necesse habuit & Sacerdotium propriè dictum tollere. Quo verò consultore & auctore id fecerit, constat inter cætera, ex ejus disputatione cum diabolo, & propria ipsius confessione.

Dicis : *propriè dicti sacerdotes esse nolumus*. Contra Isai. c. 66. ubi de Ecclesia Christi vaticinatur, scribit : *Assumam ex eis Sacerdotes & Levitas*. Hæc nomen Sacerdotum, *Ministros Christi & dispensatores mysteriorum Dei*, designat Apostolus. Ita legis in omnibus Concilijs, Patribus, & scriptoribus, & quotquot Patres de ipso Sacerdotio scripserunt ; quos inter D. Chrysostomi sex libri de Sacerdotio in manibus sunt, quemadmodum id usus ab Apostolorum ævo per totum orbem Christianum obtinuit. Quod si ad Carolum M. appelles, centum tibi testimonia sistam, ex Synodis Carolinis & Capitularium libris, in quibus nihil frequentius legas, quàm *Pontifices & Episcopos, Presbyteros & Sacerdotes, Levitas & Diaconos*. Fatendum quidem, nomen *Sacerdotis* Apostolos sibi sub initium non sumpsisse ; id verò factum, ut Bellarminus, aliique docent, quòd tum in templo Hierosolymitano offerretur adhuc

more Judæorum. Igitur, ne confunderentur cum ijs Sacerdotes *novi Testamenti*, nomine *Sacerdotis* abstinerunt : quod tamen postea toto orbe Christiano invaluit, fatente etiam Calvino & Kemnitio, ac nihil frequentius in Concilijs ac Patribus, quàm *Sacerdotij* & *Sacerdotis* nomen, quod vel ipsum verum sacrificium quotidie oblatum requirebat.

Atqui, *Sacerdotes estis, sed non propriè dicti*, ut fateris : ergo impropriè estis, id est, *larva & umbra Sacerdotum* ; uti sanè se res habet. Et minus habetis, quàm Sacerdotes in lege Mosaica, in quibus sacerdotalis potestas, ordinis & jurisdictionis, consecratio & unctio fuit : ita vos ipsos infra *egena* Judaicæ Ecclesiæ *elementa*, umbrasque veritatis, collocatis. O quales hominum impostores ! qui tam sublimia & divina munera, quæ à Sacerdotio, & Sacerdotum potestate pendent, quæque in corpus Christi verum ac mysticum, à Christo ad salutem sunt communicata, populo subtraxistis.

Non eò progressi prisci hæretici, ut Ariani, Donatistæ, Montanistæ, Pelagiani, qui Episcopos & Sacerdotes, unàque sacrificium saltem ad speciem retinuerunt : quorum adeò nomina vobis exosa sunt. Imò *Lutherus*, nunquid primò *sacerdos* propriè dictus fuit ? ex quo à Catholicis consecratus, tot annos *Missa sacrificium* obtulit, quod illi in disputatione diabolus objecit. Quæritur nunc, quando ex proprio Sacerdote, improprius esse cœperit, aut quis illi characterē sacerdotalem eraserit ?

Nomen quidem *ministerij* in locum *Sacerdotij* obtruditis, sublatoque *Episcopi* & *Sacerdotis* nomine, *Superintendentes*, & *Superattendentes*, *Presbyteros*, *Prædicantes*, & *ministros verbi Dei* vos appellatis, ne fraus populo patefieret : sed hæc tam inania sunt nomina, quàm commentitium est totum vestrum *ministerium verbi*, sine potestate *Ordinis & Jurisdictionis* : ut bene dixerit Cyprianus, hæreticos esse Simias Catholicæ Ecclesiæ ; aut ut longè explicatius S. Augustinus : hæreticos *Scripturam & Sacramenta ad speciem tantum, non ad salutem habere*.

## CAPVT II.



## C A P V T I I.

*Monarchia, et Hierarchia Ecclesiae Catholicae, eaq; à  
Carolo M. credita, et asserta.*

**R**egimen Ecclesiae à Christo Monarchicum esse institutum, docet nos primum typus veteris Ecclesiae, in qua *Regnum sacerdotale*, & unus *Pontifex*, supremus Ecclesiae Rector, cui omnes obedire tenebantur, non modò Sacerdotum Principes, Sacerdotes minores, Levitæ, ac cæteri in illa typica Hierarchia sacrorum Ministri; sed & populus Hebræus omnis, adeoque *Rex* ipse ejus imperio submissus erat. Deut. 17. Christus, qui ex Regno Sacerdotali instituit *Regale Sacerdotium*, cum eo quoque Regimen Monarchicum instituit, longè perfectius, multoque præstantius, quod sub uno *Pontifice & Rectore Ecclesiae* contineretur. Sapienter Justinianus Imperator in Authentica: *Maxima in omnibus sunt dona Dei à supernâ clementiâ*; *Sacerdotium & Imperium*: atque ut illud Monarchicum est in Politica potestate, ita Sacerdotium quoque Monarchicum esse voluit Christus, in potestate Spiritualis jurisdictionis regendi Ecclesiam. Idem ex Scriptura Novi Testamenti certum est, quæ *Regale Christi Sacerdotium*, multo eminentius nos docet: Hinc eadem scriptura Ecclesiam Christi toties appellat *Regnum* Luc. 1. Joan. 18. uti & Daniel. 2. tam magnificè promittitur: Hinc Ecclesia *exercitus ordinatus*, Cant. 6. *Ovile*, Joan. 10. *Domus*, 1. ad Timoth. 3. *Navis* seu *Arca Noë*, 1. Pet. 2. dicitur; quæ singula *unum Rectorem* possunt. Et ratio evincit, quod *Monarchia* optima sit forma regiminis præ *Aristocratiâ & Democratiâ*: *Dei autem perfecta sunt opera*, Deut. 32. Ideoque Christus non aliam, quàm hanc, regendi formam esse voluit; multis hoc dogma Christianum ostendit Bellarminus lib. 1. de Rom. Pontifice ex Scriptura, Concilijs, Patribus, Theologis, Philosophis & historijs; haud secus, quàm innumeri alij scriptores: Neque hæcenus

quicquam hæresis attulit, quod non à Catholicis dilutum sit. Quia in re una praxis Ecclesiæ, & consensus omnium sæculorum & populorum, satis esse debet; ex quo unius Pontificis & Vicarij Christi regimen ad hunc diem possidemus. Auctor hujus Monarchia sacerdotalis Christus, idemque primus Sacerdos secundum ordinem Melchisedech, & idem Pontifex ad Hebræ. c. 1. & 7. Ab illo sublimis illa, & altioris Ordinis Sacerdotalis potestas, qui dixit: *Data est mihi omnis potestas in celo, & in terra: Matt. 28.* A Christo hæc potestas in Petrum collata, Christi Vicarium: Nam cui dictum est: *Tu es Petrus*; ei dictum: *Pasce oves meas*; ei dictum: *Tibi dabo claves regni celorum.* A Petro in successores, Pontifices Romanos hæc potestas descendit. Hoc illud Ambrosij lib. 4. de fide, c. 3. de Petro: *Cui Christus propriâ auctoritate regnum dabat.* Ita cæteri Patres infra recitandi.

Quod Christus Monarchicum instituit Sacerdotium, idem Hierarchicum voluit esse in Ecclesia, quæ constaret personis sacris, penes quas esset potestas Ordinis & Jurisdictionis, ac potestas cum primis regendi Ecclesiam, de quâ Tridentini Concilij decretum Sess. 23. cap. 6. *Si quis dixerit in Ecclesia Catholica non esse Hierarchiam divinâ ordinatione institutam, anathema sit.* Explicat hanc multis cap. 4. *Quod si quis omnes Christianos promiscuè novi Testamenti Sacerdotes esse, aut omnes pari potestate spiritali præditos affirmet; nihil aliud facere videtur, quàm Ecclesiasticam Hierarchiam, quæ est castrorum acies ordinata, confundere: perinde, ac si contra B. Pauli doctrinam, omnes Pastores, omnes sint Doctores.* Ad hunc deinde Hierarchiæ ordinem docet pertinere Episcopos, quos Spiritus Sanctus posuit regere Ecclesiam Dei. Caput hujus Hierarchiæ, summus Pontifex, Episcopus Episcoporum. Intra hanc Hierarchiam non continentur Imperatores, Reges, Principes, & Laici: nam Apostolus dum Epist. ad Ephesios c. 4. Ecclesiasticam Hierarchiam describit, ejusque fundamenta, structuram, ministeria, & gubernationes distinguit; numerat Prophetas, Pastores, & Doctores: nullumque intra hunc ordinem Hierarchiæ ponit Imperatorem, Regem, Principem; quòd illi proprium gradum non constituent, sed cum Laico populo computentur inter eos, qui Hierarchiæ subsunt; non ut ædificent hoc Mysticum Christi corpus, aut regnum: sed qui ædificandi sint cum alijs ad consummationem Sanctorum. Haud aliter Carolus M. hoc corpus

pus

pus lib. V. Capitul. Tit. CLXVI. nobis ex Apostolo tradit, quod *per nexus & conjunctiones subministratum crescit in templum sanctum Domino*. Hæc *Hierarchia*, est disposita in modum cœlestis *Hierarchie* Angelorum in cælis, quæ in tres *Hierarchias*, & suos deinde Ordines, sub uno Michaële Archangelo & Principe est ordinata; in qua singuli officijs & dignitate divisi sunt, ut docet S. Thomas, p. 1. q. 108. art. 6. Hæc deinde *Hierarchia*, ad typum veteris Ecclesiæ est ordinata, in quâ summus *Pontifex*, Sacerdotum Principes, Sacerdotes minores, Levitæ, cæterique ministri sacrorum: ac tanto perfectior & ordinator, tantâque sublimiore potestate prædita est, quantum veritas typum excellere necesse erat.

Jam verò Ecclesium M. non aliam agnôvisse aut credidisse Ecclesiam, quàm eam, in quâ summus Pontifex & Vicarius Christi præfeditur toti orbi Christiano, in quâ deinde Archiepiscopi, Episcopi, Pastores, & Sacerdotes, cæterique ministri, Ecclesiam administrarunt, id nunc ordine probandum est. Ac primò, quòd *Pontificem Romanum* in hac *Monarchia* & *Hierarchia*, coluerit, *supremum Ecclesiæ Caput* ac *Rectorem*; certum I. ex veneratione, quâ tres Pontifices, Stephanum, Hadrianum, & Leonem, (sub quibus vixit,) ante omnes Archiepiscopos, & Episcopos prosecutus est: Hinc ubique *Apostolicum*, *Dominicum*, & *Apostolica Sedis Pontificem* appellat, Epist. ad Hisp. Episcopos, Canone LV. Concilij Francofurt. Epist. Caroli M. ad Leonem Papam electum, in qua Hadrianum *Beatissimum Patrem suum* vocat, cujus mortem multis lachrymis se decessisse fatetur; sicut idem Eginardus de Carolo retulit. Eòq; *sanctissimam Romanæ Ecclesiæ Sedem*, tum in eadē Epist. tum alibi sæpius cōmémorat. II. Id evidens est ex ijs quæ de Primatu Romani Pontificis sanxit, aut sancita cōprobavit in capitulis Hadriani Papæ à Carolo acceptis, & per Franciam promulgatis, tom. 18. Conc. Gen. Paris. can. 3. *Quoniam eadem sedes, testante veritatis voce, primum primatum obtinuit, nec prima diceretur, si aliam supra se haberet; quæ etiam est caput omnium Ecclesiarum, à quo omnes sumpserunt originem*. Primatum enim non Synodalibus, aut aliquibus commentis meruit institutus; sed Dominò largiente, qui ait, *Tu es Petrus & super hanc petram ædificabo Ecclesiam meam*. Eadem habes lib. 4. addit. capitularium c. 11. Hoc sensu quo jam dixi, Carolus M. lib. 6. Capit. tit. 281. *In memoriâ B. Petri Apostoli honoramus sanctam, Romanam, & Apostolicam Ecclesiam, ut quæ nobis Sacerdotalis est mater, dignita-*

dignitatis esse debeat magistra Ecclesiastica rationis, quare servanda est cum mansuetudine humilitatis, ut licet vix ferendum ab illa sancta Sede imponatur iugum, tamen feramus, & piâ devotione toleremus. Quæ verba in Concilio Triburiensi XXII. Episcoporum Saxonix & Germanix sub Arnulpho Rege celebrato repeti leges Canone XXX. Eadem quoque refert Gratianus in dist. 19. Nauclerus Gen. 2. Serrarius lib. 1. cap. 33. Vides ut hic Carolus Magnus Romanum Pontificem super omnes Patriarchas, Archiepiscopos & Episcopos collocaet. Quid adhuc Nifanius? Pontificatus inquit de jure humano concessus est, Pontifici Romano, propter Urbis eminentiam; at quàm falsum hoc sit, vel ex ipso Carolo revincas, qui ex *Veritatis divina testimonio, ac voce, Primatum Sedi illi attribuit*: adde Caroli M. dicta factaque omnia, & intelliges ob successiorem Petri, Romano Pontifici honorem à Carolo adscribi.

Et verò quia inter Archiepiscopos Primas erat, ne quid hoc nomine Romano Pontifici derogaretur, sancitum Can. VI. in Capitulis ab Hadriano missis ad Carolum ex Africano Concilio, his verbis: *Vi primæ Sedis Episcopus non vocetur Princeps Sacerdotum, vel summus Sacerdos, sed tantum prima Sedis Episcopus.* Eadem sancita habes lib. 7. Capitularium tit. 341. *Nullus Archiepiscoporum nisi qui primas sedes tenent, appelletur Primas, aut Princeps Sacerdotum, aut summus Sacerdos vel aliquid hujusmodi, sed tantum illi qui in Metropoli sedet, aut Metropolitanus, aut Archiepiscopus vocetur, & ille qui primam sedem retinet, tantummodo primæ sedis appelletur Episcopus, salva semper in omnibus auctoritate Beati Petri Apostoli, in Romano videlicet Pontifice.*

Igitur apud Carolum M. post Pontificem in Hierarchia Ecclesiæ, Archiepiscopi & Metropolitanus, quales Carolus in regno Franciæ & Imperio habuit XXI. ut ex testamento Caroli constat apud Eginardum. Quibus etiam ex testamenti tabulis donatio facta. *Nomina verò Metropolitanarum Civitatum, inquit Eginardus, hæc sunt, Roma, Ravenna, Mediolanum, Forum Julij, Gradus, Colonia, Moguntiacum, Iuvavum, quæ & Salzburghum, Rotomagus, Treveri, Senones, Vesontium, Lugdunum, Remi, Arelatum, Vienna, Tarantasia, Ebrodunum, Burdigala, Turones, Bituriges*: Hæ urbes Metropolitanorum sedes & tot Archiepiscopi in Caroli Imperio. Nequid hic de Patriarchis & Primatibus dicam, qui jam tempore Anacleti quarti à S. Petro Pontifice celebrantur in ejus

in ejus Epistola tertia, Tom. 1. Conciliorum Generalium Parisiensium leges.

Sub Metropolitanis & Archiepiscopis, Episcopi provinciales singuli suis Metropolitanis attributi, quo Hierarchiæ ordine Carolus M. auctoritate summâ Pontificis, alios per Saxoniam Episcopos à se primum introductos subjecit Metropolitano Moguntino, alios Colonien- si, unde in hodiernum diem hic ordo persistit, præter eos quos hæresis vestra subtraxit.

Sub Episcopis cæteri Præpositi, Pastores animarum, Presbyteri, ac Sacerdotes, & Clerus omnis, Monachi & Religiosi, ad infimum usq; Ecclesiæ ministrum cum populo subjecti, *Spiritus enim Sanctus posuit Episcopos regere Ecclesiam Dei, quam acquisivit sanguine suo* Act. 20. Quâ super re innumeræ sunt constitutiones ex Synodis sub Carolo habitis, in Capitularium libris, de Metropolitanis, de Episcopis, de Presbyteris, Pastoribus, Sacerdotibus, Diaconis, ac cæteris Ecclesiæ ministris, quæ si Lutheranus aliquis tantum legat, quod aliud judicium pronunciare poterit, quam Carolum totum fuisse Catholicum, & Pontificiæ religionis assertorem. Ac ne novum ordinem Sacerdotij Christiani dicas à Carolo M. primum invecum, aut totum illud vitæ genus Sacerdotale à Francis primum cœpisse præscribi, intelliges omnem hujus Hierarchiæ ordinem, omniaque decreta, quæ ad mores & disciplinam Cleri, tam in Synodis, quàm legibus Carolinis præscribuntur, vel ex Apostolorum constitutionibus, vel ex antiquis Episcoporum Concilijs, vel ex Pontificum & Sanctorum Patrum statutis defumi; ut jam non alia Ecclesia per Germaniam & Saxoniam, ac totam Franciam sub Carolo M. formata videti debeat, quàm quæ ab ævo Apostolorum per totum Orientem, totumque orbem Christianum in flore tum erat. Quod satis recognoscas, ni cæcus sis, si vel solam Epitomen Canonum Orientalium & Africanorum pervolas, quam Hadrianus Pontifex uno volumine comprehensam, anno Christi DCCLXXIII. per Ingilramum Metensem Episcopum Carolo submitit, & Carolus cum Episcopis communicatam per totam Franciam promulgari voluit. Hic verò, ut recognoscas, quàm antiqua hæc sit Hierarchiæ forma ab ipso Christo & Apostolis ordinata sub uno Pontifice, in Patriarchis, Primatibus, Archiepiscopis seu Metropolitanis, cæterisque Episcopis, & Ecclesiæ ministris: si-

D D

sto tibi

sto tibi Anacletum, quartum à S. Petro Romanum Pontificem, & supremum Patriarcham. Is ita in Epistola 3. citata: *Episcoporum ordo unus est, licet sint Primates illi, qui primas Civitates tenent, qui & in quibusdam locis Patriarcha à nonnullis vocantur; illi autem, qui in Metropoli à beato Petro Apostolo ordinante Domino, & à praedecessore nostro praedicto Sancto Clemente, seu à nobis constituti sunt, non omnes Primates, vel Patriarcha esse possunt. Sed illae urbes quae praefatis, & praeis temporibus Primatum tenere, Patriarcharum aut Primatum nomine fruuntur. Reliquae vero Metropoles Archiepiscoporum, aut Metropolitanorum, & non Patriarcharum, aut Primatum utantur nominibus.* Ac paulò post: *Hae vero Sacrosancta Romana, & Apostolica Ecclesia, non ab Apostolis, sed ab ipso Domino Salvatore nostro Primatum obtinuit, & eminentiam potestatis super universas Ecclesias, ac totum Christiani populi gregem assecuta est. Sicut ipse B. Apostolo Petro dixit: Tu es Petrus, & super hanc petram aedificabo Ecclesiam meam, & porta inferi non praevalerunt adversus eam: Et tibi dabo claves regni caelorum, Matt. 16.* Ita Anacletus à S. Petro Presbyter ordinatus, & Martyr. A quo nunc certius Hierarchiam & ordinem Ecclesiae discemus? quàm ab eo, qui à S. Petro edoctus, ejusdemq; Successor fuit: ut jam faciliè praetermittam, quae tot libris, ac tomis de Ecclesiae Hierarchia conscripta sunt. Quos inter Azorius tom. 2. lib. 3. *Tanta, inquit, amplitudo, tanta Ecclesiae majestas sui in Hierarchia sua, vel ab ipsis nascente Ecclesiae exordis ad hunc diem.*

At quae nunc Monarchia, & Hierarchia Ecclesiae apud Lutheranos? prorsus nulla. Quot enim regna & provinciae, quot Comitatus, & liberae Imperij urbes, tot supremae religionis & Ecclesiarum capita, cum suprema potestate regendi Ecclesias. Hinc illa dogmatum & caerimoniarum diversitas: Contra in Ecclesia Catholica, quia sub uno Ecclesiae Capite & Vicario Christi omnium Archiepiscoporum, Episcoporum, & Pastorum toto orbe Christiano, una fidei, & Monarchiae hujus professio; hinc illa admirabilis in doctrina & caerimonijs concordia, ut nec Sacerdotes usquam sine sacrificijs, nec sacrificia sine sacris vestibus, nec altare sine accensis cereis videas.

II. Nitanius tres Ministrorum gradus admittit, Superintendentum, Presbyterorum & Diaconorum. Hos etiam à Gregorio de Valentia agnoscere glorietur. Verùm si queras I. an sacrati sint homines illi, qui

qui Hierarchiam integrant? reperies prorsus nullâ consecratione præditos. II. Si quæras an Superintendentes & Presbyteri faciant duos gradus, & ordines? respondet Nifanius, inter Episcopos & Presbyteros nullum esse discrimen: ergo Superintendens & Presbyter, unum gradum solum faciunt ob *εὐταξίαν* quandam, ut inquit, eoq̃ue humana apud se constitutione Superintendentem præferri, qui tamen re ipsâ non sit major presbytero, seu vulgari Prædicante. Ipse verò Superintendens, cum sub nullo alio sit superiore Hierarchico, non tam Superintendens, quàm Independens erit, & summus in Ecclesia sua Pontifex. Alibi etiam Generales Superintendentes videas introductos, qui Prædicantum & Superintendentum quasi Archiepiscopi sint. Vtrumne hi intra Presbyteri etiam gradum contineantur, credo ipsos nondum definivisse. Alter gradus Diaconorum relinquitur, verùm cum illi nullo velin speciem ritum consecrentur, & laici tantùm sint, æconomi, & curatores templorum ac reddituum, nullo modo ad Hierarchicum ordinem spectare possunt. Nam si veterem legem consulas, Levitæ, seu Diaconi, olim non minus quàm Sacerdotes consecrabantur, quod in lege Christi non minus observatum leges ex Christi & Apostolorum præscripto, ex Concilijs & praxi totius Ecclesiæ. Horum munus Sacerdoti sacrificanti assistere, & ministrare, populo Eucharistiam distribuere, tempore sacrificij Evangelium legere, baptizare etiam, & prædicare, quâ super re Bellarm. lib. I. de Clericis, c. 13. ac cæteri Theologi, scriptoresque. Nihil horum apud vos Diaconi præstant, nisi fortè, quòd Prædicantibus, æditui in modum operam in templo præstent. Caroli M. Synodos, libros Capitularium, & constitutiones si consulas, eadem reperies, & centum hac super re testimonia adsunt: perinde ut de Subdiaconis, cæterisque altaris *minist'is*, quorum ne vestigium amplius in vestra Ecclesia superest.

Præterea asserit Nifanius, ad Hierarchicos suæ Ecclesiæ status, spectare eos, à quibus ministrorum electio fit; atque hanc cum à populo doceat fieri debere, necesse est, ut Consules, Senatores, mercatores, & tota plebs in Hierarchicum ordinem admittatur: & si à politicis Principibus fiat, à quibus Pastores & Ecclesiæ ministri illis ex jure patronatus, aut alia potestate imponuntur; non modò Lutherani, sed & Catholici, & Calviniani Hierarchiam Lutheranæ Ecclesiæ ingredientur. Quemadmodum Nifanius in libro adversus Labbadæum fatetur, se à Reformatæ religionis

ligionis Principe, suæ Ecclesiæ præstitutum esse. Hinc in Consistoriis vestris, in quibus tractantur, & ordinantur res Ecclesiasticæ, apud vos non modò profani, merique laici, sed Calvinistæ cum Lutheranis mixti resident iudices, rectoresque Ecclesiæ vestræ: Et tu qui Episcopum agis Lutheranum, tantum consistorialis munus inter gregarios obtines, qui in hoc congressu primas esse deberes, siquidem apud vos valeret illud Apostoli Act. 20. *Spiritus S. posuit Episcopos regere Ecclesiam Dei.* Sed iusto Dei iudicio, ex quo Sacerdotium est proscriptum à vobis, neque tu Episcopus verus, nec sacerdos es, nec clericus quidem vocatus in sortem Sanctorum, qui veram Ecclesiæ Hierarchiam ingredi possit. Ecce quas larvas Ecclesiæ nobis introduxistis, postquam semel à Catholica & vera Christi Ecclesiâ recessistis, ut rectè scripserit August. hæreticos ordinem sine ordine sibi vindicare: ita enim in qq. N. & V. testamenti q. 110. *Eorum qui extra Ecclesiam, vel contra Ecclesiam sedes sibi instituerunt, cathedram pestilentia dicimus: nam & ordinem ab Apostolo Petro ceptum, & usque ad hoc tempus per traducem succedentium Episcoporum servatum perturbant, ordinem sibi sine origine vendicantes, hoc est, corpus sine capite profidentes, unde congruit etiam eorum sedem cathedram pestilentia appellare.* Cætera quæ ad hanc Ecclesiæ Catholicæ Hierarchiam desideres, legi poterunt, apud Cardinalem Pallavicinum, 3. parte historię Tridentinæ, aliosque innumeros Theologos ac scriptores: Et vel ex ipso Tridentino Sess. 23. Can. 6. cognosces; *Si quis dixerit, in Ecclesia Catholica non esse hierarchiam divinâ ordinatione institutam, quæ constat ex Episcopis, Presbyteris, & ministris, anathema sit.*

Demum in Dania, & Suecia, ubi Lutherana religio vestra colitur, retinentur Archiepiscopi, & Episcopi. Quare tu cum Danus sis, hic aliam nobis formam Ecclesiæ tuæ introducis? Quare te Superintendentem populo Lutherano obtrudis, nec Episcopus appellari vis? qui tamen Episcopi munus tibi vendicas. Deinde, Lutherani illi Archiepiscopi, & Episcopi, in Dania, & Suecia, faciunt né diversum gradum à Presbyteris vestris, vel non? Si faciunt, ergo præter Presbyteros alius & superior gradus est apud vos. Si non faciunt, ergò, quilibet Presbyter apud vos ac prædicans te ipsâ est Episcopus, & Archiepiscopus. Quæso te Nifani, redeas primum in Daniam, & inde nobis referas, an in hoc dogmate, conveniat transmarina vestra Ecclesia, cum Saxonica?

CAPVT III.



## C A P V T I I I.

### *De sacerdotali, et spirituali potestate Ecclesie Catholicae.*

**H**ierarchia Ecclesiae, de qua diximus, non solum in Episcopis, Presbyteris, cæterisq; ministris, ac sacratis Deo perlonis, sed cumprimis in sacra eorum, & spirituali potestate regendi Ecclesiam consistit; id enim ipsum Hierarchiae nomen, quod sacrum regimen sonat, primâ statim fronte patefacit. Nota de hac potestate controversia est Catholicos inter, & heterodoxos horum temporum. Heterodoxi, uti sublata potestate ordinis, veros Episcopos, & Sacerdotes, cæterosque Ecclesiae consecratos ministros sustulerunt, ex quibus hierarchicus ordo componitur; ita ipsam potestatem sacram, & jurisdictionem tollunt, nullamque aliam in suis Ecclesijs agnoscunt, quàm civilem, & politicam jurisdictionem, quæ penes Imperatores, Reges, Principes, & Magistratus politicos sit, in regenda & ordinanda Ecclesia. Hinc Nisanius quoque cum suis, illam supremam, & universalem potestatem, quæ apud Catholicos est in Pontifice Romano, regendi universam Ecclesiam, transfert ad Imperatores, & Reges, eoque Carolum M. asserit habuisse potestatem in ipsam Romanum Pontificem, & Episcopos; Ea deinde, quæ in Episcopis est potestas, hanc transferunt heterodoxi in Principes, & civiles Magistratus: quod verò nobiscum legant in Scriptura, Act. 20. *Spiritus sanctus posuit Episcopos regere Ecclesiam Dei*, nihil ad se pertinere volunt. Inde sceda illa anarchia, & confusio in ipsorum Ecclesijs à Luthero primùm introducta; in qua nec Monarchia per vicarium Christi, & supremum Ecclesiae caput, nec hierarchia per Episcopos, & cæteros Ecclesiae præpositos: quo turbamento nihil potuit hæresis perniciosius, atq; exitiusius invehere, ad laxandam illam divinam compagem, & juncturam, quæ totum Ecclesiae corpus Apostolus, co-

DD 3

hærerè,

hærere, & subministrari, dixit Ephes. 4. donec postremum multò furiosior Anabaptistarum hærësis accederet, atque ipsam etiam politicam Regum & Principum potestatem tollendam doceret; qua super re Bellarm. lib. de Laicis. Hæc nunc paucis exponam, cætera cap. xv. planiùs referentur.

I. Duplex igitur in Republica Christiana est potestas, altera politica Regum, & Principum, quæ etsi à Deo sit, ut Rom. 13. docet Apostolus: *Non est potestas nisi à Deo*, Sap. 6. *Audite Reges, quoniam data est à Domino potestas vobis*. Non tamen eam immediatè à Deo Rex, vel Monarcha secundum ordinariam legem accepit, sed mediante humanâ voluntate, & institutione: quippe hoc ipso quod Deus homines in societatem vitæ congregavit, jus dedit eligendi sibi rectores. Inde ductu naturæ ab alijs Monarchia, ab alijs Aristocratia, ab alijs Democratia introducta est, quod egregium Theologiæ axioma docet esse Suarez lib. 3. de primatu Pontif. c. 2. quam in rem multos Theologos adducit, multisque rationibus confirmat: quæ hoc loco non disceptamus, cum adversarius non controvertat, dummodo advertat hanc potestatem versari directè, & ex instituto circa temporalia, ut justitia, & pax, & quæ eò referuntur, conservetur in Republ. Hæc potestas residet penès Imperatores, Reges, Principes ac Magistratus politicos: hanc quoque Pontifex, & multi Episcopi per Germaniam, & Saxoniam communicatam ab Imperatoribus, & Regibus habent, in quantum simul sæculares sunt Principes ac Domini.

Altera igitur spiritualis, seu Ecclesiastica est potestas in Ecclesia Christi, quæ immediatè à Deo est data, & Sacerdotio innexa. Ea rursum duplex est, Ordinis & Jurisdictionis; Potestas ordinis est facultas quædam moralis ad cultum Dei religiosum ordinata, vel per oblationem sacrificij, vel per administrationem & dispensationem Sacramentorum, vel ad alias quascunque cærimonias convenienter obeundas, quæ tamen potestas non est superioris in subditos, de qua infra agemus; Altera ergo potestas est jurisdictionis: & hæc rursum duplex est, alia interna, ac fori pœnitentiæ, quæ Sacerdotes constituit superiores ac iudices in divino, ac secreto foro, quod in Sacramento pœnitentiæ exercetur, de qua in pœnitentiæ Sacramento agitur. Alia potestas jurisdictionis externæ ad gubernandam Ecclesiam, in quantum spiritualis est Respublica, & corpus Christi

Christi Mysticum, distinctaque est hæc potestas à temporali, & politica Regum potestate. Ad hanc potestatem jurisdictionis exterioris spectat regere Ecclesiam, convocare Synodos, & in ijs præsidere, constitutiones, ac leges condere, causas audire, & cognoscere, controversias dirimere, ministros Ecclesiæ constituere, beneficia conferre, mittere ad docendum Pastores, delinquentes punire, atque excommunicare; verbo, omnium causarum, & controversiarum, quæ ad fidem, & religionem pertinent, judicem agere. Hinc primario residet penes Pontificem, ut Christi Vicarium, & Petri Successorem, cui Christus oves suas pascendas dedit Joan. 20. id quod tot scriptis, & librorum voluminibus demonstratum est; tum penes Episcopos, quos *Spiritus sanctus posuit regere Ecclesiam Dei*. Acto. 20. Sive mediante Pontifice, ut Bellarminus probabilius scribit, sive immediate, ut alij etiam Catholici probabiliter volunt. Ab his deinde communicatur cum alijs Ecclesiæ rectoribus.

Differt præterea hæc sacra Pontificum potestas à politica Cæsarum, & Regum potestate, quod per totum se orbem Christianum extendat, qua amplitudine nullus adhuc Regum, aut Cæsarum politicam potestatem extendit, sed suis imperij regni terminis constrictam habuere. Atque hoc illud præterea Catholicum dogma est, quod primum ex Scriptura, & veritatis voce, tam clarè asseritur: *Tu es Petrus, & super hanc Petram ædificabo Ecclesiam meam*. Matth. 16. *Pasce oves meas*. Joan. 20. Ubi enim universalis grex, ibi & universalis Pastor est, cui pascendi, & gubernandi potestas sit. At in Christi Ecclesia est universalis grex, ergo & universalis Pastor, cui spiritualis, & exterior potestas data sit regendi Ecclesiam Dei; Ecclesiam videlicet, quam Christus *Sanguine suo acquisivit*, Acto. 20. quamque Christus per se divina auctoritate, tam sanctè instituit, & ordinavit, quod sanè de temporali regno hinc asseri non potest, de quo Christus nihil disposuit aut immutavit. Hoc illud Ecclesiæ in hymno de Herode: Non eripit mortalia, qui regna dat caelestia.

II. Hoc præterea dogma, cum ex alijs scripturæ locis, tum I. Pet. 2.1. Cor. 4. 5. & 13. Hebr. 13. *Obedite præpositis vestris* asseritur; deinde Traditione, praxi universalis Ecclesiæ, Conciliorum decretis, & Episcoporum judicijs, quæ ex omnibus Synodis nationalibus, & provincialibus cognoscas; quod in his Episcopi sibi vindicent potestatem convocandi

vocandi Synodos, regendi Ecclesiam, ferendi leges, præficiendi Paltores, exauctorandi indignos, cognoscendi causas fori sacri, decidendi quæ, & quæ hujusmodi ex Christi & Apostolorum ordinatione, ad jurisdictionem spirituales spectant, quæ vos omnia ad politicos Magistratus transtulistis.

III. Sed nunc Carolum M. ad quem appellasti primum audiamus: Is lib. IV. Capitularium cap. CLXVI. *Primum*, inquit, *credatur, quod universalis sancta Dei Ecclesia unum corpus sit.* Capite deinde sequenti ita Carolus sanxit: *Principaliter itaque totius sanctæ Dei Ecclesiæ corpus in duas eximias personas, in sacerdotalem videlicet, & Regalem, sicut à sanctis Patribus traditum accepimus, divisum esse novimus, de qua re Gelasius Romanæ sedis venerabilis Episcopus ad Anastasium Imperatorem ita scribit: Duæ sunt quippe Imperatrices Anguste, quibus principaliter mundus regitur, Auctoritas sacrata Pontificum, & Regalis potestas, in quibus tantò gravius pondus est Sacerdotum, quanto etiam pro ipsis Regibus, hominibusque in divinò redditori sunt examine rationem. Fulgentius quoque in libro de veritate prædestinationis, & gratia ita scribit, quantum pertinet, inquit, ad hujus temporis vitam, in Ecclesia nemo Pontifice est potior, & in sæculo Christiano Imperatore nemo celsior invenitur.* Hæc Carolus M. de celeberrima Gelasii Pontificis, & Ecclesiæ receptâ sententia, quam & Hincmarus Remensis Archiepiscopus, jus Canonicum, & passim Theologi, & scriptores, tanquam fundamentum, de qua agimus, controversiæ, producant; Quin Carolus M. ad illud Christi Matth. *Tu es Petrus, & super hanc petram ædificabo Ecclesiam meam, Petro & Successoribus ejus divinâ veritatis voce supremam in Ecclesia potestatem datam esse profitetur, ut supra relatam est.*

IV. His nunc SS. Patrum testimonia, quæ clarissima sunt, tum cæterorum post Carolum M. Christianorum Imperatorum, ac Principum paucis adjungamus. Inter Pontifices post Gelasium suprâ relatam, Gregorius M. ad Episcopum Metensem, dist. 96. c. 9. *Quis dubitet Sacerdotes Christi, Regum & Principum, omnium fidelium Patres, ac Magistros censeri? Nonne miserabilis insania, si filius Patrem, discipulus Magistrum, sibi conetur subjugare, & suæ potestati subijcere, à quo credit non solum in terris, sed etiam in calis se ligari posse & solvi?* Eadem habet Gregorius, lib. 4. epist. 2. Deinde ad Maurit. Imper. Innocentius III. Papa in Decret.

Can. 6.

Can. 6. *Non negamus, quin praeceat Imperator in temporalibus illos duntaxat, qui ab illo accipiunt temporalia; sed Pontifex in spiritualibus excellit, quae tanto temporalibus sunt digniora, quanto anima perfectior est corpore.*

Ac ne Pontifices hic incales, tanquam in propria causa suam potestatem plus æquo extollant; addo Patrum testimonia. Chrysost. Homil. 4. & 5. de verb. Isaia: *Quaquam admirandus videtur thronus regius, tamen rerum terrenarum administrationem sortitus est, nec prater potestatem hanc praterea quicquam habet auctoritatis. Quod idem lib. 3. de Sacerdotio in multis persequitur. Nazianz. orat. 17. ad Cives: Quid autem vos Principes & praefecti? Nam vos quoque Lex Christi imperio meo, ac throno subiecit, imperium enim nos quoque gerimus, addo etiam praestantius ac perfectius, nisi verò æquum est Spiritum carni submittere fāsces, & celestia terrenis cedere.*

Epiphanius Hæres. 29. *Thronus David, & regia sedes est Sacerdotium in sancta Ecclesia, quam dignitatem regiam, simulque Pontificiam simul conjunctum largitus est Dominus sanctæ Ecclesiae suæ. Damascenus orat. 1. de imag. Non est piorum Regum, Ecclesiastica statuta convellere; his enim de rebus statuere & discernere ad Reges non pertinet. Orat. 2. Regum partes non sunt, ut Ecclesiae leges praescribant. Lib. 2. de Imag. Christus non commisit Ecclesiam Regibus & Imperatoribus, sed Episcopis & Pastoribus.*

Ambrosius, cum alibi sæpius hac super re, tum orat. contra Auxentium: *Respondi ego quod Sacerdotis est; quod Imperatoris, faciat Imperator. Et mox de Arianis: Videte, quanto peiores sunt Ariani, quam Iudæi; illi quærebant, utrum solvendum putaret Casari jus tributum, illi Imperatori volunt dare jus Ecclesiae. Imperator bonus intra Ecclesiam non supra Ecclesiam est, bonus Imperator querit auxilium Ecclesiae, non refutat. Epist. ad Marcellinam Sororem, se Valentiniano Imperatori dixisse scribit: Noli te extollere Imp. si vis diutius imperare: esto Deo subditus scriptum est enim: Qua Dei, Deo, quæ Caesaris, Casari: ad Imperatorem palatia pertinent, ad Sacerdotem Ecclesiae; publicorum tibi mœnium jus commissum est, non saecrorum. Hosius Cordubensis Episcopus, qui Nicæno Concilio interfuit, ad Constantinum Arianum Imperatorem. Desine quæso, & memineris te mortalem esse, reformida diem judicij: ne te misceas Ecclesiasticis, neque nobis in hoc genere præcipe; sed potius ea à nobis discere. Tibi Deus Imperium commisit; nobis, quæ sunt Ecclesia concedidit. Date, scriptum est,*

EE

quæ

*quæ sunt Caesaris, Caesari, & quæ sunt Dei, Deo.* Athanasius in epist. ad solit. vit. agentes: *Si istud est iudicium Episcoporum, quid commune cum eo habet Imperator? quando à condito ævo audium est? quando iudicium Ecclesiæ auctoritatem suam ab Imperatore accepit?*

Eulogius Presbyter cùm à præfecto hæretico Valentij Imperatoris moneretur: *Communica cum Imperatore dissimulanter. Valde facete respondit: nunquid cum imperio etiam Sacerdotis dignitatem est consecutus?* Theodoret. lib. 4. hist. c. 16.

Leontius Tripolis Lydiæ Episcopus, ad Constantium Imp. hæreticum: *Miror quò fiat, ut alijs curandis destinatus, alia trahes: Qui cùm rei militari & Reip. præsides, Episcopis ea præscribas, quæ ad solos pertinent Episcopos.* Suidas Verb. Leontius.

Quod sanctorum Patrum, idem Imperatorum fuit iudicium, de potestate Sacerdotali. Justinianus Imp. in Authent. *Maxima quidem in omnibus sunt dona Dei à superna clementia, Sacerdotium, & Imperium: illud quidem divinis ministrat, hoc autem humanis præsident.*

Constantinus M. cum iudicium de Episcopis in Nicæno Concilio recusaret, *Deus vos, inquit, constituit Sacerdotes, & nobis à Deo dati estis iudices, & conveniens non est, ut homo iudicet Deos; sed ille solum, de quo scriptum est, Deus stetit in Synagoga Deorum, in medio autem Deos dijudicat.* Ruffinus lib. 1. Hist.

Theodosius Imperator epist. ad Synodum Ephesinam, uti Hadrianus Papa epist. ad Michaëlem Imper. refert. *Illicitum esse, dixit, eum, qui non sit ex ordine sanctissimorum Episcoporum, Ecclesiasticis immisceri irafectibus.* Ad hunc modum Valentinianus Imper. in histor. tripartita, lib. 7. cap. 8. *Talem in Pontificali sede constituite, cui & nos, qui gubernamus Imperium, sincere capita nostra submittamus.* Basilus Imp. ut in actis VIII. Synodi refertur: *De Ecclesiasticis, inquit, nobis sermo non competit, hæc enim investigare, & querere Patriarcharum, Pontificum, & Sacerdotum est, qui regiminis officium sortiti sunt.* Ita Honorius Imperator, ut Innocentius refert, ad Arcadium scripsit: *Episcopale oportet esse iudicium: ad illos enim divinarum rerum pertinet interpretatio, ad nos spectat religionis obsequium.* De Mauritio Imperatore Gregorius M. refert, lib. 5. epist. 25. *Scimus piissimos Dominos disciplinam diligere, ordinem servare, Canones venerari, & se Sacerdotalibus negotijs non miscere.* Hæc ipsi Imperatores de po-



de potestate Sacerdotali : Et quid nunc aliud est illud Constantini M. quod contra nos adfers ex Euleb. lib. 4. c. 24. *Vos estis Episcopi in Ecclesia, ego extra Ecclesiam, seu templum, Episcopus à Deo constitutus sum.* Quo dicto, se defensorem esse Ecclesiae, non iudicem Episcoporum, fatetur; ut supra in Concilio Nicæno professus est.

Nec aliud Leo I. ad Imper. Leonem scribit, quem tu adfers, in hæc verba proloquentem: *Regiam potestatem non solum ad mundi regimen, sed maxime ad Ecclesiae presidium collatam esse.* Quis hoc negat? aut quomodo inde conficis, Imperatores esse iudices rerum Ecclesiasticarum? Aliud est defendere Ecclesiam, quod Imperatoris est, aliud iudicare causas Religionis, quod Pontificis & Episcoporum est, ut jam toties audivisti. Præclarè id docuit S. Augustinus epist. 48 & 50. & 165. *Piorum Regum munus esse Ecclesiam defendere, severis legibus ac pœnis blasphemos, & sacrilegos punire, hæreticos ab Ecclesia damnatos coercere.* Quapropter reprehendit Donatistas, quod causam suam, quæ ad Episcoporum iudicium spectabat, referrent ad Regum & Imperatorum tribunal.

Quod igitur officium Imperatorum & Regum? non ut omnem curam Religionis & Ecclesiae abijciant, tanquam ad se nihil spectet, hæc enim Donatistarum impia vox erat: *Quid Imperatori cum Ecclesia?* Sed ut tucantur ac defendant; non ut Domini, sed ut ministri; non ut iudices, sed ut executores, non ut rectores, sed ut adjutores. Id quod Carolus toties proficitur Epist. ad Angilbertum Abbatem, Epist. ad Ofsam Merciorum Regem, Epist. ad Leonem Papam. Quemadmodum & in formula juramenti, cum à Leone Imperium acciperet, id continetur, quæ ejusmodi fuit: *In nomine Christi, spondeo atq; polliceor ego N. Imperator coram Deo & B. Petro Apostolo me protectorem, ac defensorem fore hujus sanctæ Romanæ Ecclesiæ in omnibus, quatenus divino fulcris fuero ad iutorio, prout sciero, poteroque.* Ita Sigon, lib. 4. de Regn. Italiæ.

## CAPUT IV.

*Explicatio Caroli M. de potestate Sacerdotali sententia.*

**P**Ræter scripturæ testimonia, produxi Pontificum, SS. Patrum, & ipsorum Imperatorum iudicium, quibus Carolus M. religiosissimus Imperator accedit, idque ex Gelasij & Fulgentij sententia, quam Carolus M. tanquam regalem sequi se profitetur. Satis hæc esse poterant; sed quia Nifanius tam impudenter, quàm falsò scribere audet in hæc verba: *Quemadmodum penes Carolum fuit ordinare Rempublicam Civilem, sic etiam Ecclesiasticam; semper enim sibi reservavit Primatum in Ecclesiasticis, quoad jurisdictionem exteriorem.*

Conveniamus nunc denuò ipsum Carolum M. num ille sibi reservavit supremam jurisdictionem externam in Pontificem, & Episcopos, & res Ecclesiæ? id enim si verum est, Carolus M. hæreticus, & Lutheranus fuit, & quæ in Angliæ hæresis fuit, Regem caput Ecclesiæ asserendo, hæc Nifanii iudicio, etiam Caroli fuerit. Id verò quàm falsum sit:

I. Convincitur ex causis fidei, quas Carolus Magnus rejecit ad Pontificis Romani tribunal. Hujus rei primum exemplum est in hæresi Elipandi, de filio Dei adoptivo, in qua controversia Carolus nihil ne per Franciæ quidem Episcopos definire voluit, nisi consulto prius Romano Pontifice: Ita enim in Epist. ad Hispan. Episcopos: *Iussimus SS. Patrum Synodale ex omnibus nostræ nationis Ecclesijs congregari Concilium, Francofurtense videlicet. Sed quid addit? Prius tamen ad Apostolicæ sedis Pontificem de hac nova inventione iter, quaterque direximus Missos, scire cupientes, quod sancta Romana Ecclesia Apostolicis edocta traditionibus respondere voluisset.* Accepto igitur responso, tam è sede Apostolicâ, quàm ex libello Episcoporum Italiæ, Carolus scribit, se id statuisse, quod Dominus Apostolicus cum S. Romana Ecclesia, & Episcopis illis in partibus contra Elipandum decreverint. Idem est in causa de cultu



cultu Imaginum ex eodem Concilio Francofurtensi. Nam etsi Hadrianus Papa hanc controversiam detulerit expendendam in Concilio Episcoporum Galliarum, & Germaniarum; habito tamen Concilio, Carolus & suam, & Episcoporum sententiam, actaque Concilij, retulit ad Pontificem ut supremum judicem controversiarum: ut constet ex literis Caroli M. ad Hadrianum Papam, & Hadriani ad Carolum, de libris qui falsò *Carolini* inscribuntur. Quâ super re Sirmondus ad acta Concilij Francofurtensis, & in Nicœna Synodo II. sub finem, Tom. 18. Concil. General. Parisiæ ad act. 4. Hinc Synodus Francofurtensis Can. 1. profitetur, se Apostolicâ auctoritate, & jussione Caroli congregatam; & Patres Concilij illius, cum in fine libri sententiam protulissent, addiderunt: *Reservato per omnia juris privilegio Summi Pontificis, Domini ac Patris nostri Adriani primæ Sedis beatissimi Papæ.* Sanè Carolus in eadem Synodo, petijt à Patribus sibi Hildebaldum Coloniensem Archiepiscopum adjungi, ut hujus consilio & auctoritate negotia Ecclesiastica, tanquam per legatum Apostolicum sibi à latere præsentem, tractaret; quemadmodum Angilramum Metensem Archiepiscopum, obtinuerat à sede Apostolicâ. Quod sanè opus non fuisset, si potestatem, & jurisdictionem supra Papam & Episcopos, sibi unquam arrogasset Carolus.

II. In controversiis arduis rebus, semper Carolus M. consuluit Pontificem; uti de Episcopis & Sacerdotibus, an ad castra sunt mittendi? tandem à populo sollicitatus respondit: *Ego Carolus Gratiâ Dei Rex, regniq; Francorum rector, & devotus sanctæ Ecclesiæ defensor atq; adjutor, in omnibus Apostolica sedis hortatu, & maxime Episcoporum & reliquorum Sacerdotum consensu, servus Dei prohibeo, ne castra sequantur.* Tom. 20. Concil. General. In Capitulis Ecclesiasticis c. 3. Hunc in modum de Chorepiscopis, de purgatione Sacerdotum, de criminosis presbyteris, Capit. lib. 5. c. 33. Tandem consultu, inquit, *Domini & Patris nostri Leonis Apostolici, cæterorumq; Romanæ Ecclesiæ Episcoporum, & Sacerdotum decernimus.* Hæc Hadrianus ipse Pontifex de Carolo M. in epist. ad Hispaniæ Episcopos, palam ita scribit: *Carolus M. & venerabilis Princeps, Rex Francorum, & Longobardorum, B. Petri amore feliciter obstrictus, non renuit illi honorem debitum exhibere, & sedis ejus Præsulem dignum duxit, sacris syllabis consulendum, regiam videlicet, & Canonicam*

*placuit ei consuetudinem renovare. Multa hujus rei sunt exempla. Facitisne id vos Lutherani, qui Carolum vobis vendicatis?*

III. Constat ex appellationibus ad sedem Romanam: Ex quo capite etiam Bellarminus lib. 2. de Pontif. c. 21. Pontificis supremam auctoritatem multis clare asserit; quam & Carolus M. hisce confirmat, Capitularium lib. 6. c. 287. *Prudenter justissimeq; decreto Concilij Nicaeni, atque Africani, decernimus, quacumq; negotia, in suis locis, ubi orta sunt, finienda. Quod si sibi finire non possint, aut si majores cause in medio fuerint devolutae; ad sedem Apostolicam, ut sancta Synodus statuit, & beata consuetudo exigit, post judicium Episcopale, referantur.* Idem de majoribus causis ad Pontificem scribendis decernitur Lib. 7. Capitularium, cap. 187. Lib. 6. Capitul. c. 299. Rursum lib. 7. cap. 235. *Placuit ut si Episcopus accusatus appellaverit ad Romanum Pontificem, id statuendum quod ipse censuerit.* Lib. 7. Capitularium, cap. 313. *Indicatus Episcopus ad Apostolicam sedem, si voluerit, appellet;* idque ex Sardiceni Concilio praescribit idem c. 349. Lib. 7. Capitularium cap. 241. *Si adversus Metropolitanum quis habeat querelam, petat Primatem dioecesis, ut apud ipsum judicetur, aut apud sedem Apostolicam.* Praeternitto hic innumera alia, ne taedio sint Lectori. Quorsum nunc illae appellationes, provocationesque ad Carolum probatae, ad Archiepiscopos, Primates, & Apostolicam sedem, si Carolus supremam habuit jurisdictionem supra Episcopos & Pontificem? passusne Carolus haec fuisset suae potestati subtrahi, si haec sibi, ut fingitis, asserita habuisset? Scio equidem, omne Lutheri odium, non aliunde in Pontificem, quam quod ad eum provocatio, & ab eo Lutheri condemnatio facta sit; inde haereditarium vobis insidet odium illud.

IV. Carolus manifestè Archiepiscopis & Episcopis suam spirituales jurisdictionem asserit, quam sibi non competere agnovit: *Metropolitanis suis, Episcopi Suffraganei, secundum Canones subiecti sint. Capitulare Caroli anno Regni XI. Dignum est, ut Metropolitanus qui est pallio sublimatus, honoretur, & ceteros admoneat.* Capitularium lib. 6. cap. 79. *ad Metropolitanum Suffraganei Episcopi respiciant, & nihil novi audiant facere, in suis Parochiis, sine conscientia, & Concilio Metropolitanis; nec Metropolitanis sine eorum Concilio.* Synod. Aquisg. c. 8.

Mouet Imperator Episcopos: *ut suam Pontificalem auctoritatem Sacerdotes*

dores sibi subiectos constringant. Capitularium lib. 2. c. 5. *Omnes Presbyteri, Diaconi, & Subdiaconi, sub Episcoporum potestate maneant.* Capitular. lib. 5. c. 39. *Unusquisque Episcopus habeat sua parochia potestatem, & regat juxta reverentiam singulis competentem.* Capitularium lib. 7. c. 36. *Cleri & populi, si Episcopis suis obedire noluerint, excommunicentur.* Capitular. lib. 6. c. 78. Rursus: *Clerici a suis Episcopis judicentur, non a secularibus.* Can. 28. Synod. Aquisgr. I. *Volumus & precipimus, ut omnes suis Sacerdotibus, tam majoris Ordinis, quam & inferioris, à minimo usque ad maximum, ut summo Deo, cujus vice in Ecclesia legatione funguntur, obediētes existant.* In select. Caroli M. cap. Can. 2. Et mox Can. 3. secundum Theodosij M. Imp. legem præscribit: *Omnes causæ, quæ vel Prætorio jure, vel civili tractantur, Episcoporum sententijs terminata, perpetuo stabilitatis jure firmentur.* Idem repetitur Capitularium lib. 6. c. 261. His addo Canonem sextum Concilij Francofurtensis, quo obedientia Presbyterorum, Monachorum, Cleri, & populi præscribitur erga Episcopos, & Metropolitanos; nec causæ ad palatium deferantur prius, quam ab his judicatz sint: Et in ipso palatio non à laicis, sed Ecclesiastico Sacerdotum Concilio cognitz, judicatzque sint. Uti hæc ex Hincmari epistolis constant, quas te legere velim, qui tam proterve scribis.

Sexcenta hujusmodi Caroli testimonia proferri possent, quibus jurisdictionem Pontificis & Episcoporum eorumque potestatem in judicandis causis Ecclesiasticis non modò profitetur, sed suis etiam legibus sancitam, inviolatamque esse voluit; perinde ut religiosissimi Imperatores Constantinus M. Theodosius, alijque fecerunt. Nunquam Carolus M. sibi hoc arrogavit, quod vos hæretici confingitis: vos primi estis, qui per Saxoniam, & Germaniam, Ecclesiam sacrâ Potestate & Jurisdictione spoliastis, & ab Episcopis ad seculares Principes & Magistratus laicos transtulistis. Ad hoc enim vos Prædicantes nati estis, ut omnia turbetis in Ecclesia, & libera sit hæresis vestra, ab Episcoporum & Pontificis judicio. Non hæc Carolus M. tantus Monarcha, sibi in Ecclesia sumere ausus, quæ vos plebi & laicis defertis: adiutorem tantum ille se & defensorem Ecclesiæ ferebat. Id cognosces ex epistola Caroli ad Elipandum, & Hispaniæ Episcopos, cujus hæc inscriptio: *Carolus gratia Dei Rex Francorum & Longobardorum, filius & defensor sanctæ Dei Ecclesiæ.* Epistola ad Leonem Pontificem: *Nostrium est secundum auxilia*

*xilia divina pietatis sanctam ubiq; Christi Ecclesiam, ab incurſu paganorum & infidelium divaſtatione armis defendere, foris & intus Catholica fidei agnitione munire.*

Atque hoc illud Imperatorum Christianorum, Regum, Principum, & Magistratus politici munus, non verò sibi vindicare jurisdictionem sacram, externamque in gubernanda Ecclesia, uti hæc ab omnibus Theologis & Scriptoribus planius sunt asserta.

Quantam verò vim directivam & coercitivam, potestas Pontificis indirectè in res temporales includat, (quod tu multis imperitè & contumeliose moves,) satis Bellarminus lib. 5. de Pontifice, Suarez. lib. 3. de Primatu Pet. c. 16. & 17. alijque innumeri Scriptores tradiderunt; & super vacaneum hoc loco disceptare, cum ipsam supremam & spiritua-lem Pontificis & Ecclesiæ jurisdictionem, non tam neges, quam non capias. Dicam hic, quod in simili pronuntiat Jrenæus. *Altissima mysteria non omnes capiunt, quia non omnes cerebrum habent.* Tandem ex illa rapidia tua, aliquid ordinatè, & solidè profer.

## C A P U T V.

*Inania Nisanij argumenta, quibus Carolo M. Primatum Ecclesiæ, et potestatem supra ipsum Romanum Pontificem asserere vult.*

**A**Dversus ea quæ de suprema Pontificis, & Imperatoris potestate, quæque de Jurisdictione sacra Episcoporum, & civili Principum potestate, hæcenus diximus, intendit arcum Nisanus ex odio in Pontificem, & scribit, Carolum M. habuisse potestatem supra ipsum Romanum Pontificem: & quamvis obtusa sint, nec digna eruditis auribus, ea tamen quia Superintendentes sunt, & Lutherani Episcopi, audiantur,

I. Argu-



I. Argumentum Nisanij. Carolus M. inquit, ex quo Romanus Imperator est constitutus ab omnibus Roma in Basilica presentibus, eo ipso accepit dominium in urbem Romanam, in patrimonium S. Petri, imò potestatem accepit in ipsum Papam: Atque hinc ut de jurisdictione Ecclesiastica te agere profitearis, addis: Carolus M. semper sibi reservavit Primatum in Ecclesiasticis, quoad jurisdictionem exterierem, ut tam Civilem, quam Ecclesiasticam Rempubicam ordinaret. & Hæc propositio & assertio tua falsissima est: Nam potestas gubernativa Ecclesiæ, spiritualis, & supernaturalis est, exceditque omnem potestatem Regum, & Cæsarum, ut jam expositum est: ne hanc Carolus unquam sibi vel in speciem arrogavit, ut tu somnias; ut jam multis ostendimus ex scriptura, ex Patrum, & Imperatorum, & ipsius Caroli consensu: imò quatuor prima Concilia Oecumenica, quæ instar Evangelij D. Gregorius accipienda docuit, primatum Petri in Ecclesia, & supremam Pontificis Romani potestatem, supra Imperatores & Concilia asserunt, quam tu hinc abnegas. Prima principia non capis, & quis tecum disceptet? Interim quomodo tuam assertionem probes, audiamus.

I. Carolus M. inquis, lib. 6. Capitularium, cap. 28. ita proloquitur: *Volumus atque precipimus, ut omnes ditioni nostre Deo auxiliante subiecti, tam Romani, quam Franci, Alemanni, Bojovarii, Saxones, Thuringij, Frisones, Galli, Burgundiones, Brittones, Longobardi, Vascones, Beneventani, Gothi, Hispani, caterique nobis subiecti omnes.* Ergo, inquit, Romani etiam Carolo M. subiecti fuerunt, & quod consequens esse vis, etiam supra Romanum Pontificem habuit potestatem. Profus hoc absurdum est: cum hinc Carolus agat de jurisdictione politicâ in recensitos populos, quam Pontifex & Episcopi Cæsari & Regibus integram relinquunt; non verò de jurisdictione Ecclesiastica: *Non enim eripis mortalia, qui regna dei caelestia.*

At verò quid sequitur in hac Caroli lege? quid his populis suis præscribit? *Volumus nempe, ut hanc sententiam, quam ex XVI. Theodosij Imperatoris libro, Capitulo videlicet XII. ad interrogata Ablavij Ducis, illi, & omnibus rescriptam sumpsimus, & inter nostra Capitula pro lege tenendam, consultu omnium fidelium nostrorum, tam Clericorum, quam & laicorum posuimus: lege cunctis perpetuò tenenda. Id est: Quicumque litem habent, sive possessor, sive petitor fuerit, vel in initio litis, vel decursis temporum cur-*

FF

riculis

riculis ; sive cum jam cœperit promi sententia : si judicium elegerit sacrosancta Legis Antistitis, illicò sine aliqua dubitatione, etiamsi alia pars refragatur, ad Episcoporum judicium, cum sermone litigantium dirigatur; multa enim, quæ in judicio captiosa præscriptionis vincula promi non patiuntur, investigat & promit sacrosancta legis auctoritas. Omnes itaque causæ, quæ vel pratorio jure, vel civili tractantur, Episcoporum sententijs determinatæ, perpetuo stabilitatis jure firmentur. Nec liceat ulterius retractari negotium, quod Episcoporum sententia deciderit. Hæc Carolus. Quid nunc hic de Primatu Imperatoris in Pontificem præscribitur ? prorsus nihil : imò prorsus contrarium hic vides, quantum scilicet Theodosius & Carolus M. Imperatores, Episcoporum auctoritati, & potestati in judicando detulerint: perinde uti ante eos Imp. Constantinus M. pro amplissima Episcoporum judiciali potestate rescriptum dedit, de quo Baronius ad annum Christi 319. & 326. Id si vos hæretici faceretis, hæresis vestra non esset : qui non modò *Judiciariam*, sed omnem etiam *potestatem Jurisdictionis* Episcopis abrogatis; quantumvis *Spiritus sanctus* posuerit eos *regere Ecclesiam Dei*. Vel idcò Imperatores, ac Reges Christiani, venerati sunt Pontificem & Episcopos, quod vel ex hac Dei voce *Rectores Ecclesiae ac judices* intelligerent.

II. Argumentum deducit ex dominatu Caroli M. in urbem Romanam, ex eoque tale format argumentum :

*Qui jure imperatorio habet dominatum in urbem Romanam, ille habet Primatum Ecclesiae, supra Pontificis potestatem ; Atqui Carolus M. hunc habuit : Ergò :*

R. Major falsissima est. Tiberius Cæsar, Claudius, Nero, Trajanus, Vespasianus, cæteri que Imperatores, habuerunt dominatum urbis Romanæ; ergo habuerunt primatum Ecclesiæ supra S. Petrum, Clementem, Linum, cæterosque Pontifices. Quam inepta & insulsa hæc argumentatio! cum S. Petrus immediatè à Christo acceperit potestatem gubernandi Ecclesiam universam, (ut suprà probatum est,) eaque potestas juris divini sit, altiorisq; ordinis, communicata omnibus Petri successoribus; quam Pontifices tam sub Christianis Imperatoribus, quàm Ethnicis, & Tyrannis habuerunt: perinde ut Episcopi suam spirituales Jurisdictionem, quæ à temporali Principum diversa est, ac longè eminentior in suo genere

genere obtinent, quam ut nulla humana potestas Imperatorum aut Regum dare, ita nec tollere potest. Prima principia non intelligis, & disputando provocas omnes Catholicos; dignior, qui ad scholas, atque ad elementa Christianæ religionis addiscenda, in Daniam remittaris.

Sed historicum simul agis, introducendo quæstionem, utrumne tempore Caroli M. urbs Romana fuerit in potestate Pontificis, an Imperatoris? ad quod potissimum adferre ex Francorum annalibus, quod post mortem Hadriani Pontificis, Leo subrogatus, Anno Christi DCCCXCVI. *Miserit legatos ad Carolum Regem, offerendo claves Confessionis S. Petri, ac vexillum Romanae urbis cum muneribus; rogando ut aliquem e suis Optimatibus Romanam mitteret, qui populum Romanum ad suam fidem, atque subjectionem, per sacramenta firmaret.* Quæ postrema verba, inquis, fides sunt in oculo Cardinali Baronio, & Jesuitis. &c. Hæc verba non sollicitant Theologos, sed historicos, cum ambigua sint: utrumne urbem Romanam in fidem suam, scribentis & petentis Pontificis, an verò Caroli Regis implorati velit recipi? primum tenet Bellarminus, posterius vos hæretici obtruditis. Quod Theologos hæc non sollicitent, clarum est: siue enim Pontifex Leo fuerit urbis Romanæ Dominus siue non fuerit, nihil tollit de potestate spirituali, quam habuit in urbem Romanam sicut in universum orbem Christianum habuit. Interim, primò benè respondet Baronius: malè ex his à Novatoribus inferri, Carolum fuisse immissum in possessionem urbis Romanæ, quod ei oblatae sint claves & vexillum urbis, cum ejusmodi munera à Pontificibus consuèrint offerri principibus, honorandi causâ: uti id ex S. Gregorij aliorumque Pontificum epistolis constat. Ita enim Gregorius Magnus ad Childebertum Francorum Regem claves Sancti Petri misit, Lib. 5. Epist. 6. Ita Gregorius III. ad Carolum Martellum destinat claves sepulchri cum vinculis Sancti Petri, ut refertur append. ad Gregorium Turonens. Quo tamen tempore Franci nondum pedem in Italia fixerant. Ita post anno 800. Patriarcha Hierosolymitanus, ad eundem Carolum misit vexillum benedictionis loco, unâ cum clavibus sanctorum locorum: Eodem modo urbem obtulit Carolo Pontifex, non ut possessori & Domino, sed ut defensori Ecclesiæ Romanæ: rogando, ut adversus hostes in fidem & tutelam susciperet. Neque Carolus memo-

ratur suscepisse cives in fidem suam, & juramentum, sed tutelam addixisse Pontifici: unde mox legatum misit Engelbertum Abbatem cum donarijs ad Pontificem, neque tum Imperator adhuc erat Carolus, sed Rex Italiae, tutorque Romanæ urbis, perinde ut universæ Ecclesiæ per Italiam, à Pontificibus contra Longobardos vexatores Ecclesiæ Romanæ imploratus. Demum, non petijt Leo Papa, ut Romani Francis fidem jurerent, (quod Illyricus & alij novatores volunt,) sed Romanos eò adigi, ut Pontifici jusjurandum præstarent, idque Ægilbertus Abbas S. Richarij Mislus, Caroli jussu effecit, uti Bellarminus tradit lib. I. c. I. de transl. Imperij. Adhæc dum Hadrianus Pontifex Carolum M. in primo adventu Romano excepit, obviamque direxit Episcopos, Abbates, & judices suos, & Carolus deinde licentiam à Pontifice petijt ingrediendi Romam, tum verò Romanorum, Francorumque judices, & Duces se conjunxerunt, (uti hæc Athanasius in Hadriano descripsit,) Pontificem non ut inferiorem, sed superiorem ex potestate sacra veneratus est, & tam Pontifex, quam Rex suos habuit judices, & præfectos; imò ipso *Paschali die direxit diluculo, ipse sanctissimus Præsul cunctos judices, & universa obsequia militie ad Regem:* quæ magnam Pontificis in Urbe potestatem satis ostendunt. Quod autem dexteram Pontificis in ingressu tenuerit Rex, id in Pontificali rituum libro ita præscriptum erat: *ut Rex ipse à parte dextera, & prior Diaconorum à parte sinistra, deducant Pontificem usque ad Ecclesiam;* quemadmodum Spondanus in notis ad hunc annum exponit. Sed quiddicis ad hoc argumentum? Qui urbem mœnibus, & arcibus præmunit, ille urbis est Dominus; Atqui Hadrianus Pontifex id fecit: teste Carolo M. in Epitaphio à se composito, in quo ita legis:

*Doctrinis, opibus, muris erexerat arces,*

*Urbs, caput, orbis honor, inclita Roma, tuas.*

Epitaphium hoc, præterquàm quod Romæ superfit, leges tom. XVII. Concil. General. Paris. At Theganum obijcitis, quòd is scribat in hæc verba: *Eodem anno Leo Papa Romanus obiit, & Stephanus post eum successit, qui statim postquam Pontificatum suscepit, jussit omnem populum Romanum fidelitatem cum juramento promittere Ludovico.* Respondet Baronius (ad annum Christi 816. quo Leo Pontifex est mortuus) id factum esse ob Romanos cives, qui in Pontificis electione proni erant ad tumultus,



tumultus: qualis etiam tumultus in Leonem Pontificem defuncto Carolo paulò ante Pontificis obitum exarsit: ut ex Anastasio, & Francorum Annal. cognosces. Ad hos igitur coercendos, consultum habuit Stephanus Pontifex Leonis successor, cives ad iuramentum Ludovici Imperatoris adigere; siquidem vera narrat Theganus. Nihil hac super re Anastasius in electione Stephani.

Et verò quomodo Stephanus Pontifex cives ad id iuramentum adigere potuit, si nullum illi jus fuit in Urbem, & cives? posset hoc modò Episcopus Saxonie implorare auctoritatem Cæsaris adversus cives sibi subiectos & rebellēs. Verùm Ludovicus Imperator mox à Stephano Papa in Gallijs inunctus; non modò ea, quæ à Pipino avo, & Carolo patre aut restituta, aut donata erant Romanæ Ecclesie, sed & ipsam Romanam urbem cum Ducatu suo, cæterisque bonis confirmavit, restituitque ex integro Pontifici. Sicuti hæc Leo Ostiensis in Chron. Cassin. lib. 1. c. 18. Gratianus Dist. 63. Codices Vaticani, & Baronius exponunt, & satis cognosces ex diplomate Ludovici Imperatoris, quod capite proximo dabimus.

At demus tibi ultrò Romanos cessisse in Francorum potestatem, ex quo Carolus Magnus Romanus Imperator à Leone Pontifice est coronatus, at non ideo Carolus Magnus *Primatum* Ecclesie accepit, quem nec populus Romanus, nec Græcus Imperator, neque ipse Pontifex dare potuit, cum primatus ille à Christo solum S. Petro & Successoribus ejus jure divino sit datus: igitur ut sub Ethnicis Imperatoribus, & barbaris Regibus Pontifex supremam jurisdictionem in Ecclesiam habuit, ita sub Christianis Imperatoribus multo habuit illustriorem. Hic tu bruti in modum agis: nec aliter vos hæretici, quàm Judæi & gentiles de Christi Ecclesia judicatis.

III. Argumentum adversarij: Pontifex Romanus multa bona accepit in feudum ab Imperatore Carolo M. ergo Pontifex est subiectus Imperatori. Dignum profectò Lutherano Superintendente argumentum: Archidux Austriæ, idemque Imperator, accipit feudum ab Episcopo Ratisbonensi, ergo Imperator est subiectus Episcopo Ratisbonensi: Multi Duces & Principes acceperunt feudum ab Episcopis: & septem olim Saxonie Principes, & sedecim Comites habuerunt feuda à Corbejensi Abbate ad Visurgim, ergo Principes illi & Comites fuerunt

FF 3

subiecti

subjecti Episcopis & Abbati: quam hæc absurda sunt. Feudum enim certum vasalli obsequium, & fidelitatem importat erga Feudi Dominum, non subjectionem Vasalli, nec Domini imperium in feudatarium. Et quænam illa bona quæ Romanus Pontifex ab Imperatore accepit in feudum? ejus rei te tabulas & auctores proferre oportebat, quod non facis: credo, ut omnes Cæsarum & Principum donationes Episcopis & Ecclesiæ factas, in feuda politicorum Principum & hæresis tuæ spolia convertas.

I V. Argumentum: *Leo Pontifex indignè tractatus à Romanis & profugus ad Carolum M. Paderbornam usque, postea se Caroli M. judicio subjecit, quod Romæ à Carolo in causa ejus innocentia est habitum, ex quo clarissime, inquis, conficitur Carolum M. non modo in Romanos, sed & in ipsum Pontificem habuisse potestatem.* Quam in rem totam narrationem ex Anastasio & Francorum annalibus adducis multa garriendo, confundendo, evagando, calumniando in Romanum Pontificem; nihil interim ex fundamento rei proferendo, ut totum illud cerebrum appareat nube hæresis obductum.

R. Igitur I. Pontifex jure divino & Canonico habet exemptionem & immunitatem ab omni judicio & jurisdictione sæculari, etiam Imperatorum & Regum. Hæc assertio est omnium Catholicorum Doctorum. Soto lib. 5. de just. q. 4. Bannez. 22. q. 67. Cajetanus tract. de potest. Papæ & Concilij c. 27. Turrecremata, lib. 2. Sum. c. 93. Bellarm. lib. 1. de sum. Pontif. c. 26. Molina de just. disp. 31. Valent. 4. p. disp. 5. q. 11. Suárez lib. 4. de immun. c. 4. Driedo lib. 1. de lib. Christ. c. 9. & 15. Henriquez lib. 7. de indulg. c. 24. Asseriturque ex jure Canonico & Concilio Romano, sub D. Sylvestro Pontifice habito can. 20. *Nemo, inquit, judicabit primam sedem, quoniam omnes sedes à primâ sede justitiam desiderant temperari. Neque ab Augusto, neque ab omni Clero, neque à Regibus juxta judicabitur.* Hoc nimirum illud ex primâ Ecclesia in causa Marcelini Pontificis, qui se Concilio stitit ultro, at Concilium respondit: *Prima sedes non judicabitur à quoquam.* Ita Nicolaus Papa epist. ad Michaëlem Imp. Gratian. 9. q. 3. cap. Cæterique Theologi, Canonistæ & historici, quæ Catholicorum sententia multo illustrior facta est, in Leone III. Pontifice de quo hic agitur. Nam cum Romæ seditio contra eum mota esset, & Carolus ad eam sedandam Romam venisset, & in Basilica S. Petri

S. Petri adſtante populo, Clero, Abbatibus, & Episcopis, qui ob id ex tota Italia & Francia convenerant, ſententias & vota de moribus, & vita Pontificis rogasset, reſponſum eſt ab omnibus una voce: *Sedem Apoſtolicam omnium Eccleſiarum caput à nemine, laico præſertim judicari debere, ſeu ut in vita Leonis refertur tom. 20. Concil. General. Pariſ. Nos ſedem Apoſtolicam quæ eſt caput omnium Dei Eccleſiarum judicare non audemus, nam ab ipſo nos omnes, in Vicario Chriſti judicamur, ipſa autem à nemine judicatur, quemadmodum & antiquitus mos fuit, ſed ſicut ipſe ſummus Pontifex cenſuerit, Canonice obediemus.* Ad quod tam grave reſponſum Carolus quaſtionem omiſit. Hæc tu Niſani quæ in Platina, Anaſtaſio, vita Leonis, Baronio, & alijs legere poteras, more & dolo tuo tranſiſis. Quantus denuo hic impoſtor! adferre tot calumnias in odium Pontificum, & ea in quibus nervus eſt rei, de qua agitur ſupprimere: Et rem ipſam ſi rationibus expendas, Pontifex non potuit ſe ſubmittere civili juridiſtioni, quando Pontifex ut Pontifex non habet juridiſtioneſ temporalem directam ſuper alios, minus ſuper ſe ipſum, ergo Imperatori dare non potuit: ita ruruſus Theologi in 4. diſt. 18. c. 19. D. Thomas Palud. Bonav. Richard. Albertus, Canoniſtæ in cap. 5. *Eccleſia ſancta.*

Re. 2. Pontifex, quod ad externum judicium attinet, poteſt ſe ſubmittere judicio alterius, ſed tanquam arbitri, non judicis, qui juridiſtione utitur in illum: ita D. Thomas ad hanc quaſt. & alij. Quo refertur factum Leonis IV. Symmachi & Sixti III. ut hæc in jure Canonico & Conc. 3. Rom. leges, (quæ exempla hic te adferre oportebat,) atque id maxime ad tollendum ſcandalum fieri poterat, purgando ſe coram. Quemadmodum hic Leo III. Pontifex altero die præſente populo, Clero & Episcopis, *amplexus ſancta Chriſti quatuor Evangelia coram omnibus aſcendit ambonem & ſub jurejurando clara voce dixit, ſe de iſtis falſis criminibus, quæ Romani inique impoſuerant ſcientiam non habere, nec talia egiſſe unquam, quo peracto omnes Archiepiscopi, Episcopi, Abbates & cuncti Clerici Litania facta, laudes dederunt Deo, atq; Dei Genitrici ſemperq; Virgini MARIE Domina noſtra, & B. Petro Apoſtolorum Principi, omnibuſque Sanctis Dei.* Italegas in vita Leonis, Tom. 20. Concil. General. Pariſ.

Accedit quod Carolus M. ubique in ſuis legibus, & Synodis immunitatem Eccleſiaſticam aſſerat, ne Clerici, & Sacerdotes, & Episcopi  
ad judi-

ad iudicium sæculare trahantur , quod centum testimonijs hic probari posset, qua super re capite ultimo referam.

IV. Argumentum Nifanij: Carolus M. habuit jus temporale in patrimonium S. Petri. ergo , inquit, Carolus M. habuit supremum jus supra Pontificem Romanum, & jure sibi Primatum Petri vendicare potuit. Quàm insulsum denuò argumentum ! quod duplici fallacia laborat : Tum quòd Carolum dicas habuisse jus temporale in patrimonium S. Petri, quod asseris, & non probas: Et unde hoc Carolo ius? cum Pontifex patrimonium Petri habuerit, antequam vel Pipinus, vel Carolus Reges Francorum essent: Tum quia Imperatori aut Principi tribuis potestatem, & jurisdictionem sacram in Pontifices & Episcopos, cuius ne quidem Imperatores & Principes sæculares sunt capaces. Repeto quæ supra dixi toties. Aliud est jus spirituale, quod Pontifices, & Episcopi habent in suas Ecclesias. Aliud est jus temporale, quod habent in bona sua temporalia. Primum divino jure habent, alterum jure humano, Cæsarum videlicet ac regum donatione. Utrúmne Episcopi juri-um regali-um sint capaces, nemo facile controvertet, qui tot Sacerdotes & Pontifices in veteri lege simul Principes & reges legerit. Utrúmne de facto Romanus Pontifex & Episcopi Germaniæ habuerint, non attingit quæstionem fidei: sed hac super re, pertractatum in historia Caroli, satisque à Ferdinando Episcopo assertum est in Monumentis Paderbornensibus, ad diploma Caroli M. Wihoni & Ecclesiæ Osnabrug. datum,

## C A P U T V I.

*De Constantini M. donatione Romanæ Ecclesiæ facta, quam Pipinus Rex et Carolus M. ex integro restituit, confirmavit et auxit.*

**I**Ncredibile quantum ex odio in Romanum Pontificem se fatigent Jurisconsulti heterodoxi & prædicantes, quos inter Nifanius, super donatione Constantini M. & bonis Romanæ Ecclesiæ redditus, auctisque per Pipinum Francorum Regem, Caroli patrem, & ipsum Carolum

rolum M. Possem hanc totam quæstionem hîc intermittere; cùm nec rem fidei attingat, nec Pontificis auctoritati sacræ derogat. Sive enim tam amplum Ecclesiæ patrimonium habuerit tum Romanus Pontifex, cùm jurisdictione civili, sive non habuerit; nihil addit aut tollit de potestate Spirituali, quàm à Christo accepit *Vicarius Christi, & Successor D. Petri* in universam Ecclesiam. Quia tamen Nifanius librum suum *Ostensionem historicam* ex parte inscribit, & ad historiam provocat; Pipinumq; patrem, & Carolum hîc per calumnias traducit, homini vanè insultanti respondendum aliquid fuit.

Quâ in re primò certum, Romanam Ecclesiam habuisse amplum S. Petri patrimonium, donatione Christianorum Imperatorum, Principum, & piorum hominum: quemadmodum & Sixti Pontificis ætate magnus Ecclesiæ thesaurus fuit, quem S. Laurentius inter pauperes divisit: id verò patrimonium D. Petri, Longobardi postquàm Italiam ingressi sunt, multum per spolia & vexationes Romanorum Pontificum imminuerunt, bonis ac possessionibus per vim & injuriam abreptis. Pontifices omni ope Cæsarum destituti, implorarunt Francorum Reges, inter quæ eos, prætermisiss cæteris, Gregorius III. Pontifex, Caroli Martelli, qui Caroli M. avus fuit, anno Christi 739. opem imploravit, adversus Luitprandum Longobardorum Regem; missis ad Carolum inter munera clavibus S. Petri: sicuti hæc non modò ex Anastasio constant, sed ex ipsa Epistola Pontificis ad Carolum Martellum, in quâ eum *Christianissimum filium* vocat: (leges hanc Epistolam apud Baronium, Tom. IX. annalium, & Tom. XVII. Concil. General. apud Sirmondum.) Post ubi Aistulphus Longobardorum Rex, acerbius etiam Romanam Ecclesiam afflixit; Stephanus II. Pontifex, frustra imploratâ ope Constantinopolitani Imperatoris, in Gallias est profectus ad Pipinum Regem, Caroli Martelli filium; sollicitando auxilium adversus Longobardos. Pipinus, cognito Pontificis adventu, non modò cum uxore & liberis, obviam processit; sed & vice stratoris, juxta eum incedens deduxit aliquamdiu, dum Parisios venirent. Inde Pipinus Rex, eodem anno, cùm nihil per legatos obtineret in restitutione bonorum Ecclesiæ Romanæ, cum exercitu Alpes transgressus, in ipsis montium faucibus Aistulphum prælio vicit, & profugum Papæ obsedit; dum acceptis obsedibus, juramento etiam adigeret ad restitutionem bonorum Ecclesiæ

Romanæ. Quibus impetratis Pipinus recessit in Gallias. At cùm perfidus Longobardorum Rex ex fœdere & juramento, nihil minus præstaret; questus iterum Pontifex Stephanus, per litteras ad Pipinum, & Pipini filios, Carolum M. & Carolomannum, missas: quibus permotus Pipinus Rex, cum exercitu Italiam denud ingressus, ad Alpium angustias Longobardos obrivit, & Papiæ obsessum Regem eorum tenuit, dum re ipsa omnia Romanæ Ecclesiæ redderet. Itaque restituta Ravennâ, cum universo Exarchatu, multæque insuper civitates à Pipino concessæ, donatæque, quæ ab Anastasio recensentur; additurque *Pipinum amplificanda Ecclesia Romana viam aperuisse*. Urbes hæc, & territoria, pluribus exprimit Leo Ostiensis, quemadmodum hæc infra memorabuntur planitiis. Donatio hæc Pipini diplomate consignata est, quemadmodum hæc acta esse ad Ann. Christi DCCXXXIII. DCCXXXIV. & DCCXXXV. ex Baronio, alijsque Scriptoribus cognosces.

Demum, cum exstincto Aistulpho, Desiderius Longobardorum Rex, Romanas ditiones invaderet, Romam fraudulenter ingressus, Pontificem indignè tractaret, Clericos necaret, & patrimonium Petri spolio raperet; post Stephanum, Hadrianus Pontifex, expertam Franci Cegis opem, à Carolo M. implorat. Is patris exemplo, cum exercitu in Italiam progressus, Desiderium Regem bello vincit, captum, exutumque regno, in Gallias abducit; dignâ Numinis pœnâ, qui Ecclesiam Romanam, omnibus propè bonis exuerat. Nec Carolus prius Italiâ excessit, quàm patrimonium Petri ex integro restituisset, novis tabulis consignatis: quibus non modò donationem Pipini patris ratam habuit, sed munificè etiam Corsicâ, Sardinîâ, Siciliâ, alijsque Ducatibus, patrimonium Petri auxit, obtulitque ad altare S. Petri; jurejurando simul se conservatorem, & defenforem Romanæ Ecclesiæ obstrinxit. Hanc deinde tutelam Romæ Ecclesiæ, Carolus testamento filijs ad Theonis villam præscripsit: Quemadmodum hæc omnia ab Anastasio, Leone Ostiensi, cæterisque historicis referuntur.

Cæterùm, id amplum Romanæ Ecclesiæ patrimonium, quod Romani ad Constantinum M. ut fontem liberalitatis referunt, oppugnant Novatores: ac tamen Baronius, & Spondanus, ad annum Christi 324. donationem Constantini, uti hæc à Græcis edita fuit, supposititiam, aut corruptam admittant; non tamen ipsam donationem negant, sed multis argumen-

argumentis, & testimonijs adversus Novatores propugnant. Inter Novatores verò primùm Jurisconsulti eorum, ut Limnæus, Oldenburgerus, cæterique, *Papalis curia commentum* appellant. Post hos Nifanius ex Couringio scribit: *Pipinum Regem, Caroli Patrem, Stephani III. Pape figmento inductum, ut Exarchatum Ravennensem, Pentapolim, & alia à Longobardis erepta, Romana Ecclesia redderet; falso obtinendo, eò quòd hæc bona Constantini M. dono ac munere, fuissent in patrimonio S. Petri: quâ fabulâ inductus Pipinus à Stephano Papa, & Carolus M. ab Hadriano Pontifice, regiones illas in manus Papæ citra exceptionem tradiderunt.* Sed quàm falsus scriptor & inpolitor tu, & Conringius sis, id vel uno testimonio Hadriani integerrimi Pontificis ostendam, quem Carolus M. ut patrem coluit. Js ergo in Epistola ad Carolum M. quæ habetur tomo XVIII. Concilior. General. Paris. in hæc verba scribit, dum opem Caroli adversus Longobardos & Græcos imploraret: *Sicut temporibus B. Sylvestri Romani Pontificis, & sanctæ recordationis piissimo Constantino Magno Imperatore, per ejus largitatem sancta Dei Catholica, & Apostolica Romana Ecclesia, elevata atq; exaltata est, & potestatem in his Hesperia partibus largiri dignatus est; ita & in his vestris felicissimis temporibus, atque nostris, sancta Dei Ecclesia, id est B. Petri Apostoli, germinet & exultet, & amplius exaltata permaneat; ut omnes gentes, quæ hæc audierint, edicere valeant: Domine saluum fac Regem, & exaudi nos in die, quâ invocaverimus te: Quia ecce novus Christianissimus Dei Constantinus Imperator surrexit, per quem omnia Deus, sancta sue Ecclesie Beatorum Apostolorum Principis Petri, largiri dignatus est. Sed & cuncta alia, quæ per diversos Imperatores, Patricios etiam, & alios Deum timentes, pro eorum animæ mercede, & veniâ delictorum, in partibus Tusciæ, Spoletio, seu Beneventano, atq; Corsicâ, simul & Sabineni patrimonio, B. Petro Apostolo sanctaq; Dei & Apostolica Romana Ecclesie, concessa sunt, & per nefandam gentem Longobardorum per annorum spacia abstracta, atq; ablata sunt, vestris temporibus restituantur: unde & plures donationes in sacro nostro scrinio Lateranensi reconditas habemus. Tamen & pro satisfactione Christianissimi regni vestri per jam fatos viros, ad demonstrandum eas direximus, & pro hoc petimus eximiam præcellentiam vestram, ut in integro ipsa patrimonialia, B. Petro & nobis restituere jubeatis. Age nunc Nifani, & siquidem aliquid tibi ingenui superest animi, dic fodes: Utrûnne Conringio te-*

cum neganti, an Hadriano affirmanti credendum sit? qui hæc non ex suo ingenio, sed ex tabulario, seu Archivio Romano, & ex ipsis tabulis & originum literis asserit? Quas Carolus M. ita approbavit, ut ijs testimonijs permotus, bellum Longobardis intulerit. Quæ nunc fides humana locum habebit, si his fides abroganda? Imò omne bellum Pipini Regis & Caroli M. te & Conringio iudice, injustum erit, si hæc Pontificis testificatio falsa est: quando non ex alia causa, quàm ex fabulis Papæ, susceptum gestumque hoc bellum dicitis, idque tantis impensis, & tanto militum sanguine. Quæ hæc calumniandi libido in Pipinum Regem & Carolum M. Itane vos serò nati post octingentos annos, de his belli causis rectius iudicatis, quàm sapientissimi illi Reges & Pontifices? Quantum vos excæcat odium in Pontificem! Neque hæc tantum epistola Hadrianus bona patrimonij S. Petri repetit, sed alijs quàm plurimis ad Carolum datis. Lege in eodem tomo Conciliorum epistolam I. ad Carolum; quâ à Ravennensibus per Carolum reddi postulat, civitates, Æmiliæ, Faventiam, Forum populi, Forum Livij, Cæsenas, Bobium, Comiadum, Ducatum Ferrariæ, Imolam, & Bononias, unâ cum Pentapoli. Lege epistolam 15. quâ agrum Sabinensem: lege 29. aliasque. Lege etiam epistolam Hadriani ad Constantinum & Jrenen, quâ ea, quæ à Græcis erant ablata, reposcit: ut ea, quæ Constantinus M. olim dederat patrimonio Petri, Constantinus & Jrene mater restituat; de qua epistola Simondus & Gretserus.

Ac ne dubium sit de Constantini M. liberalitate in Ecclesiam Romanam, ad quam Hadrianus Pontifex provocat; recolenda est illa regia munificentia Constantini M. quâ scriptorum testimonio, tot Basilicas, & templa Christianorum Romæ, & per Imperium exstruxit, tot Sacerdotum collegia dotavit, tot bona & possessiones, ubique per Orientem & Occidentem Ecclesijs largitus est. Inter quæ illud memorabile, quod Eusebius refert in Constantini vita, c. 33. 36. & 39. Jussisse publico edito omnia Christianorum bona, quæ sub tyrannis Imperatoribus publico fisco addicta fuerant, Ecclesijs attribui, ijs tantum exceptis, quorum hæredes superessent. Et quanta Christianorum multitudo à trecentis ante ipsum annis aut martyrio affecta, aut proscripta; quorum bonis ingentes opes Romanæ Ecclesiæ accesserint necesse est: cum toties Roma Christianorum sanguine exhausta sit. Hac liberalitate Constantinus



tinus M. nobilissimas Lateranorum ædes donavit Pontifici, quod Nifan-  
 nius cum Conringio negat, licet id S. Hieronymus epistola ad Occa-  
 num, alijque Scriptores affirmant. Quin præter Lateranensem palatium,  
 ipsam etiam urbem Romanam, Constantini donatione Pontifici cessis-  
 se, scribit B. Adelhardus, Caroli M. consobrinus, & Corbejenfis Ab-  
 bas, Pipino adjunctus in administratione Italix, in libello de ordine pa-  
 latij, ex quo Hincmarus Rhemenfis Archiepiscopus epistola 3. c. 13. in  
 hæc verba: *Constantinus M. Imperator Christianus effectus, propter amo-  
 rem, & honorem SS. Apostolorum Petri & Pauli, quorum doctrina ac mi-  
 nisterio, ad Christi gratiam baptismatis Sacramenti pervenit, locum ac se-  
 dem suam, urbem scilicet Romanam, Papa Sylvestro, edicto privilegij tradi-  
 dit, & sedem suam in civitate sua, qua ante Byzantium vocabatur, nominis  
 sui civitatem ampliando edificavit.* Accedit his Ado Archiepiscopus  
 Viennensis in Chronico, ætat. 6. *Constantinus, inquit, caput totius Impe-  
 rij Romam, beatis Apostolis Petro & Paulo sub testamento tradidit.* Facile  
 nunc cæteros scriptores prætermitto, à quibus Constantini donatio  
 asseritur, quos inter Godefridus Viterbiensis, in Chronico part. 6. c. 2.  
 Burchardus, lib. 2. Decret. c. 5. Ivo Carnoten. part. 5. cap. 49. Leo IX.  
 Epist. 1. contra præsumpt. Michaëlis Constantinopolit. Petrus Damia-  
 nus in discept. Synodi, acta Sylvestri à Gelasio approbata, disp. 15. Et  
 quos præterea Diana, quem ad manum non habeo, in hanc rem adducit.  
 Illustre est, quod Luitprandus Cremonensis Episcopus, ex legatione  
 ad Nicephorum Phocam Imperatorem, Ottoni Imperatori scribit:  
*Constantinus Imperator Augustus, qui hanc ex suo nomine condidit civita-  
 tem, sancta Apostolica Romana Ecclesia ut erat Cosmocrator, multa donaria  
 contulit; non in Italia solum, sed & in omnibus penè Occidentalibus regnis,  
 nec non de Orientalibus & Meridianis, Graciâ scilicet, Judæâ, Perside,  
 Mesopotamiâ, Babyloniâ, Egypto, Lybiâ: ut ipsius testantur privilegia,  
 quæ penes nos sunt. Sanè quicquid in Italia, & in Saxonia, Bojaria, domini  
 mei est, (Ottonis nimirum primi,) quod ad Apostolorum beatorum Ec-  
 clesiam respicit, sanctissimorum Apostolorum Vicario contulit. Etsi est, ut  
 Dominus meus ex his omnibus civitates, villas, milites, aut familiam obti-  
 neat, Deum negavit.* Quibus verbis Luitprandus edicit, nihil bonorum  
 sacrorum esse in potestate Imperatoris, quæ pietas & liberalitas piorum  
 Principum, post Constantinum M. primum Christianorum Cæsarem,  
 Ecclesijs donavit.

Jam verò quod attinet ad donationem Constantini M. & aliorum Imperatorum, ac Principum, eam esse auctam à Pipino Rege, & Carolo Magn. quod Catholici obtendunt, id ait Nifanius ex Conringij judicio, *Nullum habere monumentum hodie in scriptis Romanis, neque ejus donationis ullum testimonium superesse, præter Anastasij Bibliothecarj aula Romanae mancipij.* Quasi Conringio hæretico, & tot scriptis ubique obtrectanti Pontificem, plus fidendum, quàm Anastasio Catholico, tam sincerè Vitas Pontificum ex Romanis tabularijs scribenti. Nam postquam Anastasius enumerasset civitates Longobardis ereptas, & à Pipino redditas, *De quibus, inquit, omnibus receptis civitatibus, donationem in scriptis beato Petro atq; sanctæ Romanæ Ecclesiæ, vel omnibus in perpetuum Pontificibus Apostolica Sedis, emisit possidendam, quæ & usque hætenus in Archivio sanctæ nostræ Ecclesiæ recondita tenetur.* Præter Anastasium, Leo Ostiensis recenset, primum magno numero civitates, unà cum Ducatu Spoletano, Beneventano, & Exarchatu Ravennæ, à Pipino restitutas. Deinde subjungit: *Eam donationem manu propriâ, & filiorum, plurimorumque judicum & Optimatum subscriptione roboravit. Demum idem Rex, unà cum Romano Pontifice in Italiam veniens, Ravennam & alias viginti civitates, eidem Astulpho memorato sublatis, Apostolica sedis subjecti.* Hæc Leo Ostiensis, hist. Cass. lib. 1. c. 7. Nec modò has urbes redditas, sed & alias, antea ejusdem donatione collatas, per censet: quod & Baronius ad hunc annum Christi 755. confirmat. His adde diploma Ludovici Pij Imperatoris, de quo mox referam, quo donationem ab avo & patre factam confirmat. Tot hic denuo testes, quot Episcopi, Abbates, & Comites subscribere. Jam si frontem habes, aude posthac cum Conringio scribere, unum aulae Romanæ mancipium Anastasium, donationis hujus testem duntaxat esse.

Sed & Constantini Magni, & Pipini Regis donationem non modò confirmatam, sed & cumulatam à Carolo M. constat ex eodem Anastasio, in vita Hadriani Pontificis. Quocirca duas tabulas donationis conscripsit, obligavit, & B. Petro obtulit; quarum alterâ continebatur *Promissio, quam ejus sanctæ memoria genitor Pipinus Rex, præsentem ipsemet Carolo, & Carolomanno fratre fecerat: alterâ vero continebatur, Promissio, quam ipse Carolus M. in Francia fecerat. propriâ voluntate, bono ac libenti animo conscribi jusserat per Etherium, religiosum.*

Hanc

*Hanc quoq; B. Petro, & præfato Pontifici, feria 4. Pasche, ad altare obtulit, posuitq; super corpus B. Petri, osculatus Evangelia, quæ ibi sunt, pro firmissima cantela, & æternâ nominis sui, & regni Francorum memoriâ. Uti hæc pluribus Anastasius, & ex eo Baronius refert ad annum Christi DCCLXXIV. Hadriani verò tertium.*

Quantâ exinde liberalitate Ludovicus Pius Imperator, donationes hæc patris Caroli, & Pipini avi sui, confirmârît atque auxerit; id satis diploma ejus ostendit, quod Volaterranus lib. 3. Geographiæ, & Gratianus dist. 63. ex parte, integrum verò Baronius ex codice Vaticano Tom. ix. annalium recitat ad annum Christi 817. Ludovici Imp. 4. *Ego Ludovicus Imperator Augustus, statuo & concedo per hoc pactum confirmationis nostræ, tibi B. Petro Principi Apostolorum, & per te Vicario tuo, Domino Paschali summo Pontifici & universali Papæ, & successoribus ejus in perpetuum, sicut à prædecessoribus vestris, usque nunc in vestra potestate, & ditione tenuistis, & disposuistis civitatem Romanam cum Ducatu suo, & suburbanis, atque viculis omnibus, & territorijs ejus, montanis, & maritimis littoribus, & portubus, seu cunctis civitatibus, castellis, oppidis. Recenset exinde longâ serie urbes, oppida, territoria, Ducatus ac provincias, ac deinde subjungit: *Has omnes provincias supradictas, urbes, civitates, oppida & castella, vicos & territoria, simulq; & patrimonium jam dictæ Ecclesiæ tuæ, B. Petro Apostolo, & per te Vicario tuo, Spirituali Patri nostro, Domino Paschali summo Pontifici, & universali Papæ, ejusque successoribus, usque ad finem sæculi eo modo confirmamus, ut in suo detineant jure, principatu ac ditione. Simili modo per hoc nostrum confirmationis decretum firmamus donationes, quas pia recordationis Dominus Pipinus Rex, avus noster, & postea Dominus & genitor noster, Carolus Imperator, B. Petro Apostolo, spontaneâ voluntate contulerunt.* Idem diploma ex monumentis Vaticanis integrum recitat Sirmondus, Tom. xxi. Concil. General. Paris. pag. 41. Vide nunc iterum Nisani, cum tuo Conringio; non solo Anastasij, sed ipsius etiam Ludovici Pij Imperatoris testimonio, donationes Pipini & Caroli M. Romanæ Ecclesiæ factas asseri; probarique præterea urbem Romanam ante Pipinum & Carolum M. fuisse in potestate Pontificis Romani. Subscriplere huic diplomati tres ejus filij, Episcopi X. Abbates viii. Comites xv. Meminit quoque hujus decreti Leo Ostensis lib. i. cap. 18. Auctor Chronici Reichenbergensis Gerhous ibidem Præposi-*

Præpositus. Idem ferè leges apud Sigonium lib. 7. in Ottone M. ad annum 967. & 973. in Histor. de Regn. Italia. Turfellin. in Otton. M. ali-  
osque Scriptores. Hoc antecedentium jure subnixus Sergius II. Ponti-  
fex, Ludovicum quidem Lotharij Imperatoris filium Romæ corona-  
vit, exercitum tamen ne quidem hospitij causa in Urbem intromittere  
voluit; sed munitis clausisque portis auctoritatis nutu, & religione tem-  
pli objectâ inhibuit. Uti id Anastasius in vita Sergij, Browerus in An-  
nal. Trev. & alij referunt. Ac licet Lothario Imperatori in divisione regni  
cessisse dicat cum Italia urbem Romanam, haud aliter dixit, quàm ur-  
bem Romanam contineri intra terminos ejus regni, nulla verò jurisdi-  
ctione vel in Pontificem, vel in Urbem Romanam acceptâ: Inde & Leo  
ejus nominis IV. Pontifex, qui Sergio subrogatus est Urbem Romanam,  
quam Leo III. Pontifex Carolo M. Imperatore præmunerat, collapsis  
deindè muris, suo ære instauravit. Novam deindè adjecit urbem, ex  
Transiberianis suburbijis munitam, quam *Leoninam* ab ejus nomine  
dixere posterius, ad quod opus perficiendum, Lotharius Imperator, & Re-  
ges fratres, multas argenti libras dono obtulere: tantum abest, ut Ur-  
bem sibi vendicarent. Opere ob metum Saracenorum accelerato, &  
perfecto, cum Episcopis, & Sacerdotibus universoque clero, & populo  
nudis pedibus per murorum ambitum supplex processit. Uti hæc mul-  
tis relata sunt ab Anastasio in vita Leonis, & tom. XXI. Concil. General.  
aliisque Italicis Scriptoribus.

Obijcitis, Romanos Pontifices non semper fuisse in possessione  
urbis Romanæ. Ita quidem se habet; subinde enim Urbs à Gothis &  
Barbaris, subinde à schismaticis & hæreticis Græcorum Imperatoribus  
occupata. Et quantum non Romani Pontifices vexati ab Exarchis? sed  
inusus, sivè non usus, arguitne rem non esse concessam? Quantum non  
stomachum tuum movebit, si legas Sylvestro Pontifici diadema à Con-  
stantino oblatum? quo tamen uti noluit, quod ex edicto Constantini as-  
serit Leo IX. Pontifex, ad Michaëlem Constantinopolitanum Impera-  
torem. Legas præterea quæ Baronius ad annum Christi 324. scribit de  
Constantini M. in Ecclesiam munificentia, quæque Gretserus in com-  
mentariolo de donationibus Principum.

Hæc paucis ad donationem Constantini M. Pipini Regis, & Ca-  
rolj M. quam Nisanius suis calumnijs traducit, interque commenta &  
fabulas

fabulas, cum Conringio, & sectarijs suis reponit. Atque ut videas, quam falsè, & perfidè nobiscum agatis, addo postremum Ottonis M. & primi & Saxonum gente nostrâ religiosissimi Imperatoris diploma, anno Christi 962. consignatum; cujus autographum aureis literis exaratum, asser-  
vatur Romæ in Castello S. Angeli, recitaturque non modò à Baronio, sed & in ipsis Conciliorum Generalium tomis, uti & tom. ix. Concil. Parisiens. ex recenti editione leges.

## DIPLOMA OTTONIS IMPERATORIS.

De confirmatione Jurium Romanæ Ecclesiæ.

*In nomine Dei omnipotentis Patris, et Filij, et Spiritus Sancti.*

**E**GO Otto Dei gratia Imperator Augustus, una cum Ottone glorioso rege filio nostro, divina ordinante providentia, spondemus atq; promittimus per hoc pactum confirmationis nostræ, tibi beato Petro Principi Apostolorum, & clavigero regni calorum, & per te Vicario tuo Domino Ioanni summo Pontifici, & universali XII. Papa, sicut à prædecessoribus vestris usque nunc in vestra potestate, atq; ditione tenuistis, & disposuistis civitatem Romanam, cum ducatu suo, & suburbanis suis, atq; viculis omnibus, & territoriis ejus, montanis & maritimis, littoribus, atque portibus, seu cunctis civitatibus, castellis, oppidis, ac viculis Tuscia partibus, id est Portum, Centumcellas, Cerrem, Bledam, Marturianum, Sutrium, Nepem, Castellum, Gallisem, Ortrem, Polimartium, Ameriam, Tudam, Perusiam cum tribus insulis suis, id est Majore, Minore, Pulvensim, Narniam, & Utriculis, cum omnibus finibus ac territoriis ad superscriptas civitates pertinentibus. Nec non exarchatum Ravennatem sub integritate, cum urbibus, civitatibus, oppidis, & castellis, que piæ recordationis Dominus Pipinus, & Dominus Carolus excellentissimus Imperator, prædecessores videlicet nostri, beato Petro Apostolo, & prædecesso-

HH

cessoribus vestris, jam dudum per donationis paginam contulerunt, hoc est civitatem Ravennam, & Amiliam, Bobium, Cesenam, Forum populi, Forum Livij, Faventiam, Imolam, Bononiam, Ferrariam, Comiacum, & Hadrianis, atque Gabellum, cum omnibus finibus, territoriis, atque insulis, terra marique, adsupra scriptas civitates pertinentibus: Simul & Pentapolim, videlicet Ariminum, Pisaurum, Fanum, Senogalliam, Anconam, Ausimum, Humanam, Hefim, Forum Sempronij, Montem Feltri, Vrbium, & territorium Balnense, Calles, Luciolis, & Eugubium, cum omnibus finibus, & territoriis ad easdem civitates pertinentibus.

Eodem modo territorium Sabinese, sicut à Domino Carolo Imperatore antecessore nostro, beato Petro Apostolo per donationis scriptum concessum est sub integritate. Item in partibus Tusciae Longobardorum Castellum Felicitatis, Urbem veterem, Balneum regis, Ferentium, Viterbium, Ortem, Nartam, Tuscanam, Suanam, Populonium, Rosellas, cum suburbanis, atque viculis omnibus, & territoriis ac maritimis oppidis, ac viculis, seu finibus omnibus. Itemque Almus cum insula Corsica, deinde in Suriano, deinde in monte Bardonis, deinde in Berceto, exinde in Parma, deinde in Regio, exinde in Mantua, atque in monte Silicis atque provincia Venetiarum, & Istria, nec non & cunctum ducatum Spoletanum, seu Beneventanum, una cum Ecclesia sancta Christiana posita propè Papiam juxta Padum quarto miliario.

Item in partibus Campaniae Soram, Arces, Aquinum, Arpinum, Theanum, & Capuam, nec non patrimonia ad potestatem, & donationem vestram pertinentia, sicuti est patrimonium Beneventanum, & patrimonium Neapolitanum, & patrimonium Calabriae superioris, & inferioris. De civitate autem Neapolitana, cum castellis, & territoriis & finibus, & insulis suis sibi pertinentibus, sicut ad easdem respicere videntur, nec non patrimonium Siciliae si Deus nostris illud tradiderit manibus. Simili modo civitatem Cajetam, & Fundum cum omnibus earum pertinentiis.

Insuper offerimus tibi, beate Petre Apostole, Vicarioque tuo Domino Joanni Papa, & successoribus ejus, pro nostra anima remedio, nostrique filij, & nostrorum parentum, de proprio nostro regno civitates, & oppida cum piscariis suis, id est Reatem, Amiternum, Furconem, Nursiam, Balviam, & Maesim, & alibi civitatem Interamnem, cum pertinentiis suis.

Has omnes supradictas provincias, urbes, civitates, oppida, & castella, viculos, & territoria, simulque & patrimonia, pro remedio animae nostrae, & filij

filij nostri, siue parentum nostrorum, ac successorum nostrorum, & pro cuncto à Deo conservato, atque conservando Francorum populo, jam dicta Ecclesia tua, beate Petre Apostole, & per te Vicario tuo spiritali Patri nostro, Domino Ioanni, summo Pontifici, & universali Papa, ejusque successoribus usque ad finem sæculi, eo modo confirmamus, ut in suo detineat jure, principatu, atque ditione.

Simili modo per hoc nostra delegationis pactum confirmamus donationes, quas pia recodationis Dominus Pipinûs Rex, & postea Dominus Carolus excellentissimus Imperator, beato Petro Apostolo spontanea voluntate contulerunt: nec non & censum, vel pensionem, seu ceteras dationes, quæ annuatim in palatium regis Longobardorum inferri solebant, siue de Tuscia, siue de ducatu Spoletano, sicut & in superscriptis donationibus continetur, & inter sanctæ memoria Hadrianum Papam, & Dominum Carolum Imperatorem convenit, quando idem Pontifex eidem de superscriptis ducatibus, id est Tuscano, & Spoletano, sua auctoritatis præceptum confirmavit: eo scilicet modo, ut annis singulis prædictus census ad partem Ecclesiæ beati Petri Apostoli persolvatur: salva super eosdem ducatus nostra in omnibus dominatione, & illorum ad nostram partem & filij nostri subjectione. Caterum, sicut diximus; omnia superius nominata ita ad vestram partem per hoc nostra confirmationis pactum roboramus, ut in vestro permaneant jure, principatu, atque ditione: Et neque à nobis, neque à successoribus nostris per quodlibet argumentum, siue machinationem, in quacumq; parte vestra potestas immutatur, aut à vobis inde aliquid subtrahatur de superscriptis videlicet provinciis, urbibus, civitatibus, oppidis, castris, viculis, insulis, territorijs, atq; patrimonijs, nec non & pensionibus atque censibus: ita ut neque nos easdem finimus, neque quibuslibet eas facere volentibus consentiamus. Sed potius omnium, quæ superius leguntur, id est, provincia, civitates, urbes, oppida, castella, territoria, & patrimonia, atque insula, censuumq; & pensiones ad partem Ecclesiæ beati Petri Apostoli, atq; Pontificum in sacratissima illius sedere sedentium, nos in quantum possumus, defensores esse testamur, ad hoc, ut ea in illius ditione, ad utendum, & fruendum, atq; disponendum firmiter valeant obtineri: salva in omnibus potestate nostra, & filij nostri, posterorumq; nostrorum, secundum quod in pacto, & constitutione, ac promissionis firmitate Eugensj Pontificis, successorumque illius continetur, id est:

*Vi. omnis Clerus, & universa populi Romani nobilitas, propter diver-*

sas necessitates, Pontificum irrationabiles erga populum sibi subiectum assertiones retundendas, sacramento se obligent: quatenus futura Pontificum electio ( quantum uniuscuiusque intellectus fuerit ) canonicè & iuste fiat; & ut ille, qui ad hoc sanctum, atque Apostolicum regimen eligitur, nemine consentiente, consecratus fiat Pontifex, priusquam talem in præsentia missorum nostrorum, vel filij nostri, seu universæ generalitatis, faciat promissionem pro omnium satisfactione, atque futura conservatione, qualem Dominus, & venerandus spiritualis Pater noster Leo spontefecisse dignoscitur.

Præterea alia minora huic operi inferenda prævidimus, videlicet, ut in electione Pontificum, neque liber, neque servus, ad hoc venire præsumat, ut illis Romanis, quos ad hanc electionem per constitutionem sanctorum Patrum antiqua admixta consuetudo, aliquod faciat impedimentum. Quod si quis contra hanc nostram institutionem ire præsumperit, exilio tradatur.

Insuper, ut nullus missorum nostrorum cuiuscumque impeditiois argumentum componere in præfatam electionem audeat, prohibemus. Nam & hoc omnimodis institueri placuit, ut qui semel sub speciali defensione Domni Apostolici, sive nostra fuerint suscepti, impetrata iuste utantur defensione. Quod si quis quenquam illorum, qui hoc promeruerunt, violare præsumperit, sciat se periculum vite sue esse incursum.

Illud etiam confirmamus, ut Domino Apostolico justam in omnibus servant obedientiam, sive ducibus ac iudicibus suis ad iustitiam faciendam. Huic enim institutioni hoc necessario annectendum esse perspeximus, ut missi Domni Apostolici, seu nostri semper sint constituti, qui annuatim nobis, vel filio nostro renuntiare valeant, qualiter singuli duces, ac iudices populo iustitiam faciant. Hanc imperialem constitutionem quomodo observent, qui missi, decernimus, ut primum cunctos clamores, qui per negligentiam ducum, seu iudicum fuerint inventi, ad notitiam Domni Apostolici deferant. Et ipse unum de duobus eligat, aut statim per eosdem missos fiant ipsa necessitates emendata, aut missio nostro nobis renuntiante per nostros missos à nobis directos emendetur. Hoc ut ab omnibus fidelibus sanctæ Dei Ecclesiæ, & nostris si mum esse credatur, propria manu signaculo & nobilium optimatum nostrorum subscriptionibus hoc pactum confirmationis nostræ roboravimus, & bulla nostræ impressione obsignari iussimus.

Signum Domni Otonis, serenissimi Imperatoris, ac suorum Episcoporum Abbatum & Comitum.

Signum



*Signum Adaladi Hammaburgensis Ecclesia Archiepiscopi.**Signum Hartberti Curienfis Ecclesia Episcopi.**Signum Dragoonis Osnaburgensis Ecclesia Episcopi.**Signum Votonis Argentinensis Ecclesia Episcopi.**Signum Otuvini Hildesheimensis Ecclesia Episcopi.**Signum Landuvarti Mindonensis Ecclesia Episcopi.**Signum Otgeri Nemetinensis Ecclesia Episcopi.**Signum Gezonis Tortonenfis Ecclesia Episcopi.**Signum Huchberti Parmensis Ecclesia Episcopi.**Signum Vuidonis Mutinensis Ecclesia Episcopi.**Signum Attonis Fuldenfis Monasterij Abbatit.**Signum Guntharij Herolfeldensis Monasterij Abbatit.**Signum Eberarti Comitit.**Signum Guntharij Comitit.**Signum Burgharti Comitit.**Signum Vtonis Comitit.**Signum Cronratis Comitit.**Signum Ernustes.**Signum Thietheris, Ricdages, Liupen, Hartviges, Arnolues, Ingithies, Burchartes, Retinges.*

*Anno Dominica incarnationis nongentesimo, sexagesimo secundo, indictione quinta, mense Februarij, decimo tertio die ejusdem mensis, anno verò Domini Ottonis imperij invictissimi Imperatoris vigesimo septimo, facta est hac pactio feliciter.*

Legis hic præter cætera Ottonis M. & tot Episcoporum testimonia, quibus Pipini Regis, & Caroli M. donatio Romanæ Ecclesiæ facta confirmatur, quam tu cum Conringio inter figmenta habes. Quid nunc dices Nifani? faciesne Ottonem M. & tot Saxoniar nostræ Episcopos, cæterosque qui subscribere mendaces? aut diploma negabis, quod hodieum aureis literis scriptum extat? nisi omnem fidem humanam è mundo tollere libeat, quando in historijs nihil certius, quàm quod hujusmodi diplomatum fide asseritur. Similis fidei ac formæ est diploma D. Henrici Imp. quo patrimonium Rom. Ecclesiæ confirmat. Leges id apud Baron. & Tom. ix. Conc. Gen. Par. edit. ult.

Sed

Sed quid hic agimus ? Homines odio in Romanam Ecclesiam execrati, qui testimonia divina non recipiunt, humana quomodo admittent ? *Qui per fallaciam veniunt*, quærit Tertullianus, *quam sciam obtendum* ? dicam planius. Qui per hæresin Deo fidem fefellere, cui mirum ab his humanam fidem rejici, aut eludi; literis, ac tabulis, quibus Principes vestri politici bona hæreditaria possident, credi vultis, & Ecclesiæ tabulis fidem abrogatis. At quanto latius faceres tu, & Cöringius, si ab Ottone M. & majoribus ejus, Ludolpho nimirum proavo, Ottone avo, Henrico patre, ac Rege, magnis Saxonix ducibus; si ab Ottone II. filio, Ottone III. & Henrico S. nepotibus, & magnis e gente nostra Imperatoribus disceres venerationem Romanæ Ecclesiæ, & avitæ majorum religionem, quam illi tot donationibus Ecclesiarum, tot foundationibus Collegiorum, Cænobiorum, & Episcopatuuum, tot diplomatum tabulis, tot sacrorum ubique per Saxoniam monumentis, testatam reliquere. Sed horum spolia vobis gratiora, quam sincera & Christiana memoria, ne per hæc vestigia antiquitatis, monstretur populo via veritatis.

## C A P V T V I I.

*An Carolus M. ius eligendi Romanum Pontificem  
ab Hadriano Pontifice acceperit ?*

**A**Udafter affirmat id Nifanius, in hæc verba: *Carolus M. ab Hadriano Pontifice accepit jus, & potestatem eligendi Romanum Pontificem, & ordinandi sedem Apostolicam. II. ab eodem Hadriano accepit jus investendi Archiepiscopos & Episcopos. Id verò jus quia Pontifices per tyrannidem eripuerunt, quantum, exclamat, recessere Romani & Catholici à Caroli M. religione !* Quantum tu hic desipis rursus ! Duo moves, quæ ordine expedienda. Primum est de potestate eligendi Pontificem, quæ Carolo M. data sit ab Hadriano Pontifice; in quam rem, dicis, habere vos diploma Hadriani Papæ, cujus mentio quoque sit apud Sigebertum. Qua in controversia, ut tecum agam quæro.

Jus

Jus illud eligendi Pontificem, fuitne divinum, an humanum in Imperatore ? Non divinum : quia ab Hadriano Pontifice datum agnoscis Carolo M. ergo humanum fuit; quod vel ex eo clarum est, quia Romani Pontifices a S. Petro, ad Constantinum M. per trecentos annos sub ethnicis Imperatoribus fuere; quibus tamen nullum jus fuit eligendi Christianos Pontifices. Quocirca si humanum jus fuit, nulla hic jactura facta est in articulis fidei, qui juris divini sunt. Deinde, jus illud humanum, fuit à Pontifice Romano, ut fateris: & si à Pontifice Romano? ergò ab *Antichristo* : quando jam inde à tempore S. Gregorij Papæ per ducentos annos, scribis, sedisse Pontifices Romæ, *insedi Antichristi*: & si ab *Antichristo*, quomodo Christianum esse potuit, & à Carolo M. acceptari ? aut quâ conscientia ex jure illo potuit Carolus M. & successores ejus, eligere Romanos Pontifices, & in throno Antichristi collocare ? *Serve nequam, ex ore tuo te judico.* Tertiò scribis Imperatorem habere Primatum, & potestatem supra Pontificem Romanum; id si ex ore tuo verum est; ad quid opus erat privilegio, ac jure illo eligendi Pontificem? qui superiori potestate poterat constituere & imponere Pontifices? Quam hoc absurdum! Tam delira sunt cætera, quæ hîc prætermitto. Miræ nocturnæ videntur nidum struxisse, in muscoso cerebro tuo. Sed jam te expediam ex somnio tuo.

Æ. I. Jus illud eligendi Pontifices, nullo *jure divino* habuere Imperatores; aliàs nunquam electio Pontificis sine illo fieri debuisset: Neque ex *vi Imperij*: quia statim ab initio Imperij sibi arrogassent Cæsares; tum etiam quia Pontificis dignitas, suo modo divina est, ex supernaturali potestate; Imperium verò terrenum, & humanum est. Quo ergo modo electio Pontificis ad illos pervenit? duplici nimirum. Primò per vim, & potentiam; quo modo à Justiniano ad Constantinum IV. qui juri suo cessit, usurparunt: ut satis deplorat S. Gregorius in psal. 5. multisque ostendit Bellarm. lib. I. de Cleric. c. 9. Et Baronius ad annum Christi 590. ubi Imperatorum violentiam, avaritiam, & Simoniam, in extorquenda pecunia pro confirmatione exponit: duravitque hæc mala consuetudo ad Agathonem Papam, ut constat ex *cap. Agatho, d. 63.* Ex summa autem vi, & injuria, nullum jus comprobari legitimum potest. Alter modus est per concessionem, ac privilegia Pontificum. Et hoc modo ferunt

ferunt, Carolum M. & Ottonem Imperatorem, consecutos privilegium eligendi Pontificem; illum ab Hadriano, hunc à Leone VIII, Pontifice: nixi Gratiano, qui id refert in c. *Hadriani*, & c. *Synodo* d. 163. Verùm ad annum Christi 774. Baronius, & Spondanus; Azorius part. 2. lib. 3. c. 29, alijsque id Gratianum ex falsis historijs referre, & privilegia illa à schismaticis conficta fuisse contendunt, simulque Siebertum imposturæ convincunt, qui schismatis Henrici Imperatoris fautor, scripsit Carolum M. post primum accessum ad urbem Romanam, rediisse paucis post diebus Papia ad Urbem; ubi in Concilio Romano CLIII. Episcoporum, hoc ei privilegium, ab Hadriano datum sit: de quo tamen, nec in Francorum annalibus; nec in actis, & vitâ Hadriani; nec in historicis ejus ævi, ulla est mentio. Et quàm falsò id scribat Siebertus, vel ex eo constat, quòd Carolum M. quinquies Romam adiisse dicat: cum cæteri omnes scriptores, non nisi quater id factum memorent. Vnde ergo quintus ille adventus? Vndè diploma illud Hadriani, quod Nifanium cum tanto triumpho producit? quod inter acta Hadriani nullibi reperitur? Figmentum est schismaticorum, & hæreticorum. At Goldastus hæc refert, & tuetur; homo videlicet Calvinista, tot fallacijs & criminationibus convictus: quem in hac re luculenter refutavit Gretserus in Apol. Baronij, cap. 1. lib. 2. c. 1. & 2. contra replicationem Goldasti. Addit Nifanium Marc. Anton. de Dominis, apostatam Catholicæ religionis, Arnisæum, Conringium, qui Siebertum vindicent: sed hi tam hæresis tuæ, quàm Siebertus schismatis sui patroni sunt, à quibus hac in re nihil veri exspectare licet; cum his nihil aliud propositum fuerit, quam Pontificis auctoritatem labefactare. Walthramus Naumburgensis, quem tribus annis ante Siebertum scripssisse refers, eadem schismatis labe per Saxoniam infectus fuerit, quales tum alij scriptores partes Cæsaris sectati sunt. Antiquiorem ex Caroli M. & Ludovici Pij ætate desideramus: hic hæretis. Ac mirum sanè, si ab Hadriano Pontifice hoc Carolo privilegium sit datum, Carolum in electione Leonis eo non esse usum, quod tamen maximè fieri oportebat: nihil vero in ejus vita, & electione hac super re proditum: ne quidem de legatis Caroli tum præsentibus, refertur; electio ejus à Sacerdotibus, & Clero in Natali S. Stephani facta, cui Carolus postea in Epist. ad Leonem gratulatur de unanimitate electionis, nihil sibi ex eâ vendicando, Tom. 20. Conc. Gen. Parisiens. edit.

Hinc

Hinc Sigonius multò cautius, Carolum quidem illo privilegio donatum scribit, & mox ultro renuntiasse. Adhæc cum Hadrianus II. eligeretur, fuere in Urbe præsentēs Ludovici Pij Imp. Missi seu Legati, quæsti quidem illi, quod ad electionem vocati non sint, sed responsum: *id non contemptu Cesaris, sed futuri temporis prospectu factum esse, ne videlicet legatos Principum expectandi mos per hujusmodi formulam inolesceret.* Quo responso & legati, & Imperator acquieverunt, & collaudarunt factū. Grat. dist. 6. c. 21. Imo ipse Imperator Ludovicus Pius lege pòst sanxit, ne quis Francus, aut Longobardus, aut alius ex gente sua, aut publicè, aut privatim se electioni immisceret, dist. 63. c. 30. 31. & 32. Omittò hic Pontificum & Imperatorum decreta de liberâ Episcoporum electione, quâ super re Baronius ad annum Christi 774.

Sed demus vobis ejusmodi privilegium datum esse Carolo M. idque ad successores transiisse, quid inde conficitis aliud, quàm summam Pontificis auctoritatem, & eminentiam, qui tale privilegium Imperatori dare potuerit, quod ex sua potestate non habebat? Id sicut unus Pontifex dare, ita, alter etiam ex justis causis, ut post factum, rursum revocare potuit; quòd semper Imperator Pontifici maneat inferior, quando per tale privilegium nulla spiritualis jurisdictio cum Imperatore communicatur: nam jus nominandi, eligendi, vel etiam confirmandi, non est jurisdictio, sed auctoritas quædam circa personam eligendam. Eligunt Cardinales Pontificem, & Canonici Episcopum: nec tamen supra electum postea habent jurisdictionem, cui mox ut electus est, subijciantur: quod maxime in Pontifice valet, qui immediatè à Deo potestatem & jurisdictionem accipit in universum orbem Christianum. Hæc & similia principia Catholicæ religionis te primùm oportebat oppugnare, antequam tam frivola, insulsa & confutata toties proferres in medium, accumulando tot scriptores è selectis tuis, in quibus tantum sapientiæ, quantum in te est. Non illis Philologorum commentis, sed Theologorum placitis, Conciliorum decretis, Apostolica consuetudine & judicio Catholicæ Ecclesiæ res conficitur.

## CAPUT VIII.

*Utrum Imperium Romanum auctoritate Leonis Romani Pontificis translatum sit in Carolum M.*

**V**ulgata & nota contróversia de translatione Imperij à Græcis in Francos seu Germanos, quæ cum Lutheri hæresi, odio nimirum in Pontificem mota ab heterodoxis : nec tamen iidem inter se, ut in omni hæresi fit, consentiunt: dum alij jure belli à Carolo M. Imperium acquisitum volunt; alij dono Græcorum Imperatorum, aut transactione cum Græcis; alij successionem hæreditariâ; alij electione Senatus populiq; Romani translatum contendunt. At nulli heterodoxorum quod Catholici asserunt, auctoritate Pontificis factum volunt. Alij hæc omnia miscent, conjunguntq; quo callidius fallant. Hos inter Nifanius ita pronuntiat: *Communis est sententia* (hæreticorum videlicet fratrum ejus) *Carolus Imperium partim armis occupatum sibi vendicavit, partim facta cum Constantinopolitanis pactione obtinuit, partim à senatu populoque Romano ultro sibi allatum suscepit, in quo Pontifex non nisi partes primarij civis, aut unius ex statibus habuit, à quo coronam impostam accepit.* Falso hæc quidem, sed tamen mitius, quàm Lutherus: nam ut Chytræus testatur in Commentario c. 13. Apocalyp. Imperium quidem Germanicum à Papa constitutum, & in Carolum M. translatum, sed Papam in eare Antichristum, & bestiam in Apocalypsi descriptam præclare egisse docet; ideoq; Germanicū Imperiū non alio jure, quàm Antichristi ad Francos, Germanosque pervenisse. Lutherum secutus Illyricus cum Centuriatoribus, Bibliander, Chytræus, cæteri; Lutherani: qui tamen in eo nobis gratiam magnam præstant, quod Pontifici adscribant translationem Imperij. Adeo *mentita est iniquitas sibi.* Nunc ordine singula paucis refellamus: nec multis opus, quando de hac re fusè Bellarminus lib. de translatione Imperij, Baronijs ad annum Christi 801. Gretzerus Tom. 2. defens. Bellarm. Azorius p. 2. lib. 10. c. 2. alijque ab Azorici citati.

I. Non

I. Notandum est de Imperio Romano, quod à C. Julio Cæsare & Augusto in usum continuatumque est ad Constantinum M. idemque per vim & tyrannidem magis, quam per leges & jura cœpit, quamvis postea Senatus populique Romani consensu confirmatum sit. Qui deinde Augusti successerunt Cæsares, nec Christiani fuerunt, ij modo à populo, modo à Senatu, modo ab exercitu, modo à Prætorianis militibus, modo per vim & tyrannidem, modo ab ipsis Imperatoribus nominari, electi, creatique sunt, accedente tandem Senatus populive Romani aut tacito aut expresso consensu.

II. Neque hic quæstio est de Imperatoribus qui pòst Constantinum M. usque ad Carolum M. succedere, hi enim licet Christiani fuerint, ac perinde Romano Pontifici, ut Christi Vicario subjeçti; attamen magis per successionem, quam electionem, Romani Pontificis auctoritate Imperatores facti sunt. Quanquam ex his nonnulli per vim & tyrannidem imperium sumpserint, alij vel ab exercitu vel ipsismet Imperatoribus nominati, electique adierint imperium. Quin & de his scripsit D. Thomas in opusc. de regimine Principum lib. 3. cap. 16. eos à Vicario Christi summo videlicet Pontifice dependisse. *Vnde, ut ipse inquit, ipsorum imperium ad exequendum regimen fidelium secundum mandatum summi Pontificis ordinabatur, ut merito dici poverint executores, & Imperatores Dei, ad gubernandum populum Christianum.*

III. Quæstio verò est de Carolo M. & ijs Imperatoribus, qui Carolo M. successerunt, nam ab eo tempore Imperator à Romano Pontifice confirmari, inungi, sacrari & coronari cœpit; atque inde tanquam patronus & protector Ecclesiæ jurejurando promittere consuevit, se Ecclesiæ, & Romanum Pontificem Christi Vicarium, ac Petri successorem defensurum. Hinc nunc quæstio procedit de Carolo M. unde is Imperatoriam potestatem consecutus sit: quam in rem multi tituli adferuntur, per quos eundem.

Primò, Carolus M. non accepit immediatè à Deo Imperij dignitatem. Certum quidem est, solius Dei dono id fieri potuisse, quemadmodum olim Deus Moysen, & plerosque alios Judices Hebræorum populo præfecit: ita Saulen & Davidem reges constituit, ita Aaronem in republ. Hebræorum, & Petrum in Ecclesia Christianorum, solius Dei benignitas summos Antistites fecit. Ac licet Pontifex Romanus, Petri suc-

cessior à Cardinalibus eligatur, supremam tamen in Ecclesia potestatem, ac jurisdictionem Spiritualem immediate à Deo accipit. Verum ejusmodi titulum Carolo M. non convenire, docent omnes veteres auctores, qui de Caroli M. coronatione, aut de modo quo ad imperium pervenerit, scripserunt. Neque hic controversia est, quando aut ex jure belli, aut ex Senatus populique Romani electione, alijsq; ex titulis illi Imperium adscribunt.

II. Carolus M. Imperium non acquisivit armis ac jure belli, ut Nisanius obtendit cum suis; id enim fieri debuit, postquam regnum Longobardorum in Italiâ occupavit, quod aliquando Romana provincia fuit: at Carolus ex quo ab anno Christi 773. Desiderium Longobardorum Regem captum abduxit in Galliam, regnóque illo potitus est, ad annum Christi 801. quo à Leone coronatus est, nunquam sibi Imperatoris, sed Registantummodo titulum vendicavit, ut ex innumeris diplomatis constat. 2. Si quotquot Romanas provincias occuparunt armis, Imperatores sunt jure belli? quot ex Gallia, Hispania, Germania, Anglia occupata, Romanisque erepta, Imperatores habebimus: id quod nemo sane mentis dicet. 3. Imperium Occidentale extinctum est in Valentin. III. Imperatore, inde ad Augustulum, cæteri umbræ potius Cæsarū, quam Cæsares fuere. Quando & Odoacer Herulorū Regulus ac primus Germanorū qui Romam occupavit & Regis nomine per multos annos Italiani obtinuit. Cui successit Theodoricus Gothorū Rex, urbis invalor, & Rex Italianæ clarissimus, neuter tamen ex eo se Imperatorem tulit. 4. Carolus M. nunquam Romanorum hostis sed patricius Romanorum ab Hadriano Pontifice renuntiatus, urbem Romanam occupavit: Imò dum in primo adventu Romam veniret, petijt à Pontifice facultatem ingrediendi Urbem: inde & nihil unquam hostile per omnem vitam egit ad Urbem sui juris faciendam. Quo ergo jure belli sibi ex eâ imperium vendicavit? 5. Neq; Carolus sibi ex illo titulo, neq; ullus scriptorum Carolo imperij dignitatem adscripsit. Unde ergo hic titulus ex jure belli, nisi ex commentis heterodoxorum?

III. Carolus M. Imperium nec donatione, nec pactione, aut transactione à Græcis & Constantinopolitanis Imperatoribus acceptum, transtulit ad Germanos. Justinianus quidem Imperator Orientis, Italianam, Romamque, per Belisarium anno Chr. 537. receperat, inde Exarchi  
ab



ab Imperatoribus in Italiam mitti soliti, (postquam maxima ejus pars à Francis & barbaris occupata jam esset,) ad regendas imperij Occidentalis reliquias; ijque non Romæ, sed Ravennæ confederunt. Ac misertum status Imperij, ex quo in Oriente Imperatores plerique aut impij, aut schismatici, aut hæretici: quales postremum Leo Isauricus, & Copronymus: interim per Occidentem non nisi umbra Imperij apud Exarchos relicta; donec divino tandem consilio Carolus M. Franciæ, & Italiæ Rex, domitorque Saxoniarum, à Leone Pontifice Imperator est coronatus. Quia in translatione imperij, nulla Græcorum Imperatoris, aut donatio, aut pactio intervénit. I. Quòd famâ hujus coronationis perlatâ ad Græcos Imperatores, vehementer illi commoti sint, & indignati, testis Eginardus Caroli M. Cancellarius, ac scriptor ejus vitæ; is expositâ coronatione, ita subiicit: *Invidiam suscepti nominis Constantinopolitanis Imperatoribus super hoc indignantibus, magnâ tulit patientiâ, vicique eorum contumaciam magnanimitate.* Eadem Sigebertus in Chron. & Crantzius lib. 2. Saxoniarum, cap. 8. repetit. II. Crebræ quidem legationes Caroli M. ad Græcorum Imperatores, & vicissim ab ijs ad Carolum M. quales in Francorum annalibus memorantur, anno Christi 798. ante coronationem Irenes, ad Carolum pro captivorum restitutione; anno Christi 802. post coronationem ab Irene, pro pace inter Francos & Græcos; anno Christi 803. Nicephori qui Irene successerat, pro impetranda pace; anno Christi 812. Caroli legatio ad Michaëlem, qui Nicephoro successerat, & Michaëlis ad Carolum, quâ pax confirmata, & legati Carolum Græcâ linguâ laudantes, Imperatorem βασιλέα, vel inviti tandem appellarunt. Nulla in his legationibus mentio, aut de donatione imperij, aut pactione cum Græcis Imperatoribus: unde ergo hic titulus aditi imperij, nisi ex cerebro tuo? aut si tantus es historicus, profer hujus donationis, & transactionis tabulas. Ego tibi præter Annales Francorum, sisto Aimoinum, lib. 4. c. 90. & 91. Paulum Diaconum lib. 23. Adonem Viennensem in Chronico, Reginonem lib. 2. Ottonem Frisingensem lib. 5. c. 31. Cedrenum in compendio hist. Zonaram in Annal. Ursbergensem, Hermannum Contractum, Sigebertum in Chronico, Blondum lib. 1. decad. 2. qui coronationem Caroli à Leone Pontifice factam referunt, nullâ mentione factâ pactionis hujus, aut donationis Græcorum: quod tamen in re tam memorabili facere oportebat.

IV. Non etiam Carolus M. imperij dignitatem consecutus est auctore Senatus populi que Romani, id enim si factum fuisset in Carolo M. deberet aliquot Senatus Consultum, aut plebiscitum proferri, in hac imperij translatione; quod nec in Annalibus Francorum, nec ab alijs scriptoribus est proditum. Imò hoc coronationis consilium tam occultum fuit, teste Eginardo in Caroli M. vita: *Seeo dic, quamvis precipua solemnitas esset, Ecclesiam non intraturum fuisse; si Pontificis consilium præscire potuisset*: Viden' ut ad Pontificis consilium, non ad Senatus consultum referat? unde non nisi populi acclamatio, post coronationem facta memoratur ab historicis. I. I. post Monarchiam à C. Julio Cæsare, & ab Augusto constitutam, Cæsares vel ab alio Principe nominabantur, vel ab exercitu creabantur, vel successione quadam hæreditariâ subrogabantur. Quos verò Senatus, aut populus creavit, ij & paucissimi fuerunt, & non diu tolerati. Sanè ex tanto numero Principum Romanorum Onuphrius lib. de Concilijs Imp. duntaxat tres à Senatu populoque delectos numerat: Nervam, Maximum cum Balbino, & Tacitum. Et in his Nerva arbitrio legionum, ut Aurelius; aut favore Præfecti Prætorio, ut Eutropius refert, creatus. Tacitus quidem à Senatu electus, sed jubente milite, ut à Vopisco relatum. Adeoque tum imminuta erat Senatus populi que auctoritas, ut per ludibrium *Senatorij* appellarentur *Cæsares*, quotquot illi creaverant. Itaque cum jam dudum derogatum esset Senatus populi que auctoritati, quis credat post annos DCCC. id sibi Senatum populumque in electione Caroli M. sumere ausum fuisse? omnia hæc confirmantur ex potestate Pontificis in urbem Romanam, de qua supra relatum est. I. II. Pontificis auctoritas & potestas à Christo est data Vicario suo, & successoribus Petri. Unde in hoc est supra Senatum populumque; Romanum Pontifex, ut poscente necessitate Imperatorem creare, & Christiano populo dare possit. Quare omnes Scriptores, uno ferè Onuphrio excepto, coronationem Caroli M. & translationem imperij Leoni Pontifici adscribunt.

V. Igitur quæ verissima est sententia, imperium Romanum translatum est à Græcis ad Francos, & Germanos, summi Pontificis auctoritate. Id primò conficitur ex dictis: Nam cum nec immediate à Deo, nec jure belli, nec Græcorum donatione aut pactione, nec Senatus populi que Romani auctoritate, nec hæreditariâ etiam successione, ut per se constat

constat, sit factum; relinquatur id solum Pontificis auctoritati adscribendum esse. Confirmatur primò hæc sententia tam veterum, quàm recentiorum Scriptorum testimonijs, quorum supra triginta adducit Bellarminus, Pontifici coronationem Caroli & translationem imperij asserentium. Unus ferè Onuphrius, post octingentos annos Scriptor, hic obstat, scribitque: *Carolus à Pontifice, unà cum Senatus populique Romani suffragijs, Augustus appellatur*; addens: *id credibile esse, atque ita fieri decessisse*; ut suam potius opinionem, quàm rem factam, quod historici erant, referat. Cæteros, ut Sigebertum, Blondum, Leopoldum, Beluacensem, & Æneam Sylvium, non dissidère à nobis exponit Bellarminus: saltem Pontifici primas partes deferunt, quod Novatores non faciunt; minus certe Pontificem *Antichristum* vocant. Neque etiam hæc paucitas Scriptorum alijs triginta præstare debet. Confirmatur II. hæc sententia Catholicorum, testimonijs Pontificum, Cæsarium, ac Principum, qui Leoni Pontifici coronationem Caroli M. & translationem Imperij adscribunt; quos magno iidem numero introducit Bellarm. lib. i. c. 5. & 6. Res ipsa deinde posteritatis testimonio praxique evincitur.

Enimverò ex quo Carolus M. à Leone Pontifice consecratus coronatusque est Imperator, omnes exinde Imperatores, Cæsares ac Reges Romanorum ritè electi, paucis duntaxat exceptis, qui fati suis impediti, vel à Pontificis Romani Legato, vel ab Archiepiscopo aliquo, Vicario Pontificis munere fungente, uti id quoque à Pontifice constitutum est, consecrati, uncti, & coronati sunt: qui deinde confirmationem à Pontifice habuerunt. Id ut recognoscat Nisanius, qui hæc cum suis ex insito in Pontificem odio carpit, sistant ipsi paucis omnes Imperatores.

Igitur post Carolum M. Ludovicus Pius consecratus & coronatus est Remis in Gallia, à Stephano IV Romano Pontifice, anno 816. Lotharius Ludovici Pij filius, coronatus Romæ à Paschali II. Pontifice, 813. Ludovicus II. Lotharii filius, coronatus est Romæ à Sergio II. anno 844. Carolus Calvus Ludovici Pij filius coronatus est Romæ in ædè S. Petri à Joanne VIII. anno 876. Ludovicus III. cognomento Balbus, filius Caroli Calvi, coronatus est Lugduni in Gallia à Joanne VIII. Carolus cognomento Crassus filius Ludovici Germaniæ Regis, coronatus est Romæ. Arnulphus filius Carolomanni, nepos Ludovici Germaniæ regis, coronatus est Romæ à Formoso Pontifice. Ludovicus IV. coro-

natus

natus est Romæ à Benedic̃to IV. Hi ex Carolina stirpe Imperatores. Succedunt ex Saxonum & Germanorum gente Imperatores; ex quibus Otto M. coronatus est Romæ in æde S. Petri à Joanne XII. Otto II. filius Ottonis I. coronatus est Romæ in Basilica Vaticana à Joanne XIII. Otto III. Ottonis secundi filius coronatus Romæ in æde S. Petri à Gregorio V. Henricus I. Rex Germaniæ coronatus Romæ in æde S. Petri à Benedic̃to VIII. Conradus II. Rex Germaniæ coronatus Romæ in Basilica S. Petri à Joanne XX. Henricus III. filius Conradi II. coronatus Romæ in æde S. Petri à Clemente II. Henricus V. coronatus Romæ in Basilica Vaticana à Paschali II. Lotharius II. Saxo, Imperatorum religiosissimus, coronatus Romæ in æde S. Petri ab Innocentio II. Fridericus Barbarossa coronatus Romæ in æde S. Petri ab Adriano IV. Henricus VI. Friderici primi filius, coronatus Romæ in æde S. Petri à Cœlestino. Otto IV. coronatus Romæ in æde S. Petri ab Innocentio III. Fridericus II. Romanorum Rex electus, confirmatus ab Innocentio III. coronatus vero ab Honorio III. Rudolphus Comes Habsburgensis, Austriacorum I. Imperator, confirmatus est à Gregorio X. in Concilio Lugdunensi, eâ lege, ut anno proximo Romam veniret consecrandus & coronandus. Carolus IV. Romæ in æde S. Petri coronatus à Cardinali Hostiensi, Legato Innocentij VI. Sigismundus filius Caroli IV. coronatus Romæ ab Eugenio IV. Fridericus III. coronatus Romæ in æde S. Petri à Nicolao V. Carolus V. coronatus est Bononiæ à Clemente VII. Pontifice. Hæc hic tot præclaros Imperatores, & Romanorum Reges à Romano Pontifice consecratos, coronatosque, ut ex scriptoribus discere licet, qui in hanc rem ab Azorio & Bellarmino citantur: cæteri quo minus Romæ à Pontifice coronati sint, non est factum contemptu Pontificum, ut tu somnias, sed quia vel in schismate electi, aut quia Romam commodè adire non licuit, aut quia bellis, alijsque negotijs impediti fuere, aut quia profectioes in Italiam sumptuosæ, alijsque malis obnoxia. Interim Cæsares & Reges Romanorum consecrantur, unguntur & coronantur ab Archiepiscopis in Germania; quæ coronatio, uti & electio, Romanorum quoque Pontificum auctoritate constituta est: ita tamen, ut confirmationem à Pontifice, quod juri consentaneum est, consequantur.

Adversus hæc Nifanius scribit: *Vicunq; se ista habeant, hodie coronatio illa parvi fit; ut factò declarârunt Imperatores, Rudolphus I. Maximilianus*

*similianus, I. Ferdinandus, I. Maximilianus, II. Rydolphus, I. Matthias, Ferdinandus II. & III. idque Goldasti, rabidi Calvinistæ, Servini Galli, Garserij, aliorumque scriptorum hæreticorum testimonijs comprobare audet. Sed quis hic non detestetur tuas calumnias in Augustos domus Austriacæ Imperatores? quos ritè electos, consecratos, unctos, & coronatos, totum veneratur Imperium: quemadmodum ex his vivus Leopoldus, gloriosissimus Imperator, ab Archiepiscopo Colonienfi consecratus, unctus & coronatus est. Quo minus Romam profecti nominati à te Cæsares, & ab ipso Pontifice coronati sint, causas jam dedi, quæ cum alijs Cæsaribus illis communes fuere.*

At coronatio, inquis, Imperatores non facit. Ita est: sed potestas conferentis, aut eligentis id facit. Deus immediatè fecit Saulem & Davidem Reges, quos tamen per Samuelem Prophetam inungivoluit, ut per ritus & signa communicatæ à se potestatis Regiæ. Nullum tibi, tuisque, Nisani, in hoc munus relinquitur, quantumvis te Superintendententem & Episcopum feras: nisi textores tuos coronare & inungere placeat, uti Joannem Leidensem anabaptistam sartorem fecere Regem: sed nulla id potestate facies, qui ne potestatem quidem habes, ut aquam benedictam consecres, multo minus ut oleum, aut chrismâ consecres, quo Reges inungantur. Potestas ergo per coronationem & consecrationem constituendi Carolum M. Imperatorem, & transferendi Imperium, penes Leonem Pontificem fuit, eadem communicata cum septemviris in eligendo, & cum Archiepiscopis in consecrando, ungendo & coronando: quemadmodum diximus Pontifices coronasse Imperatores per Cardinales Legatos.

Sed nunc redeamus ad ipsa principia, quæramusque, quo jure Leo Pontifex Carolum M. Imperatorem renunciarit, & Imperium à Græcis ad Francos transtulerit? id ut intelligas, in duobus consistit principijs. Quorum primum est, Pontificem Romanum esse totius Ecclesiæ, omniumque Christianorum Pastorem, à Deo immediatè constitutum: alterum est, summum hunc totius Ecclesiæ Pastorem, Rectoremque ita non modo privatis, sed etiam Regibus & Imperatoribus præesse, ut si causa fidei & necessitas Ecclesiæ exigat, possit regna & Imperia ab alijs ad alios transferre. Quam autem id conveniens & opportunum, & dignum meritis Caroli M. in Ecclesiam fuerit, multis exponit Baron, ad annum 500.



ex præfenti & periclitanti Ecclesiæ ſtatu : quando Exarchi umbræ erant ſuorum Cæſarum, & Irene mulier imperitabat ; Oriente tot hærefibus lacerato. Unde Caroli coronatio, & Imperij translatio, divini proſus conſilij res fuit ſapientum judicio. Et verò, penès quem illud conſilium & cura proſpiciendi Ecclesiæ ? Sanè non apud populum Romanum, ſed Pontificem : ut vel inde recognoſcas, Caroli coronationem & translationem Imperij, Pontificis fuiſſe. Hæc principia, tot Theologorum libris & ſcriptis aſſerta, ex Scriptura, Concilijs & Patribus, oportebat te primum oppugnare & evertere : tu verò Andabatarum in modum hîc pugnas, ac cæco ubique impetu ruïs ; omnia pervolvis, & nihil ſolidè attingis ; multa ſcriptorum, ex tua ſectâ, testimonia congeris, quibuſcûq; ut ſtultus in arena ædificas. Et quo non abis per maledicentiam in Pontifices ?

Dicis : à Gregorio M. omnes Romanos Pontifices, in ſedili *Antichriſti* conſediſſe, & quod conſequens eſt, omnes inde Pontifices, communisq; Hadrianum, & Leonem, à quo Carolus M. coronatus eſt, Imperiumq; ad Francos & Germanos eſt translatum, fuiſſe *Antichriſtos* & *beſtias* in Apocalypſi deſcriptas. Quam ipſammet Lutheri doctrinam notavimus ſupra. Ergò Imperium Romanum per Antichriſtum à Græcis ad nos translatum eſt, atque omnes illi Imperatores & Romanorum Reges, quos poſt Carolum M. à Romano Pontifice coronatos introduximus, ab Antichriſto conſecrati, uncti & coronati ſunt. Tam hæc abſurda, falſa, & infana ex tua doctrinâ principijs, quàm tu mendax eſ ſcriptor, & injurius in gentem noſtram : quando Francos, in quos primò translatum eſt Imperium, conſtat fuiſſe Germanos, & origine primâ ex hac regione, quæ eſt inter Rhenum & Viſurgim, quam nunc Weſtſali incolunt : quemadmodum id à Ferdinando Principe & Epifcopo Paderbornenſi, in Monumentis ſuis clarè poſt tot ſcriptores aſſertum eſt, & à nobis lib. 4. Weſtſalia Francicæ, de origine Francorum commonſtrabitur. Ut vel inde hæc injuria gentis noſtræ vindicanda fuerit. Quod enim ſummum fuit Pontificis Leonis beneficium, ac decus gentis noſtræ ; id ſerò demum, ac ſolum vobis ſycophantis eſt ſummum maleficium ; & probum Francicæ nationis, & tot Imperatorum & Regum Romanorum, qui à Romano Pontifice, (quem *Antichriſtum* dicitis,) in hunc diem vel coronati, vel confirmati ſunt.

Cætera, quæ hîc Niſanius magno auctorum & Novatorum ſuorum ſtrepitu

strepitu addit, aut nihil ad rem faciunt, aut pervulgata sunt, & centies refutata. Constat enim Imperium à Carolo M. in filios & nepotes, per successionem hereditariam transisse. Extinctâ deinde Carolinâ stirpe, Pontificis auctoritate & beneficio, ad Saxones Germanosque translatum esse: ex his primus Imperator Otto M. quem per easdem ineptias, scribit N. fanius habuisse Imperium, & Primatum in Pontificem, à quo coronatus est: eod quod Imperium in urbem Romanam, & patrimonium Petri habuerit. Perstitit deinde Imperium in Ottonis M. filio & nepote, Ottone videlicet II. & III. Demum Ottone III. qui sine hærede erat filio, facta est constitutio à Gregorio V. Pontifice, editumque decretum de septem Electoribus, in quorum potestate esset electio Imperatoris; idq; ob multas, graves, & iustas causas: quamvis alij id cum Onuphrio, post obitum Friderici II. à Gregorio X. factum velint: sed prima verior sententia obtinet. Quâ super re præter Bellarminum aliosque scriptores, eruditè exactèque Azorius p. 2. lib. 10. c. 3. quoquo tandem tempore, saltem ad Pontificis auctoritatem jus Canonicum refert: ut Imperator per electionem, & non per hereditariam successionem, Imperio admoveatur. Sed hæc aliena nobis hoc loco, quibus Carolus M. propositus est, dummodo post novum rursus & immortalis memoriâ dignum Pontificum Romanorum recolatur beneficium, quo imperium transtulere ad Saxones, & electionem Imperatoris apud Germanos Septemviros, non aliam gentem esse voluerunt. His beneficijs si addas, quos Apostolicos viros, à Sergio Pontifice, ceteri exinde Pontifices in Germaniam miserint, quo studio & labore Gregorius II. Magno illi Gregorio haud impar, ceterique, D. Bonifacium cum Apostolicis viris ordinarint ad convertendas Germaniæ gentes ab idolorum cultu, quâ deinde sollicitudine & studio Hadrianus & Leo Pontifex Saxoniam complexi, ut ad Christi fidem tot barbari populi pervenirent; quantum non Apostolicæ sedi, Germaniæ & Saxoniæ, ex memoria immortalium beneficiorum, obligata est? quæ nunc hæresis adeo convertit in odium Pontificis, ut hæc omnia vos ab Antichristo nobis præstita, scribere palàm, & apud populum, pro mentiendi libidine, declamare audeatis. Quo vel satis declaratis, quam degeneres filij, à majorum religione & pietate desciveritis. Et quando tandem erit ut Deus *convertat corda Patrum ad filios, & filiorum ad Patres?* nisi postquam magistri illi errorum & præcones falsitatis, *qui veritatem Dei in injustitia derment*, scribere & loqui aliquando desierint?

## CAPUT IX.

*An Carolus M. acceperit ab Hadriano Pontifice privilegium nominandi et eligendi Episcopos?*

**D**UO hic quærentur : primum est , de privilegio nominandi Episcopos ; alterum de eligendo Episcopo. Quæ duo hic confundit Nifanius, cum tamen valdè diversa sint : ut constat ex Concilijs, jure Canonico, Canonistis, & praxi Ecclesiæ. Multis interim invehitur in Pontifices, qui investituram, seu privilegium nominandi, præsentandi, offerendique Episcopos, detraxere Imperatoribus ; tanquam juri Imperatorum , quibus primatum Ecclesiæ tribuit , derogatum sit.

Et. Jus nominandi, seu invelliendi, eligendique Episcopos, multis olim Imperatoribus, & Regibus datum fuit ; uti nunc etiam apud Reges Franciæ, aliosque manet Reges ; sed id ex jure humano , non divino habuere : cum privilegium sit ex concessione Pontificum ; quod ut justis ex causis dari, ita etiam revocari potuit : Neque enim omnes Imperatores Caroli M. Ludovici Pij, Henrici Sancti, Othones & Lotharij. Pòst ubi Imperatores privilegio abusi sunt, & per cæcam, atque impiam gratiam, per avaritiam & Simoniam, indignos Episcopos obtulere Ecclesijs, atque etiam Episcopatus venales esse cœperunt in aulis Cæsarum, sapientissimè Pontifices privilegium revocarunt : Quemadmodum id in Concilio Oecumenico VII. & VIII. est decretum. Inde lis illa & dissidium inter Pontifices & Imperatores, quod tot annis afflixit Ecclesiam, & Imperium, maximè sub Henrico IV. Imperatore, labe illâ Germanici nominis ; donec Gregorius VII. fulgentissimus & sanctissimus Pontifex perfringeret, assertor Pontificiæ auctoritatis, & disciplinæ Ecclesiasticæ, vir post obitum multis miraculis clarus , cujus corpus etiam post quingentos annos repertum est incorruptum. Hunc vos *Hildebrandum*, & *Avernitionem* per inendacia appellatis ; quem & Nifanius tot falsis prociudit calumnijs.



calumnijs. Gregorij vii. constantiæ inhæsit Alexander, cæteriꝑ; Pontifices: Verùm hac super re Baronius, & innumeri scriptores; neque hîc instituti est, hæc ipsa disceptare tecum. Sanè si revocato privilegio, articulus fidei tollitur cum primatu Imperatoris, ut fingitis, tum certè vos Lutherani innumeros fidei articulos sustulistis, qui tot privilegia, immunitates, & Cleri exemptiones, qui tot jura non modo humana, sed divina sustulistis, seu tollere conati estis ex Ecclesia.

II. Vtrùmne verò Carolus M. jus nominandi & eligendi Episcopos ab Hadriano Pontifice acceperit, hîc potissimum agitur. Id tu ex diplomate Hadriani confici vis: quod diploma etsi cum Bellarmino & Baronio commentitium censeam, ac nihil reperiam hac super re, in actis Hadriani & Caroli M. expressè consignatum; nihil tamen impedit, quo minus Carolo haud secus, quam alijs Regibus, privilegium illud concedi potuerit: præsertim cum Pipino Regi ac parenti Caroli M. privilegium nominandi Episcopos per Francian<sup>8</sup>, à Zacharia Pontifice datum sit. Regum proinde Francorum jure id facere potuit, idque vel maximè in primis Saxoniz Episcopis, Wihone, Willehado, Ludgero, Hildegri-mo, cæterisque valuerit, quos magno delectu conquistos, primis Episcoporum sedibus imposuit; quantum id ex singulorum fastis, & Scriptoribus facile æstimare licet. Sanè, cùm Carolus hosce primos Episcopatus fundarit, dotaritque regiâ liberalitate, supra quàm ullus Regum Francorum unquam fecerat, & singularum diocesium terminos tam amplâ jurisdictione circumscripserit, jure quodam patronatûs id illi debitum erat: verùm Carolus legum sacrarum peritissimus, & observantissimus, Episcopos Saxoniz, aut Metropolitanis, aut Pontifici, cujus Legati perpetuò illi aderant, confirmandos, haud secùs quàm consecrandos obtulit Episcopis: neutrum enim in ipsius potestate erat, juxta Canon. *Plebs*, Can. *Nosse*, Can. *Episcopos*, Can. *litteras*, dist. 63. Can. *Quoniam*, dist. 10. Imò id ex ipsis Caroli M. Capitularium libris, ex Synodis & constitutionibus de Metropolitanorum auctoritate, satis æstimare fas erit; satisque constat ex secundo ejus adventu ad urbem Romanam, & congressu cum Hadriano Pontifice, quo de Episcopatibus per Saxoniam fundandis, & Episcopis imponendis anno Christi 780. actum est. Nihil enim Carolus sine Pontificis consilio & auctoritate in rebus sacris majoris momenti sibi unquam sumpsit. Sed ubi apud Lutheranos *Pontifex*, cujus aucto-

ritate, exemplo Caroli, deferatis confirmationem? ubi Metropolitani? ubi Episcopi? à quibus Episcoporum consecratio, & Pastorum jurisdictio ad vos perveniat? Superintendentem te scribis, id est, pseudoepiscopum, sine consecratione & jurisdictione; aut si qua in te est, illa est à Reformatæ religionis Principe sæculari, à quo, ut in libello adversus Labbadæum scribis, Superintendens es constitutus. Quid ad hæc dicet Labbadæus? cui par erit causa, si hoc ab eodem impetret, quod tu impetraſti.

III. Afferit Nifanius: *Electio Episcopi ita erat in potestate Imperatoris, ut eam ratam, irritamq; facere posset.* Sed hæc ipsa cit hæresis, (de qua Baronius ad annum millesimum centesimum undecimum,) asserentium *Investitura necessitatem*; quam acerrimè oppugnavit Joannes Archiepiscopus Lugdunensis, cæterique Episcopi Galliarum, ad vindicandum ab injurijs Palschalem Pontificem, à quo, uti & ab Urbano tum proscripta erat: donec Gregorius VII, immortalis memoriæ Pontifex, se murum pro domo DEI objiceret, & pravam investiendi usum tolleret. Ita veteres preſtigatarum hæresin cloacas exhaustis scrutando, ut vestras impleatis. Et verò, quid tantum reponis in electione Episcoporum Nifani? cum illa tantum det jus ad rem, si acceptata sit; jus autem in re, ipsa confirmatio Pontificis, aut Metropolitani, aut Primatis ex jure veteri sacrorum Canonum. Imò, quid hinc de Episcoporum electione disceptamus? cum hanc electionem, uti fieri debeat, ipse Carolus M. seu, ut Sirmondus vult, Ludovicus Pius Imper, lege suâ sanxerit? Ita enim lib. I. Capitularium, Tit. 84. *Sacrorum Canonum non ignari, ut in Dei nomine, sancta Ecclesia suo liberius potiretur honore, ad sensum ordini Ecclesiastico præbuerimus, ut scilicet Episcopi per electionem Cleri, & populi, secundum statuta Canonum, de propria Diaconi, remota personarum, & munerum acceptione, ob vite meritum, & sapientiæ donum eligantur: ut exemplo, & verbo sibi subjeſtis, usquequaque prodesse valeant.* Vides hinc Nifani, qualis Episcoporum electio, secundum antiquos Canones, Patrum statuta, & Ecclesiæ praxin, ac judicium esse debeat? Quanquam hoc beneficio electionis, (ne hoc dissimulem) ita use sunt Ecclesiæ in Francia, ut singula mortuo Episcopo, primum omnium, novi eligendi facultatem per Metropolitanum à Rege peterent, cum Visitatore qui præſſet electioni. Tum electionis factæ decretum ad Metropolitanum referreſſetur; ut postquam Rex probaret electionem, ipse deinde electus ab Episcopis Provincialibus examinaretur, ac deinceps ordinaretur, mandatumq; ab Ordinatori-

bus

bus acciperet, quomodo ipsum in Episcopali munere, juxta Canonum statuta, versari oporteret. Ita Jacob. Sirmondus in erudito Scripto, de antiquis Episcoporum promotionibus, quod Tom. VIII. Concil. General. recent edit. Parisienf. leges sub finem, ubi multis id probat Sirmondus.

Sed nunc quid Concilium Trid. præscribat, audiamus: ita enim clarè, verèque decernit, Sess. xxiii. cap. iv. *Docet insuper sacrosancta Synodus, in ordinatione Episcoporum, Sacerdotum, & caterorum Ordinum, nec populi, nec cujusvis secularis potestatis, & Magistratus consensum, siue vocationem, siue auctoritatem ita requiri, ut sine ea irrita sit ordinatio: quin potius decernit, eos, qui tantummodo à populo, aut seculari potestate, ac Magistratu vocati, & instituti, ad hæc ministeria exerceunda ascendunt, & qui ea propria temeritate sibi sumunt, omnes non Ecclesia ministros, sed fures & latrones, per ostium non ingressos, habendos esse.* Tibine nunc, an Concilio Oecumenico deferam fidem? Ego Concilij in hæreo securus; tu qui per ostium non intraisti, vide, quomodo in supremo judicio consistas: cui satis non est, seducere tot animas ab Ecclesia, nisi eandem Christi sponfam calumnijs, & scriptis mendaciorum libris publicè traducas. Pergit interim Prædicans, adducendo aliam Caroli legem ex cap. 90. *Statutum est, ut auctoritate, & consensu Episcoporum, Presbyteri in quibuslibet Ecclesijs nec constituantur, nec expellantur, & si Laici Clericos probabilis vite, & doctrina Episcopis consecrandos, susque in Ecclesijs constituendos obtulerint, nulla qualibet occasione eos rejiciant.* Quis primum, quis postremum hoc negat inter Catholicos? Ideò jus patronatus est, ut si dignos præsentent, non rejiciant. At ubi est illa auctoritas Episcoporum apud vos, de qua hic Carolus M. præscribit? quot veros pastores vos ejecistis contra auctoritatem Episcoporum, & quot falsos per politicorum Principum auctoritatem intrusistis? Sanè si lex hæc Caroli valeret, tu Bilsfeldienfis non esses Prædicans; qui sine auctoritate, & consensu veri Episcopi, intraisti in hanc Ecclesiam, quæ à Caroli M. ævo, jurisdictioni sacræ Episcopi Paderbornensis est asserta.

## C A P V T X.

*An contra Caroli M. legem, populus ab electione Episcoporum et Ministrorum Ecclesiae repellatur?*

**H**Anc controversiam, in qua pro aris & focis agunt causantque plebis novatores, hinc nobis intexit plebejus Prædicans, nixus comprimis Caroli M. lege, lib. I. Capitularium, Tit. 84. supra à nobis relatâ, quâ Carolus M. decernit, ut secundum statuta Canonum electio Episcopi fiat à Clero, & populo: quem admodum id in Synodo Aquisgranensi Anno DCCCLXXXIX. etiam statutum lego. Fluctuans & mutabilis Prædicans modò in cò totus est, ut Imperatoribus, & Regibus asserat ex jure communi electionem Episcoporum, modò illam Clero, & populo ex jure divino & humano, vindicet. Populum, quem hic designet, faciliùs intellexeris, quàm Clerum: quis enim ille clerus in Luthæra Ecclesia, si apud vos valere debeat electio Episcoporum? Certè longè alius, quàm Caroli M. ævo, & à Caroli ævo ad nos perpetuâ successione traductus. Quod vel satis intelliget, qui Cleri institutum, vitam & mores, ex Caroli M. legibus, & Carolinis Synodis secum revolverit. Larva Cleri est, quem vestra Ecclesia repræsentat; & tam umbratiles sunt Clerici apud vos, quàm tu scenicus es Episcopus, sub fucato Superintendentis nomine. Sexcentis id tibi Caroli M. legibus Clero præscriptis demonstrare possem, sed his missis, paucis rem ipsam, de qua agitur, exponamus.

*Is eligendi Episcopos, inquis, ab initio nascentis Ecclesie, ad Cleri & populi suffragia pertinuit.* Magno in speciem plausu hæc assertio proponitur à vobis, quando ex jure Canonico & Civili, ex Concilijs & Patribus, ex historicis & Imperatorum statutis, convestitam sistere vobis licet; perinde ut Caroli M. testimonio supra est confirmata. Neque nos negamus fuisse in plurimis provincijs consuetudinem, tempore Cypriani, Chrysostomi, Augustini, Leonis M. imò ut Blondellus contendit, ad annum

num usque millesimum, ut populi consensus, & suffragium in electione Pastoris requireretur. Verum tota quæstio in eo versatur, utrumne jure divino, an humano id populus sibi vendicari? vos Lutherani, ut cæteri heterodoxi, ex jure divino id contenditis; nos Catholici id juris humani fuisse dicimus, ex indulgentia & concessione, non ex necessitate: ideoque hæc populi electio abrogari potuit, uti justas ob causas abrogata est, cum inter Clerum & populum de eligendo, & electo, perpetuæ lites & pugnæ exardere ad seditiones usque publicas, & cædes. Unde populo relictum est tantummodo testimonium vitæ, & morum; quod in omnibus ordinationibus etiamnum exposcitur palam per Diaconum à populo: & facile observare tibi licuit, si quidem unquam ordinationi Catholicorum interfuisti. Id tibi nunc probandum est paucis. Primò, si juris divini est populi electio; vel naturalis est, vel positivæ. Si naturalis; etiam in lege veteri observari debuit, quod tamen factum non est. Si positivæ; id ex Scriptura ostendendum est, quod hæcenus non præstitistis, nec præstabitis.

II. Christus voluit, ut Apostoli & successores eorum, gubernarent Ecclesiam eâ ratione, qua ipse præsens gubernârat; atqui ipse elegit Apostolos & LXX. discipulos sine ullo populi suffragio: Joan. 10. *Sicut misit Pater, & ego mitto vos* Luc. 16. *Elegit duodecim ex ipsis* Joan. 6. *Nonne ego vos duodecim elegi?* Joan. 15. *Ego elegi vos, & posui vos ut eatis, & fructum afferatis.*

III. Jure divino & naturali præscriptum est, ut Episcopi sint Pastores, populi verò sint oves, Joan. ult. Act. 20. 1. Pet. 5. Ovisibus autem non convenit, ut pascant & regant; sed pascantur & regantur: eligere verò Pastores, ad gubernationem & regimen spectat.

IV. Exemplo & instituto Apostolorum, qui Episcopos passim eligebant, sine ullo populi suffragio. Id vel ex eo clarum, quod Episcopos à se creatos, mitterent ad infideles & paganos absentes.

V. Conciliorum decretis: Nam Concilium Laodicenum sic statuit can. 13. *Non est permittendum turbis electionem facere eorum, qui sunt ad Sacerdotium promovendi.* Iisdem verbis Concilium Martini Papæ apud Braccarenses, c. 2. *Non licet populo electionem facere eorum, qui ad Sacerdotium promoventur.* Concilium Nicænum II. can. 3. *Omnem electionem, qua fit à Magistratibus, Episcopi vel Presbyteri, vel Diaconi, irritam manere: oportet enim eum, qui est promovendus ad Episcopatum, ab*

L L

Episcopis

*Episcopis eligi.* Idem sancitum in Concilio IV. Constantinopolitano, c. 28 quod octavum est in ordine Generale. Hinc Sirmondus loco suprâ citato: *In Oriente, inquit, usus invaluit, ut in Episcoporum electionibus, populi suffragia non expeterentur; quod ibidem prolixius adstruit.*

V I. Exemplis veterum: Hieronymus ad Evag. epist. 85. *Alexandria à Marco Evangelista, usque ad Heraclam & Dionysium Episcopos, Presbyteri semper unum ex se electum, in excelsiori gradu collocatum, Episcopum nominabant.* Id verò cum primis locum habet in Episcopis, qui ad paganos mittebantur: ita Athanasius Frumentium à se creatum Episcopum, misit ad Indos, Ruff. lib. 10. c. 9. Gregorius M. Augustinum cum socijs ad Anglorum gentem, Beda lib. 1. hist. Sergius Pontifex Willibrordum cum socijs ad Frisones; Gregorius II. Bonifacium ad Hassos, Thuringos, & Germanos; alij Pontifices innumeros alios Episcopos ad paganos, ipsis nihil scientibus aut cogitantibus, minus certe petentibus, aut suffragantibus miserunt. Atque ut ab ipso Carolo M. exemplum proferamus: credamne, quando Wihonem Osnabrugum, Willehadum Bremam, Hildegrium Halberstadtium, Bernardum Abbatem, & Ludgerum Episcopum ad Mimigardevordenses, cæterosque primos Episcopos ad infideles & paganos Saxones destinavit, à se nominatos delectosque Episcopos, primum à barbaris populis suffragium aut testimonium vitæ exegisse? Nemo sanæ mentis id dixerit. Kemnitius, cæteri que hoc pressi argumento, dicunt Episcopos hosce primum à populo electos, ubi ordinabantur. Frivolum hoc, quod nullo testimonio probari potest. Et quid *juris divini* habet populus, ut alienæ genti eligat Episcopos? sanè, qui inter vos, id *jus divinum* asserunt populo, ne populus accipiat pastorem invitum, admittant quoque necessum est, Saxones illos, ad se missos Episcopos ante novisse, quàm suffragium de illis ferrent: quale namque barbari illi populi de Christianis Episcopis suffragium darent? quos omnino non viderant, quos venientes ad se, averfabantur, quos suis è sedibus pellebant, quos diris sæpè tormentis necabant.

V II. Vos Lutherani, vestræ huic doctrinæ, vobismetipsis factæ, praxique contradicitis: Nam passim Prædicantes & Superintendentes accipitis, non quos populus elegit, sed quos vel Consistoria vestra, vel Nobiles jus patronatus habentes, vel Principes sæculares eorumq; ministri, pro sua auctoritate imponunt. Sive etiam ipsi Principes sæculares Catholica

tholicæ religionis sint, siue Reformata ex Calvinî doctrina, parum vos sollicitos habet, dummodo Minister verbi populo obtingat. Jam verò si populi simul ad hanc rem electio, ex *jure divino* necessaria est, oporteret vos ipsis Judæis saltem esse constantiores, quàm ut hæc contra jus divinum permetteretis. Sed cui mirum, vos *percolantes culicem, & deglutientes camelum*, laxare omnia jura divina? qui præter Baptismum & matrimonium, in religione integrum nihil reliquistis? qui hæc ipsa, uti & Scripturam, ad speciem solum retinetis?

VIII. Ad electionem pastorum non modò populus, sed & Clerus à Carolo requiritur: at quæso, ubi apud vos Clerus modò? Caroli M. ævo erant Episcopi, Sacerdotes, Levitæ, siue Diaconi, cæteri que Ministri, & consecrati Deo homines, ex quibus Clerus componitur, ut in *sortem Domini* vocatus, & à laicis distinctus. Hinc Caroli M. ævo Canonico- rum erant collegia, in quibus Præpositi, Decani, Archidiaconi, Scholastici, alijque Sacerdotes, & Clerici, per diversa munia in subsidium Episcopi, & Ecclesiæ distributi: his tanquam primarijs Ecclesiæ ministris, Carolus electionem Pastoris sui detulit. Totahæc forma Ecclesiæ, totumque hoc institutum mutavit Lutherus, qui pro Clero, profanam turbam ministrorum; pro collegijs Canonico- rum, Prædicantium Consistoria; pro Episcopis, Superintendentes introduxit. Hos quia sæculari potestati subjecit, quid in his superest, nisi ludicra quædam scena? imò ipsum Cleri nomen sustulistis, ut qui Cleri nomine designantur, eò liberius tolleretis ex Ecclesia. Viden', quàm nunc insulse per Caroli M. legem, populi jus in eligendis Pastoribus à nobis exigatis, qui Cleri jus, quod primo loco posuit Carolus, subtraxistis Ecclesiæ? Uno oculo lucus es, altero cæcus; & nihilominus Argo oculatiorem te vanissimè existimas.

At Carolus M. dicet quispiam, sibi ipsi opponitur: nam & ille sine consensu Cleri, & populi, delegit & imposuit Episcopos Saxoniz, qui tamen lege sanxit Clero & populo electionem.

Respondeo, Carolum M. ultrò postea cessisse juri & privilegio suo, quando electionem hanc transtulit ad Clerum: Quemadmodum & alij Imperatores in certis Ecclesijs Clero jus eligendi sanxerunt. Quin Carolus M. lib. 7. Capitularium cap. 61. *Non est permittendum turbis electiones eorum facere, qui sunt ad Sacerdotium provehendi*. Quare hoc Caroli testimonium transilis Nisani, qui ad Carolum temerè provocas?

Tu interim, ut errorem tuum confirmes, adducis etiam Petavium scribentem: *In Occidente potissimum invaluisse, ut laici: um suffragia in eligendo Episcopo locum haberent.* At dum in Occidente id valuit, simul docet, in Oriente non valuisse: ergo universale jus non fuit. *Nam ut ab Episcopis, aut unâ cum Clero eligerentur Episcopi, recepta, inquit, per omnes Ecclesias Canonum statuta sanxerunt.* Igitor ut paulatim irrepsit mos populi, à quo prius tantum testimonium fuit postulatum, ut sibi jus suffragij idem vendicaret; ita sensim etiam, sine violentiâ, ob justas, de quibus diximus causas, id abrogatum est in Ecclesia Occidentali, quod Petavius non negat, neque potuit negare.

Cætera deinde quæ ex Scriptura, in electione Matthiæ Apostoli, Actor. 1. In electione Stephani & Diaconorum, Act. 6. In electione Presbyterorum, Act. 14. cum multitudine factâ memorantur, non aliud probant, quàm vel præsentiam populi, vel testimonium, aut summum jus suffragij, per concessionem & indulgentiam Apostolorum, ex quo nulum divinum jus confici potest: perinde, ut ea, quæ ex Cypriano adferuntur. Verùm hæc satis superque diluta à Bellarmino, lib. 1. de Cler. c. 7. Suarez, Becano, Valentia, Forero, Erbermanno, & alijs Scriptoribus: ut hic operæ pretium non sit, tuis ultrâ delirijs immorari. Nam in hujusmodi, quæ ex jure humano, consuetudine, & indulgentiâ Ecclesiæ sunt introducta, multa sæpe immutare, & corrigere necesse fuit, ut vel Erasmus te docere potest, Epist. ad Vulturium: *Multa, inquit, secum deferi temporis, multarum status commutavit in melius. Olim clanculum in ades privatas conveniebant pauci Christiani; nunc in templum publicum, & consecratum; olim in cænis sumebatur Eucharistia, nunc à jejuniis sumitur; olim in Ecclesia alius habebat hymnum, alius Apocalypsim, alius loquebatur linguâ, alius prophetabat, & garriebant interim muliercule; nunc certis hominibus distributa sunt officia, ceteri aut taciti auscultiant, aut orant; olim in nocturnis vigilijs cursiabatur ad sepulchra Martyrum à pueris & puellis; at qui flagitia, quæ sub umbra pietatis committebantur, persuaferunt, ut hoc vigiliarum genus tolleretur. Olim corpus Domini dabatur in manus, ut domi cum vellent, sumerent; at cum existerent, qui indignè tractarent, mutata est in melius consuetudo. Olim per suffragia populi creabantur Episcopi, & ejusdem populi libidine deijcebantur, lapidabantur, res plena erat tumultus & cadis interdum: itaq; res ipsa persuasit, ut penes paucos & certos homines*



mines, esset jus eligendi Episcopos. *Quid multis? si Paulus hodie viveret, non improbaret opinor presentem Ecclesia statum. Jam ante multo sapientius Augustinus: Insolentissima est insania, disputare an faciendum sit, quod universa observat Ecclesia. Solum hæreticorum est, judicium suum anteferre judicio universalis Ecclesiæ.*

## C A P U T X I.

*Utrumne Carolus M. habuerit supremam potestatem in convocandis et moderandis Conciliis?*

**U**trumque asserit Nisanius, ex communi hæreticorum odio in Pontifices & Episcopos, tam simul injurius in religiosissimum Imperatorem Carolum M. cui hæresin suam affingit, quam impudens in mentiendo. Ita enim scribit: *Carolus M. non solum habuit jus in convocandis Conciliis provincialibus, sed etiam in œcumenicis.* Deinde quæ altera pars est hujus assertionis: *Carolus, inquit, sicut habuit supremam auctoritatem indicendi Concilia, ita & moderandi; & quod consequens esse vult, etiam judicandi, tanquam supremum Ecclesiæ caput: nam eò potissimum refert, quæ tot corruptis Conciliorum, & tot falsis scriptorum testimonijs, hic more suo accumulatur. Possem ego uno Caroli M. testimonio omnem hanc mendaciorum machinam evertere: Nam in Capitulis ab Hadriano Papa per Ingilramum Mediomatricum Episcopum ad Carolum M. missis, (tom. 18. Concil. General.) & à Carolo M. per universam Franciam promulgatis, receptisque, can. 13. qui deinde canon lib. IV. addit. cap. 12. à Carolo approbatus, in eo ita Carolus: *Nullus Episcopus, nisi Canonicè vocatus, & in legitima Synodo suo tempore Apostolicâ auctoritate convocata, cui jussione Domini, & meritis B. Petri & Apostoli singularis congregandorum Conciliorum auctoritas, ac sanctorum Canonum, ac venerandorum Patrum decretis, multipliciter privata tradita est potestas; si aliter præsumptum à quibuslibet fuerit, in vanum deducatur**

LL 3 quod,

quod egerint. Vides, ut hîc Carolus singularem auctoritatem congregandorum Conciliorum quorumcunq; non Imperatori, sed Apostolicæ sedî tribuat, & mox causam hujus rei reddat: *Quoniam*, inquit, *eadem sedes, testante veritatis voce, Præmum obtinuit; nec prima diceretur, si aliam super se haberet: quæ est etiam caput omnium Ecclesiarum, à quo omnes sumpsertunt originem: Præmum enim non Synodalibus, aut aliquibus commentis meruit institui, sed Domino largiente, qui ait: Tu es Petrus, & super hanc petram ædificabo Ecclesiam meam.* Tam multa ex Capitularium libris, & Scriptoribus coacervas, quare hoc Caroli testimonium suppressis, in quo Catholica est Caroli M. confessio, & jugulum tuæ hæresis? Sed nunc singula quæ adfers expendamus.

I. Concilia de quibus agis, alia sunt *Oecumenica* sive *generalia*; ad quæ vocantur totius orbis Episcopi, quibus præsidet Pontifex, aut alius ejus nomine. Ea Oecumenica Concilia, quæ legitima habentur, cum postremo Tridentino, octodecim fuere. Alia deinde *Nationalia*, ad quæ conveniunt Archiepiscopi, & Episcopi unius regni vel nationis, quibus præest Patriarcha vel Primas, quæ subinde etiam *Universalia* vocantur, non tamen absolute, ut *Oecumenica*. Alia sunt *Provincialia*, ad quæ conveniunt tantum Episcopi unius Provincie, atque his præest Archiepiscopus seu *Metropolitanus*; & hujus generis multa sunt in tomis Conciliorum. Alia *Diocesana*, in quibus tantum conveniunt Prælati & Presbyteri unius Episcopatus; atque ijs præsidet Episcopus suæ diœcesis. His positis:

II. Falsa est assertio Nifanij, Carolum M. habuisse supremam potestatem convocandi *Concilium Oecumenicum*, in coque *supremam auctoritatem* moderandi & judicandi exercuisse: cum ejusmodi *Generale Concilium* nullum sit habitum Carolo vivente, præter *Nicanum II.* Anno 787. de cultu Imaginum, adversus iconomachos, & iconoclastas: atque id *Concilium* cum *Nicaea* sit convocatum, celebratum est in *Orientali* imperio, Constantino & Irene imperantibus. *Suprema illa potestas* convocandi Carolo M. attribui non potest, in alieno Imperio: quando inter cæteras causas, quare ex auctoritate & consensu Pontificis simul communicata sit potestas convocandi Concilia, hæc erat: quod in Imperiali aliqua urbe id fieri oportebat, ad quod Imperatoris hîc consensus requirebatur, & ipsi Imperatores pro bono Ecclesiæ & concordia religionis id peterent; &

rent; & huic Concilio Oecumenico, ut tu fingis & somnias, non præfedit Constantinus, aut Irene mater ejus scœmina, sed Hadrianus Pontifex per Legatos & Vicarios: ut statim primâ actione, & in fronte Concilij exponitur, & in septem actionibus repetitis, qui etiam ante Tharasium Constantinopolitanum Patriarcham collocantur. Aut tu ergo mendaces, aut Concilium falsitatis damnari debet. Accedit, quod post ccccl. Episcoporum nomina, qui cum Tharasio Constantinopolitano Patriarcha interfuerunt, memorentur præsentibus fuisse Petronius Proconsul, Theophilaſtus Comes Imperialis, & Joannes Regius quæstor ærarij militaris. De Imperatore Præsede præfente, ut tu fingis, nulla mentio.

III. Principium, quod Nifanius hîc cum suis, ex suâ hæresi statuit, falsissimum est: docent enim à primo Concilio Nicæno, Imperatorum fuisse convocare Concilia, ijsque pro supremâ in Ecclesiâ potestate præsidere, & sententiam ferre de rebus fidei: idcirco id etiam Carolo M. attribuendum esse. Rationes quoque primam partem evidentes sunt.

I. Ex scriptura: Christus in cælum ascensurus non Tiberio Cæsari, sed Petro, ejusque Successoribus commisit gubernandam Ecclesiam, pascendasque oves, Joan. 21. *Pasce oves meas.* Quas inter oves, etiam *Cæsares & Principes* comprehenduntur, ut SS. Patres, & res ipsa docet: non igitur *ovium* est congregare *Pastores*, sed Pastorum oves. Hinc Azorius p. 2. lib. 5. c. 10. certi juris esse docet, penès Imperatores & haec nulum esse jus & auctoritatem convocandi Episcopos, vel ad generale, vel ad provinciale Concilium, tractandique res fidei & morum, ut dist. 96. can. 1. & seqq. dist. 17. c. 2. habetur. Quidquid verò Imperatores hac in re fecere, id totum auctoritate & consensu Romanorum Pontificum est factum, 2. q. 5. c. *Mandastis.* Quando etiam ipsi Imperatores à Romano Pontifice Concilia petebant ad hæreses comprimendas, uti ex Bellarm. Baronio, Azorio, alijsque Ecclesiasticis Scriptoris discere potes.

II. Ejus est indicere Concilium Oecumenicum, qui potest ex toto Orbe, pro amplitudine spiritualis jurisdictionis & potestatis, congregare omnes ad Concilium generale; id verò non est in potestate Imperatoris, quæ nunquam totum orbem Christianum complexa est: idque maxime valet, postquam Imperium divisum est in Orientale & Occidentale. Sanè Caroli M. potestas, non ultra Occidentis Imperium se extendit, nec per omnia quidem regna Occidentis, ut Hispaniæ, Angliæ, Scotiæ, Hiberniæ,

Hiberniæ, ex quibus tamen regnis Episcopi ad Concilium generale convocandi erant. Deinde si Imperatorum hoc est, etiam hoc Imperatricum erit, quales Pulcheria & Irene, cum solæ imperarent, fuere. Quam verò absurdum sit, dicere Christum suas oves mulieri commississe pascendas, pro supremâ in Ecclesiam potestate. Capax est mulier jurisdictionis politicæ, non tamen Ecclesiasticæ & Spiritualis. Ecce, quò vos hæresis vestra adducit?

III. Primatis est convocare *Nationalia Concilia*, Archiepiscopi *Provincialia*, Episcopi *Diocesana*; ut pòst vel ex ipsis Caroli M. decretis ostendam: Ergo Pontificis erit, pro supremâ potestate in totum orbem Christianum, convocare Oecumenica Concilia. Id si Imperatori permittitur, etiam Regi in regno suo, Duci in provincia, & Magistratui civili in suo territorio permittendum erit: quòd sanè inauditum est in Ecclesia; quantumvis tu multa in hanc rem facta Regum in speciem adducas, ut ex Imperatore Pontificem, ex Rege Primate, ex Duce Archiepiscopum, ex Principe vel Consule Episcopum, in sanâ metamorphôsi efficias.

IV. Id asseritur in Concilio *Nicano*, *Constantinopolitano*, *Lateranensi*, Pontificum veterum decretis, & SS. Patrum sententijs, de quibus fusè Bellarminus, alijque scriptores.

Contrà Nifanius nobis adducit multa Concilia Oecumenica, quæ referuntur ab Imperatoribus congregata, in quo tota ejus farrago scriptiois versatur: nec aliud ferè adfert, quàm quod Calvinus, Magdeburgenses, alijque hæretici scriptores attulere, ex quorum scriptis hæc ejus rapsodia est. Verùm hæc Bellarminus, alijque jam satis refutarunt; nec ultra evincunt vestra argumenta, quàm quòd auctoritate Pontificis aliquando concessum sit Imperatoribus, convocare Concilia; idque ob has causas: tum quòd Imperatoria lex adhuc valeret, quæ prohibebat conventus fieri sine Imperatoris auctoritate; tum quòd in aliquâ Imperatoris urbe conventus ille Episcoporum fieri deberet; tum quòd multi sumptus & subvectiones Episcoporum poscebantur Imperatorum liberalitate. Quemadmodum Constantinus M. tempore Concilij *Nicani*, omnes Episcopos suis sumptibus aluit. Demum etiam Principibus ob has aliasq; causas permissum non modo convocare Concilia, sed ijs quoque interesse, ut suâ auctoritate securitatem præstarent, & quæ in Concilij



cilijs decreta erant, juvarent, quò expeditius ad effectum venirent. Quò spectant illa, quæ tam inani plausu refers de Carolomanno, Caroli M. patruo, de Pipino Rege, atque de ipso etiam Carolo M. sed de his infra agendum explicatius. Tandem desine è scrutario foro antiquas & putridas merces venales exponere. Hæc quæ adfers, centies recocta, centumq; libris explosa sunt.

Unum ego vicissim à te audire vellein, an in vestra Lutherana Ecclesia Concilium Oecumenicum & generale convocari possit? quælia tam multa legis à Spiritu S. congregata in Ecclesia Catholica; dummodo intelligas, quid sit Oecumenicum Concilium? ad quod primò requiritur, ut Ecclesia illa, in quâ convocatur, sit Catholica & universalis, seu Oecumenica; quod de vestra ecclesia Lutherana nunquam præstabitur.

Secundò, ut qui convocat Concilium illud, habeat potestatem convocandi Episcopos ex toto orbe Christiano; nec illud præstare potestis. Imò nec Regem aut Principem sæcularem potestis exhibere, qui pro suâ potestate *nationale Germanie Concilium* convocare possit.

Tertiò, ad Concilia celebranda requiruntur Episcopi, qui iudicium munere fungantur: hinc in omnibus Conciliis illa Episcoporum multitudo, nec ullum unquam Concilium sine Episcopis fingi potest. Apud vos Lutheranos autem, ne ullus quidem verus Episcopus cum potestate Ordinis & jurisdictionis repertus est. Hinc defectu jurisdictionis, ne Concilium quidem diœcesanum apud vos convocari & haberi potest: quapropter nec à vobis ulla Ecclesiæ legitima ordinatio, minus verò certa in controversijs fidei decisio fieri potest. *Spiritus enim Sanctus posuit Episcopos regere Ecclesiam Dei.* Meræ Lamæ, Nisani, apud te habitant, quæ domi cæcæ, foris omnia videre; carpere, & corrigere volunt.

Quartò, altera quoq; pars tuæ assertionis, quâ Carolum M. & cæteros ante ipsum Imperatores, cum *Calvino* Conciliorum præfides & iudices facis, falsissima est. Constat id primò, ex Concilio Apostolorum Act. 15. in quo Petrum præfuisse affirmat D. Hieron. epist. ad Augustinum, cujus sententiam cæteri secuti sunt: Eò & in hoc Concilio forma cæterorum præscripta est. Secundò, ex eminentiâ & amplitudine potestatis, quâ Christus Petro & successoribus oves suas pascendas commisit, Joan. 21. Tertiò, ex traditione & praxi Ecclesiæ, quæ hic certa re-

M M

gula

gula esse debet. Hinc Baronius & Bellarminus octo Concilia prima generalia introducunt, ostenduntque in singulis Pontificem Romanum per Legatos iisdem præfuisse; qui primo loco confederint, qui primi sententiam rogati, & primi ante alios Patriarchas & Episcopos subscripserint: exceptâ Constantinopolitanâ II Synodo, quod eo tempore Damasus Romæ Concilium celebraret, & tam Orientis, quam Occidentis Episcopi, junctis animis Macedonium, Spiritum S. abnegantem, condemnarent. Hæc tu, cum scire deberes, fallaciter prætermittis. Cur autem Pontifices non per se, sed per Legatos præfederint, (maximè in Concilijs Orientalibus,) causas varij varias adferunt, quas apud Bellarm. leges. Falsum igitur, quod scribis, quædam Concilia, (si quidem de Oecumenicis id intelligas,) sine omni præsentia Romani Pontificis esse celebrata: falsum quoque quod scribis, Turrecremâtam lib. 3. c. 11. asserere, in octo primis Concilijs nullum Papam præfuisse. Nam etsi per se non interfuerit Pontifex, interfuit tamen & præfedit per Legatos, quod Turrecremâ negare non potuit.

Quod verò multo minus Imperatores & Reges, cum laici sint, Judices in Concilijs esse possint, in quibus causæ fidei & morum tractantur, & deciduntur, per se notum est: Non enim *Spiritus S. posuit Imperatores, sed Episcopos regere Ecclesiam Dei*, Act. 20. Hinc soli illi in Concilijs Judices, quæ communis Patrum & Theologorum sententia est. Non hanc auctoritatem Constantinus M. sibi vendicavit unquam, quam tu Carolo M. affingis: Nam ille in Concilio Nicæno, quod primum Generale fuit, palàm professus, se ab Episcopis debere judicari, ijsque subiectum esse, Rufinus lib. 10. cap. 2. nec ausus sedere nisi in humiliore, quam Episcoporum esset, sede, & annuentibus Episcopis, Theodorëtus lib. 1. c. 7. & post omnes demum Episcopos subscripsit, ut testis est Basilii Imp. in fine Synodi VIII. Quin Hosijs Apostolicæ sedis Legatus in eo Concilio, scribere ausus Constantino: *Ne nobis in hoc genere præcipe, sed ea potius à nobis discere: tibi Deus Imperium commisit, nobis ea, quæ sunt Ecclesiæ, concedidit.* Athan. in 2. Apol.

Pòst, ubi Constantius Imperator, & Ariana hæresis propugnator, primas sibi partes vendicavit in Concilio; objecere se Episcopi Catholici, quos inter Athanasius Apologia 2. *Si iudicium Episcoporum est, quid cum eo habet commune Imperator?* Et Hosius Episcopus de eodem: *Quis*

*enim*

enim videns eum in decernendo principem se facere Episcoporum, & iudicis præsidere Ecclesiasticis, non merito dicat: illum hanc ipsam esse abominationem desolationis, quæ à Daniele prædicta est? Et quid hoc aliud est, quàm Antichristum dixisse? aut quis alius spiritus vester, quàm hujus hæretici Imperatoris exemplo, tollere supremam in Ecclesijs Pontificum & Episcoporum potestatem, & ad politicos Principes transferre? Quam in rem recole ea, quæ supra ex Conciliorum, & SS. Patrum judicio sunt allata, de Primatu sedis Apostolicæ.

Adversus hæc non aliud profert Nifanius, quàm Imperatorum ac Regum exempla, qui Concilij aut per se, aut per suos Legatos interfuere, id quod nemo Catholicorum negat: cum non ut Præsides & Judices, sed ut defensores, adjutores, testes, & conscij decretorum adessent; ut transgressores & contumaces pœnis corporalibus punirent. In quo etiam temporalis potestas subordinata est Ecclesiasticæ: sunt enim Reges custodes legis divinæ, non interpretes & iudices; uti Augustinus docet Epist. 48. Epist. 50. & 166. Et patet ex L. *Cunctos populos*, de summâ Trinitate & fide Cathol. & toto titulo de hæreticis, eodem Codice. Nec aliud professi sunt Constantinus M. Theodosius, Martianus, Valentinianus, cæterique Christiani Imperatores, quorum exemplis Carolus M. toties se profitetur defensorem & tutorem Ecclesiæ.

At cætera, quæ hic attexit Nifanius de Concilio Trullano, seu Quinisexto, prorsus frivola sunt: cum Concilium illud inter illa sit, quæ partim reprobata, partim probata sunt; quæ super re Bellarm. c. 7. Turianus lib. de VI. Synodis, Baronius, & alij. Quemadmodum & alia Concilia prorsus sunt reprobata; quale est Constantinopolitanum sub Leone Isauro, & Constantinopolitanum sub Constantino Copronymo, utrumque verò iconomachorum fuit adversus sacras Imagines abolendas. Hisce ac similibus Concilij præsidere potuerunt Imperatores hæretici, quia pseudosynodi fuerunt hæreticorum: quales & vestræ fuerunt Synodi, in quibus tantum potestatis habent Reges & Principes vestræ religionis, quantum vos Superintendentes & prædicantes: quando apud vos nulla est vera Ecclesia, nec potestas sacra, nec spiritualis jurisdictio. Dicimus enim cum Cypriano, Epist. 6. *Schismaticos & hæreticos nihil habere juris & potestatis in Ecclesia*: inde profanorum & laicorum conciliabula sunt, non Concilia Episcoporum.

MM 2

Unde

Unde denuo unum hic mirari subit, & reponere tibi. Legis enim tot Concilia generalia, tot Nationalia, tot Provincialia, à primo Nicæno in Ecclesia esse celebrata per Orientem & Occidentem, per Asiam, Africam, & Europam, quæ tot Conciliorum tomis continentur: ac nullum ex his Concilijs legis sine Episcoporum conventu, eorumque decretis & subscriptionibus. Hinc in omnibus Concilijs legis nomina *Episcoporum* subscripta, in nullo verò nomen *Superintendentis*, vel ut alij apud vos vocari volunt, *Superattendentis*; nullum *Prædicantis* nomen subscriptum legis, sed ubique *Episcopi* nomen, & locum Sedis & diœcesis Episcopalis. Jam verò dum vestras synodos revolvō, cum primis quæ *Wittenbergenſe concilium*, quod vos Lutherani *generale* dicitis, *CCC paſtorum*, præſide *Luthero*, anno MDXXXVI. congregatum; in eo nullum ego *Episcopum* reperio, sed tantummodò *Prædicantem*, & *profanam maritorum & patrum* turmam. Par est ratio de synodo *Dordrechtanâ*, quam *Calvinista* rigidiores, & *Gomoriſta* congregarunt adverſus *Arminianos*, molliores & meliores Calvinistas. In hac synodo, quam *Nationalem* illi esse volunt, nullum denuo *Episcopum* reperio, præter unum ex Anglia, qui tamen nec ex Calvinistarum, nec Puritanorum, sed Protestantium Anglorum secta fuit *ſcenicus Episcopus*. Quæ ergo infania hujus sæculi, contra omnem antiquitatem, consensionem, & veritatem orbis Christiani, Concilia sine Episcopis celebrare? Sanè præſci hæretici, quos inter Arianis, Donatistæ alijque, in hoc genere multo conformiùs cum antiqua Ecclesia, multoque ſapientiùs, & tolerabiliùs se offerunt, quòd apud eos Concilia Episcoporum reperiantur; cum ne ullum quidem Episcopum vos repræſentetis, vel ex nomine etiam Episcopi, quod simul cum potestate Ordinis & Jurisdictionis ab ortu Lutheri proſcripſiſtis. Quam nunc Ecclesiam apud vos esse credam, quando *Spiritus Sanctus poſuit Episcopos regere Ecclesiam Dei*? Nisi ut ſupra præſcos etiam hæreticos inſanire vos dicam. Adeo enim sine Episcopis Ecclesia eſſe non poteſt, ut Cyprianus dixerit: *Ecclesiam eſſe in Episcopo, & Episcopum in Ecclesia*. Ut vel hic Episcoporum defectus, nullam apud vos Ecclesiam veram unquam fuiſſe, certò convincat. Similia hic deberes expendere, qui tot fallacijs & mendacijs Catholicis illudere quæris perperam adductis Conciliorum locis, qui pro *Episcopolarum Superintendentis* induiſti, & *Doctorem te venditas*, cum *impoſtor ſis*.

## CAPUT XII.



## C A P V T XII.

*Carolus M. falsò Francofurtensis Concilij Praeses, et  
Iudex à Nifanio asseritur.*

**P**RÆter Concilia *Generalia*, quæ Carolo M. Rege & Imperatore sunt habita, alia *Nationalia*, alia *Provincialia*, alia *Diocesana*, alia *mixta*. Expendamus ordine singula.

Ad *Nationale* referamus Concilium *Francofurtense*; quamvis propriè *Nationale* non fuerit, quòd in eo conveniant Archiepiscopi, & Episcopi uniùs regni vel nationis, quibus Patriarcha aut Primas aliquis praesidet: nam & hujus muneris esse convocare Archiepiscopos, & Episcopos ad hæc Concilia, docet Augustinus Epist. 217. & Concil. Afric. c. 22. Neque ullus in Francofurtensi Concilio Primas exprimitur, à quò Concilium illud indictum sit. Convenere autem jussione Pontificis & Caroli M. Archiepiscopi & Episcopi Germaniæ, Galliæ, & Aquitaniæ: inde Suarez lib. 3. defens. Cath. c. 27. Binius, alijque inter *Provincialia* potiùs referunt. Sed de hoc contentio non sit: demus *Nationale* fuisse, certè *Generale* non fuit, ut falsò obtendunt hæretici.

I. Quæstio est, an Caroli M. solius auctoritate congregatum sit? & an in eo Carolus supremum judicem egerit? quod hic Prædicans contendit. Res ita se habet: Elipandus Toletanæ Ecclesiæ in Hispania Episcopus, ut hæresis suæ virus, de filio Dei adoptivo, per Galliæ & Germaniam diffunderet, scripsit ad Carolum M. rogando suam sententiam Theologis examinandam proponi: addidit ejusdem argumenti literas ad Galliæ Episcopos. Carolus his literis acceptis, quibus argumenta hæresis exposuerat Elipandus, transmisit exemplar ad Hadrianum Pontificem, missâque semel atque iterum legatione Romam ad Pontificem, rogat, ut ad Synòdum suo hortatu in Germania hac de causa celebrandam Pontifex perscriberet, quid de ipsa Elipandi nova doctrina sentiret. Hadrianus petitioni Regis obtemperans, Elipandi doctrinam discussit:

M M 3

quam

quam cum hæreticam invenisset, scripta ad Galliarum & Hispaniarum Episcopos epistolâ, hæreticam doctrinam declaravit, & anathematis sententiâ condemnavit. Uti hæc in epistola Caroli M. ad Hispaniæ Episcopos, & actis Concilij Francofurtensis tom. 20. Concil. Parisiens. edit. fusè exponuntur.

Hic primum tua fraus apparet, qui Carolum nobis ex Catholico in Lutheranum transformare vis. Nam cum causa fidei hic ageretur, Carolus eam ad sedem Apostolicam retulit, & Pontificis judicium expectavit. Facitisne hoc vos Lutherani, quibus nullum judicium magis execrabile, quàm Romani Pontificis? Carolus deinde hac super re Concilium Episcoporum à Pontifice decerni petijt. Quid Lutherus, quid vos Lutherani magis per omnium ludificationem subterfugistis, quàm ne nova Lutheri doctrina, judicio Concilij & Episcoporum subijceretur? Carolus postquam Elipandi hæresim à Pontifice damnatam accepit, judicio Pontificis acquievit, & nihil sollicitius habuit, etiam bello Saxonico tantisper dilato, quàm conventum Episcoporum accelerare, ne hæresis illa per Galliam & Germaniam serperet, quam in fomite suppressam voluit: secus quàm Germani Principes, qui Lutheri doctrinam in tot malorum Iliades aluere.

II. Post acceptam Hadriani Pontificis epistolam, ejus consensu congregata est Synodus Francofurti ad Mœnum, anno Christi 794. sive per Carolum, ut Francorum annales memorant; sive per Legatos Apostolicos, quos Carolo & Concilio adfuisse dicimus, parum id refert. Id verò falsissimum est, dum Carolum Regem solùm præsedisse Concilio refert, ut Imperatoris potestatem, supra Pontificis Legatos Apostolicos, & Episcopos in Concilij attollas: quamvis eodem tempore tum nondum Carolus Imperator esset: ergo non potuit pro Imperatoriâ dignitate id sibi vendicare. Deinde scribis, congregatam Synodum *precipiente & præsidente piissimo Rege Carolo*. Quod verbum, *Præsidente*, in Concilio non legis.

Hinc altera fraus tua est, quam manifestè ostendo ex *Canone primo Concilij*, quo ita Synodus præfatur & testatur: *Conjunctibus Deo favente Apostolicâ auctoritate, atque piissimi Domini nostri Caroli Regis jussione, anno XXVI. Principatus sui, cunctis regni Francorum seu Italia, Aquitania, Provincia Episcopis, ac Sacerdotibus Synodali Concilio; inter quos*

quos ipse mitissimus, sancto interfuit conventui. Viden', ut Synodus ipsa, Apostolicam auctoritatem conjungat cum jussione Regis ? eamque primo loco colloget, & Caroli præsentiam post Episcopos ponat, quorum in Concilio primæ partes sunt ? Secundò Concilium dicit : *mitissimum regem inter fuisse*, non verò *præfedis* : Quod ex cerebro tuo commutas. Nisi idem apud te sit interesse Concilio, & *præsidere*. Quare hæc verba Canonis & præfationis, non integrè & syncerè recitas ? nisi quia more tuo & hæreticâ fide agis ; omittendo ea quibus hæc tua in ipso limine falsitas retegatur.

Deinde si annales Francorum consulas, *Præses* Concilij non Carolus sed *Apostolici Legati*, ita enim illi : *Adfuerunt etiam in eadem Synodo Legati Romani Pontificis, Theophilactus ac Stephanus Episcopi, vicem tenentes ejus, à quo missi erant, Adriani Papa*. Ita præterea Adelmus, Ado, cæteri que Francorum scriptores. Prorlus ad illum modum Conciliorum, quo Romani Pontificis Legati Concilij Generalibus interfuerunt, & præfederunt : ut vel eò, quidam hanc *Francofurtensem Synodum*, ad Generales referant. Urges interim ex epistola Synodica Episcoporum ad Elipandum, & Hispaniæ Episcopos, quâ Patres fatentur : *Affidente & auxiliante sibi Carolo, præcepisse Carolum libellum adferri in medium, & prælegi mandasse* Elipandi argumentum : hinc inferis, Carolum *præfedis* Concilio. Quid hic dicis ? est ne *affidere*, & *auxiliari* in Concilio, *agere Præsidem* Concilij ? Næ tu mirus interpret es ! neque ex eo quod interfatus Carolus, jusserit libellum ad se scriptum legi, *Præsidis* munus conficitur : cum id pro *auctoritate Regis* fecisse PP. velint, non ex imperio *Ecclesiastici Præsidis*, cujus se incapacem sciebat Carolus. Tam frivolis argumentis causam vestram agitis.

III. Tertia, (quam hic committis,) fraus est, quod Carolum M. hujus Concilij supremum judicem asseras ; id ex ipsâ Caroli epistola nobis persuadere vis, in quâ ita scribit Carolus : se ab Elipando rogatum esse, *ut per semetipsum arbiter esset sue per Epistolam scriptam sententia, de adoptivo Dei filio*. Ad quæ ita denuo Carolus : *Ecce ego vestris petitionibus satisfaciens, congregationi Sacerdotum Auditor & Arbiter assedi, decrevimus, & Deo donante decrevimus, quid esset de hac inquisitione firmiter tenendum*. Ex his Nifanius infert : Ergo Carolus Rex in Concilio Francofurtensi fuit *supremus judex* inter Episcopos & Sacerdotes.

Quasi

Quasi idem *auditor & arbiter* in Concilio, etiam sit *judex* cum jure suffragij decisivi. Admittuntur ad Concilia *Generalia, Nationalia, & Provincialia*, Presbyteri, Clerici, Monachi, laici; non ideo jus suffragij decisivi habent, quod Episcoporum est. Theologi adeo non ut Judices, sed Consultores interfunt Concilijs. Et tu judicium, quod Episcoporum est, hic in rebus fidei Regi laico, ante Pontificis Legatos, & Episcopos, & Sacerdotes tribuis; ipsum verò Episcoporum judicium, in quo se Carolus fundat, & quod in eadem Epistola perferibit Elipando, & Hispaniæ Episcopis, hic tu fraudulenter pro more tuo, & genio hæresis tuæ, omittis & suppressis: ideo res poscit, ut hoc loco recitemus. Itanem Carolus in eadem Epistolâ: *Idcirco vobis per singulos libellos dirigere curavimus, quid prædictorum Patrum pia unanimitas & pacifica perferentia auctoritate Ecclesiastica inveniret, statuisset, & confirmaret.*

*Primò, quid Dominus Apostolicus cum sancta Romana Ecclesia, & Episcopis illis in partibus quaquaversum commorantibus, & Catholicis Doctoribus sentiret, sub unius libelli tenore statuimus.*

Deinde ponit, quid Ecclesiastici Doctores & Sacerdotes Ecclesiarum Christi, de propinquantibus Italia partibus, cum Petro Mediolanensi Archiepiscopo & Paulo Foro-Julianensi, vel Aquilejanensi Patriarchâ, viris in Domino valde venerabilibus, intelligi & firmiter credi voluissent, suis proprijs responsionibus exaratum libellum posuimus; quia ipsi quoque presentes nostro Synodali conventui adfuerunt.

Post hæc tenet & tertius libellus Orthodoxam Sanctorum Patrum, Episcoporum, & virorum venerabilium fidem, qui in Germania, Gallia, Aquitania & Britannia partibus, dignis Deo deservivnt officijs, vestrisque objectionibus sanctarum Scripturarum testimonijs roboratas obtinet responsiones. Hæc sedis Apostolicæ, hæc Episcoporum judicia, quibus Carolus subnixus, non ut horum *Præses* aut *judex*, sed consentiens *auditor & arbiter*, suam quoque sententiam subjunxit, in hæc verba:

Dein quarto loco mea propria unanimittis cum his sanctissimis prædictorum Patrum decretis, & Catholicis statutis Consensum subnexui, sicut vosmetipsi in vestra epistola, quam meo specialiter assignastis nomine, rogare curastis. Tanquam diceret: post Episcoporum judicium, non necessarium fuisse suum consensum & arbitrium subnectere, nisi id specialiter Elipand-

Elipandus rogasset. Hinc cum Epistolâ Hadriani Pontificis, cum libello sacrosyllabo Episcoporum Italiæ, cum Synodica epistola Episcoporum Galliæ & Germaniæ, Epistolam suam quoque Carolus ad Elipandum & Hispaniæ Episcopos conjunxit.

Sed instat Nifanius, adducitque ex libello sacrosyllabo hæc Episcoporum verba: *Cum jubente Rege, publicâ voce recitata fuisset*, epistola videlicet Elipandi ad Carolum, *statim surgens venerabilis Princeps de sellaregia, stetit supra gradum suum, ac locutus est de causâ fidei prolixo sermone, & adjecit: Quid vobis videtur?* Hic verò Nifanius, sublato plausu, *Egregium*, inquit, *presidentia & directionis argumentum!* Imò verò egregius tu impostor es, qui ex eo, quod Carolus Rex se Episcoporum subjecit judicio, supremum Concilij *Praesidem & judicem* falsò tuis persuades: cum Praesidis & judicis sit in suis Concilij ferre sententiam, deinde primò subscribere, uti Legati Pontificis, & cæteri ex suâ ordinis dignitate & sessione fecerunt. Quin dum Carolus ad Episcopos inquebat: *Quid vobis videtur?* fatis ostendit se id omnium judicio Episcoporum tribuere.

Unde tu hic denuò deliras. Fundamentum enim Catholicorum, asserentium penès Episcopos esse judicium decisivum in Concilij, tibi subvertendum erat, quod illi multis revincunt ex Scriptura Act. 20. Eph. 4. Joan. ult. Jerem. 3. Deinde ex Concilij, & consuetudine Ecclesiæ, quæ est optima Scripturarum interpret. Nam in omnibus Conciliis ab Apostolorum tempore celebratis, hic ordo servatus, ut soli Episcopi fuerint iudices, unde ante omnes etiam subscripserunt. Hinc ex Chalcedonensi Concilio, Clerici, Monachi, & laici expulsi, paucis exceptis, quos Episcopi secum duxerant. Et cum in eodem Concilio pro Dioscoro Monachi & laici ingressi essent, Patres exclamarunt: *Mitte foras superfluos, Concilium Episcoporum est.* Hæc & Patrum sententia, Cypriani Epist. ad Jubai. Hilarij lib. de Synod. Ambrosij Epist. 32. Russini lib. 10. hist. Athanasij Epist. ad solit. vir. agent. Horum una vox Concilia Episcoporum esse. Nec aliter Christiani Imperatores ac Reges sensere, quibus vos hæretici tribuitis potestatem, quam illi nunquam agnovere, neque affectarunt. Quocirca Theodosius junior Imperator Epistola ad Ephesinam Synodum: *Illicitum est enim, qui non sit in ordine sanctissimorum Episcoporum, Ecclesiasticis immisceri tractatibus.* Uti hæc

N N

supra

supra ex Constantini M. & Theodosij senioris, & Valentiniani Imperatorum exemplis retulimus. Imò verò, cum Carolus M. id Constantini M. suum esse voluerit, Capitularium lib. 6. c. 301. *Mihi homini constituto, de hujusmodi rebus non licet habere auditorium Sacerdotum* : quod est Sacerdotum causas dijudicare : Quomodo quis sibi persuadere poterit, Carolum M. sibi supra omnes Episcopos in causa fidei iudicium sumpsisse ? idque in tam subtili quaestione, quæ de filio Dei adoptivo agitabatur. Igitur etsi auditor arbiterq; rerum gestarum assederit, non tamen iudex cum suffragio decisivo : quemadmodum Act. 15. *Convenerunt Apostoli & seniores videre de verbo hoc* : Apostoli videlicet, ut iudices ad definiendum, Presbyteri ad consultandum, plebs & laici ad audiendum : ita Episcopi in hoc Concilio ad decidendum, Doctores quos Carolus ex Britannia ob id vocavit ad consultandum, cæteri ad audiendum. Proinde, cum Episcopi ejus Synodi, sententiam suam perscriptissent Elipando ut *Judices*, Carolus ad eundem scripsit ut Synodi *protector & defensor*.

At scio, vestra est hæresis, omnem potestatem Ecclesiasticam, & jurisdictionem spirituales tollere ex Ecclesia; & unam tantum potestatem statuere in politico Principe, qui *Sacra* juxta, ac *Civilia* administret, decernatque, seu per se, seu per ministros suos. Hinc supremum iudicium rerum Ecclesiasticarum vobis est penes Reges & Principes, & Magistratus politicos : hinc etiam illa confusio in vestra Lutherana ecclesia, ut tot sint ritus diversi, & tam multiplex religio, & tam variæ sectæ, quàm hæc politicus Princeps vult esse diversa. Quàm verò ordinata & pulchra *Hierarchia* in *Catholica Ecclesia* ? quod vel ex hoc Francofurtensi Concilio recognoscere : dum ad Pontificis iudicium sese Patriarchæ, Archiepiscopi, Episcopi, Sacerdotes & Doctores, unâ cum Carolo Magno, tanquam ad unius machinæ rotam commovent, ne vel in uno dogmate Elipandi hæresis, concordiam religionis dissolveret : hæc formâ regendi cœpit, crevit, & stetit ad hunc diem Catholica Ecclesia.

## CAPUT XIII.

## C A P V T XIII.

*Concilia Provincialia ac cætera, quæ falsò supremæ  
Caroli M. auctoritati attribuuntur.*

**D**E his ita pronuntiat Nifanius : *Carolus M. in suis provincijs, quas vel armis subegit, vel hereditate adierat, nulla habita Pontificis Romani ratione, regis auctoritate convocavit, & constitutiones in illis factas confirmavit.*

Id ut probet, adducit I. Concilia, quæ Carolomanno & Pipino Rege sunt habita in Germania. Secundò ea Concilia, quæ Carolo Rege & Imperatore celebrata sunt. Verùm nullus huic Prædicanti, calumniandi mentiendique aut modus, aut finis. Ordiamur à primo. Concilia, quæ Carolomanno Caroli patruo, & Pipino Rege sunt habita, tria fuere, eaque auctoritate Pontificis Gregorij, per D. Bonifacium sunt celebrata; quòd is per Germaniam Legatus Apostolicus renunciatus, ad Cleri populique mores formandos, Episcoporum Synodos pernecessarias duxerat, earumque convocandarum potestatem à Pontifice impetrarat, adjuvante cumprimis, & præsentè etiam Carolomanno ferventissimo Principe, à quo deinde acta decretaque Episcoporum haud secus, quàm à Pipino Rege sunt approbata, eorumque etiam auctoritate accedente sunt vulgata in publicum: quòd in contumaces & transgressores, etiam manus politicæ opis præstò esset; nihil interim jurisdictionis superioris, vel Carolomannus, vel Pipinus Rex in ipsos Episcopos, aut Episcoporum Synodos sibi sumpsit. Uti hæc omnia ex Epistolis Bonifacij ad Pontifices, & Pontificum ad Bonifacium, & Carolomannum, & Pipinum Regem, tum ex actis Synodorum planum est; multisque hæc refert Serrarius in Moguntina historia, & Sirmondus, alijque in Concilijs: uti & à nobis suprà factis est relatum de Bonifacio, lib. I. cap. 14. & 20.

Inter Concilia Provincialia, quæ Carolo M. Imperatore sunt habita, quinque cumprimis celebriora memorantur, quæ Anno Christi

NN 2

DCCCXIII.

DCCCXIII. per regnum Franciæ, ante supremum annum vitæ Carolus probavit congreganda, ad Cleri populique mores constituendos. De his ita Francorum Annales, seu Eginardus in Chronico: *Concilia quaque jussu ejus super statu Ecclesiarum corrigendo, per totam Galliam ab Episcopis congregata sunt, quorum unum Moguntia, alterum Remis, tertium Turonis, quartum Cabillone, quintum Arelate congregatum est: & constitutionum quæ in singulis factæ sunt collatio, coram Imperatore, in illo conventu habita.* De his Concilijs Annales Francorum, Pithæus, Adelmus, Regino, cæteri que scriptores, uti hæc extant in tomis Conciliorum.

Quam in rem primò advertendum, cum provincialia hæc fuerint Concilia, non indiguisse Carolum Pontificis auctoritate, quòd in Metropolitanorum potestate sit, ejusmodi Concilia convocare, præsidere cum Episcopis, leges sancire: id cum ex communi Theologorum sententia, & praxi Ecclesiæ certum sit, tum ex ipsis Caroli legibus evidens: Ita enim constitutio Caroli ex Cap. Aquis, *Episcopi cum Metropolitanis bis in anno Concilia celebrent.* In eadem constitutione: *Ad Metropolitanum Episcopum Suffraganei Episcopi respiciant.* Lib. 6. Capitularium, cap. 252. *Placuit definiri, ut paternis institutionibus obsequentes, in Metropolitanâ sede, tempore quo omnes comprovinciales elegerint, Pontifices ad Synodum faciendam devotis studiis conferantur.* Similia habes lib. 6. Capitularium c. 87. lib. 7. c. 81. lib. 7. c. 775. In Capitulari Caroli anno regni xi. *Metropolitanis suis Suffraganei Episcopi secundum Canones subiecti sint.* Igitur tota potestas in convocandis hisce Concilijs, judicandisque rebus sacris penes Metropolitanum & Episcopos fuit, non Regem aut Imperatorem.

Secundò advertendum, in hujusmodi Concilijs tempore Caroli & Regum Francorum, consuetum fuisse simul tractare quæ ad Civilem politiam, & populi mores spectabant: valuitque id cum primis in Vernalibus & Autumnalibus Synodis per singulos annos convocatis, quarum Francica historia & Caroli M. vita plena est; quæ ob id etiam mixtæ Synodis appellantur, & ordinariæ fuerunt, còque Regum potestas in ijs convocandis partem sibi vendicabat.

Forma ac modus harum Synodorum in Moguntino Concilio, (quod xxx. Episcoporum & xxv. Abbatum fuit) traditur, in quo & horum conventuum ordo per tres classes, in hunc modum accuratè prescribitur.

*In*



In prima turma confederunt Episcopi, cum quibusdam notarijs legentes atque tractantes Sanctum Evangelium, nec non Epistolas & Actus Apostolorum, Canones quoque ac diversa sanctorum Patrum opuscula, Pastoralemq; librum S. Gregorij, cum ceteris sacris dogmatibus diligenti studio perquirentes, quibus statum Ecclesie Dei, & Christiana plebis profectum, sanâ doctrinâ & exemplis justitie inconvulsam, largiente gratia Dei, persicere & conservare potuissent. In alia verò turma, confederunt Abbates ac probati Monachi, regulam S. Benedicti legentes, atq; tractantes diligenter, qualiter Monachorum vitam in meliorem statum atq; augmentum, cum gratia Dei, perducere potuissent.

In tertia deniq; turma sederunt Comites & Judices, in mundanis legibus decertantes, vulgi justitias perquirentes, omniumq; advenientium causas diligenter examinantes, modis quibus poterant justitias terminantes. Quanquam in Moguntina Synodo sub Rabano Archiepiscopo, non nisi in duas turmas & ordines, Episcopi & Abbates confederint, intermissâ tertiâ secularium hominum classe; ut constat epistolâ Synodi ad Ludovicum Germaniæ Regem.

Synodo huic Moguntinæ præfedit Hildebalduſ sacri palatii Archiepiscopus, Ricolphus, & Arno Archiepiscopi, unâ cum reliquis Coepiscopis, atq; Abbatibus, & cetero Clero: primus Colonienſis, secundus Moguntinus, tertius Salisbutgenſis Archiepiscopus ac Metropolitanus erat. Nec prius Synodum in Claustro S. Albani exorſi, quàm cum Litanijs triduanum jejunium celebrassent ex jussione & præscripto Augusti, divinam implorando clementiam. Ita Arelatenſis Synodus præſide Joanne Arelatenſis Ecclesie Archiepiscopo, & Nebridio Narbonenſis ſedis Archiepiscopo; Rhemenſis, præſide Vulfario Rhemenſis ſedis Archiepiscopo. Ad hunc modum Turonenſis Synodus, & Cabilonenſis, sub ſuis Archiepiscopis & Metropolitanis congregatæ, celebratæque ſunt, Carolo in nulla harum præſente. Singularum interim acta ad Carolum relata, facta que illa de qua Francorum annales, collatio. Quo in genere non aliud ſibi munus ſumpſit Carolus, quàm deſenſoris & adjuutoris; ut ea, quæ decreta erant, rogaratque Carolus decerni, ejus quoque præſidio & auxilio ſicubi opus eſſet, executionem haberent.

Multa ex his Concilijs conati ſunt afferre in medium hæretici Anglicani ſcriptores, ad aſſerendum Regis Primatum in Eccleſiam: quem-

ad Romanæ Ecclesiæ normam, quam in matrem omnium Ecclesiarum dicebat, conformatum voluit. Hoc instituto vita Cleri populiq̃ue, ad Lutheri tempora, per Saxoniam constituta mansit: modò omnia inversa per hæresin vestrā. Id facillè cognoscet is, qui Capitularia & constitutiones Caroli Magni, qui Synodorum decreta revoluerit. Imò qui vel quinque hæc postrema Concilia, quibus Carolus M. jam senex regnum & imperium à se bene constitutum relinquere voluit, secum pervolverit: perpenderitq̃ue, quæ decreta Clero, Monachis, sacratis Deo virginibus, & populo præscribuntur; videbit is, nonnisi umbram quandam antiquæ religionis, quæ Carolo M. vigit, apud vos Lutheranos superesse.

## C A P U T X I V.

*An Carolus M. supremam potestatem sibi sumpserit, exercueritque in ordinandis Ecclesiis, et ferendis legibus Ecclesiasticis?*

**A**sserit id Nifanius: nec veritus hanc quoque calumniam aspergere religiosissimo Imperatori, ad patrocinium hæresis suæ, quæ supremam jurisdictionem tam in temporalibus, quàm Ecclesiasticis, suis defert Regibus, & Magistratui politico. Ita enim primò: *Quemadmodum penes Carolum fuit ordinare Rempub. civilem Rome alijsq̃, in locis; ita quoque Ecclesiasticam: semper enim sibi reservavit Primatum in Ecclesiasticis, quoad jurisdictionem exteriorem.* Hinc tuæ falsæ propositioni nihil deest, nisi ut *Carolus M. Imperatorem & simul summum Pontificem* pronunties, aut schisma Anglicanum hæresinque illam transmarinam, in Germaniam introducas, spoliando Pontificem & omnes Episcopos suâ jurisdictione. Sed quàm falsa hæc tua sit assertio, jam tot libris, contra *Primatum regum* scriptis, confutatum est: ideo hîc supersedeo. Si quid in te ingenij aut doctrinæ est, refelle

Beca-

Becanum, aut Suarez, aut aliquem ex innumeris Theologis, qui adversus hunc fictitium Primatum scripserunt. Interim id unum adfers ex Eusebio lib. 4. c. 24. de Constantino M. quod is Episcopus allocutus dixerit: *Vos estis Episcopi in Ecclesia, ego extra Ecclesiam seu templum Episcopus à Deo constitutus sum.* O te insipidum interpretem ejus dicti! si enim Episcopi in Ecclesia sunt, quos Spiritus S. posuit regere Ecclesiam Dei; ergo jurisdictionem non modò internam sed & externam habent. Nam regere est actus jurisdictionis externæ. Quin ex ipso Constantino te refellam. Magnus ille Imperator, teste Rustino lib. 1. hist. in Concilio Nicæno, cùm judicium inter Episcopos recusaret, palàm dixit: *Deus vos constituit Sacerdotes, & nobis à Deo dati estis judices, & conveniens non est, ut homo judicet Deos; sed ille solùm de quo scriptum est, Deus stetit in synagoga Deorum, in medio autem Deos dijudicat.* Quid ad hæc dicis? nunquid judicare est actus jurisdictionis externæ? quem sibi in Episcopos, (quia simul sacræ erat jurisdictionis,) non est ausus vendicare Constantinus M. Haud secùs quàm Theodosius M. Valentinianus, cæterique Imperatores ac Reges Christiani, palàm toties professi sunt. Quorum exemplo, Carolus M. Pontifici & Episcopis plenam potestatem regendi, judicandi, & ordinandi Ecclesias reliquit, uti id suprâ satis superque relatum est. Et quâ fronte audes inscribere, Carolum M. Romæ ordinasse Ecclesiasticam Rempublicam? qui Apostolicam sedem ut matrem, & magistram veneratus; qui Adrianum Pontificem ut Patrem, & Pastorem universalis Ecclesiæ coluit; qui Leoni, ut Vicario Christi, omnia detulit; qui & Romanam Ecclesiam, ut exemplar in omnibus proponendam censuit, ad quam cæteræ Ecclesiæ per Franciam, & Germaniam formarentur, uti hæc toties memorata sunt. Quid ergo illud Constantini sibi vult? Potestne Episcopus esse extra Ecclesiam? Imò, quod Episcopi sunt Pontificali, id Imperator est Imperiali potestate: ut quod illi jurisdictione sacrâ ordinant, id Imperator politica jurisdictione tueatur, & conservet. Eò defensor Ecclesiæ, & per analogiam improprie Episcopus dici potest. Quid hîc mysterij, quod tyro non capiat?

Altera Nisanij propositio de legibus sic habet: *Carolus M. præter leges civiles etiam Ecclesiasticas plurimas promulgavit; tum enim nondum exibi persuasum erat, solis Pontificibus datam esse ferendarum Ecclesijs legum potestatem: unde in rem Ecclesiæ Canones colligi fecit ex Conciliorum,*

OO

veterum

*veterum Patrum & Pontificum sententiis, usus operâ Albini & Paulini Aquilegensis Episcopi.* Hic tu denuo deliras in Carolo M. Id vel unica ratio tibi ostendat. Quicumque fert Ecclesiasticas leges, in eo debet esse potestas Ecclesiastica & jurisdictio spiritualis externa; at hæc in Carolo M. non fuit; ergo nec leges Ecclesiasticas tulit, nec ferre potuit. Hæc enim extra sphaeram potestatis politicæ sunt, quæ solum fert leges Civiles: Potestas verò ferendi leges Ecclesiasticas in Ecclesia penes Pontificem & Episcopos est. Quâ super re inter innumeros alios Bellarminus lib. 4. de Pont. c. 15. 16. 17. Imò has ipsas Caroli leges, quæ à te adferuntur, dicis fuisse Pontificum & Conciliorum veterum: quomodo ergo Caroli, ut non sint Pontificum & Conciliorum? Imò idèd Caroli, quia Pontificum & Conciliorum fuere: neque suâ auctoritate Carolus M. eas leges denuo præscripsit, sed aut Pontificis, aut Episcoporum: ob id tot Synodi Episcoporum convocatæ celebratæque. Certum enim est, Carolum M. ab Hadriano Pontifice accepisse librum Canonum sacrarum, quæ Capitula vocantur Hadriani, ex Græcis & latinis Canonibus, tum ex Synodis Romanis ac Pontificum Romanorum decretis collecta, & in lxxx. leges digesta: quæ, uti Consilio Hadriani sunt transmissa per Ingilramum Metensem Episcopum; ita ejusdem auctoritate, aut Episcoporum acceptata sunt. Et Caroli intererat promulgare, quodd multa contineantur de immunitate Clericorum, alijsque, quæ scire oportebat ejus judices & ministros. Pari modo selecta Caroli M. Capitula Ecclesiastica, quæ habentur tom. 20. Concil. non tam suâ auctoritate, quàm Episcoporum promulgavit. Ita enim Cap. I. Carolus de se: *Quapropter nos unâ cum consensu Episcoporum nostrorum, Abbatum, nec non aliorum Sacerdotum, hac instituta partibus nostris direximus.* Hæc Capitula ad judices, Vassos, Vicarios, Centenarios, ac Mislos, sunt transmissa, de honore & justitiâ Sacerdotibus præstandâ. Idem est de Capitulari Caroli anno imperij ejus 13. edito, post quinque Synodos celebratas; quo tantum promulantur selecta Capitula, quæ Episcopi in unum congregati decreverant.

Obijcis cum Conringio, & scribis: *Ejusmodi leges Ecclesiasticas in alijs etiam Conventibus, ac Synodis à Carolo latas, quibus non tantum laici sed & Clerici, Sacerdotes, Episcopi, adeoq. Pontifices ipsi paruerunt, & parere coacti sint.* Addere & Monachos eodem modo poteras.

Et Sy-



R. Synodi sub Carolo celebratæ, vel purè Episcoporum & Sacerdotum fuerunt, ut Francofurtenfis, & si quæ aliæ: in his nihil à Carolo decretum, nec ab eo ulla lex lata, sed ab Episcopis id factum est, qui Conciliorum sunt iudices, & in his legislatores. Unde ut decreta fidei, ita & morum decreta, quæ ad disciplinam Cleri aut Monachorum pertinent, ab Episcopis statuta sunt. Vel *mixta* fuerunt *Synodi*, ad quas secundum tres ordines conveniunt Episcopi cum Sacerdotibus, Abbates cum Monachis præstantis doctrinæ, ac tertiâ classe Comites, iudices, cæteri que Regis administri, uti supra ex Concilio Moguntino pluribus relatum est, convenerunt: & in his Synodis quia mixtæ fuerunt, latæ sunt leges Ecclesiasticæ pro Clericis & Monachis, ab Episcopis & Abbatibus: ac simul leges Civiles per Comites & iudices, jurisque consultos pro laicis & populo, quales potissimum fuere Synodi Vernæ & Autumnales, bis in anno ex veteri instituto Regum Francorum habitæ; & in his primas partes habuere Archiepiscopi, & Episcopi: quemadmodum ex ijs delecti, *Missi Domini* ad placita & publica judicia habenda, uti hæc ex tot Francorum scriptoribus discere poteras. Nullas in his denuo leges Ecclesiasticas Carolus præscripsit Clericis aut Monachis, quod ad id nullâ potestate jurisdictionis Ecclesiasticæ præditus esset; id Carolus melius de se intellexit, quam vos illi affingitis: qui de rebus nostris sacris haud aliter, quam Ethnici olim de Christianis judicabant. Et quia vos Novatores finxistis vobis & constituistis Rempublicam, in quâ omnis & unica potestas est penès sæculares Principes, & politicos Magistratus: hinc ex vestro cerebro & hæresi nobis formare vultis Ecclesiam, & Carolum per caput & collum trahere in vestras partes, risu magis quam refutantis calamo digni.

Objicis 2. in legibus Francorum lib. 3. c. 67. præscribitur à Carolo: *Episcopi, Abbates, Comites, & potentiores quique, si causam inter se habuerint, nec se pacificare voluerint, ad nostram venire jubeantur presentiam.* R. malè, nec integrè pro dolo tuo, citas hanc legem: extat enim lib. 3. Capitularium c. 77. *de justitia intra patriam facienda.* Hinc continenter additur: *Neque illorum contentio alicubi dijudicetur, ne propter hoc pauperum, & minus potentum justitia remaneant.* Agitur igitur de Civilibus causis, non Ecclesiasticis: in quibus si Episcopi & Abbates, & Comites in *Synodis* aut *placitis* convenire non possint, remit-

tantur ad iudiciū Regis. Vides præterea Episcopos, Abbates, & Comites simul fuisse iudices in publicis illis Conventibus, & placitis; atque hoc ipso iurisdictionem Civilem etiam exercuisse: tantum abest ut hic iurisdictionis externa & Spiritualis Episcoporum à Carolo (quod vos facitis,) proscribatur.

Obijcis 3. legem lib. 4. Capitularium c. 69. quæ præscribit Carolus: *ut omnis Episcopus, Abbas & Comes exceptâ infirmitate in nostrâ iussione nullam excusationem habeat, quin ad placitum Missorum nostrorum veniat, aut talem vicarium mittat, qui in omni causa pro illo rationem reddere possit.* R. rursus perperam citas legem, est enim LXXI. deinde ubi Carolus scribit, exceptâ infirmitate & *vestrâ* iussione, tu in *nostrâ* iussione ponis. R. 2. nihil hoc est contra iurisdictionem Episcoporum, sed totum pro Episcoporum potestate, quæ illis in causis Civilibus etiam cognoscendis & dijudicandis commissâ fuit à Carolo M; ut una cum Missis Dominicis ad placita, mallos & iudicia publica venirent iudices, perinde ut Comites ex officio tenebantur. Aut non intelligis hæc, aut totus ex fraudibus confusus es. Si Capitularia hæc legisti? quare non addis legem 69. lib. 4. quæ ita præscribit Carolus: *Ut Missi nostri, qui vel Episcopi, vel Abbates, vel Comites sunt, quamdiu prope suum beneficium fuerint, nihil de conjecto accipiant.* Viden', ut Episcopi summum illud munus publicum pro Vicaria Regis potestate exercent? Quare non addis legem LXX. quæ sic habet: *Ut Vassi nostri, & Vassi Episcoporum, Abbatum & Abbatissarum, & Comitum qui anno præsentem in hoste non fuerint, heribannum revadant.* Ergo tum Episcopi & Abbates habuerunt suos Vassallos & ampla feudorum bona. Lege LXXIII. præscribitur à Carolo M. dispensa Missorum Dominicorum: Dentur videlicet Episcopo panes XI. Friscingæ III. de potu modij tres, porcellus unus; pulli tres, ova XV. annona ad caballos modij quatuor: similiter Abbati & Comiti assignatur. Hic denuo ex publicis impensis publicum Episcoporum munus legis: quemadmodum enim in Synodis leges ferebantur per Episcopos, Abbates & Comites, ita per hosce Missos Dominicos legum executio in provincijs ordinata erat à Carolo. Hunc in modum intellige, quod eadem fraude ex vitâ Ludovici Pij adfers: *Statutum erat, juxta antiquum morem ut ex latere Imperatoris mitterentur, qui iudiciorum exercentes potestatem justitiam omnem populo facerent.* Atqui inter hos apud Carolum

rolum M. & Ludovicum Pium primi erant Episcopi & Abbates, ministri iustitiæ: ut ex omnibus fere Caroli M. legationibus & iudicijs recognosces; cum primis in Leonis Pontificis causa, quod Ecclesiastica esset, in supremo Vicario Christi læso.

Tertia propositio Nisanij, quam in prolegomenis habet §. 12. *Non adstrinxit Carolus M. homines sibi subiectos ad humanas constitutiones, traditiones, ad hæc vel illa ingenij commenta, ad hujus vel illius Pontificis decreta, sed ad scripturam Canonicam.* Primo. Quomodo hæc coherent cum altera tuâ propositione paulo ante relata? in qua doces Carolum Ecclesiasticas leges sanxisse: quam in rem Canones veterum Conciliorum & Pontificum collegerit, ut vere fecit Carolus. Itane immemortui, ut hanc antilogiam scriberes? 2. Si his legibus Ecclesiasticis, nec Clericos, nec Monachos, nec laicos adstringi voluit, quorsum ergo tot leges quibus Synodorum acta, & libri Capitularium pleni sunt? an in speciem & ludibrium, & vexationis gratia hæc Carolus fecit? aut cur tam severæ multæ ac pænæ constitutæ in transgressores, quæ passim in Synodis & Capitularium libris leguntur? An dicere vis, nullas leges humanas, sive Civiles illæ sint, sive Ecclesiasticæ, non obligare in conscientia? & contra Scripturam, Concilia Patrum, & Sapientum doctrinam, atque ipsam rationem pugnas? utraq; enim lex tam Civilis quam Ecclesiastica, si iusta sit, obligat: quod obligatio sit de natura legis, ut Bellarm. lib. 4. de Pontif. c. 16. & lib. 3. de laicis c. 11. fult, & cum eo innumeri scriptores docent. 3. Augustana vestra Confessio passim, cum primis c. 7. de Potestate Ecclesiastica, & Apologia de eadem, nihil magis damnat, quam traditiones, & leges illas Ecclesiasticas: quod si verum est, quid Carolo M. cum tot legibus Ecclesiasticis, quibus Synodorum acta, Capitularia & Capitularium libri pleni sunt? Aut tu cum Augustana tuâ Confessione insanis, aut Carolus M. insanijt, qui has leges ex Conciliorum veterum decretis, Pontificum scitis, & Patrum statutis, & quidem ab ipso Hadriano Romano Pontifice accepit, promulgavitque per Archiepiscopos & Episcopos, ipsque Clericos, Monachos, & laicos adstringi voluit.

Dicis, Carolum M. nullam legem sanxisse, quæ non in Canonicâ Scriptura contineatur: Quid ergo dices de legibus, quibus Sacrificium Missæ, œcelibatus Sacerdotum, vota Monachorum & Sanctimonialium, & totum illud vitæ genus tot legibus sancitur? quid de Primatu Petri, &

Pontificis potestate, de unctione Episcoporum, & Sacerdotum, de Clericorum vita, & immunitate Clericorum & bonorum Ecclesiasticorum, de invocatione Sanctorum, cultu Imaginum, Ecclesiæ carimonijs, de Quadragesimæ jejunio, sub pœnâ etiam capitis sancito. Quid de festis diebus B. Virginis, Apostolorum & Sanctorum, alijsque compluribus? Admittisne hæc in Scriptura contineri? Si admittis, Lutheranus non es; si non, certe Carolus Lutheranus non fuit, à quo tot legibus hæc præscripta & confirmata sunt. Hic totum tuum Cerebrum eversum est: aut fallunt nos omnes Synodi, Capitularia, Capitularium libri, & constitutiones Caroli M. religiosissimi & sapientissimi Imperatoris, à quo Saxonia cum hoc cultu religionis ad Christi sacra traducta est: falluntque nos omnes Episcopi, Sacerdotes, Monachi, Cæsares, Reges, Principes & majores nostri, qui ut hæc à Carolo acceperunt, ita ad vestram usque hæresin per Saxoniam coluere. At vos Lutherani, nunquid in singulis vestris Ecclesijs habetis præscriptas leges de Ordine Ecclesiæ? sed unde hæ leges? ex qua Scriptura? ex qua potestate? aut quis Angelus de cælo alium vobis Ecclesiæ ordinem in Dania, alium in Saxonia, alium in liberis Imperij urbibus præscripsit? Hic tu Prædicans primum domi habites.

## C A P U T XV.

*Lutherani Prædicantes ex principiis à se positis, nullam habent jurisdictionem Ecclesiasticam, nec aliam in suâ Ecclesia; quam non Urbanus prætor habeat, aut mulier etiam habere poterit.*

**H**Ætenus de potestate Sacerdotali actum, & cum primis de jurisdictione Ecclesiasticâ Spirituali; nunc reflectenda quæstio in ipsos Lutheranos: videndumque, quænam inter ipsos statuatur potestas gubernandi Ecclesiam.

Quo in genere id primum principium ponunt, unam tantum esse potestatem à Deo datam in Republica Christiana, quâ Civilia & Ecclesiastica simul administrantur, eamque non apud Ministros Ecclesiæ suæ, sed apud Reges, Principes & Magistratus politicos esse. Hinc præscripta

extra



extra Ecclesiam omnis jurisdictionis Spirituales & exterior, quam Catholici omnes Pontifici & Episcopis asserunt; id cum primis ex Apostolo Paulo ad Romanos c. 13. confici volunt: *Omnis anima potestatibus sublimioribus subdita est, non enim est potestas nisi à Deo, quæ autem sunt à Deo, ordinata sunt, itaq; qui potestati resistit, Dei ordinationi resistit.* Hic inquirunt, ubi tantum secularis potestas traditur ab Apostolo, quæ penes Politicos Principes resideat. Similiter, inquirunt, 1. Petri 2. *Subjuncti estote omni humane creature propter Deum, sive Regi tanquam præcellentem, sive Ducibus tanquam ab eo missis ad vindictam malefactorum, &c.*

Respondent Catholici, hanc Pauli sententiam generalem esse, nec restringi ad potestatem secularem, sed de omni potestate, in genere loqui, sive illa secularis sive Ecclesiastica sit: cum utraq; à Deo sit, illa mediata, hæc immediata: ac multo sane illustrius potestas Ecclesiastica in Scriptura continetur, quam politica Principum: cum Christus non propter temporale regnum, sed spirituale, quod est Ecclesia, immutandum & ordinandum venerit in mundum. Vel eo dixit: *regnum meum non est de hoc mundo*: qui tamen regnum Ecclesiæ, & in eo *Regale Sacerdotium* instituit. At inquirunt: *Apostolus subdit, non sine causa gladium portant*, ergo de seculari potestate hic agit. R. Apostolum de eâ expressius quidem postea loqui, quod eo tempore Christiani seditionis & rebellionis traducerentur auctores inter Ethnicos, non tamen hoc loco excludere Ecclesiasticam jurisdictionem, quam 2. Cor. 13. Hebræ. 13. 1. ad Timoth. 5. ad Titum c. 2. explicatius ante alios Apostolus tradit. Imò dum dicit: *Omnis anima potestatibus sublimioribus subdita est*; primo jurisdictionem Spiritualem designat, quæ omni Regum & Principum potestate seculari altior & sublimior est, uti supra relatum est. Et quis prudens existimare potest, dum Apostolus Ethnicis etiam Regibus obediendum docet, voluisse tum illos capita Ecclesiarum in suis regnis constituuisse? itaque respectivè obedientiam commendat, & cum partitione accommodat, tam erga politicos, quam Ecclesiasticos Magistratus. Neque Apostolus sibi ipsi contradicere potuit, dum Act. 20. apud Lucam in actis Apostolorum dixit: *Spiritus S. posuit Episcopos regere Ecclesiam Dei*. Par est ratio de S. Petri testimonio allato, nam dum dicit: *Subjuncti estote omni humane creature*; intelligitur, de omni creaturâ potestatem habente. Quapropter explicat S. Bernardus in Epist. 183. ad Conradum Imperatorem:

torem: *Legi, inquit, omnis anima potestatibus sublimioribus subdita sit; quam sententiam cupio vos custodire in exhibenda reverentia Petri Vicario, sicut ipsam vultis ab universo servari Imperio.*

Propius nunc accedamus ad ipsum Lutheranorum dogma, audiamusque quid Augustana confessio doceat; ea sic habet cap. VII. de potestate Ecclesiastica: *Sic autem sentiunt, nostri videlicet Lutherani, Potestatem Clavium seu potestatem Episcoporum, juxta Evangelium potestatem esse seu mandatum Dei, prædicandi Evangelium, remittendi & retinendi peccata, & administrandi Sacramenta: nam cum hoc mandato Christus mittit Apostolos, sicut me misit Pater, ita & ego mitto vos.* Hæc prima illorum professio: Potestatem à Christo datam vertere in mandatum, idque ad duo tantum restringere, Prædicationem verbi, & administrationem Sacramentorum. Quasi vero mandatum, quo Episcopi mittunt ad docendum Pastores & Sacerdotes, non sit actus jurisdictionis Spiritualis; aut quasi potestas Ordinis eadem sit cum potestate jurisdictionis externæ, de quâ hic agitur. Sed planius eadem confessio subjungit suam doctrinam: *Cum igitur de jurisdictione Episcoporum quaritur, discerni debet imperium ab Ecclesiastica jurisdictione: porro secundum Evangelium, seu ut loquimur de jure divino, nulla jurisdictio competit Episcopis ut Episcopis.* Et tamen mox subjungit: *Episcopis competit cognoscere doctrinam, & doctrinam ab Evangelio dissentientem rejicere, & impios excludere à communione Ecclesiæ:* quasi vero judicare de falsâ doctrina, quod maximè in Concilijs fit, & deinde hæreticos atque impios excludere, & per anathemata ejicere è cœtu fidelium, non sit actus jurisdictionis externæ & Spiritualis; quæ duo nulli Cæsari aut Regi conveniunt ex politicâ potestate. Quam crassa & cœca hæresis Lutherana! jurisdictionem Episcoporum damnat, & simul asserit. Quæ Augustana confessio, eadem multis Apologia proficitur cap. postremo de potestate Ecclesiastica; quam non aliam asserunt, quam potestatem quandam Ordinis apud se circa Ministerium verbi, & duorum Sacramentorum: Nam pœnitentia & remissio peccatorum ad quam etiam extendunt potestatem suam, non jam amplius Sacramentum est apud illos, sed annuntiatio tantum remissorum per specialem fidem peccatorum: quanquam nec ipsa cœna in re ipsâ apud illos Sacramentum, cum Sacerdotes non sint ritè ordinati, cum potestate conficiendi Sacramentum illud. Matrimonium etsi verum & propriè dictum Sacra-

Sacramentum sit, Lutherani tamen Sacramentorum numero excludunt. Igitur tota potestas relinquitur apud illos circa Baptismi Sacramentum, quod etiam mulier æquè valide administrat quàm Prædicans. Verbum Dei quod docent, id ex nullâ potestate missionis administrant, cum nec ordinariè nec extraordinariè missi sint: hinc non nisi corruptum etiam est verbum Dei; habetque mulier eandem potestatem: quia nullam habent prædicantes, nisi quam à Politico Magistratu aut Principe sæculari in speciem acceperunt. Ecce in quantas angustias contraxistis vestræ Ecclesiæ potestatem Ecclesiasticam, & quales populi impostores estis; qui omnia sacra & divina ex thesauro Ecclesiæ sustulistis, ut ex omnibus Sacramentis non nisi Baptismus integer sit relictus. Sed nunc ad propositam de potestate & jurisdictione quæstionem procedamus, ex quâ ea quæ diximus clariùs patebunt.

Dogma vestrum hoc est: *Secundùm Evangelium, seu jure divino, nulla jurisdictio competit Episcopis.* Ratio vestra hæc est: quia una est tantum potestas & jurisdictio externa in Ecclesia, quæ solum est penès Imperatorem, Reges & Principes sæculares, ergo nulla alia relinquitur penès Pontificem, aut Episcopos. Ita quoque Nisanium sentire clarum est: quia Primatum Ecclesiæ tribuit Carolo M., quem per consequens omnes ab eo Cæsares, Reges, Principes, & Politici Magistratus intrinsecè conjunctam habent in suis regnis & provincijs. Verum hoc dogma quàm falsum sit;

Primò constat: Quia vel illam potestatem Ecclesiasticam habent intrinsecè conjunctam ex jure naturali, vel divino. Non jure naturali; quia hæc potestas est Spiritualis, ac supra naturam: quippe immediatè à Christo data, ut supra assertum, & longè altioris est ordinis, quàm ut ex jure naturæ deduci possit, aut humanâ etiam dispositione conjungi cum potestate politicâ Principum. Non etiam ex jure divino; quia tale jus ex auctoritate divina, aut ex principio aliquo revelato probandum esset, quod nullibi extat: cum omnia prorsus in contrarium huic dogmati repugnent. Obstat & finis utriusque potestatis, quando alia est beatitudo temporalis, alia supernaturalis hujus vitæ: Principum est curare ea, quæ ad temporalem beatitudinem; Sacerdotum quæ ad supernaturalem spectant. Ob quam causam in Ecclesia Christi Sacerdotium nunquam cum Regno conjunctum fuit. Neque etiam ex jure Canonico probari potest:

P P

tum

tum quia jus Canonicum ex jure divino derivatur, eique se conformatur tum quia jus Canonicum, ut & Patrum judicia supra relata, huic Principum præsumptioni omnino repugnant.

II Constat: quia si potestas Spiritualis esset in sæcularibus Regibus & Principibus, tot essent in Ecclesia supremi Pontifices Spirituales, quot sunt sæculares Reges & Principes; quod sanè absurdum est: cum Ecclesia Christi sit unum corpus mylticum, sub uno capite, & Vicario Christi visibili, sub quo Episcopi, & cætera Hierarchiæ membra. Id quia in nulla alia heterodoxorum Ecclesia invenitur, ubi tot capita Ecclesie, quot Reges & Principes: hinc illa sectarum multitudo, religionum diversitas, & credendi libertas. Neque unquam generale Concilium in ijs convocari potest, quo per supremam aliquam potestatem ministri verbi Dei, & populus in unam fidei concordiam componatur.

III Constat: nam si suprema potestas Spiritualis est in Rege, aut Principe sæculari, ergo Reges Christiani si velint, possunt per se ipsos exercere omnes actiones proprias Episcoporum, Sacerdotum, aut ministrorum verbi Dei, quales sunt ordinare Sacerdotes, offerre sacrificium, administrare Sacramenta, absolvere à peccatis, publicè docere verbum Dei, excommunicare, ferre censuras, & omnia per se ipsos præstare, quæ ad cultum divinum spectant: quod non minus absurdum, quàm inauditum est, tam in Christi Ecclesia, quàm Synagoga Hebræorum. Deinde posset easdem actiones sacras exercere mulier in Ecclesia, cum primis Reginæ & Principes scæminæ: cum hæ capaces sint omnis potestatis, quam Reges & Principes viri habent: quod etsi multo absurdius sit, id tamen ex principiis vestræ religionis sequitur, & permisit Lutherus.

At dicunt, ac distinguunt: Potest Rex aut Princeps sæcularis exercere omnes actiones, quas jurisdictio Spiritualis, non quas potestas Ordinis requirit: quales sunt apud Lutheranos, docere verbum Dei, & Sacramenta administrare, ordinare Ministros verbi Dei, absolvere, sive renuntiare absolutionem à peccatis.

Contra est: Potest Rex aut Princeps per se exercere actiones jurisditionis temporalis & Spiritualis, quas per Magistratus inferiores aut Ministros exercet: cur ergo non possit omnes etiam actiones per se exercere, quæ potestas Ordinis requirit? quando tam Prædicantes eorum, quàm



quàm cæteri politici eorum Ministri sua agunt ex communicatâ Principum potestate.

Dicitis: indecens esse, ut Princeps reos plectat per se gladio; pari modo indecens esse, ut per se administret quæ potestatis sunt Ordinis: at non hic quaeritur quid indecorum sit, sed quid possit fieri; imò quomodo indecorum, quod divini est muneris? quando Regum & Principum filij apud nos Episcopi & Sacerdotes, hæc Ordinis sacra munia obire, honorificentissimum habent: quia illa, quæ Christus & Apostoli fecere, ex officio obeunt.

Etratio à potiori urget hîc vos: quia Principes sæculares apud vos obeunt illa munia, quæ Episcopi ex potestate jurisdictionis habent apud nos: ergo & illa quæ Ordinis sunt, non erit indecorum obire per se; imò Episcopi hæc munia jurisdictionis exercent, quia potestas Ordinis in illis est per excellentiam: ergo si in uno Episcopi munus exercent per se in regendis Ecclesijs, in deputandis Ecclesiæ ministris, in præscribendis legibus sacris, & ordinandis cærimonijs, alijsque quæ jurisdictionis sunt Spiritualis: cur non in ijs etiam, quæ potestatis sunt Ordinis? cùm sæcularem hanc potestatem omnes in Ecclesia potestates consequantur, in eaque intrinsicè conjunctæ sint. *Non enim est potestas nisi à Deo, & quæ à Deo est, in solo Principe est, ut dicitis.*

Vel ergò hæc potestas ordinis est in Principe sæculari unà cum potestate jurisdictionis, vel non est: si est, ergo per se exercere potest. Si non est, unde ergò ad vos Prædicantes pervenit? sanè vel immediatè à Deo, quod ex nullâ Scripturâ, nec ullo Concilio, aut lege Ecclesiæ probabitur. Vel ergò mediatè per superiorem aliquam potestatem, quæ vos ministros verbi Dei & Sacramentorum constituit: hoc autem à Principe sæculari aut Magistratu politico per deputationem Ministrorum, ad vos pervenit: ergò in illis est hæc potestas: nam ordinationem, quæ ab Episcopis Catholicis fieri debet, rejicitis; & quæ per cærimonias in scènica ordinatione vestrà fit, illa nihil aliud confert, quàm quod habetis à superiore potestate Politici Principis. Inde consistoria illa vestra Ministrorum verbi Dei, tam dependent à supremo Principe sæculari, quàm Consistoria Ministrorum laicorum: utraque enim ab eo communicatam habent potestatem. Et si Regina aliqua regnum, aut Princeps mulier administret provinciam cum supremâ Regis & Principis potestate,

cur non etiam hæc omnia per se præstare poterit? Quis enim credat, inquit Suarez, sceminam posse esse caput Ecclesiæ, & non posse esse ministrum in ijs, quæ spectant ad cultum religionis & sanctificationem fidelium? Dicent: potestas Ordinis apud Lutheranos est in Prædicantibus, per ordinationem, quæ fit à Superintendente & Presbyterij præsentia, sed hoc ipso evertunt generalem suam assertionem, quod omnis potestas à Deo sit in Principe sæculari, nec alia extra illam sit, & per eam ordinata à Deo in ministros tam verbi Dei, quàm in laicos. Secundò, si hæc potestas ordinis est per ordinationem à Superintendente factam in conventu Presbyterij: Quomodo hæc apud vos Lutheranos sola est, ut non eodem jure sibi vindicent Calvinistæ à Calvino, Zwingliani à Zwinglio, alij ab alijs suæ religionis auctoribus? hic labyrinthum denuo ingrederis, ex quo nullus se Prædicans expedivit. Tertiò. Quàm hæc eorum responsio falsa sit, ostensum est supra de successione Apostolicâ. Verè enim Cyprianus lib. I. epist. 6. *Dicimus omnes omnino hæreticos & schismaticos nihil habere potestatis ac juris in Ecclesia Christi.* Quocunque te vertes, non nisi confusam apud vos Hierarchiam Ecclesiæ reperiēs, ex quo primùm ab Ecclesia Catholica recessistis: & quàm non confusa hæc in te ipso, qui scribis ministerij tui Lutherani potestatem accepisse te à Reformatæ religionis Principe.

IV. Ex vestris principijs sequitur, non modò apud Magistratus inferiores (maximè si liberarum imperij urbium, & immediati sint status,) sed etiam in ethnico Cæsare aut Rege, posse esse jurisdictionem Spiritualem. Ratio est: quia una tantùm est potestas apud vos à Deo data, quæ apud sæculares Principes residet. Atqui ethnici Cæsares & Reges tam perfectam habuerunt potestatem jurisdictionis, quàm Christiani Cæsares ac Reges; neque ex Scriptura probari potest, ad usum talis jurisdictionis magis necessarium esse Baptismum, quàm Episcopatum. Exempli causa: Constantinus M. priusquàm Christi fidem susceperet, habebat supremam potestatem temporalem: vel tum simul habebat jurisdictionem Spiritualem, & sic admittitur quod hîc inferimus, quod prorsus absurdum est: vel si Constantinus M. non habebat, profectò apud S. Sylvestrum Pontificem erat jurisdictio Spirituality, & Sylvester post baptismum Constantinum retinuit. Quis enim illam transmutationem & translationem, à Sylvestro in Constantinum effecit? aut quo verbo Dei id factum est,

Quæ est, ut Constantinus per solum Baptismum ex ove factus sit Pastor, & Prælatum Ecclesiæ obtinuerit, uti tu in Caroli M. fingis: quæ profecto incredibilia sunt. Igitur ut Constantinus M. solam temporalem potestatem habuit, ita transmisit ad posteros & consequentes Cæsares. Eadem est ratio in Regibus & cæteris Christianis Principibus. Nec sanè aliter credidit Carolus M., quod ex Epistola Hadriani Pontificis ad Carolum M. intelliges, quæ habetur tomo xx. Concil. Paris. ad finem Act. vii. Concilij Nicani II. Ita enim Pontifex ad Carolum M. *Evangelium scientibus liquet, quod voce Dominicâ sancto & Apostolorum Principi Petro, claves regni eorum, & totius Ecclesiæ cura commissæ est. Ipsi quippe dicitur: Petre, amas me, pascere oves meas. Ipsi dicitur: Ecce Satanas expetivit cribrare vos sicut triticum, & ego pro te rogavi Petre, ut non deficiat fides tua: & tu aliquando conversus confirma fratres tuos. Ipsi dicitur: Tu es Petrus, & super hanc petram ædificabo Ecclesiam meam, & porte inferi non prævalebunt adversus eam, & tibi dabo claves regni eorum, & quodcunq; ligaveris super terram, erit ligatum & in cælo, & quodcunq; solveris super terram, solutum erit & in cælo. Ecce cura ei totius Ecclesiæ & Principatus committitur, & ipse vices suas vicarijs suis Pontificibus relinquere dinoscitur, Ecclesiæ curam gerendi. Eadem docet Carolus lib. 5. Capitularium c. 163. multisq; in locis de Episcoporum potestate, de quibus infra agendum.*

Quid in hanc rem aut clarius scribi potuit à Carolo? aut quid aliud à Carolo M. creditum est? quem supra toties adduxi, in Pontifice venerantem Vicarium Christi & successorem Petri, expressisq; verbis ipsum Prælatum Ecclesiæ Romanæ asserentem. Quid enim illud in Capitulis per Ingilramum acceptis, & à Carolo promulgatis c. 23? *Salvo in omnibus Romanæ Ecclesiæ Prælatu. Rursum: Quoniam eadem sedes testante veritatis voce Prælatum obtinuit.* Eadem habes lib. 7. Capitularium c. 341. Ubi nunc ille Prælatum Ecclesiæ, quem Carolo M. attribuis? quem nec Carolus M. nec ullus ab eo Cæsarum, aut Regum Christianorum, aut Principum sibi vendicavit: aut orbis deliravit hætenus, aut Nifanius cum suis: qui everfa Hierarchia Ecclesiæ, omnem jurisdictionem sacram ad politicos Principes demum cum sua hæresi transtulit. Vastet, & exurat barbarus hostis totam Saxoniam, non tantum damni inferet, quantum hæresis intulit, sublata potestate Ordinis & jurisdictionis Spiritualis,

illa enim fortunatum sunt damna, hæc animarum: nec reparabilia, nisi reditu ad veram Ecclesiam. Non hæc mea sunt argumenta, sed Catholicorum Theologorum, apud quos explicatiùs hæc legere poteris, qui tantam Scriptorum turbam nobis ubique obtrudis.

## C A P V T X V I.

*De distinctione Episcopi et Presbyteri; ac primum, an Episcopus jure divino major sit Presbytero?*

**H**anc controversiam hîc multis movet Nifanius, asseritque Episcopum & Presbyterum, jure divino eâdem potestate Ordinis & jurisdictionis præditum esse. *Quanam autem hac in re Caroli M. fuerit sententia, inquit, non satis liquere. Nullum tamen dubium esse, quin cum Doctoribus sui sæculi senserit, quos nullum discrimen ait fecisse, inter Episcopum & Presbyterum. Sed quàm falsò hæc scribat ac doceat cum suis, paucis ordine exponemus.*

Nam I. falsam & hæreticam esse hanc Lutheranorum doctrinam, vel ex eo satis constat, quòd hæc eadem fuerit hæresis Aërij asserentis, nihil inter Episcopum & Presbyterum interesse, uti id referunt Epiphanius hæresi 75. & Augustinus lib. de hæresibus c. 53. quæ doctrina, cum damnata tum fuerit inter hæreses, satis hoc ad falsitatem Nifanij demonstrandam esse potest. Post Aërium hæreticum, qui hanc doctrinam primum inexit, teste Epiphanio, ut se ipsum consolaretur, quod Episcopus factus non esset, amplexus est Wiclefus hæresiarcha teste Thoma Waldensi lib. 2. art. 3. c. 60. & post illum Lutherani & Calvinistæ: nec alia magis ex causa, quàm quod nullos Episcopos nacti sint, qui cum illis defecerint, & novas illas hæreses probarent; seu quod nullos in Ecclesia sua Episcopos haberent, ad quos successionem quæ in potestate Ordinis & jurisdictionis consistit, referrent. Itaque novam Ecclesiam sine Episcopis, ex solis Presbyteris commenti sunt.

II. Igi-



II. Igitur Episcopum Presbytero tam potestate Ordinis, quàm jurisdictione majorem esse; idque jure etiam divino convenire Episcopo, definitum est in Concilio Tridentino Sess. 23. c. 4. idque ex ordinatione divinâ assertum. Hinc can. 6. & 7. *Si quis dixerit, Episcopos non esse Presbyteris superiores, anathema sit.* Multis hanc doctrinam Catholicam probat Bellarm. lib. 1. de Clericis c. 14. cæteri quæ Doctores ac Theologi apud Magistrum distin. 24. cum S. Thoma in 22. q. 184. art. 6. Sanè quod ad primum attinet de potestate Ordinis, res evidens est, non modo ex damnatione Aërij, sed communi SS. Patrum consensu: idque ex eò Patres asserunt, quòd solius Episcopi sit ordinare Presbyteros & Sacerdotes: ita enim Epiphanius hæresi 75. adversus hanc Aërij hæresin, quam furorem appellat: *Dicere ipsum Episcopum & Presbyterum æqualem esse, quomodo erit possibile ? Episcoporum enim ordo, Patrum generator est: Patres enim generat Ecclesia: Presbyterorum autem ordo non potens generare Patres, per lavacri generationem, generat filios Ecclesia.* Idem in Concilio Antiocheno c. 10. & Ancirano c. 12. præscribitur, idem Damasus Pont. in Epist. 3. idem Chrysostomus, Theodoretus, Theophylactus, Oecumen. in c. 4. & 5. primæ ad Timoth. docuit. Expressè Hieron. Epistola 85. ad Evagrium: *Quid facit Episcopus exceptâ Ordinatione, quod Presbyter non faciat ?* Ambrosius 3. in 3. c. ad Timoth. *Vique Sacerdos, inquit, Episcopus videlicet & Presbyter, sed Episcopus primus est, ut omnis Episcopus Presbyter sit, non tamen omnis Presbyter Episcopus.* Unde quemadmodum Episcopus ordinet, ostendit: neque enim fas erat, ut inferior ordinaret majorem, nemo enim tribuit, quod non accepit. Idem, si cætera etiam deficerent, Traditio, & consuetudo Ecclesiæ evincit: inauditum enim à Presbyteris ordinari Presbyteros, ac Sacerdotes, aut Diaconos, nedum Episcopos. Hinc ordinatio à Chorepiscopis irrita semper habita, uti Damasus Papa Epist. 3. de Chorepiscopis: *Vacuum & inane est, quicquid in prædicto Sacerdotis summi egerunt ministerio.* Agit verò de Chorepiscopis, qui Episcopi non erant consecrati. Nam quidam etiam veri Episcopi erant ordinati: haud secùs, quàm nunc titulares & Suffraganei Episcopi, & hi verè ordinant: quia veri Episcopi consecrati sunt. Postremum cum ordinatio Sacramentum sit, ut Calvinus adinstit, & Sacramenta omnia à Deo sint instituta, sequitur qui major est Ordinis potestate per Sacramentum collatâ, hunc quoque majorem esse divinâ institutione.

Sed

Sed his omissis, quæ enucleatè pertractata sunt ab innumeris scriptoribus, ad Carolum M. accedamus. Hunc autem Episcopum Presbytero majorem credidisse, triplici argumentorum genere probò.

I. Sub Carolo M. & majoribus ejus, Episcopi non aliter quàm à tribus vel duobus Episcopis ordinati sunt, nunquam à Presbyteris vel Presbytero assistente. Ita enim præscribit Gregorius III. Epistolà ad S. Bonifacium. *Quoties Episcopum consecraveris, duo vel tres conveniant tecum Episcopi*, tom. 17. Concil. Parisiens. Zacharias quoque Papa Epist. ad Bonifacium. *Si quos reperiat pseudosacerdotes, erroneos, simulatores sub nomine Episcoporum vel Presbyterorum, qui nunquam ab Episcopis Catholicis fuerunt ordinati, hos inter Satana ministros haberi & tractari jubet*, tom. 17. Concil. Paris. can. 9. epist. in Epist. Canonum ab Hadriano ad Carolum M. missa can. 1. sancitur: *Episcopus à duobus vel tribus ordinetur*. Rursum can. 2. *Presbyter & reliqui Clerici ab uno Episcopo ordinentur*. lib. 7. Capitularium 674. *Si necessitas fuerit, tres Episcopi, in quocunque loco sint, Archiepiscopi præcepto ordinare possunt Episcopum*. Prorsus hæc ex Caroli M. ætate vides, uti ordinatio Episcopi ab Apostolis in Canonibus, & Concilio Nicæno præscripta & inde toto orbe Christiano observata erat. Ad hunc modum in Concilio Francofurtensi can. 10. Gerbodus ab Episcopatu dejectus, quod nec Presbyter Canonicè ordinatus esset, nec deinde testes proferre posset ordinationis suæ in Episcopum. Rursum can. 22. sancitum: *ne Episcopi in villis aut vicis ordinentur*, in quibus tamen locis, non alij quàm Presbyteri ordinati constitutique erant Pastores.

Inter Capitula Ecclesiastica Caroli M. capite 3. tom. 20. Concil. Paris. lex lata de servis Dei, quibus castra sequi & cum exercitu in hostem ire concessum, idque illis tantummodo permissum: *Qui propter divinum ministerium, Missarum scilicet solemnia adimplenda, & Sanctorum patrocinia portanda ad hoc electi sunt, id est unum vel duos Episcopos, cum Capellanis Presbyteris Princeps secum habeat, & unusquisque præfectus unum Presbyterum, qui hominibus peccata confitentibus judicare & indicare penitentiam possit*. Id quod jam ante sub Carolomanno à D. Bonifacio statutum quoque erat, referturque etiam lib. 7. Capitularium c. 91. Quàm autem hic manifesta distinctio Episcopi & Presbyteri, quando Presbyteri etiam inter Episcopi Capellanos recensentur.

II. Epi-

II. Episcopi & Presbyteri distinctio manifeste est, ex ijs quæ de Chorepiscopis à Leone Pontifice consulto rescripta sunt ad Carolum M. & à Carolo M. pòst novâ lege sancita titul. 4. cap. 2. habenturque tom. 20. Concil. Paris. inter Caroli M. Capitula Ecclesiastica, & lib. etiam 7. Capitularium cap. 328. in hæc verba: *Placuit, sicut Leonis Pape & omnium Episcoporum nostrorum, ac reliquorum fidelium generali & Synodali consultu decrevimus, ut nullus Chorepiscopus per manus impositionem Spiritum tradere, aut Sacerdotes vel Levitas, aut Subdiaconos sacrare, vel virgines velare, aut sanctum Chrisma conficere, vel Ecclesias aut altaria sacrare, aut benedictionem in publica Missa populis tribuere presumat. Qua omnia summis Pontificibus, id est, Cathedralibus Episcopis debentur, & non Chorepiscopis, vel Presbyteris; quorum formam juxta sanctorum Canonum decreta Chorepiscopi gerunt: si autem aliquid ex his agere tentaverint, irrita erunt, quæ ab ijs geruntur, & ipsi omni Ecclesiastico honore funditus priventur.* Ita Carolus, uti hæc pluribus à Leone Pontifice in responso ad Carolum M. tit. 401. decernuntur. Dicti autem Chorepiscopi non à Choro sed *χωρά* quod & locum & regionem significat: inde *villani Episcopi inter Presbyteros statuti* à Leone nominantur. Eadem repetit Carolus capit. 329. Multa de his Carolus in Capitularium libris. Habes hîc duo cumprimis, munus Episcopi, & distinctionem Episcopi ac Presbyteri, ac ni cæcus sis, vides, quàm vestra Lutherana Ecclesia in arena sit pòsita, & à Caroli religione remota; quæ cum Lutherò nullum Episcopum sortita est, à quo Presbyteri & Sacerdotes, ordinari potuerint. Idem est de Calvinistarum aliorumque hæreticorum Ecclesijs. Quantâ proinde fraude populum circumagatis, necesse est, qui in divinis illa munia Episcoporum vos obtruditis, cum ne Presbyteri quidem & Sacerdotes sitis; quales tamen Chorepiscopi erant, & vicariâ etiam fortè jurisdictione Episcoporum donati erant per villas & oppida, qualem Archidiaconi, Decani rurales, & commissarij Episcoporum nunc communicatam habent: ut vel inde per errorem & sacrilegam temeritatem, cetera Episcopi munia sumpserint. Sanè Lutherus, eo quod privatus monachus esset, nulla etiam hujusmodi jurisdictione præditus: ac tantum absuit, ut pro sublimi Episcopi munere & potestate, Presbyteros aut Sacerdotes consecrare ordinareque per Ecclesias potuerit. Hinc licet cetera Episcopi munia in consecrando Chrysimate, in confirmationis Sacramento populo

admini-

Sed his omiſſis, quæ enucleatè pertractata ſunt ab innumeris ſcriptoribus, ad Carolum M. accedamus. Hunc autem Episcopum Presbytero majorem credidiſſe, triplici argumentorum genere probò.

I. Sub Carolo M. & majoribus ejus, Episcopi non aliter quàm à tribus vel duobus Episcopis ordinati ſunt, nunquam à Presbyteris vel Presbytero aſſiſtente. Ita enim præſcribit Gregorius III. Epistolà ad S. Bonifacium. *Quoties Episcopum consecraveris, duo vel tres conveniant tecum Episcopi*, tom. 17. Concil. Parisiens. Zacharias quoque Papa Epistolà ad Bonifacium. *Si quos reperiat pseudosacerdotes, erroneos, simulatores sub nomine Episcoporum vel Presbyterorum, qui nunquam ab Episcopis Catholicis fuerunt ordinati, hos inter Satane ministros haberi & tractari jubet*, tom. 17. Concil. Paris. can. 9. epistol. in Epitome Canonum ab Hadriano ad Carolum M. missa can. 1. sancitur: *Episcopus à duobus vel tribus ordinetur*. Rurſum can. 2. *Presbyter & reliqui Clerici ab uno Episcopo ordinentur*. lib. 7. Capitularium 674. *Si necessitas fuerit, tres Episcopi, in quocunque loco ſint, Archiepiscopi præcepto ordinare poſſunt Episcopum*. Prorſus hæc ex Caroli M. ætate vides, uti ordinatio Episcopi ab Apostolis in Canonibus, & Concilio Nicæno præſcripta & inde toto orbe Chriſtiano obſervata erat. Ad hunc modum in Concilio Francofurtensi can. 10. Gerbodus ab Episcopatu deſectus, quod nec Presbyter Canonice ordinatus eſſet, nec deinde teſtes proferre poſſet ordinationis ſuæ in Episcopum. Rurſus can. 22. sancitum: *ne Episcopi in villis aut vicis ordinentur*, in quibus tamen locis, non alij quàm Presbyteri ordinati conſtituti quæ erant Paſtores.

Inter Capitula Eccleſiaſtica Caroli M. capite 3. tom 20. Concil. Paris. lex lata de ſervis Dei, quibus caſtra ſequi & cum exercitu in hoſtem ire conceſſum, idque illis tantummodo permiſſum: *Qui propter divinum miniſterium, Miſſarum ſcilicet ſolemnia adimplenda, & Sanctorum patrocinia portanda ad hoc electi ſunt, ideſt unum vel duos Episcopos, cum Capellanis Presbyteris Princeps ſecum habeat, & unusquisque præſectus unum Presbyterum, qui hominibus peccata conſitentibus judicare & indicare poenitentiam poſſit*. Id quod jam ante ſub Carolomanno à D. Bonifacio ſtatutum quoque erat, referturque etiam lib. 7. Capitularium c. 91. Quàm autem hic manifeſta diſtinctio Episcopi & Presbyteri, quando Presbyteri etiam inter Episcopi Capellanos recenſentur.

II. Epi-



II. Episcopi & Presbyteri distinctio manifestum est, ex ijs quæ de Chorepiscopis à Leone Pontifice consulto rescripta sunt ad Carolum M. & à Carolo M. post novâ lege sancita titul. 4. cap. 2. habenturque tom. 20. Concil. Paris. inter Caroli M. Capitula Ecclesiastica, & lib. græciam 7. Capitularium cap. 328. in hæc verba: *Placuit, sicut Leonis Papa & omnium Episcoporum nostrorum, ac reliquorum fidelium generali & Synodali consilio decrevimus, ut nullus Chorepiscopus per manus impositionem Spiritum tradere, aut Sacerdotes vel Levitas, aut Subdiaconos sacrare, vel virgines velare, aut sanctum Chrisma conficere, vel Ecclesias aut altaria sacrare, aut benedictionem in publica Missa populis tribuere presumat. Quæ omnia summis Pontificibus, id est, Cathedralibus Episcopis debentur, & non Chorepiscopis, vel Presbyteris; quorum formam juxta sanctorum Canonum decreta Chorepiscopi gerunt: si autem aliquid ex his agere tentaverint, irrita erunt, quæ ab ijs geruntur, & ipsi omni Ecclesiastico honore funditus priventur.* Ita Carolus, uti hæc pluribus à Leone Pontifice in responso ad Carolum M. tit. 401. decernuntur. Dicti autem Chorepiscopi non à Choro sed *χωρὰς* quod & locum & regionem significat: inde *villani Episcopi inter Presbyteros statuti* à Leone nominantur. Eadem repetit Carolus capit. 329. Multa de his Carolus in Capitularium libris. Habes hinc duo cum primis, munus Episcopi, & distinctionem Episcopi ac Presbyteri, ac ni cæcus sis, vides, quàm vestra Lutherana Ecclesia in arena sit posita, & à Caroli religione remota; quæ cum Lutherò nullum Episcopum sortita est, à quo Presbyteri & Sacerdotes, ordinari potuerint. Idem est de Calvinistarum aliorumque hæreticorum Ecclesijs. Quantâ proinde fraude populum circumagatis, necesse est, qui in divinissima illa munia Episcoporum vos obtruditis, cum ne Presbyteri quidem & Sacerdotes sitis; quales tamen Chorepiscopi erant, & vicariâ etiam fortè jurisdictione Episcoporum donati erant per villas & oppida, qualem Archidiaconi, Decani rurales, & commissarii Episcoporum nunc communicatam habent: ut vel inde per errorem & sacrilegam temeritatem, cætera Episcopi munia sumpserint. Sanè Lutherus, eo quod privatus monachus esset, nulla etiam hujusmodi jurisdictione præditus: ac tantum abfuit, ut pro sublimi Episcopi munere & potestate, Presbyteros aut Sacerdotes consecrare ordinareque per Ecclesias potuerit. Hinc licet cætera Episcopi munia in consecrando Chrismate, in confirmationis Sacramento populo

admini-

administrando, in consecrandis templis & altaribus abrogavit: quia tamen Ecclesiam, sine ministris sacrorum constituere non poterat; larvam hanc ministrorum sub nomine Presbyterorum introduxit, paresque Episcopis confinxit: Carolus verò M. sapientissimus Rex & Imperator, nihil hac in re egit sine Episcoporum sententia prius audita, nihil sine Apostolicæ sedis auctoritate accepta: & nihil Apostolica sedes decrevit, quod non ex verbo Dei scripto & tradito, per successionem à majoribus ex Petri Ecclesia acceperat. Quanto nunc consultius & certius nos Catholicæ Ecclesiæ salutem populi committimus, quam vos Lutherani, quorum tota Sacerdotalis potestas & Ecclesia, arundini, à ventis agitata subnixa est.

III. Id discrimen inter Episcopos, & Presbyteros ostenditur, ex rebus gestis factisque Caroli M. Quippe Sapientissimus Rex, cum per Saxoniam nostram Christi Ecclesiam per Archiepiscopos & Legatos Apostolicæ sedis ordinaret, nec Episcopos haberet idoneos, quos primis Episcoporum sedibus imponeret: primum Presbyteris & Sacerdotibus, virisque Apostolicis commisit; ita D. Willehadum per septem annos Bremensi Ecclesiæ; ita Bernardum Abbatem Monasteriensi, eoque defuncto D. Ludgerum, qui deinde XII annos jurisdictione Spirituali tantummodo rexit Ecclesiam; ita Ansgarium Hamburgensi Ecclesiæ; ita alios alijs locis præfecit. Post ubi religio devictis barbaris firmata erat, omnes primos Saxonix præfules, Episcopos consecrari voluit; uti id in historia Caroli M. ac rebus per Saxoniam ab eo gestis pluribus enarravimus. Inde D. Ludgerus ab Hildebaldo Colonienſi Archiepiscopo, Wiho, Willehadus, aliique ab alijs Episcopis consecrati, & inuncti Episcopi. Inde lex illa Carolina lib. I. Capitularium c. 136. *Episcoporum ordinationem non oportet dñi differre.* Quorsum nunc illa Episcoporum ordinatione, si Episcopus & Presbyter idem sint, & in eodem gradu consistant? sanè omnes illi jam ante recensiti Presbyteri erant & Sacerdotes, ac viri etiam Apostolici multis laboribus perfuncti, clarique etiam miraculis, & tamen necesse erat Episcopos ordinari, crescente indies & firmatâ per Saxoniam Ecclesiâ, ad Sacerdotes initiandos, imponendosque populo Pastores; ad templa, & altaria consecranda, & alia Episcoporum munia: sine quibus nec religio propagari, nec Ecclesia ritè fundari poterat.

Hunc

Hunc in modum accidit, postquam XII Apostolici viri, quos inter principes Divi Willibrordus & Suibertus, ex Anglia advenierunt Ultrajectum, Pipino Heristallo, & Carolo Martello Principe, avo Caroli M, magna se messis per Frisiam aperuisset Evangelio, quo in successu operis sacri nihil sollicitius habuerunt, quàm ut D. Willibrordus Romam contenderet consecrandus Episcopus, & Suibertus eodem consilio in Angliam remearet, ex quâ Episcopus consecratus redijt; jam omnes illi, uno excepto, Presbyteri, & Sacerdotes erant: Et quid hac professione & consecratione opus, si Episcopus & Presbyter in eodem gradu sint Ordinis? Ita D. Bonifacius post imensos labores per Hassiam, Thuringiam & Germaniam, Presbyter, Romam demum profectus, à Gregorio Pontifice Episcopus consecratus est: ac deinde ampliante se inter barbaros Christi religione, jussus à sede Apostolicâ alios Episcopos consecrare; quos inter D. Burchardus primus Herbipolensis, primusque vicario munere Paderbornensis Episcopus, uti hæc multis exponit Othlon. & Serrarius in vita D. Bonifacij. Quorsum, inquam, hæc tam impensè curata provisio? nisi quia idem omnium sæculorum sensus fuit. Quòd Cyprianus scripsit, Epistola 69. *Scire debes Episcopum in Ecclesia esse, & Ecclesiam in Episcopo, & si quis cum Episcopo non sit, in Ecclesia non esse; & frustra sibi blandiri eos, qui partem cum Sacerdotibus Dei non habent.*

Obijcit 1. Nifanius, Episcopi nomen olim commune fuit Presbyteris cum Episcopis: quam in rem, omissis Scripturæ locis, quæ ab alijs adferuntur, adducit Vasquez, Alfonso à Castro, Alcuinum, Occumenium aliosque. & non tanto Scriptorum numero opus erat; ultrò id cum Chrysostomo etiam largiamur: quando interim res ipsæ & potestates distinctæ erant, ut vel ex solo Hieronymi dicto cognoscas; *Quid facit Episcopus except. à Ordinatione, quod non facit Presbyter?* Ac rectè etiam Azorius p. 2. lib. 3. c. 17. *Apostolorum temporibus passim Presbyteri qui in civitatibus continebantur, simul quoque erant Episcopi, ut adessent, qui omnia Sacramenta conferre possent, ut in Ordinationibus veterum & SS. Pontificum sæpè totidem Episcopos, quot Presbyteros, ac subinde plures etiam ordinatos legimus.* Nomen præterea Episcopi commune fuit, seu quòd primus Presbyterorum in Episcopum legeretur, seu quòd Presbyteri amplissimâ jurisdictione præditi erant. Sed hac super re lege Bel-

larm. lib. 1. de Cler. c. 15. Erbermannum lib. 3. de Cler. c. 4. Forerum & alios. Trita enim non vacat hic repetere.

Verum his non opus, cum ipse Nifanius se ipsum refellat: scribit enim: *Constitutiones suarum Ecclesiarum, electionem ministrorum suorum, tribuere statibus Hierarchicis, ordinationem vero Superintendenti & Presbyterorum presentia.* Hinc licet omnes Lutherani Ministri communi nomine Presbyteri sint, ordinationem tamen Superintendenti & Episcopo tribui ab alijs, asserit. Quid hoc aliud est, quam redire ad Catholicorum doctrinam? Sed alij, inquit, *hoc tribuunt Superintendenti:* ergo per constitutiones Ecclesie vestrae nihil adhuc est certi. Enimvero quam fluctuatis & lubricis es in tua navi? dic tandem aliquid finitè, si tibi tuisq; Vertumnis confidas. Catholicam sententiam damnatis, & ex vestra nihil certi audetis proferre. Quid hoc aliud est, quam scepticum Philosophum, ac semper dubitantem agere, & populum circumducere ludibrio?

Obijcit 2. *Carolus M. quidem ordinariè Episcopis reliquit potestatem ordinandi, nullibi tamen Presbyterorum Ordinationem irritam esse dixit.* Quid hic ais Nifani? nonne satis audivisti, quam irritam pronuntiavit Carolus M. Chorepiscoporum ordinationem, quod soli Presbyteri essent, & non ordinati Episcopi? scribis tam audacter, quam imperitus es Caroli M. constitutionum.

Urget: Nicolaus I. Pontifex Epist. ad Rudolphum Archiepiscopum Bituricensem scribit: *Chorepiscoporum consecrationes non esse iterandas, quò ad formam septuaginta discipulorum facti sint, quos quis dubitet Episcoporum habuisse officia?* Jam respondi, Chorepiscopos alios fuisse ritè ordinatos Episcopos, uti Titulares & Suffraganei sunt Episcopi nostri, quod & lib. 5. Capitularium cap. 169. indicat Carolus: alios intra gradum Presbyterorum constituisse, quo in gradu passim in Capitularium libris signantur, quorum Ordinatio irrita erat: tametsi illis alia quædam minora Episcoporum officia, ut consecrationes sacrorum vasorum ac vestium, aliaque committi concedique potuerint. Et vero dum ad formam 70. discipulorum institutos dicit, intra Presbyterorum Ordinem reponit, & Episcopis minores facit, qui Apostolis succedunt; & hoc ipso, jure divino Episcopi majores agnoscuntur Presbyteris.

Obijcit 3. & inquit: *Intolerabile prorsus est asserere, quò ad successiones*



tionem Apostolicam requiratur ordinatio facta ab Episcopo, qui in fidei professione faciat cum Romanâ Ecclesiâ: proferatur vel unus apex Scripturæ, quo hoc monopolij jus roboretur. Hæc stolidæ & stupida tua jactantia est. An tu nescis olim in ordinatione Sacerdotum moris fuisse, rogare ab ordinando, an Catholicus esset? ne quis hæreticus cum Catholicis ordinaretur. Quod & Hussitæ fecerunt: nondum enim tam perversi hi tum erant hæretici, quàm vos modò estis, qui sine ordinatione Episcopi, docetis posse veros Presbyteros & Sacerdotes esse. Romana verò & Catholica Ecclesia una est; eo, ut supra retuli, modo.

Non etiam Monopolium hoc est, sed Hierarchia Catholicæ Ecclesiæ, quæ ex ordinatione divinâ constat Episcopis, Presbyteris, & cæteris Ecclesiæ ministris: ut rectè definitum in Concilio Tridentino diximus. Inter Episcopos verò unus est successor Petri, & Episcopus omnium Episcoporum, ut suprâ toties assertum. Jam verò tot Scripturæ sunt apices hac super re, quot testimonia Scripturæ de Primatu Petri, & Episcoporum potestate, ordinandi, regendique Ecclesiam Dei. Quæ si non vides, inter Prædicantem *talpas* censeris poteris. Contrâ optarem ego scire, quinam apud vos Lutheranos sint *status Hierarchici*, à quibus scribis electionem ministrorum fieri? Quis Scripturæ apex extat de hoc vestro Hierarchico statu? uti supra expendimus; in quo non Monarchiæ, non Hierarchiæ species, sed mera ataxia, & anarchia conspicitur. Sanè si electio ministrorum apud vos, ut dicitis, fiat à populo & Magistratu civili; atque illi Hierarchico statui inducuntur: consequens est, non tantum politicos Principes, sed & Consules, Senatores, mercatores, textores, & omne opificum genus, statum vestrum Hierarchicum ingredi. Viden', in quam non anarchiam & absurditatem vos hæresis vestra abducatur? quanta verò Hierarchiæ majestas in Catholica Ecclesia, in quâ sub Pontifice & Vicario Christi, Patriarchæ, Primates, Archiepiscopi, Episcopi, & sub his Prælati Ecclesiæ, Presbyteri ac Sacerdotes, Diaconi seu Levitæ, Subdiaconi, cæteri quæ inferiores Ministri: ex his nemo est, qui non sacris initiatus: ut vel inde Hierarchiam ex ipso nomine agnoscas, si modò Græcam linguam intelligas.

Objicit 4. Episcopi nomen, quod cum Græcum sit, Hieronymus vertit in Superintendentis nomen; ita enim ille Epistolâ ad Evagrium: *Episcopi nomen significantius Græcè dicitur, nam ἐπισκοπῆτες, id est, Su-*

perintendentes, unde Episcopi nomen tractum est. Addo ego Augustinum lib. 17. de Civit. Dei, c. 19. *Græcum enim, inquit ille, vocabulum, quod ille qui præficiunt, eis, quibus præficiuntur, superintendit, curam eorum gerens.* R. Episcopi nomen esse Græcum, & apud Ethnicos veteres fuisse nomen magistratus; cujus erat panis, & cæterarum rerum, quæ ad annonam spectant, curam habere: ut constat ex L. Munerum ff. de muneribus & honoribus. Hinc Cicero ad Atticum: *vult me Pompejus esse, quem tota hic maritima ora habeat ἐπίσκοπον.* Hinc Augustinus, ut habetur c. *Qui Episcopatum.* Episcopi nomen est operis non honoris: ut nominis etymologiam significaret, ab officio & curâ deducit. Igitur nomen Episcopi à profano Magistratu, ad sacros Ecclesiæ Præfules translatum est, quod eorum muneris sit, commissi gregis mores & vitam, inspicere & moderari. Unde c. *Clericus*, dist. 21. *Speculator* dicitur: quin Psalmo 108. uti Latina & vulgata versio habet, *Episcopatum ejus accipiat alter*, in Hebræo est, Pekudā, quod præfecturam significat, Pekudatho ikkach acher; idque S. Petrus Act. 1. ad Judam retulit, in cujus locum successit Matthias. Itaque Episcopi nomen non modò officij & unctionis, sed utriusque potestatis est nomen, Ordinis videlicet & jurisdictionis sacræ: quemadmodum id in Apostolis fuit. Nec dubium cuiquam esse potest, ejusmodi nomina imponere, penès Ecclesiam esse; uti ex innumeris alijs nominibus constat: quæ illa ex profano usu vocis ad sacrum transtulit. His positis, etsi Superintendentis sive superattendentis nomen, quo nunc promiscuè Novatores gloriantur, Episcopi munus ex parte significare possit, Ecclesia tamen Episcopi nomen, constanti sæculorum usu retinuit, nec ex aliâ significatione, quàm ex potestate Ordinis & jurisdictionis, quâ majores Sacerdotes designantur, uti Apostolus ad Hebræ. c. 7. Minores à majoribus benedictionem accipere dixit. *Sine ulla autem contradictione, quod minus est, à meliore benedicatur:* in Græco est καὶ ἐπὶ τῶν, id est melior, major, ac dignior. Testatur id Scriptura, Patrum scripta, & Concilia omnia Oecumenica, à Nicæno ad Tridentinum, cæteraque nationalia, & provincialia, in quibus nemo Superintendentis nomine, sed Episcopi subscripsit. Unde nunc ista insania vestra, abrogato Episcopi nomine Superintendentis introducere? nisi quia Episcopos non habetis, cum potestate Ordinis & jurisdictionis; aut quia Lutherus auctor vestræ religionis

gionis Episcopus consecratus nunquam fuit, ut fateri vos necesse est; aut quia vel ipsum nomen Ecclesiam vestram destruit: nam Cypriano teste, *Episcopus est in Ecclesia, & Ecclesia in Episcopo*. Sanè si *Ecclesia non est, qua Sacerdotes non habet*, iudice Hieronymo; Ecclesia non erit, quæ Episcopos & majores Sacerdotes non habet. Hic si ad Carolum M. appelles, quo totus tuus liber spectat, quid aliud quàm Episcopos legis in Synodis Carolinis, Capitularium libris, & constitutionibus, ipsisque Caroli literis ac monumentis omnibus? vel in solis Capitularium libris, centies & septuagies Episcopi nomen leges, nullibi Superintendentis nomen.

Objicis 5. Nomen Superintendentis, quo te jactas, teste Hieronymo, quia Latinum est, significantius esse, falleris: usu tot sæculorum, Episcopi nomen significantius est; nec ante hæresin vestram cognitum, auditumque in populo, & ab Hieronymo & Augustino, nonnisi explanationis gratiâ, est allatum, non ut Episcopi nomen abrogarent. Nec unquam D. Augustinus se Superintendentem scripsit, aut subscripsit in Concilijs Africanis. Sed & Presbyteri nomen Græcum est, quod Seniores significat; cur illud toleratis, aut non mutatis in Latinum nomen Senioris? Verùm quia id Sacerdotem non ita apertè significat, integrum relinquitis, perosi Sacerdotis nomen. Nam propriè dictos Sacerdotes vos non esse, jam antè confessus es. Imò cur Episcopi nomen in Dania & Suecia primarij vestri Ministrorum retinent, & in Saxonia ferre non potestis? nec tamen ita abrogare licuit, quin Politici Principes cum Episcopatibus à se occupatis diu retinuerint. Cur Diaconi nomen, quod Græcum est, retinetis, & Subdiaconi quod pari antiquitate nominis valet, abjicitis? Verbo, ut absolvâ, Novatores estis, qui ut res sacras omnes, ita & nomina invertitis: idèò priscis hæreticis acceditis, quibus ab *ἀσπείρω*, quod Latine est eligo, datum est nomen: eo quod rejectis antiquis, nova semper pro ingenio hæresis elegerint: quâ tamen in re non tam insani fuere Ariani, Donatistæ, cæterique veteres hæretici, qui Episcopi & Sacerdotum gloriola nomina, nunquam ausi sunt tollere ex Ecclesijs suis: unde in Concilijs suis Episcopi, non Superintendentis nomine subscripserunt.

Ingeris postremùm Lutherum: *Etsi is, inquis, non fuerit Episcopus, nec potestatem habuerit ab Ecclesia Romana, habuit tamen ab Ecclesia Catholica,*

*eholica, cuiuscivis fuit.* Non hic repetam, quod suprà ostendi, Ecclesiam Romanam & Catholicam esse eandem; tantum quæro, quam potestatem habuerit? sanè Episcopi non habuit, cum nunquam Episcopus consecratus fuerit; proinde nec ordinare Sacerdotes potuit, nec Ecclesiam regere: *Spiritus enim Sanctus posuit Episcopos regere Ecclesiam Dei Act. 20.*

At civis fuit Ecclesiæ Catholicæ: quasi verò omnis civis Reipub. Christianæ, sit Episcopus & Presbyter, cum potestate Ordinis & jurisdictionis. Hæc Lutheri est insania asserentis, omnes nasci Sacerdotes, etiam mulieres: credo quia improprie sunt Sacerdotes, offerendo preces, laudes, & dona ad altare.

Pergis, & dicis: *esto non habuerit Lutherus potestatem ex intentione ordinantis Episcopi, habuit tamen à Deo juxta intentionem Scripturæ, sicut Christus, præter intentionem Pilati, vocatus est Rex Judæorum.* Nugæ sunt prædicantiæ: quasi verò materialis Scriptura ex cerebro Prædicantium explicata, faciat Episcopos & Sacerdotes, idque sine ministerio hominum, & communicata per Episcopos potestate Ordinis & jurisdictionis. Christum fuisse regem, constat ex Scriptura; At Lutherum fuisse Episcopum, quæ obsecro Scriptura id dicit? Ideo Pilatus rectius pronuntiavit de Christo, quàm Nisanius de Luthero. Hoc argumentum si valeat, eodem jure Calvinus, Zwinglius, Menno, cæterique hæresiarum summam in Ecclesia sibi potestatem Ordinis & jurisdictionis vendicare poterunt. Quam hinc januam aperis omni hæresi in Ecclesiam! Hoc commentitio jure etiam Labbadæus sibi potestatem docendi, haud secus, quàm Nisanius, vendicare poterit.

Postremum dicis: *Lutherus fuit Doctor Academicus, cujus gradus auctoritate licuit illi universum orbem docere:* Hic denuo deliras: si enim solus gradus Doctoris dat hanc potestatem ubique docendi, quid ergo facit missio? *Quomodo predicabunt, nisi mittantur?* Rom. 10. Nec aliter Apostoli docendi munus susceperunt Matth. 10. & 28. Marc. 16. Interim largiamur tibi, quod prætendis. Fuit sanè Lutherus ritè ordinatus Sacerdos, à Catholico Episcopo; accepit quoque potestatem docendi à Cathedra Scholæ: verum juxta professionem fidei, & doctrinam Catholicæ Ecclesiæ, quàm jurarat. At Lutherus postquam contra juramentum cepit hæreses, & dogmata fidei Catholicæ contraria docere, per-  
jurus

jurus fuit, neque hanc potestatem docendi ex gradu Doctoris habuit, minus certè potestatem Episcopalem Ordinis & jurisdictionis, de qua hic agitur, cum eam nec ordinariâ, nec extraordinariâ viâ probare possit, nec magis ostendere, quàm Calvinus, aut Zwinglius, aut alius novæ Religionis auctor.

Imò inquis : *Lutherus fuit Presbyter, cujus est jure divino præesse.* Ecce quales Vertumnæ estis : Quando de jurisdictione externâ regendi Ecclesiam quærimus, negatis eam esse penès Episcopos & Presbyteros, sed omnem potestatem desertis politicis Principibus ; quam ob causam Carolo M. primatum Ecclesiæ tribuistis : Hic ex jure divino facis Presbyteros Ecclesiæ præsides. Distinguis tu quidem potestatem in externam & internam, atque illam Principibus tribuis, hanc Presbyteris, verum quam tu internam vocas, hæc externa & Spiritualis est in regenda Ecclesia : nam illam internam in Sacramento Pœnitentiæ ad absolvenda peccata non admittitis, neque Sacerdotes in hoc foro judices agnoscitis ex potestate clavium, neque eâ indigetis, qui soli fidei remissionem peccatorum adscribitis. Hic Nisanius supra omnes Theologos sapit, aut non intelligit quid scribat : aut explicet nobis, quæ sit illa interna potestas regendi Ecclesiam in Ministris Ecclesiæ vestræ, distincta à potestate externa politicorum Principum ; quando eo ipso quod potestas sit regendi Ecclesiam, in sacrorum Ministris externa esse debeat ; haud secus quam in politicis Ministris, ut supra à nobis commonstratum est.

## C A P V T X V I I.

*An Episcopus potestate jurisdictionis major sit Presbyteris, idque jure divino ei competat.*

**A**ltera hæc pars est hujus quæstionis : Negant heterodoxi, interque hos Nisanius, qui ut Presbyteros potestate Ordinis, ita potestate jurisdictionis, pares facit Episcopis. Afferunt Ca-

R. R. tholici

tholici & multis confirmant. I. ex figurâ veteris Testamenti, in quo unus erat Sacerdos summus, deinde minores Sacerdotes, & post illos Levitæ: constat autem hosce gradus jure divino fuisse distinctos, perinde ut consecrationes etiam eorum distinctæ erant Exod. 28. & 40. Levit. 8. Num. 3. 4. & 20. Fuisse autem penès Pontificem jurisdictionem, non penès cæterum minorum Sacerdotum, clarum ex Deut. c. 17. *Qui superbievit nolens obedire Sacerdotis imperio, ex decreto judicis morietur homo ille.* Jam verò Episcopos id esse in Ecclesia Christi, quod Pontifices in veteri Legi; & Presbyteros, quod minores Sacerdotes; Diaconos, quod eorum Levitæ erant, docet nos analogia novi Testamenti ad Vetus comparata, ac Patres passim, Damasus Epist. 3. de Chorep. Hieronym. epist. ad Evagrium, Leo Epist. ad Episcopos Germaniæ, Concil. Hispalense II. c. 7. alij; perinulti graves auctores. Quod cum primis in Concilio Aquisgranensi sub Ludovico multis clarè exponitur, inter quæ cætera ita Canone 9. *Si enim filij Aaronis, qui minores Sacerdotes erant, Presbyterorum figuram faciebant, & Aaron summi Sacerdotis, id est Episcopi; Moyses cujus? Indulgentanter Christi: & verè per omnia Christi, quoniam fuit similitudo mediatoris Dei, qui est Christus Jesus verè Princeps Sacerdotum.*

II. Asseritur id ex distinctione Apostolorum, & septuaginta discipulorum Christi. Nam Apostolis succedere Episcopos, discipulis septuaginta Presbyteros ac Sacerdotes; constans est Patrum sententia, quos magno numero sistit Bellarm. lib. 1. de Clericis c. 14. Apostolos verò jure divino majores fuisse septuaginta discipulis, satis constat ex institutione diversa. Hinc & illud Matth. 24. *Fidelis servus, quem constituit Dominus super familiam suam.* Hilarius, ac cæteri Patres de Episcopis intelligunt, quibus gubernatio Ecclesiæ commissa est: quemadmodum Act. 20. *Spiritus S. posuit Episcopos regere Ecclesiam Dei,* id clarè exponitur.

III. Si jure civino Presbyteri Episcopis pares sint, inveniretur certum aliquod principium hujus institutionis post tempora Apostolorum; At contrarius erat usus Apostolorum tempore, ut Presbyteri subessent Episcopis: idè Paulus ad Timoth. 1. c. 5. *Adversus Presbyterum accusationem noli recipere,* quò satis docet, Episcopum fuisse Presbyterorum judicem & superiorem jurisdictione.

IV. Accedunt Patrum sententiæ apud Bellarm. capite citato, Vasquez, Suarez, Valentiam, cæterosque Theologos,

Eadem



Eadem prorsus Caroli M. omniumque eâ ætate sententia fuit: nam lib. 5. Capitularium c. 170. de honore & obedientia Episcoporum in hæc verba Carolus: *Constat Christianam religionem per successores Apostolorum salubriter administrari, quorum locum Episcopi nunc in Ecclesia tenent.* Chorepiscopos autem cap. 168. ad exemplum & formam septuaginta discipulorum institutos esse docet, id eoque Episcopis subiectos esse; quanto magis id de Presbyteris intelligas, necesse est. In Concil. Aquigranensi multis id exponunt Patres, ac planè c. 9. *Apostolis decedentibus successerunt Episcopi.* Jam verò de ipsâ potestate Episcoporum in Presbyteros ac Clerum omnem, quàm multa & illustria ex Carolinis legibus? lib. 1. Capitularium c. 82. ita ad Episcopos: *Summopere vobis videndum est, Rectores Ecclesiarum, ut Presbyteri, quos mittitis per parochias vestras ad regendum, & predicandum per Ecclesiam, rectè & honestè predicent.* Vides, ut missio Presbyterorum tribuatur Episcopis? lib. 2. Capitularium c. 5. monet Imperator: *De Sacerdotibus ad vestram curam pertinentibus magnum adhibete studium, ut verbo & exemplo prosint, & ut faciant, pontificali auctoritate constringantur.* Lib. 5. Capitularium cap. 2. ex decreto Carolomanni & D. Bonifacij: *Decrevimus quoque juxta sanctorum Canones, ut unusquisque Presbyter in parochia habitans, Episcopo subiectus sit.* Cap. 39. ejusdem libri: *Omnes Presbyteri, Diaconi & Subdiaconi sub potestate Episcopi maneant.* cap. 50. *Nullus Presbyter presumat in alia parochia baptizare, nec Missas celebrare, sine jussione Episcopi in cuius parochia est.* lib. 6. Capitularium, c. 56. *Presbyteri civitatis sine jussu sui Episcopi nihil jubeant.* c. 58. *Presbyteri rem Ecclesie, sine licentia vel scientia Episcopi sui non vendant.* Lib. 7. Capitularium c. 56. *Unusquisque Episcopus habeat sua parochia potestatem, & regat juxta reverentiam singulis competentem.* c. 58. *Episcopus Ecclesiasticarum rerum habeat potestatem ad dispensandum erga omnes qui indigent.* c. 182. *Qui Episcopum suum noluerit audire & excommunicatus fuerit, & rennerit, perennem condemnationem Episcoporum apud Deum sustineat, & insuper palatio nostro sit omnino extraneus.* In Concilio Francofurtenfi can. vi. *Statutum est à Domino Rege & sancta Synodo, ut Episcopi justitias faciant in suis parochijs, si non obedierit aliqua persona Episcopo suo, de Abbatibus, Presbyteris, Diaconibus, Subdiaconibus, Monachis, & ceteris Clericis in ejus parochia, veniant ad Metropolitani sui.* In eadem Synodo can. 70. util. 7. Capitular. c. 70.

*Episcopi diligenter discutiunt per suas parochias Presbyterorum fidem, Bap-  
tisma Catholicum, & Missarum celebrationem: Concilium Moguntin-  
nense sub Carolo habitum, & ab eo confirmatum, ita sanxit can. 8. Volu-  
mus ut Episcopi potestatem habeant res Ecclesiasticas providere, regere, gu-  
bernare atque dispensare, secundum Canonum auctoritatem. Concilium  
Aquisgranense can. 9. Statutum est ut sine auctoritate, sive consensu Epi-  
scoporum, Presbyteri in quibuslibet Ecclesijs nec constituentur, nec expellan-  
tur. Legatur totum illud Concilium, in quo postquam de Ostiarijs Le-  
ctoribus, Exorcistis, Acolythis, Subdiaconis, Diaconis, de Presbyteris  
ac Sacerdotibus, per singulos gradus actum, ad Episcopos Apostolorum  
successores transit, eorumque supremum in Ecclesia munus ex Scripturâ  
& Concilij supra omnes Clericorum ordines accuratissimè exponit.  
Huc spectat illa constitutio adducta imperialis, Aquisgrani anno 792.  
promulgata, & à te ex Goldasto relata: *Episcopus Canonorum tuam re-  
gat, sicut Abbas Monachorum.* Inter Canonicos verò multi Presbyteri  
erant. Tuum nunc est Nifani ostendere, ubi Carolus M. hanc potesta-  
tem Presbyteris commiserit; id cum præstare non possis, consequens est,  
aut te cum Lutheranis delirare, aut Carolum M. cum omnibus suis Epi-  
scopis nos fallere. Et quid præterea de Archiepiscopis & Metropolita-  
nis dicemus? quorum potestas ex amplitudine muneris, haud minus,  
quàm Episcoporum, Carolinis Synodis, & Capitularium libris ubique  
exponitur. Hos verò Archiepiscopos & Metropolites. quâ nominis umbrâ  
ostendes in Lutherana Ecclesia? Superintendentis opinor: ergo, Nifa-  
nius Superintendens Bilsfeldienfis, etiam Archiepiscopus & Metropolita-  
nus erit, aut inter generales Superintendentes, (uti apud quosdam Lu-  
theranos novo vocabulo appellari quandòque comperimus,) numerare  
necesse est. Viden', ut omnia apud vos conturbata, postquam ex verâ Ec-  
clesiâ Hierarchiâ commentitiâ illam vestram, sine ordine, sine conse-  
cratione, sine ullâ potestate ordinis & jurisdictionis introduxistis? At  
nunc denuo audiamus quid obtendas.*

Obijcis primò illud vulgatum D. Hieronymi in Comment. i. cap.  
Epist. ad Titum, & Epist. 85. ad Evagrium: *Idem est Presbyter qui  
Episcopus, quando ut subdit: Ex eo tempore quo dici capit in populo: Ego  
sum Pauli, ego Apollo, ego verò Cepha, communi Presbyterorum consilio Ec-  
clesia gubernabantur.* Addit: *Episcopi non verim se magis consuetudine, quam  
disposuisse.*



dispositionis Dominica veritate Presbyteris esse majores, & in communi debere regere Ecclesiam. Diversi hunc Hieronymi locum, diversè explicant, quos Bellarminus refert. R. Hieronymus primò non negat Episcopum esse majorem potestate ordinis. Nam ad Evagrium scribit: *Quid facit Episcopus excepta ordinatione, quod non faciat etiam Presbyter?* Quoad jurisdictionem verò, etsi jure divino non agnoscat discrimen, agnoscit hoc tamen ipsum discrimen ad vitanda schismata, ab Apostolis necessariò introductam, aliàs enim Aërij hæresi accessisset, qui Presbyteros pares fecit Episcopis, quod de tanto Doctore opinari fas non erit. Quanquam ut ostendit Bellarminus, Hieronymus non satis sibi hac in re constans fuerit. Quando in epistola ad Evagrium comparat Episcopum Aaroni, Presbyteros verò Aaronis filijs, qui Sacerdotes minores erant; deinde ad Marcellinum docet Episcopos Apostolis succedere: atqui Aaron & Apostoli jure divino majores erant Sacerdotibus & Presbyteris. Deinde Hieronymus addit in Lucam, illam inanem impositionem, quâ baptizati accipiunt Spiritum Sanctum, solis Episcopis datam esse, negatam Presbyteris. Ita D. Ignatius epist. 7. ad Tarsens. epist. 9. ad Philact. & 12. ad Smirnenfes, ubique docet ex Hierarchiâ Ecclesiæ, Presbyteros Episcopis subjectos esse.

Quâ in re observandum in primitivâ Ecclesiâ, cum pauci essent Episcopi, jurisdictionem regendi Ecclesias cum Presbyteris amplè communicatam fuisse, perinde ut cum Chorepiscopis factum est: ex quo etiam obtinuit, ut Presbyteri Episcopi suo modo dicerentur, sicuti contrâ Episcopi subinde vocati sunt Presbyteri: postea autem ob varias causas desisteat potestas committi Presbyteris, & retrahi ad Episcopos in fontes jurisdictionis. Rectè Epiphanius contra Aërium hæresi 75. hac superre: *Non potuerunt Apostoli statim omnia constituere, sed Ecclesia accepit complementum dispensationis pro locorum, & temporum opportunitates, nam singula res non ab initio omnia habuerunt, sed progressu temporis ea, quæ ad perfectionem requiruntur, parabantur.* Hinc distinguenda potestas jurisdictionis in actum primum, ex quo tanquam ex debito jus divinum plus tribuit Episcopis; & in actum secundum, ex quo æqualis potestas potest tribui Episcopo & Presbytero, uti in Chorepiscopis constat: ac nunc etiam Archidiaconi nonnulli in Germaniâ, ampliorem habent jurisdictionem dependentem ab Episcopis, quàm multi Episcopi in Italia, quod

lia, quod nihil derogat veritati Catholicæ; frustra igitur ille numerus scriptorum a Nisano adductus. Si in Carolinis rebus adeò versatus, ut te jactas, quare non addis Concilium Aquisgranense? in quo hæc D. Hieronymi sententia lib. 1. cap. 10. relata, rejectaque est: quod indifferenter olim Episcopi & Presbyteri, uno communi nomine dicerentur; cæterum ut Concilium hoc Episcopos successores Apostolorum asserit, ita ad institutionem divinam refert, ac distinctum Episcopi & Presbyteri gradum proficitur. Cætera hac super re legas apud Bellarminum, Vasquez, Petavium, Baronium ad annum Christi 58.

Objicis II. *Concilium Tridentinum non definire, quod Presbyteri jure divino non possint ordinare, sed in genere dixit, dissimulato jure divino.* Imò in Concilio inquit disceptatum esse, an institutio hæc juri divino adscribenda sit? &c. Concilium can. 6. decernit. *Si quis dixerit in Ecclesia Catholica non esse Hierarchiam divinam ordinatione institutam, quæ constat ex Episcopis, Presbyteris & ministris, anathema sit.* Capite verò 4. docet *Episcopos in locum Apostolorum succedere, & positos esse à Spiritu S. regere Ecclesiam Dei, eosq; Presbyteris superiores esse.* Nonne hæc satis divinam institutionem, divinumque jus tibi significant? Quod verò disceptatum sit hac super re inter Patres, nihil novi, cum & in alijs quæstionibus fidei id factum sit; quando humanæ industriæ ista primùm reliquit Spiritus sanctus, ut in omnibus Concilijs factum est, ita tamen ut Spiritus sanctus adstiterit, ne errare possent: quemadmodum & multis hagiographis usu venit. Quid verò hac super re actum sit, discas ex historia Tridentina, non illa, quam Petrus Suavis scripsit apostata, sed quam Cardinalis Pallavicinus. Cætera quæ in hanc rem mota sunt à Puritanis in Anglia, aut à Palmario contra Catholicos, eruditè discussit Petavius tom. 3. Theolog. dogm. & quæ Amesius Calvinista aliquando subtiliùs objecit, quàm vos Lutherani: ea verò refutavit Erbermannus, Forerus & alij. Quin ipsi Protestantes in Anglia, Episcopos à Presbyterorum ordine distinctos retinent. Acerrimè hanc sententiam tuentur, Petavius adversus Puritanos, cum primis Davidem Blondellum, & quem tu identidè patronum adducis. Adeò ipse Jacobus Rex Britanniae rescripsit: *Episcopos in Ecclesia esse debere, tanquam institutionem Apostolicam, ac ordinationem proinde divinam, contra Puritanos semper sensi.* Cur ergò tu mavis Calvinistis & Puritanis, quàm Catholicis, ac tuis etiam in Dania, cum gente Danus

sis,

sis, accedere? qui Episcopos in Ecclesia & veteri possessione nominis retinent.

Dicis quidem, non rejici à vobis omne discrimen inter Episcopum & Presbyterum, sed esse hanc *ἐνταξίαν* tantum & ordinationem Ecclesiasticam, quæ ob concordiam utilis sit, ut conservetur. Hoc tu verbis dicis, & reipsâ evertis, quando ne nomen quidem Episcopi ferre potes, ut sub larvâ Superintendentis hæresin tuam alas, & nomini tuo consulas, qui Superintendentis titulo te extollis supra cæteros prædicantes, qui tamen nullis sacris magis initiatus es, quam Hecuba tua. Deinde hæc *ἐνταξία* & ordo, qui fit confusionis evitandæ gratia, nihil erit aliud, quàm humana deputatio ad ministerium: nam cum ex Lutheri doctrina omnes Sacerdotes nascantur, nihil aliud requiritur ad ministerium vestrum, quàm à Magistratu civili deputatio; inter quæ Superintendentes, & vulgarem prædicantem nihil interest, nisi *ἐνταξία* quæ deputatione fit, unde nec aliâ ordinatione opus est ad Superintendentes, quam designatio personæ, quæ etiam à Reformatæ aut Catholicæ religionis Principe fieri potest. Quo non abitis cum divino Episcopi munere? Carolum M. si consulas, reperies ex ejus constitutionibus ad ordinationem Episcoporum, tres Episcopos requiri, quemadmodum id Ecclesia ex Apostolorum ævo & instituto possidet.

III. Obijcis, multas Ecclesias sine Episcopis, per Presbyteros administratas esse, quam in rem Blondellum Puritanum, cum magnâ turba auctorum introducis, ac postremò etiam Bucherium Jesuitam, quòd is doceat Christianitatem stare & crescere posse sine ullis Episcopis, idque D. Piatì primi Tornacensium Doctoris exemplo confirmet. & Bucherium crimine falsi traducis, nullibi id Bucherius docet, imò an D. Piatius Episcopus fuerit, magnopere controverti scribit. Interim multarum Ecclesiarum initia cœpisse per Presbyteros, & Sacerdotes Apostolici muneris, haud controversum; quemadmodum S. Xaverius in Indijs, & Japonia, & multi per Indiam religionis & conversionis gentium exordia fecêre, donec formaretur Ecclesia, & potestas fieret inter barbaros Episcoporum sedes figere, uti id in Frisia, Thuringia, Hassia, & Saxonia factum diximus. Cæterum constans Ecclesia sinè Episcopis esse non potest, cum Episcopi Patrum & Sacerdotum sint generatores, & successio

Aposto-

Apostolica, ex potestate Ordinis ab Episcopis pendeat. Agnovit id Hermannus Bonnus, quem cum Osnabrugenses Lubecâ evocassent, ad Lutheranam religionem apud se introducendam, atque is jam totam propè diocesim ad Lutheri Evangelium formasset; rogarunt ab eo Osnabrugenses, ut Sacerdotes à se creatos imponeret parœcijs, respondit: se quidem Superintendentem esse, sed Sacerdotes ordinare non posse, idèd opera profugorum Monachorum & apostatarum Sacerdotum usus, donec sumptâ tandem audaciâ, passim per Westphaliâ & Saxoniam Prædicantes & Superintendentes mutuò sibi manus imponerent, & potestatem administrandi Sacramenta, docendique ex Lutheri secna communicarent. Bene Tertullianus lib. de præscrip. *Ordinationes eorum temeraria, leves, inconstantes, nunc neophytos collocant, nunc saculo obstrictos, nunc apostatas nostros, ut gloriâ eos obligent, quia veritate non possunt. Nusquam facilius proficiunt, quam in castris rebellium, ubi ipsum esse illic, promereri est. Itaq, alius hodiè Episcopus, cras alius, hodiè Diaconus, qui erat Lector, hodiè Presbyter, qui erat laicus, nam & laicis Sacerdotalia munera injungunt.*

## C A P U T XVIII.

### *De Officio Episcoporum.*

**M**Unus Episcopi quod in Ecclesia Christi amplissimum, & honorificentissimum est, Nifanius ad duo potissimum contrahit munia, Prædicationem videlicet verbi Dei, & Curam Scholarum, atque id nobis ex Caroli M. constitutionibus insulsus homo persuadere vult. Credo equidem, quia Nifanius ex Prædicatoribus Scholarcha Corbacensi Comitatus Waldecensis, factus est Bilsfeldiæ Prædicans, & Superattendens in Comitatu Ravensbergeni: idèd ex suo præposito munere, nobis Episcoporum munera fingit; & Episcopos ex primaria functione, Scholarchas procudit. Cæteri Lutherani munus Episcopi ad prædicationem verbi, & duorum Sacramentorum administrationem ferè adstringunt: & mirum sanè Nifanium qui Pseudoepiscopum

pum agit ex Superintendentis nomine, ita proprium suum munus administrare.

I. Catholici, uti & Carolus M, ex potestate Ordinis & jurisdictionis, duplicis quoque generis officia in Episcopo docent. Ex potestate Ordinis Episcopus Sacerdotes & Episcopos ordinat, Clericos creat, Chrisma conficit, Sacramentum confirmationis confert, oleum infirmorum, itemq; Virgines, templa, altaria, vasa & vestes consecrat. Inter quæ tamen hoc discrimen, ut quædam illi ex jure divino, hoc est, Christi auctoritate, & institutione convenient, cujus generis sunt: ordinare Sacerdotes & Episcopos, conficere Chrisma, conferre Sacramentum confirmationis, creare Clericos, oleum infirmorum sacrare. Cætera Canonico jure ad Episcopum pertinent: ut consecrare Ecclesias, altaria, vasa, vestes, Virgines, hæc enim munia Episcopis reservavit Ecclesia. Quæ super re Patres, Concilia, Theologi, & juris Canonici interpretes, in c. *Quamvis*, dist. 68. & c. *Inter corporalia* de Translat. Ep. Sanè verò in ordinatione Sacerdotum, & Episcoporum ita est ordinarius minister Episcopus, ut ne quidem ex Pontificis commissione, Sacerdos simplex, aut Presbyter id Sacramentum conferre possit: uti id ex perpetuâ Ecclesiæ traditione constat, inauditumque est Sacerdotem à simplici Sacerdote ordinari: nec apparet, ad quid Ordo Episcopalis Ecclesiæ absolute sit necessarius, si hæc functio penès Sacerdotes & Presbyteros esse possit. Quæ super re Vasquez disp. 243. Suarez, Azorius, Coning, Præpositus, Comptonus, alijque innumeri Theologi.

II. Ex potestate jurisdictionis Episcopi est regere Ecclesiam, cognoscere causas Ecclesiasticas, judicare & ferre sententiam, mittere ad Prædicandum Sacerdotes, Pastores parochijs imponere, convocare Synodos, ipsque præsidere, beneficia conferre, delicta punire, reos excommunicationi, suspensioni & interdicto subijcere, communioni restituere; & quæ ejusmodi sacra jurisdictio, ad ordinandam gubernandamque Ecclesiam requirit, uti hæc ab Apostolorum ævo per universum orbem Christianum, vel sola traditio, & praxis docere potest. Quemadmodum & Caroli M. ætate servata, & sub Carolo M. etiam in tot Synodis præscripta, & ab ipso Carolo M. tot constitutionibus confirmata sunt, atque inde per Germaniam & Saxoniam ad nos usque pervenerunt, donec Lutheri primum doctrina, hæc omnia invertere cœpit.

S S

III. In-



III. Inter munia sua Episcopi quædam communia habent cum Presbyteris, & Sacerdotibus: ut Sacrificium Missæ offerre, absolvere à peccatis, baptizare, administrare cætera Sacramenta, prædicare verbum Dei, docere Clerum, administrare Ecclesias, scholas instituere, verbo, omnia facere quæ Sacerdotis sunt, & Parochi. Ex hoc postremo genere officiorum, quæ omnibus Presbyteris communia sunt, Nifanius duo tantum adscribit Episcopis, tanquam primaria & propria munia, prædicationem videlicet verbi Dei, & scholarum præfecturam curamque; ea vero munia, quæ propria sunt Episcoporum, seu ex institutione Christi, seu ex Ecclesiæ ordinatione, prorsus tollit, aut cum Presbyteris communicat.

igitur I. Nifanius, ut persuadeat Episcopos teneri ad prædicationem verbi Dei, producit antiquos Patres, & Episcopos ex Ecclesiâ; deinde D. Bonifacium, ac primos per Frisiam ac Saxoniam Episcopos: post illos Brunonem Colonensem Archiepiscopum, aliosque. Demum Turonensem & Cabilonensem Synodum, sub Carolo celebratas, atque ipsum etiam Caroli M lib. 2. Capitularium c. 4. & II. alio quodam edicto ad hortantem Episcopos, ut prædicandi munus verbo & exemplo expleant. & non negare nos, docendi in unum ac præcipuum etiam esse ex Episcopi muneribus, sed tale tamen, quod cum Sacerdotibus alijs, atque etiam Diaconis commune habent, quodque per alios explere possint, ac sæpè debeant, si aut linguâ, aut invaletudine, aut alijs publicis ac magis Ecclesiæ necessarijs occupationibus impediti sint: ita enim Concil. Trident. sess. 24. de Reform. c. 4. *Prædicationis munus, quod Episcoporum præcipuum est, cupiens sancta Synodus exerceri, &c. mandat, ut in Ecclesiâ sua ipsi per se, aut, si legitime impediti fuerint, per eos, quos ad prædicationis munus assumunt: in alijs autem Ecclesijs, per parochos, sive, ijs impeditis, per alios ab Episcopo deputandos, id exerceatur.* Quod ipsum jam ante in Concilio Lateranensi sub Innocentio III. sancitum est: *Cum sæpè contingat, quod Episcopi propter occupationes multiplices, vel invaletudines corporales, aut hostiâ incurfiones, seu occasiones alias, &c. per se ipsos non sufficiunt ministrare populo verbum Dei, maxime per amplas dioceses, & diffusas: generali constitutione sancimus, ut Episcopi viros idoneos ad sancta prædicationis officium salubriter exequendum assumant.* Id sanè nunc, vel maxime in Germania & Saxonia locum habet, ubi Episcopi simul Principes imperij sunt.

sunt, satisque habent inter ceteras occupationes, ut Ecclesias suas, commissumque sibi gregem ab hostibus, & à vobis incurstantibus lupis, defendant: præsertim cum tanta sit Sacerdotum doctorum copia, ut templa prius ac coetus hominum, quàm Sacerdotes concionatores desideres. Imò Carolus M non omnes ad id munus adstrinxit, lib. 1. Capitul. c. 109. *Episcopos monemus, ut sive per se, sive per Vicarios, pabulum verbi divini populo annuntient.*

Quam excusationem ab hoc munere prædicandi, Concilium Tridentinum, & Lateranense admisit, hanc Ecclesia jam olim agnovit in alijs. Episcopis, ut tam adjutores, quàm Vicario munere sibi prædicatores delegerent. Ita Valerius Episcopus commisit D. Augustino Presbytero suo prædicandi officium, quod ipse, cum Græcus esset, minus commodè populo prædicare posset: ut id Possidonius in vita D. Augustini c. 5. scribit. Ita Valerius Cæsaraugustanus in Hispania Episcopus, S. Vincentio Martyri prædicandi munus commisit, Diocletiano Imperatore, cum Episcopus ob linguæ impedimentum id explere non posset. Quàm multa hujusmodi sunt exempla in sanctis Viris, qui ob id Episcopi munus non recusarunt, neque eo se abdicarunt. Verùm etsi Episcopi quæ jurisdictionis sunt, alijs committere possint, non tamen ea quæ potestatis sunt Ordinis: ut Chrisma conficere, parvulos confirmare, Clericos ordinare, oleum infirmorum, vel Catechumenorum sacrare, templa & altaria consecrare: quæ super re Theologi, tum juris Canonici Doctores, cap. *Quanto, de consuet. & c. Aqua, de Consecrat. Ecclesie.* Ut vel inde recognoscas discrimen inter munus prædicandi, & inter alia munia, quæ Episcopo propria sunt, & in quibus ordinarius est minister, aut ex Christi institutione, aut Ecclesie ordinatione. Inde Episcopi vocantur summi Sacerdotes, ut Apostolus dixit: *Majores sive digniores, à quibus minores benedicantur, & cap. venerabilis, Episcopatus appellatur culmen dignitatum:* perinde, ut Episcopi *Pontifices* etiam & *Papa*, hoc est, *patres patrum* dicti sunt: quibus tamen nominibus, ob excellentiam dignitatis & potestatis, propriè Romanus Pontifex, & Vicarius Christi, idemque Pontifex Maximus, & primus Episcoporum appellatur; nec alio honoris titulo decoravit Carolus M lib. 5. Capitul. cap. 103. *Ut qui throni Dei vocantur:* ideo thronus illis in Ecclesia sacrificantibus erigitur, quos tu tantis calumnijs & injurijs oneras, tanquam nulla alia tibi

merces superfit amplius, quàm ut tibi textores thronum ponant, in quo Pſeudoepiscopum suum venerentur.

Sed nunc causam tuam ex hoc prædicandi munere examinemus, qui tantoperè ex eo te jactas, & extollis supra Episcopos & Pontifices : Quaramusque primò, quis te miserit ad prædicandum verbum Dei? *Quomodo enim predicabunt, nisi mittantur?* ut Rom. 10. docet Apostolus. Hinc illa toties repetita querela adversus falsos prophetas in Scripturâ, quod sine verâ missione, quâ datur jurisdictio, ut cum auctoritate doceant, currerent & obtruderent se populo. Vel ergo ordinaria tua est missio, vel extraordinaria. Non ordinaria, hæc enim requirit successionem Apostolicam in Episcopis, cum potestate Ordinis & jurisditionis, quæ apud vos cum Luthero defecit, ut suprâ relatum lib. 1. de Ecclesia. Non extraordinaria, quæ testimonijs divinis, & signis, & miraculis probari debet, ut suprâ probatum est : & quis credet te aut ordinariè, aut extraordinariè magis vocatum, quàm Calvinij, aut Zwinglij, aut Labbadæi etiam ministros? Hic, si quid vales ingenio & doctrinâ, Becanum aliquem de vocatione ministrorum vestrorum, aut cæteros scriptores expedia velim. Jam à centum annis expectavimus hujus quæstionis resolutionem à vobis, & nemo quicquam adhuc attulit, quod prudenti & intelligenti vel speciem veritatis exponeret.

II. Quid obsecro doces ex tuo prædicandi munere, nisi damnas ab Ecclesia hæreses, & calumnias adversus Sponsam Christi? quæ est Ecclesia sine rugâ, & maculâ, & errore Apostolicæ doctrinæ: quâ super re lib. 1. actum est.

Nero & Calvinus deplorarunt, inquam, se literas didicisse: & quid tu aliud ex infelici tuo munere expectare poteris? quàm illud Apostoli ad Gal. 5. *Qui conturbat vos, portabit judicium, quisquis ille est.*

III. Si tam necessarium est prædicandi munus in Episcopo, ut tu fingis, quare ergo primi vestri per Saxoniam Episcopi id munus non explerunt? id sanè quidem constat, nullum cum Luthero Episcopum, aut ne Abbatem quidem defecisse, qui novum illud Evangelium cum Luthero auspicaretur: post tamen ubi per vim & arma, & populi defectiōnem Evangelium vestrum invaluit, abrogatis Catholicis Episcopis, impositi sunt Magdeburgi, Halberstadij, Hildesij, Bremæ, Mindæ, Verdæ, Osnabrugi, alijsque in sedibus Episcopi, ex Ducum & Principum familijs



lijs filij; ullusne ex illis publicè verbum Dei è Cathedrâ Episcopali docuit? quod tamen maximè initia religionis vestræ ad Apostolicam formam poscebant. Fuere inter hos, qui nullo sacro Ordine insigniti unquam fuere, neque latinam quidem linguam callerent. Quanta mihi scribendi materia se offert, si, ut res habet ab historicis relata, singulorum horum Episcoporum mores & vitam, cum D. Bonifacio, Willibrordo, Ludgero, Hildegrimo fratre ejus, Willehado, Suiberto, Wihone, Norberto, alijsque Apostolicis viris conferre liceret: festucam in Catholico-  
rum oculo vides, & trabem in Lutheranorum non vides.

Pergis interim calumniari, & scribis: intra sexcentos & plures annos vix unum, aut alterum Episcopum reperiri, qui verba ad populum fecerit. & sexcenta hæc mendacia sunt: nam si à sexcentis annis & suprâ, nimirum ab anno millesimo, & Ottonum Magnorum Imperatorum tempore, nemo Episcoporum concionatus est; quid ergo Adalbertus Pragensis Episcopus, idemque Bohemorum & Prussorum Apostolus? quid S. Bruno Prussorum Episcopus? quid D. Bonifacius ejus successor? quid D. Gerhardus Ungarorum Episcopus? quid Meinhardus, Bertholdus, Bernardus Comes Lippie, primi illi per Livoniam Episcopi & Doctores gentium? quid Tagmo D. Wolfgangi discipulus, & D. Norbertus Magdeburgensis Episcopi, Bernwardus & Gothehardus, Hildesien-  
senses Episcopi? Quid Otto Bambergensis Episcopus, Pomeranorum Apostolus, alijque innumeri Episcopi? Si fastos Episcoporum singulorum, si Dithmarum, si historiam Slavonicam Helmoldi & Arnoldi Lubecensis, si SS. vitas apud Surium & Bolandum, si historicos cæteros, atque ipsum etiam Crantziū legas, reperies passim per Germaniam & Saxoniam Episcopos concionatos; donec postremo ante Lutherum sæculo, multum remitteret id munus: quod Crantzius æqualis eorum temporum conqueritur, tum vel maximè, cum Comitum & Principum filij ad Episcopatus pervenere, & solâ jurisdictione Episcopi contenti, Sacerdotes & Episcopos consecrare detrectarunt, effusiq; in luxum, Ecclesie disciplinam neglexerunt; torpor, inscitia, vitæ libertas, & Venus, Luthero ostium aperuere. Cæterum per Italiam, Galliam, Hispaniam, Belgium, inter Episcopos concionandi munus permansit: uti hodieum passim obtinet, frustra oblatrante Espenczo, Scioppio, cæterisque Episcoporum & Cleri obtrektoribus. Vix tu pedem extra Westfaliam has

extulisti, & de orbis Episcopis iudicas. Veriùs dixisses, nullum adhuc Episcopum Lutheranum verbum Dei prædicasse, nec prædicaturum unquam: cum eos ex vera potestate Ordinis & jurisdictionis, heterodoxa Ecclesia vestra habere non possit, nisi ad Catholicam redierit. Imò quid tu Episcopis nostris hæc obijcis, quem tam miserè ad populum dicere audio, ut quemvis Prædicantem, quam te Superintendentem & Episcopum plebs audire malit: tantum hoc superest, ut Danus gente, cum Danis Prædicantibus, conciones è cathedrâ legas: incertum, memoriæ, an doctrinæ suæ non fidant ampliùs.

Ab Episcopis criminando transis ad Pontifices, & scribis: qui intra quingentos annos sublimem illum thronum conscenderunt Pontifices, ij plerique aut Causidici, aut Politici, aut illiterati fuerunt. &c. Id tam fallum est, quàm tu impudens calumniator, & mendax es. Estne viri ingenui, ita scribere de Pontifice Maximo & Vicario Christi? quem etsi vos Lutherani non agnoscatis, venerantur Principes, Reges & Cæsares in imperio. Quid sit tibi ultrò largiremur, aliquos Pontifices non fuisse adeò doctos, ut tu vis, quid inde? etiam in Concilio Nicæno, simplices aliqui, nec adeò docti, teste Rufino lib. 10. hist. c. 3. qui tamen rectè judicarunt de Arij hæresi. Quàm multa naturalis prudentia, experientia, & assistentia Spiritus sancti supplet! & quid Concilia privata, & publica Pontificum ac Principum, si ab ipsis omnia petenda? Sed quomodo probas, quod tam malignè scribis? quatuor tantum producis Pontifices, Paulum II, quem Platina osorem humaniorum studiorum scribat; Clementem VII, quem Jovius nullis propè literis instructum referat lib. 32; Urbanum VIII, qui ne discipulus quidem Theologiæ fuerit; Alexandrum VII, qui literis quidem politioribus excultus fuerit, sed quem nemo hæcenus scientiâ rerum sacrarum commendavit? Hi nimirum sunt, quos ex quingentis annis nobis sistis Pontifices, non satis doctos; qui verò eruditione, virtute, sapientiâ, & vitæ sanctimoniâ inter illos clari fuerunt, hos tu suppressis & transilis. De Paulo II. Veneto, ita Platinam pro affectu suo scribere, cui mirum? cum is ab hoc Pontifice, ob famosum libellum, & minas in Pontificem, & conspirationem, in carcerem abreptus, & quæstionibus etiam subiectus fuerit. At de eo Onuphrius: *literis, licet adultus esset, operam dedit, præceptore usus Jacobo Ritionio, viro erudito; qui diligentiam ejus laudare consueverat.* Alios deinde præceptores habuit,

habuit, etsi tum summa politionis literaturæ nondum comprehenderit: postquam tamen ab Eugenio IV. Pontifice, cujus ex sorore nepos erat, Protonotarius Apostolicus, Episcopus Cervienſis, & Cardinalis creatus, homo, ut inquit Onuphrius, naturâ blandus, mitis & humanus, ætatem sub quatuor Pontificibus excoluit; ob vitæ integritatem, ac sapientiam Pontificatu dignissimus est habitus: ob hæc in epitaphio ejus Roma legitur: *Justitia, pietatis, divinarumq; carimoniarum cultor religiosissimus, Ecclesiastica libertatis defensor constantissimus, & in pauperes munificentissimus*: quæ & ipse Platina in Paulo commendare, necesse habuit, virumque asserit protero corpore, & formâ corporis decorum, qui majestatem Pontificiam tanquam alter Aaron referret in sacris. De Clemente VII. Pontifice, quem à Jovio minùs literatum adfers, ita idem Onuphrius: *Is sub patris Laurentij Medici tutelâ educatus, à teneris annis singularis, viriditq; ingenij speciem de se præferebat; unde optimis, qui tunc Florentia erant, præceptoribus usus; animum ita composuit, ut literarum cognitioni maximam morum elegantiam adjunxerit*. Tanti nunc mihi est Onuphrius, quanti apud te est Paulus Jovius: præsertim, cum de Jovio hoc Lipsij sit judicium in notis ad lib. I. Polit. *Stylo quidem bonum gravemq; esse, & planè ad historiam; judicio vero ac fide ambiguum: ubi affectus non distrahunt, rectum; ubi illa adsunt, obnoxium. ad gratiam scilicet se dare & auram*. Cætera, quæ ad horum Pontificum elogia desideres, historia Ecclesiastica Rainaldi exponit: ac licet Itali ac Hispani, humanioribus studiis non omnes ita exculti sint, uti hæc Platina & Jovius æstimabant; nativâ tamen linguâ suâ, superiores scientias faciliè comprehendunt, secus est in Germanis. Et quæso, quid in tuis est scriptis? nisi quod hæc ubique ex rapsodia tua, judicium, scientiam, & scribendi methodum requirant; tanquam ex Joannis Gerhardi tomis Luthericis exscribere sua, & colligere epitomen maledicentiæ in Catholicos, magnæ sit sapientiæ. Et quantus tamen tu Aristarchus, censorque Episcoporum, Pontificum, & orbis Christiani esse vis? Tertulliani judicium de te veriùs est lib. advers. Herm. *Naturâ hereticus, turbulentus, & superbus, qui maledicere singulis, officium bonæ conscientie judicet*. Urbanum VIII. humanioribus literis apprimè excultum fuisse testantur ejus scripta, & poemata, & Poëtarum celebrium applausus: quantus verò idem Pontifex fuerit in jure Canonico, quippe tot annos Auditor Rotæ, & causarum Ecclesiasticarum per

per orbem Christianum iudex, testantur facta, & gloria Orbis. Utrumne vero præstet Episcopum deligere juris Pontificij consultum, an Theologum? disceptant juris Canonici interpretes & Theologi. Quà super re inter alios Azorius p. 2. lib. 3. c. 18. q. 9. in utroque genere, semper præclari & sapientiâ eminentes viri, & nonnisi ex fulgentissimo Cardinalium Collegio delecti Pontifices, qui & multum exercitati, & per omnes dignitatum gradus provecti, ad Pontificatum perveniunt: etsi ex illo ducentorum & supra Pontificum numero, quidam malæ vitæ notati reperiantur; quos Baronius, ac cæteri scriptores, non dissimulant: quosq; nec supra octo aut novem, vix censueris. Tanto verò magis admirandum, in illâ multitudine, & fastigio honoris, tam multos aut Martyres, aut sanctitate vitæ celebres, aut gubernandi sapientiâ per orbem Christianum illustres reperiri. Numerat S. Augustinus Epist. 165. à S. Petro, ad Anastasium, & suam ætatem, ordine omnes Pontifices sanctimoniam vitæ claros, addens: *etiamsi quisquam traditor per illa tempora subrepsisset, nihil præjudicaret Ecclesie, & innocentibus Christianis; quibus Dominus providens ait de prepositis malis: quæ dicunt facite, quæ autem faciunt, facere nolite.* Quod vero de Alexandro VII. Pontifice scribas, cum scientiâ rerum sacrarum, à nullo hæcenus commendari; hæc tua aut inscitia, aut malevolentia est, cum injuria tanti Pontificis: quando septem & viginti annos natus, anno 1623. publicè de universa Theologia assertiones disputandas proposuit, eodemque anno Jurisprudentiæ, anno deinde 1626. 6. Septemb. Bononiæ Theologiæ Doctor renunciatus fuit, summâ omnium approbatione & admiratione doctrinæ: ita legas in notis Ferdinandi Principis & Episcopi Paderbornensis ad Poëmata sua, & carmen illius honori, à rebus præclare gestis, inscriptum; quod testimonium eo magis apud te valere debet, quod Episcopus ac Princeps noster Ferdinandus, in nonum annum versatus Romæ, septemque ex his, in aulâ Pontificis vixerit, adscitus ab Alexandro in Cubicularium intimum, ob eminentem in omni genere doctrinarum scientiam, quam apud Alexandrum, dum quotidie ei assisteret auditor, mirificè excoluit: tantum verò in Alexandro Pontifice Theologiæ studium exinde fuit, ut de se referre solitus: non semel, sed sæpius sese omnia opera Theologica Francisci Suarez per-volutasse. Tam præposterè vos de Pontificibus judicatis, quos omnes aut illiteratos, aut improbos plebi persuadecis, ex quo Lutherus primum

mum sedem Petri, sedem Antichristi vobis persuasit. Verum Augustinus lib. 1. c. 5. adversus Donatistas clamat : *Cathedra Ecclesia Romana, quid tibi fecit, in qua Petrus sedet, & in qua hodie Anastasius sedet?* addimus nos, in qua post ducentos Pontifices Urbanus VIII. Alexander VII. & hodie Clemens X. sedet. Imò reprimat se Augustinus, quæst. 110. Novi & Veteris testamenti : *Eorum qui extra Ecclesiam, vel contra Ecclesiam sedes sibi instituerunt, cathedram pestilentia dicimus* : ex hac cathedra pestilentia, tu hæreses tuas doces, & hoc virus in Pontificem spargis. At tu, qui tam sagax es in Pontificum vita scrutanda, ullumne in tanto numero Pontificum, à S. Petro ad Clementem X invenis, qui non Sacerdos & Episcopus consecratus fuerit? Rursum Augustinus, postquam omnes à D. Petro usque ad Anastasium, ordine, & nomine suo enumerasset Pontifices : *in hoc ordine, inquit, successionis, nullus Donatista Episcopus invenitur.* Nos pari modo dicimus, in tot Cathedralibus Episcoporum sedibus per Saxoniam & Germaniam, & tanto ordine Episcoporum à Carolo M, usque ad hæc tempora, nullus adhuc Lutheranus Episcopus invenitur, qui cum potestate Ordinis & jurisdictionis Catholico Episcopo successerit, ut veros Sacerdotes creare, & generare Lutherana Ecclesia potuerit : Nec tu ille es, quantumvis Superintendens nomine, te in locum Episcopi obtrudas. Sobna aliquis nobis Præpositus occurris, ad quem Deus per Isaiam Prophetam cap. 22. *Quid tu hic, aut quasi quis hic?*

## C A P V T XIX.

*Singula Episcoporum munia, explicatiùs ex Caroli M. constitutionibus asseruntur.*

**D**uo tantummodo Episcoporum officia Prædicans ex Carolo M. retulit, munus videlicet prædicandi Verbum Dei, & curandi scholas, cætera illi aut invisa, aut suppressa. Verum cum

T T ad



ad Carolum M. appellarit, expendendum, quàm syncerè nobis cum Carolo M. agat; quando illa, quæ propria sunt Episcoporum munia, per imposturam transilit.

Primum ergo & proprium Episcopi munus ex potestate Ordinis est, consecrare Episcopos & Sacerdotes; eo tamen discrimine, ut Episcopus ordinetur à duobus, vel tribus Episcopis, id est, à duobus assistentibus Metropolitano, vel à pluribus, uti id Can. 1. Apostolorum, & in Concil. Nicæno 1. c. 4. Carthag. 4. c. 2. alijsque Concilijs est sancitum. Ad hunc modum Anacletus tertius à S. Petro Pontifex epist. 2. scribit, Jacobum Hierosolymitanum Episcopum à Petro, Jacobo, & Joanne ordinatum fuisse: id uti in Synodis & constitutionibus à Carolo M. confirmatum sit, jam suprà retuli. Gregorius III. epist. ad Bonifacium: *Quoties Episcopum consecraveris, duo vel tres conveniant tecum Episcopi.* Ita verò D. Ludgerus ab Hildebaldo Colonienſi Archiepiscopo ac Metropolitano suo ordinatus Episcopus, ut auctor vitæ ejus refert. Ita cæteri Episcopi per Saxoniam ordinati sunt, ut in factis & rebus gestis Episcoporum consignatum est. Ita ad nostram usque ætatem servatum, donec Lutherus primum non modò ordinationem Episcoporum cum ipsis Episcopis, sed & ordinationem Sacerdotum ab Episcopis præscriptam, tollere cœpit ex suâ Ecclesiâ: prorsus, ut de prisca hæreticis Cyprianus lib. 1. epist. 6. *Novatianus in Ecclesia non est, neque Episcopus computari potest, qui Apostolicâ traditione contemptâ, nemini succedens, à se ipso ordinatus est: imò Pastor, inquit, quomodo haberi potest, qui nemini succedens, à se ipso incipiens alienus sit, & profanus?* tota enim successio in potestate Ordinis & jurisdictionis consistit, quæ dum in hæreticis deficit, ministri eorum alieni & profani sint, necesse est.

Tanta verò hujus Apostolicæ legis observatio, & tam salutaris ordo fuit, ut quod in antiquis Concilijs, id quoque in Synodis Carolinis & Caroli legibus sancitum sit; ne quis Episcopus in alterius diocesi, absque alterius voluntate ordinet Sacerdotes & Clericos: id quod in Capitularibus Aquisgranensibus, in Capitulis ab Hadriano transmissis c. 18. & tot Synodorum statutis repetitur.

Tempus etiam ordinationum, ut quater in anno fiant, tam accuratè præscriptum Episcopis in Capitularibus Bavaricis, in epistola Gregorij 2. ad Bonif. *Temporum quoque intervalla*, quibus ordinentur

Subdiz-

Subdiaconi, Diaconi & Presbyteri, leges lib. 7. Capitularium c. 27.

Quæ ut modò etiamnum observari vides in Ecclesia Catholica, ita ex Caroli ævo, & statutis cognosces. Omitto alia quam plurima, de Clericorum moribus, vitâ, continentîâ & examine, antequam ab Episcopis ordinentur: quæ omnia in Synodis Carolinis, & Capitularibus Caroli M. reperies. Nihil horum apud vos Lutheranos, ex quo cum Luthero ex Ecclesia Catholica recessistis.

II. Alterum & proprium Episcopi munus est, Sacramentum Confirmationis conferre, Chrisma conficere, & oleum infirmorum consecrare: quo in Sacramento administrando, ita ordinarius est minister Episcopus, ut sine dispensatione Pontificis, Presbyter administrare non possit. Et quamvis administratio Sacramenti hujus, Presbyteris quandoque concessa, non tamen concedi potest Presbytero, ut ipsum Chrisma conficiat & consecret. Non hoc loco persequar, quæ Concilia, quæ Patres, quæ Theologi hac super re tradunt; tantum ad Carolum te revocabo, quem tu ex Catholico in Lutheranum transformare vis. Igitur lib. 7. Capitularium c. 95. *Presbyter semper paratus sit ad suscipiendum Episcopum cum collectione & adjutorio populi, qui ibi confirmare debet, & in Cena Domini semper novum Chrisma ab Episcopo suo quærat, & de veteri nullus baptizare præsumat, id est baptizatum inungere:* quo discrimen indicatur inter unctionem, quæ ab Episcopo in Sacramento Confirmationis, & quæ in Baptismo à Sacerdote fit. Ad hunc modum lib. eodem cap. 365. *Episcopi per singulos annos, cunctas diœcesis parochias suas circumire non negligant, docendo, confirmando, singulaq; quæ necessaria sunt, restaurando.* Idèò cap. 310. præscribitur, ut Presbyteri ab Episcopis proprijs Chrisma petant. Lib. 6 Capitularium c. 284. Hominum confirmatio, Ecclesiarum, altarium, Virginum, Chrismatum, Presbyterorum, Diaconorum & Subdiaconorum consecrationes, à Chorepiscopis actæ, ab Episcopis canonicè ordinatis reformandæ, canonicèquæ peragendæ: quia Chorepiscopi hæc contingere non debuerunt: *Nec alio unquam tempore juxta sanctos Canones, vel secundum morem Romanum, nisi in Cena Domini sanctum Chrisma conficiatur.* Ibidem statutum est, ne à Chorepiscopis per Chrisma Sancti Spiritus traditio fiat. Additione III. Ludovici Pij: *Chrisma novum à suo Episcopo accipiat Presbyter.* In Concilio Moguntino c. 27. uti & lib. 5. Capitularium mandatur: *ut Presbyteri sub*





Tertium Episcopi munus, ei que proprium est, consecrare templa, Sacella, altaria, vasa, & vestes ad sacrorum usum, ac demum virgines etiam: unde nefas ea profanare, quia ad cultum divinum deputata & consecrata sunt. Typus horum exemplumque in veteri lege, quando Num. 7 legimus celeberrimam dedicationem Tabernaculi & altaris; deinde ter factam legimus dedicationem templi, primum à Salomone lib. 2. Paralip. c. 7; rursum ab Esdra lib. 1. Esdra c. 6. tertium à Machabæis lib. 1. Mach. c. 4. similiter consecrationem altarium, & sacrorum vasorum, nobis Scriptura tradit, Exod. c. 40. Num. 7. *Omnia hæc in figuris contingebant, teste Apostolo; ob quæ Ecclesia cum novis cærimonijs, cultum suæ religionis juxta Apostolorum instituta introduxit, ac deinde ab Apostolorum ævo per totum orbem Christianum servata sunt, uti traditione ad nos pervenerunt. De his illud Augustini epist. 118. valet: Insolentissima est insania, disputare, an faciendum sit? quod tota per orbem frequentat Ecclesia.* Clarius eadem epistolâ: *illa quæ non scripta, sed tradita custodimus, quæ quidem toto orbeterrarum observantur, dantur intelligi, vel ab Apostolis ipsis, vel à plenarijs Concilijs, quorum est in Ecclesiâ saluberrima auctoritas commendata; & statuta retineri.* Quemadmodum de his Tertullianus quoque: *Hæc & aliarum si legem expostules, traditio tibi prætenditur auctrix, consuetudo confirmatrix, & fides observatrix.* Maxime si Patrum accedant testimonia, qualia pro dedicatione templorum & altarium Belarminus magno numero adducit lib. 3. de cultu SS. c. 5. uti & Concilium Arausican. 1. c. 10. & Concil. Arelatense 11. c. 37. dedicationem templorum & altarium, Episcopo adscribit.

Sed his missis, Caroli M. testimonia sistamus: is lib. 1. Capitularium c. 151. *Ecclesia vel altaria, quæ ambigua sunt de consecratione, consecrantur.* Lib. 7. Capitularium c. 307. *Similiter & de Ecclesijs, vel altarijs, atque de consignandis fidelibus, quoties super his dubitatur, agendum est, id est, ut sine ullâ trepidatione consecrantur, & fideles confirmantur.* Lib. 4. Capitularium in appendice, titulus ponitur XXI. *De altari non consecrando, nisi lapideo: & titulus XXII. De confirmatione cum Chrismate.* Lib. 6. Capitularium c. 3. *Sancitum est, ut nullus Presbyterorum, in domibus ab Episcopis non consecratis, oblationem offerre quoquomodo præsumat.* Lib. 7. Capitular. c. 99. *Nullus Sacerdos, nisi in locis Deo dicatis, vel in itinere in tabernaculo, & mensis lapideis ab Episcopo consecratis, Missam celebrare præsumat, quod*

si quis præsumpserit, gradus sui periculo subiacebit. Libro eodem c. 33. Statutum & institutum est, ut Missarum celebrationes, in locis incongruentibus fieri omnino non debeant; excepto, quando in itinere pergitur, & locus Basilica procul est, & in altaribus ab Episcopo consecratis fieri necessitas compellit. Pergit Carolus: In Canonibus legitur, ut nullus Sacerdotum, in domibus vel in alijs locis, nisi in Ecclesijs Deo dicatis, celebrare Missas audeat: simul & hoc statutum, ut nullus Sacerdos in alijs, quàm in Deo dicatis vasis, & ab Episcopo consecratis, ministrare, seu Missas celebrare, præsumat; quia sicut non est concessum, ut alij Missas cantent, & sacrificia consecrent, quam illi, qui ab Episcopis sunt consecrati: ita non est licitum, ut in alijs domibus, vel altaribus, aut vasis, Missas Sacerdotes celebrare præsument, quàm ab Episcopis consecratis. Sunt etiam ab Episcopis consecrandæ & benedicenda corporales palle, & alia vestimenta Sacerdotalia, nec non & omnia quæ in usus Basilica vel altaris, sive ministerio Sacerdotis, ad divina mysteria explenda complectuntur. Hanc deinde sanctionem Patrum decretis confirmat Carolus, idque ab antiquis Patribus & prædecessoribus traditum asserit: ac si quis in hoc Episcopo contumax fuerit, in carcerem detrudatur. Eadem sancita legis additione Ludovici Pij 2. cap. 10. ad lib. 6. Capit. Additione 3. Ludovici Pij ad 7. lib. Capitularium c. 41.

Nunc summam comprehendam singula, ex Chorepiscoporum causa, qui ab his munijs Episcopalibus prohibiti, in Synodo Ratisbonensi: postremum Apostolica sedes, per Arnorem Salisburgensem Archiepiscopum Legatum consulta, unde à Leone Pontif. ejusmodi responsum est allatum, quod lib. 7. Capitularium c. 187. legis: dixit enim & respondit Apostolica sedes, nullum fore Presbyterum vel Diaconum, vel Subdiaconum ab eis ordinatum, nec Ecclesiam ab eis dedicatam, nec Virginitatem consecratam, nec quemquam confirmatum, neque quicquam quod de Episcopali ministerio præsumpserit Chorepiscopi, esse peractum; sed quicquid ab his Episcopaliter præsumptum est, à Canonice ordinatis Episcopis peragi debere: quoniam quod non habuit quis eorum, dare non potuit: nam Episcopi non erant, nec ad quandam Civitatis Episcopalem sedem titulati erant, nec Canonice à tribus Episcopis ordinati, iidem de Episcopali ministerio nihil agere poterunt.

Satis opinor, vides Nifani, quæ Caroli M, quæ Ecclesiarum per Germaniam, & Saxoniam, de his Episcoporum munijs sententia, quæ fides & reli-

& religio fuerit; nec tu ullum Episcopum ex ævo illo Carolino produces, qui his sacrorum munijs perfunctus non fuerit; unde ad nos per continuam successionem & traditionem pervenerunt, hodieque ab Episcopis toto orbe Christiano obeuntur. Ubi nunc Ecclesiarum & altarium consecratio apud vos? imò quæ per Saxoniam Basilica Cathedralis, quæ non vel ad Carolum Magnum, vel ad alios Episcopos consecrationem, ac dedicationem suam, annuâ memoriâ referat? nulla vetus ædes sacra, nullum altare, quod non ab Episcopis consecratum. Ubi vasa sacra, ubi vestes Sacerdotales, & sacrificalia ornamenta? Vidit D. Antonius, cum Ariana hæresis prodiret, sylvestrem aprum ingredi Ecclesiam, & omnia volutando evertere: simile mihi portentum Lutheri deformatio exhibet; ubi Virgines Deo sacratæ? quarum tot cœnobia per Saxoniam, Lutheri negotium fuit prostituere & profanare, postquam Catharinam Bornam sacratam virginem, sacrilego sibi matrimonio junxit. Quid Carolum Magnum dicturum credas? qui tot legibus & pœnis has sacrilegas nuptias damnavit: de quibus infra referam.

Superest unum ex Episcopi munere: Scholas inquis, per Episcopiam, monasteria, & Civitates ubique institui jubet, quarum cura ad Episcopos pertinet: ita multis legibus sancitum agnoscimus, & harum curam ubique Episcopi sumpserunt à Caroli ævo per Germaniam, & cum primis hæresi vestrâ serpente, cui PP. Societatis Scholas, divina providentia & Episcoporum sollicitudo objecit. Sed miserum te! qui ex amplitudine munium, quæ Episcopi ex potestate jurisdictionis, sibi jure divino & humano vendicant, solum prædicandi munus, & curandi scholas relinquis; tanquam ex Episcopis, nobis Prædicantes, & Scholarchas formares.

Rem nunc omnem, quæ hic controvertitur, tibi exponam ex figura veteris testamenti, quæ hæresim vestram jam ante ex schismate Jeroboami designavit. Nam postquam hic impius Rex, regnum Hebræorum cum religione divisit, & primus novum religionis cultum introduxit, ex politicâ Regis potestate, secus quàm à Deo per Moysen ordinatum erat, regnum Sacerdotale, & Pontifices ac Sacerdotes instituti consecratique erant; Jeroboam, ut habetur 3. Reg. c. 13. *fecit de novissimis populi Sacerdotes excelsorum; quicumque volebat, implebat manum suam, & fiebat Sacerdos excelsorum.* Deinde ut cap. 42. refertur: *Fecit fana in excelsis, & Sacerdotes de extremis populi, qui non erant de filiis Levi. Fecit & altare, & ascen-*

*& ascendit super altare, ut adoleret*: Intervenit vir Dei, exprobens illi rem impiam & Sacrilegam, exclamando, *Altare, Altare!* & mox pœna consecuta regem: *Exaruit enim manus Regis*, quâ sacrilegè incensum fecerat; quòd ejus officij non esset Sacerdotum munia obire: quæ præterea vindicta Regem consecuta sit, exponitur 3. & 4. Regum libris. Idein exprobratur Regi lib. 2. Paralip. c. 13. *Ejecistis Sacerdotes Domini, filios Aaron atque Levitas, & fecistis vobis Sacerdotes, sicut omnes populi terrarum*: nimirum humanâ auctoritate, contra divinam auctoritatem; quemadmodum omnes gentes sibi Sacerdotes, & sacrificia, & sana constituerunt. Quo in genere, etsi contra divinam ordinationem egerint gentiles, ex lumine tamen naturæ Sacerdotes, altaria, & sacrificia sibi delegerunt. At vos, etiam contra naturæ lumen, Sacerdotes & Sacrificium religionis abieccistis: *proprie enim Sacerdotes*, inquit, *Nisanius dici nolumus*. Pergit Scriptura: *quicumque venerit, & initiaverit manum suam in tauro de bobus, & in arietibus septem, sit Sacerdos, eorum qui non sunt Dei; noster autem Dominus Deus est, quem non relinquimus, Sacerdotesq; ministrant Domino de filiis Aaron, & Levita sunt in ordine suo*.

Habes hic figuram novæ religionis vestræ, ex potestate sæcularium Regum & Principum; habes confusionem Ecclesiæ vestræ, & omnium hæresum nostri temporis, quæ ministros sibi deligunt, manus imponunt, eosque contra ordinationem divinam instituunt, & plebi obtrudunt: & hos quidem de novissimis & extremis populi, id est sordidos, mercenariosque, lucri & Veneris causa convolantes ad ministerium. Et quid mirum, non in eo honore esse ministerium vestrum, quo apud Catholicos est regale Christi Sacerdotium? in quo sacro Ordine vides Regum, Ducum, Principum, Comitum, Nobilium, & honestissimarum familiarum filios: ne quid hic dicam de ijs Regum & Principum filiis, apud Hieron. Platum lib. de Bono Relig. aliosq; scriptores & historicos, qui per contemptions rerum humanarum, se in religiosorum Ordinum & Monachorum vitam dederunt; quos inter habes Carolomannum Caroli M. patrum, Principem, generis claritudine, belli gloriâ, & virtutum splendore eminentem. Quod idem vitæ genus Ludovicus Pius Caroli M. filius meditatus est, suscepissetque, ni imperij, & regni hæreditarij necessitas impedisset, ut auctor vitæ ejus memorat. Habes postremum successionem Pontificum, & Sacerdotum, quæ uti carnalis in lege illa fuit, ita

Spiritua-

Spiritualis multò nobilior, & perfectior est in lege gratiæ; ideoque tanta potestate Ordinis, & jurisdictionis donata à Christo, ex quâ Carolus M. omnesque Imperatores, Reges, & Principes Christiani, Episcopos & Sacerdotes ex majestate religionis nostræ venerati sunt.

## C A P V T XX.

### *De calibatu Sacerdotum.*

**M**ultis hanc nobis controversiam tot scriptoribus discussam regerit Nifanius, ut in nullâ re Prædicantes sollicitiores, aut facundiores sunt, quàm pro uxoribus suis, exosi calibatam omnem in Ecclesia: verùm quàm non ridiculum, quod hunc tractatum suum inscribat de Matrimonio Sacerdotum? qui tamen fatetur de se ac suis: *Sacerdotes propriè dicti, appellari nolumus.* Quid igitur ad te calibatus Sacerdotum? si propriè Sacerdos non es, sed improprie, sicut omnes laici? retine igitur tibi tuam uxorem, cum omnibus Lutheranis Prædicantibus, quibus fas est uxores ducere; cum nec Clerici, nec Sacerdotes consecrati sitis: & relinque Catholicæ Ecclesiæ sollicitudinem de calibatu Cleri sui. Interim pareamus tibi, & maxime ad Carolum M provocanti: sed prius cardinem hujus controversiæ, & Ecclesiæ Catholicæ veritatem, paucis præmittamus.

Primò igitur quæstio est, utrumnè calibatus jure divino, an Apostolico sit annexus sacris ordinibus? Quâ in re, ut ipse agnoscis, in fine hujus tui scripti, paucis duntaxat exceptis, Ecclesiasticæ esse legis; quod & Concilium Tridentinum profitetur Sess. 24. c. 9. *Si quis dixerit, Clericos in sacris Ordinibus constitutos, vel Regulares, castitatem solemniter professos, posse matrimonium contrahere, contractumque vâidum esse, non obstante lege Ecclesiastica, vel voto; & oppositum nil aliud esse, quàm damnare, matrimonium; posseque omnes contrahere matrimonium, qui non sentiunt se castitatis, etiamsecam voverint, habere donum; anathema sit: cum Deus id*

V V

rectò



reſſe petentibus non denegat, nec patitur nos ſuprà id, quod poſſumus, tentari. Hæc de jure Eccleſiaſtico ſententia eſt D. Thomæ 2.2. q. 85. art. 11. Soti lib. 7. de juſtit. q. 6. art. 2. Bellarm. lib. 1. de Cler. c. 8. Azorij p. 1. lib. 13. c. 12. Sanchez de matrim. lib. 7. diſp. 26. Reginaldi lib. 31. Koning de Sacra. diſp. 31. Comptoni diſp. 101. ſect. 2. num. 5. aliorumque: quocirca cum Græcis diſpenſare licuit, & eorum Clericis, ac Sacerdotibus permittere conjugium, ut cap. *cum olim* de Clericis refertur, quod fieri fas non eſſet, ſi juris divini eſſet.

II. Catholicorum igitur aſſertio eſt, cælibatum jure Apoſtolico quàm æquiſſimè annexum eſſe: id quod primò ex ipſis Apoſtolorum ſcriptis probant, epiſt. ad Titum c. 1. ubi præter cæteras dotes Epicoſci, Paulus continentiam requirit, 2. ad Timoth. c. 2. *Nemo militans Deo, implicat ſe negotijs ſecularibus*, quæ magnâ mole, & longâ catenâ matrimonium ſecum trahit. Accedit, quod in veteri teſtamento, res ſacras tractaturis, continentia ab uxoribus præcepta Exod. 12. Exod. 19. Exod. 28. Reg. 21. Quin 1. Paralip. c. 24. toto tempore quo per vices ſuas Deo miniſtrabant Sacerdotes & Levitæ, tenebantur à domo abeſſe, & ab uxoribus ſe continere, quanto magis à Sacerdotibus Chriſtianis id exigitur, qui verum Chriſti corpus conſecrando, & offerendo in ſacrificium, quotidie manibus ſuis contrectant: atque hæc ſanctorum Patrum ratio cum primis adfertur. Id cum apud vos Lutheranos ceſſet, haud mirum, donum continentię vobis à Deo ſubtrahi.

II. Id tradunt Concilia antiqua ex Orientis Eccleſijs, *Ancyranum* can. 10. ante M CC. annos, *Neocaſarienſe*, haud multo poſt, cap. 1. *Presbyter, ſi uxorem duxerit, ordine ſuo moveatur*. *Nicanum* 1, quod Oecumenicum fuit, can. 3. interdicit Epicoſco, Presbytero, & Diacono, ne domi mulierem ullam habeat, præter matrem, ſororem, amitam: nullâ uxoris mentione factâ; quæ primo loco ponenda fuiſſet. Imò cur Clericis, inquit Bellarminus, cohabitatio mulierum interdicitur, ſi uxorati eſſe poſſint? Nonne uxoribus ancillas habere permiſſum? cur ergo iſta prohibitio? aut cæci Patres, qui in hoc Concilij Nicani decreto, continentiam Clericorum docent. *Conſtantinopolitana* Synodus XXII Epicoſporum, à Chryſoſtomo collecta; in qua *Antoninus* Epicoſpus damnatus, quòd uxorem recepiſſet ad congreſſum maritalem. Quâ ſuper re Baronius, ad ann. 400. Idem diſces ex *Nicano* II Concilio, quod Oecumenicum

menicum fuit, & tempore Caroli M celebratum est: id Act. 7. can. 18. quàm severè prohibet; ne qua mulier in Episcoporum ædibus, aut Monasterijs versetur; imò nec in itinere mulier ministret Episcopo in hospitijis. Accedit ex Ecclesia Africanâ *Carthaginense* II, can. 2; ex Ecclesia Gallica, *Arelatense* II, can. 7. *Turonense* I, can. 1, & 2, *Turonense* II, can. 20; ex Hispanica Ecclesia *Elibertinum*, can. 33, *Toletanum* II, cap. 1, *Toletanum* IV, cap. 26, *Toletanum* VIII, c. 6.

III. Probant decreta Pontificum, *Clementis* I, qui in canonibus Apostolorum, can. 27. Lectoribus & Cantoribus tantum permittit uxores; *Calixti* I, apud Gratianum dist. 27; *Siricii*, Epistolâ ad Himericum, c. 27; *Innocentij* I, Epistolâ ad Victorium, c. 9, & Epistolâ ad Exuperium, c. 1; *Leonis* I, Epistolâ 82. ad Anastasium, quâ scribit: *ne aut Levitico ministerio, aut Presbyterali honore, aut Episcopali excellentiâ, quisquam idoneus existimetur; qui se à voluptate uxoriâ necdum frenasse detegitur.* Eadem habet & Epistolâ 9. ad Rusticum Narbonensem, c. 3. *Gregorij* I, Epistolâ 2. lib. I, Epist. 34. lib. 3.

IV. Asserunt testimonia Patrum Græcorum, & Latinorum, quos magno numero ex V. primis Sæculis sistit Bellarminus, & Baronius, Coccius, alijque. Ex Græcis: *Origines*, hom. 23. in Num. *Chrysost.* hom. II. de patient. Job; *Gregorius Nyssenus*, lib. de virg. *Cyrillus*, Catech. 12. *Oecum.* in cap. 3. ad 1. ad Timoth. *Synesius*, Epist. 105. Ex his unum tantummodò *Epiphanium* Episc. audiamus: is ad finem operis ita scribit: *Sanctum Sacerdotium ex Virginibus ut plurimum, aut ex Solitarijs, aut, si hi ad ministerium non suffecerint, de his, qui se à proprijs uxoribus continent: & si quis ab initio continens viduus fuerit, habere potest locum Episcopi, Presbyteri, Diaconi, & Hypodiaconi.* Eadem habet hæresi 59. Ex Latinis *Cyprianus*, lib. de sing. Clericorum; *Ambros.* lib. de off. c. ult. Epist. 82. ad Verzell. & in c. 1. epist. 1. ad Timoth. *Gregorius*, lib. 6. in c. 1. lib. 1. Regum; *Greg. Turon.* lib. 4. hist. c. 4. *Isidorus*, lib. 2. de officijs c. 5. 8. & 10; *Anselmus*, Epist. 4; *Beda*, lib. 3. de tabern. c. 9. Ex his unum denuo *Hieronymum* audiamus, lib. adversus Vigilantium hæreticum: *Quid faciunt, inquit, Orientis Ecclesia? quid Aegypti, & Sedis Apostolica? quæ aut Virgines Clericos accipiunt, aut continentes; aut si uxores habuerint, mariti esse desistunt.* Addo & *August.* serm. 53. ad Frat. in cremo: *Nam si conjugium Sacerdotibus prohibetur, quanto magis crimen fornicationis in nobis asti-*



*mabitur ? Causam dat in qq. vet. Test. sub finem : Quia necesse habet Anistes, quotidie vicem Christi agere, aut orare pro populo, aut offerre sacrificium, aut tingere ; & non solum huic concubitus non licet, verum etiam ministro ejus : uti omnes Ordines, ab Ostiario & Lectore, ad Sacerdotem ordinantur, ut in sacrificio Missæ sint ministri : idque ob dignitatem, reverentiam, & majestatem corporis Christi, quod offertur, institutum est.*

V. Evincunt exempla sanctorum Pontificum, Episcoporum, & Presbyterorum, quos ab Apostolorum ævo, ad nostram ætatem, toto orbe perensemus, quorumque vitas ex historiis possidemus. Quid enim magni & sanctissimi Pontifices Romani ? Quid magni & Sancti Episcopi, *Athanasius, Basilius, Nazianzenus, Chrysostomus, Augustinus, Ambrosius*, alijque innumeri ? ullusne in matrimonio vixit Episcopus ? aut quem laudatum etiam Presbyterum, Diaconum, Subdiaconum conjugatum proferre poteris ? uti ad horum exempla provocat Bellarminus, lib. 1. cap. 19. de Clericorum calibatu, & lib. de judicio concordie. Tota hæc antiquitas obsistit Luthero. Amicus Calvinista, cum ad hoc argumentum respondere non posset, scribit: omnes illos Episcopos & Sacerdotes fuisse hypocritas, qui ex larvata sanctitate, continentium vitam sectati sint, qui ex Enkratitarum hæresi accesserint, nuptias damnantium: sed quam illud impium, & sacrilegum, tam falsum quoque esse, nemo non intelligit.

VI. Quam hoc falsum Lutheranorum sit dogma de matrimonio Sacerdotum, vel ex eo constat, quod jam olim damnatum in Vigilantio hæretico. Docuitis, oportere Clericos antequam Ordines suscipiant, uxores ducere, quod post sacros Ordines, id facere non liceat. Adversus hunc hæreticum Hieronymus lib. suo exclamat: *Prò nefas! Episcopos sui sceleris dicit habere consortes: sitamen Episcopi nominandi sunt, qui non ordinant Diaconos, nisi prius uxores duxerint, nulli calibi credentes pudicitiam.* Hunc errorem receperunt post Episcopi schismatici Concilij Trulliani, circa annum Christi dcc. Cæpit inde hæc mos Græcorum; auctus est tempore Leonis IX, postquam dissidium Græcorum à Latina Ecclesiâ in multis alijs fidei articulis increvit: uti constat ex Humberto Cardinali, qui Nicetam Abbatem, hujus perversi moris defensorem, oppugnavit. Retentus interim apud Orientales Ecclesias calibatus,

apud

apud quos antiqui Canones valuerunt, donec ubique ferè per Orientem invalesceret prava Vigilantij doctrina; adeò ut demum Ecclesia Romana in consuetudinem Græcorum consentiret, tanquàm Orientalibus licitam: eo tamen modo ac lege, ut ductis ante Ordines, & Sacerdotium uxoribus, uti liceret in Sacerdotio; nec fas esset unâ uxore mortuâ, aliam ducere: Quemadmodum constat ex cap. *Quæsitum* de pœnitentia. Et quantumvis hæc Clericis & Sacerdotibus Græcis indulgentia, nunquam ramen Episcopis aut Monachis fas fuit uxores ducere; quod etiamnum servant Græci, & schismatici adeò in Moscovia: inde Episcopos suos ferè deligunt ex Monachis, veteris D. Basilij instituti.

Ex hoc Vigilantij & Græcorum errore, ultrà progressus, primum Wiclefus Hussitarum parens, docuit apertè, licere etiam post ordinationem ducere uxores Sacerdotibus, teste Thoma Waldensi tomo 2. de Sacramentis c. 128. & 189, tom. 3. c. 66. & 67. Wiclefum postea secutus Lutherus, Calvinus, Zwinglius, Menno, & omnes per Germaniam heterodoxi. Hos igitur schismaticos & hæreticos, ut in aliis passim, vestra hujus doctrinæ, vitæque habetis auctores ac patronos.

Age nunc Nisani, primum, quod in tuo scripto lego, pro Sacerdotum conjugio est, provocatio ad Ecclesiam Græcorum: Videamus quâ fide, imò quâ fraude id facias. Græcis non nisi ante matrimonium ductis uxoribus fas erat uti in Sacerdotio; vos Lutherani sacrorum ministri, nullo discrimine jungitis vobis uxores, ut id ante ordinationem, aut post eam, vobis est collibitum. Græcis Sacerdotibus, unâ uxore mortuâ, non licebat aliam ducere; vobis prædicantibus, alia post aliam, & post tertiam, etiam quarta, & quinta, & sexta concessa est uxor. Græcis Sacerdotibus in Concilio *Trullano* præscriptum erat, ne, quando vires suas habebant in Ecclesia, dormiant apud uxores; facitisne hoc vos Prædicantes, & Superintendentes? Græcis, saltem Episcopis, omne matrimonium interdictum est, id quod ad nostram ætatem adhuc servant; quid vos Superintendentes, qui ex nomine & munere Episcopos agitis inter Lutheranos, ex hac lege cum Græcis commune habetis? nihil propterea: accepto enim munere, nihil prius vobis, quàm in torum, & mulierum amplexus ruere. Unquamne *Basilius*, *Nazianzenus*, *Chrysostomus*, aut post eos ullus Græcorum Episcopus, visus est procedere cum uxoribus, liberis, & ancillarum grege, ad templum, quemadmodum

vos Superintendentes fyrma illud muliebree sequitur? Græci, nunquam Monachis voto continentiae obstrictis, matrimonium permittere, neque illud hodie dum Monachis fas est, quod ex D. Basilij instituto retinent; postquam verò Lutherus, ex monacho doctor novus vestri Evangelij, auctorque vestrae Ecclesiae, monialem sibi palam junxit in matrimonium, & ex ea liberos procreavit; laxata ubique sunt per Saxoniam cœnobîa, & monachis juxta, ac monialibus conjugia permittenda, & magno ubique cum plausu inaudita hæ, & sacrilega nuptiæ sunt celebrata; non alio religionis vestrae fundamento, quam Joviniani hæresiarchæ, docentis matrimonium Virginitati præstare: unde Joviniani hæc doctrinâ in vulgum sparsa, Sanctimonialia quædam in nuptias prolecta sunt: quæ tamen hæresis, ut S. Augustinus refert lib. de hæresibus c. 82. tom. 6. citò oppressa, & extincta est, nec usque ad deceptionem aliquorum Sacerdotum potuit pervenire: huic enim monstro sancta Ecclesia, fidelissimè & fortissimè resistit. Viden' nunc Nisani, dum ad Græcos appellas, pro Sacerdotum matrimonio, quantum Vigilanti & Græcorum doctrinam, vestra hæresis transcendat?

Adducis Paphnutium, quod is publicè in Concilio Nicæno intercesserit, ne hoc jugum Ecclesiae ministris imponeretur, idque ex Sozomeno, & Socrate probare vis; verum hoc testimonium nihil facit pro Lutheranis: quando uterque scriptor fatetur, Paphnutium adiecisse: Bonum sibi videri, ut secundum antiquos Canones prohibeatur Clericis, ne post Ordinationem ullo modo uxores ducant, ac solum permittatur, ut ductis ante Ordinationem uti liceat. Servatisne illud vos Lutherani ex Paphnutij judicio? Quanquam, ut Bellarminus ostendit, Sozomeni, & Socratis fides suspecta sit; quando de Sozomeno Gregorius M. scribit, lib. 6. Epist. 31, *multa ipsum mentiri*. Unde verò similis est, Paphnutium tantum intercessisse, ne quid Concilium Nicænum gravius statueret in Clericos. Cætera, quæ hic attexis ex Allatio, & alijs, nullius momenti sunt: quando ultrò largimur, Græcos ex quo per schisma in varias hæreses prolapsi sunt, tam contumaciter errores suos defendisse, quam acriter oppugnarint Latini. Quæ obscura, dubia, & obtorta sunt; illa adfers; & quæ plana, certa, & aperta à Concilijs ac Patribus sunt asserta, illa more tuo transilis; atque ita tempora, & loca confundis, ut ubi demum sis, ipse non scias, nisi quod nuspiam sis. Sed nunc quæ instituti sunt maxime, expediamus.

Post



Post Græcos appellas ad *Carolus M.*, & *Pipini* etiam Patris, & *Carolomanni* Patruī ætatem; atque ipsum *Bonifacium* audes nobis sistere patronum tui erroris. Primum ergo asseris: *Bonifacius Zacharia* Papæ scribit: in *Francia*, maximā ex parte, *Episcopales* sedes laicis, vel adulteratis Clericis, id est, conjugatis traditas esse, apud *Nauclerum* Generat. 25. Et cum *Zacharias*, graviter hac super re questus, rescriberet *Bonifacio*; *Bonifacium* non fuisse ausum Papa rescriptum, de calibatu Sacerdotum, in Concilio proponere; neque ullo verbo calibatū commendare in Concilijs sub *Carolomanno* habitis. Quot tu hic fallacias, & mendacia, per summam impudentiam congeris! R. igitur: D. *Bonifacius*, ex quo à *Gregorio II.* Pontifice Episcopus consecratus, & Legatus Apostolicæ Sedis in Germaniam missus est, ad prædicandum Evangelium, & reformandos corruptos Cleri populique mores; ac deinde à *Gregorio III.* Pontifice in comunere confirmatus, donatusque potestate novos Episcopatus erigendi, quorum quatuor in Bavaria, tres in Thuringia & Hassia instituti, multa & egregia fecit pro Cleri disciplina restauranda, uti *Gregorius III.* præscripserat: inter hæc can. 5. de iudicio Pœnit. Si quis Pontifex faciens fornicationem, secundum humaniorem definitionem septem annos peniteat, Presbyter quinque, Diaconus quatuor, Subdiaconus tres, Clerici, & laici duos, si cum sanctimoniali intelligant adulterium perpetrasse, secundum antiquam constitutionem plus addatur. Quid hic censes de connubio Lutheri cum moniali? aut quæ uxor hîc Clericis permessa? Successit *Gregorio III.* *Zacharias* Pontifex, à quo potestatem convocandi Synodos, quæ ab octoginta annis habitæ non erant, petijt ipse, & *Carolomannus*, ob corruptissimam Cleri vitam: uti Epistolâ ad *Zachariam* deplorat. consensit Pontifex, & rescripsit Capitula XXVII, quæ in Synodis proponi & servari voluit. Inter ea cap. XI. sic habet: *Qui Clerici ab uxoribus abstinere debeant, ex Concilio Africano, Capitulo XXXVII. ita continetur: præterea, cum de quorundam Clericorum, quamvis erga proprias uxores, incontinentia referretur: placuit Episcopos, & Presbyteros, seu Diaconos, secundum propria statuta, etiam ab uxoribus continere; quod nisi fecerint, ab Ecclesiastico officio removeantur.* Cap. 13. *Qua forma servetur in Clericis: maxime cum vetus regula id habeat, ut quisque corruptus baptizatus, Clericus esse voluisset, stonderet se uxorem omnino non ducere.* Exinde *Bonifacius* tria Episcoporum Concilia habuit; primum *Ratisbonæ*, vel

na, vel Augustæ, anno 741. celebratum, in quo Canone VI. ita sancitum : *Statuimus similiter, ut post hanc Synodum, qua fuit XI. Kal. Maij, quisquis servorum Dei, vel ancillarum Christi, in crimen fornicationis lapsus fuerit, in carcere pœnitentiæ faciat in pane & aqua: Et si ordinatus Presbyter sit, duos annos in carcere permaneat, & antea flagellatus & scorticatus videatur, & post Episcopus adaugeat: si autem Clericus, vel Monachus in hoc peccatum inciderit, post tertiam verberationem in carcerem missus, vertente anno ibi pœnitentiæ agat: similiter & Nonne velate, eadem pœnitentiâ contineantur, & radantur omnes capilli capitis ejus.* Ita Bonifacius in Synodo illâ. Quâ nunc fronte scribere audes? Bonifacius nullo verbo proponere, aut commendare ausus est calibatam Cleri, ad Zachariæ Pontificis monita, qui tam severis pœnis fornicationem castigare audeat? Lege Canones ejus Concilij, tom. 17. Concil. Pariens. & Serrarium in Moguntina historia. Quid si Bonifacius vidisset hîc Lutherum aliquem Monachum, cum Moniali publicè in sacrilego matrimonio? quâ non pœnâ, putas, comprehensum fuisse? maxime, si ex crimine publicam sacrilegæ vitæ libertatem, atque hæresin fecisset? Alteram subinde Synodum Liptinensem anno 743. celebravit Bonifacius in Gallo-Belgica, in eâque prioris Synodi Canones, communi consensu recepti, & probati sunt, uti id Benedictus Levita exordio libri V. Capitularium refert: *In hoc Synodali conventu, qui congregatus est Kalend. Martij, in loco qui dicitur Liptina, omnes venerabiles Sacerdotes Dei, Comites, & Praefecti, prioris Synodi decreta consentientes firmaverunt, seque ea implere velle, & observare promiserunt: & omnis Ecclesiastici ordinis Clerus, Episcopi, & Presbyteri, & Diaconi cum reliquis, suscipientes antiquorum Patrum Canones, promiserunt se velle Ecclesiasticâ jura, moribus, & vitâ, doctrinis & ministerio venerari: Abbates verò & Monachi, receperunt regulam S. patris Benedicti. Fornicatores namque & adulteros Clericos, præcepimus inde tollere, etsi post hanc definitionem in crimen fornicationis, vel adulterij ceciderint, prioris Synodi judicium sustineant. Similiter Monachi & Nonne. Tertia Synodus à Bonifacio convocata in Germania fuit, & Moguntia celebrata: in qua Clerici hæreticâ pravitæ infecti, extra Ecclesiam ejecti, & Episcopi capitalium criminum rei, amoti sunt. Inter hæreticos, principes Clemens & Adalbertus: de quibus supra relatam; inter amotos Episcopos Gervilio, Moguntinæ sedis antistes, ob crimina quædam,*

quædam, de quibus Othlonus, & alij, & Ferdinandus Episcopus noſter in Monumentis ſuis. Ea ut Bonifacius audivit, fecit Pipini Regis auctoritas, & Carolomanni ferventiſſimi Principis, in Synodis præſentia, ut loco moveretur: atque ita D. Bonifacius diſciplinam Cleri per totam Germaniam in priſtinum ſtatum reſpoſuit, ex quo per bella, & neglectas Synodos exciderat. Quem tu virum ſanctiſſimum ac Martyrem, tot calumnijs & mendacijs laceras; & ſi à priimo fonte hæc requiras, Romanorum Pontificum auctoritati & ſollicitudini, hæc Germaniæ reſtitutio, & gentium converſio debetur: id, quod ſatis tot Pontificum epiſtolæ ad Bonifacium, te docere poſſunt.

Tranſeamus ad Carolum M, quo Imperatore religio Chriſtiana, & diſciplina Cleri, longè florentiſſima fuit, & Francia, Germanique ſanctiſſimis, ſi unquam, Episcopis ac Sacerdotibus abundavit. Hinc quæ ſub patre Pipino Rege, & Carolomanno patruo, à D. Bonifacio in Synodis ſtatuta fuerunt, Carolus M novis etiam Synodorum legibus confirmavit: quas inter, lib. 7. Capitularium cap. 316, idem D. Bonifacij decretum, contra fornicarios Sacerdotes, Monachos, & Sanctimoniales, iſdem ſeveriſſimis pœnis confirmatum reperies.

Adhæc Carolus M. ex Concilio *Aquiſgranenſi*, anno Chriſti *DCCCLXXXIX. x. Kal. Aprilis* habito, in Capitularis ſui edicto, can. 4. ſecundum Concilij Nicæni, & Chalcedonenſis legem ita ſanxit: *In eadem Synodo interdictum eſt Presbyteris, & Diaconibus, vel omnibus qui in Clero ſunt, mulierem non habere in domo ſua, propter ſuſpicionem, niſi matrem, aut ſororem; aut eaſtantum personas, quæ ſuſpicionem ſubterfugiant.* Eadem lex habetur lib. 1. Capitularium c. 4. Idem in Concilio *Rhemenſi II*, quod ſub Carolo habitum eſt anno Chriſti 813, ſtatuitur can. 22: *Ve à Sacerdotibus omnis ſuſpicio mulierum funditus eradicetur, cum quibus etiam nulla eis habitatio concedatur, præter illam, quæ in Nicæna Synodo permittitur.* In *Moguntino* Concilio ſub idem tempus celebrato, can. 49: *Omnibus Clericis, fæminaſecum in domibus ſuis habere, ultra licentiam Canonum, firmiter ſit contradictum.*

Ad hanc Concilij Nicæni legem, à Carolo M, & Synodis olim receptam, reſpondet Niſanius cum ſuo Joanne Gerhardi, intelligi hoc de mulieribus extraneis, *οὐρανταῖς*; quæ præter uxorem, matrem, ſororem & amitam introducuntur in domos Sacerdotum, & Clericorum.

Sed quis ista frivola non videat? & quærat: cur ergo id Sacerdotibus & Clericis magis prohibetur, quam nobilibus, civibus, & rusticis? si Sacerdotibus æquè liberum est uxores ducere, easque tempore Concilij Nicæni, & Caroli M habuerint? Imò, cur vos Prædicantes præter uxorem, matrem, & sorores, admittitis ancillas, obstetrices, nutrices, & quasvis fœminas in obsequium familiæ vestræ? quæ monstra fuissent in ædibus Episcoporum, & Sacerdotum, tempore Concilij Nicæni, & Caroli M. Atque ut videas, ipsas uxores Sacerdotibus interdici, lege quæ Carolus lib. 7. Capitularium c. 138. sanciat: Ita enim *Sancitum est de Presbyteris, ut unusquisque Episcopus, tam per se, quàm ministros, vitam & conversationem, morumque emendationem eorum cognoscat, eosque Canonica pœnitentia subdere non negligat. Juxta quod in Concilio Casariensi tit. 1. præscriptum est: si Presbyter uxorem acceperit, ab ordine deponatur: si verò fornicator fuerit, aut adulterium perpetraverit, amplius pelli debet, & ad pœnitentiam redigi.* Lib. 7. Capitularium c. 109: *Presbyteri licentiam non habeant fœminas secum habitandi, ut suspiciones fugiant.* Imò lib. 7. Capitularium c. 291, jubentur in hoc antiqui Canones servari, additurque: *si quæ mulier indigeat sustentatione Presbyteri, habeat in villa, aut vicino domum, longè à Presbyteri conversatione, ne prætextu inopiæ cohabitaret Sacerdoti.* Imò lib. 7. c. 16. præscribitur: *Clerici ad viduas continentes, vel ad virgines, nisi ex jussu Episcoporum, vel Presbyterorum non accedant: & hoc non soli faciant, sed cum Clericis. Nec ipsi Episcopi, vel Presbyteri soli habeant accessum ad hujusmodi fœminas, sed ubi Clerici presentes sint, aut graves aliqui Christiani.* Id quod in alijs etiam Concilijs Carolinis præscriptum est. Ideoque rursum lib. 7. Capitularium, cap. 353. ex Clericorum regulis mandatur: *Clerici lege Patrum monentur, ut à vulgari vita seclusi, à mundi vanitatibus sese abstineant; convivio publica fugiant, viduarum & virginum visitationes, frequentationesque fugiant; contubernia extranearum fœminarum nullatenus appetant, castimoniam quoque inviolati corporis perpetuò conservare studeant: Uti hæc in celebri Concilio Moguntino can. 10. multis præscribuntur, quod à tribus Archiepiscopis, Hildebaldo Colonienſi, Richolpho Moguntino, & Arnone leu Bernardo, cum provincialibus Episcopis, & Abbatibus celebratum est, approbatumque à Carolo M. Quo tempore communis Clericorum vita, in eodem Concilio habitantium, cum primis viguit; ut ex*

Canone



Canone IX discēs, quī sic habet: *In omnibus igitur, quantum humana permittit fragilitas, decrevimus: ut Canonici Clerici, Canonice vivant; observantes divinæ Scripturæ doctrinam. & documenta sanctorum Patrum, & nihil sine licentia Episcopi sui, vel magistri eorum, compositis agere præsumant, in unoquoque Episcopatu; & ut simul manducent & dormiant, ubi his facultas id faciendi suppetit, & qui de rebus Ecclesiasticis stipendia accipiunt; & in suo clauistro maneant, & singulis diebus manè primo ad lectionem veniant, & audiant quod eis imperatur.* Quid hīc ais Nisani? qui nobis omnes Sacerdotes & Clericos ex Caroli ævo uxoratos scribis. Credisne, hos omnes Canonicos & Clericos, cum uxoribus & liberis, convenisse quotidie in unam domum & mensam? singulos in suis cellis cum hac sarcina uxorū & liberorum, inclusos habitasse? Næ tu nimium insanis, si vel hoc ulli sanæ mentis homini persuadere velis.

Interim opponis I, ex Capitularium libro 7. caput 93: *Si Sacerdotes plures uxores habuerint, vel sanguinem Christianorum vel paganorum fuderint, aut Canonibus obviaverint, Sacerdotio priventur: quia deteriores sunt secularibus.* Ex quibus inferis, cum Joanne Gerhardi tuo: ergo de jure saltem Sacerdotibus una uxor permissa fuit. & Hæc referri ex corruptissimo illo per Germāniam sæculo, de quo D. Bonifacius, Epistolâ ad Zachariam Pontificem, pro reformatione Cleri scripsit: *Modo autem, inquit, maximâ ex parte, per civitates, Episcopales sedes tradite sunt laicis cupidis ad possidendum, vel adulteratis Clericis, scortatoribus, & publicanis seculariter adperfruendum; tum de ijs Episcopis, ut ipse exponit: qui vel venatores, & qui pugnant in exercitu armati, & effundunt propriâ manu sanguinem hominum, sive paganorum sive Christianorum.* Utrumque D. Bonifacius, per Synodos Episcoporum; auctoritate Pontificis & Pipini Regis, & cum primis Carolomanni, Caroli M. patrui; damnavit & correxit: Ac dum laicos scribit Episcopatu donatos, & Episcopos egisse, facilè quis intelligit adulteria cum alia uxore. Quod verò ne una quidem uxor permissa sit Sacerdotibus, discere poteris ex Synodi Ratisbonensis decretis supra allatis, & severissimis in fornicarios pœnis, ex can. 6. ejus Concilij relatis. His nimirum adulterorum, sacrilegorum, & fornicatorum Sacerdotum exemplis, debetis fulcire causam vestræ religionis, ex quo Lutherus scortatorum famosissimus, vestalem sibi Virginem copulavit, & ex Sanctimonialibus fecit matres; ut S. Au-

gustinus in illud psalm. 49. *Cum adulteris portionem tuam ponebas*, de Donatistis olim dixit, Monachusque hanc libidinis januam aperuit.

Opponis II Canonem X Concilij Moguntini de Clericis : *Castimoniam quoque inviolati corporis, perpetuò conservare studeant ; aut certè unius matrimonij vinculo fœderentur*. &c. Hæc postrema verba non haberi in Concilio editionis Parisiensis ; tametsi in Capitularium libro 7. c. 353, & in Concilio Aquisgranensi sub Ludovico Pio can. 100, addita reperiam ; sed nullum in his causæ vestræ patrocinium, quando hîc sensus est : ut Clerici aut Virgines deligantur, aut qui unius uxoris, id est, *monogami* fuerint : quales etiamnum ad Sacerdotium complures ubique admittuntur. Nec aliud *Isidorus lib. 2, & Gratianus c. His igitur dist. 23*, dixerunt. Et quomodo *castimoniam inviolati corporis perpetuò servabunt Clerici*, si cum uxoribus quotidie misceantur ? tam hebes es, ut ex ipsis Concilij verbis, te non corrigas ; aut non advertas, quemadmodum idem Concilium, *can. 49*, Clericis omnem sceminarum cohabitationem, secundùm Canones prohibeat.

Adducis III Concilium Wormatiense, quod *canone IX* decernit in hæc verba : *Placuit, ut Episcopi, Presbyteri, Diaconi, Subdiaconi, abstineant se à conjugibus, & non generent filios : quod si hoc decretum violaverint, honore Clericatus pellantur*. Nihil clariùs pro Catholicorum sententia adferre poteris ; & tu tamen, ut Lutheranum facias Concilium, dicis : id non de omnibus Clericis intelligi debere, sed ijs tantùm, qui cùm ordinantur, voto cælibatûs se obstringunt. Næ tu mirus interpret es Conciliorum, ac SS. Patrum ! Quo auctore, quo Theologo id doces ? Quasi verò obligatio continentiae Sacerdotibus, & Diaconis, & Subdiaconis etiam, antiquissima non fuerit in Ecclesia, ob votum castitatis ijs ordinibus annexum ; ut constat ex Concilijs, & Patribus : etsi non ex jure divino, certè Ecclesiastico. Et si tua valeat interpretatio, omnibus Episcopis, Sacerdotibus, & Diaconis, liberum fuit uxores ducere, modò dum ordinarentur, nollent se ad cælibatum adstringi. Quid ergo tot leges Conciliorum, & pœnar, quas in Synodis etiam sub Carolomanno, & Carolo M. legis ? Quasi verò suscipienti Ordines, sit leges præscribere ; & non Ecclesiæ, danti Ordines ex divina & Apostolica auctoritate. Scio equidem, in Concilio Ancyrano referri : *si Diaconus protestetur in ordinatione, nolle se obligari ad cælibatum, potuisse tum uxorem ducere ; quod*  
tum

tum sape, ob paucitatem Clericorum in Græcis, & ob duritiam cordis permittendum fuit: sed eo casu, ut Bellarminus tradit, censetur Episcopus dispensasse. Cæterum quod *Carthaginense Concil.* II docet, *can. 2.* Omnibus placet, ut Episcopi, Presbyteri, Diaconi, vel qui Sacramenta contrectant, pudicitia custodes, etiam se ab uxoribus abstineant; & rationem dat: ut quod Apostoli docuerant, & ipsa servavit antiquitas, nos quoque custodiamus. Id *Wormatiense Concilium* etiam docuit.

Adducis IV Concilium *Aquisgranense*, sub Ludovico Pio celebratum, quod lib. I. *can. VI* de Subdiaconis ita pronuntiat: *Placuit Patribus, ut qui sacra mysteria contrectant, casti, & continentes sint ab uxoribus, & ab omni carnali immunditia liberi; juxta quod illis Propheta dicente jubetur: Mundamini qui fertis vasa Domini. Quæ tu verba ita obtorques, ut dicas, non hic continentiam omni tempore præcipi, sed quando sacra mysteria contrectant, & vices suas obeunt; de cætero verò satis esse, ut communem matrimonij continentiam servant. & Nugæ, & somnia tua sunt: Concilium absolutè loquitur, perinde ut de Diaconis decernit: ut pudici, & continentes sint, & sine macula, ut Episcopi. Hæc enim interpretatio tua si valeret, possent omnes Episcopi, Sacerdotes, & Presbyteri uxores ducere, modò quando vices suas obeunt, continerent se ab uxoribus: verùm Concilium illud *cân. 100.* iisdem verbis, quibus *Moguntinum*, Clericis castimoniam inviolati corporis perpetuò, & non per vices servandam præscribit. Et *can. 390*: interdixit per omnia Synodus, non Episcopo, non Presbytero, non Diacono, non alicui omnino, qui in Clero est, licere subintroducendam habere mulierem; nisi fortè, aut matrem, aut sororem, aut amitam, aut eam tantam personas, qua suspiciones effugiant. Viden', ut omnia hæc Concilia, sub Pipino Rege, Carolo M, & Ludovico filio ejus, conspirent ex iisdem SS. Patrum, & antiquorum Conciliorum legibus, in calibatum, & castimoniam Sacerdotum? ad quæ non nisi frivola, contorta, falsa, & toties explosa adfers, & exscribis ex *Joanne Gerhardi*, aliisque fallacibus scriptoribus: fontes, id est, ipsa Concilia, & Patres non legisti. Si vel unum hoc Concilium *Aquisgranense* perlegeris, & sincerâ, ut scripta sunt, mente probaris; quæ de Sacerdotio Christianorum, de singulis Clericorum Ordinibus, de Ostiarijs, Lectoribus, Exorcistis, Acolythijs, Subdiaconis, Diaconis, Presbyteris, Episcopis; quæ de Canonicorum instituto, & tota Clericorum*

XX;

vitâ,

vitâ, tam explicatè & eruditè, ex Scriptura, Patribus, & Concilijs tractantur, Lutheranus certè non esset.

Postremùm scribis: indultum, quo Pontifex, & Ecclesia, Gracis Sacerdotibus permittit conjugium, non aliud esse, quàm quo Alcoranum permittit Turcis, vinum etiam permittitur, ubi habuerint. &c. Ecclesia, quæ habet potestatem ferendi leges, habet & potestatem dispensandi: id si nescias, discas oportet. Luthero tuo hæc conveniunt, qui non aliâ potestate vobis novum illud Evangelium dedit, quàm Mahomet Alcoranum Turcis, contrâque legem divinam, Apostolicam, & Ecclesiasticam, non modò Clericis, sed & Monachis, ex concubinis, sacrilegas dedit uxores,

Discussiis, quæ ex Carolo attulisti, superest unum argumentum ab exemplo. Nam ut suprâ cum Bellarmino, Baronio, alijsque provocavimus, rogavimusque; vel unum nobis dari Episcopum sanctum, aut laudatæ vitæ Sacerdotem, ab ipso Apostolorum ævo, qui conjux simul & Episcopus, aut Sacerdos vixerit in matrimonio, filiosque cum uxore procreavit: ita nunc ex omnibus illis Episcopis, quos Carolus Magnus Saxoniz imposuit, petimus vel unum proferri, qui, (ut vos Superintendentes & pseudoepiscopi,) uxorem habuerit, & filios procreavit. Nam primi illi Episcopi, SS. Wiho Olnabrugensis, Willchadus Bremensis, Ludgerus Monasteriensis, Hildegimus Halberstadiensis, Hathumarus Paderbornensis, Hercumbertus Mindensis, Suitbertus Verdensis, Guntherus Hildesienfis, & qui eos in singulis Sedibus consecuti sunt, omnes castibes, & castissimæ vitæ Episcopi fuerunt, ut singulorum fasti memorant.

Promittis tu quidem multa exempla conjugatorum Clericorum & Sacerdotum, tempore Caroli Magni, ex tuæ sectæ scriptoribus; verùm si omnes hæreticos, ipsumque Crantziū percurras, nullum tu Episcopum, aut Sacerdotem sistes, à Carolo Magno, ad Lutherum, qui publicè, & in facie, ut dicimus, Ecclesiæ, uxorem duxerit. Hoc enim primùm fecit ex Clero, *Carolfstadii Archidiaconus*, Lutheri discipulus, antè Magistrum; deinde ipse Lutherus in ædibus Ammerstorfij, Secretarij Electoris. Horum duorum exemplo, Calvinus, Zwinglius, Menno, & omnium hæreticorum novi ministri, unâ cum apostatis Sacerdotibus, & Monachis, palàm sibi uxores copularunt: idem Monialibus, Sanctimonialibus, & consecratis Deo virginibus liberum fecere. Id quàm inauditum erat antè cum diem in Ecclesiâ, tunc sædum erat in Luthero Monacho, ve-

stra



seræ Ecclesiæ fundatore; quod is ruptis simul tribus votis Deo factis, cum Moniali contraheret matrimonium. Duo quippe Lutherus castitatis vota fecerat Deo, primum in professione Ordinis, alterum in susceptione Sacerdotij; tertium Catharinæ Monialis erat. Hic si tu Carolum Magnum consulas, quot ille legibus ac pœnis hæc sacrilega matrimonia damnarit, intelliges profecto, tantum discrimen, quantum est inter hæresin, & Apostolorum doctrinam.

Opponis, & dicis: multos à Carolo Magno, ad Lutherum, Episcopos & Sacerdotes, cum uxoribus vixisse. R. Triplex hic genus Sacerdotum se offert: Quorum alij ante Episcopatum vel Sacerdotium conjugati, ac mortuâ conjuge, ad sacros Ordines transiere; quales semper fuerunt in Ecclesia, & hodie dum multi sunt; alij ex mutuo consensu, sese toro conjugum separant, & ad statum continentiae transeunt; ex hoc genere multi etiam Episcopi, & Sacerdotes, olim in Ecclesia; verum nec primi, nec secundi generis Sacerdotibus, fas fuit post ordinationem, aut resumere uxores, aut alias ducere, sed in calibatu vivere. Tertijs generis Episcopi & Sacerdotes, qui concubinas admiscere, quorum detestabilis semper vita fuit in Ecclesia; tametsi id malum saepe in multis locis ita invaluerit, ut nec Pontifices per Episcopos, nec Episcopi ob Cleri malitiam, & contumaciam, tollere statim potuerint. Quod spectant illa, quæ tanto, & tam inani strepitu scriptorum producis, de Moguntino, atque alijs Episcopis, urgente Gregorio VII Cleri reformationem. Non enim illi Episcopi conjugia Cleri probarunt, sed idem experti sunt, quod tempore Lutheri, grassante eodem malo, pati necesse fuit; ut quantumvis vellent, perfringere non possent. Ob quam causam, *Bernhardus Raesfeldius*, Episcopus Monasteriensis, post tempora hæresis vestræ, etiam ultrò se Episcopatu abdicavit. Ob hæc Gregorius VII, (quem Catholici inter præstantissimos & sanctissimos Pontifices numerant, ut suprâ relatum est,) tibi execrabilis est Pontifex, à quo doctrinam dæmoniorum, in damnatis nuptijs, investam scribis. Sed cui mirum, id à vobis dici, quibus omnes Pontifices Antichristi sunt? Quæ præterea de Di. Vdalrici Episcopi Augustani epistola adfers, prorsus commenta sunt, & fabulæ; uti eas non modò Bellarminus, Baronius, alijque, sed recens etiam Forerus & Erbermannus ita refutarunt, uti tu ex Joanne Gerhardi exscriptisti, nempe mendax ex folle mendaciorum.

Scribis postremum, calibatam in ordinatione Sacerdotum, à Gregorio

gorio VII imperatum esse, & à Calixto per vim obtrusum, circa annum 1219; qui tamen Pontifex jam anno Christi 1124. mortuus erat: (tantus historicus es) quo Pontifice, D. Norbertus acerrimus calibatus propugnator fuit. Verùm quàm falsum id sit, de introducto demum calibatu per hæc tempora, id tum ex Concilijs, & Patribus antiquis, tum ex Caroli Magni ætate, jam demonstratum est: neque cætera, quæ adversus calibatum in speciem proferis, hîc prosequi operæ pretium, cum id abundè præstiterit Bellarminus, alijque innumeri Scriptores: sufficit tuas imposturas cum alijs ex Carolo Magno detexisse, quem tu ex conjugio Sacerdotum approbato, nobis Lutheranum persuadere voluisti. Tantùm hîc recolasc velim, quod S. Hieronymus scripsit in Oseam, Prophetam: *Difficile est invenire hæreticum hominem, qui castitatem diligit.* Quin inter omnes hæresiarchas, præter Photinum, de quo idem Hieronymus in Chronico, non facile reperies, qui castam vitam duxerit. Inde idem Hieronymus in Epistola ad Ctesiphontem, hunc catalogum hæresiarcharum pertexit: *Simon Magus, hæresin condidit, Helena meretricis adjutus auxilio; Nicolaus Antiochenus, omnium immunditiarum reparator, choros duxit samineos; Marcion Romam premisit mulierem; Montanus immundi Spiritus predicator, multas Ecclesias, per Priscam, & Maximillam, auro corripit; deinde hæresi polluit; Arius, ut orbem deciperet, sororem Principis ante decepit; Donatus, Lucilia opibus adjutus est. In Hispania Agape Elpidium mulier ceca, cacum duxit: Nunc quoque mysterium iniquitatis operatur, duplex sexus utrumque supplantat.* Tales, Vigilantius, Helvidius, Jovinianus, & omnes ad Lutherum hærescôn auctores. Tales Lutherus, Calvinus, Zwinglius, Menno, cæterique vel apostatæ monachi, vel Sacerdotes, mulierum libidinibus noti, uti hos apud Florimundum Remondum, de origine hærescôn, aliosque leges. Igitur tot novarum religionum auctores, nostro sæculo, & tot novæ religiones. Ullusne harum auctor sine uxore? aut ulla Ecclesia nova, quæ ministros continentes & castos habeat, uti Catholica Ecclesia, Christi sponsa? quales nostri Patroni, Christus, Apostoli, discipuli Christi & Apostolorum, Conciliorum Patres, Episcopi, & Sacerdotes, quos ab Apostolorum ævo ad hæc tempora, ex omnibus retrò sæculis Christi Ecclesia exhibet. Extra eam, donum illud continentia, nulla unquam carnalis hæresis, vel in Episcopis, vel Sacerdotibus, vel Clericis, vel consecratis Deo virginibus, monstrare potest.

## CAPUT XXI.

## De Monachorum instituto.

**N**ifanious, ac passim Lutherani, cæterique heterodoxi, *cænobia* Monachorum, ex instituto suo non aliud esse volunt, quàm *scholas* ludosque puerorum, & seminaria, in quibus literas, linguas, & artes Reipublicæ Ecclesiæque necessarias, doceant Monachi. Hoc instituto, Carolus Magnus quoque tot fundasse monasteria, asserit Nifanious, cum Mutio, Hospiniano, Bruschio, Aventino, Joanne Gerhards, & quotquot in hanc rem ex Sacramentarijs, Calvinistis, & rabulis scriptorum colligere potuit. Addere poterat Augustanam confessionem suam, quæ *art. de votis*, docet: *Augustini tempore, monasteria erant libera collegia, postea corruptâ disciplina, ubique addita sunt vota, ut tanquam excogitato carcere disciplina restitueretur.* Addere poterat Melancthonem in Apologia ejusdem articuli: *Olim Monasteria scholæ erant doctrinæ Christianæ, nunc degenerarunt, velut ab aureo sæculo in ferreum, & locupletissima quæque Monasteria, tantum alunt otiosam turbam, quæ falso religionis prætextu, belluatur de publicis elemosynis.* Ejusmodi calumniarum, & mendaciorum plaustra ubique in scriptis vestrorum reperias. Hæc novi vestri Evangelij doctrina est, ex quo Lutherus primum Monachi habitum exuit, Monialem sibi copulavit, laxatisque claustris, omnes Monachos & Moniales à votis absolvit, & verbo, scripto, exemploque, omnes Monachos & Moniales, obstupefcente Orbe ad insaniam facti, ad nuptias invitavit. Expendamus ordine paucis singula.

I. Originem Monachorum, heterodoxi plerique referunt ad quartum sæculum, quorum primi auctores fuerint, Antonius, Macarius, ac similes: ita Magdenb. cent. 4, Melancthon in Apol. ad art. 27. Calvinus lib. 4. instit. Contrà Patres, Joannem Baptistam, Monachorum & Eremitarum principem fuisse scribunt: *Naxianzenus* orat. in Basil. *Basilinus* ipse, *Chrysostomus* hom. 1. in Marcum, *Hieronymus* ad Eustoch. de virginit.

Y Y



virginit. *Cassianus* coll. 18. c. 6. *Isidorus* libro secundo de divinis off. c. 15. *Bernardus* serm. de excell. S. Joan. Bapt. *Sozomenus* lib. 1. hist. c. 12. Planè *D. Athanasius* in vita *D. Antonij* scribit: ante *Antonium* non fuisse quidem *Eremitas*, sed tamen *Monachos*. Ex quo conficitur, ante annum Christi CCC fuisse *Monachos*.

II. *Damasus* in vita *Dionysij* Papæ scribit, *Dionysium* ex *Monacho* ad Pontificatum fuisse assumptum: sedit autem *Dionysius* Romæ anno Christi CCLXVI, ut ex *chron. Eusebij* constat; ergo ante annum CCC fuere *Monachi*.

III. *Tertullianus* librum de velandis virginibus, & post eum *D. Cyprianus* Episcopus & Martyr. de habitu virginum scripsit; uterque verò de religiosis & consecratis Deo virginibus. Quid enim illud *Tertulliani*? O sacrilega manus, que dicatum Deo habitum detrahere potuerunt? quid pejus aliquis persecutor fecisset? Et infra: Nupsisti Christo, illi tradidisti carnem tuam. Similia habet *Cyprianus*. Quale hoc iudicium sit de *Luthero* *Monacho*, & *Moniali*, in sacrilegas nuptias convenientibus, fatis intelligis, opinor.

IV. *Dionysius* *Areopagita*, *Tertulliano* & *Cypriano* antiquior, quippe *D. Pauli* discipulus, epistolam scribit ad *Demophilum* *Monachum*, & lib. *Eccles. Hierarchiæ*, c. 6, prolixè explicat monasticæ professionis formam.

V. *Philo* *Judæus*, disertus & probus scriptor, lib. de vita contemplativa, describit vitam & mores *Monachorum* ac sacrarum virginum, quos *S. Marcus* Evangelista in *Ægypto* instituit, eoque in libro aperte professionem continentiam, & paupertatis asserit, ac de Christianis eum scribere testatur *Eusebius* lib. 2. hist. c. 16. *Epiphanius* hæc. 29. Ita verò institutum *Monachorum*, ad ipsa Apostolorum & discipulorum Christi tempora referri vides: eoque magis id verum, quòd Apostoli perfectionem vitæ religioſæ & Monasticæ docuerint; id cum ex paupertatis, castitatis, & obedientiæ doctrinâ Apostolicâ, tum ex vitâ Christianorum illorum, qui omnia communia habuerunt, constat, Act. 1. c. 5. De quibus *Augustinus* lib. 17. de Civit. Dei c. 4: Hoc votum potentissimi voverant. Typus horum in veteri Test. *Nazarei*, eorumque vota, Num. 6. *Elias*, *Elifæus*, *Rechabitarum*, *Jerem.* 35.

Jam verò ab anno Christi CCC, totum orbem Christianum *Monachis*,

nachis, & Eremitis fuisse repletum, usque ad Carolum M. testantur Basilij, Athanasij, Chrysostomi, Augustini, omniumque Patrum libri, laudibus Monasticæ vitæ pleni. Angliam deinde ab Augustino Monacho, ejusque socijs, quos D. Gregorius miserat, ad Christi fidem fuisse conversam, testatur Bonifacius epistolâ ad Zachariam Pontificem: *Ecclesia, inquit, in qua natus & nutritus fui, id est, transmarina Saxonia, quæ impijs à discipulis S. Gregorij, id est, Augustino, Laurentio, Justo, Mellito, Archiepiscopi, constituta & ordinata fuit, medocuit.* Ex Anglia deinde S. Willibrordus, Suibertus, & alij, post eos, innumeri Apostolici viri, quorum plerique Monachi fuerunt, in Frisiam, Saxoniam, & Germaniam venerunt, & primi Christianam fidem docuere barbaros nostræ gentis homines. Id cum negare non possis; Respondes primum cum Wittikero hæretico: *Ad Anglos quidem Augustinus, ipse Monachus, etsi bona multa attulit, nonnulla tamen etiam mala advexit, & superstitiosa.* Deinde, ex tuâ crisi adjicis: *Monachi quidem illi fuerunt, sed Pontificiam potius, quam Christianam doctrinam tradiderunt.* O te inflatum Prædicantem! qui ita de Sanctissimis illis viris judicas. *Phariseum* hic aliquem loqui audio; & *hircum* libidinis, de castissimis Episcopis & Sacerdotibus, ferre sententiam. Imò quæ hæc amentia vestra? quasi verò Pontificia doctrina unquam alia fuisset, quàm Catholica; aut unquam ante Lutherum profugum monachum alia vera Christi doctrina, per Apostolicos, & sanctissimos viros, in has regiones importata fuisset, præter eam, quam nunc hæreditariam possidemus. Somnia hæc, & deliramenta vestra sunt, toties explosa.

Carolus M. exinde, ut ad hæc tempora descendamus, uti totum Franciæ regnum, Monachorum & Sanctimonialium Cœnobijs, Francorum Regum liberalitate repletum adjit; ita præter Episcopatus, & collegia à se fundata, multis Cœnobijs Monachorum, cum primis D. Benedicti mirifice auxit: passimque tradunt tot ab eo Monasteria condita, quot in alphabeto sunt elementa literarum, quibus ordine singula insignivit. Certius Monasteria à Carolo fundata, recenset Floriacensis magno numero; nec facile Regem Francorum reperies, qui liberalitate in Monachos *Carolus* supergressus sit; nec Synodum proferes ab eo habitam, in quâ non Abbates confederint post Episcopos: uti ex Mōguntinâ Synodo constat, quæ in Synodis tres hominum classes convenisse tradit; Epi-

scopos, Abbates, & regni Proceres. Indè nulla Synodus, in qua non simul actum sit de Monachorum disciplina, aut conservandâ, aut restau-  
randâ; nec Carolus regni, & Ecclesiæ incolumitatem, in alio potiùs ha-  
buit, quàm in disciplina Cleri, Monachorum, & populi. Hinc ex mona-  
sterijs multos delegit Episcopos, quos populo præficeret; ex Monasterijs  
delegit viros Apostolicos, per quos barbaras gentes ad Christi fidem  
converteret. Testis est B. Sturmio Abbas Fuldenfis, quem cum Monachis  
in nostram diœcesim introduxit; testes innumerij alij, quos ex Monaste-  
rijs delegit Legatos, aulæ comites, consiliorum arbitros, Synodorum ju-  
dices, animarum Pastores, Monasteriorum novorum Patres, apud Deum  
deprecatore, qui pro salute Ecclesiæ, Regni, & familiæ regis, noctu  
diuque orarent. Hoc vitæ genus tam antiquum, tam sanctum, tam illu-  
stre, & fructuosum Ecclesiæ, vos primùm ex Saxonia, & Ecclesijs vestris  
ejecistis, ex quo Lutherus desertor, Monachus esse desiit, & post sacrile-  
gas nuptias omnia sacra profanaque evertere cepit. Candidè, & verè  
S. Augustinus ad Hipponensem plebem: *Simpliciter fateor caritati ve-*  
*stra coram Domino Deo nostro, qui testis est super animam meam, ex quo*  
*Deo servire cæpi, quomodo difficile expertus sum meliores, quàm qui in Mo-*  
*nasterijs profecerunt, ita non sum expertus peiores, quàm qui in Monasterijs*  
*ceciderunt. Nolite ergo propter amercam, quâ oculi vestri offenduntur, tor-*  
*cularia detestari.*

II. Nunc ipsum institutum Monachorum, quale & quotuplex sit,  
videamus: nec alia hîc Catholicorum sententia, quàm quod religiosa vi-  
ta sit *status hominum ad perfectionem Christianam, per paupertatis, casti-*  
*tatis, & obedientie vota, tendentium.* Hæc illa nimirum summa perfectio  
Christianæ vitæ, in Scriptura toties commendata. Hi gradus supra præ-  
cepta, ad perfectissimum amorem Dei, in Monachis & religiosis: quan-  
do per obedientiam Deo animam, per castitatem corpus, per pauper-  
tatem externa bona Deo offerunt, ut impedimenta omnia divini amoris  
removeant. Ut enim *radix omnium malorum est cupiditas*, i. ad Timoth.  
6, ita radix omnium bonorum victoria hujus pravæ cupiditatis. Hæc  
illa *consilia Evangelica*, quæ Christus, & Apostoli commendant, & qui-  
bus Monachi & Religiosi se per vota Deo obstringunt. Quâ super re  
unus hîc Bellarmini liber de consilij Evangelicis satis esse poterit, præ-  
ter tot Scripturæ interpretes, tot Theologos, & Asceticos scriptores.

O si

*O si scires donum Dei!* inquit Christus ad Samaritanam : sed difficile est, inquit S. Hieronymus, *invenire hæreticum castum.* Animalis homo non percipit ea, qui sunt Spiritus Dei : Quales omnes hæresiarchas fuisse constat, amore mulierum ebrios, excæcatosque. Et quid mirum, eorum discipulos diversum sentire de castitate & perfectione Christianâ? Aut Lutheranos tam infestos esse huic instituto Monachorum? quando Lutherus defensor ejus instituti, tam fœda, ac spurca scripsit & docuit, qualia in nullo hæresiarcha propè legeris. Nam hæc ejus apophthegmata, & dogmata sunt: *mulieres non nisi ad matrimonium creatas esse*; ut jam nulli adultæ libera sit virginitas. *Mulierem conjugatam coram Deo meliorem esse virgine.* *Primam Ecclesiam ignorasse votum continentie.* *Christum nullibi consuluisse virginitatem.* *Mulierem tam necessariam esse viro, quam necessarius sit cibus & potus.* *D. Benedictum, Bernardum, Franciscum, Dominicum, & omnes Monachorum parentes, impios fuisse homines, qui Ecclesiam superstitionibus implerint.* Idem de S. Augustino, ejusque instituto, ex quo Ordine Lutherus apostata fuit, dicat necesse est. Sed quod D. Augustini de his apostatis judicium? lib. de bono perseverantiæ, c. 15: *Fuit quidam in nostro Monasterio, qui corripientibus fratribus, usque adeo profecit in malum, ut desertâ Monasterij societate, fieret canis reversus ad vomitum suum, & tamen adhuc qualis futurus sit, incertum est.* Eodem libro: *Alius ex munere Dei majus aliquid vovit; statuit nec nuptias pati: qui non damnaretur, si duxisset uxorem; post votum, quod Deo promissit, si duxerit uxorem, damnabitur: cum hoc faciat, quod ille, qui non promiserat. Sic virgo, quæ si nubere, non peccaret; Sanctimonialis, si nupserit, adultera reputabitur: Respexit enim retro de loco quo acceperat: Vovete & reddite Domino Deo vestro.* In psal. 75. *Unusquisque Deo quod vovit, si respicit retrorsum, malum est. Nescio quæ Castimonialis nubere voluit. Quid voluit? quod & virgo qualibet. Quid voluit? quod & mater ipsius. aliquid mali voluit? mali planè. Quare? Quia jam voverat Domino suo. Quid enim de talibus Apostolus? Quid de ijs quæ voverunt, & non reddiderunt? habentes inquit damnationem, quia primam fidem irritam fecerunt. Voverunt, & non reddiderunt. Nemo ergo positus in Monasterio frater dicat: recedo de Monasterio, quia non soli in Monasterio perventuri sunt ad regnum cælorum. Respondetur ei: sed illi non voverunt. tu vovisti, tu retrò respexisti.* Et quæ Augustinus passim de votis Monachorum & Monialium. Quid dictu-



dicturum fuisse credas, de Lutheri matrimonio, in quod Monachus & Sanctimonialis convenerunt, triplici sacrilegio rei?

Jam verò ipsum Augustinum Monasteria instituisse, testis est Posidonius in ejus vita c. 5: *Factus Presbyter, Monasterium intra Ecclesiam suam instituit, & cum Dei servis vivere cepit secundum modum, & regulam sub sanctis Apostolis constitutum; maxime ut nemo quicquam proprium in illâ societate haberet, sed eis omnia essent communia.* Idem scribit Augustinus Epist. 89. ad Hilarium, lib. 3. contra Petilianum Donatistam c. 4: *Deinceps perrexit ore maledicto Petilianus, in vituperationem Monasteriorum & Monachorum, arguens etiam me, quod hoc vita genus à me fuerit institutum.* Cui nunc fidem meam committam? Augustino conditori Monachorum, an Luthero dissipatori? Augustinus scribit: *nunquam se meliores vidisse, quàm qui in Monasterijs profecerunt;* Lutherus in c. 7. 1. ad Corinth. scribit: *Qui calibem vitam in Monasterijs ducunt, eos omnes idolo Moloch sua corpora consecrare & cremare.*

III. Monachorum religiøsæ vitæ institutum, triplex potissimum est. Unum eorum, qui profitentur vitam contemplativam; ex quo alij sequuntur institutū S. Antonij, alij Pachomij, alij Basilij, alij Benedicti, alij Romualdi, alij Brunonis. Alterum eorum, qui profitentur vitam activam, quod in tot formas dividitur, quot sunt opera caritatis, & misericordiæ corporalia; ex his quidam militando, ut Equites Hierosolymitani, S. Jacobi, Ordinis Teutonici. Tertium genus eorū, qui profitentur vitam mixtam: ex his quidam sequuntur regulā D. Augustini, quidam S. Dominici, quidam S. Francisci, alij Patrum Societatis, conditore D. Ignatio, quod institutum, ut in vita ejus ab Ecclesia probatā legis, Luthero, ejusq; temporis hæreticis objectum est. His ergo tribus modis, uti Deum diligere, eique servire, & perfectionem sectari, laudabile semper fuit; ita triplex hoc religiøsæ vitæ institutum, in Ecclesia incredibili semper religionis bono floruit.

His positis, quæritur: an Monasteria Monachorum ex primo suo instituto scholæ, & liberalium artium seminaria, collegiæque fuerint? Id quod Augustana confessio, Melancthon in Apologia, Nefandus cum suis novatoribus obtendit. Respondet Bellarminus lib. 2. de Monachis, c. 6. Negando: eò quòd Basilii, Cassiani, Hieronymus, Augustinus, alijque veteres, qui de institutis Monachorum scripserunt, nullam hujus muneris mentionem faciant; sed tantum orationis, jejuniorum, psalmodiæ, conti-

continentiæ, obedienciæ, ac paupertatis. Interim scribit Christophorus Browerus lib. 1. Antiq. Fuldensium c. 9. postquam D. Benedicti familia sacra, in Germania, Galliaque Francorum Imperio efflorescere cœpit, ad novarum gentium populorumque conversionem, non modò apud Clericos probatæ vitæ, sed etiam in Monasterijs, ludos literarum apertos fuisse, in quibus juvenus Christianis moribus, & literis imbuta fuit; idque subsidium caritatis, maximè in Germania & Saxonia, poscebat religio Christiana; quando per id tempus & raræ scholæ erant, & Christi fides inter barbaros plantanda erat. Hinc illa Caroli Magni sollicitudo, & decreta de scholis per Episcopiam, & Monasteria instaurandis: uti passim ex libris Capitularium, & Synodis constat. Eò spectat illa Caroli M. epistola, quæ ex genere Encyclicarum est, ad Baugolfum Fuldensem Abbatem, de scholis per Episcopiam & Monasteria instaurandis: leges eam tom. 20. Concil. Parisiensium. Verùm, ut rectè observat Browerus, scholæ hæc Monachorum duplices erant: Aliæ exteriores, in quibus magnatum, nobilium, & ingenuorum filij formabantur: Aliæ interiores, in quibus juvenus Deo dicata, unà cum Monachis incolis & advenis, ad cultum sapientiæ, ac sacræ Scripturæ, solebat erudiri. Hæc in vita B. Notkeri apud Canisium tom. V. Antiq. Lectionum: *Schola claustris dicuntur, ubi Monachici habitus pueri instituuntur*. Pòst ubi puerorum scholis rigor sanctitatis enervari, & disciplina laxari cœpit, tempore etiam suo scribit Petrus Damianus, in *Cassino defuisse*. Uti jam sub Ludovico Pio, in Collatione Abbatum Aquisgrani habitâ additione I. c. 4. statutum erat: *ut non alia in Monasterio schola puerorum aperiatur, quàm eorum, qui oblatis sint, id est, qui Deo in religione consecrati sunt*. Tantum abest, ut Monasteria ex primario suo instituto, *schola & gymnasia literarum* fuerint. Quod & Browerus ob id inter somnia novatorum retulit.

IV. Superest, quia pro instituto Monachorum ad Carolum appellasti, ad Carolum te revocemus. Non hîc repetam, quæ à D. Bonifacio in Concilio Ratisbonensi, & Liptinenfi, tam severis pœnis cap. 6. constituta sunt, adversus Monachos voti castitatis violatores; quæ lex etiam à Carolo recepta lib. 5. Capitularium, & toties sancitur. Pauca hîc tantùm sistam ex ipsis Caroli Magni legibus, lib. 1. Capitularium cap. 73. *Omnes ubique, qui se voto Monachica vita obstrinxerunt, Monachicè & regulariter, omnimodis secundum votum suum vivant; secundum quod scri-*  
ptum

ptum est: *Vota vestra reddite Domino Deo vestro. Rursus: Melius est non vovete, quam vovete & non reddere* c. 106. De his qui sacris virginibus se sociant ita in decretis Papæ Gelasij capitulo XX. continetur: *virginibus sacris temerè se quosdam sociare cognovimus, & post dictum Deo propositum, incesta fœdera, sacrilegaque miscere; quos protinus æquum est à sacra communione detrueri, & nisi per publicam probatamque pœnitentiam omnino non recipi.* Capitularium lib. 5. c. 232: *Si quis rapuerit, vel sollicitaverit, vel corruerit religiosam fœminam, bona amborum Ecclesia vindicet, in qua talis mulier habitavit; ipsam tamen capitali periculo subijciantur* Lib. 6. Capitularium c. 139. *Quicumque post sanctæ religionis professionem apostatavit, & ad sæculum redierit, communionem penitus non accipiat.* Cap. 308. eodem libro: *Nullus, sicut Canones Ecclesiastici prohibent, Deo devotam virginem, nullus sub religionis habitu consistentem, sive viduitatis continentiam professam, accipiat in matrimonium. Pœna additur: ut separati à se exilio perpetuo relegantur, nec quoad vixerint, excusentur.* Cap. 311, quàm sincerè, & planè Carolus in hæc verba sanxit? *Iubemus omnes scire, omnibusque populis Sacerdotes predicare, atque sub pœna sacrilegij denuntiare, quantum malum, & quàm maximum sit flagitium, cum Deo devotis fœminis, viduis, vel virginibus, sive cum velatis, sive cum Deo devotis, maximeque cum Sanctimonialibus, & sacratis Deo virginibus, vel viduis, tam in Monasterijs, quàm extra, commisceri: Nam hoc peccatum duplex esse, non dubium est. Ut verbi gratia dicamus; cuius vindicta reus sit puer ante Dominum suum, qui uxorem Domini sui adulterio violaverit? quanto magis ille, qui sponsam Christi Creatoris calci, & terra, putredine sua libidinis commaculaverit? Dicente B. Apostolo Paulo: An nescitis, quia corpora vestra templa sunt Spiritus Sancti? & alibi: Nescitis, quia templum Dei estis, & Spiritus Dei habitat in vobis? si quis autem templum Dei violaverit, disperdet illum Deus.* Ita Caroli lex. Idem Carolus alijs in legibus toties repetit. Quæso, dum hæc legis, (si tamen legisti,) quid cogitas de Luthe-ro tuo, & moniali ejus, quacum ex contracto sacrilegè matrimonio, ad mortem usque vixit, & liberos suscepit? Hunc tu apostatam monachum, ubique beatum vocas, quem Carolus M. cum ejusmodi sacrilegis interfiliis perditionis reijcit. Certè in hoc Lutheranus non fuit Carolus, quod tu ubique falso tuis persuadere conaris.

Hic fœdus ex Synodis Carolinis, Episcoporum, Abbatum, Sacerdotum,  
& omni-



& omnium regni Francici Procerum sententiam adjungamus, haud aliud audies, de Monachorum instituto, de votis religiosis, & disciplinâ. In Concilio *Francosurtenfi*, can. 13: *Abbas cum suis Monachis dormiat secundum regulam S. Benedicti*. Can. 24: *Clerici, & Monachi in suo proposito maneant*. Can. 32: *Monasteria secundum canonicam institutionem sine custodia*. In Synodo seu Capitulari *Aquisgranensi*, ex Concilio *Chalcedonensi* præscribitur: *Loca qua semel Deo dedicata sunt, maneant perpetuo Monasteria, nec possint ultra fieri secularium habitacula*. Can. 40. ex Concilio *Africano* c. 21: præcipitur: *ut virgines Deo sacratæ, à gravioribus personis, diligenti custodiâ servantur*. Can. 73: *Omnes ubique, qui se voto Monachica vita constrinxerunt, Monachicè, & regulariter omnimodis secundum votum suum vivant, secundum quod scriptum est: vota vestra reddite Domino Deo vestro*. In *Moguntino* can. 11: *Abbates cum suis Monachis, secundum Regulam, & doctrinam S. Benedicti vivant*. Idem can. 13. *Abbatissæ cum Sanctimonialibus præscribitur* can. 20: *Clastrum firmum habeant, in quo salvari possint animæ*. Ita in Concilio *Rhemensi*, *Cabilonensi*, *Turonensi*, *Arelatenfi*, & quinque illis Concilijs, quæ Carolus sub exitum vitæ congregari voluit, de *Monachorum & Sanctimonialium* disciplinâ statutum leges: nec Synodum sub *Carolo Magno* facillè reperiēs, in quâ non Abbates convenerint cum Episcopis, & de *Monachorum moribus*, & instituto sancitum sit; ut Capitularia *Caroli Ecclesiastica*, & Conciliorum *Epitomen*, ab *Hadriano* acceptam, hic omittam. Neque ijs in Synodis alia fere statuta sunt, quàm quæ ab antiquis Concilijs, & Patribus, & Monachorum Patriarchis, jam ante præscripta erant: quibus sanctissimum illud institutum saluberrimis legibus præmunitum est: ut vel ex hoc, instituti hujus antiquitatem, eamque quàm *Carolus*, consentiente religione cum antiqua Ecclesia, coluerit, facillè discas. Atque ut discrimen etiam inter *Moniales* & *Canonissas* agnoscas, & *Canonissarum* institutum à *Caroli* etiam ætate recognoscatur, *Moguntinum* Concilium sisto. Ita enim can. 13: *Abbatissas cum Sanctimonialibus omnino restè, & justè vivere censemus. Quæ vero professionem sanctæ regule Benedicti fecerunt, regulariter vivant; si autem Canonica, vivant pleniter, & sub diligenti cura custodiam habeant, & in claustris permaneant*. In Concilio *Cabilonensi*, quod sub idem tempus, *Caroli Magni* voluntate convocatum, ita de his c. 53: *Li-*

buit huic sacro conventui, quasdam admonitiunculas breviter eis Sanctimonialibus scribere, quæ se *Canonicas* vocant. His deinde regulæ præscribuntur in eo Concilio. Quod deinde institutum Canonissarum, in Concilio Aquisgranensi sub Ludovico Pio, plenius formatum; ut canone 3. profitentur Patres ejus Concilij, se in unam regulam Canoniorum, & Canonicarum congerere, & servandam tradere. Compone nunc Lutheri doctrinam, cum Caroli Magni; & Lutheranae vestrae Ecclesiæ judicium, cum Catholicae Ecclesiæ judicio: quando vestrum non est aliud, quàm instituto Monachorum, novum religionis cultum, contra Evangelij doctrinam, contra Dei præcepta, contra perfectionem Christianam, contra justitiam legis, supra vires humanas introduci, & innumeris traditionibus humanis pias hominum mentes, supra Pharisaicas leges onerari. Et quæ non in hanc rem mendaciorum plaustra à vobis congeruntur? Anum aliquam excucullatam, & apostatam monachum quiritantem te audire credas. Ex quibus non aliud conficitur, quàm omnia Concilia, omnes Pontifices, omnes Episcopos, Patres, omnes Ordinum Fundatores, viros illos sanctissimos, unà cum Carolo Magno, cum Episcopis, & Ecclesiæ doctoribus, & Sacerdotibus, unà cum religiosis viris & virginibus, ad *Lutherum* usque delirasle. Et si hæc deliria non sint vestrae Ecclesiæ, ego certè non video, quid deliria sint. Quanquam insitum veriùs odium dixero, quod cum omnibus antiquis hæreticis vobis commune est. Nam quo furore *Ariani* debacchati sint in Monachos, leges apud *Ruffinum lib. 11. hist. c. 3*; quo *Donatista*, leges apud *Augustinum in psalm. 132, & lib. adversus Petilianum*; quo *iconomachi* cum *Copronymo* suo Imperatore, leges in Concilio *Nicano II* & apud historicos eorum temporum. Verè apud magnum *Anastasium*, *Antonius* prolocutus est: *Omnes quidem Christianos Diabolus odit, sed probos Monachos, Christique virgines, tolerare nullo modo potest.*

## C A P V T X X I I.

### *De immunitate Ecclesiastica, et bonis Ecclesiæ.*

**G**Rassatur per omnia Nisanius, nec aliud hîc agit, quàm quod ubique agit, calumniando nimirum, nihilque interim probando, nihil definiendo. *Immunitas*, inquit, & *Clericorum exemptio*, ex *superba Pontificum sententia profluxit*. Nec aliud adversus hanc exemptionem adfert, quàm quod scribat: inter ipsos Catholicos non convenire, utrumne juris divini, an humani sit? Et quare non utriusque simul? Quam in rem, ex utrâque parte, ingentem scriptorum turbam adfert. Quid his opus? admittimus ultrò id inter Catholicos controversum esse, uti auctores hosce dissentientes Suarez lib. II. de immunit. alijque Canonistæ recitant. Sed non ita dissident, ut vobis Lutheranis accedant, qui exemptionem Clericorum proscribitis; nec ita dissident, ut non plerique etiam conciliari possint.

I. Igitur Clericos quoad personam suam, in causis Ecclesiasticis, quarum cognitio ex fide Christiana & sacris legibus pendet, liberos esse à potestate sæcularium Principum, nulli Catholico dubium est. Tum quia potestas jurisdictionis spiritualis, & regimen Ecclesiasticum, distincta sunt à sæculari regimine, uti supra assertum est; tum quia gubernatio suprema Ecclesiæ commissa est Petro & Apostolis, unde ad Pontifices & Episcopos, ex Apostolica successione, pervenit. Et cui dubium, hæc non esse ad jus divinum referenda, qui utramque potestatem sæcularem & politicam distinctam agnoscit? Quin ad eò, si Apostolus 1. Cor. 6, noluit civiles Christianorum lites deferri ad judicium Gentilium, quanto minus Ecclesiasticas? Hoc illud Constantini Magni, Theodosij, aliorumque Christianorum Imperatorum, qui causas Clericorum, & Sacerdotum ad Episcoporum judicia remisere. Hoc illud est, quod ubique in Caroli constitutionibus, Capitularium libris, & Synodis legis. Tan-

tam turbam scriptorum nobis adfert *Nifanius*, *Gerhardinus compiler*, quare hic nihil ex Carolo Magno, quem ubique suæ causæ patronum esse vult?

Carolus ergo adeamus. Is Lib. 5. c. 237: *sancitum est, ut nullus Episcopum, aut Sacerdotem, vel Clericum, apud iudices publicos accusare presumat, sed apud Episcopos*. Lib. 6. Capitularium c. 109: *Clerici non secularibus iudicibus, sed Episcopali audientia reserventur; fas enim non est, ut divini muneris ministri, temporalium potestatum subdantur arbitrio*. Cap. 116. ejusdem libri: *Consecratio, Episcopos, & reliquos Dominos Sacerdotes, tam à servilibus, quam & à cæteris adscriptis conditionibus, semper liberos facit. Idcirco precipimus, ut nullus ab eis alia nisi divina requirat servitia*. Libro eodem c. 292: *Præcipimus, ut privilegia, quæ Ecclesijs & Clericis sunt concessa, maneant incorrupta*. Lib. 6. Capitularium c. 287: *Si quæ causæ, & contentiones inter Clericos & laicos, tam majoris Ordinis, quam inferioris fuerint exortæ, placuit, ut secundum Synodum Nicanam, congregatis omnibus ejusdem provincia Episcopis, iurgium terminetur*. Et quis singula Caroli decreta, pro exemptione Clericorum percenteat? Hinc toties legis, causas Clericorum & Sacerdotum referri ad iudicium Episcopi, Episcoporum verò causas ad Metropolitanum, aut Pontificem. Huc spectante, quæ de appellatione ad sedem Apostolicam retulimus. Nullibi leges, causas Ecclesiasticas à Carolo remitti ad sæculare iudicium, quas ne ipse quidem sibi cum Constantino Magno, & aliorum Imperatorum exemplo, sumere ausus fuit. Et quò vos Prædicantes receditis? qui cum liberi esse possent in Ecclesia Catholica, à Luthero subiecti estis civili potestati: ut jam in Magistratu quilibet civis, sive mercator ille sit, sive textor & sutor, de vobis iudicet. His tamen non obstat, quin Clerici teneantur leges illas civiles servare, quæ sacris Canonibus aut officio Clericali non repugnent: pars enim Reipublicæ sunt Clerici. Ex his enim Reipubl. turbatio oriretur, secus si fieret, ut rectè ex Baptista Fragofo adducis; sed hæc quoad vim directivam intelliguntur, quando ob ipsam transgressionem à sæculari Magistratu iudicari non possunt. Quà super re vide Theologos & Canonum Doctores.

II. Similiter bona Clericorum libera sunt à tributis & exactionibus Principum sæcularium, ut constat ex Concil. *Lateran.* sub *Alexand. III* c. 19, & sub *Innocentio III* c. 46, ex cap. *Ecclesia*, de constit. c. *Quantum*,

quam, de censibus; item L. sancimus C. de Ecclesijs, id plerique vestrū agnoscunt; quanquam ante constitutionem Justiniani velint Clericos tantū iminunes fuisse à tributis personalibus, non à realibus. Carolus Magnus, cum aliàs sæpe, tum lib. 5. Capitularium c.18: *Prædia Ecclesia, cum subjectis hominibus immunitate fruatur.* Lib.6. Capitularium cap. 283: *Privilegia, qua olim reverentiâ religionis obtinuit Ecclesia, mutilare etiam sub pœna interminatione prohibemus.* Præclara hæc super re Caroli epistola ad Pipinum filium Italiæ Regem, ut jura & privilegia Ecclesiarum integra & defensiva servet, lib.6. c.110. c.112. c.113. c.320. Similia passim de immunitate Ecclesiarum in Capitularium libris, tom. 20. Concil. Paris. fol. 272, in Caroli Magni capitulis Ecclesiast. quod & tit. 1. de Episcoporum honore & potestate præscribit, eadem in omnibus Francorum Regum legibus ac diplomatis reperias, ut supervacaneum sit hîc immorari.

His igitur omiſſis, tota quæstio à te mota in eo versatur, utrumne jure humano tantū, quod hîc certum est, sed etiam *divino & naturali*, Clericorum exemptio sit introducta? Bellarminum hîc perstringis, quem non capis, aut non legisti: is, tametsi primâ editione, juri humano adscripserit hanc exemptionem, cum D. Thomâ, atque alijs; post tamen apertius juri simul *divino* attribuit. Ejus hæc propositio lib. 1. de Clericis c.28: *Exemptio Clericorum in rebus politicis, tum quoad personas, tum quoad bona, introducta est jure humano, pariter & jure divino.* Quod tamen explicat, ut dicat: per jus divinum non intelligere se præceptum Dei propriè dictum, seu positivum divinum, strictè sumptum; sed totū deductum per exempla, & testimonia sacræ Scripturæ: Deum videlicet voluisse talem exemptionem statui. Inter hæc verò Scripturæ testimonia sunt, Num. 1. c.3, ubi Deus non semel, sed sæpius, Levitas propriè suos dicit; & soli Pontifici subjectos esse voluit. Gen. 47. Joseph Patriarcha exemit Sacerdotes Ægypti, Esdra 1. c.7, Artaxerxes exemit Sacerdotes Israëlitis. Math. 17. Christus: *Quid tibi videtur Simon? Reges terræ à quibus accipiunt tributum vel censum? à filijs an alienis?* Respondet Simon: *ab alienis.* Ergo, inquit Christus, *liberi sunt filij.* Probat deinde ex Concilio Tridentino, quod sess. 25. de reform. cap. 20. sic ait: *Ecclesia & personarum Ecclesiasticarum immunitas, Dei ordinatione, & Canonis sanctionibus instituta est.* Id, quod ex Concilio Lateranensi sub

*Leone X.* celebrato, & Concilio Colonienſi, aliſque confirmat, quæ juri divino & humano hanc exemptionem attribuunt. Capite deinde 29. Bellarminus tradit ex jure *divino naturali*: ſicut & Suarez eruditè lib. 4. *de immunit. Eccleſ. cap. 9*; ut jam jus *Canonicum*, quod hanc exemptionem determinavit, complementum ſit juris *divini*. Hinc facilè Theologi & Jurisperitos conciliari, ſcribit Bellarminus: nam qui negant eſſe juris *divini*, id de expreſſo jure intelligunt; & qui affirmant, id dicunt, quod Theologi, qui ab exemplis, & Scripturæ teſtimonijs, & jure *naturali* deducunt. Et quantam tu hîc rerum moleſem ex conſuſo cerebro verſas? ſi quid dignum agere velis *Superintendentis & Licentiati Theologiae* nomine; ordine reſelle Bellarminum, aut Suarez, aut alium aliquem Theologum. Imò diſcas primùm, quomodo illi ex Concilijs, ex Pontificum decretis, ex Patrum ſententijs, ex jure *Canonico & Civili*, ex rationibus evincant immunitatem Eccleſiaſticam; aut ſaltem oſtende, in quo Carolus Magnus huic juri derogat. Demum expone tuam, & Lutheranorum ſententiam, quæ non eſt alia opinor, quàm *Marsilij* de Padua, *Janduni*, *Calvini*, & omnium hæreticorum, immunitatem Eccleſiæ proſcribentium: ut jam *mercenarij* ſitis, & *ſervi* civilium Magiſtratum, qui *liberi* in Eccleſia *filij* eſſe poteratis. Multum Lutherus libertati veſtræ conſuluit, & plus quàm ullus Pontifex, hoc uno duntaxat excepto. Quanquam dum uxores vobis permiſit, non alia vos magnopere privilegia deſideratis.

Nunc quod reſtat, ex ipſis bonis Eccleſiæ, atque ex ipſo te *Carolo* Magno convincamus. Scribis, ſecundùm Canones Conciliorum, bona Eccleſiæ, oblationes, & redditus in quatuor partes fuiſſe diſpartitos; quorum prima Episcopis, ſecunda Clericis, tertia pauperibus, viduis, & virginibus egenis, quarta fabricæ, & ſacris ædificijs ſit adſcripta. Hæc bene, uti hæc in Concilio *Romano à Sylveſtro*, & *Gelaſio*, aliſque Pontificibus præſcripta ſunt. Quin teſte *Baronio*, nulla ſanctio tam frequens, atque iſta, iterata eſt. Idem reperias in *Capitulari Gregorij II. Pontificis c. 5*, *D. Bonifacio* commendatum. *tom. 17. Concil. Pariſienſ.* Inde paſſim ab *Anrelianenſi* l. c. 5, aliſque Concilij receptum. Hanc quoque partitionem bonorum, legas à *Carolo Magno*, lib. 7. *Capitularium c. 290*, conſtitutam, & à *Ludovico Pio* lib. 4. *additionum c. 38*, probatam. Verùm ubi Episcopi, ubi Clerici apud vos, inter quos dux partes diſtribuendæ? ubi virgines

virgines Deo consecratæ, quæ in partem pauperum veniunt? Nam, quod pro dote earum virginum, quæ matrimonio jungendæ erant, pars ex bonis Ecclesiæ tantum seposita fuerit, ut tu scribis, non reperio.

Sed nunc aliud multo dignius quæramus; Nimirum, quid sint bona Ecclesiæ? Hic si *Caroli Magni* iudicium audiamus, *Lib. statim primo Capitularium cap. 83.* pronuntiat: *Juxta Sanctorum Patrum traditionem novimus, res Ecclesiæ, vota esse fidelium, pretia peccatorum, & patrimonia pauperum. Quæ non solum habita conservare, verum etiam multa Deo opulante conferre optamus.* Idem de his iudicium populi Christiani, in sup-  
plici libello ad *Carolum Magnum* pro Episcopis: *Scimus enim res Ecclesiæ Deo esse sacratas; scimus esse oblationes fidelium, & pretia peccatorum; scimus, si quis inde aufert, quid agit, nisi sacrilegum?* uti hæc *Ferdinandus Episcopus & Princeps noster*, in *Monumentis Paderbornensibus* etiam retulit. Multis hæc *tom. 20. Concil. Paris.* exponit supplicatio populi. Idem iudicium in Concilio *Aquisgranensi can. 116.* ubi iisdem verbis hoc statuitur. Itaque ante passim hæc *D. Prosperi* sententia, legis instar & oraculi recepta ab Ecclesiis, quemadmodum & in variis Conciliis legitur.

Pergamus ultra, quæramusque; an bona Ecclesiæ semel oblata, donatæque possint dividi, abalienari, transverti in profanum usum, & in possessione sæcularium transire? nam ex quo novum Lutheri Evangelium sonuit, ac vi armis per Saxoniam, & Germaniam invaluit, vidimus tot Episcopatus à *Carolo Magno* conditos, transisse in sæcularium Principum possessiones, ac demum in Principatus; vidimus tot collegia Canonorum, profanis impleta hominibus; vidimus tot Cænobia monachorum, tot sanctimonialium Monasteria, tot sacrarum Virginum Claustra, aut eversa, aut ejectis sacris hominibus, bona cessisse laicis. Quid verò *Carolus Magnus*, citato legis capite subjungit? *Statuimus, videlicet, ut neque nostris, neque filiorum, & Deo dispensante, successorum nostrorum temporibus, qui nostram vel progenitorum nostrorum voluntatem, vel exemplum imitari voluerint, ullam penitus divisionem, aut jacturam patiantur.* Sed planius audiamus loquentem *Carolum, c. 31. eodem libro: Loca, quæ semel Deo consecrata sunt, ut monasteria sint, manean perpetuo Monasteria; nec possint ultra fieri sæcularium habitacula: Lib. 2. Capitularium c. 29,* severâ Imperatorum lege sancitur, ne bona Ecclesiæ, Xenodochiorum, Nosocomiorum, Orphanotrophiorum, Monasteriorum, Monachorum  
& Sah-



& Sanctimonialium, abalienentur: Tabellionem qui talia interdicta instrumēta conscripsit, perpetuo exilio tradi oportet; Magistratus, qui eadem instrumenta admiserunt, non solum Magistratu, sed dignitate etiam & facultatibus suis cedant. Idque ex Leoninā constitutione se præscribere proficitur Carolus, lib. 5. Capitularium c. 119. Si quis Ecclesiasticam rem tenet, & admonitus iudicium declinaverit, quoad usque discussionem veniat, aut rem restituat Ecclesiasticam, à communione privetur. Eodem lib. c. 233: Nemini Regum, aut cuiquam hominum, in proprium liceat Monasterium tradere, vel commutare, vel quocunque commento vendere. Hoc etiam divina, & Apostolica, atque Canonica, sub anathematis pœna, sanxit auctoritas. Vides, ut hæc Carolus M. etiam ad divinam, & Apostolicam legem referat? Lib. 6, c. 134. Ne cui liceat, vel facultates Ecclesijs, aut Monasterijs, vel Xenodochijs, pro quacunque elemosyna cum iustitia delegatas retentare, alienare, atque subtrahere: Quod si quis fecerit, tanquam necator pauperum, antiquorum Canonum sententijs constrictus, ab Ecclesiæ liminibus excludatur. c. 84. Qui fidelium oblationes ab Ecclesijs, vel à jure Sacerdotum auferunt, vel ablatas accipiunt, non solum aliena vota disrumpunt, sed sacrilegium operantur: quia Ecclesiæ aliquid fraudare, vel auferre, sacrilegium à maioribus approbatur. Lib. eodem c. 295: Sacrilegi sunt Ecclesiæ pradones. Unde & in Concilio Agathensi XIII. cap. decretum habetur: Amico quicquam rapere, furtum est; Ecclesiæ vero fraudari, vel abstrahi surripere, sacrilegium. Lib. eodem c. 296: Ea quæ Domino offeruntur vel consecrantur, ad jus pertinent Sacerdotum; & sacrilegi sunt omnes, qui ea auferunt, vel in aliud transferunt. Lib. eodem c. 302, ex sententia D. Augustini & Hieronymi, Fures & sacrilegos pronuntiat, quot quot res Ecclesiæ diripiunt, vastant, invadunt, vexant. C. 305. Omnia quæ Domino offeruntur, procul dubio Domino consecrantur: non solum sacrificia, quæ à Sacerdotibus super altare Domino consecrantur, oblationes fidelium dicuntur; sed quæcunque ei à fidelibus offeruntur, sive in mancipijs, sive in agris, vineis, sylvis, pratis, aquis, aquarumque decursibus, libris, utensilibus, mobilibus & immobilibus, offeruntur. Hæc, deinde inquit, Regi Regum, & Domino dominantium auferre, alienare, subripere, vel vastare, sacrilegium est. Illud verò quod c. 321. præscribit Carolus, quàm non Christiani Imperatoris est? Omnibus, inquit, nos ipsos corrigentes, posterisque nostris exemplum dantes, generaliter interdiciamus: ut nullus laicus homo, Imperator vel Rex,

aut

aut aliquis Praefectorum vel Comitum, seculari potestate fultus, sibi per violentiam rapiat, aut à nobis competere, vel quocunq; modo invadere presumat Monasterium, aut pradia, vel quascunq; res, de potestate Episcopi, vel Abbatissæ, aut Abbatissæ; & incipiat ipse vice Abbatis regere, & habere sub se Monachos, & pecuniam possidere, quæ fuit Christi sanguine comparata. Talem hominem antiqui Patres nominabant raptorẽ, & sacrilegum, & homicidam pauperũ, & lupum diaboli, intrantẽ in ovile Christi, & maximè anathematiz vinculo damnandũ, ante tribunal Christi. Hæc Carolus: atq; utinam hæc vocis tuba insonaret in omnium Saxonum aures, quando illis non ignotum, Saxoniam à Carolo M. conditis primis Episcopatibus, dotatis parochiarum Ecclesijs, institutis Canonorum collegijs, Monachorumq; cœnobijs, ad Christi fidem perductam esse. Eadem in selectis Caroli capitulis & tot Synodis Carolinis, & libro 7. Capitulariũ pari rigore decreta reperies. Obstitit enim fortissimè Carolus, ne vel præfectis militiæ, vel Comitibus, vel Advocatis Episcoporum, quicquam permetteret ex bonis Ecclesiæ: aut si quid vellent obtinere, id ab Episcopis peterent, *quicquid Ecclesiasticarum, in omnibus juxta sanctorum Canonum sanctiones, plenam semper habeant potestatem*, ut diices ex cap. 188. lib. 7. Capitularium. His enim inhiantibus aliquando, & petentibus respondit in hæc verba: *Satiũs enim nobis est, regnum non habere terrenum, quàm æternum perdere. Plus verò me credo Deum posse per Sanctorum suorum merita adjuvare, quàm omnem militiam sacularem.* Digna profectò tanta Imperatore vox! Quæ utinam omnium Regum, & Principum aures personaret, & mentes conscientiamq; penetraret, quibus regna & regio ante religionem. Nihil hinc attinget memorare execrationes adversus raptores bonorum ecclesiasticorum, quæ passim in diplomatis Cæsarum, & tabulis fundatorum, ab ipsis etiam SS. Episcopis adjectæ leguntur, provocando ad *Divinum judicium & vindictam*: Quales DD. Remigij, Ludgeri, Alifridi, aliorumq; sanctissimorum Episcoporum sunt. Quæ licet nunc contemnuntur, rideanturque, suum tamen æquissimum quandoque vindicem habebunt, qui *exsurgat, & judicet causam suam.*

Habes nunc mentem, & judicium Caroli M. de bonis Ecclesiæ. Quid dicturũ credis, si nunc Saxoniam ex vestro novo evangelio aspiceret deformatam? quid *Ludovicum Pium*, & omnes ex eâ familia ad *Arnulphum*, Imperatores & Reges? quid Ottonem M. & omnes ab eo Cæsares, Reges, Duces, Principes, Comitibus? tot Episcopatum, Collegiorum, Cœnobi-

A A A

rum

rum utriusque sexus fundatores? Quàm diversus nunc à Carolo M. religionis status aspectusque! Non ego *Principes* inculso, sed *novi velti evangelij magistros*, qui hæc libera primùm fecerunt, ex quo Lutherus Principes primum dulcedine bonorum Ecclesiasticorum, Clerum & Sacerdotes concessis uxoribus, populum libertate vitæ cepit, & decepit.

Redi nunc mecum, à calce hujus libri, ad caput ejus, & recole quantam stragē, quantamq; ruinam hæresis vëstra, vel ex hoc uno controversię capite, de *Sacerdotio*, per Saxoniam Germaniamq; ediderit: nam postquā Lutherus *novum* illud *ministerium* verbi, abrogato vero religionis *Sacerdotio* introduxit, sublata est in Ecclesia vëstra omnis potestas *Ordinis & Jurisdictionis sacra*, simulq; sublatum est *verum* religionis *Sacrificium*, & immolationis hostia, omniaq; sacramenta, & gratiarū dona, quæ à potestate *Ordinis & Jurisdictionis sacra* dependent, (ut proximo libro pluribus ostendemus:) sublata est cum Jurisdictione, vera quoq; potestas docendi, quæ in ordinariâ missione consistit: & quod consequens est, à depravatis Ecclesiæ ministris, non aliud, quàm depravatum verbum Dei docetur; abrupta est Apostolica successio, sublata est Hierarchia Ecclesiæ, & pulcherrimus ille ac divinissimus ordo administrandi Ecclesiam; sublatus est Clerus, & Cleri disciplina; sublata sunt privilegia Cleri, omnisque immunitas; sublata sunt bona Ecclesiæ, & in prōfanū usum conversa, turbata sunt collegia Sacerdotum; soluta Crenobia religionis hominū; defraudati fundatores, totumq; Christi patrimonium dissipatum jacet inter manus laicorum hominum. *Μαρίαν ἐν οἴκῳ κυρίου κατέπηξεν* O qualem *insaniam in domo Dei confixerunt!* Verbo absolvam: ex quo sublatum Sacerdotium ex Ecclesia vëstra, & à Luthero novum illud Ministeriū verbi introductum est, omnia sursum ac deorsum versa sunt; neque ipsum quidem Sacerdotij nomen relictum. Interim vobis Lutherus instaurator doctrinæ, restaurator disciplinæ, conditor Ecclesiæ vëstræ. At misera Christi vinea! quam in hunc modum, & in hanc, quam diximus, vastitatem, *exterrinavit aper de sylva, & singularis ille ferus depastus est*, psalm. 79. Illud interim certum habeas, quod Apostolico spiritu scripsit S. Cyprius Episcopus ac Martyr, lib. 1. Epist. 48: *Unus Deus est, & Christus unus est, & Ecclesia & Cathedra una, supra Petram domini voce fundata; aliud altare constituit, aut Sacerdotium novum fieri, præter unum altare, & unum Sacerdotium, non potest. Quisquis alibi collegerit, spargit. Adulterium est, impiū est, sacrilegū est, quodcumq; humano furore constituitur, ut dispositio à divina violetur.*

LIBER III.

# LIBER III.

## DE SACRIFICIO, ET SACRAMENTIS CHRISTIANÆ RELIGIONIS.

**P**OSTEAQUÀM libro primo actum est de *Ecclesia*, egimus lib-  
brosecundo de *Sacerdotio*; eò, quòd vera *Christi Ecclesia*,  
sine vero *Christi Sacerdotio* esse non possit: seu, ut D. Thomas  
*Commentario in Epistolam D. Petri* scripsit: *Ecclesia in Sacerdotio*  
*subsistat*. Consequitur nunc, ut de *Sacrificio*, & *Sacramentis*  
Christianæ Religionis, pro instituto ordine agamus: propter-  
ea, quòd horum administrationem ac procurationem Chri-  
stus ex collata potestate sacrâ Ordinis, & Jurisdictionis penes  
Sacerdotes esse voluerit. Hinc Christi in cælis supremique  
secundum Ordinem Melchisedech Sacerdotis vicarium in  
terris munus gerunt, vocanturque ejus Ministri, & dispensa-  
tores. Juxta illud Apostoli 1. ad Corinth. 4. *sic nos existimet*  
*homo, ut Ministros Dei, & dispensatores mysteriorum Dei*. Sa-  
cramentis autem præmitto Sacrificium, quod id proprium  
& primarium sit Sacerdotis munus teste eodem Apostolo ad  
Hebr. c. 5. *Omnis Pontifex ab hominibus assumptus pro hominibus*  
*constituitur in his, quæ sunt ad Deum, ut offerat dona & Sacrificia*.  
Hæc enim duo, Sacerdotium & Sacrificium in omni statu le-  
gis Naturæ, Mosaicæ, & Gratix generaliter loquendo ita  
connexa fuerunt, ut Sacrificium non ab alio, quam à Sacerdo-  
te legitimè offerri potuerit, nec aliter etiam Sacerdotes lum-

mine naturæ inter omnes gentes instituti sunt, quam ad Sacrificia: Inde hæc mutua semper relatio inter Sacerdotem & Sacrificium, quæ inter Patrem & filium, servum & Dominum. Et ratio est, quia Sacrificium est præstantissimus actus religionis, ac cultus Divini, quo Deo cultus Latriæ ab hominibus deferitur, ad quod munus ob hæc aliqui semper ab omnibus gentibus peculiariter delecti deputatiq; fuerunt Sacerdotes: Et facer hic Magistratus apud omnes nationes quantumvis barbaras institutus fuit: hinc & templa fanaque constructa, altaria erecta, hostiæ immolatæ, sive veræ illæ, sive falsæ etiam fuerint, quemadmodum Augustin. Epist. 49. q. 3. *Qui Christianas literas utriusque Testamenti sciunt, non hoc culpant in sacrilegis ritibus paganorum, quod construant templa, & instituant Sacerdotia, & faciant Sacrificia; sed quod hæc idolis & demonijs exhibeant.* Quippe ut idem Augustinus: *Nulla est religio seu vera seu falsa, que non visibilium signaculorum consortio colligata fuerit.* Inter quæ signacula, & cultus divini cærimonias primum semper fuit Sacrificium, donec nostrâ demum ætate contra naturæ lumen, contraque omnem legis statum, & divinam ordinationem, hæresis verum ac propriè dictum Sacerdotium, & Sacrificium Religionis, ex suis Ecclesijs proscriberet, & *Inge Sacrificium*, Danielis cap. 11. & 12, quod ipse Anti-Christus interdicturus quidem, non tamen aboliturus sit, id ipsi jam tanquam Anti-Christi prodromi, inter suos abolere cœperunt.

## CAPUT I.

*Sacrificium Christiana religionis.*

**I**Nter heterodoxos qui Sacrificium tollunt, Nifanij primùm scribit: *nos Lutherani neque Sacerdotes propriè dicti sumus, neque appellari volumus*: quo dicto nihil verius in toto libro suo scripsit Nifanij, & quod consequens est, nullum etiam propriè Sacrificium apud Lutheranos esse potest. Secundò scribit: *ex primis sex post Christum sæculis ostendi non posse, quod actio Missatica fuerit verum ac propriè dictum Sacrificium*; quemadmodum & Canonem Missæ, & totum illum sacrum apparatus nunquã in usu fuisse primis illis sæculis profitetur. Tertiò inquit: *sacram Cœnam Papistæ primum converterunt in Sacrificium*, idque cœpisse dicit, postquam abrogato Ambrosiano ritu celebrandi, Missa Gregorij Magni minis & supplicijs obtrudi cœpit, maximè in Hispania. Inde totus invenitur in Missas privatas. Quot dicta, tot mendacia. expediamus ordine singula, & ab ipsâ institutione, essentia Sacrificij, origine, & institutione Christi ordiamur.

I. *Sacrificium est actus externus & præstantissimus religionis, continens supremum Latria cultum solique Deo debitum*: Cujus materia est res sensibilis sive externa, quæ Deo offertur; forma consistit in destructione, vel mutatione rei oblata; locus in quo fit, altare; finis recognitio seu protestatio supremi Dominij quod Deus in nos habet, & simul nostræ subjectionis & servitutis erga Deum. Alius deinde finis esse potest vel gratiarum actio, vel novorum beneficiorum impetratio, vel expiatio pro peccatis. Ex hoc quadruplici fine distingui solet, 1. in Latreuticum, 2. in Eucharisticum, 3. in Impetratorium, 4. in Propitiatorium. Hunc in modum docet S. Augustinus epist. 49. *Sacrificium cum exhibetur Deo, secundum veram ejus inspirationem, & doctrinam, vera religio est*. Unde planius definit Suarez: *Sacrificium est oblatio externa, facta soli Deo, quæ ad agnitionem humana infirmitatis, & professionem divina majestatis, a le-*

*gitimo ministro, res aliqua sensibilis, & permanens ritu mystico consecratur; & transmutatur.* In hunc modum cæteri Theologi Sacrificium nobis tradunt, & multis explicant, quos longum referre. Mihi verbo hæc indicare necesse fuit, ut intelligeres quid sit Missa Sacrificium, quod tu contemptim actionem Missaticam cum suo apparatu vocas. Est enim excellentissimus religionis actus, quo cultus Latriæ soli Deo debitus defertur. Ideo in statu naturæ divinâ inspiratione edocta sunt Sacrificia, in lege Mosaica, lege divinâ ordinatius præscripta, inter omnes gentes lumine naturæ cognita; ac postremum in lege Gratiæ unicum illud Sacrificium religionis in Corpore & Sanguine Christi institutum, oblatumque toto orbe Christiano: donec veltra demum hæresis post Wiclefium hæresiarcham abrogaret. Et cui mirum? quando hanc abrogationem non ab alio, quam a diabolo se fatetur hausisse Lutherus in libro, quem ipse de abroganda Missa, & unctiōe Sacerdotum scripsit. Nunc singula explicatius accipe.

II. Sacrificium, quod in hunc modum nobis describitur, fuit in omni legis statu; atq; ut triplex Sacerdotium religionis, pro triplici legis statu nobis Scriptura tradit: ita triplex quoq; Sacrificium. Quorū primū legis naturæ cum Adamo cœpit: quale duo fratres Abel & Cain obtulere Gen. 4. uti id Apostol. ad Hebr. c. 11, explanat: *sive plurimā hostiam Abel, quam Cain, obtulit Deo, per quam testimonium consecutus est, esse justus.* Post diluvium primus Noë Sacrificium obtulit, Gen. 8. *Edificavit Noë altare Domino, & tollens de cunctis pecoribus, & volucibus mundis, obtulit holocausta super altare.* Tria deinde Abrahæ Sacrificia leguntur Gen. 12. Gen. 15. & Gen. 22. de quibus interpretes Isaac similiter Sacrificiū obtulit Gen. 26. Jacob sæpius legitur obtulisse Gen. 31. 33. 35. bis in eodem loco Bethel, Gen. 46. Obtulit & Job Sacrificium, Job c. 1. De horum Sacrificijs interpretes cum Bellarm. Becan. & alijs. Celebrerrimum verò in hoc statu Sacrificium Melchisedech, de quo Moyses Gen. 14. *At vero Melchisedech Rex Salem, proferens panem & vinum, erat enim Sacerdos Dei altissimi:* Verum autem Sacerdotem fuisse confirmat Apostol. Hebr. 7. *Hic enim Melchisedech Rex Salem & Sacerdos Dei summi.* Hunc deinde Melchisedech, Christi ejusque Sacrificij incruenti figuram gessisse, Prophetæ David psalm. 109. docet: *Tu es Sacerdos in æternum, secundum ordinem Melchisedech.* Planius Apostolus ad Hebr. c. 7. *Si ergo consummatio per Sacerdo-*



*Sacerdotium Leviticum erat, quid adhuc necessarium fuit, secundum ordinem Melchisedech alium surgere Sacerdotem? Tuin Patres unâ consensione: Clemens Alexand. lib. 4. Strom. c. 8. Eusebius lib. 4. demonst. Evang. c. 3. Chrysost. Hieron. Epist. ad Marcellam, Ambrosius, Epiph. Arnobius, Theodoretus, Emissenus, Eucharius, alijque apud Bellarminum lib. 1. de Missa c. 6. tam clarè, ut mirum sit, hæreticis dubitandi locum relinqui possit. Ex his Cyprianus lib. 2. Epist. 5. ad Cæciliam: In Sacerdote Melchisedech, inquit, Sacrificij Dominici Sacramentum præfiguratum videmus, secundum quod Scriptura divina testatur, & dicit, Melchisedech protulit panem & vinum. ac post explicatius subjungit: Quod autem Melchisedech typum Christi portarit, declarat in psalmis Spiritus S. ex persona Patris ad filium dicens: Tu ex Sacerdos in æternum secundum ordinem Melchisedech. Qui ordo utique hic est de Sacrificio illo veniens, & inde descendens, quod Melchisedech Sacerdos Dei summi fuit, quod panem & vinum obtulit, quod Abraham benedixit: Nam quis magis Sacerdos Dei summi, quam Dominus noster Jesus Christus? qui Sacrificium Deo patri obtulit: & obtulit hoc idem, quod Melchisedech obtulerat, id est panem & vinum, suum scilicet corpus & sanguinem. Quid clarius? His adde, quæ Cyprianus de aqua, quæ in Sacrificio miscetur vino, contra Aquarios scribit. Pari claritate D. Augustinus Epist. 95. ad Innocentium Pontificem: Melchisedech prolato Sacramento mensa Dominica, novit æternum ejus Sacerdotium figurare. Et lib. 16. de civit. Dei c. 22. de oblatione Melchisedech: Ibi, inquit, primum apparuit Sacrificium, quod nunc à Christianis offertur Deo totò orbe terrarum. Lib. 83. quaest. 61. Augustinus inquit: Dominus noster Jesus Christus, ipse est Sacerdos noster in æternum, secundum ordinem Melchisedech, qui seipsum obtulit Holocaustum pro peccatis nostris, & ejus Sacrificij similitudinem celebrandam in sua passionis memoriam commendavit; ut illud, quod Melchisedech obtulit Deo, jam per totum orbem terrarum in Christi Ecclesia videamus offerri. Et hi Patres qui hæc scripserunt primis quinque sæculis, plerique Episcopi & Sacerdotes fuerunt, qui hoc ipsum Sacrificium quotidie obtulerunt. Quàm ergo falsa est tua doctrina, Nisani, dum scribis: intra sex prima sæcula. in Missæ actione nullum Sacrificium fuisse agnitum; aut, cœnam primum tempore Gregorij Magni fuisse commutatam in Sacrificium. Contrà nos à te tuisque exigimus, ut doceas nos: ubi, & quando igitur Christus fuerit*

fuerit *Sacerdos secundum ordinem Melchisedech* ? aut ubi panem & vinum obtulerit in Sacrificium, si id in ultimâ simul Cœnâ non fecit ? Hoc tu, & tui Lutherani nunquam ostenderunt, neque ostendent; nisi Scripturam, & Patres nos fecerunt dicere placeat, ac cum ijs totam Ecclesiâ idololatriæ damnare.

III. In statu *legis Mosaica* nihil clariùs, quàm Sacrificia propria religionis, quæ Deus cum determinatis, certisque cærimonijs, multo perfectius, sacratiusque præscripsit, ac sibi offerri voluit, quàm in *Lege naturæ* ejusmodi fuere. I. Sacrificium *agni Paschalis*, paulò ante egressum ex Ægypto institutum, *Exod. 12. Levit. 23.* Hujus agni immolatio figura fuit Christi in Cruce immolandi. II. *Holocaustum*, *Sacrificium pro peccatis*, *Hostia pacifica*, de quibus in Levitico. Hoc triplici Sacrificio, figuratum fuit unum Christi & Christianæ religionis Sacrificium; quod omnes differentias legalium Sacrificiorum multo perfectius continet. Ita enim S. Leo Pontifex, serm. 8. de Pass. Domini: *Nunc enim carnalium Sacrificiorum varietate cessante, omnes differentias hostiarum, una Corporis & sanguinis tui implet oblatio.* III. Fuit *juge Sacrificium*, quo juebantur quotidie offerre duos agnos, alterum manè, alterum vespere, *Exod. 20. Num. 28.* Hoc *juge Sacrificium*, rursus fuit figura *Sacrificij Missæ* in novo Testamento; in quo Christus, qui est agnus sine macula, quotidie offertur. Igitur generatim de his Sacrificijs æstimando, quantum hæc fuere ex institutione divina, ad supremum cultum Patriæ Deoque debitum persolverendum ordinata, tantum simul ex dispositione divina ac typo suo instituta fuere ad cruentum, & incruentum Christi Sacrificium, quod typis multo perfectius esse debuit, significandum. Ut enim cætera in lege illâ, ita hæc cum primis Sacrificia typi & figura fuerunt, teste Apost. *ad Corinth. 10: Hac omnia in figuris contingebant illis.* Rursum *Hebr. 10: Lex habuit umbram futurorum bonorum, non ipsam rem figuratam,*

IV. Descendendo ad statum *legis Gratiæ*, duplex in eo est Sacrificium, *cruentum*, & *incruentum*: ac cruentum crucis quo Christus in ara crucis oblatus est pro expiatione omnium peccatorum, (quod tamen medium fuit inter utramque legem,) verum fuisse Sacrificium, evidens est ex Scriptura, *1. Cor. 5. Pascha nostrum immolatus est Christus. Eph. 5. Hebr. 12. & Joan. 2. Explicatè S. Leo Papa in Epist. c. 48: Quod unquam*  
*Sacrifi-*

*Sacrificium sacratius fuit, quàm quod verus Pontifex altari crucis per immolationem suae carnis imposuit ? S. Ambros. lib. 3. de fide c. 5 : Idem Sacerdos, idem & hostia. Sacerdotium tamen & Sacrificium, humana conditionis est officium. D. Fulgentius lib. de fide, Solus, inquit, Sacerdos, Sacrificium, & templum; & haec omnia Deus secundum rationem servit. Quibus simul docent Patres, Christum secundum humanitatem fuisse Sacerdotem. Adversarij, etsi verum crucis Sacrificium admittunt, controversant tamen alterum, errantque. Ratio est, quia Sacerdos, qui offert Deo Sacrificium, agnoscit illum superiorem, at Christus secundum divinitatem non agnoscit superiorem; ergo non secundum divinitatem, sed humanitatem est Sacerdos.*

Verum præter cruentum hoc *Sacrificium crucis*, etiam incruentum *Religionis Sacrificium*, à Christo institutum est, in quo idem Christus quotidie offertur sub specie panis & vini, quæ duo Sacrificia, ob id, quo ad rem oblatam, unum sunt; quando in utroque, una & eadem res oblata est: quo ad modum verò & ritum offerendi, duo sunt; incruentumque hoc Sacrificium, proprium Religionis est. Nam *cruentum*, non tam Christianæ Religionis proprium, quàm omni legis statui commune fuit: ideoque morte Christi testamentum confirmatum est, ut Apostolus ait, dum vetus Testamentum cum suis Sacrificijs finem acciperet, ut novum inchoaretur, & unâ oblatione consummarentur omnia. Unde Bellarminus docet, hoc *cruentum Sacrificium* Christi, non fuisse propriè tempore Religionis Christianæ, quæ post mortem Christi cœpit. Fuit deinde hoc *cruentum Sacrificium*, magis secundum ordinem Aaronicum, quod omnia cruenta animalium Sacrificia in Lege veteri designant: Incruentum verò secundum *Ordinem Melchisedech*, secundum quem Christus Sacerdos fuit, & novum *Religionis Sacerdotium*, & Sacrificium instituit, proprium Religionis est Sacrificium. Adhæc proprium Religionis Sacrificium debet in actu externo constitui, qui iterabilis sit, & repeti possit ad divinum Patriæ cultum Deo exhibendum. Mors autem Christi, quâ cruentum Sacrificium peractum est, repeti non potest, Rom. 6: *Christus resurgens ex mortuis, jam non moritur*. Omnia hæc idem Apostolus complexus est Hebr. 7. *Translato Sacerdotio, necesse est, ut & legis translatio fiat*. Quo axiomate simul comprehendit Sacrificium Religionis: quando per legem intelligit cum primis legem cærimonialem. In le-

ge verò cærimoniali primariò continentur Sacrificia, & Sacramenta, ac cætera quæ ad cultum Religionis spectant. Lex enim Decalogi moralis, in omni Legis statu permansit; Judicialis verò Hæbræorum lex, abrogata est in lege Gratiæ. Quid ergo cum translato Sacerdotio in lege Mosaica superest primum, quàm Sacrificium Religionis Christianæ?

V. Quæ etsi satis esse possent ex figuris, Catholici tamen *incructum* illud *Sacrificium* Christianæ Religionis, quod *Sacrificium* Missæ dicitur probant

I. Ex vaticinijs Prophetarum, Malach. c. 1. *Non est mihi voluntas in vobis, dicit Dominus exercituum, & munus non suscipiam de manu vestra.* Ubi agit de Sacrificijs legis Veteris abrogandis, & commutandis in multo præstantius Sacrificium. Ideo subdit: *Ab ortu enim solis, usque ad occasum, magnum est nomen meum in gentibus; & in omni loco sacrificatur, & offertur nomini meo oblatio munda, quia magnum est nomen meum in gentibus.* Ad hunc Malachiæ locum, reperio similiter tot Patrum testimonia, quod supra ex Melchisedechi Sacrificio, Christianorum Sacrificium asserentium. Clemens Rom. instit. Apost. lib. 7. c. 3. Martial. Epist. ad Burdeg. c. 3. Justinus dialogo cont. Triphon. teneans lib. 4. c. 32. Tertullian. lib. contra Marcionem. c. 22. Cyprianus lib. 1. contra Judæos. Euseb. lib. 1. demonstr. Evang. c. 10. Chrysost. ad psalm. 98. Cyrill. Alexand. lib. 2. de adorat. Clarè S. August. post recitata verba Malachiæ: *Aperite oculos tandem aliquando, & videre ab Oriente sole, usque ad Occidentem, non in uno, sicut vobis fuerat constitutum, sed in omni loco offerri Sacrificium Christianorum.* In orat. ad Judæos c. 9.

Similiter Isaïas c. 66: *Assumam ex eis in Sacerdotes & Levitas. c. 19. de altaribus & Sacrificijs: Colent eum in hostijs & muneribus.* Ita quoque Jeremias c. 33: *De Sacerdotibus non interibit vir à facie mea, qui offerat holocausta, & incendat Sacrificium, & cadat victimas omnibus diebus, nempe ad consummationem sæculi.* Quem locum, uti Isaïæ, allatum exponunt Patres de Sacerdotibus Christi. Ad hæc Daniel c. 12: *A tempore cum ablatum fuerit iuge Sacrificium, & posita fuerit abominatio, per Antichristum videlicet, per dies mille ducentos nonaginta; manebit itaque iuge Sacrificium & non tolletur.*

II Ex institutione Christi, & Apostolorum doctrinâ, quæ non solum Sacramentum, sed etiam Sacrificium nobis tradit, quemadmodum

modum agnus Paschalis simul Sacramentum, & Sacrificium fuit, obtulit enim Christus Deo Patri, sub specie panis & vini, corpus & sanguinem suum. Idem & Apostolos facere iussit: *Hoc facite in meam commemorationem*, ut multis id exponit Bellarminus & alij: Id enim nisi admittatur, Christus non erit Sacerdos secundum Ordinem Melchisedech. Aut dicant, ubi sub specie panis & vini, Christus Sacerdos obtulerit Sacrificium? maximè cum id Patres suprâ relati tam contentè doceant. Secundo: Hoc ipsum historia cœnæ demonstrat. Nam si Christus adhibitâ consecratione, ipsam panis & vini substantiam, ad divinæ majestatis gloriam protestandam destruxit, & in suum corpus & sanguinem commutavit; haud dubiè ipsa actio verum Sacrificium fuit, juxta definitionem suprâ à nobis datam. Hoc autem Christum fecisse constat ex Matth. 26. Marc. 14. Luc. 22. Cor. 11. quando panem & vinum accepit, Deo gratias egit, benedixit, consecravit, & substantialiter immutavit, dicendo: *Hoc est corpus meum*; idemque Apostolis eorumque successoribus mandavit, dicendo: *Hoc facite* &c. Rident vos Lutheranos ipsi Calvinistæ, interque hos Bergius: Nam, inquit illi, vos Lutherani creditis cum Catholicis, verum corpus in Eucharistia esse præsens, cur ergo id ipsum corpus offerre non licet Deo? nulla hîc inconvenientia, posito illo communi cum Catholicis principio. Hunc tu scriptorem refelle, priusquàm Catholicos oppugnes. Sed hîc *Gerhardi* tuus altum file. Respondetis, Christus non dixit: *Hoc offerte*. R. dixit tamen, *hoc facite in meam commemorationem*; quo plus dixit, quàm si dixisset, *offerte*: hoc enim amplius dicit, nempe, hoc offerendo, hoc facite in memoriam cruentæ oblationis, & beneficij hujus. Uti hæc Augustinus clarè docet lib. 20. contra Faustum c. 18: *Christiani jam peracti Sacrificij in cruce memoriam celebrant sacrosanctâ oblatione, & participatione corporis & sanguinis Christi*. Vides in Eucharistia conjungi oblationem & participationem, quæ fit à Sacerdote & populo. Atque hoc illud Sacrificium est, de quo Christus Joan. 4. in colloquio cum Samaritanâ muliere: *Venit hora, & nunc est, quando veri adoratores adorabunt Patrem in Spiritu & veritate*, quo loco manifestum est, quæstionem fuisse de adoratione per Sacrificium religionis, ut multis exponunt Patres & interpretes, & tota hæc historia ostendit.

Confirmantur hæc primò ex Apostolorum doctrina & factis:

BBB 2

Nam

Nam Apostolus 1. Cor. 10. triplicem mensam seu altare exponit, Christianorum, Judæorum, & gentilium, ex quo participatio hostiæ fiat: tandem subdit de altari gentilium, *non potestis mense Domini, & mense demoniorum esse participes*. De altari verò Judæorum præterea idem Apostolus ad Hebr. 13. docet Christianos *habere altare, de quo edere non habent potestatem, qui tabernaculo deserviunt*. Si altare habuerunt Christiani, ergo & Sacrificium. Act. 13. S. Lucas de Apostolis & discipulis, inquit, *ministrantibus illis Domino*: in Græco est, *λεγεινῶν αὐτῶν τῷ κυρίῳ*, quod verbum publicum officium significat, etiam in sacris & sacrificijs, quod nos Sacrificium Missæ dicimus; unde & Græci Liturgiam vocant. Superest præterea altare D. Petri Romæ, in quo Sacrificium offerre solitus. D. Andreas, ut discipuli in actis ejus scribunt, *fassus est, se quotidie agnum in altari immolare, qui non consumatur unquam*. Matthæus ante altare confossus, dum sacris operaretur. Et quæ non ab ipsis Apostolis & discipulis Christi ubique monumenta Sacrificij?

Confirmantur secundò hæc omnia ex *Liturgijs*, quas Apostoli in suis Ecclesijs reliquerunt, inter quas *Liturgia* Romanæ Ecclesiæ, à D. Petro Apostolo tradita; *Liturgia* Ecclesiæ Hierosolymitanæ, à D. Jacobo conscripta; *Liturgia* Ecclesiæ Alexandrinæ, auctore D. Marco; *Liturgia* Ecclesiæ Æthiopice D. Matthæi Apostoli. In his omnibus, uti & in *Liturgijs* D. Basilij, Chrysostomi, Ambrosij, omniumque nationum Christianarum, Orientalium videlicet, & Occidentalium, leges etiam *Canonem Missæ*, quem tu à Gregorio Magno obtrusum primò somnias. Nam etli in ritibus, & precibus variatio quædam, tamen quæ ad oblationem, consecrationem, & sumptionem integritas Sacrificij requirit, in omnibus Liturgijs reperies.

III. Asseritur Sacrificium ex omnibus Concilijs, & Patribus quinque primorum sæculorum, ac præter eos Patres, quos suprà recensui ad Melchisedech, & Malachiæ testimonium, accedunt *Clemens Roman.* Epist. 2 *Dionys. Areopag.* Eccl. Hierarch. c. 3. *Ignatius Epist. ad Smirnenfes*; *Origines lib. 8. contra Celsum*. Inter hos D. *Laurentius Martyr* ita ad Sixtum Papam: *Quo Sacerdos sine ministro propitius? tu nunquam sine ministro Sacrificium offerre consueveras*. Martyrio uterque affectus anno Christi 261, quo & *Cyprianus Episcopus Carth.* qui tam præclare de Sacrificio, suprà relatus, scripsit; quod & Epist. 16 & 65 persequitur. *Irenæus lib. 4. c. 32: Eum, qui ex creatura panis est, accepit, & gratias egit, dicens:*

dicens: Hoc est corpus meum, & novi testamenti novam docuit oblationem, quam Ecclesia ab Apostolis accipiens, in universo mundo offert Deo. Augustinus lib. contra advers. legis lib. c. 18: *Posteaquam venit unicum Sacrificium, cujus umbra fuerunt omnia illa hac significantia, jam unum verum, & singulare Sacrificium successit, quod, ut subdit, fideles in Ecclesia Sacrificio sciunt.* Lib. 7. de civit. Dei c. 20: *Erat ibi Sacrificium secundum ordinem Aaron, & postea de corpore & sanguine illo instituit Sacrificium secundum ordinem Melchisedech, demisit vultum suum in Sacerdotio, & dimisit gentem Judaeorum.* c. 20: *per hoc & Sacerdos est ipse offerens, ipse & oblatio, cujus rei Sacramentum quotidianum esse voluit Ecclesia Sacrificium.* c. 5: *quod in novo Testamento est Sacrificium Christianorum.* Quam multa, quam expressa, vel in hisce libris de civit. Dei, pertractat de Sacerdotio, & Sacrificio Christianæ Religionis idem Doctor sanctissimus? ex cujus sancto Ordine Lutherus desertor monachus, primus post Manichæos & Wiclefum hæreticum, Sacrificium Missæ oppugnavit. Hinc apud Patres quando de Eucharistia, passim loquuntur, hæ voces: *Sacrificium, oblatio, immolatio, hostia, victima; offerre, sacrificare, immolare.* Longum hoc loco, Patrum testimonium sistere, quæ vel apud Jodocum Cocium, Bilseldiensem civem vestrum, in erudito illo Patrum thesauro leges. Quid verò ad hæc Lutherus, cum omnia Concilia & Patres, omnemque antiquitatem sibi ob stare videret? *Non moramur,* inquit, lib. de Missa privata, *si clamitent Papista, Ecclesia, Ecclesia, Patres, Patres; quia, ut dixi, hominum dicta aut facta, nihil in tam magnis causis, & ausis curamus: Scimus enim ipsos Prophetas lapsos esse, adeoque Apostolos, verbo Christi, judicabimus, Ecclesiam, atque ipsos Angelos.* Libro contra Regem Angliæ: *Ultimo, inquit, dicta Patrum inducit Rex pro Missatifico Sacrificio, & ridet meam stultitiam, quod solus velim sapere præ omnibus: Hoc est, quod dixi, Thomistas asinos nihil habere, quod producant, nisi multitudinem hominum, & usum antiquum.* Lib. de captivitate Babylon. convictus Catholicorum argumentis: *Tutius est, inquit, omnia negare, quam Missam esse Sacrificium, concedere.* Aestimetur nunc ex his prudens Lector, utrumne tutius sit Lutherum sequi, qui ex colloquio suo, quod cum diabolo habuit, convictus, fatetur se abrogare Missam? an Patres & Ecclesiam, quæ à Spiritu S. regitur, quæq; ab eodem Spiritu edocta in Concilio Tridentino, sess. 22. can. 1. pronuntiat? *Si quis dixerit,*

B B B }

rit,



rit, ut *Missam non offerri Deo verum, & proprium Sacrificium, anathematum*. Nec aliud hoc fidei decretum refert, quàm ad institutionem Christi in ultima Cœna. Apostolorum testimonia, & Prophetarum vaticinia à nobis jam adducta.

IV. Sacrificium manifestè ostenditur ex ijs, quæ antiqui Patres adversus Aquarios hæreticos scripsere, qui solâ aquâ Sacrificium peragebant, de quibus *Augustinus hæresi 64. Epiphanius* alijque: atque hi fuerunt hæretici, *Ebionita, Marcionista, Tatiani & Encratita*, adversus quos acerrimè Cyprianus scripsit Epist. 63. ad Cæcilium, Justinus Apolog. ad Anton. Imp. Augustin. Epist. 118. ad Januarium. Docent vero hi Patres, non in aqua solum sacrificandum, sed ex Apostolicâ traditione, aquam vino miscendam esse in calice Sacrificij; quod inde Ecclesia Catholica ad hunc diem toto orbe Christiano servat. Clare hæc super re Augustinus lib. 4. de doctrina Christiana c. 21: *Beatus Cyprianus in eo libro, ubi de Sacramento calicis disputat, utrum calix Dominicus aquam solam, an eam vino mixtam debeat habere?* Refert deinde Cypriani sententiam: *Admonitos autem vos sciatis, inquit, in calice offerendo, Dominica traditio servetur, neque aliud fiat à nobis, quàm pro nobis Dominus prius fecit; ut calix, qui in commemorationem ejus offertur, vino mixtus offeratur.* Hæc Augustinus ex mente Cypriani. Lib. deinde de dogm. Eccl. c. 75. suam sententiam exponit: *In Eucharistia, inquit, non debet pura aqua offerri, ut quidam sobrietatis falluntur imagine, sed vinum cum aqua mixtum: Quia & vinum fuit in redemptionis nostræ mysterio, cum dixit: Non bibam amodo de genimine vitis, & aqua mixtum, non quod post Cœnam dabatur, sed quod de latere ejus lancea perfollo, aqua cum sanguine egressa, vinum de vera ejus carnis vite cum aqua expressum ostenditur.* Quid nunc ad hæc dicis Nisani? de quo calice hi Patres agunt contra hæreticos, aquâ miscendo? utrumne de calice, quem vos in cœna vestra populo porrigitis; (aliàs enim calix cœnæ vestræ aquâ misceri deberet) an quem Sacerdotes offerunt hodie dum in altari, & Sacrificio Missæ? sanè postremum Patres docent, & Catholici in hodiernum diem, ex Apostolicâ traditione servant. Vides præterea, non nos Cathólicos, quod tu somnias, à tempore Gregorij Magni cepisse Cœnam commutare in *Sacrificium Missæ*. 3. Vides, quantum tribuendum traditioni Ecclesie. Hæc præterea mixtio aquæ refertur ad ea, de quibus Apostolus

ad

ad Cor. 1. c. 11. *Cætera, cum venero, disponam.* Uti Baronius exponit ad annum Christi 57. cæterique interpretes. Ad quæ etiam refertur, quod Eucharistia à jejuniis sumenda, quod post exomologesin danda, quod Sacrificium pro vivis & defunctis offeratur.

Addo Concilium Carthaginense III. quod can. 24. ita decernit: *In Sacramento corporis & sanguinis Domini, nihil amplius offeratur, quam ipse Dominus tradidit, hoc est, panis & vinum aquâ mixtum. Primitiæ vero, seu mel & lac, quod uno die solennissimo pro infantibus mysterio offerri solet, quamvis in altari offeratur, suam tamen habet propriam benedictionem, ut à Sacramento Dominici corporis distinguatur, nec amplius de primitiis offeratur, quam de uvis & frumentis.* Idem confirmatur postea in Concilio Africano, ubi vides, oblationem Sacrificij, distingui ab oblationibus aliarum rerum, & consecrationem à benedictione.

Ex eo verò, quod ex eadem traditione adduxi, *Sacrificium offerri pro vivis & defunctis*, satis etiam constat, *Sacrificium à Sacramento distinguui*, secus, quam tu scribis. Nec enim *Eucharistia* quatenus *Sacramentum* est, offertur pro vivis & defunctis, neque id vos facitis: & tamen idem Sacramentum, quatenus *Sacrificium* est, offertur pro vivis & defunctis, uti id SS. Patres docent, tam Græci, quam Latini; cum primis *Augustinus lib. 22. de Civit. Dei c. 8. Lib. 9. confess.* ubi mater ejus, D. Monica morti proxima rogat, ut sui memor sit ad altare; tum alijs cum pluribus locis id tradit Augustinus, ex universali Ecclesiæ traditione. Sed de hoc infra planius

V. Sacrificium Missæ testatur nomen Sacerdotis, quod post tempora Apostolorum toto orbe invaluit in Ecclesia, non ob aliud magis, quam ob Sacrificium Christianæ religionis, ad quod ordinati erant, & quotidie offerebant, tam Episcopi & majores Sacerdotes, quam reliqui, qui minores erant in gradu Presbyterorum. Hoc enim illud Augustinus, suprà relatum lib. de Civit. Dei: *Episcopi & Presbyteri propriè dicuntur Sacerdotes.* 2. Testatur ritus altarium, quæ erecta in templis, & consecrata ab Episcopis toto orbe Christiano, non ob aliud primum, quam ob Sacrificium, ut in lege *Natura & Mosaica*, vel ex divina inspiratione vel Dei ordinatione factum retulimus. Idem in Christi Ecclesia fieri necesse fuit, postquam novum Sacrificium religionis à Christo & Apostolis introductum. Inde *Optatus Milevitanus lib. 6. cont. Parmen. Donatistam:*

tistam: *Quid est tam sacrilegum, quàm altaria Dei, in quibus vos aliquando obtulistis, frangi?* Chrysost. Homil. 53: *Si quis vellet hoc altare subruere, nonne illum lapidibus subrueretis?* Rursus Homil. 20: *Tu altare honoras, quod accipit corpus Christi.* August. Epist. 107. docet, ad altare inter sacrificandum fieri orationes pro infidelibus, catechumenis, & fidelibus. Plurima Augustini ejusmodi sunt testimonia. Altaria Calvinistæ destruunt, & eorum loco mensam ponunt; Lutherani adhuc integra patiuntur, non tamen ad *Sacrificium* sed ad *cœnam* suam distribuendam: cum tamen altare primò sit propter Sacrificium; quando non minus altare Sacrificium, quàm Sacrificium Sacerdotem, mutuâ relatione secum fert. 3. Sacrificium testantur vasa sacra, calices cumprimis sacrificiales, quales multorum Sanctorum Episcoporum, & Sacerdotum, ex omnibus sæculis hodiedum apud Catholicos servantur; quos inter calix D. Willibrordi, Ludgeri, aliorumque Apostolicorum virorum, supersunt. Testantur vestes Sacerdotales, quibus Sacrificium ab ævo Apostolorum toto orbe peractum est, uti hodiedum peragitur, tam in Græca, quàm Latina Ecclesia. Lutheranam Ecclesiam si quis ex hoc ritu sacro aspiciat, quàm non dissona inter se? Et quo non recessit, deflexitque ad Calvinistas? quando alibi ut in Dania, & multis Saxonie provincijs, & Imperij urbibus adhuc integræ propè retinentur in liturgico vestro officio; alibi mutilæ, & mancæ induuntur, tantùmque casula seu vestis sacrificia superior, sine lineis induuntur, inijcitur super humeros, ut monstrum te videre credas; alibi omnibus hisce vestibus abjectis pullâ indutus minister, stat ante altare; alibi togâ etiam abjectâ pallium ejus loco sumitur, in quo minister sacris operatur ad altare: eo prorsus habitu, quo Calvinistarum ministri sua peragunt sacra. Hoc tu habitu, ut intelligo, Bilsfeldiæ indutus ad altare procedis, & sacra peragis, in nullo à Calvini ministro, aut lugente mercatore, aut pullato textore distinctus: qui tamen *Superintendentis* nomine te *Episcopum* ferre debes. Et quare hic alio ritu & habitu peragis in Westfalia divinum exercitium, quàm in Dania peragitur, qui gente Danus es? Hæc tua Pontificalia sunt indumenta. Legistine, ullum Episcopum, aut Sacerdotem ex omni Christianorum memoria, ita processisse ad altare? Et hæc illa pulcherrima vestra Ecclesie, de quâ gloriaris, ordinatio est. Demum Missæ nomen testatur Sacrificium, quod ut antiquissimum est, ita cum addito Sacrificium

cium Missæ, ubique leges in Concilijs & Patribus. Sive jam vox illa ab Hebræo nomine *Missæ*, quod Deut. 6. *oblationem* significat, seu quod verisimilius, à missione & dimissione populi; ut idem sit *Missæ*, quod *Missio* & dimissio populi: sicut idem est collecta & collectio. Inde absolute sacro Sacerdos aut Diaconus pronuntiat, *he Missæ est*, teste Alcuino, & alijs: comprehenditque communius Missam Catechumenorum, & fidelium. De hisce ejus partibus Bellarm. & alij. Antiquitatem vocis declarat August. serm. 38: *Post sermonem, fit Missæ Catechumenis*. Serm. 91: *In lectione; qua nobis ad Missas legenda est, audituri sumus*. In Concilio Milevit. c. 12, cui Augustinus interfuit: *Placuit, ut Missæ quæ probatæ fuerunt in Concilio celebrentur*. In Concil. Carthag. 10. can. 84: *Episcopus nullum prohibeat ad Missam Catechumenorum*. Ambrosius lib. 5. Epist. 33. *Ego mansi in munere, Missam facere cœpi, orare in oblatione Deum*. Itâ in antiquioribus etiam Concilijs reperitur, ut *Romano*, sub Sylvestro, *Carthag. II, Agath. Ilerdens.* Cæterum, apud Græcos nulla mentio hujus vocis, sed pro eo, *Liturgiæ* vox in eorum linguâ, quod est publicum ministerium: perinde ut in Actis Apostolorum *λεγειῶν αὐτῶν, ministrantibus*, seu sacrificantibus illis *Domino*. Apud vos autem Lutheranos, postquàm verum Sacrificium abrogatum est, ipsum nomen Sacrificij delijt: neque vestrum illud officium divinum, quod sublato canone mutilatum peragitis, quisquam Sacrificium Missæ vocat amplius.

VI. Post omnia hæc testimonia ex quinque & sex primis sæculis allata, descendamus ad Carolum Magnum. Ad hunc enim in toto libro tuo, in omnibus à te motis controversijs nos provocas, ut *Lutheranum* plebi tuæ, magna ex parte fuisse, persuadeas. Verùm, nullum ejus contra ipsum *Missæ Sacrificium* producis testimonium, obrutus quippe veritate rei filere debuisti. Tot enim in *libris Capitularium*, in *Synodis*, & rebus ejus gestis testimonia hæc adsunt, ut impudentiam tuam in scribendo, compresserit evidentia: Neque enim *Carolus Magnus* Sacrificium Missæ credidit & coluit suâ ætate introductum, sed ut à Clodovæo primo Francorum Rege Christiano, atque inde ab omnibus Francorum Regibus & Francis creditum cultumque fuit, ut omnes historici, ac monumenta rerum gestarum te docebunt; & cum primis illa, quæ à D. Bonifacio sub patrno Carolomanno, & Patre Pipino Rege, in *Synodis de*

*Missarum celebratione* statuta sunt; etiam pro Episcopis castra sequentibus, quæ & Carolus Magnus postea sanxit, ut Episcopi ad Missarum solemnia adessent in castris belli ducibus.

Tantum obstrepis, & dicis: *Canonem Missæ* nondum primis illis sæculis fuisse in usu, quod sanè falsissimum est: idque cum in omnibus ritualium libris, quos *Missalia* vocamus, ac *Liturgiis* illis demonstrari possit, quæ super sunt; tum ex ipsis Caroli *Capitularibus* & *Synodis* Carolinis, in quibus verba ex *Canone* recitantur. In Concilio *Aquisgran.* c. 6. ita legis: *Auditum est, aliquos Presbyteros Missam celebrare, & non communicare, quod omnino in Canonibus Apostolorum interdictum esse legitur. Vel quomodo dicere potest, si non communicaverit, sumpsimus Domine Sacramenta tua?* Quæ postrema Canonis sunt verba, quibus totam hanc orationem, ut nunc habetur, & legitur in Missâ, designat. *Lib. 6. Capitularium* cap. 173: *Instruantur, pro quibus missi, vel Sacerdotes constituti sunt, ut intelligant vim & mysterium Domini corporis, & sanguinis, & Missæ, sive precum, quæ in eâ a Sacerdotibus fiunt: dicitur enim in ipsâ oratione: Memento Domine famulorum famularumque tuarum, & omnium circumstantium, quorum tibi fides cognita est, & nota devotio; qui tibi offerunt hoc Sacrificium laudis, pro se, suisque omnibus, pro redemptione animarum suarum, pro spe salutis, & incolumitatis suæ: tibi que reddunt vota sua, æterno Deo, vivo & vero, & reliqua. Hæc ipsa sunt verba Canonis, uti hodie in sacrificio Missæ leguntur. Omitto in hanc rem innumera alia: satis hæc esse possunt ad fallacias tuas retegendas. Contrâ, si quis à vobis Prædicantibus quærat; quomodo observetis illud decretum Concilij Aquisgranensis, si quis Presbyter Missam celebret, & non communicet? (ejusmodi Sacerdoti gravis pœna statuitur, in eoque Carolus cum Concilio fere vocat ad decreta Concilij Nicæni, & alias Synodos;) Quomodo, inquam, vos Prædicantes & Superintendentes hoc servatis? dum singulis diebus Dominicis officium divinum peragitis ad altare, & nunquam, in altari communicatis, tantum laicâ communione extra altare, ab alio Prædicante acceptâ, semel iterumve in anno, contenti; ex Sacrificio autem Sacerdos se ipsum participem facit. Ita totus orbis Catholicus servavit, uti hodie dum servari vides à Catholicis Sacerdotibus.*

VII. Ultimum argumentum pro sacrificio Missæ ipsa ratio conficit. Nam si verum est, quod Lutherus, & passim Lutherani cum Calvinistis



vinistis docent: *Sacrificium Missæ esse horribile sacrilegium, idololatriam, Sacrificij crucis abnegationem, commentum Papisticum, abominationem exitialem*; sequitur, omnes Pontifices, Episcopos, Sacerdotes & religiosos, omnes deinde Imperatores, Reges, Principes, omnemque populum Christianum & Catholicum, ad hunc diem idololatrias fuisse, nullumque ex his unquam cum idololatriis saluum esse potuisse: Nam quid interest, siue solem cum Persis, siue panem pro Deo, & vinum pro sanguine Christi in Sacrificio oblato, & populo ad adorandum in Missa proposito adorem? quod tam absurdum est dicere, quam impium credere: maxime cum eâ sententia damnationis Carolus Magnus involvendus sit, quem constat unicè Sacrificio Missæ Deum coluisse. Et cui credibile, Deum tot sæculis Ecclesiam reliquisse in illa cæcitate *idololatriæ*, & idololatriæ? neque ab ullo Concilio, aut ullo sancto Episcopo, & Sacerdote id cognitum, vel à Deo revelatum inspiratumque esse? donec postremum Lutherus hanc veritatem à diabolo edoctus patefaceret mundo, quem constat mendacem fuisse ab initio, & Patrem esse mendaciorum. Nifanius etiam ultrò progressus, nos idololatrias facit, ex cultu Angelorum, Sanctorum, & Reliquiarum. Hoc furiosa ejus scripta quibus *hagiolatria, lipsanolatria, iconolatria, Angelolatria* Papistarum, nos reos facit, clamant. De quâ re infra agendum. Quid enim illis errorum magistris non licet scribere, & persuadere populo? qui tamen ne terminos quidem cultus *latriæ*, & *dulie* distinguere nōrunt. Nunc quid contra Sacrificium obtendant, audiamus.

I. Nifanius objicit: cœna est Sacramentum tantum, nec aliud Christus instituit: quod Sacramentum Papistæ converterunt in Sacrificium, circa tempora Gregorij Magni. Hoc nimirum illud est, quod Augustana confessio vos in art. 3. docuit: *Retinetur enim*, inquit, *Missæ apud nos, & summæ reverentiæ celebratur*. Deinde subdit: *Est igitur ad hoc faciendâ Missa, ut ibi porrigatur Sacramentum, quibus opus est consolatione*. Eadem habet Apologia. Sed quàm ridicula, & subdola doctrina hæc novi Evangelij vestri! Si Missa retinetur apud vos, uti creditum est ab ævo Apostolorum, ubi ergo manet Sacrificium apud vos? ubi Sacerdotium? ubi cætera quæ de hoc Sacrificio religionis adduximus? Falsissimum deinde est, quod in cœna tantummodo Sacramentum sit institutum à Christo.

Urgent interim alij apud vos, & dicunt: Id quod *Sacramentum* est, non potest simul esse *Sacrificium*: quia *Sacramentum*, & *Sacrificium* opponuntur: nam in Sacramento accipimus aliquid à Deo, in *Sacrificio* aliquid damus Deo; quod & Apologia est argumentum. R. Hæc duo non opponi, quin simul esse possint; ita enim *agnus Paschalis* simul *Sacramentum* fuit, & *Sacrificium*: uti id cum S. Thoma docent Theologi, & interpretes, & Plessius Calvinista, cum tota Synodo *Capiensi* admisit. Nec repugnat accipere aliquid à Deo, & offerre illi rursum: alias nullum etiam fuisset *Sacrificium* in Lege veteri, Paralip. 29: *Tua sunt omnia, & quæ de manu tua accepimus, dedimus tibi*. Est igitur *Eucharistia* *Sacramentum*, quatenus est *signum* externum, & *visibile*, invisibilis gratiæ & refectionis; est *victimæ* & *Sacrificium*, quatenus Deo offertur. Potestis in hoc *Sacramento* agnoscere *Testamentum*, sub aliâ formalitate, & exei *Sacrificium*, toto orbe terrarum sole clarius, videre non potestis. Quid illud, *congregate illi sanctos ejus, qui ordinant Testamentum ejus super Sacrificia*? psalm. 49. Nunquid *Testamentum* vetus & novum, ordinatum super *Sacrificia*? Et Sacerdos quotidie dicit: *Hic calix novum Testamentum est in meo sanguine*?

II. Obijcit Augustana vestra confessio, & Apologia: *Christus unâ oblatione consummavit in perpetuum sanctificatos*, Hebr. c. 10. v. 14. Idem dicit Apostolus Hebr. 9. v. 26. & v. 18. Ergo non est aliud *Sacrificium*, præter sacrificium Crucis, quod infinitam vim habet, & sanctificatio est pro omnibus peccatis, tam originali, quàm alijs: proinde nihil opus est alio *Sacrificio*. R. Hoc argumentum (si quid conficiat) probat etiam, neque Baptismo opus esse ad originale peccatum tollendum, neque *Eucharistiâ*, neque fide, neque caritate, neque oratione: nam multiplicare hæc omnia, esset derogare passioni Christi, & *Sacrificio* crucis, quod infinitam vim habet ad omnem sanctificationem. Igitur Apostolus nihil aliud voluit dicere, quàm, unâ oblatione Christum satisfecisse Deo Patri pro nobis; ad quod tamen duo necessaria sunt: alterum, ut tanti beneficii simus memores; alterum, ut fructus ejus beneficii, & satisfactionis nobis applicetur: utrumque autem fit per fidem, *Sacramenta*, *Sacrificia*, prædicationem verbi, & similia sanctificationis instrumenta à Deo ordinata, non solum in novo, sed veteri etiam *Testamento*: unde nihil horum superfluum, nihil passioni Christi derogat. Clare Augustinus



stinus Epist. 23. ad Bonifacium : *Nonne semel oblatum est Christo in se ipso ? & tamen in Sacramento, non solum per omnes Pascha solemnitates, sed omni die populus immolatur.* Dicunt : quid opus est Sacrificio ad hoc ? cum per Sacramenta illa applicatio fieri possit ? Contrà : quid opus est Sacramentis ? cum per fidem apud vos etiam id fieri possit ? tollantur ergo omnia Sacramenta. Absit. Tu quis es ? ut dicas Deo : quare hoc ita ordinasti ? Imò hoc ordinare necesse erat. Quomodo enim aliter Sacerdos secundum Ordinem Melchisedech esse poterat, nisi figuras tolleretur ?

III. Obijciunt ex Augustino, qui lib. 10. de civit. Dei, c. 5. & 6. Sacrificium definit, esse *omne opus bonum, quod agitur, ut sancta societas inhabiteamus Deo.* Ex quo confici volunt, omnia bona opera, non minus, quam Missam esse Sacrificium. & S. Augustinus eo loco distinguit inter *Invisibile, & visibile Sacrificium.* *Invisibile* dicit, quod piâ voluntate, & interno actu offertur ; præter id tamen *Visibile, & proprium Sacrificium* ponit, asserendo : *Visibile Sacrificium esse invisibilis Sacrificij Sacramentum.* 2. Augustinus agit de Sacrificio in genere, prout propria & impropria Sacrificia comprehendit : nam præter proprium Sacrificium sunt orationes, psalmi, cantica, vota, cæterique actus Religionis, & cultus divini, qui Sacrificium laudis, & bonorum operum dicuntur, sed improprie : ut, *Sacrificium Deo Spiritus contribulatus, & cor contritum,* psalm. 50. Quantum verò vos Lutherani Ministri, & Prædicantes fallitis populum à vobis seductum ; dum pro proprio Sacrificio, *impropria* Sacrificia obtruditis : nam hæc impropria Sacrificia, in omni legis statu fuerunt communia, nos autem de proprio religionis Sacrificio agimus, quod præter hæc impropria Sacrificia, tam in Lege *natura*, quam Lege Mosaica, à Deo præscriptum fuit ; quodque status Christianæ religionis multo dignius requirit : tale videlicet Sacrificium, quale supra definivimus, & quo per actum *Latriæ* præstantissimus, & soli Deo debitus cultus exhibetur. Et verò, quis sibi persuaserit Christum, Sacerdotem secundum Ordinem Melchisedech, illud genus honoris cultusque divini, Ecclesiæ suæ subtrahere voluisse, quod naturæ lumine omnes etiam gentes agnoverunt ? Quare Augustinus lib. 10. de civit. Dei, c. 4 : *Quis sacrificandum censuit, nisi ei, quem Deum aut scivit, aut putavit, aut finxit ?* Et lib. contra Advers. Legis, c. 18 : *demon sibi sacrificandum non exigeret, nisi Deo vero exhiberi sciret.* Quapropter Nisanium, dum se, suos-

que propriè dictos *Sacerdotes* nec esse, nec appellari vult, & *Sacrificium proprium* abrogat, propriumque & excellentissimum *Latria* cultum honori divino subtrahit; quo alio Spiritu agi credam, quàm illo, qui *Luthero* primùm abrogandi Sacrificij auctor, suasorque fuit? quemadmodum *Augustinus* de *Manichæis* & *Petrus Cluniacensis*, caterique *Patres* nos docent: hæreticos, qui *Sacrificium* de *Ecclesia* tollere sunt conati, id non nisi diabolo impulsore egisse. Quanto consultius hîc postremùm audiamus *Augustinum* in psalm. 33: *Erat, ut nostis, Sacrificium Judæorum antea secundum Ordinem Aaron, in victimis pecorû, & hoc in mysterio; nondum enim erat Sacrificium corporis & sanguinis Domini, quod fideles norunt, & qui Evangelium legerunt: Quod Sacrificium nunc diffusum est toto terrarum orbe. Proponite ergo vobis ante oculos duo Sacrificia, & illud secundum Ordinem Aaron, & hoc secundum Ordinem Melchisedech. Scriptum est enim: Juravit Dominus, & non pœnitebit eum: Tu es Sacerdos secundum ordinem Melchisedech.* Rursum *Augustinus* de fide ad *Petrum* c. 19: *Firmissimè tene, & nullatenus dubita, ipsum unigenitum Dei, verbum carnem factum, se pro nobis obtulisse in Sacrificium, & hostiam Deo in odorem suavitatis; cui cum Patre & Spiritu S. à Patriarchis, Prophetis, & Sacerdotibus, tempore veteris Testamenti, animalia sacrificabantur; & cui nunc, id est, tempore novi Testamenti, cum Patre & Spiritu sancto, cum quibus illi est una divinitas, Sacrificium panis & vini, in fide & caritate sancta Ecclesia Catholica, per unumquemque orbem terræ offerre non cessat. In isto autem Sacrificio, gratiarum actio, atque commemoratio est carnis Christi, quam pro nobis obtulit, & sanguinis, quem pro nobis idem Deus effudit. Et verò Cyprianus lib. 1. Epist. 6. de votis: Ecclesia Catholica una est, extra eam nullus Sacerdos, nec Sacrificium, nec salus.*

## CAPUT II.

*Sacrificium Missæ à Carolo Magno assertum, et confirmatum.*

**H**Actenus Sacrificium Christianæ religionis, ex primis ad *Carolum Magnum* sæculis, potissimum ostendimus, id quod *Nisanius* ostendi posse negaverat, tam liberè provocando, quàm impudenter mentiendo: id verò, quod in hac proposita brevitate prætermissum est, abunde ex *Gualterij* Chronologia, qui id ex Concilijs & Patribus omnium ætatum commonstrat, tum ex innumeris alijs scriptoribus faciliè intelliges. Nunc ad *Carolum* procedendum, nam hic in omnibus hisce controversijs nobis propositus est, quem *Nisanius* nobis *Lutheranum* formare vult, ex cerebro hæresis suæ.

I. Id ex Eginardo vitæ ejus scriptore asseramus: *Religionem*, inquit ille, *Christianam*, quâ ab infantiâ imbutus erat, sanctissimè, & cum summâ pietate ac veneratione coluit. Ea vero non alia fuit, quàm *Francorum Regum*, & majorum, parentumque, quos constat Sacrificio Missæ coluisse Deum. Idèò, ut Eginardus addit: *Capellam domesticam*, id est Ecclesiasticum ministerium, quod ex paternâ hæreditate provenerat pro *Sacrificio Missæ*, ex Testamento relinqui ordinavit. Capella hæc domestica erat, omnibus ad Sacrificium Missæ ornamentis sacris instructa, ad quotidiani Sacrificij cultum: ob id Capellanos domesticos, Sacerdotes & Episcopos apud se, tam in aula, quàm in castris (ut post referam) habuit. Sed expressius hac super re Eginardus de Carolo Magno: *Ecclesiam manè & vesperi nocturnis item horis, & Sacrificij tempore, quando eum valetudo permiserat, impigrè frequentabat.* Quo verò cultu & splendore veneratus sit Sacrificium Missæ, ætates ex his Eginardi verbis: *Sacrorum vasorum ex argento & auro, vestimentorumque Sacerdotum tantam in eo copiam procuravit, ut in SACRIFICIIS celebrandis,*  
ne janis

ne janitoribus quidem, qui ultimi sunt Ecclesiastici ordinis, privato habitu ministrare necesse fuerit. Et quid Sacrificij nomine hic aliud docet Eg-  
nardus, quàm Sacrificium Missæ? Vides nunc Nisani, quantum reces-  
seritis à Caroli Magni religione: ille ne janitores quidem, ultimos in or-  
dine Clericali, sine sacris vestibus ministrare voluit ad altare, dum Sacri-  
ficium perageretur: Et tu, qui *Superintendens* es, & Episcopi locum, ex  
primo ministrorum gradu obtinere vis, sine ullo sacro vestitu procedis  
ad altare, profano tantum laici pallio intectus, quocum Calvinistam jam  
induisti.

II. *Sacrificium Missæ* Carolus est professus *Roma*, suo in Urbem  
ingressu, quando Pascha cum *Hadriano* Pontifice peregit, & tribus conti-  
nuis Paschæ diebus festis, solemni Missæ sacrificio, quod Pontifex cele-  
brabat, interfuit; obtulitque ad altare *S. Petro Apostolo* partem Saxonix,  
voto simul addito: se primum Episcopatum in *Westphalia Osnabrugi* fun-  
daturum. Hunc in modum secundo tertioque accessu, Romæ Pascha cele-  
bravit, *Hadriano* Pontifice *Missarum solemnia* celebrante. Quartâ pro-  
fectione Romanâ à *Leone* Pontifice, inter *Missarum solemnia* Impera-  
tor coronatus. Eadem deinde Natalitia Christi, *Leo* Pontifex cum Ca-  
rolo celebravit in Gallia, anno Christi 804, ritu consueto; quo tria  
Missæ Sacrificia uno die peracta à Pontifice, uti hæc pluribus lib. 1. c. 3.  
retulimus. Et quæ unquam solemnitas, quis Dominicus, festusve dies,  
Carolo sine Sacrificio Missæ transijt? quos tantâ religione, & tot legibus  
populo præscripsit. Hinc in annalibus Francorum tam diligenter confi-  
gnantur loca, ubi Natalitia Christi, ubi Pascha, ubi Pentecosten celebra-  
rit: non alio sanè cultu solemnius, quàm Sacrificio Missæ, & sumptione  
Eucharistix.

Quin tanta Sacrificij religio apud Carolum, ut in castris etiam mi-  
lites Sacrificium Missæ audire, & Sacerdotes ob id castra sequi voluerit:  
quod jam sub Regibus Francorum longo sæculorum usu receptum erat.  
Hoc nimirum ex illo Caroli decreto manifestum, quod *Capitularium lib.*  
*7. c. 91. & tomo XX. Conciliorum Parisiensium* inter Capitula Ecclesiastica  
refertur in hæc verba: *Servis Dei per omnia omnibus armaturam portare,*  
*aut in exercitum & hostem pergere prohibemus; nisi illis tantummodo, qui*  
*ad divinum ministerium, Missarum videlicet solemnia adimplenda, &*  
*Sanctorum patrocinia portanda, ad hoc electi sunt: id est, unum vel duos E-*  
*piscopos*



*piscopos, cum Capellanis Presbyteris, Princeps secum habeat, & unusquisque Prefectus, unum Presbyterum, qui hominibus peccata confitentibus iudicare, & indicare penitentiam possit. Eadem decernuntur capit. 4. Et lib. 7. c. 103. in Capitularibus Caroli Magni.*

III. Jam verò, quæ in Constitutionibus Caroli Magni, in Capitularium libris, & in Synodis Carolinis præscribantur de Sacrificio Missæ, à Sacerdotibus ritè celebrando, & à populo singulis diebus festis audiendo, supervacaneum hoc loco referre. Quæ Synodus, quis Capitularium liber, non ubique de Missa agit? ac solemnè etiam, quæ ab Episcopo, adstantibus Presbyteris, & ministrantibus Diaconis, Subdiaconis, Acolythis, cæterisque ex ordine ministris peragitur: quale Sacrificium Missæ, ab *Anacleto*, tertio post *S. Petrum* Pontifice, discas: Qui uti id à *Clemente* Præcessore suo, & *S. Petro* ordinatum acceperat, ita ab Episcopis servari voluit, illo etiam persecutionum tempore. Extat hac super re Epistola ejus, in tomis Concilii Parisiensis, alijsque Conciliorum editionibus.

Hæc verò Sacrificia Missæ, quæ Caroli Magni ævo celebrata, non alia fuisse, quàm quæ tum Romano more, & nunc eodem ritu celebrantur, clarum est ex ipso Carolo, qui lib. 5. Capitularium c. 219. statuit: *Unusquisque Presbyter Missam ordine Romano celebret.* Constat præterea ex Canone: nam lib. 1. Capitularium, ex Concilio Aquisgr. adducit verba Canonis, *sumpsimus Domine Sacramenta tua*, adversus Sacerdotes, qui celebrabant sine sumptione corporis Christi. Lib. 6. Capitularium cap. 173. citat preces Canonis: *Memento Domine famulorum famularumque tuarum.* Alibi alia ex Canone citantur: nec ulli sanæ mentis hac super re dubium esse potest, præter Nisanium, & Novatores; à quibus Canon Missæ *res nova* confingitur. Quod enim unquam apud ullam Christianam gentem Sacrificium Missæ fuit, sine consecratione & sumptione? Quæ Canon, cum essentialibus & integralibus cumprimis partibus, continet.

IV. Cætera, quæ Sacrificium Missæ Catholicum commonstrant, non minus clara ex Carolo. Nam Missa celebranda est in loco consecrato, in altari, in vestimentis sacris, & quidem ex Missali & Liturgiæ libro. De Missali libro, Concilio Aquisgr. c. 71: *Evangelium, psalterium, & Missale, perfecta ætatis homines scribant.* De loco consecrato, lib. 5. c. 11: *Sancitum*

D D D

est,

est, ut nullus Presbyterorum, in domibus ab Episcopis non consecratis, oblationem offerre quoquomodo præsumat. lib. 6. c. 205: Placuit, ut fideles Missarum celebrationes, non nisi in locis consecratis audiant; nisi in castris, & longo itinere: idque in altaribus ab Episcopis consecratis fiat. Quæ ara viatoria, & vulgò portatiles etiamnum vocantur. Lib. 7. c. 99: Nullus Sacerdos, nisi in locis Deo dicatis, vel in itinere in tabernaculis, & mensis lapideis ab Episcopo consecratis, Missam celebrare præsumat. Lib. eodem c. 312: Sciendum est omnibus, quod in alijs competentibus locis, oratio ad Deum, & confessio peccatorum fieri possit; Missarum vero celebratio, non nisi in locis ab Episcopo Deo dicatis, excepto tempore hostilitatis, & hoc non nisi in altaribus, & tabernaculis ab Episcopo Deo dicatis, nullatenus fieri potest, aut debet. De sacris quoque valis & vestibus ab Episcopo consecratis, multis Carolus eodem lib. 7. c. 334: simul hoc statutum, ut nullus Sacerdos in alijs, quam in Deo dicatis vasis, & ab Episcopis consecratis ministrare, seu Missas celebrare præsumat. Quia sicut non est concessum, ut alijs Missas cantent, & Sacrificia consecrent, quam illi, qui ab Episcopis sunt consecrati; ita non est licitum, ut in alijs domibus, vel altaribus, aut vasis, Missas Sacerdotes celebrare præsumant, quam ab Episcopis consecratis. Sumi etiam ab Episcopis consecranda & benedicenda, Corporales palla, ac alia vestimenta Sacerdotalia, nec non & omnia, quæ in usus Basilica, vel altaris, sine ministerio Sacerdotum, ad divina mysteria explenda complectuntur; quatenus cum his sacratius sive placabilius ministrare valeant: unde & in alijs Sanctorum Patrum decretis legitur &c. Quæ deinde capite illo multis persequitur Carolus, multisque probat ex Scripturæ locis, & antiquorum Patrum decretis. Recognosce nunc singula Nifani, qui ad Carolum Magnum provocas: ubi Sacrificium Missæ, quod hic legis? ubi Missale? ubi loca sacra? ubi altaria apud vos ab Episcopis consecrata? ubi demum sacræ & Sacerdotales vestes? secus, quam à majoribus accepistis, ex quo Christiana religio à Carolo Magno in Saxoniam introducta est, & à primis ac sanctissimis Episcopis, virisque Apostolicis, haud alijs, quam his ipsis cærimonijs cum ipso Sacrificio Missæ tradita servataque sunt, ad Lutherum usque; à quo primum cum novo Evangelio vestro, hæc omnia abrogari cœperunt. Quam vero hæc cærimoniæ antiquæ sint, discas ex antiquis Concilijs, & Patribus, quorum testimonia Bellarminus, Baronius, alijque Scriptores exhibent,

V. Sacrificium Missæ, ut cætera hic omittam, Carolus Magnus pro defunctis offerri commendat, sicuti cap. 322. lib. 7. Capitularium titulus interibitur de *Orationibus, Eleemosynis, atque Missarum celebratio- nibus pro fidelibus defunctis fideliter agendis.* Decretum verò Caroli sic habet: *Quod pro Catholicis defunctis sint memoria faciende, & oblationes Deo offerende: non tamen pro impijs, quamvis sint Christiani, ex his aliquid agere licebit.* Capitularium lib. 6. c. 293. *Iniquum est, & sacrilegijs instar, ut quæ pro salute, vel requie animarum suarum unusquisque venerabili Ecclesia contulerit, auferri, & in aliud transferri.* Ex quo Caroli iudicio, quot sacrilegia in vestra Ecclesia committi necesse fuit? ex quo tot Sacrificia, tot majorum oblationes & foundationes pro animarum subsidio sublata, & in profanum usum conversa sunt? Lib. 6. c. 195: *Fideles pro defunctis amicis, & parentibus eorum, jejunia & oblationes XXX. dies adimplere faciant.* c. 194: *Admoneantur fideles, ut ad suos mortuos non agant ea, quæ de Paganorum ritu manserunt: sed unusquisque devotâ mente, & cum compunctione cordis pro ejus anima, Dei misericordiam imploret. Et qui psalmos non tenent, ecclesiâ voce, Kyrieleyson, Christeleyson viris inchoantibus, mulieribusque respondentibus, altâ voce canere studeant pro ejus anima.* De mortuorum officio, quod nos Defunctorum nomine frequen- tamus, Ludovicus Pius in additione 1. & 12. *Psalmi speciales, qui pro defunctis cantantur,* Addit. 1. c. 49. traduntur. Quod pro Abbate defuncto anniversarium officium sit peragendum, legas Addit. 1. c. 43. Et quàm multa, quàm clara, in hanc rem passum in Synodis Carolinis? Ex his Ca- bilonensis, quam inter quinque postremas Carolus celebrari voluit, probavitque à selectam, Canone 39. ita definiit: *Usum prater ea nobis est, ut in omnium Missarum solemnitatibus, pro defunctorum spiritibus loco competente Dominus deprecetur: antiquitus enim hunc morem sancta Ecclesia tenet, ut & in Missarum solemnitatibus, & in alijs precibus. Domino spiritus quiescentium commendet, dicente B. Augustino: non sunt prater- mittende supplicationes pro spiritibus mortuorum, quas faciendas pro om- nibus ex Christianâ & Catholicâ societate defunctis, etiam tacitis nomi- nibus eorum, sub generali commemoratione suscepit Ecclesia; ut quibus ad ista desunt parentes, aut filij, aut quicunque cognati, vel amici, ab una eis exhi- beantur piâ matre communi quæ est Ecclesia Catholica.* Ita Concilium ex Augustino, & ille lib. de cura pro mortuis, c. 4. Et quoties id non docuit.

DDD 2

S. Augu.



S. Augustinus? Serm. 32. de verbis Apost. *Orationibus sancta Ecclesia, & Sacrificio salutari, & Eleemosynis pro eorum spiritibus erogantur, non est dubium:andum mortuos adjuvari, ut cum eis misericordia agatur à Domino, quàm eorum peccata meruerunt; hoc enim a Patribus traditum universa obje. vat Ecclesia.* Libro rursus de cura pro mortuis: *in Machabeorum libris legimus, oblatum pro mortuis Sacrificium: sed eis nunquam omnino legretur in Scripturis veteribus, non parum tamen est universa Ecclesia, quæ in hac consuetudine claret, auctoritas.* Itam Enchiridio, c. 1. *Lib. 9. Confess. c. 13. Serm. 17. & 34. de verb. Apost. Lib. de civit. Dei, c. 24. Tract. 84. in Joan. Quæst. 2 ad Dulich. Lib. de hæresibus c. 53.* Damnat Aërium hæreseos, quod orationes pro defunctis abrogaret. Ad hunc modum reliqui Patres: neque Calvinus, ceterique inter vos, negare possunt, ab ipso Apostolorum tempore, Sacrificia, & preces pro defunctis, ubique obtinuissè in Ecclesia. Idem Calixtus vester agnoscit; ut tamen excuset, dicit, effectum earum esse innominatum: qui tamen Augustino, & cæteris Patribus incognitus non fuit. Inde in Liturgia, & Canone Sacrificij, hæc commemoratio & oratio: *Memento etiam Domine famulorum, famularumque tuarum, N. N. qui nos præcesserunt cum signo fidei, & dormiunt in somno pacis.* Igitur non Caroli primum ætate Sacrificium pro defunctis, & in omni Sacrificio, oratio pro defunctis; sed ab ipsis Apostolorum temporibus, idque per universam Ecclesiam, teste *Augustino*, pia hæc consuetudo obtinuit, *Verbo cum primis tradito innixa.* Quid nunc ad hæc Nisani, qui ubique ad Carolum Magnum nos provocas? nisi ut antiquas tuorum nianias canas, & Lutheri deliria totius Ecclesiæ, & omnium SS. Patrum auctoritati anteponas?

¶ VI. Nunc ad ipsum *Sacrificium Missæ* in genere redeamus, & quale id apud vos sit, inspiciamus. Professio vestra in Augustanâ confessione hæc est: *Falsò accusantur Ecclesia nostra, quod Missam aboleant; retinetur enim Missa apud nos, & summâ reverentiâ celebratur.* Apologia addit: *Fiunt apud nos Missæ, singulis Dominicis & alijs festis diebus.* Hic ut fraus vestra pateat, explorandum, qualis sit illa Missa Lutherana? quam alia etiam editio Augustanæ confessionis habet, *Romano more apud vos peragi.*

*Sacrificium Missæ*, primò accipitur pro eâ parte *Liturgiæ*, quæ peragitur usque ad offertorium, diciturque *Missa Catechumenorum*, quod

câ

et parte finitâ, olim *Catechumeni*, & *pœnitentes* juberentur exire; quibus fas non erat, oblationi, consecrationi corporis, ac sacris istis mysterijs interesse: ideo publicâ voce, dum eò perventum erat, Diaconus clamabat: *Ite Missa est*. Uti hæc apertè docet *Concil. Carthag. 4. c. 84. & cap. Episcopus*, de *Consecrat. dist. 1. Concil. Ilerdense c. 4. Concil. Laodicensium c. 19. Clemens lib. 8. const. Apost. c. 12. Cassianus lib. 2. de instit. Mon. c. 15. Gregorius Magnus lib. 2. Dial. c. 2. Ambrosius lib. 5. Epist. 33. Augustinus serm. 237. de tempore*: *Ecce, inquit, post sermonem, fit Missa Catechumenis, manebunt fideles*. Hunc in modum, accipitur etiam pro officio divino, in quo preces, lectiones, & alij ritus, ante dimissionem Catechumenorum agebantur: uti hos Justinus Martyr descripsit. 2. *Missa* accipitur pro illâ parte *Liturgiæ*, quæ est ab Offertorio usque ad finem, quæ propriè **MISSA FIDELIUM** est, teste Alcuino *lib. de off. Eccles. cap. de celeb. Missæ*. Planè Ambrosius *lib. 5. Epist. 33. Ego mansi in munere, Missam facere cœpi, orare in oblatione*. 3. *Missa* accipitur pro toto officio divino, quâ acceptione comprehendit Missam Catechumenorum, & fidelium; atque ita in præsentî *Missa* sumitur. Quare peractò Sacrificio, Diaconus, aut Sacerdos modò dicit: *Ite Missa est*.

His positis; Primò quæramus à Lutheranis: quâ veritatis vocè, dicant cum Augustana confessione *Missam à se retineri*: qui Missam tantummodò Catechumenorum retinent, ex câque *Introitum, Kyrie-eleison, Collectam, Hymnum, Gloria in excelsis, Lectionem Epistolæ, Evangelium, & Credo*; idque ubi antiqua Lutherana forma manet: Ex Missa fidelium nihil retinent, præter *Præfationem & orationem Dominicam*; ipsa verò *Oblatio*, totusque *Canon*, in quo *consecratio, oblatio, & sumptio* à Sacerdote peragitur, cum omnibus essentialibus, & integralibus partibus sublata sunt. Dicitis, consecrari à vobis Eucharistiam, & populo distribui: sed illâ consecratione vestra, non peragitur *Sacrificium*, quod diversum est à Sacramento; nec à Lutheranis agnoscitur pro *Sacrificio*, nec à Sacrificante sumitur, nec secundum Christi institutionem perficitur, ut suprà assertum est: præterquàm, quod *Epistola illa ad Corinthios*, quâ consecratis, nondum scripta fuerit, cum Christus in Cœna *Sacrificium, & Sacramentum* institueret, sed diu post, à Conversione S Pauli.

Secundò quæramus à Lutheranis: quo principio suæ religionis, hanc *Missam* suam, seu divinum officium illud, diebus Dominicis &

festis peragant? Enimverò eorum principium est, nihil credere, *quod non sit expresse in verbo Dei scripto*. Quæ autem Scriptura docet, in *Missæ* vestra, *Introitum*, *Kyrieelson*, *Collectas*, *Epistola* & *Evangelij* lectionem, *Credo*, *Præfationem*, *orationem Dominicam*, eo, quo Catholici servant ordine, ad *Missam*, & divinum officium requiri? Hæc enim omnia à *Papistis*, & ex *Missæ D. Gregorij* dicitis provenisse; quæ per fragmenta Sacrificij *Missæ* retinetis. Quare non potius cum *Calvinistis*, hæc omnia abijcitis? Rident illi vos, quòd contra principia religionis vestræ, hanc *Missæ* vestræ formam, ex *Verbo tradito*, ex Pontificum Romanorum constitutionibus retineatis. Ubique *Augustana confessio*, & *Apoloogia* conqueritur de *traditionibus* nostris, & cultu tot *cærimoniarum*, quæ in nullo *Verbo scripto* extant; Ex quo nunc *Verbo scripto*, hanc *Missæ* vestræ normam, & *Liturgia* formam docebitis? Et quid hæc ultrà contendimus? quando ipsa dissensio vos satis redarguit: Videas enim, alibi apud vos hæc Latinâ adhuc linguâ, alibi vulgari linguâ permixtâ, alibi integrè, alibi inutilè peragi; prorsus ut in *vestibus sacris*, ita hîc variatio & *dissonantia Liturgia* vestræ. Unum laudare necesse habeo, quòd in his propius adhuc Catholicis, quàm *Calvinista* & cæteri Novatores, hæreatis: tanquàm *primi*, qui ex Ecclesia Catholica inter Germanos *existis*; cæteri, quo posteriores, eo longius recedunt, & proficiunt in pejus. Carolus Magnus, si in vitam rediret, aspiceretque hanc, quam ille religionem introduxit in Saxoniam, ita immutatam, deformatam & laceratam; quid aliud diceret, quàm quod ad Elipandum, & Hispaniæ Episcopos, ex Augustino scripsit? *Vos, qui tam pauci estis, imò tam feri, & novi estis; unde putatis vos aliquid veriùs invenire potuisse, quàm quod universalis, toto orbe diffusa, tenet Ecclesia? Redite ad pium matris Ecclesiæ gremium illa vos foveat & nutriet; donec occurratis, in virum perfectum, & in pl. nitudinem corporis Christi*. Tanta in Catholica Ecclesia, it constancia in religione, tanta in castissimis cærimonijs concordia, ut ne *stola* in vestibus sacris, nec *lumen* in altari, nec *ritus* necessarius in Canone, nec actio principalis in Sacrificio, ullibi gentium per Occidentalem Ecclesiam delitadeco *unus Spiritus S.* omnia apud nos regit, à quo & omnes se in unâ Ecclesia regi intelligunt.

## CAPUT III.

## De Missa privata.

**P**ost ea, quæ contra Sacrificium Missæ scripsit Nisanius, totus invehitur in *Missas privatas*; non aliam magis ob causam, ut præ- tendit, quàm quod decreta quædam Caroli Magni, contra Missas privatas reperisse se dicat. Quæ tamen, quàm falsò introducat, mox exponam: interim nihil contra ipsum Sacrificium Missæ, ex Caroli Magni Capitularibus, aut Synodis proferre ausus, quòd videret *Caroluni*, ex hoc fidei dogmate, totum *Catholicum*. Verùm, cùm Sacrificium Missæ, quoad substantiam rei, à Carolo Magno habeamus, quid circa modum fatigas te, & nos? quanquam ex quo capite *Missas privatas* oppugnes, vix ipse scire videaris, tam tumultuarium denuò hoc tuum scriptum est. Ordine igitur procedamus, quæramusque.

I. *Missa privata* dicitur, quæ celebratur in privato aliquo oratorio, aut sacello, aut in ædibus etiam super altare consecratum: comparatè videlicet ad eas Missas, quæ celebrantur in publico templo. Has Missas cùm sectarijs damnat *Nisanius*, asseritque circa tempora Caroli Magni primùm cœpisse; id verò quàm falsum sit, constat 1. Christi exemplo, qui primùm Missam celebravit, ac Cœnam instituit in domo privata. 2. Exemplo Apostolorum, *Actor. 20.* qui circa domos frangebant panem: consecratio verò panis & Eucharistiæ, ritu Catholicorum non fit extra *Sacrificium*. 3. Exemplo Pontificum Romanorum, & Episcoporum, qui tempore persecutionum celebrabant in *cryptis*, & terræ latebris; Ita *S. Lucianus* Martyr, teste Nicephoro lib. 8. hist. c. 31, sacrificavit in carcere. Ad hunc modum, antequam publicè libera esset Christiana religio, Episcopi *Treviri*, *Moguntia*, *Colonia*, alijsque per *Galliam* & *Hispaniam* locis, celebrabant in privatis ædibus, & latebris suis.

4. Extra persecutionum tempora, cùm jam libera, & publica esset Christiana

stiana religio, *Gregorius Nazianzenus* constructa exigua cellula, in oratorio sacra fecit, *Sozomen. lib. 7. c. 5.* S. *Ambrosius*, in domo clarissimæ feminæ, ab ea rogatus Sacrificium obtulit, teste Paulino in ejus vita S. *Augustinus lib. 22. de Civit. Dei c. 8.* scribit, Hesperium Tribunal, habuisse domum in Fuslâensi fundo à malignis spiritibus infestatam, magnâ servorum & animalium afflictione; postquàm verò ejus rogatu, Presbyter in ea domo obtulit Sacrificium corporis Christi, Deo miserante cessavit vexatio. *Cassius Narbonensis* Episcopus, in Episcopij sui oratorio Missam celebravit, cum ad Ecclesiam, morbo impeditus, accedere non posset, uti id refert *Gregorius Magnus hom. 37. S. Joannes Elector Mosynarius*, cum populum tempore sacri Ecclesiam egredi videret, Ego, inquit, filij, propter vos ad Ecclesiam descendo, nam mihi ipse in Episcopio Missas facere possem. Et quid usitatius, quàm Episcopos, Cæsares, Reges & Principes Christianos, habuisse oratoria domestica, ad Celebrandas Missas? quàm multa in hanc rem exempla adsunt ex omni antiquitate? Et quid vos Prædicantes hæc in Catholicis damnatis? cum vos ipsi vestrum exercitium divinum, quod Sacrificio Missæ subrogastis, *furtim in ædibus nobilium* inter Catholicos peragatis? Imò dum ægros & morituros communicatis, privatas vestras Missas celebratis. Quid enim Missa apud vos, nisi consecratio Sacramenti Eucharistici, & communicatio ejusdem? At vos in ædibus ægrorum & morientium, passim per villas consecratis. *lectâ Epistolâ ad Corinthios* supra panem & vinum, distribuitisque hoc Sacramentum: ergo Missas vestras privatas habetis, cum in Ecclesijs vestris nec tabernaculum habeatis, in quo hæc servantur Sacramenta *extra usum*, neque *extra usum* doceatis Christum præsentem esse in cœna vestra.

II. Missæ privatz dici possunt, quæ extra diem Dominicum, aut festos dies quotidie fiunt diebus ferialibus, vel pro obligatione Sacerdotum, vel pro pietate cujusque. Et hujus rei multa rursùm sunt testimonia & exempla SS. virorum. *Chrysostomus hom. 3. in Epist. ad Eph.* scribit, quotidianam suo tempore fieri solitam oblationem. *Augustinus Epist. 23* scribit: *Christum semel in cruce immolatum, omni die in Sacramento populus immolari.* *Hieronymus in cap. 1. ad Titum* dicit: *Sacerdotes quotidie pro peccati populi. ac suis sacrificare.* *Hippolytus in orat. de Antichristo* scribit, Christum in die judicij dicturum: *Venite Patris celi,*  
qui

qui pretiosum corpus meum quotidie immolastis. Cassius Narbonensis Episcopus, teste Gregorio Magno *hom. 37.* singulis diebus Missam celebravit: quemadmodum *S. Andreas* singulis diebus agnum immaculatum sacrificabat, quod discipuli ejus in historia passionis hujus Apostoli memorant. Idem de *D. Ludgero* refert auctor Vitæ, eum ferè singulis diebus celebrasse Missam. Idem de *S. Willehado*, alijsque Apostolicis viris perhibent Scriptores.

Verùm, non tam hæc damnant Novatores, quàm illas Missas, quæ sine populi conventu fiunt, uno tantùm alterove, præter ministrum, præsentem; aut solo etiam ministro respondente: id cum primis perstringit Nifaninus: quemadmodum ante id ex Apologia Augustanæ Confessionis, malè edoctus hausit. Ideò scribit, harum Missarum, ante Gregorij Magni tempora, nullam fieri mentionem: quod quàm falsum sit, suprà ostensum est ex Missis in privatis ædibus celebratis. Quin ipse *Brentius* vester in *conf. Wittenbergenſi cap. de Euch.* Satis esse, dicit, si duo tantùm adsint minimum, unus qui administret Sacramentum, alter cui porrigatur. Quod sanè multo magis habet locum in Sacrificio Missæ, dummodò minister adsit, qui respondeat. Et ratio ex natura Sacrificij id convincit. Quid enim Sacrificium, nisi cultus Latræ, quo hostia Deo offertur pro populo? Id sanè Sacerdos facere potest, etsi populus non adsit: in quo Sacrificium simile est orationi; imò est quædam realis & efficacissima oratio: atqui oratio pro quo fit, efficax etiam est, etsi ille, pro quo fit, non adsit. Hinc discas primum, quid sit Sacrificium ex Catholicorum doctrina, quàm calumniæ. Eadem fuit ratio in veteri Testamento, in quo privata Sacrificia fuisse discas, vel ex Abraham, quando solus cum filio ascendit montem ad immolandum: quod tamen verum Sacrificium fuisse nemo negaverit. Imò, quis populus convocari potuit, quando *Abel* & *Cain* sacrificabant? & quando Noë egressus arcam obtulit? Quæ tamen vera fuisse Sacrificia, quis unquam dubitavit?

III. Missa privata dicitur, in qua solus Sacerdos communicat, & hæc est *Missæ privata*, quam Augustana confessio, & Apologia reprehendit. Ad hoc enim, inquit, Missa facienda est, ut ibi porrigatur Sacramentum. Hinc Sacrificium Missæ cum Sacramento confundunt, & Missam nihil aliud esse volunt, quàm cœnæ consecutionem & distributionem. Sed hæc somnia vestra sunt, ut cap. I. ostensum est. Longè diversa ratio

E E E

Sacrī-

*Sacrificij, & Sacramenti* : Sacrificium essentialiter, & integraliter consistit in oblatione, consecratione, & sumptione à Sacerdote facta; & perfectissime completum est, etsi neque populus adsit, neque ullus laicorum communicet, uti ex natura Sacrificij paulò ante ostensum est. Atque id passim omnes Catholici doctores & Theologi planissime demonstrant, quos hac super re consulere potes, antequam tam insulsè scribas. Nihil ex fundo piscaris, sed spumam tantum cum plebeis scriptoribus forbes.

Dicunt quidam alij: Christus instituit cœnam suam, non ut esset privata actio Sacerdotis & Sacrificij, sed communis totius Ecclesiæ; non igitur illa Missa peragenda, in quâ solus Sacerdos consecrat & communicat. Respondemus: Missa nunquam est privata actio Sacerdotis, sed communis totius Ecclesiæ: quia à communi Ministro, pro communi Ecclesiæ bono offertur. Idcò omnis Minister, Sacerdos & Pontifex ab hominibus assumptus est, & pro hominibus constituitur, ut offerat dona & Sacrificia Hebr. 5. proinde semper ex omni Missa, est communio & fructus Ecclesiæ, etsi nulli intersint; aut si intersint, spiritualiter communicare possunt, ex eâque spirituali communionem publicus est fructus. Quod si verò de Eucharistiæ manducatione agatur, fateamur, Christum instituisse cœnam & Sacrificium simul; sed non iussit, ut illa duo nunquam separentur: quasi Sacrificium non possit offerri, quando nulli adsint, aut communicare velint. Rem omnem exponit, & definit Concilium Tridentinum sess. 22. cap. 6: *Optaret quidem sacrosancta Synodus, ut in singulis Missis fideles adstantes. non solum spirituali affectu, sed Sacramentali etiam Eucharistiæ participatione communicarent, quò ad eos Sanctissimi hujus Sacrificij fructus uberius proveniret: nec tamen, si id non semper fiat, propterea Missas illas, in quibus solus Sacerdos sacramentaliter communicat, ut privatas, & illicitas damnat, sed probat, atque adeò commendat: siquidem illa Missa verè communes censi debent; partim quòd in eis populus spiritualiter communicet; partim verò, quòd à publico Ecclesiæ ministro non pro se tantum, sed pro omnibus fidelibus, qui ad corpus Christi pertinent, celebrentur.*

Primis nascentis Ecclesiæ temporibus, singuli Christiani quotidie Corpus Christi sumebant, communicabantque, uti id ex *Actis Apostolorum* colligitur, quod & in *Capitularium lib. 6. c. 167.* Carolus M. singulis diebus Dominicis fieri optat, non tamen præscribit. Pòst, ubi fervor Christian-



Christianorum refrixit, menstrua, & diutius prolata communiones fuisse in populo: inde consuetudo apud multas Ecclesias permansit, ut Christiani singulis diebus Dominicis in Quadragesima communicarent: quod & tempore Caroli Magni, in *Capitulari Theodulphi Aurelianensis Episcopi* præscriptum lego, & cum primis in die cœnæ Domini, *can. 41.* quod jam ante Soter Papa sanxerat, *cap. In cœna de consecrat. dist. 2.* Refrigerante deinde magis caritate, ac pietate, Fabianus Papa præcepit, ut singuli saltem ter in anno, videlicet in Natali Domini, in Paschate, & Pentecoste communicarent, ut habetur *cap.* Etsi non frequenter *de consecrat. dist. 2.* Idem in Concilio *Agathensi* plus quàm ante mille annos sancitum, *can. 18.* Et tamen ejusdem Concilij canone 47, jubentur Christiani singulis diebus Dominicis interesse Sacrificio Missæ, usque ad Sacerdotis benedictionem. Ex quibus clarissimum est, plurimas Missas per annum celebratas sine communione populi. Ita quoque in Concilio *Turonensi III, can. 50.* statutum lego: *Sinon frequentius, vel ter laici homines in anno communicent.* Celebratum est id Concilium tempore Caroli Magni, eoque jubente ac probante. Inde quoque conficitur, plurimas Missas etiam publicas & solemnes, sine communione populi celebratas fuisse; maxime in parochijs oppidorum & pagorum. Tandem lex Ecclesiæ lata, ut Christiani semel in anno, idque in festo Paschatis, Eucharistiæ Sacramentum sumant. *cap. Omnis de pœnit. & remiss.* Quæ lex demum à Concilio Tridentino *sess. 13. can. 9.* confirmata, sancitaque est. Hæc paucis ex sententia Catholicorum: audiamus nunc quæ opponantur.

I. Obijcis ex jure Canonico, *cap. Peracta, dist. 2. de consecrat. ex quo refert: Peractâ consecratione, omnes communicent, qui noluerint Ecclesiasticis carere liminibus.* At bene dixit Synodus Nicæna: *Hereticorum est mutilatas sententias proferre.* & verba hæc juris Canonici, habentur etiam in: *grius, de consecrat. dist. 1. cap. Episcopus,* & sumpta sunt ex Anacleti Epistola 1. quam leges tom. 1. Concil. General. Is ita de Episcopo sacrificante: *In solemnioribus diebus, aut septem, aut quinque, aut tres Diaconos, qui ejus oculi dicuntur, & Subdiaconos, atque reliquos ministros secum habeat: qui sacris induti vestimentis in fronte, & ætergo, & Presbyteri è regione dextra lavæque contrito corde, & humiliato Spiritu, & prono fient vultu, custodientes eum à malevolis hominibus, & consensum ejus*  
E E E 2 prabe-

*præbeant Sacrificio. Peractâ autem consecratione omnes communicent, qui noluerint Ecclesiasticis carere liminibus: sic enim & Apostoli statuerunt, & sancta Romana tenet Ecclesia.* His postremis verbis non aliud præcipitur, quàm ut solemnioribus diebus ministri, qui Episcopo sacrificanti assistunt, communicent; id quod canone 9. Apostolorum, jam præscriptum erat, uti & Sirmondus in notis docuit. Sed ubi nunc, Nisani, Episcopus sacrificans apud vos? ubi Sacrificium? ubi ministri illi, qui istic recensentur? ubi vestimenta sacra? ubi Romana Ecclesia, quam hic audiendam præscribit Anacletus? Quanquam totum illud testimonium Anacleti, si admittatur etiam de populi communione, nihil contra nos facit, qui ultrò damus, communionem populi tum in Sacrificijs viguisse. Imò Canonem X. Apostolorum proferre debebas, si quid probare velles, sed nec ille ex præcepto procedit.

Sed mirum, quâ fronte communionem populi ex Sacrificio urgeatis contra nos, qui ipsum Sacrificium sustulistis; nec id, quod urgetis, ipsi servatis. Quid enim divina officia apud vos, quæ in locum Missæ celebratis, in quibus nullus communicat apud vos, per urbes, oppida & pagos? Et quis opifices, & rusticanam plebem singulis diebus Dominicis & festis trahat & cogat ad communionem? quæ enim probatio, quæ sanctitas vitæ ex Apostoli judicio non requiritur, ne quis *judicium sibi manducet, & reus fiat corporis & sanguinis Christi*? Plebem urgetis ad confessionem & communionem, & nulli rariùs ad hæc Sacramenta accedunt, quàm vos ipsi Prædicantes & Ministri: plerique vestrum ne intra annum quidem participant. D. Anacletus, qui Episcopos & Sacerdotes nobis hac Epistola sacrificantes sistit, non aliter sistit, quàm qui sacrificando ipsi prius communicarent, uti tota exinde servavit Ecclesia. Indè illa decreta Conciliorum, ne quis Presbyter Missam celebret, qui non simul ipse sumat; quando in sumptione, si non essentialis, certè integralis pars Sacrificij consistit. Omisissis in hanc rem alijs Pontificum & Conciliorum testimonijs, habes Aquisgranensem Capitulare Caroli Magni, seu Aquisgranensem Synodum, anno regni ejus XX. celebratam, ut supra retuli, in quâ Canone 6. ita decernitur: *Auditum est, aliquos Presbyteros Missam celebrare, & non communicare, quod domino in Canonibus Apostolorum interdictum esse legitur. Vel quomodo dicere rectè potest, si non communicaverit, Sumpsimus Domine Sacramenta? Hac verò per singula capita in statu*

*tutis Nicani Concilij legere potestis, seu & in alijs sanctorum Patrum Synodalibus institutis vel editis.* Hæc Synodus se refert ad canones Apostolorum, inter quos Canon IX. id præscribit, uti & cætera Concilia. Idem lib. 1. Capitularium Caroli Magni iisdem verbis c. 6. sancitum leges, & lib. 6. Capitularium c. 118: *Placuit, ut quotiescunque Sacrificans corpus & sanguinem Christi Jesu in altari immolat, toties perceptorum corporis & sanguinis Christi se participem præbeat.* Secundum hanc doctrinam Apostolicam, Catholici Sacerdotes nefas habent, sacrificium Missæ celebrare, & non communicare. Quis autem vos Prædicantes & Superintendentes videt communicantes, dum missam vestram & officium divinum singulis diebus Dominicis peragitis? populum communicatis, non vos ipsos, quod primum fieri oportebat, imò intra annum plerique nunquam. Interim populum urgetis ad frequentem confessionem & communionem: *operanimum gravia & importabilia, quæ ipsi digito non attingitis,* Phariseorum instar alijs imponitis. Tremonix, cum cives Lutherani à Prædicantibus cogerentur ad confessionem & communionem singulis diebus Dominicis faciendam, atque ipsi interim Prædicantes intra annum non communicarent, questi ob id cives per libellum supplicem coram Magistratu, cogi se ad hæc sacramenta frequentanda, ad quæ Prædicantes non viderent accedere; ita Magistratûs imperio ad cœnam adacti, quam plerumque Prædicantes oppidorum & pagorum apud vicinum Prædicantem privatim in templo sumunt. Vidi ego quoque Superintendentem privatim in diocesi Osnabrugensi stando cœnam sumere ad altare, è manu alterius ministri. Ita verò, qui privatæ nos Missæ incusatis, & traducitis apud plebem, ipsi privatam cœnam facitis: tanquam puderet vos, inter laicos cum populo communicare, ex quo Sacrificium Missæ abrogastis, in quo suâmet manu se communicare deberent, si veri Sacerdotes essent, & verum Sacrificium Missæ offerrent. Ut vel ex hoc discrimen inter Sacrificium & Sacramentum discere possis: Baptismus enim, Eucharistia, cæteraque Sacramenta, præter Matrimonium, ab alio administrantur fuscipienti; in Sacrificio seipsum communicat Sacerdos. Et quò non ex uno errore in alium prolabi vos necesse est? Interim Augustana confessio, & Apologia profitetur Missam à se retineri, uti ab Apostolis tradita est. At ubi Apostolica illa doctrina, de qua hic agimus, ex Canone IX. Apostolorum, ex Concilijs, ex Capitulari Caroli Magni,

ex perpetua & quotidiana in hunc diem praxi toto orbe Catholico ? Nullus enim, nisi sacrilegus, apud nos Sacerdos, tam in Occidentali, quàm Orientali Ecclesia Sacrificium celebrat, ex quo priùs non sumat, & seipsum communicet. Audiamus cætera.

Obijcis 2. contra privatas Missas ex concilio Moguntino, quod sub Carolo Magno celebratum est, quòd id can. 43. decernat: *Nullus Presbyter, ut nobis videtur, Missam cantare valet recte. Quomodo enim dicit Dominus vobiscum, vel sursum corda admonebit habere ? & alia multa his similia, cum alijs nemo cum illo sit ?* Addis in hanc rem concilium Parisiense, sub Ludovico Pio convocatum, quo can. 48. reprehenduntur *Presbyteri, qui sine ministris Missarum solemnia frequentant.* Addis Nannetense concilium in quo dicitur: *Nullus Presbyter presumat Missam cantare solus, cui enim dicit ? Dominus vobiscum, Sursum corda ; cum nullus respondet ? aut in canone, & omnium circumstantium ? cum nemo adsit ?* Addis postremò ex Capitularium lib. 5. Canonem 95. (qui tamen 93. est) quo idem, quod in Moguntino concilio, statuitur. &c. frustra hæc congeris : nihil enim hæc contra Catholicos, qui docemus : Sacerdoti sacrificanti semper debere adesse ministrum, sive Missam canter, sive legat : is enim repræsentat populum, cui dicitur, *Dominus vobiscum*, ac cætera, quæ ad circumstantes diriguntur in Missa. Quanquam raræ ejusmodi sint Missæ, in quâ non præter ministrum, plures adsint, alia est Catholicorum pietas, quàm tu somnias. aut si absint, id per accidens est : nec ex natura Sacrificij requiritur præsentia aliorum magis, quàm dum vos ægros & morituros communicatis, solo sumente & ministro præsentem.

Et quæ in illa cœnæ administratione alia apud vos in privatis ædibus consecratio, quàm *Epistolam ad Corinthios*, super panem in pixide, & vinum in ampulla allatum, legere ? Hinc, cum non ita pridem nobilis Lutherana matrona morti proxima accerferet Prædicantem pro Viatico sacro, Prædicans per famulam matronæ præmisit pixidem, in qua hostia seu orbicula panis, cum *aleis*, & *chartis lusorijs* inclusa erat ; id ubi matrona famulæ indicio conspexit, averfata Prædicantem, qui tam indignè sacra tractaret, Catholicum Sacerdotem ad se evocavit, à quo sacris refecta est. Hæ privatae, & quotidianæ vestrae sunt Missæ, ex quo consecratam Eucharistiam in tabernaculo servare desijstis. Interim tu Catholicorum Missas non privatas, sed solitarias vocari debere scribis : quasi

quasi verò Sacrificium apud Catholicos ; à solo Sacerdote sine ministro ullibi gentium peragatur. Hæc licet videas quotidie Bilsfeldiæ apud Catholicos, & legere possis in D. Thoma, in Bellarmino lib. de Missa, Azorio lib. X. c. 29, aliisque innumeris scriptoribus, falsò tamen scribere non definis. At verò, dum in Nannetensi concilio, à te recitato, Canonem Missæ legis; & in eo, uti in cæteris verba Canonis; quid aliud legis? quàm vestram Lutheranam Missam, quæ canonem eliminavit, prædamnari?

Objicis 3. Missas privatas non alio instituto multiplicari in Romana Ecclesia, quàm lucri & quæstus causâ. Tu quis es? qui ita judicas Ecclesiam Catholicam, & tot Episcopos, & sanctissimos viros, qui quotidie Sacrificium obtulère Deo, & tot altaria cum templis erexère? Tot præterea Cæsares, Reges, Principes & Christianos damnes necesse est, qui altaria dotarunt, & pro se vivis, & pro defunctis familiæ suæ, Sacrificia offerri voluerunt. Scis, quid Apostolus scribat 1. Cor. 9: *Quis militat suis stipendijs unquam? quis plantat vineam, & de fructu ejus non edit? Quis pascit gregem, & de lacte gregis non manducat? si nos vobis spiritualia seminavimus, magnum est, si nos carnalia vestra metamus? Dignus enim est operarius cibo suo.* Matth. 10. Scis, quid Carolus Magnus de oblationibus tot legibus præscripserit, commendaritque. Quod si de lucro, ex sacrorum administratione agatur inter nos, ejusque abusu: quæ Ecclesia sine ministrorum vitij & excessibus? utrumne verò apud nos Catholicos, quod ubique Augustana confessio criminatur, an apud vos Lutheranos, hîc excessus sit major? nolim hoc magnopere moveas. Unde vos Prædicantes cum uxoribus, liberisque vivitis? unde familiam alitis, senatorum luxu parem? unde filias dotatis? unde opes colligitis? nisi ex bonis Ecclesiæ, quæ sunt, *vota fidelium, pretia peccatorum, & patrimonium pauperum?* quæ longè alio fine à majoribus donata, & ab Ecclesia instituta sunt. Quod si Catholicis Sacerdotibus ex altari proveniant stipendia vitæ, nemo queri potest: quando ex Sacrificio, & vera Sacramentorum administratione, fructus pervenit ad laicos. Vos nec Sacrificium offertis, ex quo populo fructus esse possit; & Sacramenta, quæ populo administratis, præter Baptisimum, inania & egena elementa sunt: quia Sacerdotes non estis. Et quàm non fraudem vos populo quotidie facere necesse est, dum ex copulatione conjugum, ex sepulcris mortuorum,

ex Ba-

ex Baptismi ministerio, & honorario dono pœnitentium, ex oblatione communicantium ad altare, longè auctiora, quàm Catholici, stipendia colligitis. Tollat Magistratus nummum & donarium confessionis, oblationesque altaris, brevi confessio exspirabit, & cœna refrigescet, brevique Calvinianæ ecclesiæ facies apud vos erit. Memini, dum trans Visurgim versarer in Saxonia, duos Prædicantes, Pastorem, & Sacellanum Lutheranum stare ad altare solempni die, cœnæ administratione occupatos; & dum populus ad utrumque cornu altaris offerret, incresetque ex favore populi cumulus nummorum Sacellano, indignatus Pastor, cœpit rixari cum Sacellano; à rixis ad pugnos, & ad verbera & vulnera perventum; nec cessavit hæc cruenta scena, in sacra cœna, donec adstantes honoratiores viri revellerent pugnantes à se: ac parum aberat, quin Minister calicem sacrum capiti alterius impingeret. Quid non facit cupiditas pecuniæ, etiam inter sacra mysteria? Supervacaneum ejusmodi referre: *Inimici nostri sint iudices.* Quando tot libri vestrorum hominum extant, quibus vobis luxum, avaritiam, matrimonia cum opulentis filijs & viduis, quæstumque sacrorum exprobant. Sed mittamus hæc, nec contendamus de vitijs utriusque partis, à quibus nec ego Catholicos absolvo. Quamvis hoc inter Catholicos, & Lutheranos interfit: ut si quid lucri Catholici Sacerdotes ex sacris participant per excessum, id tamen ex verâ sacrorum administratione percipiant; vos autem Lutherani, cum nec legitime Missi, nec veri Sacerdotes sitis, duplici semper fraudi obnoxij estis, tam falsorum Sacramentorum quæ populo porrigitis, quàm falsi stipendij, lucrique sacrilegi, quod nullo jure ut Catholicis, vobis competere potest.

Obijcis quartò, & tanquam novus Dictator ex officina textorum pronuntias: Missam vulgari cujusque gentis linguâ celebrandam. Multa hîc rursus congeris, etiam ex Caroli Magni Capitularium libro 6. c. 73. quanquam verba à te non integrè citantur. Ita ergo habent: *Instituantur nimirum fideles, intelligant vim & mysterium Dominici corporis & sanguinis, & Missa, sive precum, quæ in ea à Sacerdote fiunt*; recitantur deinde verba Canonis, *Memento Domine famulorum famularumque tuarum*, & quæ sequuntur. Ubi Carolus non dicit, Missam vulgari linguâ peragendam: aliàs ipsa verba Latina non recitaret ex Canone, aut certe in linguam Germanicam hæc vertenda præscriberet, nec diceret, lib. 5. capit.

Capit. c. 219: *Missam ordine Romano peragendum esse, quæ Latina lingua celebrata fuit. Quid ergo Carolus? nempe, ut populo explicetur à Sacerdotibus, quid in Missa oretur, & pro quibus oretur; nimirum tam pro vivis, quam defunctis: uti in commemoratione post consecrationem additur: Qui nos præcesserunt cum signo fidei, & dormiunt in somno pacis.* Quid nunc opus illis tuis fallacijs? aut ubi oratio apud vos pro defunctis? candidè tandem, & Germanâ fide age nobiscum. Germanam linguam urges, & Punicâ fide scribis. Imo contra Augustanam tuam confessionem, quæ sic habet art. III. de Missæ abutibus: *Retinetur Missa apud nos, & summa reverentia celebratur: servantur & usitata carimonia ferè omnes, præterquam quod Latinis cantionibus admiscerentur alicubi Germanica, quæ addita sunt ad docendum populum.* Quod autem subjungis Germanos & Scythas Germanâ & Theotisca lingua in sacris usos fuisse, id de Sacrificio Missæ falsissimum est. Nullum tu librum Liturgicum seu Missalè vetus à Carolo Magno introduces ad Lutheri tempora, in quo vel ullum Germanicum verbum contineatur insertum: Superfunt ejusmodi libri Liturgici ex omni ætate quam plurimi. Præstandum quidem est, & commendatum Episcopis in Concil. Moguntino & Turonensi can. 17, ut Homilias SS. Patrum, in rusticam Romanam, aut Theotiscam linguam verti curent: nullibi tamen id de Sacrificio Missæ, aut Missæ etiam precibus à Carolo præscribitur. Locus verò Apostoli 1. ad Corinth. c. 14. quem in hanc rem adducis, non de Sacrificio, sed conventu primorum Christianorum, & collatione ante Sacrificium agit; in quo alius *psalmum*, alius *doctrinam*, alius *apocalypsin* & revelationem, alius *linguam*, nempe peregrinam, ex qua Apostolus interpretationem requirit: Missa verò ipsa non dirigitur ad populi instructionem.

¶ Nunc paucis ad rem ipsam, ex naturâ Sacrificij, quod in oblatione, consecratione, & sumptione consistit: ac tametsi ad oblationem necessariò, & ad consecrationem essentialiter verba requirantur, ea tamen non ad populum docendum, sed ad Deum diriguntur, & in consecratione ad elementum consecrandum: elementum verò verba non intelligit. Idem est de sumptione, quando totum Sacrificium non ad populum instruendum, sed ad Deum primariò colendum, & ad impetrandæ populo beneficia institutum est. 2. Si vulgari lingua Sacrificium esset offerendum, necesse esset frequenter verba Sacrificij mutare, quando

FFF

quæ



quæ alio tempore vulgaria sunt, alio verò non sunt. Deinde tolleretur communicatio Ecclesiarum: nec enim posset Sacerdos Italus in Germania, & Germanus in Italia celebrare. Idem est de Gallia, Hispania, Polonia, Anglia, alijsque nationibus. Quanquam non minus sit contra dignitatem, reverentiam & majestatem Sacrificij, quod tribus sacris linguis Hebræâ, Græcâ & Latinâ convenit peragere. Quò & illud referas, quòd in Missâ quædam submissâ voce dicantur: qualiâ enim *Mysteria*, quæ ad omnium aures quotidie perferuntur? quâ super re Bellarminus c.12. lib.2. His alijsque diligenter maturèque expensis definivit Concilium Tridentinum sess.22. c.8: *Et si Missam magnam contineat populi fidelis eruditionem, non tamen expedire visum est Patribus, ut vulgari passim lingua celebraretur.* Hoc Concilium fundat se in retento ubique, & antiquo cujusque Ecclesiæ usu, & Romanæ Ecclesiæ probato ritu; quippe quæ mater est omnium Ecclesiarum & magistra. Unde & Carolus Magnus Capitularium libro 5. c.219: *Unusquisque Presbyter Missam ordine Romano celebret.* Monet interim Concilium, ut frequenter Mysteria Sacrificij Pastores populo exponant, uti & Carolus Magnus hæc suprâ expetit. Quod si fideliter præstarent Pastores, nulla populi querela relinqueretur; perinde ut in Baptismo, alijsque Sacramentis, quæ Latinâ apud nos lingua peraguntur, usu venit: neque ideo Lutherani doctiores sunt, quia vulgari lingua hoc administrant, quàm Catholici. Rusticus Catholicus verâ fide illustratus, & doctus sequi judicium Ecclesiæ, multo est doctior, quàm Lutheranus Theologus. Et quæ Mysteria Sacrificij apud vos? qui cum Canone omnia Mysteria sustulistis.

At dicent: Telle Azorio p.1. lib.7. Instit. mor. c.26. Ecclesia permisit, ut Alexandrini populi & Ægyptij Arabicè, Armeni Syriacè, & Moravi olim Sclavonice, Dalmatæ Dalmaticè, & Russi seu Rutheni vulgari suâ lingua, divina officia peragerent. Hæc tua objectio, quâ insulas. Responder Azoriûs: Alexandrinos, Ægyptios, & Armenos id in Græcorum odium à quibus se avulserant, extorsisse; apud Moravos verò invaluisse, quia Cyrillus & Methodius, à quo ad Christi fidem perducti erant, id ante Sexcentos annos à Pontifice impetrârunt, uti Æneas Sylvius in hist. Bohem. c.13, & Cromerus lib.3. de rebus Polonorum referunt. Quanquam ut id credam, ægrè mihi persuadeo: nam quæ ab Introitu Missæ ad oblationem peraguntur, in his multa canendo & legendo ad

do ad populi instructionem & præparationem accommodata sunt, ut ex Justino æstimes: cætera in arcanis peraguntur. Neque de his integrum iudicium hæreticis esse potest, mysteriorum Ecclesiæ ignaris.

Demum non hic agitur, an Sacrificium Missæ non possit in al.â, præter tres Sacras linguas, peragi? maxime in Syriaca & Chaldaica, quæ non aliter, quàm dialectis ferè differunt, cæterisque etiam; sed an expediât, & cuius auctoritate id permitti debeat? Moravi & Sclavi, id Romani Pontificis auctoritate obtinuerunt, nec ultra evincit testimonium Innocentij III. à te adductum. Cæterum, cum id Bohemini quoque peterent, negavit Gregorius VII. Pontifex, qui in hæc verba rescripsit Duci Bohemiæ, lib. 7. Registr. in Epistola: *Quia, inquit, nobilitas tua postulavit, ut secundum Sclavonicam linguam apud vos divinum officium celebrari annuntiemus; scias, nos huic petitioni tue nequaquam posse facere satis, & hoc nempe sæpe volventibus liquet, non immerito sacram Scripturam omnipotentis Deo placuisse, quibusdam in locis esse occultam: ne si ad liquidum cunctis pateret, fortè vilesceret, & patèret despectui, aut pravè intellecta à mediocribus in errorem deducereitur.* Hæc ille sapienter. Vos autem Lùtherani, auctoritate supra omnes Orbis Episcopos, & Pontifices vobis sumptâ, non modò divinum officium mutastis in vernaculam linguam, sed & ipsum Canonem & Sacrificium sustulistis ex Ecclesia, & ritu hæcenus inaudito novam sacrorum formam introduxistis. Sanè verò, si omnes Romani Pontifices à S. Petro ad hunc usque diem percenseantur, omnes simul in unum collecti, non tantam sibi potestatem in mutandis Ecclesiæ ritibus sumere ausi sunt, quantam unus Lutherus sibi arrogavit, immutando cærimonias, abrogando Sacramenta, tollendo Sacrificium religionis, grassando per omnes fidei articulos, & omnia demum sursum & deorsum vertendo. Hæc Hæresis vestræ insania est, quam nobis sapientiam novi evangelij obtrudere non pudet. Bene de vobis Hilarius: *Qui creditis ex Evangelio quod vultis, & creditis quod non vultis; non Evangelio, sed vobis creditis.*

## C A P V T IV.

*De Auctore, et numero Sacramentorum.*

**D**UO nobis hic controvertit Nifanius cum suis Lutheranis : primum de auctore Sacramentorum, utrumne omnia Sacramenta ad auctorem Christum referri possint ? Secundò ipsum numerum Sacramentorum, quem Catholici septenarium profitentur, Lutherani verò ex his duo tantummodo retinent, Baptisum videlicet & Cœnam.

I. Auctor, institutorque Sacramentorum novi Testamenti est Christus; quod dogma certum, atque evidens est ex ipsa Scriptura, quando ipsi Apostoli, non nisi *ministros & dispensatores* Sacramentorum, se agnoscunt 1. Cor. 4: *Sic nos existimet homo, ut ministros Christi & dispensatores mysteriorum Dei* : Non ergo *insuatores*, sed promulgatores & dispensatores Apostoli.

II. Sacramenta veteris Legis, uti & Sacrificia, immediatè à Deo sunt instituta, & à Moyse tantum promulgata, ut constat ex libris Exodi & Levitici; & hæc tamen egena & vacua erant elementa. Quanto magis Sacramenta legis Gratiæ, Christum Deum auctorem commonstrant ? Eadem Patrum sententia, Cyprianus scribit, de ablut. pedum : *Ipse summus Sacerdos sui est Sacramenti institutor & auctor; in cæteris homines Spiritum sanctum habuere doctorem.* Ambros. lib. 4. de Sacram. c. 4 : *Auctor Sacramentorum quis est, nisi Dominus Jesus ?* Ita Augustinus, Epist. 118. ad Jan. Sacramentorum auctorem Deum facit.

Sed utrum immediatè omnium Sacramentorum sit auctor Christus, an non quædam etiam mediatè per Apostolos sint instituta ? id controverti scribit inter ipsos Catholicos. Interim primò subdole retinet, quæ præter baptisum & cœnam Sacramenta ipsi Lutherani ex Augustinâ confessione, & Apologia olim receperint, quæ nunc rejecerunt, ut innox referam. Ac tamen Magister Sententiarum hic l. 4. dist. 23, &

Hugo

Verbo de S. Victore, *extremam Unctionem* velint ab Apostolo Jacobo institutam; præterea Hærenus parte 4. & alij quidam, *Confirmationem* in concilio Meldensi post tempora Apostolorum ab Ecclesia institutam dixerunt; jam tamen de fide certum est, omnia Sacramenta immediatè à Christo instituta esse: id enim definit *Concilium Tridentinum sess. 7. c. 1.*, ut ait Bellarmino passim Theologi ostendunt. Quocirca in particulari Concilium addidit, *extremam Unctionem* à B. Jacobo Apostolo promulgatam fuisse; ut explicaret, se de immediatà Christi institutione loqui. Quo sensu Bellarminus Magistrum Sententiarum explicat, eodemque sensu posse etiam cæteros explicari; tantùmque promulgationem ad Apostolos & Ecclesiam retulisse. Nam satis illi Doctores intellexerunt, nullius esse hominis vel creaturæ, instituere *signum sacrum & practicum, gratia formaliter sanctificantis*.

Demus etiam tibi, ante Tridentinum non fuisse definitum, utrum omnia Sacramenta immediatè à Christo fuerint instituta; ideo posteriora Concilia accessere, ut controversias pro tempore ortas contra hæreticos deciderent, id quomodo faciant, exposui lib. 1. c. 7. Quare falsissimum est, quod scribis, à Romano Pontifice nova Sacramenta esse instituta & obtrusa populo: Enimverdò quomodo id sibi Romanus Pontifex vendicabit? qui cum Concilio Tridentino docet omnia Sacramenta à Christo immediatè esse instituta, & institui debuisse? cum nec homini nec ulli creaturæ competat instituere ritus, qui immediatè conferant gratiam formaliter sanctificantem, & peccata remittant. Hinc tua hæc calumniandi libido est, aut ignorantia.

Demus etiam; (quantumvis falsum sit,) Christum quædam Sacramenta communicatâ potestate mediatè per Apostolos instituisse: Fuitne propterea Luthero aut vobis potestas abrogandi Apostolicos ritus & caerimonias? ut fecisse vos constat, immutando omnia, & turbando universam Ecclesiam; qui ex septem Sacramentis tantùm duo reliquistis. Quis unquam Pontifex tantam sibi potestatem vendicavit? quam nec omnes simul à S. Petro, ad hunc Clementem X. Pontificem, sibi unquam sumere ausi sunt, ut vel unum ex septem Sacramentis aut ritibus illis Ecclesiasticis toto orbe receptis, si ita dicere mavis, abrogarent? Dignior Theologo, quem te præfers, quaestio: Utrumne Christus determinatè instituerit materiam & formam omnium Sacramentorum? & cum pri-

mis Sacramenti Ordinis, ob illud Innocentij IV. cap. *Presbyter*: sed tu in vulgatis & tritis hæres, & nihil vibratum Theologi ingenio adfers; neque alia, quàm ex alijs hæreticis exscripta; neque hæc ipsa quidem intelligis. Intem tu remittis nos ad *Antichristum*, de quo Apostolus 2. ad Thess. c. 2: *Extollitur supra omne id, quod dicitur Deus, aut quod colitur, ita ut in templo Dei sedeat ostendens se tanquam sit Deus*. Hunc *Antichristum* dicis esse Pontificem Romanum, qui præter baptismum & cœnam, cætera Sacramenta instituerit; quò simul includas S. Jacobum Apostolum necesse est, à quo *extrema Unctionis* Sacramentum institutum vultis. Sed hæc tua insana calumniandi libido est, orta ex odio in Pontificem. Veriùs hæc de Luthero tuo dixeris, qui supra omnem Pontificem & Ecclesiam, imò supra Apostolorum & Christi auctoritatem se extulit, abrogando tot Ecclesie Sacramenta, quæ tot sæculis à Christo orbis Christianus coluerat.

Alterum quod hîc controvertis, est *septenarius Sacramentorum numerus*: quem priusquam tibi probemus, operæ pretium erit, vestram dissensionem & sceditatem exponere; quando ipsas hæreses inter se digladiantes retulisse, sæpe etiam satis est consutasse. Quemadmodum teste Hieronymo in Ezech. *Hæreticorum pugna, nostra victoria est*.

Primò, Lutherus lib. de Captivitate Babylonica, sub initium ejus libri docet: *Unum tantum esse Sacramentum*, si secundùm Scripturæ usum sit loquendum; quæ tamen hæresis non reperit discipulos. Haud multo post scribit; tria pro tempore Sacramenta esse ponenda, Baptismum, Panem, & Pœnitentiam: ac proinde septem Sacramenta esse neganda: quæ tamen non aliter damnanda sint, quàm quod ex Scriptura probari non possint. Tam vanus, inconstans, & incertus Lutherus.

Secunda eorum opinio est, qui tantum duo Sacramenta admittunt, baptismum & cœnam. Hanc quia Lutherus eodem in libro indicavit, arripuit primùm Melancthon, & post eum Illyricus, Kemnitius, & alij Lutherani. Augustana confessio, in articulis Carolo V. propositis, nihil ausa fuit determinare; Melancthon, qui primùm duo hæc Sacramenta admisit, postea tertium adjecit.

Tertia igitur opinio est eorum, qui tria Sacramenta profitentur. *Baptismum, Cœnam, & Pœnitentiam*. Hanc sententiam, quia Lutherus, (ut diximus) indicavit, secutus est Melancthon. Ita enim in Apologia

logia ad art. XIII. August. confess. *Si Sacramenta vocamus ritus, qui habent mandatum Dei, & quibus addita est promissio gratia, facile est judicare, quæ sint propriè Sacramenta.* Et mox: *Verè igitur sunt Sacramenta, Baptismus, Cæna, Absolutio, quæ est Sacramentum Pœnitentia.* Hanc sententiam postea Lutherus libro ad Prageneses, & lib. de Missa privata, & deinum anno M D XLV, qui fuit penultimus vitæ ejus, in Assertionibus contra Lovanienses confirmavit. Ita enim assert. 35. *Pœnitentiam cum virtute clavium absolventium, libenter Sacramentum confitemur, habet enim promissionem & fidem remissionis peccatorum propter Christum.* Hæc communis & receptior inter Lutheranos exinde fuit sententia, quod idein habent eorum temporum catechismi Lutherani, Philippi Brentij, & aliorum; adeoque hæc doctrina certa & sancta fuit apud illos, ut qui ad gradus in Theologia, aut ad Pastoratam promoveri vellent, in Augultanam confessionem, & Apologiam, & hanc sententiam jurare tenerentur. Ac ne de improprie dicto Sacramento hæc explicari possint, ut postea fecit Kemnitiuss & alij, qui Pœnitentiam ex numero Sacramentorum excluderunt. Apologia expressè scribit, Pœnitentiam *propriè & verè Sacramentum esse*; idque ex definitione suâ asseruit, qua Sacramentum docet esse *Ritum, qui habet mandatum Dei & promissionem gratia.* Hinc in templorum parietibus, ut Hildesij in S. Andreâ, majoribus literis scriptum legebatur: *Baptismus, Cæna, & Pœnitentia.*

Quarta Opinio, quæ tria quidem ut Lutherani Sacramenta recipit, sed in tertio diversa. Nam Zwinglius pro Pœnitentia recipit *Matrimonium* lib. de verâ & falsâ religione, Calvinus *Ordinationem* lib. 4. instit. cap. 14. & 19. Ita ut duo Sacramenta, Baptismus & Cœnam, velit omnibus esse communia, Ordinationem verò solis Ecclesiæ Ministris. His accedit Quinta opinio ex Lutheranismis & Calvinismis conflata, quæ Melancthonis est, quatuor Sacramenta asserens. *Baptismum, Cœnam, Pœnitentiam & Ordinationem.* Quin ipse Melancthon, artifex vestræ Augultanæ confessionis, *Matrimonium* admisit cum Zwinglianis, inter Sacramentorum numerum, uti hæc ex scriptis ab eo postremum editis ostendit Bellarminus.

Quinta Lutheranorum sententia, qui cum Catholicis septem Sacramenta admiserunt, eaque Theologi Lipsienses & Wittenbergeneses, in cōvntu Lipsiensi anno M D XLVIII, receperunt, uti Bellarminus refert

refert lib. de Confirm. c. i. Hæc novitas, varietas, absurditas à Luthero primum, tubâ hujus novi evangelij vestri. Nihil simile apud Catholicos, qui tot sæculis, & toto orbe diffusi, in unâ professione septem Sacramentorum constantes permanent. Quid tu nunc Prædicans vestra deliramenta, vis esse nostra Sacramenta? Numerus & valor Sacramentorum haud alius, quàm monetæ apud vos, pro arbitrio vestro commutabilis. Quod abjectâ Pœnitentiâ, jam passim duo Sacramenta teneatis, fecit Calvinistarum societas, ut cornu unum contra Catholicos hæresis vestra inflare validiùs posset. Ubi juramentum vestrum in Augustanam confessionem, & Apologiam? Aut jurasti in eam, quando Licentius Theologus es creatus; & *perfidus* es. aut non jurasti: & *Vertumnus* es, cum Vertumnis tuis.

II. Catholicorum doctrina una, ac constans semper fuit, septem esse propriè dicta Sacramenta; eaque à Catholicis asseritur ex Scriptura, & SS. Patribus. Quâ tamen in re à nobis exigi non debet, ut expressâ voce ostendamus nomen *septenarij* numeri; quando nec ipsi Novatores nomen *binarij* aut *ternarij*, aut *quaternarij*, ex Scripturâ, aut Patribus ostendere possunt: Scriptura enim & Patres non scripserunt Catechismum, ut ob hæreses postea fieri necesse fuit: sicuti nec Canonem sacrorum librorum, multaque alia, ex numero & nomine suo, Scriptura nobis non consignavit. Hinc nec debet exigi à nobis, ut ostendamus, nomen *Sacramenti*, in Scriptura & Patribus, singulis attributum; id enim nec ipsi hæretici facere possunt. Ubi enim Scriptura *Baptismum*, & *Cenam* vocat Sacramenta? Undè verò *Matrimonium*, quod solum ab Apostolo nominatum Sacramentum dicitur, *ad Gal. c. 5*, Lutherani ex numero Sacramentorum rejciunt. Sufficit igitur, rem ipsam ex Scriptura & Patribus ostendere, ac deinde ipsam definitionem Sacramenti convenire singulis. Ac licet Catholici, & Lutherani non conveniant in definitione Sacramenti, conveniunt tamen, ut Bellarminus asserit, in generali quâdam definitione Sacramentorum, quod nimirum sint *Ritus, seu signa externa & sensibilia, quæ ex institutione divina habeant annexam promissionem gratiæ justificantis*. Apologia vestra sic habet: *Sacramentum est ritus, qui habet mandatum Dei. & promissionem gratiæ*. Ex hac definitione, uti vos, probatis *Baptismum & Cenam*; ita Catholici etiam *Confirmationem, Pœnitentiam, Ordinem, extremam Unctionem, & Matrimonium* probant



probant esse propriè dicta *Sacramenta*. Ergò nec illa debetis excludere. Cæterum catechismus Concilij Tridentini ita definit: *Sacramentum est res sensibus subiecta, quæ ex Dei institutione, sanctitatis & iustitiæ significanda, tum efficienda, vim habet. Alij breviter: Sacramentum est signum sacrum, præticum, gratiæ formaliter sanctificantis*. Omitto alias, quæ eodem recidunt.

II. Probant Catholici septem *Sacramenta*, ex traditione perpetuâ Ecclesiæ, & veterum Doctorem consensu, à quibus Magister sententiarum, *Petrus Lombardus* Episcopus Parisiensis lib. 4. dist. 2. & omnes inde Theologi septem *Sacramenta* tradiderunt. Hinc falleris, dum scribis, numerum septem *Sacramentorum* à Magistro sententiarum primò esse inventum, & introductum. Nec enim Magister sententiarum ex suo ingenio, & iudicio hunc numerum primò tradidit, sed eum, uti ex usu & praxi Ecclesiæ acceperat, & ex Patrum sententijs collegerat, ita tradidit. Hæc enim doctrina tum praxi, usuque per totam Occidentalem Ecclesiam recepta erat, uti id planissimè etiam per singula *Sacramenta* ostendam ex Caroli Magni ætate. Sanè, si hæc Lombardi doctrina tum nova fuisset, & ab eo primùm introducta, reclamasset Ecclesiæ. Nulla enim adhuc publica hæresis extitit, cui non contradictum sit minimum. Quare & D. Otto Bambergensis Episcopus, & Pomeranorum Apostolus, (à quo gens illa ab idolorum cultu ad Christum perducta,) septem *Sacramenta* populum illum docuit, & pro catechesi explicavit hoc ordine: *Baptismum* videlicet, *Confirmationem*, *Unctionem infirmorum*, *Eucharistiam*, *Pœnitentiam*, *Ordinationem sive consecrationem Sacerdotum*, & *Matrimonium*: uti hæc ipse Episcopus docuit, & ex illo auctor vitæ *σύγχροτος*, qui cum Ottone vixit, lib. 2. cap. de institutione *Baptizatorum*, apud Canisium tom. 2. *Antiq. Læti*. Vixit autem Otto Episcopus sub initium anni 1100, obiit verò Magister sententiarum anno 1184. Jam verò si doctrina septem *Sacramentorum* falsa est, sequitur Ecclesiam per tot sæcula à Spiritu S. desertam fuisse, & per summam impietatem & superstitionem, homines per Germaniam & Europam delusos fuisse, quod impium non minus est dicere, quàm facere: cò vel maximè, quòd *Sacramenta* hæc ex quotidiano usu fuerint administrata populo.

III. Numerus septem *Sacramentorum* assertus est in Concilio Florentino generali, ad quod anno Christi 1439. supra centum & qua-

G G G

draginta

draginta Patres convenerunt, ex eoque instructio Armenis data, & septem Sacramenta præscripta, consentientibus Græcis & Latinis Patribus. Ex quo satis liquet, Græcos cum Latinis in numero septem Sacramentorum convenisse, ut hic frustra oblatret Nisanius, Græcorum Ecclesiam nobis opponendo. Neque Græci hunc septenarium numerum admisissent, nisi & in sua Orientali Ecclesia ex Scriptura, Traditione, SS. Patrum doctrinâ, & praxi suæ Ecclesiæ agnovissent.

IV. Demum accedit Concilium Tridentinum generale sess. VII. in quâ contra hæreses hujus sæculi septem quoque Sacramenta definita, nec prius id factum est, quàm Lutherus in hoc, uti in alijs, antiquam Ecclesiæ doctrinam oppugnare, & evertere cœpit. Nec aliud hic egit Concilium Tridentinum, quàm quoddam cætera Concilia Oecumenica, contra nascentes & serpentes hæreses egere. At Nisanius, qui omnibus Patribus sapientior videri vult, reprehendit primum hoc Concilium, quoddam in alijs Sessionibus, & fidei dogmatibus speciem aliquam prætendat ex Scriptura & Patribus, in hac verò controversia nudo anathemate & auctoritate suâ procedat. At quantus tu nobis hic impostor denuò es! Nam ita Concilium in præmio decreti: *Propterea, inquit, Sacrosancta Oecumenica, & generalis Tridentina Synodus, in Spiritu sancto legitime congregata, presidentibus in eâ eisdem Apostolica Sedis Legatis, ad errores damnandos, & extirpandas hæreses, quæ circa sanctissima ipsa Sacramenta hac nostra tempestate, tum de damnatis olim à Patribus nostris hæresibus suscitata, tum etiam de novo adinventæ sunt, quæ Catholica Ecclesiæ puritati, & animarum salutis magnopere officiunt, sanctarum Scripturarum doctrinæ, Apostolicis traditionibus, atque aliorum Conciliorum, & Patrum consensui in hærendo, hos præsentēs canones statuendos, & decernendos censuit.* Vides, ut Concilium se referat ad Scripturam, traditionem, Concilia, & Patres. Inter hos verò canones, primus est de numero Sacramentorum, qui sic habet:

*Si quis dixerit, Sacramenta nova legis non fuisse omnia à Jesu Christo Domino instituta, aut esse plura, vel pauciora, quàm septem, videlicet Baptismum, Confirmationem, Eucharistiam, Pœnitentiam, extremam Unctionem, Ordinem, & Matrimonium; aut etiam aliquod horum septem, non esse verè, & propriè Sacramentum; anathema sit.*

Perstringis deinde Bellarminum, quod is dicat: *Hoc testimonium, videli-*

videlicet Concilij Tridentini, etiam si nullum haberemus aliud, debere sufficere; nam si tollamus auctoritatem presentis Ecclesie, & presentis Concilij, in dubium revocari poterunt omnium aliorum Conciliorum decreta, & tota fides Christiana. Ita ille, nec verius quicquam dici poterat. Tu, si quid verius, & sapientius habes, profer in medium, & audire te cupimus. Sane quotquot hactenus de controversijs fidei scripserunt, docti & sapientes viri, unâ voce & iudicio præcipiunt, Judicem controversiarum in concilio Occumenico esse quærendum; nec enim alia certior, & gloriosior cum triumpho Ecclesiæ via est ad infallibilem veritatem perveniendi. Id si non intelligis, parum profectò intelligis; & si intelligeres, hæreticus non esses. Nunc post scommata tua, ad argumenta procedamus:

Primum tuum, & palmare argumentum est, quod contextis ex S. Joannis Evangelio c. 19, ubi per fosso latere Christi dicit S. Joannes: *Exiit sanguis & aqua*; verba mysticè interpretando, Patres cum primis Græci docent significari Baptismum, & Eucharistiam. Magno ad hanc rem numero congeris testimonia, sed non his opus. Verbo enim respondemus: Patres quidem ex hoc loco duo Sacramenta tradere, sed non tantum duo; nec alia idcirco negare, sicut Hebr. 6. Apostolus duo tantum recenset Sacramenta, *Baptismum*, & *manuum impositionem*, seu Confirmationem, quæ post Baptismum dabatur. Deinde, si per sanguinem Eucharistia fluxit ex latere Christi, ubi *Panis*? fluxitne hic etiam ex latere Christi? nisi sub unâ specie mavis nobis Cœnam dare. R. 2. Patres etiam aliter hæc explicant, & duo Baptismata per *sanguinem & aquam*; unum in sanguine, id est Martyrium; alterum in aquâ, Baptismum. Ita Cyrillus Catech. 3. Hieronym. Epist. ad Oceanum. Alij etiam per *sanguinem* intelligunt pretium redemptionis, per *aquam* Baptismum: quæ alijs literalis magis videtur expositio. Ideo dixit: *Exiit sanguis & aqua*, quod ordo hoc poscit: quando Baptismus omnem vim habeat ex pretio sanguinis. Ita exponit Ambros. lib. 10. in Lucam, c. 105. Leo Epist. 4. Augustinus, & Beda in c. 19. Joan. Lege hac super re Maldonatum, & interpretes alios. Ad hunc modum illud Joan. 1. Epist. c. 5: *Hic est, qui venit per aquam & sanguinem, Jesus Christus; non in aqua solum, sed in aquâ & sanguine*. Ubi ostendit differentiam inter Baptismum Joannis, & Christi: quod Christi Baptismus efficacissimus fuerit, quem in aqua &

sanguinis pretio dedit permixtum. Viden' igitur, ut ex his Patrum testimonijs nihil conficias.

Obijcis II. Nullibi Scriptura dicit esse septem Sacramenta. Contrà : nullibi etiam Scriptura dicit expressè esse duo, vel tria, vel quatuor Sacramenta ; nullibi etiam *Sacramenti* nomen attribuit Baptismo, & Cœnæ ; nullibi definitionem ponit ijs verbis quibus Lutherus lib. de capt. Babyl. definit : *Sacramentum est promissio signo externo annexa* ; sive, ut Melancthon in Apologia : *Sacramentum est ritus, qui habet mandatum Dei, & cui addita est promissio gratiæ. seu gratuita reconciliationis, seu remissionis peccatorum.* Ex his sat sintelligi opinor, uti eadem sit causa vestra ac nostra ; nec Catholicos à vobis oppugnari posse, quin simul omnia vestra Sacramenta tollatis è medio. Quamquam definitio vestra, quam Apologia dat, non conveniat Sacramento Cœnæ vestræ ; aded Melancthon Grammaticus, vobis ex Theologia non bene prospexit. Et ratio est : nam cum institutum sit hoc Sacramentum, non ut ex peccatore faciat justum & sanctum ; sed ut iustitiam & sanctitatem conservet & augeat : imò tantum abest, ut remittat peccata, ut peccatori etiam obsit, si cum conscientia peccati mortalis accedat, 1 Cor. 11 : *Probet autem seipsum homo : & sic de pane illo edat, & de calice bibat : qui enim manducat, & bibit indigne, iudicium sibi manducat & bibit.* Et ut suprâ dixit : *Reus erit corporis & sanguinis Domini.* Satis igitur est, quòd Scriptura rem ipsam de singulis Sacramentis tradat, ( ut supra retuli, ) ex qua numerus, & nomen, & definitio sumitur. Quo in genere etsi pari nobiscum gradu procedere debeant Lutherani, hoc tamen ultrâ habent Catholici ; quòd præter Scripturam, traditionem, Concilia, & Patres, habeant iudicem controversiarum in hac causâ, ex cuius sententia, & viva vocis oraculo, certi sunt de Sacramentis suis. Quàm verò incertos, & fallaces iudices se ferant novatores ex Scriptura, vel ex adducto ab ipsis Joannis testimonio satis ostensum est.

Obijcis III. Augustinum lib. 2. de Symbolo, c. 6. Ubi ex latere Christi gemina Sacramenta fluxisse dicit : hæc eadem Calvinus est obijctio. Respondet Bellarminus, Augustinum eo loco, uti & tract. 9 in Joann. duo Sacramenta ponere, exempli causâ, non tamen proinde negare cætera, sed supponere : ( uti post referam, ) sicut in Epistola 118. ad Januarium scribit : *In novo Testamento esse Sacramenta numero paucissima,*  
& ob-

& observatione facilissima, & significatione praestantissima, à Christo instituta: sicut est Baptismus, Trinitatis nomine consecratus; & communio corporis & sanguinis ejus; & si quid aliud in Scripturis Canonicis commendatur. Clarius conc. 1. in psalm. 103: *Munus Sacramentorum in Baptismo, & Eucharistia, & in ceteris sanctis Sacramentis, quale munus est?* Ubi denudè vides, præter hæc duo, alia agnoscere Sacramenta à S. Augustino. Quare illud Augustini non additis Epist. 119. ad Januarium? *Ad celebrationem Sacramentorum utimur de sensibilibus rebus, aqua, frumento, vino, oleo.* Ubi vides, enumerari materiam ceterorum etiam Sacramentorum. Quod verò Sacramentum apud vos oleo & unctione conficitur, aut perficitur? sicut Confirmatio, extrema Unctio, & consecratio Sacerdotum apud Catholicos? Quæ nunc tua fallacia, unum dicere, & alterum tacere? At inquis: Augustinum aliquando de proprijs Sacramentis loqui, aliquando de improprijs & latè sumptis. Ita quidem est: quemadmodum & Scriptura, variâ significatione, Sacramenti nomen continet: sed cum D. Augustinus propria enumerat, & his alia addit, ut citatis tribus locis facit; certum est de proprijs Sacramentis similiter loqui. Deinde, quo in loco dicit Augustinus, duo tantum propriè esse Sacramenta? hoc tu nunquam ostendes ex Augustino. Quin si Augustinum legisses, invenisses septem Catholicorum Sacramenta. Ea hæc tibi nunc filio.

*D. Augustini testimonia, quibus septem Sacramenta afferuntur.*

Ac primò *Baptismum*, & *Eucharistiam* ab Augustino inter propriè dicta Sacramenta numerari, ex adductis testimonijs extra dubium est, neque in hoc dissentinus. Augustinum verò præter hæc duo, alia quinque agnoscere Sacramenta, hisce ejus testimonijs non minus certum est.

*Confirmationis Sacramentum* tradit lib. 2. contra literas Petiliani, c. 104: *Sacramentum Chrismatism, in genere visibilibus Sacramentorum est sacrosanctum, sicut ipse Baptismus.*

*Ordinem* docet esse *Sacramentum*, contra Epist. Parmeniani lib. 2. cap. 13: *Utrumque Sacramentum est, & quadam consecratione utrumque*

GGG 3

homini

homini datum; illud cum baptizatur, istud cum ordinatur: ideoque in Ecclesia Catholica utrumque non licet iterare.

Pœnitentiam Sacramentum agnoscit lib. 1. de adulterinis conjug. c. 26. & 28: Eadem est causa Baptismi, & Reconciliationis; sine quibus Sacramentis, homines credunt se non debere exire de corpore.

Matrimonium Sacramentum asserit lib. 1. De nupt. & concupisc. c. 10: Hujus inquit, Sacramenti res est, ut mas & femina connubio copulati, quamdiu vivunt, inseparabiliter perseverent.

Extremam Unctionem agnoscit lib. 2. De visit. infirmor. c. 4: Non pratermittendum illud Apostoli Jacobi præceptum, infirmatur quis in vobis, inducat Presbyteros Ecclesia &c. ipsa videlicet olei sacrati delibutio, Spiritus sancti typicalis unctio est. Serm. 215. de tempore: Quoties aliqua infirmitas super venerit, corpus & sanguinem Christi, ille qui aegrotat, accipiat; & inde corpusculum suum ungat: ut illud quod scriptum est, impleatur in eo: Infirmatur aliquis? inducat Presbyteros Ecclesia, & orent super eum, ungentes eum oleo in nomine Domini. Atque ut Sacramentum hoc etiam planius videas, repete, ut oleum, aquam, frumentum, & vinum inter materias Sacramentorum ponat Epist. 119. ad Januar. jam citatâ.

Vides Nisani, præter duo Sacramenta, Baptismum, & Cœnam, etiam Confirmationem, Ordinem, & Pœnitentiam propriè Sacramenta esse; quando hæc tria Sacramenta Baptismo conjungit & comparat. Atqui Baptismus est propriè Sacramentum; ergo & hæc tria. De reliquis duobus par est ratio. Quam nunc misera & spoliata apud vos Ecclesia! quæ præter Baptismum, nihil integrum retinet ex omnibus Sacramentis, per quæ virtus passionis Christi, tanquam per canales derivatur in homines. Eucharistiæ Sacramentum, quod ex cœna vestra jactatis, ad spèciem magis, quàm ad fructum possidetis, Augustino judice; quando Sacerdotes non habetis, qui consecrent. Demum quid ullo Sacramento vobis magnopere opus est? quibus Sacramenta non sunt organa & causa gratiæ, sed nuda signa ad excitandam alendamque fidem. Hujus rei principium vestrum est, quod sola fides justificet: proinde non alium apud vos Sacramenta effectum, fructumque habent, quàm ut fidem excitent; haud secus, quàm prædicatio verbi Dei: hoc solum discrimine, quod prædicatio verbi Dei per auditum id faciat, Sacramenta verò oculis adnota, id per visum præstent. Hoc illud Lutheri axioma lib. de capt. Babil. c. de Bapt.

*Bapt. Sacramenta non iustificant, nec ulli profunt, sed sola fides. Quæ tam inaudita Catholicis, quàm explosa ab omnibus doctrina vestra est: ne quid hîc de cæteris vestris erroribus attexam. Possem ego nunc eodem modo ex Carolo Magno sicuti ex S. Augustino præstitum est, septem Sacramenta asserere, sed id in singulis multò clariùs monstrabitur. Quapropter ad singula suo ordine progrediamur.*

## CAPUT V.

*De Baptismo, ejusque subiecto.*

**A**dmittunt Lutherani cum Catholicis, Baptismum esse propriè dictum Sacramentum. Est enim ritus expressus, *Lavacrum aquæ in verbo vitæ*, Eph. 5. Institutionem quoque & mandatum habet S. Joan. c. 3: *Nisi quis renatus fuerit ex aqua & Spiritu sancto, non potest introire in regnum Dei.* Matth. ultimo: *Euñtes ergo docete omnes gentes, baptizantes eos in nomine Patris, & Filij, & Spiritus sancti.* Promissionem deinde gratiæ admittitis nobiscum ex illo Marci ultimo: *Qui crediderit & baptizatus fuerit, salvus erit.* Et ad Titum c. 3: *Salvos nos facit, per lavacrum regenerationis, & renovationis Spiritus sancti.* Inde catechismus Romanus definivit: *Baptismus est Sacramentum regenerationis per aquam, in verbo vitæ.* D. Thomas verò: *Baptismus est ablutio corporalis, facta sub hac verborum forma: Ego te baptizo in nomine Patris, & Filij, & Spiritus sancti.* Hîc materia proxima Baptismi est ablutio; remota verò aqua naturalis: quemadmodum id in concilio Lateranensi c. firmiter; In Florentino verò, decreto ad Armenos; & Tridentino sess. 7. de Bapt. definitum est. Quas deinde hæreses horum temporum adversus veram & Catholicam doctrinam de Baptismo damnet Concil. Tridentinum, eâdem sessione legere poteris.

Augustana vestra confessio, tanquam velatura omnes errores, nihil definit, tantum Art. IX. sic habet: *De Baptismo docent, quod sit necessarius*



*farius ad salutem, quòdque per Baptismum offeratur gratia Dei, & quòd pueri sint baptizandi.* Eadem ferè repetit Apologia. Melanchthon interim Apologiæ architectus, in libro, quem *Loca theologica* inscripsit, ediditque anno M D L VIII. tit. *de Sacrificio*, ita definit: *Baptismus signum est, quo Deus nobiscum agit, & recipit nos in gratiam.* Sed hæc definitio omni Sacramento convenit, adeoque ipsi Verbo Dei, quod nemo unquam inter propriè dicta Sacramenta retulit. Nihil hîc apud Lutheranos de vero effectu Baptismi audias, nisi quantum per fidem suscipientis operatur Baptismus, quæ sola justificat apud illos. Inde Apologia in Artic. XIII. de Sacramentis in genere: *sicut Verbum Dei incurrit in aures, ut feriat corda; ita ipse ritus incurrit in oculos ut moveat corda, & fidem excitet.* Quare idem utriusque effectus est, Verbi videlicet Dei, & Sacramenti. Nihil hîc audis de originali peccato, quod per Baptismum remittitur; nihil de omni culpâ & penâ remissâ in Baptismo; nihil de gratia, quam ex opere operato confert, quâ verè & formaliter justificatur homo; nihil de fide & infusus donis; nihil de charactere indelebili, ob quem Baptismus iterari non potest.

Nihil de his quoque Nifanius, quæ multo dignior scribendi materia fuisset. Quid ergo titulo illo de Baptismo? Duo rursum. Primo agit de Baptismo infantum, in quo leviter perstringit Pontifices & Catholicos, quòd olim non nisi festo Paschatis & Pentecostes baptizarint. Secundò ad calumnias suas & mendacia transit, ac scribit: Catholicos seu Romanenses etiam campanas baptizare.

De Baptismo infantum nihil habes, in quo Catholicos reprehendas, hunc enim multo integriùs, & sanctiùs, & sollicitiùs administrant Catholici, quàm vos Lutherani: neque tuis argumentis quibus eum asseris, indigemus; quæ multo clariùs ex Scriptura, Traditione, Concilijs, & Patribus, tot Catholicæ Doctores & Scriptores tradiderunt *Nec enim oportet querere apud Ecclesiæ hostes veritatem, quam facile est apud Ecclesiæ sumere*, uti monet nos Irenæus lib. 3. c. 4.

Nos verò ex hoc infantum Baptismo multa à vobis requirimus, in quibus nunquam satisfacistis nobis. I. Licet Baptismus infantum ex Scriptura probetur, nullum tamen, SS. Patrum judicio, clariùs & validius argumentum, quàm *Traditio*, in qua se Patres & Ecclesiæ fundant. Ita enim cæterorum nomine disertè Augustinus lib. 10. de Gen. c. 23: *Consuetudo*

*modo matris Ecclesia in baptizandis parvulis, nequaquam spernenda est, nec ullo modo superflua deputanda; nec omnino credenda, nisi Apostolica esse traditio.* Idem lib. 4. de Bapt. c. 24. Lib. 1. de Peccat. merit. c. 26, ubi eadem repetit. Origenes lib. 5. in cap. 6. ad Rom. Ecclesia ab Apostolis accepit traditionem, etiam parvulis dare Baptismum. Ita Cyprianus lib. 3. Epist. 8. Hieronymus lib. 3. contra Pelag. Nazianzenus orat. in S. Lavacrum. Chrysostomus Hom. ad Niceph. Prosper. lib. 2. de vocat. gentium c. 8. Concilium Milevitanum, Gerundense can. 5. Bracarense II. can. 7. Quapropter Melancthon, cum Anabaptistæ urgerent mandatum pado-baptismi sibi à Scriptura demonstrari, argumentum suum ex Traditione adversus Anabaptistas in fronte collocavit. At vos Lutherani, quàm fortiter ex eo argumento oppugnari vultis Anabaptistas, tam turpiter deferitis causam vestram reiiciendo Traditiones, quando Catholici contra vos urgent Canonem Scripturæ, numerum Sacramentorum, numerum sacerdotum Ordinum, aliaque innumera; quæ haud minus, quàm Baptismus infantum, ex Traditione à Catholicis adversus vos probantur.

II. Hic à vobis requirimus fidem parvulorum. Dicitis enim, & docetis: ad omne Sacramentum requiri fidem, quæ per ritus excitetur, excitata verò iustificet suscipientem: atqui talis fides non potest esse in parvulis baptizatis, quæ necessariò actualis esse debet, uti dicitis; parvuli autem dum baptizantur, nihil intelligunt actualiter. Atque hæc causa fuit, cur Anabaptistæ à vobis recesserint, & Baptismum distulerint ad adultam hominis ætatem, in quâ intelligere, & credere possint, juxta illud Marci ultimo: *Qui crediderit, & baptizatus fuerit, hic salvus erit.* Nequè unquam huic argumento satisfecit Lutherus, neque cæteri post eum Lutherani. Respondent quidam: parvuli dum baptizantur, sentiunt motus quosdam, similes illis quos S. Joannes Baptista in utero matris exultans ostendit, quibus pueri ad fidem excitantur: ita Lutherani in conciliabulo Wittenbergenfi, cum nullum alium exitum reperirent. Verùm hoc est ad continua miracula confugere; neque hujus responsionis ullum fundamentum in Scriptura. Imò jam dudum S. Augustinus risit hanc responsionem, Epist. 57. ad Dardanum, quippe quæ injuriam faciat sensibus, quando etiam contraria signa dant pueri, ejulatus alijsq; motibus. Quapropter merum est figmentum, quod hic pro responso obtruditis, neque Kemnitius vester se aliter expedire potuit, quàm quod diceret,

H H H

rem

rem esse difficilem intellectu, quoddam aliâ responsione hîc elabi non posset. Nifanius verò, *tractatu de Justificatione*, docet: certum quidem esse, in parvulis operari fidem, sed *modum* sibi esse incognitum. Tantis tu Doctor es, & doces quæ non scis, neque intelligis? Si Ecclesiam Catholicam audires, illa te *modum* doceret: parvulos videlicet *per infusam fidem, & caritatem justificari*. Bene de vobis dixit Apostolus 1. ad Timoth. 1. *Quidam aberrantes, conversi sunt in vaniloquium, volentes esse legis Doctores, non intelligentes, neque quæ loquuntur, neque de quibus affirmant.*

III. Ex Baptismo infantum, à vobis requirimus remissionem peccati originalis: certum enim est, omnes homines nasci in peccato originali. David psalm. 50: *In iniquitatibus conceptus sum, & in peccatis concepit me mater mea.* Apost. ad Eph. 2: *Eramus & nos naturâ filij iræ.* Rom. 5: *Per unum hominem peccatum in hunc mundum intravit.* Et mox: *In quo omnes peccaverunt.* Jam verò ab initio nascentis Ecclesiæ, omnium Conciliorum & Patrum doctrina fuit, peccatum illud originale tolli per Baptismum; ideoque omnibus hominibus Baptismum necessarium esse ad salutem. Quam in rem innumera sunt testimonia. omnium instar sit Augustinus lib. 3. de orig. animæ c. 9: *Noli credere, noli dicere, noli docere, infantes antequam baptizentur, morte præventos per venire posse ad originalium indulgentiam peccatorum, si vis esse Catholicus.* In Epistola verò 20. ad Hieronymum scribit: *Qui dicit parvulos, qui sine participatione hujus Sacramenti exeunt de vita, posse in Christo vivificari, hic profecto & contra Apostolicam prædicationem venit, & totam condemnat Ecclesiam.* Eadem Caroli Magni doctrina, in Epistola ad Episcopos Hispaniæ, in professione fidei: *Prædicamus enim, inquit, & credimus veram remissionem peccatorum, sive per Baptismum, sive per pœnitentiam.* Rursum: *Redite obsecro ad unitatem sanctæ Matris Ecclesiæ, ut vos eruat de angustia servitutis, qui vos per Baptismi gratiam à vinculo liberavit originalis peccati.* Vos autem Lutherani, etsi Baptismum nobiscum necessarium agnoscatis, & nostris argumentis oppugnetis Anabaptistas, & Calvinistas hanc necessitatem negantes, in simili tamen errore & damnatione estis. Docetis enim cum Luthero, Melancthone, Libro concordiæ, imò cum ipso Calvino in *antedoto Concilij Tridentini*, peccatum originale non tolli per Baptismum, sed regi tantum; uti id de omnibus peccatis docetis, quæ per Pœnitentiam tolluntur. Fundamentum verò hujus vestri erroris est, quia

quia statuitis: concupiscentiam verè, & propriè peccatum esse originale. Quo nihil absurdius doceri poterat à vobis: cùm concupiscentia maneat in homine, nec unquam tollatur Baptismo; nisi homines in Angelos transformare concessum sit novo vestro evangelio. At Scriptura ubique docet, per Baptismum tolli peccatum: Joan. 1. *Ecce Agnus Dei, qui tollit peccata mundi.* Eph. 5. *Mundans cum lavacro aqua.* Et quæ in hanc rem innumera sunt testimonia. Quare Gregorius Magnus lib. 9. Epist. 39: *Qui dicit, peccatum in Baptismate non funditus dimitti; dicat, in mari rubro Egyptios non veraciter moruos.* Ita Augustinus lib. 2. de peccat. merit. c. 9: *Parvulo reatus originalis peccati, in Baptismi acceptione solvitur.* Lib. 6. c. 7. contra Julianum: *Peccatum hoc solâ regeneratione solvitur, atque unico isto remedio pellitur & tollitur.* Atque hæc hæresis olim fuit Origenistarum, de quibus Epiphanius hæres. 64. *Messalinorum* apud Theodoretum, lib. 4. de fabul. Hæret. aliorumque tempore S. Gregorij Magni docentium: per Baptismum non tolli peccata, sed tegi: quam vos hæresin ab inferis resuscitatis, qui nos ad tam insulsam Ecclesiæ vestræ doctrinam invitatis. Ut hic omittam cæteros Lutheri errores, non minus absurdos, dum docet: *I. Homines Baptismo fieri impeccabiles, nec posse damnari, etiamsi velint, nisi nolint credere. II. Baptismo liberari hominem ab obedientia divinæ legis. III. Baptismo exsolvi homines ab humanarum legum observatione. IV. Baptismo absolvi homines ab omnibus votis. V. Solâ memoriâ Baptismi justificari à peccatis, quæ post Baptismum committuntur.* Quas hæreses vestras, aliasque idcirco ordine damnavit Concilium Tridentinum sess. 7. Nec minus refellunt Catholici tot scriptis & libris.

I V. Requiritur à vobis, & à te cumprimis, tanquam novo vestræ Ecclesiæ Doctore, necessitatem Baptismi ad salutem: Nam tua doctrina est intrallatu de justificatione: *Infantes Christianorum sine Baptismo moruos, posse salvari, si casu aliquo necessuatis, à Baptismo excludantur, aut in utero materno extinguantur.* Hoc falso tuo dogmatè primùm accedis Pelagianis, qui docebant: Baptismum non esse necessarium ad remissionem peccati originalis, tamen si ad ingressum regni cælorum requiri dicerent. Eundem errorem defendit Vincentius Victor, contra quem scripsit S. Augustinus libros de anima. *Sed nostri hæretici, inquit Bellarminus. multo audaciores, docent: ne quidem necessarium esse ad regnum cælorum.*

HHH 2

Quod



Quod primò docuit *Wiclef*, deinde *Zwinglius*, & *Bullingerus* ejus successor, sacramentarium antesignani; post illos *Calvinus* lib. 4. Instit. cap. 16. *Bucerus* in cap. 3. *Matth. Petrus Martyr* in cap. 70. ad Corinth. 1. Ita verò ex antiquis hæresibus procudere vobis novas semper placuit multo absurdiores, quàm Catholicæ doctrinæ in hæzere; quando jam dudum id definitum est in Concil. Carthag. & Milevitano, teste *Augustino* Epist. 90. & 91: *Omnibus infantibus Baptismum esse necessarium ad salutem, excepto casu Martyrij*: uti id ipsum etiam in Concilio Tridentino sess. 7. cap. 5. decisum est. Quod primò clarum est ex Verbo Dei expresso *Joan. 3: Nisi quis renatus fuerit ex aqua & Spiritu sancto, non potest intrare in regnum Dei*. Quod Scripturæ pronuntiatum cum universalsissimum sit, neminem, ac ne infantem quidem excludit. Neque privati hominis est, sed Ecclesiæ, Scripturam & Spiritus sancti mentem explicare. Id deinde constat ex Verbo Tradito, & perpetuâ Ecclesiæ traditione, ex Concilijs, ex Pontificum, & Patrum consensu, de quibus *Belarminus* lib. 1. de Bapt. c. 4. *Suarez* disput. 77. Sect. 1. *Vasquez* disput. 149. cap. 1. cæterique Theologi: quos si consulas, reperies esse de necessitate medij, quâ omnes obligentur, siue scientes sint, siue ignorantes; siue potentes, siue impotentes: Secus est de necessitate præcepti, ut ex iisdem discas. Patres qui hoc docent, magno numero adsumunt, *Irenæus* lib. 3. c. 19, *Origenes* in cap. 6. ad Rom. *Naxianzenus* orat. in S. Lavacrum, *Basilis* orat. 13. de exhort. Baptismi; *Cyprianus* lib. 3. Epist. 8. *Ambrosius* lib. 2. de Abrahamo cap. ult. *Augustinus* lib. 1. de origine animæ cap. 12. & Lib. 3. c. 9. Epist. 28. *Prosper* lib. 2. de vocat. gent. cap. 8. *Fulgentius* lib. de fide cap. 30. *Bernardus* serm. 66. in Cant. Et quàm planè *Augustinus* supra citatus l. 3. de orig. animæ cap. 9: *Quisquis dixerit, quod in Christo etiam vivificabuntur parvuli, qui sine Sacramento ejus participatione de vita exeunt, hic p. effecto & totam contemnat Ecclesiam; ubi propterea cum baptizandis parvulis festinatur & curritur, quia sine dubio creditur, aliter eos in Christo omnino vivificari non posse*. Vides, ut *S. Augustinus* se revocet ad traditionem & judicium totius Ecclesiæ, quæ tùm a vo illo fuit de Baptismo infantum. Non jam moramur, quid *Calvinus*, quid *Zwinglius*; quid ex tua secta *Mentzerus*, & nonnulli novitatum amantes dicant. Ecclesiæ hoc est judicare ex Scriptura, Concilijs, & Patribus. Argumenta quæ adfers, ex *Calvini* pharetrâ sunt, & centies explosa. Dicis,

præter

præter Baptismum *fluminis*, etiam esse Baptismum *flaminis*, & *sanguinis*, quo salventur homines. Ita est: sed de his constat ex Scriptura & Patribus. Deinde, hi non nisi Baptismi metaphoricè sunt, & per analogiam, quia veri Baptismi, qui unicus est, absentiam suppleunt; eundemque, quem ille, conferunt effectum gratiæ. De Baptismo *Sanguinis* per *martyrium*, constat tum ex Scripturâ Matth. 10: *Qui perdidit animam suam propter me, inveniet eam*, tum ex SS. Patribus. De Baptismo *Flaminis*, per veram cordis conversionem, quæ includat contritionem, & charitatem, ac simul etiam desiderium, seu votum Baptismi, constat similiter ex Scriptura, Ezech. 18: *Si impius egerit penitentiam à peccatis suis, iniquitatum ejus non recordabor amplius*; tum vel maxime ex SS. Patribus; Ambrosio de obitu Valentiani Jun. Augustino lib. 4. de Baptism. c. 22. Bernardo Epist. 77. alijsque. Demum ex Con. Trident. sess. 6. c. 4. Uti Luc. 3. & Marc. 1. appellatur *Baptismus penitentia*. Qua de re Bellarm. lib. 1. de Baptismo cap. 6. & passim Theologi. De quarto verò modo, quem tu hic addis, nullus Scripturæ locus, nulla Traditio, nullus SS. Patrum consensus est: sive eum per fidem parentum fieri velis, sive per extraordinariam Dei dispositionem. Quicquid tandem Cajetanus, & Gerson temerè opinati, rejecti que à cæteris Ecclesiæ Catholicæ Doctõribus. Tam liberè nobis fidei dogmata, quàm Philosophorum placita obtruditis: sive illud Ecclesia vestra approbet, sive non. Neque etiam tu pro hoc dogmate tuo vel Augustanam Confessionem, vel Apologiam, vel ullum concilabulum, vel denique consensum doctorum sectæ tuæ profers. Quilibet Prædicans, qui supra vulgus Prædicantem se sapere credit, inter vos liberrimus est scriptor, doctor, & dictator. Labbadaurum ob novitatem doctrinæ eiecistis, & novas quotidie ipsi supra veteres hæreses invenitis, propiusque semper ad Zwingianos & Calvinistas acceditis, tanquam expulsi semel, vagantesq; spiritus illi Luc. 11. & Matth. 12. *ambulant per arida, & inaquosa loca, & nullibi requiem inveniunt*. Quocunque ita sum & deorsum vertatis omnia, nulla usquam aut uspiam requies erit, & finis novitatum inter vos, nisi ad antiquam & veram Ecclesiam Catholicam redeatis, quæ *columna est, & firmamentum veritatis*.

V. Requiritur à vobis veteres Baptismi caerimonias, quas ab ipso Apostolorum ævo, universa servat Ecclesia: quales ante Baptismum

HHH 3

sunt

sunt *Abrenuntiatio satanae*, *Fidei promissio*, (quam adulti per se, & *suscipientes* parvulorum nomine præstant; ) *signum Crucis* in fronte & pectore, *Exorcismus*, seu dæmonum adjuratio certis precibus facta, *gustus salis*; *tactus narium*, & *aurium cum saliva*, exemplo Christi sputo tangentis linguam & aures muti *Marci* 7. & oculos cæci nati *Joan.* 9. *Impositio manuum*, ac *benedictio Sacerdotis*, *Unctio* facta oleo sacro in pectore & scapulis. *Cærimonix* quæ Baptismum comitantur sunt: *Impositio nominis*, *susceptores* à quibus baptizati in fide instituuntur, *consecratio aquæ*, *trina immersio*. *Cærimonix* post Baptismum: *Unctio Chrismatis in vertice*; *Cereus accensus*, qui baptizato datur in signum fidei & gratiæ acceptæ; *Vestis candida*, quam ferre solebant baptizati à Sabbatho sancto ad Dominicam in Albis; quo ritu nunc Sacerdos tegit candido linteolo caput baptizati, dicendo: *Accipe vestem candidam* &c. Quàm verò hæ Baptismi cærimonix antiquæ sint, vel ex ipsâ Apostolicâ traditione, vel ex usu nascentis Ecclesiæ, eruditè per singula ostendit Bellarminus ex Concilijs, & Patribus, Baronijs, Valentia disp. 4. Suarez disp. 30. Vasquez disp. 166. aliique scriptores Catholicorum, neque hic prosequi necesse est.

Ad Carolum Magnum appellasti, hunc tibi & hic sistere par erit. Carolus igitur Capitularium lib. I. c. 7: *Episcopi diligenter discutiant per suas parochias, id est diœceses, Presbyterorum fidem, Baptisma Catholicum, & Missarum celebrationes.* Baptisma verò Catholicum est, quod non solum materiâ & formâ constat, sed Catholicis cærimonijs integrum est. Quare in Concilio Moguntino can. 4. Patres decernunt: *Sacramenta Baptismatis, volumus, ut sicut sancta vestra, (scilicet Caroli Magni) fuit admonitio, ita concorditer & uniformiter in singulis parochijs, secundum Romanum ordinem inter nos celebrentur, jugiterque conserventur.* Idem præscribitur ex Aquisgranensi Synodo, in Constitutionibus Caroli Magni, *Ritu* verò & ordine *Romano* continentur cærimonix superâ recitatæ, ut veteres ritualium libri commonstrant. Explicatè hos Baptismi ritus habes in Epistola Caroli ad Albinum, aut quilibet auctor ille est eorum temporum. Deinde Capitularium libro 6. c. 190: *Placuit, ut fideles intelligant patrum: quodcum Deo in Baptismate fecerunt: Quid sit abrenuntiare diaboli operibus & pompis ejus, & omnibus operibus ejus.* Eò spectant, quæ passim lingua Theotisca per catechesin tradebantur bapti-



baptizandis, quæque in *Liptinensi* concilio legas, ex quo & Carolus Magnus hæc inter Capitularia sua retulit. Nam priusquam ad Baptismum admitterentur ex gentilissimo Saxones, jubebantur *orationem Dominicam*, & fidei *Symbolum* & abrenuntiationem diaboli ediscere, ut in Baptismo interrogati, patriâ linguâ respondere possent. Qui mos etiamnum obtinet apud Germanos, & Saxones.

Cæterum ipsum Baptismum à Sacerdote Latinâ linguâ administratum esse constat ex rudi Sacerdote, qui Grammaticæ non satis peritus, fractis verbis baptizarat: *In nomine Patriæ, & filia, & Spiritu sancta.* Quem Baptismum cum D. Bonifacius iterare vellet, consulto tamen prius Zacharia Pontifice, Baptismum validum pronuntiavit, nec iterandum; ut habetur tom. 17. Concil. Paris. ex epistola Zachariæ ad Bonifacium, & apud Gratianum de consecrat. dist. 14. c. *Reverunt nuntij.* Non verò ob id præcepit Pontifex, ut Germanicâ linguâ Baptismum administraretur. Hinc & Carolus Magnus lib. 6. Capitularium c. 81: *De quibus dubium est, utrum sint baptizati, an non? omnimodis absque ullo scrupulo baptizentur.* His tamen verbis præmissis: *Non te rebaptizo, sed si nondum baptizatus es; Baptizo te in nomine Patris, & Filij, & Spiritus sancti.* Nec aliâ linguâ quam Latinâ omnia Sacramenta sunt peracta, tempore Caroli Magni per Saxoniam & universam Germaniam, quæ tandem Lutherus primum, ut cætera omnia, immutavit, pervertitque. Ubi enim signum Crucis? ubi exorcismus? ubi impositio manuum? ubi unctio sacri olei in pectore & scapulis? ubi Chrisma, quo in vertice ununtur baptizati? ubi cæteræ preces & cærimonix? tantum abest, ut sacrum oleum & chrisma conficiatis, quo inuncti Christiani dicimur, ut ne aquam quidem consecrare possitis.

Quamquam non omnes cærimonix Baptismi ita abrogatæ apud vos, quin ex ijs retinueritis *impositionem nominis, susceptores ac sponsores, recitationem Symboli*, & alibi etiam *abrenuntiationem diaboli*, trinam immersionem, seu effusionem aquæ super caput; tametsi jam in aliquibus Saxonix locis invaluerit, ut in dorso baptizentur pueri. Hic denuò requirunt Catholici à vobis: quo principio religionis vestræ hæc cærimonix retineatis? quas neque ex Scriptura, neque Apostolorum exemplo probare potestis, quò tamen omnia revocari vultis. Interim nihil frequentius in Augustanâ confessione, & Apologia legas, quam *damnarî traditionem*.

*traditiones humanas*; quales certè hæc cærimonix sunt, quâs aut Apostoli, aut Ecclesia, pro suâ potestate à Christo & Apostolis accepta, ad majorem solemnitatem, & reverentiam Sacramenti, & ad populi etiam instructionem instituit; ut per visibilia signa, abdita mysteria, effectuque Sacramentorum doceantur: quæ & Carolus Magnus ob id *ex adducto cap. 190. lib. 6. Capitul.* populo explicari voluit.

Nunc quid carpas in Catholicis, audiamus. I. Non probas antiquum ritum, quo olim in Ecclesia, festo Paschatis & Pentecostes, solemniter Baptismus agebatur, quod id à Siricio Papa, & Leone M. introductum dicas: ( addere poteris *Gelasium Papam* Epist. 1. c. 12, *Cyrillum* in catechesibus, *Hieronymum* ad Pammachium, *Augustinum* lib. de cura pro mort. c. 12: *Venit Pascha, dedit nomen inter alios competentes* ) non tamen ob id, si necessitas posceret, extra illud tempus vetitum erat baptizare: quod vel ex Carolo Magno discere poteris, qui licet hanc consuetudinem probaret, servarique voluerit; non tamen exclusit alia tempora necessitatis. Ita enim lib. 5. Capitularium cap. 104: *Baptismus non fiat nisi statutis temporibus, id est Pascha & Pentecoste, nisi infirmitas intercesserit.* Et c. 11. *ut non baptizetur nisi in vicis publicis.* Idem præscribit lib. 6. c. 178. etiam in infantibus servandum; Et c. 185. addit: *nisi infirmitas occupaverit.* Solemnis enim Baptismus ad venerationem hujus Sacramenti ab Ecclesia ordinatus erat. Quare solemniter huic Baptismo Carolus Magnus pridie Paschatis Romæ interesse voluit, cum Hadrianus Pontifex Baptismatis Sacramentum celebraret, uti Anastasius in vita Hadriani PP. refert: ac secundo adventu, Romæ Pipinum filium in Paschate baptizari voluit. Verum hic solemniter erat Baptismus in epistola Caroli Magni ad Albinum magnificè descriptus. Inde manet hodie in Ecclesia ritus consecrandi Fontes baptismales, pridie Paschæ & Pentecostes, qui dum apud vos cum cæteris exolevit. Interim Tertullianus lib. de Baptismo c. 19: *Diem solemniorum Baptismo præstare; ceterum omnis dies Domini, omnis hora, omne tempus habile Baptismo.* Idem Cyprianus docuit teste Augustino Epist. 28. ad Hieronymum, consultus an ad modum circumcisionis octavus dies expectandus esset? Respondit: *Animam pueri non esse perdendam, sed ante etiam baptizari posse.* ita censuit cum Episcopis. Itaque Baptismus solemniter, quo *catechumeni*, & adulti cum primis post instructionem baptizabantur, non excludit Baptismos aliorum tempo-

temporum, incremente nimirum fidelium multitudine. Quam ob causam multa sæpe fuerunt mutanda in Ecclesia: Quemadmodum Basilii, Nazianzenus, Nyssen, alijque Patres dilatum Baptismum magnopere reprehendunt in suis orationibus apud Baron. ad an. Christi 377. Quare in Concilio Moguntino can. 4. ubi Baptismus hic solemniter commendatur, addit: *Non interdicta licentia, quâ in Baptismo tribuendo, quolibet tempore periculantis subvenitur.* Et Siricius: *Si in qualibet necessitate opus fuerit sacri undâ Baptismatis, omni volumus celeritate succurri.*

Alterâ parte, de subjecto Baptismi, Nifanius ad plebeias calumnias deflectit: *Catholici, inquit, non solum homines, sed & campanas suas baptizant.* Non te pudet ejus calumniæ & mendaciij? quasi Catholici nescirent subjectum Baptismi, sicut & aliorum Sacramentorû, esse solum hominem gratiæ capacem. Aut quis Sacerdos formâ Baptismi ulli alij creaturæ unquam, quàm hominî adhibuit? quæ obfretrix etiam aliter Baptismum administrat, quàm infanti? Rationem dant Theologi, quòd ad solos homines institutio Christi sit directâ. Hæc tu scis docere, & facere Catholicos: & tamen contra mentem palam scribere, & declamare apud plebem non desinis; tanquam ad hoc *Licentiam Theologia* creatus sis, ut licentiam habeas calumniandi. *Hec ubi tu si hæc diceret, aut tutor aliquis Lutheranus, rideretur.* Legatione fungimur pro Christo, quotquot ministri Christi sumus; nisi tu legatus esse mavis, qui mentendi causa pro republica tua sis missus. Sed audiamus, quomodo probes: *Pontificale, inquit, Romanum hæc profitetur.* Tunc *Episcopus es Bisfeldiensis*, & non legisti Pontificale, seu librum rituum? Ego nullam baptismi mentionem invenio, in toto hoc actu benedictionis campanarum. *At, inquit, sal, & aqua exorcizatur, ad expellendum ex campana demonem, ut pravorum spirituum depellat nequitiam.* Ecce, quàm stupidus es Episcopus! Hæc aqua est benedictio, non campanæ: quæ fit etiam in consecratione altaris, & templi, ut aquâ benedictâ aspergi possint. Forma benedictionis campanæ hæc est: *Sanctificetur, & consecretur signum istud, in nomine Patris, & Filij, & Spiritus sancti, in honorem sancti N.* Simili ritu quàm multa benedicuntur in Ecclesia?

Pergis, & opponis hæc verba, ex Ordine, & Pontificali libro: *Post intinctum aquâ tintinnabulum, petitur, ut elementum aquæ mysterialiter Baptismo commodum, sancti Spiritus sui sanctitate reddatur.* Ubi hæc verba

in Pontificali Romano legisti? Et si alibi legisti similia, scito, spectare hæc ad benedictionem aquæ; quæ ut Baptismi mysterio subservit, ita aliarum etiam rerum benedictioni. Et quid hosce metaphoricos loquendi modos scrutaris? cum in Scriptura habeas: *Quid facient, qui baptizantur pro mortuis?* 1. Cor. 15.

Pergis, & dicis: nomina sanctorum imponuntur campanæ, & Patrini adhibentur. & nomina imponuntur, ut sub ejus patrocinio populus ad Ecclesiam vocetur; ita etiam castellis, navibus, alijsque nomina SS. imponuntur, ad patrocinium sancti alicujus. Patrini subinde deliguntur pro sumptibus æris campani, idque ab egenâ plebe sit, quæ id nomen per abusum dat. Sed nullus Episcopus hosce ritus benedictioni, ubi impensæ suppetunt, adhibet. Ex his alijsque, ut Bellarminus advertit, vulgus tantum imperitum campanarum benedictionem, baptismum vocare: sicut vulgus vos *Sacerdotes*, & *Prædicantes* appellat, quales tamen vos nec esse, nec dici vultis. Imò, inquis, campanæ unguuntur oleo sacro. Ita est. etiam altaria, calices, & templorum parietes, oleo sacro unguuntur, ut res Deo consecratæ, & ad cultum divinum deputatæ intelligantur; ne quis profanare audeat, quod ut antè omnes pagani, & Turcæ, ita hæretici faciunt, maledicâ hac vestrâ doctrinâ provocati. Scribis, Bellarminum queri de hoc injuria, quòd baptismus campanarum nobis adscribatur. Ita est: sed non immeritò queritur Bellarminus, & refutat lib. 4. de Pontif. c. 12. Sed opponis illi Danhauerum vestrum, qui id probat. & Danhauerus tantus est mendax, quantus tu es, & Magdeburgenses, qui id Cent. 10. c. 6. scribere primum & mentiri sunt ausi. Quàm antiquus sit usus campanarum, & quàm hic ritus non minus, quàm panis, olei, cerei Paschalis, aliarumque rerum, in Ecclesia sit laudabilis & utilis, leges apud Suarez lib. 2. in defens. fidei Cath. c. 16. ubi hanc quæstionem pertractat. Et quid reprehensionis invenis in illis benedictionibus? cum D. Paulus 1. ad Timoth. dicat: *Creaturam omnem Verbo Dei, & oratione sanctificari?*

Postremum Caroli Magni legem adfers ex Constitutionibus ejus, quæ sic habet: *Clocas non baptizent.* Recitemus integrè ex Capitulari Aquisgranensi, quod est in tomis Conciliorum. *Clocas, id est campanæ, non baptizentur, nec charta per pericas pendeant propter grandinem.* Non istic Carolus campanarum benedictionem prohibet, sed abusum & superstitio-

perditionem, ut ex adjunctis patet. Multa ejusmodi vel ex paganorum ritibus, vel per populi inscitiam irrepserunt, quæ passim Carolus verat: ut constat ex indiculo superstitionum, & Capitularium libris. Cæterum, ut Carolus Magnus voluerit ab Episcopis altaria, vestimenta sacerdotalia, & omnia quæ ad usum Basilicæ spectant consecrari, relatum est suprà ex lib. 7. Capitularium c. 338. Quæ omnia à vobis Lutheranis inter superstitionis ritus damnantur, tanto jam vos Carolo Magno & omnibus Concilijs, & Patribus antiquis sapientiores. Omisissis in hanc rem testimonijs, quæ ab alijs producantur, unum Augustinum audiamus; ut vel ex his caerimonijs aperte constet, quanta in omnibus etiam ritibus Catholicæ Ecclesiæ nostra consensus sit cum antiquâ Ecclesiâ, quæ à tempore S. Augustini toto orbe terrarum diffusa, hisce ritibus baptizavit, nec aliunde has caerimonias accepit, quàm ex Apostolicâ traditione.

## CAERIMONIAE BAPTISMI,

*Ex D. Augustino demonstrata.*

### De signo Crucis, quo aqua Baptismatis consecratur.

*Per mare transitus Baptismus est, sed quia Baptismus, id est salutis aqua, non est salutis, nisi Christi nomine consecrata, qui pro nobis sanguinem fudit, cruce ipsius aqua signatur.* Hom. 27. c. 1. tom. 10. Lib. 4. 50. Hom. Crucis mysterio; rudes catechizantur; eodem mysterio fons regenerationis consecratur. Serm. 19. de Sanctis. Signo crucis consecratur unda Baptismatis, ut eâ diluatur reatus, tanquam in chirographo scripius. lib. 6. contra Pelag. c. 8. Ecclesia Baptismo, & passionis Christi signaculo liberatur. q. 51. tom. 4. 65. quæst.

## EXORCISMUS,

*et exsufflatio Baptizandorum.*

*Illud etiam, quod circa baptizandos in universo mundo sancta Ecclesia uniformiter agit, non otioso contemplamur intuitu: Cum sive parvuli, sive*

juvenes, ad regenerationis veniunt Sacramentum, non prius fontem vitam adeant, quam exorcismis, & sufflationibus Clericorum, spiritus ab eis immundus abigatur; ut tum verè appareat, quando Princeps hujus mundi mittatur foras. lib. de dogm. Ecclesiast. c. 31. *Parvuli propterea catechizantur, & exsufflantur, ac baptizantur, ut Princeps hujus mundi foras mittatur. Verum opinor, quod eis Baptismo vestro baptizandis minimè exsuffletis, ne non imagini Dei, sed diaboli faciatis injuriam.* tom. 7. Hypog. lib. 5. circa finem. *Accusat Ecclesiam toto orbe diffusam, in qua ubique omnes baptizandi infantiuli, non ob aliud exsufflantur, nisi ut in eis Princeps mundi mittatur foras, à quo necesse est vasa iræ possideantur, cum ex Adamo nascuntur, si in Christo non renascantur. Contra istam fundatissimam veniens veritatem, ne universam Christi Ecclesiam oppugnare videatur, quasi me unum alloquitur.* lib. 2. de nuptijs & concup. c. 17. & 18. *In veritate, non falsitate, potestas diabolica exorcizatur in parvulis; eique renuntiant; quia per suam non possunt, per corda, & oragstantum id faciunt.* lib. 1. de nuptijs & concup. c. 20. *Verum est, quod antiquitus veraci fide Catholica predicatur, & creditur per Ecclesiam totam, qua filios fidelium nec exorcizaret, nec exsufflaret, si non eos de potestate tenebrarum & à principe mortis erueret.* Lib. 6. contra Pelag. c. 2. Eadem habet Epist. 105. ad S. Sixtum contra Manichæos & Pelagianos, quos Lutherani sequi inavolunt, quam totam Ecclesiam Catholicam, ad quam B. Augustinus provocat.

### *Oleo sacro, et Chrismate baptizati inuncti, tempore S. Augustini.*

Omnes qui ad salutarem Baptismum consequendum Ecclesia offeruntur, & Chrisma & oleum benedictionis accipiunt, ut jam non vasa vacua, sed Deo plena, & templum Dei esse mereantur. Serm. 206. de temp. *Ad omnes Christianos pertinet Unctio, prioribus temporibus autem veteris Testamenti ad duas solum personas pertinebat.* tract. 44. in Joan. Id quod pluribus explicat I. b. de vita Christiana c. 1. docetque in veteri lege Sacerdotes, & Reges inungi solitos; in Christi verò lege omnes Christianos inungi solitos. Inde subjungit: *Ex Sacramento unctionis hujus, & Chri-*  
sti, &

*sti & Christianorum omnium, idest, in Christo credentium, vocabulum descendit & nomen. Eadem repet. lib. c.40. qq. Evang. Demum Benedicimus fontem Baptismatis oleo Unctionis: huic accedit, quod ter oleo inungimus, quos baptizamus. Quæ Augustini nomine citantur in decret. dist. 11. Can. Ecclesiast. ex dictis Basilij.*

### *Abrenuntiatio satanæ.*

*Ex quâ re nobis factus est adversarius diabolus, nisi ex hac, quia renuntiavimus diabolo, pompis & Angelis ejus? Lib.1. de Symb. c.1. Ubi multis exponit hanc renuntiationem diaboli. Uti & lib.3. c.1. & concione contra Judæos & Paganos, catechumenos alloquens: Expectatur dies judicii, & præsto erit adversarius diabolus: recitabuntur verba professionis nostræ. Serm.10. de tempore susceptores baptizatorum alloquens: Agnosceant se, inquit, fidejussores esse ipsorum, pro ipsis enim respondent, quod abrenuntient diabolo, pompis, & operibus ejus.*

### *Trinamersio in Baptismo.*

*Quando in salutari lavacro tertio Christiani merguntur, tunc Aegyptij, idest originalia peccata, vel actualia crimina quasi in rubro mari sepeliuntur. tom. 10. de temp. serm.91: Postquam credere promissistis, tertio capita vestra in sacro fonte demersimus: rectè enim tertio mersi estis, quia accepistis Baptismum in nomine sanctæ Trinitatis. ex hom. S. Aug.4. de Consecr. dist.4. Can.76. Eadem legis serm.201. de tempore.*

*Hæc paucis de carimonijs Baptismi ex Augustino, quas vos Lutherani primum abrogastis, & abjecistis. Tuum nunc tibi Lutherum, ex ordine D. Augustini profugum Monachum, cum Manichæis & Pelagianis relinquimus. Nobis cum Augustino, & fundatissima Catholica Ecclesia (ad quam Augustinus pro carimonijs provocat) stare, & sentire placet. Illa pia nobis mater est, quæ nos per Baptismum regeneravit in Christo, unctosque Chrismate, nomen Christiani hominis ab utero materno profiteri docuit,*



## C A P V T VI.

## De Sacramento Confirmationis.

**A**lterum hoc Sacramentum est, quod Catholici ex fide Christianæ religionis profitentur cum Concilio Tridentino sess. 7. can. 1. ( quantumvis oblucentur Novatores ) ac primum manifestè asserunt ex Scriptura. Etenim ritus & signum sensibile , nempe *manuum impositio*, Act. 8. v. 17. *Imponebant manus super eos*, conjunctâ oratione. v. 15. *Oraverunt pro ipsis*, cum unctione Chrismatis & signo crucis, ut habemus ex Apostolicâ traditione. Confert deinde infallibiliter gratiam Spiritus sancti, ut v. 16. dicitur, *Nondum enim in quinquam illorum venerat Spiritus sanctus, sed baptizati tantum erant in nomine Domini Jesu*. Tunc imponebant manus super illos, & accipiebant Spiritum sanctum. Similiter Act. 19. rogati discipuli quidam Christi: *Si Spiritum sanctum accepistis credentes?* Cumque dicerent, se Joannis Baptismo esse baptizatos, eo cognito, respondit Paulus, cum tantum fuisse Baptismum pœnitentiæ, ut in Christum venturum crederent. *His auditis baptizati sunt in nomine Domini Jesu*, & cum imposuisset illis manus Paulus, venit Spiritus sanctus super eos, & loquebantur linguis, & prophetabant, celebrando Dei laudes; qui tum temporis effectus & indicia externa etiam, præsentis Spiritus sancti per Confirmationem collati, frequentia erant.

Quâ in re observandum, etsi *manus impositio* tantum memoretur, *unctio* tamen *Chrismatis* cum signo Crucis conjuncta erat: simul enim dum manus imponebantur, signum Crucis Chrismate formabatur in fronte confirmandorum, idque ministerio manus Episcopalis. Atque id quàm necessarium simul fuerit, ostenditur Act. 8. v. 14. ex eo, quod primarij Apostoli *Petrus & Joannes*, tantum laboris & itineris susceperint, ut Ierosolymis irent Samariam, ad *Spiritum sanctum*, hoc ritu *Confirmationis*,

tionis, Samaritanis imperticendum, quos *Philippus Diaconus* baptizaverat; poterant enim aliàs orare pro iplis Ierofolymæ manentes.

Porro materiam, quam ex Traditione & Patribus constat fuisse Unctionem oleo in fronte factam in modum Crucis, deducit *S. Ambrosius, Anselmus, Theodoretus* ex 2. Corinth. 1. v. 21: *Qui autem confirmat nos vobiscum in Christo, & qui unxit nos Deus: qui & signavit nos, & dedit pignus Spiritus in cordibus nostris.* *Cyrillus* præterea & *Augustinus* ex 1. Joan. 2. v. 27: *Unctio quam accepistis ab eo, maneat in vobis.* Mandatum enim etſi expreſſè non addatur, evidenter tamen colligitur ex citatis locis. Nunquam enim Apostoli tam confidenter, & ordinariè imposuissent manus ad gratiam Spiritus S. communicandam, nisi id Christus præcepisset: cum scirent, non posse ullum hominem instituere cærimoniã, ad quam infallibiliter Spiritus sancti gratia sequeretur. Ex his ergo conficitur, Confirmationem esse Sacramentum: Est enim ritus externus, qui habet mandatum, & promissionem gratiæ ex institutione Christi, ut Sacramentum in genere definit etiam *Apologia Augultanæ* confessionis.

II. Asſeritur testimonijs Pontificum, ex primis post Christum sæculis. *Clemens Rom.* in Epist. 4: *Omniſibus feſtinandum eſt ſine mora renasci, & demum conſignari ab Episcopo, & ſeptiformem Spiritus S. gratiam recipere.* hîc Confirmationem conjungit Baptiſmo. *S. Urbanus* Epist. decretali: *Omnes fideles per manus impositionem Episcoporum, Spiritum S. poſt Baptiſmum accipere debent, ut pleni Chriſtiani inveniantur.* *Cornelius* Papa & Martyr, Epist. ad *Fabianum* Antiochenum, apud *Euseb.* lib. 6. c. 33: *Non fuit ſignaculo Chriſmatis conſummatus, unde nec Spiritum S. potuit promereri.* *Melchades* Papa & Martyr, ab Hiſpaniæ Episcopis rogatus, utrumne majus eſſet Sacramentum, Baptiſmus, an Confirmatio? reſpondit his verbis: *Sciote utrumque magnum eſſe Sacramentum.* Atque in uno majus eſſe Baptiſmo, quòd non niſi à ſummis Sacerdotibus, id eſt, Episcopis conferatur. *Eusebius* Papa in Epist. 3: *Manus, inquit, impositionis Sacramentum magnâ veneratione tenendum eſt, quod ab alijs perfici non poteſt, niſi à ſummis Sacerdotibus:* id ex actis Apoſtolorum oſtendit. Vixit autem *Eusebius* Papa temporibus *Constantini Magni* tom. 1. *Concil. Pariſenſum.* Hiſ accedit *S. Leo* Papa Epist. 86. *Damaſus* Epistol. 4. *Innocentius* I. Epist. ad *Decentium* c. 3.

III. Aſſe-

III. Aſſeritur testimonijs aliorum Patrum, *Dionysius, Arcopagita* lib. de Eccl. Hierarch. c. 2. parte 2. & c. 4. v. 3: *Qui ſacratiffimo regenerationis myſterio conſecrantur, adventum Spiritus S. conſummans unguentis inunctio elargitur.* *Iuſtinus* q. 137. ſcribit: *Peractis myſterijs Baptiſmi conſignari fideles ſacro unguento.* Eadem habet *Origenes* Hom. 8. in Levit. & hom. 9. *Cyrillus* in Myſtagogis catecheſibus ſcribit de tribus Sacramentis; Baptiſmo, Confirmatione & Euchariftia; quæ neophyti eodem die percipere ſoliti. Eadem legis apud *Nazianzenum* orat. in S. Lavacrum; *Theodoretum*, comment. in c. 1. cantic. *Amphilochius* in vita S. Baſilij inquit: *Baptizavit Maximinus Episcopus Baſilium, & veſtavit veſtibus albis, atque ungens oleo chriſmatis, tradidit eis vivificam communionem.* *Cyprianus* lib. 5. Epist. ult. *Ungi quoque neceſſe eſt eum, qui baptizatus ſit, ne accepto Chriſmate eſſe unctus Dei, & gratiam habere in ſe Chriſti poſſit.* Et lib. 2. Epist. 1. *Tunc dum plenè ſanctificari & eſſe filij Dei poſſunt, ſi Sacramento utroque naſcantur.* *Eusebius Emiſſenus* in ſerm. de Pentecoſte: *Spiritus ſanctus, qui ſuper aquas Baptiſmi deſcendit, in fonte plenitudinem tribuit ad innocentiam, in Confirmatione augmentum præſtat ad gratiam.* *Pacianus* lib. de Baptiſmo: *Lavacro purgantur peccata, Chriſmate Spiritus ſanctus ſuperinfunditur.* *Auguſtinus* libro 2. contra Petilianum c. 104: *Sacramentum Chriſmatis in genere viſibilium ſignorum ſacroſanctum, ſicut ipſe Baptiſmus.* Et paulò poſt: *Viſibile & ſanctum Sacramentum* appellat. Lib. 15. de Trinit. c. 26. Apoſtolorum exemplum confirmat, adducendo testimonium ex c. 8. Act. Apoſt. ex quo & Catholici aſſerunt tom. 4. quæſt. 42: *Ante aſcenſum Dominus formam diſcipulis dedit, quomodo accipere deberent baptizati Spiritum ſanctum, quod nunc ab Episcopis cuſtoditur.* Et paulò poſt: *Non pertinet ad omnes credentes, ſed Episcopos tantum, ut baptizatis per manus impoſitionem dent Spiritum ſanctum.* Longum cætera loca adducere.

IV. Aſſeritur ex Concilijs: *Elibertino* c. 38. *Arelatenſi I.* can. 8. ſub Sylveſtro Papa celebrato, *Arelatenſi II.* ſub eodem Papa can. 17. Utrouque hoc Concilio, jubetur Baptiſmus non repeti in hæreticis, ſi legitime baptizati cognoscantur; ſed tantum per manus impoſitionem & Chriſma recipi in Eccleſiam. ) *Laodiceno* can. 7. jubentur Novatiani eodem modo recipi in Eccleſiam. Quare talia ſunt, qui Confirmationem ex *Meldenſi* concilio primùm deducunt, cum hæc Concilia ante illud celebrata ſint.

Demum

Demum Traditione monstratur, quæ tum ex Concilijs, & Patribus; tum ex praxi Ecclesiæ, & tot sæculorum usu evidens est. Quapropter Hieronymus in dialogo contra Luciferianos, qui hujus Sacramenti veritatem poscebant, respondit: *Exigis, ubi scriptum sit? In Actibus Apostolorum. Sed etiamsi Scriptura auctoritas non subesset, totius orbis in hanc partem consensus, instar precepti obtineret.*

Vides jam Nifani, quàm falsò septenarium Sacramentorum numerum inter errores Pontificios & Catholicorum reponas, quos constat hoc Sacramentum secundo loco numerare, eò, quòd post Baptismum olim dari consueverit. Sed quare ad Carolum Magnum hîc non provocasti? Vidisti opinor, Carolum Magnum ex hujus Sacramenti professione Catholicum esse, seu *Papistam*, ut nos soles appellare; aut certè non legisti Monumenta Caroli Magni, quare necesse est, ut ego tibi sistam.

### *Confirmationis Sacramentum à Carolo Magno creditum, assertumque.*

Ordiamur à Pipino Rege, ac Patre Caroli Magni, ejusque patruo Carolomanno religiosissimo Principe, quorum auctoritate, consilio, & ope, D. Bonifacius collapsam Ecclesiæ disciplinam per Germaniam instauravit. I. Igitur Confirmationis Sacramentum discis ex Epistola 7. Gregorij III. Pontificis ad Bonifacium, quâ scribit, & commendat in hæc verba Confirmationem: *Qui in nomine Trinitatis baptizati sunt, oportet eos per manus impositionem, & sacri Chrismatis unctionem confirmari.* Quod & gnauiter prælitit D. Bonifacius. Hinc in Concilio Germanico Ratisbonæ vel Augultæ celebrato, Can. 3. inter cætera ab illo statutum: *Ut quandocunque jure Canonico Episcopus circumierit Parochiam ad confirmandos populos, Presbyter semper paratus sit ad suscipiendum Episcopum, cum collectione & adiutorio populi, qui ibi confirmari debet, & in Cæna Domini semper novum Chrisma accipiat ab Episcopo.* Idem Canon cum cæteris in Concilio Liptinenfi receptus, præsentem semper Carolomanno. Idem in statutis D. Bonifacij leges ex ejusdem Epistola 105. ad Cudbertum Archiepiscopum tom. 17. Concil. Parisiens. editionis regix: *Sta-*

K K K

tutum,

tuimus, ut singulis annis unusquisque Episcopus parochiam suam circumceat populum confirmare, & plebem docere, investigare, & prohibere paganas observationes, vel omnes spurcitas Gentilium. Quin ipse Bonifacius per omnem vitam tam sedulus fuit in hoc Sacramento administrando, ut pridie Martyrij convocarit populum Christianorum in Frisiâ, ad quem dum pro Confirmationis Sacramento administrando accederet, obrutus à barbaris, cum suis Sacerdotibus & Clericis occiditur, uti in vita ejus apud Othlonum, & Serrarium memoratur lib. 3. c. 26. *Dies, inquit Othlonus, appropinquabat, qui ad eandem Confirmationem statutus erat; cumque dies appropinquasset, omnes quasi filij à Patre expectabant ad accipiendam Spiritus S. gratiam* Jam ab ipso Carolo, quot statuta, & testimonia? Lib. 6. Capitularium cap. 83: *Omnes maximam curam habeant, ne sine Confirmatione Episcopi quis vitam finiat, animaue periclitetur.* Cap. 174. eodem libro: *Annuntient Presbyteri populis, ut quam citius poterint, suos infantulos ad confirmandum Episcopo presentare faciant.* Lib. 7. c. 299: *Præcipimus, ut ad accipiendum, per manus Pontificis impositionem, Spiritus sancti donum sollicitè, & devotè omnes concurrant, & Episcopo suo, quæ necessaria sunt, fideliter ministrent.* Lib. 7. cap. 93: *Statuimus, ut singulis annis unusquisque Episcopus parochiam suam sollicitè circumceat, populum confirmare, & plebes docere, & prohibere paganas observationes.* Quæ Carolus ex Concilio Ratisbonensi D. Bonitacij transumpsit. Idem cap. 109. repetitur. Lib. 4. Capitularium, in Additionibus Caroli, commendat Confirmationem cum chrismate. Omitto, quæ Carolus lib. 1. c. 99. & lijsque in locis toties præferibit Presbyteris, ut in cæna Domini oleum ab Episcopo consecratum procurent, & diligenter servant clausum. Lib. 7. c. 310: *Chrisma ab Episcopis petatur à Presbyteris, idque juxta Canones, & secundum morem Romanum, quòd in cæna Domini conficitur, Lib. 5. c. 80. Et in Concilio Moguntino Can. 27: Presbyteri sub sigillo custodiant chrisma, & nulli sub prætextu medicina donare presumant; quod si fecerint, honore priventur.* Quæ deinde lib. 5. c. 5. de Patrinis Confirmandorum; Quæ lib. 7. c. 319. ex Concilio Arelatenſi & Laodicensi suprà relatis decernit; ne videlicet hæretici rectè baptizati denuò baptizentur, sed tantummodò per manus impositionem ab Episcopo factam recipiantur in Ecclesiam; quod chrismatis unctione in Sacramento Confirmationis fieri debere docet Arelatenſe II. Concilium.

Demum

Demum in hanc rem nihil testatius, quàm quæ suprà de Chorepiscopis relata sunt: ijs enim, quòd veri Episcopi non erant consecrati, omnino tot legibus Carolinis prohibitum, ne *Chrisma conficiant, ne per impositionem manus Spiritum S. tradant, quod hac Pontificum & Episcoporum sint.* Lib. 7. Capitularium c. 310. & cap. 328: *Sed quæ Presbyterorum sunt tantummodo agant.* Lib. 7. c. 310: *Et si quam consecrationem aut Confirmationem fecerint, ab Episcopis canonicè reformentur.* Lib. 6. c. 284. causam hujus exponit Carolus ex priscis Pontificum & Patrum decretis lib. 7. cap. 318: *Quòd Chorepiscopi illi ex ordine LXX. discipulorum & Presbyterorum sint, ut sacri Canones testantur, quos nunquam Spiritum paracletum tradidisse novimus.* Accedit Epistola ad Albinum: *Baptizatus suscipiatur ab ipso, à quo suscipiendus est; si vero Episcopus adsit, statim confirmari eum oportet Chrysma.* Et mox: *Id enim solum Episcopis debetur, qui tradunt Spiritum paracletum baptizatis.*

Satis nunc vidisti, opinor, quæ Ecclesiæ Catholicæ, quæ SS. Patrum, quæ Caroli Magni sententia sit de Sacramento Confirmationis? Ac tamen si Carolus Sacramenti nomine non exprimat, rem tamen hujus Sacramenti ubique professus est, nec aliter quàm à Patribus & Ecclesia Catholica Sacramentum accepit, Sacramentum tradidit. Et verò si Confirmationem detrectas Sacramentum agnoscere; cur tam celebrem in Ecclesia ritum in Scriptura fundatum, & ab ipso Apostolorum ævo toto orbe Christiano frequentatum, & inde ad nos perductum abiecit is ex Ecclesia vestra? Saltem inter cærimonias vestras retinere oportebat, quarum multas nobiscum communes habetis. Sed causa in promptu est: Videbat nimirum Lutherus se Episcopum non esse, nec Ecclesiam suam Episcopos habere posse; idcirco omnia quæ ab Episcopis dependent munia, ac Sacramenta abiecit, omnium qui ante ipsum fuere audacissimus. Tamen si ex priscis hæreticis non defuerint, qui Chrisma, & Chrysmatis Unctionem abjicerent; à quâ tamen Unctione in Baptismo, & Confirmatione acceptâ, teste S. Augustino, cæterisque Patribus, *Christiani* etiam appellantur.

## CAPUT VII.

*De Eucharistia Sacramento, et Transsubstantiatione.*

**E**ucharistiam verè ac propriè Sacramentum esse Lutherani juxta ac Catholici profitentur. Habet enim ritus, Matth. 26. *Cœnæ ubi autem eis, accepit Jesus panem, & benedixit, ac fregit, deditque discipulis suis.* Qui ritus ab alijs quoque Evangelistis, & Apostolo 1. ad Cor. 11. describuntur. Habet & institutionem Christi & mandatū: *Hoc facite,* & Joan. 6: *Nisi manducaveritis &c.* Habet & promissionem gratiæ, Joan. 6: *Qui manducat hunc panem, vivet in æternum.* Duæ cum primis contra Sacramentum Eucharistiæ hoc sæculo sunt hæreses: Prima est, *Calvinistarum,* & *Zwinglianorum,* negantium verum Christi corpus esse præsens in Eucharistia; nec aliud in hoc Sacramento agnoscunt, quàm figuram corporis Christi, qui ob id *sacramentarii* dicuntur. Altera est *Lutheranorum;* docent illi quidem corpus Christi esse præsens in Eucharistia, in eoque ex parte cum Catholicis adversus *sacramentarios* conveniunt: verùm ex alterâ parte docent, unâ cum corpore Christi manere substantiam panis, & cum sanguine Christi substantiam vini, negando *transsubstantiationem.* Idèd *Impanista* passim vocantur. Hæc nunc illa controversia, quam hîc multis nobis movet & recoquit Nifanius. Ac tametsi fateatur, nihil se in Caroli Magni libris reperire, ex quo *Transsubstantiationem* oppugnet, id tamen multis conatur probare ex hæresis suæ dogmate.

I. Primus harum hæreseôn auctor *Berengarius,* notus in Ecclesia hæresiarcha, qui tres potissimùm hæreses docuit, quibus parens fuit præcipuarum hujus temporis sectarum, uti hæc *Guidmundus, Landfrancus, Algerus,* eorumque temporum scriptores, unâ cum Concilijs tradiderunt. I. Docuit, *parvulos non esse baptizandos.* Quo dogmate parens fuit Anabaptistarum. II. Docuit, *corpus Christi non esse verè præsens in Eucha-*



*Eucharistia, sed tantum ut res significata per signum, & figuram.* Quo dogmate, post iconomachos, aliosque, sacramentariorum parens fuit. Verum postea convictus erroris hujus, damnatusque in Concilio Romano, docuit post alteram palinodiam, *Corpus Domini esse quidem verè præsens in Eucharistia, sed simul cum pane & vino.* Quam subtiliorem suam sententiam jactare solitus. Hoc verò dogmate Berengarius auctor *Lutheranorum*, qui corpus Christi præsens docent in pane, sub pane, & cum pane. Itaque ut Catholici docent *transubstantiationem*, quòd factâ consecratione, substantia panis & vini esse desinat; ita Lutherani docent *consubstantiationem*. Hæc nimirum illa pervulgata controversia, quam tot præstantes Theologi exactissimè pertractarunt, & quætio profectò quæ supra plebei Prædicantis ingenium est. Ideo nihil reperio in tuo hoc scripto, quod à Calvinistis, quos ex hoc dogmate fratres habetis, non multo versatius sit motum, & à nostris multo verius sit confutatum; si modò Bellarminum, Vasquez, Suarez, Becanum, & quos ipse citas Theologos, perlegere lubeat.

II. Fundamentum Catholicæ veritatis est in Scriptura, ex quâ Concilium *Lateranense* sub Innocentio III, ut refertur c. *Firmiter*; & *Tridentinum* sess. 13. cap. 4. his verbis definit: *Quoniam Christus redemptor noster, corpus suum id, quod specie panis offerebat, verè esse dixit; idèò persuasum semper in Ecclesia Dei fuit, idque nunc denò sancta hæc Synodus declarat, per consecrationem panis & vini, conversionem fieri totius substantia panis in substantiam corporis Christi Domini nostri, & totius substantia vini in substantiam Sanguinis ejus, quæ conversio convenienter & propriè à sancta Catholica Ecclesia transubstantiatio est appellata.* Quibus Concilij verbis, non modò veritas, sed fundamentum ex quo hæc tractat, continetur. Fundamentum autem sunt verba consecrationis. Enimverò dum Christus accepit panem, dixit: *Hoc est corpus meum*; pronomen demonstrativum hoc absolutè, & sine restrictione positum, denotat nobis totum illud substantiale, quod sub accidentibus continetur: si verò simul contineatur substantia panis, & Corpus, non potest simpliciter dici: *Hoc est Corpus meum*: quia Corpus non est tota substantia contenta; dicendumque esset, *Hoc est Corpus & panis*: cum neutra pars seorsim sit totale contentum. Sicut ostenso lapide, non possum dicere, *hoc est materia*, aut *hoc est forma lapidis*, etsi utraque pars contineatur sub accidentibus

lapidis; cùm neutra seorsim sit totale contentum. Similiter sicut de vase, in quo *mel*, & *vinum* continetur, non benedico, *hoc est mel*; sed, *mel & vinum*. Secundò si ex duabus substantijs alterutra demonstranda esset, potius panis demonstrandus fuisset à Christo, quàm Corpus; quòd species & accidentia sensibilia per se primò, & connaturalius denotent propriam substantiam, quæ est panis, quàm alienam, quæ est *Corpus Christi*: atque ita panis diceretur, esse corpus Christi, quod est falsissimum. Aliud est, si de vase pleno dicas, *hoc est vas vini*, seu, *hoc est vinum*; eò quod accidentia dolij seu vasis duplicem habeant respectum, alium *naturalem* ad substantiam ligni, alium *artificialem* ad continendum vinum, ad quod ex communi usu aptatur figura hæc. At longè alia ratio est in accidentibus panis, & vini, quæ neque ex natura suâ, neque ratione figuræ sunt apta aut facta ad continendam substantiam Corporis aut Sanguinis Christi.

Igitur uti Ecclesia Catholica ex simplici, & aperto verborum sensu, *Hoc est corpus meum*, contra sacramentarios asserit præsentiam Christi in Eucharistia; ita contra Lutheranos asserit *Transsubstantiationem*. Hæc paucis, quæ planissimè explicata leges apud Bellarminum, Suarez, Vasquez, & omnes Theologos.

III. Hoc idem SS. Patrum fuit fundamentum, hæc eadem sententia planissimis eorum verbis nobis relicta, quos inter *Cyprianus* sermone de Cæna Domini: *Panis iste, quem Dominus discipulis porrigebat, non effigie, sed naturâ mutatus, omnipotentia verbi factus est caro*. Quid clariùs dici poterat? *Cyrillus* Catech. 4: *Aquam aliquando mutavit in vinum, & non erit dignus, cui credamus, quod vinum in sanguinem transmutarit?* *Ambrosius* lib. de initiandis c. 9: *Quantis utimur exemplis, ut probemus non hoc esse, quod natura formavit, sed quod benedictio consecravit, majoremque vim esse benedictionis, quàm naturæ; quia benedictione etiam natura ipsa mutatur*. *Gregorius Nyssenus* in orat. Catech. c. 37: *Rectè verbo Dei sanctificatum panem, in Dei verbo Corpus credimus immutari*. *Chrysost.* Hom. 83: *Non sunt humana virtutis opera proposita. nos ministrorum locum tenemus, qui verò sanctificat ea, & immutat, ipse est*. *Augustinus* serm. quem citat *Beda* in c. 10. i. ad Corinth. 1. *Non omnis panis, sed accipiens benedictionem Christi, fit Corpus Christi*. Quo dicto advertas, non dixisse *Augustinum*: *Panis est Corpus Christi*, (ut *Lutherani* volunt,) sed

sed; sit Corpus Christi, quæ verba mutationem significant. Pari claritate Augustinus serm. 28. de verb. Domini: *Ante verba Christi, quod offertur, panis dicitur; ubi verba deprompta fuerint, jam non panis dicitur, sed Corpus appellatur.* Cyrillus Alexand. Epist. ad Calefyrium: *Ne horreamus Carnem & Sanguinem appellare appositâ sacris altaribus: condescendens Deus nostræ fragilitati, insinuat oblatis vim vitæ, convertens ea in veritatem propriam Carnis.* Eusebius Emisenus serm. de corpore Domini: *Quando benedicenda verbis celestibus Creatura sacris altaribus imponuntur, antequam invocatione Numinis consecrentur, substantia illic est panis & vini; post verba autem Christi, Corpus & sanguis Christi est. Quid mirum est autem, si ea, quæ verbo creare potuit, possit creata convertere?* Theophylactus in c. 6. Joan. *Transformatur arcanis verbis panis ille, per mysticam benedictionem, in Carnem Domini.* Hunc in modum producit Bellarminus, Suarez, Valentia q. 3. p. 3, Vasquez disp. 80. c. 3, Gualterius in eruditâ Chronologia sua, Coccius, alijque per omnes ab Apostolis ætates ad Lutherum usque testimonia Patrum, in quibus, *Mutatio, Conversio, Transformatio, & Transmutatio* exprimitur, & panis in Corpus Christi, & vini in Sanguinem conversio asseritur. Quibus verbis idem Patres significant, quod Ecclesia Transubstantiationis nomine, & claritatis causâ appellat. Res eadem, etsi verba diversa. Et quid de nomine contendimus, cum rem ipsam habeamus? Ita Homousios, & Theotocon, aliaque nomina, nova aliquando, cum res antiqua, & veritas ante nomina esset.

Ad hæc Patrum testimonia nihil aliud respondet Nifanius, quam Scripturæ inhærendum esse, quæ accidentalem tantum mutationem, non substantialem nobis tradit. Enimverò tu præclarus nobis hic interpret es! cum accidentia non mutantur: manent enim species ut ante, nisi omnium oculos fallere velis. Et quis Patrum accidentalis mutationis uspiam meminit? qui tam expressè mutationem panis in Corpus Christi, & vini in Sanguinem tradunt. Posses tu eadem explicatione transire ad sacramentarios, & tollere nobis omnem Christi præsentiam in Eucharistia, uti in hac causa fratres estis. *Quid communicabit cacabus ad ollam?* inquit Ecclesiasticus c. 13, *quando enim se colliserint, confringetur.* Plutonis una olla est, in qua coquitur has hæreses vestras.

IV. Ne defensu Scripturæ & SS. Patrum dubium esse possit, accedunt

dunt Concilia, quorum primum est *Romanum* sub Nicolao II. anno Christi M LX. in quo convictus Berengarius, abjuravit hæresin *sacramentarium* de præsentia Christi in Eucharistia. Secundum est *Romanum* sub Gregorio VII. anno Christi M LXXIX. in quo denuò convictus abjuratâ hæresi professus est panem & vinum substantialiter converti in Corpus & Sanguinem Christi. Omitto hic *Vercellensem*, & *Turonensem* Synodos, in quibus idem Berengarius Patriarcha vester damnatus est. Tertium Concilium generale est *Lateranense* sub Innocentio III. celebratum anno M CC XV, quo dogma hoc Catholicum nomine *Transsubstantiationis* confirmatum est, ut ipsi agnoscitis. Interfuerunt autem huic Concilio cum Pontifice & Cardinalibus tam Græci, quàm Latini Patriarchæ, Archiepiscopi, & Episcopi quadringenti octoginta, præter Abbates, Prælatos, & Legatos Orientis, & Occidentis Imperatorum, Legatosque Regum Hispaniæ, Galliæ, Angliæ, aliorumque. Quartum est Concilium *Romanum* generale, celebratum anno Christi M CD XIII, quo damnatus est hic *Joannis Wiclefii* articulus: *Substantia panis materialis, & similiter substantia vini materialis, manet in Sacramento altaris.* Quintum Concilium generale est *Constantiense* anno Christi M CD XIV, quo hæc *Wiclefii* hæresis rursus damnata est, & quidem à Martino V. vero ac legitimo Pontifice. Sextum Concilium generale *Florentinum*, in quo ex consensu Græcorum & Latinorum Patrum data est instructio Armenis, interque cætera hæc de Eucharistia instructio: *Substantia panis in Corpus Christi, & substantia vini in Sanguinem convertuntur.* Lutherani, cum hoc iudicio Græcorum se perculos viderent, miserunt postea *Augustanam* suam confessionem ad Patriarcham Constantinopolitanum, pro censura & approbatione suæ doctrinæ, & cum primis articulum X. de *Cæna Domini*. Sed quale responsum accipere ad perpetuam suorum confusionem? *Multa*, rescripsit Patriarcha, in hac parte de vobis referuntur, quæ nobis nullo pacto probari possunt. Ecclesia igitur sanctæ iudicium est: in sacra Cæna post Consecrationem & benedictionem panem in illud ipsum Corpus Jesu Christi, vinum autem in sanguinem virtute Spiritus sancti transire ac immutari. Appellas Nisani cum tuis ad Orientalem Ecclesiam, ex quâ hoc iudicium oportebat te primum adferre, ad eò inimici etiam & Schismatici sunt iudices nostri. Accedit postremò Concilium Tridentinum generale cujus sententiam supra



præretuli. Adducis tu quidem multa testimonia scriptorum per varias ætates, verùm si ea conferas cum testimonijs Patrum, Bellarmino, & Gualterio, Coccio, alijsque adductis, prorsus contrarium reperies: & quæ citas, contra te faciunt, ut legenti patebit. Optarem ego vel unum Concilium produci, quo vestra hæc doctrina, tam expressè ex se, & tuncque definiretur, quàm hoc Catholicum dogma assertum sit; id quia non potuisti, silere maluisti, & calumniari. Interim audiamus, quæ præterea proferas.

Objicis I ex Scriptura, *Calvini telum 1. Cor. 10. Panis, quem frangimus, nonne participatio Corporis Domini est?* Centies hoc audivimus, & centies responsum est: *Eucharistiam* ratione accidentium externorum vocari *panem*, quem species exhibent: sicut Angeli vocantur sæpe viri, & juvenes, *Act. 1. Marc. ult.* Vel *panem* vocari in sensu diviso, ratione termini à quo, quòd ante consecrationem verus panis extiterit: uti Gen. 2. Eva vocatur *os Ade*; vel more Hebræo, quo quivis *cibus* appellatur *panis* 4. Reg. 6. v. 22. *Joan. 6. v. 31. & 41.* Eadem responsio est ad illud *Matth. 26. & 1. Cor. 11. Accepit panem, & fregit, ac dedit discipulis suis.* Constat enim, Christum non modò accepisse, & dedisse panem, sed etiam dixisse: *Hoc est Corpus meum.* Ante enim panis erat, post consecrationem verò Corpus Christi.

Objicis II Synodum Nicænam II, in qua *Act. 6.* Gregorius Neocæsariensis Episcopus dicit, *Eucharistiam esse imaginem Christi.* R. Hoc argumentum, siquid valeat, æquè Lutheranis, quàm Catholicis solvendum est contra Calvinistas. Respondet II Sirmondus in notis, Gregorium Episcopum id recitasse ex sententia iconoclastarum, uti sanè res est: Quare Patres in illo Concilio non minus hanc hæresin, quàm cæteras iconomachorum damnarunt. Ita enim Patres illi *Act. 6. Nullus aliquando tubarum Spiritus, Sanctorum Apostolorum, aut illustrium Patrum nostrorum, intruentium Sacrificium nostrum, quod est in commemoratione Christi Dei nostri, dixit imaginem Corporis ejus.* Subditur deinde: *Non dixit, accipite & comedite imaginem Corporis mei, sed manducate Carnem meam, Corpus meum, quod per Sacerdotem offertur in Sacrificium.* Patrum reliquorum sententia, in hæc verba accessit ipse Gregorius Episcopus: *Acceptum panem benedixit, & gratias agens fregit, & dans dixit: Accipite, & comedite in remissionem peccatorum, Hoc est Corpus meum. Simi-*

L L L

liter.

liter & calicem tradens dixit: *Hic est Sanguis meus.* Demum concludit: *Eucharistia panem, non ut falsam imaginem naturalis carnis, per Spiritus S. adventum sanctificandum, divinum Corpus fieri voluit, mediante Sacerdote.* Græcè, *Σῶμα ἐνδόξως γινώσκου μεστέωσόντος ποιούμενα ἱερέως.* Demum etiam imaginis nomen hic interferi, quid inde? quando Christus ipse filius Dei etiam *figura substantie ejus* dicitur Hebr. 1. nec propterea naturalis & verus Dei filius esse desijt. Hinc etsi Patres aliquando dicant in Eucharistia esse *figuram, signum, & imaginem* Corporis Christi, non ideo favent hæreticis; quia nusquam dicunt esse meram & vacuam figuram, quæ veritatem rei excludat. Quo in genere potest consistere signum & imago cum veritate rei. Sic bonus color est signum præsentis sanitatis, & chirotheca exprimit figuram manus: sic Baptismus est representatio sepulturæ Christi ad Col. 2. nec tamen ideo verus Baptismus esse desinit. Joannes Baptista erat Propheta, & plus quàm Propheta. Ita Eucharistia etsi figura dicatur, plus tamen quàm figura est, quia continet Christum, quem sub specie panis significat. Sed hujusmodi argumenta dum movet Nifanius, Calvinistam agit, non Lutheranium. Lege Concilium hoc, & disc ex eo Sacrificium verum, Sacerdotis potestatem in consecrando, & conversionem panis in Corpus Christi.

Objicis III. ex Patribus Theodoretum Dial. 2. *Neque enim mystica symbola post sanctificationem propriam naturam exuunt, sed permanent in priori substantia, & figura & forma, & visibilia & tactibilia sunt.* Addit Græcè, *μὲντοι ὅτι τῆς πρὸς ἑαυτὸν ὁμοίας.* *Hic locus,* inquit, *judes est in oculis Jesuitarum.* Quæ tibi hic somnia fugis? Ex cubito tuo, aut crasso Lutheri cerebro hoc argumentum profluxit. Quid Jesuitas fatigas? cùm Cardinalis Peronius contra Plescum, alijque hunc locum excussissent. Omisissis igitur aliorum explicationibus, & Theodoretum loqui de speciebus & accidentibus, & innatis proprietatibus panis, quales sunt sapor, ac similes, quibus naturæ & substantiæ nomen tribuitur, etiam à Chrysostomo, Gelasio, Ephreimo, dum de hoc Sacramento agunt: uti præter Jesuitas ostendit Baronius ad annum Christi 496, in obitu Gelasij. Cæterum, his Patribus, oppone Patres, quos supra adduxi, horum testimonia tu præteris, quemadmodum mos vobis est cum nocturnis obscura sectari, & clara aperta que fugere.

Objicis

Objicis IV. Olim in Ecclesia Constantinopolitana mos fuit, post Eucharistiæ celebrationem pueris relictas particulas dare teste Evagrio lib. 4. hist. c. 35. Nicephoro Cal. lib. 17. c. 28. uti & in *Matiscenensi* Concilio II. legitur, quod can. 6. dicit: *Innocentes pueros ad Ecclesiam fuisse adductos, & inducto eis jejuniis, reliquias Sacrificiorum post peractam Missam vino confusas percepisse.* Quod & in *Turonensi* can. 19. sub Carolo Magno habito legitur. At hi pueri, inferis, ad ipsam mensam Domini non admittebantur, ergo panem relictum pro communi pane habuerunt. Quis te cum pueris non rideat? qui Calvinistam agis, dum Lutheranismum fabricando. Imò si communis panis fuit, quid ergo jejuniis dispositi? Unde communis sententia est, ut ex *Turonensi* mox audies, pueros hosce participasse de Eucharistiæ Sacramento, sin minus, nihil probas contra nos, qui de pane Eucharistico in Corpus Christi mutato hinc agimus. Tu autem vide, quomodo ex hoc probetur communio sub una specie contra Lutheranos, præsertim cum *Turonense* Concilium Can. citato dicat: *Presbyteri omnino admonendi sunt, ut cum sacra Missarum solemnia peregerint, atque communicaverint, pueris aut alijs quibuscumque personis adstantibus Corpus Domini indiscretè non tribuant.* Nulla hic mentio fit communicationalicis, ut vel inde etiam Catholici Communionem probent sub una specie. Nam si vino confusus Eucharisticus panis est datus pueris, certè sub una specie pueri communicarunt.

Objicis V. Scotum, quod is dicat in 4. dist. 11. q. 3. etsi panis simul cum corpore Christi maneat, contentum sub accidentibus, posse nihilominus verè dici, & demonstrari hoc ens, sive hoc Corpus meum contentum sub signo isto visibili. Respondet Bellarminus: Scotum dicere, potuisse Deum efficere, ut in Sacramento verè adesset Corpus Christi cum pane; & si hoc fecisset, mysterium futurum fuisse facilius, & minus miraculi in se continere: quod etsi quidam concedant fieri potuisse, alij tamen negant. sed ea res ad fidem non spectat. Secundo dicit *Scotus*, non extare locum ullum Scripturæ tam expressum, ut sine Ecclesiæ definitione evidenter cogat admittere *Transubstantiationem*. Quod omnino non improbabile censet Bellarminus, si de protervo agatur. Obnixi interim alij *Scoto*, id aliter cum D. Thoma, ut dixi, clarè revinci volunt ex verbis Christi; argumentis certè, quæ nunquam à Lutheranis & novatoribus



soluta sunt; neque excusant probantve *Seculum*, quod scripserit, ante *Lateranense* Concilium non fuisse dogma fidei *Transsubstantiationem*: quippe qui Concilium *Romanum* sub *Gregorio VII.* in quo hæc Berengarij hæresis damnata est, consensumque Patrum non legerit. Tertiò dicit *Scotus*, ex duobus sensibus quos Scriptura habere posset, Ecclesiam delegisse & declarasse illum, qui *conversionem substantia panis in Corpus Christi, & vini in Sanguinem* docet: quòd idem Spiritus, qui Scripturam dictavit, etiam per Ecclesiam declararet verum sensum. Id si Lutheranicum *Scoto* profiteri velint, nulla erit controversia inter nos & ipsos. Similiter *Durandus, Occam, Paludanus*, quos citas rationi *Scoti* inhaerentes, non ex verbis Christi dilucidè satis, sed ex Ecclesiae definitione *Transsubstantiationem* evidenter haberi dicunt. Solus *Petrus de Alliaco Cameracensis*, longius progressus, sensit *Transsubstantiationem*, nec ex Scriptura, nec ex definitione Ecclesiae evidenter colligi; sed nullius, ut inquit *Vasquez*, eruditionis Theologus: quamvis tamen *Cameracensis* hic *Transsubstantiationem*, Patrum magis doctrinae, & communi Ecclesiae iudicio conformem asserat. In quo quantum vos Lutherani disceditis etiam ab hoc ipso Scriptore!

Igitur in quo omnes Catholici cum *Scoto* conspirant, & in quo demum firmissime standum, & unice acquiescendum sit, est iudicium Catholicæ Ecclesiae, quæ est columna, & firmamentum veritatis; ex huius iudicio, & declaratione infallibili, *Transsubstantiatio* nobis est dogma fidei nostræ; perinde ut cætera, quæ ab Ecclesia in Concilijs Oecumenicis per singula ferè sæcula contra hæreticos sunt decisa: non quòd Ecclesia novos fidei articulos faciat, ut vos fraudulenter populo persuadetis, sed quòd controversa fidei dogmata quoad nos declaret, quæ tamen ante, & in se semper fuere æquè vera fidei dogmata. Quà de re lib. I. c. 7. suprà relatum est.

Vestra autem Ecclesia Lutherana, cum prorsus contrarium doceat, optarem ego scire, utrumne iudicium vestræ Ecclesiae fallibile sit, an infallibile? In fallibile? prorsus illi me committere nec possum, nec debeo, relictis cum primis tot Patrum sententijs, & tot Conciliorum decretis: Si infallibile? ergo jam datur aliud principium infallibile præter Scripturam, quod hætenus negastis. Agitur enim hic non de materiali Scripturæ, sed formali; id est, de sensu horum verborum Christi, *Hoc est*  
*Corpus*

*Corpus meum, non secus contra vos de Transubstantiatione, ac contra Sacramentarios de præsentia Christi in Eucharistia. Hic si tu nos sine vero iudice controversiarum expedire possis, magnum profectò nobis laborantis hujus sæculi eris oraculum. Quamquam non aliud hic à te expectem, quàm quod S. Augustinus scripsit Epist. 56 : Omnium hereticorum, quasi regularis ista temeritas, conari auctoritatem stabilissimam fundatissima Ecclesia, quasi rationis nomine & pollicitatione superare.*

## C A P V T V I I I.

### *De Communionem sub utrâque specie.*

**A**Lteram hanc de Eucharistia controversiam attexuit hic nobis adversarius. Celebris quidem illa, ac nescio, an apud plebem ulla plausibilior, quæ jam à centum annis cum exortâ Lutheri hæresi agitata, & innumeris scriptorum Catholicorum libris discussa, de cæque est.

I. Quâ in re id primò statuendum, non esse quæstionem inter nos & Lutheranos : *an Communio sub utrâque specie aliquando fuerit in usu ?* Id enim, inquit Vasquez, Suarez, & cæteri omnes, negari non potest. Quare id ultrò largimur, quando primis Ecclesiæ sæculis modò sub unâ, modò sub utrâque specie Eucharistia communicata populo, ut cuiusque Ecclesiæ, Regni aut Provinciæ mos, & consuetudo ferebat, donec tandem una species per Occidentis Ecclesias consuetudine introductâ, legis instar obtinuit, ut Patres in Concilio *Constantiensis* profitentur. Nulla interim primis sæculis, licet alibi sub una, alibi sub utraq; specie daretur communio, inter Ecclesias lis, nulla inter Episcopos & Pastores ob id dissensio, nulla partis alterius condemnatio, nullum schisma, nulla hæresis; quod satis intelligerent Ecclesiæ Pastores, & Doctores, nihil hic agi contra institutionem Christi, nihil contra divinum præceptum, sed id cuique Ecclesiæ liberum relinqui. Et mirum, si quid hic erroris, & fraudis in sub-

tracto calice contra divinum mandatum intervenisset, (ut Lutherani ob-  
tendunt, Nid à nullo Concilio, à nullo Episcopo, à nullo unquam Docto-  
re animadversum fuisse, aut Ecclesiam tam diu à Spiritu S. desertam fuis-  
se, maxime si utraque species, (ut Lutherani contendunt,) ad salutem sit  
necessaria. Tot præterea hæreses fuerunt ab ortu Ecclesiæ, & quod haud  
minus hic mireris, nulla tamen ex his objecit Catholicis illum diversum  
usum, quod alibi sub una specie, alibi sub utraque specie Eucharistiam po-  
pulo darent.

II. Serò tandem circa annum MCCCCXII. *Petrus Dresdensis* ex  
pædrotriba Germano repente Theologus, *Jacobellum Misnensem* Pragæ  
Concionatorem, in suas partes traxit: hi primùm ex Joan. cap. 6. Com-  
munionem sub utraque ad salutem necessariam esse docuerunt, & per-  
suadere cœperunt. Hæc nova doctrina ab *Hussitis* in *Bohemia* avidè ar-  
repta, in tam pertinacem ac fœcissimam postea hæresin excrevit, quæ ob id  
statim in Concilio *Constantiensi*, & *Basiliensi* damnata est.

III. Ab *Hussitis* Lutherus accepit hanc novam doctrinam, & ex  
*Bohemia* in *Saxoniam* traduxit, quæ simili mox plausu infanz plebis ex-  
cepta est, sed quàm varius, quàm incertus Lutherus fuerit, hic prius reco-  
gnoscere interest. Nam *serm. de Euchar.* sub initium defectionis suæ, sic  
scribit: *Non dixi, neque consului, neque intentio mea est, ut unus, aut ali-*  
*quot Episcopi propria auctoritate incipiant alicubi porrigere utramq. speci-*  
*em, nisi ita instituat, aut precipiatur in aliquo generali Concilio.* At non  
multo post, mutatâ mente ita Lutherus in *Assert. art. 16. Consilium mihi*  
*videtur nunc, ut non modo per Concilium, sed per quamcunq. diocesim quis-*  
*bet Episcopus etiam invito Papâ, Christum secutus in Evangelio, rursus*  
*utramque speciem laicis daret.* Rursum in Epistola ad *Bohemos* *Luthe-*  
*rus: Tamen si Christus nihil necessarium præscripserit, præstare tamen pacem,*  
*& unitatem servare, quàm de speciebus contendere. Quis hic non dicat Lu-*  
*therum Catholicum? Imò lib. de utraque specie tom. 3. Jenens. edit. Si*  
*per veneris ad locum, in quo una species ministratur, accipe tantum unam; si*  
*præbeantur duæ, duas accipe.* Demum Lutherus in formula *Missæ* totus à  
se alius: *Si, inquit, Concilium statueret, aut permetteret utramque speciem,*  
*nos nequaquam utraq. uti mallems; sed in despectum Concilij, ejusq. sta-*  
*tuti, aut unâ, aut neutrâ, & minime utraq. uti vellemus; maledicturi uni-*  
*versos, qui ex potestate, aut statuto Concilij utraq. uterentur.* Hoc postre-  
mum

mun Lutheri iudicium fuit. Æstimet nunc ex eo prudens lector, quàm non illi veritatis cognitio, sed insultandi libido; non obedientia, quæ Ecclesiæ & veris Pastoribus debetur, sed insania turbandi Ecclesiâ propo-  
sita fuerit.

Inderes eo brevi delapsa, ut quilibet pro ingenio & libertate se iudicem hujus controversiæ ferret; nec ullus ex Prædicantium numero esset, qui non sapere sese supra Episcopos, & Episcoporum Concilia crederet. Imo viri, fœminæ, juvenes, senes, & pueri adeo à Prædicantibus ad biblia remissi, hic *iudices* sunt, ac tot interpretes, quot opifices; tot capita, quot pensa lectionis biblicorum: adeoque id per Saxoniam invaluit, ut cippis & sepulchris mulierum inscribatur, quoties scripturam legendo pervolutarint. *Mysterium* olim Theologia erat, modò *sutorum & tectorum crûcerium*. Quemadmodum id Nicephorus Gregoras olim querit: *Apud nos, inquit, etiam opificibus effusa sunt arcana Theologiæ; illi & fora & porticus, & theatra omnia Theologiâ complerunt, neque solem suâ impudentiâ testem facere verentur.*

## Paragraphus I.

### *Communio sub unâ specie ex Scripturis asserta.*

**P**RIMUM ex Scriptura, atque ex ipsa institutione argumentum sumitur. Nam etsi Christus sub utraque specie instituerit Eucharistiam, eò, quòd non modò *Sacramentum*, sed & *Sacrificium* esse voluerit, idcirco tamen nihil fraudis, aut damni committit Ecclesiâ, si Eucharistiam sub unâ specie administret populo. Ratio hæc redditur, quòd in ijs quæ à Deo instituta sunt, duo spectari debeant: Primo *substantia*, & *essentia rei institutæ*: Secundo *circumstantia*, *modus*, ac *ritus accidentales*. Igitur etsi Ecclesiâ nihil mutare possit, in ijs, quæ ad *substantiam* Sacramenti jure divino ordinata sunt; potest tamen ea ex causis mutare, & ordinare, quæ ad *modum*, *circumstantias*, ac *ritus* pertinent. Atqui *Communio sub una*, vel *duabus speciebus* ejusmodi *modus* ac *ritus* est, ergo ab Ecclesiâ ex causis mutari, & ordinari potest. Propositio certissima, quam multis exponit  
Bellarmi-



Bellarminus lib. 4. de Eucharistia, c. 18. Suarez lib. 2. defens. fidei Cath. c. 5. Becanus opusculo de Com. sub utraque c. 1. alijque Theologi innueneri. Probat exemplo Baptismi, ad cuius essentiam spectant hæc duo, *ablutio externa*, quæ fit per aquam; deinde *forma verborum*: *Ego te baptizo in nomine Patris, & Filij, & Spiritus S.* Cætera extrinseci sunt ritus, qui mutari possunt, ut V. G. *una aqua* in immersione fiat. Nam aliquando Ecclesia iussit sub *trina* immersione baptizari, ut constat ex *Can. 49. Apost. Terull.* lib. de Corona milit. Et rati in eadem Ecclesia, postulante certa causa, statuit aliquando, ut *una* immersione daretur Baptismus, ut constat ex *Concil. Toletano IV. c. 5.* Quod idem docet Augustinus Epist. 118. & probat ex illò 1. Cor. 11. *Cætera cum venero disponam.* Eodem modo se habet in Eucharistia Sacramento, quando ad substantiam ejus non aliud requiritur, quàm Christus sub exteriori symbolo panis & vini consecrati præsens. Perinde autem est, unum, an duo symbola sint: nec enim minùs sub uno symbolo totus, quàm sub duobus, sumitur à fidelibus. Accedit, quòd *usus rei*, non sit de *substantia* rei permanentis, cùm sit re ipsa posterior; *Communio* verò est *usus* Sacramenti, quod est *res permanens*, non *actio transiens*, ut constat, multisque asseritur à Theologis.

II. Probatur unius speciei usus, ex *verbis* & *facto* Christi. Primum constat ex *cap. 6. Joan.* Ubi Christus agens de fructu Eucharistia, non semel, sed iteratò unam speciem ad salutem prodesse asserit: *Si quis manducaverit ex hoc pane, vivet in æternum.* Rursus: *Panis quem ego dabo, Caro mea est pro mundi vita.* Iterum: *Qui manducat hunc panem, vivet in æternum.* Quantum alij ex hoc capite *utramque speciem* obtendunt, tantum Concilium Trident. manducationem sub *una specie* docet prodesse ad salutem. Alterum ex *facto* Christi, est ex *cap. 24. Luca*, ubi duobus discipulis in Emmaus sub solâ specie panis Eucharistiam porrexit: *Et factum est, dum recumberet cum eis, accepit panem, & benedixit, ac fregit, & porrigebat illis. Et aperti sunt oculi eorum.* Hunc verò locum intelligi de pane Eucharistico, docent magni Auctores, Maldonatus in c. 24. Luca, Valentia, Valquez, Toletus, Salmeron, Heuriquez, apud Becanum: Præterea Cornelius à Lapide, alijque interpretes; probantque Hieronymi, Augustini, & aliorum Patrum testimonijs. Ut cunq̃ue etiam se habeat explicatio hujus loci, saltem Patres illi censuerunt, unam speciem non esse prohibitam jure divino, secùs quàm Lutherani docent.

III. Una

III. Una species asseritur ex usu ipsorum Apostolorum *Act. 2.* uti Lucas scribit : *Erant autem perseverantes in doctrina Apostolorum, & communicatione fractionis panis, & orationibus.* Alter locus est apud Lucam *Act. 20.* : *Una autem Sabbathi, cum convenissemus ad frangendum panem, Paulus disputabat cum eis.* Utroque loco agi de pane Eucharistico etiam adversariorum non pauci admittunt, quos inter ipse *Lutherus, Kemistius, Calvinus, & Beza*; neutro autem loco fit mentio calicis. Quā super re *Bellarmin. lib. 4. c. 24. & 5.* & interpretes, qui multis rationibus ex his unam speciem asserunt. Nihil hic addo de figuris hujus Sacramenti ex veteri Lege, quales *Lignum vite, Agnus Paschalis, Manna, Panes propositionis, & participatio Sacrificiorum*, de quibus *Bellarminus c. 24.* Quæ omnes unam speciem denotant ex typo. Contra ea, quæ ex Scripturis adduximus,

Objiciunt I. Non modò institutionem Christi in hoc Sacramento intervenire, sed & præceptum divinum, quo omnes Christiani teneantur sub utraq̃ sumere. Verùm illud præceptum jam à centum annis quærunt adversarij, & nondum Catholicis ex Scripturâ probare potuerunt. Imò dum præceptum urgent, ipsi adversarij inter se non conveniunt. Nam *Hussia* quærunt ex capite Joannis 6; at *Lutherani* negant toto illo capite præceptum contineri, (uti Catholici etiam cum Concilio Tridentino negant ex illo præceptum deduci,) quando capite illo, una species non minùs, quàm utraque commendatur ad salutem satis esse.

Lutherani ergo quærunt præceptum in verbis Lucæ c. 22. *Hoc facite*; Sed repugnat *Calvinus*, & dicit: solis ministris Ecclesiæ, non laicis id dictum esse. Urgent interim Lutherani, *Hoc facite*, à Christo dictum & mandatum, nempe quod ego feci. Ipse vero Christus tria fecit, *consecravit, sumpsit, & distribuit* omnibus præsentibus; ergo ministri idem debent facere, & distribuere calicem; Quia addit : *Similiter & Calicem accepit.* Respondet *Bellarminus*: Mirabilis hîc Dei providentia est, nam S. Lucas illud *Facite* posuit post datum Sacramentum sub specie panis; post calicem verò datum non repetijt: ut intelligeremus, sub specie panis jussisse Christum dari omnibus Sacramentum, non sub specie vini.

Urgent ex Apostolo 1. ad Corinth. 11. ubi Apostolus tam sub specie panis, quàm post speciem vini repetit hæc verba, *Hoc facite.* Respondet denuò *Bellarminus*, rursus hîc providentiam Spiritus S. elucere,

M M M

quan-

quando post consecrationem panis absolute dicit Paulus, *Hoc facite in meam commemorationem*; post calicem quidem repetitur, sed sub conditione, *Hoc, inquit, facite, quotiescumque biberis*. Ubi modum loquendi per voculam *Quotiescumque*, variat Spiritus S. Igitur dum Apostolus dicit: *Ego enim accepi à Domino, quod & tradidi vobis*; haud aliud dicit, quàm: Ego non accepi cum præcepto utriusque speciei, ergo nec tradidi vobis. Quemadmodum Paulus etiam disjunctivè dixit: *Itaque quicumque manducaverit panem hunc, vel biberit calicem Domini indigne*; uti Cornelius à Lapide observavit.

Calvinista igitur, & cum his Lutherani, præceptum quærunt in verbis Matth. 26. *Bibite ex hoc omnes*. Id ut persuadeant, dicunt, non sine mysterio additum esse, eò quòd in porrectione panis non dixerit Christus, *manducate ex hoc omnes*; tanquam futuri essent, qui calicem aliquando subtraherent. Respondent Catholici: voculam *omnes* ad illos tantùm spectare, de quibus Marcus cap. 14. dixit: *Et biberunt ex illo omnes, qui soli Apostoli fuerunt*. Cur verò Christus non dixerit, *manducate ex hoc omnes*, causa erat: quia Christus panem prius fregerat, ut Scriptura dicit, & in duodecim particulas fractas diviserat, id in poculo seu calice fieri non poterat, idèd S. Lucas de poculo scripsit: *Accipite, & dividite inter vos*; quod idem est, quod S. Matthæus dixit: *Bibite ex hoc omnes*. Concludamus nunc uno syllogismo rem omnem: Qui ita instituit Eucharistiam sub duplici specie, ut tota ejus ratio sit sub una specie, is Eucharistiam non sub duplici tantùm specie, sed sub una etiam instituit: Atqui, Christus ita instituit Eucharistiam; Ergo etiam sub una specie instituit.

Objiciunt II. *Consecratio* Sacerdoti sub utraque specie præcepta est, ergo etiam *administratio* Sacramenti sub utraque specie facienda est laicis. Quoties responsum à Catholicis, *consequentiam nullam esse*? Utrumque enim se habeat antecedens, alia sanè est ratio Sacrificij, quæ expressam representationem exigit, prout in cruce per cruentum Sacrificium utriusque separatio Sanguinis à corpore facta est, & in eâ oblatio & Sacrificium peractum, quod incruentum Sacrificium repræsentat. Alia est ratio Sacramenti, quod illam expressam representationem in diversis speciebus non poscit, quâ super re lege Suarez *disp. 8. art. 12. Vasquez disp. 213. Bellarminum, & alios*; quòd in sumptione laicorum solum



lūm memoria passionis Christi commendetur. Et quid ista in hac brevitate descriptionis contendimus? quæ sexcentis libris & scriptorum disceptationibus hac arte discussa, ac velut in mortario, pistillis Catholicorum Theologorum contusa sunt. Neque Nisanius quicquam ex suæ Theologiæ promptuario adfert, quantum etiam Theologiæ Licentiatum se ferat, sed totus est in Patrum testimonijs, & historijs, de quibus nunc ordine referamus.

## Paragraphus II.

*Communio sub una specie, etiam post tempora Apostolorum in usu fuit, tam in Occidentali, quàm Orientali Ecclesia.*

**P**robant id primò Catholici ex eo, quòd cū apud alios esset usus unius speciei, Ecclesia hunc usum nunquam aut reprehenderit, aut damnarit; quod tamen necesse erat, si una species esset contra divinam legem. Cæteris in hanc rem omissis, *Manichæi*, qui Romæ frequentes erant, nunquam communicabant, nisi sub specie panis, ut S. Leo testatur *serm. 4. de Quadragesima*; tum quòd vinum *sel Draconum* existimarent, tum quòd Christum verè mortuum & pro nobis sanguinem effudisse negarent. Nec tamen *Epiphanius*, *Augustinus*, alijque Patres hanc Communionem illorum sub una specie improbarunt, aut damnarunt, quod tamen facere eos oportebat, qui cæteros eorum errores tam accuratè perstrinxerunt. Neque Leo Papas ob id erroris damnavit, solūque reprehendit, quòd ut laterent sacrilegi, in una specie communicarent cum Romanis & Catholicis. Hinc Gelasius Papa qui post annos triginta successit *Leoni*, ut proderentur *Manichæi*, Legem tulit, ut Catholici etiā *Calicem* sumerent. Igitur ut ante *Leonem*, & sub *Leone*, ita post illum ad *Gelasium*, una species in usu fuit Romæ; & quòd consequens est, in dispositione Ecclesiæ fuit, unā an utrāque specie communio daretur populo. Neque ob id ullum schisma, vel ulla populi & Episcoporum que-

M M M 2

rela

rela fuit. Quâ super re Baronijs *ad annum Christi 443*, Bellarminus, Suarez, Vasquez, Becanus, & alij.

Ex his nunc patet responsio ad illud quod ex ordine Romano objicit Nifanius: *Recepto calice Dominico, Archidiaconus confirmat omnes sanguine Domini, quos communicavit Pontifex corpore Dominico*. Quamquam istic de Clericali potius Communionem agatur, quæ à laica distinguebatur, tamen postea abrogata sit. Ut vel ex hoc recognoscas unam speciem fuisse in usu. Utcunq; sit: neque enim *Ordinem* illum *Romanum*, de quo agis, ad manus habeo. At parum interest: Ecclesia enim pro diversis temporibus aliud, atque aliud hac in re ordinare potuit; neque tu temporalitius *Ordinis* consignas.

II. Communio sub *una specie* etiam in Orientali Ecclesia Constantinopoli non minùs, quàm Romæ in usu fuit, quod evidenter constat ex historia, quam refert *Sozomenus* lib. 88. c. 5. *Nicephorus* lib. 13. c. 7. *Baronius* ad annum Christi 400. & alij cum plures. Mulier videlicet Macedonianahæretica, ut regeret hæresin suam, accessit cum Catholicis ad Eucharistiam, & è manu S. Chrysostomi accepit panem Eucharistiæ, tanquam panem illum manducatura, quem tamen clam dedit ancillæ, à qua alium accepit, quem ubi manducare voluit, conversus est in lapidem. Jam si tum omnes *Calicem* sumere coacti fuissent, fraudem dissimulare non potuissent. Ergo una tum species in usu fuit, eaque libera fuit.

Objicit contra illud Nifanius Chrysostomum, in Epistola ad Innocentium Pontificem, in qua scribit, ab Arianis tumultum factum Constantinopoli, in eoque milites sub vesperam magni Sabbathi sanctuarium ingressos, effudisse sacratissimum Sanguinem in vestes adstantium: Ex quo Baronijs etiam ad annum Christi 404. deducat, eo tempore etiam Sanguinem Christi asservari solitum. Verùm hoc argumento primò nimium probas Lutheranis, qui extra usum negant permanentiam Corporis & Sanguinis Christi; ideoque non asseruant Eucharistiam, uti hodie dum Catholici faciunt in ægrorum & morientium cumprimis viaticum. Respondeo igitur: non negare nos tum utramque speciem in usu fuisse, ita tamen, ut altera etiam in usu fuerit, imò libera utraque; nec Bellarminus sibi contradicit, quando asservationem Eucharistiæ sub una specie *ordinariam*, & *magis communem* vult dicere, cumprimis in Occidentali Ecclesia.

III. Pro-

III. Probatur *usus unusus speciei*, ex domestica communione, quæ olim frequens erat tempore persecutionis, & extra eam, cum Eucharistiam domum deferrent, & pro necessitate, atque usu sumerent fideles, idque sub unâ specie. De qua Communionem *Tertullianus lib. 2. ad Uxorem, & lib. de orat.* Præterea *Cyprianus, Clemens Alexandrinus, Hieronymus, Augustinus*, alijque Patres. Planissimè *S. Basilus* Epist. ad Cæsariam: *Illud autem, inquit, in persecutionis temporibus, necessitate cogi quempiam non præsentem Sacerdote, aut ministro, Communionem propriâ manu sumere, nequaquam esse grave, supervacaneum est demonstrare; propterea quod longâ consuetudine hoc ipsorum usu confirmatum est: omnes enim in eremis solitariam vitam agentes, ubi non est Sacerdos, Communionem domi servantes, à se ipsis communicant. In Alexandria verò, in Aegypto unusquisque eorum, qui sunt de populo, ut plurimum habent Communionem in domo suâ. Quid ad hæc Nisani? Credidne omnes hosco contra legem Christi peccasse, qui sub specie panis domi Eucharistiam sumebant, quæ in manus ipsis dabatur? quod sub specie vini nemo factum docet. Deinde, quomodo hinc non vides permanentiam Eucharistiæ extra ejus usum, secus, quam vos doceatis?*

Idem probatur ex alijs ritibus veteris Ecclesiæ: qualis præterea primuserat *asservatio Eucharistiæ*, pro morientium cumprimis viatico, idque sub una plerumque specie, ut multis Conciliorum, & Patrum testimonijs ostendit Bellarminus. Hunc ritum convincunt per Orientis & Occidentis Ecclesias, pastophoria & tabernacula, quæ per omnem Saxoniam & Germaniam reperies in omnibus templis, tam antiqua, quam ipsa religio Christiana est. Et cui verisimile, sub specie vini servatam Eucharistiam? maxime in parochijs oppidorum & pagorum: quin in parva quantitate vinum acresceret, aut effunderetur: quando tanta cura etiam adhibenda, ne sub specie panis indecorè servetur. Nec uspiam ejusmodi vasa reperiuntur, quibus sub specie vini asservata fuerit Eucharistia. Unde morituri passim apud Patres & historicos, uti & in Synodis, & Capitularibus Caroli Magni, sub una specie Corpus Christi datum esse legas. Quin *S. Ambrosius* dum ageret animam, monitus fuit ab Angelo *S. Honoratus* Vercellensis Episcopus, qui illi aderat: *Surge, f. stina, jam enim moritur. Is ubi descendit, dedit Sancto Corpus Domini; quo accepto, brevi post emisit spiritum, bonum viaticum secum deferens.* Ita Paulinus, in



ejus vita. Refert de Gallo Episcopo Gregorius Turonensis lib. Vit. Patrum, c. 3. Is cum revelationem acceperet, post triduum à vita evocandum, convocavit populum. & omnibus confracto pane Communionem sancta & pia voluntate partitus est. Ab hoc ritu, quia vos Lutherani recessistis, necesse habetis in ædibus ægrotum & morientium consecrare Eucharistiam, lecto capite 11. Epist. 1. ad Corinth. Hinc cum nuper Minister Lutheranus in Comitatu Waldeccensi hoc ritu feminæ è trabelapfæ Eucharistiam dare vellet, & ipsa interea expiraret, Prædicans consecratum panem & vinum ipse sumpsit, ob quod ad gravem multam postulatus. Sed quo miser deferret consecratam Eucharistiam? cum apud vos tabernacula non sint; nec fides, doctrinæque de permanentia Corporis & Sanguinis Christi. Vidi aliquando, cum Prædicans Lutheranus duos senes communicaret in ædibus, virum & feminam, ac cum vir senex omne allatum in ampulla vinum exhauriret, femina illi sub una specie communicanda fuit. Quàm multa & quotidiana occurrunt ejusmodi, ex quo ordinem Ecclesiæ Catholicæ abjecistis?

Alter ritus est communicandi infantes, idque sub una specie moris erat, vel instillando aliquid in os Sanguinis Domini, quod & in morituris factum fuisse leges in Capitularibus Caroli Magni; vel ex relictis consecrati panis particulis. Tertius ritus est Communio laica, quæ in poenam gravis delicti Clericis dabatur, ablata Communione Clericali, quæ sub utraque dari solita. Hujus Communionis crebra mentio in decretis Pontificum, & Concilijs apud Bellarminum lib. 4. de Euchar. c. 24. Quartus ritus Communio Præsanctificatorum, cujus usus erat apud Græcos per totam Quadragesimam, excepto die Dominico & Sabbatho: idem usus in Ecclesia Latina etiamnum obtinet feriâ VI. hebdomadæ sanctæ. Nam eo die non fit consecratio à Sacerdote; & ipse Sacerdos in publicâ actione communicat sub una specie, perinde ut ceteri Sacerdotes feriâ V. hebdomadæ sanctæ. De hac Communionem multa extant Concilia, uti & apud S. Gregorium in officio Parasceves, & Ordine Romano. Quis vestro dicat, Ecclesiam Græcam, & Latinam in hoc ritu antiquitus tradito errasse? aut contra legem divinam sub unâ specie communicasse? Ut hoc serò tandem à Luthero & Prædicantibus discendum sit.

His omnibus Nisanius opponit testimonia SS. Patrum, Ignatij, Justinij, Cypriani, Nazianzeni, aliorumque, uti eos Kemnitius, Calixtus, Joannes

Joannes Gerhardi, alijsque magno numero congesse-  
runt: quorum testi-  
monijs asseritur, fideles Corporis & Sanguinis Christi participes esse fa-  
ctos. Verum non tantā hīc mole opus est: Verbo enim respondeo, fru-  
strā hāc agi & conglomerari: non enim negamus, sub utraque specie Eu-  
charistiam datam esse. Deinde, Patres illi maximam partem agunt de Sa-  
crificio, quod in utraque specie confici & sumi debet. Demum sub una  
specie non minus est participatio Corporis & Sanguinis Christi, quā  
sub utraque. Cū mortuum Christi Corpus nulli porrigatur, aut porri-  
gi possit. Jam satis ad hāc Patrum testimonia respondit Bellarminus,  
Suarez, Vasquez, Valentia, Forerus, Erbermannus, alijsque innumeri  
Scriptores. Calixtum, qui longo catalogo producit hosce Patres, inter  
ceteros refutavit Joannes Mulmannus, libro de calice Eucharistico; nec  
mihi his vacat immorari, nec operæ pretium est: sufficit enim ostendisse  
unam quoque speciem non minus, quā utramque in usu fuisse, quod  
nunc ultra monstrabimus.

### Paragraphus III.

#### *Communio unius speciei ex Hierosolymitana Eccle- siae usu deducta, et propagata per Occidentis Ecclesias.*

**H**ierosolymitanam Ecclesiam unam ex antiquissimis esse, nulli con-  
troverſum esse potest, quod eam Apostoli primum instituerint,  
& in ea formam Christianæ religionis reliquerint; quæ deinde per tra-  
ditionem Apostolorum ad posteros manavit. Et verò, quantum ad Sa-  
cramentum Eucharistiæ attinet, constat ex ijs, quæ ex actis Apostolo-  
rum retulimus, Apostolos sub unâ specie Eucharistiam administrasse.  
Hunc deinde usum sequentibus sæculis in ea Ecclesia retentum esse, præ-  
clare testatur Humbertus Cardinalis, qui anno Christi 1054. ad Con-  
stantinum Monomachum Legatus est missus, & Palestinam lustravit.  
Quare referam ea, quæ clarissimus scriptor *Petrus à Marca Archiepi-  
scopus Parisiensis* in notis ad Clarā montanum Concilium, (ut potremā  
Conci-

Conciliorum Reginum editione habentur, ) pertractavit. Fatetur is quidem; diversum fuisse modum per Orientem administrandi Eucharistiam, idque apud Græcos, qui sub utraque specie præbuerint. Hierosolymis tamen, quæ Ecclesia antiquissimæ Apostolorum traditioni constanter inhæsit, Eucharistiam sub unâ specie populo datam esse. At Græcorum quidem mos, qui post tempora Damasceni invaluit, hic erat, ut Eucharistiam Sanguine Domini intinctam darent: atque hic *abusus* potius, quàm verus *usus* erat, quem ob id Concilium *Claramontanum* Can. XXVIII. damnat. Is ita habet: *Ne quis de altario communicet, nisi Corpus separatim, & Sanguinem similiter sumat, nisi per necessitatem, & causam.* De hoc usu *Micrologus*, scriptor ante Gregorij VII. tempora c. 26: *Non est authenticum, inquit, quod quidam corpus Domini intingunt, & intinctum pro complemento Communionis populo distribuunt: nam Ordo Romanus contradicit.* Hunc præterea usum, Concilium *Braccarense* anno Christi 678. congregatum improbat: hunc pravum demum usum Humbertus Cardinalis Græcis objecit. Nunc audiamus, quid ultra *Petrus à Marca* Episcopus scribat de Communione unius speciei. Ceterum, inquit, Eucharistiæ administratio sub solo panis Symbolo laicis hoc sæculo porrecta, magnum incrementum habuit per constitutum à Christianis regnum Hierosolymitanum, ad exemplar antiquissimæ Ecclesiæ illius civitatis, in qua nulla specierum mixtione facta, solo pane sibi exhibitio, adventantis ex orbe universo populi pietas rem Sacramenti percipiebat. Quod profitetur antiquus ille Patriarcha Hierosolymitanus, cujus verba sexcentis ab hinc annis retulit Humbertus, ad sugillandos Græcorum ritus in hæc verba: *Cochlear autem, cum quo communicant, de Hierosolymitanis loquens, sicut in Ecclesia Græcorum minime habent, quia non ita commiscunt sanctam Communionem in calice, sed solâ Communione communicant populum. Itaq; in magnis & parvis Ecclesijs hunc morem sibi traditum à sanctis Apostolis habent omnes Christiani ipsius provincie. Græci autem celebrantes, alij sic, alij aliter à suis acceperunt. Ad hæc si quid ex sancta & venerabili Eucharistia, in Hierosolymitanis superfuert, nec incendunt, nec in foveam mittunt, sed in pixidem mundam recondunt, & sequenti die communicant ex eis populum: quia quotidie communicant ibi, eo quod convenient illuc ex diversis provincijs Christiani, qui propter fidem & maximum amorem filij Dei venire ibidem desiderant: quia*

& locus ipse venerabilior & sanctior est omnibus locis in terra, & ibi est sepulcrum sanctum & honorabile Domini nostri IESU Christi, & sanctus Calvaria locus. Ita Humbertus Legatus Cardinalis & Episcopus ante sexcentos annos. Quo quid testatius, & clariùs adferri poterat? Pergit Archiepiscopus Parisiensis, & suum etiam iudicium interponit. Consuetudo, inquit, illa unius Symboli non statim invasit omnes Ecclesias Occidentis, quamvis in quàm plurimis servaretur ob reverentiam Sanguini Domini debitam; sed postquam egregius ille Theologiæ magister Thomas Aquinas eà de re consultus, earum Ecclesiarum pietatem, & prudentiam in eo usu laudavit, quæ verba ejus sunt 3. p. q. 80. art. 12: *Proinde in quibusdam Ecclesijs observatur, ut populo sumendus Sanguis non detur.* Quare in Concilij Constantiensis sess. 13, quæ est habita 15. Junij, anno 1415, assertum est: consuetudinem unius speciei diutissimè observatam fuisse, cujus observatio ut legitimè præscripta, omnibus indicta est, donec venerabili Ecclesiæ aliud statuendum videretur. Sacri calicis restaurationem Concilium Tridentinum summi Pontificis providentiæ commisit, si provinciæ alicujus à Communionē Ecclesiæ per hæresin abscissæ, unitas hac ratione procurari possit. Habes nunc duorum præstantissimorum Episcoporum iudicium & testimonium. Tot nobis auctores citas ubique in tuo libro, ut heluo librorum ex Gerhardino promptuario videri velis, & hoc ipsum de Hierosolymitana Ecclesia, ne attingis quidem, quia non legisti. Atque hoc clarissimum testimonium mihi Ferdinandus Episcopus noster monstravit, cum postremam editionem Conciliorum Regiorum Parisijs acciperet.

Cæterum D. Thomæ iudicium, ad quod se refert Archiepiscopus, hoc insuper est: *Tametsi communicatio sub utraque sit perfectior, si tamen ex parte sumentium consideretur, ea sub una specie magis conveniens est, ob summam religionem & reverentiam, quam exigit.* Vide nunc Nisani, quàm fraudulenter agas cum D. Thoma. Adducis ejus rationes, quibus probat utramque speciem in se consideratam perfectiorem quidem esse, & hanc ipsam conclusionem omittis. Alexander Alensis celeberrimus Theologiæ Doctor, & D. Bonaventuræ magister, p. 4. q. 53. ita scribit: *Licet sumere Corpus Christi sub una specie panis tantum, sicut ferè ubique fit à laicis in Ecclesia, ac licet sub utraque specie sit majoris efficacia & completius, Ecclesia tamen nititur alio modo propter causas pertractatas.* Et quanto

NNN

tempo-



tempore ante Concilium Constantiense, anno videlicet 1200 ? Ut vel inde videas antiquum in Ecclesia usum unius speciei introductum invaluisse. Antiquior Alense *Rudolphus* Abbas ad S. Trudonem, cujus circa annum M C XLIX. hi sunt versus ab Archiepiscopo Parisiensi relati:

*Hic & ibi cautela fiat, ne Presbyter agris  
Aut sanis tribuat laicis de sanguine Christi:  
Nam fundi posset leviter, simplexque putaret,  
Quod non sub specie sit totus Christus utraque.*

Omitto D. Bonaventuram, Gabrielem Biel, Gersonem, aliosque scriptores, qui antiquissimum hunc usum unius speciei per Germaniam & Occidentalem Ecclesiam testantur, ad quem se Concilium *Constantiense* inter ceteras causas retulit. Ita enim sess. 13: *Unde cum hujusmodi consuetudo ab Ecclesia & SS. Patribus rationabiliter introducta, & diutissime observata sit, habenda est pro lege, quam non licet reprobare, aut sine Ecclesie auctoritate pro libito mutare.* Pari modo Concilium Basiliense sess. 30. statuit, multisque se refert ad laudabilem consuetudinem ab Ecclesia introductam, & à Patribus commendatam. Demum Concilium Tridentinum sess. 21. c. 2: *Si quis dixerit, sanctam Ecclesiam Catholicam non justis causis & rationabilibus adductam fuisse, ut laicos, atque etiam Clericos non conficientes, sub panis tantummodo specie communicaret, aut in eo errasse; anathema sit.*

## Paragraphus IV.

*Utrumne utraque species Eucharistiæ plus gratiæ conferat, quàm una?*

**M**Agnum nobis κλεψοποιήεις furtique crimen intendunt Novatores, ex subtracto laicis calice; nec violati tantum præcepti divini; sed spolij reos faciunt Catholicos, quod cum major gratia, & utilitas ex utraque specie sumatur, quàm ex una, illo tamen fructu spoliemus communicantes. Sed quàm inanis hæc querela sit, & quàm falsa accusatio, paucis hinc exponam.

I. Qua

I. Qua in re primò statuendum, nullam gratiam ad salutem necessariam subtrahi illis, qui sub unâ specie communicant, quod Bellarminus lib. 4. de Euchar. cap. 20. ex instituto pertractat, ac planè docet: *Ex quolibet specie percipitur tantum ejus fructus, quem Catholici in Sacramento quarunt, quantum necessarium est ad salutem.* Hæc enim propositio illius certa est, ex Concilio Tridentino, sess. 21. cap. 3: *Faciendum enim, inquit, sub altera tantum specie totum atque integrum Christum, verumque Sacramentum sumi; & propterea, quod ad fructum attinet, nullâ gratiâ ad salutem necessaria defraudari, qui unam speciem solum accipiunt.* Hinc & Can. 3. directè damnat hæreticorum sententiam, utramque speciem ex necessitate urgentium: *Si quis, inquit, negaverit totum, atque integrum Christum omnium gratiarum fontem & auctorem, sub una specie panis sumi; anathema sit.* Et verò, quomodo gratia aliqua ad salutem necessaria deesse poterit, ubi omnium gratiarum fons, & auctor dignè percipitur? Deinde fructus, quem Catholici in Sacramento quarunt, est gratia Dei animæ infusa; at quælibet species confert gratiam, cum sit verum Sacramentum, uti & quilibet gradus gratiæ sufficit ad explenda inandata, quemadmodum hic exponit Bellarminus, alijque Theologi. Quod vel satis illud Christi Joan. 6. docet: *Qui manducat hunc panem, vivet in æternum.* Hæc indubitata Catholicis: præterquàm quòd sive sub unâ, sive utraque specie sumas, una refectio sit, quâ non modò necessaria, sed & par gratia conferri potest.

II. Verùm, utrumne utraque species sumpta per se majorem gratiam conferat, quàm singulæ seorsim, quia id tam apertè non videtur definiri à Tridentino, controvertitur inter Theologos, negant plerique veteres Theologi, quod & sensit D. Thomas 3. p. q. 50. art. 12: *Potest à populo sumi Corpus sine Sanguine, nec exinde sequitur detrimentum.* Idem sensere D. Bonaventura, Richardus, Gabriel, alijque præter Alensem suprâ à nobis relatum. His accedunt recentiores Theologi, Sotus, Cajetanus, Rossensis, Canisius, Alanus, Ledesma, Valentia, Koning, Tannerus, Becanus, Comptonus, cum primisque Bellarminus, cujus hæc altera assertio est: *Nihil spiritualis fructus capitur ex duabus speciebus, quod non capiatur ex una.* Quam deinde multis confirmat argumentis. Multis etiam propugnat Suarez disp. 63. c. 6. compluresque ex antiquis producit Theologos, ex quibus nonnulli id tam certum volunt, ut dubitari no-

lint. Atque hæc sententia, quæ gravissimorum Theologorum est, & simul sanctorum Virorum, cum tantum gratiæ ex una specie doceat percipi, quantum ex utraque, nullum proffus locum relinquit querelæ ex subtracto calice.

III. Interim quia Suarez fatetur totam hanc controversiam verari inter limites scholasticæ opinionis, & in utramque partem disputari posse; hinc contrà alij affirmant, ex utraque specie plus gratiæ conferri. In quam sententiam, post Alensem, abierunt Vasquez, Kelifonus, Præpositus, Caspar Hurtado, Gammachæus, Lugo, Franciscus Vckenus, qui & suam sententiam rationibus probabilibus exponunt; neque tamen ex hac sententia ullum Lutheranis patrocinium esse potest, pro utraque specie adversus Catholicos.

Nam si his Auctoribus objicias, hinc sequi, magnam injuriam inferri laicis, quibus Ecclesia unam tantum speciem concedit: Respondent, id minimè sequi, cò quòd Ecclesia, cui Christus suorum Sacramentorum dispensationem commisit, possit subjectos sibi homines aliquo instrumento gratiæ non necessariæ, & minis principalis privare, quando rationabiles causæ, ac major Sacramenti reverentia id requirunt. Nec enim Ecclesia solum utilitati sumentium, sed etiam venerationi Sacramentorum consulere debet: ex quo debito multa constituit, ex quibus fideles aliquo fructu gratiæ carent; videlicet ne uno die sæpius communicent laici, ne sæpius uno die celebrent Sacerdotes, ne Eucharistia parvulis ante justam ætatem detur. Addunt hi Auctores, quod per subtractum Calicem de plenitudine nutrimenti decedit, id frequentatione Sacramenti, communionem spiritali, alijsque pijs, ac bonis operibus, abundè & facillè compensari posse. Quid censles Nisani, an ideò Græci, quia intrito in calicem consecrato pane communicant sub utraque, sanctiores quàm Latini per Occidentalem Ecclesiam? aut Lutherani, quàm Catholici? Id si verum, non dixisset Lutherus, post suum Evangelium obsideri mundum à septem diabolis. Imò quid dicimus, Lutheranis sanctiores quàm Calvinistæ, quòd hi figuram, illi verò corpus & sanguinem se sumere credant? Negabunt Calvinistæ, & si Catholicos consulas, dicent utrosque umbræ pacis; haud secus, quàm Augustinus dixit: *Hæreticos Sacramenta in speciem habere, non ad fructum aut salutem.*

IV. Utinam Lutherani, quàm hinc vanè sunt anxij, tam verè & sollicitè

licitē agerent causam Sacrificij Missæ: id quia cruentum Christi in cruce Sacrificium repræsentat, sub utraque specie toto orbe Christiano ad Lutheri tempora, est peractum, & tamen sine ullo prorsus scrupulo à Lutherò primùm abrogari, & cum eo præstantissimum religionis cultum soli Deo debitum, tantumque fructum vivorum, & mortuorum è suis Ecclesijs proscribi sunt passi. Aut certè secum expenderent, in quo Doctores ipsorum fructum hujus Sacramenti reponant; nimirum ut per Sacramentum excitetur fides, quæ sola apud illos iustificat, & in qua omnem fructum Sacramentorum collocant. Hæc autem fides, aut ex aspectu Sacramenti, aut ex auditu verborum excitatur, utrum dixerint, id tam per unam speciem, quàm utramque fieri potest, etiam ante sumptionem, aut sine omni sumptione. Imò satis erit ad hunc fructum participandum, si Minister clarâ voce recitet verba institutionis ex Evangelio, & laici Ministrum recitantem, aut cap. 11. Epist. 1. ad Corinth. quâ consecrant, prælegentem audiant, uti pluribus ingerit Bellarminus citato libro & cap. Becanus lib. 1. Man. c. 9. Concl. 7. alijsque Theologi. Ecce in quâ absurda vos deducitis, qui Ecclesiam docere vultis!

Jam verò, si decissionem hujus controversiæ quærere libeat, reperietur in communi principio, quòd Ecclesia in ijs, quæ ad fidem & salutem omnium spectant, nec errare, nec defraudare possit. Quemadmodum Apostolus id tradit, 1. ad Corinth. c. 4. *Sic nos existimet homo, ut Ministros Christi, & Dispensatores mysteriorum Dei, hic jam quaritur inter Dispensatores, ut fidelis quis inveniatur.* At verò quanta hic Catholicis querendi causa adversus Lutheranos, & cæteros Novatores, à quibus omnis potestas Ordinis & Jurisdictionis sacræ sublata est? & quibus non fraudibus quotidie obnoxij, & sacrilegi tenentur Ministri fallarum religionum, qui egea & vacua tantùm elementa pro veris Sacramentis populo dispensant? Sed hac super re actum lib. 2. Verbo Christi ad Pharisæos absolvam, Matth. 23: *Decimatis mentham, & anethum, & cuminum in minuta videlicet intenti cum Pharisæis, & quæ graviora sunt legis relinquitis.*

## Paragraphus V.

*Quis usus Eucharistiæ, à Carolo M. servatus, atq; ejus  
tempore per Germaniam, et Franciæ  
regnum?*

**N**il hic magis contendit Nifanius, quàm ut usum utriusque speciei nobis ex Carolo persuadeat: quam in rem nonnulla adducit ex Capitularium libris, & Synodis Carolinis, quæ quàm inania sint, postea explorabimus. sed nunc potius unius speciei usum ex illo etiam faculo adstruamus.

*Primum argumentum.* Carolus M. in omnibus se ad *Ordinem Romanum* conformavit, ut toties jam demonstratum in Sacrificio Missæ, Baptismo, atque alijs Ecclesiæ legibus ac ritibus: Atqui *Ordo Romanus* supra octingentos annos ab *Alcuino* Caroli M. præceptore citatus, apertissimè usum unius speciei indicat, nam in capite de Ordine Missæ, significat in parvo Calice sanguinem Domini consecrari solitum, ex quo deinde pro Comunione populi in magnum calicem vino & aquâ plenum, modicum Sanguinis infundi consuevit: is verò calix magnus, etli *calix* etiam *Sanguis* diceretur, non tamen illo modico Sanguinis contactu consecratus Sanguinis calix erat; nec vinum illud in Sanguinem commutari potuit. Hunc deinde morem cæteras Ecclesias servasse affirmat Bellarminus, idque ex Epistola Gregorij II. Pontificis ad Bonifacium confirmat, quæ Can. V. sic habet: *In Missarum solemnibus illud observandum est, quod Dominus noster Jesus Christus sanctis suis tribuit discipulis. Accipite namque calicem, et dicens: Ille est calix novi Testamenti in meo Sanguine. hoc facite, quotiescunque sumetis. Unde congruum non est duos, vel tres calices in altario ponere, cum Missarum solennia celebrantur.* Id tamen maxime necessarium erat, si pro populo calix consecrandus, & distribuendus fuisset, cum primis in numerosis parochijs, ubi aliquot millia hominum festis sollemnioribus communicant. Ideirco nullibi etiam per Germaniam tam capaces reperiuntur calices, cum tamen plurimi calices Sacrificiorum inter monumenta sacrorum à Caroli Magni ævo supersint,

hinc, qualis D. Willibrordi Embricæ, D. Ludgeri Helmstadij fuit, alij Episcoporum veterum calices monstrantur. Hinc de calice Sacrificij Gregorium Pontificem loqui certum est, quando extra Sacrificium apud Catholicos consecratio non fit. Atque hoc *Gvilhelmus Durandus* Episcopus Mimatensis lib. 4. Rational. Div. Off. c. 42, quem contra nos adducit Nifanius, pro nostra magis sententia scripsit: *In quibusdam, inquit, locis post sumptionem Corporis & Sanguinis Christi, aliquid ex ipso Sanguine reservatur in ipso calice, & superinfunditur vinum præter sanguinem, nec calix capax inveniretur.* Nonne hic usum unius speciei satis vides? si modò videas. Ut quid indecens dicit Durandus, communicare tantum Sanguinis, qui populo sufficiat, si sub utraque specie communicavit populus? quales certè calices negat etiam Durandus sæculo suo, videlicet XIII, reperiri. Et verò duplex genus calicum olim fuisse, agnoscas ex Vitis Pontificum apud Damasum & Bibliothecarium, cum priusque in vita Sylvestri, quemadmodum id Onuphrius tradit lib. de interp. voc. Eccles. Quorum alterum fuit calicum majorum seu *sacriserialium*, alterum minorum, seu *ministerialium*; sic dicti, quòd pro Clero & populo communicante subservirent. Seu jam Clerus, vigente Clericali communione, seu Clerus & populus simul ( ut Onuphrius scribit, & subinde in Romana Ecclesia mos fuit, ) ex calice per cannam biberint; seu per modicum vini consecrati infusum, contactumque, ut dicit Bellarminus, participarint; seu etiam vinum non consecratum ad abluionem, ut modò mos obtinet, præbitum fuerit. Certè Pontifex, hoc postremum *ministerialium* calicum genus, dicit non esse ponendum in altari, quod tamen fieri necesse erat, si cum *sacriseriali* calice, hic etiam *ministerialis* consecrandus fuisset. Et cur obsecro hic calix *ministerialis* dictus est minor? qui pro populo major esse debuit, ob populi magnitudinem ex eo communicantis? Id potiùs quæramus à Lutheranis, & Nifanio, qui se Episcopum fert, ubi apud illos calix major & *sacriserialis*? qui jam dudum cum ipso sacrificio Missæ sublatas est ex eorum Ecclesijs. Contrà, quæ unquam Christianorum Ecclesia ante Lutherum, sine sacrificio, & calice sacriseriali? Et si Occidentalis Ecclesiæ testimonium satis non sit, consule Orientalem Ecclesiam, & in ea omnes Christianos tam Catholicos, quàm schismaticos; tam Græcos unitos, quàm

non

non unitos : omnes hi tibi ab ævo Apostolorum in hodiernum diem ex calice *sacris* Sacrificium Christianæ religionis apud se monstrabunt.

Opponit hîc nobis Nifanius Lindanum lib. 4. Panopl. Evang. sub finem, qui eundem Canonem suprâ relatum à Gregorio II. Pontifice ad Bonifacium, refert jam ante à Gregorio M. ad Augustinum Anglorum Apostolum & Episcopum perscriptum ; atque inde conficere, populo utramque speciem dandam: cujus tamen contrarium ex hoc Canone conficit Bellarminus & alij, ut res ipsa loquitur. Sed urget *Lindanus*, postea Ruræmundensis Episcopus, repertos esse in Frisia ab ævo D. Bonificij calices diversæ formæ, pro populo communicando, ex quibus per cannam ferruminatam Christi Sanguinem suxerit populus: verum hi ipsi calices, ut veriùs reputes, non alij, quàm in quos de calice Sacrificij modicum Sanguinis infusum fuit, secundum Romanum, ut diximus, Ordinem. Ejusmodi & ego antiquos calices, seu pocula rotundata vidi in antiquissimis Westphaliæ parochijs, vidiq̃ue adolescens ex eis populum per cannas bibere post Communionem Panis ad cornu altaris acceptam, idque poculum præberi in medio choro ab ædili. Imò Ancumij, in vetustissima Osnabrugensis diœccesis parochia, reperi in tabulario Ecclesiæ antiquam in pergameno scripturam ac decretum, quo Archidiaconus Sneiderlagen ablutionem, quam hæctenus in aqua sumperant post Communionem, jussit commutari in vini ablutionem. tantum abest, ut sub utraque communicarint. Et quæ apud vos Lutheranos in cœna vestra hîc religio? qui unum tantummodò Calicem recitatâ parte Epistolæ 1. ad Corinth. II. consecratis, eoq̃ue à communicantium turba in magnis parochijs semel exhausto, superinfunditis ex cantharis circum altare positis, iterum, tertium, quartumque, prout multitudo populi exigit, nullâ consecratione repetitâ, ut toties conspexi: præterquam, quod nec Sacerdotes sitis, nec Epistola illa Pauli, quâ consecratis, tum nondum scripta fuerit, cum Christus Cœnam institueret.

*Alterum argumentum* se offert ex Epistola Zachariæ Pontificis ad Francos & Gallos, quâ reprehendit Sacerdotes, qui castra sequebantur, & cum militibus contra paganos pugnabant: *Qualis en. m.* inquit, *victoria dari potest, ubi Sacerdotes una horâ Dominica pertrahant mysteria, & Christianis corpus Dominicum porrigunt, & postea paganos necant?* Ubi unam



unam speciem referri vides. Quòd si in altera etiam Sanguinem accepissent, prònum erat Pontifici exaggerare factum, ab humano sanguine per Sacerdotes effuso, qui sanguine Christi populos reficerent. Hanc Pontificis legem Carolus Magnus lib. 5. Capitularium recepit, relictis in castris uno alteroque Episcopo cum Sacerdotibus, qui Missas celebrarent, & militibus Sacramenta ministrarent, & morituris viaticum corporis Christi præberent. Et quis sibi persuaserit, Sacerdotes illos castrenses sub specie vini circumtulisse alteram speciem, tot periculis corruptionis & effusionis obnoxiam? Quapropter & Widekindus Magnus sub specie panis vidit Christum in forma pueri in ora militum ingredientis, uti hoc Crantzius, & alij, referunt. Clarior hic usus unius speciei ex Concilio Aquilgranensi II. sub Ludovico Pio cap. 3. can. 23. qui sic habet: *Sanè communicatio Corporis Domini omni die Dominicà debuit celebrari.* Nulla hinc calicis mentio. Et quid verisimiliùs, quàm hunc usum sub Ludovico Pio tractatum ex usu ævi Carolini. Ita leges tom. XXI. Concil. Parisiens.

*Tertium argumentum* deducitur ex Gregorij III. Pontificis decreto, quod à Carolo Magno inter judicia ejus Can. 31. receptum tom XVII. Concil. Parisiens. *Si quis continuò creditur moriturus, infundatur ori ejus Eucharistia.* Quod jam ante in Concilio Carthag. IV. statutum erat. Illa verò communio non fiebat sub specie vini, sed panis madefacti in vino, aut alio liquore, ut infirmus Eucharistiam deglutire posset, (ut rectius scribit Bellarminus) eò quòd Eucharistia non sub specie vini, sed panis asservaretur pro ægris & morituris. Quòd illud spectat lib. 1. Capitularium c. 161. *Presbyter semper Eucharistiam habeat paratam, ut quando infirmaverit, aut parvulus infirmus fuerit, statim eum communicet, ne sine Communionem moriatur.* Eodem referas illud lib. 7. Capitularium c. 372: *Placuit ut omnes, qui sacram accepertint Eucharistiam, & non sumperint, ut sacrilegi repellantur.* Quod de specie panis intelligendum, non vini: nam quomodo quis vinum sumat, & non consumat? Quare planiùs tom. XX. Conciliorum in decretis: *Cuncti Sacerdotes omnibus infirmis ante exitum vite, Viaticum & Communionem Corporis misericorditer tribuant.* Accedit huc proinde argumentum, quod suprà attulimus de asservatione Eucharistiæ, quæ etsi in Ecclesia Græca subinde sub specie vini facta fuerit, in Occidentali tamen Ecclesia nullum ejus vestigium, nisi sub specie

cie panis. Et cui verisimile videri potest, communem legem ferti potuisse, ut Eucharistia per pagos & oppida remotiora sub specie vini conservaretur, in quibus agrè vinum per ætatem pro Sacrificio servari potest, quin acefcat? Quare Ecclesia Latina multò ordinatius quàm Græca, venerationi hujus Sacramenti prospexit. Lego præterea in Capitularium Caroli libris multas leges, quibus ampullæ Chrsinatis, & olei sacri diligenter asservari, & recludi jubentur. Lego & tom. VIII. Concil. Parisiensium recentioris editionis Hincmari Canones, interque eos Can. VII, quo jubentur Sacerdotes *habere pixidem, in qua congruè possint recondi sacra oblatio, reservanda ad viaticum infirmi*. De nullo verò vase, aut poculo lego, in quo sub specie vini in Occidentali Ecclesia asservata sit Eucharistia.

*Quartum argumentum* sumas ex ipso ritu administrandi Eucharistiam. Nam in porrectione corporis Christi Sacerdos dicere solitus: *Corpus Domini nostri Jesu Christi custodiat animam tuam in vitam æternam*. Ita expresse fieri consuevisse legis in Epistola Caroli Magni ad Albinum de Neophytis baptizatis, & communicatis, uti & in libris Capitularium, qui mos hodieum inde obtinet. At in porrectione Calicis nullam hujusmodi formam verborum legas, quod argumento est, Calicem populo non fuisse præbitum: quando & Sacerdos, dum in Sacrificio Corpus & Sanguinem sumit, ad utramque speciem suam sumendi formam præscriptam habet in liturgia. Demum quoties in libris Capitularium, & Synodis Carolinis legis severis pœnis in eos Sacerdotes statutum, qui celebrant, & non sumunt tam corpus Christi, quàm sanguinem ex calice; nullam verò legem Carolinam reperies, quâ jubeantur laici sub utraque specie sumere Eucharistiam: quod argumento est, Eucharistiam à Sacrificio distingui, quòd illud utramque speciem requirat, non verò Eucharistiæ Sacramentum. Lego quidem apud Lindebrochium in formulis Exorcismorum, aquæ calidæ, aut frigidæ, aut ferri candentis, ad quas probationes antequam admitterentur homines, moris fuisse priùs communicare, in eaque Communionem porrectâ dixisse Sacerdotem: *Corpus hoc, & Sanguis Domini nostri Jesu Christi fiat tibi ad probationem hodie*. Verùm hæc ad unam speciem referenda sunt, ut supra explicui: Neque hîc alio verbo utuntur formulæ, quàm *Communio*, quâ una passim species notatur, nec mentio Calicis fit.

Adver-

Adversus hæc Nifanius objicit ex libro Synodico : *Sanguis Christi, qui à fidelibus in Sacramento sumitur, pro nobis effusus est.* Rursum lib. 4 : *Corporis & sanguinis Domini mysterium quotidie in Sacramento à fidelibus sumitur.* Ex Concilio Cabilonenſi c. 46 : *In perceptione corporis & sanguinis Domini magna discretio adhibenda est.* Quod idem leges lib. 2. Capitularium tit. 40. addit. *Cavendum est, ne in longum differatur, dicente Domino: Nisi manducaveritis Carnem filij hominis, & biberitis Sanguinem ejus, non habebitis vitam in vobis.* Idem confirmat ex Ansegisi lib. 2. tit. 38. de Communione ter in anno facienda, cujus inscriptio est: *De Communione corporis & sanguinis Domini: Si non frequentius, vel ter laici homines in anno communicent.* Magistrale profecto argumentum ! Quasi verò in unâ specie Christus non sit totus, in eâque non fiat participatio corporis & sanguinis Domini. Tyrones & pueri hanc solutionem tibi dare poterant: præterquàm quòd Ansegisi librum ubiq; perperam cites, ut Capitularia Caroli nunquam inspexisse, aut vidisse appareas. Si historicus esses, primùm te adferre oportebat, quod Theganes Chorepiscopus Trevirensis de Carolo Magno scribit: *Septimo die, postquam laborare cepit, jussu familiarissimum suum Pontificem Hildebrandum venire ad se, ut ei Sacramenta Domini corporis & sanguinis tribueret.* At verò Eginardus ita de Carolo: *Septimo postquam decubuit die, sacra Communionem percipit decessit.* Auctor vitæ Caroli Viatico refectum scribit: *Communio verò, & Viaticum, unam speciem designant ex usu illius ævi.*

Respondeo igitur: in Caroli Capitularibus, in Synodis, & omnibus Carolinis monumentis, modò dicitur *Sacramentum corporis Christi*, modò *corpus Dominicum*, modò *Eucharistia*, modò *Communio*, modò *Viaticum*, cùm de ægris agitur : Qui modi loquendi satis unam speciem indicant. Ac tametsi subinde etiam *Sacramenta corporis & sanguinis Christi*, & *Communio corporis & sanguinis Christi* dicatur, ij tamen postremi modi satis de unâ specie intelligi possunt: tum quòd Corpus nunquam sine Sanguine detur; tum quòd hæc duo simul exprimantur, non tam ad sumptionis modum significandum, quàm ad venerationem Sacramenti populo altiùs imprimendam : quando tam reus sit corporis & sanguinis Domini, qui sub unâ, quàm qui sub utraque specie indignus accedit. Quanquam ex omnibus hisce Eucharistiæ loquendi modis, nullus frequentior, & usitator sit, quàm *Communionis* nomen, uti lib. 5. Capitul.



c.180: *Placuit, ut omnes per dies Dominicos, & praeclaras festivitates, sacram Eucharistiam communicent.* Quo loquendi modo una species notatur, sicut Humbertus suprâ scripsit: *Hierosolymitanos solâ Communionem communicare populum;* & Eginardus Carolum Magnum *Communionem* percepisse refert. Similiter de Ludovico Pio Imp. auctor ejus vita: *Cibus ejus erat solummodo per dies quadraginta Dominicum corpus.* Deinde postquam mortem sibi imminere sensit: *fussu ministerium altaris praeprari, & per officium Drogonis Episcopi Metensis, Missarum sollemniaccelebrari, nec non per manus ejus juxta morem Communionem sacram sibi dari; & post hac cujusdam potiuncula calidula haustum praeberi.* Ita nomen Communionis à posteris usu receptum, hodie dum obtinet per Germaniam: ut dum Germani dicunt, *præparare sese ad Communionem, ire ad Communionem, percipere Communionem,* unam tantummodò speciem hac voce designent. Nullibi verò apud Carolum unius, vel utriusque speciei nomen: quando ut tum passim usus erat unius speciei, ita ex supposito usu locuti sunt. Quamvis ista ut modò desideramus, non tam explicatè consignarint scriptores: Ut pronius quis existimet. Caroli Magni & Ludovici Pij ævo promiscuè Eucharistiam sub una, & utraque specie præbitam, donec sensim una species recepto passim usu obtineret: Uti id præter D. Thomam aliosque Theologos, Concilium etiam Constantiense asserit. Neque interim Caroli Magni ævo, ac deinceps controversia ob id in Ecclesia, minus schisma; quod Bohæmorum primum hæresis à Lutheranis excepta fecit. Certè Caroli Magni ætate ægris, & morituris Eucharistia sub una specie data, quem morem etiamnum à Græcis observari intelligo.

Objicit II Nifanius ex Concilio Turonensi III. cap.19: *Presbyteri omnino admonendi sunt, ne cum sacra Missarum peregerint, atque communicaverint, pueris aut alijs quibuscumque personis adstantibus corpus Domini indiscretè non tribuant.* Quid hîc inferis, nisi ut te ipsum oppugnes? Dum enim Concilium dicit, *pueris & adstantibus corpus Domini datum esse;* quid aliud, quàm unam speciem asseris ex Concilio? Sed ubi Missarum sollemnia apud vos Lutheranos? quæ toties legis in Carolinis libris & legibus, ex Christianorum Sacrificio.

*Quintum argumentum* est ex usu unius speciei apud alias nationes Christianas. In Hispania, ubi antiquissima Catholica est religio, quæque in

in omnibus secuta est Ordinem Romanum, nonnisi ad breve tempus usus Calicis fuit, inquit Henriquez lib. 7. c. 44. Idem Vasquez, asserit, additque; in Hispania non reperiri tam capaces Calices, ex quibus populo Eucharistia sub specie vini præbita sit. In Anglia, ex qua Apostolici viri sunt emissi, qui Frisiam, & hæc regiones ad Christi fidem convertère, idem ritus sub una specie viguisse traditur, maximè cum gentem Anglorum D. Augustinus cum alijs Apostolicis viris à Gregorio M. missis, in unâ Christi fide, ad Romanæ Ecclesiæ formam traduxerit. Quod prætereà ex Beda comunistrant, qui lib. 2. hist. c. 5. de Regis cuiusdam defuncti paganis filijs scribit: *Cum viderent Pontificem, celebratis Missarum solennijs, Eucharistiam populo dare, dicebant: Quare non & nobis porrigis panem nitidum, quem & Patri nostro dabas, & populo adhuc in Ecclesia dare non desinis?* Ut vel inde probabile censeat Alanus, lib. 1. de Euchar. c. 46. etiam ante tempora Bedæ Eucharistiam sub una specie datam. Quæ verò Nifanius ad hæc eludenda adfert, prorsus frivola sunt.

In Polonia quoque non aliter, quàm sub una specie datam esse Eucharistiam scribit Cardinalis Hosius in Dialogo; idque ex monumentis istarum Ecclesiarum satis colligi posse, usumque hunc cum exordio Christianæ religionis in Poloniam introductum esse. Ad hunc modum D. Otto Bambergensis Episcopus, & Pomeraniæ Apostolus, dum septem Sacramenta recenset à se docta; *Quartum*, inquit, *Sacramentum est Eucharistia, id est corpus & sanguis Domini*: ut verò sub una specie datum intelligas, addit: *Hic est cibus anima, oportet eum vos ad celebrandas Missas frequenter convenire, ut sapius huic Viatico communiceris; aut saltem ter, aut quater in anno Communicare.* Ubique enim Communionis nomen, quo una species notatur. Ita per cæteras Septentrionales provincias & regna obtinuit, in quibus tanta sæpe inopia vini fuit, ut ne pro Sacrificio quidem commodè haberi potuerit, quemadmodum id de Norwegis scribit Volaterranus. Et verò, si vestrum Lutheranum Evangelium penetraret in extrema Indiarum regna, cum Catholicâ religione, ubi eadem est vini inopia, Sacramentum hoc populo administrari non posset: & cum utramque speciem ad salutem necessariam esse contendatis, frustrâ à vobis labor conversionis sumeretur.

Hæc de usu Communionis, quæ Caroli Magni ætate, discussis diligenter omnibus monumentis, reperire potui. Sed demus etiam tibi, tem-

pore Caroli Magni communionem utriusque speciei in usu fuisse, ac Carolum etiam sub utraque communicasse; num inde Carolum Lutheranium convincis? haud magis, quàm Reges Franciæ, quos agnoscis in die inaugurationis, & in exitu vitæ communicari sub utraque specie. Et quis Catholicorum hoc negat, sub utraque fuisse in usu? Neque si modò Ecclesia permetteret, ut Hussitis aliquando, & quibsdam Germaniæ Principibus permisit, propterea Lutherani erunt: Et si modò etiam Sacerdos Catholicus laicum communicaret sub utraque specie, id quidem *illicitè* faciet, sed non *invalidè*: Verum enim Sanguinem accipiet; neque id contra substantiam hujus Sacramenti erit, sed *modum* ab Ecclesia ordinatum. Ut vel hinc intelligas, rem de qua agimus in *modo* consistere. Quàm faciliè in hoc conveniret, si modò in cæteris Catholicam Ecclesiam audire placeret, idque vobis persuaderi posset.

Miror equidem, tam multa disputari, & controverti nobis de Communionem *sub utraque*, id verò quod præcipuum est, quodque primum in hac causa esse debet, hic à vobis seponi, & apud populum supprimi. Questio enim hinc prima est; an Lutherani ministri sint veri Sacerdotes? negant id Catholici: ubi enim successio apud vos? ubi Episcopi? ubi potestas Ordinis? Et si veri Sacerdotes non sitis, quid in Cæna vestra populo datis, præter *nuda symbola*, sine corpore & sanguine Christi? Idem nimirum, quod Calvinistæ; nec plus, quàm cæteri extra Ecclesiam falsarum religionum ministri. Hæc illa impostura vestra est, de qua prima populi, & iusta querela esse deberet. *Duces cæci, excolantes culicem, camelum autem glutientes!* Matth. 23. v. 24. Pharisaico prorsus ingenio, & dolo, qui cum ex minutis religiosi videri vellent, decimando mentham & anethum, graviora legis intermittebant.

## Paragraphus VI.

*Iusta, et rationabiles causæ, ob quas usus unius speciei ab Ecclesia receptus, et approbatus.*

**P**ostremum invchitur Nisanius in causas ab Ecclesia Catholica assertas, easque frivolas esse scribit. idcirco *πληροικλήσις*; & furti ex subtra-

subtrahendo calice nos acculat; *Constantiense* Concilium, quod eas recepit, *Obstantiense* vocat. Sera ac vanæ hæc communis Lutheranorum querela est, nullo (ut jam ostendimus) fundamento subnixæ: quando nec contra institutionem Christi, nec contra divinum aliquod præceptum una species est. Quod verò Lutherani ex septem Sacramentis quinque detraxerint, duobus tantum relictis, Baptismo & Cœna; quod ab illis sublata potestas Ordinis, ut jam in Cœna sua nihil præter nudum panem, & merum vinum dent populo; hæc iustæ querelæ locus, hic imposturæ & sacrilegij crimen Prædicantibus intenditur. Sed his missis, causas reddamus: tamen rectè Valentia scripserit: satis esse nobis Ecclesiæ auctoritatem pro omni causa, cujus est hæc judicare; reliquis parere relictum est.

I. *Causa* redditurà Catholicis, uniformitas & concordia populi Christiani, 1. Cor. 10: *Quoniam unus panis, unum Corpus multi sumus, omnes, qui de uno pane participamus.* Et ratio clara est: Nam cum per Occidentem passim una species invaluisse, & alibi, maxime inter Græcos, utraque species in usu esset, pro privata cujusque Pastoris auctoritate, Ecclesia ad unam formam sapienter deduci voluit; cum etiam si in unâ specie detur Communio, usus idem esse posset in toto Orbe terrarum, ut sanè modò datur per Ecclesiam Catholicam. Jam si libera esset Communio, vel sub utraque inperaretur, abstemijs qui vinum non bibunt, aut qui comparare sibi non possent, ut in multis Septentrionis partibus & Indiarum regnis usu venit, ijs aut abstinendum, aut rarò communicandum esset, aut inviti cogerentur ad unam speciem: quæ certè magnâ inæqualitas esset, nec providentia divina satis omnibus prospexisset; aut certè Eucharistia in pane & aqua, quæ ubique gentium materia esse potest, instituenda fuisset. Accedit, quod postquam Græca Ecclesia per schisma abrumpi cœpit, quæ non in ea difformitas, & deformitas? dum alij sub utraque, alij ex intincto pane, alij cum mixtione panis & vini per cochleare Eucharistiam sumerent, alij aliter, ut Humbertus Episcopus ac Legatus exprobravit Græcis. His ut Latina Ecclesia, quæ à Spiritu S. regitur, occurreret, uniformem ritum præscripsit.

Dicitis, sub utraque specie plus gratiæ conferri: quod etsi disceptetur inter Catholicos, de gratia quam *per se* confert Sacramentum, quæ ratio tamen est inter terminos scholasticos, ut Suarez inquit. Sed demus vo-

bis



bis hoc tantisper. Quis verò ille effectus apud vos? majorne vitæ sanctitas apud vos, ex quo cum Hussitis utramque speciem usurpare cœpistis, quàm apud Catholicos? sanè id nemo hætenus animadvertere potuit, nisi summam vitæ licentiam, & *laxitatem* disciplinæ Christianæ, *sanctitatem* appellare libeat. Ubi, ut cætera hîc intermittam, ubi inquam, *Vinum germinans virgines*, (de quo Zacharias c.9. vaticinatus est) ex quo Lutherus monachus, ductâ moniali in matrimonium, claustra & cœnobîa virginum per Saxoniam laxare cœpit?

II. *Causa, consuetudo jam per Ecclesiam recepta*, & consensu gentium & populorum *approbata*: ad quam Concilium Constantiense se revocat. Neque Concilium Constantiense primum instituit hunc usum unius speciei, ut falsò Nifanius scribit, sed receptum ubique, & approbatum prohibuit tolli & abrogari. Quod idem fecit Batileenſe & Tridentinum Concilium, uti supra relatum est.

III. *Causa Ecclesiæ fuit*, ut hunc usum ubique receptum stabiliret, contra obortas hæreses, (qua super re Turianus lib.4. Constit. Apost. c.13, Vasquez, Bellarm. Becanus, & alij) simulque scandala tollerentur, tum ut occasio erroris tolleretur, ne videlicet homines simplices sibi persuaderent, sub una specie non contineri integrum Christi corpus & sanguinem; atque hætenus totam Ecclesiam errasse in Communione unius speciei. Quam causam pluribus explicat Valentia, Bellarminus, & alij; & jam ante illos dudum Alensis Theologus, qui hac falsa persuasionem multos suo tempore in errorem abductos memorat, tum vel maxime, ut Ecclesia frangeret & refutaret hæresin Hussitarum, qui utramque speciem jure divino necessariam docebant ad salutem. Quod idem movent Patres Concilij Tridentini contra Lutheranos.

IV. *Causa*, irreverentia & profanatio hujus Sacramenti, quæ ex sumptione calicis diu, multumque ab Ecclesia animadversa est, & moraliter in tanta hominum multitudine evitari non poterat, præsertim cum fidelium multitudo incretceret, & caritas pietasque refrigesceret. Quapropter D. Thomas supra relatus, etsi utramque speciem in se consideratam diceret perfectiorem, unam tamen speciem ex parte sumentium censuit magis convenientem; idque ob summam religionem & reverentiam, quæ ex jure divino, naturali & Ecclesiastico, huic Sacramento debetur, cui vel maxime interest Ecclesiæ prospicere. Quam ob causam

Cajeta.

Cajetanus adeò q. 80. Communionem sub una specie simpliciter populo esse utiliore, & magis convenientem divinæ voluntati & institutioni docuit. Quæ ratio, etiam apud vos Lutheranos non eum locum habeat, (qui in ipsa sumptione præsentiam Sanguinis statuitis, extraque usum commune, aut benedictum tantummodo vinum relinquitis,) apud Catholicos tamen, qui post consecrationem vini docent, sub illius speciebus Christi sanguinem permanentem esse præsentem, Corpusque concomitantem, his sapientius consulendum est, ne quid vel in ipsa sumptione effundatur, vel in asservatione corrumpatur, aut in omnem casum quid profanetur.

Quamquam inter vos Lutheranos nondum convenerit, sitne Christus præsens post consecrationem, seu post Epistolam ad Corinthios lectam, an vero in ipsa sumptione? Si post consecrationem statim est præsens, cur non poterit asservari sub symbolis? Et si asservetur, cur non adorari, & omni veneratione coli debet? imò quid in casu suprâ relato facies? si post consecrationem æger moriatur, & Eucharistia non sumpta relinquatur apud Prædicantem? Adhæc si non est præsens Christus post consecrationem factam à vobis, falsa sunt verba consecrationis: *Hoc est Corpus meum*, &, *Hic Calix novum Testamentum est in meo Sanguine*, quæ in Epistola consecrationis pronuntiatis, 1. Cor. 11. Hic tuum judicium exspectamus, ex sceptica vestra Theologia, qui Theologiæ Licentiatum te jactas. Extra domum vestram omnia vultis reformare inter Catholicos; intra domum vestram omnia confusa & turbata jacent: *foris lynces, domi talpa.*

Igitur ut rem omnem, quæ hic de Communionem est, utrumne sub una, an utraque specie sumenda sit, verbo expediamus: Dicimus, non esse quæstionem de substantia Sacramenti, sed de modo rituque sumendi, in quo penès Ecclesiam est potestas ordinandi. Abrogavit Ecclesia communionem *Clericalem* sub utraque specie, nec quæsti sunt Clerici. Abrogavit Ecclesia Communionem *domesticam*, quâ viris & mulieribus etiam permissum mundis linteolis excipere Eucharistiam, & domi sumere, nec quæsti sunt populi. Statuit Ecclesia, ut non nisi à jejunis sumeretur Eucharistia, aliaque ordinavit, secùs, quàm institutio Christi secum ferebat, & hæc laudabilia nobiscum prædicatis servatisque: solum Communionem sub una specie ferre non poteris, quæ tamen ex ritu

PPP

modo.

modoque in eodem genere (ut diximus) versatur. Quàm multa sunt hujusmodi in Ecclesia, de quibus S. Augustinus Epist. ad Innocentium Pontificem: *Non debet reprehensibile judicari, si secundum varietatem temporum statuta quandoque mutantur humana, præsertim cum urget necessitas, aut evidens utilitas exposcat.* Quare unica hæc Ecclesiæ auctoritas satis esse debet, quæ si in hujusmodi controversiis seponatur, contemnaturque, nihil superest, nisi ut quælibet secta pro ingenio & libertate, ut sanè facit, ordinet de ritibus Eucharistiæ, credat de ea, quod vult; tollat de numero Sacramentorum quot, & quantum libeat; & quantum sibi fingere & suis persuadere potest, in Ecclesia perturbet: quæ composita, pronaque ad atheismum via est. Catholici in Ecclesiæ Catholicæ auctoritate, quæ *columna & firmamentum est veritatis*, securè se fundant. Hoc Patrum, hoc D. Augustini denuò judicium est, in Epist. 118. ad Januarium: *Insolentissima est insania, disputare, an faciendum sit? quod universa frequentat Ecclesia.* Frustrà omnis disceptatio de Communionem sub utraque, cæterisque controversiis suscipitur, quoad judex controversiarum ex ipsa Ecclesiæ auctoritate non recipitur. Id qui non intelligit, ne ipsa quidem principia capit, nec dignus est, quocum utiliter disceptes. Hic cardo, in quo omnes fidei controversiæ versantur, & finiuntur.

## C A P V T IX.

### *De Pœnitentiæ Sacramento.*

**Q**Uatuor, quæ supersunt *Sacramenta*, ordine & paucis subjungamus: de ijs quidem adversarius parum movit, sed quia ad Carolum Magnum provocat, nostrâ interest non transire, ut ex ijs *Carolus Catholicum* exhibeamus.

I. Pœnitentiam verè ac propriè *Sacramentum* esse, etiam secundùm definitionem ipsorum Lutheranorum, in *Augustanâ confessione*, &  
*Apolo-*

*Apologia* assertam, constat. I. Quia habet ritum externum, & judicialem absolutionem, quæ fit per verbum externum, seu verbum absolutionis. Joan. 20: *Accipite Spiritum sanctum: quorum remiseritis peccata, remittuntur eis: & quorum retinueritis, retenta sunt.* Hic præterea ritus supponit alium in pœnitente ritum externum; quo nempe testetur pœnitens, se peccata habere veniâ dignâ: alioquin non constaret iudici, remittendane sint peccata, an retinenda? II. Quia habet *promissionem gratiæ justificantis* certissimam & planissimam, per verba, *Remittuntur eis.* Atque hoc est illud S. Pauli 2. Cor. 5. v. 18. *Deus dedit nobis ministerium reconciliationis.* Nam suprâ dixerat v. 20: *pro Christo Legatione fungimur.* Hoc illud 1. Joan. 1. v. 9: *Si confiteamur peccata nostra, fidelis est & justus, ut remittat nobis peccata nostra, & emundet nos ab omni iniquitate.*

Lutheranos quoque Pœnitentiam inter Sacramenta primùm recepisse, certum est ex *Apologia Augustanæ confessionis*, ita enim illa cap. de numero Sacramentorum: *Si Sacramenta vocamus ritus, qui habent mandatum Dei, & quibus addita est promissio gratiæ, facile est judicare, quæ sint propriè Sacramenta.* Et mox: *Verè igitur sunt Sacramenta, Baptismus, cœna Domini, Absolutio, quæ est Sacramentum Pœnitentiæ.* Nihil clariùs. Accedit, quod *Apologia Pœnitentiam propriè, & verè inter tria Augustanæ confessionis Sacramenta profiteatur.* Sed nihil quoque ex Lutheranorum doctrina inconstantiùs; quæ cum sacramentarijs, & Calvinistis, modò duo tantùm Sacramenta recipit. Legistine unquam tam inconstanter agi cum Tridentino Concilio apud nos? ut quod semel definitum est, Ecclesia Catholica unquam retractaverit? Ne quid dicam de ipsa *Augustana vestra confessione*, & regulâ illâ fidei vestræ, quæ novies minimum recusa & mutata, novosque semper fidei articulos procusos adjecit, Non Proteus tam varius, quàm Lutherus in suo evangelio, aut Lutherani in suo Luthero.

Supervacaneum hîc Conciliorum, & Patrum testimonia referre, quæ Pœnitentiam nobis Sacramentum tradunt. *Ambrosius* lib. 1. de Pœnit. c. 7. *Quid interest, utrum per Pœnitentiam, an per lavacrum, hoc jus sibi datum Sacerdotes vendicent? Unum in utroque ministerium est.* Quare & *Cyrillus* lib. 1. 2. in Joan. c. 56, comparat Reconciliationem & Pœnitentiam cum Baptismo. Idem *Cyprianus* fecit, *sermone de ablutione pedum.* Hieronymus lib. 1. contra Pelagianos: *Redimatur sanguine Salvatoris,*

soris, aut in domo Baptismatis, aut in Pœnitentia. Augustinus lib. de adulterinis conjug. c. 26 & 28: *Eadem, inquit, est causa Baptismi, & Reconciliationis, sine quibus Sacramentis homines credunt se non debere exire de corpore.* In psalm. 146. explicans illud, *Qui sanat contritos corde, & alligat contritiones eorum: Quæ sunt, inquit, ista alligamenta? temporalia Sacramenta.* nimirum, quæ per *claves cœlorum* Christus dedit Apostolis, & Sacerdotibus, Matth. 16. Lib. 50. *Homiliarum, Homil. ultimâ: Omnis, qui jam arbiter voluntatis suæ constitutus est, cum accedit ad Sacramenta fidelium, nisi eum pœniteat vitæ veteris, novam non potest induere; ab hac pœnitentia, cum baptizantur, soli parvuli immunes sunt.* Eadem leges apud Augustinum *Epist. 180. ad Honoratum, Lib. 5. de Baptismo c. 20. & 23. cæterosque Patres, quos longum referre. Videmus cætera.*

II. Sacramentum Pœnitentiæ, pro Ministro requirit Sacerdotem, neque enim alijs, quàm Apostolis, & horum successoribus dictum est à Christo Joan. 20: *Accipite Spiritum sanctum: quorum remiseritis peccata, remittuntur eis.* Pro forma exigit, *Verbum absolutionis*: sicut cætera Sacramenta, quæ *rebus, & verbis* perficiuntur. Perinde ut in Concilio Florentino dicitur: *Sacramenta tribus perficiuntur, videlicet Rebus, tanquam Materia; Verbis, tanquam Formâ, & personâ Ministri.* Augustana vestra confessio, art. 12. de Pœnitentia, nihil de Sacerdotibus præscribit; tantum ponit: *Quod Ecclesia redeuntibus ad Pœnitentiam, absolutionem impertire debeat.* Id etsi per ministros faciat, illi tamen sacerdotes, non sunt consecrati, nec ullâ Ordinis potestate, aut jurisdictione internâ, externâque præditi. Quocirca ut nihilificent in Eucharistiæ consecratione, ita à nullo peccato absolvere possunt pœnitentem. Quæ ut communis & certissima est Catholicæ Ecclesiæ doctrina, ac suprâ (lib. 1. de *successione Apostolica*, & lib. 2. de *potestate Ordinis*) indicata, pertractataque ab omnibus Theologis: ita nulla major impostura fingi potest, *in re tanti momenti*, quàm horum Sacramentorum administrationem sibi sumere eos, in quibus nihil aliud habeas potestatis, quod non quilibet laicus sibi vendicare possit. *Extra Ecclesiam, inquit Augustinus in Enchir. c. 65. non remittuntur peccata: ipsa namq; propriè Spiritum sanctum pignus accepit, sine quo non remittuntur ulla peccata.*

III. Pro Materia tres actus requirit Pœnitentia, *Contritionem, Confessionem, & Satisfactionem*; ita tamen, ut Satisfactio pars integralis sit,

fit, non essentialis. De *Contritione* constat ex Scriptura, quæ etiam in *Lege natura*, & *Mosaica* requirebatur, Joël. 2. *Convertimini ad me in toto corde vestro, in jejunio, & fletu, & planctu.* 2. Reg. c. ult. *Percussit autem cor David cum, postquam numeratus est populus: & dixit David ad Dominum: Peccavi valde in hoc facto.* Ita Matth. 12. *Ninivitarum pœnitentia laudatur: Isaia 30: Si reversus ingemueris, salvus eris. Ezech. 33. Impietas impij non nocebit ei, quacunq; die conversus fuerit ab impietate sua.* Et quoties non Scriptura dolorem hunc tradit? *Confessio* quoque peccatorum mortalium in specie, coram Sacerdote facienda, est de jure divino: Christus enim constituit Sacerdotes in Ecclesia judices, cum ea potestate, ut nemo post Baptismum lapsus, sine ipsorum sententiâ sacramentaliter reconciliari possit. Matth. 16: *Tibi dabo claves.* Joan. 20: *Quorum remisistis peccata.* 2. Cor. 5: *Dedit nobis ministerium reconciliationis.* Atqui Sacerdotes non possunt rectè judicare de peccatis, nisi cognoscant; cognoscere non possunt, nisi pœnitentes illa aperiant. Augustinus *lib. de vera & falsa Pœnit.* c. 14, ubi multis instruit spiritualem Judicem in Confessione, *Oportet, inquit, ut sciat cognoscere, quicquid debet judicare: judiciaria enim potestas hoc expostulat, ut quod debet judicare, discernat.* Monet deinde, ut varietates peccatorum investiget. Accedit *Traditio*, quòd nullo non tempore hic usus fuerit in Ecclesia. Et quomodo Imperatores, Reges, & Principes, totusque populus Christianus, potuisset tam difficili lege constringi, nisi hæc à Deo lata esset? *Satisfactio* demum requiritur: quia instauratâ cum Deo amicitia, & remissâ culpâ peccati, & pœna æternitate, sæpe adhuc remanet debitum luendæ pœnæ temporalis, seu in hac, seu in futura vita, 2. Regum c. 2. & 2. Reg. ultimo; quibus locis post remissum Davidis peccatum, reservata pœna memoratur. Sic 4. Reg. 23. v. 26. scelerâ Manassis puniuntur post resipiscentiam. Exod. 32, post remissum peccatum ad preces Moysis, puniuntur tamen promiscuâ eadē tot millia hominum. 1. Cor. 11. *Dum judicamur autem, à Domino corripimur, ut non cum hoc mundo damnemur.* Et quæ non in hanc rem Scripturæ, & SS. Patrum testimonia? præter Ecclesiæ praxin, quæ confessioni pœnitentiam subjungit.

Augustana vestra confessio contra hæc ita definit att. 12: *Constat autem pœnitentia propriè his duabus partibus. Altera est contritio, seu 1670 res inculsi conscientia, agnito peccato:* (quanquam quid per terrores con-

scientiæ incuslos intelligat, non satis exprimat) *Altera est fides, quæ concipitur ex Evangelio, seu absolutione, & credit propter Christum remitti peccata, & consolatur conscientiam, & à terroribus liberat.* Quàm insulsa doctrina! *quæ omniatribuit fidei*, ita ut Sacramentum prorsus otiosum sit, & supervacaneum: quando hæc fides per ritus Pœnitentiæ excitata, omnia extra Pœnitentiam perficere, & remissionem peccatorum præstare potest; quod idem in Baptismo & Eucharistia docetis per fidem fieri. Id dogma, quàm inauditum, tam absurdum, & impium Catholici scriptores, & Theologi omnes commonstrant. De ipsa verò Confessione peccatorum ita pronuntiat Augustana confessio art. 11: *Absolutio privata in Ecclesijs retinenda est, quanquam in confessione non sit necessaria omnium delictorum enumeratio.* Hæc primò vestra Ecclesia docuit, donec prorsus omnem peccatorum in specie confessionem sequentes Lutherani abrogarent, & tot probris auricularem confessionem proscriberent. Neque adhuc certum inter vos, utrum ministri sibi vendicent absolutionē, an declarationem peccatorum. Et quid illa opus? cū fide pœnitentium tolerantur omnia peccata apud vos. Longè aliter nos Scriptura docet Act. 19: *Multi autem credentium veniebant confitentes actus suos.* Ita Joan. 1. c. 1. Jacob. 5. Ita Concilia, Patres, Traditio, & praxis Ecclesiæ. Si vel unum Augustinum legeres, quid ille præscribat de confessione peccatorum in specie, numero, & circumstantijs! is homilia 12: *In omnibus Scripturis divinis fratres utiliter, & salubriter admonemur, ut peccata nostra debeatimus jugiter & humiliter non solum Deo, sed etiam Sanctis ejus, & Deum timentibus, Sacerdotibus videlicet, confiteri.* Libro de vera & falsa Pœnitentia c. 14: *Consideret pœnitens qualitatem criminis in loco, in tempore, in perseverantia, in varietate persone.* Quàm multis deinde reprehendit eos, qui soli Deo confiteri satis esse arbitrantur! Lib. 2. de visit. infirm. c. 4. & 5: *Sunt enim, inquit, qui sufficere sibi ad salutem autumant, si soli Deo, cui nihil occultum est, sua confiteantur crimina; nolunt enim, aut erubescunt, si ve dedignantur ostendere se Sacerdotibus, quos tamen inter lepram, & lepram discernere per Legislatorem constituit Dominus.* Nolo ut decipiari ipsa opinione; non seducat te somniantium illa superstitio. Idem in psalm. 66: *Tuam iniquitatem confitere: si non confessus lares, non confessus damnaberis. Times confiteri, qui non confitendo, esse non potes occultus. damnaberis tacitus, qui posses liberari confessus.* Eadem habet explicatè lib. 50. Homil. 12. Lib. 27.

contra



contra Faustum Manich. c. 29. Hom. 49: *Qui post uxores vestras cum aliqua concubivistis, agite pœnitentiam, qualis agitur in Ecclesia. Nemo dicat: occultè ago. Ergo sine causa dictum est, Quæ solveritis in terra, soluta erunt in calo? Ergo sine causa sunt claves data Ecclesiæ? frustra à Evangelium Dei, frustra verba Christi. Promittimus nobis, quod ille negat. Quam hæc diversa sunt à novo vestro evangelio, quod Christi Evangelio opponit hîc Augustinus. Cyprianus serm. de lapsis: Confiteantur singuli, quæso vos fratres, delictum suum, dum adhuc qui delinquit in sæculo est, dum admitti confessio potest, dum satisfactio & remissio facta per Sacerdotes, apud Dominum grata est.*

Ad hunc modum cæteri Patres, quos prolixum hîc referre. Quamquam nihil ad rem consultius, quàm *Concilium Tridentinum* opponere hîc *Augustana confessio*, id enim solidè explicatæque ex *Scriptura, Traditione, Patribus*, singulas hujus Sacramenti partes pertractat, ac decedit, ut in eo *Spiritus sanctum* loqui videas; in Augustanâ confessione, non nisi *deliramenta* proponit *hæresis*, sine ullo principio *Scripturæ*, & *Theologiæ*, tanquam ebrijs in caupona rusticis doctrinam hanc Lutherus dictarit.

Accedit postremum *Satisfactio sacramentalis*, quæ à Sacerdote pœnitenti injungitur, eò quod post remissam culpam, receptumque peccatorem in gratiam & amicitiam, ordinariè maneat pœna exsolvenda. Posset quidem Deus universum pœnæ debitum condonare, ut certum est facere in Baptismo, & Martyrio; verum peccantibus post Baptismum, remissâ culpâ manet debitum pœnæ luendæ, tum in hac vita, tum in altera, nisi in hac vita satisfactio exsolvatur. Hanc satisfactionem damnat Augustana vestra confessio art. 12: *Rejiciuntur & isti, qui Canonicas satisfactiones docent necessarias esse ad redimendas pœnas æternas, aut pœnas Purgatorii.* Quamquam dum æternas pœnas remitti docet, falsum nobis affingat: nulla enim peccatori recepto per Sacramentum hoc in gratiam, æterna pœna manet; sed quæ æterna erat, convertitur in temporalem, ut vel in hac, vel in altera vita Purgatorio eluatur. Eadem docet Apologia ad XXII. articulum: Idem docent Lutherani cum Lutero. Hinc præterea *Purgatorium, Suffragia, & Indulgentias* sustulerunt ex Ecclesia. Quamquam non pauci Lutherani, ex peccatis pœnam temporalem hujus vitæ agnoscant ad paternam castigationem & emendationem à Deo infligi. Contrà Catholici unâ consensione docent, remissâ culpâ remanere

nere aliquando reatum pœnæ temporalis, uti ex Scriptura suprà relatum est; atque hoc simul certum fundamentum est ex Scriptura, quo Purgatorium à Catholicis asseritur. Commonstrantur hæc præterea ex Traditione, Concilijs, & innumeris SS. Patrum testimonijs, (de quibus totus est liber IV Bellarmini de Pœnitentia) præter Theologos, & controversiarum scriptores, tantâ claritate, ut Illyricum & Calvinum fateri necesse fuerit, Patres omnes satisfactionem docere. Sed hic locus non est, ea fusiùs pertractandi: tantum Carolum M. subjungamus.

### *Caroli Magni testimonia de Sacramento Pœnitentiæ.*

**C**AROLUS igitur lib. V. Capitularium capit. 52: *Nemo Sacerdotum, populum sibi peccata confitentem sine auctoritate Canonum judicare presumat, & ut quando unicuique quisquam Sacerdos sibi scelera sua confitenti, juxta canonicum modum pœnitentiam tribuit, & c. manus ei secundum Canonicam auctoritatem imponat, cum orationibus, quæ in SACRAMENTO ad dandam pœnitentiam continentur.* Hic nomen Sacramenti audis dari Pœnitentiæ: inde librum rituum, quem nos *Agendam* dicimus, *Sacramentarium* vocat. Hæc Carolus de reconciliatione in publicâ pœnitentiâ; de privatâ vero & auriculari ita subjungit: *Si verò occultè, & sponte confessus fuerit, occultè fiat.* De utraque reconciliatione Carolus hæc subjungit: *Ideo Dominus, & magister noster discipulis suis, & successoribus eorum, ligandi & solvendi dedit potestatem, ut peccatores ligandi habeant potestatem, & pœnitentiam condignè agentes absolvi, atque peccata cum divina invocatione dimitti queant. nec mirum hoc: Quia si homines servis suis dent potestatem de subditis ligandi & solvendi, vel nocendi vel adjuvandi apud se, quanto magis Dominus omnium hominum hanc potestativè potestatem Præpositis sanctæ Ecclesiæ dedit, dicens: Accipite Spiritum sanctum, quorum remiseritis peccata remittuntur eis, & quorum retinueritis retenta erunt.* Lib. 6. Capitularium cap. 169: *Fideles fidem sanctæ Trinitatis discant, in qua inter cetera credere debent, quod fidelibus in Ecclesia per Christum, ejusdem Spiritus sancti dono per ministerium Sacerdotum, & per Pœnitentiam, remissio peccatorum indubitanter attribuitur.* Lib. 5.

c. 62: Criminalia peccata multis jejunijs, & crebris manus Sacerdotum impositionibus, eorumque supplicationibus, juxta Canonum statuta placuit purgari, ita ut nemo sine manus impositione Episcopi, aut ejus jussu alicujus Presbyteri, se credat esse à suis facinoribus absolutum. Lib. 5. Capitularium c. 164: Sciendum est omnibus atque credendum, quod per Spiritum sanctum remissio peccatorum in Baptismate conferatur, & quod fidelibus in Ecclesia Christi ejusdem dono Spiritus sancti per ministerium Sacerdotale, & per Pœnitentiam, & Absolutionem, manusque impositionem, remissio peccatorum indubitanter attribuitur. Eadem prorsus habes lib. 7. Capitularium addit. 3. c. 13, multisque in locis apud Carolum: at nullibi leges remissionem peccatorum solâ fidei attribui, sed Sacramento, ad quod fides, timor, spes, & cetera sunt dispositio. Alibi inter cetera fidei principia & salutis præsidia commendat confessiones criminum, & fugam peccatorum, ne solâ fide credant se salvandos homines. Hinc illud toties repetit: *Manifesta enim sunt opera carnis, &c. quoniam qui talia agunt, regnum Dei non consequentur.* Lib. 1. Capit. c. 82.

Lib. 5. Capitularium c. 2. (quod & inter capitula Ecclesiastica c. 3. Caroli Magni tom. 20. Concil. Paris. toties repetitur) Carolus promissibus sollicitus ita sanxit: *Princeps in castris unum vel duos Episcopos apud se habeat, & unusquisque Praefectus unum Presbyterum, qui hominibus peccata confitentibus judicare, & indicare pœnitentiam possit.* Ubi vides, post judicationem & absolutionem Sacerdotis, confitenti etiam pœnitentiam injungi, quod Augustana confessio damnat art. 12. suprâ relato. Quod si legas, quæ lib. 5. Capitularium, & passim in omnibus Caroli libris, & Synodis præscribantur, de publica privatâque pœnitentia, intelliges Carolum toti evangelio vestro adversari: qui non modò ipse confessus sua peccata, primùm Angilramo, deinde Hildebaldo Archiepiscopo Coloniensi, quos ob id in aula secum habuit; sed & jejunando, orando, & cilicium aded ad nudam carnem geltando; (ut auctor vitæ Engolismensis scribit) pœnitentiam egit. Ac ne quis sine confessione ex hac vita exeat, decernit lib. 5. c. 65: *Nemo prius ex humanis rebus abscedat, quàm doctum reconciliationis accipiat.*

Confessionem quæ in specie, & cum enumeratione peccatorum fieri debeat, habes lib. 7. c. 294: *Quarendum est, inquit, Sacerdoti, cum accipit cujuslibet fidelis confessionem peccatorum, qualiter primò peccatum*

QQQ

perpe-

*peccatum, aut postea iteratum, aut frequenter actum sit; si spontè, si coactè, si per ebrietatem, aut quodlibet ingenium factum sit.* Monet deinde, ut medicina & pœnitentia, quæ satisfactio est, & quam vos Lutherani excluditis, *Secundum Canonum & SS. Patrum statuta præscribatur; neq. secundum placitum hominis, sed secundum Dei voluntatem.* Idem additione 3. cap. 35. multis præscribitur. Addit. eadem c. 30. *Ut confessio integrè & plenè fiat.* In Capitulari Theodulphi Aurelianensis Episcopi, viri sub Carolo M. celebris & sancti, can. 31. ita legis: *Confessiones danda sunt de omnibus peccatis, quæ sive in opere, sive in cogitatione perpetrantur.* Deinde subjungit octo principalia vitia, secundum quæ examen & confessio faciendi: Deinde, inquit, *juxta modum facti debet ei pœnitentia indicari.*

In Concilio Rhemenfi, quod sub Carolo M. habitum est, Can. 12. ita decernitur: *Omnibus his actis, ventilata est ratio pœnitentia, ut Sacerdotes certius intelligerent, quomodo Confessiones recipere, & pœnitentiam secundum Canonicam institutionem pœnitentibus deberent indicare.* Ideo Can. 13. præscribit examen, secundum octo principalia vitia, Can. 31: *Discretio servanda est inter pœnitentes, qui publicè, & absconsè pœnitere debent.*

In Concilio Turonensi, quod tum Caroli rogatu simul congregatum fuit, Can. 22. præscribitur: *Episcopis, & Presbyteris diligenti cautela pertractandum est, qualiter hominibus, sua sibi delicta confitentibus, tempus abstinendi adscribant; ut juxta modum peccati pœnitentibus abstinencia indicatur: quoniam variè ab aliquibus Sacerdotibus & indiscrete hac judicia proferuntur.* Ideo subdit, ut antiquum Pœnitentialis librum potissimum sequantur, id quæ statutum esse, cum omnes Episcopi congregati ad sacrum palatium convenissent. Can. 50. *Si non frequentius, vel ter laici homines in anno communicent, nisi forte quis majoribus quibuslibet criminibus impediatur.*

In Concilio Cabilonensi, quod rogatu quoque Caroli est habitum, Can. 32: *Sed & hoc emendatione indigere perspeximus, quod quidam, dum confitentur peccata sua Sacerdotibus, non plenè id faciant.* Subjungit deinde octo capitalia vitia, secundum quæ pœnitens institui debet ut confiteatur, Can. 33: *Quidam, inquit, Deo solummodo confiteri debere dicunt peccata, quidam verò Sacerdotibus confitenda percensent; quod utrumque non sine magno fructu intra sanctam sit Ecclesiam.* At de Confessione, quæ Sacer-



Sacerdoti fit, subdit: *Deus namque salutis & sanctitatis auctor & largitor, hanc præbet sue potentie visibili administratione purgationem peccatorum.* Hic enim est ordinarius modus à Deo præscriptus, etsi contritio & elemosyna etiam extinguant peccatum, ut idem Concilium agnoscit. Quod ipsum docet Ludovicus Pius in additione 3. ad lib. 7. Capitularium cap. 31. Quàm multa deinde præscribit *Cablonense* Concilium de pœnitentia confitentibus danda? Habes ergo hîc tria Concilia sub Carolo Magno ante obitum ejus habita, quæ Carolus ad se delata approbavit & laudavit, ut prorsus de Caroli mente dubium esse non possit, dummodo Ecclesiam audires, quæ teste Augustino, habet *Claves vitæ & inferorum*: ipsi enim dictum est, *cuicumque dimiseritis peccata, dimittuntur eis; & qui retinueritis, retenta sunt.* Miseri, dum in Petro petram non intelligunt, & nolunt credere datas Ecclesiæ claves regni cœlorum, ipsi eas de manibus amiserunt. lib. de Agone Christiano c. 3. Sed tu Nisani, mavis *Melanchihonem*, quàm SS. Patres; *Apologiam* ejus, quàm Concilia; *Lutherum*, quàm Carolum Magnum cum omnibus Episcopis; *Augustanam confessionem*, quàm Concilij Tridentini, & Catholicæ Ecclesiæ iudicium audire. *Claves regni cœlorum*, inquit Augustinus, *Christus dedit Ecclesiæ; & si Ecclesiam non audierit, sit tibi sicut ethnicus, & publicanus, gravius est, quàm si gladio feriretur, si flammis absorberetur, si feris subigeretur.*

### *Vulnera Sacramento Pœnitentiæ à Lutheranis illata.*

**H**Is nunc positis, quàm multa se hîc plagæ offerunt, quibus hoc Sacramentum Pœnitentiæ à vobis laceratum & sauciatum est, tametsi in speciem confessio Sacramentalis inter vos de peccatis in genere retineatur. I. Requiritur ipsam *Sacramenti institutionem*, quam primò admisit, postea cum Calvinistis rejecit. II. Requiritur *confessionem peccatorum in specie*, quam confessio vestra Augustana, & Apologia, & tota vestra Ecclesia reprobant. III. Requiritur *dolorem & contritionem*, (quam vos in terroribus quibusdam conscientie ponitis) ac talem, ex qua propositum melioris vitæ, timor Dei, & emendatio sequatur, nec in

QQQ 2

sola

solâ fide justificante hæc reponantur, quâ omnia peccata tam faciliè abluuntur creditis, quàm liberè admittitis.

IV. Requiritur *potestatem Clavium* à vobis, qui veri Sacerdotes non estis, ex quo successio inter vos defecit. Inauditum enim est in Ecclesia, absolvi aliquem *sacramentaliter* ab alio, quàm à Sacerdote: ipsi Sacerdotes, inquit Augustinus lib. de vera & falsa Pœnitentia, jam plus possunt, quibus enim remittunt, remittit & Dominus ex potestate Clavium. Quàm multis id contendit Cyprianus lib. 1. Epist. 6. Ecclesia Catholica una est, extra eam nec Sacerdos, nec Sacrificium, nec salus, nec remissio peccatorum. Nam cum dicunt, credere se remissionem peccatorum, mentiuntur, cum non habeant Ecclesiam.

V. Effectum absolutionis à peccato, quem vos soli fidei justificanti attribuitis, non potestati Clavium: exsertè enim Apologia vestra ad 12. Art. c. 15. Quid Carole Cesar hic facimus? Hec est propria vox Evangelij, quod FIDE consequamur remissionem peccatorum. Et tamen Augustina vestra confessio art. 12. docet: Ecclesia ad pœnitentiam redeuntibus absolutionem impertiri debet. Et quæ hæc alia absolutio erit, quàm denuntiatio remissi peccati per fidem pœnitentis? Quod & ancilla heræ suæ, & hera ancillæ præstare potest, si mutuo sibi peccata confiteantur.

VI. Requiritur à vobis *Potestatem ligandi*, quam Christus non minùs dedit, quàm *absolvendi* Sacerdotibus, Matth. 16. Matth. 18. Joan. 20. Nam si quis furtum commiserit; si per stolium aut sacrilegium aliena bona rapuerit; si injuriam famæ & honori alterius fecerit; ligandus erit pœnitens adstringendusque ad restitutionem. Hoc illud Augustini: Non dimittitur peccatum, nisi restituatur ablatum. Adhæc, si quis in adulterio, si in incesto matrimonio, aut concubinato vivat; si in his atque alijs flagitijs perseveret, nec correptus se emendet, ligandus erit, absolutione non impertitâ. Quomodo verò hæc potestas ligandi locum habere potest apud vos Lutheranos, qui confessionem peccatorum in specie damnatis? Aut quod vulnus hic sanari poterit, quod regendum docetis? Imò quale judicium erit, in quo reus nihil fateri cogitur? Vidi sedes, & sedentes super eas, inquit Augustinus in illud Apocalyp. 20, & judicium datum est: illud autem judicium nullum melius accipiendum videtur, quàm id, quod dictum est: Quæ ligaveris super terram, erunt & ligatæ in calis, Lib. 20. de civit.

civit. Dei c. 9: *Ponat se peccator omninò in potestate judicis, in judicio Sacerdotis, nihil sibi reservans sui.* lib. de vera & falsa Pœnit. c. 15.

VII. Requiritur à vobis *Satisfactionem sacramentalem & Canonicam* etiam, qualem Catholici ex Scripturis, ex Traditione, ex Concilijs, ex Patribus, & praxi totius antiquitatis demonstrant. Hic aut vestrum novum evangelium, aut Catholica doctrina mundum fallit, quæ publicas privatasque pœnitentias semper in usu habuit, quibus etiam plenæ sunt omnes Synodi Carolinæ, Capitularium libri, & Caroli Constitutiones; adedque Carolus tam privatim, quàm publicè in castris eruditos prudentesque Sacerdotes esse voluit, qui scirent dare confitentibus militibus pœnitentiam, ut supra toties relatum est. Verùm ut jejuniâ, castigatione corporis, & quicquid durum in *vîa crucis* esse potest, jam dudum eliminavit dulce & *carnale vestrum evangelium*, ita & *Satisfactionem sacramentalem*, quæ tamen salutaris *medicina* instar est, proscripsit. Verùm, quid vos non speretis? qui Lutherum ex *sacrilegio* illo totius vitæ *matrimonio* cum moniali, *sine ulla pœnitentia* transmisistis in cælum, & inter *Beatos* cum Prophetis & Apostolis collocastis? Multò ille  *Davide* felicior, qui vel *unum adulterium* tot lachrymis, & pœnitentiæ operibus sibi expiandum sumpsit. Ne quid dicam hic de innumeris Sanctis, qui post lapsum vitam in continua pœnitentia, & vitæ sanctitate exegerunt: nec ipse D. Augustinus prius de vita exire voluit, quàm psalmos de *Pœnitentia* in conspectu positos cum lachrymis recitasset. *Regnum calorum vim parit*, docuit Christus; à Luthero *una fides justificans* reperta est, mollis *culcitra*, quâ in cælum tollantur omnes.

VII. Demum, ut hic alia omittam, requirimus à vobis *Sigillum* sive *secretum Confessionis*. Sanctum, & inviolabile id vinculum, quod non modò ex jure *Ecclesiastico & naturali*, sed & ex *divino* etiam, seu *positivo*, seu immediate inde *per senato* deducitur. Ejus tanta obligatio est apud Catholicos, ut si quis violaverit, *gradu Sacerdotis excidat*, & *perpetuò in monasterium recludatur* ad pœnitentiam ejus sacrilegij, quemadmodum id Canones præscribunt. Quibus legibus cum Lutherus exsolverit suos, quàm frequens ejus & libera violatio apud vos? quàm multa mihi sunt hujus rei exemplis comperta? Inter alia, dum Halberstadtjagerem, antequàm *Koningsmarckius* urbem caperet, & ego simul in captivitatem raperer, accidit primariam civis uxorem, corruptam à quodam, in adul-

QQQ3

terium



terium prolabi : ea cùm conscientia stimulis ageretur, delictum *Prædicantis* Pastori suo *anobarbo* (ita hominem novi) *confessa* aperuit, quietis & salutis causa; quam ille è vestigio ad magistratum detulit. Capta mox misera mulier ad *Prædicantis* accusationem, & ad supplicium protracta, capite mulctatur. Quis non *Carnifici* mallet, quàm *Prædicanti* confiteri peccata sua? Mitius certè *Joan. 8.* Christus egit cùm *adultera*, quia Sacerdos erat secundum Ordinem Melchisedech. Et quale *secretum* ab illis expectes, qui primùm *proci*, post *rivales*, deinde *sponsi*, demum mariti, (his enim gradibus ad Episcopatum & summum ministerij gradum apud Lutheranos ascenditur,) qui deinde inter *Dalilæ* amplexus vivunt, omnia arcana facilè eblandientis? & his populi suam conscientiam & animas committere necesse habent. Vis nunc Caroli legem? is Capitularium lib. ult. cap. 27. sanxit: *Presbyteri de confessionibus accepto pretio non manifestent latrones.* Quin tam strictum, severumque hoc decretum Ecclesia esse voluit, ut ne ad servandam propriam vitam, aut vitandam Reipubl. ruinam, aut ullo casu violare liceat; quemadmodum id ex Traditione & consensu Doctorum constat. Recole nunc, quantum vulnus nova vestra doctrina inflixerit, & in quas angustias miseros homines compellat! quæ sublatâ potestate Clavium, & ministerio reconciliationis proscripto, unicui tantum salutis remedium peccatori, in contritione relinquit; tanquam non satis tot Sacramenta sustulisse, nisi etiam hanc secundam post naufragium tabulam, ut Patres appellant, periclitantibus subtrahatis. Postquam enim Apostolica successio apud vos defecit, nec potestas consecrandi Sacerdotes, nec potestas conficiendi Eucharistiam, nec potestas absolvendi à peccatis, in ecclesia vestra permanfit: ut his divinissimis Christi donis, cæterisque Sacramentorum subsidij homines spoliare necesse sit.

## CAPUT X.

## De Sacramento extremae Unctionis.

**E**xtremam Unctionem verè & propriè dictum Sacramentum esse Catholicae Ecclesiae dogma est. Duo in hanc rem adferuntur Scripturae testimonia. Alterum est Marci 6. ubi de Christi discipulis dicitur: *Ungebant oleo multos agros & sanabant.* Ex quibus licet alij confici velint Sacramentum, Tridentinum tamen ibi tantum insinuari dicit hoc Sacramentum. Saltem conficitur ritum non esse alienum ab institutione Christi, & usu Apostolorum: imò Lutherus, Calvinus, & Kemnitius agnoscunt hoc loco Marci, agi de illâ unctione de qua & Apostolus Jacobus agit; ut certè adumbratio fuit ejus Sacramenti, quod Christus post instituit. Alterum ergo testimonium est Jacobi cap. 5: *Infirmatur quis in vobis? inducat Presbyteros Ecclesiae, & orent super eum, ungentes eum oleo in nomine Domini: & oratio fidei salvabit infirmum, & alleviabit eum Dominus: & si in peccatis sit, remittentur ei.* Hic primò ritum externum habemus, *Unctionem olei cum oratione:* Deinde *Promissionem gratiae* per verba *alleviabit eum Dominus, & si in peccatis sit, remittentur ei.* Mandatum colligitur ex eo, quòd Apostolus non auderet tam absolute promittere tantum effectum, nisi id à Christo accepisset. Institutum quoque Ministrum adjungit per verba *Inducat Presbyteros, seu Sacerdotes.*

Augustana vestra Confessio nihil de hoc Sacramento, rituve pronuntiat. Apologia art. XIII. ita decernit: *Confirmatio & Extrema unctio sunt ritus accepti à Patribus, quos ne Ecclesia quidem tanquam necessarios ad salutem requirit, quia non habent mandatum Dei: propterea non est inutile hos ritus discernere à superioribus, qui habent expressum mandatum Dei, & claram promissionem gratiae.* Omissis alijs, quae hac propositione falsò continentur; bene quidem illud, quod non inutile dicat discernere ritus qui Sacramenta sint, & qui non sint: sed cujus hoc sit discernere, in quaestione

stione versatur. Utrumne Melancthonis Grammatici & Philologi, qui Apologiam illam fabricavit ex Lutheri scriptis, an Episcoporum in Concilio? Utrumne avulsæ Lutheranæ Ecclesiæ, quæ post Waldenses, Albigeneses, Wiclefum, damnatos jam dudum hæreticos, hanc hæresin resuscitavit ab inferis, an verò Catholicæ Ecclesiæ? quæ *Columna & firmamentum est veritatis*, & cujus est de verò sensu Scripturæ judicare; ut libro primo & secundo toties monstratum est.

II. Quòd dicat, hunc ritum extremæ Unctionis à Patribus acceptum esse: id si velit à Patribus primò introductum esse, falsum est; si verò velit à SS. Patribus nobis tradi, uti illi ex Scriptura didicerunt, & per traditiones ab Apostolis manantes acceperunt, cum Catholicis facit, Multo audaciùs, absurdiùsque Nisanius scribit: *Extremam Unctionem ne quidem tempore Caroli Magni fuisse in usu*, quæ falsitas postea detegitur.

Cæterum Catholici hunc ritum inter Sacramenta collocant, fundantque se primò in Scriptura, Jacobi quinto capite, ut suprà relatum est: non quod D. Jacobus Apostolus hoc Sacramentum instituerit, (auctor enim institutorque Sacramentorum Christus est, non Apostoli) sed quod D. Jacobus hoc Sacramentum ex institutione Christi commendavit & promulgarit, ut Concilium Tridentinum sess. 14. c. 1. de *Extrema unctione* declarat. Quo sensu, etiam Patres de hoc Sacramento loqui necesse fuerit: quando illi Christum, non Apostolos Sacramentorum auctores docuerunt. Hos inter Hugo de S. Victore l. 2. de Sacram. part. 15. c. 2. & 3. docet D. Jacobi institutionem hujus Sacramenti non esse aliam, quàm promulgatoriam: quemadmodum Moyses non auctor, sed promulgator divinæ legis est. II. Fundat se Ecclesia in perpetua traditione, ab Apostolorum ævo ad nos traducta: idcirco Tridentinum Concilium inquit: *Extremam Unctionem Ecclesia ex Apostolicâ traditione per manus acceptam didicit*. Quod & Græci agnoverunt in Concilio Florentino, probaruntque cum Latinis Patribus Extremam Unctionem inter septem Sacramenta, in instructione ad Armenos. Lutherani quo se referant, non alios habent, quàm Waldenses, Albigeneses, & Wiclefistas: quorum hæresis jam dudum ab Ecclesia Catholica damnata, antequam vestra nata esset. III. Fundant se Catholici in Concilijs & Patribus, quos cum Bellarmino, Valentiâ, Suárez, Coninck, Coccio cive veytro, cæterisque Scripto-

ribus



ribus sistunt. Ac Patres quidam, etsi non omnes expressè Sacramentum vocent, ij tamen ad Scripturam, & præscriptum hunc à Divo Jacobo rium sese referunt. Hi Patres sunt *Clemens* Constit. Apostol. lib. 8. c. 26. *Origenes*, hom. 2. in Levit. *Chrysostomus*, lib. 3. de Sacerdotio, *Innocentius I. Pontifex*, tempore S. Augustini, cujus auctoritatem, & doctrinam toties commendat Augustinus. Is enim in Epist. ad Decentium Eugubinum c. 8: *Adjecit etiam filius meus Cælestinus Diaconus in Epistola sua, esse à tuâ dilectione propositum illud, quod in B. Apostoli Jacobi Epistola conscriptum est: Si infirmus aliquis in vobis, vocet Presbyteros: quod non est dubium de fidelibus agrotantibus accipi, vel intelligi debere; qui sancto oleo Chrismae perungi possunt. Quo ab Episcopo confecto, non solum Sacerdotibus, sed omnibus viri Christianis licet, in sua vel aliorum necessitate inungendo.* Illud verò in Epistola Innocentij: *Pœnitentibus illud infundi non potest, quia genus Sacramenti est: nam quibus reliqua Sacramentaneantur, quomodo unum genus putatur posse concedi? Quàm dilucidè hoc ostendit, tempore Innocentij & Augustini Extremam unctionem propriè Sacramentum fuisse creditum? Et quia in Epistola S. Jacobi solum Presbyteri scribuntur Ministri, dubitabant tum quidam, an etiam Episcopus hoc Sacramentum conferre deberet? Respondit Pontifex: si Episcopus Chrisma conficiat, haud dubiè etiam inungere posse, si velit: ut vel ex his etiam discrimen inter Presbyterum & Episcopos recognoscas.* Accedit ad Innocentium ipse Augustinus, lib. 2. de visit. infirm. c. 4: *Nec prætermittendum est illud Apostoli Jacobi præceptum, infirmatur quis in vobis? inducat Presbyteros Ecclesia, ut orent super eum, ungentes eum Oleo sancto, in nomine Domini* ꝑ E S V, & oratio fidei salvabit infirmum. Ergo si croges de te, & pro te fieri, sicut dixit Apostolus Jacobus, imò per Apostolum suum Dominus: (ubi Christi etiam institutionem indicat) ipsa videlicet olei sacrati delibutio, intelligitur Spiritus sancti typicalis unctio; illud etiam vivificum Dominici corporis supplementum, fili mi, non renuas. De rectitudine Catholicæ conversationis ita rursus Augustinus: *Qui agrotat, in sola misericordia Dei confidat, & Eucharistiam cum fide, & devotione accipiat, Oleumque benedictum fideliter ab Ecclesia petat, unde corpus suum ungatur, & secundum Apostolum, oratio fidei salvabit infirmum, & alleviabit eum Dominus.* Tertium Augustinus serm. 215. de tempore: *Quoties, inquit, aliqua infirmitas supervenerit, corpus & sanguinem*

R R R

Christi,

Christi, ille qui aegrotat accipiat, & inde corpusculum suum ungat, ut illud quod scriptum est impleatur in eo: infirmatur aliquis in vobis? inducat Presbyteros, & orent super eum. Videte fratres, quia qui in infirmitate ad Ecclesiam cucurrerit; & corporis sanitatem recipere, & peccatorum indulgentiam merebitur obtinere. Quàm hæc præclara sunt testimonia ex prima Ecclesia, & in primis quinque sæculis, quæ incorrupta admittitis: ut mirum sit malle vos cum damnatis & scabiosis hæreticis, quàm cum Ecclesia Catholica sentire. Hanc D. Jacobi Epistolam, quia in multis sibi adversam vidit Lutherus, è Canone sacrorum librorum erasit. Verùm dum hîc Patres ad eam appellare legis, ipsum simul Lutherum prædammatum legis. Cæterùm, hîc Patrum sententias, qui *Augustinum* consecuti, faciliè prætermitto: *Damiani* videlicet *serm. 1. de dedicat. templi. D. Bernardi*, in *vita Malachie Episcopi*, qui *Unctione* extrema à mortuis revocavit hominem, ut neglectam ei *Unctionem* impertiret, *Petri Lombardi* in *4. dist. 23.* & qui eum secuti sunt Theologi, & tot simul Sanctorum exempla, qui ante mortem *inungi* voluerunt: ut ex praxi universalis per orbem Ecclesiæ, nihil hîc certius sit. Superest Carolum Magnum, de quo agitur inter nos, audiamus.

*Caroli Magni testimonia, quibus Extrema unctio  
asseritur, ex ævo illius usuque Ec-  
clesiæ.*

**L** Ib. 1. Capitularium cap. 162: *Presbyter in cœna Domini tres ampullas secum deferat: unam ad Chrisma; alteram ad Oleum, ad catechumenos inungendum; tertiam ad infirmos, juxta sententiam Apostolicam: ut quando quis infirmatur, inducat Presbyteros Ecclesiæ, & orent super eum, ungentes eum Oleo in nomine Domini.* Quid clariùs? Hoc illud est, quod hodie dum toto orbe Christiano fieri vides. Quæ parochia Catholica, quæ non consecratum ab Episcopo oleum in cœna Domini, & tribus ampullis discretum quotannis sollicitè sibi procuraret, eo ritu usuque, quo Caroli Magni ætate viguit? atque illud est oleum, quod sigillo claudendum servandumque tot alijs legibus à Carolo præscribitur.

Jam ante Carolum in statutis D. Bonifacii *Can. 29.* idem præscriptum legis: *Omnes Presbyteri oleum infirmorum ab Episcopo expetant, secumque habeant, & admoncant fideles infirmos illud exquirere, ut oleo eodem peruncti à Presbyteris sanentur, quia oratio fidei salvabit infirmos.* Ita Conciliorum Parisiensis editio posterior id recitat. Idem habes *tom. 6. Concil. Parisiensis* editionis ultimæ, in exemplis Egberti Eboracensis Episcopi *Can. 21: Secundum definitionem SS. Patrum, si quis infirmatur, à Sacerdotibus oleo sanctificato cum orationibus diligenter ungatur.* Sed pergamus in Carolo.

Lib. 6. Capitularium, cap. 72: *A Clericis vel laicis phylacteria, vel falsæ inscriptiones, aut ligaturæ pro febribus, nullo modo à quoquam Christiano fiant: sed pro infirmitate illud quod Apostoli, & Canones sanxerunt, id est, orationes, & sacri olei unctio fiat.*

Lib. eodem cap. 75: *Si infirmitate depressus quis fuerit, vitam sine Communionem non finiat, nec unctione sacrati olei careat: & si finem prospiciat, sacrosancto Corpore, Deo animæ ejus à Sacerdote precibus commendatur. Ubi sub una simul specie Eucharistiam habes dandam morituro.*

Libro eodem cap. 105: *Similiter Sacerdotes magnam curam habeant de infirmis ac pœnitentibus, ut morientes sine sacri Olei unctione, & reconciliatione, & Viatico non deficiant.*

Lib. eodem cap. 177: *Omnes Presbyteri Oleum infirmorum ab Episcopo expetant, secumque habeant, & moneant fideles infirmos illud exquirere, ut eodem oleo peruncti à Presbyteris gratiâ Dei sanentur: Quia oratio fidei salvabit infirmos.* Prorsus ut statuta D. Bonifacii jam ante præscripserant.

Lib. eodem cap. 177: *Nullus Presbyter parochianus alibi præsumat Chrisma accipere, nisi à suo Episcopo in cœna Domini.*

Imò tam sollicitus Carolus Magnus pro hoc Sacramento, ut ne vel militibus etiam in castris subtraheretur: idè peculiari lege illis consultum voluit. Ita enim in capitulis Ecclesiasticis *Tom. XX. Conciliorum Parisiens. edit. Can. 4.* sancitum: *Duo vel tres tantum Episcopi electione caterorum pergant in hostem, propter benedictionem, & predicationem, populique reconciliationem; & cum illis electi Sacerdotes, qui benediciant populis pœnitentiam dare, Missas celebrare, de infirmis curam habere, sacratque oles cum sacris precibus Unctionem impendere, & hoc maxime*

R. R. R. 2

provi-



*providere, ne sine Viatico quis de saeculo recedat.* His accedit ipsius Caroli Magni exemplum, qui sine extremâ Unctione ex hac vita migrare noluit: ita enim scriptor vitæ ejus, qui *Engolismensis Monachus* habetur, ex Annalibus eorum temporum de Carolo: *Oleo autem sancto inunctus ab Episcopis, & Viatico sumpto, & omnibus suis dispositis, commendans Domino spiritum, obiit in pace.*

Quâ nunc impudentiâ fallendi, mentiendive scribere audes Nisani, (*Tractat. de Ecclesia, pag. 40.*) Nullum extrema Unctionis fuisse usum tempore Caroli Magni? Non alio argumento confusus, quàm quod Eginardus nihil hac super re memoret de excessu Caroli? Quasi verò ab uno auctore omnia requirenda; quasque Carolus id quod tot legibus ipse alijs præscripserat, in se desiderari voluerit. Demus etiam Carolum sine Unctione obiisse: an inde sequitur, non fuisse tunc usum extrema Unctionis? Et si hæc, quæ adduximus, tibi non sufficiant, addamus Concilia Carolina ab ipso Carolo approbata, confirmataque sub extremum vitæ.

*Arelatense Can. 18. Presbyteri sub sigillo custodiant Chrisma, & nulli sub pretexto medicina, vel cujuslibet rei donare præsumant. Genus enim Sacramenti est, & non ab alijs, nisi à Sacerdotibus contingi debet: quod si fecerint, honore priventur.* Habes hîc Chrisma illud, quod in cœna Domini ab Episcopo consecratum, quodque tribus ampullis exceptum ad parochias conferri consuevit; habes usum ejus in Sacramentis, & quidem per manus Sacerdotum.

*Concilium Moguntinum Can. 26: Presbyteri Chrisma sub sigillo custodiant: & nulli sub pretexto medicina, vel maleficij donare inde præsumant. Quod si fecerint, honore priventur.* Quod hic aliud Chrisma, quàm oleum *Catechumenorum, Infirmorum, & Confirmandorum?* quod tribus ampullis disclusum parochijs singulis communicabatur.

*Concilium Turonense Can. 20: Presbyteris injungendum est, ne sacrum Chrisma foras conclave dimittant, ubi à quolibet contingi possit. Prorsus hoc idem est, quod jam diximus. Ubi verò Chrisma apud vos Lutheranos?*

*Cabilonense Concilium Can. 48: Secundum Beati Apostoli Jacobi documentum, cui etiam Patrum documenta consonant, infirmi oleo, quod ab Episcopis benedicitur, à Presbyteris ungi debent; sic enim ait: infirmatur quis in vobis? inducat Presbyteros Ecclesia, & orent super eum, ungen-*  
tes



tes cum oleo in nomine Domini, & oratio fidei salvabit infirmum, & alleviabit eum Dominus; & si in peccatis sit, dimittentur ei. Non est itaq; parvipendenda medicina hujusmodi, quæ anima corporisq; medetur languoribus.

Addo *Alcuinum* magnum *Caroli M.* præceptorem, Doctoremq; eâ tempestate celebrem, is lib. de divinis Officijs cap. de infirmis expressè extremam Unctionem inter *Sacramenta* numerat, haud secus, quàm *Amalarius* Treverensis Episcopus, vel (ut *Sirmondus* in notis ad *Aquisgranense Concilium*) sub *Ludovico Pio* Metensis Ecclesiæ Diaconus, per hæc tempora clarus Scriptor lib. 1. de officijs Ecclesiast. c. 12. Sacramentum perhibet pio Christianorum usu tum frequentatum: ne quid de additione 3. *Ludovici Pij* ad lib. 6. Capitular. ubi ex præscripto *Cabilonensis Concilij* canone, extremam Unctionem iisdem verbis præscribit: Uti & *Concilium Wormatiense* sub *Ludovico II.* can. 60. statuit: *Chrisma* singulis annis ab Episcopo petendum, & per Diaconum aut Subdiaconum, non secus ac reliquiæ Sanctorum, deportetur ad Parochias. Canone vero 72. decretum *Innocentij I.* Pontificis, suprà à nobis relatum, ad verbum recitat, ex eoq; extremam Unctionem præscribit, additurq;: *Pœnitentibus quibus cetera Sacramenta negantur, quomodo id unum, quod Sacramenti est genus, putatur concedi?* Vides *Nisani*, quàm disertis verbis non modò usus extrema Unctionis per hæc tempora, sed & Sacramentum referatur. Tu, si inter Sacramenta reputare non vis, saltem inter ritus veteres, ab Apostolis traditos, & inde ad *Lutherum* toto orbe Christiano frequentatos, utilesq; ad salutem corporis & animæ recognoscas necesse est: nisi tot *Concilia*, *Patres*, & *Carolum Magnum* nos fallere multo impudentius dicas. Et quis *Luthero*, aut vestræ particulari ecclesiæ potestatem dedit, ejusmodi saluberrimos ritus sacramentales abrogandi? quam nullus unquam *Pontifex*, cum ullo *Concilio Oecumenico* sibi vindicare ausus est? Causam faciliè agnoscas: quòd *Lutherus*, cum se Episcopum non esse conspexit, omnes ritus, qui *Chrismate* sacro perficiuntur ab Episcopis in consecrando, unà simul hæresis infania abrogavit. Sed quid agimus? *Hilarium* audio: *Hæretici convinci possunt, persuaderi non possunt.* Nisi mavis *D. Bernardum* de sui avi hæreticis audire: *Quantum ad illos pertinet, nec rationibus convincuntur, quia non intelligunt; nec auctoritatibus corriguntur, quia non recipiunt; nec flectuntur suasionibus, quia suo judicio subversi sunt, & in reprobum sensum dati.* Quin Christi consilio, sinamus hos, caci sunt, & duces cecorum.

R R R 3

CAPUT XI.

## C A P V T XI.

## De Sacramento Ordinis.

**O**rdinem verè, & propriè Sacramentum esse, à Christo institutum, certum est: quia habet *Ritum externum, promissionem Gratia, & mandatum seu institutionem divinam*. Uti ipsi Lutherani in Augustanâ confessione & Apologia requirunt. I. *Ritum externum* habet in manuum impositione Act. 13. ubi Paulus & Barnabas per manuum impositionem ordinantur Episcopi: *Tunc jejunantes, & orantes, imponentesque eis manus*, Græcè χειροτονήσαντες; quod est, cum per manus impositionem crearent Episcopos, ut S. Leo & Chrysostomus docent. 1. ad Timoth. 4: *Cum impositione manuum Presbyterij*. Et c. 5: *Nemini cito manus imposueris*. 2. ad Timoth. 1. *Per impositionem manuum mearum*. III. *Mandatum & institutio* habetur Luc. 22: *Hoc facite*. Act. 13: *Segregate mihi Saulum, & Barnabam*. Act. 20: *In quo vos Spiritus S. posuit Episcopos regere Ecclesiam Dei*. Eph. 4: *Ipse dedit quosdam quidem Apostolos, alios Prophetas, alios Pastores & Doctores*. IV. *Minister* hujus Sacramenti est Episcopus, ad Titum 1. *Reliqui te Creta, ut constituas per civitates Presbyteros*. Quâ super re actum lib. 1. de *successione*, & lib. 2. de *potestate Ordinis, & Jurisdictionis*. Et res, inquit Bellarminus, perspicua est, cum Ecclesia nunquam agnoverit Presbyteros, vel Diaconos, nisi ab Episcopo ordinatos, uti hoc definit exponitque Concilium *Ancyranum*, Can. 12: *Antiochenum* Can. 10. *Epiph. hæres. 75. Damasce-nus* Epist. 4. *Hieronymus* epist. 85. ad Evagrium; *Chrysostomus, Theodor-etus*, aliique Patres in c. 3 & 4. prioris ad Timotheum. Inaudium enim est in Ecclesia Catholica, aliquem consecrari Sacerdotem, Diaconum, aut Ministrum Ecclesiæ ab alio, quàm ab Episcopo, quod Lutherus primum in Saxoniam & Germaniam introducere ausus; tanto populorum seductorum malo, quantâ imposturâ, falsi ministri pro veris Sacerdotibus

bus obtruduntur deceptis miseris hominibus. Id quia Lutherus primum fecit in sua Ecclesia, fecit & Zwinglius in sua, Calvinus in sua, Menno anabaptistarum parens in sua, ac ceteri deinde pari modo novos ecclesiarum suarum ministros impositione manuum crearunt. Et quidni in infinitum etiam alij hæretici id faciant? Quid enim juris in hoc habuit Lutherus, quod non idem Calvinus, Zwinglius, Menno, Labadæus, aut alius novæ hæresis auctor sibi eodem jure arroget? V. Effectus est duplex: Primus, potestas spiritualis perpetua, in cujus signum *character* imprimitur. Secundus *Gratia gratum faciens*, quâ possint ordinati ritè suo munere perfungi.

Augustana vestra confessio hæc tantum art. XIV. pronuntiat: *De Ordine Ecclesiastico docent, quod nemo debeat in Ecclesia publice docere, aut Sacramenta administrare, nisi ritè vocatus sit*: nihil hîc definire ausi, an Ordo sit Sacramentum. Et verò quid VII. Imperij Principes laici, & duæ urbes Imperij *Norimberga*, & *Reutelinga*, à quibus *Confessio* hæc approbata est, judicarent de mysterijs Sacramentorum? Oppone hîc Concilium Tridentinum sess. 23. & videbis, quàm ordinatè, ac solidè hæc pertractant deciduntque Episcopi, & ex orbe Christiano convocati Sacerdotes & Doctores.

Apologia ad art. XIII. ita definit: si per *Ordinem* intelligatur Sacerdotium simile Levitico, quod pro populo sacrificet, tale se non agnosce-re: *Quod si per ordinem intelligatur ministerium verbi, non gravatim vocaverimus ordinem Sacramentum, quia habet ritum per impositionem manuum, & mandatum Dei.* Idem Melanchthon in alijs quoque locis & scriptis à se editis profitemetur. Idem Calvinus lib. 4. instit. c. 14. & 19. sensit: quamvis postea tam à Lutheranis, quàm à Calvinistis *Ordo* è numero Sacramentorum extrusus sit, tam aperto ipsorum judicio, (cùm se Episcopos non habere agnoscerent, à quibus Sacerdotes crearentur,) quàm justo simul Dei judicio, qui ecclesias illas statim omni potestate Ordinis, & Jurisdictionis, omni que successione Episcoporum spoliavit, nullo Episcopo cum Luthero, vel Calvino, vel Zwinglio, ad sectas eorum transeunte. Secus quàm cum Arianis, Donatistis, & priscis quibusdam hæreticis factum est, quibuscum Episcopi defecerunt, & successio aliquamdiu permansit. Quapropter Augustinus lib. 3. de Baptism. c. 15: *Juste detestamur, abominamur, & anathematizamus perverberatatem cordis hereticorum,*

*reticorum. Sacramentum tamen Evangelicum ideo non habent, quia per quod utile est, non habent.* Lib. 21. de Civit. Dei c. 25: *Per hoc hæretici, & schismatici ab hujus unitate corporis separati, possunt idem percipere Sacramentum, sed non sibi utile, imò noxium sibi, quo judicentur gravius.* Et mox subiungit: *Quomodo potest manducare corpus Christi, qui in corpore Christi non est, quod est Ecclesia Catholica?* Hæc causa, cur Innocentius I. tempore S. Augustini Pontifex Epist. 18. ad Alexandrum Antiochiæ Episcopum scripserit ab hæreticis ordinatos, iterum non esse ordinandos, sed solum debere cessare ab executione Ordinum, donec reconcilientur Ecclesiæ. Quid dicturus Augustinus, si vidisset Ecclesias constari per eos, apud quos nulla successio Episcoporum, nec ulli validè consecrati Episcopi & Sacerdotes conspicerentur? Eò jam peior causa vestra, quàm priscorum hæreticorum. Sed his omisis,

Primum opponatur Augustinæ confessioni & Apologiæ Concilium Tridentinum, sess. 23. Quàm illud explicatè, ordinatè & solidè quatuor capitibus omnem doctrinam de Sacerdotio Christianæ religionis, de Sacramento Ordinis, de Hierarchia Ecclesiæ, cæterisque quæ hic expeti possunt ex Traditione, Concilijs, & Patribus exponat; ac deinde octo Canonum decretis, octo vestras hæreses de Sacramento Ordinis condemnent.

II. Opponatur, quomodo Catholici præterea Doctores ac Theologi Sacramentum Ordinis ex traditione perpetuâ Ecclesiæ, Concilijs, & Patribus confirmant. Inter Concilia habemus *Chalcedonense* can. 2. *Braccarense* II. can. 3. *Carthaginense* IV. cap. 2, in quo ordinationem Episcopi, & can. 3, in quo ordinationem Presbyteri præscribitur ritibus, & verbis, quibus Sacramentum est assertum. *Florentinum* consentientibus Græcis & Latinis, *Tridentinum* sess. 23. cap. 2. & can. 3. Inter Patres *Dionysius Areopagita*, lib. 2. de Eccl. Hierarch. c. 5. (quem etiam Lutherus lib. de capt. Babyl. agnoscit inter Sacramenta numerare *Ordinem*;) *Chrysostomus* lib. 3. de Sacerdot. *Leo I.* Epist. ad Dioscorum Alexand. Epist. 18. Epist. 87. ad Episcopos Mauritanix cap. 1. de Ordinatione, *Quis*, inquit, *dissimulare potest, quod in tanti Sacramenti perpetratur injuriam?* *Innocentius I.* Epist. 18. ad Alexandrum, *Ordinem cum Baptismi Sacramento confert.* *Anastasius II.* Epist. ad Anastasium Imperatorem c. 7. damnat Acatij ordinationes, *Quod per iniquum tradita sit gratia Sacramenti.* *Cyprianus*



prianus serm. de operibus cardinalibus, *Ordinem* Sacramentum vocat, & cum *Baptismo* comparat. *Ambrosius* lib. de dignitate Sacerdotali c. 5: *Homo imponit manum, Deus largitur gratiam.* *Hieronymus* contra Luciferianos toto libro confert *Ordinationem* cum *Baptismo*; *Augustinus* lib. 2. contra *Parmenianum* c. 13: *Ipsi explicent, quomodo Sacramentum baptizati non possit amitti, & Sacramentum ordinati possit amitti? si enim utrumque Sacramentum est, quod nemo dubitat; cur illud non amittitur? & illud amittitur? neutri Sacramento injuria facienda est.* Lib. de bono conjugali c. 24: *Si fiat Ordinatio Cleri ad plebem, etiam si plebis congregatio non sequatur, manet tamen in illis ordinatis Sacramentum Ordinationis.* Lib. 2. de *Baptismo* contra *Donatist.* c. 1: *Sacramentum Baptismi est, quod habet qui baptizatur; & Sacramentum dandi Baptismi, quod habet qui ordinatur: sicut autem baptizatus, si ab unitate recesserit, Sacramentum Baptismi non amitti; sic etiam ordinatus, si ab unitate Ecclesie recesserit, Sacramentum dandi Baptismum non amittit: nulli enim Sacramento injuria facienda est.* Hinc addit: *Si priusquam recederent ordinati sunt, non utique rursus ordinantur: Sacramentum enim Ordinis sui gerunt, & retinent.* Imò lib. 1. de *Baptismo*. decies minimum Sacramentum vocat *Ordinationem*. Eadem docet *Epist.* 50. ad *Bonifacium*, *Serm.* de gestis cum *Ene-rito*, Lib. 2. contra *Parmenianos*, c. 11. Quam in re observandum est, *Augustinum* non loqui ex sua solum sententia, sed eâ, quæ tum universalis Ecclesie Catholice fuit.

### Caroli Magni testimonia, de Sacramento Ordinis.

**A**ugustino clarissimo Ecclesie Doctore, subjungo Carolum Magnum, nam hujus Patris libros diligenter legere solitus, magnique ejus doctrinam præ alijs habuit: Nam ita *Eginardus* de *Carolo Magno*: *Inter cœnandum, aut aliquod acroama, aut Lectorem audiebat: legebantur & historia, & antiquorum Regum gesta. Delibatur & libris sancti Augustini, præcipue ijs, quos de Civitate Dei inscripsit.* Hinc præ alijs Patribus *Augustinum* toties introduco. Igitur *Carolus* de *Episcopis* lib. 7. *Capitularium* c. 14: *Qui in ordinandis Sacerdotibus sanctorum Patrum*

SSS

statuta

*statuta neglexerunt, vel quos refutare debuerunt; consecrarunt. Unde, si qui Episcopi talem ordinauerint Sacerdotem, qualem esse non liceat, etiamsi aliquo modo damnum proprij honoris euaferint, ordinationis tamen vim ulterius non habebunt, nec ei Sacramento unquam intererunt, quod neglecto iudicio præsiterunt. Viden', quàm signatè Ordinationem SACRAMENTUM profiteatur Carolus ? & quàm circumspectè, sanctèque illud tractari velit, ne indignis facilè manus imponantur, & Episcopus ordinans conscientiam suam oneret ?*

*Lib. 5. Capitularium c. 37 : Presbyteri non ordinentur, priusquam examinentur; & ut ante ordinationem pleniter & studiosissimè instruantur.*

*Lib. 6. Capitularium c. 81 : Presbyteros, quos unusquisque Episcopus in sua Parochia reperit, si incogniti fuerint viri illi, à quibus sunt ordinati, & dubium est eos Episcopos fuisse, an non, qui eos ordinauerunt; si bonæ actionis, & Catholici viri sunt ipsi Presbyteri, & in ministerio Christi, omnique lege sancta edocti & apti, ab Episcopo suo benedictionem presbyteratus accipiant, & consecrentur; & sic ministerio sacro fungantur.*

*Eodem lib. cap. 284 : Hominum confirmatio, ecclesiarum, altarium, virginum, chrismatum, Presbyterorum, Diaconorum & Subdiaconorum consecrationes à Chorepiscopis acta, ab Episcopis canonicè ordinatis sunt reformanda, canonicèque peragenda : quia Chorepiscopi hac contingere non debuerunt, nec agere potuerunt : non enim ea tribuere valuerunt, quæ non habuerunt : irrita enim, inquit, talis ordinatio, & confirmatio, & consecratio, indubitanter fore agnoscitur. Quid de Luthero, Calvino, atque aliarum sectarum auctoribus dicturum fuisse credis Carolum, si ab ijs eorumque Superintendentibus, presbyteros & ecclesiæ ministros ordinari vidisset ? qui de Chorepiscopis, quòd veri Episcopi non essent, ita pronuntiat, & decernit ? Tanta nimirum hujus Sacramenti veneratio erat, tanta sollicitudo, ne falsi ministri populo obtruderentur. Sed de his Chorepiscopis eorumque ordinationibus suprà relatum, de quibus toties Carolus in Constitutionibus, lib. 7. c. 187. & 329. Hinc in additione 3. Ludovici Pij c. 37. damnantur Scoti, qui se Episcopos dicebant, & ordinabant Sacerdotes, & Diaconos, cum Episcopi non essent. Quare iidem Scoti damnantur in Concilio Cabilonenfi, sub Carolo Magno can. 43. Quemadmodum jam antè Gregorius II. Gregorius III. & Zacharias Papa Epist. ad Bonifacium ejusmodi homines, qui se Episcopos ferebant,*

ferebant, ab ordinatione proſcripſerunt. Omnes Caroli conſtitutiones, omneſque ſub Carolo Synodos ſi pervolvās & revolvās, non aliud repe-ries, quā *Ordinationis* hoc *Sacramentum* ab Episcopis adminiſtrari & conferri : Quos cum veſtra eccleſia nunquam habuerit, nec habeat, nullos etiam veros ſacerdotes in adminiſtratione Sacramentorum populo dare potuit. Hinc dum Niſanius proſitetur : *Sacerdotes propriè dicti, nec dici, nec eſſe volumus*, nihil in toto ſuo libro veriùſ ſcripſit.

II. Doctrina Catholicorum eſt, cum Concilio Tridentino Can. VI: *In Eccleſia Catholica eſſe Hierarchiam divinā ordinatione inſtitutam, qua conſtet Episcopis, Presbyteris & Miniſtris*. Capite vero 2. de his ita pronuntiat: *Non ſolū de Sacerdotibus, ſed & de Diaconis ſacræ literæ apertam mentionem faciunt: & que maximè in eorum ordinatione attendenda ſunt, graviſſimis verbis docent: & ab ipſo Eccleſia initio ſequentium Ordinum nomina, atque uniuſcujuſque eorum propria miniſteria, Subdiaconi ſcilicet, Acolyti, Exorcista, Lectores, & Oſtiarii, in uſu fuiſſe cognoscuntur, quamvis non pari gradu*. Non hīc repetam Patres, nec Concilia antiquiſſima, à quibus Ordinum hī gradus traduntur. Vel unum Concilium Carthaginenſe IV. cui D. Auguſtinus interfuit inter Episcopos, ſatis eſſe poterit, quo non inodò gradus hī ſeptem Ordinum, nomina, & munia; ſed & ſingulorum ordinationes, ritusque, quibus ab Episcopo ſinguli conſecrandi ſint, Cap. 2. 3. 4. 5. 6. 7. 8. & 9. præſcribuntur. Carolum Magnum hīc denuò audiamus, Capitularium lib. 7. c. 340: *Si quis Episcopus, Presbyter, aut Diaconus, aut quilibet Clericus fuerint accuſati, monſtranda documenta ſunt*. Exaetiùs in Capitulis Hadriani ad Ingilramum, & Carolum Magnum tom. XII. Conciliorum Regionum Can. 72: *Presbyter non adverſus Episcopum, non Diaconus adverſus Presbyterum, aut Subdiaconus adverſus Diaconum, non Acolytus adverſus Subdiaconum, non Exorcista adverſus Acolytum, non Lector adverſus Exorcistam, non Oſtiarius adverſus Lectorem det accuſationem aliquam*. Vide hīc à Carolo ſeptem Ordinis gradus recenſeri, doceri que. Concilium Cabilonenſe Can. 23: *Decrevimus ſecundū inſtitutionem Presbyterorum, Diaconorum, & cæterorum graduum inferiorum ordinationes, ſtatutis temporibus fieri debere*. Lib. 7. Capitularium cap. 27: *Qui ſe divina milizia deſiderat mancipare ſive inter Lectores, ſive inter Exorcistas quinquennio teneatur, exinde Acolytus, vel Subdiaconus quatuor annis, & ſic ad benediſtioneſ Diaconatus,*



*si meretur accedat. In quo Ordine quinque annis, si inculpate gesserit, adherere debet, & postea si probus fuerit, Sacerdos efficiatur.* Lib. 5. Capitulum c. 184: *Si quis ministros Ecclesie, id est, Subdiaconum, Lectorem, Exorcistam, Acolytum, Ostiarium injuriaverit, vel percusserit, componatur tripliciter: Diaconi vero, Presbyteri, atque Episcopi injuria in quadruplum componatur.* At nullibi hos gradus Ordinum explicatius reperies, quam in Concilio *Aquisgranensi* sub Ludovico Pio, anno Christi DCCCXVI, haud multò post Caroli Magni obitum celebrato. Inde ut ab Apostolorum ævo hos Ordinum gradus acceperat per traditionem Ecclesia, ita ad nostra usque tempora toto orbe Christiano servat. Nihil horum apud vos Lutheranos, à quibus primùm hi Ordinum gradus, unà cum Sacerdotio & Hierarchia Ecclesie abrogati sunt. Quapropter Augustinus dixit contra Epist. Fundam. c. 4: *Tenet me in Ecclesia successio Sacerdotum.* Et Lib. I. de moribus Ecclesie cap. 321: *Quàm multos Episcopos optimos viros, sanctissimosque cognovi, quàm multos Presbyteros, quàm multos Diaconos, & hujusmodi ministros divinarum Sacramentorum, quorum virtus eo mihi admirabilior, & majori predicatione dignior videtur, quo difficilior est eam in multiplici hominum genere, & in ista vita turbulentiore servare.* Vestram nunc Ecclesiam si aspiciam, ubi Episcopi? ubi Sacerdotes? ubicæteri hi altaris & Ecclesie ministri? solùm ex his Diaconinomen apud vos retineri video, sed nudum, & sine consecratione, solùmque ex ministerio quodam profani æditiui. Nec mirum hæc Lutherum abrogasse, turbasseque in Ecclesia, cùm nec ipse Episcopus esset, nec ullum secum traxerit, à quo vel minimus in Ecclesia Ordo conferri posset. Et quid in toto vestro ministerio, nisi turba profanorum hominum, sine ulla potestate sacra Ordinis, & Jurisdictionis?

### *De Sacerdotio proprio, et improprio.*

**R**edit ex his, quæ de Sacramento Ordinis diximus, quæstio: *An in Ecclesia Christi sint Sacerdotes propriè dicti?* Negat id de sua Ecclesia Lutherana Nisanius, cujus illa professio est: *Sacerdotes propriè dicti nec sumus, nec dici volumus.* Prorsus ex eadem sententia, quæ Apologia Augustanæ confessionis suprà relata docet, per Ordinem tantum conferri

*Ministe-*

*Ministerium verbi, nullum verò propriè Sacerdotium simile Levitico, quod ad Sacrificium offerendum à Christo institutum sit. Contrà Concilium Tridentinum Sess. 23. Can. 10: Si quis dixerit, non esse in novo Testamento Sacerdotium visibile, & externum, vel non esse potestatem aliquam consecrandi, & offerendi verum corpus & sanguinem Christi, & peccata remittendi, & retinendi, sed officium tantum, & nudum ministerium prædicandi Evangelium; vel eos, qui non prædicant, non esse Sacerdotes, anathema sit. Fundamentum Lutheranae vestrae hæresis ipsè Lutherus jecit, cujus doctrina est: Omnes promissæ hominibus nasci Sacerdotes, cum potestate ad sacrum ministerium requisita; at ne confusio sit in hoc munere, requiri tantum certorum hominum deputationem, vel à populo, vel à Magistratu politico factam: ut jam illa scenica impositio manuum, & ordinatio ministrorum quæ à Superintendente, & Prædicantibus accedit, non nisi applicatio ad officium relinquatur. Hinc præterea docent Lutherani: Ordinationem, & consecrationem Catholicorum Sacerdotum, esse signum quoddam humanum excogitatum à viris rerum Ecclesiasticarum imperitis; aut esse tantum ritum quendam eligendi ministros verbi Dei, & Sacramentorum. quam hæresin ob id damnat ipsdem verbis Concilium Tridentinum Can. III. ejusdem Sessionis.*

I. Quæ nunc, ut planius cognoscantur, advertendum: sicut duplex est sacrificium *improprium, & proprium*, de quo suprà lib. 3. relatum; ita duplex est Sacerdotium, *improprium, & proprium*. Improprium Sacerdotium est, quo omnes Christiani per analogiam quandam vocantur Sacerdotes, quemadmodum D. Thomas 3. p. q. 82. art. 1. ad 1. dixit: *Bonus laicus dicitur Sacerdos spiritualiter, non autem quoad ordinem*. Unitus est enim Christo per fidem, & Caritatem, non autem per Sacerdotalem potestatem. Quo sensu multi Patres, ut Irenæus lib. 4. c. 20. dixit: *Omnes iusti sacerdotalem habent Ordinem*. Origenes Hom. 9. in Leviticum dicit: *Omnes laicos fieri sacerdotes per Sacramentum Confirmationis, & per martyrium* Chrysost. Hom. in Matth. *Omnis sanctus Sacerdos est*. Ambrosius lib. 4. de Sacram. c. 1. *Unusquisque ungitur in sacerdotium, ungitur in regnum*. Verùm subdit: *sed spiritual: regnum, & spirituale sacerdotium*. Quemadmodum S. Petrus in Epist. 1. c. 2. *Vos autem genus electum, regale Sacerdotium, gens sancta*. Sed hinc præmittit verl. 5: *Domus spiritualis, sacerdotium sanctum, offerre spirituales hostias*. Ita quoque S. Joannes

Apoc. c. I. *Fecit nos regnum & Sacerdotes Deo, Patri suo.* Quæ tamen ab utroque Apostolo ita dicuntur, ut proprium sacerdotium supponant, diversum à legali sacerdotio; eò quòd in Ecclesia Christiana quotidie seipsum Christus offerat, & sacrificet Deo Patri, propriè quidem per propriè dictos Sacerdotes, in sacrificio Missæ; impropriè verò, & metaphoricè per quosvis fideles etiam laicos offerentes impropria sacrificia laudis, precum, & bonorum operum. Neque ob id, quod S. Joannes dicat, *fecisse nos regnum Deo Patri suo*, omnes Christiani propriè Reges sunt, sed impropriè. Ita nec omnes Christiani propriè Sacerdotes sunt, sed ἀναλόγως tantùm. Ita & in veteri testamento 2. Reg. c. 6. *filij autem David Sacerdotes erant*, qui tamen ex tribu Levi non erant: hinc & LXX. Interpretes, & Pagninus, *principes aula* vertunt. De his *improprijs* ejus Legis Sacerdotibus vide Serrar. in 2. lib. Reg. Mendozam in lib. 1. Reg. Pinedam in cap. XII. Jobi, cæterosque Interpretes.

II. Jam verò præter *improprijs* Sacerdotes, necessariò etiam in Christi Ecclesia statuendos esse *proprijs* Sacerdotes, quos sola, vera, & Catholica Ecclesia habet, convincitur I. ex Catholica hujus sacramenti Ordinis doctrinâ.

Quicumque enim à vero Episcopo consecrati, accipiunt potestatem in corpus Christi verum & mysticum, sunt verè, & propriè dicti Sacerdotes; Atqui in Ecclesia Catholica à vero Episcopo consecrati accipiunt potestatem in corpus Christi verum, & mysticum: Ergo in Ecclesia Catholica sunt veri, & propriè dicti Sacerdotes.

Major certa est, atque evidens ex Christi institutione, ex Apostolorum factò, & doctrinâ, ex perpetua Ecclesiæ traditione, ex Conciliorum statutis, ex SS. PP. testimonijs, ex praxi totius Ecclesiæ Catholicæ. Atque in hoc differunt proprii Sacerdotes non modò à Christianis, qui impropriè vocantur Sacerdotes, sed & à Diaconis, cæterisque Ecclesiæ ministris (quantumvis etiam in his Præpositi, Archidiaconi, aut in alia dignitate conspiciantur) eò quòd hac potestate in corpus Christi verum, & mysticum non sint præditi. Eò nunc spectant omnia, quæ tam magnificè de dignitate sacerdotali à Patribus sunt tradita, & à Regibus, ac Christianis honori Sacerdotum delata, & tot Sanctorum exemplis, & Scriptorum libris illustrata.

Minor quoque certa est, ex hoc Sacramento Ordinis. Nam primò  
confe-

consecratus ab Episcopo accipit per porrectionem patenæ cum pane, & calicis cum vino potestatem consecrandi, & offerendi corpus, & sanguinem Christi, hac verborum forma: *Accipe potestatem offerre sacrificium Deo, Missasque celebrare, tam pro vivis, quam pro defunctis.* Deinde per impositionem manuum accipit potestatem in corpus Christi mysticum, remittendi nimirum, & retinendi peccata, hac verborum forma: *Accipe Spiritum sanctum, quorum remiseris peccata, remittuntur eis, & quorum retinueris, retenta sunt.* Dicere autem, quod Apologia August. confess. criminatur, hæc esse figmenta ab imperitis rerum Ecclesiasticarum excogitata, quid est aliud, quàm insanire cum hæreticis, & damnare universam Ecclesiam?

An tu dices, omnes à S. Petro Pontifices, & in sede Petri successores, omnesque orbis Christiani Episcopos, aut nescisse, quam potestatem darent in consecratione Sacerdotibus? aut Sacerdotes nunquam intellexisse, quam potestatem acciperent in ordinatione sua? Ut serò tandem sublime illud munus *consecrandi, offerendi sacrificium, & remittendi peccata* commutandum fuerit in *ministerium verbi*? Aut totum orbem Christianum ab Episcopis, & Sacerdotibus hætenus illusum esse, donec Lutherus cum apostatis monachis, & Sacerdotibus; aut Melancthon aliquis homo laicus, cum morosophis laicis novam Ecclesiæ formam introduceret?

Imò quot sanctos Episcopos & Sacerdotes per Saxoniam à Caroli Magni ævo; quot per Franciam, Hispaniam, Galliam, Angliam, Italiam, & per totum orbem Christianum, *te iudice*, oportet idololatrias facere? quòd immani & commentitio superstitionis ritu sacrificium Missæ obtulerint, & pro *Deo. panem* adorandum populo proposuerint.

Quin hoc ritu Catholicorum ipse Lutherus consecratus fuit Sacerdos, & per tot annos sacrificium Missæ obtulit. At quâ nunc auctoritate Scripturæ? quo verbo Dei tradito? quo Concilio? cuius sancti Patris testimonio? quo scriptore ante Lutherum, demonstrabitis hæc omnia commutanda esse in ministerium verbi, & duorum Sacramentorum, Baptismi videlicet, & Cænæ? Quando ministerium Baptismi, & verbi Dei, etiam Diaconi commune habent cum Sacerdotibus. Quare ab hoc ministerio verbi excluditis ministerium reconciliationis per sacramentum poenitentiae? de quo Apost. 2. Cor. 5. *Qui reconciliavit nos per Christum,*

*stum, & dedit nobis ministerium reconciliationis?* Aut quare tam arctè illud ministerium sacerdotale instingitis? quod tam amplè, & magnificè extendit Apostolus 2. Corinth. 3. 1. Cor. 4. Eph. 4. 2. ad Timoth. 4. & Epist. ad Hebræos. Interim omnis gloriatio vestra in ministerio verbi Dei, cùm tam corruptum sit verbum Dei apud vos, quàm falsum est ministerium, sine potestate Ordinis, & jurisdictionis. Sunt & apud nos *ministri verbi Dei*, Actor. 6. sed ij ministri simul vel Episcopi, vel Sacerdotes propriè dicti, vel Diaconi apud nos sunt, cum potestate docendi. *Quomodo enim predicabunt, nisi mittantur?* Rom. 10. Quorum utrumque apud vos deficit.

Sed vellem ego hic scire primum, cùm dicis, vos propriè *Sacerdotes non esse*; An hæc omnium Lutheranorum, sit una, & eadem tecum sententia? Nam passim Lutherani per Saxoniam suos Pastores vocant *Sacerdotes*. Imò in Dania, & Sueciæ regno Lutherani suos Episcopos exhibent, distinctos haud dubiè à laicis. Hujus rei vellem ferres mihi primum ab omnibus Lutheranis ecclesijs testimonium.

Deinde vellem scire, an tu etiam propriè dictus *Episcopus* sis, qui te *Superintendentem* loco Episcopi fers? ratio nobis dubitandi est, quia Episcopatus necessariò supponit, & essentialiter includit sacerdotium. Inauditum enim est in Ecclesia Catholica, Episcopum consecrari, qui prius Sacerdos non fuerit consecratus. Et si propriè dictus Sacerdos non sis, quomodo propriè dictus Episcopus eris?

Demum, si propriè dictus Sacerdos non sis, quid ergo hominis es inter Ministros Ecclesiæ tuæ? qui nec propriè dictus Diaconus, nec Clericus etiam ex aliquo inferiorum Ordinum gradu? Restat ergo, ut te inter laicos computeamus. Interim tu pro Superintendentis munere imponis alijs manus, & Prædicantes ac verbi Dei ministros creas, & nihil aliud facis, quàm si urbanus Prætor id faciat. Et quid vetat, uxorem tuam, si præcinctorium imponat pædagogi alicujus capiti, idem non conferre, si tu nihil præstes?

III. Ecclesia vetus per Moysen à Deo instituta, veros & propriè dictos habuit Sacerdotes, eoque per suam consecrationem, & unctiōnem, cum primis ad sacrificia ejus legis ordinatos; (ut in Levitico, & totâ Scriptura leges,) ergo & Christi Ecclesia veros, & propriè dictos Sacerdotes habeat necesse est, quod in his omnibus sacerdotium I. gale  
typus



typus fuerit Sacerdotij Christiani, ut Becanus in Analogia veteris Testamenti, & Scripturæ interpretes te docebunt. Heretici, quia Ecclesiam suam sine vero, & propriè dicto sacerdotio introducunt, ne quidem ad umbras illas accedunt, sed infra egena illa, & infirma elementa Ecclesiam tibi formant, qui tamen Reformatores Ecclesiæ se ferunt. Et si ad legem naturæ etiam recurras, in qua status Ecclesiæ longè imperfectior fuit, reperiēs tamen in ea veros, & proprios Sacerdotes. Quis enim negabit, Melchisedech verum & propriè dictum sacerdotem fuisse? sed de his lib.2. relatum.

III. Ubi est verum, & propriè dictum religionis Sacrificium, ibi & verum, & propriè dictum Sacerdotium sit necesse est: *Omnis namque Pontifex ex hominibus assumptus, pro hominibus constituitur in ijs, quæ sunt ad Deum, ut offerat dona, & Sacrificia pro peccatis.* Hebr.5. At in Christi Ecclesia est verum, & propriè dictum religionis Sacrificium, ergo & Sacerdotium. Hinc Apostolus ad Hebr.c.7. *Translatum dicit Sacerdotium, non abrogatum: seu quod in lege veteri erat Aaronicum, typicum, & imperfectum, id cominutatum est in sacerdotium secundum Ordinem Melchisedech, longè perfectius, præstantius, & sublimius, ut multis docet Apostolus Epistolâ ad Hebr. juxta illud Prophetæ in psalm.109. Tu es sacerdos in æternum, secundum Ordinem Melchisedech.* Planè Augustinus lib.5. de Civit. Dei.c.20: *Verus ille mediator, in quantum formam servi accipiens, mediator est Dei & hominum, homo Christus Jesus, cum in forma Dei sacrificium cum Patre sumat, cum quo & unus est Deus; tamen in forma servi sacrificium maluit esse, quàm sumere: ne vel hac occasione quisquam existimaret cuilibet sacrificandum creatura. Per hoc & Sacerdos est ipse offerens, ipse & oblatio, cujus rei sacramentum quotidianum esse voluit Ecclesiæ sacrificium.* Hujus veri sacrificij, multiplicia variaque signa erant sacrificia prisca Sanctorum, cum hoc unum per multa præfiguraretur. Huic summo veroque sacrificio cuncta sacrificia falsa cesserunt. Chrysost. Hom.3. de prodit. Judæ: *Sacerdotis ore verba proferuntur, sed Dei virtute, & gratiâ proposita consecrantur: & sicut illa vox, Crescite & multiplicamini, & replete terram, semel quidem dicta est, sed omni tempore sentit effectum ad generationem operante natura; ita & vox ista, Hoc est corpus meum, & Hoc facite, semel quidem à Christo dicta est, sed per omnes mensas Ecclesiæ, usque*

TTT

ad

ad hodiernum diem, & usque ad Christi adventum præstat sacrificio firmitatem. Sed de his lib. 3. satis relatum est.

IV. Quid obsecro nomina illa ἱεροσύνη *Sacerdotium*, & ἱερεὺς *Sacerdos*, quæ non modò in tota Scriptura sacra, sed & in omnibus Græcorum Concilijs & Patribus legis? an illa ullus interpretes vertit in *ministerium verbi*, aut *ministerium verbi Dei*? aut in ullo Concilio, & Patre legis, per illa omnia designari tantùm ministerium verbi, ut vos accipitis, aut ministerium verbi Dei, ut non ubique Sacerdotem in Ordine ad Sacrificium significant? semel lego in Scripturis sacris *Ministerium verbi* in terminis, Act. 6: Nos verò orationi, & ministerio verbi instantes erimus, Græcè ἡμεῖς δὲ τῇ προσευχῇ καὶ τῇ διακονίᾳ τοῦ λόγου προσκαρτερήσομεν. Quantum hic discrepant ἱεροσύνη, & διακονία? quorum alterum sacerdotium in Ordine ad Sacrificium dicit. Hinc & interpretes hic per orationem intelligunt sacrificium Missæ, in quo efficacissimus est orandi modus. Alterum ministerium verbi significat, quod Diaconi etiam cum Sacerdotibus commune habent, ut constat de S. Stephano Act. 7, & Philippo Act. 8. Nec tamen unquam legimus Diaconos aut consecrassè Eucharistiam, aut sacrificium Missæ obtulisse, eoque nec Sacerdotes unquam appellatos esse. Actametsi Apostoli sub initium abstinerint à vocibus *Sacerdotis*, & *sacrificij* ex causis, de quibus lib. 2. relatum est, sufficit tamen ad hanc rem Apostolus Paulus, dum Christum secundùm ordinem Melchisedech toties introducit Sacerdotem & Pontificem, ad Hebr. c. 4. 5. 6. 7. 8. 9. Apoc. 1. 5. & 20. 1. Pet. 2. A Christo autem omnes Sacerdotes novi Testamenti, qui propriè sunt Episcopi, & Presbyteri ritè consecrati. Quanquam omnia hic expleat verbum Dei traditum, & usus horum nominum *Sacerdotij*, & *Sacerdotum* apud omnes Christianorum Ecclesias, tam in Oriente, quam Occidente, vel ab ipso Apostolorum ævo: quæ à Luthero primùm abrogata sunt, postquam *Sacrificium* Missæ, quod est proprium religionis sacrificium, & *potestatem* Ordinis ex Ecclesia sustulisset, ut sub larva illa *Ministerij* verbi, novum suum *evangelium*, novamque hæresin incanto populo obtruderet; ne auditò nomine *Sacerdotum* populus in sacrificium, in Episcopos, in Presbyteros, & potestatem Ordinis inquireret, eaque à suis ministris requireret: *Fides enim nominum*, inquit Tertullianus lib. contra Marcionem,



nem, *salus est proprietatum*. Et si Cypriano Epist. 6. de priscis hæreticis dicere licuit: *Si qui Ecclesiam contemnunt, ethnici, & publicani habentur; multo magis rebelles, & hostes falsa altaria, & illicita Sacerdotia, & sacrificia sacrilega, & nomina adulterata fingentes, inter ethnicos necesse est computentur*. Quid de vobis dicemus, qui hæc omnia multo turbulentius immutastis, & invertistis? quod constaret, vos supra priscas etiam hæreses insanire.

IV. Si Concilia porro & Patres consulamus, quid testatiùs, & manifestiùs? nam ut Patres omittam, qui Apostolos à Christo in ultima Coena propriè dictos Sacerdotes consecratos docent: quemadmodum id etiam Concilium Trid. sess. 22. cap. 1. definit, eoquæ *primitia sacerdotij secundum ordinem Melchisedech* appellati sunt; tum omnia illorum scripta plena sunt. Hinc Anacletus tertius à S. Petro Pontifex Epist. 1. *In novo Testamento post Christum à S. Petro Sacerdotij capit Ordo*. Hoc sensu omnes Patres de proprio sacerdotio loquuntur: *Ambrosius* lib. de sacerdotali dignitate, *Chrysostomus* libris sex de sacerdotio, *Dionysius Areopagita* c. 1. 3. 5. *Cyprianus* in singulis propè Epistolis, *Hieronymus* contra Luciferianos, *S. Gaudentius* Episcopus tract. 2. de Exod. *Dominus discipulis fidelibus mandat, quos primos Ecclesia sua Sacerdotes constituit, ut indefinenter vita aterna mysteria exercerent, quæ necesse est à cunctis Sacerdotibus per singulas Orbis Ecclesias celebrari*. Et quis hic omnium Patrum testimonia percenseat? cùm satis constet, Episcopos Apostolis, & Sacerdotes septuaginta Discipulis succedere; quorum illi majores, hi minores Sacerdotes vocantur. Et quid altaria? quid sacrificales calices? quid sacerdotalia ornamenta? nisi proprios ex omni antiquitate Sacerdotes commonstrant? Quid Pontificalia, seu Pontificalium rituum libri? ex quibus Sacerdotes consecrantur; quid Missalia, seu rituum sacrorum libri? è quibus sacrificium Missæ peragitur, aliud testantur, quàm proprios Sacerdotes, quorum nullus unquam usus fuit laicis? Eò spectant, quæ Concilia, & Patres de Sacerdotum consecratione, de eorum proprio officio, & muneris sacerdotalis eminentiâ supra Principes & Reges scripsere. Quid censes Nisani? quando legis in S. Augustino lib. contra Epist. Fundament. c. 4. *Tenet me in Ecclesia ab ipsa sede Petri successio Sacerdotum*; Et in psal. contra partem Donat. *Numerate Sacerdotes, vel ab ipsa sede Petri: Quos inquam censes designari Sacerdotes? proprios, an im-*

TTT 2

propri-

proprios? cẽtẽ successio ex Pontificum, ac Episcoporum serie deducitur à Patribus, qui propriẽ sunt Sacerdotes. Sed nunc clarissimum Augustini testimonium accipe, quo hæresis tua in *terminis* damnatur. Libro enim XX. de Civit. Dei, c. X. sic Augustinus: *Erunt Sacerdotes Dei, & Christi, & regnabunt cum illis mille annis: non utique de solis Episcopis, & Presbyteris dictum est, qui propriẽ jam vocantur in Ecclesia sacerdotes: sed sicut omnes Christianos dicimus, propter mysticum chrisma, sic omnes Sacerdotes, quoniam membra sunt unius sacerdotij.* Quid hic dices Nisani? Augustinus Episcopos, & Presbyteros propriẽ dicit vocari, atque esse Sacerdotes. Voce propriẽ nominatim posita, ut Sacerdotes proprios ab improprijis distinguat. Cui nunc par est credere? Augustino affirmanti, an tibi neganti? Nam tua professio est: *Propriẽ Sacerdotes nec esse, nec dici volumus.* Interim tu in toto libro nihil verius scripsisti de tua Lutherana ecclesia, quæ Sacerdotes veros non habet; cõ quod Lutherus, nec Episcopus fuerit, nec Episcopos secum traxerit, à quibus veri Sacerdotes consecrari potuerint: Et quod inde consequens est, nec veram Ecclesiam habetis: *Nam Ecclesia non est, quæ Sacerdotes non habet:* Sed in horum locum *Superintendentes, & Prædicantes*, larvas Episcoporum, & simulacra Sacerdotum obtrulsisti, ut verẽ exclames cum Zacharia Propheta c. II. v. 17: *O Pastor & idolum!* Sensim vos Prædicantes populo persuadere poteritis, nec Angelos, nec Spiritus, nec Cælites, nec inferos esse, qui jam Pontifices, Episcopos, & Sacerdotes, populo vobis applaudente sultulistis ex Ecclesia.

## C A P V T XII.

### *De Matrimonij Sacramento.*

**C**onjunctio viri cum femina tametsi in lege naturæ & Moisaica intra contractum civilem constiterit, Christus tamen hoc ipsum *Matrimonium* contractumque in lege Gratia ad *Sacramentum*

mentum exivit, atque inde ex Christi institutione *Matrimonium* verè, & propriè *Sacramentum* est inter Christianos. Quemadmodum de eo planissimè Apostolus Epist. ad Eph. c. 5: *Sacramentum hoc magnum est, ego autem dico in Christo & in Ecclesia*. Et res manifesta etiam ex Lutheranorum principiis. Habet enim primo *Ritum externum*, id est, contractum visibilem inter virum & feminam, non qui contractus merè civilis & naturalis sit jam ampliùs, sed qui signum seu symbolum verè sacrum sit. Nam cum Apostolus dicit, *Sacramentum hoc magnum est*, pronomen *Hoc* demonstrativum referri debet ad id quod præcessit; at proximè præcessit illud vers. 31: *Propter hoc relinquet homo patrem, & matrem suam, & adhærebit uxori suæ: & erunt duo in carne una*; Inde continenter vers. 32. subdit: *Sacramentum hoc magnum est*. Græcè *μυστήριον*, Syriacè *Arcanum*, Latine *signum rei sacræ*, nempe in Christo & in Ecclesia, seu ut in Græco textu est *εἰς χριστὸν καὶ εἰς τὴν ἐκκλησίαν*. Est enim Matrimonium repræsentativum conjunctionis Christi cum Ecclesia factæ in Incarnatione, quâ Christus visus est relinquere *Patrem* suum, postea etiam *matrem* suam *Synagoga*, ut *sponsa* suæ, Ecclesiæ videlicet Christianæ adhereret. Igitur sicut Matrimonium Adæ cum Eva, & cæterorum veteris Legis, erant signum future illius conjunctionis Christi cum Ecclesia, ita Matrimonium novæ legis est signum conjunctionis jam factæ, ideoque à Christo institutum propriè dictum *Sacramentum*, conferens gratiam, & mutuum conjugum amorem, de quo supra tota Apostoli cohortatio: *Viri diligite uxores vestras*.

II. Habet deinde promissionem gratiæ infallibiliter annexæ, quam Apostolus 1. ad Timoth. c. 2. pluribus explicat, cum quatuor enumerat matrimonij Christiani bona, contra quatuor mala, quæ per hanc gratiam Deievitantur: *Salvabitur*, inquit, *per filiorum generationem, si permanserit in fide* mutuo nimirum datâ, acceptâque gratiâ, & dilectione, & sanctificatione, cum sobrietate, quibus confirmati tutique reddentur à perfidia, odio, immunditia, & intemperantia. Quare Concilium Tridentinum sess. 24: *Gratiam, quæ naturalem illum amorem perficeret, & indissolubilem unitatem confirmaret, conjugisque sanctificaret*, ipse Christus venerabilium Sacramentorum institutor & perfector, suâ nobis passione promeruit, quod Paulus Apostolus innuit, dicens: *viri diligite uxores*

TTT 3

vestras,



vestras, sicut Christus dilexit Ecclesiam; & seipsum tradidit pro ea. *Sacramentum hoc magnum est, ego autem dico in Christo & in Ecclesia.*

Habet præterea institutionem Christi Matth. 19: *Quod Deus coniunxit, homo non separet.* Nec alia de causa Joan. 2. Christus ipse nuptijs interesse voluit, & insigni miraculo exornare, uti præter cæteros Augustinus in hunc locum docet. Quemadmodum & Apostolus 1. Cor. 7: *Qui matrimonio jungit virginem suam, bene facit*; Et 1. ad Timoth. 4. monet hæreticos futuros, qui damnaturi sint matrimonium; Et Hebr. 13: *Honorabile conjugium docet.* Demum de his omnibus ita Concilium Tridentinum sess. 24: *Cum igitur Matrimonium in lege Evangelica veteribus connubijs per Christum gratia præstet, merito inter nova legis sacramenta annumerandum sancti Patres nostri, Concilia, & universalis Ecclesie traditio semper docuerunt.* Nec inter Doctores, scriptoresque Catholicos alius ferè præter Durandum dissidet, qui Matrimonium æquivocè Sacramentum dici opinabatur.

Augustana vestra confessio, in re tanti momenti nihil meminit, duobus tantùm Sacramentis contenta. Apologia Melancthonis *institutionem* quidem Matrimonij, & *mandatum* agnoscit, sed inter propriè dicta Sacramenta non admittit, quamvis aliquo modo Sacramentum dici posse agnoscat; homo ubique fluctuans, seu quòd tum nondum excocta esset, tota hæresis, seu quòd Philologus ille, nec fidei, nec Theologiæ principia caperet. Lutherus lib. de capt. Babyl. Matrimonium prorsus rejicit esse Sacramentum, quod neque signum sit à Christo institutum, nec promissionem gratiæ habeat. Calvinus lib. 4. instit. cap. 19. scribit Matrimonio non magis convenire rationem Sacramenti, quàm *agriculturæ, aut consue, aut sutoriæ* arti: ita homines illi ludunt & jocantur cum mysterijs fidei. Erasmus, *quod, inquit, mysterium, si viro uxor coniungatur? idem quotidie fieri videmus.* Quasi verò Baptismus, & Cæna, et si quotidie administrantur, mysteria ob id esse desinant.

At verò, quàm longè alia sanctorum Patrum, Scripturæ, Traditioni, & Concilijs in hærentium sententia, & iudicium? Ambrosius in commentario cap. 5. ad Eph. *Mysterij Sacramentum grande in unitate viri, & femine esse significat.* Idem lib. 1. de Abraham. c. 7. ubi tractat conjugium contra legem Dei celebratum, non posse esse *Sacramentum.* *Qui enim, inquit, sic egerit, peccat in Deum, cuius legem violat, gratiam solvit: &*  
ideo,

ideo, quia in Deum peccat, Sacramenti celestis amittit consortium. S. Leo Epist. 92. ad Narbonensem Episcopum, Unde, inquit, cum societas nuptiarum ita ab initio constituta sit, ut præter sexuum conjunctionem haberet in se Christi & Ecclesiæ Sacramentum; dubium non est, eam mulierem non pertinere ad Matrimonium, in qua docetur nuptiale non fuisse mysterium. Chrysostomus in Epist. ad Ephesios ex Apostoli testimonio, Bene, inquit, dixit Apostolus: Magnum est hoc mysterium; Veruntamen ista allegoria dilectionem conjugalem non evertit. Et mox: Revera mysterium est, & magnum mysterium, relicto eo qui genuit, eo qui aluit, etiam ea quæ peperit, adherere unum illi, quæ antea neque visa sit. Ita prorsus Syricius Papa Epist. 1. c. 4. Innocentius I. Epist. 9. Cyrillus lib. 2. in Joan. c. 22, alijque innumeri, quos inter clarissimè Augustinus lib. 1. de Nuptijs & Concupisc. c. 10: Sacramentum nuptiarum commendatur fidelibus conjugatis, unde dicit Apostolus: viri diligite uxores vestras. Lib. de Sanct. Virginit. c. 12: Habent conjugia bonum suum, non quia filios procreant, sed quia thori fidem invicem servant, quia Sacramentum connubij non violant. Lib. de bono conjugali c. 18: In nostrarum nuptijs plus valet sanctitas Sacramenti, quam fecunditas uteri. Cap. 24: Bonum nuptiarum per omnes gentes, atque omnes homines in causa generandi est, & in fide castitatis: Quod autem ad populum Dei pertinet, etiam in sanctitate Sacramenti. Quibus verbis satis distinguit Augustinus Matrimonium infidelium, à fidelium Christianorum; quorum postremum Sacramentum sit, secus quàm infidelium fuerit. Quod ipsum etiam lib. de fide & operibus cap. 7. confirmatiùs asserit: In civitate, inquit, Domini, in monte sancto ejus, hoc est, in Ecclesia, nuptiarum non solum vinculum, sed etiam Sacramentum commendatur. Ac tametsi Matrimonium Adami & Evæ, & Patriarcharum connubia largo modo Sacramenta dicantur, quòd futuram Christi cum Ecclesia conjunctionem typicè designarint, non tamen propriè id matrimonium Christianorum, Sacramenta fuerunt: quod cum ex traditione, Concilij, & Patribus constar, tum vel maxime ex definitione Ecclesiæ nobis indubitatum est, quæ est columna & firmamentum veritatis.

### Caroli Magni testimonia.

**A**ccedunt ad Patres Caroli Magni testimonia: Is libro 7. Capitularium cap. 80: Nulla mulier pertinet ad Matrimonium, in qua nuptiale

*ptiale mysterium non fuerit.* Quod haud aliud mysterium, & Sacramentum, quam quod eodem libro cap. 363. *Legitimum* vocat conjugium à Patribus, & à SS. Apostolis traditum. Ad quam traditionem se quoque Concilium Tridentinum revocat. Eodem lib. Carolus c. 304: *Notum sit omnibus, quod conjugium à Deo sit constitutum, & non sit appetendum causa luxuria, sed procreatione filiorum;* & cap. sequenti: *Sciendum est omnibus, & firmiter retinendum, quod hi qui uxores ducere voluerint, sicut eas castas, & incorruptas cupiunt invenire, sic ad eas casti, & incorrupti debent accedere, easque cum benedictione Sacerdotis, sicut in Sacramentario continetur, accipere;* & c. Hic audis inter cætera Sacramenta de eo agi in Sacramentario, quem librum *Ritualem* seu *Agendam* nunc dicimus.

Huc accedit, quod ratio Sacramenti hujus fundetur in indissolubilitate Matrimonij quoad vinculum, de qua pluribus Bellarminus, & Theologi omnes. At verò Lutherus in cap. 1. ad Corinth. 7. & lib. de causis Matrimonij; Calvinus lib. 4. instit. c. 9. uti passim Lutherani, Calvinistæ, anabaptistæ Matrimonium quoad vinculum docent esse solubile. Secus longè Carolus Magnus lib. 6. cap. 63: *Hi vel hæ, qui uxores aut viros dimittunt, non nubant: sed aut continentés maneant, aut sibi met reconcilientur.* Idem cap. 87. ejusdem libri præscribitur. Rursus lib. 6. cap. 215. & Addit. 2. c. 20: *Matrimonium etiam ob causam fornicationis non est dissolvendum, qui alteram duxerit, adulter erit.* Lib. 7. cap. 55. *Vivente viro & uxore, nemo eorum alteri copuletur Matrimonio; quod in utraque parte adulteri sint, si faciant.* Eadem præscripta sunt in Constitutionibus, in Concilio *Aquisgranensi* l. Can. 69. ex Concilio *Africano*, aliisque Carolinis Synodis. Jam si de impedimentis ex cognatione spirituali, si-ve de impedimentis, quæ ex votis religiosæ vitæ, sacrilegisque Sacerdotum & Monachorum nuptijs toties repetuntur; Si de gradibus Consanguinitatis, & affinitatis agamus, quam multa in Caroli Capitularibus & Synodis, quæ Lutherana vestra religioni adversantur? Verum ut in cæteris, ita sublato semel Sacramento Matrimonij, placuit novitati & libertati vestra, saluberrimas Ecclesiæ leges, Conciliorum placita, & Patrum decreta subvertere: tanquam vobiscum demum nata sit Ecclesiæ veritas.

Interim verum nobiscum *Matrimonium* habetis in sanctitate *Sacramenti*: ac tametsi de nullo Sacramento planius expressiusque *Sacramenti*



menti nomen extet in Scriptura, quàm de Matrimonio, teste Apostolo ad Eph. c. 5. *Sacramentum hoc magnum est, in Christo & in Ecclesia.* Sacramentum tamen propriè & verè institutum à Christo, traditumque in Ecclesia non recipitis. Et quæ amentia? malle ad legem naturæ & legem Mosaicam redire, atque ex contractu merè Civili, inter egena & vacua elementa, quàm inter Sacramenta Christianorum plena gratiæ ex meritis Christi Matrimonium numerare? Seu id Lutherus cum apostatis sacerdotibus, & monachis, auctoribusque vestræ religionis fecerit, quod Sacerdotium suum cum Matrimonio non potuerit componere, nisi utrumque Sacramentum abrogaret, & cæteros ad hanc sacrilegæ vitæ licentiam invitaret; seu id astarti diaboli, odioque Catholicæ religionis factum sit: ex quo simul in reprobum sensum datus, omnia simul Sacramenta pervertere ausus est.

Interim ex Matrimonio omnis vestra criminatio, & accusatio in Catholicos vertitur. Nam quia cœlibatum Sacerdotum ex Apostolicâ traditione & Ecclesiæ lege docemus, ac Monachis, & per vota castitatis Deo obstrictis religiosis utriusque sexûs hominibus Matrimonia interdiciamus, damnamur à vobis inter hæreticos *prohibentes nubere*, & abstinentes à cibis, quos Deus creavit, de quibus Apostolus 1. ad Timoth. 4. Audimurque; passim *Ebionita, Marcionita, Manichei, Tatiani, Encratitæ*; tanquam cum illis doceamus nuptias per se illicitas esse, & cibos quosdam ex natura immundos: cum nulla hoc sæculo religio *Matrimonium* sanctiùs veneretur, quàm *Catholici*. Vos, uti cæteræ omnes sectæ, Matrimonium intra *contractum civilem* relinquitis, ut in lege naturæ, & Moyssis, aut apud gentes infideles fuit; Catholici ex Christi & Apostolorum doctrina, ad *Sacramenti* dignitatem & sanctitatem evehunt.

At dicitis: idem Apostolus docet Epistola ad Hebr. c. 13: *Honorable connubium in omnibus, & thorus immaculatus.* Si in omnibus, inquirunt; ergo & in sacerdotibus, & in monachis, ac monialibus, quantumvis voto castitatis Deo obstrictis. Quàm hæc perversa interpretatio! Si in omnibus honorabile, ergo & inter fratres ac sorores, ac consanguineos proximorum graduum. Quis præter vos, unquam sic est ratiocinatus? Est igitur in omnibus honorabile, in quibus contrahi potest; seu *in omnibus*, non tam ad *personas* referendo, quàm ad ipsum *Matrimonium*,

V V V

monium,

*monium*, quod ex omni parte *honorabile* est, siue rationem *Sacramenti*, siue *bonum fidei*, siue *bonum prolis*, ceteraque spectes. Ceterum *Matrimonia* monachorum & monialium, Deoque consecratarum virginum, *Concilia* & *Patres* sacrilegia vocant. Quam labem, nunquam veltra religio ex Lutheri Matrimonio, neque Calviniana ex Calvini, neque anabaptista ex Mennonis, neque ceteræ sectæ ex apostatarum sacerdotum, auctorumque suæ novæ religionis, dum Christiana religio integra constiterit, abstergent. Et quem ex omni antiquitate non modo post Carolum Magnum ad Lutheri tempora, sed & ab ipso Apostolorum ævo ad Carolum Magnum produces Episcopum, aut Sacerdotem, aut Monachum, aut consecratam Deo virginem, aut laudabilem etiam Diaconum, cui in Occidentali Ecclesia publicè contrahere Matrimonium, ac filios procreare concessum fuerit? Monstra hæc fuissent spectare majores, donec Lutherus Matrimonium cum moniali contrahere visus, ejusque doctrina hos monstrosos primùm partus in lucem edere cœpit, & Ecclesiæ ordinem ac disciplinam turbare. Nos certè Catholici *talem consuetudinem neque habemus, neque Ecclesia Dei*. i. Cor. ii, quæ ejusmodi *sacrilega matrimonia* semper damnavit. Quare & S. Augustinus præter ea, quæ suprà retuli de coelibatu serm. 13: *Quicumque continentiam vorivstis, reddite quod vorivstis: quia non exigeretur, si non vorivstis. Quod potuit licere, non licet: non quia nuptia damnantur, sed quia qui retrospectit damnatur*. Ita de viduis Concilium Carthaginense 4. c. 104: *Idna, quæ matrya ætate à viro relicta, se devoverunt Domino, & veste laicali abjecta, sub testimonio Episcopi & Ecclesiæ, religioso habitu apparuerint, postea vero ad nuptias seculares transferunt, secundum Apostolum i. ad Timoth. 8. damnationem habebunt, quoniam fidem castitatis, quam Domino vorivserunt, irritam facere ausæ sunt*. Concilio huic interfuit S. Augustinus cum CCXIII. Episcopis, & subscripsit. Imò SS. Patres ideo inter ceteras causas, quare *Episcopus continens*, extraque statum Matrimonij esse debeat, hanc reddunt: ut castitatem statumque virginitatis suo exemplo docere possit. Id verò quomodo Protestantium *Predicantes, & Superintendentes*, qui se Episcopos ferunt, præstare poterunt? quos omnes in amplexus uxorum & Matrimonia lasciviùs, quàm ullum genus hominum ruere videmus; ac sanctissimum illud vitæ institutum, quod ab Apostolorum

xvoto toto orbe Christiano florentissimum fuit, tantumque à Carolo Magno per Saxoniam provectum, dissolvere, ipsamque Ecclesiam Catholicam ex disciplina Christiana, & fidei unitate, in tot ac tam discrepantes sectas distrahere. Verè Augustinus lib. 18. de Civit. Dei c. 51: *Postquam diabolus vidit templa demonum deseri, & in nomen Mediatoris currere genus hominum; hæreticos movit, qui sub vocabulo Christiano, doctrinæ resisterent Christiana: quasi possent indifferenter sine ulla corruptione haberi in civitate Dei, sicut civitas confusionis indifferenter habere potuit Philosophos inter se diversa, & adversa sentientes.*

Atque hæc de Sacrificio Christiana Religionis, & de VII. Ecclesiæ Catholicæ Sacramentis paucis ex Scriptura, Traditione, Concilijs, Patribus, totiusque Ecclesiæ Catholicæ consensu. Appellant adversarij in omnibus ad *Scripturam*; hinc primò eam stitimus: & ita stitimus, ut secundum illorum principia, & definitionem, *Sacramenta ex Scripturis* asserta sint, & Caroli etiam testimonijs comprobata. Quid ultra exigent? Si quid ex Scriptura minùs clarè *pro oculis vestris* assertum; ad Ecclesiæ judicium denuò provocamus, de quo S. Augustinus lib. 1. contra Cresconium c. 23: *Scripturarum à nobis tenetur veritas, cum hoc facimus, quod universe jam placuit Ecclesiæ: quam ipsa Scripturarum commendat auctoritas: ut quoniam sancta Scriptura fallere non potest, quisquis falli metuit hujus obscuritate questionis, eandem Ecclesiam de illa consulat, quam sine ambiguitate sancta Scriptura demonstrat.*

# LIBER IV.

## DE JUSTIFICATIONE, MERITIS BONORUM OPERUM, DIVINÆ LEGIS OBSERVATIONE, QUINQUE ECCLESIAE PRÆCEPTIS, ET CULTU SS.

**Q**Uæ superiore libro de *Sacrificio, & Sacramentis* egimus, ea nunc consequuntur ex instituto ordine, quæ hîc de *Bonis operibus, de Mandatorum Dei observatione, de Quinque præceptis Ecclesiæ, de Cultu religioso* dicturi sumus; quòd his justificatione per Sacramenta tam vivorum, quàm mortuorum parta conservetur, augeaturque; nec sine his vita æterna homini Christiano à Deo promissâ sit; falsaque sit Novatorum doctrina, quæ per *solam* fidem justificationis opus, & vitam æternam promittit: quod vel ex uno D. Augustini libro, de *Fide & bonis operibus*, discere poterant, in quo inter cætera cap. 15. ita scribit: *Si mandatis non servatis, ad vitam venire potest per solam fidem, quæ sine operibus mortua est; illud deinde quomodo verum erit, quod eis, quos ad sinistram positurus est, dicit: Ite in ignem æternum, qui paratus est diabolo & angelis ejus? nec increpat quia in eum non crediderunt, sed quia bona opera non fecerunt?* Et quæ toto illo libro tam clarè verèque docet, ut hîc solus satis esse possit, ad Novatorum doctrinam refellendam, si modò SS. Patrum qui primis post Apostolos sæculis scripserunt, judicium admitterent.

### CAPUT I.



## CAPUT I.

## Utrum sola fides iustificet?

**T**Umultuariâ prorsus scriptione versat hanc controversiam Nifanians, in quâ non nisi confusum chaos deprehendas. Tot in illa antilogiæ, tot errores & hæreses, tot nebulae & tenebræ, in quibus ne se ipsum quidem agnoscat amplius. Nihil interim de Carolo Magno uspiam, quid ille de iustificatione senserit, aut quid Episcopi in tot Synodis hac super re pronuntiarint. Et quia Caroli gratiâ hæc confutatio suscepta est, de quo adversarius prorsus silet, nobis tamen prætermittenda non fuit. Sed prius de re ipsa paucis agamus.

Causæ *Iustificationis*, in quas ille involutum suum *Tractatum* divisit, hæc quatuor sunt.

I. *Finalis* causa, est salus æterna eorum, qui iustificantur: Ita *Tridentinum sess. 6. c. 7. Isai. c. 43. Hebr. 2. Rom. 6: Nunc verò liberati à peccato, servi autem facti Deo, habetis fructum vestrum in sanctificationem, finem verò vitam æternam.* Petrus epist. 1. c. 1: *Ut reportetis finem fidei vestræ, salutem animarum vestrarum.* Deinde gloria Dei & Christi. Eph. 1: *Prædestinavi nos in adoptionem filiorum, in laudem gloriae suæ.*

Causa *efficiens* primaria, est bonitas & misericordia Dei, Isa. c. 43: *Ego sum, qui deleo iniquitates tuas propter me.* Rom. 3: *Unus est Deus, qui iustificat.* Meritoria causa, seu efficiens per modum meriti, est *Passio Christi*, quâ pretium redemptionis nostræ exactè persolutum, & iustitiæ divinæ satisfactum est. Rom. 3: *Iustificati gratis per gratiam ipsius, per redemptionem, quæ est in Christo Jesu.* Joan. epist. 1. c. 2: *Ipse est propitiatio pro peccatis nostris: non pro nostris autem tantum, sed etiam pro totius mundi.* Causa *Instrumentalis conjuncta*, Christus Dei filius ratione naturæ assumptæ, quo modo Isa. 53: *Brachium Domini* vocatur. Causa *instrumentalis separata*, verbum Dei, Sacramenta, & Ministri verbi Dei, & Sacramentorum. De verbo Dei Jacobi c. 1: *Suscipite insitum verbum, quod*

VVV 3

potest

*potest salvare animas vestras. De Sacramentis, Petrus Epist. 1. c. 3: Salvos facit Baptisma. Paulus ad Titum c. 3: Salvos nos fecit per lavacrum regenerationis. De Ministris 1. Cor. 3: Dei adjutores sumus. 2. Cor. 1: Posuit in nobis verbum reconciliationis. Joan. 20: Accipite Spiritum sanctum, quorum remiseritis peccata, remittuntur eis.*

Causa *materialis*, est anima hominis, in qua gratia sanctificans tanquam in subjecto existit. Ad causam *materialem* spectant *dispositiones*, quæ subjectum præparant ad recipiendam formam, seu ad habitum gratiæ, sive caritatem infusam: quales ex sententia Concilij Tridentini sess. 6. c. 6. sunt actus fidei, timoris, spei, dilectionis, & pœnitentiæ.

Demum causa *formalis* est ipse habitus gratiæ, sive caritatis infusus: atque hæc est iustitia inhærens, quæ nos formaliter facit justos. Causa *formalis* extrinseca, quæ & *exemplaris* dicitur, est ipsa Christi iustitia, Rom. 8: *Nam quos præservit, hos & prædestinavit, conformes fieri imaginis Filij sui.* Hinc monemur 1. Cor. 15: *Portare imaginem hominis cœlestis.* Adversarij sic statuunt: Ante justificationem requiritur una tantum dispositio, nimirum *fides*: & hoc sensu volunt *solum* fidem justificare. Deinde sequitur apud illos justificatio, quæ non est acquisitæ iustitiæ inhærentis, sed imputatæ iustitiæ Christi. Nec effectus ejus formalis consistit in expulsiōe peccatorum, & sanctificatione interioris hominis, sed in eo, quod peccata tegantur, & non imputentur: inde causa *formalis* apud illos est iustitia Christi *imputativa*, per fidem apprehensa, & credenti communicata, ita ut intrinsecè maneant impij & peccatores.

II. In Catholicorum sententia, justificatio duobus modis fit: I. Per infusionem gratiæ, sine expulsiōe peccati, qualis fuit Angelorum & primorum parentum, quâ aliquis ex non justo fit justus. II. Per infusionem gratiæ cum expulsiōe, & remissione peccati, quâ aliquis ex injusto fit justus. Quare justificatio hæc est translatio à statu peccati, ad statum gratiæ, uti ad Col. 1. Apostolus tradit: *Qui eripuit nos de potestate tenebrarum, & transtulit in regnum filij sui.* 1. Pet. 2. *Ut peccatis mortui, iustitiam vivamus.* Simile est in calefactione, quæ consistit in depulsiōe frigoris, & acquisitione caloris. Uti S. Thomas & alij explicant, Hinc Tridentinum sess. 6. c. 7. *Justificatio, quæ dispositionem consequitur, non est sola peccatorum remissio, sed & sanctificatio, & renovatio interioris hominis, per voluntariam susceptionem gratiæ, & donorum.* Unde homo ex injusto  
fit



*fit iustus, & ex inimico amicus.* Cæterum hujus justificationis causæ instrumentales separatae, (siquidem de prima justificatione sit sermo, quâ quis ex impio fit iustus) ordinariè duo tantum sacramenta concurrunt, *Baptismus & Pœnitentia*; quæ ideo vocantur *Sacramenta mortuorum*, quia instituta sunt ad vitam mortuis reddendam. Reliqua verò Sacramenta, ut *Confirmatio, Eucharistia, Ordo, Extrema unctio, Matrimonium*, sunt instrumenta augmenti iustitiæ, quâ quis ex iusto fit iustior: ita verò omne Sacramentum est *signum sacrum prætictum gratiæ formaliter sanctificantis*. Hæc deinde gratia conservatur, augeturque observatione mandatorum Dei, & omnibus bonis operibus iustorum. Hinc justificatione dividitur in primam & secundam. Prima, quæ obtinetur per Sacramenta mortuorum; Secunda quæ augetur per Sacramenta vivorum, & bona iustorum opera. Quod si porro quaratur, an præter *meritum Christi* requiratur *meritum nostrum*? dicimus: justificationem primam, quâ quis ex impio fit iustus, & quæ semper conjuncta est cum remissione peccati, gratis fieri, nec cadere sub meritum nostrum: de illa enim Apostolus Rom. 3: *Iustificati gratis per gratiam ipsius*; & v. 28: *Arbitramur justificari hominem per fidem sine operibus legis* Eph. 2: *Gratia salvati estis per fidem, non ex operibus*. Alteram verò justificationem, quâ ex iusto fit iustior, merito nostro augeri: de qua S. Jacobus c. 2: *Videte, quoniam ex operibus justificatur homo, & non ex fide tantum*. Apoc. ult. *Qui iustus est, justificetur adhuc*. Hinc opera nostra toties in Scriptura vocantur meritum, merces, & præmium vitæ æternæ; & quæ in hanc rem tot Scripturæ testimonijs, & argumentis confirmantur, de quibus cap. sequenti: ut rectè exclamarit S. Augustinus Epist. 46. ad Valentinum: *Si non sunt merita, quomodo iudicabit Deus hunc mundum?* Ommissis igitur, quæ adversarius de causis justificationis, per phantasmata hæresis suæ introducit, primariam hæc quæstionem de sola fide iustificante exploremus.

III. Lutherani, cæteri que heterodoxi nostro primò sæculo exorti, docent: hominem *sola fide justificari*, quo falso suo dogmate primò excludunt gratiam infusam, & communicatam per Sacramenta, nec aliter iustificare dicunt, quàm quòd per ritus, & verba Sacramentorum in suscipiente excitetur fides, quâ non modò in *cœna sua*, sed & in Sacramento Baptismi iustificentur homines, quamvis nullam adhuc rationem dare possint, quomodo fides in baptizatis infantibus excitetur? ita non modò

modò enervant omnia Sacramenta, sed & bonis operibus iustorum & observationi mandatorum nullam prorsus vim, fructumque relinquunt: secùs quàm Scriptura, Concilia, Patres, & omnis majorum antiquitas nos docuit. Quare hoc hæresis suæ principio ante Lutherum inaudito, cum omnia invertant in Ecclesia, tum nihil ad omnem vitæ licentiam dissolutionemque Christianæ disciplinæ perniciosius à diabolo excogitari potuit, ut non tam fascinum dementiæ, quàm mysterium iniquitatis dixeris.

IV. Etsi omnes tam Lutherani, quàm Calvinistæ, ceterique heterodoxi in eo convenient, *quòd sola fides justificet*; attamen in ipso modo, quo id fiat, magnoperè dissentiunt. Lutherus in 2. Capit. ad Galat. *Fides*, inquit, *est formalis causa, propter quam homo justificatur, non propter caritatem*. Ubi fidem opponit caritati. Alij contrà fidem non nisi relativè justificare docent, sicut manus pauperis, ut ipsi explicant, concurrit ad eleemosynam accipiendam: ita Melanchthon, Kemnitius, Altenburgenses, & alij passim. Addit Nifanius respectivè & objectivè. Adhæc dissentiunt in actibus: nam alij requirunt actus spei, dilectionis, pœnitentiæ, alij solo actu fidei contenti sunt. Alij requirunt ex parte intellectus apprehensionem & iudicium, ex parte voluntatis fiduciam, eamque duplicem, generalem & specialem. Nifanius justificationem in toto illo aggregato actu ponit, & modò per actus intellectus, modò per actus voluntatis justificari nos dicit. Imò Paragrapho XVI. *Fides non per modum dispositionis, nec causa formalis, sed per modum organi, & instrumenti concurrit ad justificationem*. & paulò pòst inquit: *Fides apud nos est causa impulsiva justificationis*, cujus intuitu justificamur. Mira dissensio, & mera confusio! quam vel retulisse, satis est confutasse.

V. Dicimus igitur: Non sola fides justificat. Id probatur: Quod est initium justificationis, & dispositio, non est ipsa justificatio; at fides est initium justificationis & dispositio: ergo. Hebr. II. *Accedentem ad Deum, oportet credere*. Joan. I: *Quotquot receperunt eum, dedit eis potestatem filios Dei fieri, his qui credunt in nomine ejus*. Hinc Augustinus epist. 105: *Omnis justificatio à fide ducit initium*, idè quicquid tribuitur fidei in dispositionis negotio, hoc & spei tribuitur. Rom. 9: *spe salvi facti sumus*; Timori, Eccles. I. *Timor domini expellit peccatum*; Dil-ctio- ni, Luc. 7. *Remittuntur ei peccata multa, quia dilexit multum*; Pœnitentiæ,

tia: Act. 11. Ezech 18: *Si impius egerit poenitentiam, vitâ vivet.* Probatur 2. Si sola fides iustificat, & cætera virtutes nihil conferunt; ergo iustificat, siue illæ præsentēs sint, siue absentes: consequens est falsum, ut constat Joan. 1. *Qui non diligit, manet in morte.* Ad Gal. 5: *In Christo Jesu neque circumcisio aliquid valet, neque præputium, sed fides quæ per caritatem operatur.* 1. Cor. 13: *Si habuero omnem fidem, caritatem autem non habeam, nihil sum.* Verſ. 13: *Nunc autem manent tria hæc, fides, spes, charitas: major autem horum est charitas:* ergo si cui virtuti debetur iustificatio, caritati debetur. 3. Probatur ex Apostoli Jacobi epist. c. 2: *Quid proderit fratres mei, si fidem quis dicat se habere, opera autem non habeat? Numquid poterit fides saluare eum?* Rurſum: *Videtis quoniam ex operibus iustificatur homo, & non ex fide tantum.* Rurſum: *Vis autem scire o homo inanis, quoniam fides sine operibus mortua est?* Et quid totâ hac Epistolâ aliud tam contentè docet Apostolus? Hoc illud Augustini: *Fides potest esse sine caritate, sed non prodesse.* S. Prosper de vita contempl. c. 19: *Nec opera sine fide, nec fides sine operibus iustificat.* Cætera in hanc rem testimonia Patrum lege apud Bellarmin. lib. 1. de Justif. cap. 13. Suarez, Vasquez, Cocciunum, Gualterium, aliosque.

Hæc & similia Scripturæ loca, quæ planissima sunt, ut eludant Lutherani, respondent: Caritatem non nisi signum esse latentis in animo fidei, & iustificantis: quemadmodum cætera opera bona sunt signa fidei iustificantis. Quàm verò absurda sit hæc responsio, vel ex eo constat: quod signum supponat rem, quam signat; ut motus animalis, est signum vitæ, supponendo vitam: Sic etsi caritas sit signum fidei iustificantis, debet tamen ipsa fides prior esse viva; at non est prior viva, quia sine caritate mortua est, nisi nos fallant omnia Scripturæ loca suprâ adducta. Vera proinde iustitia & vita, per caritatem & gratiam infusam est, ut Catholici docent. Quam in rem præclare rursus S. Augustinus serm. 16: *A fide incipit homo: quia & demones credunt, necesse est addere spem & caritatem.* Serm. 22: *Domus Dei credendo fundatur, sperando erigitur, diligendo perficitur.*

Confirmantur hæc: Nam si fides separata à cæteris virtutibus sola iustificet, potest etiam idem præstare composita cum vitis & peccatis, sicut enim nihil confert præsentia virtutum aliarum ad iustificationem, ita nec præsentia vitiorum oberit: at quomodo fingi potest, ut ille sit ju-

XXX

stus,

stus, qui habet animum fornicandi, adulterandi, occidendi, aliorumve peccatorum? Eset enim justus, & non eset justus. Ita in Ecclesia sunt boni, & mali, justi & injusti, qui unam fidem habent, omniaque pariter credunt, quæ in Scriptura proponuntur credenda, nec tamen per hanc fidem omnes justi sunt, sed soli boni, qui ambulant in vijs Domini.

Fides quæ justificat, in eo consistit apud Nisanium & Lutheranos, ut certò sibi quis persuadeat se justum esse, & per Christum sibi remissa esse peccata. Si ergo hæc fides sola justificet, necesse est omnes eos justificari, & salvari, qui hanc fidem habent: At Calvinistæ, Zwingliani, Anabaptistæ, Labbadæani cum suis, cæteri que hæretici nostri temporis hanc fidem habent; ergo ex sententia vestra omnes illi justificantur & salvi fiunt. Cur ergo cum ijs non conjungitis vos in unam Ecclesiam? cur hæretici vobis sunt? Occurres hic & dices: Fides Calvinistarum, aliorumque multis alijs erroribus est conjuncta, quia pravè sentiunt de alijs fidei dogmatibus contra Lutheranam religionem: at verò hoc idem dicunt Calvinistæ, & alij de vestra fide. cui nunc credam? Deinde, quid hoc ad rem? Nam si tuo judicio sola illa fides justificet, quæ quis credit sibi peccata remissa esse propter Christum, certè qui hanc fidem habet, perire non potest; aut si perit, sola hæc fides non justificat. Præterea ex hac doctrina vestra sequitur, nihil necessarium esse anxie disputare de controversijs fidei, quando ad salutem sufficit, dummodo quisque sibi persuadeat se justum esse propter Christum. Imò totum hoc regeram in vos hoc syllogismo: Nullum bonum opus justificat; fides est bonum opus: ergo non justificat. Major vestra confessione est certa: minor negari non potest intelligendo de fide *actuali*, qualem vos solem agnoscitis, *secluso habitu* fidei, quem rejicitis. Jam verò si cui operi bono justificatio debetur, caritati ut diximus debetur: *Nunc manent tria hæc, fides, spes, charitas, major autem horum est caritas.* 1. Cor. 13. Innumera sunt ejusmodi absurda, quæ ex hoc falso vestro dogmate sequuntur, quæ longum est percernere.

VI. Demum si quæ ratio hujus falsi dogmatis vestri est, illa ex Scriptura primùm peti debet, at Scriptura id nullibi docet, nisi Scripturam sibi contraria docere dixeris. Interim magno in speciem plausu, multisque Scripturæ locis proditis, quibus incautum populum fascinat.

I. Ergo objicitis Rom. 3: *Arbitramur hominem justificari per fidem*  
sine.

*sine operibus legis.* Ad Gal. 2: *Scientes, quod non iustificetur homo ex operibus legis.* Eph. 2: *Gratia salvati estis per fidem, non ex operibus.* R. opera quæ hic fidei opponuntur, vel intelliguntur opera observationum legalium, ut *Circumcisio, Sabbathum, Sacrificia* vetera, *Purificationes, cæteraque legis Cerimonialis*, quæ egena erant elementa, ideoque abrogata sunt per legem gratiæ; in quorum locum aliud Sacrificium, aliaque Sacramenta plena gratiæ formaliter iustificantis instituta sunt: Vel intelliguntur opera, quæ fidem præcedunt, & quæ viribus proprii arbitrij, seu ex nobis fiunt. Ita SS. Patres, cum primis Hieronymus Epist. ad Ctesiphontem, & planissimè S. Augustinus lib. de Grat. & lib. arbit. c. 7. *Homines non intelligentes quod ait ipse Apostolus Paulus: Arbitramur hominem iustificari per fidem sine operibus legis, putaverunt eum dicere: sufficere homini solam fidem, etiamsi male vivat, & bona opera non faciat: quod absit, ut sentiret Vas electionis.* Poteratne telo aliquo certius configere hæresin velttram?

Obijciunt II. loca Scripturæ, in quibus homo *gratis* dicitur *iustificari*, exclusis operibus bonis: Rom. 3. *Iustificati gratis per gratiam ipsius.* Rom. 11: *Si gratia? jam non ex operibus; alioquin gratia jam non esset gratia.* Eph. 2: *Gratia estis salvati per fidem, non ex operibus.* R. Hæc nihil contra Catholicos faciunt, qui uno consensu docent, primam justificationem per Sacramentum Baptismi & Pœnitentiæ gratis fieri: nam quæ hanc præcedunt opera, (inter quæ ipsa fides) sunt dispositiones tantum, ut suprà diximus: Uti hoc ipsum S. Augustinus de fide docuit lib. de Præd. SS. c. 7: *Ex fide ideo dicit iustificari hominem, non ex operibus: quia ipsa prima datur, ex qua impetrentur cætera.* Igitur *iustificati gratis*, inquit Apostolus, *per gratiam*: tum quia nec Judæi nec Gentiles merentur illam per opera fidem præcedentia; tum quia quicquid conducit ad justificationem, gratuitum Dei donum est; tum quia posito actu fidei, spei, & charitatis, adhuc ex mera Dei liberalitate sequitur infusio gratiæ, & peccatorum remissio. Ac licet aliqui putent, fidem de congruo mereri justificationem, omnes tamen sentiunt, non mereri de condigno. Ita Becanus de Iustificat. cap. 16. Bellarminus & alij Catholici, cum Concilio Tridentino.

Verùm hic adversarius insurgit in Bellarminum, Becanum, omnesque Catholicos Doctores, cum Melanchthone Grammatico & Philolo-



go, in Apologia Augustinæ confessionis, quoddam distinctionem meriti de congruo & condigno invexerint; & dispositiones, quas Tridentinum ponitante justificationem, appellant *meritum de congruo*, cum ea vox *congrui*, nec in Scriptura, nec Patribus, nec Concilijs reperiatur; sed à Magistro Sententiarum, D. Thomâ, Bonaventurâ, Scoto, Durando, alijsque introducta sit. Imò Kemnitius *meritum de congruo* vocat *Helenam* Concilij Tridentini, etsi vox *congrui* in Concilio non legatur. Respondet Bellarminus: etsi vox illa, *meriti de congruo*, sub his terminis non reperiatur in Scripturâ, Patribus, & Concilijs, res tamen ipsa in ijs invenitur: quare *meritum de congruo*, ab omnibus Theologis, præter unum alterumve, receptum est. Unde Bellarminus lib. 1. de Justif. c. 21, ubi eruditè hæc tractat, ait: videri quæstionem ferè esse de nomine: cum inter omnes Catholicos conveniat, dispositiones illas requiri ad justificationem, & non sola fide justificari homines. Et ratio redditur à Theologis: cum enim hæc opera sint bona, & supernaturalia, sunt saltem *de congruo* meritoria gratiæ; quando ad meritum de congruo non requiritur æqualitas inter meritum & præmium: quemadmodum & intuitu horum operum cerninus Deum sæpè gratiam peccatoribus infundere. Quare cum Pelagiani merita humana extollerent, non dubitavit S. Augustinus hæc opera appellare *merita*, Epist. 105. c. 106. lib. 1. de prædest. SS. c. 2. lib. 1. Retract. c. 23: quibus in locis dicit, fidem inchoare merita, impetrare remissionem peccatorum, & caritatem, mereri gratiam bene operandi. *Augustino* accedit *Tertull.* lib. 4. in Mar. *Cyprianus* Serm. 6. de Orat. Dom. *Ambros.* lib. 7. c. 10, in Lucam, *Hieronym.* lib. 2. contra Pelag. *Gregorius M.* in Reg. lib. 3. c. 4.

Sed, inquit Nifanius, hæc contradicção est in adjectio: sunt enim meritoria, & non sunt. R. non sunt meritoria *de condigno*, sunt tamen *de congruo*, quibus merces non *de condigno*, sed *de congruitate*, & decentiâ respondet: quæ tamen magis ex gratia, (ut Bellarminus inquit,) quam iustitia debeatur. Neque his obstat Tridentinum sess. 6. cap. 8. dum ait: *nihil eorum quæ justificationem præcedunt, ipsam justificationis gratiam promereri*: quod de condigno merito intelligendum est, non congruo.

Ceterum ipsam gratiam *habitualement*, de condigno; vel gratiam *excitantem* ad primum actum meritorium de congruo nemo mereri potest. Quod alijs terminis proponi solet: utrum principium meriti cadat sub



dat sub meritum? Rationes dant: quia sequeretur dari mutuam causalitatem, & idem primò producere *seipsum*; quorum neutrum fieri potest: idque non magis in causis *physicis*, quàm *moralibus* verum esse volunt, quâ super re consule Philosophos & Theologos. Quonam autem modo post infusam gratiam habitualement sanctificantem, opera justorum, & filiorum Dei sint de condigno meritoria augmenti gratiæ, aut quam mercedem à Deo promissam repositamque habeant, capite proximo referetur.

Objiunt III. multa Scripturæ loca, in quibus *sola fides* dicitur justificare, omis operibus. Matth 9: *Confide filia, fides tua te salvam fecit*: Ita Luc. 8. v. 48: Rursus Luc. 8. v. 50: *Crede tantum, & salva eris*. Quo postremo loco multum gloriatur Lutherani, tanquam hîc in voce *tantum* repererint vocem *Solam*. At inanis gloriatio, quando ijs similibusque in locis agit Scriptura non de justificatione, sed corporis sanitate à Christo impetratâ: neque ullum ferè curavit Christus, præter Malchum, (uti interpretes observant) à quo non fidem priùs exegerit. Cætera quæ adducunt loca, Rom. i. *Iustus ex fide vivit*, Rom. 5. *Iustificati ex fide pacem habeamus*; & quæ ejus generis sunt, de fide agunt, in quantum est *dispositio* ad justificationem, & initium salutis: perindè ut Augustinus dixit Epist. 105: *Fides unde omnis justitia sumit initium*. Serm. 16. de verb. Apost. *A fide incipit homo*. Cujusmodi toties repetit Augustinus, cum de fidei justificatione agit. Volvant & revolvant omnes antiquos Bibliorum codices, & versiones, nullibi vocem *solam* reperient attribui fidei justificanti. Quare Lutherus, ut hoc falsum dogma persuaderet, necesse habuit corrumpere Scripturam, & ad Rom. 3: *Arbitramur hominem justificari per fidem*, addidit *solam*. Et cum corruptelæ & fraudis ejus esset monitus; nihil aliud, quàm hoc responsi dedit: *Sic volo, sic jubeo, sit pro ratione voluntas*. Ac tametsi alij non ita contendant pro voce *solâ*, eò quod æquivalenter in cæteris Scripturæ locis expressam velint, ut Nisanus censet, sed quàm illud falsum sit, jam satis est ostensum. Dicunt *Conscientia* in Collegio PP. Societatis extare antiqua biblia, in quibus hæc vox *Sola* reperiat ad locum Apostoli Rom. 1, at se ac nos fallunt. excussi istic omnes Bibliorum codices, & in nullo reperta hæc vox *Sola*, in textu.

*Responsio ad SS. Patrum objectiones, ex quibus simul  
Catholica doctrina assertitur.*

IV. **L**utherani, & Nifanius obijciunt Patres, & quia vident Catholico-  
cos sua dogmata ex SS. Patribus probare, cundo per singula Pa-  
trum sæcula; Lutherani, simiarum instar, idem tentant. Ideoque ad hoc  
impium Lutheri dogma populo persuadendum, Patres obtorto collo ad  
se trahere volunt, ex quibus tamen prorsus contrarium patebit. Sed pri-  
usquam id præstemus, aliud hîc dogma sanctorum Patrum est præmit-  
tendum. Quod verò illud? Docent nimirum Patres, Fidem esse initi-  
um salutis & justificationis, non quod ipsam formalem justificationem  
in sola fide reponant. Igitur, uti Apostolus dixit: *Sine fide impossibile est  
placere Deo*, Hebr. 11. v. 6. & mox: *Credere enim oportet accedentem ad  
Deum*; Et Joann. c. 1. *Quotquot receperunt eum, dedit eis potestatem filios  
Dei fieri, his qui credunt in nomine ejus*. Ita Patres fidem tanquam initium  
salutis requirunt, & exaggerant, maximè contra Judæos, qui sine fide in  
Christum per carimonialem legem, & opera legis carimonialis sibi sa-  
lutem promittebant. Hoc sensu planissimè scripsit Clemens Alexand.  
Lib. 2. Strom. *Fides est prima ad salutem inclinatio, post quam timor, &  
spes, & pœnitentia*. Hinc Cyrillus Hierosolym. catech. 1. *Fidem dicit  
oculum, & lampadem esse ad salutis viam inveniendam*. Eusebius Hom. 2.  
de symb. Fidem appellat *lumen animæ, ostium vitæ, fundamentum salutis*.  
Chrysost. Hom. de fide, spe, & carit. *originem justitiæ*. Cyrillus Alexand.  
lib. 4. in Joan. c. 9. *Janua, & via ad vitam fides erit*. Ambros. lib. 1. de Sa-  
crament. *In Christiano, inquit, prima est fides*. Hieronymus ad c. 3. Epist.  
ad Eph. *Fiducia, atque accessus ad Deum principium, atque origo fides in  
Christo est*. S. Prosper lib. 3. de vita contempl. c. 21. *Fides est justitiæ funda-  
mentum*.

Explicatissimè S. Augustinus in exposit. ad c. 3. Epist. ad Galat. Effi-  
ciuntur filij sapientiæ, præparante ac præstante id fide Mediatoris. Lib. de  
Prædest. SS. c. 7: *Fides prima datur, ex qua cætera impetrantur*. Lib. de  
bono persever. c. 2: *Quod initium verius credere homini christiano, quam  
credere in Christum?* Lib. de spir. & lit. c. 30. *Per legem cognitio peccati, per  
fidem*

*fidem impetratio gratia, per gratiam sanitas anima.* Ideo Serm. 22. de verb. Apost. S. Augustinus inquit: *A fide incipit homo. Domus Dei credendo fundatur, sperando erigitur, diligendo perficitur.* Quocirca sic statuas: Quod est initium salutis, & dispositio ad justificationem, non est ipsa formalis iustificatio; atqui fides, Patrum iudicio, est initium salutis, & dispositio ad justificationem: ergo non est ipsa formalis iustificatio.

Ac licet Patres aliqui solâ fide nos salvari, & iustificari dicant, id tamen hoc potissimum, quo diximus sensu, intelligunt: idèò neque spem, aut charitatem, neque gratiam, in qua formalis consistit iustificatio, neque cætera opera bona ad salutem necessaria; neque mandatorum observationem, neque pœnitentiam, quâ amissâ iustitia reparatur, excludunt. *Plenitudo enim legis dilectio*, Rom. 13. *Si vis ad vitam ingredi, serva mandata*, Matth. 19. *Nisi pœnitentiam egeritis, omnes simul peribitis*, Luc. 13. Quæ omnia Lutherani solâ fide iustificante confici volunt, idque sub Patrum etiâ umbrâ. Sed ipsos nunc Patres audiamus.

Primus, qui à Nifanio adducitur, est *Origenes* in c. 3. ad Romanos: *Dicit Apostolus sufficere solius fidei justificationem, ita ut credens quis tantummodo, iustificetur: etiamsi nihil ab eo operis fuerit expletum.* Respondit jam dudum Bellarminus ad hunc locum lib. 1. de iustif. c. 25. Origenes hic fidem opponit operi externo, ac docet posse hominem interdum iustificari, etiamsi nullum opus externum faciat: quam in rem adducit exemplum peccatricis, & latronis, qui non leguntur jejunasse, aut elemosynas fecisse, antequàm iustificarentur. Quod autem Origenes non excludat dilectionem, aut pœnitentiam, clarum est: ita enim c. 4. ejusdem Epist. ad Rom. *Puto, inquit, quod prima salutis initia, & ipsa fundamenta, fides est; profectus vero & augmentum fidei, spes; perfectio autem, & culmen totius operis, caritas.* Et infra: *Credentibus quidem Christo, nec tamen deponentibus veterem hominem cum actibus suis, fides reputari non potest ad iustitiam.* Quin ex ipsis verbis à te adductis te refellit Origenes ipse: *Sed fortassè hic aliquis resolvatur, & benè agendi negligentiam capiat, siquidem ad iustificandum sola fides sufficiat: ad quod dicimus, quia post justificationem, si quis injustè agat, sine dubio justificationis gratiam prævit.*

Secundus est *Hilarius*, can. 8. in Matth. *Monet Scribas, remissum ab homine peccatum: hominem enim tantum in Jesu Christo inieciuntur, & remissum*

*sum ab eo, quod laxari non poterat: Fides enim sola justificat.* Respondet denudò Bellarm. non excludi ab Hilario per particulam *sola*, nisi legem Moysis, de qua loquebatur: ideo dixit, *Lex non justificat sed sola fides.* Et quare non adducis illud Hilarij can. 7. in Matth. *Salus gentium omnis in fide est, & praeceptis Domini vita universorum.* Hoc poltremum, inquam, tibi non serviebat, neque Lutherano evangelio.

Tertius est *Basilius*, Hom. de Humilit. *Hæc est perfecta & integra gloriatio in Deo, quando neque ob justitiam suam quis se jactat, sed novit quidem se ipsum vera justitia indigum esse, solâ autem fide in Christo justificatum.* Respondeo, *Basilius* per vocem *sola* excludit opera, quæ fiunt sine fide, & gratia Dei; ut pluribus exponit Bellarminus citato cap. & libro. Sed hîc te legere oportebat sermonem Basilij de fide, quo probat ex Apost. 1. Cor. 13. & 8. Joan. c. 15. ad fidem, & justificationem requiri caritatem.

Quartus adfertur *Nazianzenus* in Oratione 26. de moderatione in disputando. *Confitere, inquit, Jesum Christum, eumque à morte ad vitam rediisse crede, & salutem consequeris: justitia est enim vel solùm credere.* R. Credere in Christum, inchoata justitia est, quia fides est initium salutis: quemadmodum & Theophylactus à te non adductus in c. 3. ad Galat. dixit: *Fides sola habet in se justificandi virtutem.* Aut certè de fide viva & caritate perfectâ, ac formatâ id dixit uterque. Clarissimè enim *Nazianzenus* oratione in. S. Lavacrum se exponit: *Operare bonum super hoc doctrinarum fundamento, quoniam fides sine operibus mortua est. quemadmodum & opera sine fide.* Quare hujusmodi testimonia, in quibus jugulum est tux hæresis, transis Nisani?

Quintus est *Ambrosius*, (si tamen Ambrosij is liber est, de quo ipsi adversarij dubitant,) commentario in c. 3. ad Rom. *Justificati sunt gratis, quia nihil operantes, neque vicem reddentes, solâ fide justificati sunt dono Dei.* Et in c. 4. ad Rom. *Quando ergo Judæi per opera legis justificari se putant justificatione Abraham? cum videant Abraham non ex operibus legis, sed sola fide justificatum? non ergo opus est lege, quando impius per solam fidem justificatur apud Deum.* Magnoperè hoc testimonio exultat Augustana confessio & Apologia. Respondeo per vocem *solam* non excludi nisi opera caerimonialia legis veteris, aut certè necessitatem operum externorum, ut legenti patebit; maximè si auctorem legant in cap. 9. Sed quare



quare Lutherani non addunt, quod idem auctor scribit in c. 4. ad Romanos ? *Magna res est fides, & salutaris, & sine hac non est possibile salvari, sed sola fides non sufficit : operari fidem per dilectionem necessarium est, & conversari digne Deo : Quare, inquam, hæc rursus tranſis Niſani ?* nisi quia ad officinam, & mercatum fallaciarum tuarum non spectant.

Sextus ſiſtitur *Hieronymus* in c. 4. ad Rom. *Impium, inquit ille, per ſolam fidem iuſtificat Deus.* & paulò poſt : *Secundùm propositum gratiæ Dei, qui propoſuit gratis per ſolam fidem peccata dimittere.* Idem in cap. 3. ad Gal. *Abraham credidit Deo, &c. Ita & nobis ad iuſtitiam ſola ſufficit fides, quoniam in lege nemo iuſtificatur.* &c. Hieronymus haud aliud hîc dicit, quàm quod ſuprà in c. 3. ad Eph. dixit, per ſolam fidem in Chriſtum, dari nobis acceſſum ad Deum, quoniam fides eſt origo & initium iuſtitix ſine operibus legis cærimonialis, quæ per legem in Chriſto evacuata ſunt. Sed quid dicitis ad illud Hieronymi in cap. 26. *Iſaix ? Non ſufficit habere murum fidei, niſi ipſa fides bonis operibus confirmetur.* Planius in cap. 4. *Oſeæ : Per dulces ſermones decipiunt infelices : cum enim viderint aliquos delinquentes, ajunt : nihil aliud quarit Deus, niſi fidei veritatem :* Hæc priſcorum hæreticorum fallacia erat, eadem & veltæ eſt. Promittitis iuſtificationem per ſolam fidem, quine fidei quidem veritatem ob- tendere poteſtis.

Septimus opponitur nobis *Chryſoſtomus* Hom. de fid. & lege : *Fidelem, inquit, abſque operibus poſſum monſtrare, & vixiſſe, & regnum cælorum aſſecutum ; nullus ſine fide vitam habuit. Latro autem credidit duntaxat, & iuſtificatus eſt à miſericordiſſimo Deo. Atque hîc ne dixeris mihi, deſuiſſe ei tempus, quo juſtè viveret, & honeſta faceret opera : neque enim de hoc contenderim ego. ſed illud unum aſſeveraverim, quòd ſo'a fides per ſe ſalvum fecerit.* Sed quid ſubjungit ? *Nam ſi ſuper vixiſſet, fideique, & operum fuiſſet negligens, à ſalute excidiſſet.* Quid ergo *Chryſoſt.* hîc dicit ? nempe ſolam fidem, ſine opere externo, ſufficere interdum ad ſalutem, opus verò externum ſine fide interna nunquam ſufficere. Ita ſi infans, ſi adultus poſt baptiſmum ſtatim moriatur, ſalvus erit, etſi alia opera externa non faciat, quanquam non tam ſolâ fide, quàm ſpe, & caritate, & gratiâ, quæ per baptiſmum ſimul infunduntur, aut ſi baptiſmus ſit flaminis, per contritionem, & caritatem cum fide obtinetur juſtificationis. Poteſt præterea fides eſſe ſine baptiſmo, ſed baptiſmus ſine fide eſſe non poteſt,

YYY

uti

uti ex Bellarmini responsione hîc discēs. Quemadmodum & sanctum Bernardum intelliges Epist. 77: *Qui crediderit, & baptizatus fuerit, saluus erit. Cautè, inquit, non repetiit: Qui verò baptizatus non fuerit, non condemnabitur, sed tantum: Qui verò non crediderit, innuens nimirum solam fidem interdum sufficere ad salutem, & sine illà sufficere nihil.* Et quare Chrysostomum non adducis Hom. 3. in Epist. ad Timoth. *Si credis, cur alia inferis? quasi fides iustificare non sufficiat sola?* Verum nec illo dicto Chrysostomus aliud vult, quàm fidem esse initium iustificationis, minime vero fidem sine dilectione, & pœnitentia sufficere. Quemadmodum Homil. 1. in 1. ad Timoth. *Non fide solum opus est, sed etiam caritate.* Hom. 70. in Matth. *Ne fideles solâ se fide salvari posse confidant, de pœna malorum differit: ita infideles ad fidem, fideles verò ad rectè vivendum cohortatur.* Eadem leges Hom. 5. 25. & 26. in Matth. 28. 29. & 31. in Epist. ad Rom. Diabolus Matth. 4. admissus à Christo in disputationem, ut Christo præcipitium persuaderet, adduxit illud Scripturæ psal. 90. *Angelis suis mandavit de te, ut custodiant te in omnibus vijs tuis,* id verò quod sequitur, *Super aspidem, & basiliscum ambulabis,* quo ipse notabatur, omisit: ita vos Prædicantes nobiscum agitis ex Scriptura & Patribus, unum quod obscurum est, adferendo & malè interpretando; alterum, quod clarum est, omittendo.

Octavus Patrum producitur *S. Leo*, quod is epist. 7. scribat: *Sola fides Catholicorum vivificat, & sanctificat.* R. Pontifex eo pronuntiato discernit Catholicorum fidem in genere, ab hæreticorum fide, in qua nec iustitia, nec sanctitas, nec spes salutis promittitur. Perinde, ut *S. Athanasius* dixit in symbolo: *Hæc est fides Catholica, quam nisi quisque fideliter firmiterque crediderit, salvus esse non poterit.*

Nonus demum SS. Patrum objicitur nobis *D. Augustinus*, lib. 1. contra duas epistolas Pelagianorum: *Quamlibet, inquit, fuisse virtutis antiquos prædices justos, non eos salvos fecit, nisi fides Mediatoris, qui in remissionem peccatorum sanguinem fudit.* Respondit jam dudum Bellarm. & alij, non aliud hîc ab Augustino doceri, quàm neminem sine fide in Christum salvari; proinde antiquos justos, neque per legem naturæ, neque per legem Moysi, sed per ipsam fidem Christi esse salvatos, quæ omnium Patrum doctrina est. Addis alterum locum ex libro octoginta trium quæstionum, quæst. LXXVI. *In hoc se Gentibus in Christum credentibus,*  
*Judæi*



*Judæi præferre cupiebant, quòd dicebant se meritis bonorum operum, quæ in lege sunt ad Evangelicam gratiam pervenisse, ideoq; scandalizabantur multi, qui ex eis crediderant, quòd in circumcisis Christi gratia daretur. Unde Apostolus dicit: posse hominem sine operibus præcedentibus justificari per fidem. Quæro quid hic aliud docet Augustinus, nisi quod omnes Patres, & Catholici docent? justificari hominem per fidem sine operibus legis. Sed quid continenter subjungit Augustinus? Nam justificatus per fidem non potest nisi justè deinceps operari, quamvis antea nihil operatus justè, ad fidei justificationem pervenerit, non merito bonorum operum, sed gratiâ Dei, quæ in illo jam vacua esse non potest, cum jam per dilectionem benè operetur. Vides hic fidem vivam doceri, quæ per caritatem operetur. Subdit mox Augustinus: Quòd si, cum crediderit, mox de hac vita discesserit, justificatio fidei manet cum illo; nec præcedentibus bonis operibus, quia non merito ad illam, sed gratiâ pervenit; nec consequentibus, quia in hac vita esse non finitur. Vides hic denuò, hominem gratis justificari, atque ita morte præventum salvari. Quemadmodum si infans, aut adultus post Baptismum moriatur; is tamen, si supervixerit, tenebitur per mandatorum observationem, & opera bona conservare justitiam, aut pœnitentiâ restaurare amissam. Pergit Augustinus: Unde manifestum est, quod Paulus Apostolus dicit: Arbitramur hominem justificari per fidem sine operibus: (nimirum, quia gratis justificatus est) Non tamen, inquit, id ita intelligendum est, ut accepta fide, si vixerit, dicamus eum justum, etiamsi malè vixerit. Vides denuò hic vivam fidem inculcari, quæ per caritatem operetur. An tanquam discipulo in scholis, hæc tibi lectio regerenda? Lutheranus episcopus es, qui hæc cæteris altiùs penetrare deberes, provocas ad volandum pullos tuos, & ipse volare non potes. Vultis ex Augustino oppugnare Catholicos, & vos ipsos telis Augustini oppugnatis.*

Sed nunc, quàm verè, clarèq; hanc ipsam, de qua agimus, hæresin vestram condemnet Augustinus, audiamus quæ lib. de fide, & bonis operibus scribat c. 14. *Quare, inquit, illud jam videamus, quod excutiendum est ex cordibus religiosis, ne malâ securitate salutem suam perdant, si ad eam obtinendam sufficere solam fidem putaverint; benè autem vivere, & bonis operibus viam Dei tenere neglexerint. Nam etiam temporibus Apostolorum non intellesis quibusdam sub-obscuris sententijs Apostoli Pauli, hoc cum arbitrati sunt dicere. Ac mox eodem loco planius: Quoniam ergo, in-*

YYY 2

quit,

quit, hac opinio tum fuerat exorta, alia Apostolica Epistola, Petri, Joannis, Jacobi, Jude, contra eam maximè dirigunt intentionem, ac vehementer adstruunt, fidem sine operibus nihil prodesse: etiam ipse Paulus non quamlibet fidem, qua in Deum creditur, sed eam salubrem planèque Evangelicam definivit, cujus opera ex dilectione procedunt. & fides, inquit, (Gal. 5.) qua per dilectionem operatur. Unde illam fidem, qua sufficere ad salutem quibusdam videtur, ita nihil prodesse asseverat, ut dicat 1. Cor. 13. Si habeam omnem fidem, ita ut montes transferam, charitatem autem non habeam, nihil sum. Hæc Augustinus. & hæc ejus testimonia te proferre oportebat, siquid emendare & sine dolis agere volebas. Dicis doctrinam de justificatione hæcenus in Papatu ignotam jacuisse, donec Lutherus eam primò revocarit in lucem. At quæ alia Lutheri hæc doctrina, quàm Simonis Magi? quàm Eunomij, Ariani, & priscorum quorundam hæreticorum? (ut hæc audis) quam Lutherus ab inferis revocavit. Vides simul, quomodo S. Augustinus Epistolam D. Jacobi cum cæteris inter Apostolicas Epistolas reponat, quam Lutherus stramineam vocat, & ex canone ejecit; non ob aliud, quàm quòd bona opera ad fidem, & justificationem requirant. Quàm clarè præterea D. Augustinus lib. 15. de Trinitate c. 18. Ipsam, inquit, fidem non facit utilem, nisi caritas: sine caritate quippe fides potest quidem esse, sed non prodesse. Propter quod & Apostolus Paulus: In Christo Jesu neque circumcisio, neque præputium aliquid valet, sed fides, qua per dilectionem operatur: sic eam discernens ab ea fide, quâ & demones credunt, & contremiscunt. Tract. 10. in Joan. Adde huic fidei dilectionem, ut fiat fides, qualem dicit Apostolus Paulus: Fides qua per dilectionem operatur. In Ench. c. 8. Jam de amore quid dicam? sine quo fides nihil prodest. spes verò sine amore esse non potest. Denique, ut ait Apostolus Jacobus, & demones credunt, & contremiscunt: nec tamen sperant, vel amant, sed potius, quod speramus, & amamus, venturum esse formidant. Propter quod Apostolus Paulus fidem, qua per dilectionem operatur, approbat atque commendat, qua utique sine spe esse non potest. Proinde nec amor sine spe, nec sine amore spes, nec utrumque sine fide. Lib. 50. Hom. 17: Fides debet esse Christianorum non demoniorum. Nam sicut dicit Apostolus Jacobus, & demones credunt, & contremiscunt; & demones dixerunt Christo: Tu es filius Dei. (Marc. 3.) Confitebantur demones, quod non credebant homines; isti tremuerunt, illi occiderunt. Quid enim, quia dixerunt demones, Tu es filius Dei, scimus, qui sis, (Luc. 4.)

(Luc. 4.) ideo regnaturi sunt cum filio Dei? Absit. Discernenda est ergo fides demonum à fide Sanctorum. Planè discernenda vigilanter, & diligenter: Nam & Petrus hoc dixit Domino dicenti: *Quem me esse dicitis? Tu es Christus filius Dei vivi.* (Matth. 16.) & Dominus: *Beatus es Simon Bar-Jona.* O Domine hoc tibi dixerunt & demones. *Quare ipsi non sunt beati? Quare? Quia demones hoc dixerunt timore, Petrus amore.* Ideo initium est à fide, sed qualis fide? *Quam* definit Apostolus: *Neque circumciso aliquid valet, neque praputium, sed fides.* dic qua fides? *Qua per dilectionem operatur.* Hanc demones non habent fidem, qua per dilectionem operatur; sed soli servi Dei, soli Sancti Dei, soli fide filij Abrahæ, soli filij dilectionis, filij promissionis. Eadem repetit, & inculcat Augustinus Serm. 16. de verbis Apostoli, Lib. de natura, & gratiæ, c. 40: *Charitas inchoata, inchoata iustitia est; charitas provelta, provelta iustitia est; charitas magna, magna iustitia est; charitas perfecta, perfecta iustitia est.* Cap. 42. *Ipsa enim (charitas) verissima, plenissima, perfectissimaque iustitia est.* Serm. 10. de verbis Apostoli: *Adde fidei spem. & quæ spes est, nisi de aliqua conscientia bonitate? speique adde caritatem de super eminentem, viam habent ducente Apostolo: (1. Cor. 13.) Si linguis hominum loquar & Angelorum, charitatem autem non habeam, factus sum velut aramentum sonans, aut cymbalum tinniens: ita & cætera narrat bona, & sine caritate nihil prodesse confirmat. Maneant ergo hæc, fides, spes, charitas. major autem horum est charitas. Discernite ergo fidem vestram. Quam, inquit, fidem? qua per caritatem operatur. Discernite & à demonum fide: Nam & demones credunt & contremiscunt. Quâ nunc fronte audes prodire cum S. Augustino? nisi quia idem S. Augustinus dixit: *Frontem hæreticorum, non esse frontem?**

Innumera ejusmodi sunt testimonia, non modò Augustini, sed & aliorum Patrum. Origenes hom. in cant. *Dupliciter constat salus credentium, per agnitionem fidei, & operum perfectionem.* Ita Clemens Rom. lib. 1, Recogn. Ignatius Epist. ad Ephesios, Martialis Epist. ad Tolofanos. Clemens Alexand. lib. 5. Strom. Cyprianus lib. de opere, & Eleemosyna. Nazianzenus orat. 28. acceteri PP. quos Gualterius & Coccinus civis vester, alijque Scriptores ex singulis sæculis produciunt.

Introducis tu quidem Gregorium M. Bedam, Alcuinum, Damascenum, Iudgerum, Haymonem, Bernardum, Strabum, Anselmum, & nescio quos alios, demum etiam Carolum Magnum, tanquam & illi soli

YYY 3

fide



*fide* docuerint justificari homines. Sed hîc mera somnia profers. Aliud sanè horum Sanctorum scripta, aliud de his scriptores, aliud ipsorum vita testatur, quæ tam procul fuit à Lutheri doctrina, quàm ab Epicuri vita Arctam omnes Sancti & Apostolici viri ingressi sunt viam, secundum Christi Evangelium, quæ ducit ad vitam; non illam laxam novi & carnalis evangelij vestri viam, in quam Lutherus primùm vos per solam fidem induxit ad perditionem. Scripsit Laurentius Surius, uti & alij complures, Sanctorum vitas, & in tomos digessit, at non alio magis fine, ut in præfatione legis, quàm ut orbi constaret, *Non sola fide justificari homines*: quo impio dogmate totam Saxoniam dementavit Lutherus, ut aut Lutheranos cum suo Luthero primùm insanijsse, aut omnes à Christo sanctos delirasse necesse sit. Hæc enim duo nemo sanæ mentis componere potest. prorsus ut Cyprianus scripsit de simplicitate Præl. *conjugi non potest amaritudo cum dulcedine, caligo cum lumine, pluvia cum serenitate, pugna cum pace, cum fecunditate sterilitas, cum fontibus siccitas, cum tranquillitate tempestas*. Hæc paucis de justificatione. Nam cæteras tuas nugas & deliria, quæ de triplici fide vestra, *historicâ, miraculorum, & promissionum Christi*, (quam verè *Chimeram* vocat Maldonatus) quæ de certitudine salutis, & speciali fide vestra; quæ de justitia imputativa, cæterisque hîc accumulatis, nihil attinet referre; quando hæc centum libris Theologorum explosa sunt. Et quid his opus? quando inter vos ipsos non convenit. Sanè *Osiander* vester in confutatione scripti, quod adversus eum Philippus Melanchthon edidit, testatur, *viginti* diversissimas de *Justificatione* sententias versari inter ipsos solos *Confessionistas* seu Lutheranos, easque ex Scriptura semutuo oppugnare. Hic tu *medice cura teipsum* primùm. Quid Catholici doceant, & credant de *Justificatione*, id explicatè & accuratè definitum est in *Concilio Tridentino* Sess. VI. Id verò quod tu scribis, & quæ una, certa, & concors sit Lutheranorum sententia, hoc tu primùm tuarum Ecclesiarum testimonijs nos doceas, ac tum redeas: nam omnia vestra dogmata de *Justificatione*, quæ *quotannis* mutantur, velle refutare, quid aliud erit, quàm vobiscum delirare, & canino se jurgio miscere? Interim tu non modò D. Thomam cum omnibus Theologis, sed & Concilium Tridentinum tibi confutandum sumis. cui mirum? *Una mater superbia*, inquit Augustinus, *omnes hæreses genuit*. Contrà verò, quæ tu de justificatione, & toto libro

*rapse-*

*rapodia* tuæ scribis, tam indigesta, confusa, & obscura sunt, ut ne ipse quidem te explicare possis, quid concludere velis; vel ideo nemo Catholicorum hæc tenens te refutante calamo dignatus: neque ego hæc repone-rem, nisi Carolus Magnus à calumnijs, & injurijs tuis hic liberandus esset. Et nunc quid ille de hoc dogmate senserit, etsi tu prætereas, nobis prætermittendum non est.

**CAROLI MAGNI TESTIMONIA,**  
*quibus asseritur,*  
*Solam fidem non sufficere ad salutem.*

**L**ib. 6. Capitularium cap. 160. *Primum fundamentum Christiana reli-*  
*gionis fides Catholica est: & hæc fides tum vera & fructuosa est, si bonis*  
*operibus exornetur, id est, caritate, humilitate, castitate, continentia, so-*  
*brietate, unanimitate, concordia, iustitia, pietate, misericordia, innocentia,*  
*simplicitate, & cæteris his similibus, quæ omnia in dilectione Dei & proximi*  
*consistunt: sine his enim nemo potest Deo placere, nec salvus esse. Quid aper-*  
*tius ?* Lib. 7. c. 303. *Sciendum est omnibus, & sine oblivione retinendum,*  
*quod gravius puniantur, qui fidem Christi perceperunt, & in malis vitam*  
*finierunt, quam illi, qui sine fide mortui sunt, & tamen bona egerunt opera:*  
*quoniam melius est fidem non percipere, quam post ejus acceptionem re-*  
*trorsum abire. Quid denuò clariùs ad vestrum dogma evertendum dici*  
*potuit ? qui solâ fide iustitiam & salutem promittitis: qualem fidem*  
*Carolus magis noxiam, & damnosam scribit, quam eorum, qui nun-*  
*quam Christianam fidem susceperunt. Ita verò Carolus vos ad ethnicos*  
*& infideles cum vestra fide iustificante relêgat. Lib. 1. capit. c. 82. Lib.*  
*constitutionum Caroli Magni, & in Capitulari Aquisgranensi Caroli M.*  
*can. 82. Cum omni diligentia cunctis prædicandum est, pro quibus crimini-*  
*buse deputentur cum diabolo in æternum supplicium: legimus enim Apostolo*  
*dicente ad Gal. 5. Manifesta sunt opera carnis, quæ sunt fornicatio, immun-*  
*ditia, luxuria, idolorum servitus, veneficia, inimicitia, contentiones, emu-*  
*lationes, ira, rixa, dissensiones, hæreses, secta, invidia, homicidia, ebrieta-*  
*tes, comestiones, & his similia; quæ prædico vobis, sicut prædixi, quoniam*

*quæ*

qui talia agunt, regnum Dei non consequentur. Mox subiungit Carolus : Et hoc ideo diligentius injungimus vestre caritati, quia scimus temporibus novissimis pseudodoctores esse venturos, sicut ipse Dominus in Evangelio prædixit *Matth. 24.* & Apostolus ad *Timotheum* testatur *c. 3.* & *4.* Verè hic vates Carolus. Et qui hi alij pseudodoctores, quàm qui ex solâ fide promittunt regnum calorum, etiamsi omnibus jam recentitis sceleribus contaminati fuerint? Hæc ipsa falsa Lutheri doctrina, quam hic Carolus Magnus prædamnat. Ita enim Lutherus lib. de capt. Babylon. *Tam dives est Christianus homo, ut perire non possit, modo credere nolit:* id est, modo suam hanc fidem, quæ sola justificat, retineat. Carolus contrà: *Intel- ligentes, quàm terribile illud quod dixit: Quoniam qui talia agunt, regnum Dei non consequentur.* Hic aut Lutherus cum suis, aut Paulus cum Carolo nos seducat necesse est. In Capitulari interrogationum, quod anno Imperij undecimo præscripsit, can. 8. doceri jubet: *Quod ille in Deum bene non credit, qui præcepta ejus impunè se contemnere putat; vel qui ea, quasi non ventura despiciat, quæ Deus comminatus est, vel per Prophetas, vel Apostolos suos.* Can. 9. *Veros Christianos, ex consideratione vite & morum cognosci, docet.*

Concilium Moguntinum, ita can. 10. decernit: *Initium actionis nostra de fide esse decrevimus. quæ bonorum omnium fundamentum est, & quia sine fide, ut dicit Apostolus Hebr. 11, impossibile est placere Deo. Fides tamen indiget opere: quia fides sine operibus mortua est. Idco beatus Gregorius: ille, inquit, verè credit, qui exercet operando, quod credit. Eò spectant quæ Concilium can. 2. de spe & charitate præscribit: Nam finis præcepti est charitas ad *Timoth. 1.* de corde puro & conscientia bona, & fide non ficta, qualis vestra fides est ex cerebro Lutheri, quæ sola justificare fingitur.*

Canone 8 ita decernit hoc Concilium: *Dominus dicit in Evangelio: Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces. Hunc Hieronymus commentario in Mattheum: De omnibus quidem id intelligi potest, qui aliud habent ac sermone promittunt, aliud opere demonstrant. Item in alio loco: Non omnis, qui dicit mihi Domine, Domine, intrabit in regnum calorum. Nec his quidem accommodanda fides, qui cum pollent integritate fidei, turpiter vivunt, & doctrinæ integritatem operibus destruant: utrumque enim Dei servus necessarium est. Et Beda tractatu in Evangelium Luca: si veram, inquit, &*

non



*non fictam vis habere justitiam, quæ verbis ostentas, etiam factis compensare curato. Neutrum apud vos Lutheranos: nec fidei integritas, nec bonorum operum, aut mandatorum Dei ad salutem necessitas. Eò omnibus impijs Christianis deteriores sitis necesse est.*

*Concilium Arelatenſe ſub idem tempus Caroli celebratum, & à Carolo confirmatum, Can. I. Chriſti morie & ſanguine mundati, peccatorum remiſſionem conſecuti ſumus, reſuſcitandi ab eo in noviſſimo die, in ea, quâ nunc vivimus, carne; percepturi ab eo pro juſtitia meritis vitam æternam, alij pro peccatis ſupplicij æterni ſententiam. Hac eſt Catholica Eccleſia fides, hanc confeſſionem ſervamus & tenemus.*

*Concilium Rhemenſe canone 10. Capitulum, inquit, primum ſit de fidei oratione, quam quiſque diſcat, intelligat, atque operibus pleniter obſervet.*

*Babilonenſe Concilium canone 2. Non auditores legis, ſed factores ejus juſtificabuntur: & regnum Dei non eſt in ſermone, ſed in opere, ex Apoſt. ad Rom. 2. & I. Cor. 4. præſcribit. Innumera Caroli Magni in hanc rem monita & decreta adſunt. Imò quid omnes ſunt Caroli leges? niſi ut ea quæ vel divinis legibus, vel Apoſtolicis conſtitutionibus, vel Conciliorum & Eccleſiæ decretis præſcripta ſunt, non ſolâ fide, aut impuſſivâ Chriſti juſtitia, ſed opere compleantur. Quid ſunt ipſa Evangelica conſilia? quæ ſupra legem, aut pro inſtituto vitæ, aut voto Clericis & religioſis hominibus integrè ſanctèque obſervanda præſcribit Carolus? Et quid omnibus hiſce Caroli Magni & Synodorum Carolinarum decretis opus, ſi ſolâ fide omnis juſtitia, & perfectio Chriſtianæ vitæ obtineri poſſit? Aut inſanus Caroli Magni omniſque Epiſcoporum & religioſorum labor fuit, aut inſana Lutheri doctrina eſt.*

*O Deus, exclamat Auguſtinus, diſcerne cauſam meam de gente non ſancta, & homine doſoſo! qui nimirum ſolâ fictâque fide ſuâ juſtificante, virtutem Chriſti meritis, redemptioni pretium, Sacramentis gratiam ſanctificantem, mandatis Dei neceſſitatem, bonis operibus fructum & meritum ſuum, labori mercedem, vitæ Chriſtianæ præmium ſubtrahit. Unico hoc faſcino tot dementatos homines abducitis à via ſalutis in perditionem.*

## CAPUT II.

*De merito, et justificatione bonorum operum.*

**C**Ontroversia hæc de merito bonorum operum superiori controversiæ de justificatione inhæret. Nam ut Lutherani per fidem justificantem omnia legis Sacramenta enervant, eò quòd Baptismum, Eucharistiam, cætera quæ apud nos Sacramenta ad nihil aliud à Christo instituta valere velint, quàm ut fidem, quæ sola apud eos justificat & salvat homines, excitent & obsignent promissiones, quas Deus soli fidei justificanti fecit; ita bona opera ad nihil aliud valere volunt, quàm ut sint signa fidei justificantis: sicuti hedera est signum vini vendibilis, in qua tamen nec vinum, nec ulla vini est virtus. Hæc nova illa, novi evangelij doctrina, quam & Nifanius profitetur: *Non enim, inquit, in promissionibus divinis aliter considerantur opera nostra, quàm ut signa sunt fidei, & ut jus hereditatis per fidem acceptum consequuntur.* Et si opponas Apostolum ad Galat. c. 5. *Fides quæ per caritatem operatur;* Respondet: *Caritatem tantum inanem effectum esse fidei justificantis, quæ nihil conferrat ad justificationem, neque ullum meritum habeat ad vitæ æternæ promissionem aut remunerationem: quando Nifanio opera caritatis, & cætera non nisi nuda tantum signa sunt fidei. Quod autem Apostolus addat: Nunc manent tria hæc, fides, spes, charitas, major autem horum est charitas, hoc nihil ad Lutheranos: quando aliud à Luthero acceperunt evangelium, qui ipsum Apostolum ausus corrigere. Nam ubi dicit hominem justificari per fidem, Lutherus addit, solam fidem, mundo obstupescente.*

Augustana confessio, quam Nifanius in hanc rem adducit, aliquanto speciosius opera bona dicit esse fructus fidei, ita enim Art. VI. & XXI. *Docet Ecclesia nostra, scilicet Lutherana, quod fides debeat bonos fructus parere, & quod oporteat bona opera à Deo mandata facere, propter voluntatem.*

rem ejus. Apologia Augustanæ confessionis pari modo: Sunt facienda opera propter mandatum Dei; item ad exercendam fidem; item propter confessionem, & gratiarum actionem: propter has causas necessario debent bona opera fieri. Ita Apologia, altera illa fidei Lutheranæ regula. Quod si nunc quærant Catholici, quis ille sit fructus, quem fides illis parturit per bona opera? an videlicet homo justus in gratia constitutus possit per bona opera augere justitiam, seu an in illis sit meritum & merces? an corona justitiæ, præmium, & retributio vitæ æternæ à Deo proposita & promissa? Hic omnia negant, & soli fidei hæc adscribunt. Deinde si quærant Catholici, an homini adulto seu rationis compoti bona opera sint necessaria ad salutem? hic rursus abnegant: quia fides sola, quæ sola justificat, etiam sola nos salvos facit. Quanta hæc est novi evangelij felicitas, sine ullo labore ingredi cælum! secùs quàm Christus docuit Marth, 11. *Regnum calorum vimpatur, & violenti rapiunt illud.* Imò quanta fallacia Lutheranorum aut hebetudo potius? Dicunt enim bona opera habere mandatum Dei, ut faciamus: (ita enim confessio Augustana & Apologia supra relata) & tamen docent, mandata Dei esse impossibilia: hoc est dicere, bona opera habere mandatum Dei, & non habere: quod enim impossibile est, id à Deo mandari non potest, nisi Deum tyrannum facere velis. Ecce ut *mentita est iniquitas sibi.* Igitur qualis arbor, talis fructus; quàm falsa & insipida Lutheri fides, tam falsi & insipidi operum bonorum fructus ex hoc novo Lutheri evangelio.

Sed nunc ipsum Lutherum omnium horum magistrum & artificem audiamus, quæ ejus doctrina sit de bonis operibus. Sermonem de novo Testamento, *Carveamus*, inquit, à peccatis, sed multo magis à legibus, & operibus bonis, tantum attendamus Dei promissionem, & fidem. In sermone, *Sic Deus dilexit mundum*, ita loquitur: Ego, inquit, dico tibi, quia angusta est via, oportet te fieri tenuem, si vis per eam venire; ceterum qui operibus onerati sunt, sicut conchilibus onustos videmus Jacobi peregrinos, ij non poterunt penetrare; & postea si veneris cum magnis saccis operum plenis, deponere oportet, alioquin non poteris penetrare. Quin idem in assertionibus suis art. 1. cum Calvino lib. 3. Instit. c. 11. dicit: *Hominem in omnibus operibus suis peccare, quamvis hoc peccatum credentibus non imputetur.* Deinde: *Hominem per omnia bona opera sua nihil mereri, nihilo fieri gratiorem, nihilo justiorem, nihil amplius præmiij habiturum, sive plurima, sive*



*pauca, si venulla etiam opera bona faciat: eò quòd sola fides apud Deum aestimetur & coronetur.* Hæc atque alia Lutherus tam ridiculè, quàm impiè. Omitto alios, qui cum Luthero & Calvino docent: opera bona hominis quantumvis iusti & sancti, nihil esse aliud quàm sordes, inquinamenta, & pannus menstruæ.

Rident nos exterræ nationes, reperiri apud nos, qui Lutherum apostatam monachum, hominem in sacris rebus ita ludificantem audiunt: tanquam qui insanæ genti suæ simul insultet, eò quòd sua ludibria & deliria acceptet inter fidei dogmata; secùs quàm Christus & Apostoli docuerunt, & omnis antiquitas majoresque hæcenus crediderunt.

Quanto nunc sapientiùs & securiùs Catholici Concilium Tridentinum audiunt, & cum eo Scripturæ, Conciliorum, Patrum atque omnis antiquitatis & traditionis doctrinam sequuntur, quæ nobis non modò per fidem, sed per Sacramenta, mandatorumque Dei observationem, per orationes, jejunia, eleemosynas, castitatem, castigationes corporis, contemptum rerum humanarum, opera misericordiæ spiritualia & corporalia, cæteraque viæ æternæ salutem monstrat, jubetque per vestigia Sanctorum omnium, & majorum nostrorum incedere. Igitur Concilium Tridentinum, postquam ex Scriptura, Concilijs, & Patribus hanc doctrinam exposuisset, ita decìdit sess. 6. can. 32: *Si quis dixerit, ipsum justificatum bonis operibus, quæ ab eo per Dei gratiam, & Jesu Christi meritum, cujus vivum membrum est, fiunt, non verè mereri augmentum gratiæ, vitam æternam, & ipsius vitæ æternæ (scilicet in gratia decesserit) consecutionem, atque etiam gloriæ augmentum; anathema sit.*

Hinc primùm Catholicum dogma est: opera hominis iusti, & in gratia Dei constituti, interveniente cum primis promissione & acceptance Dei, esse meritoria vitæ æternæ. Id primùm asseritur ex ijs Scripturæ locis, quibus bona opera expressè vocantur *merces*, Gen. 15. ad Abrahamum: *Ego protector tuus sum, & merces tua magna nimis.* 2. Paralip. 15. *Confortamini, erit enim merces operi,* Proverb. 11. *Seminanti justitiam, merces fidelis.* Sap. 5. *Iusti in perpetuum vivunt, & apud Dominum est merces eorum* Matth. 5. *Merces vestra copiosa est in calis.* 1. Cor. 3. *Unusquisque propriam mercedem accipiet.* Apocalyp. c. ult. *Ecce venio, & merces mea mecum est.* Matth. 20. *Voca operarios & redde illis mercedem.* Jam vero

vero ubi *merces*, ibi & *meritum*, quia relativa: atque ut gratia gratis datur, ita meritum mercedi respondet. Frustra hinc Calvinus ingerit, vitam æternam improprie dici mercedem, cum sit hæreditas filiorum Dei: Respondetur enim, non repugnare ut idem sit hæreditas & merces. Voluit nimirum Deus hæreditatem hanc ab adultis duplici titulo adiri, hæreditatis & mercedis: uti Christus gloriam corporis & nominis exaltationem adiit, parvulos vero baptizatos tantum titulo hæreditatis. Hinc in Scriptura toties vita æterna merces, quoties hæreditas appellatur. Ex quibus primò constat, quàm falsò scribat Nisanius: *Nullibi in Scriptura virtutem meritoriam operibus justorum tribui*. Deinde hinc proprie etiam & non per catachresin mercedem dici, constat ex regula D. Augustini, asserentis Scripturam in propria significatione accipiendam, ubi ratio aliud non suadet; & ex ijs, quæ apertissimè dicta sunt in Scriptura, cætera quæ obscurè sunt dicta explicanda esse. Prorsus hinc contrarium faciunt hæretici, contemptoresque bonorum operum. Et quis eos iudices constituit, ut relictijs Concilij, Patribus, & communi Ecclesiæ sensu, quis uni paucisque heterodoxis accedat?

II. Asseritur Catholicum hoc dogma ex ijs Scripturæ locis, in quibus vita æterna dicitur præmium secundum mensuram operum, ut non solum ratio liberalitatis & promissionis, sed etiam mercedis, efficaciæ & dignitatis operum habenda sit. Ita psalm. 16. *Reddet unicuique secundum opera sua*. Rom. 2. *Iusti iudicij Deus, qui reddet unicuique secundum opera ejus*. 1. Cor. 13. *Unusquisque mercedem recipiet secundum suum laborem*. Ipsa vero dignitas operum clariùs patet Luc. 10. *Dignus est operarius mercede sua*. Sap. 3. *Deus tentavit eos, & invenit illos dignos se*. 2. Thess. c. i. v. 5. *Ut digni habeamini in regno Dei*. Si ergo est dignitas in operibus justorum, etiam præmium habeant necesse est. Confirmantur hæc ex ijs Scripturæ locis, quibus vita æterna adscribitur operibus, per particulas causales enim, Matth. 25. v. 3. *Venite benedicti Patris mei: esurivi enim, & dedistis mihi manducare*: atque ita de cæteris operibus. Itidem ad maledictos: *Ite in ignem æternum: esurivi enim, & non dedistis mihi manducare*. Apocalyp 7. v. 14.

III. Asseritur hoc dogma Catholicum ex ijs Scripturæ locis, quæ præmium bonis operibus redditum vocant justitiæ retributionem. 2. Thess. 1. *Iustum est apud Deum, retribuere tribulationem ijs, qui vos tri-*  
bulant,

*bulant, & vobis qui tribulamini.* 2. ad Timoth. 4. *Reposita est mihi corona justitia.* Heb. 1. c. 6. v. 10. *Non est injustus Deus, ut obliviscatur operis vestri.* Jacobi 1. *Beatus vir, qui suffert tentationem, quoniam cum probatus fuerit, accipiet coronam vite, quam repromisit Deus diligentibus se.*

IV. Probatur ratione: Nam lumine naturæ notum est, esse Deum, eumque remuneratorem esse: quod ejusmodi est principium, ut lumine naturæ philosophis atque ethnicis cognitum esse doceat Apostolus ad Rom. c. 1. Atqui Deus cum in alijs moralibus operibus, tum maximè remunerator est, ut bona justorum opera remuneret, & mala impiorum puniat: quemadmodum hoc Dei judicium Matth. 25. in benedictos & maledictos pronuntiatur. Igitur ut mala opera habent ex demerito damnationem, ita bona opera habent ex merito suo remunerationem. Hoc illud Athanasij in symbolo, quod Lutherani nobiscum profitentur: *Inde venturus est judicare vivos & mortuos: ad cuius adventum omnes homines resurgere habent cum corporibus suis; & reddaturi sunt de factis propriis rationem: & qui bona egerunt, ibunt in vitam æternam, qui verò mala in ignem æternum.* Hac, inquit, est fides Catholica, quam nisi quisque fideliter firmiterq; crediderit, salvus esse non poterit. Quapropter Augustinus epist. 46. ad Valentinum: *Si non sunt merita, quomodo judicabit Deus hunc mundum?*

Hoc judicium ut eludant, dicunt: Non alia esse bona opera ob quæ remunerentur homines, quàm opera fidei; nec alia mala opera ob quæ damnentur, quàm neglectu contemptuque fidei facta; seu quod credere noluerint, sicut Lutherani credunt. Uti Lutherus lib. de capt. Babylonica docet: *Tam dives est Christianus homo, ut perire non possit, modo credere nolit.* Cætera peccata quantumvis etiam enormia sunt, à vita æterna excludere neminem possunt. Hic aut Lutherus cum suis nos fallit, aut Apostolus Paulus ad Galat. *Manifesta sunt opera carnis, quæ sunt fornicatio, immunditia, & quæ præter sectas, & hereses, longo ordine percurrerent peccata, de quibus subjungit: Quoniam qui talia agunt, regnum Dei non consequentur.* Plena ejusmodi Scriptura. Sed quò non recidit cæcitas hoc fatali heresis sæculo!

Opera



## Opera bona necessaria sunt ad salutem.

**A**Iterum hoc Catholicum dogma est: Opera bona esse necessaria ad salutem. Lutherus, & cæteri heterodoxi, quia ex sola justificatione suis promittunt salutem, opera bona non solum à merito, sed etiam à necessitate ad salutem excludunt, tantumque fructus & signa fidei esse volunt. quam hæresin, cum toto hoc tractatu de justificatione, tum paragrapho 19. propugnat Nifanius, asseritque *sola fide justificante excludi omnia alia media, & opera bona, quæ catholici ad salutem requirunt*: Imò inquit, *nosster Lutherus bona opera à negotio justificationis exclusit, nec ad salutem necessaria esse nos docuit*. Verum hæc doctrina quàm impia, falsa, & detestanda sit:

I. Constat ex Scriptura. Nam præter fidem docet observationem legis esse necessariam ad salutem: *Si vis ad vitam ingredi, serva mandata*, Matth. 19. ex quo loco planum est, vitam æternam nobis non nisi sub conditione servandæ legis proponi. Item Matth. 23. *Tollite iugum meum super vos*. Joan. 15. *Vos amici mei estis, si feceritis, quæ ego precipio vobis*. Jacob. 2. *Si tamen legem perfeceritis regalem, diliges proximum tuum sicut te ipsum*, Rom. 3. *Numquid legem destrinimus per fidem? absit. sed legem statuimus*. Inde Rom. 13. tam exactè exponit hanc legem servandam: *non adulterabis, non furaberis, non falsum testimonium dices, non concupisces, & si quod est aliud mandatum*. Plena hic est tota Scriptura. quemadmodum Christus docet, Matth. 5. *Non veni salvere legem, sed adimplere*: idcoque totam hanc legem moralem tam explicatè exponit.

II. Præter fidem lapsis ad salutem necessaria est pœnitentia: *Nisi pœnitentiam habueritis, omnes similiter peribitis*. Lucæ 13. Et quæ non in omnibus Prophetis, & Apostolorum scriptis hac super re præscripta, & promissa sunt peccatoribus, si salvi esse velint? & quis Hagiographus ex sola fide peccatoribus salutem promittit?

III. Præter fidem necessaria ad salutem sunt Sacramenta. Ac primò Baptismus necessitate mediæ Joan. 3. *Nisi quis renatus fuerit*, non modo infantibus, sed adultis, si baptizati non sint, necessarius est: hinc illum expetere, & suscipere tenentur. Quo tamen non negatur, quo minus in-

fantes

fantes sine bono opere salventur, quibus salus non ut corona, sed ut gratia, & hæreditas obtingit. Caterum baptizati tenentur certare cum mundo, carne, & dæmone. quod certamen Christo teste apud Evangelistas, cum longè difficillimum sit, efficitur, vitam æternam iustis tanquam bravium, & coronam per opera bona ad salutem necessaria proponi. II. Cœnæ, seu Eucharistiæ sumptio necessaria est adultis, Joan. 6: *Nisi manducaveritis carnem Filij hominis, & biberitis ejus sanguinem, non habebitis vitam in vobis.* Quod mandatum atque opus bonum, ipsi Lutherani agnoscunt non per solam fidem, sed ipsam sumptionem explendum.

IV. Innumera sunt loca Scripturæ, quæ bonorum operum necessitatem docent, 1. ad Timoth. 2. *Mulier salvabitur per filiorum generationem, si permanserit in fide, & dilectione, & sanctificatione cum sobrietate.* Ad Phil. 2. *Cum metu, & tremore salutem vestram operamini,* inquit, non sola fide, quod facillimum est. 2. Cor. 7. *Quæ enim secundum Deum tristitia est, pœnitentiam in salutem stabilem operatur.* 2. Cor. 4. *Momentaneum & leve tribulationis nostræ, supra modum in sublimitate æternæ gloriæ pondus operatur in nobis.* Matth. 25. *Venite benedicti Patris mei, possidete paratum vobis regnum à constitutione mundi: esurivi enim, & dedistis mihi manducare, &c.* ubi manifesta ratio redditur, quæ retributio vitæ æternæ sit posita in bonis operibus. Rom. 8. *Si secundum carnem vixeritis, moriemini.* Rursum: *Si facta carnis mortificaveritis, vivetis.* Et quid totum Christi Evangelium? quid Apostolorum scripta, & epistolæ D. Pauli, Petri, Joannis, Jacobi, Judæ aliud commendant, docent, & urgent in Christiana vita, quam per omnia bonorum operum genera certamen illud pro vita æternâ? ex quibus carnale veltrum evangelium nihil relinquit, præter mortuam fidem, ex eaque miseris, & deceptis hominibus audetis vitam æternam promittere. Quod si nunc omnium Martyrum, Episcoporum, Sacerdotum, Monachorum, & Religiosorum virorum, Virginum, Viduarum, Conjugum, atque omnium Sanctorum, Justorumque vitam expendas, non nisi hanc ad Apostolorum doctrinam compositam, & remuneratam à Deo reperiēs, nemo ex his tam insanus fuit, ut in sola fide justificante, eaque mortuâ vitam, & spem salutis quæ siverit. Aut ergo Lutherus tuus cum suo novo evangelio, aut totus ante Lutherum orbis Christianus insaniit. Atque hoc præterea illud Bellarmini argumentum est, quod ex perpetua Ecclesiæ traditione deducit, quod quæ

ex omnium Conciliorum & SS. Patrum statutis confirmatur: frustra enim tot Synodorum decreta pro Cleri, populique moribus formandis, frustra disciplina religiosa tot legibus sancita, frustra Christianorum, & majorum vita tot jejunijs, orationibus, eleemosynis afflictionibus, pœnitentiæ lacrymis, & omnium virtutum operibus fatigata, si hæc omnia sola fides justificans præstare potuit. Christi pronuntiatum est: *Regnum celorum vim patitur, & violenti rapiunt illud.* Matth. II.

V. Dogma hoc Lutheranorum vel ex ipsorum confessione refellas. Quod enim habet mandatum Dei, hoc est necessarium ad salutem; sed opera bona habent mandatum Dei: ergo. Major per se nota est; Minor est Augustinæ confessionis art. 6. quæ sic habet: *Item docent, (nostri Lutherani videlicet) quod fides illa debeat bonos fructus parere, & quod oporteat bona opera mandata à Deo, facere propter voluntatem Dei.* At Deum velle, & mandare bona opera, ut tantum sint signa fidei, ex nulla Scriptura, Concilio, vel S. Patre demonstrabunt. Et ratio etiam ipsis agricolis nota revincit. Quis enim fructus eò tantum sine nasci dixerit, ut arborem vel agrum solummodò monstrent? & non potius homines & animalia pascant, alantque? Monstrare præterea arborem, commune est bonis & malis fructibus, quin & folijs ipsis: at Christus Matth. 3. *Omnis arbor qua non facit fructum bonum excidetur, & in ignem mittetur.* Qua in re & illud hoc Christi testimonium Matth. 25. *Discedite à me maledicti in ignem æternum. Esurivi enim, & non dedistis mihi manducare, &c.* Rursum explicatè Augustinus, serm. 38. *Rogo vos fratres, nolite hæc transitorie cogitare, nec credatis quod hoc de Judæis tantum, vel paganis, vel hereticis fuerit dictum, sed definitissime credite, quia hoc Christiani, & Catholici, qui in malo opere perseverare voluerunt, audientur sunt.* Ad judicium enim non veniunt nec pagani, nec heretici, nec Judæi, quia de ipsis scriptum est: *Qui non credit, jam judicatus est.* Et paulò post: *Nemo se decipiat.* fratres, falsà spe circumventus, nihil enim prodest, quod aliquis Christianus vocatur in nomine, si hoc non ostendat in opere. Scriptum est enim: *Fides sine operibus mortua est.* Quin ipsi Lutherani integrioris vitæ, sine precibus ad Deum, sine eleemosynis, sine actibus amoris Dei, sine dolore peccatorum & pœnitentiæ, sine fiducia in meritis Christi, exire de vita nolunt, quantumvis Prædicantes ex sola fide salutem illis promittant; Sciunt illud Apostoli melius 2. Cor. 5. & Augustini, serm. 38. de

A A A A

sanctis:

Sanctis : Oportet nos omnes stare ante tribunal Christi , ut referat unusquisque propria corporis, prout gessit, siue bonum, siue malum. Et Dominus in Evangelio: Tunc reddet unicuique secundum opera sua. non dixit secundum fidem suam, sed unicuique secundum opera sua. Ita Augustinus. Quare verè ita concludit: Nos ergo fratres carissimi si & penam evadere, & ad eternam beatitudinem volumus pervenire, non solum credamus in Deum, sed etiam toto corde diligamus, & quantum possumus ipso adjuvante bona opera facere studeamus: ut cum ipso auxiliante fecerimus quæ præcepit, mereamur recipere quæ promissit.

VI. Hæc Lutheranorum doctrina vel hoc ipso detestanda, quòd antiquos, & perditissimos hæreticos habeat patronos, & jam dudum damnata sit. Auctor enim huius Simon magus, qui dicebat: *homines salvari per gratiam ejus, non secundum operas justas* Ita Irenæus de illo lib. i. c. 20. Theodoretus de hæret. fabulis. Post illum Eunomius Arianus, corpore & mente leprosus, & hæreticorum impudentissimus, de quo S. August. lib. de hæref. c. 54. Fertur, inquit, usque adeo bonis moribus fuisse inimicus, ut asseverarit, quòd nihil cuiquam obesset, quorumcunque perpetratio, & perseverantia peccatorum, si huius, quæ ab illo docebatur, fidei particeps esset. Testatur præterea D. Augustinus, tum lib. de unico Baptismo, contra Petilianum cap. 10, tum lib. de fide, & bonis operibus, non defuisse tempore Apostolorum, qui dicerent solam fidem sufficere, atque adeo bona opera non esse necessaria ad salutem: ob id cæteros Apostolos, ut suprà diximus, eò cum primis direxisse Epistolas suas, ut opera bona vehementiùs commendarent. De hisce hæreticis, quàm exsertè rursus Augustinus lib. de vita Christiana, c. 14. *Novi, quos ita insipientia, & imprudentia tenebrosa caligo, & ignorantia fallit, & decipit, ut fidem, quam se habere simulant, sine justitia operibus apud Deum censeant sibi profuturam. Ex hoc erroris genere decepti, sine metu crimina nefanda committunt, dum credunt Deum non criminum, sed perfidia tantum ultorem: & huiusmodi non solum se ipsos perisse contenti sunt, sed etiam alios, in quibus nullum divine scientiæ est lumen, suis nituntur laqueis implicare. in quibus impletur illa Salvatoris nostri sententia: Cæcus si cæco ducatum præstet, ambo in foveam cadunt.* Sed nunc cæteros Patres de merito, & necessitate bonorum operum audiamus.

## SS. Patrum testimonia de merito, et necessitate bonorum operum.

**P**ROVOCAT NOS ad hæc testimonia adversarius, quando hisce jactantia verbis scriptum suum de justificatione orditur: *Veneranda primitiva Ecclesia antiquitas docet mecum, hominem justificari coram Deo non justitiâ propriâ & infusâ, non operum meritis, sed justitiâ Christi nobis imputatâ, per solam fidem apprehensâ; ita ut homo in hac vita certitudine divinâ salutis sue certus esse debeat.* Id deinde promittit se ex Patribus ostensurum, quorum alios alibi recitaverit, alios verò à Gregorio M. hoc scripto introducit, *Bedam* videlicet, *D. Ludgerum, Strabum Fuldensem monachum, Anselmum, Haymonem, Bernardum*, aliosque. quorum nihil ego apud illos auctores reperio, nisi quantum falsò detorquet in suam hæresin, ut legenti patebit. Et quomodo Patres istos in his Lutheranis accenseas, quorum omnis vita nihil aliud testatur, quàm merita bonorum operum, eorumque necessitatem ad salutem? Sed nos Patres integri fide ex primitiva Ecclesia, & primis sæculis ad Carolum Magnum istamus. *Ignatius* martyr & Episcopus ex Christi discipulis Epist. ad Rom. I. *Sinite me ut bestiarum esca sim, per quam possim Deum mereri.* Idem ad Mariam Cassobitem habet. *Justinus* Martyr orat. ad Antoninum: *Homines qui se Dei voluntate & consilio dignos præstiterint operibus, cum eo victuros pro meritis suis docet.*

*Origenes* lib. 2. in Epist. ad Rom. *Edificentur fideles, ne putent hoc solum sufficere quod credant: sed sciant justum judicium Dei unicuique reddere secundum opera sua.*

*Basilus* lib. de Spiritu S. *Homo ex operibus justitia salvatur.* *Clemens Alexand.* lib. 4. Strom. *Deus omnibus omnia distribuit pro meritis, cum justa sit dispensatio & œconomia:* Lib. 5. Strom. *Gratiâ salvamur, sed non absque bonis operibus.* Quod infra explicat: *Quando audierimus, fides tua te salvum fecit, non accipimus absolutè, nisi facta quoque fuerint consecuta.*

*Tertullianus* lib. 2. contra Marcionem c. 6. & in Scorpiaco c. 6. *Quomodo multa mansiones apud Patrem, si non pro varietate meritorum?*

AAAA 2

Cypria-

Cyprianus de unit. Eccles. *Iustitia opus est, ut promereri quis possit Deum iudicem; preceptis eius & monitis obtemperandum est, ut accipiant merita nostra mercedem.*

Gregorius Nazianzenus orat. in S. Baptif. *Crede resurrectionem, iudicium, mercedem ad iustam Dei lancem exigendam.*

Ambrosius lib. I. de officijs: *Nonne evidens est, meritum aut premia aut supplicia post mortem manere?* Comment. in Epist. ad Hebr. *Festinemus in requiem illam, quoniam non sufficit fides, sed debet addi & vita fidei condigna.* Rursum: *opus est omni volenti calum possidere, fidem bonis operibus ornare.*

Chrysost. hom. 30. in Joan. *Qui credit in filium, habet vitam aeternam. nunquid ergo satis est ad vitam aeternam, credere? minime, inquit: Nam si in Patrem, & Filium, & Spiritum S. recte credideris, non autem recte vixeris, nulla tibi ad salutem utilitas.* Et mox: *Qui credit in Filium, habet vitam aeternam, non tamen dicimus, satis esse solam fidem ad salutem.* Hilarius can. 7. in Matth. *salus, inquit, gentium omnis in fide est, & in preceptis Domini, vita est universorum.* Hieronym. com. in Isa. ad cap. 26. *Non sufficit murum habere fidei, nisi ipsa fides bonis operibus confirmetur.* Idem in cap. 4. Osee, de hæreticis: *Per dulces sermones decipiunt infelices, cum enim viderint aliquos delinquentes, ajunt: nihil aliud quarit Deus, nisi fidei veritatem, quam si custodieritis, non curat quid agatis.* Possitne Lutheri, & hanc Nifanij hæresin clarius ex idea veterum hæreseon proponere? His adde Cyrillum Hierosolymitanum Catech. I. Gregorium Nyssenum Hom. in Ecclesiast. Lactantium lib. divin. Instit. Clementem Alexandrinum Epist. 4. Zenonem Veronensem Invit. 5. Victorinum, Gregorium Magnum, aliosque innumeros, qui passim à scriptoribus & Theologis referuntur. Omnium instar S. Augustinus Epist. 105. ad Sixtum: *Nullane, inquit, sunt merita iustorum? Sunt plane qui iusti sunt, sed ut iusti fierent, meriti non fuerunt.* Rursum: *Sicut merito peccati tanquam stipendio mors redditur, ita meritis iustitia, tanquam stipendium redditur vita aeterna.* Lib. 50. Homil. hom. 14. & de gratia & libero arbitrio c. 17. *Audiamus Paulum Apostolum dicentem: Bonum certamen certavi, cursum consummavi, fidem servavi, de cætero superest mihi corona iustitia, quam reddet mihi Dominus in illa die iustus iudex. Debet ergo, quid reddet? reddet ergo iustus iudex, non enim opere inspecto potest negare mercedem.* Lib. I. contra aduers.



advers. Legis & Proph. c. 16. *Perparum est, quod in elemosynis datur, sed cum pio datur, aeternum inde meritum comparatur.* Lib. 3. Hypog. Propter liberum arbitrium, quo bona & mala sperant homines, dictum est: unicuique reddet secundum opera sua: habet enim homo malum meritum, cum vitio suo jam baptizatus declinat à bono, & facit malum; habet nihilominus & bonum meritum, cum in omnibus gratia Dei bona in se operanti non resistit, sed cooperatur existit. Lib. de moribus Ecclesiar. Vita aeterna est, cuius promissione gaudemus, nec premium potest precedere merita, nec prius homini dari quam dignus sit. Demum, ut innumera hic prætermittam Augustini testimonia, præclare is lib. de dogmatib. Eccles. c. 32. *Tanta est erga homines bonitas Dei, ut nostra velis esse merita, qua sunt ipsius dona.* Atq; ut ex eodem Augustino denuò recognoscas necessitatem bonorum operum, lege, quæ scribit serm. 35. *Soli parvuli, qui nondum habent opera propria, vel bona, vel mala, secundum solum originale peccatum, damnabuntur, quibus per lavacrum regenerationis non subvenit gratia salvatoris. Ceteri autem omnes, qui jam utentes libero arbitrio sua propria peccata originali in seipso peccato addiderunt, si de potestate tenebrarum per gratiam Dei non eruantur, nec transferentur ad regnum Christi; non solum secundum originis, verum etiam secundum propria voluntatis merita iudicium reportabunt. Boni vero etiam ipsi quidam non solum secundum sua bona voluntatis merita premium consequentur, sed etiam ipsam bonam voluntatem per Dei gratiam consecuti sunt.* Et mox: *Filius hominis venturus est in gloria sua, cum Angelis suis, & tunc reddet unicuique secundum opera sua,* Matth. 16. *Diligenter quaeso attendite fratres, & mecum pariter pavefcite, quia non dixi: quod reddet unicuique secundum misericordiam suam, sed secundum opera sua. Hic enim est misericors, ibi iustus.*

Hæc paucis de sanctorum Patrum testimonijs. Et quid illis opus est? cum ipsa SS. Patrum facta loquantur, testenturque multo clarius. Nam si vitam SS. Patrum, Episcoporum, Sacerdotum, & omnium Iustorum expendamus, si jejunia, si orationes, vigilias, elemosynas, chaumeunias, afflictiones corporis, rerum humanarum contemptionem, cæteraque opera misericordiae tam corporalia, quam spiritualia, perpetuam castitatem, & omnia caritatis officia inspiciantur, quibus totius vitæ studium occuparunt, ut certam facerent vocationem suam, instar omnium Scriptorum esse possint: nec ullum efficacius argumentum contra No-

vatores esse potest, quàm si sanctorum & Apostolicorum virorum vitam opponamus vitæ Lutheri, Calvini, Zwinglij, eorumq; quos illi in suis Ecclesijs post se reliquere ministros, & præcones novi evangelij sui. Cæteris in hanc rem omiſſis, quis vidit unquam Ambrosium, Augustinum, Chrysostomum, Nazianzenum, Basilium, Athanasium, Hilarium, Hieronymum, Gregorium Magnum, & magnos in Ecclesia Orientali & Occidentali Episcopos & Sacerdotes, cum uxoribus, liberis, & ancillarum grege procedere ad Ecclesiam? quemadmodum nunc Prædicantes & Superintendentes ex nova carnalis evangelij doctrina conspiciuntur procedere ad templum atque ad altaris ministeria? Monstra hæc fuissent: ne quid dicam de Apostolicis viris, & primis Saxoniz Episcopis à Carolo M. impositis, & qui inde ad nostram usque ætatem in Ecclesia Catholica consecuti sunt. nunquam illa Ecclesiaz portenta, nisi inter hæreticos visa sunt. Nunc Carolum M. subjungamus SS. Patribus.

*Caroli M. testimonia pro merito, et necessitate  
bonorum operum.*

**N**ihil adversarius in hac controversia pro se ex Carolo M. produxit, seu quod in *eius scriptis & vita* nihil invenerit, quod erroris sui patrocinandis speciem præberet; seu quod omnia sibi in Carolo *constitutio- nibus* adversantia videret. neque nobis etiam magnopere Caroli testimonijs hic opus est, qui jam satis ostendimus Carolum M. non in sola fide justificationem & salutem quærendam docuisse. Interim clarum ejus testimonium de merito bonorum operum, sisto ex Capitularium lib. I. c. 82. quo jubet, Pastores & Sacerdotes primò Apostolorum Symbolum ordine populum docere, interq; cætera: *Quomodo* (verba sunt Caroli) *iterum venturus sit in majestate divinâ judicare omnes homines, secundum propria merita; & quomodo impij propter scelera sua cum diabolo in ignem æternum mittentur, & justic cum Christo, & cum sanctis Angelis in vitam æternam ituri sint.* Hic primùm expressè habes merita bonorum operum, quibus æternam vitam promerentur Christiani. Capite eodem Carolus: *Item cum omni diligentia cunctis predicandum est, pro quibus criminibus deputentur cum diabolo in æternum supplicium.* Legimus enim,

Paulo

Paulo dicente. *Non sunt opera carnis, quæ sunt fornicatio, immunditia, luxuria, idolorum servitus, veneficia, inimicitia, contentiones, amulationes, animositates, &c. &c. &c. dissensiones, hæreses, secta, invidia, homicidia, ebrietates, comestiones, &c. &c. &c. his similia: quæ prædico vobis, sicut prædixi, quoniam qui talia agunt, regnum Dei non consequentur. Ideo hæc eadem, quæ magnus prædicator Ecclesiæ Dei singillatim nominavit, cum omni studio prohibeantur. Intelligentes, quàm sit terribile illud, quod dixit: Quoniam qui talia agunt regnum Dei non consequentur. Habes hæc alterum ex impiorum demeritis & peccatis, ob quæ damnentur testimonium. Pergit Carolus: Sed & omni instantia admonete eos de dilectione Dei & proximi, de fide & spe in Domino, de humilitate & patientia, de castitate & continentia, de benignitate & misericordia, de elemosynis & confessione peccatorum suorum, & ut debitoribus suis secundum Dominicam orationem sua debita dimittant: scientes certissime, quod qui talia agunt regnum Dei possidebunt. Vides ut rursus Carolus in his virtutum & bonorum operum actibus remunerationem æternæ vitæ, & non in sola fide reponat. Imò subjungit Carolus: Et hoc ideo diligentius iungimus caritati vestre, quia scimus temporibus novissimis pseudodoctores esse venturos, sicut Dominus in ipso Evangelio prædixit, & Apostolus Paulus ad Timotheum testatur. Tanquam vates Carolus intento simul digito, vestras hæreses monstrasset, mandatorum Dei & bonorum operum merita fructusque impugnaturas. Lib. eodem cap. 75. Carolus commendat opera misericordie, de quibus Christus Matth. 25. Quia, inquit Carolus, ipse Dominus dicturus est in remuneratione magni Diei: Hospes eram, & collegistis me. & Apostolus hospitalitatem laudans dixit: Per hanc quidam placuerunt Deo, & Angelis hospitio susceptis. Contrà hæc Nifanius noster scribit: Persona Deo non nisi per fidem placet, qualiscumque illa demum sit. ut nunc Nifanius supra Carolum & Apostolum sapiat. Et quàm illud absurdum atque impium, neminem Deo ex ullis operibus bonis placere, nisi ex actibus fidei?*

Proluxum cætera Caroli testimonia adducere, quibus libri Capitularium & Carolinæ synodi plenæ sunt. Et quid aliud sunt omnes Caroli leges, statuta pro Clero & populo, pro Monachis & Religiosis, quàm hortamenta, & vincula bonorum operum? ut ex his augmentum iustitiæ, certitudinem salutis, & vitæ æternæ præmia consequantur? Quapropter in præfatione libri primi ad capitula: *Hæc dilectissimi pro studio*  
 & ma-

& magna dilectionis intentione vestram unanimi-  
 tatem admonere studui-  
 mus, ut sanctorum Patrum Canonicis institutis inhaerentes, premia cum illis  
 aeterna felicitatis accipere mereamini. Carolus deinde Epist. ad Hispaniæ  
 Episcopos: Principium salutis nostra fides, quæ intemeratè per bonorum ope-  
 rum vestigia feliciter currit ad finem. Rursum: Quisquis ad civitatem ce-  
 lestem rectâ sibi præviante fide manus bonorum plenissimas habet, apertas in-  
 veniet portas. Dilucidius in confessione fidei Carolus: Credimus omnes  
 homines resurrekturos esse, & singulos secundum opera sua judicari. Synodus  
 Rhemenfis can. 1. in professione fidei ita habet: In ea, quâ nunc vivimus  
 carne, & in ea quâ Dominus resurrexit forma, percepturi ab ipso, alij pro  
 justitia meritis vitam æternam, alij pro peccatis supplicij æterni sententiam.  
 Quid adhæc Nifani? Hanc Synodum ad se allatam, lectamque Carolus  
 M. approbavit. Eadem leges in Concilio Moguntino can. 3. can. 15. can.  
 18. ac cæteris illis quinque Concilijs à Carolo sub postremos vitæ annos  
 confirmatis. Quin ex ipsis donationibus & largitionibus, quas Ecclesijs,  
 Monasterijs, & pauperum indigentia tantâ liberalitate fecit, quantam  
 non sibi mercedem certus divinæ promissionis reposuit? id vel ex diplo-  
 mate Caroli, & donatione Ecclesiæ Osnabrugensis clarum est. ita enim  
 Carolus: Quicquid locis Sanctorum venerabilium ob amorem Domini no-  
 stri JESU Christi, & reverentiam Sanctorum cedimus, vel condonamus,  
 hoc ad mercedis augmentum, & stabilitatem regni nostri in Dei nomine per-  
 tinere confidimus. Hunc in modum cæteras Caroli Magni, & Ludovici  
 Pij, cæterorumque Imperatorum, Regum ac Principum donationes spe  
 æternæ simul & temporalis mercedis consignatas legimus. Et quanta ex  
 his Carolo remuneratio, tanta alijs qui hæc alid avertunt condemnationis  
 pœna intentata est, per anathemata & execrationes diplomatum.  
 Hoc merendi studium per sacras donationes, per eleemosynas paupe-  
 rum, largitiones in captivos apud barbaros, Carolus per omnem vitam  
 sibi unice propositum habuit: quod quemadmodum moriens testamen-  
 to suo obsignarit, is facilè intelliget, qui Caroli testamentum ab Egi-  
 nardo, & Annalibus Francorum relatum perlegerit. Quid nunc illa je-  
 junia? quid orationes? quid sacrificia quotidiana? quid Eucharistia &  
 Poenitentia frequentatio? quid corporis per cilicia afflictationes, quid  
 cætera misericordia, patientia, & justitia opera in Carolo, in Episco-  
 pis, in Sacerdotibus, Monachis, religiosis, & omnibus justis homini-  
 bus?

bus ? si sola fides justificat, nec opera bona meritoria sunt, nec aliud sunt, quàm nuda signa fidei ? Sanè omnes illi stulti fuere, imò verò dementes, qui *carnem suam crucifigentes cum vitijs & concupiscentijs*, spretisq̃ue mundi voluptatibus cælibem castamq̃ue vitam egerunt. Nihil infanius hoc sæculo, quàm relicta Apostolicorum virorum doctrinâ & exemplo, uni vel Luthero, vel Calvino hærerere, qui laxam illam, & hæctenus nulli Sanctorum cognitam viam ad cælum nobis pollicentur. Homines videlicet, de quibus S. Judas in epistola: *Abeuntes post carnem alteram, semetipfos pascentes, nubes sine aqua, quæ à ventis circumferuntur, arbores autumnales, infructuosæ, bis mortuæ, eradicatæ, fluctus feri maris, despuantes suas confusiones, sidera errantia, quibus procella tenebrarum servata est in æternum.*

### Objectiones adversariorum, et cumprimis Nisani.

**P**rimò hîc Nisanius cum Joanne Gerhardi, opponit nobis Theologos Catholicos in quatuor classes distributos, qui de conditionibus ad meritum requisitis aliter atque aliter sentiant & disceptent. Inter quas illa primaria ferè est: *Utrum ad meritum requiratur promissio ?* Verùm hîc uterq̃ue non tam pro jactantia multæ doctrinæ, quàm pro fraude sua agit; dum quæ citra fidei articulum disceptantur inter Scholasticos doctores, hæc illi Lectori & populo pro fidei articulo obtrudunt. Et si Nisanium legas, tertia propè pars libri ex his dolis contexta est. Fraudem hanc jam satis Wallenburgici, Erbermannus, aliique exprobrarunt.

Rem paucis expediamus in sententia communiori eorum, qui ad meritum bonorum operum requirunt *promissionem Dei*. Nam *meritum* duobus modis sumi potest. I. Pro merito justitiæ strictè sumptæ. atque ita merita, ut præmium exigant, petunt necessariò promissionem Dei intervenientem: quando in humanis, ubi est propria obligatio justitiæ strictæ, videmus ejusmodi pactum seu promissionem intervenire. Unde juxta D. Thomam, justitia propria in suo conceptu dicit tantum pro tanto pacto firmatum, II. Meritum in latiore conceptu justitiæ accipitur

B B B B

prout

prout solum dicit jus quoddam connaturalitatis respectu præmij, atque ita merita bonorum operum in justo homine, ex se & secluso omni pacto connaturaliter poscunt præmium. Hinc Compton disp. 126. de *Merito*, sect. 3. n. 5. ex Concil. Trident. docet: *Ut opus justis sit meritorium, nihil aliud requiri, quam ut fiat ex gratia Dei*. neq; ex mente Concilij ad rationem meriti hoc modo sumpti, requiri promissionem. Prorsus ut multæ res naturales sunt, quæ connaturaliter poscunt alias; ut ignis calorem, sol lucem, aqua frigus. Et quæ hîc repugnantia, quo minus in supernaturalibus, aliqua forma poscat præmium, ut gratia gloriam? *cum gratia sit semen gloria*. Quemadmodum & 1. Joan. 3. & Apostol. ad Rom. 8. docet opera filij, seu ejus qui est in gratia, per patientiam & alias similes operationes facere hæredes & cohæredes Christi. III. In hunc modum Theologi cum D. Thoma hîc art. 3. docent, hoc meritum bonorum operum in homine justo esse *meritum de condigno*, si Durandum excipias, quem ob id Tannerus perstringit, quod à receptissimo loquendi modo Theologorum discedat. Sanè Chrîstus Luc. 10. *Dignus est operarius mercede sua*, & Apostolus 2. Thess. c. 1. *Ut digni habeamini in regno Dei*. Ad Durandi sententiam accedere putant, qui valorem omnem & condignitatem operum nostrorum haberi volunt ex solâ Dei ordinatione, seu constitutione divina, quatenus illa in ordine ad præmium vitæ æternæ acceptat: Uti valor monetæ adæquatè sumitur à voluntate Principis. Sed hæc modò non discipulamus. Nec tu ille es, qui communem Theologorum sententiam evertas, quamvis scribas: *Hodierni Jesuitæ errores suos occultare, omnibusque modis palliare student; nec videri volunt, quòd vel gratia Dei, vel obedientia Christi aliquid detrahant*. Quasi verò magni illi Theologi, Bellarminus, Suarez, Vasquez, Lessius, Valentia, Tannerus, Becanus, alijque innumeri quos hîc tumultuariè congeris, à te primum discere debeant, quid in his Theologicis quæstionibus docendum sit, qui totus erroribus hæresis tuæ involutus es, nec quid scribas ipse intelligis, nisi quod per rapsodiam ex Joanne Gerhardi exscribis. Si quid in te ingenij & doctrinæ, scribe aliquem solidum tractatum per singulas quæstiones ordine deductum, sicut magni illi Theologi fecere. tum redi, & offer Theologis alicujus Academiæ expendendum. Nunc alios potius audiamus, qui eadem quæ tu, multo ordinatius proponunt.

Igitur I I. objiciunt. Opus per quod aliquis meretur, totum debet



bet esse illius; qui meretur; id verò de meritis justorum dici non potest, quæ tota sunt Dei. R. Ex hoc nihil aliud probari, quàm quod justis seposita promissione & acceptatione Dei, nihil ex iustitia strictè sumpta mereantur. Quod ultrà largiamur. At cùm in omnibus iusti operibus, (ut Bellarminus ostendit) hæc promissio interveniat; fit, ut mercedem non gratis, sed ex debito conferat: *Nam ei qui operatur, merces non imputatur secundum gratiam, sed secundum debitum.* Rom. 4. v. 4. Deinde, etsi opera iusti sint Dei, quippe quæ ex gratia Dei sunt facta, eadem tamen sunt opera hominis iusti per liberum arbitrium & cooperationem. Unde licet in bono opère ex gratia facto nihil nostrum sit, quod non sit Dei; econtrà tamen nihil est Dei, quod non etiam sit nostrum. Hoc illud S. Augustini suprà allatum: *Tanta est bonitas Dei, ut nostra velit esse merita, quæ sunt ipsius dona.*

Obijciunt III. Opus quod præstatur, ut meritum esse possit, nullo alio titulo debet esse debitum; atqui opera nostra multis titulis Deo sunt debita: Ergo non possunt esse merita. R. Etsi opera justorum multis titulis Deo sint debita, quia tamen Deus pro suâ liberalitate summa nobiscum ultroneam conventionem fecit, seseque obligavit ad mercedem pro operibus reddendam; fit, ut jus suum, quod in nostra opera habet, in nos quodammodo transcripserit; & opera nostra per ejus gratiam facta, non tanquam sua, sed tanquam nostra, ex iustitia coronet. Simile dant Theologi in mancipio. nam etsi ejus actiones in solidum sint Domini, & per pecuniam Domini negotietur: si tamen Dominus cum mancipio liberale pactum ineat, ut si multum lucretur, magnum præmium accipiat; si parum, parvum; conventionem expletâ, Dominus non ex liberalitate tantum, sed iustitiâ etiam tenetur dare præmium. Nam etsi liberalitatis fuerit, præmium promittere, iustitiæ tamen est promissum solvere ad quod se obligavit.

Obijciunt IV. illud Luc. 17: *Cum feceritis omnia, dicite quia servi inutiles sumus.* Varia ad hoc Patrum responsio est. Prima *Ambrosij* lib. 8. in Lucam: Ex nobis inutiles sumus respiciendo naturam. Secunda *Chrysostomi*: Nos non debere gloriari in operibus nostris, quantumvis justorum sint opera. Tertia *Beda*: Nos nihil utilitatis adferre Deo. Quarta *Augustini*: Nos nihil ex operibus exigere posse, nisi Deus ex liberali pa-

B B B B 2

ctono-

Et nobiscum convenisset. Ita serm. 3. de verb. Dom. & appositè ad ea quæ diximus.

Obijciunt V. Inter opera & præmium debet esse proportio & æqualitas, quæ non invenitur inter opera justorum, & præmium æternæ vitæ: *Non enim sunt condignæ passionis hujus temporis adfuturam gloriam, quæ revelabitur in nobis*, Rom. 8. Contra est illud 2. Corinth. 4. *Momentaneum & leve tribulationis nostræ, æternum gloriæ pondus operatur*. Respondet Bellarminus: opera nostra physicè non esse quidem condigna, ut tamen ex gratia & Spiritu sancto meritoriè procedunt, condigna & proportionata esse, cum sint opera filiorum Dei. Deinde cum ex gratia Dei habituali dignificentur, etiam condignitatem habent, quam sepositâ etiam promissione, Deus simpliciter tenetur remunerare præmio, ut suprâ diximus. Et quæ hîc proportio desiderari potest, cum gratia sit semen gloriæ? ac tamen si semen mole sua non sit proportionatum, est tamen virtute proportionatum ad fructus, etiam ipsi naturæ admirandos. Qualis autem proportio inter opera, & præmium servetur in remunerando apud Deum per justitiam; utrûmne commutativa illa sit, an distributiva? utrûmne arithmeticè an geometricè procedat Deus? leges apud Bellarminum cæterosque Theologos. Dicant nunc illi, qui hanc proportionem bonorum operum & præmiorum à nobis requirunt, qualis illa sit proportio, quâ Deus ob peccata mortalia æternum damnet impios, & ob brevem hujus vitæ voluptatem æternis supplicijs puniat? Si mala opera hoc demeritum ex contemptu Dei secum trahant, cur non bona opera hoc meritum suum ex gratia Dei habeant?

Obijciunt VI. Corona vitæ æternæ quæ datur justis, non operum meritis, sed tota misericordiæ divinæ in sacris literis adscribitur, Rom. 6. *Gratia Dei vita æterna*; Psalm. 102. *Qui coronat te in misericordia & miserationibus*: ergo nihil operibus adscribendum. &c. Loca illa Scripturæ, quæ totum præmium vitæ æternæ soli misericordiæ divinæ adscribunt, si strictè hîc sumere velint adversarij, ex his etiam conficitur, neque fidem, neque baptismum esse necessaria ad salutem. Nam si ex pura Dei misericordia donatur æterna vita: nec præmium, nec utilitatem habebunt. Deinde cum in Scripturis vita æterna dicatur *corona justitiæ*, 2. ad Timoth. 4. 1. Cor. 9. Hebr. 6. 1. Thess. 1. loca hæc Scripturæ concilianda sunt. Igitur corona justitiæ appellatur ex meritis, & propter merita.

*Non enim*

*enim est injustus Deus*, inquit S. Augustinus cum Apostolo, *qui justos fraudet mercede sua*. Cum verò ipsa merita, quibus *corona justitia* debetur, ex gratia Dei virtutem suam habeant, eaque gratia ex misericordia detur; fit, ut *corona justitia* etiam *corona misericordia* vocetur: quæ duo, ut Theologi asserunt, non repugnant, ac diverso respectu hanc vim & appellationem habent.

Obijciunt VII. Injuria fit meritis Christi & passioni ejus, quòd proprijs meritis attribuiamus augmentum gratiæ, & præmium vitæ æternæ. R. Nulla fit injuria Christi meritis, sed summa est gloria Christo: Sicuti viti est gloria, quòd palmes ferat fructus. *Ego vitis*, inquit Christus, *vos palmites*. Joan. 15. Et quæ major efficacia & gloria meritorum Christi? quàm quod nobis etiam ex suo merito, nostris quoque operibus vim merendi sit promeritus, seu ut Augustinus dixit, *sua dona voluerit esse nostra merita*? quicquid hîc tandem oblatret Nifanius.

Urgent: Vel merita Christi sunt sufficientia, vel non sunt. Si non sunt sufficientia, manifestè Scripturis contradicimus; si sunt sufficientia, frustra ac malè Catholici operibus suis tribuunt vim merendi. R. Merita nostra non requiruntur propter insufficientiam meritorum Christi, sed propter majorem ejus efficaciam, quod suis meritis nobis vim merendi sit promeritus: sicuti quod Deus sole utatur ad illuminandum, & calore ad calcfaciendum, non arguit imbecillitatem Dei, sed omnipotentiam: quòd potuerit per causas secundas illa facere, quæ per se etiam potest facere solus.

Instat Nifanius: Quicquid meritis Christi de nobis additur, hoc adimitur ijs, quia indivisibili & infinito nihil addi potest. R. Nos nihil addere, vel demere meritis Christi, quæ infinita sunt, sed ex his vim merendi habere, simulque per bona opera à Deo ordinata nobis applicare meritum Christi: quemadmodum ipsi Lutherani fateri debent, per fidem & Baptismum applicari nobis meritum Christi, aut certè his tanquam superfluis nihil opus erit, quod impium est dicere. Deinde meritum Christi maximè est communicativum, ex quo efficacia illa, & vis merendi operibus nostris est data, nam *de plenitudine ejus nos omnes accepimus, & gratiam pro gratia*. Joan. 1. v. 16. Si nulla vis merendi est in operibus justorum, fallit nos Scriptura tot locis suprà citata, fallunt nos omnes

nes Patres, qui operibus iustorum augmentum gratiæ, mercedem laboris, præmium æternæ vitæ, & coronam iustitiæ attribuunt.

Pergit delirare Nifanius. Vis merendi est effectus supernaturalis, qui nulli creaturæ potest competere, juxta speculationem Jesuitarum. Quasi verò hæc Jesuitarum sit doctrina solum, quæ omnium Catholicorum doctorum est, & totius Ecclesiæ Catholicæ. Imo verò quàm insulsus tu es Theologus, qui doces nullum effectum supernaturalem posse competere creaturæ, id est, neque Angelo, neque homini: cum tamen apud omnes Theologos sanæ mentis tres sint virtutes Theologicæ, *fides spes, charitas*, homini Christiano datæ. Quid hæc dona? quid habitus, quos ipse admittit in renovatione vitæ, quid inquam habitus caritatis & gratiæ? si nullus ex his in homine est effectus supra naturam? Hic tu Scripturæ, Patribus, rationi, & omnibus Theologis contradicis. Si Theologos consulas, intelliges, actum fidei divinæ esse intrinsecè & ex substantia supernaturali. *Hoc enim est opus Dei, ut credatis* Joan. 6. Fides est donum Dei, *Nec enim omnium est fides* 2. ad Thess. 3. *Vobis donatum est pro Christo, ut in eum credatis.* ad Phil. c. 1. Id quod in Concilio Arausicano, & Milevitano definitum est, & Trident. sess. 6. Sed dices: *dæmones credunt & contremiscunt*, Jacob. cap. 2. idque naturaliter faciunt. ita est: quia omnibus supernaturalibus donis spoliati sunt. Non alia ergo apud vos fides erit, ex quo hæresis vestra supernaturali dono fidei vos spoliavit, quàm dæmonum: ad eò vobis placuit ad horum naturalem fidem & societatem transire, quàm cum Catholica Ecclesia velle sentire. Et qualis tu sacrosanctæ Theologiæ Licentiatus? qui in fide & Theologiâ illâ virtute nihil sacrum relinquis, quod non dæmones etiam sibi vendicare possint.

Objicis VIII. Apostolum ad Philip. 3. *Hæc omnia quæ mihi erant lucra, propter Christum detrimentum feci, & arbitror ut stercora*. Ergo, inquis, omnia bona opera nostra nihil præter detrimentum & stercus sunt apud Deum. Quàm stercoreus tu nobis hic Doctor es, qui cum Lutherò & Calvino, omnia bona Iustorum & Sanctorum opera facis sordes, inquinamenta, & pannum menstruatum. Mirum, si non etiam *Stercutium deum* advoces patronum causæ tuæ. Deinde, si bona Iustorum opera sint stercus & detrimentum, etiam ipsa fides, & opera fidei; ipse Baptismus, & cœnæ vestræ sumptio stercus erunt. &c. igitur, Apostolum opera

opera Legis, sine fide in Christum, & sine gratia ejus facta, aestimare ut stercora, in comparatione eorum, quæ ex gratia & justitia Christi faciebat. Lege Patres & Interpretes, nemo tam sordidè & impiè Apostolum unquam interpretatus, quàm tu facis. Lege hac super re Augustinum lib. 2. de pecc. merit. c. 13. alijsque locis. quanquam lib. ad Bonif. explicet Apostolum, tanquam dicat: non velle se gloriari de se, sed humilem reputari, tametsi tanta fecerit, nullo verò modo opera bona damnare, de quibus tam gloriosè in omnibus scripsit, & ex quibus sibi coronam justitiæ repositam proficitur. Sanè si bona opera non nisi detrimentum & stercora sunt, hoc apud vos valere debet, qui sublatâ verâ primùm fide, & donis supernaturalibus, vim omnem Sacramentis, & bonis operibus subtrahitis, & ad legem naturæ, atque ad *degenera elementa* ecclesiam vestram reducit.

Objicis IX. Patres, quorum aliqui dicunt, ex bonis operibus nos consequi tantum remunerationem aliquam, & impetrationem. uti Ignatius ad Rom. per quam Deum possim mereri, cum in Græco sit, *ἵνα θεῷ καταλαβῶν*. Dionysius de cœlesti Hierarch. c. 1. *Divinitatis participationem promerentur*, cum in Græco sit *θεῷ καὶ θεῶν τυχεῖν*: Verum hi Patres, ut rectè Bellarminus ait, sæpè in genere dicunt, nos per quemlibet actum bonum aliquid accipere. Imò si rectè expendantur, illam acceptionem supponunt ex mērito fieri: nam fateri coguntur, nihil frequentius esse apud Patres, quàm meritum bonorum operum, mercedem, & præmium æternæ vitæ. Et quæ meriti retributio sine acceptione fingi potest? Hunc in modum dicunt Patres, nos impetrare aliquid bonis operibus: quod nihil derogat merito bonorum operum, quando impetratio accipitur velratione operis, & obsequij, quo aliquid obtinemus. Quo sensu quodvis opus vocari potest *impetratio*: præsertim si sit meritorium imperfectè, seu ut dicimus, *de congruo*; vel accipitur ut per orationem aliquid obtinemus à Deo, quæ propria hujus vocis est acceptio. Addis Eusebium Demonst. IIX. Evang. ubi Petrus admiratus eos, qui ex *familia Cornelij Spiritum S. accipere meruerant*, quod in Græco sit, *τὸς τῷ ἁγίῳ πνεύματι ἀξιούμενος*. Vis in postremâ voce est, quæ cum propriè significet *dignos esse factos*, quid ad meriti rationem aptius dici poterat? ut tu Græcam linguam parum intelligere videaris. Ita enim

enim 2. Thess. i. ut digni habeamini regno Dei, in Græco est, εἰς τὸ κα-  
ταξίωθῆναι ὑμᾶς τῆς βασιλείας τοῦ θεοῦ.

Demum si quid ex Patribus, illud D. Augustini, quod tu non at-  
tingis, obijci posset ex Con. 2. in psal. 70. *Cum primum venerit, sua  
dona coronabit, non merita tua.* &c. Ut suprà, S. Augustinus dicit, opera ex  
nobis in nobis non coronat, sed ex gratia, ac primò cum primis facta: uti  
hæc fusè explicat in Epist. 105. *Cum Deus coronat merita nostra, nihil aliud  
coronat, quàm munera sua.* Rursum lib. de gratia & lib. arbitrio c. 6. *Gra-  
tia Dei non secundum merita nostra datur, sed cum data fuerit, incipiunt esse  
merita nostra, per illam tamen.* Hoc illud, quod suprà recitavi ex eodem  
Doctore: *Tanta est erga omnes homines bonitas Dei, ut nostra velit esse  
merita, quæ sunt ipsius dona; & pro his, quæ largitus est, æterna præmia sit  
daturus.* Hoc fructu bonorum operum, hoc solatio vos, vestram Ec-  
clesiam, & omnes Lutheranos defraudatis. Et quid aliud agitis hac im-  
pia vestra doctrinà? nisi ut per idolum phantasmatis vestri (quod in  
solâ fide justificante constituitur à vobis) intervertatis Scripturam, ener-  
vetis Sacramenta, eliminatis Dei mandata, proscribatis bona opera, sol-  
vatis disciplinam Ecclesiæ, turbetis conscientias piorum hominum, &  
omnem peccandi licentiam introducatis? Væ cordes supra Judæos & in-  
fideles! quorum nemo tam impius atque atheus, quin Deum esse, & re-  
muneratorem bonorum, & vindicem malorum, ex naturæ lumine agno-  
scere possit ac debeat. Nobis ex Scriptura, Concilijs, & Patribus, tum ex  
illo Augustini in psalm. 120. fiducia & securitas: *Quando facis bonum opus  
propter vitam æternam, sic statuas tecum: Nam si opus bonum in terra pro-  
pterea feceris, ut terrena tibi abundant, scit sinistra tua, quid faciat dextera  
tua, misceisti dexteram sinistra. noli facere nisi propter vitam æternam. Si  
ideo facis, securus facies. hoc enim mandavit Deus.* Imò iudicio S. Au-  
gustini tanta est conjunctio bonorum operum cum Ecclesia, ut qui ex-  
tra eam vivunt, nullum ex bonis operibus fructum æternæ vitæ sibi pol-  
liceri possint. Ita enim serm. 181. de tempore: *Sola est, atque una est Eccle-  
sia Catholica, in quâ opus bonum fructuose peragitur: unde mercedem dena-  
rij, non nisi qui intra vineam laboraverant, acceperunt.*



## C A P V T III.

*De Lege, et mandatorum Dei observatione.*

**L**egem Dei à Christianis in statu gratiæ servari non posse, communis est Lutheranorum, Calvinistarum, cæterorumque novatorum doctrina; tam impia, quàm inaudita in Ecclesia, & à Luthero primùm invec̃ta, quam Nifanius confirmat, legemque oppugnat ex Carolinis, de quibus egimus, libris, & argumentum ex ijs in fronte collocat, tanquam Carolus Magnus docuerit, legem Dei & Decalogum servari non posse. Ita enim ex lib. 1. de Imag. c. 14. *Deus præcepit, sed homo non fecit. Lex enim posita est in veteri testamento, qua convinceret peccatores, Cap. 15. Lex à quovis proficiente non ex omni parte complectitur. Ibidem: Deus jugum legis homini imposuit, quod homo ferre non valet. Lib. 3. c. 25. Lex peccata tantummodo ostendit, gratia autem qua per Christum data est, peccata, qua lex monstraverat, curavit. &c.* Auctoritatem horum librorum, ex quibus hæc citantur, nullam esse, nec aliud ex ijs veritatis testimonium peti, quàm ex antiquis hæreticorum scriptis. id quod suprà satis demonstratum est. Nec enim Carolini, sed *pseudo-Carolini* sunt libri, multis alijs erroribus & falsis dogmatibus respersi. Admittamus etiam libros illos, nihil tamen hæc ipsa (quæ adfers) directè contra nos faciunt: quando nihil aliud ex his conficitur, quàm legem Dei sine gratia Dei impleri non posse. Et quis illud abnegat? Deinde, cum dicitur legem à proficiente ex omni parte compleri non posse, satis declarat, à perfectioribus & confirmatis in gratia impleri posse, quantum ad perfectionem legis, & continentiam à mortalibus peccatis requiritur. Cæterum id quod prætendis, Carolum nunquam docuisse infra exponam. Nunc rem ipsam paulò altiùs repetamus. In omnibus enim fidei controversijs provocatis nos ad Scripturam, hîc verò ubi de legis observatione, & re gravissimâ, & præscripta à Deo salutis via agitur,

CCCC

tur,

tur, prorsus files, tanquam Scriptura veteris & novi Testamenti nihil ad te spectaret, qui doctorem te Legis, & populi ductorem, (sinon verius seductorem) ferre audes.

I. Igitur legem Dei servari posse & debere à fidelibus iustis per gratiam, manifestè Scriptura veteris Testamenti nos docet. Deut. 26. *Hodie Dominus Deus tuus praecepit tibi, ut facias mandata haec. . . & impleas ex toto corde.* Deut. 5. antequam Decalogum praescriberet Moyses, inquit: *Discite ea, & opere complere.* Et post latam legem rursus inquit: *Custodite igitur & facite quae praecepit Dominus Deus vobis.* Deut. 29. Moyses ait: *Mandatum hoc, quod ego praecepio tibi hodie, non supra te est, neque praecul positum, nec in calosum.* Ezech. 36. *Spiritus meus ponam in medio vestri; & faciam, ut in praeceptis meis ambuletis.* Hunc Spiritum, & hanc etiam gratiam adfuisse servantibus legem, testatur Scriptura Deut. 5. v. 29. psalm. 118. Luc. 18. v. 22. Actor. 15. v. 10. Rom. 8. v. 2. Et quis Prophetarum, aut quis Hagiographus scriptor, aut quis liber veteris Testamenti non commendat praescribitque mandatorum observationem? *Tu mandasti, mandata tua custodiri nimis,* inquit David psalm. 118. Aut quis demum Prophetarum, Scriptorque sacer tot poenas castigati Hebraei populi non refert ad transgressionem mandatorum? Plena hic est tota Scriptura. Contrà, quae non merces servantibus legem promissa est, redditaque à Deo? Aut qui non iusti memorantur? Nimirum cum Noë & Abraham tot Patriarchae, cum Moysè tot Prophetae, cum Davide & Josiâ tot Principes Hebraei populi, cum Zacharia & Samuele tot Levitae & Sacerdotes, cum Tobia, & Iosepho castissimo Virginis sponso, tot viri Sancti, cum Judith & Elisabetha tot ex sexu sequiore foeminae. Omnes hos Scriptura in via mandatorum Dei incessisse perhibet: ideoque aut iusti, aut recti corde, aut perfecti tam in lege naturae, quam lege Mosai- ca dilaudantur. Unde tot milia signatorum ex omnibus recensentur in Apocalypsi, qui non aliâ viâ, quam mandatorum Dei, numerum illum beatorum implevere. & tamen quàm dura Lex vetus erat, comparata cum lege Christi, suavi illo iugo? Questus quidem D. Petrus Act. 15. legem Mosaicam esse jugum grave, *Quod neque Patres nostri, neque nos portare potuimus.* Verùm id ille non de morali lege tantum seu Decalogo, (de qua nunc agimus) sed Judiciali, & Carimoniali ut Morali conjunctis dixit; & ita dixit, non ut impossibilem sed ut duram atque arduam ostende-

ostenderet: (quod enim valde difficile est, moraliter impossibile vocari solet) cum Deus impossibilia (quod tyrannorum est) præcipere non possit. Idè veterem Legem Augustinus dixit *sarcinam innumerabilium observationum*, quâ dura Judæorum cervix premenda erat. Nec tamen quispiam Prophetarum, aut ullus sanæ mentis in Lege illa Doctor unquam docuit, legem illam observatu impossibilem esse, quod heterodoxi nostri cum Antinomis, de Lege morali & Decalogo docent: quam Christus in Lege gratiæ abrogatâ Cerimoniali veteri & Judiciali solùm reliquit, quod natura etiam ipsa hanc præscriberet. utque servari posset, Christus etiam uberio rem quàm in legē veteri gratiam communicavit, Joan. 1. *Et de plenitudine ejus nos omnes accepimus, gratiam pro gratia*; illis ad mensuram data fuit gratia, nobis ad abundantiam, ut ea etiam, quæ sunt supra legem moralem, consilia videlicet Evangelica servari possent. Nihil magis crepant novatores, quàm merita Christi, & qua in re magis injuri j sunt in merita Christi, ex quibus plenitudo gratiæ nobis data est? Et tamen populo *adjuvanti*, & impossibilitatem mandatorum Dei persuadere audent. Non Epicurus tantam vitæ licentiam indulsit, quantam Lutherus ex hac impia doctrina sua. Et hi Christiani esse volunt, qui Ecclesiam reformant.

II. Hæc fundamenta Catholica doctrinæ asseruntur ab ipsa Scripturâ novi Testamenti, Matth. 11. *Jugum meum suave est, & onus meum leve*. Joan. 1. c. 5. *Mandata ejus gravia non sunt*. Matth. 19. *Si vis ad vitam ingredi, serva mandata*. Idem convincitur ex ijs Scripturæ locis, quæ docent mandata Dei servari ab ijs, qui diligunt Deum; at multi diligunt Deum: ergo & mandata servant. Joan. 14. *Qui diligit me, sermonem meum servabit*. Rom. 13. *Qui diligit proximum, legem implevit*. Idem ad Gal. 5. & Joan. 13. alijsque in locis docetur: & tamen si caritas hæc respectu alterius vitæ imperfecta sit, tanta tamen est in hac vita, & tam efficax, ut præcepta graviter obligantia servari possint. Unde enim tot Justi & Sancti in hac vita, de quibus ex Scriptura constat, quos inter Apostolos, Christi discipulos, Martyres, & ex omni gradu & statu innumerablem hominum justorum multitudinem percensere necesse est.

III. Rationibus asseritur. Primò potest homo cum gratia Dei servare consilia Evangelica, quæ supra mandata sunt, Matth. 19. *Si vis perfectus esse, vade, & vende quæ habes, & da pauperibus, & habebis the-*

*sauro in calo: & veni, sequere me.* 1. Cor. 7. Matth. 16. alijsque in locis hæc commendantur, quod innumerabilis religiosorum & SS. virginum numerus in Ecclesia vincit. Quare Augustinus serm. 18. de verb. Apost. *Non grande onus imposuit virginibus, major amor majus imposuit onus.* Secundò, si impossibilia sunt præcepta, neminem obligarent, fingi enim non potest obligatio, & prævaricatio, ubi possibilitas non est; nec præcepta erunt præcepta, sed ludibria Christi. Tertiò si Lex servari non potest, Deus omni tyranno crudelior erit, qui tributum impossibile exigit ab homine, quod impossibile est solvi, & legem tulit, quæ à nullo servari possit. Quartò Christi passio cum in redemptionem nostram, tum in hoc salutis medium & Legis observationem destinata est, Rom. 8. v. 3. *Christus passus est, ut justificatio legis impleatur in nobis.* Hebr. 5. *Factus est omnibus obtemperantibus sibi causa salutis aeternæ.* Frustranea hæc sunt, si Lex impleri non potest. Et quæ non in hanc rem ex Scriptura sistuntur?

IV. Accedit Patrum auctoritas, de qua fallacissimè Nifanius. scribit enim: sicut in Carolinis libris dicitur, Legem impleri non posse, ita omnium in puriore antiquitate Doctorum sententiam esse, legem servari non posse. Id quàm impudens sit mendacium, ex Patribus primorum sæculorum ostendam.

Cyprianus de Baptismo: *Quod si impossibilia essent præcepta tua, vel tantis difficultatibus onerata, vel voluntas sic abdita, ut non posset intelligi, quod à nobis expeteret sua altitudo, licet invitus nemo peccet, posset tamen in multis excusari debitum, nisi simul se completerentur possibilitas & facilitas, scientia & potestas. Præcipis Domine ut diligam te, hoc & possum & debeo.*

Athanasius lib. de virginis. *Ne dicas in corde tuo, at quoniam modo ista præstare poterò? timentibus Dominum præcepta impossibilia non sunt.*

Basilus in illud Attende: *Impium est dicere, impossibilia esse Spiritus præcepta.*

Chrysostomus Hom. 8. de Pœnit. *Nequaquam Dominum accuses, haud mandat impossibilia. multi & ipsa superant præcepta.* Rursum in eadem Hom. *Quid igitur? Impossibilia nobis mandat Deus? non inquam. obmutescere, neque Domino succenseas, non enim hic responsi modus, sed peccati additamentum priori pejus.* Idem in psalm. 111. *Difficultatem non natura*

tura preceptorum, sed multorum solet socordia effieere. Itaque si quis ea cum studio & alacritate animi suscipiat, videbit ea esse levia & facilia. quocirca dicebat textus: *jugum meum suave est, & onus meum leve*. Rursus in cap. 11. Matth. *Ne me iudicatis, etiam si onus dixerim, leve enim est*.

Hilarius in psalm. 118. *Latum mandatum Dei est, & in omnia spei nostra genera diffunditur: ut non difficile sit, si voluntas adsit, precepto Domini obtemperare*. In cap. 11. Matth. *Quid iugo ejus suavius? Quid onere levius?*

Hieronymus lib. 3. adversus Pelag. *Deus possibilia mandavit, hoc nulli dubium est*. In cap. 5. Matth. *Sciendum est ergo, Christum non impossibilia precipere*. In hunc modum Clemens Alexand. lib. 4. Strom. c. 8. Origenes Hom. 9. in Josia, Ephrem serm. de pietate, Polycarpus Epist. ad Philadelp. Macarius Hom. 19. Tertullianus lib. 2. adversus Marcionem, Hippolytus Episcopus & Martyr orat. de mundi cont. Tunc dicit his, qui erunt a dextris ejus: *venite, qui legem meam noctu duque servastis*. S. Augustinus (quem ceteris subjungo) innumeris locis hæc tractat, & docet. Seligam pauca. Lib. de nat. & gratia, c. 43. *Non igitur Deus impossibilia jubet, sed jubendo admonet & facere quod possis, & petere quod non possis*. Eodem libro cap. 69. *Valde bona sunt precepta, si legitime his utamur: eo quippe ipso, quo firmissime creditur Deum justum & bonum, impossibilia non potuisse precipere, hinc admonemur, & in facilibus quid agamus, & in difficilibus, quid petamus. omnia quippe facilia fiunt caritati, cui unus Christi sarcina levis est*. Lib. de peccat. merit. c. 3. *Non praeceperet Deus aliquid, quod esset humana voluntati impossibile*. Eodem libro c. 6. *Dubitare non possumus nec Deum aliquid impossibile homini praecepisse, nec Deo ad opitulandum & adjuvandum, quo fiat, quod jubet, impossibile aliquid esse*. In psalm. 56. *Non imponeret hoc Deus ut faceremus, si impossibile judicaret*. Eadem habet serm. 9. de verb. Dom. Lib. de grat. & lib. arb. c. 16. Lib. de spir. & lit. c. 10. & 29. serm. 491. de tempore. Vides Nisani, quàm fallaciter scripseris: *Patres ex puriore antiquitate docuisse, legem Dei servari non posse?* Hoc illud est, quod in Arausicano Concilio cap. 25. Patres docuere his verbis: *Hæc etiam secundum fidem Catholicam credimus, quod accepti per Baptismum gratis, omnes baptizati Christo auxiliante & cooperante, quæ ad salutem pertinent, possint & debeant, si fideliter laborare voluerint, adimplere*. Celebratum hoc Concilium anno Christi DXXIX.



contra Pelagianos, docet Baronius, asserentes, legem Dei naturæ viribus impleri posse. Contrà Patres, id cum gratiâ Dei adjuvante fieri debere, sanxerunt. Eodem prorsus divino Spiritu Concilium Tridentinum sess. 6. c. 11. Contra hæreticos nostri sæculi decernit: *Nemo autem quantumvis justificatus, liberum se esse ab observatione mandatorum putare debet: nemo temerariâ illâ, & à Patribus sub anathemate prohibitiâ voce uti, Dei præcepta homini justificato ad observandum, esse impossibilia. nam Deus impossibilia non jubet, sed jubendo monet, & facere quod possis, & petere quod non possis, & adjuvat, ut possis. Cujus mandata graviora non sunt, cujus iugum suave est, & onus leve.*

Unum hic Nifanius objicit, idque vulgatum & centies confutatum, Legem videlicet perfectè impleri non posse: idque testimonijs Patrum primo probari vult: Gregorij lib. 5. Moralium c. 8. asserentis: *Ipsa justitia nostra ad examen divinæ justitiæ adducta, injustitia est.* Hieronymi deinde ad Critobulum: *Hoc quod proposuisti, posse hominem sine peccato esse, si velit, aut verum aut falsum est. Si verum est, ostende quis fuerit? Si falsum? quicquid falsum est, nunquam fieri potest.* R. I. Perfectio legis alia est, quæ excludit peccata mortalia, & hæc ab homine justificato cum gratia Dei servari potest, id quod Patres citati docuerunt. Alia est perfectio legis, quæ excludit peccata venialia, & hæc secundum ordinarium modum humanæ vitæ præstari non potest: quemadmodum Pelagiani falsò docebant, posse etiam viribus naturæ ita legem impleri, ut homo sine omni peccato, etiam veniali vivat. & hoc est, quod impugnat D. Hieronymus, & Concilium Tridentinum docet sess. 6. capite citato, hisce verbis: *Licet enim in hac mortali vita, quantumvis sancti & justī in levissima saltem & quotidiana, quæ etiam venialia dicuntur, peccata quandoque cadant, non propterea desinunt esse justī: nam justorum illa vox est & humilis, & verax: Dimitte nobis debita nostra. quod sit, ut justī ipsi eo magis se obligatos ad ambulandum in via justitiæ sentire debeant, quod liberati jam à peccato, servi autem facti Deo, sobriè, justè, & piè viventes, proficere possint per Christum.* **ESUM:** per quem accessum habuerunt ad gratiam istam. Et ratio manifesta est: quia finis Legis est charitas, amicitia cum Deo, & status gratiæ, quæ venialia peccata non tollunt. Hinc alij peccatum mortale simpliciter dicunt esse contra legem, veniale autem secundum quid; alij, mortale esse contra legem & finem legis, veniale verò præter legem.

Ita



Ita S. Thomas. Nec aliter illa, quæ ex D. Thomæ in cap. 3. ad Galat. adfers, intelligenda sunt, aut quæ ex cæteris fallaciter producis. Ut rectè moneat Pererius in cap. 7. ad Rom. in voce *perfectè* æquivocationem cavendam esse.

Objicit deinde ex Janfenio lib. 3. de Gratia c. 13. Nihil esse in S. Augustini doctrina certius, quàm esse præcepta quædam, quæ hominibus non tantùm infidelibus, sed fidelibus quoque & iustis volentibus & conantibus, secundùm præfentes, quas habent vires, sint impossibilia. R. Janfenio opponimus 1. Concilium Tridentinum suprâ relatum sess. 6. c. 11. *Nemo temeraria illa, & à Patribus sub anathemate prohibita voce uti debet, Dei præcepta homini iustificato ad observandum esse impossibilia.* 2. Opponimus auctoritatem Pij V. & Gregorij XIII. Pontificum, à quibus hæc Michaëlis Baij propositio damnata ordine 54. *Definitiva hæc sententia, Deum homini nihil impossibile præcepisse, falso Augustino tribuitur, cùm Pelagij sit.* Asserebat nimirum Bajus, Deum homini in natura lapsa præcipere impossibilia, quæ cùm Janfenij sit, damnata jam ante est in Bajo. 3. Opponimus sententiam Innocentij X. quæ hæc est: *Aliqua Dei præcepta iustis volentibus & conantibus, secundùm præfentes quas habent vires, sunt impossibilia, deest quoque illis gratia, qua possibilia fiant. Quam propositionem temerariam, impiam, blasphemam, & hæreticam pronuntiat.* Hæ Concilij & Pontificum sententiæ nobis satis sint. De cætero lege auctores, à quibus illæ quinque Janfenij propositiones ad amussim refutæ sunt.

Cætera, quæ injicis frivola, aut frigida, aut falsa sunt, nec digna quæ refellantur. tantùm hoc agis, ut horridam illam ac impiam Lutheri & novatorum doctrinam de *ἀδυναμία*, & impossibilitate, de libertate & obedientia legis, pallies; quærisque à Jesuitis hanc calumniam vobis imponi. Non hoc Jesuitæ tantùm faciunt, sed Concilium Tridentinum, & cum eo omnes Catholicæ Ecclesiæ doctores. Et quæ profers, tam involuta sunt & huius, & heterodoxa, ut nec ipse videaris intelligere quid dicas. Modò enim dicis, nos à legis obedientia non *in totum*, sed *in tantum* esse liberatos, & illud *in tantum* dicis intelligi debere, i. quoad *iustificandi ἀδυναμίαν, & impotentiam, supposito lapsus interveni.* Quasi verò hic agatur de justificatione primâ, quæ gratis fit per Sacramenta mortuo-

mortuorum, *Baptismus* videlicet, & *Pœnitentiam*: *Principium enim meriti non cadit sub merito*. At quæstio hic est. an homo iustus possit cum gratia divina servare mandata Dei, augere iustitiam, & mercedem vitæ æternæ accumulare. hoc vos pernegatis, secus quàm Catholica Ecclesia doceat. Sanè Christus ut consulere infirmitati & saluti hominum, Pœnitentiæ Sacramentum instituit, per quod è statu peccati homo rediret in statum gratiæ. & hoc Sacramentum vos lapsi sustulistis, ne redire possint in gratiam. Quomodo non ab lege absolvis homines, qui contra legem Christi doceo thæreses? 2. dicis vos liberatos esse à maledicto Legis. itane à maledicto Legis liberi estis, qui legem docetis non posse servari? & violatâ Lege omnia maledicta Legis trahitis in capita & damnationem hominum? 3. Dicis vos à rigore Legis liberatos esse, contrâ quàm Christus docet Matth. 5. v. 17. *Non veni solvere legem, sed adimplere*. In quo tu tamen maledictum Legis ponis, nescio quid infanius à te dici potuerit. Quid enim Christus ab eo versu usque in finem capitis aliud docet? quàm velle se præcepta naturalia & moralia absolvere, perficere, & exornare etiam addendo consilia, nova Sacramenta, & uberiores gratias, ipsamque deinde legem moralem, quam ordine explicat, supra iustitiam Pharisæorum multò exactiùs sanctiùsque, non solum quoad actus externos, sed internos servari? quæ si tu ad *maledictum* Legis & laxitatem mandatorum Dei trahere velis, *maledictus* sanè tu nobis Legis interpret es. Conclusio tua tandem hæc est. Lutheranis est libertas à lege, non licentia. Imò summa licentia vobis est: nam Baptismus ex doctrina Lutheri absolvit vos ab omni lege. Deinde iustificatio impletioque Legis ex doctrina Lutheri per solam fidem habetur, quæ facit ut nulla peccata, quantumvis enormia contra Decalogum, vobis imputentur. Et quæ non peccandi licentia ex hoc hæresis vestræ principio? Judæis exprobat S. Stephanus Act. 7. *Accepistis legem in dispositione Angelorum, & non custodistis*. Aut ut Apostolus ad Galat. 5. *Data vobis est lex ordinata per Angelos in manu Mediatoris*, nimirum Moysi. Nos ex ore & manu ipsius Christi veri Mediatoris accepimus legem, *qui melioris Testamenti est Mediator, quod in melioribus repromissionibus est sancitum* Hebr. 8. Et vos heterodoxi legem tam sanctè præscriptam, tam dilucidè à Christo & Apostolis explicatam, tot martyrum sanguine obsignatam, tot Sanctorum exemplis, & testimonijs confirmatam, non modò quod transgresso-

gressorum liberè violatis, sed quod hæreticorum est, impiè docetis, servari non posse. Nos cum S. Hieronymo in explic. Symboli, & S. Augustino serm. 191. *Execramur blasphemiam eorum, qui dicunt impossibile aliquid à Deo esse præceptum, & mandata Dei non à singulis, sed ab omnibus in commune posse servari.*

Relatis Patrum sententijs res poscit, ut & Caroli Magni judicium conjungamus, ad hunc enim provocatum est.

### *Caroli Magni judicium de observatione mandatorum Dei.*

**A**Dversarius nihil ex Caroli Magni testimonijs produxit, præter pseudo-Carolinos libros, nos igitur vera ex veris Carolinis constitutionibus sistamus. quando in Capitularibus Caroli Magni, & Synodis Carolinis nihil frequentius commendatur, quàm ut pueris & omnibus Christianis tradatur *oratio Dominica, Symbolum fidei, & lex Decalogi* à Deo præscripta, quæ fundamenta dicit esse Christianæ religionis; non ut speculativè sciantur, sed practicè exerceantur. Hinc Patres in Concilio Aquisgranensi anno Christi 789. habito, ordiendo à primo Decalogi præcepto, singula exponunt, quæ & Carolus observari voluit, diversisque ab eo legibus, in Capitularium libris confirmata reperias, gravissimis etiam pœnis in transgressores constitutis: ut tyrannum facere necesse sit Carolum Magnum, si quis dixerit leges à Deo præscriptas servari non posse, quas ille tam severis pœnis, & plerumque capitalibus supplicijs exegit. Pauca recitemus ex multis.

Lib. 6. Capitularium cap. 28. *Qui immolat dijs occidatur.* Et quæ non supplicia Francorum Annales in perfidos & perjuros toties Saxones, relapsosque à Baptismo ad idololatriam referunt? Quod deinde in Capitulari pro partibus Saxonix multo severius sancitur can. VII. *Si quis deinceps in gente Saxonum inter eos latens, non baptizatus, se abscondere voluerit, & ad Baptismum venire contempserit, paganusque permanere voluerit, morte moriatur.* Lib. 6. cap. 100. *Si quis quolibet modo blasphemiam in Deum jactaverit, ab Episcopo vel Comite ipsius pagi carcere mancipetur ad satisfactionem, & publicâ pœnitentiâ mulctetur.*

DDDD

Lib. 7.

Lib. 7. cap. 285. *Qui Mathematicos, Ariolos, Aruspices, raticinatio-  
res consulit, cum eo qui responderit, capite puniatur.*

Lib. 6. cap. 7. *Qui percusserit Patrem suum, aut matrem; morte mo-  
riatur.* Cap. 8. *Qui maledixerit Patri suo, vel matri, morte moriatur.*

Lib. 7. cap. 200. *Die Dominico à rurali opere, id est, ab aratro, vi-  
nea, sectione messis, excussione, alijsque servilibus censemus abstinendum; se-  
cùs qui fecerit, non in laicorum districtione, sed in Sacerdotis castigatione  
consistat.* Contrà jubet Carolus tot legibus, ad Missam & verbum Dei  
audiendum convenire.

Lib. 6. c. 1. *Quicumque effuderit sanguinem humanum, fundetur  
sanguis illius.* Cap. 5. *Qui hominem percusserit volens occidere, morte mo-  
riatur.* Cap. 26. *Maleficos non patiaris vivere.*

Lib. 6. cap. 36. *Qui machatus fuerit cum uxore alterius, & adulte-  
rium fecerit cum conjuge proximi sui, morte moriantur & machus & ad-  
ultera.* Cap. 32. *Homosidormierit cum muliere fornicando, vapulabunt am-  
bo* Lib. eodem c. 312. *Fornicatio laqueus mortis & puteus inferni, & vora-  
go perditionis dicitur, ac merito ob id punienda.*

Lib. 7. cap. 184. *Qui contra legem furtum perpetravit, secundum le-  
gem moriatur.* Lib. 6. cap. 113. *Si quis Ecclesiam per sacrilegium violave-  
rit, capitali sententiâ vindicetur.*

Lib. 6. c. 127. *Si quis Episcopo vel alijs ministris sancta Ecclesia inju-  
riam fecerit, jubemus eum tormentis subjici. Si sancta Oratoria, vel divi-  
na ministeria conturbaverit, vel Litaniam everterit, capitali supplicio  
subjaceat; si autem contumeliam tantum fecerit, tormentis, & exilio tra-  
datur.*

Lib. 6. cap. 325. *Sub pœna capitali, sacrilegia, adulteria, pradationes,  
vastationesque à quibuscunque fieri prohibemus. Nam ut sacra Scriptura  
ait: neque sacrilegi, neque adulteri, neque pradones, vel vastatores, qui sunt  
raptores, regnum Dei possidebunt. Quid verò de alijs Sacrilegijs Carolus?*

Lib. 6. c. 308. *Nullus, sicut Canones Ecclesiastici prohibent, Deo de-  
votam virginem, nullus sub religionis habitu consistentem, sive viduitatis  
continentiam professam, vel sui proximam generis & c. illicito connubio, aut  
vi, aut consensu accipiat conjugem. Quia nec verum poterit esse conjugium,  
quod à meliori proposito deducitur ad aeterius, & sub falsi nominis copulâ,  
incestivâ pollutione, & fornicationis immunditiâ perpetratur. Hoc verò  
nefas*

nefas si cuiuslibet sexus homines agere tentaverint, etiamsi nullus accusator sit, omni modis separati exilio perpetuo relegentur. Cap. 309. Scire vos convenit, quia blasphemiam Deo irrogat, qui cum Deo sacrata, vel cum velata femina se commaculat. Cap. 311. Sacrarum virginum violatores sacrilegi, & juxta Apostolum, filij perditionis esse noscuntur, quos Ecclesia meritò puniat. Cap. 319. Jubemus omnes scire, omnibusque populis Sacerdotes prædicare, atque sub pœna sacrilegij denunciare, quantum malum & quàm maximum flagitium sit cum Deo devotis fœminis, viduis, vel virginibus, sive cum velatis, sive cum Deo devotis, maximèque cum Sanctimonialibus, & sacratis Deo virginibus, vel viduis, tam in monasterijs, quàm extra commisceri. Nam hoc peccatum duplex esse, non dubium est. Quid ad hæc Lutherus veltet? Probabitne has Caroli leges, quibus damnatus antequam natus? verum, cum his alijsque Ecclesiæ legibus se obnoxium videret, cui mirum, quòd ad conscientiam quoquo modo sopiendam, hominem Christianum ab omni prorsus lege, tam divinâ quàm Ecclesiasticâ liberum pronuntiaret? Pleni sunt Capitularium libri de his sacrilegijs, de raptu, viduarum, sponсарum, conjugum, de cæteris vitijs, & flagitijs, in quæ tot pœnæ, & supplicia capitalia constituta sunt; qualia & in Capitulari pro partibus Saxonix à *Ferdinando Episcopo nostro Romæ* ex bibliotheca Vaticana allata, promulgataque legis, inter quæ etiam can. 111. hæc Caroli lex: *Si quis sanctum quadragesimale jejunium pro despectu Christianitatis contempserit, & carnem comederit, morte moriatur.* Et quis major despectus Quadragesimæ, quàm ex ea hæresin facere? docereque Christianos nullo hujus jejunij præcepto obligari?

Quid nunc tibi videtur Nifani? Liberumne Christianum hominem ab omni Lege censuit Carolus Magnus? aut legem servatu impossibilem docuit cum Luthero & novatoribus, qui tam severè in transgressores animadverti voluit? & tot præterea legibus ab Apostolis, Concilijs, & Patribus præscriptis, Clerum, Religiosos, & populum ad legem Dei conformavit? Non ob politicam, ut fingitis, disciplinam, sed ne ira Dei provocetur transgressione mandatorum Dei, æternæque salutis jacturam faciant prævaricatores. Hinc toties repetit illud Apostoli ad Galat 5. *Manifesta sunt opera carnis, &c. Quoniam qui talia agunt, regnum Dei non consequentur.*

## C A P V T IV.

*De V. præceptis Ecclesiæ, et Caroli Magni legibus,  
quibus adversus Lutheranos confirmantur.*

**P**Ræter Decalogi præcepta, quæ juris divini sunt, quinque sunt præcepta, omnibus Christianis communia, obligantque Christianos in conscientia. *Nam qui Ecclesiam non audierit, sit tibi sicut ethnicus & publicanus*, docet nos Christus Matth. 18. Hoc illud Cypriani & August. lib. 4. de Symb. c. 10. *Non habebit Deum patrem, qui Ecclesiam noluerit habere matrem*. Habet enim Ecclesia potestatem ferendi leges, ut quæ per eam immediatè præscribuntur, mediatè à Deo præscripta intelligantur: *Omnis enim potestas à Deo est*. Rom. 13. Accedit consuetudo universalis Ecclesiæ ab Apostolorum ævo traducta, quæ & ipsa legem fecit. Disertè Augustinus Epist. 86. ad Casulanum: *In his rebus, de quibus nihil certi statuit Scriptura divina, mos populi Dei, vel instituta Majorum, pro lege tenenda sunt*. Planius etiam Epist. 118. c. 1. ad Januarium: *Illæ quæ non scripta, sed tradita custodimus, quæ quidem toto terrarum orbe observantur, dantur intelligi, vel ab ipsis Apostolis, vel plenarijs Concilijs, quorum est in Ecclesia saluberrima auctoritas, commendata, & statuta retineri: sicuti quod Domini Passio, & Resurrectio, & Ascensio in calum, & Adventus de calo Spiritus sancti, anniversaria solemnitate celebrantur, & si quid aliud tale occurrerit, quod servatur ab universa, quacunque se diffundit, Ecclesia.*

Igitur I. Præceptum Ecclesiæ est de *Festis diebus servandis*, in quibus pars cultus divini & Christianæ religionis agitur. Inter festos autem dies, festum *Dominica* omnium inter Christianos antiquissimum est, idque ob mylterium, memoriamque resurrectionis Christi institutum est, ut Sabbato succederet, quando jus divinum poscebat, ut unus dies



dies hebdomadæ dicaretur cultui divino, & cærimonialia Legis veteris, in promulgatione novæ Legis, festo Pentecostes abrogata erant. Igitur cum jure divino præceptum, ut aliqui dies festi servarentur, nec certi dies jure divino determinati sint, necesse est, ut illa potestas determinandi penes Ecclesiam relicta fuerit: inter quos festos dies prima, ut diximus, est Dominica dies, cujus & Joannes 2. Apocalyp. meminit: *Ego Joannes fui in Spiritu in Dominica die.* Quare Augustinus lib. 22. de Civit. Dei. c. 30. *Dies Dominicus Christi resurrectioni consecratus est.* Et ferm. 251. *Dominicum diem Apostoli religiosâ solemnitate habendum sanxerunt.* Aëmbrosius ferm. 62. *Dominica nobis venerabilis & sollemnis est.* Ad hunc modum cæteri Patres, *Clemens* Can. 65. *Apostolor. Ignatius* Epist. ad Magnesianos, *Iustinus* Apol. 2. *Clemens Alexandrinus* lib. 7. Strom. *Origenes* hom. 7. *Athanasius, Hieronymus,* alijque ad Apostolicam institutionem referunt.

Præter hunc Domini diem, colit Ecclesia *Pascha, Natalem Christi, Pentecosten, Ascensionem,* ex eadem Apostolica institutione; præterea *Circumcisionem, Epiphaniam, Dominicam in Albis,* quorum frequens mentio apud antiquos Patres, quibus accessere festa *SS. Trinitatis, Corporis Christi, & Transfigurationis Domini.*

Demum celebrantur in Ecclesia Sanctorum dies, B. Virginis Deiparæ, Apostolorum, Martyrum, aliorumque Sanctorum, ex eadem Ecclesiæ auctoritate, quæ ab Apostolorum ævo hoscè servavit, uti constat ex Concilijs, & SS. Patribus, & praxi universalis Ecclesiæ. Ratio denique hujus fundata est in divinis Literis: instituuntur enim hi festi dies ad recolenda divina beneficia, quibus consummatio alicujus Sancti, & triumphus de diabolo, & accessio Civis ad sanctam Civitatem, aliaque ex Sanctorum meritis & gloriâ peraguntur. Neque Christi Ecclesiæ detrahi debet potestas, quam vetus Ecclesia habuit in festis diebus instituendis, unde pro temporum varietate, alij atque alij hujusmodi dies instituti sunt.

In hac Ecclesiæ doctrina, cultuque festorum, Carolum Magnum consentientem habemus. Nam Capitularium lib. 1. c. 164. ita Carolus præscribit: *Ha sunt festivitates in anno, quæ per omnia venerari debent: Natalis Domini, S. Stephani, S. Joannis Evangeliste, Innocentium, Octava Domini, Epiphania, Octava Epiphania, Purificatio S. Mariæ, Pascha dies*

DDDD 3

octo,

oſto, *Litania Major*, *Aſcenſio Domini*, *Pentecoſte*, *S. Joannis Baptiſtæ*, *Sancti Petri & Pauli*, *S. Martini*, *S. Andreae*, de *Aſſumptione ſanctæ Mariae interrogandum relinquimus*. Lib. 2. Capitularium multo exactius hi dies feſti præſcribuntur: additurque *Aſſumptio B. Virginis*, aliique *Martyrum* dies celebrandi. Libro deinde 6. Capitularium, rurfum hi dies decernuntur, interque hos feſtum *Aſſumptionis B. Virginis*. Pari modo recensentur decernunturque feſti hi dies in Concilio Moguntino Can. 36. & 37.

His poſitis à Lutheranis primùm requirimus: quare diem *Dominicum*, quare *Pascha*, *Natalem Chriſti*, *Pentecoſten*, *Aſcenſionem*, cæterosque dies feſtos Domini, Chriſtiſque nobiſcum ſervent? quæ nulla expreſſe Scriptura jubet ſervare, aut à Chriſto inſtituta memorat; ſed tota illorum celebratio cultusque à Concilijs, & Patribus refertur vel ad Apoſtolicam ordinationem, vel Eccleſiæ inſtitutionem, vel ad Traditionem ab Apoſtolis, & primorum ſæculorum uſu cultusque deductam? Hic abire illos neceſſe à falſo ſuo *principio*, quo docent, nihil ſervandum colendumque, niſi quod expreſſe Scriptura præſcribit: Ut vel hi feſti dies illis abrogandi, aut nobiſcum ad Eccleſiæ inſtitutionem ac Traditionem recurrentum ſit: quibus tamen nihil cum Auguſtinâ confeſſione & Apologia magis deteſtabile, quàm *Traditio Eccleſiæ*. Quo deinde expreſſo verbo Dei demonſtrabunt, Sabbathum commutatum in diem Dominicum? aut Paſcha, Natalem Chriſti, Aſcenſionem, Pentecoſten, cæterosque feſtos dies Chriſtiano ritu ſervandos, colendosque eſſe? Par eſt ratio de antiquiſſimis Sanctorum feſtis, ut B. Virginis, & Apoſtolorum, & Martyrum, quæ ex eadem Eccleſiæ auctoritate inſtituta ſunt. Nam cui credibile, Apoſtolos ſuos poſt obitum dies feſtos mandaſſe celebrari? Calviniſtæ, etſi aliquanto conformiùs ſuis hiſce iſdem principijs agant, dum feſtos Sanctorum dies abrogant; ſi tamen rogentur, cur diem Dominicum, cur Natalem Chriſti, Paſcha, Pentecoſten, & Chriſti feſtos dies celebrent cum Catholicis? ad inſtitutionem Apoſtolicam, ordinationem Eccleſiæ, & Traditionem recurrentum eſt. Contrà Lutheranis, ſecus quàm Calviniſtæ, feſtos Apoſtolorum dies, feſta quædam B. Virginis, & Michaëlis Archangeli celebrant, quanquam non uno modo, alibi integrè feſti, alibi ex parte, permiſſo etiam opere ſervili, ſenſumque ad Calviniſtæ deſcedunt: quemadmodum exutis ſacrorum veltibus,

ſubmo-

submotis cereis & luminibus, alijsque Lutheranae Augustanae confessionis ritibus proscriptis, alij aliter hæc pro arbitrio servant. Hinc videas Nisanium eodem habitu, eodemque pallio nigro Bifeldia, quo Calvinianum Ministrum, sacris operari, festosque dies Sanctorum abrogasse, ut sensim Lutherus in Calvinum transformetur. cum universalem, quam audiant, Matrem Ecclesiam non habeant; omniaque hæc in potestate Magistratus cujusque politici, & arbitrio prædicantur posita sint. Sanè nec Carolum Magnum, nec quæ Caroli Magni ætate fuit Ecclesiam, hoc cultu religionis sequuntur.

II. Præceptum Ecclesiæ duo jubet: Nimirum ut festis diebus omnes intersint sacrificio Missæ; deinde ut vacent ab opere servili. Utrumque ex antiquis Concilijs & Patribus assertum habemus. *Agathense* enim Concilium ante mille annos in Gallia habitum cap. 47. sic præscribit: *Missas die Dominico secularibus totas audire speciali ordine precipimus, ita ut ante benedictionem Sacerdotis nemo egredi præsumat: quod si fecerint, ab Episcopo publicè confundantur.* Quæ etiam verba Legis hujus, cap. *Missas*, de Consecrat. dist. 1. decernuntur. Idem statuitur in *Laodiceno* Concilio ante MCC. annos c. 29. In *Aurelianensi* Can. 27. In Concilio Generali *Constantinopolitano* VI. Quod can. 8. jubet die Dominicâ audire sacrum, & nulla opera corporalia seu servilia fieri. Azorius lib. 7. Instit. cap. 1. ab exordio nascentis Ecclesiæ hanc Legem invaluisse censet, tam consuetudine, quàm ex præscripto canone Apostolorum, qui in cap. *Omnes fideles*, de Consecrat. dist. 1. recitatur: *Omnes fideles, qui conveniunt in Solemnitatibus sacris ad Ecclesiam, & scripturas Apostolorum & Evangelistarum audiant; qui autem non perseveraverit in Oratione, usque dum Missa peragatur, nec sanctam Communionem percipiunt, velut iniquæ consuetudines Ecclesiæ commoventes, convenit communionem privari.* Quemadmodum hosce ritus nascentis Ecclesiæ, conventusque ad mysteria, multis describit *Iustinus* Apolog. 2. *Palladius* in historia Lausiaca cap. 69. *Hieronymus* in Vita Paulæ, aliique Patres.

Caroli Magni leges hîc si consulamus, nihil testatiùs desiderari potest. Capitularium lib. 1. cap. 81. *Statuimus quoque, secundum quod & in lege Dominus præcepit, ut opera servilia diebus Dominicis non agantur, sicut & bona memoria Genitor meus in Synodaliibus edictis mandavit; sed ad Missarum solemnias, ad Ecclesias undique conveniant, & laudent Deum pro omnibus*

nibus bonis, quæ nobis in illo die fecit. Eadem prorsus legis in constitutionibus Caroli Magni, lib. 5. Capitularium cap. 188. *Si quis die Dominico opera servilia fecerit, ab ipsis Sacerdotibus pœnitentiam juxta modum culpe accipiat, quod & in præcipuis festivitatibus observari placuit, quod si Sacerdotes eos corripere nequiverint, tunc à judicibus ad Sacerdotes adducantur, eisque obedire in omnibus faciant.* Capitularium lib. 7. c. 202. *Ante Missam expletam nemo egredi præsumat.* Addit. IV. c. 40. *Populus non ante discedat, quàm Missa solemnitas compleatur.* Lib. 5. cap. 220. *Omnis Presbyter die Dominico cum psallentio circumbeat Ecclesiam, unà cum populo, & aquam benedictam secum ferat.* Ad hunc modum in Concilio Moguntino, Turonensi, cæterisque Concilijs Carolinis nihil frequentius commendatur, quàm Missarum solemnia cum omni attentione & pietate frequentanda esse. Quod & in Capitularibus Theodulphi legas: adeoque Carolus in hoc sollicitus, ut Episcopos & Sacerdotes caltra sequi voluerit, qui Missarum solemnia peragerent, ne milites dies festos sine sacrificio Missæ transigerent, quemadmodum hæc suprâ relata sunt. Longum & supervacaneum hic singula referre. Adde Caroli Magni exemplum, quem nec diem Dominicum, nec festum ullum prætermisisse constat, quin sacrificio Missæ interfuerit, ut vel inde Francorum Annales tam diligenter memorent loca, ubi Natalem Christi, ubi Pascha, ubi Pentecosten peregerit, & Romæ Pontifici celebranti, sacrificio Missæ, toties altari adstiterit: atque si publicè non vacaret interesse sacris cum populo, aderant in aula Episcopi & Sacerdotes, parata erat Capella domestica cum omni sacrificiali ornatu ad quotidianum etiam Missæ sacrificium. Et cui credibile, ut quas alijs leges præscripserat, ipse prætermitteret?

Hic verò etsi Lutherani die Dominico, cæterisque festis diebus ab opere servili utique vacent, Ecclesiam frequentent, sacrum exercitium, cœnamque ritu suo peragant, & quàm proximè inter omnes novatores Catholicis accedant, nullum tamen verum religionis sacrificium Ministri Deo offerunt: ideo nec ad sacrificium Missæ conveniunt, eò quod Sacerdotes non sint, nec Episcopos habeant, à quibus Sacerdotes consecrari possint, uti suprâ toties demonstratum. Quod cum Lutherus primum abrogavit in Ecclesia, ideoque novos & inauditos ritus subrogare, Liturgiæ libros, Canonem Missæ, & consecrationis formam tollere



Iere necesse habuerit; consequens est, populum singulis Dominicis festisque diebus vero & præstantissimo religionis cultu, fructuque sacrificij defraudari. Nam quod Lutherani retinent exercitium sacrum, id sicca tantum Missa est, qualis in navibus sine consecratione & oblatione hostiæ peragi solet, vellectâ tantum Epistolâ, Evangelio, & alijs quibusdam orationibus. quam deinde Calvinistæ & alij novatores ad plebeios psalmos contraxere, in quibus nihil præter umbram & larvam Sacrificij relinquuntur populo: atque ut hanc imposturam tegant, (quod est iniquissimum) Catholicos artolatriæ & idololatriæ reos faciunt, quod sub specie panis & vini Christi corpus & sanguinem in Sacrificio Missæ adorent. Et cum sub Carolo Magno, ejusque ætate non alio cultu religionis sacrificium Missæ peractum sit, consequens deinde est, Carolum Magnum ab una idololatria barbararum gentium, Saxoniam ad aliam idololatriam Christiano hominæque detestabilem traduxisse. id licet nefas sit Christiano homini cogitare, Prædicantes tamen populo persuadere possunt. Tantum in mysterijs Ecclesiæ operatur mysterium iniquitatis. *O pastor & odolum!* (clamat Zacharias Vates) qui hæc doces, quam rationem dabis supremo judici?

III. Præceptum Ecclesiæ est de *Jejunio*. inter hæc verò primò est jejunium Quadragesimæ, deinde Quatuor temporum, post vigiliarum certarum, aliæque de quibus Bellarminus & scriptores passim. Fundamentum hujus præcepti rursus est in potestate Ecclesiæ ferendi leges. & hæc potestas rursus fundata est in Scriptura, deinde in Traditione, Concilijs, Patribus, & praxi totius Ecclesiæ Catholicæ. Ut quemadmodum Ecclesia festos dies, & in his Sacrificium Missæ, vacationemque ab opere servili, ita certa jejunia certis legibus præscribere potuerit. Quibus constitutis, refelluntur simul omnia quæ hæretici hæc obijciunt, cum Ecclesia universalis in decretis fidei & morum errare non possit; & ut hujusmodi leges ferat, potestatem acceperit à Christo: Ut quemadmodum vetus Ecclesia, ita quoque Christi Ecclesia sua jejunia ad fructum bonorum operum & cultum religionis haberet. *Bona est*, inquit Angelus ad Tobiam, *oratio cum jejunio & elemosyna*. Ac cæteris prætermisiss, id vel ex uno Quadragesimæ jejunio, quod novatores cum cæteris Ecclesiæ jejnijs proscripserunt, evidens est I. Ex Canone Apostolorum, II. Ex Concilio Nicæno can. 5. Laodiceo can. 49. III. Ex SS.

E E E E

Patri-

Patribus, quorum nullus est tam inter Græcos, quàm Latinos Patres, ut Bellarminus docet, qui non Quadragesimæ aut jejuniij Christianorum, vel ab eo ipso Apostolorum ævo meminerit, quos ille lib. 2. c. 14. longâ serie recitat, haud secus, quàm alij scriptores. Ex his unum alterumve sistamus.

*S. Ignatius ex Christi discipulis, ad Philip. scribit: Jejunandam esse à fidelibus Quadragesimam, quia imitationem continet conversationis Dominicæ. Ambrosius serm. 34. Quisquis Christianus jejunando non impleverit Quadragesimam, pravaricationis & contumaciæ reus tenebitur. Serm. 26. & 34. Quadragesimam nobis Dominus suo jejunio consecravit. Hieronymus Epistola ad Marcellin. Nos unam Quadragesimam, secundum traditionem Apostolicam, tempore nobis congruo jejunamus: Non quòd & per totum annum, exceptâ Pentecoste, jejunare non liceat, sed quòd aliud sit necessitate, aliud voluntate munus offerre.*

*S. Augustinus serm. 62. de Tempore: Alijs diebus jejunare remedium est, aut præmium; in Quadragesima non jejunare, peccatum est. Serm. 69. de Tempore: Sanctum ergo & sacratum Quadragesima tempus, quod statim ab initio cepit justos ab injustis discernere, bonos à malis, Gentiles à Christianis, & fideles ab hæreticis separare. Quæ deinde S. Augustinus scribat de Quadragesimæ mysterijs leges serm. 69. citato Lib. 2. de doct. Christ. c. 16. Lib. 1. Quæst. super Gen. 169. Lib. 2. de consensu Evang. c. 4. Tract. 17. in Joannem. Quæ præterea de ciborum delectu pertractet, leges lib. 30. contra Faustum c. 5. Lib. 1. de morib. Eccles. Cath. c. 3. Lib. 2. de morib. Manichæorum c. 13. Concilio Carthag. 4. cap. 8. cui Augustinus interfuit. Demum ita Augustinus Epist. 86. ad Casulanum: Ego in Evangelicis & Apostolicis literis, totoque Instrumento, quod appellatur Testamentum novum, animo id revolvens, video præceptum esse jejunium. Eadem Epistolâ addit de jejuniij tempore: Christianos nempe nec die Dominicâ, nec à Paschate ad Pentecosten solère jejunare. Quapropter inquit: Quibus autem diebus non oporteat jejunare, & quibus oporteat, præcepto Domini vel Apostolorum non invenio definitum. Igitur sicut Ecclesia Quadragesimæ tempus ante Pascha, ita cæteros jejuniorum dies ex causis, de quibus Concilia & Patres, determinavit. Tanta verò Christianorum primis sæculis in servandis jejnijs fuit religio, quantus in omnibus alijs fervor eorum posteriores ætates superavit, etiam Justiniani*



niani Imperatoris tempore, qui cùm ob ciborum inopiam macella aperiri permisset, nullus tamen Christianorum carnes emere vilus, uti hæc Nicephorus lib.1. Hist.cap.32. perhibet. Longum per hujusmodi exempla & testimonia antiquitatis ire, quanquam in his satis esse possit. Novatores in causa sua non alios habere Patronos constat, quàm antiquos hæreticos, Eustathianos videlicet, Aërianos, à quibus jejunia Ecclesiæ damnata. quos cùm Epiphanius hæresi 75. oppugnarit, & Ecclesia damnarit, novatorum nostrorum causa cum his simul prædamnata est. Nunc Carolus Magnus accedat.

### *Caroli Magni leges de jejunio Ecclesiæ.*

**I**N Capitulare lib.1. c.48. ita primùm sanxit: *Ecclesiastica à Sacerdotibus jejunia constituta, sine rationabili necessitate non solvantur.* Quod & in Aquisgranensi Concilio Can.48. & in Carolinis Constitutionibus lib.2. c.7. *Omnes laicos monemus, ut honorem Ecclesiasticum conservent, & dignam venerationem Episcopis, & Sacerdotibus exhibeant, & ad eorum predicationem cum suis devotè concurrant, & jejunia ab illis communiter indulta, reverenter observent, & suos observare doceant, & compellant.*

Lib.5. cap.86. *Constituimus, ut quatuor anni tempora ab omnibus cum jejunio observentur, id est: in Mense Majo, hebdomadâ primâ, feriâ IV. & VI. & Sabbato veniant omnes ad Ecclesiam horâ nonâ, cum Litanij ad Missarum solemnias. Similiter in mense Junio, hebdomadâ secundâ, feriâ IV. & VI. & Sabbato jejunetur usque ad horam nonam, & à carne ab omnibus abstineatur. Similiter in Mense Septembri hebdomadâ terciâ, & in Mense Decembri hebdomadâ qua fuerit plena ante Vigiliam Natalis Domini, sicut & in Romana Ecclesia traditum est.* Vides, ut Carolus omnia ad morem & institutum Romanæ Ecclesiæ conformare voluit. Eadem prorsus habes in Concilio Moguntino can.34. Eadem præcipiuntur lib.6. Capitulare c.105. *Magnam curam habeant, ut quatuor temporum jejunia à fidelibus diligenter custodiantur.* Lib.7. Capitulare cap.98. *Jejunium quatuor temporum & ipse Sacerdos observet, & plebi denuntiet observandum.* Lib.5. rursum cap.87. *Quod si quis inditum jejunium superbiendo contempserit, & observare cum cæteris Christianis noluerit,*

in Gangrensi Concilio præcipitur, ut anathematizetur, nisi emendare se studeat.

Lib. 6. Capitularium cap. 18. Jejunium XL. dierum ante Pascha præscribitur, Quadragesimæ videlicet jejunium, & præter hoc 40. dierum jejunium ante Natalem Christi, & post Pentecosten. & quamvis posteriora Canonica auctoritate destituantur, propter consuetudinem tamen plebis, & parentum suorum morem, observanda duxit.

Capite eodem: *Præter hæc legitima tempora jejuniorum omni feria VI. propter Passionem Domini jejunetur: sed & Sabbati dies à plerisque, quod in eo Christus jacuit in sepulchro, jejunio consecratus habetur.*

Carolus Magnus Epistolâ ad Faltradam Reginam & conjugem, quæ habetur tom. 28. Conciliorum Regiorum, scribit se cum exercitu ob victoriam contra Avaros in Ungaria, ex consilio Sacerdotum tribus diebus fecisse litanias cum abstinentia à vino & carnibus, quod idem à Faltrada Regina petit fieri. Idem Carolus Epistola ad Ottam Regem Merciorum acerbè perstringit, & accusat legatum Presbyterum Scotum ad se ex Britannia missum, quod carnes comederit in Quadragesima: ob quam infamiam Sacerdotes in Francia non sunt passi amplius apud se manere, ideoque ad Regem remittit judicandum & puniendum. Sed longè graviora sanxit ipse Carolus: Nam in Capitulatione pro partibus Saxoniarum, quæ habetur in Monumentis Paderbornensibus *Ferdinandi* Episcopi nostri, ab eoque ex Bibliotheca Vaticana primùm in lucem producta fuit, ita Carolus Capitulationis lege III. *Si quis sanctum Quadragesimale jejunium pro despectu Christianitatis contempserit, & carnem comederit, morte moriatur. sed tamen consideretur à Sacerdote, ne forte causâ necessitatis hoc cuilibet proveniat, ut carnem comedat.* Tam sanctè, & rigidè Carolus Magnus Quadragesimæ jejunium à Saxonum gente recens ad Christi fidem adducta, servari voluit. Quale judicium nunc pronuntiaret Carolus adversus Saxones nostros, Quadragesimalis jejuniij contemptores? quale adversus Prædicantes, qui Aërij hæresin resuscitando populum Saxonicum ab omni jejunio Ecclesiastico absolunt? Sanè si Carolo vivo hæc docuisses Nifani, quæ modò Bilsfeldiæ doctes ex pseudo-Episcopi munere, de capite tuo tibi periclitandum fuisset. Facile nunc prætermitto, quæ de Quadragesima, & jejnijs Ecclesiasticis Carolinæ Synodi, Additiones Ludovici Pij ad Capitularium libros, Annales Franco-

Francorum toties memorant, ad quæ referas Capitulare Theodulphi can. 37. *Ipsa Quadragesima cum summa observantia custodiri debet.* Aut quod in Epitome Canonum ab Hadriano Pontifice ad Carolum Magnum transmissa, receptaque per Franciæ regnum can. 49. præscribitur: *Nul- lus Quadragesimale jejunium solvat.* Quibus ad cætera collectis, nihil evidentius est, quàm Carolum Magnum Lutheranum non fuisse, qui ad Romani Ecclesiæ formam, & fidem, omnia per Franciæ regnum quàm religiosissimè componi servarique ordinavit.

IV. Ecclesiæ præceptum de *Confessione* peccatorum quotannis se- mel faciendâ. Id etiam in concilio Generali Lateranensi sub Innocentio III. latum sit, ut quicumque vir, sive fœmina fidem & religionem pro- fessus, ususque rationis compos, semel saltem in anno confiteatur pro- prio Sacerdoti, & inunctam poenitentiam totis viribus implere studeat, ut refertur in cap. *Omnis utriusque* de Poenitent. & Remiss. additâ etiam poenâ: *Alioquin & vivens ab ingressu Ecclesiæ coercetur, & moriens Ec- clesiasticâ sepulturâ careat*: Caroli tamen tempore usus & consuetudo fidelium obtinuit, ut festo Nativitatis, Paschatis, & Pentecostes, alijsq; ce- lebrioribus festis, confessionem facerent, & Eucharistiam sumerent: ut multis Caroli constitutionibus & Synodis constat, quibus ad frequentes confessiones peccatorum hortatur, ut Lib. 1. Capitularium c. 82. Lib. 7. c. 301. Eodem Lib. c. 294. Addit. 3. Ludovici Imp. c. 29. & 31. Tantus adhuc tum fervor erat Christianorum in frequentia confessionis, ne de- creto annuæ confessionis opus esset, uti in Capitularibus Theodulphi can. 4. singulis diebus Dominicis Quadragesimæ confessio & commu- nio commendatur.

V. Præceptum Ecclesiæ est de Eucharistia in Paschate sumenda, quod sub eadem poena, quâ confessio in Lateranensi Concilio decretum, referturque cit. cap. *Omnis utriusque* de Poenit. & Remiss. Olim Chri- stiani primis nascentis Ecclesiæ temporibus quotidie sacrum corpus Christi suscipiebant, ut testari videtur Anacletus Epistola 1. referturque c. *Episcopi* de Consecrat. dist. 1. Postea Fabianus Papa præcepit, ut ter minimum in anno susciperent, nimirum in Natali Domini, in Paschate, & Pentecoste, in cap. *Et si non frequentius*, de Consecrat. dist. 2. Idem in Turonensi can. 50. sub Carolo Magno præceptum, nempe ut *laici ho-*



*minister in anno* communicent, ex quibus terna etiam confessio deducitur. Sed de his suprà actum est.

Ex his igitur postremis Ecclesiæ præceptis, non frequentiam à Lutheranis requirimus, sed proprium Sacerdotem, qui veram *potestatem Clavium* habeat, & veram potestatem consecrandi corpus Christi: & cum in neutro divino præcepto satisfaciant, nec veros Sacerdotes ecclesia Lutherana habeat, consequens est, nec præcepto Ecclesiæ satisfieri posse, ac populum tam Sacrificio religionis, quàm Sacramentis defraudari. Interim nummus Confessionis, oblationesque, cæterique ex eorum administratione proventus cedunt tam largè Prædicantibus, quàm Catholicis Pastoribus. Et quæ ex his prosperitas, nisi ut mortuis Prædicantibus, filiorum hæreditas passim sit domestica paupertas. Ita verò

*De male quæsitis, non gaudet tertius haeres.*

## C A P U T V.

*An Christus secundum humanam naturam sit filius Dei adoptivus?*

**D**Uas nobis controversias movet Nifanius cum suis novatoribus ex Concilio Francofurtensi, quod agente Hadriano Pontifice, & præsentè Carolo Magno, sub annum Christi 784. à CCC. Episcopis est celebratum. Prima controversia est de Filio Dei adoptivo, ex hæresi *Felicii Urgelitani*, & *Elipandi Toletani* Episcopi, quæ in hoc Concilio damnata est. Altera est de adoratione & cultu Imaginum. De prima agam primò. Quæ in re primò certum est, Deum habere filios adoptivos: Rom. 8. *Accepistis Spiritum adoptionis filiorum.* Ad Gal. 4. *Ut adoptionem filiorum reciperemus.* Ita S. Thom. q. 23. Quæstio nunc est, an Christus sit Filius Dei adoptivus? Certum verò est, hanc Felicii & Elipandi hæresin in hoc Concilio damnatam esse. quod primùm constat ex libro Sacrosyllabo Episcoporum Italiæ, ex Synodica Episto-

Epistola Concilij ab Episcopis Galliarum & Germaniarum, ex Epistola Caroli Magni ad Episcopos Hispaniarum; deinde ex ipso Concilio Francofurtensi. Ita enim Canon. 1. Concilij: *Ubi in primordio Capitulorum exortum est de impia & nefanda hæresi Elipandi Toletani sedis Episcopi, & Felicii Orgelitani, eorumque sequacibus, qui male sentientes in Dei Filio asseriebant adoptionem, quam omnes, qui supra sanctissimi Patres, & respuentes unâ voce contraxerunt, atque hanc hæresin funditus à sancta Ecclesia eradicandam statuerunt.*

Hanc damnatam Elipandi hæresin Nifanius Catholicis per calumniam affingit, tanquam à Concilij, & Caroli doctrina discesserint, quæ mera calumnia est. Durandus quidem, & pauci cum eo Scotistæ senserunt Christum ut hominem, posse dici filium Dei adoptivum, seu quòd nulla hujus definitionis cognitio illis fuerit; quòdque acta hujus Concilij à Surio primùm Anno 1567. edita fuerint, seu quòd definitionem Concilij aliter explicandam censuerint, accedente Patrum quorundam auctoritate, quos inter Irenæus lib. 3. c. 21. Victorinus lib. 3. contra Candidum Arianum; nec rationes deessent plausibiles.

Verùm communis semper Catholicorum doctrina fuit, cum S. Thoma q. 23. art. 4. Christum nullâ ratione posse vocari Filium Dei adoptivum, quantumcunque addatur *ut homo*. Ratioque fuit eadem, quæ à Concilio Francofurtensi, & ab Hadriano Pontifice redditur: quod qui adoptatur debeat esse alienus, & extraneus, saltem in gradu ad quem assumitur; Christus verò, quâ homo, non est Deo extraneus, sed *proprius*, ac planè *suus*, & quidem in gradu *filiationis*, ut Theologi exponunt. Nec aliter jus Civile docet in Pandectis & Instit. de Adop. eò quòd adoptio sit assumptio alieni filij, qui verè filius non est, sed persona extranea: Est enim adoptare, *quasi optare ut sit, quod per naturam non est*. Hæc Catholicorum assertio præterea sumitur ex Concilio Arausicano, quod circa finem sic habet: *Quid est adoptio nisi caritatis copulatio? quâ Pater adoptione sibi copulat Filium, quem proprium non habet*. Idem legis in libro *Sacrolyllo*, qui in Concilio Francofurtensi oblatus, & approbatus est: Porro, inquit, *adoptivus dici non potest, nisi is, qui alienus est ab eo, à quo dicitur adoptivus*. Cum ergo Christus non sit alienus à Deo, sed per intimam unionem ei conjunctus, non potest dici Filius adoptivus, quæ vox necessariò importat negationem conjunctionis substantialis cum ad-

optan-

optante. Unde in eodem libro dicit Concilium: *Carnem ineffabiliter ex virgine assumpsit, non adoptavit.*

Igitur hæ duæ propositiones in Concilio videntur damnatæ: *Christus homo est Filius Dei adoptivus.* Deinde hæc: *Christus ut homo, non est Filius Dei naturalis.* Elipandus enim, & Felix, ac ceteri ejus sectæ, non negabant Christum esse Filium Dei naturalem, sed dicebant hoc illi competere ut Deo, non verò ut homini, sub hac enim conditione dicebant ipsum esse Filium adoptivum. quæ apertè ostendunt, hosce hæreticos fuisse in re Nestorianos, & Christum divisisse in duas personas, creatam & increatam, dum in eo constituebant duos filios, *naturalem, qui ipsi competit ut Deo, & adoptivum, qui ei dein tribuitur ut homini.*

Verùm utrumne hanc propositionem, *Christus in quantum homo est Filius adoptivus,* damnavit Concilium, lis est inter auctores. Affirmat Vasquez, & qui cum illo sentiunt; negat Suarez, & qui cum eo faciunt Scholastici. Interim uterque convenit hanc propositionem esse falsam. in quo sensu damnata sit, disceptant: præsertim cum Suarez disp. 49. Sect. 3. & ex eo Severinus Binius in notis ad Concilium Francofurtense scribat: etsi Felicianæ hæresis ab Hadriano & Concilio Francofurtensi damnata sit, tamen non satis constare, qualis illa in particulari hæresis fuerit. Accedit, quod præter *naturalem, & personalem* filiationem, quâ Christus secunda persona Trinitatis constituitur, præterque filiationem fundatam in unionem hypostaticam, tertia filiatio sit fundata in gratia habituali & sanctificante, quâ homines dicuntur filij adoptivi. Hanc verò gratiam Christus habuit ejusdem rationis, cum eâ, quæ est in hominibus: quo modo nonnulli opinantur Christum dici posse Filium adoptivum, secus quàm Suarez disp. 49. Sect. 4. Vasquez disp. 89. alijque sentiunt.

Altera similiter propositio: *Christus in quantum homo, non est Filius Dei naturalis,* plus difficultatis habet in modo explicandi: etsi ea communis Doctorum Pontificis, & Concilij. Nam uti ex eâ negatur, Christum esse Filium Dei adoptivum secundum humanam naturam, ita ex eadem asseritur Christum ut hominem esse filium proprium & naturalem: quemadmodum ad Rom 8. dicitur: *Proprio filio non pepercit, sed pro nobis omnibus tradidit illum.* Difficultas ex eo nascitur, quòd Filius naturalis sit, qui per naturalem generationem à Patre procedit, *qua est origo vi-*  
ventis



*ventis à vivente, conjuncta in similitudinem naturæ.* Triplex hîc Theologorum sententia in modo explicandi. Una Suarez disp. 49. sect. 1. & 2. à quo respectu generationis divinæ & æternæ hæc analogica dici possit. Altera Petri Hurtado disp. 83. Tertia Basilij Legionensis tom. 1. variarum disp. relect. 4. Lugonis disp. 31. Wadingi disp. 11. Alberti Magni, Capreræ, Lorcamî & aliorum. Hîc nobis Nifanius, qui in priori propositione de Filio adoptivo tantum se Theologorum censorem obtulit, suum judicium interponat; & rem, quæ ex definitione Concilij, & Patrum indubitata est, explanet: ut ex Lutherana Theologia & subtilitate, Catholicis lumen affundatur, intelligamusque, quo nimirum modo Christus *ut homo* dici possit ac debeat Filius Dei naturalis. Hîc tu eâdem fraude posses nobis ex diversis Scholasticorum sententijs calumniam imponere, & dicere, Catholicos negare Christum, quâ homo est, esse Filium Dei naturalem. At non est satis id dicere, neque sententias Catholicorum Doctorum coacervare, nisi singulorum sententias refellas. & longè aliquid subtilius & sapientius reponas, expectamus hoc tandem à te tanquam à Doctore novo, qui omnium Catholicorum Doctorum Aristarchum te ubique jactitas. Sed vide, ne quid ex plebeja tela hîc intexas, quod textorem magis Bilsfeldiensem, quàm Theologum sapiat.

Alterum quod objicit, est de adoratione Christi, ubi duæ rursum quæstiones, quas Nifanius confundit Prima est. An Christus, *quâ homo*, sit adorandus cultu latriæ? & communis Theologorum doctrina est, Christum *quâ hominem*, seu ipsam Christi humanitatem simul cum Verbo adorandum cultu latriæ: videturque definita in Concilio Alexandrino hiscè verbis: *Unus intelligitur Jesus Christus, Filius unigenitus, qui una adoratione propria cum carne adoratur.* Idem apertè docet S. August. serm. 58. Et ratio redditur: Quia quod habet excellentiam divinam & increatam, est latriâ propriè dictâ colendum; atqui Christus, quâ homo, sive humanitas Verbo unita, habet talem excellentiam, ut multis exponunt Theologi contrà Alexandrum & Paludanum: Ergo. Altera quæstio est, quam Nifanius videtur movere: An humanitas Christi conceptu præcise separata à Verbo, & considerata cum donis creatis supernaturalibus excellentis gratiæ & gloriæ, aut etiam modi unionis, ut est distincta realiter à Verbo, cultu hyperdulæ adorari possit? Afferit id D. Thom. art. 2. in corp. Suarez, & alij. Et ratio datur: quia in his excel-

FFFF

lentia

lencia creata est objectum formale, quæ pertinet ad inferiorem cultum, quàm patriæ sit. Quid nunc in hisce, & alijs Catholici docent contra naturam Christi, in quo tantoperè exultas Nisani? Posses totum tractatum de Incarnatione Christi percurrere, & ex illo per fallacias tuas colligere Theologorum sententias, in utramque partem disputantium de quæstionibus intra Scholasticorum limites agitis. Et quid efficies? nisi ut inscitiam & stultitiam tuam prodas? Bellarminum ex his maximè præ alijs traducis, sed oportebat te ejus librum prius legere, quem contra librum *Concordiæ* vestræ scripsit, ut ex eo disceres, quàm impiè Lutherani sentiant de natura Christi. Transis deinde ad quæstionem de ubiuitate, de communicatione idiomatum, de officio Mediatoris, quæ passim à Jesuitis secus, quàm ante doctum fuerit in Ecclesia, immutata calumniaris, postquam nova Lojolæ soboles post Concilium Tridentinum, longè aliam doctrinam commenta est, & in Ecclesiam introduxit. Quasi verò præter Jesuitas ex Clero, atque ex omni religiosorum Ordine non æquè celebres & sapientes sint Theologi, qui scriptis suis doctrinam Catholicam illustrarint; quasque viri illi docti, si quid in Jesuitarum scriptis contra Catholicam veritatem esset, non animadverterent, præter solum *Nisanium*, novam inter Theologos Lutheranorum *Aquilam*. Aut quæ nova illa Jesuitarum doctrina, quam non illi antiquæ SS. Patrum Theologiæ in omnibus conformem tradunt? De vestra id doctrina dicere debebas, quæ cum hæresi sua nova est, & SS. Patrum doctrinæ in omnibus adversa. Aut quæ illa Jesuitarum nova doctrina post Concilium Tridentinum? Vel hæc à Concilij Tridentini doctrina diversa, vel eadem cum illa est; Si eadem, quomodo sola Jesuitarum est? cùm Concilio illi interfuerint ex Episcopis & Theologis totius Ecclesiæ Catholicæ, ac duo tantum Jesuitæ, Laynes, & Salmeron. Si diversa est à Concilij Tridentini doctrina? quomodo Pontifex & Episcopi Jesuitarum doctrinam tolerant, & non cum hæresi vestra proscribunt ac damnant? Vide Nisani, quibus calumnijs Jesuitas proscindis, imò quibus mendacijs tuos decipis. Quid tibi Jesuitæ fecerunt? cur eos ubique in tuis scriptis tam calumniose traducis? nisi quia *noctua* Catholicam ferre non potes *lucem*, qui inter *aquilas* Theologorum te numerare vis. Si quid in te est ingenij, doctrinæ, aut eminentis sapientiæ, scribas tandem de propositis quæstionibus tractatum aliquem solidum, ordinatum, & eruditum, ut

Theolo-

Theologi Catholici & Jesuitæ faciunt, offerasque illorum judicijs expendendum, & tunc primùm se aperiet tua recondita sapientia: nam quæ hæcenus scripsisti per rapsodiam, digna non sunt Theologo, nisi quantum fuci etiam circa alvearia apum mella adulterina colligunt. neque ob id quisquam calamo refellenti dignatus est; neque ego hæc refutanda sumpsissem, nisi Carolus Magnus à tuis calumnijs, & mendacijs liberandus fuisset.

## C A P U T VI.

### *De cultu Imaginum.*

**H**Æ altera controversia est, quam ex Concilio Francofurtensi nobis movet Nisanius cum heterodoxis. Ita enim Concilium can. 2. *Allata est in medium quaestio de nova Græcorum Synodo, quam de adorandis imaginibus Constantinopoli fecerunt, in qua scriptum habebatur: ut qui imaginibus Sanctorum, ita ut Deificæ Trinitati, servitium, aut adorationem non impenderent, anathema judicaretur. Qui supra sanctissimi Patres nostri, omnimodis adorationem & servitutem rennentes, contempserunt, atque consentientes damnaverunt. Repetamus totam hanc hæresin ab origine sua.*

Primus qui cultum imaginum impugnare cœpit Xenaias Persa quidam, ex servo Episcopus, cum nondum baptizatus esset, ut refertur Act. 5. Concilij Nicæni, de quo & Nicephorus lib. 16. Hist. c. 28. *Primus, O audacem animum, & os impudens! vocem illam evomit: Christi, & eorum qui illi placuerunt, imagines reverendas non esse.* Post illum, imperante Leone Isaurio per Orientem, Judæus quidam Sarantæpechus in Arabia, veneficus, ac præstigiator ex officina diaboli, ut Act. 5. Concilij Nicæni describitur, hæresin de abolendis frangendisque imaginibus commentus, odio cumprimis in Christianos, primùm Arabiam conturbavit, & Arabum Regem dementando, promittendo-

FFFF 2

que

quæ diuturnum imperium, si ex Christianorum templis sanctas imagines tolleret. Id deinde actum per Besirem perfidum Christianum, Mahumetanâ sectâ infectum, ipse proinde Leo Isaurus simulque ab Hebræis, qui ipsi prædixerant imperium, corruptus adductusque in eandem hæresin, detestabile bellum indixit sacris imaginibus: neque eas è templis tantum, sed ex privatis etiam ædibus eiecit & confregit, sæviendo carceribus, exilijs, tormentis, & supplicijs in Christianos, quotquot pro cultu imaginum stabant. Inter hos Joanni Damasceno amputata manus, S. Germanus Constantinopolitanus Patriarcha sede eiectus, Episcopi & Sacerdotes Catholici proscripti, uti hæc ex Zonara, Cedreno, actis Synodi VII. & historiâ Ecclesiasticâ disces. Patris successor *Constantinus Copronymus*, spurcissimus Imperatorum, eodem hæresis furore in imagines, & cultores imaginum sæviit. Utque iconoclastarum hæresin firmaret, anno Christi DCCLIV. Constantinopoli Synodum congregavit supra trecentorum Episcoporum schismaticorum, sed nullo Patriarchâ præsentē, præter *Constantinum* monachum, hominem hæreticum, quem Copronymus in Constantinopolitanam sedem intruserat. Hæc illa pseudo-Synodus Græcorum & iconomachorum, quâ cultus imaginum abrogatus, quam illi *Septimam* dici voluerunt. Hæc illa pseudo-Synodus, quam tanto plausu excipiunt hæretici, & cum his Nisanius, quando interim constat, hanc eandem hæresin iconomachorum primum damnatam esse in Concilio Romano à *Gregorio II.* Pontifice, anno Christi 726, uti hac super re non modò *Zonaras*, sed & ipse *Hadrianus* Papa ad Carolum Magnum in Epistola. Deinde hæc iconoclastarum hæresis damnata est anno Christi 732. in Concilio Romano à *Gregorio III.* Pontifice. Tertiū damnata est an. Christi 769. anno Caroli Regis I. in Concilio Romano, à *Stephano* Papa, præsentibus ex Gallia tredecim selectis Episcopis, recitata in eo Concilio Epistola *Theodori Patriarchæ Hierosolymitani*, de cultu imaginum conservando, cui *Alexandrinus*, & *Antiochenus* Patriarchæ subscripserant.

Anno tandem Christi DCCLXXXVII. postquam *Constantinus* & *Irene* Catholici, Orientis imperium obtinuerunt, respirare cœpit Catholica Ecclesia, habitaque est Synodus VII. Occumenica Nicæna II. in eaque Synodo præsentibus Legatis *Hadriani* Pontificis Imaginum cultus restitutus est per Orientem, Multum in hanc rem laboravit *Thara-*

*sim*

*fus Constantinopolitanus Patriarcha, damnataque est pseudo-Constantinopolitana Synodus, & tota illa iconomachorum hæresis. Igitur Canon ille Francofurtensis Concilij, dum ad Constantinopolitanam Synodum appellat, non immerito corruptionis suspectus est. Certè Binius in notis: Acta Concilij hujus Francofurtensis, inquit, non integra extant, ea enim quæ de Nicæna Synodo hic gesta fuerunt, planè desiderantur. Apud historicos quidem memoria eorundem, sed varia, & inconstans. Surius quoque in admonitione ad Lectorem: Hoc autem pro comperito habendum est, in Synodo Francofurtensi nihil actum esse contra Nicænam Synodum, sed eam potius damnatam esse, quæ sub Constantino Copronymo Imperatore impiissimo, ab iconomachis Constantinopoli habita est contra imagines, quam illi septimam Oecumenicam dici voluerunt.*

Sed hæc ipsa quæstio est, quæ hîc agitur: utrumne Concilium Francofurtense approbarit & confirmaverit acta Concilij Nicæni in causa imaginum? Affirmat *Alanus* dialogo 4. c. 18. & 19. & Dial. 5. c. 12. & 13. *Sanderus* lib. 2. de Imag. c. 5. & lib. 7. de visib. Monarch. *Vasquez* lib. 2. de adorat. imag. disp. 7. c. 5. *Suarez* tom. 10. p. 3. disp. 54. sect. 3. Quod ipsum confirmatur auctoritate Concilij Senonensis, in decretis fidei cap. 14. ubi sic ait Synodus: *Carolus Magnus Francorum Rex Christianissimus Francofurtensi conventu ejusdem erroris, (iconomachix videlicet) superpressit insaniam, quam infelicissimus quidam Felix in Gallias & Germaniam invexerat.* Idem *Platina* in vita Hadriani asserit: *Biennio, inquit, post Theophylactus & Stephanus Episcopi insignes, Hadriani nomine Francorum & Germanorum Synodum habuerunt, in qua & Synodus, quam Græci septimam appellabant, & hæresis Felicianæ de tollendis imaginibus abrogata est.* Idem *Paulus Æmilius* lib. 2. de Gest. Francorum præpò finem ait, Concilium Francofurtense egisse contra hæreticos, qui imagines damnabant: ideoque imaginibus suis honor servatus est. Idem *Blondus* Decad. 2. lib. 1. *Sabellicus* lib. 3. & *Enneadum* 8. *Naclerus* Generat. 27.

Contrà *Baronius*, & *Bellarminus* lib. 2. de Imag. cap. 14. censent, Synodum II. Nicænam in causa imaginum damnatam fuisse à Patribus Concilij Francofurtensis: quorum præcipuum argumentum, quòd dicant, Patres Concilij Francofurtensis falso rumore, & informatione deceptos fuisse, ideoque per errorem pronuntiasse contra Synodum Nicæ-

nam, maximè quod Patres persuasi essent, imagines *adorandas* esse, cultu videlicet *latriæ*, tametsi cultum *honorarium* admiserint.

Verùm Baronij & Bellarmini sententiam improbat Sirmondus, vir nostrâ ætate doctissimus: tum quòd, Concilio Francofurtensi interfuerint Legati Pontificis, *Theophylactus* & *Stephanus* Episcopi insignes, à quibus facilè discere poterant, quid in Nicæna Synodo paulò ante celebratâ definitum fuerit; tum quòd incredibile videatur, ex tot Galliæ & Germaniæ Episcopis neminem scivisse, quid in Nicæna Synodo statutum esset; tum quòd error *adorandi* imagines *cultu latriæ* ut *deos*, potiùs sit error gentilium, quàm hæreticorum Christianorum; tum quòd Concilium Nicænum II. auctoritate Pontificis confirmatum fuerit. *Patres verò profitentur se stare iudicio Pontificis, reservato nimirum per omnia juris privilegio Romani Pontificis Hadriani, primæ sedis beatissimi Papæ.* Atqui Pontifex cultum imaginum sanxit, unà cum Concilio Nicæno; ergo & Patres illi probaverunt. Similiter Carolus *profitetur, se totâ mentis intentione Apostolica sedi conjungi.* Demum hanc *hæresim*, de non colendis imaginibus postea refuscitavit in Galliâ Claudius Taurinensis, neque unquam provocavit ad Concilium Francofurtense, in quo tamen maximum causæ patrocinium habere potuisset. Imò si concedamus cum Baronio, & Bellarmino errasse *Concilium Francofurtense*, nihil hoc præjudicat Ecclesiæ: cum Francofurtense *Provinciale* tantum fuerit, nec hæc sententia de non colendis *imaginibus* ab Hadriano Pontifice approbata fuerit, neque postea recepta ab Ecclesia.

Sed quid, inquit Sirmondus, respondendum erit ad auctoritatem Hincmari, Aimoini, Ursbergensis, Reginonis, Adonis; & aliorum? Respondet: cum alij pseudo-Synodum Constantinopolitanam, alij Nicænam damnatam sciabant, nihil certi posse ex ijs statui. Imò Vasquez ait: scriptores qui de Synodo loquuntur, aut deceptos esse, aut falsa narrare. Universim concludit Sirmondus, nullum firmum argumentum posse desumi ex historicis, quo existimetur *Francofurtense* Concilium vel contra veram Imaginum adorationem, vel contra Synodum Nicænam aliquid definivisse. Imò liberè, inquit, posset aliquis negare, quicquam actum esse in Concilio Francofurtensi, neque pro imaginibus, neque contra illas: quia neque Acta Concilij quoad hanc partem extant, neque ullus Catholicus ea se vidisse refert. Nam quæ hæretici illo tempore sub illo



illo nōmine vulgarunt, ab eis vel conficta sunt, vel corrupta. Demum in hac re nihil certiùs, quàm quod Concilium *Senonenſe* ſuprà relatum pronuntiat: Concilium *Francofurtenſe* Concilio *Nicano II.* conſenſiſſe.

Si quid verò Patres Concilij *Francofurtenſis* anxios & ſuſpenſos habere potuit in cultu imaginum, id fuerit nomen *adorationis*, quā, ut *Deſicæ Trinitati*, cultu latriæ imagines V.G. Crucis adorandas admittere veriti fortè ſint. Quemadmodum etiam in Concilio *Nicano* Patres actione 7. & ultima III. Idus Octobris ediderunt Catholicæ fidei definitionem, in qua ne cum iconoclaſtis in aliquo dogmate communicarent, profeſſi ſunt: *Spirituſ S.* quod illi negabant, à *Patre Filioque procedere*; atque imagines *Deiparæ Virginis*, aliorumque *Sanctorum* non minus, quàm ſancta Crucis retinendas & colendas, non tamen cultu latriæ propter ſe, atque ex ſua natura adorandas eſſe. Quam limitationem addi volunt in gratiam Scholaſticorum quorundam, ut *Sirmondus* ait, qui docent Chriſti Redemptoris atque ſanctæ Crucis imaginem cultu reſpectivo adorari poſſe. Quā in re ac definitione Concilij non *re ipſa*, ſed *verbis* tantum & modo loquendi diſcrepare videntur.

Hæc de Concilio *Francofurtenſi*, ex quibus omnia quæ *Nifanius* tantâ ſcriptorum turbâ, & confuſione rerum producit, paucis refutantur. quando vel omnem cauſam ſuam in *pſeudo-Synodo* *Constantinopolitana*, & *iconomachorum hæreſi*, vel in *pſeudo-Carolinis* libris, vel in diſcrepantium ſcriptorum testimonijs, tanquam in arena fundat. Malunt novatores noſtri à *Judæo iconomachorum hæreſiarcha*, *Copronymo*, atque ex antiquis hæreſum ſæcibus doctrinam ſuam, quàm ex puro Eccleſiæ Catholicæ fonte haurire. Et quid tu hominis es? Calviniſta an Lutheranus? Calviniſtæ frangunt, & comminuunt imagines Chriſti, & ſanctæ Crucis; Lutherani nobiſcum non modò retinent, ſed & cultu ſuo proſequentur, quales multos *Auguſtanæ* confeſſionis Principes, & ſinceros viros novimus, qui ante Crucifixi imaginem, beneficij redemptionis memores, quotidie in cubiculis ſuis preces ſuas Deo offerunt. Et quæ nobis gravior & jucundior memoria eſſe poteſt, quàm illa *S. Ignatij Chriſti* diſcipuli ardentiffimi, ac Martyris? ὁ ἔως ἡμῶν ἐς αὖθις ἦν. *Amor meus crucifixus eſt!*

Jam ſi de *re ipſa*, & cultu Imaginum agatur, ex Concilio *Nicano II.* nihil

nihil ad veritatem rei magis desiderari potest. Nam verum, legitimum, & Oecumenicum id Concilium fuisse, nulli dubium esse potest: quando prater legatos *Hadriani* Pontificis, quatuor Patriarchæ cum CCCL. Episcopis concorditer omnes subscripserunt, unâ cum Imperatore. Hanc deinde confirmavit *Hadrianus Pontifex*, & universa recepit Ecclesia, definitumque in eo est, imagines Christi, & B. Virginis, & Sanctorum esse venerandas: non quidem cultu *latria*, sed honore illo, quo prosequimur sanctas Literas, Evangelium Christi, sacra vasa, aliaque. Pro hac definitione legis Episcopos illos ordine rogatos pronuntiasse, & appellasse: primò ad Scripturam sacram, deinde ad Ecclesiæ perpetuam Traditionem, tertio ad Patres, quorum testimonia magno numero hîc adductæ leges Aët. 4. quartò ad miracula, quæ Deus per imagines ostendit, qualis ea fuit quæ Aët. 4. inter cetera Beriti à Judæis confixa uberissimo sanguine fluxisse memoratur, non sine lachrymis audientium, ob res stupendas per eam patratas. Lege demum decisionem hujus Concilij Aët. VII. pro cultu Imaginum, in qua hæc omnia reperies. Hinc palàm illa vox fuit ac sententia *Tharasis* Patriarchæ in Concilio: *Qui cultum imaginum damnant, illos Judæorum, Mahumetanorum, & hæreticorum impietatem sectari.* Quæstus ante fuerat *Leo Isaurus* Epistolâ ad Gregorium II. Pontificem: *Qui sit, ut in sex Concilijs de Imaginibus nihil sit dictum?* Enimverò Imperatori respondet Pontifex: *Nec de pane quidem & aquâ dictum est quicquam; sine comedendum, an non comedendum, bibendum, an non bibendum? quandoquidem hæc antiquitas, à principio ad vitæ humanæ conservationem habet tradita: sic etiam imagines tradita fuerunt, ipsique Pontifices imagines ad Ecclesiam deferrebant.* His demum accedit vindicta in eos Reges & Imperatores, qui cultum imaginum primò sustulerunt. Nam & *Leo Isaurus* dirâ morte extinctus, detrususque ad inferos refertur à Theophane. Idem *Constantini Copronymi* filij, & Imperatoris exitus fuit. solitus is per convitium B. Virginem Mariam loculo comparare, qui plenus auro, æstimeretur, vacuus verò nihil præter loculum valeat; ita, inquit, Maria dum Christum gestavit in utero, in honore fuit, postquam eum peperit, nihilo cæteris mulieribus melior fuit. At morti proximus, desperabundusque exclamare cœpit, se propter Mariam æternis flammis adjudicatum esse. Nomen Copronymi spurco huic Imperatori datum, quòd infans fontem Baptismi tædarit; id ubi S. Germa-

Germanus audiit, magnum sc̃dumque malum ab hoc puero Ecclesiæ imminere edixit. Hi igitur sævi sc̃dique Imperatores, post Judæos, Mahumetanos, & perfidos Christianos, vestri hujus dogmatis auctores & propugnatores sunt, cujus vestigijs novatores nostri inhærent, iisdemque quibus iconoclastæ, Judæi, Mahumetani, cultum Imaginum convitijs insectantur, quos inter Nisanius sc̃dus & contumeliosus scriptor, nos iconolatriæ etiam damnare audet. Quæ in hanc rem adfert, postea refutabimus, modò Caroli M. prius testimonia referemus.

*Caroli M. cultus erga Imagines sacras  
asseritur.*

**D**Ivinæ prorsus fuit providentiæ, ut, quo tempore *Leo Isaurus*, & *Constantinus Copronymus* per Orientem debacchati sunt in sacras imagines, *Pipinus* & *Carolus M.* per Occidentis imperium cultum Imaginum unà cum *Hadriano Pontifice* provexerint & propugnarent.

I. Quid *Pipinus* Caroli Pater, & *Galliarum Rex* egerit pro cultu imaginum, constat ex Concilio *Gentiliacensi* anno Christi *DCCLXVII.* in *Gallijs* habito, de quo *Ado Viennensis*, *Eginardus* in *Chronico*, & *Regino*, qui hanc magnam Synodum appellat, in ea enim cultus Imaginum contra iconomachos Orientales sancitur, præsentibus Legatis *Pauli* Pontificis, unà cum *Constantini Copronymi* legatis ex *Græcia* reversis: & cum *Galliarum Episcopi* exprobrarent *Græcis* sacrarum imaginum despectum, illi contra *Latinis* exprobrabant, quòd ad *Symbolum fidei* adderent vocem *Filiusque*: negabant enim *Græci* Spiritum S. à Patre Filioq; procedere, ita ob duas hæses collisi *Latini* cum *Græcis*: & sicut illi processionem Spiritus S. à solo Patre, ita hæresin de cultu imaginum abrogando damnarunt, præsentē & agente *Pipino Rege*.

II. Patris vestigijs inhæsit *Carolus M.* Quid verò *Carolus* senserit de cultu imaginum, constat primùm ex *Epistola Hadriani* ad *Carolus M.* tom. 18. Concil. *Regiorum*, in quâ primùm scribit Pontifex se accepisse *Capitulare, seu libros in Capitula digestos, scriptos adversus Synodum, qua pro sacrarum imaginum erectione in Nicæna est acta*, qui pseudo-Carolini erant libri, de quibus suprà egimus. Laudat in his ultimum Ca-

GGGG

pitulum,

pitulum. quo Carolus suam mentem additam expresserat, in hæc verba: *Permittimus imagines Sanctorum, quicumque eas formare voluerint, tam in Ecclesia, quam extra Ecclesiam propter amorem Dei, & Sanctorum ejus: Adorare verò eas nequaquam cogimus, qui noluerint; frangere, vel destruere eas etiam si quis voluerit, non permittimus. Et quia sensum sanctissimi Gregorij sequi in hac Epistola universalem Ecclesiam Deo placitam indubitanter liberè profitemur.* Hæc Carolus. & ita Carolus, ut cum Nicæna Synodo, & universali Ecclesia se cultum imaginum profiteri dicat. Secundo laudat ob hæc Carolum Pontifex, quòd recte fidei traditionis doctrinam, sancta Catholica & Apostolica Romana Ecclesia teneat, & amplectatur. Demum & gratias agit Carolo pro cultu imaginum restituto: *Eodem, inquit, impetu hortamur pro imaginibus, gratias pro erectione in suum statum.* Quibus satis ostendit Pontifex, quid Carolus egerit contra hæreticos, qui libros illos pseudo-Carolinos contra imagines scriptos obruserant, & Galliam conturbare cœperant, Orientalium iconomachorum hæresi jam ante afflati.

III. Hæc multo clarius cognoscuntur ex Epistola Hadriani Pontificis ad Carolum Magnum, quæ refertur tom 17. Concil. Regiorum, in quâ cum multis docuisset usum cultumque Imaginum ex sacra Scriptura Exod. 25. & 3. Regum 6. adducendo Cherubinos, quos Moyses in Arca, & Salomon in templo posuerant. *Quanto magis, inquit, debemus puro corde & animo sculptum Christum Deum nostrum, sanctamque semper Virginem Mariam, Apostolos quoque, vel omnes Sanctos Dei per eorum sacras effigies atque imagines colere, vel adorare, & ad propitiandum nobis petere relaxari delicta? Nos non ob aliud nomen imagines facimus & adoramus, sed pro nobis incarnato Verbo Dei. Si autem manufacta omnia abjicienda sunt, neque Arca funderis, neque aurei & calati Cherubini ejus debuerunt recipi, quæ per Beseleel, & Ooliab facta sunt, juxta præceptum Dei, si verò illa suscepta sunt, & hæc imagines opportunè recipiuntur, quoniam secundum Deum sunt, unde & operantur sicuti & Arca multa miracula: Nam & Arca, & Cherubin, ut & hæc sine anima erant, & manufacta & sculpta; sed sicut illic per ista operabatur Deus, & glorificabatur, ita & hæc simili modo secundum visiones & revelationes Prophetarum coloribus distincta efficiuntur.*

*Et ne quis aliter propter adorationem, quæ à Prædecessoribus nostris, sanctis*

*sanctissimis Præsulibus promulgata est, oblatrare presumat, sciat ipsos talem adorationem docuisse, qualem prædecessor noster S. Gregorius egregius Doctor, & Papa in Epistola sua, quam in præfato Concilio Domini Stephani Papæ Herulphus Episcopus Galliarum provincia protulit. ubi inter cætera Secundinum servum Dei inclusum Gallia docuit, dicens : Scimus, quia tu ideo imaginem Salvatoris nostri non petis, ut pro Deo, aut quasi Deum colas, sed ob recordationem Filij Dei, & in ejus amore recalescas, cujus te imaginem videre consideras. Et nos quidem non quasi ante divinitatem, ante illam prosternimur, sed illum adoramus, quem per imaginem, aut natum, aut passum, aut in throno sedentem recordamur : & dum nobis ipsa pictura quasi Scriptura ad memoriam Filium Dei reducit, animum nostrum aut de resurrectione latificat, aut de passione demulcet.*

*Ideoque direximus tibi furtarias duas, imaginem Salvatoris & Sanctæ Dei genitricis Mariæ, beatorumque Petri & Pauli Apostolorum continentes, per supra dictum filium nostrum Diaconum, & unam Crucem, & clavem pro benedictione à sanctissimo corpore Petri, Apostolorum principe ; ut per ipsum à maligno sis defensus, per cujus sanctum lignum munitum te esse credis. Similiter, quam Crucem Hadrianus accepit à Carolo, eam se scribit in Ecclesia collocasse. Tom. 18. Concil. Regiorum, ex indice Epistolarum Hadriani ad Carolum Magnum. Credisne jam Carolum una cum Hadriano iconolatricæ damnandum, ejusque sacrilegij, quo tu eum incusas & diffamas in tuis libris?*

*Neque mihi dubium est, Carolum M. qui tot Basilicas per Saxoniam erexit, easque aut B. Virgini, aut S. Petro & Paulo, aut S. Stephano, aliisque Divis consecravit, ut ex fastis singulorum Episcopatuum liquet, simul in ijs Christi Servatoris, B. Virginis, Apostolorum, aliorumque Sanctorum imagines posuisse, ut quod scriptura est alijs, id rudi Saxonie populo esset pictura, ad mysteria Christi capienda, & res Sanctorum gestas explicatius hominum animis imprimendas : quemadmodum id toties Hadrianus Pontifex ex D. Gregorij doctrina Carolo exposuerat. quem ille Magistrum in omnibus ita sequebatur, ut professus sit : Totâ se mentis intentione & cordis affectu Apostolica & Romane sedis conjungi. Sane sanctæ Crucis imaginem ita adamavit Carolus, coluitque per omnem vitam, ut moriens secum in sepulchrum pectori appressam deferri voluerit, quæ & reperta est inter cætera regia ornamenta, cum Ottone Imperatore*

GGGG 2

ratore

ratore monumentum aperiretur. Et cui de Crucis icone, ejusque cultu dubium esse potest? quando recepto jam. antiquitus in Ecclesia more, nec templum erigere licuit nisi *Cruce* prius erectâ? lib. 5. Capitularium cap. 229: *Nemo Ecclesiam adificet, antequam civitatis Episcopus veneriat, & ibidem Crucem figat publicè.* Nec *Sacrificium Missæ* celebrari fas fuerit, nisi *Cruce* in altari positâ. Ita passim *juramenta* facta legimus super librum *Evangeliorum* & *Crucem*, aut *Reliquias* Sanctorum, uti hæc in legibus Longobardorum, & Carolinis monumentis reperias. Quod referunt Crucis erectæ signa per Saxoniam, quæ passim ad publicas vias à Carolo erectæ, quod barbaris gentibus abjecto idolorum cultu, Christi pro humano genere passi fidem inculcaret, quales passim Cruces per Westfaliam conspiciuntur. Et quis singula in hanc rem percerneat imaginum Monumenta?

IV. Tertium resuscitari cœpit hæc hæresis in Galliâ Ludovico Pio Imperatore, anno Christi 825. Ansam dedere Legati Orientalis Imperatoris, qui per id tempus venerant in Galliam ad Ludovicum Imperatorem, quæsti ob cultum imaginum totum Orientem scindi dissidijs, quas alij adorandas, alij non adorandas contenderent: ideò sese etiam ad Pontificem profecturos esse. Ludovicus Imperator pacis componendæ studio, selectos quosdam viros Parisijs in palatium convocari, & sanctorum Patrum de imaginibus sententias colligi jussit. Hi collatores, seu quod jam ante abhorrerent ab adoratione imaginum, quasi cultum patriæ vox adorationis præferret, seu quod *D. Gregorij* mentem in Epistola ad *Serenum Massiliensium Episcopum* malè intellexissent, tanquam ille imagines tantum ad memoriam & instructionem fidelium & rudium hominum, non verò ad cultum exponi vellet, hi inquam collatores vulnus *Nicæna Synodo* inflixerunt, literalque conceperunt, quas *Ludovicus* suo nomine ad *Eugenium II.* Pontificem mitteret: fecit id *Ludovicus Pius* per *Jeremiam Senonensem*, & *Jonam Aurelianensem* Episcopos, rogatum: an liberum cuique in Ecclesia permitti placeat, habere Imagines, vel non habere, adorare eas, vel non adorare? Specie quidem pacis id agebant, re autem, ut cultum imaginum abrogarent. Sed nec Pontifex quicquam respondit, de quo quidem constet, eò quod hæc controversia satis in Concilio Nicæno decisa esset; & Ludovicus à suis circumventus, facile quievit. Sub idem tempus *Claudius Taurinensis* Episcopus, *Felcis Urge-*  
*litani*



*litani* discipulus, eandem hæresin resuscitare cœpit, quem ob id à Ludovico Imperatore damnatum scribit Walfridus Strabo, *de reb. Eccl. c. 8.* Hanc & *Jonas Aurelianensis* accerrimè oppugnavit, ob Neltorij & Vigilantij hæreses; tum etiam, quòd cum iconoclastis Imagines confringendas doceret. Interim ipse *Jonas* etsi Imagines ob memoriam retinendas diceret, cultum tamen imaginum non probavit, deflexitque à via orthodoxæ fidei, & cum eo *Agobardus Lugdunensis* Episcopus, qui tamen sacratissimæ Crucis imagines venerandas censuit.

Hæc paucis de illo Galliæ conciliabulo, in causa Imaginum, in quo tantopere exultat Nifanius cum suis heterodoxis. Atque ut populo imponant, scribunt in Concilio Parisiensi damnatum esse cultum imaginum, quæ tantum paucorum collatio fuit, jam ante abhorrentium & malè sentientium de cultu Imaginum: neque illorum sententia à Pontifice, neque ab Imperatore, neque ab Ecclesiâ ullâ Occidentali probata est: puditque post ipsos Gallos hujus collationis. quamobrem acta ejus suppressa, nec ab ullo Gallorum post edita reperiuntur. Pluribus de hac collatione Baronius, Bellarminus, Binius, Sirmondus tom. 20. Concil. Regionum, alijsque complures. Scripsit præterea Bellarminus peculiarem libellum adversus hæreticorum librum Anno M D XCVI. Francofurti editum, quo novatores hanc Parisiensem commentitiam Synodum asserere conati sunt, verum Bellarminus nulla hujus Synodi decreta, nullos canones, nullam Episcoporum subscriptionem extare ostendit. Igitur novatores nostri relicto puro fonte volutantur in turbidis aquis, nec aliud hîc eorum negotium, quàm ut ex morbidis Ecclesiæ membris, & purulentis hæreticis, ne sani sint, saniem fugant. Et verò quæ major insania fingi potest? quàm à Judæis, Mahumetanis, iconomachis, perfidisque Christianis, dogmata fidei suæ emendicare, & universalis Ecclesiæ judicium contemnere? aut pro vera ac generali Synodo Nicæna, populo pseudo-Synodum Constantinopolitanam, quæ iconoclastarum fuit, obtrudere?

Falsò hîc Nifanius traducit Sirmondum, quod Concilij Francofurtensis Canonem II. de imaginibus non omiserit, & candidè Gallorum opinionem ex hac collatione retulerit: Sed quàm eruditè Sirmondus respondeat hæreticis, præter ea quæ retulimus, leges in Notis ejus. Quòd verò ad collationem attinet, remittit nos ad Baronium, & Bellarminum,

G G G 3

à qui-

à quibus plenius hæc recognosci possint, modò hæreticum tantisper animum seponere possis, ut veritatem audias. *Convinci possunt hæretici, inquit Tertull. sed suaderi non possunt.*

Calumniaris deinde Hadrianum Pontificem, cui nulla fides habenda sit, eò quòd in propriâ causâ malè egerit pro cultu imaginum, Synodumque Nicænam approbarit. quo dicto te virulentum hæreticum denudò ostendis, ex insito hæresis tuæ in Pontificem odio. Cùm hoc muneri fuerit Hadriani, ut omnium Pontificum Romanorum fuit, convocare Concilium contra hæreses, easque damnare. Et verò quantum ille egerit in hac causa, cognoscas ex epistola ejus ad *Constantinum & Irenæum* Imperatores, ex scriptis ad *Tharasium* Constantinopolitanum Patriarcham, ex legationibus cæterisque Concilij Nicæni actis; tum etiam ex erudita, & Apostolicâ Epistola ad Carolum Magnum, pro cultu imaginum scripta. Mirum hic Carolum Magnum etiam à te non traduci, qui *se totâ mentis intentione, & toto cordis affectu, Apostolicæ sedis conjungi* scribit. Igitur Carolus Magnus majoresque ejus venerati Imagines, qui tamen tuo judicio non minùs idololatriæ condemnandi sunt, quàm Constantinus Magnus: de quo refert *Damasus* Papa in Vita *S. Sylvestri*, eum in hoc ipso loco, quo baptizatus fuerat, posuisse Agnum ex auro, ad dexteram Agni statuam argenteam Salvatoris, ad lævam statuam argenteam *S. Joannis Baptistæ*; in Ecclesia autem Lateranensi posuisse imagines argenteas Salvatori, Apostolis duodecim, & Angelis quatuor, ne quid hic de *S. Cruce* ab Helena matre inventa, & à Constantino Magno cæterisque Imperatoribus magnâ veneratione ac pietate cultâ referam. Quin Constantinus Magnus, postquam illi in quiete sancti Apostoli Petrus & Paulus spectabiles oblatis sunt, cognovit postea eosdem Apostolos, ex imaginibus, quas *S. Sylvester* illi statim ante Baptismum videndas obtulit. Inferbis librum tuum hystoriæ Theologicam ostensionem, & nihil magis facis, quàm ut historias fallacijs & mendacijs corumpas. Optarem sanè ego ullum hæreticum inveniri posse, qui historiam Ecclesiasticam sincerè verèque scribere posset, nisi simul suam doctrinam falsitatis condemnaret. Id tantùm agitis, ut ex floribus, ex quibus apes mella colligunt, vos cum araneis viris tantummodo ex fugatis,

## CAPUT VII.

## Objectiones Nisanij adversus cultum Imaginum.

**P**Ræstandum mihi hoc loco erat, quod in cæteris feci, ut prius cultum Imaginum ex Scriptura, Concilijs, Patribus, exemplis ex omni antiquitate Christiana adductis, & miraculis assererem; sed quia id abundè factum est in Synodo VII. Nicanâ, alijsque scriptoribus, cum primis Bellarmino, Suarez, Vasquez, Valentîâ, Becano alijsque innumeris, in id vel ex una Hadriani Pontificis Epistola ad Tharasium Constantinopolitanum Patriarcham, moderatorem hujus Synodi, tum ex epistola ad Carolum Magnum satis hæc cognosci possunt. Superest, ut post ea, quæ ex historicis attulisti, & à nobis refutata sunt, nunc cætera quæ adfers, & quibus Catholicos ex cultu imaginum idololatriæ accusas, diluamus. quâ tamen in re certa quædam hypothesis præmittenda est.

Hypothesis verò hæc, tanquam principium hujus controversiæ, consistit in cognitione *idoli*, & *idololatriæ* definitione, quam ex cultu imaginum nobis hæretici affingunt. Quid ergo *idolum*? quid *idololatria*? *Idolum est falsa imago*, id est rei, quæ non est, teste Apostolo 1. ad Corinth. c. 8. & 10: *Scimus quia nihil est idolum in mundo*. Ideo Habacuc, c. 2. & passim in Scriptura *idola* vocantur vana, falsa, falsæ imagines, & mendacia. Vel est rei, quæ non est adoratione digna, ut communiter Patres docent. *Imago* verò est, quæ veram rei habet repræsentationem, & restringendo ad sacras Imagines, oportet ut sit de re vera, & verè sancta, ac proinde verè digna cultu suo. Quo sensu scripsit *Hadrianus Pontifex ad Constantinum*, & *Irenem Imp.* ut habes Act. 2. Concilij Nicæn: *Imagines tantum ob recordationem Sanctorum pingi, venerari, coli, quos clarè constat esse servos Dei, & pro nobis apud Deum obsecrari & intercedere*: Hinc illa veneratio imaginum sacrarum idololatria esse non potest: nam omnis cultus idololatriæ sistit vel in *idolo*, tanquam in vero Deo, vel

vel per simulacrum tendit ad colendum pro Deo, qui non est; vel ad colendum impium aliquem seu dæmonem.

Igitur etsi idolum sit aliquid, id est vel materialis statua, vel res alia, (quod omnis imago habet,) sed differt, quòd res, quam repræsentat, vel nulla vera sit, vel nullam excellentiam habeat, ob quam colenda sit. Hinc impudentissimè Nifanius ex cultu imaginum nobis affingit *iconolatriam* & *idololatriam*: nam omnes illi religiosi actus in cultu Imaginum tendunt in rem veram, & in excellentiam aliquam humanâ superiorem, mediâtè per imagines ad *prototypon*, quemadmodum actus quibus coluntur & invocantur Sancti, immediâtè tendunt in ipsos Sanctos, ut *intercessores*. Deinde hîc cultus distinguitur à *civili cultu*, quia actionibus sacris, & longè aliâ mente peragitur, aliamque in prototypo excellentiam respicit.

Utrumne autem imagines per se sint adorandæ colendæve, an solum cum *exemplari*, & propter ipsum exemplar? quaestio est *de modo colendi*, qui disputatur inter Suarez & Vasquez, nec rem fidei controversit. Suarez cum Bellarmino docet, Imaginem per se coli posse cultu aliquo inferiore illius cultus, qui per se & directè exhibetur exemplari. Negat Vasquez: sed quaestio est inter limites Scholasticos, ex quâ inaniter insultat Nifanius, ut ferè in toto libro cum *Gerhardi* alijsque facit. Nam postquam Novatores viderunt à se frustra impugnari rem ipsam, introduxerunt novâ fraude dissidentes Catholicorum Theologorum sententias, de quaestionibus inter ipsos agitatissimis, quæ arbitrariæ sunt, nec fidei articulum continent, ut ex his per imposturam incauto Lectori persuaideant, ipsos Catholicos in rebus fidei non convenire. Hoc improbus ille *Joannis Gerhardi* labor tot controversiarum tomis agit, & ex illo Nifanius. His positis, audiamus quæ opponant hæretici.

I. Objicit Nifanius cum Calvinistis & Lutheranis illud Exod. 20. & Deut. 5. *Non facies tibi sculptile, neque omnem similitudinem, quæ est in celo desuper, aut quæ in terra deorsum.* R. I. Si ad litteram hæc accipiantur, non minus Catholici, quàm ipsi Lutherani oppugnantur. Vetamur enim imagines non solum colere, sed & facere, atqui tam Lutherani, quàm Catholici admittunt imagines, adeoque laudabiliter in templis poni, & servari asserunt: tenentur ergo admittere, solam adorationem faciendam prohiberi, quod verbis adjectis dicitur: *Non adorabis ea, neq; coles.*

les. R. II. Vel illud præceptum Exod. 20. & Deut. 5. fuit *naturale morale*, & tum illo non omnes imagines prohibentur, sed solum ordinatæ ad indebitum cultum, quo imagines Sanctorum comprehendere non possunt, quæ ad honestissimum cultum institutæ sunt; neque etiam absolute & simpliciter omnes imagines in quemcunque etiam usum institutæ, prohibita sunt. Ratio, quia tunc nec in aulis Regum, & Principum Christianorum, nec ullibi imagines Heroum, majorumque habere liceret, quod nemo admittet. Vel ergo hoc præceptum fuit *positivum divinum*; verum non aliud, quam cærimoniale, quod jam abrogatum est, haud secus, quam Sabbatum. Quare cum illud præceptum una cum cærimonialibus jam abrogatum sit, non obligabuntur Christiani, nisi Judaicum errorem introducere libeat in Ecclesiam Christi.

Instant ulterius ex hoc veteris Legis præcepto Exod. 20. & Deut. 5. dicuntque: Sicut Judæi, & gentiles coluerunt idola, ita Catholici colunt imagines Christi, & Sanctorum; nec enim Judæi ob id reprehenduntur, quod in idolis coluerint falsos deos, sed quod imaginem veri Dei coluerint: quod verò in idolis falsos deos non coluerint, (ut obtenditur) probant Exod. 32. ubi vitulum quem formarant, non ut vitulum, aut Apim Ægyptiorum deum adorarunt, sed ut imaginem veri Dei coluerunt. Inde cultus Jehovah dicitur. Nec enim tam clementes fuerunt Judæi, ut pro vero Deo Patrum suorum falsos deos colerent. Pari modo Jeroboam inquit vitulos aureos fecit, 3. Reg. 12. non ut *vitulos* populo deos persuaderet, sed ut ab urbe Hierosolymis, & à vero illos Dei cultu avocaret. R. Manifestè falsum est, Judæos vel Gentiles in suis *idolis* verum Deum coluisse. De Judæis verba sunt clara Deut. 12. *Immolaverunt demonijs, & non Deo.* De Gentilibus psalm. 95. *Dij gentium demonia.* 1. Cor. 10. *Qua immolant Gentes, demonibus immolant.* Idem est de vitulo, quem Nisanus negat pro deo adoratum fuisse, contrarium enim docet Scriptura Deut. 32. *Deum qui te genuit, dereliquisti; & oblitus es Domini Creatoris tui.* Et psalmo 105. *Fecerunt vitulum in Horeb, & adoraverunt sculptile: & oblitus sunt Deum, qui salvavit eos.* Jerem. 2. *Ambulaverunt post vanitatem, id est post idola, & non dixerunt: ubi est Dominus, qui ascendere nos fecit de terra Ægypti?* Idem est de Jeroboami vitulis, nam 3. Reg. 12. de ijs dicitur: *Ecce dii tui Israël.* Ita Josue ultimo cap. data est optio Hebræis, utrumne velint dijs alienis, quibus Thare & Nachor ser-

HHHH

vicerunt,

vierunt, an idolis Amorrhæorum: an verò Deo Israël servire? ubi Deus Israël opponitur falsis dijs, quos in idolis colebant. 3. Regum 18. Elias dicit: *usquequò claudicatis in duas partes? Si Dominus Deus est, sequimini eum; si Baal est deus, sequimini illum.* Ex his Scripturæ locis manifestè falsus convincitur Calvinus, & cum eo Nisanus & Lutherani, qui docent Judæos in omnibus suis idolis verum Deum coluisse. Quamquam *Abulen- sis*, *Cajetanus*, & alij distinguant inter *idola*, quorum unum genus fuit cum certo *dei* nomine, ut *Baal*, *Moloch*, *Astaroth*, *Chamaz*, ut dicitur 3. Regum 11. Et in his idolis clarum est, eos falsos *deos* coluisse. Alterum genus *idoli*, quod sine nomine certi *dei* colebatur, quale fuit idolum Michæ Judic. 17. de hoc fortè probabile, quòd Judæi putârint, se in tali *idolo* verum Deum colere: errabant interim, quòd ejusmodi idolo sacrificarent, quòd divinitatem quandam inesse crederent, quòd Deum corporum sibi fingerent. Quemadmodum Manichæi profitebantur, se verum Deum colere: sed quia per Deum intelligebant *Judicem* corporeum, & per Christum accipiebant *solem* illum corporeum, nihil veri in Christo colebant.

Quantum ad ethnicos attinet, multo certius est, eos passim credidisse ipsa idola esse Deos. Constat id ex innumeris Scripturæ locis, Isa. 46. Jerem. 2. psalmo 113. & 134. Habac. 2. Ex Epist. Jeremiæ, Hab. 2. Sapient. 13. & 14. Act. 9. Unde plerumque dæmon per idola loquebatur, & responsa dabat ad invocationem illorum. Ita Augustinus in psalmum 113. & lib. 3. de Doct. Christ. c. 7. *Illis simulacra venerantur, vel tanquam deos, vel tanquam signa, & imagines deorum.* Unde Epist. 49. & in psalmum 113. dicit ethnicos existimasse, simulacra vivere, spirare, audire, & proinde deos esse viventes, ita Tertull. Apolog. cap. 12. Euseb. lib. 5. Præpar. Evang. c. 11. Cyprianus, Lactantius, Arnobius, Minutius Felix, Clemens Alexand. Athanasius, Theodoretus, ac passim Patres: Rident-que ethnicos, quòd ligna & lapides pro Deo colant. Sed hîc non unus ethnicorum error: alij enim simulacris heroës & mortuos homines colebant pro Deo, alij dæmones, alij partes mundi, ut in idôlo Apollini- nis, *sol*; in idolo Neptuni, *mare*; in Jovis, *ather*. Alij non ipsas corporeas mundi partes, sed animas earum partium, ut *solis*, *luna*, *terra* colebant, uti hoc ex Augustino, Cypriano, Tertulliano, Eusebio, alijsque Patri- bus constat. Ita verò omnes illi creaturas pro Creatore colebant.

Jam



Jam redeamus ad propositam quæstionem. Vel ergo Judæi & gentiles ipsa idola pro dijs, vel in ijs falsos deos pro vero Deo; vel creaturas pro Creatore coluerunt. Nihil horum de Catholicis, & eorum, quas colunt, imaginibus dici potest, ut tu mendacissimè scribis. Velenim eorum imagines sunt imagines Christi, & in his Christum verum Deum & hominem colunt; vel sunt imagines Sanctorum, & in his Sanctos cultu *dulia*, ob excellentiam gratiæ & gloriæ, ut amicos Dei, & intercessores apud Deum colunt, omni cultu ad *prototypon* relato. Quid hîc simile cum Judæis & gentilibus idololatriis? aut quæ tua maledicentia, ut iconolatriam & idololatriam nobis ex hoc cultu affingas? Quali tam stupidi, & sacrilegi sint Catholici, ut *latriam* quæ soli Deo debetur, creaturis attribuant.

Dicis, unum tantummodò esse cultum religionis, qui *latriæ* sit, extra hunc nullum alium religiosum cultum *dulia* dari posse. De hac quæstione agemus de cultu Sanctorum. Verbo hîc tantum respondeo: Unus est cultus religiosus latræ, qui soli Deo debetur, cæteri cultus *dulia* analogicè sunt cultus religiosi, ut ex Theologis Catholicis discas. Licentiatum Theologiæ te inscribis: verum theologus es, ut *scarabæus* est *avis*, qui ne principia quidem Catholicæ Theologiæ comprehendis. Sed nunc reflectamus argumentum Nifanij in ipsum Nifanium:

*Qui colunt, & adorant imaginem Dei, sunt idololatra;*

*Lutherani colunt & adorant imaginem Dei:*

*Ergo Lutherani sunt idololatra.*

Colunt enim, & adorant Christum, qui à S. Paulo Apostolo in Epist. ad Coloss. cap. 1. v. 15. dicitur esse *Imago Dei invisibilis*. Hoc argumento in collatione Alanensi ad eas angustias redactus fuit Daniel Chamierius, Calvinistarum Hyperaspistes, ut in conventu 300. hominum, & Doctorum virorum, fateri & subscribere coactus fuerit, hanc sacrilegam suam propositionem: *Christus Dei Filius non nisi metaphoricè est Verbum, aut Imago Patris*, uti hæc refert Gualterius Sæculo 1. Verit. 1V. §. 9.

Objicis II. Et carpis Bellarminum quòd is de genere cultûs imaginum dicat: *Cultus qui per se propriè debetur imaginibus, est cultus quidam imperfectus. qui analogicè & reductivè pertinet ad speciem ejus cultus, qui debetur exemplari.* Hac sententia dicitis destrui cultum religiosum,

HHHH 2

qui

qui debetur imaginibus, & Non destrui cultum, sed distinguere, cum alius sit cultus directus, absolutus, & propriè dictus, alius indirectus, & respectivus: alter exemplari, alter imagini convenit. Bellarminus de genere hujus cultus tres opiniones proponit. Prima est, quòd imago non sit ullo modo *in se* colenda. Secunda, quòd idem honor debeatur imagini, qui exemplari. Tertia, quòd imago *in se*, & propriè honorari debeat, sed honore minori, quàm ipsum exemplar. Sed hæc, ut diximus ( de primo & tertio modo cum primis ) controvertuntur inter Scholasticos limites, ex quibus tu articulos fidei nobis dolose procudere vis.

Cætera quæ hic adfers à *Volsso* eruditè sunt diluta, à quo sapienter scriptum est, in nullâ controversia fidei magis furere, & insanire novatores nostros, quàm in cultu imaginum: sed prorsus ut canes, qui noctu, dum luna lucet, adversus umbras & larvas hominum oblatrant; mira & magna polliceris, si quis verò excutiat, non alia sunt, quàm quæ ad textorum, & muliercularum aures spectant, aut in quibus tuam calumniandi libidinem expleas. In quo velim advertas primùm, quòd S. Augustinus scripsit in psalm. 8. *Multis hæretici cum paganis alios, & alios sibi deos sinxerunt, atque eos, etiamsi non in templis, tamen quod pejus est, in corde suo posuerunt, & falsorum videndorumque simulacrorum templa facti sunt.* Tollite illa phantasmata, & idola falsarum opinionum vestrarum, & imagines in suo honore cultuque permancbunt. Satis est nos Carolum à tuis injurijs liberasse. Et quid aliud vestrum hic negotium est cum diabolo, iconomachis, & iconoclastis, in tollendis imaginibus Christi & Sanctorum, quàm omnem memoriam mysteriorum Christi, & Sanctorum submovere ex oculis Christianorum? Eò factum, ut cum in Helvetia *Zwinglianus* prædicans pro Catechismo interrogaret ordine pueros, puellas, juvenes, & senes, quo genere mortis Christus obijisset? responderent ordine singuli, *in lecto obijisse*. Si vel una imago Christi in Cruce pendens in Calviniano templo relicta fuisset, illicò errorem tam impium rudis populus correxisset. Hic fructus vestræ doctrinæ! Et cui mirum diabolus tam furiosè per vos oppugnare cultum imaginum? & vos in nulla controversia tanto stupore & furore agere quam in hac? sed quid agemus? *Persecutio*, inquit S. Augustinus lib. de Pastorib. cap. 12. *nunquam cessat in Ecclesia, sive à leone, sive à dracone; & magis metuendus est cum fallit, quàm cum sævit. Illo tempore cogebat Christianos negare Christum; isto autem tempore docet Christianos negare Christum. tunc cogebat, nunc docet.*

## CAPUT VIII.

## CAPUT VIII.

## De cultu, et invocatione Sanctorum.

**P**ervulgatam hanc controversiam, & tot Doctorum virorum libris discussam, hic nobis regerit Lutheranus prædicans, tantâ verborum acerbitate, calumnijs, & injurijs, ut extremum hæresis suæ virus effudisse videri velit: quemadmodum id in nulla controversia fidei magis eructant atque evomunt, quàm cum de Romano Pontifice & cultu Sanctorum, & Imaginum inter nos agitur. Quo in genere, ut Nifanius odium suum etiam supra modestiores Lutheranos scriptores expromat in Catholicos: primum Caput sui tractatus de *Angelolatria Papistarum* inscribit; alterum de *Hagiolatria & Mariolatria*; tertium de *Iconolatria*; quartum de *Lipsanolatria*. Et Catholicos non modò superstitionis, sed & innumeris idololatriæ criminibus reos proclamat. Prorsus, cum hunc Nifanij tractatum legerem, haud aliter mihi hic prædicans occurrit per sannas, ac maledicta in Divos scribere, quàm diaboli ex obsessis hominum corporibus garrere, facta Catholicorum ridere, & calumniari solent; tanquam is etiam eodem maligno genio affatus sit. Et quando damnati spiritus magis furunt, quàm cum Deiparam Virginem, & Sanctos Dei à nobis coli vident, quos nôrunt in suas sedes repositos, è quibus illi per superbiam sunt dejecti? inde ille invidiæ stimulus, in suos etiam transfusus. His itaque probris in Catholicos per calumniam jactatis nondum satur Nifanius, *Artolatriam* nobis impingit, criminaturque Catholicos, quòd in Eucharistia & sacrificio Missæ panem pro Deo adorent. Quæ si vera sunt, uti tu populo, ac tuis persuadere vis, nullahoc sæculo erit secta in Germania, inter Sacramentarios, Anabaptistas. & Antinomos; nulla in Transylvania, aut Ungaria inter Trinitarios, & Socinianos; nulla in Anglia inter Puritanos, Libertinos, Enthusiastas & Fanaticos, quæ detestabilior atque exitiabilior sit, quàm

HHHH 3

Catho.

Catholicorum religio: quos tu ob id identidem *Papistas, Romanenses, &* nescio quibus nominum commentis appellas: atque ut crimen eorum intendas apud plebem, scribis, Catholicos haud aliter fingere & colere Sanctos suos, quàm Mahumetani & Turcæ faciunt, qui præter unum Deum, Isam, Messiam, Joannem Baptistam, & Mariam aliosque quàm plurimos gentis suæ sanctos colunt. Hos dicis adstipulatores esse *Papistarum*. Eadem fingis idololatriæ crimina, quæ cum *Turcis, & Paganis* communia habeant *Papista*: ac promittis, te tuo id scripto demonstraturum. Demum comparas Catholicos cum Paganis, qui sibi Deum maximum, & præter hunc deos medioximos, minorumque gentium fabricant. Tam multa, & tam nefanda, idololatriæ crimina, & mendacia tu palàm scriptis libris inspergis, ijsque diffamas Catholicos, quasi ad hoc *Nifanius* dicaris, ut *nefanda, & infanda* nobis objicias. Quòd si quis in hunc modum scriberet: parentem tuum è Prædicantium tribu fuisse latronem animarum; uxorem tuam scortum, & te fornicatorem: nonne indignè ferres hæc tibi, familiæque tuæ probra objici? Qui tamen non erubescis *Ecclesiam Catholicam, & Christi Sponsam* longè fœdioribus criminibus traducere apud plebem, & his simul tot *Imperatores, Reges, Principes, totumque Clerum, & populum Catholicum* diffamare, quæ tamen tu nunquam probare poteris: faciliusque Catholicus aliquis objecta tibi stigmatia, quàm ea quæ tu Ecclesiæ Catholicæ impingis, persuaderi sibi patiatur. Sanè verò te illusorem esse, satis aperiunt, quæ *procus & rivalis* in *Comitatu Waldecensi* egisti. *Quid armilla? nisi sprete injuria fama? Sed tum procus eras, qui modò maritus es, & Lutheranorum episcopus.* Quin adeò insultas hac tua procacia, ut scribas: *Egrè ferre Papistas, & male queri hac sibi idololatria convitia objici, iisque se traduci, cum nihil magis mereantur.* Verè tu *nebulosus* es, si is *nebulosus* secundum Terentium, qui *nebulas* mendacijs obtendit. Hæc palàm scribitis! quid non declamatis apud plebem multo injuriosius in Catholicos? & cui bono? nisi ut populum exacerbetis adversus Catholicos, à quibus tamen majores vestri sanguinem, & vitam traxerunt, quos eodem idololatriæ crimine damnetis necesse est. Mitte istam calumniandi acerbiteratem, & scribe ut prudentiores ac moderatiores faciunt Lutherani, & dignum aliquid sano Theologo adfer; nec deerunt, qui tecum componi velint. Miti ingenio erat

S.Augu-

S. Auguftinus, ubi verò impudentem æmulum naftus eft, poftitã mititate acerbicatem fcribendi fumpfit, & *frontem hæreticorum* dixit non eſſe *frontem*. Sed nunc ad cauſam ipſam, ex quã rei agimur, accedamus. in qua primùm certæ hypotheſes ſtatuendæ: ne, ut tu facis, bruti inſtar bubali procedamus.

I. Ergo *Hypotheſis*, tot eſſe ſpecies *adorationis*, quot ſunt ſpecies *Excellentiæ*, ut S. Thomas docet 2.2.q.103. art.3. & cum eo Bellarminus, Vaſquez, Suarez, Leſſius, ac Theologi omnes. Honor enim, & cultus qui perſonæ debetur propter *excellentiã*, quæ *objectum formale* eſt deferitur. Tres autem ſunt ſpecies *excellentiæ*: Quarum prima eſt *Divina & Infinita*, cui reſpondet prima ſpecies cultus *latriæ*, quæ per antonomafiam eſt *adoratio*. Secunda *excellentiã* conſiſtit in *gratia & gloria* Sanctorum, quæ ſunt dona ſupernaturalia & excellentiſſima cum creaturis communicata, & huic ſecunda ſpecies cultus reſpondet, quam *duliam* vocant Theologi, & *analogicè* adoratio eſt, collata cum prima; quæ deinde in *duliam* propriè dictam & *hyperduliam* dividitur, cultuſque *hyperdulie Humanitatis Chriſti* ſeorſum conſideratæ, ob unionem ad *Verbum*, & B. Virgini tribuitur, uti *Mater Dei* præſtat alijs Sanctis. Tertia *excellentiã humana*, ſeu *naturalis* eſt, quæ poſita eſt in humanis virtutibus & dignitatum gradibus, cui reſpondet cultus *civilis*, qui tamen teſte Ariſtot. lib.9. Eth. c.2. in alias ſpecies dividi poteſt: nam alius honor debetur parentibus, alius Principi, alius magiſtro, aut erudito & ſapienti viro. In quam rem notandum etiam, quòd S. Auguſtinus ſcribit cont. ſerm. Arian. c.23. *Nam honorat*, inquit, *omnis qui adorat; non verò adorat omnis, qui honorat*: honoramus enim non ſolum ſuperiores nobis, ſed æquales etiam, imò inferiores: uti Rex honorat ſubditos *Eſther* c.6. Adoratio autem ſolum exhibetur potentiori & ſuperiori, in ſignum dignitatis & excellentiæ. Ideo qui *honorat*, non ſtatim *adorat*: è contrario qui *adorat*, etiam *honorat*.

II. *Hypotheſis* eſt in voce *adorationis*, quæ vox communis eſt, ut modo *latriæ*, modo *dulie* ſubſerviat, & quandoque etiam cultui *civili*; res tamen, & cultus ex animo colentis longè diverſus eſt ſub eodem nomine *adorationis*, ut præclare docet S. Auguſtinus *quaſt. ſuper Exodum*, 94. & lib. 20. contra *Fauſtum Manichaum* c. 21. Ubi cum expoſuiſſet, quo cultu colantur Martyres in cælo, & ſancti Dei homines in terra, ſubjun-

subjungit: *At illo cultu qui Græcè λατρεία dicitur, Latine uno verbo dici non potest, cum sit quadam proprie divinitatis servitus: nec colimus, nec colendum docemus, nisi unum Deum, cum ad hunc cultum pertineat oblatio sacrificij; nullo modo tale aliquid offerimus cuiquam Martyri, vel cuiquam anima sancta, vel cuiquam Angelo.* Nec etiam in Hebræa lingua ullum est nomen, quod propriè designet cultum solius Dei, sed omnia ita communia, ut nunc de hoc, nunc de illo cultu usurpentur: ut planum est in voce illa *Histachava*, & *Abed*, quæ nunc pro religioso, nunc pro cultu civili ponitur. Nec in Græca lingua illa distinctio est, præter θεοσέβεια nomen, quo tamen rariùs utuntur Græci. Quanquam Augustinus λατρεύειν passim in Scripturis pro cultu, & adoratione primæ speciei sumi asserat: uti hæc omnia multis ostendit Bellarminus lib. 1. de Beat. SS. c. 12. Quocirca ut Ecclesia nomen ὁμολογία, θεοτόκον, aliisque introduxit, ad res propriè significandas, ita nomina *dulia*, & *latría* singulis speciebus cultus attribuit. Sapienter D. Augustinus lib. de Gen. ad lit. c. 4. *Dummodo intelligatur quod intelligendum est, non magnoperè curandum est, quid vocetur.* Hinc quando in Synodo Nicænâ, & apud Patres, reliquosque Scriptores legitur adorari Sanctos in cælis, Crucem Domini, & imagines; id intelligendum est de adoratione per cultum *dulia* facta, quæ omnia Nisanius & hæretici malignè detorquent ad cultum *latría*, cum *dulia* speciem non agnoscant, ut infra exponam.

III. Hypothesis, est distinctio inter actus *internos* cultus religiosi, & inter *externos*: nam actus *externi* per se non faciliè distinguunt species adorationis: V. G. *incurvatio*, & *genuflexio*, *latría* est, si soli Deo fiat, *dulia* si Sancto, *cultus civilis* si Regi, aut Imperatori fiat. Abraham eodem actu *incurvationis* adoravit Deum Gen. 17. Angelos, Gen. 18. *Homines*, Gen. 23. Ita si corona deferatur crucifixo, *latría respectiva* est, si Sancto, *dulia*, si sponso aut Regi, *cultus civilis* est. Quid verò ad illud dicet? quod de Carolo Magno scribunt Annales Francorum in coronatione ejus ad annum Christi DCCC1. *cuncto nimirum populo Romanorum acclamante: Carolo Augusto, à Deo Coronato, Magno, & Pacifico Imperatori Romanorum. Post quas laudes, à Pontifice more antiquorum Principum adoratus est.* Qualis illa adoratio fuit? certè non alia, quàm civilis. Igitur quando objicit nobis Nisanius cum suis, *incurvationem, dona, vota,*  
litani-



*litanias, preces*, quæ Sanctis offeruntur, aut imaginibus Sanctorum, Sanctisque deferuntur, spectandus est animus offerentis, & sensus precantis, internique actus. Hic Nifanius cum suis tanquam cordium humanorum *inspector*, & *iudex divinus*, illicò Catholicos, *angelolatria*, *hagiolatria*, *iconolatria* condemnat, cum ne *fundamenta* quidem hujus doctrinæ intelligat. Aut, quæ malitia est, si intelligat, populo veritatem non expone-re? Opificem Catholicum, aut vetulam ante Crucis imaginem, aut statuam B. Virginis adorantem si rogares, responderet tibi, non se lignum, sed quem crux & imago repræsentat, adorare & precari. His positis, satis superque responsum est ad omnia, quæ à Nifanio tantâ & tam confusâ descriptionis farragine per rapsodiam obtruduntur.

Interim audiamus, quid novus ille Theologus adferat adversus hæc principia. Primum inquit, cultus religiosus unus tantum est, nempe *latria*, qui soli Deo convenit, nec præter civilem cultum, quo honorantur Principes & parentes, tertius *dulia* dari potest; aut si detur, *latria* erit: quia religio cultus Dei est. &c. Hoc argumentum Calvinus est *lib. 1. instit. c. 11*, & jam dudum explosum à Bellarmino aliisque Theologis. Nam ubi *excellencia*, & *objectum formale* est diversum, ut jam ostensum est, ibi & honor, & cultus sit diversus necesse est, quod vel Aristoteles te suprà docuit in *ethicis*, qui ipsos cultus civiles ait distingui in varias species, quidni religiosus etiam cultus? cum objecta formalia sint diversa, & cultus *dulia* non *univocè*, sed *analogicè* sit species adorationis: nec enim excellencia univocè dicitur de Deo, & creaturis.

Sed pergit: Inter ens increatum, & creatum non datur medium. Ita est, sed sicut inter entia creata alia sunt *substantialia*, alia *accidentalialia*, ita alia sunt *naturalia*, alia *supernaturalia*, & longè altioris ordinis, ut *gratia* & *gloria*, ob quæ duo honorantur Sancti: atqui illa specie differunt à naturalibus, ergo & cultus. Nisi placeat in aliam hinc hæresin transire, & negare omnem gratiam & gloriam Sanctorum: quò impia vestra doctrina vergit, quæ non modò Scripturam, Concilia, & Patres, sed omnem Philosophiam & Theologiam confundit. Qualis & hæc tua absurda propositio est: *Excellentia quævis humana, & quod in homine est, humana est; etiamsi ordinis sit supernaturalis, cui non aliud, quàm civilis cultus debetur*. Ergo omnis ille cultus qui ab Ecclesia Catholica tot sæculis exhibitus est Sanctis in cælo poterit etiam deferri Regibus

& magistratui politico, & qui Deiparæ Virgini delatus est, potest deferri tuæ *Hecuba*. Ratio tua, quia præter divinam excellentiam cæteræ excellentiæ in creaturis pares sunt, & civili tantum cultu dignæ. ita verò nec sancto *Petro* major honor debetur quam Consuli, *Paulo* quam Pratori urbis, SS. Martyribus quam textoribus Bilsfeldiensibus. Possent ex hoc principio doctrinæ vestræ templa dedicari politicis principibus, quemadmodum Carolus Magnus templa B. Virgini, & sanctis Apostolis dedicavit per Saxoniam, aut statua aliquatibi & conjugii tuæ poni in altari. Pergis delirare, & dicis: in objecto religiosi cultus esse punctum indivisibile, quod dividi non possit in cultum *latriæ* & *duliæ*. Credo equidem a crasso Lutherano id fieri non posse. Quomodo verò Theologi Catholici cultum religionis dividant in *latriam*, quæ propriè & antonomastice Deo debetur per virtutem religionis, & in *duliam* quæ analogicè est cultus religionis, Angelis & Sanctis exhibitus ob excellentiam supernaturalem, jam supra diximus. Quæ super te vide Bellarminum loc. cit. Lessium lib. 2. de Justit. c. 36. dub. 3. Suarez, Valquez, cæterosque cum D. Thoma Theologos. nec tu hæc capis quidem: minùs certè, utrumne actus *duliæ* ab eodem habitu religionis, an à diverso producat? Hosce te ordine & solidè aliquo in speciem argumento refellere oportebat, quàm istas calumnias eruere. Tyro philosophiæ hæc infecta argumenta ridet. Sed nunc ad cæteras tuas propositiones pergamus.

## C A P V T IX.

*An ex Scriptura religiosus Angelorum, et Sanctorum cultus probari possit?*

**N**Egat id consequenter Nisanius cum suis, qui tantummodò civili illos cultu dignatur. Augustana confessio art. 21. non aliter cultum Sanctorum probat, quàm per memoriam & imitationem. Ita enim de cultu Sanctorum docet: *Quod memoria Sanctorum*  
*propens*

proponi potest, ut imitemur fidem illorum, & bona opera juxta vocationem. Cetera quæ ad cultum SS. spectant, damnat: eò quòd de his nihil Scriptura tradat. Audet adeò Augustana confessio gloriari, nihil hîc à se doceri, quòd vel à Scriptura, vel à Catholica & Romana Ecclesia discrepet. Apologia honorandos quidem asserit, sed per gratiarum actionem id fieri vult: quòd Deus ostenderit nobis in illis exemplum misericordiæ suæ, & confirmationem fidei, & imitationis exemplar, sed ad rem ipsam de qua agitur, nihil dicit.

I. Dicimus ergo Angelos, & Sanctos honorandos, & colendos esse cultu de quo egimus religioso, idque ex Scriptura probamus: nam Angeli adorati sunt ab Abraham Gen. 18. deinde à Loth. Gen. 19. non cultu civili, quia non prius adorarunt, quàm Angelos cognoverunt. Et quam ridiculum est dicere, Angelis deberi cultum civilem? Ità & Josue cap. 5. adoravit Angelum, nec prius, quàm se dixit esse ministrum Dei. Quare & Josue ut legatum Dei adoravit. Quomodo nunc ex cultu Angelorum nos angelolatria damnabit Lutheranus? nisi eodem crimine involvat Loth, Josue, & Abraham *patrem omnium credentium*? Fundamentum verò ejus adorationis non fuit natura, vel aliquot naturale bonum, aut morale, sed supernaturalis excellentia.

II. Probatur: Quia non modò Saul animam Samuelis adoravit, 1. Reg. 28. de quo multis Beilarminus, Serrarius in lib. Reg. & interpretes, sed etiam in hac vita Nabuchodonosor Daniele cap. 2. Dan. Abdias dispensator Regis Eliam Prophetam 3. Reg. 18. Filij Prophetarum Elisæum 4. Reg. 2. Neque hic honor referri potest ad excellentiam naturalem, sed ad supernaturalem, prophetiæ videlicet gratiam, & sanctitatem. Ad Scripturæ testimonia accedit perpetua Ecclesiæ traditio, & praxis totius Ecclesiæ; neque enim quicquam certius, quàm ubique B. Virginem, Apostolos, & Martyres ab ortu Ecclesiæ coli cæpisse.

III. Probatur Patrum testimonijs Justinus Apolog. 2. *Angelorum exercitum, & spiritum Propheticum colimus, & adoramus, verboque, & re, seu veritate veneramur, idque omnibus qui discere volunt, ut docti instituti que sumus, copiose tradimus.* Chrysostomus Hom. de Sanctis: *Non aliter prius, aliter recentiores colitis Sanctos.* Et infra: *Martyres, quos hodie colitis, aderant.* Cyrillus Alexand. lib. 6. in Julianum: *Nos non deos factos esse diximus sanctos Martyres, sed omni honore dignari con-*

*suevimus. Damascenus lib. 4. de fide Orthodox. c. 16. Honorare decet Sanctos, ut amicos Christi, ut filios & heredes Dei. Cyprianus lib. 4. Epist. 5. Martyrum passiones, & dies anniversaria commemoratione celebramus. Hieronymus Epist. ad Riparium: Honoramus Servos, ut honor servorum redundet ad Dominum, cultu videlicet dulcæ non latræ, nam de latræ cultu illud contra Vigilantium hæreticum: Quis Martyrem adoravit? quis hominem Deum putavit? Augustinus in psalm. 25, de Sanctis: Beatissimum Petrum piscatorem modo genibus prostratus adorat multitudo credentium per Dominum nostrum Jesum Christum. Id vero quod dicit Epist. 44. ad Maximum Grammaticum. Non te hoc lateat, & in sacrilega convivia prudentem trahat, scias à Christianis Catholicis nullum coli mortuorum, mox explicat ut Hieronymus fecit: Nihil enim, ut numen adoramus, quod sit factum & conditum à Deo. Cætera testimonia leges apud Bellarminum, Suarez, Valentiam, Vasquez, Coccium, Gualterium & alios. Sane Patres omnes loqui de cultu religioso, & non civili, clarum est ex eo, quod de illo cultu agant, qui per festos & anniversarios dies, templa, vota, peregrinationes, invocationem, ac per alias sacras actiones ritusque publicè Sanctis deferebatur.*

Ex quibus postremò accedit argumentum à ratione: nam ethnici, Judæi, & hæretici, cum primis Vigilantiani & Manichæi accusabant Christianos idololatræ, uti cum his Nifanius facit cavillator, non aliunde quàm ob cultus anterecensitos, ut constat ex Eusebio lib. 8. c. 6. hist. lib. 4. c. 15. Cyrill. lib. 6. c. 10. in Julianum, August. lib. 20. c. 21. contra Faustum Manichæum, Hieronymo contra Vigilantium. At illi suæ cultus religiosi, non civiles: neque enim ob civilem cultum ulli reprehensionem in speciem obnoxij esse poterant Christiani, ut per se constat. Neque his quicquam decedit honori Dei. Enimvero sicut supernaturali (quem Deo debemus) amoris nihil detrahatur per caritatem fraternam proximi, ita nec de summo & supernaturali latræ cultu quicquam derogatur per dulcæ cultum, qui ad supernaturalia Dei dona, gratiam videlicet & gloriam, Sanctis concessa refertur, maxime cum Deus Sanctos suos honorari voluerit. *Gloria & honor omni operanti bonum Rom. 2. Si quis mihi ministraverit, honorificabit illum Pater meus Joan. 12. Imo qui vos spernit, me spernit, Luc. 10. Inde tot vindictæ divinæ in sacrilegos, qui vel beatissimæ Virginis, vel Sanctorum nomen contumeliosis scriptis & dictis*

dictis læsere. pleni sunt omnes historię sacrę libri: nec maledicam tuam linguam serra Nestorij, Copronymi, aliorumque blasphemorum potius deleret, qui tot probris, sannis & convitijs ex officina diaboli collectis, sanctissimam Virginem & Christi matrem proscindis.

II. Dicimus, Sanctos non modo sanctę coli debere, sed & religiose ac salubriter invocari posse: hic enim præcipuus cultus est, de quo controversatur, id quod Augustana confessio & Apologia apertę negat & damnat, neque hujus novi dogmatis sui alios patronos habent Lutherani, quàm Vigilantium hæresarcham, qui docuit Sanctos non posse orare pro nobis, & quod consequens est, frustra invocari. Post illum *Petabrusiani*, *Apostolici*, *Waldenses*, & *Wiclefus* invocationem SS. repudiaverunt, quibus accessit *Lutherus*, primusque inter *novatores* nostros, hanc conscriptam hæresin ab inferis resuscitavit. Ac tamet si ad veritatem Catholicam testandam satis esse possit, quod hæc Lutheranorum doctrina jam dudum in *præcis hæreticis* damnata sit, multis tamen *invocatio SS.* convincitur.

I. Sancti orant pro nobis, *saltem in genere*, secundum Scripturas, id quod Apologia vestra concedit: ita enim ad art. XXI. Augustanę confess. *Præterea, & hoc largimur, quod Angeli orant pro nobis: extat enim testimonium Zacharia 1. ubi Angelus orat: Domine exercituum, usquequò tu non misereberis Jerusalem? De Sanctis etiam concedimus, quod sicut vivi orant pro Ecclesia universa in genere, ita & in calis orant pro Ecclesia in genere.* Confirmatur hæc doctrina, compluribus alijs Scripturę locis. 2. Machab. c. ult. *Onias & Jeremias jam defuncti orant pro populo.* Apoc. 5. referuntur Sancti cum *phialis aureis, quæ sunt orationes Sanctorum.* Apoc. 6. Sancti vindictam clamant de interfecto-ribus suis. Ergo multo magis misericordiam pro nobis implorabunt. 2. Petri 1. *Dabo operam & frequenter habere vos, scilicet commendatos, post obitum meum, ut horum memoriam faciatis.* Luc. 16. dives epulo orat in gehenna pro fratribus. His positis, certum argumentum procedit: Si Sancti orant pro nobis, ut concessum est, ergo invocari possunt, saltem ut in genere orant pro Ecclesia, & nobis: ita in genere invocari poterunt, quod tamen negant Lutherani, cum nulla sit ratio negandi. nisi illud Lutheri: *Sic volo, sic jubeo.* Nam si Sancti in cælo cognoscunt laborantis Ecclesię necessitatem in terris, ut pro ea orant, quod Onias, & Jeremias, & Angeli fecerunt;



ergo etiam possunt Ecclesiæ in terra orantis cognoscere preces, & suas preces cum illius precibus conjungere.

Sed ultra dicunt, effugij causâ: Sancti quidem in genere orant pro Ecclesiâ, non autem in specie, & particulari possunt orare pro nobis. At non minus absurda hæc responsio: nam Angeli in cælo orant in specie, & particulari, & curam nostri gerunt, ut constat Tobia 12. Zacharia 1. Apocalypsis 8. Daniel. 10. Psalm. 90. Matth. 18. Luc. 15. *Gaudium est super uno peccatore pœnitentiam agente*, Ergo & spiritus Beatorum id facere possunt: *æquales enim Angelis sunt, & filij Dei sunt* Luc. 20. Deinde aliquid habent præ Angelis, quod sint membra Ecclesiæ magis conjuncta, & sint experti miseras nostras. 3. *Dives epulo* in inferno orat speciatim pro quinque fratribus suis, ne ad ista tormentorum loca veniant. 4. Constat Ecclesiæ usu, quæ in particulari Sanctos invocât, ergo supponit, Sanctos cognoscere in particulari invocantes. Quid enim illud in præfatione Missæ de Apostolis? *Gregem tuum Pastor æterne non deseras, sed per beatos Apostolos tuos continuâ protectione custodias: ut iisdem rectoribus gubernetur, quos operis tui Vicarios eidem contulisti præesse Pastores*: Quam orationem Pelagius II. Papa ante Gregorium Magnum docuit esse vetustissimam, Epist. 4. Decret. His accedunt testimonia SS. Patrum apud Bellarminum lib. 1. de SS. Beat. c. 18. in particulari Sanctos invocantium. 5. Quo Scripturæ testimonio, aut quâ consequentia infallibili Lutherani contrarium evincunt? ut non multo certius Ecclesiâ in possessione hujus dogmatis, quæ falli non potest, relinquenda sit? aut cui Sanctorum Concilio in cælis interfuerunt Lutherani, ut hoc tam asseveranter docere demum nos velint?

II. Hæc veritas asseritur ex ijs locis, quibus memoratur defunctos orasse pro vivis, Jerem. 15. v. 1. *Si steterit Moyses & Samuel coram me, non est anima mea ad populum istum*. Jam enim Moyses & Samuel defuncti erant: uti etiam Onias, & Jeremias defuncti orant pro populo 2. Machab. c. ult. Ita & Moyses orat Exod. 32. *Recordare Domine Abraham, Isaac, & Israel servorum tuorum*. Psalm. 131. *Propter David servum tuum, non avertas faciem Christi tui*. Quæ verba Salomonis sunt orantis Deum per merita Patris sui. Daniel. c. 3. *Non auferas misericordiam tuam à nobis, propter Abraham dilectum tuum, & Isaac servum tuum, & Israel sanctum tuum*.

III. In



III. In utroque Testamento legimus viventes pro viventibus orasse. 1. Regum c. 7. Hebræi ad Samuelem: *Ne cesses pro nobis clamare ad Dominum Deum nostrum.* Job. ult. *Ite ad servum meum Job, ille orabit pro vobis.* Rom. 15. Paulus ait: *Obsecro vos fratres, ut adjuvetis me in orationibus pro me ad Deum.* Eadem repetit Eph. 6. 1. Thess. 5. 2. Thess. 3. Col. 4. Hebr. 13. Ex his tale argumentum procedit: Viventes à viventibus sunt invocati, ergo licebit nunc eosdem Sanctos invocare cum Christo regnantes. Quo argumento S. Hieronymus Vigilantium hæreticum convicit: *Si Apostoli, inquit, & Martyres adhuc in corpore constituti, possunt orare pro ceteris, quando pro se adhuc solliciti esse debent: quanto magis post coronas, & victorias, & triumphos? Quapropter Bellarminus & alij dicunt, hoc argumentum à nullo hæretico adhuc solutum esse. Nam quod dicant, Sanctos in cælis non cognoscere preces nostras, in quo Nifanius solutionem quarit, prorsus frivolum est. Nam ut Gregorius ait: *Quid non vident, qui videntem omnia vident?* Cetera quæ in hanc rem magno strepitu adferuntur, dissoluta sunt à Bellarmino lib. 1. de SS. c. 20. Suarez, Vasquez, Becano, Forero, alijsque innumeris. Actamenhi modus, quo preces nostras cognoscant Sancti, nobis non ita explicatè constet, utrumne Sancti omnia in Deo videant à principio beatitudinis, quæ ad ipsorum statum spectant, quod D. Thomas 3. p. q. 10. art. 2. & cum eo alij verisimiliter docent. An verò per novam revelationem à Deo factam, quando eos invocamus, parum hîc ad rem facit, quando hæc vera consequentia est: *Sancti recte invocantur approbante Ecclesia: Ergo cognoscunt preces nostras.* Illa verò novatorum fallax est argumentatio: *Sancti non sciunt preces nostras, ergo non sunt invocandi.* Quin ipse Nifanius cum suis agnoscit in Baptismo puerorum excitari fidem eorum, quo autem modo id fiat, dicit sibi suisque incognitum esse: idem est de præsentia Christi in Eucharistia apud illos, utrumne illa fiat per consecrationem, an summptionem? quæ resolutio ad Kalendas Græcas apud illos remittitur. Unita hîc nobis D. Augustini regula satis esse debet, lib. 2. de Bapt. c. 7. *Quod Ecclesia universalis suo tempore observat, nec est per Concilia generalia institutum, credi debet esse ex Apostolicâ traditione.* Rursum Epist. 118. c. 5. *Quæ in toto orbe servat Ecclesia, de quibus disputare, quin ita faciendum sit, insolentissima est insania.* Ego quod ab Ecclesia accepi securus & ceno, & trado.*

His

His etsi satis responsum sit ad omnia Nifanij argumenta, alia tamen hujus Prædicantis insania prætermittenda non est.

*Insania, et apertum Nifanij mendacium de initio, et tempore, quo cœpisse dicit invocationem Sanctorum.*

**A** Pologia Augustanæ confessionis ad XXI. Art. ita docet: *Veteres Scriptores ante Gregorium Magnum non fecerunt mentionem invocationis Sanctorum.* Nifanius verò sic scribit: *Fatemur jam sexto & septimo sæculo de invocatione Sanctorum semina fuisse jacta, accrevit inde Apostolorum & Martyrum existimatio.* Quasi octavo sæculo & post illud, invocatio Sanctorum primum cœperit. Id verò, quàm impudens sit mendacium satis demonstrabitur, si ex quinque primis sæculis Conciliorum & Patrum testimonia adduxero.

Ex Concilio Chalcedonensi, quod Oecumenicum fuit, ex quatuor primis unum, anno Christi 454. celebrato, habemus primò Epistolam Episcoporum Europæ, qui ita scribunt ad Leonem Imperat *Sanctissimum vero Proterium in choro, & ordine Sanctorum Martyrum ponimus. & ejus intercessione misericordem & propitium Deum habere postulamus.* Aët. 2. ejusdem Concilij Patres dicunt: *Flavianus post mortem vivit, Martyr pro nobis orat.* In Concilio Ephesino lecta Cyrilli Alexandrini Homilia, quæ sic eloquitur de B. Virgine Maria: *Salve Sancta Despara, eximium illud orbis decus & ornamentum.* Et quæ in laudem, cultum & invocationem Virginis attextit Epistola. In VI. Synodo generali, Constantinopolitana III. anno Christi 681. cap. 7. *Solo Deo creatore adorato, invocet Christianus Sanctos, ut pro se intercedere apud majestatem divinam dignentur.* In VII. Synodo generali, quæ Nicæna II. fuit Aët. 6. in fine Patres profitentur: *Cum timore omnia agamus, postulantes intercessionem incontaminata Despara, item Sanctorum Angelorum, omniumque Sanctorum.* An non hæc clara satis pro invocatione Sanctorum? Addamus Patres, præter eos qui suprà pro cultu SS. adducti sunt.

**PATRES**

## PATRES GRÆCI.

**I**renæus lib. 5. contra hæreses : *Sicut Eva illa seducta est, ut effugeret Deum, sic hac Maria suasa est obedire Deo, ut Virginis Eva Virgo Maria feret advocata.*

Ensebius lib. 13. Præparat. Evang. c. 7. *Hæc nos quotidie facitamus, qui vere pietatis milites, ut Dei amicos honorantes, ad monumenta quoque illorum accedimus, vota quoque ipsis facimus, tanquam viris Sanctis.*

S. Methodius ante Concilium Nicænum, Episcopus & Martyr, B. Virginem Mariam appellat: *Facem fidelium, vellus divini rosis, propitiatorum, in quâ Deus humanâ carne indutus: Salve in æternum, ad te rursum recurrimus.*

Athanasius serm. de Annunt. B. Virginis: *Inclina aurem tuam Maria in preces nostras, & ne obliviscaris populi tui. Et infra: Ad te clamamus, recordare nostri sanctissima Virgo Maria, intercede Hera, & Domina, & Regina, & Mater Dei pro nobis.*

Basilus Oratione in 40. Martyres: *Qui aliqua premitur angustia, ad hos confugiat; qui rursum latatur, hos oret; ille ut à malis liberetur, hic ut duret in rebus latis.*

Gregorius Nazianz. Orat. in Cyprianum de Virgine ad stuprum sollicitata: *Virginem Mariam rogavit, ut periclitanti virgini opem ferret: vicit Virgo, vincitur demon.*

Gregorius Nyssenus Orat. in S. Theodorum: *Intercede ac deprecare pro patria apud communem Regem & Dominum: timemus afflictiones, expectamus pericula, non longè absunt scelesti Scythæ, bellum adversum nos parturientes. Pergit deinde Nyssenus: Quod si majori etiam opus fuerit deprecatione, & advocacy, fratrum tuorum Martyrum coge chorum, & cum omnibus una deprecare, admone Petrum, excita Paulum, Joannem item Theologum ac discipulum dilectum.*

S. Ephrem de laudibus Martyrum: *Precamur beatissimi Martyres ut pro nobis miseris & peccatoribus, & de negligentia squalore sordentibus, Dominum interpellare dignemini.*

Cyrillus Catechæsi 5. Mystagoga: *Cum hoc sacrificium offerimus, facimus mentionem etiam eorum, qui ante nos obdormierunt: primum Pa-*

K K K K

triarcha-

*triarcharum, Prophetarum, Apostolorum, Martyrum, ut Deus orationibus illorum suscipiat preces nostras.*

*Chrysost. Hom. 66. ad populum : Nam & ipse qui indutus est purpuram, accedit illa complexurus sepulchra, & fastu depolito, stat Sanctis supplicaturus, ut pro se apud Deum intercedant, & scenarum fabrum, Paulum videlicet, & Piscatorem Petrum, ut protectores orat. Orat. 8. Rogemus, ne duxi, sanctam gloriosam Virginem, & Dei Genitricem Mariam, rogemus sanctos & praclaros Apostolos, rogemus sanctos Martyres. Eadem habet Hom. 5. & 8. in Matth. Hom. 43. in Gen. Hom. 1. in 1. ad Thess. Sermon. in Juventium, & Maximum. Longum ceteros Græcorum Patres ascribere, quos inter Dionysius Areopagita cap. 7. Damascenus lib. 4. de fide c. 16. Theophyl. inc. 11. ad Hebr. Theodoretus in hist. SS. Patrum. Theophanes ac Theoteristus apud Nicatam. Suidas de Copronymo : *Veniit ne quis mortalium Maria intercessionem imploraret.* At Nicetas intercessionem hanc Virginis vocat, per quas mundus consistit. Quid nunc censes Nifani ? qui non nisi *Vigilantium*, & *Copronymum* ex antiquis, habes auctores tuæ hujus doctrinæ ?*

## LATINI PATRES.

**S.** *Hilarius in psalm. 129. Intercessione Angelorum non natura Dei indiget, sed infirmitas nostra: missi enim sunt propter eos, qui hereditabunt salutem, infirmitate nostrâ adrogandum, & promerendum, spiritualia intercessionis ministerio indigente. Similia habet in psalm. 124. de intercessione SS. Apostolorum & Prophetarum.*

*S. Ambrosius lib. de viduis : Obsecrandi sunt Angeli, qui nobis ad presidium sunt dati; Martyres obsecrandi, quorum videmur nobis quodam pignore patrocinium vendicare: isti enim sunt Dei Martyres, praesules nostri, speculatores vita, actuumque nostrorum: non erubescamus eos intercessores nostræ infirmitatis adhibere. Idem legas lib. 10. in Lucam.*

*S. Cornelius Papa Epist. 1. de transl. corporum Apostolorum: Orantes, inquit, Deum & Dominum nostrum Jesum Christum, ut intercedentibus sanctis suis Apostolis, maculas peccatorum vestrorum purget.*

*Cyprianus lib. de mortalitate: Magnus, inquit, in calo nos carorum nume-*

numerus expectat, de sua salute securi, de nostra solliciti. Inde Epist. ad Cornelium: Si quis hinc prior nostrum preceperit, perseveret apud Deum, & non cesset oratio. Inde ad Virgines: Mementote tunc nostri, cum incipiet in vobis virginitas honorari.

Gaudemus in psalmum 85. Dominus Jesus Christus adhuc interpellat pro nobis, omnes Martyres qui cum illo sunt interpellant pro nobis; non transferunt interpellationes, nisi cum transferit gemitus noster.

S. Hieronymus contra Vigilantium, ut supra relatum: Si Apostoli & Martyres adhuc in corpore constituti, possunt orare pro ceteris, quanto magis post coronas & victorias? Ad hoc testimonium totumque Hieronymi librum respondet Melanchthon in Apologia Augustanae confessionis: Citant Papista Hieronymum contra Vigilantium: nec vident isti asini, apud Hieronymum contra Vigilantium nullam extare syllabam de invocatione Sanctorum. At Melanchthon ille asinus est, aut valde stupidus: nam ceteri Vigilantius non dixerit Sanctos non esse invocandos, eo tamen ipso, quod docuit, eos non orare pro nobis, satis simul docuit non esse invocandos. Sicut idem ex hoc haecesis vestrae principio sequitur: Sancti in caelo non agnoscunt preces nostras, nec tam longas aures habent ut audiant, nec oculos ut videant.

Quae scommata sunt, non principia. Caterum Hieronymus ex instituto non aliud tractat contra Vigilantium, quam invocationem Sanctorum, quare & in Epist. ad Paulam de obitu Blaesillae: Pro te Dominum rogam, mihi que veniam impetrat peccatorum. Et in vita Hilarionis ludat Constantiam Virginem, quae solita erat pervigiles ad sepulchrum Hilarionis noctes ducere, & quasi cum praesente, ad adjuvandas orationes suas sermocinari.

Augustinus tractat. 1. super haec verba S. Joannis: Si quis peccaverit, advocatum habemus apud Patrem Jesum Christum: Sed dicit aliquis, inquit Augustinus: Ergo Sancti non petunt pro nobis, ergo Episcopi, vel Praepositi non petunt pro populo? sed attendite scripturas, & videte, quia & Praepositi commendant se populo: nam Apostolus dicit plebi, orantes simul & pro nobis; oramus pro vobis fratres. sed & vos orate pro nobis: invicem pro se omnia membra orent, caput pro omnibus interpellat. Ubi Augustinus loquitur de orationibus in genere tam viventium, quam Sanctorum in calis, quos primo loco collocat. Idem serm. de Sanctis: Tunc pro nobis absque ulla

KKKK 2

dubia-

dubitatione sancti Martyres intercedunt, quando in nobis aliquid de suis virtutibus r. cognoscunt. Serm. 17. de verb. Apost. Injuria est pro Martyre orare, cujus nos debemus orationibus commendari, Lib. de cura pro mortuis, quarit Augustinus, cur Christiani magno provisu procurent sibi sepe chra ad memoriam Sanctorum? & respondet, id eo fieri: *Ut dum recolunt, ubi sint, reposita eorum, quos diligunt, corpora. ijsdem Sanctis illos tanquam patronis susceptos apud Dominum adjuvandos orando commendent*, Serm. de Sanctis 35. *Igitur fratres cum toto mentis affectu beatissima Virginis nos intercessionibus committamus, omnes ejus patrocinia omni nisu imploremus, ut dum nos supplices eam obsequio frequentamus, interim ipsa nos sedula prece commendare dignetur in calis: neque enim dubium est, quæ meruit pro liberando proferre precium, posse plus omnibus liberatis impendere suffragium*. Quis hoc Lutheranus credit, aut petit cum S. Augustino? Idem. Serm. 18. *Obeata Maria, admitte nostras preces, intra sacrarium exauditionis, & reporta nobis antidotum reconciliationis, sit per te excusabile quod per te ingerimus, fiat impetrabile quod fida mente poscimus, accipe quod offerimus, redona quod rogamus, excusa quod timemus; quia tu es spes unica peccatorum; per te speramus veniam peccatorum, & in te beatissima Virgo est expectatio premiorum*. Inde subjungit orationem, quam exinde tota frequentat Ecclesia: *Sancta Maria succurre miseris, ora pro populo, interveni pro clero, intercede pro devoto femineo sexu, sentiant omnes tuum juvamen, quicunque celebrant tuam commemorationem*.

Innumera hujusmodi D. Augustini sunt testimonia, quibus Sanctorum invocatio clarissime exponitur ex praxi totius Ecclesiæ. Et quis, inquit Suarez, est scriptor SS. Patrum, qui dum de Sanctis scribit, non simul eis se commendat?

Post Augustinum ita Victor Uticensis lib. 3. de Persecut Wandalica precatur: *Adeste Angeli Dei, deprecamini Patriarcha, orate Sancti Propheta, estote Apostoli suffragatores, præcipue tu Petre beate, quare siles pro ovibus tuis? tu Sancte Paule gentium Magister, cognosce quid Wandali faciant Ariani; tu filij tui gemunt captivi, universi ingemiscite simul pro nobis Apostoli*.

Vides nunc Nisani, quàm fallaciter Apologia vestra doceat, ante tempora Gregorii M. non fuisse in usu invocare Sanctos, & quàm impudenter tu scribas, sexto demum & septimo sæculo cœpisse invocationem



nem Sanctorum. Concilia & Patres quos stiti, omnes ante S. Gregorium vixerunt, & scripserunt. Hic si tuo iudicio standum sit, omnes illi Patres, Græci & Latini, hagiolatricæ, & idololatricæ condemnandi sunt. Imò verò, quare ex tanto numero Patrum tu nullum producis, nisi ut per imposturam fallas populum, & lectorem tuorum librorum? tantum obscura quædam SS. Patrum testimonia adfers, in quibus Patres agunt de adoratione per latram, quæ soli Deo debetur. Et quis Catholicorum id negat? Magdenburgenses vestri cum clarissima hæc testimonia non ignorarent, ad aliam fraudem conversi, respondent: Patres errasse, & à maligno spiritu abductos miscuisse hunc errorem scriptis suis. Sed illud haud minus impudens mendacium est: quando illi uno consensu id tradiderunt, quod in tota Ecclesia frequentabatur. Quare ut S. Augustinus dixit: *Insolentissima est insania, disputare an faciendum sit, quod universa servat Ecclesia.* Secundum hanc regulam pronuntiat Concilium Tridentinum de cultu & invocatione Sanctorum sess. 25. *Mandat Sancta Synodus Episcopis, & ceteris docendi munus curamque sustinentibus, ut juxta Catholicæ, & Apostolicæ Ecclesiæ usum, à primævis Christiana religionis temporibus receptum, sanctorumque Patrum consensionem, & sanctorum Conciliorum decreta, imprimis de sanctorum intercessionem, invocationem, Reliquiarum honore, & legitimo imaginum usu fideles diligenter instruant: docentes eos, Sanctos unâ cum Christo regnantes orationes suas pro hominibus Deo offerre. bonum atque utile esse suppliciter eos invocare.* Et quæ in hanc rem pluribus docet Concilium.

## C A P V T X.

*Carolus Magnus cultu religioso, et invocatione  
Sanctos coluit.*

**C**arolum Magnum ut nobis persuadeat adversarius, damnasse cultum, & invocationem Sanctorum, adducit duo testimonia ex libris de imaginibus, quorum primum ex lib. 2. sic habet:

KKKK 3

*Angeli*

*Angeli five homines minimè adorandi sunt, salvâ adoratione, quæ caritatis & salutationis officio exhibetur.* Alterum est ex lib. 4. c. 23. his verbis: *Adoratur Deus, sed non osculatur: Venerantur Sancti, qui è saculo cum triumphis meritorum migraverunt, sed nec adorari debent cultu divino, nec osculari.* At nihil ex his testimonijs conficis, seu quòd pseudo-Carolini libri sint, & hæreticorum, ut suprà comonstratum est, à quibus hæreses vestras emendicare necessum habetis, relictis tot Conciliorum, & Patrum sententijs: seu quòd de cultu patriæ agant hæc citata loca, quem Sanctis abnegant, uti & Catholici faciunt. Sanè si Carolini libri essent, Carolus verbis & factis sibi contradiceret, ut nunc ostendam: nisi nos omnes historiarum scriptores, facti Episcoporum, & monumenta antiquitatis fallant. Unum hîc interim prius quæro à te. Librorum horum auctor, citato à te testimonio dicit: *Sanctos venerandos esse, eosque qui è saculo cum meritorum triumphis emigrarunt.* Agnoscisne hîc merita Sanctorum, & bonorum operum? id si facis, Lutheranus non es. Asinus aliquando, ut in apologo est, leonis exuvias induit, cæteris animalibus terrori futurus, sed longas illas aures tegere non potuit: ita tibi hîc evenit. Sed his omisiss

Dicimus, Carolum Magnum omni cultu religioso, & invocatione, Sanctos per omnem vitam veneratum, & profectum esse, votis nimirum, oblationibus ad altare, bonorum donationibus, peregrinationibus, templis & altaribus erectis, festis diebus institutis, sacrificiorum commemoratione, ac demum invocatione. Inter Sanctos verò post Christum, coluit Carolus Magnus in primis *B. Virginem MARIAM, IESU CHRISTI Matrem*, inter Apostolos *B. Petrum & Paulum*, deinde Martyres, reliquosque Sanctos. Singula nunc probemus.

I. Coluit Sanctos votis, oblationibus, & peregrinationibus. Ita enim Eginardus: *Colibat præ cæteris sacris & venerabilibus locis, apud Romanam Ecclesiam beati Petri Apostoli, in cuius donaria magna vis pecunie, raris auri quàm argenti nec non & gemmarum ab illo congesta est.* Rursum Eginardus: *Ecclesia Sancti Petri non solum per illum tuta, ac defensa, sed etiam suis opibus præ omnibus Ecclesijs ornata & ditata est à Carolo.* Rursum: *Quam cum tantum pendere, quater Romam votorum solvendorum, ac supplicandi causâ profectus est.* Habes hîc ex fidelissimo Scriptore vota S. Petro facta, oblationes, devotionesque sacras, & peregrinationem ad limina

mina Apostolorum, quia actus sunt cultus religiosi. De hac quaternâ peregrinatione, votisque à Carolo perfolutis, consentiunt Annales Francorum, ac ceteri Scriptores: uti hæc lib. 1. c. 2. à nobis ad suos annos relata sunt, & multis ab Anathasio in vita Hadriani, & Leonis Pontificum referuntur. De his votis ad limina Apostolorum, ita Hadrianus quoque Epistola s. ad Carolum Magnum: intellexisse enim se ait, *quod Domino protegente, remeantes vos à Saxonia, mox & de præsentì Italia, vel ad limina protectoris vestri B. Apostolorum principis, adimplenda quæ pollicui estis, properare desideretis.* Haud dubium, quin de Saxonia, & Episcopatibus Saxonie offerendis hæc scribat Pontifex. Quibus accedit Luitprandus in Hadriano, (non ille Ticinensis, sed ex eadem ætate vetus, & Germanus scriptor,) ejus testimonio habemus oblatam non modo Romæ, ex concepto voto, ad altare D. Petri Ecclesiam Osnabrugensem, sed & totam Saxoniam, quod post Deum patrociniò D. Petri Saxones debellandos susceperat. Inde primi nobiles illi Episcopatus per Saxoniam fundati à Carolo, dotatique regali munificentia, quos hæresis primum vestra profanavit, Carolumque voti irritum fecit. Ut verè dixerit Hieronymus lib. 7. in Isaiam: *Neminem esse tam impium, quem hæreticus impietate non vincat.*

II. Carolus Magnus Sanctos honoravit, coluitque templis, & altaribus in eorum honorem exstructis dedicatisque, tum etiam Sacrificij Missæ commemoratione: id cum primis manifestum est ex magnificâ Basilicâ, quam Aquisgrani in honorem Beatissimæ Virginis exstruxit, uti hæc hodie dum spectatur, opus regum admirandumque. Ita enim Eginardus in vita Caroli: *Inter opera præcipua ferè non immerito videri possunt basilica, sanctæ Dei Genitricis Aquisgrani opere mirabili constructa.*

2. Hunc in modum Carolus, omnes Basilicas per Saxoniam quas cum primis Episcopis introductis, & cum Episcopatibus fundatis construxit, in honorem simul Sanctorum consecrari voluit, ut sub eorum simul patrociniò Ecclesiam commendaret. Primam enim, quam condidit, Basilicam Osnaburgi, S. Petro & Crispino & Crispiniano Martyribus consecrari voluit. Ita enim ipse Carolus in diplomate Osnaburgensi, quod ex autographo Caroli Magni subscripto integrè dedit *Ferdinandus Princeps & Episcopus nolter: Notum sit omnibus Sanctæ Dei Ecclesiæ fidelibus nostrisque, præsentibus scilicet & futuris: qualiter nos ob nostra mercedis*

augmentum

*augmentum*, Wihoni Osnabrugensi Episcopo sueque Ecclesia, quam nos primam omnium in Saxonia in honore Sancti Petri principis Apostolorum, & Sanctorum Martyrum Crispini & Crispiniani construximus. Idem repetit iisdem propè verbis in altero diplomate. Utrumque leges in Monumentis Paderbornensibus: ex quo simul disces bonorum operum merita, quando *mercedis augmentum* legis. Quam deinde Bremæ construxit Ecclesiam primam, eam Christo & S. Petro consecravit, quod rursum ex diplomate Carolino constat, in quo Carolus: *Septentrionalem illius partem pro Christo & Apostolorum suorum Principi Petro, pro gratiarum actione devotè obtulimus, & in loco Bremon vocato super flumen Wirramham, Ecclesiam & Episcopalem statuimus Cathedram.* Quam præterea Verdæ construxit Ecclesiam B. Virgini consecravit. Ita enim diploma ejus Ecclesiæ: *Quandam Aquilonarem illius partem Domino nostro Jesu Christo, & Sanctissima ejus Genitrici devotissime obtulimus, & in loco Farduin vocato super Aleram fluvium, in pago qui dicitur Sturmi, Ecclesiam & Cathedram Episcopalem statuimus.* Paderbornæ quam primo erexit Ecclesiam, eam B. Virgini & S. Kiliano Martyri dedicavit, Monasterij D. Paulo, Mindæ B. Virgini, Halberstadij (quæ primò in Osterwick constitit) D. Stephano Martyri, Hildesij B. Virgini: aut certè id à Ludovico filio factum est, postquam Carolus eam Ecclesiam in Eltzen ad Lenam fluvium cœperat: Montem Marti & Ecclesiam istic cœptam D. Petro consecravit, quod Leonis Pontificis diploma testatur. Inde in hodiernum diem octo hæ Ecclesiæ uti à Carolo Magno conditæ sunt, hosce eosdem Sanctos, suos patronos retinent ac colunt: uti id ex fastis singulorum confirmatur. Nihil jam attinet de altaribus memorare: Nulla enim harum Ecclesiarum, quæ non complura altaria in honorem diversorum Sanctorum consecrata à Carolo Magno referat: quemadmodum Crypta Paderbornæ à Leone Pontifice, præsentè Carolo, unà cum altari D. Stephano dicata est. Longum referre templa, sacella, & altaria, quæ vel Ultrajecti in honorem S. Thomæ ante Carolum Magnum à Francorum Regibus, vel alibi per Saxoniam, & Germaniam post à Leone Pontifice, & præsentè Carolo Divis simul consecrata sunt. Quot exinde templa sub Ludovico Pio, & alijs Francorum Imperatoribus, ac Regibus, diversis Sanctis consecrata? ne quid memorem de Ecclesijs Episcopatum, & Cœnobiorum, per totam Franciam ante Carolum Magnum à Franco-

Francorum Regibus Sanctis consecratis, ex quo D. Dionysius, Maternus, Eucharis, Martialis, & post illos D. Martinus, Remigius, alijque Martyrum, & sanctorum Episcoporum, vel ab ipso Apostolorum aro, vel ab exordio Christianæ religionis per Franciam publicè coli cœperunt: ne hujus cultus initia (ut fallacissimè facis) ad sextum, vel septimum sæculum nobis referas. Quo in genere, aut te mentiri, aut omnes Franciæ annales, & historicos, monumentaque nos fallere necesse est.

III. Neque hic cultus (ut tu somnias) civilis fuit, sed religiosus, per *duliam* exhibitus: nec enim Regibus, & Principibus consecrantur à Christianis templa & altaria, sed Deo, ut *Auctori*, & supremo *Largitori* bonorum: Divis verò, ut *patronis* & *intercessoribus* apud Deum. Par hinc ratio est de sacrificijs: legis enim in Capitularibus Caroli Magni lib. 2. cap. 18. *Missam S. Martini*, lib. eodem cap. 20. *Missam S. Andrea*, lib. Capitularium 3. c. 23. & lib. 5. *Missam S. Joannis*. De his præclare S. Augustinus lib. 20. contra Faustum Manichæum cap. 21. *Populus Christianus memorias Martyrum religiosâ*, non civili, *solemnitate concelebrat*, & ad excitandam imitationem, & ut meritis eorum consecretur, atque orationibus adjuvetur: ita tamen, ut nulli Martyrum, sed ipsi Deo Martyrum, quamvis in memorias Martyrum constituamus altaria. *Quis enim Antistitem in locis Sanctorum corporum assistens altari, aliquando dixit: Offerimus tibi Petre, aut Paule, aut Cypriane? sed quod offertur, Deo offertur, qui Martyres coronavit, apud memorias eorum, quos coronavit. Et mox: Colimus ergo Martyres eo cultu dilectionis & societatis, quo & in hac vita coluntur Sancti Dei homines, nempe propter excellentiam gratiæ & sanctitatis, qui cultus denuò civilis non est, sed religiosus duliæ. Inde rursum subdit Augustinus: At illo cultu qui Gracè latraria dicitur, Latine uno verbo dici non potest, cum sit quadam propriè divinitati debita servitius, nec colimus, nec colendum dicimus, nisi unum Deum. Cum autem ad hunc cultum pertineat oblatio sacrificij, unde idololatria dicitur, eorum etiam qui hac idolis exhibent: nullo modo tale aliquid offerimus, aut offerendum præcipimus, vel cuiquam Martyri, vel cuiquam Sanctæ animæ, vel cuiquam Angelo. Quid planius ad vestras hæreses, vel ad vestras cavillationes, vel somnia dici poterat? dum enim dicit Martyres, & Sanctos coli religioso cultu, & non latrâ, consequens est cultu à civili distincto coli: cum civilis cultus à religioso formaliter distinctus sit. Eadem repetit exponit-*

LLL

que

quæ planius S. Augustinus lib. 8. de Civit. Dei c. 27. *Quoniam, inquit, nec nos eisdem Martyribus templa, Sacerdotia, sacra, & sacrificia constituimus, quoniam non ipsi, sed Deus eorum, nobis est Deus.* Explicat deinde, ut suprà, quo fine, ritu, cultuque hæc Martyribus, & Sanctis exhibeantur. Eadem tractat lib. 22. de Civit. Dei c. 10. Ut cæcus sit, qui hæc non videat. Sed tanta vestra est vel malitia, vel infania, ut aut videre non libeat, aut non liceat.

IV. Carolus Magnus Sanctos coluit festis diebus ab Ecclesia institutis. Capitularium lib. 2. c. 35. sic præscribitur: *Festos dies in anno celebrare sanximus: hoc est, Diem Dominicum Pascha: simul: modo totam hebdomadam illam observare decrevimus. Diem Ascensionis pleniter celebrare, in Pentecoste similiter ut in Pascha: in Natali Apostolorum Petri & Pauli diem unum, Nativitatem S. Joannis Baptista, Assumptionem S. Mariæ, Dedicationem S. Michaelis, Natalem S. Remigij, S. Martini, S. Andree, in Natali Domini dies IIII. Octavam Domini, Epiphaniam Domini, Purificationem S. Mariæ, & illas festivitates Martyrum, vel Confessorum observare decrevimus, quorum in unaquaque Parochia Sancta corpora requiescunt.* Eadem leges lib. 1. Capitularium cap. 164. & lib. 6. c. 186. *Diem Dominicum cum reverentia colite.* Et præter hunc præscribuntur festi dies, ut suprà diximus, etiam Assumptio B. Mariæ. Similiter in Additione I. Ludovici Pij ad lib. 7. Capitularium tit. 46. fanciuntur iidem dies festi, unà cum Assumptione B. Mariæ, & festis Apostolorum, & S. Laurentij. Hos quoque festos dies præscribit Concilium Moguntinum can. 36. additque *templi Dedicationem*, quæ sub patrocinio Sancti plebique instituitur. Quare, ut ex his quoque festis Sanctorum diebus, cultus religiosus Sanctorum conficiatur, nemo non intelligit: nam etsi Natalitia Regum & Principum celebrentur, dum vivunt: cui tamen unquam is cultus sacer delatus, ut per eos patrocinia apud Deum quærantur? quibus ipsi non minùs, quàm cæteri mortales indigent. Alius hic ritus, alius fructus, alius finis. Quemadmodum Augustinus in psalm. 88. con. 2. *Natalitia Sanctorum cum sobrietate celebrate, ut imitemur eos, qui nos præcesserunt, & gaudeant de vobis, qui orant pro vobis.*

V. Carolus Magnus ipso cultu religioso invocavit Sanctos orando, precandoque eorum intercessionem apud Deum: quod cum ex ijs quæ diximus clarum sit, tum ipse Carolus palàm proficitur Capitularium



rium lib. 7. cap. 188, quo dum sancit, ne bona Ecclesiæ auferantur vel permittantur laicis, *Satiùs, inquit, est nobis, regnum non habere terrenum, quam æternum perdere: plus verò me credo Deum posse per Sanctorum suorum merita adjuvare, quam per omnem militiam sæcularem.* Quid ex tanta fiducia Carolus non precatus per Sanctos? sed hic invocandi modus multo tēstator ex Litanij Sanctorum, in quibus post Christum invocantur Angeli, B. Virgo, Apostoli, Martyres, Confessores, Virgines, omnesque Sancti, tanquam in Choros suos compositi: de quibus ita Carolus Capitularium lib. 5. cap. 85. *Placuit ut Litania major observanda sit à cunctis Christianis diebus tribus.* Lib. 6. cap. 74. *Litania major more Romano ab omnibus VII. Calendas Maij celebretur.* Eadem habes in Concilio Moguntino can. 33. additurque: *sicut legendo reperimus, & sicut sancti Patres nostri instituerunt.* Quam in rem citat Bellarminus Concilium Toletanum V. & VI. Gerundense, Braccarense II. Aurelianense, quibus adde Cloveshovense in Anglia, quod ad Gregorium Magnum, & Augustinum Angliæ Apostolum Litanias refert. Quin ipse Carolus Magnus obtentâ adversus Ungaros victoriâ, ad Fastradam Reginam scribit, se tribus diebus Litanias fecisse, Tom. 18. Concil. Regionum. Ita Hadrianus Epistolâ 8. ad Carolum Magnum scribit, gratulaturque de Saxonibus subactis, atque ad Christi cultum & Baptismum perductis, triduanasque Litanias, ut Carolus Magnus optabat, eo nomine se indixisse significat. Nihil certiùs sub Gregorij Magni tempora, quam hic orandi modus, ex quo Catholici religiosum cultum ostendunt diversum à latræ cultu. Nam quando attribuitur Sanctis, quod Deo attribui non potest, non intervenit idololatria, ut hæretici calumniantur: id verò hîc agitur; ergo nulla hic idololatria intervenit. Nam ad Sanctos dirigitur invocatio, ut orent pro nobis, id verò Deo non attribuitur. Hinc mutato orandi modo dicimus: *Pater de calis Deus, miserere nobis: Fili Redemptor mundi Deus, miserere nobis. Fili Redemptor mundi Deus, miserere nobis. Spiritus sancte Deus, miserere nobis. Sancta Trinitas unus Deus, miserere nobis.* Mox ad B. Virginem, & cæteros Sanctos dicimus: *Ora pro nobis.* Quo constat, non aliter quam intercessores apud Deum invocari. Nam etsi Christus advocatus sit pro nobis apud Patrem, 1. Joan. 2. qui pro nobis interpellet, is tamen ut Mediator advocatus est per substantiam. De quo pluribus Theologi, & interpretes.

LLLL 2

Objicit

Objicit Nifanius: Litaniæ, quibus modò Sanctos invocant Catholici, proflus non conveniunt cum antiquis Litanijs, nec eam *consonantiam* Pontifices probare possunt. Sed quomodo tu probas *dissonantiam*? Audio te hæc dicere, sed nihil adferre in medium quo id ostendas. Solet nobis passim objici Litania, quam *Goldastus Calvinista* Tom. 2. Antiquit. Alemannicarum primùm produxit, sive confinxit: sed quo sensu hujusmodi precationum formulæ, sicubi inveniantur, intelligendæ sint, eruditè docuit Bellarminus *lib. 1. cap. 17. de Sanctis*. Circumfertur etiam à vobis alia Litania, quam *Chemnitius* 3. parte examinis Concil. Trident. in cenobio Corbejæ novæ ad Visurgim in vetusto codice à se inventam scribit, ex eoq̃ue *Mesbomius* in notis ad Chronicon Corbejense repetit, monetq̃ue *de hac eadem Litania Joannis Letzneri Chronicon de Vita Ludovici Pij Imp. ab exemplari Chemnitij nonnihil variare*. Inmò Letznerus *eandem Litaniam* alibi à *Bavone primo*, alibi à *secundo* hujus nominis Abbate Corbejensi compositam, in Chronico Corbejensi cap. XII. & Vita Ludovici Pij cap. XXIII. aliter, atque aliter exhibet. Verùm *mentita est iniquitas sibi*. Nam retulit mihi Adolphus Overham Ordinis D. Benedicti Sacerdos, Corbejensium antiquitatum non indiligens investigator, nuspiam *Corbeje* reperiri illam sive Letzneri, sive Chemnitij *supposititiam Luaniam*: aliam verò communicavit mecum, in antiquis membranjs Corbejensibus à se repertam, longè vetustiorẽ: quam ad fraudem interpolatorum retegendam, Sanctorumq̃ue *invocationem* adstruendam, hîc integrè, sicut in hanc diem Corbejæ extat, descriplimus.

<i>Exaudi Deus,</i>	<i>Rz.</i>	<i>Voces nostras.</i>
<i>Exaudi Christe,</i>		<i>Miserere nobis.</i>
<i>Exaudi Deus,</i>		<i>Voces nostras.</i>
<i>Sancte Sanctorum Deus,</i>		<i>Miserere nobis.</i>
<i>Sancta Dei genitrix,</i>		<i>Intercede pro nobis.</i>
<i>Sancte Michael,</i>		<i>Intercede pro nobis.</i>
<i>Sancte Gabriel,</i>		<i>Intercede pro nobis.</i>
<i>Sancte Raphael,</i>		<i>Intercede pro nobis.</i>
<i>Sancte Petre,</i>		<i>Intercede pro nobis.</i>

*Sancta*

<i>Sancte Paule,</i>	<i>Intercede pro nobis.</i>
<i>Sancte Andrea,</i>	<i>Intercede pro nobis.</i>
<i>Sancte Iohannes,</i>	<i>Intercede pro nobis.</i>
<i>Sancte Iacobe,</i>	<i>Intercede pro nobis.</i>
<i>Sancte Taddae,</i>	<i>Intercede pro nobis.</i>
<i>Sancte Laurenti,</i>	<i>Intercede pro nobis.</i>
<i>Sancte Gervasi,</i>	<i>Intercede pro nobis.</i>
<i>Sancte Protasi,</i>	<i>Intercede pro nobis.</i>
<i>Sancte Nazari,</i>	<i>Intercede pro nobis.</i>
<i>Sancte Celse,</i>	<i>Intercede pro nobis.</i>
<i>Sancte Cosma,</i>	<i>Intercede pro nobis.</i>
<i>Sancte Damiane,</i>	<i>Intercede pro nobis.</i>
<i>Sancte Domnine.</i>	<i>Intercede pro nobis.</i>
<i>Sancte Pancrati,</i>	<i>Intercede pro nobis.</i>
<i>Sancte Valentine,</i>	<i>Intercede pro nobis.</i>
<i>Sancte Martine,</i>	<i>Intercede pro nobis.</i>
<i>Sancte Augustine,</i>	<i>Intercede pro nobis.</i>
<i>Sancte Columbane,</i>	<i>Intercede pro nobis.</i>
<i>Sancte Andoïne,</i>	<i>Intercede pro nobis.</i>
<i>Sancte Aper,</i>	<i>Intercede pro nobis.</i>
<i>Sancte Severine,</i>	<i>Intercede pro nobis.</i>
<i>Sancte Chuniberte,</i>	<i>Intercede pro nobis.</i>
<i>Sancta Columba,</i>	<i>Intercede pro nobis.</i>
<i>Sancta Caecilia,</i>	<i>Intercede pro nobis.</i>
<i>Sancta Anastasia,</i>	<i>Intercede pro nobis.</i>
<i>Sancta Petronilla,</i>	<i>Intercede pro nobis.</i>
<i>Sancta Asra,</i>	<i>Intercede pro nobis.</i>
<i>Sancta Paula,</i>	<i>Intercede pro nobis.</i>
<i>Omnes Sancti,</i>	<i>Intercedite pro nobis.</i>
<i>Exaudi Deus:</i>	<i>Gregorio Papa vita.</i>

LLLL 3

*Exaudi*

*Exaudi Christe: Hludouico Imperatori vita.*  
*Exaudi Deus: Proli Regali vita.*  
*Exaudi Christe: Exercitui Francorum vita.*  
*Exaudi Deus: Peccata nobis indulge.*  
*Exaudi Christe: Orationem populi tui.*  
*Kyrie eleison.*  
*Christe eleison*  
*Kyrie eleison.*

## COLLECTA.

**F**Ac nos, quesumus Domine, sanctæ Mariæ semper Virginis sub-  
 sidijs attolli, & gloriosâ beatorum Apostolorum, Martyrum,  
 Confessorum, atque Virginum, omniumque simul Sanctorum prote-  
 ctione defendi: ut dum eorum pariter cotidie patrocinia implora-  
 mus, eorum pariter cotidie ab omnibus adversis protegamur auxi-  
 lio. Per Dominum nostrum *I E S U M* Christum filium tuum, qui te-  
 cum vivit & regnat, &c.

Qua nunc fronte audebunt *Hagiomastiges* deinceps Orbi Christia-  
 no illudere, & pro Catholicis Litanij supponere adulteratas alias, & do-  
 lo malo interpolatas *Litanias*, sub Arnulpho demum Rege, circa an.  
 DCCCXCIII. compositas? Cum hæ nostræ *Ludovicum* Pium Caroli  
 Magni filium memorent, anno DCCCXL. defunctum: Audebuntne  
 posthac solita fraude persuadere populo, ex commemoratione, & simplici  
 nominatione Sanctorum, post Arnulphi Imp. ætatem devotum tandem  
 fuisse ad eorum invocationem? & hoc commentum ex *Litania Corbe-  
 jensi* adstruere? Ecce nos hic Litanias dedimus ex authentico, & vetu-  
 stissimo Corbejensi exemplari, quod tibi *Nisani*, omnibusque, quibus  
 fides fortassis nostra suspecta erit. quandocumque libuerit, inspicien-  
 dum exhibebunt Religiosi Corbejenses. Disce igitur, & doce ex hac Li-  
 tania veram & antiquam *Sanctorum invocationem* post ejuratum à Saxo-  
 nibus *paganismum* frequentatam, & non temere Divos.

Ut

Ut fallaciam malè memorum mendacium clarius deprehendat Leo-  
gor, ecce ubi *Chemnitius*, & cum eo Meibomius legit in ficta sua Li-  
tania: *Sancta Dei Trinitas, exaudi Christe*, Letznerus legit: *Sancta Dei Tri-  
nitas, Christe ora pro nobis*. Et sic in cæteris.

Quis obsecro ante *Letznerum*, aut *Chemnitium* antiquus vel Or-  
thodoxus scriptor consimili formâ Litaniam contexuit? In his verbo-  
rum officijs hæretis, & plebis ora suspenditis; rem verò de qua agitur  
non attingitis, nec quicquam solidè profertis; quemadmodum à te pro-  
ducuntur pseudo-Carolini libri: de his verò quibus invocatio Sancto-  
rum SS. PP. & Caroli Magni testimonijs asseritur, altum apud vos silen-  
tium. Sed vos, ut à Sanctis Patribus, à Concilijs, & tota Ecclesia, ita & à  
Carolo Magno in cultu Sanctorum deflectitis ad hæreses veteres. Quan-  
to consultius pro omnibus tuis dicerijs & calumnijs in Sanctos, orares  
cum S. Augustino lib. Meditationum cap. 40. ubi post orationem ad  
Deum ita precatur: *Exaudi me Trinitas sancta, & conserva me ab omni  
malo, & ab omnibus insidijs & infestationibus demonum, per orationes Pa-  
triarcharum, per merita Prophetarum, per suffragia Apostolorum, per con-  
stantiam Martyrum, per fidem Confessorum, per castitatem Virginum, &  
per intercessionem omnium Sanctorum, qui tibi placuerunt ab initio mundi.*  
Deinde ad ipsos Sanctos hanc orationem subjungit: *Sancta & immacu-  
lata Virgo, Dei genitrix Maria, Mater Domini nostri Jesu Christi, inter-  
venire pro me digneris apud illum, cujus meruisti effici templum. Sancte  
Michael, Sancte Gabriel, Sancte Raphael, Sancti Chori Angelorum,  
Archangelorum, Patriarcharum, atque Prophetarum, Apostolorum,  
Evangelistarum, Martyrum, Confessorum, Sacerdotum, Levitarum,  
Monachorum, Virginum, omniumque justorum, per illum qui vos elegit, &  
de cujus contemplatione gaudetis, vos rogare præsumo, ut pro me culpabili  
ipsi Deo supplicare dignemini. Quid ad hæc Nisani? Te judice, si hæc le-  
gas, quantus non idololatra erit S. Augustinus?*

*Cætæ hæreticorum objectiones à Nisano allatæ, ad-  
versus cultum SS.*

**P**Rimò obijciunt: Invocatio Sanctorum injuriam facit Christo, nam  
1. ad Timoth. 2. *Unus est mediator Dei & hominum, homo Christus  
Jesus.*

*Iesus.* Ergo non licet adhibere alios sine injuria *Mediatoris Christi*. Respondetur: hinc etiam sequi, viventes non esse invocandos, ut orent pro nobis, quod tamen Lutherani concedunt, nam eadem ex his injuria proveniet. Igitur aliter *Christus Mediator* est, aliter *Sancti*, & vivi: *Christus* est *Mediator immedius*, & per substantiam, mediatione personæ redemptionis, & supremæ interpellationis ad Deum pro nobis, in qua nullo alio mediatore indiget, neque supplicis in modum petit, sed tanquam auctoritatem habens, meritis suis exhibitis postulat; *Sancti* verò suppliciter orando, & intercedendo apud Deum, *mediatores subalterni* sunt per Christum. Ita Moyses Deut. 5. *Ego sequester & medius fui inter Dominum & vos.* 1. ad Gal. c. 3. *Lex per Angelos in manus mediatoris*, id est Moysi, *ordinata* dicitur. Objectionem hanc novatorum jam dudum clarissimè dissolvit Cyrillus lib. 12. Thesauri c. 10: *Mediator Dei & hominum Iesus Christus* est, non solum, quia reconciliavit homines Deo; verum etiam quia naturaliter, & substantialiter & *Dens*, & *homo* in una hypostasi est: hoc enim modo naturam nostram sibi Deus reconciliavit. Nam aliter, quomodo unum Mediatorem Christum Paulus dixisset? multi enim *Sanctorum* mediationis ministerio usi sunt, & ipse Paulus clamat: *Rogamus pro Christo reconciliationem Dei.* Moyses quoque *Mediator* fuit. *Mediator* etiam fuit *Jeremias*, præcipuè quando clamabat ad Deum: *Recordare mei stantis coram te.* Quid multa? singuli Prophetarum *mediatores* fuerunt, *Apostolorum* quoque singuli.

Opponit hic Nisanius Augustinum lib. 2. contra Parmen. cap. 8. *Homines*, inquit, *omnes Christiani* invicem se commendant orationibus suis: pro quo autem nullus interpellat, sed pro omnibus, hic unus unusque *Mediator* est. Rursum illud ex eodem capite 8. de S. Paulo loquens: *Nec mediatorem se facit Paulus inter populum & Deum, sed rogat, ut pro invicem orent omnia membra.* Respondit jam dudum Bellarminus, neque Christianum ullum, neque Sanctum, neque Apostolum, eo modo posse esse *mediatorem*, quo Christus est *Mediator*, qui pro omnibus interpellat, & ipse nullo indiget, qui pro se interpellet, aut per quem interpellet, alias & Angeli *mediatores* essent, qui pro omnibus orant & nemo pro illis; sed ideo non sunt *mediatores* ut Christus, quia ipsi egent Christo, per quem impetrent. Nec aliud hic dicit Augustinus. Et quoties hæc vo-  
his Prædicantibus recoquenda sunt? Imò quare tot clara Augustini testi-  
monia,



simonia, quæ præter allata à me, innumera sunt, hic transilis, nisi ut te ac tuos fallas?

II. Objicis: Sancti in cælo non cognoscunt preces nostras, ergo frustra invocantur. Sed ex quo loco Scripturæ hoc assumptum probas? Hic cerebrum Prædicantis loco Scripturæ est. At dicis: Deus est scrutator cordium. 3. Reg. 8. *Tu nosti solus cor omnium filiorum hominum.* Quid hinc inferis? Ergo Deus non revelat cordium secreta beatis suis amicis, qui tot arcana cordium revelavit Prophetis, etiam dum in terris & in via essent? 1. Reg. 9. id de Samuele constat, 4. Regum cap. 5. de Eliseo, 5. Act. de Petro. Quod verò cognoscant Sancti in cælo ea, quæ ad statum suum pertinent, Catholicis extra controversiam est. Ad quod satis est illud: *Sancti rectè invocantur, ergo cognoscunt preces nostras.* Antecedens liquet ex consensu Ecclesiæ, & SS. Patrum testimonijs suprà relatis: tantum de modo quæstio relinqui potest, de quo jam antea quoque dictum est. Et quid hæc scrutamur? cum S. Gregorius lib. 2. Dialog. c. 35. dicat de cælesti vita: *Qui illic communi caritate Deum conspiciunt, quid est quod ibi nesciunt, ubi scientem omnia sciunt?* At pergis, dicisque: *Si Sancti cognoscant preces nostras, oportet omniscios esse.* Quomodo hoc sequitur, Sancti cognoscunt omnia quæ ad statum suum spectant, ergo debent esse omniscij? Quis sanctæ mentis homo *omniscientiam* quæ attributum est Dei, attribuit creaturæ? Imò si omniscij, etiam Deum comprehendent. absurdissimum hoc. Scisne quid Theologi de comprehensione Dei doceant? Imo inquit tuus Joannes Gerhards, Magister tuus, ex quo hæc exscribis: *Sancti etiam debent esse omnipresentes.* Quare id? quia audiant; Sancti non habent tam longas aures, ut clamantes ad se de terra audiant; nec oculos, ut cælo in terram visu penetrent. Quomodo ergo S. Stephanus in terris adhuc constitutus vidit in cælo Jesum stantem à dexteris Dei? nam ait: *Ecce video calos apertos, & filium hominis stantem à dextris Dei.* Act. 7. Nunquid idem hic spatium utrimque manet? quemadmodum eadem via est, quæ Athenis Thebas, & Thebis Athenas ducit? At mox in aliam fabulæ scenam conversi, dicitis Sanctos in genere orare pro Ecclesiâ, ideoque in genere tantum cognoscere statum Ecclesiæ. Hic rursus impingitis in Scripturam, qui ad Scripturam provocatis. Nunquid Luc. 15. *Gaudium est in cælo super uno peccatore penitentiam agente?* Ubi gaudium de uno particulari homine est, ibi & co-

M M M M

gnitio

gnitio præcedat necesse est. Ne hîc repetam, quæ suprà dixi, aut quæ Theologi in hanc rem exponunt. Præstaret te cunas tuas versare, quàm in cælum ascendere, agitare cæli machinas, & ex concilio Divorum nobis velle referre, docereque quid de Sanctorum scientia, visione, patrocínio, & statu sentiendum sit. Veram priùs in terris Ecclesiam quære, quæ à Spiritu S. regitur, ne possit errare in cultu religionis suæ.

III. Objicis : Concilium Tridentinum non audet ex Scriptura nobis definire cultum, & invocationem Sanctorum. Quid inde? Sufficiebat ex *verbo Tradito*, Concilij, & Patrum consensu id decernere. Quàm multa nobiscum creditis, quæ nullibi in Scriptura expresse reperias. Unde Canon sacrorum librorum, processio Spiritus sancti à Patre & Filio, Virginitas perpetua B. Mariæ, Baptismus infantum? Unde dies Dominica loco Sabbati præscripta? Festus dies Paschæ, Natalis Domini, Ascensionis, Pentecostes, Epiphaniæ, alijque quos cum Catholicis servatis? Mysteria hæc quidem *Scriptura* tradit, sed nihil de festis diebus servandis præscripsit. Unde ergo, nisi ex *verbo Tradito*, & Ecclesiæ ordinatione? Quamquam uti ex Scriptura hæc asserantur, suprà relatam sit.

IV. Objiciunt : Nullum mandatum exstat in Scriptura de invocandis Sanctis, ergo, inquiunt, Sancti invocandi non sunt. Quasi verò nullum opus fieri posset, nisi quod mandatum sit in Scriptura. Imò hoc argumentum si quid probat, concludit etiam, Sanctos in genere etiam non orare pro Ecclesia, quod tamen Apologia Augustinæ confessionis asserit. *Esse*, ut addit, *nullum extet præceptum in Scriptura, præter illud seminium ex libro Machabæorum posteriori*. Sed quid, inquit Bellarminus, mandatum requirimus? quando ipsa necessitas impellit, eaque tam publica, quàm privata docuit implorare Sanctorum opem? Accessit deinde utilitas, tanto bono tantisque miraculis comperta, cum primis ad sepulchra Martyrum; mandatum præterea, exemplum, & promissionem habemus Iob. ult. *Ite*, inquit Deus, *ad servum meum Iob, & orabit pro vobis; & ego suscipiam faciem ejus*.

Sed hîc obgannit Nifanius: Catholici, inquit, non pauci liberam faciunt invocationem Sanctorum, quam tamen Concilium Tridentinum mandat, multisque cavillatur Tridentinum. & in Sanctorum cultu & invocatione duo sunt. I. *Veritas rei*, & doctrina, II. *Praxis veritatis*

tis & doctrinæ: potest veritas & bonitas rei definiri, & non præcipi omnibus praxis ejus. Veritas in eo consistit, ut quis credat, *invocare Sanctos esse cultum religionis pium, utilem, Deo gratum*: & hoc est, quod Concilium Tridentinum inter cætera definit Sess. 25. hoc est quod mandat docere Episcopos & Pastores; Secus qui credit, hæreticus est: qualis tu es, qui hanc doctrinam non modò contemnis, sed & oppugnas ac damnas. Hæc veritas consistit, etsi continuò non omnibus *exercitium, ususque* hujus doctrinæ præscribatur. Ita sacrificium & oratio pro defunctis definitur, quod pia & salutaris sit, non proinde coguntur Catholici universali lege pro defunctis orare: libertati, & pietati hominum id relinquit Ecclesia. Status virginitatis & viduitatis, multaquæ alia Scripturæ testimonio sunt sancta, pia, & utilia ad salutem, non tamen ideo præcipiuntur. Imò verò, quid opus erat definire praxin invocationis Sanctorum, quæ jam ab ævo Apostolorum in usu erat? tantum hæc invocatio Sanctorum à vestra hæresis liberanda erat. Igitur ut receptum erat in Ecclesia, ita lege Ecclesiæ tenentur Christiani certos dies festos Sanctorum ab antiqua Ecclesia, vel ab Episcopis præscriptos servare, Sacerdotes Sacrificium Missæ offerre, horarum diurnarum preces de Sanctis recitare, & quod inde consequitur, Sanctos colere & invocare. Et quia hunc antiquum cultum Sanctorum, (quem à Carolo Magno etiam præscriptum ostendi) vestra primùm hæresis damnavit in Germania, hinc Concilium Tridentinum veritatem ejus definivit. Nullum libri tui caput, nullum propè folium, in quo Concilium Tridentinum non carpas, corrigas, calumniæ, & damnes: quasi Episcopi omnes, doctissimi quæ ex orbe viri (qui Tridentum convenere) textores & opifices fuissent, à Bilsfeldensi tandem pseudo-Episcopo docendi & in ordinem redigendi.

V. Objicit Nisanius ex Apostolo ad Rom. 10. *Quomodo invocabunt, in quem non crediderunt?* At in Sanctos, quos Catholici colunt, credi non potest: tum quia multi inter eos sunt incerti, de quibus ne constat quidem an fuerint in rerum natura, quales sunt tres Reges, S. Georgius, S. Catharina, S. Ursula: Tum quia fundamentum hujus fidei collocatur à Catholicis in *Apotheosi*, sive canonizatione, à Romano Pontifice facta: quâ in re etiam quidam Catholici doceant Pontificem errare posse; tum quia constat à Pontifice multos esse relatos in numerum Sanctorum, quos constat fuisse vel latrones, vel sicarios, vel perni-

ciolissimos hæreticos. (Qualistu nebulo es, qui omnia scurrilium scriptorum veltrorum scommata & mendacia colligis, scriptisque tuis vulgas, ut Catholicam majorum tuorum religionem populo invisam & infamem facias.) Ad quæ paucis (ne mihi cum impudenti homine inutilis, & supervacaneus sermo sit) respondeo: *Canonizationem* esse publicum Ecclesiæ testimonium de verâ sanctitate, & gloria alicujus defuncti hominis, simulque esse judicium, quo decernuntur Sanctorum honores. Hæc autem *canonizatio Sancti* vel particularis est, ab Episcopo alicujus Diœcesis facta; & in hac error intervenire potest, quod particulari Ecclesiæ, non ea, quæ universali Ecclesiæ Catholicæ infallibitas promissa sit: vel est universalis Ecclesiæ Catholicæ, non tam lege, quàm consuetudine introducta: vel est à Pontifice ut capite Ecclesiæ facta, & in neutra error intervenire potest, ut pro Sancto colatur, qui Sanctus non sit: cum suavis Dei providentiæ sit non pati, ut tota Ecclesia in cultu religionis erret: ac tametsi *canonizatio* res facti appareat, in quo Pontifex errare possit, res tamen est, quæ ad mores Ecclesiæ spectat, in qua, ut in rebus fidei, Pontifex errare non potest: aliàs tota Ecclesia in cultu religionis erraret, colendo Sanctum, qui Sanctus non est; essetque non modò contra providentiam Dei, sed & promissiones Christi, quæ Ecclesiæ factæ sunt, uti hæc ex generalibus principiis de infallibilitate Ecclesiæ deducuntur. Cæterum de S. Georgio, Catharina, cæterisque Sanctis, de quibus ab hæreticis dubitatio mota est, lege Serrarium, qui peculiari libro hæc discussit.

Quodd verò scribas, aliquos in numerum SS. à Pontifice relatos esse, qui vel latrones, vel sicarii, vel pestilentes hæretici fuerint, impudentissima hæreticorum veltrorum calumnia est. Hæc tu cum illis dicis, & non probas, sed promittis te probaturum; id quoad non feceris, *mendax* habeberis: nisi fortè hoc de Luthero tuo hæresiarcha intelligas, aut de Lutheranæ tuæ ecclesiæ sanctis dici velis: Nam passim in libro tuo reperio *Beatum Lutherum, Beatum Kemnitium, B. Joannem Gerhards*. Hos tuomet judicio *Beatos* facis, & in numerum tuorum sanctorum refers, tantumque desideratur, ut aliquis etiam *Beatum Nifanum* ob insignem calumniandi & mentiendi libidinem divorum fastis adscribat, aut Hecubam tuam ex raptu Proserpinæ inter *deas* attollat. Cætera quæ hîc ingeris, ex plebeis dictariis in cultum B. Virginis, ac Divos etiam

etiam Paderbornensis Ecclesiæ, ad forum tuum scrutarium spectant, nec digna reputo, quæ calamo attingam. Quod enim de priscis hæreticis, & hærescôn scriptoribus *Augustinus lib. 8. de crôit. Dei c. 4.* id de te tuique similibus rabulis censeo : *Nam quis, inquit, vel non possunt intelligere quod dicitur; vel tam duri sunt adversitate mentis, ut etiamsi intellexerint, non obediunt: respondent ut scriptum est, loquuntur iniquitatem, & infatigabiliter vani sunt.* Quare omnia tua somnia velle refutare, nihil erit aliud, quàm tecum velle delirare. Et quid obsecro te tuosque hîc fatigas ? Estne *de necessitate salutis*, invocatio Sanctorum ? Catechismus Canisij idte docere poterat, in quo quæstio, *Licetne Sanctos colere, & invocare ?* satis hoc exponit. Quare & hæc Bellarmini propositio est : *Sancti piè & utiliter invocantur.* Id qui negat, & pertinaciter oppugnat, hæreticus est. Cæterùm invocatio SS. libera pietas est, quæ consulitur, non præcipitur; suadetur exemplis, praxi, consensuque Ecclesiæ, non Imperat, ut suprà dixi. Tantùm abest, ut hîc vobis causa esse possit recedendi ab Ecclesiæ Catholica. Hæc planius cognoscēs, si lēgas, quæ in Concilio Tridentino Sess. XXV. hac super re decernuntur. Et quid hîc aliud agitis ? nisi ut ex cultu imaginum & Sanctorum *vulgus in odium nominis nostri cogatis, & nos odisse incipiat, antequam nosse.* Cyprian. de Vanit. idolorum.

## C A P V T XI.

### *De cultu Reliquiarum.*

**H**oc postremum caput attexit hîc Prædicans & *Ipsanolatriam* inscribit, quò Catholicos ex cultu *Reliquiarum* idololatriæ perstringere cōatur. Verùm nihil pro more, & hæresis suæ furore, præter sarcasmos, scōmmata, & calumnias hîc legas. Contrà nos pro instituto rem ipsam, ut cætera, primùm asseramus : si duo priùs ad monuerimus,

Primum est, hanc hæresin ex antiquis esse unam, quam primò docuit *Eunomius* Arianæ factionis auctor, deinde *Vigilantius*: uti id ex scriptis D. Hieronymi constat, cultum Reliquiarum contra Vigilantium propugnantis: post Vigilantium, *Constantinus Copronymus* Imperator cum iconoclastis. Nam is ut Suidas scribit, omnes ubique Reliquias Sanctorum haud secus, quam imagines Sanctorum aboleriatque abjici jussit: ob quæ hæc hæresis damnata simul in Nicæna Synodo. Horum vestigijs insiltens *Claudius Taurinensis*, ut Jonas Aurelianensis Episcopus refert, cultum Reliquiarum improbavit. Ab his jam ante damnatis ab Ecclesia auctoribus, Lutherus & Calvinus hanc suam doctrinam acceperunt. Vide nunc Prædicans, hoc ipso, quòd vestra doctrina tantum antiquorum hæreticorum vincitur, satis est refutasse Lutherum & Calvinum. Secuti sunt postea anabaptistæ, cæteri que novatores hujus sæculi. Quotamen in genere æquiores sunt Lutherani, quam Calvinistæ & anabaptistæ, qui furore iconoclastarum corpora Sanctorum, & Reliquias exurunt, & cineres in flumina abjiciunt. Testis Hollandia & Gallia, testis Monasteriensis urbs ex anabaptistarum immanitate.

Alterum est ex nomine Reliquiarum, quo non modò comprehenduntur corpora sanctorum, ossa, & particulæ ex corpore, sed & vestes, vela, aliæque quibus Sancti usi sunt. Nunc ipsa *veritas* cultusque Reliquiarum asseratur.

I. Ex Scriptura: Exod. 13. Moyses discessurus ex Ægypto, noluit istic relinquere ossa Iosephi Patriarchæ, sed honorificè transtulit secum in Palæstinam, & terram promissionis. Deut. ult. Deus ipse corpus Moyse honoravit, illudque sepelivit: quo argumento usus Hieronymus contra Vigilantium. 4. Reg. 13. Ossa *Elisæ Propheta* cum tetigissent mortuum quendam hominem, continuò ad vitam revocatus est. Tam insigni miraculo Deus honoravit ossa Sancti. 4. Reg. 23. cum Iosias Rex delubra idolorum everteret, ossa istic mortuorum effodit, & in cineres redegit: ossa tamen Prophetæ istic reperta, asservari jussit. Isaïa 11. De sepulchro Christi: *In eum Gentes sperabunt, & erit sepulcrum ejus gloriosum.* Hæc de sepulchro Christi dici constat ex Rom. 15. nec de hujus sepulchri tantum tempore, quo Christi corpus continebat, sed pro futuro etiam tempore, uti docet Hieronymus Epist. ad Marcellam, id quòd omnium inde Christianorum cultus, & Regum Christianorum lampades in hodie-



hodiernum diem monstrant. Hæc tamen ita ridet Lutherus lib. de abolenda Missa, ut scribat: Deo non majorem curam esse de *sepulcro Christi*, quam de bobus.

Math. 9. Hæmorrhœissa simbriam Christi tetigit & sanata est. Act. 19. Christiani Pauli sudaria & semicinctia deferebant ad ægrotos, quorum contactu sanitas reddita. Imò Act. 5. certatim umbram Petri attingere occurrebant. Quid verò inter Reliquias minutius esse poterat? Hæc si vidissent *Lutherus & Calvinus*, haud minus quam si Christi togam aut ipsum Christum oscularemur, superstitionis nos damnaissent, & cum his Nisanius. Hac autem veneratione, plusquam civilem cultum Reliquijs exhibitum fuisse, cæcus est qui non videt. Aut quis negabit, eadem miracula quæ tum ad Reliquias Christi & Apostolorum facta sunt, deinceps etiam fieri potuisse? Dicunt, nullum in citatis locis præceptum contineri: sed nec ullibi à Scripturis Reliquiarum cultus improbatur damnaturve, ut ab hæreticis fit. Imo ideo hæc scribuntur & commendantur, ut exemplis provocent. Et quàm multa sunt, hujusmodi, ut supra retuli, in sacrâ Scriptura, quæ sine præcepto laudabiliter fiunt, & faciendi commendantur?

II. Probatur ex perpetuâ traditione Ecclesiæ, uti Bellarminus contra Centuriatores ostendit, qui à sæculo quinto hunc cultum cœpisse mentiuntur. Imo scribit Gregorius M. lib. 3. epist. 30. statim ab eo tempore quo passi sunt Apostoli, ex Oriente venisse fideles, qui eorum Reliquias, tanquam civium suorum peterent: idque constat ex Martyriò S. Polycarpi, cujus Reliquias certatim Christiani petivere, ut refert Eusebius lib. 4. c. 15. Constatque præterea ex Martyrum sepulcris, & ossibus translatis, ut *S. Ignatii*, aliorumque. Qua super re pluribus Vasquez, & alij.

III. Asseritur ex Concilijs omnium propè nationum, ut ex tomis Conciliorum Regionum Parisiensium constare potest. Nicænum II. Concilium damnat Copronymum Reliquias detestantem. Unde Act. 3. Reliquias salutare fontes appellat, Act. 7 jubet deponi Clericum, & laicum excommunicari, quòd Reliquias Martyrum contemnerent. Gangrense Concilium ante annos MCCC. Can. ult. anathema ijs dicit, qui memorias Martyrum, & sepulcra, locaque in quibus eorum sunt Reliquiæ execrantur. Concilium Carthaginense V. can. 14. & Africanum cap. 50. jubet ut nulla altaria, vel memoriæ Martyrum dedicentur, nisi in

ijs

ijs aliquæ Martyrum Reliquiæ sint: utrique S. Augustinus interfuit. Braccarense Concilium III. in Hispania can. 5. statuit, ut in supplicationibus Episcopi vel Sacerdotes gestent thecas Reliquiarum, populo præcedente, vel sequente. Epainense in Gallia can. 25. jubet Reliquias non poni in Ecclesia, ubi non sint Clerici, qui sacris cineribus psallendi frequentia famulentur. In Italia Concilium Lateranense sub Innocentio III. cap. 62. jubet, ne ob fraudes commissas novæ Reliquiæ publicæ venerationi exponantur, sine auctoritate Pontificis, quod & aliæ leges Episcoporum commendant. Quæ super re in jure Canonico, cap. *cum ex* *De Reliquijs*. & in lege Civili *C. de Episcopis & Clericis* decernitur. In Germania Concilium Moguntinum can. 51. statuit, ne corpora Sanctorum transferantur de loco ad locum sine consilio Episcopi, & Sanctæ Synodi. Hæc autem Concilia, uti & Patres præter scripturam innixa sunt Traditione, quæ ex praxi & consensu omnium Ecclesiarum vim obtinet, uti id Vasquez, Suarez, cæterique docent.

IV. Probatur consensu Patrum tam Græcorum, quam Latinorum. Inter Græcos S. Basilii in psal. 115. *Quando judaicæ aliquis moriebatur, abominabilia erant morticina, cum pro Christo mors contingit, piose sunt reliquiæ Sanctorum.* Oratione in Quadraginta Martyres tradit Reliquias eorum per totam illam regionem dispersas fuisse, & a Christianis expetitas.

S. Justinus Martyr quæst. 28. uti & Ecclesiæ Smirnenfis Epistola ad Ponti Ecclesias: *Nos Divi Polycarpi ossa potiora lapillis preciosis, & cineribus sublata eo loco reposuimus, qui erat decorus consentaneus.*

S. Gregorius Nyssenus Orat. de Theodoro Martyre: *Ammon* inquit, *ex quo sublimis abiit, in suo loco requiescit; corpus vero venerandum, & immaculatum instrumentum, cum multo honore, & cultu compositum, atque ornatum in augusto sacroq; loco situm est.* addit, ipsas reliquias contingere summopere desiderandum, tanquam summarum precum donum.

S. Gregorius Nazianzenus Orat. 1. in Julianum Apostatam: *Non* victimas, inquit, *pro Christo casas reveritus es, quorum vel sola corpora id possunt, quod anime sancta, si vè manibus contrectentur, si vè honorentur, quorum vel sola gutte sanguinis vel exigua passionis signa idem possunt quod corpora. Hac non colis, sed contemnis & aspernaris, qui Herculis regnum admiraris,*

S. Cycl-

S. Cyrillus Episc. Hierosolym. Catech. 18. *Ut autem anima Sanctorum non solum honoretur, credaturq; quod etiam in corporibus mortuorum inest virtus seu potentia, jacens in sepulchro Elisei mortuus, mortuumq; Propheta corpus attingens, vivificatus est. Hoc eodem sacra Scripturæ exemplo probat reliquiarum cultum Clemens lib. 6. Constit. c. ult. Chrysost. orat. in laudem S. Ignatii Martyris, alijque Patres.*

S. Chrysostomus serm. de S. Juventio & Maximo; *Idcirco, inquit, sæpius eos invisamus, tumulos adoremus, magnæque fiducia reliquias eorum contingamus, ut inde benedictionem aliquam assequamur. Et quæ non Hom. ult. in Epist. ad Rom. de corpore S. Petri & Pauli, Hom. 61. ad populum, quantum non extollit sepulcra, & reliquias Sanctorum supra sepulcra Regum & Imperatorum? ab eodem Constantinus Magnus janitor S. Petri appellatus, eò quod ante fores Basilicæ sepultus, ubi S. Petri reliquiæ servabantur. Quin ipse Theodosius Imp. Arcadij filius, corpus D. Chrysostomi veneratus Constantinopolim deferri jussit, quod deinde Romam deportatum est, ut in vita ejus traditur. Accedit Theodoretus lib. 8. ad Græcos de Martyribus, Damascenus lib. 4. c. 16. Athanasius in vita B. Antonij, quæ pallium ejus tanquam imaginem sanctitatis accepit, & veneratus est: quemadmodum S. Antonius Pauli Eremitæ tunicam solemnibus tantum diebus induere solitus. Longum ceteros referre. Quapropter Eusebius Emisenus hom. de S. Blandina: *Ubi sunt, qui venerationem sacris Martyrum dicunt non esse deferendam corporibus?**

Inter Latinos Patres quantus est Ambrosius serm. 93. de SS. Nazario & Celso? *Quod si dicas mihi, inquit, quid honoras in carne jam resoluta, atque consumpta? Honoro in carne Martyris exceptas pro Christi nomine cicatrices, honoro viventis memoriam perennitate virtutis, honoro in cineribus semina aternitatis, honoro corpus, quod mihi Dominus ostendit diligere: cur autem non honorent corpus illud fideles, quod reverentur & demones? quod & affixerunt in supplicio, sed honorificent in sepulchro? Honoro itaque corpus, quod Christum honoravit in gladio, quod cum Christo regnabit in calo. Epistolâ 58. ad fideles per omnem Italiam, (postquam corpora Gervasij & Protasij divinitus illi ostensa fuerunt, ab eoque repta sunt,) refert præterea sibi revelatum esse, ut in eorum honorem Ecclesiam ædificaret, quod cum faceret Ambrosius, sanè majorem illis, quam civilem cultum detulit. Imò refert Ambrosius, dum corpora ho-*

NNNN

rum

rum Martyrum elevaret humo, ejusmodi chartam simul repertam fuisse hac inscriptione: *Ego servus Christi Philippus, abstuli cum filio meo furtim nocte sancta corpora, & in domo mea Deo solo teste in ista arca saxea sepelivi, credens me orationibus eorum consequi misericordiam Domini nostri Jesu Christi.* Eadem habet Ambrosius Epist. 55. de inventione Reliquiarum SS. Vitalis & Agricolæ.

Hieronymus quâ non contentione adversus Vigilantium propugnat reliquiarum cultum? *Dolet, inquit, Martyrum te ignis pretioso operiri velamine, & non vel pannis, vel cilicio colligari, vel proci in sterquilinum, ut solus Vigilantius ebrius & dormiens adoretur.* Hic in idea Vigilantij te conspicis Nifani. Et mox idem Hieronymus: *Ergo sacrilegi sumus, quando Apostolorum Basilicas ingredimur? Omnes Episcopi non solum sacrilegi, sed & fatui judicandi sunt, qui rem viliissimam & cineres dissolutos in serico, & vase aureo portaverunt? Cujus nunc itandum iudicio, Hieronymi, an Vigilantij? tu Vigilantium, ego Hieronymum & quar, & cum eo antiquam ejus sæculi Ecclesiam.* Audi quàm exprobet Vigilantio Epist. 53. *Os foetidum rursus aperire audes, & putorem spurcissimum contra SS. Martyrum proferre reliquias, & nos qui eas suscipimus, appellare cinerarios, & idololatrias, qui mortuorum ossa veneramus? Nunquid eaden vox tua Nifani? quasi venerando ossa mortuorum cultu latræ adoremus.* Sed quid Hieronymus respondet? *Honoramus autem reliquias Martyrum, ut eum, cujus sunt Martyres, adoremus. Quis unquam, ô insanum caput! aliquando Martyres adoravit? quis hominem putavit Deum?* Hinc verbo venerandi & honorandi utitur Hieronymus, ut cultum duliæ distinguat à latræ: ac tametsi Patres aliquando Sanctos, eorundemque corpora adorari dicant, ea vox tamen, cum de Sanctis agunt, de duliæ & non latræ cultu intelligenda est. S. Maximus serm. de Sanctis: *Cuncti, inquit, Martyres devotissimè percolendi sunt, sed ij precipuè venerandi sunt à nobis, quorum reliquias possidemus.*

S. Gaudentius Brixia Episcopus tract. de dedicat. Basilicæ: *Ut venerandas Sanctorum reliquias haberemus, Deus noster tribuit, deinde ut hanc honori eorum Basilicam fundare valeremus, ipse largitus est.* Omitto Leonem Pontificem, Paulinum, Prudentium, Rustinum, Gregorium Magnum. Bedam, Gregorium Turonensem, aliosque Patres, primis ante Carolum Magnum sæculis, quos longum commemorare. Unus Augustinus satis esse poterit: is Epist. 42. *Videtur, inquit, nobilissimè eminentissimum*  
cultura



culmen ad sepulcrum piscatoris submisso diademate supplicare. Epist. 103. ad Quintianum : *Portant sane Reliquias beatissimi & gloriosissimi Stephani Martyris, quod non ignorat sanctitas vestra, sicuti & nos fecimus, quam convenienter honorare debeatis.* Lib. de dogmatibus Ecclesiæ tom. 3. operum S. Augustini, Sanctorum corpora & præcipuè Sanctorum Martyrum, ac si Christi membra sincerissime honoranda, & Basilicas eorum nominibus appellatas, velut loca sancta divino cultui mancipata affectu piissimo, & devotione fidelissima adendas credimus: si quis contra hanc sententiam venerit, non Christianus, sed Enochianus, & Vigilantianus creditur. Et quid plura ab Augustino requirimus? apud quem libro XXII. de Civitate Dei, tot miracula leges, quæ Deus ad sepulera & reliquias Sanctorum operatus est.

Ac ne de particulis Reliquiarum, ut facis, queri possis, eò quòd abruptæ à corporibus Sanctorum passim dispergantur per Ecclesias, colanturque, habes eosdem Patres. Nazianzenus : *Exiguus etiam pulvis, ne vel ossium particula veterum quæpiam, aut paululum comæ, vestisve sparsi sanguinis quedam notæ, cultum parem habeant, atque corpus integrum.* Chrysostomus in orat. *Quod Christus sit Deus*, ait: Totum orbem contendere aliquid ex illo ligno Crucis habere, & qui habent viri & mulieres, auro includunt. Eadem scribit Theodoretus lib. 8. Ambrosius serm. 4. de Nazario & Celso, & rationem addit: *Hæc est Martyrum SS. gloria, etsi per universam orbem seminetur in cineribus portio, manet tamen integra in virtutibus plenitudo.*

Criminaris & veltes Sanctorum, aliaque servari inter Reliquias à nobis, colique. Sisto hic Patres denuo: Damascenus lib. 4. c. 12. de ligno Crucis inquit: *Nam si eorum, quorum amore flagramus, & domus nobis cara est, & lectus & vestis, quanto magis ea, quæ Dei & Salvatoris sunt, per quæ nobis salus parata est?* Addit deinde: *Ut sunt clavi, lancea, præsepe, indumentum, & vivificum sepulcrum.* Ambrosius Epist. 54. refert vestibus SS. Gervasij & Protasij attactis, Epist. verò 55. sudarijs Vitalis & Agricole sanatos ægros, quemadmodum Cyrillus Episc. Hierosolym. Catech. 18. Nazian. & August. hæc pluribus docent. Hunc in modum Cathedra S. Jacobi Apostoli, ut refert Eusebius lib. 7. Hist. c. 14. asservata fuit, de qua hæc subiungit: *Unde declarat perspicuè, quemadmodum veteres Patres ad nostram usque ætatem Sanctis viris, ob eorum veram erga Deum pietatem, debitam venerationem tribuerint, & adhuc tribuere non cessant.*

NNNN 2

Quam

Quam traditionem conservat Ecclesia in cathedra S. Petri, in catenis quibus vinctus fuit, alijsque Apostolorum & SS. Lipsanis.

V. Hic cultus Reliquiarum asseritur miraculis, quæ Deus ad eorum venerationem perpetravit, de his pleni sanctorum Patrum, & historicorum libri. VI. Ex inventione & revelatione sanctorum corporum divinitus facta. VII. Ex translatione corporum & reliquiarum, ex uno loco in alium, honoris cultusque causa facta. VIII. Ex usu cereorum & lampadum, quibus à Christianis honorata sepulcra SS. & reliquiæ: uti hæc omnia Bellarminus ex Patribus, historicis, & omni antiquitate multis ostendit. VIII. Ratione: Corpora enim Sanctorum fuerunt organa animarum sanctarum, & instrumenta Dei ad miracula: sunt eadem pignora Patronorum, trophæa militantium & vincientium, eademque membra & membrorum partes, in quibus Sancti resurgunt ad gloriam: *In carne mea*, inquit Jobus, *videbo Deum salvatorem meum.*

Horum omnium, quæ nos ex Scriptura, Concilijs, & Patribus hic paucis attulimus in medium, nihil memorat Nisaius, tanquam ad se, & ad hanc, de qua agimus, causam nihil spectent. Vel hæc legisti? & impostor es, quod hæc supprimas apud populum: vel non legisti? & impudens falsusque scriptores, qui cultum Reliquiarum tot plebeis disterijs, tot sarcasmis, & calumnijs proscindis. Nisi fortè tibi *reliquiæ* magis placeant in *armillis remissis*. Certè has spurcicias verborum tuorum non à SS. Patribus, sed *Vigilantio* hæresiarcha didicisti, ejus impurum & spurcum os satis notavit Hieronymus. Nihil novi, sacra Christianorum rideri ab ethnicis, Judæis, & hæreticis. Hostis semper Sanctorum dæmon, ad quorum adeo reliquias toties ejectus è corporibus humanis, vel silere jussus. Quale illud quod *Ruffinus*, *Theodoretus*, *Sozomenus*, *Chrysostomus* de translatione S. Babylæ referunt. Ejus enim Martyris Reliquiæ cum arca inclusæ haud procul ab idolo & Apollinis oraculo consisterent, dæmon ob vicinitatem Martyris responsa dare prohibitus est. Ob id Julianus apostata arcam cum Reliquijs alio transferri jussit, quod magna Christianorum celebritate factum est: quanquam vix arca Martyris inde transportata fuit, cum ignis è cælo lapsus idolum comminuit, & dæmoni silentium imposuit. Hinc nunc ad alias artes conversus, eaque falsitatis responsa quæ per simulacra non licet, per ministros suos, errorumque magistrorum eloquitur, tanto nocentius, quanto speciosius, aut velamento Scripturæ, aut veritatis pollicitatione, aut rationum fascino integuntur.



## C A P V T XII.

*Carolus Magnus Sanctorum Reliquias veneratus est.*

**C**arolum Magnum (quæ non scribendi, fallendique audacia!) Nifanius nobis contemptorem Reliquiarum facit. Argumentum, quo id confici vult, sumit ex lib. 1. imaginum cap. 18. In eo enim refertur, primò quòd Ezechias æneum serpentem confregerit, ne idololatriæ invitamentum esset. Quasi Carolus Magnus simili modo voluerit corpora Sanctorum abjici, & Reliquias tolli è conspectu colentium. Deinde eo in libro Carolus Magnus superstitionis damnat mulierem, quæ simbriam Christi tetigit, & sanata est; simulque D. Hieronymum ridet, qui hoc Evangelij testimonio cultum Reliquiarum asserere conatus sit, ideoque desipere Hieronymum cum mulierculis, quæ in ligno S. Crutis, & ejusmodi lipsis sacris, zelum quidem, sed non secundum scientiam affectent; *calicem liquantes, & deglutientes camelum.* Hæc Carolo M. adscribit Nifanius, cum libri illi pseudo-Carolini sint, & ab hæreticis eorum temporum conscripti, ut suprà demonstratum est. Quin adeò hi libri de imaginibus, ut servirent Lutheri & Calvini hæresi, à nostris hæreticis corrupti creduntur, assutis, insertisque ijs, quæ hæresi eorum favere possent, quando nullum adhuc genuinum eorum librorum exemplar proferri potuit, quod non Goldasti mendacijs, & Calvinianis typis depravatum sit. Deinde, quis credat Carolum M. tam impiè & blasphemè loqui de Evangelio Christi, & muliere simbriam tangente, quæ eo pietatis & fiduciæ contactu sanitatem consecuta est? quod factum Scriptura non minus commendat, quàm eorum, qui per sudaria & semicinctia Pauli contacta sanati sunt. Vel hoc ipso prudenti clarum est, hosce Caroli non esse libros; Non enim Carolus, non Hieronymus, non SS. Patres tam perversè Scripturam explicant, sed hæretici. Bene Augustinus

NNNN 3

gustinus lib. 7. de Genes. ad lit. c. 9. *Omnes heretici Catholicas scripturas legunt, nec ob aliud sunt heretici, nisi quod eas non rectè intelligentes, suas falsas opiniones contra veritatem earum pertinaciter asserant, aut in suos, quos volumus sensus, detorqueant: ut lib. 2. de concupisce. c. 31 scribit.*

Jam verò, ut palàm planiusque constet, quàm hæc falsò Carolo M. adscribas, ostendam Carolum Magnum egregium & religiosum fuisse cultorem sacrarum reliquiarum. I. Ex historia Francica, Anno Christi DCCLVII. *Thassilo Dux Bavaria tam Pipino Regi, quàm Carolo & Carolomanno super corpus S. Dionysij fidem juravit: sed non solum ibi, verum etiam super corpus S. Martini, & S. Germani simili sacramento sese pollicitus est.* Ita Annales Francici: Ex quibus intelligis, corpora horum Sanctorum in honore cultuque fuisse, ad quæ *juramentum*, quod est actus religionis, est præstitum. Anno Christi DCCLXVIII. Pipinus Rex cum morbo urgeretur, qui fatalis ei hoc anno fuit, prius in ipsam valetudinem *Thronos delatus, apud S. Martini memoriam oravit.* ita Annales Francici. Et quæ hujus cultus causa? Nisi quod illic corpus S. Martini quiesceret, ad cuius S. sepulchrum, se per ejus preces Deo commendaret? Ne quid hoc loco de cultu Francorum Regum, & totius Franciæ, ad corpus & sepulchrum S. Martini referam; aut de ijs, quæ à Pipino ad sepulchrum & corpus D. Swiberti voti causa facta memorat D. Ludgerus in Epistola sua ad Rixfridum Episcopum. Et quæ non in ipsa D. Swiberti apothecæ & canonizatione tam celebri acta sunt, agente & præsentente Carolo M? Quot non miraculis ipsa elevatio corporis D. Swiberti spectante Carolo M. illustrata? sanè is *civilis cultus* non fuit Reliquiarum, ut vos Prædicantes somnialis: nisi omne cerebrum vobis disfluxerit in caecum. Anno Christi DCCLXX. Bertrada Caroli M. mater in Italiam profecta est, *adoratis etiam Romæ sanctorum Apostolorum luminibus, ad filios in Galliam revertitur.* Matris piissimæ exemplo Carolus quater Romam profectus ad limina Apostolorum voti causâ, ut suprà relatum est, non ob aliud magis, quàm ut vota precesque suas ad corpora Apostolorum, eorumque apud Deum patrocinia, offerret. Et hanc tu peregrinationem in Carolo M. etiam criminaris, eo quòd Gregorius Nyssenus, & quidam alij Patres peregrinationem reprehendant. Verùm hoc illi fecerunt propter abusum qui irrepsit, non quòd ob hæc ipsa peregrinatio per se ad loca Sanctorum mala damnandaque sit, alias & Carolus reprehenden-

hendendus esset, & omnia Sacramenta tollenda essent, quòd nulla res tam sacrosancta in ullo unquam religionis statu fuerit, quæ non abusu hominum vitiata sit. Anno Christi DCCXCIX. Missus à Patriarcha Hierosolymitano Monachus Legatus, *Benedictionem*, ut Annales perhibent, & *Reliquias de loco Resurrectionis Domitice, quæ Patriarcha Regi miserat, detulit Aquisgranum*: Quo dono nihil gratius fuit Carolo M. Anno Christi DCCC. Carolus Magnus: *Sequant amne transmissa, Tironas ad S. Martinum orationis causa profectus est, moratus ibi aliquot dies propter adversam Luitgarde conjugis valetudinem, quæ ibidem & defuncta, & humata est.* Tanta Caroli, tanta conjugis pietas, erga D. Martini sepulcrum & Reliquias, patris Pipini majorumque exemplo.

II. Ex Capitularium libris & Synodis Carolinis, quæ non passim testimonia cultus Reliquiarum? Lib. 16. cap. 69. de destructis Ecclesijs sancit: *ut Reliquiæ ejus loci ab Episcopo ab his auferantur, & in meliori loco ponantur.* In Capitulari Episcoporum can. 3. *Unusquisque Sacerdos Ecclesiam suam cum omni diligentia edificet, & Reliquias Sanctorum cum summo studio conservet.* tom. 20. Conciliorum Regiorum. In Constitutio. ibus Caroli, uti & in Ecclesiasticis Capitulis decernitur: *Omne sacramentum in Ecclesia, aut super Reliquias juretur, sic illum Deus adjuvet, & Sancti, quorum istæ Reliquiæ sunt, ut veritatem dicat.* Idem habet Concilium Francofurtense can. 9.

Concilium Aquisgranense can. 42. ex Africano ita statuit: *Altaria Martyrum non ponantur in agris, vel ad viam, ubi nec corpus, nec Reliquia Martyrum sunt.* Moguntinum Concilium can. 51. *Corpora Sanctorum de loco ad locum nullus presumat transferre, sine consilio Principis, vel Episcoporum, & sanctæ Synodi licentiâ.* Præclarum, & omni posteritate dignum, scribit in præfatione ad legem Salicam vetustus, & æqualis eorum temporum auctor de Clodoveo post baptismum susceptum, ac de Childeberto, & Chlotario proximè succedentibus Francorum Regibus, & Francico populo; *Ili, inquit, Franci post Baptismi agnitionem, sanctorum Martyrum corpora, quæ Romani vel igne concremaverunt, vel ferro trucidaverunt, vel bestijs laceranda projecerunt reperta, auro & lapidibus pretiosis ornaverunt.* Ita verò Franci colendo mortua SS. corpora fortiores fuerunt, quàm Romani viva SS. corpora excruciendo: nec dubium, quin hic cultus magna pars felicitatis Francorum, qui exinde ej-



Atis Romanis totâ Galliâ potiti sunt. Quæ nobis eo gratiores esse debent, quòd vera Francorum origo ex Westfalia ducatur, quod in Monumentis *Ferdinandi* Episcopi nostri leges commonstratum. Ut jam nihil ad hanc, de qua agimus controversiam, ex majorum exemplo illustriùs desiderari possit. Tam antiquus igitur Francorum cultus erga Reliquias, in quo omnes Francorum Reges ad Carolum Magnum ferventissimè perstiterunt.

III. Cultus Reliquiarum in Carolo manifestus, ex Caroli Magni factis, usuque Reliquiarum. Transtulit enim Carolus Magnus corpora Crispini & Crispiniani Martyrum Osnabrugum, ad primam quam istic fundavit in Saxonia Ecclesiam. Testis ipse Carolus in diplomate Osnabrugensi: *Notum sit omnibus, qualiter donamus ad Basilicam S. Petri Principis Apostolorum, & SS. Martyrum Crispini & Crispiniani, quam nos construximus in loco Osnabrugki, & corpora illorum illuc transtulimus, ubi præest vir Venerabilis Wiho Episcopus.* Ita Paderbornensis, Mindenlis, Brementis, Monasteriensis, Halberstadiensis, cæteræque primæ per Saxoniam Ecclesiæ, primas suas quas habent Reliquias, ad Carolum Magnum fundatorem suum referunt. Neque hic cultus Reliquiarum, ut Nisanius somniat, ad cultum civilem referri potest. Quorsum enim corpora Crispini & Crispiniani, qui opifices fuerunt, eo honore exornasset Carolus? sed quia Martyres fuere, Martyrum quoque & Patronorum apud Deum honore decorantur, & veneratione coluntur.

Inter cæteras quas Carolus Magnus Romæ donatione Pontificum accepit Reliquias, refertur corpus Candidi Martyris, (de quo extat Epistola Hadriani Pontificis ad Carolum Magnum tom. 18. Conciliorum Regionum) Carolo Magno donatum, quod Paulus Papa concesserat Aciulfo Presbytero; *Unâ*, inquiens, *vobiscum concedimus sanctum corpus.* Quanquam Hadrianus addit de se: *Jam dudum per revelationem territi, nullo modo audemus ex ipsis Sanctorum corporibus amplius quid exagitare.* Et quia Sancti sæpe inviti comperti, in transferendis suis corporibus, ideo & Pontifices inviti, ægrè Roma abstrahi passi sunt. Quo in genere quæsit Carolus Magnus tantum in Sanctorum Reliquijs patrocinium, ut eas etiam per castra à Sacerdotibus circumferri, & pugnaturus in hostem sibi adesse voluerit; uti id inter munia Castrensiùm Sacerdotum fuit: *Episcopi duo, vel tres castra sequantur, & cum illis electi*

electi Sacerdotes, qui sciant Missas celebrare, de infirmis curam habere, saceratque olei cum sacris precibus unctionem impendere. Hi verò nec arma ferant, nec ad pugnam pergant, sed tantum Sanctorum pignora & sacra ministeria ferant. Ita Carolus lib. 7. Capit. c. 91. & cap. 103. tom. 20. Conciliorum Regiorum.

Demum quas Sanctorum Reliquias Carolus Magnus ex Palæstina & Oriente, quas Roma & ex Italia, quas ex Africa & Hispania collegerit in sacrum suum thesaurum, quantumque ex his Basilicam Aquisgranensem, primas per Saxoniam Ecclesias, & Cœnobia Monachorum & Monialium dotarit, exornaritque, nihil hic attinet referre: testes fasti singulorum locorum & sacraria, testes Francorum Annales, & historiæ. Mira sanè in Carolo, & à Caroli ævo Christianorum per Saxoniam in hoc cultu pietas: ac postquam corpora Sanctorum ex Saxonia metu hæresis translata, aliò migrare cœperunt, ipsa etiam religio, & felicitas, & pax longa in longum bellum mutata, demigrare cœpit. Postquam *S. Viti* Martyris corpus ex Gallia ad *Corbejam Saxonie* transportatum perhibet *Widekindus* ejusdem Cœnobij Monachus, & observarunt alij, ex Gallia quoque in Saxoniam transmigrasse felicitatem, coronâ Imperij sensim ad Saxones devolutâ, nec prius *Magdenburgum* in cineres & suum exitum incubuit, quàm corpus *S. Norberti* Archiepiscopi ejus loci migraret. Et quibus non injurijs ex vestra primùm doctrina Reliquiæ, & corpora Sanctorum tractata? nec sine vindicta etiam Numinis in sacrilegos, quorum è numero Cœnonicus Mindensis Lutheranz sectæ vestræ, qui cum multas Reliquias Cathedralis Ecclesiæ suæ reperisset, conjecit in unum corbeum, eumque rotando, girando, miscendoque inter se Reliquias, cum joco & sarcasmo dixit: *Vos nunc Sancti convenite inter vos, & quisque suas exuvias repetat.* Vix hæc dixerat sannio, cum cerebrum ejus rotatum, ipse exinde in perpetua amentia & insania vixit. Multa sunt hujusmodi divinæ vindictæ exempla, quæ frustra vobis, qui hæc everso mentis vestræ cerebro haud minus ridetis, donec cum morte ferò vos pœna excipiat. Certò tibi persuadeas, quam vindictam animæ Martyrum clamant in cælo, *Apocalypsis c. 16.* hanc cæteris Sanctorum injurijs non defuturam. Sed his missis, revoco te in præsens ad Carolum Magnum & quæro, quomodo Carolus Magnus videri potest in *libris Imaginum* damnasse cultum Reliquiarum, à quo tot legibus, dictis, factis

OOOO

cultus

cultus Imaginum assertus est ? ut vel ex hoc libri imaginum pseudo-Carolini cognoscantur. Inscribis librum tuum *Ostensionem historicam*; quam hîc historiæ partem attingis ? aut quid ad hæc, quæ de Reliquiarum veneratione ex Carolo attulimus, respondebis ? nisi ut omnes historicos & Carolina Monumenta falsitatis damnes, aut tu omnium scriptorum fallacissimus appareas. Imò quid *Ostensionem historicam* inscribis librum hunc tuum de Carolo Magno ? qui primùm Eginardum tibi procurasti, postquam audivisti tua hic à nobis refutari ? Quid nunc de cæteris tuis judicabimus ? nisi quòd omnia tua ex alijs scriptorum rabulis exscripleris, nec ipsos fontes historiarum inspexeris quidem, ad quos hactenus te remisimus, & ex quibus nostra asseruimus. Ita agitis cum populo, qui Episcopos & omnium scientiarum doctores vos fertis. Idem est de *theologicâ tuâ ostensione*. Tuum illud est : Populo imposuimus, & Historici, Theologi quævis sumus. Nunc cætera, quæ ex eadem officina mendaciorum opponis, audiantur.

### *Objectiones Nifanij adversus cultum Reliquiarum, et S. Crucis.*

I. **O**bjiciunt Deut. cap. ult. Deus abscondit corpus Moyfi, non aliam ob causam, inquiunt, quàm ne Judæi illud adorarent cultu latræ, sicut Catholici colunt corpora Sanctorum. Quocirca in Epistola Judæ diabolus contendit cum Michaële Archangelo de corpore Moyfi, volebatque illud diabolus manifestare, ut Judæis occasionem adorandi præberet. Idem Nifanius infert ex serpente æneo, quem Ezechias 4. Reg. c. 18. confringi jussit, ne ex illo occasio idololatriæ Judæis præberetur : quod argumentum ob id in libris de imaginibus Carolum adversus cultum Reliquiarum produxisse vult.

Æ. Utrumque, & corpus Moyfi, & serpentem æneum subtractum oculis Judæorum, ne cum proni essent ad idololatriam, adorarent cultu latræ, ita Chrysostomus : ut sanè constat ex vitulis aureis, tanta populi levitate adoratis. Id verò periculum cum in Christianis cesset, hæc nihil ad rem faciunt. Imò post captivitatem Babylonicam, cum populus instructior non amplius idola coleret, Deus illustravit sepulcra Isaïæ, Ezechielis,



chielis, Jeremiæ, Elifæi, Abdæ aliorumque miraculis, & gratum habuit cultum qui sepulcris, & ossibus illorum delatus est: uti hæc *Epiphanius*, *Hieronymus*, & interpretes docent. Et ubi auditum, Christianos unquam Sanctis divinos honores detulisse, aut pro Deo coluisse? S. Vitum quidem lego in Rugia insula pro Deo cultum, sed hoc barbari illi homines fecerunt, postquam ejectis Corbejenfibus illic Monachis ad idololatriam rediere.

II. Objicitur Matth. cap. 23. Ubi Christus reprehendit Phariseos: *Va vobis*, inquit, *qui edificatis sepulcra Prophetarum, & ornatis monumenta iustorum*: Ergo, inquit, multo minus hæc religioso aliquo cultu veneranda sunt. Hoc argumentum Joannis Wiclef erat, quo & Lutherani se munire volunt. & Christus non reprehendit Judæos quod ædificarent, vel ornarent monumenta Prophetarum: sed quod non imitarentur eos, quorum monumenta ornabant, sed potius eos, qui Prophetas occiderunt, vel ob id Pharisei hypocritæ appellantur a Christo: ita explicant hæc *Hilarius*, *Hieronymus*, *Chrysostomus*, *Theophylactus*, *Ambrosius*, *Beda*; uti apud *Maldonatum*, aliosque interpretes leges. Quamquam Hieronymus id ex fastu, & ambitione Judæorum factum velit; *Chrysostomus*, ut ostenderent majorum potentiam in occidendis Prophetis. Hoc nimirum illud Christi Luc. 11. *Profecto testificamini, quia consentitis operibus Patrum vestrorum: quia illi Prophetas occiderunt, vos autem edificatis eorum sepulcra*.

III. Objicitur: Apostolus Coloss. 2. damnat omnem cultum arbitrium ab hominibus institutum, quem Græci vocant *ἑτεροθρησκείαν*, in quo cultu agitando, & objiciendo nobis multus est Melanchthon in Apologia Augustinæ confessionis: talis autem voluntarius cultus est Reliquiarum, imaginum, aliarumque rerum, inquit, apud Catholicos. & Hunc cultum non esse ab hominibus excogitatum, sed inspiratum à Deo, ut patet ex Scripturis citatis, ex Traditione, Concilijs, & Patribus; quippe qui ab exordio Ecclesiæ cæpit, & toto orbe Christiano frequentatus, inde ad nos usque perductus est. 2. Apostolus damnat cultum superstitiosum, sive falsam religionem, ut exponit D. Hieronymus ad Algasiam. Ostendant verò prius adversarij hunc cultum esse superstitiosum aut falsum, quod nunquam præstabit Lutherani & Calviniani, qui hunc unum cornu instant. Deinde, si omnis ejusmodi cultus & cærimoniæ,

quæ non habent expressum mandatum, sed ex Scriptura manifestè deducuntur, sunt abjiciendi & damnandi, quid facit totus ille cultus religionis vestræ? quid cærimoniz in Lutheranis vestris exercitio divino? quid ritus in Baptismo & cœna? hæc enim omnia, quæ cum Catholicis communia retinetis, erunt abjicienda, & nudè cum Calvinistis exercitium vestrum divinum, cæteraquæ Sacramenta peragenda erunt. Sed ad eos vos spiritus vestræ ecclesiæ quotidie magis magisque rapit, ut nulla secta tam impia & absurda hoc sæculo sit, cui non accedere potius quam Catholicis, vobis buccinatoribus placeat.

IV. Objicit nobis Nifanius Concilium Tridentinum, quod id præscribat Reliquias esse honorandas & venerandas; sed id versutè fieri à Patribus illius Concilij, eò quòd alij Catholici Doctores nomen venerationis convertant in adorationis; passimque Reliquias non secus, quam imagines Sanctorum adorandas scribant. Ita D. Thomam, Vasquez, Suarez, Valentiam, aliosque adorationis nomine uti dicis, cùm de cultu Reliquiarum agunt. & ut suprà, nomen adorationis generale esse, quod modò pro cultu latriæ, modò pro cultu dulzæ analogicè accipitur, tam à Scriptura, quam Concilij & Patribus. Ita hoc postremo modo citati à te Theologi faciunt, cùm de cultu Sanctorum, imaginum, & Reliquiarum agunt. Ad Grammaticos hîc ablegandus es, qui tantus theologus inter theologos esse vis. Obstrepis hîc nobis, tanquam anser inter olores, risui te exponis, quando ineptias istas scribis, ad quas pueri & quilibet anus tibi responderet, nos non adorare cultu latriæ Sanctos, eorumque imagines, aut Reliquias, sed cultu religioso longè inferiore, quam sit latria.

Instas, & dicis alios Theologos docere Reliquias per se coli posse cultu ad ipsas terminato, ut ad imagines sit; alios verò, nomini respectivo simul coli, quæ communior sit sententia. Quid hæc demum ad rem, aut fidei articulum? cùm de modo agatur, inter scholasticos terminos relicto. Sufficit illud Tridentini: *Sanctorum Reliquias esse honorandas & venerandas*. De modo hoc nihil definit, sed Theologis relinquit. Nec tu ille es, qui vel D. Thomam censeas, vel aliorum Theologorum Aristarchus sis. Imò quid de his Lutherana plebs, & vulgus Prædicantum intelligit, quæ tu ipse non intelligis? ut inde cavillandi anam quæras?

A te

A te potiùs quærendum est, quo cultu Sanctorum corpora & Reliquias honoretis? gloriaris corpora Sanctorum à vobis non abjici, nec indignè tractari. quemadmodum Calvinistæ & anabaptistæ faciunt: pari modo dicitis non confringi à vobis imagines, sed retineri. Scio, iconoclastæ non estis, interim iconomachi, hagiomachi, lipsanomachi estis. Quæro enim, quo cultu vos Lutherani corpora SS. colatis? non latriæ, quod nec nos facimus; non religioso cultu duliæ, quod hîc unicè impugnat & damnatis: relinquitur ergo cultus civilis, quo à vobis colantur, atque ita non alius honor à vobis deferretur, quàm qui à Gentilibus delatus est sepulchris Regum, aut corpori Ænæ, Achillis, Hectoris, aut Romanorum Cæsarum: quod quàm absurdum sit, nemo non Christianus intelligit. Ita quidem verbis speciosis cultores Sanctorum, re autem verà hagiomachi & hæretici estis.

V. Objicis Crucis sacræ cultum, in quo manifesta idololatria committatur: nam Catholici (ut ironicè narras) die Parasceves Crucem de altari sumunt, ostensaquè populo canunt: *Ecce lignum Crucis, in quo salus mundi pendit*; Inde in terram deponit Sacerdos, quam genu flexo osculantur alij ad loca sacrorum vulnerum signata, & post cæteros ipse Sacerdos hanc antiquissimam & pijsimam cærimoniam osculationemquè flexo genu peragit. Rides hæc, & sine adoratione latriæ fieri non posse, contendis. Quasi verò qui ob memoriam passionis Christi, & vulnerum sacrorum publicè aut privatim osculetur incurvato corpore aut togam Christi, aut clavos quibus confixus est, idololatra sit: nisi omnes simul Lutheranos idololatras facias, qui antequam Eucharistiam sumant, priùs procumbunt in genua & adorant, nec tamen nisi in ipsâ sumptione Christum præsentem agnoscunt. Igitur ut te expediam:

&c. Crux Christi partim inter Reliquias colitur, partim inter imagines. Crux illa, in qua Christus pendit, & quævis ex illo ligno particula, ob contactum corporis & sanguinis Christi, inter pretiosissimas Reliquias habenda est. Eadem Crux quatenus figuram Christi crucifixi repræsentat, perinde ut cæteræ Cruces illi similes, inter imagines sacras numeratur. Jam verò imaginibus per se non debetur propriè latria, nec hyperdulia, nec dulia, nec ullus alius cultus, qui tribuitur naturæ intelligenti, sed cultus quidam inferior, & varius pro varietate prototypi, quod imagines repræsentant. Igitur ut imaginibus Sanctorum convenit

OOOO 3

cultus

cultus dulciæ inferior, ita imaginibus Christi, & cruci Christi non latria vera, nec simpliciter, sed cultus latriæ longè inferior convenit, qui ad latriam, ut imperfectum ad longè perfectius reducit. Ita Bellarminus lib. 2. de Imag. c. 25. quicquid hîc tandem alijs Theologi de modo hujus cultus disceptent: quales hîc Nifanius denuo magnâ turbâ introducit, D. Thomam videlicet, Vasquez, Suarez, Valentiam, Gretzerum, Laymannum, aliosque: tanquam illi de substantia venerationis Crucis Christi dissiderent.

Communis enim jam sectariorum fraus & fallacia est, ut suprà toties monui, ex ijs quæ de circumstantijs & modo disceptantur inter Scholasticos, ipsam substantiam dogmatum velle evertere. Enimverò populo & fidelibus passim sufficit, si doceatur, quod piè & religiose simul exemplar, simul ejus imaginem venerari possint, illud nempe *ut quod*, hocverò *ut quo*, juxta vulgare illud:

*Effigiem Christi cùm transis semper honora,  
Non tamen effigiem, sed quem designat, adora.*

Hoc modo Crucis effigiem à Catholicis coli, si roges, respondent tibi pueri & puellæ, cives & rustici; haud secus, quàm anus in Anglia. (apud Florimundum Remondum) supplex orans ante Crucis effigiem irrita à Calvinistis, rogataque quid ante Crucis iconem supplex precaretur? respondit: non se ligno, sed qui in ligno pependit, supplicem æterni, secus quàm Calvinistæ inimici Crucis Christi faciunt. Et quid vos Prædicantes hîc aliud agitis? quàm ut per hujusmodi dolos, fallacias, & calumnias, Catholicos idololatriæ diffametis, invisamque Catholicam religionem faciat, quo tanto securius vestram plebem intra hæresis vestræ laqueos retineatis?

Cæterum, quàm antiqua inter Christianos sit Crucis veneratio, docebunt te Patres, quos inter *Tertullianus lib. de corona militis*, & lib. 2. *ad Uxorem*, Crucis cultum refert ad Apostolicam traditionem, uti & *Basilus M.* alijsque Patres faciunt. S. Hieronymus Epist. 17. ad Marcel- lam: *Erit illa dies, quando nobis liceat speluncam Salvatoris intrare, Crucis deinde lambere lignum.* Ambrosius orat. in Theodosium: *Sapienter egit Helena, quæ Crucem, particulam videlicet Crucis, nimirum clavum unum in capite Regum levavit, ut Crux Christi in Regibus adoretur.* Quam ob causam

causam Chrysostomus lib. quod sit Christus Deus, inquit : Crucis figuram omnibus locis, in templis, urbibus, ædibus, cubiculis, in solitudine & montibus erigi depingique solitam, atque ipse Chrysostomus argenteas Cruces in supplicationibus, cum ardentibus facibus pro more tunc recepto præferri iussit, ut de eo Socrates lib. 6. c. 8. & Sozomenus lib. 8. c. 8. memorat. Augustinus in psalm. 36. *Cum sub antiquis scelerati crucifigerentur, modo nullus crucifigitur : honorata, & finita est in pœna, manet in gloria. à locis suppliciorum fecit transitum ad frontes Imperatorum. Qui tantum honorem dedit pœnis, quid servat fidelibus suis ?* Lib. 2. de visit. inhr. c. 3. morituris Christi Crucem exhibendam suadet : *Adjicitur, inquit, super Crucem, quadam hominis ibi patientis imago, per quod salutifera nobis Jesu Christi renovatur passio, hanc complectere humiliter, venerare simpliciter.* Subjungit deinde præclaros & pios versus, quos ita finit :

*Scilicet ipse nota sunt Crux, & Crucifixus :  
Hanc & ego veneror, Jesum quoque semper adoro.*

Serm. 130. de tempore : *Domino descendente à calis, præcedet exercitus Angelorum, qui signum, id est triumphale vexillum, sublimibus humeris præferentes, divinum Regis celestis ingressum terrestrium mentibus nuntiabunt.*

Hoc nimirum illud Matthæi est cap. 24. *Tunc apparebit signum Filij hominis.* Ex quo veteres Patres docent, ipsum Crucis signum præferendum, ostendendumque in extremo judicii die, ut videant, in quem impij transfixerunt, quemadmodum non solum Ecclesia canit : *Hoc signum erit in calo, cum Dominus ad judicandum venerit, sed & Origenes, Chrysostomus, Hieronymus, Hilarius, Theophylactus, Cyrillus, Euthymius, Beda, alijque in caput 24. Matth. exponunt. Quin Sibylla lib. 6. carm.*

*O lignum felix, in quo Deus ipse pependit :  
Nec te terra capit, sed cali tecta videbis,  
Cum renovata Dei facies ignita micabit.*

Hoc illud signum Crucis, quod Constantino Magno oblatum est, in còque promissa victoria, cum hac voce : *In hoc signo vinces ;* Quod ille deinde pro labaro militari gessit, ut milites assuecerent venerari Crucem,

eem, de quo Euseb. lib.9. c.9. & lib.1. de vita Constantini, Sozomenus lib.1. c.4. scripsit, & Constantini tempore Lactantius, Crispi filij Magister, carmen de Crucis honore; interq̃ue cæteros versus, hunc legis:

*Flecte genu, lignumque Crucis venerabile adora.*

Quo cultu Theodosius Magnus Imperator, quo Arcadius filius, quo cæteri Imperatores, ac Reges Crucem venerati sint, longum referre. Quâ deinde veneratione Carolus Magnus Crucis effigiem Hadrianæ Papæ miserit, ab eoque vicissim acceperit, & quis tum cum origine Christianæ religionis per Saxoniam Crucis Christi cultus fuerit in templis, in altari, & in sacris locis, suprà relatum est.

Igitur sive Crux Christi accipiat pro ligno in quo Christus pendit, & se ipsum Sacrificij causâ pro nobis obtulit, ut lib.4. c.12. Damascenus, alijque Patres loquuntur; sive pro effigie Crucis ad ejus similitudinem factâ, semper apud Christianos toto Orbe terrarum in veneratione fuit; sive etiam pro signo Crucis accipiat, quo se Christiani signant in fronte, & quo Sacrificium Missæ, omniâque Sacramenta peraguntur, nihil hac cærimonia testatius apud omnes Patres & Concilia. *Horum omnium si legem expostules*, inquit Tertullianus, *Scripturam non invenies, traditio tibi prætenditur auctrix, consuetudo firmatrix, & fides observatrix.* Fatenturque non modò Protestantes in synodo Londinensi anno Christi MDCVII. absse congregata, sed & Wittakerus, Covellius, alijque complures Calviniani, ab ipsâ Apostolorum ætate apud Christianos in omnibus actionibus suis ac sacris Crucem Christi, & signum Crucis in honore, cultuque fuisse, admirantibus ethnicis & Judæis.

Necfanè alij præter ethnicos & Judæos illudores, contemptoresque Crucis, quàm hæretici, quos inter Claudius Taurinensis imagines Crucis primùm execratus, teste *Jona Episcopo Aurelianensi lib.1: Quam hæresin sub idem tempus professi Pauliciani*, teste *Euthymio in Panoplia p.2. tit.21.* post illum *Petrus Bruis*, & *Henricus* quidam, unde *Petrobrusiani*, & *Henriciani* hæretici, teste Cluniacensi in Epistola contra eos prolixè scriptâ, sub idem tempus.

Eandem hæresin sparserunt, demum ante *Lutherum* & *Lutheranos*, *Joannes Wiclef* notus hæresiarcha, & magnus nostrorum sectariorum prod. omus. Hos nunc auctores hujus tui dogmatis, contra omnem antiqui-



antiquitatis traditionem, Concilia, Patres, consensumque orbis Christiani, tibi, ut in cæteris omnibus, sequi placet, & cum ijs egregius san-  
nio, irrisorque esse, quàm Catholicæ per Orbem Ecclesiæ, majorumque doctrinæ, quam à Carolo Magno possidemus, inhærere. Universim de his ac similibus sapientissimè pronuntiavit D. Augustinus epist. 119. *Una in his saluberrima regula tenenda est, ut quæ non sunt contra fidem, neque contra bonos mores, & habent aliquid ad exhortationem vitæ melioris, ubicunque institui vidimus, aut instituta cognoscimus, non solum non improbemus, sed etiam laudando & imitando sectemur.*

Habes nunc responsum ad Ostensionem tuam Historico-Theologicam, qua persuadere voluisti Carolum Magnum non ex integro Catholicum fuisse, sed magnam partem seu in quamplurimis, ut argumentum libri tui præfert, cum Lutheranis contra Catholicos sensisse. Excussi singula libri tui capita seu titulos, quibus hoc probare tentasti: sed nulum ego fidei dogma reperi, nec tu unquam produces, ex quo Carolum, vel in speciem Lutheranis contra Catholicos accessisse ostendes. Expendat nunc lector, conferatque nostra cum tuis falsis scriptis. Fecisti quod S. Augustinus dixit lib. 2. contra Manichæos, c. 25. *Omnes hæretici generaliter scientia pollicitatione decipiunt.* Scripsi prolixius, quàm res ipsa forè postulabat, sed quia tu per omnes ferè controversias, & calumnias in Ecclesiam Catholicam grassatus es, sequi te & refellere oportebat. Quanquam in ijs nihil aliud feceris, quàm quod idem Augustinus lib. de utilit. credendi c. 1. de hæreticis sui temporis dixit: *Plus in refellendis alijs disertos, & copiosos esse, quàm in suis probandis firmos, & certos manere.* Quamobrem in contrarium obnixus Catholicorum doctrinam ex Scriptura, Concilijs, & Patribus, deinde ex Caroli Magni consentiente sententia exhibui, refutatis deinde ijs, quæ refutanda censui, quamvis non tam tua quàm aliorum sint, ex quibus exscripsisti. Nam tuum ingenium, & iudicium non ad aliud sunt nata, quàm ut crambem, & *ῥωλονρασίαν* nobis recoquas, & plebeis scurrilibusque disterijs Pontifices, Episcopos, Clericos, Jesuitas, Monachos & laicos laceres, quocum nemo ingenuus & religiosus facilè componi vult. Si veritatem amas, intermitte hæc scommata, calumnias, & calumniandi libidinem: quæ re primò Ecclesiam quam lib. primo indicavi, cognitâ Ecclesiâ invenies verum Sacerdotium, & in eo veros Episcopos, Pastores, & Doctores,

P P P

quos

quos Christus constituit in Concilijs iudices controversiarum, quos libro secundo monstravi, ut ab his verum Scripturæ sensum, & verbum Dei discas. Repertis Episcopis, & Sacerdotibus, quos Christus dedit dispensatores mysteriorum Dei, invenies verum sacrificium, & vera Sacramenta, veras ac Spirituales claves regni cælorum; de quibus tertio libro actum est. Ac demum ex his veram justificationem, quæ per Sacramenta mortuorum & vivorum obtinetur, iustitiæ augmentum per bona opera, simulque verum cultum religionis, ac cætera quæ ad salutem vel necessaria vel salubria à Christo & Apostolis præscripta sunt. Extra Ecclesiam Catholicam nihil horum invenies. Augustinum hic audias in psalmum 57. *In ventre Ecclesie veritas manet, quisquis ab hoc ventre Ecclesie separatus fuerit, necesse est, ut aut falsa loquatur, necesse est inquam, ut falsa loquatur, qui aut concipi noluit, aut quem conceptum mater excussit.* Rursum concione ad Catechum. c. 20. *Apud Catholicam Ecclesiam dilectissimi novveritis esse veram fidem, germanam pacem, perpetuam salutem: nec enim in angulo est, sed ubique tota est: si quis ab eâ receperit, atque hæreticorum errori se tradiderit, ut fugitivus servus iudicabitur, non ut filius adoptivus; nec ad vitam æternam resurget, sed potius ad damnationem.* Verum quia eo tempore Manichæi, Donatistæ, Ariani, cæterique hæretici veram apud se Ecclesiam reperiri populo persuadebant, uti modò Lutherani, Calvinistæ, Zwingliani, & omnes simul sectæ promittunt, monet fideles lib. 15. contra Faustum Manichæum c. 3. *Noli decipi nomine veritatis, hanc sola tu habes Catholica, quam alloquitur, Ecclesia, & in lacte tuo, & in pane tuo. In hac autem hæreticorum videlicet ecclesia, tantum nomen ejus est, ipsa non est, quod grandibus verbis promittunt seductores ejus. Una enim Catholica Ecclesia est mater vera, pia mater & casta: non nos ab ista matre seducat nomen confictum, non nos Ecclesia species aliena decipiat.* Multa quidem communia habent acatholici cum Catholicis, præsertim Lutherani, qui antiquam Augustinæ confessionis formam sequuntur, non tamen ideo intra unam Ecclesiam sunt, in qua salus promissa est: quemadmodum de Donatistis, cum solium schismatici adhuc conferentur, Augustinus scripsit sermone super gestis cum Emerito: *Salutem nemo potest habere, nisi in Ecclesia Catholica, extra Ecclesiam totum potest præter salutem. Potest habere honorem, potest habere Sacramentum, potest cantare Halleluja, potest respondere Amen; potest Evangelium tenere,*

venere, potest in nomine Patris, & Filij, & Spiritus S. fidem & habere & predicare, sed nusquam nisi in Ecclesia Catholica salutem potest invenire. Lib. 4. de symb. cap. 10: Si quis absque Ecclesia inventus fuerit, alienus erit a numero filiorum; nec habebit Deum Patrem, qui Ecclesiam noluerit habere matrem: nihilque ei valebit quod credidit, vel fecit tanta bona sine fine summi boni. Eadem habet Epist. contra Parmenianum lib. 2. cap. 3. Hæc si Augustinus contra schismaticos pronuntiavit, quale iudicium erit de ijs, qui non modò ab Ecclesia per hæresin deſciſcunt, sed & tot maledictis, calumnijs, mendacijs, & injurijs per famosa scripta, ex quibus liber tuus confusus est, Ecclesiam & Sponsam Christi lacerant? Qui conturbat vos, iudicium portabit, quicumque est ille, monet Apostolus ad Gal. c. 5. Et quale iudicium erit illis, qui tot populi animas per fallacias seducunt, & veritatem Dei in injustitia detinent? Si quid acerbius tibi responsum, tibi imputes. Tu provocator es, & perpetuus in Ecclesiam Catholicam, in Pontifices, Episcopos, Sacerdotes, Clericos & Monachos, omniaque Catholicorum sacra & ritus calumniator: liberè tu & licenter hæc facis, quia extra Ecclesiam Catholicam es, tametsi de jure ad Episcopi Paderbornensis spiritualem jurisdictionem locus spectet, in quo præconem, scriptorem, & irrisorem agis: non aliter quàm S. Augustinus de vobis scribit lib. 16. de Civitate Dei cap. 2. Cham, qui interpretatur callidus, medius Noë filius, tanquam se ab utroque discernens, & inter utrumque remanens, nec in primitijs Israëlitarum, nec in plenitudine gentium, quid significat? nisi hæreticorum genus callidum, non spiritu sapientia, sed spiritu versipellis astutia, quo solent hæreticorum fervere præcordia, & pacem perturbare sanctorum. Scribe tu in posterum quantum voles, donec omnem calumniandi libidinem expleveris, mihi tecum respondendi negotium non erit, nisi & à calumniandi libidine te contineas, & digna refutatione adferas: nam quæ ex alijs excubis, etsi tibi fortè nova videantur, jam centies tamen explosa sunt. Et cui bono, aut quo lectoris fructu, gustave crambem illam toties recoquimus? Neque hæc ego repoluissẽ, nisi Carolus Magnus nobis, cujus res gestas per Saxoniam tractamus, à tuis injurijs & mendacijs liberandus fuisset. Magna id Regi Francorum & Imperatori Carolo debebatur, quem Paderbornensis Ecclesia, & primi per Saxoniam Episcopatus suum conditorem, fundatoremque inter Divos venerantur; ex quo deinde omnes Impera-

PPPP 2

toreg

tores & Francorum Reges cum omni gente suâ, non aliam quam Catholicam religionem coluere. Id cum ex omnibus antiquitatum monumentis jam commonstratum sit, tum id auctor vetustus, & æqualis eorum temporum, quo Franci primùm Baptisma, & Christi religionem suscepere, præfatione ad legem Salicam altiùs arcessit, *Gens, inquit, Francorum inclita, auctore Deo condita, fortis in armis, profundaque in consilio, firma in pacis fadere, corporea nobilis in columna, candore & forma egregia, audax, velox, & aspera, ad Catholicam fidem nuper conversa, immunis quidem ab omni hæresi: dum adhuc ritu tenebatur barbarico, inspirante Deo inquirens scientia clavem, juxta morum suorum qualitatem desiderans justitiam, & custodiens pietatem, dictavit Salicam legem. At ubi Deo favente Rex Francorum Chlodoveus, florens & pulcher, & inclitus primus recepit Catholicum baptismum, & deinde Childebertus & Chlotharius in culmen regale Deo protegente pervenere, quidquid in pacto habebatur minus idoneum per illos fuit lucidiùs emendatum, & sanctius decretum.*

VIVAT QUI FRANCOS DILIGIT, CHRISTUS EORUM REGNUM CUSTODIAT, RECTORES EORUNDem LUMINE SUÆ GRATIÆ REPLEAT, EXERCITUM PROTEGAT, FIDEI MUNIMINA TRIBUAT, PACIS GAUDIA, ET FELICITATIS TEMPORA, DOMINANTIUM DOMINO JESU CHRISTO PROPITIANTE CONCEDAT.

*Hac est enim gens, quæ parva dum esset numero, fortis robore & valida, durissimum Romanorum jugum de suis cervicibus excussit pugnando, atque post agnitionem Baptismi Sanctorum Martyrum corpora, quæ Romani vel igne concremaverunt, vel ferro trucidarunt, vel bestijs laceranda projecerunt, Franci reperta auro & lapidibus pretiosis ornaverunt.*

Hæc nimirum illa Francorum gens est, quæ à prima sui origine ex his Westfalæ regionibus orta, perrupto Rheni limite, ejectisquæ Romanis Galliam occupavit, cum adhuc barbara esset. Uti id in Monumentis Paderbornensibus à *Ferdinando* Episcopo commonstratum est. Hæc illa gens, quæ cum Clodoveo Rege primùm Baptismum & Christianam religionem suscepit, atque exinde ferventissimè coluit, quorum Reges ob de-

ob defensionem Apostolicæ sedis Romanæ, & ingentia in Ecclesiâ Catholicâ merita Christianissimi titulo decorati sunt, ex hac nobilissima Francorum gente majores Caroli Magni, & ex horum Regum sanguine Carolus Magnus, ut suprâ à nobis relatum est: nec aliam Carolus Magnus debellatis horum locorum barbaris religionem in Westfaliam, Saxoniamque per Episcopos, Sacerdotes, Monachos, cæterosque Apostolicos viros intulit, quam post Clodoveum cæteri Francorum Reges, & tota gens Francica à D. Remigio & sanctissimis Galliarum Episcopis & pastoribus edocti sunt, & illi ab Apostolorum ævo, & ab Apostolorum discipulis acceperunt, atque inde in Gallia, Franciaque per continuam ad Carolum Magnum successionem Episcoporum, & Sacerdotum coluerant: quâ deinde nunquam ruptâ successionem, & incorruptâ doctrinâ, religio à Carolo Magno ad Lutherum usque per Saxoniam intaminata constitit, manetque etiamnum ijs in locis ubi per Episcopos & Principes imperij Catholicos, majorum religio in suis diocæsesibus & provincijs conservatur. Et si à Carolo Magno prima Christianæ religionis exordia repetamus, omnia hæc vel inde nobis gratiora & illustriora esse debent, quod à Carolo Magno ac Francis, quos à primâ origine Rhenum inter & Visurgim regionum incolæ & indigenas fuisse constat, inducta fuerit.

Sanè verò, quemadmodum Angli & Saxones harum regionum olim barbari in Britanniam classe proVecti regnum illud occuparunt, ac postquam ab Episcopis & Sacerdotibus ejus regni edocti, Christi sacra amplexi sunt, ex ijsdem populis jam Christianis rediere Apostolici viri, D. Willibrordus, Suibertus, Bonifacius, alijque innumeri Sacerdotes, à quibus Frisia, & vicinæ nobis provinciæ primum ad Christi fidem adductæ sunt, unde majores eorum olim orti erant, ideòque per nativi sermonis commercia populares suos docere poterant: ita prorsus divinâ providentiâ Carolus Magnus ac Franci postliminiò in nativæ gentis suæ sedes & provincias Christi religionem introduxerunt, atque ubi majores eorum vitalem spiritum olim hauserant, illò salutaris, veræque vitæ spiritum per fidei lumen retulerunt; miserati nimirum gentis suæ, ex qua ortierent, cæcitatem, quam inanium deorum cultu, & dæmonum ludibrijs miserè dementatam perire videbant. Quo divino munere, uti gentibus illis nihil felicius evenire poterat, ita nihil à Francis hoc bene-

ficio majus suis popularibus reddi potuit. Nunc cum ab avita majorum religione descitum sit, majorque pars Saxonum à Carolo Magno ad Lutherum & Calvinum transierit, haud aliud votum est nostrum, quam ut corda Patrum convertantur ad filios, & filiorum ad Patres; & quas gentes Spiritus sanctus congregavit in unitatem fidei, has ad unam Christi Ecclesiam, uniusque religionis concordiam revocet; nec enim extra illam salus promissa est.

Hoc cum Scriptura & Concilia, tum Patres nos docent. Augustinus Epist. 151. ad populum factionis Donatistarum: *Quisquis ab hac Catholica Ecclesia fuerit separatus, quantumlibet laudabiliter se vivere existimet, hoc solo scelere, quod à Christi unitate disjunctus est, non habet vitam, sed ira Dei manet super eum.* Quo judicio, Ambrosius in c. 17. Lucæ, tria genera hominum à consortio magnæ illius cœnæ pronuntiat excludi, *Gentilium, Judæorum, & hæreticorum.* Formidabile illud quod S. Fulgentius scribit c. 38 & 39. *Firmissimè tene, & nullatenus dubita, quemlibet hæreticum, & schismaticum in nomine Patris, & Filij, & Spiritus sancti baptizatum, si Ecclesia Catholica non fuerit aggregatus, quantascunque eleemosynas fecerit, etsi pro Christi nomine etiam sanguinem fuderit, nullatenus posse salvari: omni enim homini, qui Ecclesie Catholica non tenet unitatem, neque Baptismus neque eleemosyna, quamlibet copiosa, neque mors pro Christi nomine suscepta, proficere poterit ad salutem, quamdiu in eo hæretica & schismatica pravitas perseverat, quæ ducit ad mortem.*

## C A P V T XIII. CENTO LUTHERANUS,

S E U

*Lutherana Religio, in quantum Lutherana, ex antiquis  
et damnatis hæresibus est composita, et consarcinata.*

**A**bsolvimus Carolum M. Romano-Catholicum, quem adversarius nobis per mixturam religionis Catholico-Lutheranum facere voluit. Primum nullam dicit compositionem diversæ religio-



religionis, quando Romana & Catholica religio una atque eadem prorsus est; ut supra lib. 1. c. 8. commonstratum est. Alterum scdam dicit mixturam veritatis cum falsitate; nec aliud est, quàm aurum cum luto commiscere, eundemque Carolum velle optimum Catholicum, & pessimum simul hæreticum facere. Quod sanè tanto calumniosius & injuriosius est asserere de *Orthodoxo Imperatore* (quo titulo sepulchrum ejus inscriptum est) quanto certius constat Lutheranam religionem, in quantum dissidet à Catholicis, nihil esse aliud (ut verbo Lessij utar) quàm *colluviem antiquarum, & damnatarum hæreson*. Id nunc, reflexo in te totius tuæ scriptiois argumento, quomodo se habeat, per inductionem, quod certissimum est probandi genus, demonstremus.

I. Docent Lutherani cum suo Luthero: *Sola fide justificari homines, eamque sufficere ad salutem; nec prorsus opera bona ad salutem necessaria esse*. At hæc fuit hæresis *Simonis magi*, teste Irenæo lib. 1. c. 20. Eadem deinde fuit hæresis *Ennomij*, & *Ennomianorum*, quæ secta *Arianorum* erat, circa annum Christi 360. uti hoc D. Augustinus scribit lib. de hæresibus, hæresi 54. & in alijs libris, quibus multum hanc hæresim oppugnat, ac detestatur.

II. Docet Lutherus: *Nullam esse homini libertatem arbitrij*, idque Lutherus asserit, 36. affirmat esse præcipuum suæ religionis fundamentum. At illa fuit olim hæresis *Simonis magi* teste Clemente lib. 3. Recog. fuit deinde *Valentini* hæresiarchæ, & *Manichæorum*, teste Augustino hæresi 11. & hæresi 41. teste quoque Hieronymo in Prologo contra Pelagianos: *Manichæorum est damnare naturam, & liberum auferre arbitrium*. Eadem postea hæresis fuit *Wiclefij*, ut constat ex Concil Constant sessi. 8.

III. Docet Lutherus: *Legem Dei esse impossibilem*. Nam lib. de libertate Christianâ inquit: *Æque impossibilia nobis sunt omnia præcepta, atque illud unum, Non concupisces*. Idem Augustina confessio docet art. 6. Idem Apologia titulo de impletionem legis: idem *Melanchthon* in locis, *Kemnitius*, & passim Lutherani, perinde ut *Calvinus* etiam lib. 3. instit. c. 14. Sed hæc olim fuit hæresis *Pelagianorum*, aliorumque hæreticorum, aut impiorum Christianorum: contra quos *Arauscanum* Concilium, *Basilii*, *Chrysost.*, *Hieronym.*, *Augustinus*, alijque Patres scripserunt. Imò S. *Cyrillus* lib. 3. contra Julianum asserit, præceptum *Non concupisces*, quod omnium difficillimum judicatur, per gratiam Dei servari posse.

IV. Do.

IV. Docet Lutherus lib. de captivitate Babylonica: *Habentis fidem, nihil obesse peccata, quantumlibet multa & gravia illa fuerint, quod horum omnium malis non imputetur credenti.* Hoc illud Lutheri lib. citato cap. de Eucharist. *Tam dives est Christianus homo, ut non possit perire, etiamsi velit, quantumcumque male vivat, nisi nolit credere.* Idem Lutherani docent ex iustitia sua imputativa. Verum hæc ipsa fuit hæresis *Eunomianorum*, Basilidis & Carpocratis teste Irenæo lib. 1. c. 23. & 24. Sanè de Eunomianis S. Augustinus lib. de hæresibus c. 54. testatur eos docuisse: *Non posse ulla peccata homini nocere, modo fidem habeat.* Additque lib. de fide & operibus hanc hæresin à tempore Apostolorum exortam esse, contra quam ob id cæteri Apostoli Epistolas suas intenderint.

V. Docet Calvinus, & Lutherus: *Deum esse causam peccatorum.* Calvinus lib. 1. instit. c. 18. Lutherus lib. de servo arbitrio, Melancthon *Comment. in c. 8. ad Rom.* Uterque enim scribit, ita proditionem Judæ, uti conversionem Pauli fuisse opus Dei Hæc verò fuit hæresis *Florantini*, quam idcirco Irenæus apud Eusebium lib. 5. c. 20. dicebat plus esse quam hæresin: idem Simoni mago attribuitur à Vincentio Lerinenfi.

VI. Docet Lutherus, Melancthon, & passim Lutherani: *Peccatum originale esse ipsam corruptionem naturæ, sive concupiscentiam, qualis remanet inrenatis; nec tolli per Baptismum.* Uti hæc multis à Bellarmino refutantur lib. 5. de amiss. gratiæ, & statu peccati c. 4. & 5. & lib. 4. de notis Ecclesiæ c. 9. alijsque Catholicis Theologis: atque hæc ipsa fuit hæresis *Procli* hæretici apud Epiphanium hæresi 64. *Messalianorum* apud Theodoretum lib. 4. de fabulis hæreticorum.

VII. Docet Lutherus cum suis: *Inter Episcopum & Presbyterum nullum esse discrimen: eademque potestate præditos esse Sacerdotes seu comministros, quæ Episcopos.* Lutherum secutus Kemnitius in Exam. Concilij Tridentini ad sess. 23. Calvinus lib. 4. c. 4. ac passim Calvinistæ cum Lutheranis. Hæc vero antiqua est *Aerij* & *Aerianorum* hæresis teste Epiphanio hæresi 75. & Augustino lib. de hæresibus c. 53.

VIII. Lutherus ultrò progressus docuit: *Omnes Christianos nasci Sacerdotes, nixu illo Petri dicto: Vos genus electum, regale Sacerdotium, gens sancta.* Proinde non aliud requiri ad Sacerdotium, quam electionem populi, & deputationem Magistratus. Hinc assertione 13. (quæ una est ex ijs, quas Leo X. Pontifex damnavit) Lutherus proficitur æquè mulie-

*mulierem* posse absolvere à peccatis, atque *Episcopus*, aut ipse *Papa Romanus*. Et quid hæc hæresis aliud sapit, quàm *Peputianorum* hæresin? de quibus Augustinus lib. de hæresibus cap. 27. *Tantum dant mulieribus principatum, ut Sacerdotio quoque apud eos honorentur.*

IX. Lutherus, & Lutherani ex septem Ecclesiæ Sacramentis, duo reliquerunt Baptismum, & Eucharistiam, reliqua sustulerunt: sed duo illa Sacramenta non sine magno vulnere reliquerunt suis. Nam primò, Baptismo primarium effectum detraxerunt, remissionem videlicet peccati originalis: tum quòd peccatum, originale ponant in concupiscentia, quæ Baptismo non tollatur; tum quòd primarium hujus Sacramenti effectum attribuant fidei justificanti tam in pueris, quàm in adultis. Alterum cum *Messalianis* hæreticis, alterum cum *Eunomianis* commune habent, ut suprà relatum est. Deinde in Eucharistiæ Sacramento Lutherani docent Christum tantum præsentem esse in sumptione, quæ *Nestorianorum* hæresis fuit, docentium: *in Eucharistia non manere corpus Christi, si servetur in alterum diem.* Quos ob id Cyrillus Epistola ad Calosirum insanire scribit. Ne quid hic dicam de potestate Ordinis sublata à Lutheranis, cujus defectu nihil conficiunt in cœna sua: quo in genere plerisque antiquos hæreticos habent auctores.

X. Lutherus Sacramentum Confirmationis sustulit, lib. de Captivitate Babylonica. Lutherum secutus Melancthon *in locis*, & in capite de Confirmatione, ac cæteri Lutherani; Calvinus lib. 4. instit. c. 19. & cum eo Calvinistæ. Hujus verò hæresis auctores habent primò *Novatianos* teste Theodoro, lib. 3. de hæret. fabulis: additque ob id *Novatianos* in Ecclesiam receptos, solitos fuisse inungi à Patribus. Eadem *Donatistarum*, & *Acianorum* hæresis fuisse censetur: quos constat ex Optato Milevitano Chrismatismis fuisse contemptores. Post illos, *Waldenses*, teste *Ænæ Sylvio* in hist. Bohemica c. 35. Demum *Wiclef*, & *Wiclefistas*, qui teste Thomâ Waldensi, unctionem Chrismatismis abjecerunt.

XI. Lutherus, & Lutherani Pœnitentiæ Sacramentum sustulerunt. Idem fecerunt *Novatiani*, de quibus Theodoretus lib. 3. de fab. hæreticorum: *Novatiani Pœnitentiam à suo conventu arcent penitus.* Docebant nimirum nullam esse in Ecclesia potestatem reconciliandi, præter Baptismum, quod Lutherani soli fidei suæ justificanti tribuunt, neque ipsi quidem Baptismo hanc potestatem relinquunt, tanto Novatianis

QQQQ

piores,

peiores. Quam hæresin idcirco acerrimè oppugnarunt SS. Patres, Cyprianus, Pacianus, Ambrosius, Chrysostomus, Hieronymus, Augustinus, alijsque eorum temporum scriptores.

XII. Lutherus sustulit ex Ecclesia sacre Unctionis Sacramentum, lib. de *Captivitate Babylonica*. Ac tamen firmiter adhuc probat, post tamen Lutherani cum Sacramento ritum etiam proseripsere, ridetque hunc Kemnitius in 2. parte Exam. Melanchthon in locis tit. de extrem. unct. Brentius in Confess. Wirtenb. *Magdenburgenses* & passim Lutherani omnes cum Calvinistis. At hujus lux hæresis auctores habent primum Waldenses, de quibus Æneas Sylvius de orig. Bohem. 2. *Albigenses* teste Antonino p. 4. tit. II. c. 7. *Wiclesum* hæresiarcham, teste Waldensi lib. 4. Trialogi c. 25.

XIII. Sustulit Lutherus Ordinationem ex numero Sacramentorum, & cum eâ omnem potestatem Ordinis & Jurisdictionis. Lutherum secuti Kemnitius ceterique Lutherani: in hac hæresi tot auctores habet Lutherus, quot hæresiarchas & hæreticos, nam extra Catholicam Ecclesiam nullum est verum Sacerdotium, nec potestas Ordinis præter eos, apud quos aliquamdiu permansit successio. Inde Cyprianus epist. 6. *Dicimus omnes omnino schismaticos, & hæreticos nihil habere juris ac potestatis in Ecclesia*. Ordinis quoque Sacramentum sustulerunt Messaliani, asserendo, in Clericorum ordinatione Spiritum S. non suscipi, teste Damasceno de hæret. Idem Tanchelinus hæreticus docuit, cujus nefariam hæresin S. Nortbertus damnavit, ita auctor vitæ S. Nortberti.

XIV. Lutherus postquam Matrimonium sustulit ex numero Sacramentorum, docuit Matrimonium non modò ob fornicationem, sed ob alias etiam multas causas quoad vinculum dissolvi posse, ita libro à se scripto in caput 7. 1. ad Corinth. item in alio libro de causis Matrimonij. Lutherum secutus Melanchthon in locis Theologicis, Kemnitius in 2. p. exam. de quibus Bellarm. lib. 1. de Matrimonio c. 15. Hujus erroris patronos habet Lutherus Græcos schismaticos, qui postquam à Romana Ecclesia desciverunt, idem docuerunt: Testis Guido in *summa de hæreticis*. Huic errori annectit Lutherus alium, docetque in c. 7. ad Corinth. 1. statum Matrimonij Virginitate præstantiorem esse: *Oportet, inquit, admittamus mulierem conjugatam coram Deo præstare Virginitatem*: additque statum conjugalem in comparatione cum statu religioso

rum esse *aurum*, religiosorum verò *lutum*. Similia habet Augustana confessio art. 23. Hinc exosus & proscriptus est apud Lutheranos *cœlibatus Cleri*. At hæc *Joviniani* est *hæresis*, jam diu damnata: quanquam is hocce duos status æquales tantum inter se merito dicat, quâ falsâ doctrinâ aliquot Sanctimonialiales ad nuptias seduxit: Testis hujus Hieronymus *lib. 1. & 2. contra Jovinianum*, Augustinus *lib. de hæres. c. 82*. Deinde hæc ipsa *Vigilantiæ* est *hæresis*, qui docuit omnes Ecclesiasticos debere esse uxoratos, teste Hieronymo *lib. adversus Vigilantium hæresiarcham*.

XV. Docet Lutherus Ecclesiam per mille annos defecisse à fide, ac solum penes occultos quosdam, & justos remansisse, qui non consenserunt Pontificum, & Episcoporum doctrinæ: illam verò Ecclesiam visibilem quæ sub Papa, Episcopis, Clericis ac Monachis fuit, & totam illam Catholicorum multitudinem falsam fuisse Ecclesiam. ita Lutherus *lib. de servo arbitrio ad Erasmus*, *lib. contra Catharin*. & *libro de abroganda Missa*. Ita Magdenburgenses, Philippus Melancthon, Brentius, & omnes Lutherani cum Calvino & Calvinistis. Atqui hæc hæresis fuit *Donatistarum* asserentium, Ecclesiam ex solis justis constare, eamque ex toto orbe terrarum perisse, & in sola Africa remansisse, teste Augustino *lib. de unitate Ecclesiæ cap. 12*. Optato Milevitano, alijsque Patribus.

XVI. Nullum in Ecclesia Catholica Lutherus magis est infectatus & detestatus, quàm Romanum Pontificem: & quem Catholici *Vicarium Christi*, & *Petri successorem* colunt, ille inter cæteras & immanes calumnias *Antichristum* esse docuit, *lib. de tractatione temporum, in assert. art. 28. 36.* & passim in omnibus scriptis suis: quâ etiam maledicentiâ *Primum Petri*, ac *Sedem Romanam & Apostolicam* tractat. Lutherum secuti Magdenburgenses *Centuria 1. lib. 2. c. 4.* Illyricus de *Primatu Ecclesiæ*, Chytræus in *cap. 9. & 13. Apocalypsis*, & passim Lutherani cum Calvino *lib. 4. Instit. c. 7.* & Calvinistis: atqui hæc ipsa fuit *Donatistarum* rabies & hæresis, qui Pontifices Romanos & Episcopos appellabant *Pharisæos*, ac sedem Romanam calumniabantur esse *cathedram pestilentia*, teste Augustino *lib. 2. contra Petilianum c. 51. & 61. lib. 3. cap. 40. Epistola 163.* & alibi passim; idem furor fuit *Berengarij hæresiarchæ*, qui Romanum Pontificem solitus appellare *Pompificem* & *Pulpificem*; idem *Waldensium*, qui Romanam sedem *purpuratam meretricem*; idem *Wiclef*, & *Wiclefistarum*, qui *synagogam satanæ* vocabant. Oppone his SS. Patres

QQQQ 2

tam

tam magnificè de Romano Pontifice scribentes, & videbis quo spiritu hæresis, & Lutherani agantur.

XVII. Lutherus institutum Monachorum, & vota Religiosorum ubique damnat, *lib. de votis Monasticis*, in obscæno Epithalamio suo, imo in cap. 7. ad Corinth. 1. scribit, quicælibem vitam in Monasterijs ducunt, eos omnes *idolo Moloch* corpora sua cremare: Lutheri inhærent Lutherani omnes, quod vel ex confessione Augustana *art. 6. de votis Monachorum*, & Apologiâ nulli obscurum esse potest. Quos verò hujus hæresis antesignanos habent? nisi *Circumcelliones* hæreticos, de quibus Augustinus, in *psalmum 132.* calumniantes hoc vitæ genus, dicentesque: *Quid sibi vult Monachorum nomen?* Deinde *Donatistas*, de quibus idem Augustinus *lib. 3. adversus Petilianum cap. 4. Perrexit ore maledico Donatista ille in vituperationem Monasteriorum & Monachorum, etiam me arguens, quod hoc vita genus à me institutum fuerit.* Postea *Arianos*, qui tectè *Ruffino lib. 11. historia c. 3.* in Monachos, & Anachoretas primam rabiem effudère. Horum dux *Lucius Ariannus* episcopus, *Arma furoris in monasteria convertit, vastat eremum, & bella quiescentibus indicit: ter mille simul, aut eo amplius viros per solitudinem dispersos oppugnat & mactat.* Solus ibi *Lutherus* decrat, *Lucij* satelles. Quid nisi *Valentem* *Arianum* *Cæsarem*, quid nisi *Copronymum* in sanctos Monachos debacchantem hæresis vestra desiderat? aut *Wiclesum* Lutheranorum tubam, qui Monachorum & religiosorum Ordines nonnisi à diabolo in Ecclesiam introductos docuit, qui Augustinum, Benedictum, Bernardum ad inferos usque damnatos scripsit, quod aut Monachi, aut Monachorum Patres fuerint. Hi vestri Doctores & Patroni. Contrà, si Catholicos consulas, tot præcones hujus cælestis vitæ, quot sanctos Patres; tot antiquitatis testimonia, quot per orbem Catholicorum cænobia; tot sanctimonix exempla, quot Sanctorum sidera, & Ecclesiæ lumina aspicias.

XIIX. Lutherus Sacrificium Missæ abrogavit, non alio, (ut ipse fatetur) magistro & doctore, quàm diabolo, à quo in disputatione convictus fuit: inde *libro de abroganda Missa, lib. de Missa privata*, Missam vocat *commentum Papisticum, abominationem, sacrilegium, & idololatricam.* Lutherum in abroganda Missa secuti sunt omnes Lutherani, & Calvinistæ cum suo Calvino. Quos verò hujus hæresis auctores ante se habent,



habent, nisi primùm *Donatistas*? quos S. Augustinus *lib. 2. & 3. contra Petilianum, Epistola 163.* Optatus Milevitanus *lib. 2. & 6. contra Parmenionem*, & historici scribunt *fregisse altaria, spoliassse Ecclesias, sacros calices quibus sacrificatum, vendidisse, sacrum Chrisma projecisse.* Similiter sacrificium Missæ improbarunt *Pseudoapostolici, Bogomili, Waldenses, Lollardi, Wiclef,* teste Euthymio, Petro Cluniacensi, Trithemio in Chron. Hirsa. Demum magnum patronum habebunt in *Antichristo*, qui Dan. 8. & 12. *fuge hoc Sacrificium ablaturus* scribitur. Testantur id Patres, & interpretes.

XIX. Lutherus ex verbo Dei scripto, & Canone Scripturæ sustulit librum Tobia, Judith, Sapientiam, Esther, Ecclesiasticum, Libros Machabeorum: ex novo testamento Epistolam ad Hebræos, secundam Petri, duas Joannis postremas, Epistolam Judæ, & Jacobi, Apocalypsin. Quanta strages! Ex Evangelij solum S. Joannis probavit esse pulchrum, tanquam cætera facile rejecturus. Luthero passim in hærent Lutherani. Quos hic ex antiquis hæreticis habent duces? *Ebionita* solum Evangelium S. Matthæi, *Cherintij* solum Marci, *Marcionita* solum Lucæ recipiebant: *Alogiani* Evangelium S. Joannis, *Ebionita* Epistolas S. Pauli abiciebant: *Manichæi* teste Augustino *de bono Pers.* ita *Scripturas accipiebant, ut suo quodam privilegio, imò sacrilegio, sumerent quod vellent, abjicerent quod nollent.* Idem *Evangelia novi Testamenti* docebant scripta esse ab impostoribus, quos S. Augustinus ex perpetua Ecclesiæ traditione refutat, & Canonem nostrum *lib. 2. de doct. Christ. c. 8.* per censet.

XX. Lutherus verbum Traditum, omnesque Traditiones tollit, & solis Scripturis omnia vult contineri, quæ credantur aut servantur. Nam ita in cap. 1. ad Galatas: *Neque alia, inquit, doctrina in Ecclesia tradi, aut audiri debet, quàm purum verbum Dei, hoc est, sancta Scriptura; Doctores, vel auditores alij cum sua doctrina anathema sunt.* Lutherum sequuntur *Brentius, Kemnitius, Hammelmannus,* & passim omnes Lutherani, & Calvinistæ cum suo Calvino *lib. 4. Instit. c. 8.* Quibus accedit Augustana confessio cum Apologia. Verùm hæc eadem fuit hæresis *Arrianorum*, ut constat ex D. Augustino *lib. 1. contra Maximum.* Eadem fuit *Nestorij, Dioscori, & Eutichetis*, ut habetur in septima Synodo *Actione 1.*

XXI. Docet Lutherus non esse purgatorium, nec orandum pro mortuis.

QQQQ3

suus.

uis. Ita Lutherus lib. de abroganda Missa, & lib. ad Waldenses: *Cum*, inquit, *negatis purgatorium, damnatis Missas, Vigiliis, canobis, monasteria, & quicquid per hanc imposturam erectum est: quæ per omnia etiam probò.* Lutherum sequuntur *Centuriatores*, *Philippus Melancthon* de satisfactione, *Brentius* in Confess. Wirtenb. de Purgatorio, & passim omnes Lutherani cum *Zwinglianis*, *Calvinistis*, & *anabaptistis*. At hæc fuit hæresis *Aërij* teste *Epiphanio hæresi 75.* *Augustino hæresi 53.* Docuit enim *Aërius* viventium Sacrificia, orationes, eleemosynas, & jejunia nihil prodesse defunctis. Hæc postea hæresis fuit *Waldensium*, teste *Gvidone in summa de heret.* & *B. Antonino 4. p. tit. 11. c. 7.* Eadem fuit *Apostolicorum* apud *S. Bernardum serm. 66. in Cant.* Eadem *Petro-Brusianorum* fuit, teste *S. Bernardo Epist. 240. Petro Cluniacensi Epist. ad Episcopos.* Eadem *Wiclefistarum* fuit teste *Bernardo Lutzenburgensi.*

XXII. Docet Lutherus: *Sanctos nec colendos nec invocandos esse.* Imò Lutherus *serm. de Natali B. Virginis* audacter scribit: *Senon pluris facere preces B. Virginis, quam cujuslibet e populo, propterea quod omnes aequè sancti & justi sint, atque ipsa Virgo Maria, caterique Divi, quantumvis magni.* Hanc præterea falsam doctrinam, tum alibi, tum libro ad *Waldenses* tradit Lutherus: quam sequitur *Apologia Augustanæ Confessionis art. 21.* *Brentius*, *Magdenburgenses*: quod commune omnium Lutheranorum est dogma, cum *Calvino* & *Calvinistis*, reliquisque *sectarijs*. Prima de cultu Sanctorum fuit hæresis *Eustathij* apud *Socratem lib. 2. c. 33.* *Eunomij*, & *Vigilantij* apud *Hieronymum*, *Clandij Taurinensis*, apud *Ionam Episcopum Aurelianensem*, *Wiclef* apud *Thomam Waldensem tom. 3. de Sacram. tit. 13.* Altera de invocatione Sanctorum fuit denuò hæresis *Vigilantij* hæresiarchæ asserentis, post mortem nullius pro alio orationem exaudiri, ideoque Sanctos mortuos non orare pro vivis; Testis est *Hieronymus lib. adversus Vigilantium.* Apertius hæc hæresin professi sunt *Hæriciani*, *Petro-Brusiani*, *Apostolici*, *Wiclef*, & *Wiclefista*, *Taborita*, *Hussita*, de quibus *S. Bernardus*, *B. Antoninus*, *Thomas Waldensis*, *Aeneas Sylvius*, alijque scriptores.

XXIII. Docuit Lutherus: *Reliquias Sanctorum non esse venerandas.* Nam in *serm. de Cruce* apertè proficitur *Reliquias esse fidelium seductiones, altissimèque sub terram esse condendas.* Quam doctrinam cæteri postea Lutherani arripuerunt, & in hanc diem mordicus retinent: sed

fed & illa antiqua *Eunomij*, & *Vigilantijs* fuit hærefis, teſte Hieronymo lib. *contra Vigilantium*, & poſt illos *Constantini Copronymi*, qui teſte Snida in ejus vita, juſſit omnes Sanctorum Reliquias aboleri, Eâdem hæreſi laboravit *Claudius Taurinensis*, ut ſcribit Ionas Aurelianus ſib. 1. *de cult. imag.* Eandem & *Wicleſ* reſuſcitavit.

XXIV. Damnant Lutherani cultum Imaginum, ex quo *Caroloſtadius* Lutheri diſcipulus hunc primùm improbavit, teſte Cochlaeo: acceſſit Lutherus, eundemque cultum improbavit, poſt cæteri ferè Lutherani omnes cum Melanchthone, & Magdenburgenſibus. Atqui hæc *iconomachorum* fuit hærefis, ſub *Leone Iſauro* & *Copronymo*, teſte Zonarâ, Cedreno, Nicephoro, & Synodo VII. Nicænâ. Poſt illos *Claudius Taurinensis* Ludovico Pio Imp. imagines, & Cruces omnes è templis ſuſtulit; homo imperitus & ſuperbus, ut Ionas Aurelianus hæc ſcripſit. Inde ſopita hæc hærefis jacuit ad tempora *Lutheri*.

XXV. Docet Lutherus nullâ lege Eccleſiaſtica obligari fideles ad certa quædam jejunia, nec ad ciborum abſtinentiam: Docet id Lutherus de libertate Chriſtiana, Melanchthon in Apologia Auguſtanæ confeſſionis art. 26. Brentius in Confeſſione Wirtenbergenſi, ac Lutherani omnes cum Calvino & Calviniſtis. Hinc abrogarunt Quadrageſimam cæteraque Eccleſiæ jejunia. Et quos hîc alios habent auctores, quàm *Euſtaſiinos*, & *Aërianos* hæreticos jejunia damnantes? teſte *Socrate* lib. 2. *Hiſt. c. 33.* Epiphanio *hæreſi 75.* cæteroſque hæreticos?

XXVI. Lutherus poſt ſublataſ Clavium poteſtatem ſuſtulit quoque confeſſionem peccatorum Sacerdoti faciendam: nam libro de *captivitate Babylonica* docet, non poſſe eam probari ex Scriptura. 2. Non eſſe neceſſarium omnia confiteri Sacerdotibus; *Serm. de Confeſſ. & Euch.* docet eam à Papa eſſe inſtitutam, ita Melanchthon in Apologia & Lutherani paſſim, ſed hæc ipſa eſt hærefis *Montaniſtarum* & *Novatianorum*, de qua Hieronymus ad Marcellam, deinde *Wicleſi*, *Flagellantium*, & aliorum hæreticorum.

XXVII. Lutherus Chriſtianos ab omni lege Eccleſiaſtica abſolvit, nam ita lib. de Captivitate Babylonica: *Chriſtiani nihil in ullâ re legum imponi poteſt, ſive ab hominibus, ſive ab Angelis, niſi quantum volunt: liberi enim ſunt ab omnibus* Lib. de falſo ſtatu Eccleſiaſt. Nulla, inquit, eſt poteſtas Eccleſiaſtica. At hæc *Lampetianorum* fuit hærefis, teſte Damalceno

maſceno de hæreſibus. Eadem *Begardorum* teſte Clemente V. de hæreſ. Eadem *Joannis Hus, & Huſſitarum* ſuit art. 12. damnata in Concil. Conſtantienſi.

XXIX. Lutherus judicium Eccleſiæ in controverſiſ fidei, Conciliorum, & Patrum auctoritatem rejicit: hinc libro ad Regem Angliæ ſcribit: *ſe non curare mille Auguſtinos, mille Cyprianos*. Et quàm contemptim de ſingulis cenſet? Hic omnium Lutheranorum & ſectariorum eſt error & hæreſis, dum ſuomet judicio ſubnixi Scripturas ad hæreſes ſuas detorquent. Hæc *Arianorum* & omnium antiquorum perverſitas fuit. Hoc ſeminarium omnium hæreſeôn.

XXIX. Lutherus ſuſtulit Hierarchiam Eccleſiæ, poteſtate regendi Eccleſiam à Pontifice & Episcopis ad ſæculares Principes tranſlatâ, id cùm plurimis in locis, tum lib. de Captivitate Babylonica docet: *Dico itaque: neque Papa, neque Episcopus, neque ullus hominum habet jus ullius ſyllabe conſtituende. Papatus nihil aliud eſt, quàm regnum Babylonis, & veri Antichriſti*. Quæ infania fuit omnium hæreſiarcharum & hæreticorum: unde tot hæreſes enatæ, quot hæreſeôn capita; & tot hæreſes, quotquot ſe ab Eccleſiæ Hierarchica poteſtate & judicio ſubtraxerunt.

XXX. Lutherus proſcripſit ex Eccleſia Cœlibatum, jure Apoſtolico ſacris Ordinibus annexum, & liberum fecit matrimonium Clericis non modò ante ſacros Ordines, ſed poſt eoſdem etiam ſuſceptos, tam Episcopis, quàm Sacerdotibus, & quod multo ſœdius eſt, etiam Monachis & Monialibus poſt ſolemnnem perpetuæ caſtitatis profeſſionem, idque depravatiffimo ſuo exemplo. Quod vel ipſi Saxonæ Duci, & Lutheranis principiò diſplicuit: uti hæc riſit Eraſmus epistolâ ad Danielem Mauchium Ulmanum: *Montini lepidiſſimis literis neſcio an vaces nunc reſpondere: Nuntiabis illi rem latam: Lutherus, quod ſelix fauſtumq; ſit, depoſito Philoſophico pallio duxit uxorem, ex clara familia Borna, puellam eleganti formâ, natam annos XXVI. ſed indotatam, & quæ prid m deſierat eſſe Veſtalis. Atque ut ſcias auſpicatas fuiſſe nuptias, pauculis diebus poſt decantatum Hymenæum, nova nupta peperit*. Paucis Juſtus Baronius in opere de Præſcript. *Lutherus heri Monachus, hodie ſponſus, cras maritus, perendie pater*. Sed quos hujus perverſi dogmatis habuit auctores? niſi Vigilantium & Jovinianum, & ante hos, Nicolaitas, Gnoſticos, cæterosque laſcivos hæreſiarchas? ut conſtat ex Irenæo, Hieronymo lib.

contra

contra Vigilantium, Augustino lib. de hæresibus, c. 82. Deinde schismaticos Græcos, postremoque Wiclefium, de quo Thomas Waldensis tom. 22. de Sacram. cap. 67. *Quæ, inquit Erasmus, est ista salacitas? unde tanta carnis rebellio in ijs, qui se jactant agi Spiritu Christi?*

Habes hîc Nifani supra triginta hæreses antiquas, ex quibus nova doctrina novi vestrî Evangelij conflata est: paucas nimirum ex multis. Et si cætera vestræ religionis dogmata ad hunc modum expendere lubeat, centum faciliè reperiās, ex quibus centonem hunc conficere liceat: præsertim si quæ Bellarminus in librum concordia (scu discordia) vestræ observavit, quæ Gualterius in Catalogo, quo Lutheri hæreses percenset, aut quæ Jodocus Coccinus Bilsfeldiensis vester, tomis illis collectorum Patrum clarissimis, ac libro præsertim 8. de signis Ecclesia art. 3. commonstrat. Lege quæ in hanc rem adduxerit ille diligentissimus & longè eruditissimus scriptor, civis & indigena Bilsfeldia ex avita Catholicorum religione, ubi tu alienigena es, & aliena falsaque religionis magister; ubi tu nihil ad hunc virum, Westfalia nostra lumen, ac non nisi hæresis tuæ umbras & larvas ex Dania & Aquilone, unde omne malum vaticinantur Prophetæ, deducis.

Unum interim tibi largiri possumus cum Becano in hac quæstione: Tria videlicet esse dogmata vestræ Lutheranae religionis, quæ neque Catholicus, neque ulla unquam hæresis ante Lutherum docuit. Quorum primum dogma vestrum est: *Humanitatem Christi esse ubique*. Secundum est: *Infantes dum baptizantur, habere actualem fidem*. Tertium est: *In Eucharistia manere substantiam panis & vini, unâ cum substantia corporis & sanguinis Christi*. Hæ novæ vestræ hæreses, quas in antiquis non faciliè reperiēs: quanquam tertium dogma etiam Berengarij fuerit, qui postquam retractavit primam hæresin suam, Corpus videlicet Christi non esse præsens in Eucharistia, invenit alteram & docuit, *Corpus Christi quidem esse præsens in Eucharistia, sed simul cum pane & vino*; quam etiam hæresin retractavit in Concilio Romano sub Gregorio VII. & transubstantiationem probavit. Igitur tota vestrâ doctrinâ in quantum discrepat à Catholicis, aut ex prisca hæreticorum, aut ex novis Lutheri, cæterorumque vestrorum magistrorum recens inventis dogmatibus conflata est: ut viro prudenti & intelligenti non aliter se offerat, quàm obsoleta lacerna, aut mendici pallium, ex varijs lacinijis & segmentis consutum. Et hanc religionem tu audes ex Carolo Magno prætereundere, aut nobis Catholicis ex an-

R R R R

tibus

tiquis & scædis hæreticis velle persuadere? ut desertis fulgentissimis Ecclesiæ Doctoribus, Episcopis, & Sacerdotibus, vobis accedamus? & vobiscum ex hac colluvie hæresum credamus id, quod damnati *Ariani*, *Eunomiani*, *Novatiani*, *Montanista*, *Donatista*, *Pelagiani*, *Joviniani*, aut quod scabiosi post illos hæretici, ut *Berengariani*, *Bogomili*, *iconomachi*, *Albigenses*, *Begardi*, *Flagellantes*, *Lollardi*, *Waldenses*, ac *Panperes de Lugduno*, *Petro-Brussiani*, *Wiclefista*, *Hussita*, & cæteræ *orcine pestes* docuerunt?

Hanc vestræ hæresis absurditatem cum inter vos viri prudentiores viderent, puderetque eos, profiteri religionem ex tot hæresum lacinijis consutam, aliam quandam viam ingressi, docuerunt satis esse homini Christiano, si modò ea credat, quæ in symbolo Apostolico continentur, in eo enim *substantialia fidei dogmata* nobis, quæ ad salutem consequendam necessaria sint, præscripta esse; cætera *adiaphora* esse, & disputantium ingenij, & libertati cujusque relinqui.

Hæc inter cæteros Calixti vestri, viri apud vos celebris, & novi adeo hæresiarchæ sententia, quâ Lutheranos, Catholicos, & Calvinistas in unam religionem (ex quâ singuli salvi fieri possint) componit, eò quod in uno symbolo Apostolico velit omnes convenire.

Verùm hæc responsio non evolvit vos, sed involvit emplastri instar, non sanando sed alia nova, multa que vulnera refricando. Nam etsi Catholici, Lutherani, & Calvinistæ in primis Symboli Apostolici articulis convenient; si tamen procedas ad articulum: *Descendit ad inferos*, quantum hîc in ejus sensu Catholici à Lutheranis, & Lutherani rursus à Calvinistis dissident? Inò Lutherani nondum sciunt, quid de hoc articulo credere debeant, ut constabit ex Catechismo Dieterici vestri.

II Si articulum de *ascensu Christi ad calos* exploremus, aliter hunc intelligunt Catholici, aliter *Lutherani ubique*, qui *corpus Christi* ponunt *ubique*, & omnibus locis præsens, sicuti ubique est præsens *divinitas*.

III. Si articulum, *Sanctam Ecclesiam Catholicam* consideremus, & in eo primò nomen Ecclesiæ; Lutherani, & Calvinistæ intelligunt de congregatione invisibili justorum, aut prædestinatorum, Catholici de congregatione visibili, in quâ multi sint iusti & prædestinati, multi mali & reprobi. Deinde si nomen *Catholicum* examinemus, quod Lutheri catechismus vertit in *Christianum*: quàm dispari sensu id Lutherani & Calvinistæ



vinistæ à Catholicis interpretantur? IV. Articulum de *Communione Sanctorum* ita extenuant Lutherani, & Calvinistæ, ut omnem penè communionem Sanctorum, quæ à Catholicis ponitur, tollant. V. Articulum de *Remissione peccatorum*, explicant Lutherani de sola iustitiâ imputativâ, non agnoscendo ullam iustitiam inhærentem, nec infusa dona. Deinde ita soli fidei iustificanti attribuunt remissionem peccatorum, ut nihil in hoc relinquant Baptismo & Sacramento Pœnitentiæ, nihil potestati Clavium. Et quàm antiqua hæc fuerit hæresis, cognosces ex Cypriano, epist. 5. *Dicunt se idem symbolum habere, & eandem legem.* Quid verò Cyprianus? Nam cum dicunt; *Credis in remissionem peccatorum, & vitam æternam per sanctam Ecclesiam?* mentiuntur in interrogatione, cum non habeant Ecclesiam. Pergit Cyprianus: *Quod verò eundem quem & nos Deum Patrem, eundem Filium Christum, eundem Spiritum sanctum nosse dicuntur, nec hoc adjuvare tales potest.* Nam & Core, & Dathan, & Abiron, cum Sacerdote Aaron & Moyse eundem Deum noverant, pari lege & religione viventes, tamen quia loci sui ministerium transgressi contra Aaron Sacerdotem periisse dicit. Et quantum hæc exaggerat D. Cyprianus lib. de simplicitate Prælatorum adversus Novatianum hæresiarcham? Demum si id sufficit ad salutem, credere quod in Symbolo fidei continetur, nihil oberrat, si nulla credam esse Sacramenta, si negem infernum, & poenarum æternitatem, si asseram dæmones aliquando salvandos, quia de his nulla explicita mentio in Symbolo. Imò quid opus est ipsa Scriptura sacra, si omnes ad salutem necessarij articuli continentur in Symbolo? aut si cuilibet liberum sit suo sensu explicare Symbolum, & credere quod privatus spiritus suggerit, aut quælibet secta docuerit? quâ super re multis Lessius in appendice consultat. alijsque Theologi & Doctores.

Igitur ut ad horum librorum ordinem, & connexam veritatem redeamus, quærenda est primum ex suis notis, & proprietatibus in Symbolo Apostolico signatis *una, vera, Catholica*, & *Apostolica Ecclesia*: inventâ Ecclesiâ, invenitur verum Christianæ religionis Sacerdotium, & in eo veri Episcopi, & veri Pastores & Doctores, quos Christus, & Spiritus sanctus *posuit regere & docere Ecclesiam*, quosque deinde in Concilijs dedit controversiarum iudices: *Qui vos audit, me audit*, Luc. 10. Hoc principium si fallat, fallatur tota Ecclesia, & nihil certi erit in tota religione Christiana, nisi ut quilibet credat quod volet, aut quod quælibet

R. R. R. R. 2

bet

bet secta suis persuadere potest. Frustra extra hoc principium de vero & vivo iudice Controversiarum omnis alia de fide disceptatio, librorum scriptio, & omnis ille in controversijs fidei labor. Invento verò Controversiarum fidei iudice, invenitur verum religionis Sacrificium, vera Sacramenta, vera de justificatione, & bonis operibus doctrina, vera salutis præsidia, verus religionis cultus, & quicquid ordinatione divina Spiritus S. in Ecclesia disposuit. Scio, quæ hæreticorum est garrulitas, & hæc tua scribendi libido, ut quoquo tandem modo inclarescas, etiam cum illo, qui templum Dianæ incendit; verum nisi præter obsoleta, protrita, turbida, & centies refutata aliquid dignius, & ordinatius proferas, scito me huiusmodi rapsodicis tuis scriptis, & calumnijs non responsurum: tanquam non aliæ nobis studiorum sint occupationes, quam ut hisce tuis somnijs, & phantasmatis hæresum vacemus, quando & ex illo hominum genere te reputo, de quibus S. Augustinus lib. 8. de civit. Dei c. 4. *Nam qui vel non possunt intelligere quod dicitur, vel tam duri sunt adversitate mentis, ut etiam si intellexerint, non obediunt, atque insatigabiliter vani sunt; quorum dicta contraria si toties volumus refellere, quoties obnixâ fronte statuerunt non curare quid dicant, dummodo quocunque modo nostris disputationibus contradicant; quàm sit infinitum, & infructuosum vides.*

**H**Is, quæ pro Catholica religione, & defensione Caroli Magni hætenus diximus, addo Hadriani I. Pontificis epistolam ad Carolum Magnum, qua ei gratulatur de Saxonia è gentiliū superstitione ad Christi fidem, & Catholicam Ecclesiam perducta. Hadriani I. Epistolæ subjungo quædam ex Hadriani VI. Pontificis Epistola ad Fridericum Saxonix Electorem, quâ Duci pro Apostolica auctoritate exprobrat, quod Christi religionem, quam Saxonia Hadriano I. Pontifice primùm suscepit, hanc ipse Hadriano VI. Pontifice per Lutheri hæresin cum Saxonix populo abiciat. Ad Hadriani VI. Epistolam, qui Caroli V. moderator juvenutis & Magister fuit, adjungo postremum ipsius alumni, Caroli videlicet V. gloriosi Imperatoris decretum, ac diploma adversus Lutherum, & Lutheri hæreses. Similia, ac confatalia sunt ex utroque Pontifice Leone. Nam quæ Christi religio à Leone III. per Saxoniam est confirmata, maximè cum Carolum Magnum Paderbornæ conveniret, & tot  
templa,

templa, altariaque per Saxoniam & Germaniam consecraret ; eadem Christi religio sub Leone X. Pontifice per Lutheri hæreses primum abjici cœpit. Extant hac super re utriusque Pontificis præclara decreta, ac monumenta posteritatis. Ex horum ergo sapientissimorum Pontificum & Imperatorum judicio, ut cætera etiam prætermissem, satis superque prudenti æstimare fas erit, quid de vera religione à Carolo Magno in Saxoniam introducta, & quid de ea, per Lutheri hæreses immutata, novoque, quod obtendunt, Lutheri Evangelio sentiendum sit. Sanè postquam ab avita Majorum religione primum per Lutheri hæreses descitum est, intravit mox Calvinii hæresis, haud minus modò potens, & post illas aliæ super alias ; quantumque Lutheri hæresis primum Catholicos, tantum Calvinii hæresis exiit Lutheranos. Ut jam una hæresis alterius flagellum videri possit. Et quis hæresecôn se quotannis intermiscitum, malorumque finis, nisi ad unam Ecclesiam Catholicam, unde omnes hæreses exierunt, reditus fiat ? quem diem utinam sperare citius, quàm optare liceat ! eò quòd D. Augustinus vatis instar nos moneat tract. 25. in Joannem : *Quantum accedit finis mundi, crescunt errores, crebrescunt terrores, crescit iniquitas, crescit infidelitas.*

Unicum firmumque in hac re solatium, quod Catholica Ecclesia inter omnes omnium ætatum hæreses supra petram fundata oppugnari quidem possit, expugnari non possit ; veritatemque religionis, & unitatem fidei juxta Christi promissiones ad finem mundi conservatura sit. *Forse ista civitas, ( Ecclesia videlicet Catholica, ) querit Augustinus in Psal. 47. quatenus mundum, aliquando evertetur ? Absit, Deus fundavit eam in æternum.* Abscindunt quidem hæreses regna, & provincias, sed tantum alibi Deus rursus adjicit, transferendo lumen fidei ad alias gentes. Cùm Oriens deficeret, & per schismata & hæreses se avelleret à Romana, & Catholica Ecclesia, Deus per regum Francorum arma, & Apostolicos viros aperuit ostium fidei in Occidente ; inde per Carolum Martellum & Pipinum regem, Caroli M. avum, & parentem Frisia, inde per Carolum M. Saxonia ad Christi fidem perducta, inde post Dania, Suecia, Sclavia, aliæque Septentrionis regna & provinciæ ad Ecclesiam Catholicam aggregatæ. Post ubi per Lutheri hæreses Saxonia rursus perversa avulsaque est, ac cæteræ dehinc regiones Aquilonares sese per hæreses ab Ecclesia Catholica disjunxerunt, translatum est ab his regnum

Dei, ad gentes remotas, & ad tot populos in altero orbe terrarum, juxta illud Christi Matth. 21. *Auferetur à vobis regnum Dei, & dabitur genti facienti fructus ejus.*

Cur autem Boreales populi nostri, qui seriùs ad Christi fidem accessere, citiùs ab ea recesserint, id ad *altitudinem sapientia divina, & incomprehensibilia Dei judicia*, quæ *abyssus multa sunt* referendum : quam & hominum istorum vitij & peccatis, quibus semper aliquid barbarum adhæsit, non immeritò adscripseris. Quantum enim *crescit iniquitas*, tantum & *crescit infidelitas*. Quare & S. Augustinus lib. de unit. Eccl. cap. 13. ad illud Christi Luc. 18. *Filius hominis veniens putas inveniet fidem in terra?* censuit ad *iniquorum abundantiam, & paucitatem bonorum* referendum. Nunc propositas Epistolas, & decretum Caroli V. recitemus, quibus addi poterat præclara Caroli M. Epistola ad Elipandum hæreticum, de unitate cum Ecclesia Catholica servandâ, quam studio brevitatibus omisimus.

## EPISTOLA HADRIANI PAPAE I. AD CAROLUM MAGNUM.

Gratulatur Carolo de Saxonibus subactis, atque ad Christi cultum & Baptisma perductis; triduanasque Litanias, ut Carolus optabat, eo nomine indicit.

*Domno excellentissimo filio, nostroque spiritali compatri, Carolo  
Regi Francorum & Longobardorum, atque Patricio Romanorum, Hadrianus Papa.*

**P**æstolatos, nimisque nobis optabiles regales vestros suscepimus affatus per fidelissimum vestrum latorem atque missum, videlicet Andream religiosum abbatem: quos reserantes, reperimus in eis de vestra præcellere regalis potentia. & comparis, subolisque vestra, seu cunctorum praeceptorum vestrorum nostrorumque fidelium sospitate, & incolumi ac sincerissima prosperitate: in quibus Redemptori mundi consuetas retulimus grates.

*Magis*

Magis autem inibi de vestris à Deo praesidiatis regalibus triumphis comperientes, qualiter servas adversasque gentes, scilicet Saxonum, ad Dei cultum, & sua sancta Catholica & Apostolica Ecclesia rectitudinem fidei perduxeritis, atque Domino auxiliante, & Petri Paulique apostolorum principum interventione suffragante, sub vestra eorum colla redacta sunt potestate ac ditione, eorumque optimates subjugantes, divinâ inspiratione, regali annis, univversam illam gentem Saxonum ad sacrum deduxistis baptismatis fontem. Unde nimis amplius divina clementia retulimus laudes, quia nostris vestrisque temporibus gentes paganorum in veram & magnam deâucta religionem, atque perfectam fidem, vestris regalibus substernuntur ditionibus. In hoc quippe freta vestra à Deo fundata existat potentia, quia si, ut pollicita est, fautori suo beato Petro apostolo, & nobis, puro corde atque libentissimo animo adimpleverit, maximas ac robustiores illarum gentium suis praeceptis suffragijs vestris substernet pedibus, ut nemine eos persequente, vestris regalibus subijciantur potentis, & maximum fructum in die iudicii, ante tribunal Christi, de eorum animarum salute offerre mereamini dignissimum munus, & pro amore animarum lucra infinita mereamini adipisci in regno caelesti. Illud autem, quod vestra regalis intimavit excellentia, ut in uno mense, vel in unâ die, pro huiusmodi operibus, scilicet stabilitatis vestra victoria, laudes Deo gerentes caneremus, & una vel duabus feriis Litanias perageremus, valde hoc nobis delectabile existit. Quatenus Apostolica exarantes censura decrevimus, in omnibus nostris partibus, qua sub ditione spiritalis matris vestrae sanctae Romanae Ecclesiae existunt, illico celebrari easdem una nobiscum disponentes emisimus, Domino protegente; videlicet vicesima tertia die, & vicesima sexta, atque vicesima octava huius advenientis Junij mensis, qua sunt in primis vigilia beati Joannis Baptista, & natalis sanctorum Joannis & Pauli, nec non & vigilia beati Petri Apostoli. Similiter & vestra regalis potentia in suis dirigat univversis finibus, sicut transmarinis partibus, ubi Christiana moratur gens, similiter perficiendas triduanae Litanias. Et ideo tale protelatum emisimus spatium, propter tam longinquas Christianas nationes ultra vestrum regale morantes regnum. Nos quippe non solum unam vel duas, ut nobis insinuastis, celebrandas Litanias praevидimus; sed etiam pro vestra, ut soliti sumus, indefinenter orare excellentia cupientes, decrevimus perficere, & Redemptori mundi canere laudes, ut ipsa gentes, quae per vestrum regale certamen ad Christianam perducta sunt fidem, usque in

avum

avum per vestrum maneant adminiculum, & nostris vestrisque finibus omnes repellis faciat agriutudinis morbos, & procul ejiciat pestilentiam, ut nostris vestrisque diebus populus nobis à Deo commissus in magnâ degentes ubertatis affluentia, simulque sincerissima sospitatis latitia, longiori ævo unâ cum domina regina, vestraque nobilissima prole, mereamini regni gubernaculo perfrui, & in athereis arcibus sine fine regnare: ut per vestra laboriosa certamina, magis magisque spiritalis mater vestra sancta Romana Ecclesia maneant exaltata. Incolumem Excellentiam vestram gratia superna custodiat.

## HADRIANI VI. PONTIFICIS EPISTOLA,

Quâ hortatur Fridericum Saxonix Ducem, ut Martinum Lutherum hæresiarcham dimittat, ejusque relictis erroribus Catholicam fidem sequatur.

*Hadrianus Episcopus, &c. Dilecte fili, salutem, & Apostolicam benedictionem.*

**S**atis, & plus quàm satis sustinimus, dilecte in Christo, si fortè Dei pietas tuam animam dignetur invisere, ac dare penitentiam ad cognoscendum veritatem, ut resipisceres à diaboli laqueis, à quo captivus detineris. Novimus te paternè monitum à fel. recor. prædecessore nostro, ut à te separares perniciem illam Christianæ religionis Martinum Lutherum, & cum jam toti Orbi manifesta essent sceleratissima machinationes illius, speravimus & te ad cor penitus reversurum.

Sed quoniam expectavimus vras, & ecce quia frustra conflavit conflator, malitia enim tua non sunt consumpta, coëgit nos miserationi tui, coëgit paternus amor, quo te, & subditos Saxones in Domino semper fuimus prosequuti, sanctaribus, & paternis monitis adhuc convenire, ut vel tandem resipiscaris, antequam planè in vos conveniat, quod mox subdit Propheta: *Argentum reprobum vocate vos, quia Dominus projecit vos.*

Et quid dicemus vobis, quàm quod Galatis suis Paulus? O insensati, quis vos fascinavit veruati non obedire? Currebatis bene. Interrogate patres vestros, ac dicent vobis: majores vestros, & annuntiabunt vobis. *Quod ab ea*



ab ea etate, quâ uno eodemque tempore vivere, Hadrianus Rom. Pont. & Carolus ille Magnus Imperator, in Saxonia fidei plantatores, ad nostrasque, & carissimi in Christo filij nostri Caroli tempora: & avi & proavi vestri, atque adeo Saxones omnes, semper habiti estis veluti pacis amatores, fidei propugnatores, & per omnia obedientia pacifici filij, talesque, ut non immerito Gregorius V natione Saxo, olim Romanus Pontifex, Saxonia Duce in Rom. Imperatoris constitueret electorem. Quomodo ergo tam cito mutatus est color optimus? Cur tam facile transferimini ab eo, qui vos vocavit in gratiam Christi in aliud Evangelium? quod non est aliud, nisi sunt quidam, qui vos conturbant, & volunt convertere Evangelium Christi. Quis vineam Domini Sabaoth tam pulchrè plantatam est demolitus? Certe exterminavit eam aper de sylva, & singularis feras depastus est eam.

Multa deinde, eundo ferè per omnes Lutheri hæreses, scribit Pontifex de perturbatione Ecclesiæ, & calamitatum malis, per Lutheri hæresin illatis, de sacrilega ejus doctrina & furore, adversus legem Christi, Sacramenta, jejunia Ecclesiæ, cultum Sanctorum, & imaginum, de plebe sub specie Evangelij seducta, de laxatis Monachorum cœnobijs ac votis, de profanatis Virginibus Deo consecratis, de injurijs in Concilia, SS. Patres, & Canones Ecclesiasticos, quorum volumina publicè exuri jusserat, de convitijs in summum Pontificem, & Vicarium Christi, quem Antichristum populo persuadere, se verò alterum Eliseum duplici Eliæ spiritu plenum, & Danielem in reformanda Ecclesia proponere ausus sit: de calumnijs in Episcopos, Sacerdotes, & religiosos homines, de convulsa potestate Ecclesiastica, & pulcherrimo ordine Ecclesiæ interverso, de parricidalibus, ut vocat, Lutheri armis adversus majorum religionem. Hæc inquam, quæ multis Pontifex in Apostolica illa Epistola, Apostolico prorsus spiritu deplorat, refellit, ac condemnat, hic brevitatibus studio omitimus. Demum ita concludit alloquendo Fridericum Saxonie Ducem:

Vivunt unâ Pontifex Adrianus, & religiosissimus Imperator Carolus, meus carissimus in Christo filius, & alumnus: Cujus tu edictum verè Christianum adversus Lutheranam perfidiam, & quod talem decebat Imperatorem, non sine gravi offensa, ac vilipensione Cæsarea Majestatis violare non timuisti. Non committemus, ut quos olim cum Magno Carolo Adrianus Pontifex in Christo genuerunt, nunc Hadrianus Pontifex, & Imperator

SSSS

Carolus,

Carolus, sub schismatico ac hæretico tyranno, hæresum ac schismatum sinum interire contagione. Quare reverimini ad cor, & respicietis, tuique miserè seducti Saxones, nisi utrumque gladium, Apostolicum simul & Casaream velitis experiri. Scripta Roma 1522.

## CAROLI V. IMPERATORIS EDICTUM

Contra Lutherum ejusque hæreses.

**C**arolus V. divina favente clementia electus Romanorum Imperator, semper Augustus, ac Germania, Hispaniarum, utriusque Sicilia, Hierusalem, Hungaria, Dalmatia, Croatia &c. Rex: Archidux Austria, Dux Burgundia, Brabantia, Styria, Carinthia, Carniola: Comes Habsburgi, Flandria, Tyrolis &c. Universis & singulis S. R. I. Electoribus, aliisque Principibus tam Ecclesiasticis, quàm secularibus; Archiepiscopis, Episcopis, Prelatis, Ducibus, Marchionibus, Comitibus, Baronibus, Nobilibus, Militibus, Clientibus, Praefectis, Praesidibus, Judicibus, Scultetis, Burgmæstris, Consulibus, Scabinis, Civitatum, oppidorum, villarum, terrarum, & quorumvis aliorum locorum communitatibus; nec non Universitatibus, Studiorum, sive Gymnasiorum Rectoribus, & locorum tenentibus, seu officialibus eorundem, ac ceteris quibuscunque Nobis tam jure Sacri Imperij, quàm hereditario, aut alio quocunque modo subiectis, & fidelibus dilectis cujuscunque status, gradus, aut conditionis sint &c. gratiam Casaream & omne bonum.

Ad veri Romanorum Imperatoris officium pertinet, non solum fines hujus Sacri Imperij, quod prædecessores nostri Germania Principes ob defensionem sanctæ Romanæ & universalis Ecclesiæ suæ, suorumque sæpius effuso sanguine per divinam gratiam sibi quesierunt, ad orthodoxam viam adductis, vel expulsi infidelibus propagare, verum etiam ne qua hærescos labe, vel suspicio, in jam sibi subditis nationibus sacrosanctam nostram religionem commaculet summo studio providere; & si qua jam oriri caperit, eam omni ope, omni curâ juxta normam à S. Rom. Ecclesiâ hætenus observatam, delere penitus & extinguere. Quod si quis alius è majoribus nostris, tanto nos magis præstare debemus, quanto Dei Opt. Max. immensa benigni-

benignitas nobis plura regna & dominia, pluresque & magis bellicosos populos, majoresque vires, quam jam multis saculis alicui Principi, qui hisce itulis sit potitus, ad sua sanctæ fidei tutelam & incrementum elargiri dignata est. Accedit, quod cum ex paterno genere è Christianissimis Imperatoribus, & Archiducibus Austria, Ducibusq; Burgundia; ex materno verò Catholicis Hispaniarum, Sicilia & Hierusalem regibus simus orti, quorum omnium pro fide Catholicâ res præclare gestas nulla unquam delebit oblivio, non sine gravi conscientia nostræ onere, & perpetuâ nominis notâ, quadamque veluti nebula ineuntis nostri Principatus felicibus auspicijs offusa, factum crederetur, si qua jam abhinc triennium pullulare in Germania caperunt, novas quasdam hæses, imò verius jam sæpe olim per Concilia, & summorum Pontificum decreta, approbante Ecclesia damnatas, & nunc denuo veluti ab inferis erutas, altiores jacere radices, nullâ nostrâ negligentia passis esse videamur.

Sanè vestrum neminem ignorare existimamus, quibus erroribus & hæresibus ab orthodoxa fide alienis, quidam frater Martinus Lutherus Ordinis S. Augustini, religionem Christianam in hac præsertim inclitâ natione Germanicâ, omnis infidelitatis & hæsum perpetuâ oppugnatrice, ita inficere conetur, ut nisi maturè occurratur, tota hac natio, & deinde serpente contagione, universa Christiana res publica in abominandum schisma, & bonorum morum, pacisque, ac tandem detestandam sui perniciem prolapsura videatur. Quapropter non immeritò commotus sanctissimus in Christo Pater D. Leo X. sacrosanctæ Romanæ & universalis Ecclesiæ summus Pontifex (ad quem fidem Catholicam & Ecclesiæ Sacramenta curare spectat) prædictum Martinum à principio clementer & paternè monuit & hortatus est, ut à nefarijs hujusmodi inceptis desisteret, & jam sparsos errores revocaret. Quod cum ille neglexisset, & pejora semper prioribus adderet idem Beatissimus Pater ad opportuna, neque tamen insueta remedia procedere statuit. Itaque convocatis sæpius Reverendissimis S. R. Ecclesiæ Cardinalibus, Episcopis & alijs Prælati, nec non Regularium Ordinum Prioribus, seu Ministris Generalibus, accersitisque pluribus scientiâ & probitate præstantibus viris, & in omni doctrinarum & linguarum genere eruditis, & diversarum Christianarum nationum Doctores, & Magistris: prædicto tamen Martino prius vocato & citato, ac in contumacia persistente, ejus scripta tam Alemannico, quam Latino sermone edita & edenda, ut perniciofa, & fidei

unitatiq[ue] Ecclesia contraria auctoritate sua Apostolica, prefatorumque ad hoc Cardinalium consilio & assensu, ac Episcoporum & Prælatorum, Docto- rum & Magistrorum matura deliberatione damnavit, & ubique locorum comburenda prorsusque abolenda censuit, & decrevit: Martinam verò ipsam, nisi infra certum terminum expressum à publicatione decreti sancti- tatis sue, mutata sententia, se, & suos revocasse, & ad pœnitentiam rediisse docuisset, ut inobedientia & iniquitatis filiam, ut schismaticum & hereti- cam ab omnibus evitandum, & prout iura postulant, puniendum decla- vit sub penis & censuris, qua in Apostolicis literis Bulla plumbea commu- nitis, & super hac re editis laus continentur. Quas ad nos, scilicet Christiana fidei verum & supremum propugnatorem, & sedis Apostolica sancte- que Romanæ & universalis Ecclesiæ primarium filium, & advocatum, per suum, & dictæ sedis spirituales nuntium & Oratorem, honorabilem virum nobis dilectum Hieronymum Alexandrum ejusdem sedis Protonotarium, & Apostolica Bibliotheca præfectum, data ad hoc opera misit, petens atque re- quirens, ut pro officio & debito Imperialis dignitatis, in universo primum Romanorum imperio, deinde (quod Catholicum regem, & Christianum principem decet) in cæteris etiam regnis, dominijs & provinciis nostris, & præsertim in Germania, præstato in auxilium fidei Catholica brachio sacu- lari, omnia & singula in dictis literis Apostolicis contenta, inviolabiliter ob- servari, & executioni mandari juberemus. Post quas quidem prædicto Mar- tino factas à summo Pontifice monitionem, vocationem, citationem, & ipsius tandem condemnationem, nec non presentatas nobis ejusdem beatissi- mi patris literas, Bullamq[ue] Apostolicam, per varia & diversa loca Germa- niæ publicatam, & nostro jussu & mandato non solum Lovanii in inferio- ribus dominijs nostris: verum & Colonia, Treviris, Moguntia, Leodj, exe- cutioni demandatam, tantum absuit, ut idem Martinus respiceret, erra- taq[ue] sua revocaret, & petitâ absolutionis veniam, in gratiam cum summo Pontifice, & sancta Ecclesia redire procuraret, ut etiam detestabiles per- versingenij sui fructus indies ederet, & perinde, ac in manifestâ Ecclesiæ per- niciem furens rueret, complures acervatim libros non modo novarum, sed etiam à sacris Concilijs olim condemnatarum hæresum plenos, nec solum La- tino, sed etiam, ut facilius vulgus perverteret, Alemannico sermone à se compositos, vel saltem suo nomine eas os ferè quotidie divulgaret.

In qui-



In quibus ( bone Deus! ) observatum ab Ecclesiâ jam tot sæculis sepiem Sacramentorum numerum, ordinem, usum dissipat. confundit, deturpat: involutus matrimonij leges miris modis fœdissimè inficit: Extremam unctionem cum VViclefo fœtione dicit; communicanda sacratissima Eucharistiarum, addamnata Bohemorum revocat instituta: at, saluberrimam contaminatis peccato mentibus confessionem, primò sic involuit, ut confusionem eam è confessione fecerit: mox etiam magnà ex parte eam convellit, postremò adhuc pejora se de eâ scripturum minatur. Unde nonnulli jam ut accepimus, (quod vel auditu est intolerabile) sumptâ hinc occasione, de confessionis institutione, & modo ceperint subdubitare; alij mutilatam & truncam eam fecerint, alij verò (prò seculo) & confiteri ipsi destiterint, & nequaquam esse confitendum publicè asserere sine auct. Porro sacerdotalem Ordinem, & per quod sacrosanctum Christi corpus sanguisque conficitur, divinum illud munus, Clavumque celestium potestatem, non solum vilissimi pendit Lutherus, & laicis, puerisque, atque adeo faminis ipsis communia facit; sed & eosdem laicos ad lavandas sibi in Sacerdotum sanguine manus incitat. Ipsum verò summum nostræ religionis Sacerdotem, D. Petri successorem, & verum interris Christi vicarium, nonnisi infamibus & probrosis nominat verbis, & frequentissimis, atque inauditis invectivis, contumelijs, & blasphemijs insectatur. Liberum arbitrium prorsus nullum esse, sed omnia certâ lege stare, ex Manichæi quidem & VViclefipennu depromit, & tanquam irrefragabili argumento, Ethnicorum Poëtarum carminibus confirmat. Missa sacrificium, neque defunctis, neque vivis alijs, quàm soli celebranti suffragari scribit. Jejuniorum, & orationum institutionem, & consuetudinem ab Ecclesiâ observatam, invertit & corrumpit. De purgatorio, & animarum, quæ in eo expiantur, statu, deque divini sacrificij & veniarum suffragijs, quæ à nobis fideles defuncti exspectant, cum VValdensibus & VViclestis contra Ecclesiam sentit. De Ecclesiâ verò ipsâ militante, cum Pelagianis & Hæreticis: SS. Patrum auctoritates & scripta ab Ecclesiâ recepta, pro nihilo habet. Est, ubi etiam sæpè deridet, debitumque eis cultum & devotionem deterit & diminuit. Obedientiam, & regimen omne prorsus tollit. Unde populi ad defectionem & rebellionem à suis, tam spiritalibus quam temporalibus Dominis faciendam, aërapias, cedes, incendia cum

SSSS 3

magno

*magno & manifesto Christiana reipublica discrimine provocentur. Imò cum vitam quandam solutam, licentiosam, atque ab omni lege explicitam, & verè serinam inducere conetur, ita exlex homo leges omnes damnat, & contemnit, ut decreta SS. Patrum, & sacros Canones publicè igne comburere non formidaverit: facturus peiora furi civili, si non magis saculi gladium, quàm Pontificis excommunicationes & censuras metuisset.*

*Jam verò sacrosanctis Concilijs palàm contradicere, & pro suo arbitratu detrabere non erubescit. E quibus potissimum Constantiense illud, quod cum perpetuà inclyta nationis Germanica gloria pacem & tranquillitatem dissidenti Ecclesiæ dedit, ita ubique mordet, & impuro sceleratoque ore lacerat, ut in magnum universalis Ecclesiæ dedecus & offendiculum, sed Germanica præsertim nationis opprobrium & ignominiam, Concilium ipsum nunc pessimè omnium errasse scribat, nunc synagogam sathana, quique in eo convenerant, & Joannem Hussitam hæresiarcham comburi iusserant, Sigismundum utique felicitis recordationis Imperatorem, & sacri Imperij Principes Antichristum, & suos Apostolos, homicidasque & Pharisæos vocet. Quid, quod damnata in eodem Concilio omnia Joannis Hussitæ errata, Evangelica & Christiana esse, & se recipere, probaturumque profitetur? approbatos verò ejusdem Hussitæ articulos nequaquam admitit; in tantamque prorupit mentis vesaniam, ut si semel Joannes Hussita fuerit hæreticus, se plus decies hæreticum Martinus gloriatur, homo usque adeo novarum rerum, ac potius perditionis humana cupidus, ut nihil ferè scripserit, vel saltem nomine suo divulgaverit, cui non aliqua pestis, aliquis lethalis insit aculeus: præter illos libros, ne nominandos quidem ob execrandam eorum materiam, ipsius tamen titulo editos, & ab eo cum reliquis ut suos agnitos, quorum singula verba, singula venena merito quis dicat. Et ne omnia, quæ innumerabilia sunt, Lutheri errata singulatim percontentur, tanquam si hic unus non homo, sed diabolus ipse sub humana specie ad perniciem humani generis assumptâ monachi cucullâ, quam plurimorum hereticorum damnatissimas hæreses jam diu sepultas in unam sentinam conesserit, & aliquas etiam novissimè de suo excogitarit, sub simulatâ prædicatione fidei, quam ad prætexendos suos dolos tam sæpè tantoque opere objicit; fidem veram destruit, sub libertatis, quam promittit, specie, diaboli jugum inducit, & sub Evangelica professionis nomine, omnem Evangelicam*



*campacem & caritatem, omnemque rerum ordinem & pulcherrimam denique totius Ecclesie faciem invertere, labefactare, & penitus pessundare molitur.*

*Quibus omnibus per Nos, & consilia nostra omnium nationum nobis subditarum, sæpius & diligenter attentis & consideratis, & præsertim in hac parte ab eodem Beatissimo Patre requisiti, absque insigni maculâ nostra, atque orthodoxæ religionis injuria & detrimento, rem tanti ponderis negligere nequaquam potuimus, ut etiam non debuimus, neque volumus: sed potius prædecessorum nostrorum Romanorum Imperatorum vestigijs insistentes, eorumque pro libertate Catholica & Apostolica Ecclesia perpetuò laudabilia facta, ac pias & sanctas super puniendis & extirpandis hæreticis constitutiones observantes, convocatis sæpius ad præsentiam nostram propter hoc præcipuè Electoribus; nec non universis S. R. I. Ordinibus & Statibus in hoc Wormatiensi conventu congregatis, de eorum omnium & singulorum unanimi consilio, maturâ deliberatione, & consensu in hanc tandem devenimus sententiam & conclusionem, ut quamvis hominem ita à summo Pontifice & sede Apostolicâ condemnatum, & in suâ obstinatâ perversitate obduratum, atque ab usu Catholica Ecclesie alienum, & notorium hæreticum audire, omni jure exceptum esset: tamen ad tollendam omnem cavilandi ansam, (idque, quia nonnulli plerique libros Martino adscriptos, ipsius esse aperuissimè insciabantur) complures audiendum à Nobis prius hominem, quam in eum ad executionem Pontificij decreti ulterius procederemus, asseverabant; Martinum sæpè dictum, misso ad ipsum deditâ operâ uno è caduceatoribus, seu præconibus, & Heraldis nostris sub libero huc veniendi, & hinc recedendi salvo conductu accersiri juberemus: quod & factum fuit. Non ut Nos de hoc negotio dijudicaremus aut cognosceremus, (cum id dubio procul ad Romanum Pontificem & sedem Apostolicam pertineat) neque ut res sacrosanctæ fidei nostræ nunc tandem postior sæcula per novas altercationes cum magno fidelium scandalo & perturbatione, ac infidelium derisione in controversiam revocari pateremur: sed ut cum vulgi & plurimorum ita perentium satisfactione hominis animum percontantes, eum bonis monitionibus & suasionibus ad rectam semitam (sifieri posset) reduceremus. Itaque Lutherum in nostra & S. I. Electorum, Principum, Prælatorum, & Statuum præsentia constitutum, juxta formam Imperialis mandati super hæc*

hac re nuper editi, interrogari iussimus. Primum, nunquid ipse multos libros sibi ob oculos adductos, & titulatim nominatos, & alios item, qui sub suo nomine circumferuntur, composuisset? Deinde, an ea, quae in ipsis libris contra sacra Concilia, Decreta Patrum, ritus, & consuetudines, a nostris maioribus ad hunc usque presentem diem observatas, scripserit, revocare velleret, & ad finem & unitatem universalis Ecclesiae redire? adhibitis ad hoc nostro, & Imperij nomine admonitionibus, & adhortationibus, quae obstinatissimum hominem, (etiam lapide duriores) emollire & convertere potuissent. Qui sane statim libros ipsos antedictos, ut Tuos agnovit, & confessus est, & id nunquam se negaturum protestatus: Imò & adhuc alios se composuisse dixit, quorum copia cum nobis non fuisset facta, idcirco in medium non fuerunt allati. Quantum vero ad revocationem attinet, terminum sibi ad respondendum dari petijt: qui quamvis merito negari potuisset, tum quia novitates & errores in fide nulla sunt dilatione tractandi, sed penitus statim refecandi: tum quia ex mandato nostro sibi legitime insinuat, nec non etiam literis, quas ad eum dederamus, optime admonitus quam ob causam vocaretur, non nisi statim respondere paratus ad tantum Imperialis conventus confectum venire debuisset. Tamen ex nostra clementia, & benignitate, unius adhuc diei terminum ad respondendum ei dedimus: quo elapso, rursum coram Nobis & praedictis Ordinibus Imperij comparens, & similibus adhortationibus sapius, ut ad cor rediret, efflugetatus; pollicentibus etiam nobis, si resipisceret, erroresque suos agnosceret, & quae in suis libris damnata & mala essent, revocaret, facile nos impetraturos, ut à Beatitudine Pontificis in gratiam benigne reciperetur, & adhibito fidei, aequo, & diligenti examine ex ipsis libris, quae mala scripserat, discernerentur, quae vero bona, auctoritate Apostolica approbarentur. Sed ne verbum quidem in suis libris mutaturum imprudentibus simul, & impudentibus verbis, orisque & corporis gestu, quodvis potius, quam religiosum aut sanum hominem pra se ferente, apertissime negavit. Quin in nostram & S. Imp. faciem, summorum decreta Pontificum, & Concilia ipsa sacrosancta errasse saepius, & sibi ipsis contradixisse, & tandem nullius apud se momenti fore, asseveravit; seque nihil ex his, quae scripserat, revocaturum, nisi evidenti sibi ratione, & sacra Scriptura auctoritatibus, ad sua conscientiae animique satisfactionem, & assensum fuerit convictus: illud subinde  
repetens

repetens & inculcans (quo fraudum suarum virus jam multis detegi coeptum occultaret) conscientia sibi illasā & integra, neque velle se, neque posse verbum Dei immutare. Mala mens malus animus. Quasi verò Nos id ab eo peteremus, ut verbum Dei immutaret, ac non potius, ut juxta verbum Dei verum, ad gremium sanctæ matris Ecclesiæ, à quâ tam impiè, quam turpiter defecerat, rediret: cujus auctoritatem, cum tantam voluerit esse Dominus, idemque Deus noster Jesus Christus, ut quæ Ecclesiæ non audierit, tanquam Ethnicus & publicanus sit habendus; idcirco vel eam solam omnibus inventionibus & vaframentis hæreticorum longè auferendam, nemo unquam nisi perditissimus & verè hæreticus, ut Lutherus judicavit: qui tandem ut omnia hic acta sua egrè condigno sine clauderet, & quod pessimè incaperat, pejus terminaret, & quid animi habeat, & quàm fidelium clade exultet, vel in nostro, & sacri Imperij conspectu dissimulare non potuit: nam detorta (ut hæreticis mos est) à vero sensu ad suam impietatem Evangelica illa sententia: non veni mittere pacem, sed gladium; omnium sibi dixit jucundissimam faciem istam videri in rebus, ob verbum Dei studia & dissensiones fieri: id est, (quod utinam ne experientia videremus) ob dissidentes ab Ecclesiæ ritu Lutheri opiniones, quas verbi Dei falso titulo prætexit, verè studia contraria & dissensiones, & dissidia, & schismata, & bella, & cades, & rapinas inter Christianos concitari.

Talis igitur & tam subdola, & hæreticis omnibus peculiari responsione, Nobis & sacro Imperio à Luthero data; etsi decreveramus ipso statim remisso ad ulteriora progredi, (id quod ex sententia manu nostrâ scripta, & postea die publicata constare nemini non potest) tamen ad preces omnium Imperij Ordinum inclinati, adhuc ipsi irriduum ad resipiscendum concessimus. Quo tempore duo Electores, duo Episcopi, duo Principes seculares, duoque civitatum nomine, universos Ordines & status S. R. Imperij representantes, ab hoc communi omnium jussu & nomine deputati, vocato ad se Martino prædicto, nullum non admonendi & adhortandi cum, ut tandem resipisceret, & nisi id faceret, quæ ipsum a nobis & à sacro Imperio legumque constitutionibus pæna maneret, declarandi officium frustra insumpserunt. Unus etiam S. I. Elector, adhibitis secum duobus Doctoribus, pietatis & scientiæ præclaris, non solum adhortationibus, sed etiam multorum errorum evidentibus redargutionibus ad ipsius usque obmutescentiæ factis, mox ipsi: seorsim prudenter & humane commonefecit, ut ad summi Pontificis, & se-

TTTT

dis

dis Apostolica, Nostrumque, & sacri Imperij Siatuum, & caterarum fidelium nationum sanam sententiam, juxta continuatum tot saeculis Ecclesia ritum potius, quam ad suam unius opinionem respiceret; a qua si recedens in ordinem redire vellet, id se primum nonnullorum sanctorum Patrum, qui & ipsi aliquando errarunt, laudabili exemplo, deinde salvis, anima, corpore & honore facturum cognosceret. Ad qua Martinus antedictus etsi varia pleraque & diversa, cumque eis, qua scripserat, pugnancia, nihilo tamen meliora aut saniora privatim respondit, quam publice coram Nobis & sacro Imperio fecerat. Atque adeo se non omnes modo supra memoratos, sed & Concilium ipsum generale (si quod fieret) susceptum habere protestatus est. Et (ut certissimo & omni exceptione majori testimonio nobis constat) pollutissimo & sceleratissimo ore proferre non est veritus, res Evangelij & Catholicae fidei nunquam fuisse in Concilijs generalibus bene tractatas. Unde non injuria nobis plurimum mirari subiret, curnam a summi Pontificis sententia ad generale Concilium nuper provocavit, cum tam impie de Concilijs ipsis loquatur & scribat; nisi manifeste sciremus, ut nihil haereticis est aequae formidabile atque oecumenicum Concilium, ita nihil illis ipsdem magis proprium esse, quam ut dictis, factisque, & scriptis secum ipsi dissideant. Quod si usquam alibi, praecipue in Lutheri libris, (divina providentia sic operante, quo ipsius varia aedificia per se servant) passim legere & videre est.

His omnibus & singulis sic omnino, ut praemittitur, si habentibus, cum praedictus Martinus tam perverse & obstinate in suis adeo manifeste haereticis opinionibus persisteret, ut ab omnibus ipsis, qui sapiunt parum demens, partim etiam malo aliquo obsessus spiritui judicaretur. Nos juxta tenorem salvis conductus ipsum statim a conspectu nostro missum fecimus, datoque sibi in comitatu uno ex Heroldis nostris, & praescripto termino a die 25. Aprilis mensis, qua Wormatia decessit ad 20 deinde proxime futuros dies, quibus peractis una salvis conductus peractus & extinctus censeretur: Nunc tandem ad reliquas opportunas medelas huic pestilentissimo morbo necessarias, in hunc qui sequitur modum procedere decrevimus.

Primum omnium ad honorem Dei omnipotentis, Romanique Pontificis, & Sedis Apostolica debitam reverentiam, pro Imperiali dignitatis officio ac debito, nec non zelo & studio, quo nostrorum maiorum more & ingenuita etiam Nobis vi ad defensionem Catholicae fidei sanctaeque Romana, & universalis Ecclesiae honorem, tutelam & protectionem omnes nostras vires & facul-

& facultates, Imperium, regna, dominia, amicos, vitam denique & animam ipsam nostram exponere sumus parati. Ex Imperiali & Regiâ auctoritate, nec non consilio & assensu Electorum, & omnium S. R. I. Principum, Ordinum, & Statuum in hac celeberrimâ & frequentissimâ Imperiali Dieta Wormatia congregatorum, ad perpetuam rei memoriam, exequendo sanctissimi D. N. Pape, veri in hac parte iudicis sententiam, decretum, & condemnationem in literis Apostolicis (ut supra dictum est) ad Nos directis contentam, Martinum Lutherum, ut membrum ab Ecclesia Dei alienatum, ut obstinatum schismaticum, & notorium hæreticum, à Nobis haberi declaramus, & ut talem à vobis omnibus & singulis habendum decernimus & edicimus: Mandantes de eorundem Statuum consilio & consensu, sub crimine lese Majestatis, Nostræque & S. Imp. gravissima indignationis, ac etiam amissionis feudorum, Dominiorum, bonorum omnium, gratiarum quoque & privilegiorum omnium, à Nobis, & S. R. I. dependentium, que obtinuit hætenus, aut prædecessores vestri quomodolibet obtinuerunt: nec non proscriptionis, ac Banni & interdicti Imperialis pænis, ne quis vestrum præfatum Martinum Lutherum receptare, defendere, sustentare, fovere, dicto, facto, aut scripto præsumat. Quin imò post elapsum supradictum 20. dierum terminum contra eum, ubicunque deprehensus fuerit, & in manu vel facultate vestrà erit, juxta formam Imperialis Banni procedatis, vel saltem personaliter captum tamdiu custodiat, donec Nos à vobis de hac re certiores facti, de legitimâ in eum prosecutione faciendâ vobis significemus, & vos tam sancti operis & laboris debita præmia, & mercedem etiam uberem, cum impensis ob hanc causam factis reportetis.

Et nihilominus ejusdem Martini complices, adhærentes, receptatores, & quomodolibet fautores & sectatores (nisi se semitam iniquitatis deservisse, & auctoritate Apostolica absolutionis remedium consecutos esse fidem condignam fecerint) nec non eorum omnia & singula bona, mobilia & immobilia, juxta sacras constitutiones, ac interdicti, & Banni Imperialis legem, & ordinem, liberè & absque ulla contradictione prosequamini, illosque & illa capiant, & in usus vestros, optimo & pleno jure convertatis. Mandamus insuper vobis omnibus & singulis præfatis, sub iisdem prænominatis pænis, ne quis Martini Lutheri scripta a summo Pontifice auctoritate sua Apostolica, ut præmittitur damnata, aut alia quacunque, tam Latino, quàm Alemannico, seu alio quovis idiomate ab eo hætenus composita, vel in posterum com-

TTTT 2

ponenda,

ponenda, utpote mala suspecta. & à notorio & perversissimo hæretico provenientia, emere, vendere, tenere, legere, describere, imprimere, aut describi vel imprimi facere, adscrere, sustentare, prædicare, defendere presumat. Non obstante, quod in illis aliqua bona (ad fallendas simplicium mentes) immixta essent. In quo præter justam sedis Apostolicæ sententiam, etiam laudatissimam veterum Patrum institutionem, & consuetudinem omnino exequendam duximus, qui Arianorum, Priscillianistarum, Nestorianorum, Eutychianorum, & aliorum hæreticorum libros, & in illis contenta omnia, tam bona, quam mala promiscuè exusserunt, & adnihilarunt. Neque id immerito: nam si optimi quique cibi, unius tantum gutta veneni (quo humanum corpus laderetur) infusione suspecti, penitus sunt abjiciendi, quanto magis ea scripta, quibus tanta, & tam noxia animabus venena passim inserta sunt, non solum cavenda sunt, sed etiam (ne alijs noceant) prorsus destruenda & corrumpenda, atque ab omni hominum memoriâ veniant obliteranda. Accedit ad id, quod quidquid boni in Martini libris reperitur, id antea à SS. Patribus, quos Ecclesiâ recepit & approbavit, sæpe dictum, & sæpius repetitum, absque ullius periculi aut mali suspitione legi & haberi possit.

Eapropter sub iisdem pœnis omnibus & singulis supradictis, vos omnes & quilibet vestrum tam Principes, quam alij, ad quos justitiam quomodo libet pertinet ministrare, & alij quicunque in universo Imperio, regnis, & dominijs nostris constituti, hujusmodi pestiferos Martini Lutheri libros, tam Alemannicos, quam Latinos, impressos & imprimendos, aut etiam manu scriptos, ubicunque reperiantur, (utpote magna seditionis, schismatis, hæreseos in Ecclesiâ Dei fomites) diripiendos, & publico igne consumendos penitusque abolendos cum effectu curetis, Apostolicisque Nuntijs, seu eorum commissarijs, si operam vestram ad hanc rem requisierint, diligenter adstistis. Et nihilominus in illorum absentia, per vos ipsos hac sic fieri, nostro nomine & jussu omnino & reipsâ faciatis. In quo omnibus fidelibus dilectis subdiis nostris, ut vobis ac Nobis ipsis adstant & parcant, tenore præsentium sub iisdem pœnis injungimus & mandamus. Verum quia maxime cavendum est, ne Martini libri, aut ex illis excerpta mala suppresso aut etiam mutato auctoris nomine publicentur: Quia etiam non sine magna animi nostri offensâ multos quotidiè videmus & audimus cum alibi, tum maxime in Germania componi & imprimi libros, pluribus malis traditionibus & exemplis repletos, & ne non omni astu & dolo humana naturæ hostis, Christianis laqueos tendas



tendat multos, passim divulgari picturas & imagines, non in opprobrium modo privatarum personarum, sed & ipsius summi Pontificis, & sedis Apostolicae consumeliā excogitatas. Ex quibus omnibus libris & picturis Christi fideles in maximos tam in fide, quam in vita & moribus prolabantur errores, & non solum privata odia, scandala & similitates ( prout experientia docet ) multis in locis orta fuerunt, verum etiam seditiones, tumultus, rebelliones, schismata in regnis, provinciis & populis, atque universa Dei Ecclesia ( nisi provideatur ) jam jam excitanda formidantur. Idcirco ad hanc perniciosissimam pestem extinguendam ex supradictorum Electorum & Statuum concordia animo, & sententia, omnibus & singulis supradictis tam Imperiali, quam hereditario jure nobis subditis, sub jam saepe dictis omnibus penis precipimus & mandamus, ne quis hujusmodi famosos & pestilentes libros, seu quascunque alias schedas, scripturas, imagines, picturas, contra Orthodoxam fidem, bonos mores, & id, quod S. R. Ecclesia haecenus observavit ; atque etiam in vectivas, criminationes, & ignominias contra summum Pontificem, sedem Apostolicam, Praelatos, Principes, Universitates studiorum, & eorum facultates, honestasque personas componere, scribere, imprimere, depingere, vendere, emere, tenere, habere, aut imprimi, describi, depingi, vel vendi facere, quavis arte aut dolo audeat, aut attentet. Quinimo sub iisdem penis jubemus omnibus & singulis supradictis, & imprimis ijs, qui iustitiae ministerio praesunt, ut ejusmodi libros quoscunque ante hac impressos, vel posthac imprimendos, nec non manuscriptos, cujuscunque sint auctoris, aut ubicunque locorum per sacrum Imperium, aut etiam nostra hereditaria regna & dominia inveniantur, similiter etiam picturas hujusmodi, & imagines Nostro jussu & nomine occupent, diripiant, & publice igne comburant. Et nihilominus hujusmodi detestabilem librorum, codicum, schedarum, scripturarum, & picturarum auctores, & inventores, ac etiam post praesentis mandati publicationem impressores, emptores, venditoresque, qui contra nostra jussa facere praesumpserint, ( si modo id legitime constiterit ) nec non eorum jura, bona omnia & singula capiant, apprehendant, & detineant, ac jure bono quidquid sibi libitum fuerit de illis disponant. ita quod de hoc nulli hominum tam in judicio, quam extra, respondere sint obligati.

Atque ut omnis ejusmodi & aliorum errorum occasio tollatur, & ne talia scribentium venena longè lateque diffundantur, sed praeclarum imprimendi libros artificium in bonos tantum & laudabiles usus exerceatur, ex

TTTT 3

certa

certa nostra scientia, animoque deliberato, ac Imperiali Regiâque auctoritate, de maturo supradictorum Electorum, & aliorum S. R. I. Statuum consilio deliberatione, & unanimi consensu volumus, & sub Banni & Interdicti Imperialis, & alijs antedictis pœnis precipimus, & jubemus tenore presentis edicti, quod vim inviolabilis legis habere decernimus: Ne quis de cetero chalcographus, & librorum impressor, aut alius quivis, ubilibet per sacrum Imperium, atque nostra prædicta regna, & dominia constitutus, libros ullos, seu aliam quamcunque scripturam, in quibus de sacris literis, aut fide Catholica aliquid, vel minimum tractatur, non habito prius consensu & voluntate Ordinarij loci, aut ejus ad hoc substituti & deputati, cum auctoritate etiam facultatis Theologica alicujus propinqua universitatis pro primâ videlicet impressione; alios verò cujuscunque rei & facultatis libros, schedas, picturasque, de consensu saltem Ordinarij, aut ejus ad hoc substituti, nullo pacto imprimere, vel vendere, aut imprimi, vel vendi facere, directe vel indirecte quoquo modo presumat aut attentet. Quod si quis cujuscunque sit dignitatis, gradus, aut conditionis, hanc nostram mentem, decretum, statutum, legem & ordinationem in omnibus & singulis supradictis, tam Lutheranam, quam impressoriam materiam concernentibus, inviolabiliter observandam nullo pacto, aut quovis quesito colore vel ingenio contra facere aut venire ausu temerario presumpserit, præterquam quod illud irritum decernimus & inane, etiam in lesa Majestatis crimen, ac nostram & S. Imperij gravissimam indignationem, proscriptionisque & Banni, ac Interdicti Imperialis, nec non alias sepe dictas pœnas se ipso facto incurrisse cognoscat, harum testimonio literarum, sigilli nostri munimine roboratarum. Datum in civitate nostrâ Imperiali Wormatia, die octava Mensis Maij A. D. M D XXI, Regnorum nostrorum Romani II. cæterorum verò omnium sexto.

F I N I S.

# LABYRINTHUS PRÆDICANTUM,

## IN DEMONSTRANDA VERITATE UTHERANÆ ECCLESIAE,

Ex  
Responsis Nifanij, & doctrinâ Lutheranorum  
propositus.

*In circuitu impij ambulant. Psalm. II. v. 9.*

**A**Dhuc postrema nostra pro Carolo Magno Romano-Catholico sub prælo erant, cum novus Nifanij libellus *de Veritate Lutherana Ecclesia* nobis offertur adversus duos Jesuitas, *P. Jodocum Keddium*, & *P. Vitum Erbermannum* inscriptus. Causam hujus scripti profitetur Nifanius sibi datam à *P. Keddio*, quòd is Lutheranis *XII. Propositiones* obtulerit, quas Catholicorum nomine poscat sibi probari & demonstrari: inter quas una hæc est, quâ postulat *P. Keddus*: *Ut Lutherani ministri ratione, & peculiari argumento probent, penes se solos esse unicam, veram Ecclesiam Catholicam, quam sanctam profitemur in symbolo. Argumentum porro tale sit oportet, quo non aq̃e suam Ecclesiam veram esse probare possint Reformati, Anabaptista, Sociniani, alijque novatores: nisi enim tale sit, quemadmodum postulatur, actum agent, nec se meliores alijs, quos reprobant, demonstrabunt.*

Hanc Propositionem, quia balin & fundamentum cæterarum statuit *Nifanius*, hinc post *Museum*, *Melchiorum Nicolai*, *Gerhardi Titium*, aliosq̃e Prædicantes probandam suscepit, ex eaq̃e promittit demonstratu-

straturum se, *Lutheranam Ecclesiam esse veram, & Apostolicam* *siam, qua eximia etiam puritate*, ut loquitur, *præ omnibus alijs partibus ecclesijs, & cæteribus, qui Christi nomen profitentur emineat.* Hæc dum contra Jesuitas id scriptum tuum producis, quid tibi Jesuitæ responderunt? quis hætenus te aut scripto, aut verbo læsit? At dum P. K. ad te provocas, cum larvis agis, quando is jam dudum ad aliam vitam Erbermannus clarus per Germaniam Theologus, & polemicus hæc scriptis tibi notus, si quid dignum reperiet, tibi respondebit: Nemo hætenus scripsisti, nemo Jesuitarum dignatus est calamo suo, quod commune Jesuitarum judicium sit, omnia tua scripta esse è trivio Prædicantium, & officinâ textorum, aut exscripta ex alijs, quæ jam centies edita sint, ac veluti in mortario pistillis confusa. Ego interim, qui Lutheranus episcopus haberiis, hoc te honore, dignatus sum, ut hoc scriptum tuum expendere, & tanquam appendicem rogauissim, ut ad id adjungerem ijs, quæ pro Carolo Magno scripsimus. Quamquam totum illud tumultuarium responsum ad postulata Keddij cum legerem, non aliter mihi occurrit, quàm *Labyrinthus*, in quo *Nifanius cum Nifasio, Melchior Nicolai, Gerhardi Titio, cæterisque Prædicantibus oberraret*, neque exitum invenire possit.

Expendamus nunc, quomodo Nifanius *Propositionem Keddij* resolvat? Primò quidem respondet tergiversando, dicendoque, neque Jesuitas, neque Episcopos, neque Pontificem Romanum suos esse judices, ad quos provocari velit. Sed neque nos tanquam Judices pro tribunali id poscimus, sed ut privati, & invitati à vobis ad vestram ecclesiam transseundi, quam dicitis esse verissimam, purissimam, & securissimam salutis viam. Igitur cum nullus cæco modo debeat suam religionem, & Ecclesiam deserere, & transire ad aliam: *Signatum enim est super nos lumen vultus tui Domine, Psal. 4* jure id ipsum non modò Catholici, sed & Reformati, Zwingliani, Anabaptistæ, cæteri que ex adversa religione postulant, & Catholici cumprimis, quibus arduum est credere, à Luthero apostata, qui cum moniali in sacrilego toro ad extremum in spiritum vixit, purissimam ecclesiam esse formatam. Rident nos Itali, Hispani, Galli, cæteræque nationes: Itane, inquiunt, ab impurissimo monacho, purissima tandem Ecclesia? Quapropter hoc effugium nullum est.

II. Respondes: postulatam hoc Catholicorum esse ἀγασθον, quod

quod in nulla Scriptura reperiatur, imo ἀντίρροπον esse dicis, & contra Scripturam. At quomodo hoc obtendere potes? nam et si *Propositio* postulati in terminis non sit in Scriptura, res tamen, quæ postulatur, est in Scriptura: tum quia tu promittis te ex Scriptura demonstraturum, quod postulatur; tum quia vera Christi Ecclesia habet in Scriptura suas notas ac proprietates, ut libro I. satis ostensum est, ex quibus SS. Patres Ecclesiam demonstrant. Ex his petitur ergo, ut nobis demonstrates Lutheranam Ecclesiam solam esse veram Christi Ecclesiam. Notæ autem ejusmodi esse debent, ex quibus hoc demonstrates, ne Calvinista, Zwingliani, Anabaptista, Puritani, Sociniani, Labbadeani, alijque sectarii ex iisdem simul suam ecclesiam convincant esse veram Christi Ecclesiam. Quare neque hoc responso te expedis.

III. Respondes: *Fundamentum fidei nostra Lutherana & salutis Hypostaticum*, est solus Christus. Isa. 28. 1. Cor. 3. *Organicum* verò, seu *instrumentale sunt sola Prophetica, & Apostolica scripta*, excluso Verbo tradito, exclusis quoque Conciliorum, & Pontificum Romanorum decretis. Accipimus hæc tantisper, quæ dicis. Petimus ergo, ut ex *organicis* illis Prophetarum & Apostolorum scriptis argumentum nobis proferas, quo probes, apud Lutheranos esse solam, & veram Christi Ecclesiam; eamque, quæ puritate præ cæteris ecclesijs præstet: id verò tale sit necesse, quo non Reformati, Zwingliani, Puritani, Confessionistæ in Anglia, Anabaptistæ, cæterique sectarii suam etiam ecclesiam probent. Hic de quò hæres, imò dicere coactus es: *Nusquam Scripturam nos in theologicis fidei controversijs definiendis ad peculiare aliquot fundamentum obligare, quo non alij etiam hæretici, & sectarii utantur.* Ergo adhuc eadem causa illorum, quæ vestra, & cum illis in labyrintho oberras.

IV. Respondes: *Scripturam sacram, in qua hoc fundamentum Hypostaticum, & Organicum continetur, esse claram*: idque D. Augustini, Chrysostomi, & aliorum Patrum testimonijs obtendis. Contrà, si tam clara est Scriptura, oportet te adferre ex illa claritate Scripturæ argumentum, quo probes, & inferas: *Ergo apud Lutheranos est sola, vera, Catholica, & Apostolica Ecclesia*: Sed memor sis, ut tale argumentum proferas, quo non & Anabaptistæ, aut Reformati, seu quicumque alij sectarii suam sibi ecclesiam asserant: nam hi omnes pari claritate Scripturæ

V V V V

nixi,

nixi, apud se veram ecclesiam esse contendunt. *Ahuc ferra, inquit Tertullianus, per idem lignum reciprocæ.*

V. Respondes : *Hæreticos quidem, aliosque sectarios, ad idem fundamentum provocare : Sed aliud esse præterdere idem fundamentum in theoria, aliud in praxi illud rectè applicare : sicut diabolus, inquis, Matth. IV, disputavit, quidem cum Christo ex Scriptura, sed eam non bene applicavit.* Sed hic mera verba nobis reddis. Applica ergo Ephod, applica Scripturam, atque ex illa in praxi proferas argumentum, quo ostendas, *apud vos Lutheranos esse solam, veram, Catholicam, Apostolicam Ecclesiam.* II. Hoc, quod tu dicis, idem Reformati, Puritani, Confessionistæ in Anglia, Anabaptistæ, & centum in Europa sectæ dicunt, querunturque, Lutheranos *non bene applicare Scripturam in praxi*, Calvinistæ cumprimis, & Puritani, qui ob id *Reformati Θεοδιδάκτοι, à Deo illuminati, & Orthodoxi* appellari volunt.

Demum respondes : *nolle te Jesuitas in hac causa esse tuos Judices.* Quasi soli Jesuitæ id exigant, & non omnes Catholici, unà cum Reformatis, Zwinglianis, Anabaptistis, Socinianis, Labbadæanis, id à vobis pari jure exigant, & expectent. Deinde vellem scire, in quo illa peculiaris in praxi applicatio posita sit, utrumne in donis naturalibus, an supernaturalibus Lutheranorum ? an in peculiari S. Spiritus assistentia, an in alio aliquo præsidio ? Quidquid hîc dices, idem Catholici, idem Reformati, idem omnes alij obtendent, & contendent. Quare nondum ex labyrintho te explicas. Quia *impij in circuitu ambulant.* Psal. II.

VI. Respondes : *Nos Lutherani ecclesiam nostram particularem agnoscimus, neutiquam autem universalem, hoc est Catholicam, facimus.* Bona hæresis tuæ confessio ! Ergo jam expungamus ex symbolo Apostolico, *Credo sanctam Catholicam Ecclesiam*, & dicamus : *Credo particularem ecclesiam Lutheranam.* Eò jam deducti estis, ut confiteri necesse sit, de facto non superesse *Catholicam*, & *universalem Ecclesiam* amplius in mundo. Imò hanc à mille annis extinctam dicitis sub Papatu : ergo falsò Apostoli posuere in Symbolo suo, *Credo sanctam Ecclesiam Catholicam* : quando *Catholicum* est, quod semper, quod ubique, & apud omnes est. Ut lib. I. exposuimus. Fallunt præterea nos omnia Prophetarum, Christi, & Apostolorum oracula de perpetuitate *Catholica Ecclesia.* Hæc nimirum ipsa *Donatistarum* hæresis, asserentium Ecclesiam toto orbe perijisse,



perijſſe, & in ſola Africa apud Donatiſtas manſiſſe: quemadmodum id Niſanius de ſua Lutherana Eccleſia docet. Ecce, quàm inviſum eſt vobis in Symbolo illud *Catholica Eccleſia* nomen, quia jugulum eſt veſtræ hæreſis: ut propitèræ malit Niſanius ſuam Eccleſiam particularem dici, ne à ſe ſuiſque hæc evidens nota & proprietas exigi poſſit.

Sed reprimiſte, & dicis: *Quod ſi per Eccleſiam Catholicam intelligas eam, quæ eſt æſtructa ſuper fundamentum Prophetarum, & Apoſtolorum, quæque adeò pars eſt homogenea Eccleſiæ Catholica, qualis ante mille annos, & ante defectionem fuit, ita admittere te, inquis, Eccleſiam veſtram eſſe Catholicam.* Sed quàm abſurda hæc ſit reſponſio, conſtat ex eo, quòd omnis eccleſia particularis, præterquam quòd ſit cõſtructa ſuper fundamentum Prophetarum & Apoſtolorum, de factò ſemper debeat eſſe conjuncta cum *uni-verſali*, & *Catholica Eccleſia*, quæ ſub uno capite, & legitimis Paſtoribus, in una fidei profeſſione, Sacramentorum participatione, ſacrificio religionis, ſemper *aſpectabilis* fuit. Ita Eccleſiæ in Germania, Hiſpania, Gallia, Illyrico, ac cæteræ, (de quibus Irenæus & Patres) ſemper conjunctæ fuere cum uni-verſali, & Catholica Eccleſia ad hanc uſque diem; & toto quidem Orbe, & in altero etiam Orbe, ex quibus una uni-verſalis Eccleſia integratur. Ita Eccleſia particularis in Saxonia, Dania, Suecia, ad Lutherum conjunctæ fuerunt, donec per hæreſin veſtram abſcinderentur.

Saltem, inquis, Lutherana eccleſia eſt homogenea, ſive ejuſdem proſus rationis, & indolis cum Eccleſia Catholica, quæ quinque primis ſæculis incorrupta floruit. Id tu dicis, & non probas, neque unquam probabis: non enim homogenea eſt eccleſia veſtra cum antiqua primorum ſæculorum Eccleſia, ſed heterogenea, quia hæretica eſt eccleſia, ut quatuor etiam hiſce libris oſtenſum eſt. II. Hæc reſponſione tu redis ad *labyrinthum*, de quo hic agimus: nam Reformati, Zwingliani, Puritani, Confeſſioniſtæ in Anglia, Anabaptiſtæ, Sociniani, & omnes horum temporum ſectæ idem dicunt, idemque ſibi vendicant. Hinc omnes *Apoſtolicam Eccleſiam* apud ſe inveniri prædicant, qualis primis ſæculis incorrupta fuit, & à ſe ad Apoſtolicam formam reparata ſit. Hoc omnes clamant. & quantum hoc clamant, tantum omnes ſecum pugnare neceſſe eſt, cum *una* tantùm ſit *Eccleſia Catholica* in una fidei profeſſione. Ita Catholici quia toto Orbe in una fidei profeſſione conveniunt, ex hæc

V V V V 2

pugna

pugna vestra veritatem Catholicæ Ecclesiæ monstrant. Quare hæc pugna sectarum, est victoria Catholicorum; quemadmodum Hilarius dixit lib. i. de Trinit. *Lis hæreticorum nostra fides.*

Dicis tu quidem, omnes sectarios vendicare sibi veram Ecclesiam, sed suâ opinione tantum, quæ veritatem rei in se non excludat, nec Lutheranis hujus assertionis veritatem detrahat. Ita quidem est, sicuti *Reformati* non minùs, quàm *Lutherani* dici volunt *Catholici*, quanvis veritas *Catholici nominis* apud solos *Catholicos* remaneat: sed hinc oportet te aliquod argumentum proferre, quo ostendas *solam, veram, Catholicam, & Apostolicam Ecclesiam* apud vos *Lutheranos* esse, ut ex illo *labyrintho* opinionum liberes te, & alios. Veritas enim in indivisibili posita est: sicut Ecclesia est pupilla oculi, quæ ne festucas quidem, multo minus istas trabes errorum intra se ferre potest.

VII. Tandem prodit Nisanius cum argumento in forma hujus syllogismi: *Ecclesia, quæ fidei articulos, quos Christus & Apostoli promulgarunt omnes amplectitur, nullum detrahit, nullum superaddit; quæ sanctimoniam, & observationi mandatorum divinorum, (quantum divina gratia auxilio potest) operam impendit, quæ denique Sacramenta quæ Christus instituit, & quemadmodum instituit, secundum actus essentielles integre administrat; illa est sine dubio sincera, & Apostolica Ecclesia: Jam verò Lutheranorum protestantium est talis; quod per inductionem patet, si doctrinam quam profitetur, contuleris cum apertis Scripturis Prophetis, & Apostolicis: Ergo.*

Prolixus syllogismus, in quo viatico opus antequam decurras. Dicis hunc syllogismum dari: ex definitione Ecclesiæ, in quo tamen nec genus, nec differentia; nec proprietates quidem ac notæ Ecclesiæ redduntur, quales lib. i. tibi ostendimus. II. Minor propositio secundum omnes sui partes falsissima est, nec enim Lutherani omnia fidei dogmata à Christo, & Apostolis promulgata credunt, ut discas ex centone Lutherano suprâ relato, & toto hoc libro tibi opposito; nec sanctimoniam, & mandatorum observationi student, cum doceant *mandata Dei impossibilia*, prætereaque bona opera, quibus justitia conservatur & augetur, rejiciant; nec Sacramenta, quæ Christus instituit, servant, qui præter baptismum nullum Sacramentum integrum retinent; & cum veros Sacerdotes non habeant, cætera præstare non possunt. Igitur tota propositio

stio ex falsa hypothesis procedit. Sedes tu Bilsfeldix, tanquam Patriarcha rectorum; & nihil aliud facis, quàm ut somnia, & deliria texas & intexas, quæ si quis tibi retexat, apparet illico, quibus dolis rudem populum circumducas.

Sed permittamus tibi totum hoc argumentum secundum phantasmatum, quid evincis, nisi ut novo *labyrintho* te includas, & involvas? Nam quidquid hoc syllogismo confici vis, id totum sibi Reformati, Zwingliani, Puritani, Picarditæ, Anabaptistæ, Labbadzani, & centum in Anglia, & Germania sectæ vendicant, eodemque argumento tam certam sibi reddunt suam Ecclesiam, etiam inductione factâ, quàm tu nobis Lutheranam exhibere desudas. Ecce quale tormentum vobis est unica Keddij propositio!

VIII. Prorumpis cum novo syllogismo, tanquam prior tuo etiam judicio infirmior esset. hic nempe talis est: *In quocunque cœtu hominum docetur verbum Dei, quantum ad piam vitam, & salutem consequendam creditu est necessarium, & ministrantur Sacramenta legitime, quoad substantiam, juxta Christi institutionem, ibi in veritate est Christi Ecclesia; Hoc fit in Lutheranæ cœtu: Ergo Lutheranæ ecclesia est vera Christi Ecclesia.* Hoc totum argumentum denuò ex eadem lyra & chorda Prædicantur est. Nihil enim in *Majore*, nihil in *Minore* propositione reperias, quod non idem Reformati, Puritani, Zwingliani, Anabaptistæ, Sociniani, & cæteri novatores religionum de suis congregationibus, & ecclesijs asserant: ut cum hoc syllogismo eundem *labyrinthum* ingrediaris.

Ut autem videas, quàm malam hîc causam rursus agas, repeto totum hoc argumentum tuum falsum esse. Nam dissimulata tantisper *Majore*, *Minor* falsissima est: Neque enim apud Lutheranos docetur verbum Dei, quantum ad piam vitam requiritur, neque dogmata omnia ad salutem necessaria creduntur, neque Sacramenta legitime ministrantur, ut tibi præter innumeros Scriptores, superioribus etiam libris demonstratum est. Quare, quod tibi probandum erat, hîc ex falsa hypothesis denuò assumis: præterquam, quod hæc omnia tibi adversus Reformatos, Anabaptistas, Puritanos, & cæteros sectarios probanda sint. Errare fecit vos in invio, & non in via. Psalm. 106.

Dixi, dissimulatâ tantisper *Majore*, quæ eadem fallacia laborat:

V V V V 3

Nam

Nam verbum Dei, seu sincera prædicatio, & receptio verbi Dei, (ex quo procedit propositio hæc tanquam ex nota veræ Ecclesiæ,) non est nota Ecclesiæ: ratio, quia nota debet esse notior re, quam notat; at ubi fiat illa sincera prædicatio, & receptio verbi Dei, non est notius ipsa Ecclesia, eò quòd ab Ecclesia primum discendum sit, quæ sit vera prædicatio verbi Dei, cum Ecclesiæ sit de vero sensu Scripturæ judicare, ut multis ostendit Bellarm. lib. 4. de Ecclesiâ c. 2. ex sententia SS. Patrum, præterea Valentia, Tannerus, Erbermannus, & alij innumeri Theologi. Sed hæc super re actum lib. 1. de Ecclesiâ. Eadem quoque hic ratio est, de legitima Sacramentorum administratione. Doceas tu primum, apud Lutheranos esse *veros Episcopos, Pastores, & Sacerdotes*, & tum primum constabit, utrumne apud vos sit *legitima Sacramentorum administratio, ex potestate Ordinis & jurisdictionis*. Nam ut notior primum esse debet cultus thesauri, quàm thesaurus; doctòr quàm doctrina: ita Sacerdos & minister Sacramentorum notior esse debet, quàm Sacramenta, cum à doctore petatur doctrina, & à Sacerdote, ac vero ministro Sacramenta, non contrà. *Quomodo predicabunt, nisi mittantur?* Rom. 10. *Ipsè dedit Pastores & doctores.* Eph. 4. *Qui vos audit me audit.* Luc. 10. *Sic nos existimet homo, ut ministros Christi, & dispensatores mysteriorum Dei.* Eph. c. 1.

Interim tu appellas identidem ad verbum Dei. Scio, ita olim etiam omnes pseudoprophetæ appellabant clamando: *Verbum Domini, Verbum Domini*; & tamen *spiritus mendax erat in ore omnium Prophetarum*. 3. Reg. c. 22. Paralip. 2. c. 18. Ita omnes priscæ, & horum temporum hæreses appellant ad verbum Dei, & ex eo Ecclesiam suam nobis demonstrare volunt. Verùm cæteris hic prætermisissis, quæramus, in quo consistat *verbum Dei*? In sola, inquis, sacra Scriptura, & scriptis Prophetarum, & Apostolorum, excluso verbo Tradito. Quæramus ultra: In quo sacra illa Scriptura consistat? Utique in canone, versione, & vero Scripturæ sensu. At quomodo hæc tria probatis reperiri apud solos Lutheranos, quin idem Reformati in Gallia & Hollandia, Puritani & Confessionistæ in Anglia, Zwingliani in Helvetia, Anabaptistæ in Frisia, & centum in Europa novatores religionum, eadem contentione, eodemque quo tu, jure id sibi vendicent? Hic tu non modò Creticum, sed Ægyptiacum ingrede-

ingrederis labyrinthum. Hic tu concurrere facies *Agyptios contra Agyptios, & pugnabit vir contra fratrem suum*, Isa. 19.

IX. Redis, & provocas ad *Scripturam claram*. Hæc enim tua professio est: *Scriptura sacra tam perspicue nobis dogmata ad salutem necessaria tradit, ut ex ea collectivè sumpta, hominè dispositis sensum genuinum haurire possit, sine lumine aliunde allato*. Hic tu totus deliras, qui seposito verbo Tradito, seposito judicio universalis Ecclesiæ, sepositis Concilijs, & Patribus, ad privatum cujusque judicium, & spiritum nos remittis. Hic ille enthusiasmus est omnium hæreticorum toties explosus, quocum totus redis in *labyrinthum Prædicantium*. Nam ad hunc privatum, & fanaticum spiritum tam pertinaciter provocant *Calvinista, Gomorista, Arminiani, Zwingliani, Puritani, Independentes, Confessionista in Anglia, Anabaptista, Sociniani*, quàm Lutherani provocare non possunt.

Ab hoc entusiasmo ut se expediat Nifanius, dicit, aliud esse judicium *ἐξηγητικὸν & προφητικὸν*, quod est judicium explicationis, & prolocutionis de Scriptura, atque id Doctores suis convenire dicit. Aliud verò est judicium *δοκιμασιτικὸν*, sive approbationis, quod populi est, dum approbat ea, quæ à Pastoribus, & Prædicantibus audiunt. Sed hic Nifani agitur de judicio decisivo Scripturæ, eoque publico veræ Ecclesiæ, & infallibili, de controverso fidei dogmate, in quo aliquis quiescere possit, ac debeat, quale judicium Catholici exhibent ex Concilijs Oecumenicis. Hic valet illud ex Apostolorum Concilio Act. 15. *Visum est Spiritui sancto, & nobis*. Lutherani verò, cum Ecclesiam Catholicam non habeant, nec Concilium Oecumenicum, nec assistentiam illam Spiritus sancti, nec infallibile etiam decisionis, & declarationis judicium, de controverso fidei dogmate habere possunt.

II. Hoc judicium enuntiationis, & explanationis in Pastoribus, & approbationis in populo tam varium, & multiplex est, quàm variæ, & multiplices sunt sectæ, in quibus singulæ sibi ex suis doctores, & auditoribus id asserunt: & tamen tantum inter se, & à vobis dissident, quantum secta à secta differat necesse est. Itaque ista Græca verba distinctio- nis, hic λόγοι λόγοι sunt, & inania verba, quibus noviste laqueis induis. Avis semel capta, postquam pedem visco impressit, quo magis alas commovet, eo tenacius sese involvit.

III. Si

III. Si Scriptura est tam perspicua, ut quilibet è populo rite dispositus possit dogmata fidei ex ea dijudicare, tum sanè mirum est ullum adhuc Lutheranum in tota Saxonia reperiri: Nam si Evangelium Christi, & Apostolorum scripta conferamus cum novo Lutheri evangelio & doctrina, tam clarè hæc in Scriptura opponuntur, quàm tenebræ luci. Docet enim Lutherus homini non esse liberum arbitrium, mandata Dei servatui impossibilia esse, opera bona non conducere, neque esse necessaria ad salutem, sola fide justificari homines, nullum peccatum, quantumvis enorme obesse homini, quo minus salvus fieri possit, modo fidem servet, nullam poenitentiam peccatori esse necessariam, & quæ præterea evangelium Lutheri contra perfectionem Evangelicam, & mortificationem carnis, & Evangelium Christi docet, de quibus Lessius in consultatione Consil. I. & II. SS. Patres, & Interpretes. In his tam clara est oppositio Evangelij Lutheri, & Christi, ut cæcus sit, qui legendo non videat. Verbo. Cyprianus de dup. Mart. *Cur semper in ore habent Evangelium, Evangelium, cum tota vita eorum discrepet ab Evangelij præceptis?*

X. Ex hac propositione superioris syllogismi, duas alias propositiones hæreticas procudit Nifanius: quarum prima est, *omnia, quæ ad fidem, & mores spectant, clarè in Scripturis sunt.* Quam in rem multa adfert Scripturæ, & SS. Patrum testimonia: sed hæc omnia à Bellarmino lib. 3. de verbo Dei, Becano lib. i. Man. de Script. q. 4. & 5. Erbermanno lib. 1. de verbo Dei c. 4. Valentia, Tannero, Forero, alijsque ad amussim sunt expensa, & diluta. Etiam talpa multos egerit terræ cumulos, qui facili pede proculcantur, qualia hæc tua sunt, vel obscura vel contorta, vel ad rem non pertinentia ex Gerhardino Augiæ stabulo, cui purgando ne ipse Hercules quidem sufficeret. Et quid attinet hæc toties repetere & proterere? Rem tamen paucis expendamus.

Ac I. licet in multis Scriptura sit clara, quæ ad fidem, & mores spectant, ideo in multis Lutheranum etiam cum Catholicis conveniunt; in multis tamen est obscura, quod omnium Patrum, Theologorum, & Interpretum est judicium, idque divina ordinatione factum docent SS. Patres: Tum ut altiora mysteria occultè traderentur. Ita Dionys. lib. de Eccl. Hierarch. Irenæus lib. 3. c. 4. & lib. 4. c. 36. Tum ad exercenda fidelium ingenia, & fidem. Ita Augustinus de Doct. Christ. c. 6. lib. 11. de civit. Dei c. 14. Hieron. epist. 12. Gregorius M. hom. 12. in Ezech.

Tum



Tum ut Scripturæ intelligentia postuletur à Deo. Ita Origenes hom. 7. in Ezech. Hieron. in Isa. c. 18. Theophylact. in Matth. c. 13. Ex quibus simul constat falsum esse, quod tu dicis, Scripturam à SS. Patribus claram asseri. Qua super re Suarez tract. de fide disput. 5. Addit, in hoc fraudes omnium hæreticorum versari ad plebem decipiendam, eo quòd Scripturam suis claram persuadeant. Tum ut Ecclesiam audiamus, *Quæ est columna, & firmamentum veritatis*, 1. ad Timoth. 3. *Qui vos audit, me audit.* Luc. 10. *Si Ecclesiam non audierit, sit tibi sicut ethnicus, & publicanus.* Matth. 18. Et tamen Nifanius falsissimè scribere aude: *Nuspiam nos Spiritus sanctus remisit ad Ecclesiam, vel Ecclesiæ Concilia, sed ad Scripturam, unicam illam regulam fidei, & controversiarum.* Quid infanlius dici poterat à Lutherano Episcopo, ad omnia Concilia Episcoporum proscribenda, & damnanda? Imo verò, cum Antiochiæ orta esset quæstio, & controversia de legalibus, nunquid res ad Concilium Apostolorum est remissa? Act. 15. ex quo illa vox & decisio relata: *Visum est Spiritui sancto, & nobis.* Lege, quæ in hanc rem Patres, & Theologi ex V. & N. testamento proferunt.

II. Hanc obscuritatem ipsa Scriptura profitetur. S. Petrus epist. 2. cap. ult. de Epistolis Pauli: *In quibus sunt quadam difficultia intellectu, quæ indocti, & instabiles depravant, sicut & ceteras Scripturas, ad suam ipsorum perniciem.* Ita Matth. 13. & 16. ita Actor. 8. leges. Hinc Luc. 24. *Tunc aperuit illis sensum Scripturæ;* & Matth. 24. *Qui legit intelligat.* Et ratio hujus redditur ex rebus quæ traduntur in Scriptura. Nam etli historię & præcepta moralia de virtutibus, & vitijs sint planiora, quo sensu Chrysostomus, Irenæus, alijque Patres à te adducti subinde Scripturam claram asserunt, Prophetiæ tamen, & mysteria fidei de Trinitate, Incarnatione, prædestinatione, justificatione, præsentia in Eucharistia, alijsque, quantum non superant humana ingenia? II. Obscuritas est ex modo, quo tractantur Scripturæ, ob figuratas locutiones, tropos, metaphoras, allegorias, parabolas, ac cetera involucria. Adhæc quàm brevibus verbis, quàm alta mysteria comprehendit Scriptura? Qua super re lege Suarez Bellarm. Becan. & Interpretes. In his Nifanius nos remittit ad iudicium plebis. Aliter sanè Ambrosius epist. 44. ad Constantium Imperatorem scribit: *Mare est Scriptura divina, sensus habens profundos.* Aliter Irenæus: *Altissima mysteria non omnes capiunt, quia non omnes cerebrum habent.*

XXXX

III. Si

III. Si Scriptura est tam clara, ut à quovis dogmata fidei, & morum ad salutem necessaria ex ea intelligi, & dijudicari possint: quid faciunt tot Concilia œcumenica adversus tot hæreses? tot Episcoporum synodi? tot sanctorum Patrum explanationes? Quid ipsius Lutheri, & Lutheranorum commentarij? frustra hæc acta: poterant enim homines remitti ad Scripturam claram, in his omnibus controversijs fidei.

IV. Si tam clara est Scriptura, ut hic obtendis, quare vos Lutherani ex singulari dono applicandi Scripturam, quo dicitis vos valere in praxi, tot sæculi hujus hæreses non componitis in unam concordiam, & Ecclesiam? Imo cum omnes horum temporum sectæ clament Scripturam esse claram, quare non ultro in unam aliquam Patriarchalem Ecclesiam, aut sub Luthero, aut sub Calvino Patriarcha convenitis? Maxime cum videatis Catholicos toto orbe terrarum per tot gentes, & tam diversas nationes in unam Religionem, & Ecclesiam, tam admirabili concordia doctrinæ convenire? Quæ enim *fidei & perfidiæ societas esse potest?* inquit S. Cyprianus M. epist. 3. Quid facit tanta sectarum per Germaniam multitudo, post Lutherum & Calvinum primum introducta? *Quando non tam dolor, quam pudor apud nos loqui debet:* quemadmodum idem Cyprianus in hac causa dicit.

V. Si tam clara est Scriptura, quare à vestra Ecclesia non facitis initium, quæ in tot particulares sectas sub Lutherano nomine est divisa, ut in unam religionis concordiam redigatis? Sunt apud vos Saxonici Lutherani, qui Brentianam Ecclesiam 17. errorum damnant; sunt Melanchthoniani, qui Saxoniam Ecclesiam impugnant; sunt Flacciani, sunt Anhaltini, sunt Osiandrinii, sunt qui Musculum sequuntur, sunt Calixtini, sunt viginti aliæ sectæ, quas apud Prateolum, & Gualterium leges: omnes illæ sub Augustanæ confessionis professione se ferunt, & tamen in capitalibus fidei dogmatibus dissident. si inquam tam clara est Scriptura, quid faciunt illa dissidia in domo vestra? ut non prius in concordiam veniatis, antequam reformationem Catholicæ Ecclesiæ vobis sumatis? Ante Lutherum tota Germania in una majorum Religione se possidebat, imo verò à Carolo Magno, ad annum Christi 1440. ex quo typographia primum inventa est, quàm rara erant biblia in ædibus & manibus civium? & tamen quàm multi pii, justi, & sancti homines per Saxoniam? & plures profecto, quàm à Lutheri evangelio. Postquam vero Lutherus popu-

per hanc remissam, & novatores religionum persuaserunt potius esse tam claram, ut quilibet ex ea se iudicem in doctrina posset; illico tota Germania per inauditam metamorphosin in hæresibus est repleta, & unde hoc malum? nisi quia Scripturam Augustinus dixit, non bene intelliguntur?

Idem Arius: Scripturam etiam in ijs, in quibus clara erat, hæresis obsecro introversam fecit, & per hæreses divisit Ecclesiam. Quid clarius illo? in unum Deum Patrem omnipotentem, creatorem cæli & terræ, non Simoniani, Marcionistæ, Manichæi, & tota Gnostico-rum turba unum Deum creatorem negavit. Quid clarius illo? Verbum Dei non est; & quid non turbavit Arius? Quid clarius illo? Spiritus Sanctus non est; & quid non Macedonius ausus, negando divinitatem Spiritus sancti? Quid clarius illo? Natus ex Virgine, & quid non Nestorius introduxit negando Θεοτόκον Virginem? Quid clarius illo? Hoc est corpus meum, & quot non sectæ super his clavis verbis? aut quantum non Catholici, Lutherani, Calvinistæ, & Sacramentarij dissident? Quid clarius illo? Credo unam sanctam Ecclesiam Catholicam, & tamen, quot sectæ horum temporum eam dividunt, & suam faciunt? etiam illi, qui non nisi particulares ecclesias de facto apud se esse fatentur?

Et vero, cum Catholici Ecclesiam Catholicam ex symbolo Apostolico evincant, Nifanius ipsum symbolum Apostolicum in dubium vocat, ita enim scribit: *Symbolum hoc ab Apostolis iisdem verbis, quibus ab-  
solutum, minime traditum est, neque αὐτολεξὲς est conscriptum: ideo hanc  
traditionem, quia lubrico fundamento nititur, merito rejicimus.* Quò aliò hæc obsecro spectant, quàm ut ipsum Catholicum nomen, & clarissimam illam notam ex symbolo expungant? Nam quæ ad hanc rem Patres adfe-  
runt, ea cum Vossio dicit se rejicere. Quo non hæresis abit? aut quid hic aliud agis? quàm ut alius etiam ex eodem falso tuo principio, omnem et-  
iam Scripturam sacram rejiciat? cùm Scriptura sacra non aliunde certius, quàm ex verbo Tradito probetur, (de quo lib. 1. actum est,) uti id ratio convincit: *Priori enim non datur prius, & cùm primum, & unicum funda-  
mentum credendi apud vos sit Scriptura, & Scriptura ex alia Scriptura*

XXXX 2

sacra

sacra demonstrari non possit, ne detur progressus in infinitum; reliquum est, ut ex verbo Tradito probetur, quod & Kemnitius, alijque Lutherani agnoscunt. Ita verè hic denuo labyrinthum ingrederis, ex quo se nemo Prædicantium expedijt, qui verbum Traditum à Scripto distinctum tecum rejecit.

Altera hîc propositio Nifanij est de articulis fidei ad salutem necessarijs. Nam cum dixisset Lutheranam ecclesiam ex omnibus horum temporum ecclesijs esse veram, & Apostolicam Ecclesiam, eo quod credat omnia dogmata ad salutem necessaria, intelligebat simul à se queri, quænam illa sint dogmata, & unde ista dogmata petenda sint? At mirum, quantum hîc se torqueat, cundo per omnes Lutheranorum, & Calvinistarum officinas, & scriptorum judicia; & cum nihil certi inveniret, in quò pedem figeret, neque ex novo hoc labyrintho elabi posset, invehitur in Catholicos calumniando, dicendoque, quod inter ipsos etiam non conveniat de dogmatibus ad salutem necessarijs. Verùm si Nifanius Catholicos audiret, facilè se ex hoc labyrintho expediret, nec hæreticus esset.

Catholici igitur necessitatem credendi duplicem statuunt, quarum alia est necessitas *Medij*, alia *Præcepti*. De *necessitate medij* est illud, sine quo in re, vel in voto, juxta præsentem rerum statum obtineri beatitudo non potest: tametsi eo quis sine culpa careat, ex quocunque demum capite id contingat. Quemadmodum id exemplo Baptismi clarè ostendunt Theologi.

Necessarium *necessitate præcepti* illud dicitur: quod ex lege aliqua vel mandato, est sub gravi peccato faciendum; differt hæc necessitas à priori, quod quis salvari possit, si omittat ex divino præcepto facienda, eo quod vel facultas ei faciendi non sit, vel quod invincibiliter ignoret præceptum; quod in priori necessitate locum non habet. Hoc modo inter Lutheranos, Reformatos, aliosque heterodoxos multi sunt, qui præcepta, & præscripta fidei dogmata inculpabiliter, & invincibiliter ignorant, ideoque materiales hæretici sunt, non formales, & salvari possunt, modò per baptismum in Ecclesiam sint ingressi, & præcepta decalogi servant: & si lapsi sint in peccatum mortale, per contritionem, & pœnitentiam peccata expient, ac Deo se reconcilient. Quinam vero illi sint, & quàm multi, paucive, Dei est, non hominis judicare. Sanè verò si Gentiles,

tiles, qui lumine naturali aut verum Deum cognoscebant, aut cognoscere debebant, nam quod *notum est Dei*, το γνωστον τῷ Θεῷ, manifestum est illis, Deus enim illis manifestavit; invisibilia enim ipsius à creatura mundi, per ea quæ facta sunt, intellecta conspiciuntur. Ut multis hæc contendit Apost. Rom. 1. Si inquam illi, ut Apostolus dicit, *inexcusabiles* sint, quale Christianis iudicium manet, maximè inter Catholicos versantibus, qui Ecclesiam non cognoscunt, aut ut cognoscant, non inquirunt? quam SS. Patres sole clariorem, & in tabernaculo solis positam docent. Deinde, si iidem Gentiles, *qui sine lege peccaverunt, sine lege peribunt*, teste eodem Apost. Rom. 2. v. 12. & damnabuntur, non tanquam transgressores legis Moisaicæ, vel scriptæ, nam talem ignorabant, sed tanquam prævaricatores legis naturalis, in quam peccaverunt, & quam ignorare non poterant; Quid Christianis futurum, & qui legem Dei impossibilem statuunt? aut quale iudicium erit horum errorum magistris, qui *veritatem Dei in iniustitia detinent*? Rom. 1. vers. 18. & *sola fide*, quæ vel ex hoc ipso fallacit, salutem suis promittunt?

Igitur, ut ad primam quæstionem de necessitate medij, in qua tu Catholicos dissentire inculas, redeamus. R. paucis: De *necessitate medij* primò est ipsa fides supernaturalis in adultis, ad gratiam justificationis, & æternam salutem necessaria: *Sine fide enim impossibile est placere Deo*, Heb. 11. *Qui non crediderit condemnabitur*, Marc. ult. ita S. Thom. 22. q. 2. art. 3. quæ communis est Theologorum doctrina: de quo Suarez disp. 12. de Necessitate fidei sect. 1. alijsque innumeri. Hinc Trident. Sess. 6. c. 7. Baptisum docet esse *Sacramentum fidei*, sine qua nulli unquam contigit justificationem.

II. Inter ipsas res credendas primum est ipse Deus, sive Dei existentia, quæ omni tempore, & in omni legis statu, fide explicita fuit creditum necessaria: *Credere enim oportet accedentem ad Deum, quia est, & inquirentibus se remunerator sit*. Hebr. 11. v. 6. Hæc rursus communis omnium Catholicorum sententia est, de qua Suarez disp. 12. sect. 3. Valentia q. 2. p. 3. Tannerus disp. 1. q. 7. dub. 2. cæteri que Theologi. Ex hoc Apostoli axioma rursus alterum deducitur: Fides nimirum Dei Remuneratoris *necessitate medij* ad salutem necessaria. Quæ iidem est communis Theologorum sententia. Quæ vero alij hic contra movent,

XXXX 3

Utrum-

Utrumne hæc fides in omni casu explicita esse debeat? deinde, an supernaturalis? leges apud eosdem Theologos. Sed hoc denuo hîc ad rem non facit, cum inter Scholasticos terminos disceptetur. Sufficit hic dicere, esse de necessitate mediij, credere Deum remuneratorem bonorum, & vindicem malorum. Id situ cum Lutheranis tuis rectè crederes, ut oportet, non doceres, nullum bonorum operum esse meritum, nec mercedem; Non doceres, mandata Dei non posse servari, neque ex eorum observatione esse remunerationem; Non doceres, sola fide ita justificari homines, ut nulla homini Christiano peccata, qualiacunque illa sint, & quantumvis enormia, obesse possint ad salutem: *Si non sunt merita, quomodo judicabit Deus hunc mundum?* inquit S. Augustinus Epist. 46. ad Valentinum. Hoc præterea dogma ita lumine naturæ notum est, ut nulla prope gens tam barbara reperta sit uspiam, aut tam impia, quin Deum, aut deos suos coluerit remuneratores bonorum, & vindices malorum: quod tamen insitum naturæ lumen hæresis vestra extinxit in suis, qui nec merita bonorum operum, nec remuneratorem agnoscunt, nec aliam damnationis causam, quam ex neglectu, contemptuve Lutheranae fidei, statuunt. *Tamenim dives est Christianus homo, Luthero iudice, ut perire non possit, modo fidem solam retineat.*

III. Post promulgationem Evangelij, de lege ordinaria, ac per se loquendo, semper necessaria fuit necessitate mediij, fides explicita Incarnationis, quâ credas, *Christum esse verum Deum, & hominem, natum, mortuum, & resuscitatum.* Idem est de mysterio SS. Trinitatis. Utrumne verò etiam fides implicita horum mysteriorum ad salutem satis esse possit, sicut in lege naturæ, & veteri Testamento satis erat, maximè in casu, quem ex Catholicis moves; si quis nimirum puer ad usum rationis deductus, & lumine supernaturali adjutus convertat se ad Deum, eliciendo actum fidei, & amoris Dei, quo justificetur, & per consequens ad salutem perveniat, etsi nihil explicitè de Christo adhuc cognoverit, audieritvè? disceptant Theologi, neque huc denuò spectat. imo sufficit in genere vobis respondere, hæc mysteria esse de *necessitate mediij*, in quo omnes Catholici conveniunt, quidquid sit de modo, aut casu aliquo extraordinario. Semper tu ea inter controversa fidei dogmata falso obtrudis, quæ salva fide inter Theologos disputantur, sive id fraude facias, sive ignoran-



ignorantia, tuam conscientiam appello. An tu putas, D. Thomam, & magnos post eum Theologos nescisse, quid hac in re docendum sit; ut illud prius à te, tuisque discendum sit?

His nunc accedit Baptismus, in re vel in voto, necessitate medij necessarius, extra martyrij casum. Quam *necessitatem medij*, si agnosceres, non doceres, infantes sine baptismo, vel in re, vel in voto, salvari.

His postremum addunt Pœnitentiam *necessitate medij*, & præcepti necessariam adultis in peccatum mortale prolapsis, quibus ea vel formalis, vel virtualis necessaria est: sed ab hac necessitate vos rursum absolvit omnes peccatores, quibus sola fide iustitiam, & vitam æternam promittitis: *Tam enim dives est homo Christianus*, inquit Lutherus, *ut perire non possit, modo solam fidem retineat*. Igitur cum Apostolus scribit ad Corinth. Epist. I. c. 6. *Nolite errare, neque fornicarij, neque idolis servi-entes, neque adulteri, neque masculorum concubitores, neque fures, neque avari, neque ebriosi, neque maledici, neque rapaces, regnum Dei possidebunt*; aut cum ad Galat. c. 5. dicit: *Manifesta sunt opera carnis: quæ sunt fornicatio, immunditia, impudicitia, luxuria, & quæ multis ibi percerentur peccata, concludendo, Quoniam qui talia agunt, regnum Dei non consequentur*, nihil ad vestram pœnitentiam spectant, quæ sola fide iustificante absolvitur; nihil quoque ad vos, quando ad Hebr. c. 13. scribit: *Fornicadores, & adulteros iudicabit Deus*; quando Lutherus, qui in sacrilego concubinato vixit, cum sacrata moniali ad ultimum vitæ, à Nisano Beatus ubique Lutherus appellatur, interque choros Prophetarum, & Apostolorum collocatur. Nihil hîc referam de gratia habituali, quæ adultis necessitate medij necessaria statuitur à Catholicis, cum & hanc sola fide iustificante suppleant. Cætera quid attinet referre, quæ hic Prædicans cum omnibus alijs dogmatibus, quæ de necessitate medij, & præcepti necessaria sunt, è medio tollit?

Sed nunc altera quæstio restat, unde dogmata fidei, quæ & necessitate medij, & præcepti necessaria ad salutem requiruntur, petenda sint? Respondent Catholici, ex verbo Dei scripto, & tradito, ex symbolo Apostolico, ex consensu universalis Ecclesiæ, & SS. Patrum, ex declaratione Conciliorum Occumenicorum, inter quæ postremum fuit Concilium

cilium Tridentinum, in quo fidei dogmata adversus hæreticos horum temporum decisa habemus. In his enim *Ecclesia est columna, & firmamentum veritatis*, 1. ad Timoth. 3. Atque hæc dogmata Catholicorum, si sufficienter sint proposita heterodoxo, & heterodoxus suam sententiam cognoscat erroneam, tenetur ex præcepto, sub gravi peccato, illa acceptare, & credere; nisi ex materiali hæretico transire velit in formalem. Qua super re legat Doctores, qui conscientia doctrinam tractant, Sanch. lib. 2. moral. Bona. 2. d. 3. p. 3. Ferdin. de castro Palao. 4. disp. 1. p. 12. Coni. disp. 14. de fid. Filliut. n. 25. Layman. lib. 2. c. 10. & 12. aliosque.

Hic verò cum quaritur à Nifanio, unde dogmata Lutherana fidei ad salutem necessaria sint petenda? remittit nos primò ad Habercornium, à quo systema omnium fundamentalium articulorum fidei confectum sit, quibus addit Kemnitium, Joannem Gerhardi, Danhauerum, Polycarpum Lyserum, & scripta symbolica. Itane quispiam sanæ mentis contempto Catholicæ Ecclesiæ, & omnium Episcoporum & Doctorum Catholicorum judicio, hærebit istorum Prædicantium judicio, ut ab his petat necessaria ad salutem fidei dogmata? præterquam quod idem Reformati, Zwingliani, Anabaptistæ, & centum in Anglia, & Germania Sectarij ex suorum Ministrorum judicio offerant.

II. Remittit nos Nifanius ad Augustanam Confessionem, ad Confessionem fidei Smalcaldicam, ad Catechismum Lutheri majorem, & minorem, ab his enim, inquit, clarè nos doceri ex Scriptura, quæ sint dogmata fidei necessaria ad salutem, imò hæc esse biblia laicorum, inquit Nifanius. Ergo rursus contempto judicio Conciliorum œcumenicorum, & Episcoporum, comittam me judicio Lutheri, & horum judicio, qui confessiones fidei vestræ fabricarunt? Vel illud judicium est fallibile, vel infallibile? Si fallibile, sanè illo judicio me committere non possum, nec debco. Si infallibile? ergo jam præter Scripturam habemus aliud judicium infallibile, quod est contra vestram doctrinam.

Sed inquires, saltem in declaranda, & in explicanda Scriptura infallibile erit, sicut Catholici de suis Concilijs œcumenicis asserunt; *De intelligentia enim hæresis est, non de Scriptura; & sensus, non sermo fit crimen*. Hilar. lib. 2. de Trinit. Verum hic tibi primò probandum est, apud Lutheranos esse veram Ecclesiam, cui assistentia illa Spiritus sancti in declarando

rando vero Scripturæ sensu promissa sit, hoc tu nunquam præstabis: ut hic cum impijs denuo in circuitu ambules. Deinde hoc consilium, & principium, quo juvare me, & in viam reducere volebas, est contra tua principia, qui dicis, & doces: *Nullibi nos Scriptura aut Spiritus sanctus remittit ad Ecclesiam judicium, sed ad ipsam Scripturam, ut ex ea immediate dogmata fidei ad salutem necessaria petamus*; & in hoc Scripturam tam claram esse dicis, ut quilibet ritè dispositus, possit ea dogmata fidei, sine mutato aliunde lumine cognoscere, dijudicare, & tutò credere. At verò quid hîc aliud rursum agis, quàm ut ad tuum labyrinthum redeas? Nam quidquid promittis ex judicio Lutheri, ex Augustinæ, & Smalcaldicæ confessione, aut scriptis symbolicis vestrorum Ministrorum, hoc totum promittunt Calvinistæ, Zwingliani, Puritani, Confessionistæ in Anglia, Anabaptistæ, Sociniani, cæteri que novatores religionum, ex suarum Confessionum, scriptorum symbolicorum, conciliabulorum judicio, imo tam firmiter stant Calvinistæ Calvini, Zwingliani Zwinglij, & alij novatores suorum auctorum judicio, quàm Lutherani Lutheri, eandemque Spiritus sancti assistentiam suis ecclesijs tribuunt. Hic ergo aliquo argumento evidente, & certo, ex hoc inextricabili labyrintho expedire nos debes, quod ex proposito Keddij postulato requiritur. Sed vide, ne pro ingenio priscorum hæreticorum denuo agas, de quibus Tertullianus lib. contra Valentinianos: *Habent artificium hæretici, ut prius persuadeant, quàm doceant. Veritas autem docendo persuadet*. Prædicantes estis, & nihil unquam probantes.

Demum, cum te expedire non posses, dicis dogmata ad salutem necessaria, quibus Lutherani à Papistis, & Reformatis discernuntur, non esse ad salutem necessaria, ita enim sub initium libelli scribis: *Esto dogmata propriè Lutherana, hoc est, ut ego intelligo, quorum assertione Lutherani à Papistis & Reformatis discernuntur, & illis per invincibilem forte errorem negatis, possit quis esse membrum veræ Ecclesiæ; sufficit tamen quod Scripturis divinis non sint adversa*. Ex his constat, te profiteri Lutherana dogmata, quantum differunt à Catholicorum, & Reformatorum dogmatibus, non esse adversa Scripturæ, aut per invincibilem ignorantiam innoxie credi posse: & cum idem tibi dicendum sit de Catholicis, & Reformatis, perinde secundum te erit, in quacunque religione ex his

YYYY

tribus

tribus quis vixerit. Quod jam ante te, Calixti vestri dogma fuit, eò quòd hæ tres religiones, secundùm Apostolorum symbolum, omnia credant ad salutem necessaria.

Sed quid jam respondebis alijs religionum novatoribus? qui idem de sua religione contendunt, & in hanc triadem non minus admitti volunt, quàm Lutherani: eò quòd dicant, se nihil Scripturæ adversum docere, aut credere. Hic tu novum denuo, & periculosissimum labyrinthum ingrederis, quòd illis urgentibus admittere cogaris, quemlibet in sua religione posse salvari, modò Scripturam retineat, eamque secundùm suæ congregationis judicium sequatur. Hactenus te Nisani per omnes errorum tuorum labyrinthos comitatus sum, modò ultrà sequi non possum, quia ad præcipitium Acherontis me deduxisti, ubi impij, & athei cruciantur.

Interim his omiſſis, redeamus ad nostra, quæramusque primò, quæ sint illa dogmata, in quibus Lutherani à Catholicis, quos tu Papistas, & Pontificios appellas, discernantur? hæc verò tu nec profers, nec recensere audes: facilè autem, ac planè cognoscēs ex Concilio Tridentino, si per singulas Sessiones eundo, relegas damnata Lutheranae religionis dogmata; aut si ea, quæ in Centone Lutherano indicavimus, perconsulere velis. Hæc verò Lutherana dogmata, si tu dixeris Scripturæ non esse adversa, aut ad salutem non esse necessaria, nã tu plus quàm lupinum stomachum habes, qui hæc ex Scriptura concoquere possis, quin non omnes omnino horum temporum hæreses in unam Ecclesiam, & religionem simul componas.

II. Quæramus quæ sint dogmata, quibus Lutherani à Reformatis, seu Calvinistis discernuntur? Nec ea tu profers in medium. Interim alij plures, alij pauciores recensent. Est inter vos, qui centum errores Calvinistarum, diversos à vestris, edito libro perconsulat: sed non opus tanta multitudine, quando satis constat, Lutheranos à Calvinistis separari auctore hæresis, ministerio verbi, templis, cœtibus, ritibus, ministris, eorumque ordinatione, & potestate, Sacramentorum administratione, doctrinâ religionis. At his, & cæteris hic omiſſis, docent Calvinistæ, Christum in cœna sua non esse verè, & realiter præsentem, contra Lutherani verè, & realiter præsentem esse docent: quæ duo cum contra-

dictoria

dictoria sint, nunquam convenire possunt in unam veritatem: ut aut Lutheranos, aut Calvinistas falsam cœnam administrare necesse sit. Itaque si hæc non sunt necessaria dogmata salutis, sed tanquam adiaphora religionis, nihil interest, sive Calviniani, sive Lutherani ministri populo imponantur, sive cœnam à Calvinistis, sive à Lutheranis accipias. Verbo, nihil interest, Lutheranus sis, an Calvinianus. Ecce qualem Superintendentem, & episcopum animarum vestrarum, & quàm fidum ministrum vos Bilsfeldienses Lutherani sortiti estis ex Dania, qui ex una religione transformat vos in aliam! Quid verò Apostolus Paulus? 1. ad Corinth. 4. v. 1. *Sic nos existimet homo, ut ministros Christi, & dispensatores mysteriorum Dei. Hic jam queritur inter dispensatores, ut fidelis quis inveniatur.*

Scribas tu nunc, & exscribas, quantum placet; dicas & garrias, quantum vis, curras in tuo labyrintho, quantum potes. Hic tu nullum exitum reperiēs, nisi ad Catholicam, & Apostolicam Ecclesiam redeas, quæ primum inquirenda per veras notas, & proprietates suas in Scriptura, in symbolo Apostolico, & in Concilijs propositas: inventâ verâ Ecclesiâ, invenes veram assistentiam Spiritus sancti, & infallibilem controversiarum decisionem in Concilijs œcumenicis, ex Pontificum, & Episcoporum judicijs: quos Spiritus sanctus posuit regere Ecclesiam Dei, quam acquisivit sanguine suo. Extra hanc Ecclesiam uti nec veritas, ita nec salutis spes promissa est. Quemadmodum inter cæteros Patres S. Augustinus ad Emeritum Donatistarum Episcopum, Serm. super gestis cum Emerito scripsit, quæ & mihi ad Lutheranum Episcopum scribere licebit: *Salutem non potest habere nisi in Ecclesia Catholica. extra Ecclesiam totum potest habere præter salutem: potest habere honorem, potest habere Sacramentum, potest cantare Halleluja, potest respondere Amen, potest Evangelium tenere, potest in nomine Patris, & Filij, & Spiritus sancti, fidem & habere, & predicare; sed nusquam nisi in Ecclesia Catholica salutem potest invenire.* Lib. verò contra lit. Petiliani c. 13. *Quarimus unde fuerit diabolus homicida ab initio? & invenimus, quod primum hominem occiderit, non gladium stringendo, sed persuadendo peccatum, & à Paradisi felicitate ejiciendo. Quod tunc Paradisus, hoc nunc Ecclesia. Diaboli ergo filij sunt, qui homines ab Ecclesia seducendo interficiunt: sicut ergo*

YYYY 2

per.

per verba Dei novimus, ubi sit Paradisus plantatus; sic per verba Christi, ubi sit Ecclesia, didicimus: per omnes inquit gentes, incipiens ab Hierusalem. Ab isto universo ad partem quamlibet, quisquis separat hominem, ille diaboli filius, & homicida convincitur. Inde Epist. 15. 2. ad populum factionis Donatist. Quisquis ergo ab hac Catholica Ecclesia fuerit separatus, quantumlibet laudabiliter se vivere existimet, hoc solo scelere, quod à Christi unitate disjunctus est, non habet vitam, sed ira Dei manet super eum. Lib. 4. contra Donatist. c. 8. Constituamus aliquem castum, continentem, non avarum, non idolis servientem, hospitalitatem indigentibus ministrantem, non cuiusquam inimicum, non contentiosum, patientem, nullum amulantem, nulli invidentem, sobrium, frugalem, sed hæreticum; nulli utique dubium est, propter hoc solum, quod hæreticus est, regnum Dei non possessurum. Tom. 3. D. August. seu D. Fulgentius de fide ad Petrum Diaconum c. 39. Firmissimè tene, & nullatenus dubites, quemlibet hæreticum, vel schismaticum in nomine Patris, & Filij, & Spiritus sancti baptizatum, si Ecclesia Catholica non fuerit aggregatus, quantascunque elemosynas fecerit, & si pro Christi nomine etiam sanguinem fuderit, nullatenus posse salvari: omni enim homini, qui Ecclesie Catholica non tenet unitatem, neque baptismus, neque elemosyna quamlibet copiosa, neque mors pro Christi nomine suscepta, proficere poterit ad salutem, quamdiu in eo hæretica, vel schismatica pravitas perseverat, qua ducit ad mortem. Et quæ non in hanc rem Augustinus de Bapt. contra Donatist. lib. 4. c. 17. Tract. 6. in Joannem, lib. 1. de serm. Dom. in monte c. 9. cæterique Patres ac Scriptores? Quare redi ad Catholicam Ecclesiam, ex qua omnes novæ & veteres hæreses exierunt, Joan. 1. c. 2. Ex nobis prodierunt, sed non erant ex nobis: nam si fuissent ex nobis, permansissent utique nobiscum.

Nam in quanto stultitiæ, & vanitatis errore verferis, vel ex hoc ipso labyrintho satis intelligis. Vis totam Ecclesiam Catholicam reformare, hinc tot Catholicorum dogmata oppugnanda, & expugnanda suscepisti: nec tamen ex hac unica propositione P. Keddij te expedire potes, ut vel in speciem prudenti viro Lutheranae ecclesie veritatem ostendas. Quare, si quid respondere cogitas, primum ex hoc labyrintho te evolvas, & pressè, ac solidè aliquid ad rem ipsam repone, omissis illis ambagibus, & rerum involucris. Id nisi præstiteris, scito nec me, nec alium facile



cile ad ejusmodi phlyarias, quales hæcenus scripsisti, & ad inanem illam garrulitatem, te responso dignaturum. Et quid tu serò tandem fundatissima Catholicæ religionis principia ab Ecclesiâ posita, à tot Conciliorum Patribus asserta, atque à tot Doctõribus, & Theologis solidata, cvertere tentabis? Crede mihi, tam inani, & stulto labore te fatigabis, quàm si Danus aliquis rusticus velit impulsu manus aheneum murum perfringere, aut ligneo bidente munitissimam Germaniæ arcem expugnare. Nondum videris scire, quantum ignores, & desipias, aut quantum te in omnem partem quis rotare possit; tam lubrico ubique pede stas, quàm fallax in omnibus est hæresis tua. Cypriani illud monitum, potius accipiamus ad Demet. *Qui ad malum motus est mendacio fallente, multo magis ad bonum movebitur veritate cogente.* Id vel eo magis ex consilio ejusdem Cypriani Episcopi, ac Martyris hîc apud nos valere debet, quod in epistola ad Quirinum scribit: *Nihil potest esse commune mendacio, & veritati, tenebris & luci, morti & immortalitati, Antichristo & Christo. Per omnia enim debemus Ecclesiæ Catholicæ unitatem tenere, nec in aliquo fidei & veritatis hostibus cedere.* Quam in rem velim legas, quod S. Augustinus lib. de utilitate credendi, cap. i. de seipso scribit: *Quid me aliud cogebat annos ferè novem, spreta religione, qua mihi puerulo à parentibus insita erat, homines illos sequi, ac diligenter audire? nisi quod superstitione terreri, & fidem nobis ante rationem imperari dicerent: se autem nullum premere ad fidem, nisi prius discussa, & enodata veritate; Quis non his pollicitationibus illiceretur? præsertim adolescentis animus cupidus veri, etiam nonnullorum in schola doctõrum hominum disputationibus superbus & garrulus: qualem me tunc illi invenerunt, spernentem scilicet quasi aniles fabulas, & ab eis promissum, apertum & sincerum verum tenere, atque haurire cupientem? Sed quæ rursum ratio revocabat, ne apud eos penitus hærerem, ut me in illo gradu, quem vocant auditorum, tenerem, ut hujus mundi spem atque negotia non dimitterem: nisi quod ipsos quoque animadvertēbam, plus in resellendis alijs disertos & copiosos esse, quàm in suis probandis firmos, & certos manere?*

Sanè verò, qui totum hunc librum tuum, & aliorum Prædicantium scripta de veritate Lutheranæ Ecclesiæ perlegerit, expenderitque reipsâ, non aliud comperiet, quàm Scepticorum, & fallacem priscorum hære-

YYYY 3

ticorum

ticorum doctrinam, qui ut Augustinus dixit, pollicitatione magni erant, seu ut Tertullianus lib. de Præscript. refert, semper illud Christi in ore habebant: *Quærite, & invenietis.* Quærite apud nos veritatem, quærite Ecclesiam, & apud nos invenietis. Ad quæ Tertullianus: *Sed ubi finis querendi, ubi statio credendi? Apud Marcionem? vel Martinum Lutherum? Sed & Valentinus, & Calvinus proponit: quærite, & invenietis. Apud Valentinum, & Calvinum? Sed & Apelles, & Ebion, & Simon, & Zwinglius, & Menno, & Gomarus, & Arminius, & Socinus, & omnes ordine habent aliud, quo se mihi insinuant. Ero igitur nuspium, dum ubique convenior.* Imò verò cum impijs in hoc labyrinthi circuitu vagus, incertusque, ad fatalem mundi diem oberrabo, nec quietus ero. *Columba, Gen. 8. quam emisit Noë, cum non invenisset, ubi requiesceret pes ejus, reversa est ad eum in arcam.* Arca verò, SS. Patrum judicio, typus erat Catholicæ Ecclesiæ, quos inter D. Hieronymus comment. in c. 11. Isa. *Quod arca in diluvio, hoc Ecclesia in mundo.* & in Epist. 57. Dardan. *Si quis in arca non fuerit, peribit regnante diluvio.* Id quod multo planius definitum in Concil. Lateranensi c. 1. *Una est fidelium universalis Ecclesia, extra quam nullus omnino salvabitur.* Vale.

**Q**Uæ hisce quatuor libris de Carolo M. Romano-Catholico scripti, ea omnia Romanæ quoque Ecclesiæ judicio submitto, idque ipsius Caroli M. exemplo, qui Romanam Ecclesiam caput, & originem omnium Ecclesiarum, Sacerdotalem matrem, & magistram fidei, in omnibus venerari se profitetur; quocum in Epistola ad Elipandum, & Hispaniæ Episcopos dico: *Apostolica sedi, & antiquis ab initio nascentis Ecclesiæ, & Catholicis traditionibus, tota mentis intentione, & tota cordis alacritate conjungor.*



F I N I S.

E R R A T A.

Pag. 65. l. 6. lege Paulus  
Pag. 234. l. 18. lege Regis  
Ibid. l. 28. lege Romanæ  
Pag. 376. l. 23. lege persolvendum

Pag. 378. l. 16. lege quot  
Pag. 381. l. 3. lege lib. 1. c. 18.  
Pag. 488. lin. 21. lege subjungit:  
Pag. 532. lin. 26. lege adjecto:















9-3-2

